











INRI

323680

323680

**HISTOIRE**  
ECCLESIASTIQUE  
DES ISLES  
ET ROYAVMES  
DV IAPON.


Recueillie par le **P. FRANÇOIS**  
**SOLIER**, Religieux de la  
Compagnie de IESVS.  
**TOME SECOND.**

Avec Privilège du Roy.

A PARIS  
Chez Sebastien Cramoisy,  
rue S. Jacques, aux Cigognes

M D C XXVIII.

Van Lothoven fecit





1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800





A

MONSEIGNEVR

MESSIRE

IEAN IAVBERT

DE BARRAVT.

EVESQVE DE BAZAS.



MONSEIGNEVR,



*Le premier tome de cette histoire a esté dedié par son Auteur à Saint Xavier, qui apres Dieu, a esté le plus grand instrument des merueilles qui se sont faictes au Iapon, depuis qu'il y porta l'Euangile. I'ay sceu par l'impresion que i'ay faicte des lettres que cét Apostre escriuoit du bout du monde, le contentement que vous preniez de voir son zele enflammé pour la conuersion de ces peuples, & que par l'estendue du vostre la version en auoit esté fai-*

à ij



## EPISTRE

*Ête, afin de porter les ames à prier pour l'agrandissement du Royaume de IESVS-CHRIST. Cela m'a fait croire que vous auriez agreable que ie vous fisse voir maintenant ce qui a suivy de si genereuses pensees, & les fruits qui sont creus au mesme lieu, où ont esté escrites plusieurs lettres que vous chérissiez avec tant de raison. Le bon Pere qui est mort apres avoir acheué ce liure n'auoit point pris d'autre patron que celuy qui luy en auoit fourny le sujet : i'ay estimé neantmoins que vous adressant cette seconde partie, ie ne faisois rien contre ses intentions; puis que par la deuotion que vous portez à Saint François Xavier, & par vne charité semblable à la sienne, vous ne vous separez point de luy. Et ma pensee a esté éprouuée du iugement de ceux, qui ayans le bien de connoistre mieux que moy le merite de vos vertus, les honorent parfaictement, & en font l'estime qu'ils doiuent. Pour moy ie diray avec respect qu'elles m'ont rendu*

MONSIEUR,

Vostre tres-humble, &  
tres-obéissant serui-  
teur S. CRAMOISY.





TABLE DES CHAPITRES  
DE L'HISTOIRE  
ECCLESIASTIQUE

DES ISLES ET ROYAUMES

D V I A P O N.

D V LIVRE VNZIESME.

**D**IVERS Euesques du Japon. Monseigneur Pierre Martinez y arriue le premier, commence à exercer sa charge, & visite le Tayco, Chap. I. 1

Appareils que le Tayco fit pour receuoir les Ambassadeurs de la Chine; suite de l'un, & comme il fut puny, Chap. II. 6

Autres preuues de la vanité du Tayco, Empereur du Japon, & comme il estoit trauerse, Chap. III. 10

Effroyables tremblemens de terre & saillies de la mer, arriuées cette année au Japon, Chap. IV. 13

Entrée des Ambassadeurs de la Chine, honneurs & traitement que le Tayco leur fit, Chap. V. 18

La colere du Tayco ralumée contre le Coraz, & la guerre recommencee, Chap. VI. 23

Des Royaumes de Bungo, Fingo, Saxuma, & autres quartiers du



# TABLE

<i>Ximo, Chap. VII.</i>	26
<i>Heureux decez de Madame Maxence sœur du Roy d' Arima, &amp; quelques miracles arriuez en ce quartier là, Chap. VIII.</i>	32
<i>Conuersion du plus riche Marchant qui fût à Meaco, ensemble de sa femme, Chap. IX</i>	38
<i>Guerison d' une Dame possedee, &amp; constance de diuers Chrestiens, Chap. X.</i>	41
<i>Du Capitaine Iean, &amp; sieur Thomas, personnages tres-gracieux en leur conuersation, &amp; des rares exploicts qu'ils faisoient en la conuersion des Idolatres, Chap. XI.</i>	45
<i>Rare exemple de chasteté d' une fille Bungoise: &amp; une femme deliuree du malin esprit, Chap. XII.</i>	49
<i>Les Peres' Deschaux venus des Philippines au Iapon, disgraciez du Tayco, &amp; de ses Officiers à Meaco, Chap. XIII.</i>	52
<i>Menees de Faranda Queymon &amp; Faxegaba, principales causes de la mort des Peres Deschaux, &amp; de leurs compagnons crucifiez, Chap. XIV.</i>	55
<i>Bris du galion saint Philippe, ietté par la tempeste à la rade du Iapon, &amp; comme le Tayco s'empara de tout ce qu'il portoit, Chap. XV.</i>	59
<i>Occasion que le Tayco prit du Gallion saint Philippe, pour faire mourir ceux qui preschoient le saint Euangile au Iapon, Chap. XVI.</i>	63
<i>Du grand desir de souffrir le martyre, que montrerent, plusieurs Chrestiens &amp; Chrestiennes, grands &amp; petits, dès le commencement de cette persecution, Chap. XVII.</i>	72
<i>Le Tayco declare n' auoir entendu comprendre les Religieux de nostre Compagnie, en la sentence de mort qu'il auoit donnee contre ceux des Philippines, &amp; leurs adherans, Chap. XVIII.</i>	80
<i>Six Religieux de l' Ordre saint François, trois de nostre Compagnie, &amp; dixsept autres Chrestiens condamnez à la mort, Chap. XIX.</i>	84



## DES CHAPITRES.

*Les Vingt-quatre prisonniers ont chacun un bout de l'oreille coupée à Meaco, puis sont honteusement menez par les rues de Meaco, mesme d'Ozaca, & Sacay, Chap. XX.* 89

*De Sacay les Vingt-quatre Chrestiens sont menez au Royaume d'O-mura, d'où Fazembure les devoit conduire à Nangazaqui: & comme le nombre creut de deux, Chap. XXI.* 92

*Les Religieux & Chrestiens condamnez à mort par le Tayco, sont crucifiez près la ville de Nangazaqui, Chap. XXII.* 99

## DV LIVRE DOVZIESME.

**T***Raueses que les Chrestiens endurerent en diuers quartiers du Iapon, à l'occasion de la rigueur de laquelle le Tayco usa enuers les Vingt-six martyrs, Chap. I.* 105

*Continuation de la guerre du Coray, & nouvelle Ambassade envoyee des Philippines au Iapon, Chap. II.* 108

*Edict nouveau du Tayco, par lequel il bannit du Iapon les Religieux de la Compagnie de I E S V S, & ce qu'il en reüssit, Chap. III.*

III

*Le College d'Amacusa, & le Seminaire d'Arie dissous, & nos Peres espars en diuers endroits du Iapon, pour ayder secrettement les Chrestiens, Chap. IV.* 114

*Nouvelles afflictions arriuées à la Chrestienté du Iapon, & de quelques Eglises destruites és quartiers de Ximo, Chap. V.* 116

*Arriuee du Reuerendissime Louys Serqueire Euesque du Iapon. Maladie du Tayco: & comme il disposa de son estat & Monarchie, Chap. VI.* 119

*Décès du Tayco; comme il voulut estre couché au rolle des Camis Iaponois, & du particulier ordre qu'il establit pour conseruer la Monarchie à son fils, Chap. VII.* 124



## TABLE

*Extraction du Tayco Monarque du Iapon, & par quels degrez la vivacité de son esprit l'esleua à si haute dignité, Chap. VIII. 129*

*Bon succez des affaires de la Chrestienté au Iapon, depuis la mort du Tayco, Chap. IX. 133*

*Les dix Regens ou Gouverneurs du Iapon, diuisez en deux factions, l'une de Gillunoscio, l'autre d'Asonodangio, Chap. X. 137*

*Deux borrasques suscitees contre nostre Compagnie au Iapon, l'une par Tarazaba, Gouverneur de Nangazaki: l'autre par Fruyn Prince de Firando, & du bien que Dieu en tira pour sa gloire, Chap. XI. 140*

*Fruit tiré de diuerses Missions extraordinaires faites au Iapon l'an quatre-vingt dix huit, & dix-neuf, Chap. XII. 148*

*Temple basti au feu Tayco suivant son testament; & quelques prodigieuses apparitions de la sainte Croix, Chap. XIII. 151*

*Estat auquel se trouuoit la Chrestienté & nostre Compagnie es Isles du Iapon, sur le commencement de l'an seize cens; & decez de deux Peres, Chap. XIV. 154*

*Recueil de quelques actes de diuerses vertus, & autres choses d'edification, arriuees es quartiers de Nangazaki, Arima, & Omura, l'an seize cens, Chap. XV. 157*

*Des Isles de Xiqui, où l'Euesque du Iapon se tenoit l'an seize cens: d'Amacusa, Fingo, & lieux circomuoisins, Chap. XVI. 162*

*Des residences de Firoxima, Bugen, Chicungo, Bungo, Voari, & autres, Chap. XVII. 167*

## LIVRE TREIZIESME.

**N***ouveaux troubles arriuez en la Monarchie du Iapon, par une ligue dressee contre Dayfusama: & combien il prit de peine de s'allier avec Dom Augustin, Chap. I. 171*

*Deplorable mort de Madame Grace Royne de Tango, laquelle arriva*



## DES CHAPITRES.

*en la ville d'Ozaca, durant les reuoltes des liguez contre Dayfusama.*  
Chap. II. 175

*Guerre des Gouverneurs & Regens contre Dayfusama: destruction  
du fort de Fuximi près Meaco, & prise du fort de Guysu au Royau-  
me de Mino, Chap. III.* 178

*Troubles des Royaumes de Bugen, Bungo, & autres du Ximo, &  
comme Dayfusama defit les Regens, & autres liguez, en bataille ran-  
gee, Chap. IV.* 181

*Afflictions & trauerses que nos Peres souffrent au Iapon, durant  
les susdits troubles, & pertes que fit la Chrestienté, Chap. V.* 186

*Trauaux qu'endurent les Chrestiens de la forteresse d'Vto, & nos  
Peres qui s'y rencontrent durant le siege, & depuis mort du Pere Recteur  
de cette maison, Chap. VI.* 189

*Ce qui passa en la forteresse de Iateuxiro, entre le sieur Iacques Mi-  
masaca, Gouverneur de la place, & nos Peres, qui residoient là,  
Chap. VII.* 193

*Arrivée de Ximandono à Nangazaqui, & la terreur qu'il donna  
à nos Peres, à cause des Chrestiens de Firando qui s'estoient retirez là.  
Chap. VIII.* 196

*Sommaire de ce que le sieur Augustin Tzucamidono souffrit en prison:  
sa fin & obseques, ensemble de son fils aîné, Chap. IX.* 200

*Grands biens que Dieu tira de tous les maux susdits. Bonne volonté  
que Dayfusama monstroît à nos Peres, & patentes qu'il leur oëtroya  
pour resider au Iapon, Chap. X.* 207

*Departement des Royaumes du Iapon, fait par Dayfusama, &  
les commoditez qui en reuindrent à l'Eglise du Iapon, Chap. XI.*  
210

*Reduction à la Foy Chrestienne & Catholique, de Constantin  
Roy de Bungo, fils de François, & des affaires de Fingo, Ch. XII.*  
214

*Danger que les Roys d'Arima & Omura coururent de perdre leurs*



## T A B L E

*Estats, & comme Dieu tourna en mieux pour eux, pour l'Eglise, & pour nos Peres, & au desauantage de Ximandono, Chap. XIII.*  
218

*Erection du nouveau Clergé du Japon, & diuers desseins du Seigneur Euesque faits à Nangazaki, Chap. XIV.*  
223

*Ce qui passa de plus remarquable cette annee, tant es maisons d'Arima & Omura, qu'es residances qui en dependoient, Chap. XV.*  
228

*Des funerailles que Iecundono Nangaioca, Seigneur du Royaume de Bugen, fit par deux fois faire à Ozaca, pour Madame Grace sa feu femme, Chap. XVI.*  
232

*Du College de Nangazaki, & de ses dependances l'an seize cens deux, Chap. XVII.*  
235

*Des maisons d'Omura, Arima & leurs residences, pour l'an mil six cens deux, Chap. XVIII.*  
240

## DV LIVRE QVATORZIEME.

**P***Ersecution de Canzagedono nouveau Roy de Fingo, esment contre les Chrestiens, apres la mort de Dom Augustin, Chap. I.*  
244

*Fruits que nos Peres faisoient cette annee es quartiers de Meaco, Chap. II.*  
249

*Des maisons d'Ozaca, Facata, Amanguci, Fuximi, & Adjacentes, Chap. III.*  
254

*Dayfusama change de nom, visite le ieune Prince fils du feu Tayco. Ruine du Grand Daybur, Chap. IV.*  
262

*Deux furieux assauts liurez à la Chrestienté du Japon & à nos Peres, l'an mil six cens trois, Chap. V.*  
265

*Estat auquel se trouuoit la Chrestienté du Japon, & la Compagnie de IESVS, tant pour le spirituel, que pour le temporel l'an mil six cens trois, Chap. VI.*  
269



## DES CHAPITRES.

*Du College de Nangazaki & ses dependances, maisons d' Arima & Omura, avec leurs annexes, Chap. VII.* 273

*Maisons de Meaco, Ozaca, Faximi, & leurs circonuoisins, Chap. VIII.* 277

*Canzagedono Seigneur de Fingo, recommence à persecuter les Chrestiens en la ville de Iateuxiro, Chap. IX.* 280

*Glorieux martyr de Mynamy Gorasäimon Jean, Gentil-homme Iaponois, Chap. X.* 284

*Martyr du Bien-heureux Gifioie Simon, vaillant Capitaine Iaponois Chap. XI.* 289

*Martyr des Saintes Dames Ieanne, Agnes, Magdeleine, & du petit Louys, fils adoptif de Gorasäimon Jean, Chap. XII.* 296

*Conuerfion du ieune homme qui auoit decapité & crucifié les Martyrs: & emprisonnement des trois Gifiaques, pour la Confession de la Foy. Chap. XIII.* 302

## DV LIVRE QVINZIESME.

**E** Stat du Iapon en general, puis de la Chrestienté & de la Compagnie de I E S V S, l'an mil six cens quatre, Chap. I. 308

*Colleges d' Arima & Omura avec leurs residences, Chap. II.* 311

*Persecution que Tarabaza fuscita en l'Isle d' Amacura, pour l'accomplissement des folastres vœux, qu'il disoit auoir fait à ses Forques, Chap. III.* 314

*Constance de Sacojamon Iacques, & autres Chrestiens, refugiez au Royaume de Saxuma, Chap. IV.* 318

*Trauerfés que le Mory Roy d' Amanguci, donna certe année à la Chrestienté qui viuoit en ses terres, Chap. V.* 321



# TABLE

Residence de Facata, & Aquizuqui au Royaume de Chicagen,  
Mission vers Chicungo, Chap. VI. 327

Residence de Cosura au Royaume de Bugen, Firoxima & lieux cir-  
conuoisins, Chap. VII. 330

Maisons de Meaco, Fuximi, Ozaca & leurs dependances,  
Chap. VIII. 335

Estat seculier du Iapon, pour l'an mil six cens cinq, nouveau Xo-  
gun, & diuers fleaux du ciel, Chap. IX. 339

Estat de la Chrestienté du Iapon en general, pour l'an mil six cens  
cinq; & des Peres de l'Ordre de Saint François, lesquels y arriuent  
de nouveau, Chap. X. 343

Estat vniuersel du Clergé, & de la Compagnie de I E S V S, es  
Isles du Iapon, l'an mil six cens cinq, Chap. XI. 347

Admirable histoire de l'ame d'un Escriptain damné, qui retournoit  
en la ville d' Arima, Chap. XII. 350

Merueilles qu'operoient cette année quelques pieces de deuotion que  
Saint François Xavier, arriuant la premiere fois au Iapon, auoit lais-  
sées au Royaume de Saxuma, Chap. XIII. 354

Comme il faut honorer les lieux saints, & priser les vœux saints  
à Dieu: exemples arriuez es Isles d' Amacusa, & ailleurs, Ch. XIV.  
358

Persecution renouvellee contre les Chrestiens au Royaume de Fingo,  
& emprisonnement de Iean Chef des Giskaques, Chap. X V. 360

Michel, Marie, & Ioachim faits prisonniers pour la Foy Catho-  
lique à Iateuxiro, & vingt-six autres Chrestiens, Chap. XVI.  
365

Diligences faictes pour ayder & consoler tant les prisonniers, comme  
les autres Chrestiens de Iateuxiro, Chap. XVII. 368

Martyre & mort de Melchior Cumangaie Bugendono, decapité  
par le commandement du Mori, Seigneur d' Amanguci, Ch. XVIII.  
373



## DES CHAPITRES.

*Glorieux martyr de Damian l'aueugle, executé à mort en la ville d'Amanguci, par le commandement du Mory, Chap. XIX. 381*

*Ruse de Satan pour ruiner la Chrestienté au Royaume de Iamba, mais sans effet, Chap. XX. 386*

*Residences de Meaco, Fuximi & Ozaca, Chap. XXI. 388*

*De Canga, Noto, Yechu, & autres Royaumes de Foccocu, Chap. XXII. 394*

*Recueil des choses plus remarquables qui se passerent cette annee en la ville de Nangazaqui, & ses dependances, Chap. XXIII. 396*

*Voyage d'un de nos Peres vers Yendo, capitale ville des Royaumes de Quanto, où personne n'auoit encore presché, Chap. XXIV. 401*

## DV LIVRE SEIZIESME.

**L'***Euesque du Iapon visite le Cubo sur le commencement de l'an mil six cens six, & son Eglise souffre deux bourrasques, Ch. I. 405*

*Estat general de la Compagnie de I E S V S au Iapon, en l'annee mil six cens six, & du College de Nangazaqui, Chap. II. 409*

*Fruits spirituels cueillis cette annee par nos Peres habitans au College d'Arima, & ses dependances, Chap. III. 414*

*Mort de Ioachim un des trois Gisiaques, detenus prisonniers à la-tieuxiro patience des autres deux : & vertus de deux personnes de Facata, Chap. IV. 418*

*D'une Isle du Iapon qu'on appelle la belle Isle, & du iugement du fer rouge de feu, qui s'exerce vers Firoxima, Chap. V. 422*

*Un Bonze conuertty, deux autres conuaincus en dispute, le tout près la ville de Meaco, Chap. VI. 426*

*Le Perc Provincial du Iapon visite premierement le Cubo à Fogù;*



# T A B L E

puis le Xogun son fils à Yendo, & void la montagne du feu, Chap.  
VII. 430

Un Bonze insigne imposteur, dextrement surpris, conuaincu, &  
deniché du thrône où il se faisoit adorer, Chap. VIII. 435

Des villes de Nangazaki & d'Arima, Royaume de Saxuma,  
& prison de Iateuxiro, Chap. IX. 438

Iustin Chrestien comme receleur de larcin, brûlé tout vif au Japon:  
sa femme crucifiée, & Cano Sancho sollicité à quitter la foy, Chap. X.  
442

Martyre de Leon Xiquigemon, decapité à Sirassa, ville du Roy-  
aume de Saxuma, par commandement de Fongo Cangonocami, Sei-  
gneur du lieu, Chap. XI. 447

Heureuse mort des Gisiaques Michel & Jean & de leurs enfans  
Thomas & Pierre, tous decapitez à Iateuxiro l'an mil six cens neuf,  
Chap. XII. 451

Martyre de trois Chrestiens Ioponois, Gaspar, Vrsule sa femme, &  
Jean leur fils, Chap. XIII. 456

Magnanime courage d'un Pescheur Firandois Chrestien, & au-  
tres traits de vertu, exercez en ces quartiers là, & es Isles de Gotto,  
Chap. XIV. 460

Diuers actes de Vertus Chrestiennes exercez es environs de la ville de  
Nangazaki, Chap. XV. 464

Admirable constance d'un Page diuersement tenté & affligé sans  
mort, & d'un Soldat priué de la vie, pour la confession de la foy Chre-  
stienne, Chap. XVI. 467

Dispute entre les principales sectes des Bonzes, que le Cubo Empereur  
du Japon euoqua à soy, Chap. XVII. 472

Sommaire de l'Histoire du Japon pour l'an mil six cens dix, nouvel-  
les entreprises du Cubo, & Vertus de quelques Chrestiens, Ch. XVIII.  
476

Du College Noticiat, maison de la Misericorde, Hospital, & au-



## DES CHAPITRES.

*tres lieux Saints de la ville de Nangazaki, Chap. XIX.* 479  
*Infortuné de sastre arriué au nauire du commerce des Portugais l'an  
 seize cens dix. Chap. XX.* 481

## DV LIVRE DIX-SEPTIESME.

**E***Ntreueüe du Cubo Monarque du Iapon, & du Prince Findeyo-  
 ri, fils du feu Tayco, Chap. I.* 486

*Estat vniuersel de la Chrestienté du Iapon, pour l'an mil six cens  
 onze, Chap. II.* 489

*Estat vniuersel de la Compagnie de IESVS au Iapon, pour l'an  
 mil six cens onze, Chap. III.* 492

*Solemnité de la beatification de nostre Patriarche Ignace de Loyola,  
 faite en la ville de Nangazaki, Chap. IV.* 494

*Sommaire de quelques merueilles, qu'il pleut à Dieu d'operer cette an-  
 née, en diuers quartiers du Iapon, Chap. V.* 496

*Persecution meüe contre les Chrestiens, au Royaume de Farima,  
 Chap. VI.* 502

*Croix miraculeuse, trouuee l'an mil six cens onze : au bourg du Cori,  
 terre d Omura, Chap. VII.* 507

*Estat de la Compagnie de IESVS au Iapon, pour l'an mil six  
 cens douze, Chap. VIII.* 511

*Estat temporel du Iapon pour l'an mil six cens douze, & premiers  
 coups de la persecution, Chap. IX.* 514

*Estat de l'Eglise du Iapon, & de la Compagnie de IESVS  
 pour l'an mil six cens treze, Chap. X.* 519

*Chrestiens persecutez és villes d Arima, Tendo, & autres quartiers  
 du Iapon, Chap. XI.* 524

*La persecution recommence l'an mil six cens quatorze, bannit tous  
 les Religieux de Meaco, Fuximi, Ozaca, & tourmente les Chre-  
 stiens à Meaco, Chap. XII.* 528



## T A B L E

*Des Eglises de Firoxima , Bungo , Facata , Chicugen , Fingo ,*  
Chap. XIII. 532

*Des Eglises d' Arima , Nangazaqui & ses dependances , & comme  
les Chrestiens furent en fin contraintes a sortir du Iapon ,* Chap. XIV.  
536

*Nouvelle & tres-cruelle persecution , redoublée contre les Chrestiens  
Cuquinotzu en Arima ,* Chap. XV. 541

*Guerres ciuiles entre l'Empereur & le Prince Fideyori : double sie-  
ge , & totale ruine de la ville d'Ozaca , & fin dudit Empereur ,*  
Chap. XVI. 545

*Estat de l'Eglise Catholique , & de la Compagnie de I E S V S  
au Iapon , pour les annees mil six cens quinze , & mil six cens seize ,*  
Chap. XVII. 549

*Diuers Religieux Europeans pris & martyrisez es terres d'Omura ,*  
Chap. XVIII. 552

*Des quartiers d' Arima , Chicugen , Chicungo , & lieux circonuoisins ,*  
Chap. XIX. 555

*Combats spirituels de diuers Chrestiens es Royaumes de Chicugen ,  
Bungo , Bugen , Yo & circonuoisins ,* Chap. XX. 558

*Exemples de diuerses vertus Chrestiennes , exercees es quartiers  
d'Yo , Farima , Surunga , & martyre de plusieurs Chrestiens ,* Chap.  
XXI. 562

*Martyrs qui souffrirent en diuers endroits du Iapon , es annees mil  
six cens dix-sept & dix-huict .* Chap. XXII. 566

## DV LIVRE DIX-HVICTIESME.

**S**ommaire de l'Estat de l'Eglise du Iapon pour l'an mil six cens dix-  
neuf , & comme la persecution se rendoit de iour en iour plus san-  
glante , Chap. I. 571

*La prison de Nangazaqui ; & la vie & mort de cinq Martyrs ,*



## DES CHAPITRES.

*qui en sortirent pour estre bruslez, Chap. II.* 575

*Vnze martyrs qui passerent par le fil de l'espee à Nangazaqui, Chap. III.* 583

*La prison d'Omura & le nombre des Chrestiens qui moururent tant dedans que hors d'icelle, Chap. IV.* 587

*Martyres de Iacques Cangayama Faysò: Baltazar Cangayama Fauzagemon, & de Iacques son fils, Chap. V.* 593

*Extraict de quelques vertueux actes, faits cette annee, en diuers quartiers du Iapon, Chap. VI.* 597

*La prison de Meaco, garnie de soixantetrois Chrestiens que Chrestiennes & annoblie par la mort de huit d'iceux, Chap. VII.* 600

*Cinquante deux Chrestiens, bruslez tous vifs à Meaco, pour la Confession de la Foy, Chap. VIII.* 607

*Ignace Xiquemon bruslé tout vif pour la Foy Catholique à Fuximi, & Magdelene meurt pour la chasteté, Chap. IX.* 616

*Prouinces d'Oxù, Deua, & Tzungarù, visitées cette annee par nos Peres, Chap. X.* 618

*Estat de la Chrestienté & de nostre Compagnie es Isles & Royaumes du Iapon, l'an mil six cens vingt, & particulièrement à Nangazaqui, Chap. XI.* 622

*Missions d'Arima, Omura, Firando, Chicungo, Bugen, & Isles circonuoisines, Chap. XII.* 627

*Le martyre d'un Neophyte, nommé Matthias, Chap. XIII.* 630

*Cinq Neophytes crucifiez, & bruslez pour la confession de la Foy, à Cocura, ville du Royaume de Bugen, Chap. XIV.* 635

*Des Royaumes de Bungo, Chungocù & Xicocù, & autres nouvellement descouverts, Chap. XV.* 638

*Des Royaumes de Goquinay, Quinocuni, & autres circonuoisins, Chap. XVI.* 642

*Horrible tempeste d'une nouvelle persecution, émeuë contre les Chre-*



# TABLE

<i>siens, en la ville de Meaco, Chap. XVII.</i>	646
<i>Missions en la ville Royale d'Yendo au Royaume de Musaxi, &amp; autres Prouinces de Quanto, &amp; Foccocu, Chap. XVIII.</i>	648
<i>Des Royaumes d'Oxù, Iecingo, Deua, &amp; de la Prouince de Tzungarù, Chap. XIX.</i>	651

## DV LIVRE DIX-NEVFIESME,

<b>D</b> E l'estat tant politique que spirituel du Japon, & de la Compagnie de I E S V S en iceluy, pour l'an mil six cens vingt & un, Chap. I.	656
<i>Prison de Nangazaki, &amp; vertus des Chrestiens detenus cette annee en icelle, Chap. II.</i>	659
<i>Generoux combat de cinq Chrestiens, prisonniers pour la Foy en la ville de Nangazaki, &amp; diuersement affligez par le Gouverneur, Chap. III.</i>	662
<i>Iean Ciù &amp; Iean Itò, martyrisez à Nangazaki; François Fampai, &amp; Louys Fausuqui, à Omura, Chap. IV.</i>	666
<i>Leon Nondo Risioye meurt glorieusement pour Iesus-Christ en la ville d'Isafay, Chap. V.</i>	670
<i>Des Chrestiens de la prouince de Tacacu, Bungo, &amp; Isles voisines, Chap. VI.</i>	673
<i>Des Chrestiens de Cingocu, &amp; de Xicocu, Chap. VII.</i>	676
<i>Missions faites aux Royaumes d'Omi, de Mino, &amp; autres lieux mirophes aux villes Royales d'Yendo, de Surunga, de Foccocu, &amp; autres lieux, Chap. VIII.</i>	679
<i>Date Masamune Prince du Royaume d'Oxù, persecute les Chrestiens par toutes ses terres, Chap. IX.</i>	682
<i>Ioachim &amp; Anne, mary &amp; femme decollez pour la Foy de Iesus-Christ, au Royaume d'Oxù, Chap. X.</i>	687
<i>Nouvelle du Royaume d'Iezo, extraites d'une missiue du Pere Hie.</i>	

## DES CHAPITRES.

rome des Anges , écrite l'an mil six cens vingt-deux , Chap. XI.  
691

Estat temporel & spirituel des Royaumes du Japon pour l'an mil six cens vingt-deux, Chap. XII. 696

Martyre du Pere Frere Pierre de Zuniga , Religieux de l'Ordre de Saint Augustin : de Pere Frere Louys Florez Dominiquain , & de treize autres Chrestiens , Chap. XIII. 698

Prison de Nangazaqui , nombre & saintes exercices des prisonniers detenus en icelle, Chap. XIV. 701

Martyre de vingt-un Religieux , tant de l'Ordre Saint Dominique & Saint François , que de la Compagnie de IESVS , & de trente autres Chrestiens , Chap. XV. 705

Sommaire de la vie du Pere Charles Spinola , Religieux de la Compagnie de IESVS, Chap. XVI. 717

Du Pere Sebastien Quimura , & autres sept martyrs de la Compagnie de IESVS , Chap. XVII. 722

D'Antoine Sanga Dogique , deux enfans , & quatorze autres Chrestiens martyrisés à Nangazaqui , ou ses dependances , Chap. XVIII.  
726

Huict Religieux & six seculiers martyrisés dans la Jurisdiction d'Omura , Chap. XIX. 730

De diuers autres martyrs , qui souffrirent cette année en la ville d'Omura , & lieux circonuoisins , Chap. XX. 734

Martyre du Pere Camille Constance , Religieux de la Compagnie de IESVS , enduré au païs de Firando , Chap. XXI. 737

Mort d'Augustin Ota , Religieux de la Compagnie de IESVS , & de Gaspard Cotenda Dogique : du Pere Camille Constance : De Damian & de Iean Sacamoto , Chap. XXII. 743

Martyre de Paul Sogiro , Iean Matasac , Paul , Ioachim , Gabriel & André au Royaume de Firando , Chap. XXIII. 747

Des Chrestiens de Catacu , & lieux circonuoisins , avec la mort de



## T A B L E

<i>Jean Gyroyemon, Chap. XXIV.</i>	752
<i>Missions au Royaume de Fingo, Chap. XXV.</i>	756
<i>Emprisonnement du Pere Pierre Paul Nauarre, Religieux de la Compagnie de I E S V S, &amp; comme il discoursut avec le Tono Bugundono, Chap. XXVI.</i>	759
<i>Martyre du Pere Pierre Paul Nauarre, Denis Fugexima, Pierre Onizurgua, Religieux de la Compagnie de I E S V S, &amp; de Clemens Cingemon, Chap. XXVII.</i>	763
<i>Estat des Eglises de Bungo, Chiungocu, Meaco, Fuximi, Ozaca, Sacay, &amp; circonuoisins, Chap. XXVIII.</i>	769
<i>De l'Eglise de Musaxo, Oxin, Deua, &amp; autres Royaumes plus Orientaux du Iapon, Chap. XXIX.</i>	771
<i>Nouvelle persecution contre l'Eglise d'Oxu, &amp; de Deua, Chap. XXX.</i>	774

## D V L I V R E V I N G T I E S M E.

<b>E</b> Stat temporel de la Monarchie du Iapon, & de la Chrestienté d'icelle, pour l'an mil six cens vingt-trois, Chap. I.	781
Cinquante Chrestiens faits prisonniers pour la foy en la ville Royale d'Iendo, Chap. II.	783
Occupations des Chrestiens prisonniers pour la Foy Chrestienne, en la ville d'Iendo, Chap. III.	787
Mort de cinquante Chrestiens, martyrisés à Iendo pour la confession de la Foy, Chap. IV.	789
Sommaire de la vie du Pere Hierome des Anges, & de Simon Iempo, Religieux de la Compagnie de I E S V S, Chap. V.	795
Vingt-quatre Chrestiens meurtris pour la confession de la Foy en la ville d'Iendo, Chap. VI.	798
Persecution excitee au commencement de l'an mil six cens vingt-quatre, es quartiers de Massamune, en laquelle moururent plus de	vingt-

## DES CHAPITRES.

quatre Chrestiens, avec le Pere Iacques Carauailles, de la Compagnie  
de IESVS, Chap. VII. 801

Heureuse fin de diuers Chrestiens barbarement tourmentez, & mas-  
sacrez à Xindai par commandement du Suo, Chap. VIII. 808

Abregé de la vie du Pere Iacques Carauaille martyr. Chap. IX.  
813

Persecution meüe au Royaume de Deua, & de trois Chrestiens qui  
moururent là pour la Foy. Chap. X. 815

De la Chrestienté qui se trouuoit cette année és contrees de Cami,  
Chap. XI. 818,

Glorieux combat, & victorieuse mort, que François Iojama Sin-  
taro souffrit pour la Foy Chrestienne en la ville de Firoxima, Ch. XII.  
823

Mort de Matthias Kobara Squizaimon, & Ioachim Curoyemon  
crucifiez à Firoxima: & Jean Cufroy taillé en deux à Zio, Chap.  
XIII. 827

Nouveaux Edicts publiez contre la Chrestienté de Nangazaki,  
& en diuerses places de son détroit, Chap. XIV. 830

Ambassade enuoyée au nouveau Xogun, par le Vice-Roy des Phi-  
lippines l'an mil six cens vingt-quatre, Chap. XV. 833

Persecution exercee contre les Chrestiens, en quelques endroits du  
Royaume de Figen, Ch. XVI. 836

Persecution des Chrestiens en la ville de Firando, & lieux de son  
ressort, dans lequel trente & huit moururent pour la Foy, Ch. XVII.  
896

Mort d'autres sept Chrestiens en Usucca, Chap. XVIII. 900

Mort d'Ysabeau mere de Damian, de sa femme Beatrix, avec  
quatre de leurs enfans, Chap. XIX. 902

Mort de Marie veufue de Iean Succamoto Martyr, & de qua-  
tre de leurs enfans, Chap. XX. 904

Mort de Michel Iamanda Fiemon, d'Ysule sa femme, & de



# TABLE

trois de leurs enfans , Chap. X XI.	905
La mort de Catherine femme de Iean Iuquinoura , Chap. XXII.	908
Mort de Thomas Mattaïqui , & autres quatre Chrestiens , dans les terres de Firando , Chap. XXIII.	910
La mort de Caliste , qui fut Cambo de la Chrestienté des Isles de Goto , de Michel Sori , & Quizajemon , Chap. XXIV.	913
La mort de Thomas Nangacia Mangosuke , & de Ioseph Gongale en Omura , Chap. XX V.	915
La Mort du Pere Michel Carauaille , de la Compagnie de I E-SVS , & de quatre Religieux des sacrez Ordres de saint François & de saint Dominique , tous Predicateurs du saint Euangile au Japon , Chap. XX VI.	917
De la Chrestienté de Taccacu , Amacusa , & Fingo , Chap. XX VII.	914
De la residence de Chicugen , & diuerfes missions , Ch. XXVIII.	926
De la residence du Royaume de Bungo , Chap. XX IX.	928
La mort de Leon Mizaqui Xingemon , & de ses trois fils , Chap. XXX.	930

FIN.

---

*Permission du Reuerend Pere Prouincial de la  
Prouince de France.*

**I**OANNES FILLÆVS Præpositus Prouincialis Societatis IESV in Prouincia Franciæ, iuxta Priuilegium eidem Societati à Regibus Christianissimis HENRICO III. 10. Maij 1583. Henrico MAGNO, 20. Decemb. 1606. & LVDOVICO XIII. nunc regnante 14. Febr. 1611. concessum, quo Bibliopolis omnibus prohibetur, ne libros ab eiusdem Societatis hominibus conscriptos, absque Præpositorum ipsius consensu imprimant: SEBASTIANO CRAMOISY Bibliopolæ Iurato, & Ciui Parisiensi permitto, vt librum, cui titulus est, *L'Histoire Ecclesiastique des Isles & Royaumes du Japon, compilée par le P. FRANÇOIS SOLIER, &c.* & grauium Doctorumque nostri Ordinis virorum iudicio approbatum typis excudi curet, excusumque diuendat ad decennium. In quorum fidem has litteras manu nostra scriptas, & sigillo nostro munitas dedimus, Aurelij 22. Octob. 1626.

IOANNES FILLÆVS.

---

*Permission du Reuerend Pere Prouincial de  
la Prouince de Guyenne.*

**N**ICOLAS VILLIEZ Prouincial de la Compagnie de IESVS en la Prouince de Guyenne, suivant le Priuilege octroyé à ladite Compagnie par les Roys Tres-Chrestiens HENRY III. le 10. May 1583. HENRY IV. en Decembre 1606. & LOVVS XIII. à present regnant, le 14. Feurier 1611. par lequel il est defendu à tous Libraires & Imprimeurs d'imprimer ou faire imprimer, vendre ou debiter aucuns liures composez par ceux de ladite Compagnie sans leur permission: permets à SEBASTIEN CRAMOISY, Marchand Libraire Iuré à Paris, d'imprimer ou faire imprimer vn liure intitulé, *L'Histoire Ecclesiastique des Isles & Royaumes du Japon, par le Pere FRANÇOIS SOLIER, Religieux de la Compagnie, &c* pour le temps de dix ans, à compter du iour que la premiere impression sera finie. Fait à Bordeaux le 4. Decembre 1625.





## *Extraict du Priuilege du Roy.*



A R grace & priuilege du Roy , il est permis à SE-  
BASTIEN CRAMOISY, Marchand Libraire luré en  
l'Vniuersité de Paris, d'imprimer ou faire imprimer vn  
liure intitulé, *Histoire Ecclesiastique des Isles & Royaumes  
du Japon, recueillie par le Pere FRANÇOIS SOLIER,  
Religieux de la Compagnie de IESVS, Tome second:*  
Auec defenses à tous Libraires & Imprimeurs d'im-  
primer ou faire imprimer ladite Histoire, souz pretexte de déguisement &  
changement qu'il y pourroient faire, à peine de confiscation, & de quin-  
ze cens liures d'amende: ainsi qu'il est plus amplement spécifié és lettres  
données par sa Majesté audit CRAMOISY, Donné au Camp deuant la  
Rochelle, le 18. Aoust 1628.

Par le Roy en son Conseil.

SENAULT.

*Acheué d'imprimer pour la premiere fois le 8. May 1629.*





HISTOIRE  
ECCLESIASTIQUE  
DES ISLES ET ROYAVMES  
DV IAPON.  
LIVRE ONZIESME.



*Divers Euesques du Iapon: Monseigneur Pierre  
Martinez y arriue le premier, commence  
à exercer sa charge, visite le Tayco.*

CHAPITRE PREMIER.



LEZ l'an de grace mil cinq cens soixante & cinq, le Serenissime Roy de Portugal, Dom Sebastien, aduert y que le Pere André d'Ouiedo, Patriarche d'Ethiopie, y enduroit mille indignitez, & ne pouuoit auancer le seruice de Dieu, ny le bien de son Eglise; escriuit à l'Ambassadeur qu'il auoit à Rome, près du Saint Pere Pie cinquiesme de ce nom, de supplier la Saincteté, qu'il luy pleust ordonner, que le Patriarche d'Ethiopie se transportast au Iapon, ou à la Chine, pour y exercer les fonctions Episcopales. Ce que le

An de  
IESVS.  
CHRIST  
1595.

I.  
P. André  
Ouiedo  
premier E-  
uesque du  
Iapon.



An de 2

## LIVRE XI. DE L'HISTOIRE

IESVS-  
CHRIST  
1595.

Sainct Pere octroya tres-volontiers. Neantmoins escriuant au Patriarche le premier iour de Feburier, mil cinq cens soixante & six, il se remit du tout à sa discretion. Qui fut cause que le bon Patriarche esperant d'un costé que les affaires se pourroient accommoder en Ethiopie; & d'autre part craignant de tomber és mains des Mahometains, s'il se mettoit en debvoir de partir de là, se resolut en fin de ne quitter sa premiere espouse; & y mourut sainctement l'an mil cinq cens quatre-vingts & dix-sept.

2.  
Son décès  
en Ethio-  
pie.

DEPUIS le P. Melchior Carnero sacré à Goa Euesque de Nice ville de l'Asie mineure, puis designé successeur du Pere d'Ouiedo au Patriarchat d'Ethiopie, receut du mesme Sainct Pere Pie cinquieme, vn bref, par lequel il luy enjoignoit de s'acheminer au Iapon, pour prendre la charge de cette nouvelle Eglise, veu que le P. d'Ouiedo ne pouuoit sortir d'Ethiopie. Il partit donc de Goa, fit voile vers la Chine, & s'arresta au port de Macao. D'où Dieu l'appella à soy, comme il estoit sur le poinct de s'embarquer, pour passer au Iapon.

3  
P. Melchior  
Carnero,  
second E-  
uesque du  
Iapon.

4  
Troisieme  
Euesque du  
Iapon.

L'AN mil cinq cens quatre-vingts & sept fut esleu en troisieme lieu pour Euesque du Iapon, le Pere Sebastien Morales, pour lors Prouincial de nostre Compagnie en Portugal, & sacré à Lisbonne, d'où il partit la mesme année pour se rendre au Iapon. Mais il mourut au Mozambic.

5  
Quatre &  
cinquieme  
Euesque du  
Iapon.

L'AN cinq cens quatre-vingts & onze fut nommé Euesque du Iapon, le P. Pierre Martinez, qui gouuernoit les Indes Orientales en tiltre de Prouincial, & fut sacré à Goa. Ses bulles luy assignoiēt pour successeur le P. Louys de Cerqueira, lequel enseignoit lors la Theologie en nostre College d'Eboira, en la Prouince de Portugal, lequel fut sacré à Lisbonne, & en partit l'an mil cinq cens quatre-vingts quatorze, pour tirer aux Indes.

COMME Monseigneur l'Euesque Martinez, attendoit à Goa, la commodité d'aller visiter le troupeau que Dieu luy auoit commis au Iapon, & recherchoit le moyen d'y entrer avec la bonne grace du Tayco, Seigneur vniuersel de toutes ces Isles, Voyla le P. Alexandre Valignan, qui en reuenoit, avec lettres du Tayco, adressées au Viceroy des Indes, par

lesquelles il demandoit d'estre plus amplement esclaircy & IESVS-  
asseuré, si l'ambassade que le P. Valignan luy auoit fait, ve- CHRIST  
noit de sa part. Le Vice-roy ne pouuoit manquer de respon- 1595.  
dre au Tayco, & Monseigneur l'Euesque n'eust sceu trou-  
uer plus aduantageuse entrée vers Tayco, que pour luy ren-  
dre la response du Vice-roy. S'acquittant de cette charge,  
il entroït au Iapon, voyoit la cour, & pouuoit sonder le gué  
pour ce qui concernoit son autorité Episcopale.

IL partit donc de Goa l'an cinq cés quatre-vingts & quin- 6  
ze, avec vn nouveau & riche present que le Vice-roy des In-  
des enuoyoit au Tayco, & lettres par lesquelles il l'asseuroit  
que le P. Valignan auoit entrepris l'ambassade en son nom,  
luy auoit fidelement rendu ses riches & magnifiques dons, &  
sa response: Il arriua heureusement à Macao port de la Chi-  
ne, & de là à Nangazaqui, celebre port du Iapon, menant  
avec soy cinq de nos Religieux, qui estoient allez prendre les  
Saints ordres à la Chine, & vn ancien Prestre.

Monf Mar-  
tinez part  
de Goa.

CE fut le treiziesme iour du mois d'Aoust cinq cens qua- 7  
tre-vingts & seize, que le vaisseau qui portoit Monseigneur  
l'Euesque du Iapon, mouilla l'ancre deuant Nangazaqui. Le  
P. Prouincial de nostre compagnie fut soudain luy faire la  
reuerence, avec quelques vns de nos Peres. Le lendemain  
veille de l'Assomption de nostre Dame il retourna mieux  
accompagné, pour le conduire à terre. Grand nombre de  
vaisseaux, tant des Chrestiens du país comme de Portugais,  
le suiui-rēt iusques au port, où le Clergé, quoy que petit, l'at-  
tendoit, avec les croix, bannieres, & chappes, pour le con-  
duire honorablement à l'Eglise.

Arriue au  
Iapon.

L'ESTAT des affaires de cette Chrestienté, encore foi- 8  
ble, ne leur permit pas de tesmoigner si amplement leur al-  
legresse, à l'arriuee de leur tant aymé & désiré Pasteur, com-  
me ils eussent souhaitté: si se rendit-il tant de gens à nostre  
maison, où il logea de premier abbord, que la chambre re-  
gorgea tout le reste du iour d'allans & venans, pour le veoir  
& recevoir sa benediction. Ce qui donna vn tel contente-  
ment à ce bon Prelat, qu'il en pleura par plusieurs fois de  
joye, dit & redit que ce qu'on luy auoit promis de la deu-  
otion des Iaponois, estoit peu, au prix de ce qu'il en voyoit de

Loge au  
College de  
Nangaza-  
qui.



An de 4  
IESVS- ses yeux.  
CHRIST

LIVRE XI. DE L'HISTOIRE

1596.

9

Sa mode-  
stie.

10

Sa cour.

II

Vistté par  
les grands

C'ESTOIT vn tres-digne Prelat, fort ancien Religieux de nostre compagnie, & homme vraiment Apostolique. Sa Religieuse modestie edifia grandement tous ceux qui le virent, & particulièrement nos Peres & Freres qui se trouuerent près de luy, lors qu'il dit au P. Pierre Gomez, pour lors Vice-prouincial du Iapon; Mon pere, ie fus vostre disciple au commencement de mes estudes; mais, ie desire que vous soyez encore mon Maistre, s'il vous plaist, en la charge qu'il a pleu à Dieu me donner au Iapon. Car ne scachant la langue du pays, & n'estant fait aux humeurs de ce peuple, ie ne trouue qui me puisse mieux guider, ny plus soulager que vous ou ceux que vous estimerez propres. Le Pere Vice-prouincial luy offrit toute sorte de seruice & secours: luy assigna quand & quand vn de nos peres, & deux de nos estudians, qu'il iugea les plus idoines, pour assister & seruir en tout sa Seigneurie. Il luy offrit encores vn second Prestre; mais Monseigneur l'Euesque ne le voulut accepter, disant que nostre Compagnie auoit besoin de ses ouuriers, pour recueillir la belle moisson qui iaunissoit de tous costez.

DOM Augustin Admiral des mers du Iapon, & pour lors la principale colomne de la Chrestienté en ces quartiers-là, reuenant du Cory avec vn Ambassadeur de la Chine, qui alloit trouuer le Mayco à Fuximi; rencontra en la ville de Nāgoia vn de nos Religieux, nommé Martin, qui fut à Rome avec les Ambassadeurs, au voyage desquels i'ay donné tout le septiesme liure du premier volume de cette histoire; & apprit de luy comme Monseigneur l'Euesque du Iapon estoit arriué à Nangazaqui. Il quitta donc l'ambassadeur, pour aller receuoir la benediction de Monseigneur l'Euesque, luy offrir son seruice, & faire liurer quatre-cens sacs de grain, moytié ri, moytié froment, pour ayder aux frais de son voyage, scachant bien qu'il n'auoit pas plus de reuenu au Iapon, que nos Peres, lesquels y viuoient d'aumosnes. Il y eut aussi bon nombre d'autres Seigneurs Chrestiens, qui secoururent Monseigneur l'Euesque de leurs biens & moyens.

Le bon Pasteur desirant s'acquitter de sa charge, enuoya le P. Iean Rodriguez, qui luy seruoit de truchement, vers la

cour de Fuximi, pour faire de sa part la reuerence au Tayco, luy faire entédre, cōme il portoit lettres & dons du Vice-roy des Indes, pour presenter à son Altesse, quand il luy plairoit les receuoir. Le Tayco se monstra fort content de son arri- uée, trouua bon qu'il s'acheminast en cour à sa commodité, & l'asseura qu'il y seroit le tres-bien venu. Le P. Rodriguez partit de Fuximi le vingtiesme de Decembre mil cinq cens quatre-vingts seize, avec cette responce.

12  
Enuoyé en  
cour.

DVRANT le voyage qu'il fit en cour, Monseigneur l'E- uesque administra le Sacrement de la Confirmation à plus de quatre mille personnes à Nāgazaqui; quoy qu'à petit bruit. Ce que nos Peres gardoient en l'exercice de tous leurs mini- steres. Il fut aussi en Arima, avec le P. Vice-prouincial, & le Capitaine du nauire dans lequel il estoit venu de la Chine; & visita le Seminaire des ieunes Iaponois, qui le receurent avec plusieurs oraisons cōgratulatoires, declamations, epigram- mes, & finalement avec vne graue tragedie, qu'ils represen- terent d'vne merueilleusement bonne grace. Sur les che- mins, tant allant que venant, il rencontra plusieurs troupes de ieunesse Chrestienne, qui l'accompagnoient d'un lieu à l'autre, chantans deuotement diuers Hymnes & Pseaumes. Les grands non contents d'auoir receu sa benediction, s'ap- prochoient, pour luy baiser qui la main, qui la robbe.

13  
Administre  
la Confir-  
mation.

14  
Visite le  
Seminaire.

AYANT receu à Nangazaqui la respōle du Tayco, il prit avec soy le P. Iean Rodriguez, François Passie, & quelques Portugais, fut à Ozaca, puis à Meaco, le seiziesme de Nouem- bre, & finalement à Fuximi, pour s'acquitter de son Amba- sade. Apres les complimens & ceremonies ordinaires, l'Em- pereur demanda comment le Vice-roy, auoit tant tardé à rendre responce aux siennes. Le P. Rodriguez prenant la parole pour Monseigneur l'Euesque, auquel il seruoit d'in- terprete, allegua tant & de si pertinentes raisons, que l'Em- pereur en fut tres-content; leur fit à tous seruir du Cha, boi- son tres-prisée au Iapon; & les congedia fort humainement.

15  
L'Empe-  
reur.

Monseigneur l'Euesque retournant de la cour seiourna quelques iours en la ville de Meaco, pour la consolation des Chrestiens qui s'y rendoient de toutes parts, pour re- ceuoir le Sacrement de la Confirmation. Il s'employa aussi



**I**ESVS-CHRIST 1596. pour quelques Marchâts Espagnols, lesquels partis des Philippines auoient esté iettez par vne forte tempeste en certain port du Iapon, & perdu le galion, duquel nous parlerons cy-apres. Mais voyant qu'il se peinoit en vain, il partit de Meaco le septiesme iour de Decembre, pour se retirer au port de Nangazaqui.

16  
S'employe  
pour le galion.  
Liure II.  
nomb. 119.  
& suivants.

*Appareils que Tayco fit pour receuoir les Ambassadeurs de la Chine; suite de l'un, & comme il fut puny.*

## CHAPITRE II.

Liv. 10.  
nomb. 145.

17  
Ambassadeurs de la Chine.

18  
Vaine des-  
pense.

**D**E PUIS que le Tayco eust enuoyé au Roy de la Chine les articles de paix que nous auons couché cy-dessus, il en auoit plus passionément desiré, que certainement attendu responce. Si est-ce que Dom Augustin son Admiral, & Lieutenant General au Coray, mesnagea si dextrement l'affaire, qu'en fin le Chinois depescha deux Ambassadeurs vers le Iapon. Arriuez qu'ils furent au Coray, Dom Augustin receut commandement de les entretenir sur les frontieres du Iapon, tandis que l'Empereur son Maistre se dispoisoit pour les receuoir à la royale: Car comme il estoit extremement vain, ne desiroit que paroistre, & immortaliser son nom, il pretendoit leur faire veoir la noblesse & caualerie du Iapon, en tres-bel arroy. A ces fins il auoit fait enroller plus de cent mille combattans tant à pied qu'à cheual, outre les volontaires, les obligeants tous à se trouuer au rendez-vous, avec le plus magnifique equippage qu'il leur seroit possible. Si bien qu'il y eut simple carabin qui employa deux mille cinq cens tancs, qui valent autant d'escus pour piaffer au iour assigné.

**T**ANDIS que le Tayco vacquoit à ces preparatifs, les Ambassadeurs de la Chine s'ennuyoient au Coray, pais desolé à raison des guerres passées, desiroient & demâdoient de passer la mer, pour s'acquitter de leur charge au Iapon. Le Sieur

Augustin voulant en tout obeir au Tayco, & sur tout le con-  
téter, entretenoit ces Messieurs de belles paroles, attendant  
que tout fut prest au Japon pour les recevoir.

C'ESTOIENT deux grands, mais fort ieunes Seigneurs,  
que le Roy de la Chine auoit faits comme Compagnõs d'of-  
fice en cette legation, & obligez à ne rien faire ny conclurre  
sans le bon aduis & consentement d'un tres-sage & venera-  
ble vieillard, nommé Iuquequi. Celuy-ci passa le premier  
du Coray à Nangoia, ville du Japon; & de là fut à la cour de  
Fuximi, voir le Tayco; luy donna quatre cens soixante &  
dix pieces de damas Chinois, vingt draps de soye, autant de  
drap d'or Chinois, cent liures de fil retors de soye incarnate:  
deux chameaux, deux cheuaux, & deux mulets.

19

Iuquequi  
conseil des  
Ambass.

LE Tayco le traita deux fois Royalement. La premiere  
en public, avec toutes les magnificences qu'on pratique au  
Japon. La seconde dans sa Citadelle, où tout le seruice fut  
fait par femmes, & en vaisselle de fin or. Les tables mesmes  
estoyent d'or. Iuquequi aduoua n'auoir iamais veu tant de  
caresses. Si demanda-il congé de se retirer en la ville de Sa-  
cay, pour y attendre les Ambassadeurs Chinois. Comme il  
fut prest à deloger, le Tayco luy fit present de deux corps  
d'armes entiers, deux grands cimenterres, deux poignards, &  
autant de lances, le tout tres-artistement elabouré, disant  
que ce n'estoit qu'un auant-jeu & un eschantillon de ce que  
les ouuriers auoient en main, & qu'il pretendoit luy donner  
pour porter à la Chine. Puis l'accompagna iusques au port,  
pour le voir entrer dans le vaisseau, duquel ce Prince se ser-  
uoit pour se recreer sur l'eau.

IUQUEQUI faisoit estat de veoir bien-tost les deux Am-  
bassadeurs de la Chine à Sacay, où leurs logis estoyent prests,  
ne sçachant pas que l'un auoit perdu patience d'attendre au  
Coray le mandement du Tayco; & s'en estoit retourné en di-  
ligence à la Chine; mais delogeant de nuit, & prenant telle  
route que les Japonois qui coururent apres, n'eurent moyen  
de le rencontrer. Il entreprit cette retraicte sans le conseil  
du Vieillard; qui eust mieux fait de se tenir plus près des ie-  
unes Ambassadeurs.

20

Fuite d'un  
Ambassa-  
deur Chi-  
nois.

C'ESTOIT le chef del'Ambassade, un ieune Seigneur, &



IESVS-  
CHRIST  
1596.

le mieux apparenté de toute la cour Chinoise: mais timide, comme sont ordinairement les Mandarins de la Chine, gens yffus de bas lieu, ou tout à coup esleuez aux charges & honneurs, qui apprehendēt sur tout les hazards & stratagemes de la guerre, pour n'y estre nez, duits ny exercez. Le bruit courut que les garnisons Iaponoises, qui estoient au Coray, luy auoient donné l'espouuente. Les autres tenoient qu'un seul depit l'auoit picqué; parce qu'ayant creu que le Tayco les receuroit soudain apres leur arriuée, il se voyoit dilayé, & ne sçauoit pourquoy.

21  
Causes d'i-  
celle.

IL y en eut qui dirent qu'un Iaponois mesme auoit intimidé ce ieune Seigneur Chinois, disant que le Tayco les faisoit tremper au Coray, pour se venger doucement de l'assistance que leurs compatriotes & alliez auoient presté aux Coraites contre le Japon: & adjoustant qu'à grand' peine s'arresteroit-il là: bref luy donnant entendre qu'il estoit en danger de sa vie. Fut pour cette cause, qui semble fort probable, fut pour quelqu'autre qu'on ne descouurit, il est certain que cet Ambassadeur deslogea sans trompette, & se retira à la Chine, où il fut puny de ce lasche trait, ainsi que ie diray tantost.

Cy apres,  
nomb. 22.

LE Sieur Augustin ayant receu cette nouvelle à Nangoïa, pria le Gouverneur de Nangazaqui de l'aller porter au Tayco, & luy rebroussa chemin vers le Coray, pour arrester l'autre Ambassadeur, & le conduire au plutost en cour. Arriué qu'il fut au Coray, il l'assura de la cordiale affection du Tayco, enuers le Roy de la Chine; apres plusieurs discours, le pria d'escrire au conseil l'estat des affaires, & comme son collegue estoit party sans se plaindre de rien. Il sera bon, dit l'Ambassadeur, que vous escriuiez aussi de la part de vostre Maistre; j'accompagneray vos lettres des miennes, & enuierai le tout à Paquin en poste, comme il fit.

22  
Comme il  
fut puny.

LE Conseil respondit promptement qu'on ne sçauoit rien de la retraite de l'Ambassadeur, ny pourquoy il l'auoit si honteusement faicte. Et le Roy aduertý le fit quand & quand serrer en prison; cōfiska tous les biés de ses pere, mere, & plus proches parents; comme de gens rustiques, & de neant: louia grandement l'autre Ambassadeur qui auoit tenu bon; ordonnant

donnant queluy seul vñst de tout le pouuoir & autorité, quiauoit esté donnée aux deux: sans oublier le bon aduis & conseil du vieillard Iuquequi, bref fit donner cinq mille escus au pere de cét Ambassadeur, en consideration du bon seruice que son fils auoit rendu à la couronne de la Chine.

IESVS-  
CHRIST  
1596.

LE Sieur Augustin fut tres-content de la responce que l'Ambassadeur receut de la Chine; mais plus encore de ce que trois des plus grands Seigneurs du Iapon, luy escriui- rent de la part du Tayco, qu'il passast au plustost la mer avec l'Ambassadeur quiauoit tenu bon, & s'acheminast vers la cour. Ils s'embarquerent donc en diligence, & arriuerent à Nangoia sur la fin de Iuillet. L'Ambassadeur portoit les lettres de son Roy, son cachet, & tout le meuble que le fuyard auoit laissé, bref menoit la plus part de la suite, qu'il auoit quitté. Tout son train estoit de trois cens personnes, deux cens cinquante à chenal, le reste à pied. Huit desquels le portoient sur leurs espauls dans vne litiere. Il reposa huit iours à Nangoia pour se delasser des fatigues de la mer. Puis se rendit à Sacay, près du vieillard Iuquequi.

23

Train de  
l'Ambassa-  
deur Chi-  
nois.

TANDIS le Sieur Augustin fut veoir le Tayco, qui luy fit mille caresses, lotia grandement sa prudence au maniment des affaires, le remercia de tant de dangers qu'il auoit couru pour luy au Coray; des incommoditez qu'il auoit souffert demeurant si long-temps hors de sa maison; s'estendit & s'affectionna tant sur ce subject, qu'il en pleura à chaudes larmes. Augustin fut tout honteux de se veoir tant estimer; & pour toute responce luy promit la continuation de son tres-humble & tousiours fidele seruice. La noblesse qui veid tout ce deduit, estima que le sieur Augustin en receuroit de grosses recompenses, en honneurs, & richesses. Mais il arriua tout au rebours, ainsi qu'il se verra au cours de cette histoire.

Liu 17. nob.  
60. & sui-  
uants.

Là fut conclud tout ce qui deuoit estre fait pour honorer le Roy de la Chine en la personne de ses Ambassadeurs; outre les preparatifs jà faits. Car le Tayco auoit fait bastir vne si grande & si ample salle pour les festoier, qu'on y pouuoit commodement estendre mille tatames. Ce sont certaines nattes tres-fines, qui ont aulne de Paris en longueur, &

24

Salle de ra-  
re gran-  
deur.



An de 10

LIVRE XI. DE L'HISTOIRE

IESVS- demie de largeur, frangées les vnes de velours & damas: les  
CHRIST autres de drap d'or & brocatel: infinis ouuriers trauailloient  
1596. iour & nuit apres ces pieces.

25  
Theatre  
pour les  
Comediés.

IL fit aussi dresser vn spacieux theatre pour les Come-  
diens, & semblables donneurs de passe-temps, de soixante  
pieds en long, & vingt cinq de large; porté par nombre de  
colomnes, partie simples, partie cannellées; toutes fortes  
pour soustenir vn riche lambris, verni de vrusci, qui est vne  
matiere noire comme poix, mais qui luit comme vne glace  
de miroir, le tout enrichy de diuers compartimens & artifi-  
ces d'or molu.

POUR aller de sa salle au theatre, il auoit fait icter vn  
pont sur le fossé de sa forteresse, lequel n'ayât qu'environ dix  
toises de long, reuint à quinze mille escus pour la seule main  
de l'entrepreneur: Pour l'or employé aux tuiles du toict,  
pour les accoudoirs & garde-fols, & pour quelques lames  
ouuragées qu'on auoit enchassé dans le pauc.

---

*Autres preuues de la vanité du Tayco, Empereur du  
Iapon, & comme il estoit trauersé.*

CHAPITRE III.

Livr. 10.  
nomb. 115.

**A**V mesme temps que le Tayco tenoit tât de mains oc-  
cupées aux preparatifs pour la reception des Ambas-  
sadeurs Chinois, il ordonna que son fils vnique, âgé seule-  
ment de trois ans, fit vn voyage de Fuximi à Meaco, vers le  
Dayri, legitime successeur du vray Monarque Iaponois;  
pour estre par luy pourueu de la dignité de Cambaco; ou  
Quambaco, c'est à dire Dictateur, ou Capitaine general des  
armées; vacante par la mort d'un sien nepueu, qu'il auoit  
enuiron vn an auparauant fait mourir à Coia, ainsi que l'ay  
deduit en son lieu.

LA pompe en fut tres-magnifique, & la ceremonie tres-  
belle à voir, pour ceux qui goustent & admirent les vanitez  
du monde. Les gardes de son corps estoient disposées en

hayé, au long des chemins, des deux costes depuis le Palais de Fuximi, iusques à celui de Meaco, qu'on appelloit Iura-zu, c'est à dire deux lieux de long ou plus, & ne bougeoient de leur place. Quant aux troupes qui marchaient avec ce ieune Prince, elles estoient en si grand nombre, que l'auant-garde arriuant à Meaco, il y auoit encore de la noblesse qui sortoit de Fuximi.

IESVS-  
CHRIST  
1596.

LE Tayco s'estoit transporté trois iours auparauant à Meaco, pour preparer le logis à son fils; & aduertiy qu'il fut de son arriuée, luy alla au deuant, monta dans sa litiere, le porta long temps entre ses bras, & luy fit mille petites caresses, que ie passe volontiers sous silence.

TROIS iours apres que l'enfant fut arriué à Meaco, ses officiers le menerent faire le Santai au Dayri: c'est s'encliner par trois fois deuant luy, baissant la teste iusques aux tatames. L'accueil que le Dayri luy fit, fut plein de courtoisies & largesses. Il n'oublia rien qui peut contenter le Tayco. Car quoy que ses deportemens fussent par fois fort violens & despotiques; si n'y auoit-il Prince ny Seigneur au Iapon, qui ne le respectast pour son admirable prudence & dextérité à gouverner; & parce qu'il auoit chassé du Iapon les voleurs & corsaires, retablissant par tout la paix, qui en estoit bannie depuis vn long-temps.

26

Santai  
quoy.

LE commun bruit estoit que Tayco vouloit peu à peu de-throner le Dayri, & ioincre toutes les grandeurs & dignitez du Iapon en la personne de son fils, & heritier presomptif. Mais comme Nobunanga son deuancier, se voulant faire adorer, perdit biens, honneurs & la vie mesme en moins de dix-huict iours; aussi sembloit-il que le Tayco ayant grauy au plus haut de la rouë, & ne pouuant donner plus auant, Dieu le voulut terrasser, bouleuersant toutes ses entreprises & desseins. Car outre vne dangereuse maladie qui cuida l'emporter sur la fin de l'année precedëte, & les disgraces qui l'affligerent en l'affaire de la Chine, comme nous touchons cy-apres; il se trouuoit en extreme peine pour establir vn legitime successeur. Car le fils qui luy estoit né, le cinquante septiesme an de son aage, estant mort auant la guerre de Coray, n'en ayant pour lors point d'autres, il ietta les

27

Trauerſes  
du Tayco.



IESVS-  
CHRIST  
1596.

28

Mort deses  
trois nep-  
veux.

Livr. 10.  
nomb 214  
& suiv

yeux sur les trois enfans de sa seur, lesquels il voulut aggrandir, de sorte qu'il donna à l'aîné trois Royaumes; puis luy mit en main la Monarchie du Japon, quand il fit semblant de vouloir passer au Coray. Au second il donna pareillement trois Royaumes, & au troisieme deux, retenant tout le reste, & mesme la Souueraineté de ce qu'il leur donnoit. De ces trois nepueus le plus ieune mourut au Coray. Le second à Meaco, sans laisser d'enfans. Luy mesme fit massacrer l'aîné, & tous ses enfans, ainsi que nous auons dit en son lieu. Restoit cette année quatre-vingts & seize, le petit, duquel nous venons de parler; mais si enfant qu'il n'en pouuoit faire grand estat. Il le pourueut bien au mieux qu'il peut. Si n'arriua-il iamais à la Monarchie, comme nous verrons en son temps.

En l'entreprise de Coray il perdit plus de cent mille personnes, employa de grosses sommes d'or & d'argent; se ruina d'honneur & reputation, n'ayant iamais eu le courage d'y passer. Ces tristes & ruineux accidens suffisoient à vn esprit subtil & releué comme le sien, pour luy faire entendre, que c'estoient autant de punitions de son outrecuidance, & autres crimes qu'il n'ignoroit pas (car par fois on l'en brocardoit.) Mais ce sont ordinairement ceux qui combattent, la raison. Voilà pourquoy il s'endurcissoit aux coups. Si en sentit-il certe année de fort rudes. En voici vn eschantillon.

29

Cendre en  
forme de  
neige.

Le vingt-deuxiesme iour de Iuillet, feste de sainte Magdeleine, tandis qu'il donnoit à disner à Iuquequi, venerable Vieillard, qui tenoit compagnie aux Ambassadeurs Chinois, il tomba quantité de cendre comme neige fort menuë, qui couurit les maisons & les arbres, tant à Meaco, où cette prodigieuse pluye dura demy iour, qu'à Fuximi. L'air y fut tout le iour tant obscur, que plusieurs en souffrirent grand mal de teste & de cœur.

30

Sable en  
pluye.

Ez villes de Sacay & Ozaca, pleut du sable fin, & rougeastre comme arene viue. Puis des cheveux blancs & longs, tous tels que des femmes vieilles, sauf qu'ils estoient plus mols, & ne rendoient aucune mauuaise odeur au brusler. Ez quartiers plus Septentrionaux, comme ez Royaumes de Iechu, Iechingo, Noto, & autres, il en tomba si abon-

damment, que tout en estoit couuert.

Sur la my-Aoust parut fort bas sur la ville de Meaco, vne horrible comete, de l'Occident tirât vers le Nort, portant de longs cheueux, & vne furieuse monstre, durant douze ou quinze iours. Les Chinois qui estoient à la suite de Iu-quequi, la voyant de premier abord, s'escrierēt; *Vaxa, Vaxa*, c'est à dire, chose funeste, chose redoutable. Ce qui parut tres-vray par les sinistres euenemens qui suivirent. Elle estoit entourée de si espesses vapeurs, qu'on ne pouuoit discerner sa couleur.

31  
Comete  
sur Meaco.

*Effroyables tremblemens de terre & saillies de la mer,  
arriuées cette année au Iapon.*

CHAPITRE IV.



LE trentiesme iour du mois d'Aoust, sur les huit heures du soir, commença vn horrible trembleterre à Ozaca, & finit bien tost, sans porter aucun dommage. Mais le quatriesme de Septembre suiuant, enuiron my-nui&, il reuint si soudainement & furieusement, qu'il ne donnoit pas loisir aux personnes de sortir de leurs logis, pour se garentir des ruines. Il jetta par terre, premierement tous les superbes edifices du Tayco, signamment la grande Salle des mille Tatames, & la haute tour, qu'on nommoit *Ecuquinimo jagura*, c'est à dire la tour d'où se void la Lune. Ensemble vne autre tour, encore plus haute & magnifique que celle-là, avec toutes les galeries préparées pour faire voir aux Ambassadeurs de la Chine cent cinquante mille Iaponois rengez en bataille.

32  
Tremble-  
terre à O-  
zaca.

33  
Tour de  
rare hau-  
teur.

SOVS les autres ruines de la ville qui furent grandes, moururent plus de six cens personnes en demy-heure que ce tremblement dura. Il fut accompagné d'un si grand tintamarre, qu'on eust dit que c'estoit vn furieux tonnerre, ou le choc des ondes de la mer, en ses plus tempestueux



LES VS-  
CHRIST  
1596.

orages. Bref les temples de Bonzes furent presque tous  
rués par terre de cette secousse, plusieurs d'eux accablés,  
& tous les habitans tellement effrayez, qu'ils sembloient  
estre hors d'eux mesmes; & la pluspart dormoient sur les  
ruës, durant quelques iours que ce tremblement continua,  
quoy que beaucoup plus lent.

34  
Ruines de  
Meaco.

A Meaco le Ieudy cinquiesme de Septembre à onze heu-  
res de nuict, le temps estant clair & serein, survint vn trem-  
blement de terre si espouventable, l'espace d'un quart-  
d'heure que sa furie dura; qu'on eust dit que c'estoient des  
coups de double canon, ou qu'il y auoit sous terre quelque  
furieux combat entre les puissances infernales. L'abbatis  
des maisons fut si grād, & les ruines tant espouuētables, que  
plusieurs Chrestiens accoururent chez nous, pour nous assi-  
ster au besoin. Mais ils nous trouuerent tous à genoux dans  
la basse cour, disans les Letanies des Saincts, non sans diffi-  
culté à cause du tremble terre qui continuoit; mais sans au-  
cun inconuenient graces à Dieu.

35  
Daybut  
par terre.

LA grand masse du Daybut, que le Tayco auoit fait eri-  
ger, tout ioignant Meaco, de la plus enorme grandeur qu'il  
s'en trouuast au Iapon, se sentit grandement de cēt accidēt.  
Car la plus part des murailles furent terrassées, avec le  
principal portail & la statuē d'Amida tomba, & se rompit  
le col.

36  
Idoles par  
terre.

Av temple nommé Iansufangué, garny de douze cens  
idoles de relief, toutes dorées, & de belle grandeur, il en  
tomba plus de six cens, qui se rompirent teste, bras & jam-  
bes l'un l'autre, & s'entrefracassèrent tellement, qu'on eust  
dit que les furies infernales s'y estoient entrebattuës. Ac-  
cident qui contrista grandement les habitans de Meaco,  
parce que ce lieu-là estoit toute leur recreation, & la plus  
riche fleur de leur noble ville.

OR comme ce coup du ciel (car d'ailleurs ne pouuoit-il  
venir) estoit dardé, pour raualler l'orgueil du Tayco, il ne  
faut pas douter qu'il ne donnast plus furieusement sur Fu-  
ximi, lieu de son ordinaire demeure. L'original porte que  
sentant les premieres secousses du tremblement, il sortit en  
sursaut de son liēt, quitta sa femme, prit son fils en ses bras,

& se retira dans la cuisine, qui tenoit encore bon, tout le reste de son palais estant reduit en vn tas de plâtras & mafures. Là il demanda vn peu d'eau à boire, avec demon-

CHRIST  
1596.

stration d'vn ayse nomp pareil, pour auoir eschappé cét inopiné danger. Il y mourut soixante & douze de ses concubines, beau meuble d'enfer. La perte de ses armes, meubles & tresors, fut estimée à trois cens millions d'or. Asanodanzo, Gnenifoyn, Ieyaso, & Chicugendono, les quatre plus grands Seigneurs qui fussent lors en cour, y auolerent, & luy tindrent compagnie toute la nuit.

37

Tayco sau-  
ué de ce  
danger.

A la pointe du iour suiuant il se retira avec eux sur vne montagne, vis à vis de sa forteresse de Fuximi, sous vn pin de grandeur demesurée, & commanda qu'on y fit promptement vne esplanade, pour y bastir vn chasteau, veu qu'en la plaine n'y auoit point d'assurance. Car la Citadelle de Fuximi, & cette montagne qu'il auoit fait dresser avec tant de frais, estoient par terre. Le haut, fort, & magnifique moulin, qu'il auoit fait bastir sur la riuere de Fuximi, s'en estoit allé à vau-l'eau, il n'en restoit aucun vestige. Bref la terre s'estoit ouuerte en diuers endroits, comme pour engloutir les habitans tous vifs, & rencontroit-on tant de ces gouffres & creuasses entre Fuximi & Meaco, qu'il n'y auoit moyen de voyager à cheual, sans faire de grands destours.

38

Ruines en  
grād nom-  
bre.

QUELQUES-VNS ont escrit, que Tayco, contemplant tant de ruines du haut de la montagne, qui est vis à vis de Fuximi, voyant tous ses desseins rompus, tous ses edifices culbutez, toutes ses festes & triomphes conuerties en dueils & lamentations, dans moins d'vn demy-quart d'heure, il s'ecria que le Tinto (ainsi appellent les idolâtres le vray Dieu) auoit raison de s'irriter contre ses hautes & somptueuses (il pouroit dire vaines & superbes) entreprises; & qu'il estoit resolu de moins & plus modestement bastir à l'aduenir. Ce que neantmoins il n'obserua pas. Il demeura longtemps sans oser dormir dans maison quelconque; ains dans vne cabane bastie de cannes & roseaux, couuverte de tablettes fort legeres, & entourée de simple tapisserie; & se monstra tant effrayé, qu'il n'y auoit que Guenifoyn Gouverneur de Meaco, & deux autres grands Seigneurs, qui luy otassent parler.

39

Resolution  
du Tayco.



LESVS-  
CHRIST  
1596.

**Q**UELQUE temps apres, certains payens de ses plusintimes, estans tombés sur le propos de ces tant horribles accidens, ne firét pas difficulté de luy dire, que tout cela procedoit de la secte qu'on toleroit au Japon, tant contraire au culte des Camis & Fotoques, esperans par ce moyen exterminer le Christianisme. Mais comme les cœurs des grands sont en la main de Dieu; & le Tayco estoit homme prudent, de bon jugement, & qui ne se laissoit pas aysement porter à tout vent de persuasion, il leur respondit grauemét: Vous ne sçaués que vous dites. Si c'estoit chose nouuelle ou inouye au Japon, que semblables trembleterres & orages, vostre discours auroit quelque apparence de verité. Mais nos anciennes histoires tesmoignent, qu'il y auoit de semblables accidens en ces Isles, auant que les Chrestiens y missent le pied. Pourquoy voulés-vous les rendre auteurs, de ce qui tant & tant de fois est arriué en ces contrées, auant qu'ils y fussent? Ainsi leur ferma-il la bouche, si bien que long temps apres ils n'oserent gronder contre les Chrestiens. Pleust à Dieu qu'il eust tousiours ratiociné en cette façon! Je veux croire qu'il fût en fin arriué à la cognoissance de la verité. Mais il ne continua pas. Continuons nous à marquer les raretés de ce coup du Ciel.

40

Sage res-  
ponse du  
Tayco.

41

Payens  
sans com-  
passion.

**E**n la ville de Sacay le trembleterre dura pres de trois heures avec vn tel bruit & fracas, procedant de la cheute des maisons, temples, toits & murailles d'iceux, que la nuit aydant à l'effroy, on eust dit que toute la machine du monde se bouleuerçoit. Le lendemain ce fut chose digne de tres-grande compassion, de veoir tant de ruines amoncées les vnes sur les autres; ouyr les voix des hommes, les cris des femmes, les pleurs des enfans & filles, qui demandoient secours pour sortir des ruines. Mais les payens n'ayans aucun ressentiment de compassion, les seuls riches en eschapoient. Il mourut à Sacay plus de six cens personnes en cet accident; & entre autres vingt Chinois de la suite du vieillard Iuquequi, qui seruoit de conseil à l'Ambassadeur.

**I**ACQUES Fimbria Rioquey, que les autres nomment Roch; vn des plus anciens & meilleurs Chrestiens de Sacay, la maison

la maison duquel seruoit d'Eglise & d'hebergement à nos <sup>IESVS-</sup>  
Peres trente ans auparauant, sentant ce trembleterre arri- <sup>CHRIST</sup>  
uer, prit sa femme & quelques petits orfelins qu'il auoit chez  
foy, les mena deuant l'Autel, où nos Peres souloient dire la  
Messe, & administrer les saincts Sacremens. Ils y deme-  
rerent tous à genous, prians Dieu, tandis que toutes les  
maisons des voisins cheurent par terre, d'une part & d'au-  
tre; la sienne qui estoit à trois estages, demeurant seule de-  
bout, & sans aucun dommage. Merueille qui estonna gran-  
dement les gentils mesmes habitans de Sacay.

42  
Merueille  
à Sacay.

LES Seminaristes qui demeuroident en Arie, esueillés par  
les premieres secousses du trembleterre, & voyans les lam-  
pes pendues dans leurs dortoirs, se mouuoir & bransler sans  
que personne les touchast, sortirent en haste à la cour, se te-  
nans l'un l'autre par leurs robes de chambre. Mais graces à  
Dieu, il n'y eut mal aucun chez nous ny aux bastimens, ny  
aux personnes.

43  
Seminari-  
res d'Arie.

Ez terres de Facata la mer entra par vne riuier, plus d'une  
grosse lieue auant dans la terre ferme, & ce avec vn tel  
tintamarre, que le seul bruit faisoit retirer tous les circon-  
uoisins vers les montagnes: Puis retournant en son liêt, em-  
porta vn grand nombre de maisons, avec toutes les person-  
nes & meubles qui estoient dedans. On remarqua neant-  
moins que l'eau auoit espargné plusieurs maisons des Chre-  
stiens, aussi bien que le trembleterre. Car comme le lende-  
main de cet accident, quelques bons Chrestiens furent par  
les villages, demandans s'il y auoit quelque blessé ou mort,  
pour les enseuelir, ou medeciner; ils n'ouyrent que pleurs  
& lamentations es maisons payennes; & ne trouuerent pas  
vn Chrestien, qui eust souffert tant soit peu de dommage,  
en sa personne, ni en ses biens.

44  
Mer des  
bords.

IE serois trop long si ie voulois coter toutes les par-  
ticularités de ces prodiges; i'en passe la plus part sous si-  
lence, ce peu que i'en ay couché par escrit, me semblant  
plus que suffisant, pour fendre & briser les cœurs plus durs  
que diamants. Si est-ce que tout ce qui arriua ne fit com-  
me point de breche au cœur du Tayco. Car soudain apres  
il employa plus de cent mille ouuriers à bastir vne nou-



IESVS-uelle ville, sur la môtagne voisine de Fuximi. Ce sera la ville  
CHRIST neufue de Fuximi du mont. Tandis les Ambassadeurs Chi-  
1596. nois demandent audience, pour s'en retourner vers le Roy,  
qui les a enuoyez. Ils ne prennent pas de plaisir à ces bals de  
terre. Iamais ils n'auoient veu maison danser. Voyons com-  
me le Tayco les receut, & traicta.

*Entrée des Ambassadeurs de la Chine, honneurs &  
traictement que le Tayco leur fit.*

CHAPITRE V.

45  
Bastimens  
restans à  
Ozaca.

**L**E Tayco auoit fait dessein de receuoir les  
Ambassadeurs de la Chine en sa ville de Fuxi-  
mi: mais voyant que les trembleterres & ora-  
ges auoient ruiné tous ses edifices, il se reso-  
lut de transferer la feste à Ozaca, où restoit  
encore vne grande tour, quoy que fort mal  
traictée par les tempestes, la maison appelée du Mont, &  
le tres-somptueux pont qu'on nommoit *Gocuracufaxi*, c'est  
à dire le pont de Paradis, & quelques maisonnettes es en-  
uiron. Il fit dresser à la haste quelques logis sur les ruines  
des autres, lesquels furent richement parez au dedans de  
*Biobes* dorez, qui sont comme bancs dossiers artistement ela-  
bourés, & de tres-riches tapisseries de diuerses sortes.  
Puis fit sçauoir aux Ambassadeurs qu'il les verroit volon-  
tiers en Ozaca, le premier iour de la huitiesme Lune.

LE vingtiesme iour d'Octobre mil cinq cens quatre-  
vingts & seize, les Ambassadeurs partirent de Sacay, qui  
est à trois bonnes lieuës d'Ozaca, par vn tout plain &  
tres-beau chemin, au long duquel les Dames du païs a-  
uoient fait dresser diuers eschafauts d'une part & d'autre,  
pour voir passer ces troupes estrangeres, & ceux qui les  
accompagnoient; les Iaponois estans naturellement tres-  
auides de telles nouueautez. Le train des Ambassadeurs

estoit my-parti en deux escadrons. Au premier estoit Iu-  
 quequi, venerable vieillard en cét ordre. Apres tout  
 le bagage, chariage & seruice marchoient quelques  
 gens à cheual deux à deux, avec quatre estendars jau-  
 nes & violers, chargez de certains chiffres & caracte-  
 res à la Chinoise. Suinoient quelques Caualliers, portans  
 chacun vne table marquée de grandes & grosses lettres Chi-  
 noises, qui sembloient des patentes.

IESVS  
 CHRIST  
 1596.

46

Train des  
 Ambassa-  
 deurs Chi-  
 nois.

VENOIENT après certains pietons, portans les vns des  
 bastons à deux bouts bien armez : les autres des espées à  
 deux mains : les autres des picques. Puis dix ou douze hom-  
 mes armez de toutes pieces, trois pauillons de parade, &  
 quelques flûtes ou hautbois, qui ont le son des cornemuses  
 d'Europe, avec certains petits tambours de guerre, & des  
 clochettes de leron, en forme de demy-heaumes, qu'on son-  
 ne avec des touches, comme les tabourins de Biscaye.

PAROISSOIENT en suite vingt-quatre Gentils-hom-  
 mes, montez à l'auantage, & tres-bien equippez. Puis huit  
 ou dix Quannes, qui sont personnages d'autorité, vestus de  
 damas cramoisy, avec le bonnet oreillé, liurée des Manda-  
 rins, qui est dignité consulaire entre les Chinois. Immedia-  
 tement après ces Quannes marchoit le venerable Vieillard  
 Iuquequi, avec sa longue barbe blanche, couuert de violet,  
 homme de belle presence, & qui tenoit bien sa grauité, dans  
 vne chaire couuerte par dessus, & de trois costez, traissant  
 après soy vn grand nombre de Caualliers Chinois, & Iapo-  
 nois, qui l'estoient allez prendre à Sacay.

47

Quannes  
 Chinois.

APRES vne assez longue espace vuide, venoit la secon-  
 de bande de l'Ambassade, en teste de laquelle paroissoient  
 certaines petites litieres, où estoit la lettre du Roy de la Chi-  
 ne, adressante au Tayco. Quatre venerables Chinois, reue-  
 stus à leur mode de damas cramoisi, avec leurs bonnets à  
 oreilles, & six autres fort bien en conche, chacun portant  
 son parassol, à la Chinoise, les accompagnoient. Peu après  
 marchoient deux à deux ceux de la maison de l'Ambassa-  
 deur, avec dix estendars en teste, partie rouges, partie jau-  
 nes, & à leur suite vne commission escrite en grosse lettre sur  
 des tables, que deux officiers suinoient à pied, avec certains



**I**ESV S-  
**CHRIST**  
1596. bourdons en main, tout le reste estant à cheual. Marchoient après huit drapeaux, avec des flocs ou huppés de plume de Faïsan, & la hante de cane d'Inde. Ils estoient partie de soye, partie de coton, partie iaunes, partie rouges, suivis d'une cornette estroite entre deux estendards, l'un blanc, l'autre noir, que quatorze bannieres accompagnoient, & apres elles deux longs & gros bastons, quatre masses, & huit autres drapeaux. Voila bien des draps au vent.

**I**M M E D I A T E M E N T avant la personne de l'Ambassadeur marchoient vingt-quatre Quannes, leurs bonnets à oreillettes en teste, fort richement couverts de damas cramoisi; portant chacun les armes de leur souuerain, sçauoir est vn lezard de mer, dās vn escusson quarré. L'Ambassadeur estoit homme de belle façon, porté sur les espaules de huit valets de chambre, dans vne chaire toute ouuerte; le dossier garny d'une tres-belle peau de tygre. Son habillement estoit tout de cramoisi. A ses flancs on voioit douze soldats, avec chacun son arc: & autres douze qui leur portoient des fleches: quelques autres avec des masses fort artificieuses: deux armez de pied en cape d'un harnois fait en façon d'escaille. Suiuoiēt encore dix ou douze drapeaux, & pour arrieregarde grande multitude de Chinois & Iaponois à cheual. Si les Chinois eussent fait marcher leur bagage autre part qu'à leur teste, il eust fait plus beau voir leurs troupes. La pompe ne laissa pourtant de plaire aux Iaponois. Les voila dans Ozaca bien logez, & royalement traictez.

**L**E lendemain, qui fut le premier iour de la huitiesme Lune, le Sieur Augustin, & Xinoanocamo, pour lors Gouverneur de Nāgazaqui, entrans au Palais, pour dōner le bon iour au Tayco, l'aduertirent que les Chinois ne tarderoient pas à venir. Comme ils firent marchans en mesme ordre & arroy que le iour precedent. On y voioit de plus les dons du Chinois, portez sur six vingt tables chacune de cinq, à six pieds de large, & au double de long. Les tresteaux d'un bois qu'ils nomment Finoqui, blancs comme albastre, & tres-richement elabourez.

**C**ES dons furent deux mille deux cens cats de soye, chaque cat pesant plus d'une liure; & mille pieces de damas

Chinois, de satins, & de mulies, qui sont certaines pieces de fine soye surdorée. La lettre du Roy de la Chine estoit écrite sur vne lame d'or fort grande & pesante, close dans vn bahu d'or, avec vn parement & couronne de Roy pour le Tayco; & vne autre pour Mandocorofama sa femme en titre de Royne. Il y auoit aussi vingt habits de *Quungi*, qui est le nom d'une grande dignité en la Chine; le premier desquels estoit adressé nommément au Sieur Augustin; les autres à tels autres Seigneurs Iaponois, qu'il plairoit au Tayco en gratifier.

49

Dons portez de la Chine.

LA lettre du Roy de la Chine portoit entre autres ces mots. *Futataby*, *cioffen*, *Vocasucottona care*, c'est à dire, vous ne retournerez plus sur le Coray, ou la dignité ne vous seruira de rien. De sorte que par là les Iaponois restoient comme subjets & vassaux des Chinois. Ce que le Tayco n'entendit iamais bien, tant il auoit de vanité en teste. Mais continuons.

CETTE entreueuë & accueil passa du tout à la Iaponoise: le Tayco & les Chinois s'asseans pesse-messe sur les tatames, sans auoir esgard à la dignité, preface, ny haut bout. Apres leur *Sacanzuqui*, qui se fait humant vn peu de vin par ceremonie, le Tayco prit la lettre du Chinois, & se la posa sur la teste, pour le recognoistre cōme son Superieur. Puis receut les habits Royaux susmentionnez, entra dans sa chambre pour s'en reuestir; & retournant à la place, fut salué par le Chinois, à leur mode. Incontinent apres les tables furent couuertes, avec tant d'appareil, d'ostentation, & de ceremonies, qu'il y auoit de quoy repaistre les yeux, aussi bien que pour farcir leurs estomacs.

50

Sacanzu-  
qui quoy.

APRES le disner, chacun se retira en son logis. Sur le tard le Tayco visita Iuquequi, chez lequel il rencontra l'Ambassadeur; & tous trois s'étretindrent si familiarement & avec tant de caresses, que les Chinois prierent le Tayco de pardonner aux Coraites, & voir de bon œil leur Ambassadeur. De quoy il s'excusa, disant que le Coray l'auoit tellement offensé, qu'il n'en pouuoit ouïr parler. Mais Iuquequi cōme personnage fort acort, & qui auoit ja practiqué le Tayco luy repartit ioyeusement: Vostre Altesse a occasion d'en vouloir aux

51

Coraites  
indignes  
de pardon.



IESVS-  
CHRIST  
1596.

Coraites. Ils meritent d'estre punis. Mais que gaignerés vous à les perdre? Ils se sont tres-mal portés enuers le Roy de la Chine, nostre Maistre. Neantmoins il leur a pardonné de pure compassion. Vostre Altesse en peut faire autant; & nous vous en prions comme pour nos bons voisins. Le Tayco se prit à rire, disant que les Coraites ne meritoient pas que la Chine s'employast pour eux. Ce sont des ingrats, dit-il, sans rien accorder. Mais se voulant retirer, & tenant l'Ambassadeur d'une main, & l'autre de l'autre, il leur dit: Puisque le Roy de la Chine m'a tant honoré, ie le respecteray tousiours. Quant à la réponse à ses propositions, ie m'en remets du tout à vos bons aduis & iugemens. Parole qui contenta grandement les Chinois, & leur persuada qu'ils ne seroient esconduits en chose qu'ils luy demandassent.

52

Dons du  
Tayco aux  
Chinois.

Le lendemain le Tayco enuoya à l'Ambassadeur cent Cofondes, espece de vestemens fort beaux & magnifiques, rengés dans certaines quaiſſes qu'ils appellent de maquije, bien closes & dorees. Quarante lances, avec leurs hantes & fourreaux de Nascingi, & vingt cimenterres de mesme ouurage. Il enuoya aussi à l'autre cinquante Cofondes; luy ayant ja fait vn beau present d'armes, lors qu'il le visita en particulier à Fuximi, ainsi que i'ay marqué cy-dessus.

Le vingt-quatriesme Octobre, il leur fit signifier que ces vaisseaux de passage estoient au port tres-bien equippez. C'estoit leur donner honnestement congé. Iamais on n'en auoit veu de tels au Iapon. Ils estoient à deux ou trois estages chacun, avec leurs chambres, antichambres, salles, cabinets; & par consequent fort amples, & tres-richement ornés: les lambris, accoudoirs & auirois tous ouuragés, & parsemés de fin or molu. Les grands Seigneurs en firent depuis dresser à l'instar du Tayco, & le Datte entre autres en fit veoir vn qui les surpassoit tous, ayant les cables & cordages entierement de soye cramoisine.

*La colere du Tayco rallumée contre le Coray, & la  
guerre recommencée.*

CHAPITRE VI.



GRANDE peine estoient les Ambassadeurs de la Chine de retour à Sacay, que le Tayco leur despecha quatre Bonzes de grande auctorité, que les Iaponois appellent Chores; pour leur iterer en son nom les offres & honnestetés qu'il leur auoit fait luy mesme sur leur depart. Ce qui resioiuit & assura de plus en plus les Chinois. Mais sur tout la conclusion d'une belle lettre, qu'il leur escriuit par les mesmes Bonzes, portant en termes exprés, qu'il ne leur refuseroit chose de laquelle ils le voulussent requerir. Offre qui leur donna courage de le supplier par leur response, qu'il luy pleût faire raser les forts qui estoient au Coray sur la frontiere du Iapon, retirer les garnisons qu'il auoit dans les villes, & pardonner à ce pauvre peuple, à l'imitation du Roy de la Chine, la clemence duquel ils luy auoient representé de viue voix.

53  
Liberalité  
du Tayco  
en papier.

LE Tayco receut volontiers leurs lettres, & les ouurit luy mesme pour veoir le contenu. Mais arriuant au point qui concernoit les forts du Coray, il fut soudain espris d'une telle rage de colere, qu'il sembloit agité par les furies infernales. Il crioit à pleine teste, bauoit, barroit des mains, frapport des pieds, suoit tellement que toute la teste luy fumoit. Car comme les flateurs luy auoient fait entendre que les Chinois le redoutoient grandement, & que la crainte des Coraïtes estoit redoublée, si bien qu'il se pouuoit rendre maistre de la moitié de leurs terres; il prit cela pour argent comptant, & besoigne faite: Mais se voyant honnestement obligé ou à refuser les Chinois, contre ses promesses; ou à pardonner aux Coraïtes contre ses intentions, il cuida creuer de rage & despit; & au lieu de s'en prendre ou à sa

54  
Tayco  
changé  
contre les  
Chinois.



LES V S-  
CHRIST  
1596.

55  
Augustin  
disgracié.

56  
Coraites  
en danger.

Nomb. 23.

vanité qui l'auoit porté à tant offrir aux Chinois ; ou à son inconstance qui ne luy permettoit de prendre conseil en ses affaires, en ietta toute la faute sur le Sieur Augustin, luy dit mille iniures, le chassa de sa salle.

IL s'en prit aussi à Tarazana, pour lors gouverneur de Nangazaqui, grand amy du Sieur Augustin, & son Colleague en la negociation de cete Ambassade Chinoise, disant que les chefs qu'il auoit enuoyé au Coray, s'estoient tres-mal acquittés de leur deuoir, & l'auoient trompé. Que s'il y fût allé en personne, il eust fait merueilles. Qu'il estoit resolu de passer la mer, & ruiner tout. Mais il s'en gardera bien à ce coup, aussi bien que l'autre fois.

IL s'indigna aussi extremement contre les Coraites, parce qu'ayant donné la vie au Roy du païs, & à trois de ses enfans pris en guerre, voire s'estant monsté enclin à luy remettre son Royaume ; il n'estoit pas venu l'en remercier. Au moins pouuoit-il enuoyer quelqu'un des enfans ; luy fit dire la colere. Il n'ay veu de sa part qu'un Agent de simple qualité, sans conseil, sans compagnie, sans present. C'estoit la proye qu'il attendoit le plus. La resolution fut qu'il entretiendrait la paix & amitié avec les Chinois. Quant aux Coraites, il ne leur pardonneroit iamais. Pour ce coup, il leur donna la vie. Mais s'ils passent plus la mer, ie les feray tous crucifier en la place de Sacay, dit-il.

AVANT que s'accoiser, il commanda au Sieur Augustin, de repasser la mer avec les Ambassadeurs de la Chine ; & recommencer au plustost la guerre à feu & à sang contre les Coraites. Voyla comme il le recompensa des seruices de cinq ans, de tant de villes qu'il auoit conquis, de tant de batailles qu'il auoit gagné sur le Coray ; de la paix qu'il auoit moyenné avec les Chinois, paix tant souhaittee par le Tayco, paix pour le traité de laquelle il luy auoit donné mille louanges, en la presence des plus grands du Iapon ; ainsi que i'ay touché cy-dessus.

LA colere du Tayco ne s'arresta pas-là. Car s'estant persuadé que la demande des Chinois, procedoit de la veine du Sieur Augustin, il se prit à le contrequarrer : & pour luy faire depit, rappella en cour le Capitaine Toronoguque, disgracié

disgracié pour le peu de deuoir qu'il auoit rendu és guerres du Coray. Voici la satisfaction que le Tayco luy fit, le receuant en grace. Puis que vous estes mon parent, & personnage de rares qualitez, la raison vouloit que ie vous recogneusse mieux, particulièrement pour la peine qu'auiez pris en mon seruice au Coray. Je ne deuois prester l'oreille aux Enniens, qui m'irritoient contre vous. Depuis que j'ay ouuert les yeux, & recogneu la verité, ie vous recompenseray tellement, que vous en serez satisfait. Oubliez le passé. Je veux que vous alliez renoueller la guerre au Coray. C'estoit au plus fort de l'hyuer en ces quartiers-là. Il luy commanda neantmoins d'y retourner au plutost, avec Iquonoquami, & y rebastir vn fort qu'il auoit luy mesme fait raser.

57

Torono-  
guque re-  
concilié.

IL ordonna pareillement à Cainocami, Seigneur du Royaume de Bugen, de passer au Coray, dans la seconde Lune de l'année suiuite, laissant Cabiondono son pere, en sa place: luy promit d'y enuoier des troupes pour ruiner tout, & se rendre derechef à Nangoya, pour plus commodement pouruoir aux affaires. Nouuelles tres-malplaisantes aux Capitaines & Soldats du Iapon, qui auoient tant souffert au Coray sans aucune recompense. Il y estoit mort plus de cinquante mille hommes: cinq cens vaisseaux s'estoient perdus allant ou venant durant ces cinq ans. Tous les soldats qui en estoient reuenus, estoient malades, estropiés, engagez iusques aux oreilles, & n'osoient contredire au Tayco, de peur de pis auoir.

58

Guerre au  
Coray.

SA fureur ne se coucha pas avec le Soleil. Car deux iours apres continuant sa tache, il commanda au gouuerneur de Sacay, à Ioseph fils de feu Ruyz, & à vn gentil, de faire embarquer les Chinois & Coraites dans deux iours, sous peine de la mort. L'embarquement n'estoit aucunement prest pour tant de gens; Si fallut-il qu'on les entassast dans les vaisseaux qui se trouuerent au port, comme harencs dans leurs caques. Pour les haster, on commença ce iour mesmes, par secret commandement du Tayco, à bassotier les Chinois en public, & les maigrement traiter en particulier. Qui

59

Ambassa-  
deurs de la  
Chine.



An de 26

LIVRE XI. DE L'HISTOIRE

IESVS-CHRIST 1596.

60  
Partent du  
Iapon.

fut cause qu'on veid le venerable vieillard Iuquequi, s'enaller à pied au port pour s'embarquer ; pleurant de de-  
pit, & disant qu'on les feroit mourir en la Chine, comme s'ils auoient trompé les Iaponois, qui les renuoioient si court & honteusement. Mais la faute n'estoit originairement que d'un seul, qui trouuoit trop d'executeurs de ses peruerſes volontez. Les meilleures testes du Iapon, rougiſſoient de honte pour ces façons de faire ; & le Tayco meſme s'en repentit en fin, comme de traiet lache, & contraire à toute raiſon, droit & honneſteté. Mais les coups eſtoient ià ruez.

61  
Dom Auguſtin re-  
gner.

PLVSIEURS grands Seigneurs furent voir & conſoler le Sieur Auguſtin auant ſon depart vers le Coray. Mandocoroſama femme du Tayco, enuoya pour meſme effet viſiter Madame Iuſte, femme du Sieur Auguſtin, lequel comme perſonnage de fort bon & doux naturel, & tres-bien appris es choſes de Dieu, fit ſon profit de cét accident rentra en ſoy-meſme, s'humilia deuant ſa Maieſté diuine, ſe confeſſa auant que partir pour le Coray, & laiſſa les affaires de ſa maiſon en tres-bon ordre. Tandis qu'il ramalſe ſes troupes, & que le Tayco cuue le vin de ſa fureur, pour tramer quelque plus ſanglante entrepriſe, trions quelques ſignalez traiets de vertu du grand nombre que nos Peres en ont couché en leurs lettres de cette année quatre-vingts & treize.

---

*Des Royaumes de Bungo, Fingo, Saxuma, & autres  
quartiers du Ximo.*

CHAPITRE VII.

62  
Valelma-  
lade viſité.



EN la ville de Funay, qui eſt au Royaume de Bungo, vn pauvre Chreſtien, ſe trouuant malade à la mort, chez vn Payen qu'il ſeruoit, & ſçachant qu'il y auoit vn de nos Peres à Facata, trois bonnes lieuës de là, enuoya vers luy vn autre Chreſtien, pour le prier de l'aſſiſter au dernier pas de ſa vie ; & proteſter en ſon nom, que

si quelque phrenesie le surprenoit, il desiroit neantmoins IESVS-  
mourir bon Chrestien. Le Pere ayant receu cette nouuel- CHRIST  
le se mit soudain en chemin, & arriuant à Funay trouua 1596.  
ce patient dans vne chambrette, longue de huit piéds, &  
large de quatre, où il le confessa, puis consola en presence  
de son maistre; lequel quoy que Payen, s'estonna grande-  
ment de deux choses. La premiere que le Pere homme graue  
& de qualité, fût vchu de si loing, en temps si pluuieux, &  
en telle diligence, pour contenter son valet. Car il ne son-  
doit pas plus auant les affaires. L'autre fut que le malade  
ayant perdu la parole, auant que le Pere arriuaft, la recou- 63  
ura soudain qu'il le veid, & se confessa. Ce que le Payen  
tenoit pour vn miracle. Deux ou trois iours après, ce bon  
malade rendit son ame à Dieu, n'ayant vescu ces deux ou  
trois iours, que pour receuoir l'absolution de ses pechez, &  
finir en bon Chrestien.

Vertu du  
bon exem-  
ple.

A Bungo mesme habitoit vn Gentil-homme Chrestien,  
nommé Munacata, le fils duquel, quoy que Payen, auoit es-  
pousé vne des filles du feu Roy François, qu'on appelloit  
Monique. Cette bonne Dame cōme fort vertueuse Chrestie-  
ne, & fille d'un pere tant deuot, que nous auōs cy-deuāt ven-  
u au cours de cette Histoire, endura l'espace de quelques an-  
nées vne infinité d'affronts que luy faisoit son propre mary,  
s'addonnant d'autant plus au culte des idoles, qu'il la voioit  
plus ardente au seruice de Dieu. Ce qui affligoit tellement  
Monique, qu'elle en estoit ordinairement malade. Il pleut 64  
en fin à Dieu de toucher tellement le cœur de ce ieune Sei-  
gneur, que lors que moins on l'esperoit, sans auoir ouy pre-  
dication ni leçon quelconque, il prit tous ses liures, breuers,  
characteres, & autres instrumēts d'idolatrie, en fit des cēdres,  
enuoya querir nostre Cathechiste, se fit instruire, & receut le  
S. Baptême, avec toute sa maison. Monique en fut extreme-  
ment consolée, & tous ceux qui cognoissoient sa vertu & de-  
uotion attribuerent cette conuersion à ses prieres.

Conuer-  
sion mira-  
culense.

A Fita ville du Royaume de Bungo, vn ieune enfant âgé  
seulemēt de huit ans, qui sçauoit beaucoup & de belles pie-  
ces de diuerses Comedies Iaponoises, & les recitoit de fort  
bōne grace; ayāt souuēt assisté aux leçons de la doctrine Chre-



LESUS-  
CHRIST  
1596.

stienne, attaqua vn iour le Catechiste en l'Eglise, & luy dit: Aués-vous pas icy l'image d'un Fotoquz (ainsi parloit-il) qu'on dit auoir esté crucifié pour le salut de tous les hommes? Monstrés le moi, ie vous prie. Ie desire extremement le voir. Le Catechiste lui monstra le premier Crucifix qu'il rencontra. Ce ieune fils l'ayant considéré quelque temps; Ie ne vois pas icy, dit-il, la plaie qu'il receut au costé gauche depuis sa mort. Le Pere qui residoit là, suruenant, luy monstra vne autre image du Crucifix, qu'on tenoit sur l'Autel, laquelle l'enfant dit luy agreer beaucoup plus que l'autre, à cause de la plaie qu'il auoit au costé, & du sang qui ruiselloit du chef. Apres l'auoir bien considéré, il demanda le saint baptisme. Le Pere luy respondit qu'il falloit auprealable bien sçauoir le petit catechisme. Ie le sçay bien, dit l'enfant; & se prit à le reciter. Comme il eut fini, le Pere luy dit, Celuy qui veut receuoir le saint baptisme, doit venir mieux disposé que vous n'estes. Les habits que vous portés sont ordinaires: pour receuoir vn si grand Sacrement, il faut au moins estre vestu comme les iours de feste. L'enfant prenant cete response en payemēt, s'encourut prōptement chez son pere; se couurit de ses habits de foye, & retournant à l'Eglise, dit au Pere; Me voici maintenant bien prest: baptisés moy s'il vous plaist. Ce que le Pere luy accorda.

65  
Autre con-  
uersion  
d'un ieune  
fils.

Catechis-  
me du  
Concile  
imprimé  
au Iapon.

De l'Imprimerie qui estoit en vn quartier du College d'Amacuz, separé toutefois de nostre habitation, sortit cete année le Catechisme du Concile de Trente en Latin, qu'on lit au Seminaire: le liuret intitulé *Contemptus mundi*; qui est de Thomas de Kempis en Latin & Iaponois ensemble: & les exercices spirituels de saint Ignace nostre patriarche, en Latin seulement.

A Voian ville du Royaume de Fingo vn gentilhomme Chrestien maria vne de ses filles avec vn payen; laquelle tomba malade, & fut tant affligée en peu de iours, que le sixiesme on la tint pour morte. Quelques-vns tenoient que le malin esprit la possedoit, parce qu'elle faisoit de tres-laidés grimaces, & se tourmentoit si furieusement, qu'à grand peine trois personnes robustes la pouuoient tenir. Ses beaupere & mary, comme payens, implorerent l'ayde des Bon-

zes, lesquels vserent sur elle de plusieurs superstitions. Mais en vain. Tandis, on auoit donné aduis du tout au pere de la malade, qui se tenoit à neuf ou dix lieues de là, qui vint en poste, & la trouua preste à rendre l'ame. Car elle ne reconnoissoit plus personne.

IESVS-  
CHRIST  
1596.

IL ne perdit pourtant l'esperance de l'ayder; ains fit cesser routes les singeries des Bonzes, & autres payens qu'il trouua dans le logis: puis prit son chapellet en main, dit deuotement trois fois le *Pater Noster*, & trois fois l'*Aue Maria*. Mais voyant que la malade continuoit à faire ses grimaces, & se tourmenter, la frappa de son chapellet sur les espauls, disant: Tu es quelque mechant diable. Quitte ce corps. Je ne le quitteray ja, respondit le malin esprit. Si feras, repliqua le bon homme; Si feras en despit de toy mesme. Ce que disant, il mit son chapellet au col de la malade. Ostés-moy ce carquaut, cria le diable, ostés-le moy: il me coupe le col. Ostés-le moy, & ie sortiray. Le pere respondit, Je n'en feray rien. Je ne l'osteray pas. Et prenant certaines cordelettes, fit semblant de vouloir frapper sur sa fille. Ce que le malin redoutant, sortit de ce corps, le laissant comme mort. Car la fille auoit les yeux roulés; & le poux si bas, qu'on ne le pouuoit reconnoistre. Chacun la tenoit pour trespassée, sauf son pere, lequel comme bon Chrestien esperoit tousiours en la misericorde de Dieu; & poursuiuoit à prier pour elle. Deux heures apres elle reuint à soy, & demanda de l'eau à boire. Son pere auant luy en donner, dit trois fois le *Pater Noster*, & trois fois l'*Aue Maria* dessus. Soudain que la fille en eut beu, elle se trouua mieux, recongneut son pere; & quoy que lassé & rompuë de l'agitation du malin, die neantmoins ne se souuenir aucunement de ce qui estoit passé. Son pere luy raconta le tout si pathetiquement, qu'elle se resolut de recevoir le baptesme à la premiere cōmodité; priant le bon homme de luy laisser le chapellet, par le moien duquel Dieu l'auoit deliurée. Ce que son pere luy accorda volontiers. Ainsi quoy que payenne elle portoit le chapellet au col. Depuis elle fut baptizée avec son mary, sa belle mere, & plusieurs autres qui auoient veu la merueille, & se mocquerent à pleine

67

Diable  
chassé du  
corps.



IESVS- gorge des ceremonies des Bonzes.

CHRIST

1596.

68

Bon exem-  
ple, & sa  
force.

Av Royaume de Saxuma, vn Chrestien qui auoit sa femme & famille tous payens, vacquoit neantmoins à ses deuotions, & prioit souuent Dieu à genoux. Dequoy vne siene fille âgée seulement de huit ans, s'estant apperceuë, le guettoit par fois, & prenoit vn singulier plaisir à le voir en deuotion. Vn iour comme il estoit prest à s'embarquer pour quelque voiage, & prenoit congé de sa famille, cette fillette le suiuit, pleurant à chaudes larmes, & criant: Mon pere, mon pere, Menés moy avec vous, pour me laisser parmy les Chrestiens. Car ma mere est idolatre. Il n'y a moien que ie viue pres d'elle. Cete innocente pria tant, & cria tant, que son pere pour la contenter promit de la faire baptizer à son retour. C'estoit bien par inspiration diuine qu'elle parloit. Car il n'y auoit Chrestien aucun sur le lieu.

Cete année quatre-vingt & seize fut institué à Xiqui vne Confrairie de nostre Dame, de laquelle le Tono fut le chef ou Prefect, & des plus apparens de la noblesse ses officiers. Soudain qu'il fut entré en charge, il fit distribuer aux pauures quarante sacs de ryz, & les officiers chacun selon son pouuoir. Les Confreres alloient à deux lieuës loin, pour assister aux honneurs des trespasés. Quelques-vns qui auoient repudié leurs premieres & legitimes femmes, pour se marier à leur guise, iurant que iamais ils n'en receuroient d'autres en leurs maisons, changerent d'avis pour estre receus en la Confrerie, & cōgedians les secondes comme illegitimes, rapellerent les premieres, au grand contentement & tres-bon exēple de leurs prochains.

69

Congrega-  
tion de no-  
stre Dame.

Il y a fort peu de Medecins au Iapon. Qui est cause que les Chrestiens tombans malades ont recours aux Marguilliers des Eglises. Celuy de Xiqui les renuoioit ordinairement aux thresors de la misericorde diuine, disāt aux vns qu'ils beussent de l'eau benite; aux autres qu'ils trempassent vn peu du bois de l'arbre auquel parurent les croix; desquelles nous auons parlé cy-deuant, dans leur boisson, ou bouillon, puis l'auallassent. Par tels & semblables moyens il guerit cete année plus de vingt-cinq personnes de la sievre tierce.

VNE femme qui portoit le col tellement enflé & endurcy, qu'elle ne pouuoit tourner sa teste, fut guerie avec de l'eau benite qu'on luy donna, apres auoir recité sur elle la conclusion de l'Euangile sainct Marc, & quelques oraisons pour les malades.

VNE autre femme fort deuote, mais qui auoit son mary bien tiede, en ce qui concernoit son salut, remarqua qu'une espece de vers, qui fût par fois tel degast en ces quartiers-là, que rien ne croist au lieu par lequel ils ont passé, cōmençoit à rauager ses champs; s'en alla à l'Eglise de Xiqui, se recommanda de tout son cœur à nostre Dame, promettant y retourner dans peu de iours, & dire certain nombre de prieres. Ce vœu fait, elle fut reuoir ses champs, & trouua que les vers estoient tous morts, & n'auoient passé outre le lieu, où elle les auoit premierement apperceus. Dequoy son mary bien estonné commença à se rendre plus deuot.

VN forcier s'estant retiré au village de Futaie pour seduire de simples gens, le Marguillier aduertit soudainement tous les habitâs qu'ils se gardassent bien de l'heberger. Nonobstât son aduis il s'en trouua vn qui le logea; mais à son dam. Car le mesme iour qu'il le retira vn sien fils se noya dans vn ruisset où iamais personne n'auoit pris de mal. Et le lendemain vne grosse piece du prochain rocher tomba sur sa maison, & l'accabla. Les voisins accoururent au bruit de la ruine, & firent diligence de le tirer de là. De fait ils le trouuerent encore vif, mais tout moulu & brisé; recognoissât que Dieu l'auoit iustement puni, pour auoir logé vn si pernicieux instrumēt de Satã.

LES habitâs du mesme village de Futaie, ayât coustume de retenir grãde quãtité d'eau de pluie dans certains lacs ou étâs, pour arroser leurs prés au tēps de la secheresse, & voiant que bondes ouuertes l'eau ne couloit pas, auoient recours à vn forcier, lequel par ses charmes faisoit couler l'eau. Ce qui arriua plusieurs fois. Mais cete année les habitans du lieu ayans esté receus en la confrerie nostre Dame, reconnue & confessé leur faute, se trouuerent en peine comme auparauant, pour faire couler l'eau; & eurent recours au vieillard, qui auoit soin de l'Eglise, le priant de se trãsporter sur le lieu. Dequoy il s'excusa plusieurs fois, disant en soy.

71

Vœu à nostre Dame.

72

Sorciers à detester.



An de 32

IESVS-  
CHRIST  
1596.

LIVRE XI. DE L'HISTOIRE

mesme; S'il plaist à Dieu que l'eau coule, lors que ie seray ar-  
riué là, les Chrestiens en seront consolés, & confirmés en la  
foy. Mais si en punition de mes pechés elle demeure im-  
mobile, ie crains que plusieurs ne se refroidissent en la foy,  
& donnent plus de creance aux forciers. Mais les bons vil-  
lageois l'importunerét tât qu'il s'y en alla avec eux, se mit à  
genoux sur la chaussée, dit les Letanies des Saincts & le *Cre-  
do*; lequel il n'eut pas fini, que l'eau commença à couler en  
abondance. Ce qui confirma les Chrestiens en la foy, & en  
la deuotion enuers la tres-saincte mere de Dieu.

73

Deuotion à  
nostre Da-  
me.

*Heureux decés de Madame Maxence sœur du  
Roy d'Arima, & quelques miracles  
arriués en ce quartier-là.*

CHAPITRE VIII.

74

Maxence  
sœur d'Ari-  
mandono.



LE iour saint Marc de l'année quatre-vingt &  
seize, fut enseuelie en nostre Eglise d'Arima  
Dame Maxence sœur d'Arimandono, vesue  
& heritiere du Seigneur d'Isafai: Dame qui re-  
formoit toute la ville par les rares exemples  
de ses vertus. Elle estoit fort humble, & de  
toute autre humeur que ne sont ordinairement au Iapon  
les personnes de sa qualité. Son Confesseur tesmoigna  
qu'elle auoit vn extraordinaire soin de son salut, & alloit  
de iour en iour croissant en iceluy, comme en toutes autres  
vertus. Il ne luy remonstra iamais chose en laquelle y eust  
tant soit peu de danger pour la conscience, comme il en ar-  
riue beaucoup à ceux qui ont tant de biens en main, & tant  
de gens sous leur charge, comme certe Dame auoit, que sou-  
dain elle ne suiuit son conseil, montrant par effect, que tout  
son desir n'estoit que de plaire à Dieu, & sauuer son ame.

ELLE ne se lassoit iamais de s'exercer es œuures de peni-  
tence. Tous les iours du Careme precedent, elle alloit à l'E-  
glise, & n'en sortoit que toutes les Messes ne fussent dites,  
quoy qu'il fit grand froid. Elle auoit fait vœu de chasteté vi-  
duelle,

duelle, se confessoit & cōmunioit vne fois le mois, avec grā-  
de deuotion. Le quatriesme Dimanche de Carefme, de cette  
mesme année, elle commença à faire vn Confession genera-  
le depuis son baptisme, qu'elle auoit receu sept ans aupara-  
uāt, & la cōtinua iusques au Mercredy Sainct, que la maladie  
la saisit. Elle portoit iour & nuict vn fort aspre cilice, auoit  
ieusné tout ce Carefme-là, passé plusieurs iours sans rien  
manger, & quelques autres ne prenant qu'vn peu de ris cru,  
& trempé en l'eau. Toutes les nuis elle prenoit la discipline;  
& peu de iours auant tomber malade, l'auoit faite deux fois  
iusques au sang. Elle ne s'estoit couchée au liēt de tout ce  
Carefme-là; ains s'appuioit seulement contre vn pilier de  
sa chambre, pour se reposer vn peu; s'esueilloit à my-nuict,  
& prioit iusques au iour.

75  
Ses vertus.

CETTE austerité de vie entreprise par vne Dame de  
fort simple complexion, & qui auoit esté nourrie tres-de-  
licatement, estonnoit tous ceux qui en oioient parler. Fi-  
nalement il pleut à Dieu couronner ses trauaux par vne  
infirmité commune aux ieunes enfans, qu'on nomme la  
rougeole. Elle ne languit que quinze iours, durant les-  
quels elle sentit d'excessiues douleurs, sans donner aucun  
signe d'impatience; quoy qu'elle eust perdu entierement  
route la peau de son corps. Le Confesseur qui l'assistoit,  
l'ayant aduertie que sa fin approchoit fort; Loué soit Dieu,  
dit-elle, loué soit Dieu qui me donne si bon courage ius-  
ques à la fin. Puis ayant reCOMMANDÉ son esprit à Dieu, &  
dit IESVS MARIA, tenant vn grain benit en main, rendit  
l'ame, sans donner aucun signe de teste ni de mains, le qua-  
rantiesme de son âge.

76  
Rougeole  
mortelle.

A Quingina, qui estoit vne des residences dependantes  
d'Arima, le malin esprit s'estant saisi du corps d'vne femme,  
la trauailloit grandement, disant à ceux qui le coniuroient;  
Je suis sa mere. Je l'ay nourrie & mariée. Mais voyant qu'elle  
me laissoit mourir de faim, ie fus contrainte m'en aller vi-  
ure parmy les payens, mes parens. I'auois tousiours desir de  
reuenir icy, & mourir parmy les Chrestiens; mais la vieille  
sem'empecha. Celle-cy l'a bien sçeu, & toutes fois n'a ia-  
mais daigné prier pour mon ame. C'est pourquoy i'y suis

77  
Possédée  
deliurée.



**I**ESVS-  
**CHRIST**  
1596. resoluë de la tourmenter, pour me venger du tort qu'elle m'a fait. Les Chrestiens cogneurent bien que ce n'estoient que bourdes du malin esprit, l'adiurerent de sortir, prièrent vn de nos Peres de la confesser. Mais les vns ny les autres ne la pouuant soulager, le Pere s'aduisa de luy appliquer vn breuiare, duquel Sainct François Xauier s'estoit autres fois seruy disant les heures canoniales. Avant cela les Chrestiens commandans à ce malin esprit de quitter la patiente, il respondoit, Je suis trop vieille. Je ne peus partir d'icy. Ou irois-je? Mais soudain qu'il sentit le breuiare, il se prit à crier: Il n'y a plus moyen que ie demeure icy. Il faut que ie deloge. Et sortit, laissant cette femme tant abbatuë, qu'elle n'auoit aucune souuenance de ce qui s'estoit passé.

78

Breuiare  
de Sainct  
Xauier.

Vn autre Chrestien fort tiede, & peu curieux du salut de son ame, fut possédé du diable, & deliuré soudain qu'on eut mis sur luy le mesme breuiare. Vn soldat Chrestien, estant party Quingua, pour passer au Coray, sans s'estre confessé, y mourut. Quelques iours apres son decés, Satan s'empara du corps de sa femme, & disoit: Je suis le mary de cette femme. Nous mourumes huit au coup. Les sept furent damnez, ie fus seul enuoyé au Purgatoire. Je prie le Pere Iesuiste de dire vne Messe pour moy; & mon pere de faire dresser vne croix pour l'amour de moy: Mais qu'elle ne soit pas dressée en tel lieu, où mourut vn tel, qui auoit mal vescu, mais en telle autre place. Il nommoit le tout particulierement. Voire adiousta, Vn tel qui est bon Chrestien aura soin de nettoier és enuiron de la croix. C'est ainsi que le pere de mēsonge abuse ceux qui luy prestēt l'oreille. Mais il a beau faire. Car Dieu emporte le tout quād il luy plaist. Et de fait la patiente fut deliurée par l'application du mesme breuiare qui auoit seruy aux deux sus-mentionnez, & plusieurs autres.

79

Esprit ma-  
lin chassé.

Vn ieune homme encoré Payen, estant arriué à ce port, pour passer au Coray, où il s'acheminoit pour entrer au seruicé de quelque grand Seigneur, & ayant rencontré vn vaisseau prest à faire voile le iour suiuant, y entra de premier abord, & le lendemain matin en sortit, & descēdit à terre, sans

sçauoir dire pourquoy. Mais c'estoit vn trait de la prouidē-  
ce diuine sur luy. Car le nauire ayant pris le large, n'alla pas  
loin, sans s'ouurir & fendre par le milieu: tellement que la  
plus part des gens qui estoient dedans, se perdirent: & celui-  
cy, parlant humainement, se fût perdu avec les autres, parce  
qu'il ne sçauoit pas nager. Benefice de Dieu qui l'esmeut si  
bien, que peu de iours apres il se fit Chrestien.

IESVS-  
CHRIST  
1596.

80

Prouiden-  
ce de Dieu

VINGT Chrestiens s'estans embarquez dans vn vaisseau  
qui passoit du Iapon au Coray, avec plusieurs Payens, ar-  
riuerent près d'une Isle qui est à deux lieux du port, où le  
nauire se fendit. Tous les Payens se perdirent. Les Chre-  
stiens s'estants recommandez à Dieu, & ayant fait quelques  
vœux à nostre Dame, se seruirent du mast, & aborderent à  
l'Isle. Dequoy les habitans, quoy que Payens, furent fort  
estonnez, & asseurerent n'auoir iamais veu cas semblable.  
Les Chrestiens en louèrent la diuine bonté, & nostre Da-  
me, par l'intercession de laquelle ils auoient esté deliurez  
d'un si manifeste danger.

81

Vœux à  
nostre Da-  
me.

VNE jeune fille de celles qui apprenoient le Catechisme  
en nostre Eglise, ayant coustume de s'y rendre continuelle-  
ment, nonobstant le froid, la pluye, & le croissant d'un  
torrent, qu'il luy falloit passer, sa maison estât des plus eslo-  
ignées del'Eglise, tomba malade, & alloit de iour en iour  
empirant, au grand regret de ses pere & mere, parce qu'elle  
estoit vnique. Ils pleuroient sans cesse, & la fillette les  
consoloit, disant: Vous n'avez aucune occasion de vous  
plaindre, de ce qu'il plaist à Dieu me conduire dès mon  
tendre âge en Paradis. Ses compagnes estant allées la vi-  
siter, elle les pria de dire toutes ensemble la doctrine Chre-  
stienne, comme elles auoient coustume de faire en nostre  
Eglise. Ce qu'elles luy accorderent; & parmy ces pures  
& innocentes voix, durant cette douce harmonie, cette fil-  
lette rendit l'ame à son Createur. Dequoy l'assistance fut  
autant estonnée; que contente.

82

Fille heu-  
reusement  
morte.

FRANÇOIS Roy de Bungo, passant de cette vie à l'éternelle,  
laissa à Madame Iule sa secōde femme, vne fille âgée de quator-  
ze ans, laquelle tous les Chrestiens desiroient fort voir ma-  
riée avec le fils du Roy d'Omura, pour l'honneur & bien



**I E S U S** des deux maisons. Quelques idolatres parens de la fille, la  
**CHRIST** vouloient colloquer ailleurs & beaucoup plus bas. Dequoy  
 1596. aduertie, elle escriuit de sa propre main au P. Prouincial de  
 nostre Compagnie ce qui s'ensuit.

83

Lettre d'un  
 ne fille du  
 Roy de  
 Bungo.

**C E L L E** qu'il vous a pleu m'escrire m'a de plus en plus  
 tesmoigné le soin qu'il vous plaist prendre des petites affai-  
 res qui me touchent. Dequoy ie vous remercie tres-humble-  
 ment, & vous assure, que si ie me suis iusques à present resig-  
 née entre vos mains, ie le feray d'oresenauant plus volon-  
 riers. Que mes parës disent tout ce que bon leur semblera; ie  
 ne trouue personne à qui ie me puisse mieux fier qu'à vostre  
 reuerëce. Sçachez donc que ie suis resoluë de mourir plutost  
 qu'ëdurer que m'ame soit salie de la moindre tache de pe-  
 ché qui soit au mode. Ie desire tât me retirer en quelque terre  
 de Chrestiens, que quand il seroit besoin mendier de porte  
 en porte pour cët effect, ie n'y trouuerois aucune difficulté.  
 Quand i'aurois tous les biens du monde en ma disposition,  
 ie ne sçauois receuoir aucun contentement viuant parmy  
 les Payens. Ie souhaite fort viure près d'une de vos Eglises:  
 à quoy ie vous supplie m'ayder de tout vostre credit & au-  
 thorité. La memoire du feu Roy François mon tres-hono-  
 ré pere m'esueille sans cesse à imiter sa deuotion. Ce que  
 ne pouuant commodement faire en la maison & compagnie  
 d'un Payen, ie me garderay bien d'y entrer. Peu de iours  
 apres la susdite lettre enuoyée, Dieu ouurit & à la mere  
 & à la fille, le chemin pour se retirer en la ville de Nangaza-  
 qui, où elles viuoient à leur grande consolation.

84

Conuer-  
 sion d'un  
 Payen.

**V N** payen faisant chemin près de Nangazaqui, tua un  
 sien compagnon, fut pris & sententié à mort. Dequoy les  
 Confreres de la misericorde, aduertirent soudain nos Peres,  
 à ce qu'ils enuoiaissent quelqu'un pour l'aider à bien mourir.  
 Celuy qui fut enuoyé demanda de premier abord au pri-  
 sonnier, s'il desiroit estre Chrestien. Cela ne m'est pas en-  
 core passé par la fantaisie, respondit-il. Le Catéchiste se  
 prit à discourir de la différence qu'il y a entre la foy de Dieu,  
 & la vanité des sectes Iaponoises, la luy faisant toucher au  
 doigt. Mais il barroit l'air. Dequoi s'aperceuant il chan-  
 gea de batterie, priant tous les Chrestiens qui l'assistoient

de se mettre à genoux, & demander à Dieu misericorde pour ce pauvre obstiné. Ce qu'ayant dit, il sortit de la prison, & s'en retourna chez nous. A peine auoit-il mis le pied dans la maison, qu'on courut après lui, pour le rappeler en diligence de la part du patient. Il rebroussa chemin, catechiza le prisonnier, puis lui fit administrer le saint baptême, & lui demanda pourquoi il n'auoit dès le commencement presté l'oreille à la verité? L'auois fait vœu à Amida, de ne quitter iamais son seruice. Mais depuis que vous aués fait prier le Dieu des Chrestiens pour moi, ie me suis trouué tellement changé, comme si on m'eust donné vn cœur tout nouveau; & si embrasé du desir de mon salut, que ie n'ay eu repos iusques à vostre retour. On lui fit peu apres entendre les biens qui se faisoient en la Confrerie de la misericorde, en laquelle il demanda estre admis, comme il fut, & mourut aussi constamment que s'il eust long-temps vescu bon Chrestien, ayant tousiours en bouche les Saints noms de IESVS & MARIE, bref se recommandant aux prieres de l'assistance.

VNE femme Chrestienne, suiuant son mary, qui s'en alloit pour demeurer en vn quartier, plus peuplé de payens que de Chrestiens, se trouua en tres-grande peine & danger: Car ce mal-heureux mary la sollicitoit de renoncer à la foy, lui disant que nos Peres abusoient le monde. Non content des paroles il vint aux menaces, iurant qu'il la feroit mourir, si elle ne condescendoit à sa volonté. En preuue de quoy arriué qu'il fut en certain lieu escarté, il massacra en presence de sa femme, vne seruante Chrestienne, qu'elle menoit avec foy. Mais la constante Dame, ne s'en estonna pourrant, ains lui dit hardiment: Vous estes vn miserable homme, malin & peruers. Je suis Chrestienne, & mourray telle, avec l'aide de mon Dieu. Ce qu'ayant dit, elle se ietta à genoux, attendant le coup de la mort. Mais il pleut à Dieu d'attendrir le cœur du barbare, tellement qu'il ne passa pas outre, ains continuant son voiage, accorda à sa femme de se retirer en pais de Chrestiens, où ils demeurerent quelque temps en paix. Mais parce que ce mauuais homme la sollicitoit tousiours de quitter la foy, ou lui permettre de mour-

85

Constance  
d'vne femme.



An de 38  
IESVS-  
CHRIST  
1596.

## LIVRE XI. DE L'HISTOIRE

rir vne concubine, elle fut contrainte de le quitter pour quelque temps. Le mary se voyant seul, s'en alla vers Meaco, & sur le chemin se paia lui-mesme de sa barbarie, se massacrant de sa propre main.

*Conuerſion du plus riche Marchand qui fût à  
Meaco, enſemble de ſa femme.*

### CHAPITRE IX.



86

Marchand  
tres-riche,  
conuerſi.

Ly auoit en la baſſe ville de Meaco vn bourgeois & Marchand nommé Soque, ſi riche qu'il tenoit train & table de grand Seigneur: il auoit eſté de la ſecte d'Amida, qu'ils appellent des Idoxus; & depuis quinze ans ou enuiron, s'eſtoit rengé à celle de Iaca, qu'ils nomment des Foquexus, en laquelle il s'auança tant, qu'en peu de temps il deuint vn des plus deuors, & plus doctes, ne trouuoit Bonze ny ſeculier qui oſaſt diſputer contre luy: liſoit tous les iours vn certain liure, qu'ils appellent Foque-qui; auoit tous les repas à ſa table des Bonzes, qui diſcouroient de diuers ſujets, faiſoient pluſieurs ceremonies deuât vn oratoire qu'il tenoit en ſa maiſon: Gardoit fort cherement vne lettre d'vn ancien Bōze, qu'on tient auoir eſté l'auteur de cete mandite ſecte, gage duquel on lui euſt donné de groſſes ſōmes d'argent. Bref il auoit trois grandes quaiſſes ou armaires de Fotoque faits en relief, vn deſquels fut enuoié aux Indes, pour eſtre de là trāſporté en Europe & ſeruir de mōſtre.

87

Fotoque  
enuoié en  
Europe.

CE bon Seigneur & ſa femme eſtoient de long-temps intimes amis de Ioseph gouuerneur du Sacay, & de ſa mere, leſquels comme bons & ſeruens Chreſtiens, cognoiſſans ces deux perſonnes de tres-bō naturel, & ſur tout tres-enclines à faire du biē aux pauvres, deſiroiēt merueilleuſemēt les attirer à noſtre ſaincte foy. Mais ils n'auoiēt eu le courage de leur en ouurir le propos, iuſques à cete année, que parlant des Chreſtiēs & de nos Peres, ils admiroiēt de les voir tāt affectiō-

nés enuers les pauvres, & sur tout aux malades & abandon-  
nés. Sur quoi vn Chrestien les inuita à ouïr le Catechisme. IESVS-CHRIST  
Ils y furent, & en sortirent tous deux conuaincus par la veri-  
té, & resols de se faire instruire. 1596.

Vn de nos Catechistes fut chez le Sieur Ioseph, & fit resoudre la femme à receuoir le sainct baptesme à la premiere commodité. Le mary ne se rendit pas si tost. Le plus grand regret que cete fême sentoît, fut de n'auoir plustost ouï parler des mysteres de nostre foy, & auoir tant despendu en aumosnes, banquets, bastimens & habits faits à la poste & pour le contentement des Bonzes. Quelques iours apres aiant ouï le Catechisme, elle receut le baptesme, avec deux de ses esclaués, & vn sien fils adoptif, proche parent du Bonze de Zaca, personnage tres-renommé par tout le Iapon.

Le mary vint depuis chez nous sous pretexte de visiter la maison. Le Superieur lui fit voir quelques Mappes-mondes, Spheres & autres instrumens de Mathematique; lui discourut du Ciel, de sa creation, mouuemēt, influences, & petit à petit tōba sur le propos de la foy: si biē qu'il le fit resoudre à receuoir le baptesme, & prēdre le nō de Iean. Depuis ce furēt cōme deux grands flābeaux de vertus, luisans & brillans pour l'exemple de tout ce païs, & particulièrement de la ville de Meaco. Tout le peuple s'estonna de ce changement pour auoir veu ces deux personnages bendés contre toutes les sectes du Iapon, en faueur des Foquexus. Les sectateurs d'Amida, lesquels cete famille auoit auparauant suiui, triompherent contre les Foquexus, les voiant deplumés, & priués de l'appui de cete maison, sous l'aisle de laquelle ils se rendoient insupportables.

Ce bon Seigneur fut depuis voir le P. Organtin Recteur de Meaco, & le pria de vouloir vne fois dire mēte en sa maisō, at-  
tēdu qu'il en auoit chassé tous les Fotoques. Le Pere respon-  
dit qu'il vaudroit mieux attendre vn peu que les Bonzes  
eussent essuié les larmes, que le desplaisir de cette con-  
uersion leur auoit tiré des yeux. Tandis, la lumiere croif-  
sant en l'ame de ce nouveau conuerti, & lui faisant de  
iour en iour plus clairement voir la difference qu'il y  
a entre la solidité de nostre saincte foy, & les fabuleuses



An de 40  
IESVS-  
CHRIST  
1596.

LIVRE XI. DE L'HISTOIRE

89  
Le Tayco  
dissimule  
enuers  
nous.

chimeres des Bonzes, il s'emploioit à la conuersion des autres, induisoit ses amis à ouïr les leçons du Catechisme; persuada vn sien frere, & huit Foquexus de se faire baptizer.

Puis que nous auons commencé à parler de ce qui passoit à Meaco, i'adjousteray que Genifoyn, qui gouuernoit vne partie de la ville, ainsi que nous auons dit cy-dessus, se monstroit fort doux enuers nous, parce qu'il auoit deux de ses enfans, quelques nepueux, & diuers autres parens Chrestiens. Voiant neantmoins que plusieurs grands Seigneurs hantoient nostre maison, pour estre instruits en la foy, & craignant estre repris par le Tayco, pour ne l'auoir empêché, comme chose contraire à ses Edicts, luy en ouurit par trois fois le propos, lui declarant que plusieurs & notables personages desiroient ouïr les mysteres de la foy Chrestienne, & à ces fins frequentoient fort nostre maison. De quoy le Tayco ne s'esmeut aucunement, ains fit semblant de le sçauoir bien, & dissimuler.

90  
Encore vn  
coup.

Vn gentilhomme Chrestien, mais encore assés foiblet en ce qui est de nostre foy, estant allé à Meaco, & aiant veu le grand peuple qui se rendoit iour & nuict chez nous, pour se faire instruire, en fut grandement estonné : & craignant qu'il n'en aduint quelque grand mal à la Chrestienté du Japon, enuoia vn de ses Agens exprés vers le Pere Vice-Provincial, le suppliant de pouruoir à ce desordre, ainsi le nommoit-il, & commander à nos Peres de Meaco & Ozeaca, d'aller plus lentement en besogne, & apprehender le danger. Puis voiant qu'on ne changeoit rien, il se resolut d'informer du tout le Tayco mesme. Je veux croire qu'il le fit de bon zele, & parauenture pour sonder l'intention du Tayco, qui estoit son intime; & l'ouït volontiers. Mais avec vne contenance qui monstroit assés qu'il sçauoit le tout d'ailleurs, & dissimuloit. Pour toute responce il luy dit: Ne vous meslés plus de cela. Ce qui concerne le salut, depend de la volonté de chacun.

*Guarison d'une Dame possédée, & constance de  
diuers Chrestiens.*

## CHAPITRE X.



**D**Ez le commencement de son regne, le Tayco fit espouser la fille de Quicugondono Seigneur de deux Royaumes, à Bigen Sarciodono, qui en gouuernoit trois. Quelque temps apres cette Dame tomba malade, & eut entre autres vn symptome qui dura quatre ou cinq heures, pendant lesquelles on la tint pour morte. Neantmoins elle reuint à soy. Durant cet accident ses amis firent grand nombre de prieres, vœux, inuocations du diable, & semblables sorcelleries des plus rares & plus fines. Ils assemblerent les Iamabusches qui font profession de s'offrir & sacrifier aux diables; & plusieurs Bonzes des plus leurrés, & qui deploierent toutes leurs forces. Mais en vain. Car cette femme ne fut aucunement soulagée, ains sortit hors de soy, le malin esprit qui la possédoit, commençant à parler, & dire qu'il estoit Inari de Vocaiama, Pagode des plus respectez en ce quartier-là, & que tous les autres Camis, Pagodes, & Inaris du Iapon, estoient enclos en luy. Aduoüoit auoir pris à soy deux enfans de cette Dame, jà decédez; & qu'il estoit prest à partir; mais qu'il craignoit que quelque mes-aventure ne suruint à la patiente, le lendemain qu'il en seroit sorry.

QUAND le malin esprit entre au corps de quelque personne, les Iaponois disent que le renard la tient, entendant par le renard le diable. Pour le chasser, ils vsent de mille sorcelleries. Pour cette Dame ils en practiquerent vne du tout ridicule. Ils firent prendre tous les chiens qu'on trouua dans la ville d'Ozaca, pour les esgorger tout à coup, disant que parce moyen ils feroient peur au renard que cette femme auoit au corps, & le chasseroient. Mais ils n'auance-

91  
Dame pos-  
sédée par  
Satan.

92  
Sorcellerie  
ridicule.



rent rien. Cependant l'ennemy iuré de tout bien, leur mit en teste vn bien plus dangereux dessein. Car le mary de la patiente, & la femme du Tayco, qui ne quittoit point la malade, se resolurent de prier instamment leur Amida, qu'il rendît la santé à cette malade, luy vouiant de faire en sorte que tous ceux des sectes des Iecoxus, Foquexus & Genxus se rangeroient à la secte d'Amida, qu'ils appellent des Iodoxus. Et pour plustost obtenir l'effet de leur vœu, ils firent dresser vne liste des principaux tant Bonzes que seculiers du pais, qu'ils faisoient appeller vn à vn, pour prester le serment, & signer comme ils se rendoient Iodoxus.

ENTRE autres ils coucherent en cette liste Saquindono, cousin germain du susdit Bigen, qui auoit esté baptizé vn an auparauant. Quelques siens amis l'aduiferent doucement de ce qui se passoit. Luy comme personnage de valeur, apres y auoir meurement pensé, resolut de perdre plustost la vie, que manquer à la foy. Dequoy il aduertit soudain nos Peres qui estoient à Meaco, par vn Gentil-homme qu'il depecha exprés. Nos Peres l'exhorterent à tenir bon, l'assurant qu'il ne mourroit pas seul pour la querele de Dieu: que tous ceux qui estoient chez nous luy tiendroient volontiers compagnie. Comme on luy faisoit cette responce, arriua vn autre courrier, par lequel il protestoit n'auoir enuoyé le premier pour demander conseil de ce qu'il deuoit faire, parce qu'il estoit tout resolu de mourir plustost que flechir; mais pour donner auis à nos Peres de ce qui se passoit, & les prier de recommander cét affaire à Dieu. Nos Peres firent au second la mesme responce qu'au premier, & les renuoierent tous deux de nuict, & en diligence, comme leur maistre auoit ordonné.

LE Gentil-homme Payen qui auoit fait le premier message, ne fut pas à deux portées d'arquebuse hors de nostre maison, que pensant à la resolution de son maistre, & à la responce que nos Peres luy auoient fait, il rebroussa chemin, & alla protester en presence de nos Peres, qu'il vouloit estre Chrestien, & mourir pour la mesme querele que son maistre. Il fut catechizé autant, que le temps

le permettoit, & baptizé.

LE Pere Organtin Recteur du College de Meaco, depecha peu apres ces deux courriers, vn de nos Catechistes, nommé Vincent, homme âgé de cinquante ans, ou plus, & fort estimé par ces Seigneurs, pour sa pieté & eloquence. Arriué qu'il fut à Ozaca, vn nommé Fuschéa Iunay, l'entreprit pour luy faire apprehender l'importance de cet affaire, & luy persuader de trouuer quelque honneste deffaire. Si on mescontente ces grands Seigneurs, disoit-il, on mettra en hazard Saquiondono, sa maison & ses biens. Vostre Compagnie mesmes y trempera. Voiez donc s'il seroit pas plus expedient d'vser de quelque dissimulation & subterfuge, sans respondre si court & sec comme Saquiondono est resolu de faire. Vincent repliqua qu'il n'y auoit qu'un chemin de Salut, & qu'il valloit mieux mourir que fausser sa foy. Je seray le premier, dit-il, qui mourray pour cette verité. Autant en dit Saquiondono, protestant qu'il mettroit sa vie pour la foy de celuy qui mourut en Croix pour tout le genre humain.

24  
Vincent  
Catechiste.

PEU apres arriua chez Saquiondono, où tout cecy se passoit, le Secretaire qui portoit la liste, & le somma de la part de son cousin de la signer, veu que son nom y estoit

25  
Saquion-  
dono hors  
de danger.

jà escrit. Si c'estoit chose qui concernast l'honneur ou seruice de mon cousin, il me trouueroit aussi prompt à luy obeir, que i'ay tousiours esté. Mais puis qu'il exige de moy chose qui est contraire à la volonte de Dieu, ie vous declare que ie suis Chrestien, & prest à mourir plutost que de manquer d'un seul poinct à ma foy. Cette response ayant esté intimée à Saxiondono: Si telle est sa resolution, dit-il, allez l'asseurer de ma part, que ie le dispense de signer, & de tout ce qui en depend.

LA cause pour laquelle Saxiondono prisoit & cherissoit tant Saquiondono, estoit parce qu'il le tenoit pour le plus vaillant homme de sa Cour, le mieux armé & monté. Car il nourrissoit tousiours dix ou douze cheuaux des plus beaux qu'on trouuaist en ce quartier-là. Mais il se prioit plus d'estre Chrestien, que grand guerrier. Car il



IESVS- auoit fait bastir à Ozaca quelques Palais, & mettre tant aux  
CHRIST frontispices, qu'aux giroüettes, plusieurs belles Croix, &  
1596. noms de IESVS, au lieu des monütres marins, & horribles  
figures d'animaux que les Seigneurs de ces quartiers-là, y  
font ordinairement peindre ou grauer.

LA mesme nuit que Saquindono enuoya les deux  
courriers desquels nous venons de parler, arriua vn autre  
cas à Meaco, qui reüssit à la plus grande gloire de Dieu,  
& singuliere consolation de nos Peres. Voicy comment.  
Il y auoit en la cour de Tayco deux petits fils de feu No-  
bunanga, enfans de son aîné, qu'on appelloit Ionosque-  
dono, qui fut massacré avec son pere. Le premier estoit  
Saburodono, Seigneur de la plus grande part du Royaume  
de Mino. L'autre auoit nom Oquiquidono, ieune Seigneur  
de quatorze ans, qui sembloit quelque grand Prince d'A-  
lemagne, ainsi qu'ont escrit nos Peres qui l'auoient veu.  
Ce ieune Seigneur auoit demandé le saint Baptisme,  
quelques mois auparauant. Mais n'ayant prés de soy au-  
cun Chrestien, il ne pouuoit estre instruit : Et d'ailleurs  
le P. Recteur de Meaco craignoit offencer le Tayco, s'il  
receuoit Oquiquidono au nombre des Catechumenes.  
Mais lui commemeu & appellé de Dieu, sans s'arrester à ces  
respects humains, s'en alla vn soir chez son frere, & ayant  
communiqué son dessein à deux Gentils-hommes Chre-  
stiens, & à vn nepueu du Gouverneur de Meaco, nommé  
Michel, & à son frere mesme, s'en alla sur la my-nuit chez  
nous, demandant instamment d'estre catechizé. Ce que le  
P. Recteur iugeant ne luy pouuoir estre refusé, comman-  
da qu'vn de nos Freres le catechisast, & quelques heures  
apres le baptiza luy-mesme.

O V T R E ce petit fils de Nobunanga, nos Peres en bapti-  
zerent encore cette année deux autres; vn desquels nommé  
Iacques, qui estoit tousiours prés de Gnenifoyn, fut at-  
tiré à la foy Chrestienne, par vn sien compagnon, comme  
en riant. Car ioüant avec vn Page du Gouverneur, il luy  
disoit, Iean ie suis plus braue que toy, en tout ce que tu  
pourrois dire. Ie suis plus fort que toy. I'ay meilleur esprit,  
ie saute mieux, i'escris mieux que toy. Tu ne t'oserois

96

Oquiqui-  
dono petit  
fils de No-  
bunanga.

97

Conuer-  
sion par  
ieu.

parangonner à moi. Il est vray, repliqua Iean; ie m'aduouë & recognois inferieur à vous, en tout ce que vous aués dit. Il vous manque toutesfois vne chose que vous n'aués pas dit, & en laquelle ie vous surpasse: c'est que ie suis Chrestien, & vous ne l'estes pas. A quoi Iacques n'eut autre replique; ains le pria de le mener en nostre maison, parce qu'il vouloit estre Chrestien, & fut baptizé sous les adresses que Iean lui donna. Depuis il lui disoit. C'est maintenant, Iacques mon ami, c'est maintenant que ie vous cede en tout & par tout, puis que vous estes Chrestien comme moi, & en toutes autres qualités plus braue que moi.

IESVS-  
CHRIST  
1596.

*Du Capitaine Iean, & Sieur Thomas, personnages  
tres-gracieux en leur conuersation, &  
des rares exploits qu'ils faisoient en  
la conuersion des idolatres.*

## CHAPITRE XI.



N Capitaine nommé Iean, le premier de la Cour de Fidandono, estant allé à Ozaca pour assister à l'entrée des Ambassadeurs de la Chine, raconta à nos Peres beaucoup de belles particularités qu'il auoit remarqué au peuple d'Oscius ou Oxù, le plus grand des soixante & six Royaumes du Iapon, touchant leur disposition à se faire Chrestiens. Je leur ay preché (disoit-il, de tres-bonne grace) & en ay conuertit plusieurs par vn petit discours, auquel ie leur dis succinctement, que les Camis & Fotoques, ne pouuoient sauuer les hōmes, ni se garentir ou venger des iniures qu'on leur faisoit. Ce que ie m'offris à leur prouuer, & faire voir à l'œil. A ces fins, allons ensemble, leur disois-ie, allons vers Atango Vafaquima, vostre demon des batailles, ou à tel autre Fotoque qu'il vous plaira. Je luy ietteray des figues pourries au nés, ie lui laueray la teste de la plus infecte liqueur que ie pourray, sans qu'il dise mot,



ou me nuise en rien.

Il n'en va pas ainsi du souverain Seigneur du tout, & Createur du monde; il secourt & sauve tous ceux qui esperent en lui, il punit & chastie rigoureusement ceux qui l'offencent. Ainsi me l'ont enseigné ses Predicateurs, gens bien esloignés de l'orgueil, paresse & orde façon de viure de nos Bonzes. Ils enseignent le chemin de la vertu & verité, non seulement de parole, ains de fait & d'œuvre. Par tels & semblables discours ce bon Seigneur persuadoit à plusieurs de se faire Chrestiens.

LE Seigneur Thomas homme fort rond & jouial, rencontra vn iour certain Bonze, qu'on tenoit pour tres-docte personnage, qui lui dit entre autres choses : I'ay veu dans l'Eglise de ces nouveau-venus, vn Fotoque, qui tient en vne main le globe du monde : Je voudrois bien sçauoir comment cela se peut faire, veu que le monde est si vaste, & le Fotoque si petit. Et quand bien sa main seroit plus grande, comment pourroit-elle estre assés forte pour supporter vn si pesant fardeau comme est le monde ? Vous voila bien empesché, Messer, respondit le Sieur Thomas. Voiés-vous pas que le globe est assés proportionné à la main, & la main au globe, & le tout peint sur la toile ? Il n'y a pas grand poids là. Il n'y faut pas grande force. Ce ne sont qu'images tirées pour représenter aux simples & idiots la verité des choses. Tout ainsi donc que nous disons en verité, que le Tayco nostre maître & tres-puissant Seigneur, tient en sa main tous les Royaumes du Japon, & vne partie du Coray, les gouvernant en tant que souverain, quoi qu'il ne les porte en main, ni sur le poing, comme les oiseaux : ainsi pouuons nous peindre & dire sans mensonge, que Dieu Createur du Ciel & de la terre, soustient & gouverne l'Vniuers, comme vn simple homme porteroit vne bale en main, & s'en joueroit à sa volonté. Cette réponse confondit tellement le Bonze, qu'il n'eut mot en bouche pour repliquer.

VNE autre fois comme il eut conuaincu vn Foquexu, luy faisant voir que sa secte n'estoit qu'abus, ce pauvre payen luy respondit : Je recognois que vos raisons sont tres-bonnes & valables; il y a neantmoins en vostre do-

strine vn poinct que ie ne puis comprendre : c'est com-  
me vostre Dieu estant si sage & puissant que vous le pré-  
chés, & pouuant par vn seul mot racheter tout le monde,  
voulut neantmoins s'exposer à vne mort tant ignominieu-  
se qu'est celle de la Croix. Thomas lui respondit: Quoi que  
la grandeur de ce mystere ne puisse estre comprise que par  
ceux qui ont receu la lumiere de la foy, qui monstre clai-  
rement comme l'ignominie de la Croix, & mort de nostre  
Sauueur, a reüssi à son plus grand honneur, & fourni  
à tous les hommes occasion de se confondre, con-  
siderant combien Dieu les a obligés sans aucun leur  
merite : si est-ce que de peur que vous ne conceuies  
quelque sinistre opinion de nostre sainte foy, ie vous  
feray part de ce que mes maistres m'ont enseigné sur ce  
poinct.

SCACHE's donc que Dieu pouuoit veritablement ra-  
cheter tout le monde par vne seule parole, comme il l'a-  
uoit créé en vn mot. C'est vn article duquel Chrestien  
n'a iamais douté. Mais posé qu'il le voulut faire en vne  
façon du tout conuenable tant à son infinie bonté, qu'à sa  
iustice, il ne le pouuoit autrement faire qu'il a fait. Car  
l'homme aiant offencé l'infinie maiesté de Dieu, ne lui pou-  
uoit pleinement satisfaire : parce que Dieu est infini; &  
l'homme fini. Il falloit que Dieu mesme satisfist à la iustice.  
Or ne pouuoit-il satisfaire pour le peché sans endurer; &  
Dieu estant de sa nature impassible, ne pouuoit endurer. Il  
falloit donc que Dieu se fit homme pour endurer; &  
demeurast neantmoins Dieu pour satisfaire à la iustice di-  
uine. Voila ce que j'ay appris de mes maistres. Ce dis-  
cours contenta fort le Bonze & l'empescha de proposer  
rien plus sur cet article.

VNE autre fois le mesme Thomas s'en allant à vn  
conuent de Bonzes, qu'on appelle à Meaco Tosucusi,  
pour visiter vn Bonze son grand ami, rencontra sur la  
ruë vn soldat de sa cognoissance, qui le pria de luy  
faire accommoder vn estuy à mettre vn fusil, auec  
l'amorce, & pierre à feu. Ce que disant il luy mit  
le tout dans la manche selon la coustume du pais.



IESVS-  
CHRIST  
1596.IOI  
Fusil porté  
à propos.

Thomas fut bien receu au conuent, & retenu à soupper. La table estant couuerte, comme ils furent prests à prendre place, le Bonze voulant moucher la chandelle, l'esteignit; & pour couvrir sa sottise, dit à Thomas: Vous tenés que le Soleil, la Lune, & les Estoilles, ne meritent pas d'estre adorées, parce que ce sont creatures de vostre Dieu auquel tout obeît: dites moi ie vous prie, comment pourriés-vous maintenant voir les assistans sans chandelle allumée? Si vostre Dieu crea le Soleil & la Lune, faites qu'il illumine maintenant cete salle d'un feu nouveau, afin que nous voions soupper.

Il ne faut pas que Dieu fasse nouveau miracle pour cet effet, respondit Thomas: j'ay dequoi vous fournir du feu d'ailleurs, & tirant le fusil de sa manche, ralluma la chandelle, disant que Dieu auoit fourni les hommes d'auis & prudence, pour se pouruoir de tout ce qui leur estoit necessaire à la vie humaine. Responce qui estonna le Bonze, & lui satisfist.

IO2  
Image de  
nostre Dame  
& sa  
vertu.

Vn Chrestien de Meaco, nommé Laurens, aiant retiré chez soi vn soldat, iadis seruiteur de Cambacondono, luy persuada de se rendre Chrestien. A quoi il s'accorda, & ouït quelques sermons; Mais sa femme l'empechoit de recevoir le saint baptesme. Elle estoit enceinte de son premier fruit, & peu de iours apres surprise des douleurs de l'enfantement, se trouua en extreme danger de la vie, sans aucun remede humain qui la peût soulager. Son mary l'approchant lui mit vne image de nostre Dame sur la teste: puis la posa fort honorablement en vn coin de la chambre; conseillant à la patiente de se recommander de bon cœur à cete sainte Vierge; & lui-mesme se mit à genoux, & pria deuant l'image. Il n'eut pas dit vn *Pater noster*, que sa femme se deliura d'un beau petit fils, sans auoir senti douleur aucune; depuis qu'elle commença de se recommander à nostre Dame. Qui fut cause que non seulemēt elle n'empcha plus son mary de se rendre Chrestien, ains lui promit de se faire instruire & recevoir le saint baptesme; publiant la grace qu'elle auoit receu de Dieu, par l'intercession de nostre Dame.

*Rare exemple de chasteté d'une fille Bungoise: & une  
femme deliurée du malin esprit.*

## CHAPITRE XII.



N Payen habitant de la ville d'Ozaca, acheta deux filles Chrestiennes, natiues du Royaume de Bungo, lesquelles au pillage dudit Royaume auoient esté faites Esclaues par vn autre Payen. L'intention de ce miserable Marchand estoit de les exposer, & s'enrichir d'un si ord & detestable gain: Dequoy les filles se trouuoient en extrême peine, tant pour estre nobles de race, comme pour voir leur honneur & salut en si grand danger. La plus âgée qui estoit de dix-sept à dix-huict ans, se resolut demourir plustost, que faire breche à son honneur. Ce vilain la faisoit tres-bien & richement courir, afin que les habits augmentassent de plus en plus la grace de sa beauté. Mais la fille ne tenoit compte de se jolier, ains se recommandoit continuellement à Dieu, luy demandant chaudement la grace de se guarentir du mal, & plustost mourir que l'offencer. Elle y estoit si resoluë, que se trouuant exposée à la mercy d'un Payen, qui entra dans sa chambre pour la violer; non seulement elle ne luy donna signe quelconque de vouloir condescendre à sa peruerse volonté; ains apres l'auoir prié la larme à l'œil de ne l'importuner plus; voyant qu'il persistoit en son detestable dessein, elle se mit sur la deffensiue, & à coups de poings, & à belles dents, se garentit des mains de cét impudique.

L'INFAME Maistre oiant le bruit, y accourut; & s'enquerant que c'estoit, la fille respondit: Je suis Chrestienne & noble de race: ie mourray plustost que de commettre vn tel peché contre mon Dieu, & mon honneur.



IESVS-  
CHRIST  
1596.

Ostez-vous hardiment ce vain espoir de la teste. Le ruffien demeura bien camus, & ce vilain Maistre entra en telle colere, qu'il se lassa à charger de coups la vertueuse fille, sans la pouuoir induire à ce qu'il pretendoit. Puis iura qu'il la feroit mourir. Si ne flechit-elle pas pourtant. Vne nuit il la mena près d'un gibet, lieu non moins horrible que puant: & apres plusieurs, promesses, protestations, menaces, l'espée en main iura derechef, que le iour suiuant il la feroit mourir, si elle n'obeïssoit à ses desirs.

104  
Couronnée  
du marty-  
re.

LE iour venu ce maudit homme recommença à tenter le cœur de cette fille, laquelle plus resoluë que iamais reitera ses hardis refus, protestant qu'elle mourroit plutost que manquer à son deuoir. Dequoy ce diable incarné s'irritant de plus en plus, se mit en deuoir de luy oster la vie. La bonne fille se jette à genoux, recommande son ame à Dieu, & rend courageusement le col à ce bourreau, qui du premier coup luy aualla la teste; puis la precipita dans la fosse où lon mettoit les corps des iusticiers.

TELLE fut la fin de cette noble fille, & chaste Chrestienne, qui aimamieux mourir, qu'offencer Dieu. Ainsi le tesmoigna sa compagne, en presence de Cumagaidono Gentil-homme Chrestien, & son parent, qu'elle supplioit la garentir du pareil danger qui l'attendoit. I'ay bien pareille foy & esperance en Dieu, disoit-elle, & non moins de volonté de sauuer mon ame, & mon honneur. Mais ie ne scay si i'auray bien la force & constance d'endurer la mort. Ce bon Seigneur estoit en chemin pour aller à Meaco, & luy promit qu'au retour il la mettroit en liberté, L'original n'en dit pas dauantage.

105  
Femme de-  
siurée du  
malin.

EN la mesme ville d'Ozaca, vne femme preste à enfanter, fut possedée du diable, qui crioit par sa bouche: Ie veux mener en enfer la mere & l'enfant. Ce que voyant le mary qui estoit Payen, se prit à faire plusieurs vœux, promettant d'enuoier toutes ses armes, & les meilleurs meubles de sa femme, à Tesquiodaigin, qui est vn des trois principaux Camis du Iapon. Mais plus il votoit, & moins la patiente estoit sollagée. Vn idolatre se rencontrant là, conseilla qu'on fit inuiter Vngasauara, frere de la mala-

de, à la venir voir. Il estoit Chrestien, & auoit jà chassé IESVS-  
trois diables des corps qu'ils possedoient; Il pourra bien CHRIST  
encore chasser celui-cy, disoit-il. On l'appella: il vint; & 1596.  
aduerty de tout ce qui estoit passé, commanda premiere-  
ment qu'on reuoquast tous les vœux superstitieux, & vai-  
nes promesses faites au diable: & que mary & femme pro-  
missent de se faire Chrestiens. Ils s'y accorderent sur  
l'heure, & quand & quand aussi il monstra son reliqua-  
ire à la demoniacle, disant au diable: Comment as-tu pris  
la hardiesse d'entrer au corps de cette femme, sçachant que  
ie suis Chrestien, & elle est ma seur?

Le diable sentant approcher le reliquaire, commença  
à jeter de grands cris, & se tourmenter horriblement, di-  
fant: Laisse moy. Je sçay bien que tu es Chrestien. Tandis  
ce bon Chrestien portant compassion à sa seur, qu'il voioit  
tant affligée, fit vœu à Dieu, de quelques ieusnes, disciplines  
& prieres: puis lui mit le reliquaire au col, recitant le *Credo*.  
Surquoy le malin esprit se prit à crier derechef: Je sçay bien  
que tu n'aimes pas beaucoup ta seur, parce qu'elle est Payē-  
ne, & ne se veut pas Chrestienner: Mais ie t'assure aussi  
que ie ne suis pas entré dans son corps de mon plein gré;  
ains à la requeste de la premiere femme que ton frere a re-  
pudiée, laquellea promis m'adorer, si ie tourmentoys cel-  
le-cy. Ce qu'ayant dit, il partit du corps de la patiente,  
laquelle se deliura soudain de son fruit, & demeura quel-  
que temps comme morte. Puis reuenant à soy, fut bap-  
tizée, & son fruit aussi. Il quitta bien le corps de cette fem-  
me, mais il alla s'emparer de l'autre qui l'auoit sollicité à  
tourmenter celle-cy; & l'affligea tant qu'elle demanda estre  
baptizée, & avec le baptesme receut la santé, & fut dechar-  
gée de ce maudit hoste.



An de 52  
IESVS-  
CHRIST  
1596.

LIVRE XI. DE L'HISTOIRE

*Les Peres Deschaux venus des Philippines au Iapon,  
disgraciez du Tayco, & de ses of-  
ficiers à Meaco.*

CHAPITRE XIII.



107

Estat de  
nos Peres  
au Iapon.

Es merueilles que nous venons de dire tou-  
chant la conuersion des Payens au Iapon, &  
les miracles que Dieu y faisoit si souuent voir  
pour la confirmation de ses fideles, estoient  
de vrais fruits d'une agreable paix. Quoy  
que depuis l'Edict du Tayco, par lequel l'an quatre-vingts  
& six il condamna tous les subjects de nostre Compagnie  
à sortir du Iapon, ils se fussent tousiours tenus couuerts,  
comme en temps de guerre & persecution; eussent quitté  
les sotanes, & les manteaux, se contentans de certaines  
robes que les Iaponois chargent lors qu'ils renoncent  
au monde, bref se fussent portez pour bannis, à la mode du  
Iapon, pour n'irriter le Tayco.

108

Tayco com-  
me dispo-  
sé enuers  
nous.

De son costé il n'auoit pas oublié le contenu en son  
Edict : Il sçauoit bien que nos Religieux n'estoient pas  
sortis du Iapon. Il auoit permis au Pere Organtin de finir  
ses iours à Meaco, comme nous auons dit ailleurs. Il auoit  
agréé que dix de nos Peres demeurassent pour ostages  
à Nangazaqui, depuis le depart du P. Valignan, attendant  
la responce du Vice-Roy des Indes. Apres auoir esté sa-  
tisfait de ce costé-là il trouua bon que les mesmes Peres y  
demeurassent encore, pour contenter les marchans Portu-  
gais, qui alloient tous les ans vne fois de la Chine au Iapon.  
Il leur auoit permis de rebastir l'Eglise de Nangazaqui;  
trouué bon qu'un de nos Peres le visitast: renuoyé plusieurs  
fois ceux qui le vouloient irriter contre nous : imposé si-  
lence aux autres qui nous calomnioient; bref receu fort  
honorablement Monseigneur l'Euesque du Iapon. Tous

ces traits de bien-veillance donnoient courage à nos Peres ; qui neantmoins se tenoient tousiours sur leurs gardes , sçachans bien que durant la bonasse , il faut craindre la tempeste , principalement au Iapon , où la paix est tousiours de courte durée. Bien leur seruit. Car iamais la Chrestienté n'auoit souffert bourrasque semblable à celle qui la secoüa ceteannée. Voici comment elle commença.

LES Peres qu'on nomme Deschaux, de l'ordre du glorieux Patriarche saint François, qui s'estoient logés à Meaco, ainsi que nous auons dit cy-deuant, aiant appris le langage du Iapon, se prirent à precher publiquement en leur Eglise, baptizer les payens, confesser les Chrestiens. Ils firent aussi bastir près de leur maison, vn hospital, où ils receuoient grande quantité de malades, & les traitoient tres-charitablement. Si leur saint zele, & religieuse ferueur, eussent trouué les affaires du Iapon en meilleure disposition, leurs trauaux eussent produit de tres-grands fruits. Mais les bizarres humeurs du Tayco, & de ses officiers, gasterent tout. Car comme ces saints personnages estoient nouvellement habitués au Iapon; n'auoient encores eu loisir de cognoistre les mœurs & inclinations des Iaponois, & moins du Tayco, pour l'auoir peu hanté; ils ne pouuoient apprehender les incōueniēs esquels ils se trouuerēt engagés. Le zele del'honneur de Dieu, & la ferueur qui les portoit à l'amplification de son diuin seruice, vuidoient toutes les difficultés que quelques Chrestiens leur representoient; voire leur rendoient suspects les aduis & conseils de leurs plus entiers & cordiaux amis. Ceux qui auoient de longue main pratiqué ce peuple, voioient bien que ces bons Peres couroient grande fortune de leurs vies, & les en aduertissoient serieusement: mais ils ne pouuoient croire, & ne vouloient rien demordre de leurs desseins. D'où arriuoit qu'autant que leur religieuse vie, & sainte conuersation edifioit d'un costé; autant offensoient-ils d'autre part les plus apparens de la ville, & particulièrement les gouuerneurs de l'Empire, qui disoient tout haut; Ces Religieux estrangers ne tiennent conte de nos bons aduis: ils deuroient faire plus d'estat de nos ordonnances. Nous ne pouuons souffrir



IESVS- qu'on nous desobeïsse tant ouuertement.

CHRIST

1596.

IIO

Gouuer-  
neurs qua-  
tre à Mea-  
co.

Le Tayco pour se soulager au gouuernement du Iapon, auoit establi quatre Gouuerneurs, & comme surintendans de ses affaires, tât pour la ville de Meaco, que pour quelques Royaumes voisins; sçauoir est Maxita Yemondono: Guenifoyn, qui estoit son plus intime & familier; voire Vice-roy de Meaco: Xibunojo, & Xateuca Vocura, qui furent tous deuëment aduertis, comme les bons Peres Deschaux prechoient & disoient publiquement Messe en leur Eglise, contre la volonté du Tayco. Faranda Queymon qui les auoit pris à Manille, capitale des Philippines, & conduits au Iapon: & Faxaba qui les conduisit de Nangoia iusques à Meaco; & le gouuerneur Xibunojo, qui leur portoit quelque particuliere affection, les aduertirent par plusieurs fois, qu'ils s'exposeroient à de tres-grands dāgers: & que si le Tayco sçauoit leurs deportemens, il les puniroit. Si ne desisterent-ils pourtant d'exercer leurs talents. Sur quoy le Vice-roy enuoia querir les Peres Barthelemy & Gonçalo; les reprit tres-aigrement de ce qu'ils contreuenoient à la volonté de l'Empereur; bref dit qu'il les feroit crucifier, s'ils passeroient outre, & s'en prendroit tant à eux, qu'à tous ceux qui frequentoïent leur Eglise.

III

Diligence  
du P. Or-  
gantin.

LE P. Organtin Superieur de nostre maison à Meaco, aduertit des plaintes, que non seulement les gouuerneurs, ains plusieurs personnes d'autorité, tant Chrestieës que payens, formoient contre ces bons Religieux; enuoia le P. Pierre Morejon Espagnol de nation, vers le Pere Commissaire Frere Pierre Baptiste, pour lui représenter l'euident peril, auquel ses Religieux exposoient leurs personnes, & la Chrestienté du Iapon, s'ils ne prenoient peine de contenter le Vice-roy & gouuerneur de la ville, autant que la raison, & le zeile de la Religion Catholique leur permettoit. L'original n'a pas couché la responce qu'il en tira.

III2

Peres Des-  
chaux ac-  
cusés.

EN fin Faranda Queymon, voiant que ces bons Peres ne relachoient rien de leur premiere ferueur, & redoutant l'indignation du Tayco, sur ce qu'il les auoit menés de Manille, & introduits au Iapon, & pour quelques autres raisons que le prudent Lecteur verra resulter du contenu au chapitre suiuant; s'en alla les deferer au Tayco,

de ce qu'ils celebroident publiquement la Messe , pre-  
choient & baptizoient sans cesse. Le Tayco enuoia sou-  
dain querir ses Lieutenans au gouvernement de Meaco, <sup>IESVS-CHRIST 1596.</sup>  
pour m'asseurer si Faranda l'auoit bien informé. Ils di-  
rent vnaniment qu'ouy; & que les hardis deportemens  
de ces Religieux estans puis peu de iours venus à leur co-  
noissance, ils les auoient aduertis de se contenir en leur  
maison, & ne contreuenir aux ordonnances de son altesse.  
Dequoy le Tayco s'altera grandement contre ces Peres,  
& à ses mouuemens & contenances monstra bien que sa  
colere n'arresteroit pas là. Voila le premier motif de la  
persecution que nous coucherons cy-apres. Mais parce  
que le iudicieux Lecteur se pourra estonner de ce qu'un  
payen & idolatre, entreprit de mener des Religieux, de  
la ville de Manille au Iapon, & leur fit les biens & cares-  
ses que j'ay touché au premier volume de cette histoire: <sup>nombr. 113  
sumant.</sup>  
il m'a semblé à propos de lui faire part des menees de  
ce Faranda, du discours desquelles paroistra qu'il fut  
vne des principales causes de la mort des vingt-six cru-  
cifiés. <sup>Liu. 10.  
nombr. 121.</sup>

*Menees de Faranda Queymon & Faxegaba, princi-  
pales causes de la mort des Peres Deschaux, &  
de leurs compagnons crucifiés.*

CHAPITRE XIII.



**F**ARANDA homme subtil & hazardeux, en-  
treprit de s'agrandir par vne negociation <sup>113</sup>  
fort perilleuse, & qui luy eust cousté la vie, <sup>Faranda, &  
ses menees.</sup>  
si le jeu eust esté descouuert: Mais il mania  
si dextrement ses affaires, qu'il n'y eut  
qu'honneur & profit pour luy. Voici com-  
ment. Estant de retour des Philippines, où il estoit al-  
ler trafiquer, & desirant auoir quelque entrée vers le Tay-  
co, il luy fit entendre par Faxegaba, intime amy des



Ande 55  
IESVS-  
CHRIST  
1596.

## LIVRE XI. DE L'HISTOIRE

deux, qu'il auoit descouuert vn moien pour obtenir que le Seigneur des Isles Philippines le recognût pour souuerain, & luy fût tributaire. A son compte il n'y auoit rien plus aisé, il falloit seulement que le Tayco escriuit au gouuerneur desdites Isles, residant à Manille: il s'offroit à lui porter les lettres de son Altesse, y voulant retourner pour son trafic; & faire venir vn Ambassadeur, pour acheminer, & parauenture conclurre le tout.

114  
Lettre du  
Tayco au  
gouuer-  
neur.

LE Tayco comme tres-auide de gloire, trouua cete ouuerture fort belle & bonne, & fit escrire la lettre que nous auons couché au premier volume de cete histoire. Faranda s'en estant chargé, & voulant entreprendre vn second voiage vers Manille, s'auisa d'en tirer deux autres du P. Alexandre Valignan, qui pour lors estoit à Nangazaqui, par lesquelles il temoignast au gouuerneur de Manille, & à nos Peres qui habitoient là, comme il estoit Ambassadeur du Tayco. Le P. Valignan auoit appris les intentions de Faranda, par celle que le P. Organtin lui escriuit de Meaco. Parant il s'excusa honnestement, disant qu'il ne cognoissoit pas le gouuerneur de Manille; & que les Peres de nostre Compagnie, qui se tenoient là, n'estoient pas ses sujets. Si ne laissa-il pas de leur donner aduis de ce qui se passoit, afin que le gouuerneur estant aduerti du tout à bonne heure, peût traiter Faranda comme il meritoit. L'aduis arriua à Manille, neantmoins il ne fut receu commel'affaire le requeroit.

115  
P. Alexan-  
dre Vali-  
gnan & sa  
prudence.

Lit. 10.  
omb. 121.

FARANDA ne se sentant assés armé pour faire valoir la lettre du Tayco, n'osa entreprendre le voiage des Philippines, ains y enuoia vn sien nepueu, qui portoit le mesme nom, & eut le courage de presenter au gouuerneur la lettre, qui mit toutes les Isles en grand esmoi. A cete occasion le gouuerneur des Philippines enuoia le P. Frere Iean Cobos, de l'ordre saint Dominique, pour Ambassadeur au Tayco l'an cinq cens quatre-vingts & douze, ainsi que nous auons touché en son lieu. Le P. Cobos arriuant à Nangazaqui, s'adressa à Faranda, & Faxegaba, suiuant les memoires qu'on lui auoit dressé à Manille.

OR comme il n'entendoit pas la langue du Iapon, & ne pouuoit

pouuoit traicter les affaires que le Gouverneur luy auoit commis, que par le moyen de ces deux bons compagnons, il leur fia les lettres du Gouverneur de Manille, qu'ils firent semblant de traduire, sans faire mention de ce qu'elles contenoient, ny de ce que le P. Cobos leur disoit; ains en dressant d'autres accordantes à ce que Faranda auoit fait entendre au Tayco, par le moien de Faxegaba, son grand amy. Par ainsi le P. Cobos fut promptement depeché avec vne belle lettre, par laquelle le Tayco mandoit au Gouverneur de Manille, qu'il escriuît en diligence au Roy de Castille, promettant d'attendre la respõse, sans le molester. Que si l'obeissance luy estoit refusée, il menaçoit de guerre les Castillans. Le P. Cobos s'en retournant à Manille fut jetté par la tempeste en vne Isle, où luy & ses compagnons perirent tous.

116

P. Cobos  
Ambassa-  
deur, & sa  
fin.

FARANDA voyant que son entreprise commençoit à reüssir, parce qu'à l'arriuée de ce Religieux Ambassadeur le Tayco luy auoit donné cinq cens sacs de riz de rente, & l'auoit fait coucher sur l'Estat de sa maison, il retourna à Manille pour auancer l'affaire, se disant Ambassadeur du Tayco, quoy qu'il ne portast lettre ni commission quelconque. Il disoit pour toute preuue de sa charge, que le P. Cobos portoit le tout. Ce qui mit le Gouverneur de Manille en nouuelle peine. Mais c'estoit le plaisir de Faranda, lequel continuant en ses finesse, & ayant sçeu que les Peres Deschaux de l'Ordre S. François auoiēt beaucoup de credit près du Gouverneur, fut chez eux, leur fit entendre que le Tayco desiroit auoir des Peres de leur Ordre au Iapon, & leur presenta certain memorial contenant quelques poincts qu'il demandoit au Gouverneur, paix, amitié, Peres Deschaux, & semblables articles forgez à plaisir.

117

Faranda se  
dit Ambas-  
sadeur.

LE Gouverneur se douta bien que ce n'estoiēt que bayes, parce que Faranda n'estoit pas de la qualité requise pour estre Ambassadeur du Tayco, & manier les affaires qu'il traictoit: neâtmoins pour ne riē hazarder, il depecha le P. F. Iean Baptiste Commissaire, avec autres trois Religieux, qui partirent de Manille en May, mil cinq cens quatre-vingts treize, en compagnie de Gonçalet de Carauoxal, pour visiter de sa part le Tayco, avec le mesme Faranda. Ils furent tous en-

Liv. 10.  
nomb. 165.



IESVS-  
CHRIST  
1596.

semble à Nangoya, ainsi que j'ay dit ailleurs. Faranda & Faxegaba, translaterent encore ce coup la letre du Gouverneur à leur guise, & seruans de truchemens à ces bons Religieux, firent entēdre au Tayco, que le Gouverneur & les Castillans de Manille, luy rendoient obeissance comme ses vassaux, promettās que la responce de la courōne de Castille arriueroit biē-tost, & qu'ils l'enouiroiēt par vn autre Ambassadeur, avec vn present digne de leurs Majestez. C'estoit donner le fil au Tayco, qui estoit extremement friand de telles lippées. Mais la toile des finesses que Faranda & son compagnon ourdissoient, enuelopoit & le Tayco, & le Gouverneur de Manille, & ces bons Religieux, qui se laissoient trōper à la bonne foy. Ces deux malicieux asseuroient au Tayco, que les Castillans se sousmettoient à luy : faisoient croire au Gouverneur & aux Religieux que le Tayco ne demandoit que paix, commerce & Religieux. Ce que toutesfois ils ne manierent pas si dextrement en ce dernier voiage, que le truchement des Peres Deschaux, qui estoit vn Frere lay, Canarin de nation, & entendoit le Iaponois, n'en decouurīt quelque chose, & en touchast quelque mot au Tayco, luy discourant de quelque autre poinct, que le Pere Commissaire luy auoit enjoint. Dequoy Faranda s'estant finement apperceu, empescha que ces bons Peres ne traictassent plus avec le Tayco, que par leur bouche, ou en leur presence, de peur que leur trame ne fût decouuerte.

DE Vx ans & plus apres l'arriuee de ces Religieux Peres au Iapon, le Tayco voiāt que l'Ambassade & present de Castille, promis par Faranda, tardoit à venir, commença à douter si les Ambassadeurs de Manille l'auroient trompé : & ne pouuant celer son cœur, en lacha quelques traicts, qui donnerent l'alarme aux forgers d'Ambassades, Farāda & Faxegaba, lesquels quelque temps auparauant estoient entrez en ombrage, que les Peres Deschaux, venant à entendre & parler la langue du Iapon, ne descouurissent au Tayco la menēe qu'ils prenoiēt tant de peine à tenir secrette. Ayant dōc consulté entre eux, ils ne trouuerent meilleur moyen de se mettre en assurance, que procurant l'exil ou la mort aux Peres Deschaux. Pour colorer leur malice, ils les accusèrent

118  
Ses finesses.

Cy-dessus  
noimb. 111.

au Tayco, comme nous auons dit. Et pour mieux couvrir <sup>IESVS-</sup>  
leur jeu de toutes parts, ils aduertirent au prealable douce- <sup>CHRIST</sup>  
ment ces bons Peres, s'excusans enuers eux, pour ne se trou- <sup>1596.</sup>  
uer en peine pour eux. Voila le premier & principal motif de  
la sanglante persecution que nous dechiffrerons tantost.

*Bris du galion Sainct Philippe, jetté par la tempeste à la rade du  
Iapon, & comme le Tayco s'empara de tout ce qu'il portoit.*

CHAPITRE XV.



E douziesme iour de Iuillet mil cinq cens qua-  
tre-vingts seize, partit des Isles Philippines,  
pour tirer vers la nouvelle Espagne, qu'on ap-  
pelle aussi l'Amerique, vn galion nommé de  
Sainct Philippe, chargé de grandes richesses.  
Mais les horribles tempestes qu'il souffrit, le detournerent  
de son voiage, & trois mois apres, qui fut le dix-neufiesme  
iour d'Octobre, au mesme an, les vents le jetterent à la rade  
du Iapon, près le port d'Vrando, qui est au Royaume de  
Tossa, si mal mené & tant creuassé, que dans peu de iours il  
s'ouurit, & alla à fonds. Les mariniers neantmoins, mirent  
à terre les denrées qui leur restoiert; avec l'assistance du  
Roy de Tossa, & de ses vaisseaux.

119

Galion S.  
Philippe.

CE galion portoit quatre Religieux de l'Ordre S. Angu-  
stin, vn de Sainct Dominique, & deux Peres Deschaux de  
l'Ordre S. François, du mesme Conuent d'où estoient partis  
ceux qui residioient au Iapon. Dom Matthias de Landecho,  
general de ce galion, se trouuant en terre de Payens, & voiant  
son galion perdu, fut conseillé par le Roy de Tossa d'en-  
uoier vn present au Tayco, & aux quatre Gouverneurs de  
Meaco, demander congé d'acheter des materiaux, & em-  
ploier des ouuriers pour reparer son galion, ou en dresser vn  
autre, le tout à ses despës. Dō Matthias ayāt trouué cēt auis  
bon, depecha soudain avec vn riche present son porte-Ensei-  
gne Christofle de Mercado, & sō Sergēt Majour, Dō Antoi-  
ne Malauer, en cōpagnie de deux P. Deschaux, & du Secre-

120

Sa charge.



**I E S V S -** traire du Roy de Tossa, qui les deuoit heberger au Palais de  
**CHRIST** son Maistre à Fuximi. Leurs memoires portoient qu'ils s'ad-  
 1596. dressassent avec le present au Pere Commissaire, F. Pierre Baptiste, se gouuernassent en tout cét affaire par son bon conseil; & pour estre plus promptement expediés, s'aydassent de la faueur de Maxita Yemondono, vn des quatre Gouverneurs de Meaco, & intime amy du Roy de Tossa.

Ces bons Seigneurs rencontrèrent le Pere Commissaire en la ville d'Ozaca. Ayant entendu la cause de leur voiage, il fut d'auis qu'ils s'en allassent droit à Fuximi, où ils mirent en ordre les presens qu'ils deuoient offrir, tant au Tayco, qu'aux quatre Gouverneurs. Mais ils s'adresserent premierement à Maxita, suiuant leurs memoires, luy offrirent ce qui estoit pour luy, & vn memorial de ce qu'ils desiroient obtenir du Tayco, le suppliant leur donner auis du temps qu'il estimeroit plus propre pour aboucher son Altesse, & l'estrener. Maxita leur donna bonne esperance, promit s'employer entierement pour eux, & les renuoia presqu'asseurez d'obtenir l'enterinement de leur requeste, comme du tout ciuile & tres-bien fondée en raison. Mais il les vendit, conseillant au Tayco de s'emparer des depouilles de ce galion, disant que les loix du Japon luy donnoient plein pouuoir de ce faire; veu que ce vaisseau auoit fait bris dans le destroit de sa iurisdiction, chargé d'armes & de gens de guerre, comme portoit l'auis du Roy de Tossa.

Le Tayco homme du tout addonné au gain, fut incontinent gagné par l'esperance de ce butin, & ordonna au Gouverneur Maxita de partir le mesme iour sur le tard, pour aller au port d'Vrando, & s'emparer de toutes les denrées qui estoient sorties du galion. Si bien que tādīs que le Pere Commissaire, & la troupe des Espagnols, attendoit la responce de Maxita, pour visiter le Tayco, ce traistre leur enuoia dire, que le General du galion auoit manqué à son deuoir, & qu'il deuoit venir en personne rendre compte de son fait. Pour suppléer à ce deffaut, ie m'en vay sur le lieu, leur dit-il. Responce qui ne decouuroit pas pleinement aux Espagnols la resolution que le Gouverneur auoit pris. Ils se douterent bien neantmoins que ce voiage, qu'ils n'auoient

121

Maxita  
trahit les  
Espagnols.

requis ni pourchassé, n'accommoderoit pas leurs affaires. Qui fut cause qu'un des Religieux nommé Frere Jean Pauré, & le Sergent Majour, s'en retournerent au port de Vrando: & l'Enseigne avec l'autre Religieux demurerent à la Cour, pour voir quel train prendroient leurs affaires.

122

Patentes du  
Tayco pour  
les Espa-  
gnols.

Le Pere Frere Pierre Baptiste fut tandis trouuer le Vice-roy Gnenifoy, portant certaine patente & permission que le Tayco auoit fait expedier trois ans ou enuiron auparavant, en faueur des Espagnols, permettant qu'ils allassent & vinssent librement des Philippines au Iapon pour y trafiquer. Le Vice-roy monstra clairement qu'il se ressentoit, de ce que les Espagnols s'estoient adressés à Maxita plutost qu'à lui; & dit que si plutost on lui eust communiqué cette patente, Maxita ne fut pas allé à Vrando. Bref il leur donna quelque esperance que le meuble du Galion ne se perdrait point. Parauenture ne scauoit-il pas encore la resolution du Tayco, ni la commission qu'il auoit donné à Maxita, pour s'emparer de tout le meuble sorti du Galion.

123

Monsei-  
gneur l'E-  
uesque s'of-  
fre aux Es-  
pagnols.

DEPUIS que Maxita se fut acheminé vers Vrando, Monseigneur l'Euesque du Iapon passa par la ville de Mcaco: où aiant appris en quelle peine se trouuoient les Espagnols pour cet affaire du Galion, il enuoia prier le Pere Commissaire, & Dom Christofle de Mercado, enseigne, de se transporter à son logis, pour consulter, si lui ou quelqu'un de sa suite les pourroit seruir en cete occasion, protestant qu'ils le feroient de bonne volonté. Mais l'esperance que le Vice-roy auoit donné au Pere Commissaire, & les patentes du Tayco qu'il auoit en main, l'asseuroient tellement, que l'affaire ne pouuoit que bien aller pour les Espagnols; qu'il remercia Monseigneur l'Euesque, disant, que l'affaire ne pouuoit mal-baster pour ceux qui auoient fait naufrage. Leur desastre plaidoit pour eux.

MAIS ils ne tarderent gueres à changer de ton. Car aiant appris ce que Maxita faisoit à Vrando, ils coururent chez Monseigneur l'Euesque crier misericorde. Il se mit en devoir de les secourir, & enuoia promptement le P. Rodriguez, avec un des Peres Deschaux, pour parler au Vice-roy; & y fut allé en personne, s'il eust peu traiter sans truche-



IESVS-  
CHRIST  
1596.

ment. C'estoit le P. Rodriguez qui le seruoit pour cet effet; & emploia toute son industrie enuers le Vice-roy, qui estoit jà informé de la volonté du Tayco, & leur dit franchement que l'affaire estoit en tels termes, qu'il n'auoit aucun moien pour les aider; sans oublier qu'ils se deuoient estre adressés à lui, auant que Maxita partît de Meaco.

124  
Galion  
confisqué.

LE huitiesme du mois de Decembre mil cinq cens quatre-vingt & seize le gouuerneur Maxita, & le Roy de Tossa, partants d'Vrando, furent à Ozaca, où le Tayco se tenoit pour lors. Le general du Galion les suiuit, pour remonstrer le tort qu'on lui faisoit en leuant ainsi ses denrées. Mais le Tayco ne prit pas ses raisons en payement, ains confisqua tout le meuble du Galion. Si bien que ces bons Espagnols se trouuerent en grande necessité, en laquelle le P. Organtin les secourut fort charitablement, tandis qu'ils furent à Ozaca, où il se tenoit pour lors.

125  
Espagnols  
secourus.

LE P. Pierre Gomes pour lors Vice-prouincial de nostre Compagnie au Iapon, aiant receu auis du desastre arriué à ce Galion, enuoia de Nangazaqui à Vrando, quantité de viures & argēt au general du Galion, & à sa suite, avec offre de tout ce qui estoit en sa disposition; & qu'il ne leur esparigna pas, lors qu'ils se rendirent tous au port de Nangazaqui, pour s'embarquer & passer aux Philippines. Car il receut dans nostre College les Religieux qui estoient malades; & Monseigneur l'Euesque, avec son Clergé, donnerent vne grosse aumosne aux autres; moiennant laquelle ils furent defraies durant leur sejour à Nangazaqui, affreterent deux nauires, se fournirent du matelotage, de viures, & de tout ce qui leur estoit necessaire pour se conduire aux Philippines.

*Occasion que le Tayco prit du Galion saint Philippe,  
pour faire mourir ceux qui prechoient le  
saint Euangile au Iapon.*

CHAPITRE XVI.

**D**E Z que le Tayco fit publier l'Edit, par lequel il bannissoit tous nos Peres du Iapon, il redouta grandement que les Chrestiens ne se mutinassent & reuoltassent contre lui, choisissant pour leur chef quelque Roy du Ximo. Car il n'ignoroit pas que la plus part des grands estoit mal-contente de lui, & de son altiere façon de gouverner. Ce fut la principale cause pour laquelle estant à Nangoya il fit desarmer tous les Chrestiens du Ximo. Ces faux ombrages s'estoient fort esuanouis depuis, par deux considerations qui l'auoient aussi empêché de proceder avec tant de rigueur qu'il eust peu, à l'exécution de son Edit. La premiere estoit, qu'il auoit enuoié au Coray quasi tous les Seigneurs & Caualliers Chrestiens, & desiroit les faire mourir, ou planter là pour reuerdir, ainsi que nous auons touché ailleurs. L'autre fut, qu'il voioit comme nos Peres qui estoient au Iapon, se portoit pour bannis, ne paroissoient quasi point en public, & respectoient grandement ses ordonnances. Ce que les Peres Deschaux ne faisoient pas.

126

Le Tayco  
pourquoy  
n'exécutoit  
son Edit.

Liu. 10.  
nomb. 133.

MAXITA retournant du port d'Vrādo, avec le Roy de Tosfa, pour confirmer le Tayco en la resolutiō qu'il auoit pris de s'aproprier tout ce qui estoit sorti du galiō, sās preiudice de ce que chacun auoit emblé pour soi, ils lui dirent mille maux des Castillans, prenans auantage de certaines paroles que le vent de l'arrogance auoit poussé hors de leurs ordes gueules, paroles du tout inconsiderées. Car comme ces naufragans se voulurent seruir de la permission que le Tayco auoit donné aux habitans des Philippines pour trafiquer au Iapon, Maxita leur demanda, si les Espagnols, Castillans, &

127

Demandes  
de Maxita.



IESVS-Portugais, estoient vne mesme nation; & si c'estoit le mesme  
CHRIST Roy, qui possedoit le Perou, les Philippines, la nouvelle  
1596. Espagne, & l'Inde Orientale.

128  
Rodomon-  
tade perni-  
cieuse.

ILs respondirent au premier poinct, qu'il y auoit grande difference entre ces nations, parce que les Espagnols & Castillans estoient gens de guerre & de valeur; & les Portugais hommes de poids & balance. Donnant à entendre qu'ils ne se soucioient pas tant de conquerir terres & Royaumes, comme de trafiquer. Quant au second ils aduouèrent qu'un mesme Roy les gouuernoit tous, & possedoit les Indes Orientales, & partie des Occidentales. Et quand & quand lui firent voir sur vne carte marine l'estenduë des terres qui obeïssent au Roy Catholique.

129  
Source de  
tres-grands  
maux.

MAXITA ne se pouuant assés esbahir de ce qu'un Prince possedoit tant, & de si distantes Prouinces, demanda comme il les auoit conquises. Il lui fut respondu tres-mal à propos, & contre la verité, que le Roy Catholique enuoioit en diuerses contrées du monde nombre de Religieux, de diuers Ordres pour precher le saint Euangile aux nations estrangeres: & apres qu'ils auoient conuertit nombre de payens à la foy Catholique; il despechoit des troupes, lesquelles se joignans aux nouveaux Chrestiens, despoilloient les Roys naturels de leurs sceptres & possessions. Ce que Maxita & le Roy de Tossa rapporterent au Tayco, adioustâs que les Mariniers & soldats, que ce Galion auoit porté, ne leur agreoient aucunement, parce qu'ils menoient nombre de Religieux de diuers Ordres, estoient bien armés, & hagdards.

130  
Iacuin fusil  
des perfec-  
tions.

CES nouuelles altererent extraordinairement le Tayco, & neantmoins le confirmerent en l'opinion qu'il auoit conceu dixans auparauant: c'estoit que les Chrestiens troubleroient son Royaume, pour lui oster son sceptre. A quoy neantmoins ils n'aspirerent iamais: ils lui eussent plustost enseigné le moien d'acquérir la Couronne eternelle. Il n'y eut pas faute de boutte-feux parmi les Payens qui se trouuerent là. Iacuin son Medecin, intime amy, & premier fusil de l'autre persecution que nous auons couchée au premier volume de cette histoire, voiant si beau jeu, les chargea de  
nouveau,

nouveau, de ce que contre ses Édits, ils demeuroident au Iapon, y faisoient tous les iours de nouveaux Chrestiens, & confirmoient les anciens. Cene sont que dispositions à vne reuolte generale. C'est pourquoy ils ont tant termoié à sortir du Iapon. Ils attendent, dit-il, leur appoint.

N'AY-je pas donc eu bonne raison de ne vouloir iamais permettre que cette nouvelle religion prît pied en mes terres; dit le Tayco tout passionné, veu que toutes leurs conuersions & menées ne tendent qu'à me priuer de mes biens? Mais ie les preuiendray, ie leur osteray la vie, & les feray tous crucifier. Cette mesme nuit qui fut du neuuesime Decembre, il commanda au Gouverneur d'Ozaca, de faire garder les maisons des Peres Deschaux, & de ceux de nostre Compagnie qui residoient là. C'est la façon ordinaire d'emprisonner qu'on garde au Iapon pour les personnes d'honneur. A la mesme heure il depecha vn courrier vers Xibunojo, à ce qu'il en fit autant à Meaco, luy enjoignant aussi de dresser vne liste de tous les Chrestiens qui frequentoient l'Eglise des Peres Deschaux, & à les mettre és mains du Gouverneur, à ce qu'il les fit mourir par iustice.

131  
Religieux  
retenus pri-  
sonniers.

IL ne se trouua pour lors en nostre maison d'Ozaca, qu'un de nos Religieux, nommé Paul Miqui, Iaponois de nation; & deux ieunes hommes, sçauoir est Iean & Iacques, qui demandoient estre receus en nostre Compagnie. Car les Peres François Perez, & Pierre Morejon, qui auoient accoutumé de se rendre en cette maison, lors qu'ils reuenoient de leurs missions, estoient pour lors allez à Sacay, avec Monseigneur l'Euesque du Iapon, lequel en partit le mesme iour neuuesime de Decembre, pour se rendre à Nangazaqui; & les deux Peres sus-nommez ayant appris en chemin ce qui se passoit en cour, se retirerent droit à Meaco, comme à la plus proche maison de nostre Compagnie; pour mourir avec le Pere Organtin, qui se tenoit ordinairement là, avec trois de nos Religieux, sçauoir est Louïs, Paul d'Amacusa & Vincent. Ce troisieme estoit en la ville de Nara, lors que les autres furent faits prisonniers à Meaco; & ayant eu auis de ce qui leur estoit arriué, se mit soudain en chemin, pour se renger & mourir avec eux. Nonobstant la

132  
Chez nous  
à Ozaca.



LES V S- force que son hoste luy fit, pour le retenir à Nara.  
 CHRIST PEV d'heures apres que Miqui & ses compagnons eu-  
 1596. rent esté retenus prisonniers à Ozaca, le Pere Organtin

133  
 P. Organ-  
 tin à Oza-  
 ca.

s'y rendit, & trouua chez nous plusieurs Chrestiens, qui estoient d'avis que nos Peres changeassent de place, & se retirassent ailleurs, affin que les officiers du Tayco arri- uans, on leur peût dire, qu'ils s'en estoient tous allez à Nangazaqui, à la suite de l'Euesque. Auis que le Pere Organtin ne peut goustier. Qu'on prenne hardiment tel party que bon semblera. Pour moy ie sçay bien ce qui conuient à mon âge. Il y a plus de vingt ans que ie tra- uaille pour la Chrestienté du Japon en ces quartiers: Je ne l'abandonneray pas au besoin. Je m'en iray demain, Dieu aidant, à Meaco pour y estre crucifié. Qu'ils dis- posent de moy comme d'un Predicateur du saint Euan- gile. J'en ay souuent fait le deuoir, & mourray volontiers pour cette querele.

134  
 S'arreste  
 pres de  
 Meaco.

LE Pere Iean Rodriguez voyant la resolution du Pere Organtin, & asseuré qu'il ne changeroit pas d'opi- nion, se resolut de l'accompagner: Le lendemain donc ils s'acheminèrent vers Meaco, avec Paul Amacuz, & quelques autres Chrestiens. Arriuans à trois lieues de la ville, ils enuoierent Paul deuant, pour sçauoir en quel poinct estoient les affaires. Il leur raporta que la plus part, & les plus grands tenoient que le Tayco n'en vou- loit qu'aux Peres Deschaux de l'Ordre Saint François: & nos amis trouuoient bon qu'il ne passast outre, ains s'entrerint là, iusques à tant qu'on veid quel train les af- faires prendroient. Auis qu'il trouua bon, & resolut de s'arrester là.

135  
 Vfoio à  
 Meaco.

LE mesme iour Vfoio fils de Faxegaba arriua à Meaco, avec la commission du Tayco pour dresser la liste des Chre- stiens qui frequentoient l'Eglise & maison des Peres Des- chaux. Il y coucha tout le premier Iusto Vcõdono, qui pour lors y faisoit sa residence. Puis voyant que le Conuent des- dits Peres estoit gardé par commandement de Gibonoscio, & non pas nostre maison, il fut luy dire: Veu que vous faites garder le Conuent des Peres venus des Philippines, pour-

quoy ne posez vous des sentinelles és enuiron de la maison <sup>IESVS.</sup>  
des Iesuites? Ils sont tous coupables de la mesme faute; ils <sup>CHRIST</sup>  
prechent tous; ils baptisent tous. Et pour l'animer dauantage <sup>1596.</sup>  
contre nos Peres, luy nōma certaines personnes de marque,  
que les nostres auoient baptisé peu de iours auparauant.

DE V X principaux motifs portoient Vſioio à cette pour-  
suite, outre le commandement du Tayco; l'vn que la fau-  
te qu'on mettoit sus aux Peres Deschaux, si faute y auoit,  
sembloit beaucoup amoindrie, parce que nos Peres y a-  
uoient part. L'autre que son pere se portant pour prote-  
cteur de ces bons Religieux, sembloit estre fort des-honoré  
s'ils estoient punis pour vne faute, qui ne fût aucunement  
chastiée en personnes qui en estoient autant ou plus coul-  
pables à son auis.

DE P V I S il luy presenta la liste des Chrestiens qu'il  
auoit dressée suiuant le commandement du Tayco, le som-  
mant de sa part de les faire tous punir, ou au moins gar-  
der. Ce fut vn particulier traict de la prouidence de Dieu,  
que Vſioio dressast cette liste, sans en auoir communiqué  
à Gibonoscio. Car comme il estoit vn des quatre Gou-  
uerneurs de Meaco, il s'en offensa grandement, estimant  
que Vſioio eût entrepris sur son autorité & iurisdiction.  
Partant il se mit en deuoir de casser tout ce que l'autre  
auoit fait, & luy dit brusquement : Vous estes mal infor-  
mé de la volonté du Roy. Sa Majesté ne pretend pas fai-  
re mourir tous les Chrestiens. Ce seroit vn trop horrible  
carnage. Le nombre en est trop grand. Vous ne sçanez  
si ie le suis; ny moy si vous l'estes. N'vsez pas de telles im-  
pertinences en ma presence.

M A I S pourquoi auez-vous couché le Seigneur Iusto  
Vcondono en cette liste? Est-ce chose nouuelle qu'il soit  
Chrestien? Il ya dix ans que le Tayco le cuida faire mourir à  
cette occasion. Mais depuis il l'a veu, & void volontiers.  
Quant au logis des Peres Iesuites, c'est où habite le tru-  
chement de sa Majeste. Il n'est pas à propos d'y mettre des  
gardes. Il est vray que le truchement y demeure, repartit  
Vſioio, mais il y en habite aussi d'autres qui prechent  
& baptizent. Gibonoscio n'eut pas faute de repliche



**LES V S-** en faueur de nos Peres, & fit entendre à l'autre, qu'il n'auoit  
**CHRIST** que faire à Meaco. Je ſçay, dit-il, & entens bien ce qui eſt  
 1596. de ma charge. Je m'en acquitteray au contentement de ce-  
 luy qui me l'a donnée. Paroles qui firent retirer Vſioio tout  
 confus de honte.

137  
 Maifonde  
 Meaco  
 gardée.

Le iour ſuiuant qui fut le dixieſme Decembre, Gibo-  
 noſcio aiant plus meurement peſé le tout, iugea qu'il de-  
 uoit faire garder noſtre maiſon, plus par ceremonie que  
 par voye de iuſtice, de peur qu'il ne fût tenu pour ſuſpect en  
 noſtre cauſe. Il enuoya donc chez nous le neueu d'un ſien  
 Lieutenant, lequel demanda qui auoit charge de la mai-  
 ſon. Vn certain, que l'original n'a pas nommé, reſpondit:  
 C'eſt moy avec vn autre. Mais que demandez-vous, s'il vous  
 plaist? Faites venir voſtre collegue, repliqua-il: J'ay vn mot  
 à vous dire. L'autre ſortit promptement, & ſalua fort cour-  
 toisement ce meſſager, ſelon ſa coutume. Le ieune homme  
 leur dit: Monſieur le Lieutenant mon oncle m'a comman-  
 dé de fair garder ce logis, par ordonnance du Gouverneur  
 Gibonoſcio. Mais parce que vous m'avez fait mine d'hom-  
 me d'honneur, & qui ne me tromperez pas, ie me contente-  
 ray de donner charge aux voiſins d'auoir l'œil ſur vous.  
 Ayant donc pris leurs noms, il ſe retira.

138  
 Habirans  
 d'icellc.

Cinq de nos Religieux auoient leur rendez-vous en la  
 maiſon de Meaco; mais Dieu voulut que pour lors il ne s'y  
 en trouua qu'un ſeul. Vn autre eſtoit chez vn des voiſins diſ-  
 courant du martyre, avec diuers Seigneurs qui s'y eſtoiēt af-  
 ſemblez, & les eſclarciſſant de pluſieurs doutes ſur ce ſujet.  
 Les trois autres eſtoient occupez en diuers affaires hors la  
 ville, & tous quatre perdirent pour ce coup la grace d'eſtre  
 enrollez parmy les Cheualiers de Jeſus-Chriſt. Ils demande-  
 rent bien-toſt apres au P. Organtin, s'ils feroient bien d'aller  
 eux meſmes donner leurs noms au Gouverneur. Aiez patien-  
 ce, dit-il, iuſques à tant que nous ſçachions certainement le  
 vrai motif du Tayco. S'il s'agit de la cōfeſſion de noſtre foy,  
 nous y courrons tous. Mais s'il eſt queſtion du galion de S.  
 Philippe, ou de quelque autre ſubjet, nous en delibererons.  
 Dequoy tous nos Religieux furent tres-contens. Les voiſins  
 mirent voirement des gardes à noſtre maiſon, ainſi qu'il

leur auoit esté commandé. Mais l'officier aiant parlé fort froidement, ils ne s'eschauferent pas à l'execution.

DANS le conuent de nostre Dame le Portiuncule près Meaco, se trouuerent cinq Religieux Deschaux, del'Ordre saint François; sçauoir est le Pere Commissaire, le P. François Blanc, Frere Gonçales Garcia, Frere François de saint Michel, & Frere Philippe de les Cafes. Ce dernier estoit arriué au Iapon avec le galiot de saint Philippe, allé à Ozaca avec les autres, puis à Meaco pour traiter certain affaire particulier, & fut pris pour Religieux dudit conuent, avec les autres. Ainsi le Pere Frere Martin demeura seul en Ozaca, avec deux jeunes hommes qui seruoient dans le conuent nommé de Bethlehem. Quant au Pere Frere Iean Pauvre, qui auoit aussi accoutumé de demeurer à Ozaca, les Espagnols venus dans le galiot de saint Philippe, l'auoient mené à Nangazaqui, où se tenoient deux ou trois autres compagnons du Pere Commissaire, chez vn Chrestien.

139  
Peres Deschaux pris  
à Meaco.

L'ONZIESME iour de Decembre le Tayco estant allé à Fuximi, voir les ouuriers qu'il emploioit à rebastir son palais renuersé par le tremblement de terre, le gouverneur Gibonoscio le fut trouuer, & lui fit entendre comme tous les Religieux estoient retenus prisonniers suiuant son commandement. Tayco qui estoit encores en colere, lui dit, Faites les tous mourir. A quoi le gouverneur n'osa repartir autre chose, sauf qu'il executeroit sa volonté. Le bruit courut incōtinent par Meaco, & lieux circonuoisins, que le Tayco vouloit auoir tous les noms de tous les baptizés, qui frequentoient les Eglises des Religieux. Si bien que comme on sçauoit qu'il faisoit executer ses volontés sans appel, ni delay quelconque, chaque Chrestien s'apprestoient à mourir.

140  
Les Chrestiens s'apprestent à mourir.

A FIN que la posterité cognoisse avec quel courage non seulement les Peres Deschaux, & ceux de nostre Compagnie, ains les simples Chrestiens mesmes attendoient la mort, je coucheray ici en premier lieu deux lettres, l'une du Pere Commissaire, adressée à vn Religieux de l'Ordre saint François: l'autre du P. Organtin escrite au P. Pierre Gomez son Prouincial, & puis quelques exemples particuliers. Celle du Pere Frere Pierre Baptiste parle ainsi.



I E S V S-  
CHRIST  
1596.

141  
Lettre du P.  
Commis-  
saire.

IL ya dix iours que nous sommes assiégés par vne troupe de soldats. Tous les Chrestiens sont condamnés à la mort: le rolle en est dressé. On les garde comme nous. Le premier iour qu'on nous assiegea, les Chrestiens se confesserent; & ne dormirent point toute la nuit. Frere François & moi nous emploiames du tout à oïr leurs confessions, parce que le plus apparent des Chrestiens nous assura que nous deuions tous mourir le lendemain. Je dis Messe auant le iour, donnay la sainte Communion à tous nos Freres, & à cinquante Chrestiens, faisant estat que c'estoit la derniere fois. Ainsi chacun s'appresta, & fit prouision de Croix ou Crucifix, pour porter en main allant à la mort. Le mesme iour auant l'heure du disner entrerent chez nous plusieurs Iaponois, & fureterent tous les coins de la maison. Puis vint vn Lieutenant de Gibunoscio, qui se saisit de nos Predicateurs, Leon, Paul, Bonauenture, Thomas, Gabriel, & les emmena.

Nos Chrestiens me derobēt le cœur, par l'affection & courage qu'ils ont de mourir pour I E S V S-CHRIST. Plusieurs sont venus de diuers lieux sejoindre à eux, sçachans qu'ils estoient condamnés à mort. Les voisins nous assistent de leurs aumosnes, plus largement qu'ils n'auoient fait iusques ici. Je ne sçay quelle fin prendront ces affaires. Les vns disent qu'ō nous renuoirra en Europe; les autres qu'on nous fera mourir. Il faut que nous mourions vn iour, nous desirons tous que ce soit à la gloire de Dieu, & le supplions qu'il nous en donne la grace. Aidés nous par vos prieres à l'obtenir de sa diuine bonté. A tant le P. Commissaire. Suit celle du P. Organtin.

142  
Lettre du P.  
Organtin.

Voici la plus agreable nouuelle que nous sçaurions communiquer, tant à Monseigneur l'Euesque, qu'à vostre reuerence, & à tout le reste de nos Peres & Freres. Hier fort tard arriua de Fuximi vne lettre adressante à Madame Marie, vefue de feu Chuan, par laquelle vn sien neveu lui signifioit, cōme peu d'heures auparauant qu'il prit la plume en main, le Roy auoit commandé à Gibunoscio, de faire mourir tous les Religieux qui estoient au Iapon. Nostre Frere Paul reuenant de la ville & entrant ceās s'écria avec vne extreme allegresse: En fin mes Peres & Freres bien-aymés, nous auons obtenu ce que pieça nous desirions tous, d'employer nos vies pour le

Seigneur qui donna la sienne pour l'amour de nous.

I E S V S-  
CHRIST  
1596.

Nous entressaillimes d'aïse, & commençâmes dès lors à nous y preparer interieurement. Nous donnâmes ordre chacun à ce qui est de nos consciences, preparâmes nos sortanes, manteaux, surplis, estoles, pour paroistre en ce dernier acte de nostre vie, comme vrais seruiteurs de Dieu, Predicateurs de la sainte loy, & legitimes enfans de la Compagnie de I E S V S, d'une alegre contenance, qu'il a pleu à Dieu nous communiquer; mais telle qu'il ne nous est pas possible de la coucher sur ce papier. Nous attribuons le tout à la grace du saint Esprit, & à l'efficace des continuelles prieres & sacrifices, que nostre Reuerend Pere general fait faire pour cete Prouince, & vostre reuerence aussi, laquelle void de plus près les dangers que nous courons, & les trauaux que nous souffrons. Nostre alegresse & ferueur croist grandement par la contemplation des Chrestiens grands & petits, qui ne monstrent crainte ni tristesse aucune de se voir à la veille de perdre leurs biens temporels, enfans, femmes, parens & amis: Ains sont prests, & desirant exposer leurs vies pour l'amour de I E S V S-CHRIST. Ils craignent seulement que Dieu ne les iuge indigne d'une si triomphante victoire.

Le plus remarquable est le valeureux Iusto Vcondono. Suiuent les deux fils de Gnenifoyn, le plus ieune desquels nommé Constantin, ne s'est point esloigné de nous depuis le commencement de ce bruit. Plusieurs recognoissent cette ferueur en ces nouueaux Chrestiens, pour vn clair effet du saint Sacrement de confirmation, qu'ils ont nagueres receu des mains de Monseigneur l'Euesque. Je serois trop long à nommer tous les autres. Si ne peus-je oublier nos deux proselytes Jean & Iacques, lesquels voians l'extreme peril que nous courons, ne desistrent pourtant de me solliciter par nostre Frere Mique Paul, de les recevoir en nostre Compagnie, veu qu'ils sont prests à mourir pour la foy avec les autres. Dieu nous donne à tous la grace, de bien terminer cete vie, pour jouir en paix de l'eternelle. Amen.

143

Constance  
des Chre-  
stiens.



*Du grand desir de souffrir le martyre, que montrerent  
plusieurs Chrestiens & Chrestiennes, grands & pe-  
tits, dès le commencement de cete persecution.*

CHAPITRE XVII.



OMME l'an quatre vingt-six que la premiere per-  
secution commença contre nostre Compagnie,  
le valeureux Iusto Vcondono fut le premier  
qui tint teste au Tayco, & sur lequel ce Prince  
dechargea plus furieusement son indignation,  
ainsi que nous auons raporté en son lieu; aussi voulut il pa-  
roistre le premier en celle-ci. Le P. Organtin arriuant à  
Meaco lui fit sçauoir la volonté du Tayco, selon qu'on la  
lui auoit intimée. De quoi Iusto receut vn tel contentement,  
qu'il sembloit estre hors de soi, & transporté de joie. Il fut  
soudain vers nos Peres, pour les asseurer qu'il desiroit mou-  
rir avec eux. Puis montant à cheual il s'en alla à Fuximi,  
prendre congé de Chicugendono, Roy de Canga, duquel il  
recenoit le plat. Pour action de graces, il lui presenta deux  
vases, à tenir le Cha, liqueur fort prisée au Iapon. On les esti-  
moit de quatre à cinq mille escus. Chicugendono bien  
estonné du courage de Iusto, lui dit: l'admire vostre con-  
stance: si faut-il que vous sçachiés que j'estois en Cour, &  
prés de sa Majesté, lors qu'il s'indigna contre ces Religieux  
estrangers; mais son courroux ben doit seulement contre  
ceux des Philippines, & leurs fauteurs. Vostre seigneurie  
me veut consoler, repliqua Iusto: Elle m'oblige grande-  
ment. Ie ne manqueray neantmoins à me preparer à la mort,  
& mourray vostre seruiteur. Sur quoy il prit congé, & s'en  
retourna à Meaco.

144

Iusto  
Vcondono  
& sa con-  
stance.

145

Enfans de  
Gnenifoy  
Chre-  
tiens.

GNENIFOYN Vice-roy de Meaco, auoit deux de ses  
enfans, & vn nepueu, Chrestiens. L'aîné nommé Paul Sa-  
condono, âgé de vingt-deux ans ou enuiron, qui auoit la  
suruiuanee de son pere, & vne forte place que le Tayco luy  
auoit

auoit donnée au Royaume de Tamba, où aiant eu le vent de cette persécution, il depecha promptement vn messager à Meaco, & vn autre à Ozaca, pour estre mieux informé de la verité. Cependant aiant considéré cōme il pourroit paruenir à la couronne du martyre, il trouua bon de s'en aller à Fuximi trouuer son pere, avec huit de ses plus fideles & deliberez seruiteurs; & luy dire qu'il s'en alloit à Ozaca voir son beaupere. Son inclination estoit de prendre là logis, & attendre le succès de ces affaires. Mais entrant plus auant en discours, & se doutant qu'il ne viendrait pas à bout de son desir s'il se presentoit aux officiers de la iustice couuert à son ordinaire, parce qu'il n'y auroit personne qui osât mettre la main sur luy, il resolut de se raire, esperant que toute sa suite feroit volontiers le mesme, parce qu'il n'auoit mené que Chrestiens.

I 46  
Paul Sacondono & sa vertu.

EXAMINANT de plus près la portée & capacité d'vn chacun, il ietta les yeux sur vn, lequel n'auoit receu le baptême que vingt iours auparauant. Entrant donc en quelque doute de sa constāce, il le tire à part, luy conseille de s'en retourner en sa maison, parce qu'il ne pouuoit encore bien sçauoir que c'estoit de mourir pour la gloire de Dieu, & confession de sa foy. Mais le seruiteur luy respondit: Hé Monsieur, que me dites-vous! L'aduouie qu'il y a peu de tēps que Monseigneur l'Euesque m'a fait Chrestien; si est-ce que par la grace de Dieu, j'entens combien nous importe le salut de l'ame. Si nous la perdions, que nous resteroit-il? Si le chemin du martyre est le plus court pour arriuer au Ciel, ie le fuiuray moiennant l'aide de Dieu, qui ne me manquera pas au besoin. Sacandono receut vn merueilleux contentement de cette responce, luy donna enuiron cent trente escus pour aider ses pauures parens, se retira dans son cabinet, se prosterna deuant vne image, priant Dieu de l'enroller au nombre de ses inuincibles guerriers: Escriuit quelques lettres à ses pere, mere & nourrice, lesquelles contenoient en somme, que luy estant Chrestien, & les Peres de nostre Compagnie deuant mourir pour la foy, il estoit resolu de finir sa vie avec eux. Resolution qu'il n'auoit pas pris à la volée, ny par caprice; ains apres vne longue & meure deliberation, qu'il



**I E S V S**-leur tesmoignoit par ces lettres, les suppliant de changer  
**C H R I S T** les obseques & honneurs qu'ils luy voudroient faire a-  
 1596. pres sa mort, au bien qu'ils pouuoient gagner se ren-  
 dans Chrestiens. Estans tels vous entendrés, gousterés &  
 approuuerés la cause de ma resolution, leur escriuoit-il,  
 pour conclusion de chaque lettre. Je les ay laissées dans  
 l'original, pour n'en grossir trop mon histoire. Finale-  
 ment ce ieune Seigneur, pour se disposer mieux à la mort,  
 fut à Meaco trouuer le Pere Organtin, auquel s'estant  
 confessé generalement, il propola de mener vne vie du  
 tout nouuelle & plus Chrestienne qu'il n'auoit encore  
 fait.

147  
 Constantin & son  
 courage.

Le puisné de Gnenifoyn nommé Constantin, & Mi-  
 chel son cousin germain, qui auoient esté Pages du neueu  
 de Tayco, se rencontrerent à Meaco, le iour que les nou-  
 uelles de la persecution y arriuerent; & resolut de mou-  
 rir pour la querele de Dieu, se logerent près nostre mai-  
 son, pour y attendre la commodité. Le Pere Organtin les  
 enuoia visiter, & confirmer en leur bon propos, par vn de  
 nos Peres. Peu apres le bruit courut que l'arrest contre les  
 Chrestiens n'auoit pas esté prononcé; mais qu'on craignoit  
 que les ennemis de Gnenifoyn, comme il n'y a grand qui  
 n'é soit pourueu, nel'accusassent au Roy, de ce que ces deux  
 enfans estoient baptisez. Dequoy aduertit Constantin reso-  
 lut d'aller en personne trouuer son pere, lui declarer qu'il  
 estoit Chrestien, & déterminé de mourir pour Iesus-Christ,  
 avec le Pere Organtin son Maistre. Il arriua à Fuximi, tout à  
 point, comme son pere sortoit de son logis pour aller au Pa-  
 lais du Tayco; & luy decouurit sō cœur. Dequoy Gnenifoyn

148  
 Pere rude à  
 son fils  
 Chrestien.

qui l'aimoit vniquement, demeura comme hors de soy, & ré-  
 trant dans le logis, luy dit: Je n'estois pas asseuré que tu fusse  
 Chrestien; j'en deuois estre plustost auerti. Quant au P. Or-  
 gantin, il n'est pas au nombre des criminels, s'il n'est cōuin-  
 cu de precher ou catechiser. Pour toy, si le Tayco com-  
 mande qu'on fasse mourir tous les Chrestiens, ne pense pas  
 euader. Je ne t'epargneray point. Nous auons assez d'e-  
 xemples tant anciens que modernes, des peres qui ont fait  
 plus d'estat des commandemens de leurs Roys, que des

vies de leurs enfans. Aquoy Constantin respondit d'un <sup>IESVS-</sup>  
maintien doux, mais qui ne dementoit pas son nom: Mon <sup>CHRIST</sup>  
pere, ie ne vous ay pas decouuert mon secret, pour me <sup>1596.</sup>  
garentir de la mort, ains afin que vous puissiez mieux pa-  
rer aux coups qu'on vous pourroit donner à mon occasion.  
Car ie crains que vous ensoiez incommodé; & neantmoins  
ie desire mourir pour la foy Chrestienne. A quoy le pere  
n'eut moien de repartir, parce que la douleur luy serroit  
le cœur.

CEPENDANT Michel laissé par Constantin à Meaco,  
estimant qu'il sejournoit trop à Fuximi, le fut trouuer  
là, où il eut bien de la peine à consoler sa tante, mere  
de Dom Constantin. Il luy dit, entre autres choses. S'il  
meurt selon son desir, ma tante, ce ne sera que pour la  
gloire du createur de l'Vniuers, avec lequel il viura con-  
tent pour iamais. Combien se trouue-il de meres qui  
voient mourir leurs enfans, pour les crimes qu'ils ont  
commis, & par iustice? Si nous pardons la vie du corps,  
ce sera pour sauuer nos ames. Cela me console, respon-  
dit-elle. C'est chose tres-loüable qu'un homme de son  
âge, & qualité, fasse tel estat de la vie future, qu'il en  
mesprise la presente. Là où moy qui ay desia les cheneux  
gris, n'ay pas encores appris le chemin de Salut. Je vi-  
uray contente, pourueu qu'il ne meure point. Priez-le  
de grace, qu'il s'entretienne à Tamba avec son frere, ius-  
ques à tant que cét orage soit passé. Ainsi fit-il; mais apres  
auoir veu, que les affaires prenoient autre train qu'ils ne  
s'estoient promis.

DEUX autres Gentils-hommes qui logeoient avec eux  
dans Meaco, venus de quatre iournées pour receuoir le  
sainct Sacrement de Confirmation, voians qu'ils ne pou-  
uoient lors mourir pour la foy, s'en retournerent en leurs  
maisons, apres auoir prié les Chrestiens de Meaco, de les ad-  
uertir promptement, si quelque ouuerture se faisoit pour  
souffrir le martyre, parce qu'ils desiroiét extremement par-  
ticiper à vn si heureux sort. Vn d'iceux estant de retour en sa  
maison, y establit l'oraison de quarante heures, pour obte-  
nir perséuerance aux persecuteurs.

149.

Consola-  
tion pour  
les mar-  
tyrs.



IESVS-  
CHRIST  
1596.

150  
André On-  
gasauara.

Liv. 10.  
nomb. 130.

ANDRÉ Ongasauara natif de Bungo, homme noble de racc & de vertu, celuy qui enleua du col du bon Ioram, la nuit apres qu'il fut martyrizé, vne croix qu'il portoit. Dequoy le Roy de Bungo fit faire vne si exacte recherche, desirant voir punir de mort celuy qui en seroit trouué coupable: Et celuy mesme qui deux ou trois ans apres, porta les reliques dudit Ioram en la ville d'Arima, & les liura au Pere Alexandre Vatignan, lors Prouincial du Iapon, ainsi que nous auons dit ailleurs, s'estant retiré à Ozaca, apres la ruine de Bungo, & y ayant appris que le Tayco faisoit dresser vne liste de Chrestiens, soustint fort & ferme qu'il y deuoit estre couché le premier, comme le plus ancien. Desirant aussi que toute sa famille eust part au mesme bien, il se disposa le mieux qu'il lui fut possible, & son pere, qui estoit octogenaire, & n'auoit esté baptizé qu'environ six mois auparauant. Leur discours m'a semblé digne de memoire.

151  
Vieillard  
octogenai-  
re.

IL me dit donc vn iour. Mon pere, comme il y a peu de temps que vous estes Chrestien, ie ne sçay si vous aurés encores apris que c'est d'estre martyr. Et qu'est-ce dit le bon vieillard? André respondit. Vne des grandes faueurs que Dieu aie coutume de faire à ses fideles, c'est de les conduire au poinct auquel ils exposent leur vie, & meurent pour son saint seruice. Ceux auxquels il prepare cette couronne, doiuent estre humbles & patiens, afin que les ennemis de Dieu courans sur eux, ils quittent les armes materielles, & haussant les mains au Ciel, & mettant les genoux en terre, souffrent volontiers pour l'amour de leur Createur, sans se mettre en aucune sorte de deffense.

LE vieillard desireux d'estre bien instruit es matieres de nostre sainte foy, escoutoit attentiuement son fils, mais ayant touché ce poinct, que comme homme nourry suiuant les loix du monde, il estimoit concerner son honneur, il luy dit nettement: A d'autres, à d'autres ces niaiseries: Ce n'est pas à moy qu'il les faut vendre. Qu'un homme d'honneur se laisse lachement massacrer par des assassins, seroit-ce pas la plus infame couardise du monde? Quel cœur pourroit

souffrir que des idolatres entreprissent sur la vie des Peres qui nous ont faits Chrestiens ? Ce bon vieillard portoit tousiours son poignard à la mode du Iapon ; mais oiant ces nouuelles , il courut prendre encor son espée , & ainsi armé & en colere s'arma comme vn soldat de vingt-cinq ans , & dit : Si ces meurtriers font contenance de se vouloir ietter sur les Peres , j'en abbatray sept ou huiët , & ne cesseray de les poursuiure qu'ils ne m'aient couppé les bras , ou enleué mon espée. S'ils me tuënt en tel estat , je seray volontiers martyr.

ANDRE' voiant que son peren'estoit encore capable de la doctrine du martyre , & craignât que les ministres de l'iniquité suruenans ne le missent en quelque danger , lui dit avec la plus grande douceur & respect qu'il lui fut possible : Mon Pere , vous sçaués bien que la famille d'Ongasauara est renommée par tout le Iapon , pour la particuliere dextérité , que tous nos ancestres ont tousiours fait paroistre , enseignant les jeunes Seigneurs à monter à cheual , les manier , tirer de l'arc , & se perfectionner en semblables exercices. Depuis peu Dieu m'a donné vn fils que vous cherissés comme pere. Faites moile bien de vous retirer aux champs pour conseruer en lui le nom de nostre famille. Le vieillard piqué plus que deuant , lui dit : Mal appris que tu és ; Comment oses-tu me tenir ces propos ? Il feroit beau voir que tu courusses fortune de ta vie , homme jeune que tu és , & que moi octogenaire , m'allasse cacher pour conseruer la mienne. Quelle contenance pourrois-je desormais tenir deuant le monde ? Si tu as peur , va t'en cacher à la bonne heure , & conserue la famille. Pour moi je rompray la teste à tous les ennemis qui se presenteront , & puis mourray martyr.

ANDRE' ne sçauoit de quel costé se tourner pour disposer son pere , ainsi qu'il desiroit , le trouuant si esloigné de son dessein. Mais Dieu le disposa par autre voie. Car la femme d'André trauaillant à certaine espece de garderobe , pour secourir plus decemment si on la crucifioit , & les autres domestiques preparans qui son chapellet , qui son reliquai-  
aux mesmes fins , le vieillard leur demanda , A quoy faire



IESVS-  
CHRIST  
1596.

tout cela. Ils dirent tous fortjoieusement qu'ils se prépa-  
roient à mourir pour IESVS-CHRIST. Ce qui lui fit ruminer  
ce que son fils lui auoit dit, & l'apprehender tellement, que  
quittant les armes, il prit son chapellet en main, disant qu'il  
vouloit mourir en mesme disposition que les autres.

152

Femmes  
constantes.

MAIS c'est assés parlé de la constance de hommes. Les  
femmes ne leur cedoient en rien. Madame Grace Royne  
de Tango n'eut pas plustost ouï les nouuelles de la persecu-  
tion, qu'elle semit à preparer avec ses Damoiselles, les ha-  
bits qui leur estoient propres pour le supplice de la Croix,  
l'attendant d'un si grand courage, qu'elle disoit : Quand  
bien ce sera à my-nuict qu'on me signifiera que les Peres de  
la Compagnie de IESVS deuront mourir, j'y courray tou-  
te pied nuë avec mes filles, & ferons à qui plustost arriuera  
au supplice, eux ou nous.

PLVSIEURS grandes Dames de Meaco s'assemblerent  
dans la maison d'une femme de marque, nommée Marie,  
qui demouroit bien près de la nostre, disant qu'elles se ran-  
geoient là, afin que les officiers de la Iustice ne fussent en  
peine de les aller querir plus loin : Et portoient chacune  
l'habit avec lequel elles desiroient estre crucifiées. Vne des  
plus riches & mieux apparentées, craignant que le rang que  
son mary tenoit en la ville n'empeschast les bourreaux d'en-  
trer en sa maison, se rendit chez la susdite Marie, esperant  
d'y trouuer plus d'occasion & commodité de souffrir le mar-  
tyre avec les autres. Vne autre dit, Je suis bien preste à mou-  
rir pour la confession de la sainte foy : mais je ne sçay si  
voiant les armes nuës sur moi, je trembleray comme femme  
que je suis. Si tel cas m'arriue, je vous prie me trainer vers  
les bourreaux, afin que je meure avec les autres Chrestiens.  
Car j'y suis entierement resoluë. Concluons ce Chapitre,  
par le courage que les jeunes enfans & filles monstrent à  
cete occasion.

153

Constance  
des filles,

LA susdite Marie, Dame qui habitoit près de nostre Col-  
lege de Meaco, auoit chez soi une sienneneiece de dix ans ou  
enuiro, qu'elle auoit tousiours nourrie tendrement aupres  
de foy. Ce bruit du martyre des Chrestiens commençant à  
courir, elle lui dit. Ma fille je trouue bon que vous vous reti-

riés chez vostre pere, pour vous garentir du danger que nous I E S V S-  
courons, ainsi que vous aués oüi dire. La petite se mit à C H R I S T  
pleurer & crier qu'elle ne vouloit sortir de Meaco, ni de la 1596.  
maison de sa tante. Si les Chrestiens doiuent estre tûés,  
dit-elle, ie suis du nombre, ie veux mourir avec eux, & avec  
vous ma tante, que ie tiens pour ma mere. Ses pere & me-  
re l'enuoiant querir quelques iours apres, il n'y eut moien  
de la separer de sa tante.

SEMBLABLE cas arriva à vn enfant de dix ans nommé 154  
Thomas qui alloit tous les iours chez nous pour apprendre Constance  
la doctrine Chrestienne. Sa mere estant resoluë de mourir des enfans.  
comme Chrestienne, pour estre plus libre, le voulut enuoier  
chez vn sien parent hors de la ville. Ce que l'enfant aiant  
sçeu, dit qu'il n'en feroit rien, parce que c'estoit fuir le mar-  
tyre. Je n'ay pas peur de la mort, dit-il. J'ay vne image de  
sainct Thomas laquelle embrassant ie mourray volontiers  
avec les Peres qui m'ont baptizé, & avec ma mere.

VN autre enfant de dix ans, appellé Louys, qui demeu-  
roit avec les Peres Deschaux, & auoit esté par eux baptizé.  
voiant que les officiers de la Iustice, ne le vouloient cou-  
cher dans leur rolle, parce qu'il estoit trop petit, se mit à  
pleurer si chaudement que pour le contenter ils furent con-  
traints de l'écrire sur leur papier. Ce qui lui reüssit si heu-  
reusement, qu'il fut du nombre des vingt-six crucifiés pour  
la confession de la foy, ainsi que nous verrons bien-tost.



*Le Tayco declare n'auoir entendu comprendre les  
Religieux de nostre Compagnie, en la sen-  
tence de mort qu'il auoit donnée  
contre ceux des Philippines,  
& leurs adherens.*

CHAPITRE XVIII.



ANDIS que les prisonniers, tant Reli-  
gieux que seculiers, attendoient la mort  
d'heure en heure, il plut à Dieu esmou-  
uoir le cœur de quelques payens, qui  
cherissoient nostre Compagnie; & de  
quelques autres, lesquels estant amis de  
Iusto Vcondono, Dom Augustin, Dom  
Condare, & autres Chrestiens nos protecteurs, croioient  
les obliger grandement, s'ils pouuoient nous aider. Quel-  
ques-vns de ce nombre se rencontrant vn iour à Fuximi  
prés du Tayco, visitant les ouuriers qui rebastissoient ses  
palais, & le trouuans en bonne humeur, lui remonstrerent  
doucelement, comme depuis quarante ans, que nos Peres  
auoient mis le pied au Japon, ils n'auoient iamais esté re-  
marqués entreprendre rien contre l'Estat, ni troubler le re-  
pos des Royaumes, ains precher tousiours la paix, & s'em-  
ploier à la reconciliation de ceux qui estoient en debat; con-  
soler les affligés, secourir les pauvres, traiter charitablement  
les malades, respecter les grands, bref faire du bien à tous  
selon leur pouuoir. Considerations qui l'adoucirent gran-  
dement.

155  
Interces-  
sions des  
payens  
pour nostre  
Compagnie.

155.  
& suiv.  
SURVINT le Vice-roy Gnenifoyn, lequel pour gra-  
tifier ses deux enfans, qui estoient Chrestiens, ainsi que nous  
auons dit cy-deuant, confirma tout ce que les autres auoient  
dit en nostre faueur, ajoustant que nos Peres s'estoient tou-  
jours montrés tres-prompts à executer les ordonnances de  
sa

sa Majesté; tant au Ximo, qu'à Meaco. Que le Pere Or-  
gantín, auquel sa Majesté auoit permis de demeurer à Mea-  
co, à raison de sa vieillesse & infirmité, se comportoit cõ-  
me banny; auoit changé d'habit, & ne paroissoit quasi plus  
en public. Ces raisons, & plusieurs autres, que le Vice-roy  
mit en auant, appaierent du tout le Tayco; si bien que dès  
lors quelques-vns dirent, que si Faranda & les Gouver-  
neurs de Meaco n'eussent esté irrités en particulier contre  
les Peres Deschaux, comme ils faisoient par trop paroistre,  
il y auoit quelque moyen d'appaiser encore le Tayco pour  
eux, tellement qu'il se fût parauenture contenté de les ren-  
uoier aux Philippines. Mais la prouidence diuine voulut dès  
cette saison donner à ses bons seruiteurs le guerdon de leurs  
travaux; & reseruer les subiets de nostre Compagnie pour  
en souffrir d'autres, cultiuant le desert du Iapon.

IESVS-  
CHRIST  
1596.

156  
Le Tayco  
appaie en-  
uers nous.

Ce fut encore vn traitt de la prouidence de Dieu, que  
la sentence du Tayco ne comprit pas ceux de nostre Com-  
pagnie. Car comme les Chrestiens estoient en grand nom-  
bre, & tous resolus à mourir pour la confession de la foy,  
& se monstroient tres-affectionnez à nos Peres qui la leur  
auoient prechée; si la iustice Payenne eût entrepris de fai-  
re mourir tous les Chrestiens, il y auoit danger de quel-  
que reuolte. Mais pesant ce fait à la balance de la raison  
humaine, nous trouuerons que trois grains emporterent  
le Tayco de ce costé. Le premier fut composé des depor-  
temens de nos Religieux, qui auoient tousiours tendu à  
le contenter, iamais à l'irriter. Le second fut tiré de la  
venue de l'Euesque du Iapon, avec la responce du Vice-  
roy des Indes si fort attenduë, laquelle lia totalement les  
mains au Tayco, comme il auoia au Gouverneur Xibu-  
nojo, ou Gibunoscio, luy declarant plus particulièrement  
sa volonté en cet endroit. Le troisieme fut le commer-  
ce des Portugais, avec lesquels il eût semblé faire dior-  
ce, s'il se fût bandé generalement contre nostre compa-  
gnie. Ces trois poincts furent ainsi escrits de la Cour du  
Tayco à Tarazaba Gouverneur de Nangazaqui, par vn de  
ses intimes, qui estoit ordinairement en Cour.

157  
Les raisons  
ou motifs.

LE douziesme iour de Decembre le Gouverneur Gi-



IESVS-CHRIST 1596. Gibunoscio, qui affectionnoit nostre Compagnie, ayant sçeu la bonne disposition en laquelle estoit le Tayco pour ces affaires, le fut trouuer, & luy dit entre autres. Vostre Majesté me commanda hier de faire mourir tous les Peres. De peur de manquer à l'exécution de vos volontez, ie desirerois sçauoir quels Peres vous entendez; & si ceux qui viennent dans le nauire des Portugais, sont de ce nombre? Tayco luy respondit: Sçais-tu pas que ceux qui sont venus dans le galion brisé, ont rangé le Mexique & les Philippines sous l'obeïssance de l'Espagne? Ces Europeens sont fins, ils enuoient leurs Moines pour decouurer les terres incognuës, attirer le peuple à leur loy, & puis courir sus aux Princes naturels. Ils pretendoient conquerir le Iapon en mesme façon; mais ie les en empêcheray bien.

157  
Declara-  
tion de sa  
volonté

Si ie trouuois cette loy bonne, ie donnerois plutost congé de la precher au Pere Rodriguez qui est mon truchement, & à ses collegues, qu'à tous autres. Mais il y a dix ans que ie leur deffendi de passer outre; & ils ont obeï. Quant à ces derniers venus, quelle raison ont-ils de precher vne doctrine qui ne me plaist pas? Trouue-tu bon cela? Gibunoscio respondit, qu'il ne trouuoit bon que ce qui aggreoit à sa Majesté; & adjousta quelques raisons, pour adoucir de plus en plus le cœur de Tayco enuers nostre Compagnie. Tellement qu'il monstra estre fort content de nos Peres, & luy dit: Parce que mon truchement pourroit estre en peine pour ces remuëmens, enuoie-luy en diligence vne fregate, pour l'asseurer de ma part, qu'il aye bon courage, & fasse bonne chere. Ie n'entens pas aussi qu'on moleste l'Euesque, ny ceux qui me vindrent voir en sa compagnie.

159  
Publica-  
tion d'icel-  
le.

SELON cette resolution Gibunoscio enuoia soudain à Meaco vn Chrestien, nommé Iacques, porter ces nouvelles au Pere Organtin, signifier à son Lieutenant d'oster les gardes de nostre maison: & de là passer à Nangazaqui vers Monseigneur l'Euesque, pres duquel estoit le Pere Rodriguez. Ce qui fut de poinct en poinct & promptement executé; & nos Peres autant estonnez que la pro-

uidence diuine les eust deliurez par le moyen des idolatres, comme ioieux d'estre affranchis du danger qu'ils redoutoient. Le Pere Organtin renuoyant Iacques, remercia fort amplement & affectueusement le Gouverneur Gibunoscio, lequel assura de nouveau nos Peres, qu'ils auroient vn bon amy par tout où il se trouueroit. Dequoy ils loierent Dieu comme d'une faueur tres-inopinée. Neantmoins comme ils cognoissoient le naturel changeant du Tayco, ils se tenoient tousiours prests à mourir pour la sainte foy.

Le mesme Gouverneur continuant à executer la volonté & ordonnance dernière du Tayco, fit venir de Fuximi, le Lieutenant qu'il auoit auparauant laissé à Meaco, luy commanda de faire oster les gardes posées à nostre maison, & luy porter au plustost le rolle des Peres Deschaux, & de ceux qui frequentoient leur Eglise. Le Lieutenant retourné à Meaco, donna cette commission à vn sien homme, lequel s'en alla d'huis en huis par la ville, demandant qui estoit Chrestien, & qui souloit aller au Couuent des Peres Deschaux. Les Chrestiens estimans que c'estoit tout de bon, & qu'on les cherchoit pour le martyre, firent tous hardiment profession de leur foy, & ceux qui sçauoient escrire la signerent, s'assurans que pas vn n'e-uaderoit la mort. Mais comme le Lieutenant sçauoit que la volonté du Gouverneur n'estoit pas de faire vn si grand carnage, il fit vne nouvelle liste de douze seulement, passant sous silence tous les autres que son homme auoit mis par escrit.

IESVS-  
CHRIST  
1596.

160

Liste de  
douze  
Chrestiens.



An de 84  
IESVS-  
CHRIST  
1596.

LIVRE XI. DE L'HISTOIRE

*Six Religieux de l'Ordre Saint François, trois de  
nostre Compagnie, & dix-sept autres Chre-  
stiens condamnez à la mort.*

CHAPITRE XIX.



161

Iacuin ob-  
tint contre  
les prison-  
niers.

ET affaire demeura comme pendue au croc  
iusques au penultiesme iour de Decembre,  
parceque quelques Seigneurs de la Cour  
moiennoient que les Peres Deschaux fus-  
sent seulement exilez du Iapon. Mais le Me-  
decin Iacuin ennemy mortel de la Chrestienté, voyant  
que peu à peu ses desseins s'euanouïssoient, que les Pe-  
res de nostre Compagnie estoient pour ce coup hors de  
danger, & qu'on procuroit en tirer les autres, s'en alla  
trouuer le Roy, qui estoit prest à partir pour Ozaca : &  
comme il recognoissoit son humeur, luy allegua tant de  
raisons sans raison, qu'il luy persuada de ne dilayer plus  
l'execution des prisonniers. Ce Bonze renegat eut tant  
de pouuoir sur luy, qu'il fit appeller soudain le Gouver-  
neur Gibunoscio, & luy commanda que les prisonniers d'O-  
zaca, où il s'en alloit, arriuant à Meaco, il les fit tous pour-  
mener sur des charrettes par les ruës, puis leur fit couper  
le nez & les oreilles, les enuoiant derechef à Ozaca à cheual,  
afin qu'on les trainast par les ruës, & de là à Sacay, faisant  
rousiours porter deuant eux vne table, en laquelle fût escri-  
te en grosses lettres la sentence qui s'ensuit. Ce fut là pre-  
miere qu'il donna.

## LE TAYCO:

J'ay condamné ces gens à la mort, parce qu'ils sont venus des Philippines au Japon, soi disans Ambassadeurs; Ce qu'ils n'estoient pas: Ont séjourné long-temps en mes terres sans ma permission; prêché la loy des Chrestiens, contre la deffence que j'en auois faite. Partant je veux qu'ils soient crucifiés à Nangazaki.

192  
Arrest du  
Tayco con-  
tre les pri-  
sonniers.

**I**BVNOSCIO estant de retour à Meaco, manda promptement à son Lieutenant, de faire seurement conduire en sa maison les cinq Religieux prisonniers, & les Chrestiens nommés en la liste, afin que ceux d'Ozaca estans arriués, on peût proceder à l'exécution du commandement de l'Empereur. Les affaires de la Iustice furent au Conuent des Peres Deschaux, prendre les douze Chrestiens nommés en la susdite liste; où arriua vn cas digne de perpetuelle memoire.

La liste portoit entre autres le nom d'un Chrestien, nommé Matthias, qui seruoit aux Peres Deschaux d'ache-  
 reur, ou pouruoieur. L'huissier de la Cour appellant vn à vn ceux qui estoient couchés sur sa liste celui-là ne comparois-  
 soit pas, d'autant qu'il n'estoit pour lors dans le Conuent, les affaires l'ayant appelé ailleurs. L'huissier crioit à pleine  
 teste, Où est Matthias? que Matthias vienne. Prés de la por-  
 re du Conuent demouroit vn Chrestien de mesme nom, le-  
 quel oiant crier Matthias, y accourut, & se presenta à l'Huif-  
 sier, disant, Voicy Matthias. Car quoi que je ne sois pas ce-  
 lui que vous cherchez; si m'appelle-je Matthias, & suis Chre-  
 stien par la grace de Dieu, ami & seruiteur des Peres de ce  
 Conuent. Cela suffit, dirent les officiers, & n'est jà besoin  
 de perdre le temps à chercher l'autre. Ainsi *cecidit fors super  
 Matthiam, & annuntiatus est cum vndecim.* Le sort tomba sur  
 Matthias, qui parfit le nombre de douze, acceptant joieu-  
 sement cet heureux rencontre.

163  
Vn Mat-  
thias pris  
pour l'au-  
tre.



**I E S V S -**  
**C H R I S T**  
 1567. LE dernier iour de Decembre, le Tayco arriuant à Ozaca, commanda au gouuerneur de la ville, que le Pere Deschaux & ses compagnons, qu'on tenoit là prisonniers, fussent enuoiés à Meaco, & liurés à Gibunoscio, pour en faire iustice.

164  
 Paul Miqui  
 qui à Meaco.

LORS qu'on osta les gardes posées à nostre maison de Meaco, le mesme deuoit estre fait à Ozaca; Mais le gouuerneur dit n'auoir osé l'entreprendre, sans exprés commandement du Tayco, qui l'auoit autresfois repris de sa trop grande facilité à permettre aux Chrestiens qu'ils frequentassent l'Eglise des Peres Deschaux. Partant il se resolut d'enuoier aussi à Meaco nostre Paul Miqui, avec Iacques & Iean, qui auoient esté couchés sur la liste avec lui. Quelque bruit sourd courut que le gouuerneur l'auoit ainsi fait, pour ne sembler auoir pris quelque present de nos Peres: ou bien à la sollicitation de Faxegaba, son grand ami, qui se disoit protecteur des Peres Deschaux, & desiroit que quelques-vns de nos Religieux, leur tinssent compagnie à la mort, pour la raison que nous auons touchée cy-deuant.

**Nomb. 155.** LE premier iour de Ianuier de l'an quatre vingt dix & sept, tous les prisonniers aiant esté conduis à Meaco, le P. Organtin enuoia traiter avec Gibunoscio, s'il y auroit moien de tirer de là nos trois Freres, qui auoient esté retenus prisonniers par la faute du gouuerneur d'Ozaca, & contre l'intention du Tayco. Gibunoscio respondit qu'il estoit bien marri de cete disgrace, ainsi la nommoit-il. Mais qu'il n'y voioit point de remede, sauf d'en parler au Roy, adjousta-il. Ce que je n'oserois faire, pour le danger qu'il y a de l'irriter de nouveau contre tout le corps de vostre Compagnie. Car sa Majesté n'ayant donné congé qu'au P. Organtin pour demeurer à Meaco; & au P. Rodriguez son truchement pour Ozaca ou Fuximi; ils'offenceroit d'entendre qu'il y en eust eu encore d'autres à Ozaca. l'estime qu'il faut hazader ces membres pour conseruer tout le corps, dit ce gouuerneur; & fallut passer par là.

165  
 Excuses de  
 Gibunoscio

QUELQUES bons Chrestiens & de nos meilleurs amis, estimans que Paul Miqui & ses deux cōpagnons estoient en voie

de mourir, contre la volonté du Roy, se mirent en deuoir de IESVS-  
gagner par argent vn des officiers du gouuerneur d'Ozaca, CHRIST  
qui les auoit en garde. Mais Dieu ne permit pas que leur des- 1597.  
sein reüssit. Car quoi que telle race de gens se rende volon-  
tiers à la veuë des dons & presens, celui-ci se montra toujours  
inexorable. Le P. Organtin reprit les Chrestiens de cete en-  
treprise, de peur qu'ils ne s'accoustumassent à semblables  
traits en matiere de moindre importance.

166

Charité  
des Chre-  
tiens.

P A V L mesmes aiant appris ce qui s'estoit passé à son de-  
sceu, remercia Dieu que l'affaire eust ainsi reüssi; & en escri-  
uit aux Chrestiens en tels ou semblables termes. C'estoit vn  
effet de l'amour que vous me portés: Ie n'en doute pas. Mais  
vous deuiés plustost vous resioiür de la grace qu'il plaist à  
Dieu me faire, de vouloir que je meure pour son sainct nom,  
que de me priuer de la couronne qu'il m'a preparée par sa  
misericorde.

Lors que le Tayco prononça la premiere sentence con-  
tre les prisonniers, ainsi que nous auons dit; il depecha  
quand & quand vne commission à vn frere de Tarazaua gou-  
uerneur de Nangazaqui, nommé Fazambure, pour lors gou-  
uerneur de Nangoya, & Lieutenant de son frere à Nangaza-  
qui, lui donnant auis, comme dans peu de iours, il lui enuoï-  
roit les Peres Deschaux des Philippines, avec quelques  
Chrestiens, à ce qu'il les fit tous mettre en croix à Nanga-  
zaqui. Gibunoscio lui escriuit par mesme voie, que le Tay-  
co ne procedoit pas contre les Peres de nostre Compagnie  
ains leur permettoit de demeurer au port de Nangazaqui,  
pourueu qu'ils ne prechassent, ne fissent aucune assem-  
blée de Chrestiens, & n'allassent çà & là pour bapti-  
zer.

167

Fazambu-  
re Commis-  
saire.

EN vertu de ces lettres, Fazambure fut trouuer nos Peres,  
leur communiqua tout ce que dessus, & enjoignit de se tenir  
cois & retirés le plus qu'ils pourroient: recommanda aux ma-  
gistrats du lieu, d'empêcher qu'aucun Iaponois entrât dans  
nostre Eglise, disant qu'elle estoit ouuerte pour les seuls Por-  
tugais. Auertit les quatre Peres Deschaux qui habitoient à  
Nangazaqui, que sans se retirer au College de nostre Com-  
pagnie, ils s'en allassent au nauire des Portugais, qui



IESVS-  
CHRIST  
1597.

estoit au port, pour passer au plustost à Meaco, ou aux Indes, sans plus mettre le pied à terre dans le Japon. C'estoient Frere Augustin, Frere Barthelemy, Frere Marcel, & Frere Iean Pauvre. Bref fit crier à son de trompe, qu'aucun marinier n'eust à les ramener en terre, sous peine de la vie. Paraventure auoit-il ordre de ce faire, ou faisoit le bon valet, au preiudice de la Chrestienté, qui se voioit priuée de l'assistance de si bons ouriers.

168

Diligences  
pour la  
confirma-  
tion des  
nostres.

LE Pere Vice-prouincial de nostre Compagnie, voulant conseruer ses sujets pour la gloire de Dieu, & salut des ames, les auertit tous de se tenir prests à tout euenement, pour employer leurs vies à la gloire de Dieu, qui les auoit retirés d'un si euident peril, & obseruer certains auis qu'il leur communiqua pour se comporter tellement que le Tayco n'eust occasion de s'irriter contre eux; & que neantmoins ils s'emploiasent iusques au dernier soupir pour maintenir les Chrestiens, & en augmenter le nombre, au mieux qu'ils pourroient; mais à petit bruit.

IL enuoia pareillement vers les Rois d'Arima & Omura, pour scauoir comme ils pretendoient pouruoir en ce temps à ceux de nostre Compagnie qui viuoient sur leurs terres. Ces bons Seigneurs respondirent, qu'ils iugeoient necessaire que nos Religieux s'accommodassent au temps courant, & se tinssent vn peu plus couuerts: Ne cessassent pourtant de faire tout ce qui leur seroit possible pour l'aide du Christianisme; sans changer encore le lieu du Seminaire, qui estoit de cent, ni le Nouiciat, qui nourrissoit trente personnes. Quoi que le Pere Vice-prouincial fût porté au contraire. Mais il ceda pour lors à leurs volontés.

*Les vingt-quatre prisonniers ont chacun vn bout de l'oreille  
coupée à Meaco, puis sont honteusement menez par  
les ruës de Meaco mesme, d'Ozaca,  
& Sacay.*

## CHAPITRE XX.



**E**s prisonniers estans tous assemblez à Mea- 169.  
co, chez le Lieutenant de Gibunoscio, il s'en Oreilles  
coupées  
aux Mar-  
tyrs.  
alla vers Ozaca, pour sçauoir de nouueau &  
plus particulièrement la volonté du Tayco :  
& le second iour de Ianuier quatre vingt dix-  
sept, écriuit à son Lieutenant de faire dès le  
lendemain executer la sentence du Tayco contre eux ; Tel-  
lement toutesfois qu'on ne leur coupast qu'un bout de l'o-  
reille: Puis qu'ils fussent mis sur des charrettes, & pourme-  
nez honteusement par la ville. Sorte de supplice qu'on ne  
fait souffrir au Japon, que pour de tres-enormes crimes. Les  
prisonniers receurent cete nouuelle d'une face gaye, & d'une  
volonté resoluë de souffrir toute sorte de peines pour la  
confession de la Foy.

Nostre bon frere Paul Miqui, auquel Dieu auoit donné 170  
vn singulier talent de precher, se mit à discourir avec les Deux Pa-  
yens con-  
uerus.  
soldats qui le gardoient, & avec quelques Payens qui se ren-  
contrerent là, des mysteres de nostre sainte Foy, de la pas-  
sion de nostre Sauueur, & de l'excellence du martyre. Dis-  
cours qu'il conclud par vne seruente action de graces, par  
laquelle il remercioit humblement & affectueusement sa di-  
uine bonté, de ce qu'il l'auoit fait viure iusques au trente  
troisiesme de ses ans pour offrir sa vie au souuerain Sauueur  
du monde, qui en pareil aage offrit la sienne à Dieu, pour  
tout le monde. Il esmeut le cœur de deux, qui luy promi-  
rent de receuoir le saint Baptisme à la premiere commo-  
dité.

Le iour suiuant, qui fut le troisieme de Ianuier de l'an



LESUS-  
CHRIST  
1597.

lusdit, ils furent tous vingt-quatre tirez de la prison, les mains liées derriere le dos, & menés à pied par les executeurs de la iustice Iaponoise, à vne ruë du haut Meaco, où fut coupée à chacun vne piece de l'oreille gauche. Ce que Gibunoscio pratiqua parauenture, parce qu'il esperoit encore les voir deliurez. Car Tayco auoit commandé qu'on leur coupast les deux oreilles, & le nez. Les Chrestiens recueillirent avec beaucoup d'honneur & deuotion les pieces d'oreilles que les bourreaux jettoient par terre; & le Secretaire du Gouverneur d'Ozaca, nommé Victor, se saisit de celles de nos trois freres, & les porta au Pere Organtin; lequel les tenant en main, espandit grande quantité de larmes, partie d'allegresse, partie de compassion, disant: Voicy les premieres fleurs de la nouvelle plante du Iapon. Voicy les premiers fruits de nos travaux, que j'offre humblement au Redempteur du monde. Et adjousta plusieurs autres paroles, qui tirerent les larmes des yeux, & les souspirs des cœurs des assistans.

171  
Oreilles le-  
uées de  
terre.

LES ministres de la iustice, leur ayant coupé les oreilles, les firent monter sur des charrettes qu'ils auoient fait apprestre, trois en chacune, selon l'ancienne coutume du Iapon; & en cette maniere les menerent par les principales ruës de Meaco, lesquelles estoient couuertes de peuple, accouru de toutes parts, pour voir vn spectacle si nouveau, de personnes que chacun tenoit pour tres-innocentes, & qui supportoient fort alegremēt cette confusion. En semblables cas le peuple auoit coutume de tuer, & lapider de paroles les criminels; Mais personne ne regardoit ceux-cy, qui n'en pleurât de compassion, n'admirast leur vertu, & ne fût tres-edifié de leur patience.

172  
Martyrs  
traînez  
par les  
ruës.

LE Pere Commissaire Frere Pierre Baptiste, tres-digne & courageux chef de ces soldats de Iesus-Christ, tant pour conforter les siens, que pour consoler les autres Chrestiens venus à ce piteux spectacle, alloit prechant à haute voix, tantost en Espagnol, tantost en Iaponois, le mieux qu'il pouoit, y apportant beaucoup de zele & ferueur. Frere Martin, Frere François, & les autres Religieux, se tenoient en grande modestie & humilité, tout ainsi que s'ils eussent esté

deuant le tribunal de la iustice diuine, se recommandans à son infinie bonté & misericorde.

IESVS-  
CHRIST

1597.

CE qui plus esmouuoit les spectateurs à compassion, & les rauissoit en admiration, estoient trois ieunes enfans, qui seruoient les Peres Deschaux en leurs Messes. Le plus grand estoit de quatorze à quinze ans; & le plus petit de douze à treize. Tous se monstroient pleins d'une extraordinaire ioie & ließe, avec vn visage angelique; leurs innocentes mains liées derriere le dos, & alloient chantans à haute voix, & en leur langage, le *Pater noster*, l'*Aue Maria*, & sèblables oraisons qu'õ leur auoit enseignées au Catechisme.

173  
Enfant  
tres-resolu  
à souffrir.

A v plus ieune nommé Louïs, pendant qu'il estoit en prison à Meaco, arriua vn cas digne de memoire. Ce fut que certain homme de qualité, mais encore Payen, l'estant allé voir, luy dit entre autres choses. I'ay moyen de t'affranchir de cete misere, si tu veux renoncer au baptesme. Vous auez plus de besoin de vous rendre Chrestien, luy répondit l'enfant, parce que vous n'auz autre moyen de vous sauuer que le baptesme; & i'ay bien moien de sortir d'icy, si ie veux, sans renoncer au baptesme.

COMME ces bons seruiteurs de Dieu estoient traînez par Meaco, plusieurs Chrestiens portez d'un ardent desir de leur tenir compagnie en ces opprobres & tourmens, prioient les soldats de les receuoir au nombre des vingt-quatre. Lesquels respondans qu'ils ne pouuoient, pour ne les auoir sur leur liste, ils les importunoient de leur permettre au moins de monter sur les charrettes, pour auoir part aux affronts que les martyrs enduroient. Mais ils furent refusez du tout.

174  
Ferveur des  
Chrestiens.

LES charrettes estoient arriuées aux portes de la prison, ils mirent tous pied à terre; & nostre Paul Miqui, avec ses deux compagnons, s'approchans des Peres Deschaux, qu'ils n'auoient encor peu aboucher, les embrasserent fort charitablement; & les remercierent respectuellement, de ce qu'à leur occasion ils auoient receu vne telle faueur de la misericorde diuine. Dequoy les soldats & charretiers demeurèrent grandement estonnez, & disoient l'un à l'autre: Quelle race de

175  
Les prison-  
niers s'en-  
tre embras-  
sent.



LES VSGENS est-ce là ? qui vid iamais telle allegresse parmy tant de  
 CHRIST douleurs & affronts ? Nos Bonzes n'enseignent pas telle doctrine : nos Sectes ne sont pas de cet humeur.

Le lendemain quatriesme de Ianvier, ce noble escadron fut monté sur des haridelles, & conduit à Ozaca, puis à Sacay, où ils furent pourmenez par toutes les ruës avec tant d'indignité, que les Payens mesmes, touchés de compassion, ne pouuoient tenir les larmes, & crioient: Ah la derision ! Ah l'iniustice ! Tandis courut vn bruit par Meaco, que le Tayco vouloit faire mourir le P. Organtin, avec ses Freres & compagnons. Bruit qui causa telle rumeur & esmotion parmy les Chrestiens, dereterminez de mourir avec nous, que Gibunoscio craignant quelque tumulte populaire, fut contraint d'enuoyer vn de ses officiers d'huis en huis chez les Chrestiens, pour les asseurer de sa part, que le Tayco ne pretenoit punir autres personnes, que ceux qui estoient ja emprisonnés. Ce qui appaisa & contenta les Chrestiens.

*De Sacay les vingt-quatre Chrestiens sont menés au Royaume  
 d'Omura, d'où Fazembure les deuoit conduire à  
 Nangazaqui : Et comme le nombre  
 creut de deux.*

## CHAPITRE XXI.

176.  
 Intention  
 du Tayco.



Os prisonniers ayans esté honteusement conduits sur des rosses, par les ruës d'Ozaca, & Sacay; le Tayco voulut qu'on les menast par terre iusques à Nangoya, & de là vers Nangazaqui. Le chemin estoit bien plus court & plus aisé par mer; mais le Tayco voulut qu'ils allassent par terre, tant pour les harrasser dauantage, comme pour donner plus d'espouuente aux habitans des lieux, par lesquels ils passeroient; & les intimider, à ce que personne n'osast plus receuoir le Baptême.

ILs partirent donc de Sacay le neufiesme Ianuier, l'an que dessus, bien accompagnés de soldats. Pour manifester à tous sa volonté & determination, le Tayco faisoit marcher en teste de la troupe vn heraut, qui portoit au bout d'une picque certaine tablette, sur laquelle estoit escrete en grosse letre vne seconde sentence, pareille à celle que nous auons couchée ci-dessus; sauf que celle-ci menaçoit de mort tous ceux qui desormais parleroient de se faire Chrestiens.

177  
Seconde  
sentence du  
Tayco.

LES incommodités que ces prisonniers souffrirent en ce voyage, furent tels, que l'extreme froid, les neges & glaces continuelles ont coutume de causer à des pauures gens mal vestus, & au plus fort del'hyuer. Les payens mesmes, par les mains desquels ils passioient de contrée en contrée, leur portoient grande compassion, & les assistoient, les vns estans asseurés de leur innocence: les autres craignans d'estre repris & punis, si quelqu'un mouroit en chemin, leur pretoient des montures, & des chaires qu'on porte à bras, suivant l'usage du Iapon.

Nomb. 162.

CE nonobstant le P. Organtin ne doutant point que plusieurs choses ne leur manquaissent en chemin, mit vne grosse aumosne es mains d'un Chrestien de grande vertu; nommé Pierre, & le pria de suiure les prisonniers pour assister en leurs necessités, tant les trois nostres, comme les autres qui en auroient besoin. Il y eut aussi vn Menuisier, nommé François, tres-affectionné aux Peres Deschaux, qui se joignit à Pierre pour exercer la charité enuers eux. Ce qu'ils firent tous deux si souuent & soigneusement, que les gardes leur demanderent, s'ils estoient Chrestiens: & sans auoir esgard qu'ils n'estoient pas couchés sur leur rolle, les liurerent de main en main à la Iustice avec les autres, jusques à tant qu'ils arriuerent à Nangazaqui, & y furent crucifiés avec les autres. Ce qu'ils tindrent pour vn tres-fortuné rencontre, estans partis de Meaco avec vn grand desir de tenir compagnie en la mort à ceux qu'ils alloient seruir.

178

Deux  
adjouftés  
aux 14.

ILs partirent tous de Facam le premier iour de Feurier, & arriuerent à Caraze, trois lieues près de Nangoya, où Fazambure les attendoit: & fut si estonné d'y rencontrer nostre Paul Miqui, son grand ami, qu'il ne se peut tenir d'en



IESVS-  
CHRIST  
1597.

179  
Requête  
des prison-  
niers à  
Fazambu-  
re.

pleurer. Mourir pour la loy de Dieu, lui dit Paul, & pour auoir enseigné aux hommes, le chemin du Ciel, vrai magazin des biens eternels, n'est pas vn sujet qui vous doiue esmouuoir à compassion. Mais puisque nos vies sont en vos mains, obligés moi s'il vous plaist d'vn peu de temps pour me confesser auant que je meure; & que ce soit vn iour de Vendredy que nous endurons la mort, s'il vous plaist. Il n'est pas mal-aisé à deuiner pourquoi Paul presentoit cete requête à Fazambure. Autant lui en demanderent tous les autres condamnés; ce que Fazambure promit volontiers à tous; Toutefois il ne tint pas sa parole, pour la raison que ie coucheray en son lieu.

Cy apres  
comb. 183.

MAIS aiant leu la commission du Tayco, par laquelle il lui commandoit de conduire promptement les prisonniers au lieu du supplice, il depescha vn courrier vers Nangazaqui, mandant à son Lieutenant de tenir cinquante croix prestes. Nombre qui estonna tant les Iaponois que les Portugais, parce qu'il excedoit celuy des condamnés. On ne parloit à Nangazaqui, que de cet extraordinaire nombre de croix, n'y aiant Chrestien grād ny petit qui ne desirāt y auoir part. Sur quoi arriuerēt plusieurs particularités fort remarquables. Je me cōtenteray neātmoins d'vn qui fut, qu'vn jeune enfāt de cinqans ou enuiron, d'vne des plus nobles familles de Nangazaqui, estant chez nous demāda à vn de nos Peres, s'il estoit vrai que les payens deussent venir en ville, pour crucifier les Chrestiens, par le commandement du Roy? On le tient ainsi, mon petit ami, lui dit le Pere. Mais que respondrés vous, lors qu'on vous demandera si vous estes Chrestien? Que je suis Chrestien, respondit hardiment le petit. Et si on vous vent mettre à mort pour cela, adiousta le Pere, qu'est-ce que vous ferés? Le me disposeray à la mort, dit le petit. Et en quelle façon? repliqua le Pere. L'enfant repartit la larme à l'œil, mais d'vne resolution admirable: Je crieray Iesus misericorde, Iesus misericorde, tant que ie pourray parler.

180  
Constance  
d vn enfant  
de cinq ans.

TANDIS que ceci se passoit à Nangazaqui, nos vaillans champions en approchoient, & sur les chemins mesmes se preparoient au dernier combat, s'exhortans mutuellement à souffrir pour l'honneur de Dieu. De quoi leur naissoit vn

tres-ardent desir de receuoir auant que mourir le tres-sainct Sacremēt de l'Eucharistie. Le P. Commissaire en escriuit au P. Recteur de nostre Colledge de Nangazaqui, en ces termes.

181

Letre du P.  
Commis-  
saire au P.  
Recteur.

Nous partīmes de Meaco vingt-quatre, condamnés pour estre crucifiés à Nangazaqui; trois Religieux de la Compagnie de Iesus, six del'ordre S. François, & tous les autres Iaponois, partie Predicateurs, partie simples Chrestiens, tous tres-contens de mourir pour la confession de la foy Catholique. Je supplie vostre reuerēce au nom de tous, qu'il lui plaise obtenir du Iuge qui le pourra octroier, que deux iours auāt l'exécution de nostre sentence nous puissions receuoir le tres-S. Sacrement, la benediction de Monseigneur l'Euesque & voir les autres Peres, aux prieres desquels nous desirons grādemment estre recommandés. De Carabe Roiaume de Buygē ce dixneufiesme Ianuier, mil cinq cens nonante & sepr.

AUTANT en escriuit nostre Paul Miqui, la letre duquel ie laisse dans l'original, avec plusieurs autres choses d'edification, suruenues en ce voiage, me contentant de dire, que l'alegresse, la patience, & humilité, que cete sainte troupe monstroit par tout, estonnoit les Bonzes mesmes, qui ne faisoient pas la petite bouche de dire que c'estoit le vrai moien de prouigner & dilater la foy Catholique, que faire voir par tout la vertu des Chrestiens.

182

Le P. Rodriguez  
vers les  
prison-  
niers.

LE P. Vice-prouincial de nostre Compagnie, qui estoit lors à Nangazaqui, aiant veu les lettres du P. Cōmissaire & de nostre Paul Miqui adressées au P. Recteur de Nāgazaqui, depecha les Peres Iean Rodriguez, & François Paisie vers Conuqui, place du Royaume d'Omura, à huit ou neuf lieues de Nangazaqui, par où les prisonniers deuoient passer, pour leur dire la sainte Messe, & les communier, si les gardes le vouloient permettre, estimant qu'il seroit plus à propos de le faire là, qu'à Nangazaqui. Ils y arriuerent le mesme iour que les prisonniers, qui fut le quatriesme de Feurier. Fazambure s'estoit auancé par vn autre chemin vers Nangazaqui, laissant commandement que les prisonniers ne s'arrestassent que pour repaistre. Qui fut cause qu'ils ne se peurent confesser ny communier.

LE P. Rodriguez eut neantmoins congé de leur parler,



IESVS-  
CHRIST  
1597.

183

Iean & Iac-  
ques receus  
en la Com-  
pagnie.

à la grande consolation de tous; & visita premierement les Peres Deschaux de la part de Monseigneur l'Euesque, & tous les Religieux qui estoient à Nangazaqui; où il leur dit qu'il vouloit promptement retourner, pour obtenir de Fazambure ce que les gardes lui auoient refusé. Le P. Commissaire le remercia de sa visite, & le supplia fort humblement de requerir pardon de sa part au Pere Vice-prouincial & autres Peres, si parauenture lui, ou quelque vn de ses compagnons, leur auoit causé quelque incommodité ou facherie. Le P. Rodriguez en fit autant au nom de nostre Compagnie, s'ils n'auoient esté seruis suiuant leurs merites. Sur quoi ils s'entrembrasserent tous pleurans à chaudes larmes.

Nos deux Peres visiterent les trois prisonniers tirés de nostre maison d'Ozaca, leur tesmoignant la compassion que tout nostre corps leur portoit, & le singulier desir que chacun auoit de les voir auant qu'ils receussent la couronne du martyre. Finalement le P. Palsie comme compagnon du P. Vice-prouincial, & suiuant le particulier pouuoir qu'il en auoit de lui, receut Iean & Iacques en nostre Compagnie, comme ils auoient long-temps auparauant desiré, & instamment demandé.

L'vn des deux Peres sus-nommés partit incontinent apres ces visites, & en diligence, pour se rendre au plustost à Nangazaqui, & sonder s'il pourroit obtenir de Fazambure, ce que les prisonniers desiroient tant. Mais ce fut en vain. Car quoi que Fazambure le desirât, l'eust promis, & mesmes eut retenu logis dans Nangazaqui, pour receuoir tous les prisonniers ensemble: si est-ce que considerant cōme quasi tous les habitans de Nangazaqui estoient Chrestiens, & qu'il y auoit dans la ville tres-bon nombre de Portugais, il apprehenda quelque reuolte ou mutinerie. Partant il se resolut de les faire executer hors de la ville, le lendemain matin feste de sainte Agathe.

MAIS pour ne manquer du tout à la parole qu'il auoit donnée à nostre Paul Miqui, il escriuit au P. Vice-prouincial qu'il lui pleût tenir vn de nos Peres prest, pour se rendre de bon matin où il lui manderoit; promettant enuoier avec

avec luy vn de ses domestiques, qui tiendrait la main que les gardes ne l'empêchassent de traiter avec nos prisonniers. Car c'estoit tout ce que pour lors il leur pouuoit octroyer. De grand matin le P. Passie s'en alla avec l'homme de Fazambure droit à l'hermitage de Saint Lazare, où les prisonniers deuoient tous passer, & le P. Rodriguez courut par vn autre chemin, pour les rencontrer encore plustost, leur faire entendre ce qu'on auoit obtenu pour eux, & comme ils deuoient mourir ce iour là. Nouuelle qu'ils receurent d'un visage fort gay & content.

LA venerable procession de ces vaillans champions de nostre Sauueur, arriuant à l'hermitage de S. Lazare, l'homme que Fazambure auoit enuoié, fit arrester les gardes qui les conduisoient, & entrer nostre Paul Miqui dans la Chapelle, où le P. Passie ouït la confession generale qu'il fit de toute sa vie, puis celles des deux autres; & tous ayans accepté pour salutaire penitence & satisfaction de leurs pechez la mort qui les attendoit, Jean & Jacques firent les vœux de pauvreté, chasteté & obeïssance, suiuant les constitutions de nostre Compagnie. Tandis, les Peres Deschaux se confessèrent reciproquement les vns aux autres; & le reste des prisonniers, partie à eux, partie au P. Rodriguez, lequel ne s'epargna pas à les encourager au martyre, & leur recommander la perseuerance.

184

Les prison-  
niers se  
confessent.

ACCORRVT aussi audit hermitage grand nombre de Chrestiens; tant naturels du Iapon, que Portugais; pour prendre congé de ces bons seruiteurs de Dieu, lesquels par leur singuliere modestie, & paroles embrasées de deuotion, monstroient à l'œil qu'ils recognoissoient la signalée grace que Dieu leur faisoit. Mais Fazambure voyant la multitude du peuple qui sortoit à la file de la ville, & craignant quelque tumulte, leur enuoya faire commandement sous grosses peines, de rebrousser chemin: & ne voulut permettre à l'Euesque, à son Clergé, ni à nos Peres, d'assister à l'execution. Contentez-vous, leur fit-il dire, que les P. Rodriguez & Passie y sont; & n'en partiront que les criminels n'ayent expiré.

IE ne peux obmettre qu'apres la pose que les prisonniers firent à Saint Lazare, Fazambure ayant commandé qu'on



**I E S V S** les conduisit promptement au lieu du supplice, & les voyant  
**CHRIST** marcher si alegrement, d'un pas si ferme, & d'une face si as-  
 1597. seurée, en fut tout esbahy; & ne se peut tenir d'en demander

185

Estonne-  
ment de  
Fazambu-  
re.

la cause au P. Passie, lequel luy en ayant deduit plusieurs & tresperemptoires, le veux croire, dit-il, que vos raisons sont tres-bonnes, mais pour maintenant, ie n'en peux gouter pas vne. Hé quelle merueille que les personnes grossieres & sensuelles ne puissent pas gouter les choses de Dieu, & que les porceaux ne tiennent compte des perles ! D'ailleurs la passion qui le tenoit bende aux dependances de cete barbare execution, ne luy permettoit de penser ailleurs.

186

Diligences  
faites pour  
les deux  
adioints.

Le P. Passie semit aussi en deuoir de garentir du supplice les deux Chrestiens qui s'estoient joints sur le chemin aux vingt-quatre, remonstrant qu'ils n'estoient nommez en l'arrest du Tayco. Mais Fazambure respondit qu'ils luy auoient esté consignez par les officiers du Roy; que le procès verbal de leur voiage en estoit chargé. Partant qu'il ne les pouuoit relacher. Le P. Passie le suppliant qu'il dilaiast au moins l'execution de ces deux, iusques à tant qu'on eût response du Gouverneur Gibunoscio, qui n'auoit commandement du Tayco, d'en faire executer que vingt-quatre. Il n'y a moyen que ie dilaie, dit Fazambure: On diroit que j'aurois receu quelque present pour octroier ce delay; ou que j'aurois changé les personnes. Mon honneur y courroit fortune, & paraventure ma vie. Tellement qu'il n'y eut moien de les tirer de là; la secrette prouidence de Dieu ayant ainsi disposé du tout.

L'Evesque se voyant priué de la commodité d'assister à l'execution de ces martyrs par la rigoureuse deffense qu'en auoit fait Fazambure, enuoya par homme exprés sa benediction à tous ces vaillans champions de I E S V S-CHRIST, & nommement aux Peres Deschaux, en termes pleins d'un singulier amour, & charité paternelle. Dequoy le Pere Commissaire le remercia cordialement au nom de tous les siens; luy demandant derechef pardon de ce qu'ils n'auoient esté si obeissans à sa Seigneurie, comme paraventure le plus grand seruice de Dieu le requeroit.

*Les Religieux & Chrestiens condamnés à mort  
par le Tayco, sont crucifiez près la  
ville de Nangazaki.*

## CHAPITRE XXII.




**F**AZAMBURE estant resolu de faire mourir les vingt-six Chrestiens en la place ordinaire de la iustice, les Chrestiens de Nangazaki, & les Portugais qui se trouuerent en la ville, le prierent que ce fût en vn lieu plus decent, & moins infame que celuy là, luy presentant vne colline où ils destinoient faire avec le temps bastir vne Chapelle à l'honneur de ces seruiteurs de Dieu, & l'appeller nostre Dame des Martyrs. Fazambure fut bien aise de cette ouuerture que les Chrestiens luy firent : & pour les gratifier, commanda qu'on transportast promptement vingt-six croix en cette place là, qui est exposée à la veüe de tout Nangazaki, & semble vn autre Caluaire.

187

Lieu de  
l'exécution.

LA forme des croix dont les Japonois se seruent en fait de iustice ne differe des nostres qu'en deux poincts, l'un est que le trauers des pieds est quasi aussi long que celuy des bras : l'autre que sur le milieu de la croix, il y a vn bout de bois, sur lequel ils font asseoir le patient, comme s'il estoit à cheual. De sorte que chaque croix est de quatre pieces, comme on peut voir en ce portraict.

188

Croix du  
Japon &  
leur figure.

LES Japonois ne cloient pas leurs patiens à ces croix, ains les lient pieds & mains avec des cordes, ou des carcans de fer, attachez en ces trauers, esloignât vn pied de l'autre, à la façon qu'on peint S. André crucifié. Ils leur serrent le col avec vn colier de fer cloué au bois, les lient avec des cordes à trauers du corps, & entre l'espaule & le coude, pour tenir tout le corps plus ferme. Cela fait ils haussent la croix, & la placent dās la fosse preparée. puis le bourreau venāt avec

189

Maniere de  
crucifier.



IESVS-  
CHRIST  
1597.

vne lance bien affilée, faite en façon d'une espée à deux mains, frappe celuy qui est en Croix du costé gauche, pour luy percer plustost le cœur. Par fois ils font deux bourreaux qui donnent en mesme temps, chacun de son costé, & forment comme vne croix de leurs lances. Ainsi les patiens rendent soudain l'ame avec vn grand ruisseau de sang. S'il arriue qu'ils ne meurent soudain, le bourreau redouble ses coups, iusques à tant qu'ils ayent rendu l'ame.

COMME ces vingt-six champions de nostre Sauueur arriuerent au lieu de leur martyre, Fazambure fit ranger en haye tout à l'entour de la colline, les gardes des arquebusers & picquiers, sept ou huit pas arriere des croix, ne permettant qu'autre s'en approchast que les ministres de la iustice, & les Peres Rodriguez & Passie, auxquels il auoit permis d'assister les patiens iusques à la mort. A l'entrée de ce camp clos, le premier aspect des croix causa vne nouuelle ioye à ces soldats de nostre Sauueur; tous lesquels d'un mesme cœur & affection louerent Dieu de la grace qu'il leur faisoit, d'offrir leurs vies à sa Majesté diuine.

190

Derniere  
disposition  
à la mort.

LE Pere Commissaire Frere Pierre Baptiste, se mit à dire tout haut le Cantique de Zacharie, *Benedictus dominus Deus Israel, &c.* Le Pere Frere Martin, tenoit les yeux ficez au ciel, comme rai en profonde cõtemplation. Les autres Religieux leurs collegues continuerent en la mesme allegresse, chantans diuers Pseaumes à la gloire de Dieu. Tous les autres Chrestiens, iusques aux petits enfans, monstroient vn tel contentement, que l'assistance en estoit toute estonnée. Le petit Louïs demãda quand & quãd quelle estoit sa croix, parce qu'on en auoit fait trois beaucoup plus petites que les autres. Comme on la luy eut monstrée, il courut l'embrasser, avec vne telle ferueur & deuotion, que les Payens mesmes s'en esbahirent. Ils furent promptement attachez à leurs croix, chacun ayant trouué son bourreau prest & armé de tous ses outils; & aussi-tost haussez, & mis de rang comme en haie, selon l'ordre qui suit.

Ils estoient distans l'un de l'autre environ quatre pas; auoient la face tournée vers la ville de Nangazaqui. Dix Japonois estoient à la main droite des Peres Delchaux: dix à la

gauche, y compris les trois de nostre Compagnie. Commençant du costé d'Orient, le premier estoit François Dauto, deuot des Peres Deschaux, qui les auoit suiuis pour les assister, & fut retenu comme criminel, ainsi que nous auons touché cy-dessus. Il n'y auoit que huit mois qu'il estoit baptisé. Le second estoit Cosme Taquegia, forbisseur du royaume d'Oari, qui auoit esté pris à Ozaca, avec frere Martin, comme il seruoit de truchement à ces Peres. Le troisieme estoit Cosaqui Pierre, enuoyé par le P. Organrin pour aider les prisonniers, & retenu avec le premier, comme nous auons dit. Le quatriesme estoit Michel Cosaqui faiseur de traitts, du royaume d'Isce. Le cinquiesme Jacques Gizay de nostre Compagnie, âgé de soixante & quatre ans, homme de tres-bon exemple, & fort ancien Chrestien. Il auoit charge de receuoir chez nous les allans & venans, lesquels il traittoit avec vne rare charité. Suiuoit Paul Miqui Iaponois, âgé de trente & trois ans, desquels il en auoit passé onze en la Compagnie, grand Predicateur, & tres-zelé au salut des ames. Voici deux, ou trois traits qui en feront foy, à la gloire de Dieu.

191  
Noms des  
vingt & six  
crucifiés.

Nomb. 186.

Nomb. 178.

Dix ou douze iours auant que les gardes fussent posées à nostre maison d'Ozaca, ayant rencontré sur son chemin la iustice, qui menoit au supplice vn Payen, je ne sçay pour quel crime, il fendit hardiment la presse qui l'entouroit, aborda le patient, & l'entretint de saints & salutaires propos, tellement que auant qu'arriuer au lieu où il deuoit perdre la teste, il demanda & receut le Saint Baptisme, puis mourut les noms de IESVS & MARIE tousiours en bouche.

192  
Paul Miqui  
& sa charité.

SE trouuant sur la croix, comme sur la plus honorable chaire où il fût iamais monté, & desirant continuer iusques à l'article de la mort, l'office qu'il auoit fait avec tant de fruit durant sa vie, il haussa la voix de toutes ses forces, & dit à l'assistance: Vn peu d'audience, Messieurs, s'il vous plaist. Je suis Iaponois de nation, & Religieux, quoi qu'indigne, de la Compagnie de IESVS. Plusieurs de vous me cognoissent. Me voici prest à mourir, ainsi que vous voiez; non pour autre occasion, que pour auoir preché à ma nation la loy de IESVS-CHRIST. Je suis tres-content de mourir

193  
Sondernier  
sermon.



An de 102

IESVS-  
CHRIST  
1597.

LIVRE XI. DE L'HISTOIRE

pour sa sainte querelle, & tiens cete grace pour la plus singuliere faueur que Dieu m'aie iamais faite, quoi que j'en aie receu de tres-signalées de sa tres-liberale main. Or en cet estat, & sur ce point, auquel vous poués croire que ie ne voudrois pas mentir, ni offencer mon Dieu & juge, auquel je dois aujourd'hui rendre compte de toutes mes actions, & paroles, je vous assure & jure par le Dieu viuant, & en toute verité, qu'il n'y a moien au monde par lequel les hommes se puissent sauuer, qu'embrassant la foy, & gardant la loy de IESVS-CHRIST. Laquelle commande entre autres choses, que chacun pardonne à ses ennemis & à ceux qui lui ont fait du mal. Partant je pardonne de bon cœur à l'Empereur du Iapon, & à tous ceux qui ont contribué à ma mort, desirant qu'ils soient sauués, comme j'espere l'estre, par les merites de la mort & passion de mon Sauueur IESVS-CHRIST.

Nomb. 187. PAVL Ibarquy natif de Dry, & nagueres baptizé estoit au septiesme lieu. Le huitiesme estoit vn nommé Iean, du pais de Gorto, âgé de dix-neufans, esleué en la foy dès sa ieunesse, & receu en nostre Compagnie, ainsi que nous auons dit. Le neuuesme estoit le petit Louys âgé d'onze à douzeans; neveu du susdit Paul Ibarquy, & baptizé quelques mois auparauant. Le dixiesme estoit Antoine de Nangazaqui, âgé de trezeans, & d'un naturel fort candide. L'onziemesme estoit le Pere Commissaire, natif de l'Euesché d'Auila en Espagne, âgé de quarante & huitans, bõ Religieux & grãd zelateur de l'honneur de Dieu. Le douziemesme Frere Martin de l'Ascension, natif de Varanguela en Biscaye, âgé de trente, venu depuis vn an au Iapon, avec le P. François Blanc. Le treziemesme Frere Philippe de Iesus Mexicain, lequel arriué au Roiaume de Tossa, dans le galion S. Philippe, estoit allé à Meaco pour prendre les Ordres de Monseigneur l'Euesque du Iapon, puis retourner à Manille, d'où son Superieur l'auoit destiné pour l'Amerique. Le quatorziemesme estoit Frere Gonzale Garfie, de Bazain en l'Inde Orientale, lequel passant du Iapõ à Manille, y auoit pris l'habit de saint François, & prechoit en Iaponois, avec vn ardent zele. Le quinziemesme estoit le P. François Blanc de Monteray en Galice, homme de trenteans ou enuiron. Le seiziesme Frere

François de S. Michel, natif de Parille près de Vailladolid, d'environ cinquante & trois ans bon & humble Religieux, comme il montra iusques à la mort. Le dix & septiesme Matthias nouveau Chrestien, duquel nous auons assés parlé ci-dessus. Le dixhuietisme Leon Carainmaro de Gacy, baptizé depuis sept ou huit ans, principal truchement des Peres Deschaux, tres-adonné aux œures de pieté, nōmement vers les incurables. Il estoit Frere du susdit Paul Ibarquy & oncle du petit Louys. Le dix-neufiesme Bonauenture de Meaco, lequel aiāt receu le baptesme en son bas âge, se fit depuis Bonze. Mais par bon-heur se resouvenant qu'il auoit esté baptizé, fut reconcilié à l'Eglise par les Peres Deschaux. Le vingtiesme Thomas Cozaqui, fils du susdit Michel, âgé de quinze ans. Le vingt-vniesme Ioachim Saccaquibara, homme de quarante ans. Le vingt-deuxiesme François Medecin de quarante & six ans. Le vingt-troisiesme Thomas Danoquidanqui, ancien Chrestien, & truchement des Peres Deschaux. Le vingt-quatriesme Iean Chimoya. Le vingt-cinquiesme Gabriel du Royaume d'Isce, âgé de dix-neuf ans. Le dernier fut Paul Surquesy d'Oari, autre interprete des Peres Deschaux.

1597.  
Nomb. 163.

On decouuroit à la face de ces inuincibles champions de Iesus-Christ vne indicible joie. Les vns chantoient, *Laudate pueri Dominum*. Les autres crioient deuotement, *In manus tuas Domine commendo spiritum meum*. Les autres exhortoient les assistans à viure vertueusement, & se rendre Chrestiens ceux qui ne l'estoient pas; lors que les bourreaux commencerent à montrer leurs lances, & faire leur office. A cet horrible spectacle, tous les Chrestiens qui estoient es environs, dirent à haute voix, IESVS MARIA, & s'esleua soudain vn cri accompagné de pleurs & sanglots qui fendoient l'air, & les cœurs des assistans. Là parut la ferueur des Chrestiens, lesquels ne faisans estat des bastonnades qui gresloient sur leurs espauls, se fourroient parmy ces sanguinaires bourreaux, qui pour tremper son mouchoir au sang des martyrs, qui pour le receuoir dans le pan de sa robe, qui pour enleuer quelque lambeau de leurs habits pour relique.

194  
Reliques  
des martyrs.



L'EXECVTION finie , & Fazambure s'estant retiré dans Nangazaqui, il sortit tant de gens de la ville , pour auoir des reliques de ces bien-heureux martyrs, qu'ils les laisserent sur les croix peu decemment couuerts, particulièrement les neuf Religieux. Tellement qu'il fut necessaire que le pouruoieur de la Confrerie de la misericorde fit couvrir leurs corps de certaines nattes. Car s'il y eust employé d'autres habits, c'eust esté tousiours à recommencer les Chrestiens prenant pour reliques tous draps & linges qui touchoient les corps des martyrs.

PLVSIEURS Chrestiens y accoururent aussi de diuers autres quartiers bien esloignés. Ce qui fut cause que Fazambure redoubla les gardes sur le passage, protestant aux Capitaines que si pas vn des vingt-six crucifiés se trouuoit à dire, ils le paieroient de la vie. Rigueur qui ne fut pas toute fois suffisante pour empêcher la deuotion des Chrestiens, attendu que plusieurs sous pretexte d'autres affaires, passaient par la colline des crucifiés, pour reuerer leurs reliques. Et depuis comme les corps furent secs ou pourris, il s'en trouua qui recueillirent leurs os, à mesure qu'ils tombaient des croix en terre, & les rendirent partie en nostre Eglise d'Arima, partie à Nangazaqui, ainsi que nous dirons en son lieu. I'obmets grand nombre de particularités, de peur d'estre trop long, & mets fin à celiure avec l'heureuse fin de ces heureux martyrs.

Lia. 15.  
noimb. 116.





HISTOIRE  
 ECCLESIASTIQUE  
 DES ISLES ET ROYAVMES  
 DV IAPON.  
 LIVRE DOVZIESME.

---

*Trauerſes que les Chreſtiens endurerent en diuers quartiers  
 du Iapon, à l'occaſion de la rigueur de laquelle le  
 Tayco uſa enuers les vingt-fix martyrs.*

CHAPITRE PREMIER.



LE Tayco faiſant mener par terre, & conduire par le plus long chemin de An de Meaco à Nangazaqui, les Chreſtiens IESVS- qu'il auoit condamnez à la mort; & CHRIST ordonnant que ſon arreſt fût porté 1597. par tout deuant eux, comme vn drapeau de ſes armes; Vouloit que chacun entendît, qu'il ne pretendoit plus permettre que la loy de Dieu fût prêchée en ſes terres. Ce qui fut cauſe que pluſieurs Seigneurs Gentils, tant pour complaire à l'Empereur, que pour donner carrière à la haine particuliere qu'il portoient à noſtre



IESVS-  
CHRIST  
sainte Foy, se resolurent de rappeller à l'idolatrie leurs su-  
jects qui estoient Chrestiens.

1597.

1  
Constan-  
ce des  
Chrestiens  
de Facata.

Le Gouverneur de Facata fut vn des premiers qui com-  
māda aux Chrestiens du lieu, qui passoient le nōbre de mille  
qu'ils eussent à quitter la foy Chrestienne, & renoncer à leur  
Baptisme. En signe dequoy il ordonna que chacun luy por-  
tast les chappelets, grains benits, & images qu'il auoit, & at-  
tachast à l'huis de sa maison certaine tablette, sur laquelle  
les Payēs ont coutume d'escrire le nō de leur idole, & quel-  
ques mots superstitieux, estimans que cela les preserue des  
dangers du feu, des sievres & autres inconueniēs. Mais tous  
ses commandemens, ny les menaces desquelles il les arma  
ne seruirent de rien, Dieu donnāt tel courage aux Chrestiens,  
qu'ils resolurēt de mourir plutost que māquer à leur foy. Si  
enuoierent-ils vne personne des plus metables d'entr'eux,  
tout exprēs à Nāgazaqui, pour apprēdre de nos Peres quel-  
les marques de Chrestien ils pouuoient cacher, & quelles ils  
estoient tenus de faire paroistre, protestās qu'ils ne manque-  
roient à vn seul poinct de ce à quoy l'Eglise les obligeoit.

2  
De la Prin-  
cesse de  
Firando.

Le Roy de Firando qui auoit accoutumé de prendre au  
poil toutes les occasions qui se presentoient pour tourmen-  
ter les Chrestiens, se voulut preualoir de celle-cy, & debau-  
cher de la foy sa bru, fille du Roi Dom Barthelemy de bōne  
memoire. Mais elle luy repartit si hardiment & constāment  
selon sa bonne coutume, qu'il perdit toute esperance d'en  
venir à bout, & cessa de la molester. Le bon exemple de cette  
Princesse seruit grandement à retenir le simple peuple en la  
foy & Religion Chrestienne.

Liu. 10.  
nomb. 141.

3  
De Dom  
Leon de  
Nocen.

Le Capitaine de Nocen enuoia dire à Dom Leon, jà fort  
ancien & feruent Chrestien, duquel nous auōs parlé cy-des-  
sus, qu'il eust à renoncer à la foy de IESVS-C. avec tous ceux  
de sa cognoissance, sur lesquels il auoit quelque pouuoir.  
Mais le vieillard répondit franchement; On me peut bien  
oster la vie, mais non pas me faire apostater. En preuue de-  
quoy il se fit aprestre vn croix, & cōseilla à tous les Chrestiens  
ses voisins de faire le mesme, afin que si quelqu'un les impor-  
tunoit plus de quitter Iesus-Christ, ils fussent prests à sortir  
de leurs maisons, portant chacun sa croix sur l'epaule, pour

mourir sur icelles. C'est la plus courterépōse que nous pou-  
uons rendre à nostre Capitaine, leur disoit-il. Nous ne pou-  
uons mieux l'eclaircir de nostre resolution. Il auint comme  
le bon vieillard auoit predit. Car le Capitaine de Nocen  
estonné de la constance des Chrestiens de ce quartier là, de-  
sista de les solliciter à mal, & conuiua avec eux. Tellement  
qu'ils tindrent bon en la foy.

LEON auertit incontinent apres nos Peres de Nangazaqui  
de tout ce que dessus, les priāt de luy enuoier quātité d'heu-  
res de nostre Dame, chappelets, images, medailles, grains be-  
nits, & autres armes spirituelles, pour se tenir prests à sem-  
blables rencontres, s'il en arriuoit plus. Autant en escriuirēt  
les Chrestiens de Tacata, voisins de Funay, qui auoient aussi  
vn Gouverneur idolatre. Voici l'extrait de leur missiue.

C'EST par la grace que nostre Seigneur nous fait, que nous  
escriuons ce mot à vos Reuerences. Nous sommes fort estō-  
nés des nouuelles qu'on nous escrit de Meaco. Elles nous  
font croire que le temps est venu auquel Dieu veut auoir bō  
nombre de Chrestiens au Iapon. Nayemon nostre Gouver-  
neur nous commande de clorre nos Eglises. C'est nostre  
Gouverneur. Partant il faut que nous luy obeissions. Mais  
s'il entreprend autre chose sur nous, au preiudice de nostre  
foy, il nous trouuera resolu à mourir pour la confession d'i-  
celle : quoy que chacun de nous en particulier se reco-  
gnoisse fort peu preparé pour la couronne du martyre. Par-  
tant nous supplions humblement vos Reuerences de prier  
Dieu pour nous, afin que par sa misericorde il daigne nous  
receuoir au nombre de ceux qui l'obtiendront. De Tacata  
l'onziēme iour de la douziēme Lune.

DOM Paul de Bungo, Seig. tres-renommé pour sa pieté &  
valeur, aiant perdu tous ses moiens lors que le Roy Constā-  
tin fut depossédé, fit de bons seruices au Tayco, pendant la  
premiere guerre du Coray. Pour lesquels il attēdit long tēps  
quelque recōpense, & suiuant la cour, obtint en fin deux mil-  
le charges de riz pour prendre annuellement sur le Roiaume  
de Būgo. C'estoit peu pour la qualité de sa persōne, & eu es-  
gard à ce qu'il auoit possédé. Si est-ce qu'il emploioit la plus  
part de ce reuenue aux necessitez des Chrestiens, particu-  
lierement durant ces troubles de persecution.

IESVS-  
CHRIST  
1597.

4  
Des Chre-  
tiens de  
Tacata.

5  
Charité de  
Dom Paul.



An de 108  
IESVS-  
CHRIST  
1597.

LIVRE XII. DE L'HISTOIRE

*Continuation de la guerre du Coray, & nouvelle Ambassade  
enuoïee des Philippines au Japon.*

CHAPITRE II.

6

Deſſein du  
Tayco.



LE Tayco deuëment aduertit que la mort des vingt-six martyrs n'auoit aucunement abatu le courage des Chreſtiens, deſirant les exterminer de ſes terres, & ne laiſſer en tout le Japon perſonne qui luy oſaſt contredire, ou peût ſ'oppoſer à ſes volontez, reſolut d'enuoier tous les Seigneurs & Caualliers Chreſtiens à la guerre, ſ'emparer de leurs eſtats & terres, & leur en aſſigner autant au Coray. A ces fins il manda tant aux Capitaines Chreſtiens, qu'aux Caualliers & Chreſtiens & Payens qui les deuoient ſeruir avec leurs armes, de conuoquer au plutoſt leurs troupes, paſſer au Coray, & y recommencer la guerre parce que les Ambaſſadeurs ne luy auoient pas donné la ſatisfaction qu'il attendoit.

7

General de  
l'armée.

Pour obuier aux mutineries & diſſenſions qui pouuoïent ſourdre entre ceux qui deuoient entreprendre ce voiage, ſ'ils euſſent plainement découuert ſes deſſeins, il eſtablit general de ſon armée Quingodono couſin de ſa femme. Mais parce qu'il eſtoit encore ieune, & peu experimēté, il luy donna pour conſeil ſix de ſes plus intimes, apres les auoir tous faits ſolennellement iurer qu'ils ne luy celeroient rien, ains l'aduertiſſeroient entierement & en diligence de tout ce qui ſe paſſeroit au Coray.

8

Quatre  
Mareſ-  
chaux de  
Camp.

IL nomma quand & quand trois braues Mareſchaux de camp, pour auoir ſoin de tout l'armée, qui eſtoit de ſoixante dix mille combattans, & trente mille que mariniers, que valets. Le premier fut Dom Auguſtin, qui auoit à ſa ſuite les Rois d'Arima, d'Omura, & pluſieurs autres Seigneurs du Ximo, & deuoit commencer la guerre par la coſte de la mer. Le ſecond fut Toronquique ancien competeur & ennemy iuré de Dom Auguſtin, qui deuoit donner vers le Nort. Le

troisiesme fut Cainocami fils de Simon Condera, qui mar-  
choit en compagnie de son pere, pour suiure son conseil,  
comme de personnage tres-expert en fait de guerre, &  
auoit ordre de donner au milieu du Roiaume.

IESVS-  
CHRIST  
1597.

TERAZABA gouuerneur de Nangazaqui, & du fort de  
Nangoya, auoit charge des munitions de guerre, & de bou-  
che, avec expresse deffense de permettre que rien leur man-  
quât. L'armée demara du port de Nangoya sur le com-  
mencement du mois de Mars, mil cinq cens quatre-vingt  
dix-sept, & peu de iours apres commença à donner de tous  
costés sur les Coraïtes, lesquels aiant encore la memoire vi-  
ue de ce qu'ils auoient cy-deuant souffert, offrirent de don-  
ner tous les ans la plus grande part de leur reuenu au Tayco,  
& le second fils de leur Roy pour ostage, pourueu que l'ar-  
mée repassât la mer au plutoist. Le Tayco fit la sourde oreil-  
le, parce que cete offre ne secondoit pas ses intentions. Par-  
tant il commanda qu'on leur fit la guerre à outrance. Ce qui  
fut executé si heureusement, que les Iaponois alloient de  
iour en iour gaignant païs sur ces pauvres Coraïtes, qui n'a-  
uoient courage ni moien de leur resister.

9  
Intendant  
des muni-  
tions.

10  
Offre des  
Coraïtes.

DOM Augustin fit paroistre sa valeur par dessus tous les  
autres tant Mareschaux que Capitaines. Car aiant decou-  
uert que les Coraïtes auoient sur la coste de leur mer quatre-  
vingt voiles bien armées, il gaigna le dessus du vent; puis  
s'en alla fondre dessus de telle hardiesse & roideur, qu'il se  
rendit maistre de tous les vaisseaux; & les Coraïtes qui  
estoient dedans, eurent bien de la peine à sauuer leurs vies.  
Car Dom Augustin aiant mis partie de son armée à terre, les  
suiuit de près, prit plusieurs de leurs villes & forteresses,  
sans coup ferir, tant il les auoit estonnés & intimidés.

II  
Victoire de  
Dom Au-  
gustin.

CET heureux succès des guerres du Coray fut cause que  
le Tayco se rendit dans le mois de May au port de Nangoya.  
Le bruit courut lors que c'estoit pour partager entre les Sei-  
gneurs qu'il auoit enuoié au Coray, les terres par eux con-  
quises, & s'emparer des leurs es quartiers de Ximo, & ail-  
leurs. Grand sujet de nouueaux trauaux & afflictions pour les  
Chrestiens. Car la noblesse Catholique s'arrestant au Co-  
ray, il estoit probable que tous les Caualliers & soldats qui



IESVS-  
CHRIST  
1597.

dependoient d'eux & de leur fortune, les iroient trouuer là : & les terres qu'ils auoient tenu au Iapon, tombant es mains du Tayco, & des Seigneurs Payens, il seroit mal-aisé que la Chrestienté s'y entretint.

Liu. 16.  
Lomb. 29.

COMBIEN que commel'incommodité del'vn profite par fois à l'autre, de ce mesme inconuenient sembloit pouuoir naistre vn grand bien, sçauoir est que la Chrestienté se peupleroit au Coray; & la porte s'ouueroit plus aisement pour la conuersion de la Chine, à cause du commerce qui est frequent entre la Chine & le Coray, n'y aiant qu'une riuere entre les deux, ainsi que nous auons dit ailleurs.

12  
Ambassa-  
deur des  
Philippi-  
nes.

ENVIRON cetemps arriua vn nouuel Ambassadeur des Philippines, enuoie au Tayco, avec vn present de quelques plaques d'argent, quelques corps d'armes, & vn Elephant. Il auoit charge de demander en premier lieu, pourquoy on auoit fait mourir ces bons Religieux, & permission d'enleuer leurs corps. Secondement, pourquoy le Tayco s'estoit emparé des denrées & meubles qui estoient dans le galion saint Philippe. Tiercement vne declaration & assurance que si quelqu'autre vaisseau Espagnol donnoit sur la coste du Iapon, il ne receût perte ni de plaisir quelconque.

LE Tayco respondit qu'il auoit fait mourir ces Religieux, comme rebelles & infracteurs de ses Edits, & parce qu'ils prechoient publiquement vne loy qu'il leur auoit expressement inhibé & deffendu de publier sur ses terres. Quant aux corps, il leur octroia volontiers ceux qu'ils trouueroient. Mais l'original n'a pas escrit s'ils les enleuerent. En second lieu qu'il s'estoit saisi des despoüilles du galion saint Philippe, suiuant les anciennes loix, vs & coutumes du Iapon. Finalement qu'il ne leur pouuoit donner la declaration par eux requise, pour ne deroger à ses droits. La consequence en sembloit trop grande. Voila comme il depecha cet Ambassadeur, commandant qu'on lui donnât vn autre present de deux cheuaux, & dix corps d'armes, & quelques lances.

*Edit nouueau du Tayco, par lequel il bannit du Iapon les Religieux de la Compagnie de IESVS, & ce qui en reüssit.*

## CHAPITRE III.



LE Tayco aiant espargné nos Peres qui estoient detenus prisonniers à Meaco, pour les raisons que Gnenifoyn, & autres Seigneurs lui représenterent, ainsi que nous auons marqué ci-dessus, n'estoit pourtant affranchi de ses anciènes craintes & apprehensions. Car depuis qu'il fit si miserablement mourir son neueu au Cōuent de Coya, il viuoit en perpetuelle alarme de quelque reuolte ou mutinerie en ses terres. D'un costé il ne pouuoit oublier le trait que les Espagnols venus dans le galion S. Philippe lui auoiēt lâché, touchant le train que le Roy Catholique auoit tenu pour cōquerir les Indes, à leur dire. D'autre par aiant sçeu que les Espagnols & Portugais estoient vassaux d'un mesme Roy, il estoit entré en grande defiance de nos Peres de l'une & l'autre nation, & craignoit extremement qu'en prechant la loy du vray Dieu, ils ne fraiasent le chemin à l'Espagnol pour se rendre maistre du Iapon. Pour se mettre en repos, & assseurer ses affaires, comme il croioit, le voila derechef resolu de les chasser tous de ses terres. Les Seigneurs qui les ont cy-deuant recelés, disoit-il, sont maintenant occupés en la guerre du Coray: ils ne trouueront plus de retraites, comme ils auoient accoutumé, j'en viendray finalement à bout. Voila son discours & dessein. Quoi que se souuenât de la parole qu'il auoit donné aux Portugais, & craignant de perdre le commerce du nauire qui venoit tous les ans de la Chine, il trouua bõ que trois ou quatre de nos Peres demeurassent à Nāgazaqui; mais à cōditiõ qu'ils ne partiroyēt point de là, & ne precheroient aux gētils, ni aux Chresties du país.

CETE resolutiõ prise en Mars quatre vingt dix-sept il depecha vne commission à Tarazaba gouuerneur de Nangazaqui,

Liv. II.  
nomb. 196.

13  
Edit du  
Tayco con-  
tre nos Pe-  
res.



IESVS-  
CHRIST  
1597.

14  
Commis-  
sion pour  
l'executer.

lequel estoit pour lors au Coray, deuoit bien-tost repasser au Ximo, lui commandant sous grosses peines de ramasser au plustost dans Nangazaqui tous nos Religieux, qui estoient espars par le Iapon, pour les ietter dans le premier vaisseau qui passeroit à Macao; laissant seulement à Nangazaqui le P. Iean Rodriguez, qui lui seruoit de truchement, & deux ou trois autres, pour la consolation des Portugais, qui trafiquoient au Iapon.

15  
Resolution  
de nos Pe-  
res.

Nos Peres receurent auis de ce rigoureux Edit du Tayco, auant que Tarazaba repassast du Coray; & se trouuerent en grandissime peine, sçachant bien que le Commissaire ne manqueroit à l'executer: Partant qu'ils ne pourroient demeurer au Iapon sans courir fortune de leurs vies, & mettre en mesme danger tous ceux qui les receleroient. Ils en consulterent souuent entre eux, & avec leurs meilleurs amis. Voici ce qu'ils resolurent. En premier lieu de dissoudre les College & Nouiciat d'Arima: & retirer à Nangazaqui le plus grand nombre de nos Religieux qu'ils pourroient, ne fût que pour faire paroître au Tayco qu'on respectoit ses Edits; & obeïssoit à ses ordonnances. Ce qu'on sçauoit par experience lui estre tres-agreable. Fut neantmoins auisé, que pour ne manquer aux necessités des Chrestiens on laisseroit en chaque contrée quelques-vns de nos Peres, qui seroient serieusement auertis de proceder en tout tres-discretement, assister tant les Chrestiens à ce qu'ils perseuerassent, comme les Payens pour les conuertir, prenant par tout garde de n'irriter le Tayco, ou mettre la Chrestienté en plus grand danger.

En second lieu nos Peres aiant pris garde que la volonté du Tayco, touchant nostre bannissement, ne pouuoit estre executée cete année, parce que le nauire de la Chine estoit lors prest à faire voile, & sans doute sortiroit du port, auant que le Commissaire Tarazaba fût de retour du Coray, pour proceder à l'exécution des volontés du Tayco: ils ordonnerent que chacun recommandât instamment à Dieu cet affaire en ses deuotions & mortifications; qu'on dît bon nombre de Messes, à ce qu'il pleût à la misericorde diuine, leur ouurir quelque moien pour se garentir de ce danger,

ainsi

ainsi qu'il luy auoit pleu faire plusieurs autres fois en semblables occurrences.

IESVS-CHRIST

Monseigneur l'Euesque desirant de sa part trouuer quel-  
que remede à tous ces troubles, & n'en voyant pas dans le Iapon, s'auisa de retourner aux Indes, dans le mesme vaisseau qu'il auoit porté plus d'un an auparauant; & par bon-heur estoit lors au port, prest à leuer l'ancre. Arriuant à Macao, il y rencontra le Pere Louïs Serqueira son successeur designé, qui estoit en voie pour l'aller seconder au Iapon. Peu de iours apres prit terre au mesme port de Macao le P. Alexandre Valignan, reuenant des Indes, où il auoit esté Prouincial, pour visiter derechef le Iapon. Ces trois Peres, & leurs Compagnons, aiant consideré l'estat auquel se trouuoit la Chrestienté du Iapon, & l'extreme danger qu'elle couroit, trouuerent fort à propos que Monseigneur l'Euesque poursuiuit son voiage vers les Indes, pour traicter avec le Vice-roy de Goa, de quelques moyens desquels il s'estoit auisé pour le soulagement des Chrestiens du Iapon: Et que Monseigneur Serqueira passast au Iapon, pour exercer les fonctions Episcopales, & consoler cette Chrestienté desolée. Monseigneur Martinés partit de Macao sur la fin du Printemps de l'an quatre-vingts dix-sept; ne fit pas long voiage sans estre saisi de fièvre, de laquelle il mourut sur mer, à quarante lieuës de Malaca. Son corps fut tres-honorablement inhumé dans l'Eglise de nostre Compagnie dudit lieu de Malaca, le dix-huitiesme Feurier quatre-vingts dix-huit.

1597.

16

Monseigneur l'Euesque retourne aux Indes.

17.

Meurt près de Malaca.

Au mesme temps qu'il partit de Macao, decederent au port de Nangazaqui les Peres Sebastien Gonzalez, & Louïs Froës, qui escriuoit si souuent en Europe les merueilles que nos Peres faisoient au Iapon.



1597.

*Le College d'Amacuzza, & le Seminaire d'Arie dissous,  
& nos Peres espars en diuers endroits du Iapon, pour  
aider secretement les Chrestiens.*

CHAPITRE IV.



ARAZABA Gouverneur de Nangazaqui, se trouuant occupé tant en la guerre du Coray, qu'en certain bastiment que le Tayco faisoit dresser à Facata, pour serrer les grains, substitua son Frere Fazambure, qui d'ailleurs estoit son Lieutenant, pour executer le nouuel Edit

18

Fazambure  
Commis-  
saire.

du Tayco, & renuoier nos Peres hors du Iapon. Aquoy Fazambure commençant à s'employer, fit commandement au P. Pierre Gomez Vice-prouincial de nostre Compagnie, de cōuoquer tous ses subjets à Nangazaqui, les faire tenir prests pour s'embarquer à la premiere commodité, & pour le plus tard l'année suiuant, veu qu'ils ne pouuoient partir avec le vaisseau qui estoit prest à faire voile, parce qu'ils n'estoient pas tous au port de Nangazaqui. Le P. Gomez ne refusa pas d'obeir au commandement du Tayco, ains suiuant ce qu'il auoit conclu & arresté avec nos Peres, fit dissoudre le Seminaire, cy-deuāt estably dans le fort d'Arie au Roiaume d'Arima, & pour lors composé de cent ieunes escoliers, tous de bonne maison, & de grande expectation. Les vns furēt renuoiez chez leurs parens; les autres espars en diuerses maisons de quelques honorables Chrestiens, iusques à l'an quatre-vingts dix-huit, que le P. Vice-prouincial fit accommoder vne maison vn peu esloignée du port & ville de Nangazaqui, où il en rassembla soixante & dix pour continuer leurs estudes. Ce fut vne merueille de voir le courage de cete tendre ieunesse, & comme ils se monstroient prests à quitter le Iapon, lors que nos Peres seroient forcez d'en sortir.

19

Seminaire  
dissous.

LE mesme Pere Vice-prouincial fit aussi dissoudre le

College qui estoit en l'Isle d'Amacuza, où se tenoient plus de cinquante de nos Religieux, qui se retirerent premierement en vn bourg appellé de tous les Saints, près de Nangazaqui; puis se rangerent au port mesme, avec quelques autres qui estoient venus du Ximo, sans pourtant abandonner les Chrestiens, là, ni ailleurs. Car il demeurera parmy les champs autant de nos Peres qu'il en falloit, pour secourir les Chrestiens au besoin, mais en habit seculier, changeans quasi tous les iours de place, & allans de maison en maison, chez les Chrestiens, pour n'estre decouverts par les Payens.

IESVS-CHRIST  
1597.

20  
College  
dissous.

Il y auoit cette année au Iapon cent vingt-cinq personnes de nostre Compagnie, sçauoir est quarante-six Prestres, & les autres escoliers ou Coadiuteurs, partie natifs du Iapon, & nourris au Seminaire, partie venus d'Europe. Il en demeura douze dans le Roiaume d'Arima: huit en l'Isle d'Amacuza: quatre au Roiaume de Bungo: quatre à Firando & Gotto: deux passerent au Coray pour assister les Chrestiens qui faisoient la guerre en ces quartiers là. Le Pere Organtin avec autres deux Prestres, & quatre ou cinq qui ne l'estoient pas, demeurèrent à Meaco.

21  
Nombre  
de nos Peres  
au Iapon.

Leur principale occupation durant le mal-heur de ce temps, estoit de consoler & encourager les Chrestiens à supporter patiemment les trauaux que caufoit cette persecution. Ils les instruisoient aussi particulierement sur l'obligation qu'ils auoient de confesser la foy, quand l'occasion le requerroit; & des cas esquels ils pouuoient dissimuler, sans charge de conscience. Bref ils les armoient par la frequentation des Saints Sacremens, & discours spirituels. Ne desistoient pourtant d'aider les Payens qui se dispoient à receuoir le saint Baptisme. Car cete année quatre-vingts dix-sept, ils baptizerent au Ximo vnze cens quatre-vingts Iaponois; & mille Coraites esclaves enuoiez par les Seigneurs qui faisoient la guerre au Coray.

22  
Leurs occupations.

De toutes les raretez qui arriuerent cette année es conversions, ie me contenteray d'en coucher icy vne. Madame



LESUS-GRACE Roine de Iehu, gagnà par sa ferueur & continuelles  
CHRIST prieres, deux siennes filles. La plus ieune s'estant assez vo-  
1597. lontiers accommodée à la volonté de sa mere, & aiant receu

23

Conuer-  
sion admi-  
rable.

le saint Baptisme; l'aînée perseueroit en son obstination, iusques à tant qu'une nuit comme elle prenoit son repos, il lui sembla voir sa mere qui s'en alloit alegrement au martyre avec sa petite sœur. Apres lesquelles comme elle se fut mise à courir, sa mere s'y opposa, la renuoiant brusquement, & disant qu'elle n'estoit digne ny capable d'une telle gloire, pour n'estre Chrestienne. Rebut qui la fit fondre en larmes: tellement que s'eueillant en sursaut elle s'en trouua toute baignée, se leua promptement, & fut vers sa mere, demandant d'estre instruite en la loy de Dieu, & baptisée. Puis luy conta ce qu'elle auoit songé. Dequoy Madame Grace loüa Dieu, qui auoit exaucé ses prieres, & accompli ses desirs; & la fit baptiser.

*Nouvelles afflictions arrivées à la Chrestienté du Japon,  
& de quelques Eglises destruites és  
quartiers de Ximo.*

## CHAPITRE V.



VR le commencement de l'an mil cinq cens dix-huict, courut vn bruit par le Japon, que le Tayco s'acheminoit vers le port de Nangoya, pour estre plus près du Coray, & hastier ceux qui faisoient la guerre en ce quartier là. Nouvelle qui fit apprehender à Fazambure, & autres officiers, que venant à decouvrir comment Peres auoient encore des Eglises, & prechoient au Ximo, il ne s'en prit à eux, comme à des dissimulateurs & gens corrompus. Pour se purger de ce crime, s'il y en auoit, & monstrier des actes de leurs diligences, ils firent ruiner les Eglises, & nos maisons: Et ce d'une telle furie & malicieuse diligence, qu'en peu de iours ils en ruèrent par terre cent trente-sept és Roiaumes d'Arima, Omura, & Firando.

24

Eglises rui-  
nées au  
Ximo.

Ils esparagnerent neantmoins les terres de Dom Augustin, & sur tout l'Isle d'Amacusa, craignant qu'avec le temps il ne se ressentît du desplaisir qu'il en pourroit recevoir.

1597.

IESVS-  
CHRIST

Le gouverneur Xibunojo aiant sçeu, que nonobstant l'Edit du Tayco le P. Organtin se tenoit encore à Meaco, quoi que fort secretement; lui enuoia signifier en ami, qu'il se retirât au port de Nangazaqui, avec les autres, autrement qu'il seroit contraint de le deferer au Tayco, de peur que la faute ne tombât sur lui mesme. Que s'il obeïssoit sans replique, & le contentoit en cet endroit, il l'assisteroit partout ailleurs. Le P. Organtin & ses compagnons, aians receu cet aui, en remercierent le gouverneur, promettans de partir au plustost. Il n'est pas temps d'irriter ces Messieurs, dirent-ils, traitans entre eux de cet affaire. Nous pouuons auoir besoin d'eux en rencontres de plus grande importance. Il leur faut obeïr en celui-ci. Ce qu'ayant resolu, ils prindrent leur chemin vers le Ximo, pour de là passer à Nangazaqui, laissant neantmoins quatre ou cinq de nos Religieux, natifs du Iapon, qui se pouuoient plus aisement retirer chez les Chrestiens, changeans vn peu d'habit, & les maintenir en la foy Chrestienne, par leurs visites & instructions particulieres.

25

Le P. Organtin part de Meaco.

Quant à Fazambure il ne se contenta pas des Eglises & maisons que ces officiers auoient abatuës, brulées ou ruinées, ains sollicita le P. Vice-prouincial d'enuoier au plustost à Macao tous les Peres qu'il pourroit, dans vn petit vaisseau, qui estoit prest à faire voile vers la Chine. Le Pere n'eut pas faute de raisons ny d'excuses pour dilaier. Mais Fazambure ne fit aucun estat de tout ce qu'il lui allegua, parce que comme les Payens sont extremement defians les vns des autres, il craignoit que le Tayco descendant à Nangoya, quelqu'un deses ennemis ou enuieux ne l'accusât d'auoir manqué à cette occasion d'enuoier nos Religieux hors du Iapon. Il cria, pria, menaça tant, qu'en fin le P. Vice-prouincial, craignant de l'irriter dauantage fit embarquer onze de nos Religieux, la presence desquels sembloit moins necessaire au Iapon, sçauoir est trois Peres fort maladifs, quelques Coadjuteurs ja cassés, qui ne pouuoient plus traualier, & cer-

26

Onze de nos Religieux partent du Iapon.



IESVS-  
CHRIST  
1597.

tains Escoliers qui deuoient pourſuivre leurs eſtudes au College de Macao, & y prendre les ſaincts ordres. Dieu voulut que le reſte de cette année paſſa, ſans qu'aucun nauire Portugais arriuaſt au Iapon. Qui fut cauſe que le Commiſſaire, ny les gouuerneurs, ne preſſerent plus nos Peres de partir. Mais l'an quatre vingt dix-huit arriua vn accident qui troubla grandement la Chreſtienté. Voici comment.

27

Deux Pe-  
res Def-  
chaux paſ-  
ſent au la-  
pon.

Lia. 11.

nomb. 191.

28

L'un fait  
prifonnier.

Lia. 11.

nomb. 129.

LE dernier iour de Iuin prit port à Nangazaqui vn vaiſſeau de Marchands Iaponois & Payens, qui reuenoient de trafiquer aux Philippines, & portoient deux Religieux Defchaux, del'Ordre du glorieux Patriarche ſainct François. L'un eſtoit Frere Hieroſme de Ieſus, qui s'eſtoit trouué au Iapon, lors que le Tayco fit mourir les autres ſix, deſquels nous auons parlé ci-deſſus. Je n'ay trouué le nom du ſecond. Ils eſtoient tous deux deguiſés, & couuers à la Iaponoïſe. Si furent-ils bien-toſt recogneus par les officiers du port, & les Payens meſmes avec leſquels ils auoient fait le voiage, les defererent au gouuerneur. Fazambure donna promptement auis du tout à ſon frere Tarazaba, qui eſtoit au Coray, & luy manda de les retenir priſonniers. Les officiers de la Juſtice ſe faiſirent ſoudain du ſecond, qui n'eſtoit encore ſorti de Nangazaqui. Mais frere Hierome, qui cognoiſſoit le païs, ne peut eſtre apprehendé. Il s'eſtoit retiré vers Meaco, à ce qu'on diſoit. Les gouuerneurs firent tromperer, que quiconque ſçauoit le lieu de ſa retraite euſt à le denoncer, ſoubs peine qu'on feroit mourir par juſtice toute la famille où il ſeroit trouué, voire tout le voiſinage.

CET accidental arma grandement toute la Chreſtienté du Iapon; & non ſans cauſe. Car ſ'il fût paruenü aux oreilles du Tayco, il y en auoit aſſez pour le faire entrer en extreme colere, & vomir ſa rage contre les Chreſtiens; & le confirmer de plus en plus en la peruerſe opinion que les Eſpagnols lui auoient fait conceuoir des intentions de leur Roy, comme nous auons ouï. Pour garantir la Chreſtienté Iaponoïſe des mal-heurs qui pouuoient ſourdre de cet accident; noſtre Vice-prouincial enuoia vers

Tarazaba vn de ses plus intimes amis, le conjurant de n'a-  
uertir le Tayco de ce qui se passoit. Dom Augustin, & les  
autres Seigneurs Chrestiens, y emploierent tellement leur  
credit, que Tarazaba desirant les gratifier, se laissa en fin per-  
suader, & manda à son Lieutenant de tenir sous bonne &  
seure garde le prisonnier, ne permettre que personne lui par-  
lât, faire diligence d'apprehender son compagnon, pour les  
renuoier tous deux aux Philippines, auant qu'on en peût  
auoir le vent en Cour. Il en escriuit encore à ses collegues  
gouverneurs de Meaco, les suppliant de tenir le tout secret,  
& les assurant que ces deux Peres Deschaux seroient bien-  
tost hors du Iapon.

29

Ce qui fut  
celé à Tay-  
co.

30

TANDIS, le Pere Vice-prouincial de nostre Compagnie,  
auertique le prisonnier auoit faite de tout, & se trouuoit  
en termes de perir de faim, n'ayant appui ny congnoissance  
aucune, fit en sorte que quelques habitans de Nangazaqui  
le pourueurent d'un logis plus commode, & de toutes les  
necessités, aux despens de nostre maison. Et la prouidence  
diuine voulut qu'au mesme temps le Tayco tomba malade.  
Cars'il eust esté en santé, les gouverneurs n'eussent eu gar-  
de de lui celer ce nouuel accident, de peur qu'en fin il ne  
les eust punis eux mesmes pour cete infidelité.

Charité  
du P Vice-  
prouincial.

*Arrivée du Reuerendissime Louys Serqueire Euesque du  
Iapon. Maladie du Tayco: & comme il disposa  
de son estat & Monarchie.*

CHAPITRE VI.



A bonté diuine pour exercer la vertu de ses fi-  
deles seruiteurs, permet souuent qu'ils sôient  
affligés pour vn temps, & ne les deliure pas de  
leurs trauaux, si promptemēt qu'ils le desirēt &  
demandent. Si est-ce que comme tres-iuste &  
infiniment misericordieux Pere, il ne manque iamais au be-



IESVS-foin de ses enfans, ains les secourt au temps qui plus leur  
CHRIST conuient. En voici vne des plus claires preuues, que nous  
1597. aions encore rencontré au cours de cete histoire.

LA Chrestienté du Iapon sembloit reduite à l'extremité, les hommes la tenoient pour perduë, si l'arriuée des deux Peres Deschaux, desquels nous venons de parler, eût donné iusques aux oreilles du Tayco. Chacun en trembloit de peur & apprehension, lors que Dieu jettant les yeux de sa misericorde sur ses pauvres desolés commença à changer leur tristesse en joie, & leurs larmes en chants d'alegresse.

31  
L'Euesque  
arriue au  
Iapon.

Nomb 16.  
& 17.

LE premier effet de cete diuine misericorde fut l'arriuée de Louys Serqueire Euesque du Iapon, successeur de Dom Martinez, lequel mourut retournant aux Indes, ainsi que nous auons marqué ci-dessus. Le P. Alexandre Valignan, qui auoit long-temps esté Pere & chef de cete Chrestienté, & y retournoit en titre de visiteur, avec quatre autres Peres de nostre Compagnie, prindrent tous terre au port de Nangazaqui, le cinquiesme iour d'Aoust, quatre vingt & dix-huict.

32  
P. Giles de  
Matos re-  
tourne de  
Rome.

SEPT ou huit iours apres y aborda aussi le P. Giles de la Mate, reuenant de Rome, où il estoit allé comme Procureur de la Prouince du Iapon; mais par vne inaccoutumée nauigation. Car le vaisseau qui le portoit, se deuant rendre au port de Macao, comme il en fut vis à vis, le pilote ne recogneut pas la plage, ni ne voulut croire à ceux qui l'enauertirent; tellement qu'il passa outre. Il auoüa dès le lendemain sa faute. Mais le vaisseau estoit jà si auant en mer, que ne pouuant rebrousser chemin vers Macao, il aima mieux tirer droit au port de Nangazaqui, que se rendre à quelqu'autre port de la Chine, pour hyuerner.

LE second effet de la misericorde diuine parut en ce que ledit Seigneur Euesque, & nos Peres qui l'accompagnoient, arriuerent au Iapon, lors que le Tayco estoit déjà si malade que ses officiers ne pensoient qu'à le seruir, traiter, remettre en santé, s'ils eussent peu, pour uoir à son successeur pour le bien public, & chacun à leurs pretensions particulieres.

LA mesme misericorde s'estendit encore sur le Tayco,  
lui

luy enuoiant vne longue maladie, afin que la continuation des douleurs luy ouurît les yeux, & fit recognoistre ses fautes. Car il auoit l'esprit bon, & le iugement net, si les nuages de ses vices & pechez ne l'eussent obscurcy. Il estoit au soixante & quatriesme an de sa vie: mais son incontinence débordée, & le tracas des armes qu'il auoit si long temps portées, l'auoient cassé plus que son âge.

33  
Age du  
Tayco.

Le dernier iour de Iuin mil cinq cens quatre-vingts dix-huit, estant en son chasteau de Fuximi il fut surpris d'une espece de dissenterie, de laquelle les Medecins ne firent pas grand cas, estimans que ce ne seroit que santé pour luy. Elle continua iusques au cinquiesme iour d'Aoust, qui fut le mesme auquel le sieur Euesque entra au port de Nangazaki. Ce iour là, il fut surpris d'une palmoison, & si horrible accident, que toute la cour le tint pour mort. Luy-mesme, quoy que d'inuincible courage, perdit toute esperance de pouuoir plus long temps viure, ou eschaper de cette maladie. Partant reuenu qu'il fut à soy, comme tres-prudent mondain, il se mit à disposer de son Empire, avec vne contenance aussi assurée que s'il eût esté en bonne santé.

34  
Sa maladie.

IL desiroit sur tout que son fils vnique, qui n'auoit pour lors que cinq ou six ans, luy succedast en l'Empire du Iapon. Mais quel moyen qu'un enfant gouerne vne telle Monarchie, s'il n'a gens sages & fideles qui luy tiennent la main? Il s'auise que Giejaso, que les vns nomment Iejase, les autres Iyajasu, Roy du Baudou, & autres sept Royaumes; pour estre le plus puissant Seigneur du Iapon, noble de Sang, vaillant Capitaine, & fort aimé du peuple, aura le plus de moien de s'emparer de la Monarchie du Iapon. Il se resout de l'obliger en sorte qu'il luy soit fidele, l'enuoie querir en diligence, & en presence des principaux Seigneurs de la cour, luy dit.

35  
Pourueoit  
à son Empire.

IE m'en vay mourir, & sans regret; parce que la mort est commune à tous les hommes. Quiconque est né doit mourir, & s'en trouue qui meurent auant que naistre. Je



IESVS-  
CHRIST  
1598.

suis seulement marry de laisser mon fils si ieune, qu'il ne puisse occuper ma place, & gouuerner immediatement apres moy. Ayant à part moy recherché vne personne fidele, puissante, & de valeur, à qui ie le puisse fier durant sa minorité, ie n'en ay point trouué de capable que vous. Partant ie liure & consigne en vos mains mon fils & mon Empire, à condition que vous le luy remettres lors qu'il le pourra dignement gouuerner. Et à ce que le tout se passe avec plus de fermeté, contentement, & ioie de tout le Iapon, sçachant que vostre fils & heritier presomptif a desia vne fille, ie desire que vous la mariés à mon fils; tellement qu'estant par droit de nature ayeul de la fillette, vous seruiés aussi de pere à mon fils.

36

Larmes de  
diuerfes  
sources.

A de si bonnes & graues paroles, Giejaso ne peut tenir les larmes, fût de douleur qu'il sentît de la mort qui pressoit le Tayco; fût pour le ressentiment qu'il eût de la faueur inespérée que le malade luy faisoit, & de la fiance qu'il monstroît auoir en luy. Quelques-vns escriuirent que comme personnage tres-fin & accort, ayant les larmes à commandement, il n'auoit pleuré que de ioie, se voiant à la veille d'estre dechargé de celui qu'il redoutoit extremement; & auoir en main ce qu'il desiroit le plus, sçauoir est le timon des Royaumes du Iapon. Si bien qu'apres auoir essuié ses larmes il luy répondit.

37

Giejaso &  
ses pro-  
messes.

SIRE, lors que Nobunanga mon beau-frere fut assassiné, ie ne possedois que le Roiaume de Micaua. Depuis vostre aduenement à la Couronne vniuerselle du Iapon, sous l'ombre de vos faueurs, i'en acquis trois autres; en contreschange desquels vostre Majesté pour m'agrandir dauantage me donna les huit du Bandou, que ie tiens à present, & m'a tousiours comblé de tant de graces, que moy & les miens sommes tres-obligez à seruir le Prince vostre fils, & tous ses descendans, aux despens de nos propres vies. Auant que vostre Majesté me decouurît son intention, i'auois resolu à part moy d'employer toutes mes forces & moiens, pour maintenir le Prince vostre fils és estats que vous luy auez acquis. Mais à pre-

sent que vostre Majesté daigne me fier sa personne & IESVS-  
ses biens, voire le faire gendre de mon fils, ie luy de- CHRIST  
meure tellement esclaué, & si estroitement lié à sa vo- 1598.  
lonté par tant de chaines d'amour & bien-veillance,  
que ie suis plus que déterminé d'executer de poinct en  
poinct tous ses commandemens au peril de mille vies si ie  
les auois.

APRES plusieurs semblables traiçts d'affection, lan-  
cez d'une part & d'autre, le Tayco voulut voir la fillet-  
te, qui n'auoit que deux ans, & que son fils la fiançast  
en sa presence, avec les alegresses que la saison & dispo-  
sition des affaires permettoit. Puis fit iurer solennelle-  
ment Giejaso, qu'il accompliroit entierement sa volon-  
té, selon qu'il la luy auoit declarée. Voulut aussi que les  
autres Seigneurs qui se trouuerent à la cour, iurassent fi-  
delité au petit Prince, & obeïssance à Giejaso, tandis  
qu'il seroit Regent : Serment qu'il voulut aussi estre  
presté par les Seigneurs de moindre qualité au Palais  
du mesme Giejaso. Bref pour gaigner les cœurs de ses  
vassaux, & les obliger de plus en plus d'estre fideles à  
son fils, il leur fit distribuer de grosses sommes d'or &  
d'argent; se souuint des vefues de quelques siens serui-  
teurs, & leur enuoya diuers dons, ayant egard aux meri-  
tes des deedez.

38  
Son ser-  
ment.

IL establit aussi le Capitaine Asonodario, que les au-  
tres appellent Asonodangio, chef des quatre Gouver-  
neurs de tout le Iapon, cy-dessus nommez; & en crea de  
nouveau autres quatre, pour gouverner la maison de son  
fils, leur donnant pour chef & comme Sur-intendant Gi-  
bumoscio, le plus intime de ses amis. Enioignit à tous les  
sufdits de recognoistre Giejaso pour chef & Superieur, lui  
obeïr comme à sa personne; Et neantmoins auoir soin  
que le Prince succedast en son temps au Royaume du Ja-  
pon: laisser les autres Seigneurs & officiers de sa cour  
iouïr paisiblement des estats & reuenus qu'il leur auoit as-  
igné: bref ne changer ny alterer aucune des loix qu'il auoit  
establies.

39  
Asonoda-  
rio chef  
des Lieu-  
tenans.

FINALEMENT pour entretenir cette multitude de



Gouuerneurs, Lieutenans, & Surintendans, en vnion & bonne intelligence, tant neceſſaire à la conſeruation des Empires & Royaumes, il les lia plus eſtroitement par diuerſes alliances, mariant les filles des vns aux enfans des autres. Bref pour empescher le ſouleuement des ſubjets, & tumultes des guerres, qui ſourdent ordinairement au Iapon, apres la mort du Souuerain; il commanda qu'on aggrandit la ville d'Ozaca; qu'elle fût ceinte de nouuelles murailles, dans leſquelles les principaux Seigneurs baſtiſſent des Palais, & s'y retiraffent au plutost, avec leurs femmes & enfans, ſe perſuadant qu'eſtans hors de leurs terres, & clos dans ces murs, comme dans vne ample priſon, ils ne ſe reuolteroient pas ſi aiſément. Pour plutost mener à cheſ ce deſſein, il voulut que ſa mort arriuant, on la tint ſecrete, iuſques à tant que cét ouurage fût paracheué, & les Seigneurs qui faiſoient la guerre au Coray, retournez en leurs maiſons. Le tout pour mieux aſſeurer la Monarchie du Iapon à ſon petit fils. Mais toute ſa prudence eſtoit trop courte. Il falloir vn ordre de plus haut.

---

*Decès du Tayco; comme il voulut eſtre couché au rolle des  
Camis Iaponois, & du particulier ordre qu'il  
eſtablit pour conſeruer la Monar-  
chie à ſon fils.*

## CHAPITRE VII.



**N**OUS auons cy-deſſus & par pluſieurs fois marqué, comme le Tayco n'auoit rien tant à cœur que ſe faire craindre, honorer, & par tous moyens poſſibles immortaliser ſon nom. Il le fit paroître ſur la fin de ſes iours plus que deuant. Car la coutume du Iapon portant qu'on brûle les corps des grands Seigneurs tre-paſſez, il deſſendit qu'on ne fit des cendres du ſien; ordon-

nant qu'on l'enseuelit dans son Palais de Fuximi, en vn lieu de plaifance, où il auoit fait dresser vn magnifique mausolée; Commandant de plus qu'on le couchât au nombre des Camis, & idoles du Iapon, lui donnant le nom des Xinfachiman, c'est à dire Nouveau Fachimant. Caren langage Iaponois *Xin* vaut autant que nouveau; & *Fachiman* estoit anciennement recogneu au Iapon pour vn des Demons de la guerre, comme Mars chez les Romains. Nous verrons bien-tost comme sa volonté fut accomplie

41  
Xinfachi-  
man Camis  
de la guer-  
re.

LE quatriesme iour de Septembre, le P. Iean Rodriguez arriua à Fuximi, avec quelques Portugais fraichement venus de la Chine à Nangazaqui, lesquels portoient au Taycole present annuel du nauire du trafic. Le malade enuoia vn des Regens pour les bienneigner, & auertir le Pere Rodriguez d'entrer seul, d'autant qu'il ne vouloit estre veu ny visité d'autre estranger. Il passa partant de salles, galeries, chambres, cabinets, qu'au retour il n'eût sceu trouuer l'issuë sans guide: Et trouua le patient sur vn lit de plume couuert de soie cramoisine, enuironné de plusieurs orilliers de velours de mesme couleur, si defait, haue, & extenué, qu'il eust eu peine à le recognoistre. Si lui témoigna-il auoir pour tres-agreable sa visite, & se trouuer si proche de la fin commune à tous les viuans, qu'il n'esperoit pas recouurer la santé.

Cy apres  
nomb.

LE Pere Rodriguez se voulut seruir de cette occasion, pour traiter avec le malade de l'affaire qui plus luy importoit: mais comme personne obstinée, & du tout endurcie en ses pechés, il ne voulut ouïr parler de son salut. Ce qui donna si viuement au cœur du Pere, qu'il n'en peut tenir les larmes de compassion. Le malade lui fit donner deux cens sacs de ryz, vn habit à la Iaponoise, & vne fregate bien garnie pour aller & venir en diligence par le Iapon. Et à chacun des Capitaines des deux vaisseaux qui estoient venus avec lui, autres deux cens sacs de ryz, & autant au nauire de la Chine.

42  
Le P. Rodriguez vi-  
site le ma-  
lade.

Il voulut encore que le P. Rodriguez vid le petit Prince,



LES VUS- l'ayant au prealable fait auiser de recueillir gracieusement  
CHRIST le Pere, & ses compagnons. Dequoi l'enfant s'acquitta  
1598. fort bien, & offrit à chacun vn habit de soye. Le lende-

23

Et le Prince  
son fils.

main qui fut le iour auquel on celebra les mariages des enfans & filles des Regens, suivant son ordonnance, il voulut que le P. Rodriguez fût du festin; & à l'ysuë du disner luy recommanda, comme à son particulier truchement, de faire expedier les Portugais, sans que rien leur fût refusé; & le congedia avec plusieurs signes de cordiale bienveillance.

BIEN-tost apres sentant malgré luy, que son mal rengregeoit, il commanda qu'on le portât au lieu plus eminent & retiré de son Palais, pour estre hors de tout bruit; se faire guerir plas à repos, si le mal pouuoit souffrir quelque remede, ou mourir plus à recoi, comme il disoit. A ces fins il prit congé de son fils, lui deffendant de l'appeller plus son pere, & voulant qu'il transportât ce nom à Giejaso, auquel il le consigna, & recommanda la larme à l'œil. S'estant expedie des autres Seigneurs qui se trouuerent près de lui, & ayant déterminé le nombre de ceux qui se deuoient desormais tenir près de sa personne, & nommé quelques autres qui peussent entrer seuls où il seroit, bref commandé aux Medecins de ne s'escarter de luy, il se fit transporter au lieu qu'il auoit desiré.

44

Derniere  
extraite du  
Tayco.

LES pleurs, cris & lamentations deses femmes, euaillers & seruans, furent telles sur ce depart, & durerēt tout le reste du iour, que le bruit courut que le Tayco estoit mort. Les assassins & guetteurs de chemins commencerent à se mettre aux champs, & le peuple à se retirer qui çà qui là, pour se garentir des reuolutions qui ont coutume d'arriuer en semblables cas au Iapon. Les Regens, ny Giejaso même, ne les pouuoiet contenter. De fait le malade fut fort mal ce iour là; mais dans deux iours apres se trouuant vn peu mieux, il appella deux des Regens, & les enuoia à Ozaca, pour faire traualler à l'agrandissement de la forteresse, selon qu'il auoit ordonné; & distribuer de grosses sommes d'or & d'argent aux Seigneurs de Fuximi, qui deuoiet trāsporter là leurs demeures. Il y auoit plus de dix-sept mille maisons

de Marchands & artisans , qui furent transportées dans <sup>LES VS-</sup>  
trois iours , dit l'original. Ce qui fit croire au peuple <sup>CHRIST</sup>  
que le Tayco viuoit encore. Car Giejaso ny les Regens, <sup>1598.</sup>  
n'eussent osé entreprendre vn si odieux & mal-aisé re-  
muement , s'ils n'eussent esté appuiés par leur souue-  
rain.

LE malade continua à se mieux porter iusques au  
septiesme de Septembre, sans toutefois se laisser voir à  
personne, qu'aux Regens, & à quelques-vns de ses plus  
intimes. Mais le sept ou huitiesme, il se trouua dere-  
chef plus mal ; les gardes furent renforcés aux portes  
du Chasteau, iusques au quatorziesme suiuant, iour au-  
quel surpris d'un grief symptome il fut tenu pour mort.  
Mais estant encore reuenu à soi le voila au quinziesme,  
qu'il entra en frenesie, & disoit mille choses hors de propos,  
sauf lors qu'il parloit de rendre son fils Monarque du Iapon.  
Car sur ce point il ne chancela iamais, ains tint bon, & con-  
tinua iusques au dernier soupir qu'il rendit le iour suiuant  
de grand matin.

45

Sa mort.

LES Regens procurerent par tous moiens de tenir sa  
mort secreta suiuant son desir: firent jurer les artisans &  
autres habitans de Fuximi, de ne parler en bien ny en mal  
de la vie ou de la mort, ny mesme de la maladie du  
Tayco : bref de ne receuoir en leurs maisons person-  
ne qui ne donnât bon respondant. Certain seruiteur  
de je ne sçay quel Seigneur, aiant contreuenue au pre-  
mier chef de cette deffence, & parlé de la mort du Tay-  
co, fut sur le champ mis en Croix, & puni de mort.  
Execution qui donna telle fraieur au peuple, que depuis  
personne n'osa ouurir la bouche sur ce sujet.

46

Seuerité  
grande.

SI ne purent-ils tenir long-temps cette mort secre-  
te. Car les grandes diligences que les Regens & gouver-  
neurs faisoient pour empecher qu'elle ne fût auerée, con-  
firmoient dauantage l'opinion que plusieurs en auoient: fi-  
nalement les gouverneurs mesmes & domestiques du Tay-  
co publierent par tout qu'il estoit mort ; mais apres auoir  
très-sagement & solidement pourueu à tous ses affaires  
mondains, mais non pas de mesme pour son ame; & du com-



LES VSMENCEMENT les Regens s'acquitterent si prudemment de  
CHRIST leur deuoir, qu'il n'y eut trouble ny remuement aucun au Ja-  
1598. pon de tout le reste de l'an quatre vingt dix-huict, ny sur le  
commencement de l'an dix-neuf.

47

Prudence  
des Re-  
gens.

Povr empêcher qu'il n'en arriât au Ximo, lors que l'armée repasseroit du Coray, deux des Regens se transporterent à Facata, & tindrent la main que les Rois, Capitaines & principaux Caualliers retournans de la guerre, s'en allassent tous droit à Ozaca, recognoistre le Prince du Tayco, lequel on appelloit Fyroy. Ce qui fut executé en lanuier, mil cinq cens quatre vingt dix-neuf; quoi qu'il y eût jà deux partis formés entre eux, ainsi que nous verrons en bref.

VOILA comme finit la guerre du Coray, sept ans apres la premiere ouuerture d'icelle. Les Chrestiens y peinerent beaucoup, & y emploierent de leurs moiens sans fin. Si faut-il recognoistre que ce fut vn singulier moien par lequel la prouidence de Dieu leur conserua ce qu'ils possedoient au Japon, & particulièrement és quartiers de Ximo, où quasi tous estoient Chrestiens. Car sans cete guerre le Tayco les eût tous transportés ailleurs, au grand preiudice de la Chrestienté qui fleurissoit sur tout és Roiaumes de Bungo, Arima, Omura, & lieux circonuoisins. Mais esperant qu'une partie mourroit en cete guerre du Coray, & qu'il recompenseroit l'autre par les terres qu'on y conquerroit, ainsi que l'ay touché ailleurs, il n'altera rien en leurs terres, ny par consequent és biens des Chrestiens, leurs sujers. Il fit ce bien à l'Eglise de Dieu sans y penser. Apres sa mort plusieurs escriuirent plus librement de sa vie, qu'ils n'en osoient parler de son viuant : j'en vay coucher ici vn petit extrait, mais agreable.

Liu 12.  
nomb. 2.

*Extraction du Tayco Monarque du Iapon, & par quels  
degrez la viuacité de son esprit l'esleua  
à si haute dignité.*

## CHAPITRE VIII.



L n'y a rien au monde, en quoy Dieu monstre plus clairement le peu de cas qu'il fait des grandeurs, Empires, & Monarchies de la terre, que les laissant tomber és mains des personnes de basse qualité, & pire complexion.

48

Tayco &  
son extra-  
ction.

Tel que fut le tant renommé Tayco, Souuerain Seigneur du Iapon, yssu de si pauvre & basse famille, que ses pere & mere n'ayant de quoy le nourrir le mirent en seruice chez vn simple laboureur demeurant au Roiaume de Voari; d'où il estoit natif.

Son premier nom fut Toquixiro. Son maistre l'employoit tous les iours à porter sur son dos certain nombre tantost de fagots, tantost de buches, & autre bois à brûler qu'il alloit querir à vne montagne voisine. De quoy il s'acquittoit avec tel soin & diligence que chacun l'admiroit. Estant vn soir près du feu, avec la famille qui estoit assez nombreuse, & s'aperceuant que chacun fourroit du bois au feu, & qu'on dependoit sans discretion ce qui luy coustait tant à porter de si loin, il en auertit doucement ceux qui se chauffoient: & voiant que son auis ne seruoit de rien, il s'aprocha de la cheminée, & disposa tellement les tisons, qu'avec beaucoup moins de bois qu'on n'y auoit auparauant entassé, soudain il fit vn si grand feu, qu'il fallut que la famille se reculast.

49

Ses premiers nom  
& vacatiō,

Son Maistre, homme de bon sens & iugement, remarqua cet trait, & depuis encore quelques autres, qui firent redoubler l'affection qu'il luy portoit. Tellement qu'il comença à l'employer en occupations plus serieuses, selon sa



**IESVS-CHRIST** 1598. portée: & voiant qu'il s'acquittoit habilement de tout, & en soldat, plustost qu'en laboureur, il se resolut de le pousser au monde, luy donna dix mille caxas, qui respondent aux maranedis d'Espagne, & luy conseilla de suiure les armes. Par ce chemin, tu pourras t'auancer, & paruenir à quelque chose de grand, luy dit le bon homme, comme deuinant.

**50**  
S'applique aux armes. **TOQUIXIRO** l'en remercia à sa mode; & suiuant son conseil, comme vn oracle, s'achemina droit vers Meaco, ville capitale du Iapon, où n'ayant aucune cognoissance, il seruit premierement vn riche Marchand. Voyant qu'il ne se pouuoit auancer là, il entra chez vn Cauallier, qui estoit fort familier à Nobunanga, pour lors Souuerain du Iapon. La premiere charge qu'il eut chez ce Cauallier, fut de tenir la rue nette en laquelle son Maistre le tenoit. Dequoy il s'acquittoit si exactement, que chacun l'admiroit; & Nobunanga mesme ne passoit iamais par là, qu'il ne louast le valet qui tenoit la rue si nette.

**51**  
Son agilité. **ARRIVA** que l'Empereur reuenant vn jour de la chasse, vn Faulcon eschapanant du poing, prit l'effor & s'en alla percher sur vn arbre fort haut. Le Faulconnier le reclama, mais en vain. Car il ne partoit point de là. Ce qui fit croire qu'il y estoit acroché. Le Cauallier commanda à Toquixiro de grauir promptement au sommet de l'arbre, & de detacher cet oyseau. Ce qu'il fit avec autant de promptitude, qu'eust peu faire vn guenon. Ce trait de vitesse, ioint à la physionomie du galant, fut cause que de là en auant il fut surnommé *Car*, c'est à dire Guenon, en langage du Iapon.

**52**  
Son second nom. **C O M M E** Toquixiro grauissoit en haste, le Faulcon effrayé se desembarassa; & vola sur vn autre arbre, non loing de là. Ce que voiant le Cauallier, & voulant donner du plaisir à Nobunanga, cria à Toquixiro, qu'il se laissast cheoir dans vn Laq qui estoit au pied de l'arbre, pour tant plustost grimper sur l'autre, & rendre au Roy son Faulcon. Il se lança dans le Laq, comme volant en bas, & en sortit si prestement, que Nobunanga estimant

**53**  
Sa hardiesse.

qu'il fût encore dans l'eau, s'estonna de le voir à la cime de l'autre arbre, près de l'oiseau, qu'il prit, porta, & presenta à l'Empereur, avec vne reuerence de village.

NOBUNANGA admira sa vitesse, le veid de bon œil, fut tres-aise de sçauoir qu'il fût natif de Voari, Royaume qu'il auoit possédé auant que de paruenir à l'Empire; & le voulut auoir soudain à son seruiçe. Combien que Toquixiro ne le suiuit pas dès lors, ains s'en alla changer d'habits: & vn autre iour que Nobunanga reuenoit encore de la chasse, il l'attendit en certain quarrefour, avec ses deux catanes ou espées à la ceinture; à la mode du Japon. Il agrea tant à Nobunanga pour lors, qu'il luy changea de nom; & parce que le rencontre fut sous vn arbre, il l'appella *Quinoxita*, c'est à dire, sous l'arbre.

54

Son troi-  
siesme nō.

COMMENÇANT à suiure la cour, & seruir Nobunanga, il luy donna tant de satisfaction; qu'il se fit admirer en tout. Qui fut cause que plusieurs courtisans lui portoient enuie, & desiroient le disgracier. Comme ils en cherchoient le moyen, arriua que le Maistre de la garderobe du Roy en trouua à dire vne espée de grand prix, qui estoit garnie d'or. Les enuieux de *Quinoxita*; darderent incontinent leur langue contre luy, disans, qu'à cete occasion il s'estoit absenté quelques iours de la cour. Nobunanga qui le tenoit pour fort hardy entrepreneur, lacha quelque mot, monstrant qu'il en auoit mauuaise opinion. Dequoy vn amy de *Quinoxita* l'aduertit secretement, luy conseillant de n'entrer au chasteau, qu'il ne fût iustificié de ce pretendu crime, autrement il courroit fortune de sa vie.

CET auis estonna vn peu nostre homme. Si est-ce qu'estant innocent il se mit à songer aux moïens de se garantir de ce danger; & s'auisant que probablement les gardes d'or auroient fait perdre la lame d'acier, & que le larron les auroit rompuës pour en tirer de l'argent monnoyé, s'en alla à la boutique du plus riche Orfeure de Meaco, & luy demanda s'il auroit point dequoy garnir d'or vne belle lame d'espée. L'Orfeure luy monstra

55

L'arrecin  
subtilemēt  
decouuert.



IESVS-CHRIST  
1598. vne piece de ce qu'il cherchoit, & la recongneut soudain. D'où auez-vous tiré cét or, demanda-il à l'argentier? C'est vn domestique du Roy qui me l'a vendu, dit l'argentier; & le nomma. Ne degarnissez pas vos mains de cette piece, luy dit Quinoxita. Elle sort de la garderobe du Roy. Vous en pourrez estre recherché.

Cela fait, nostre hōme s'en va droit au chasteau, & se presente au Roy, qui ne manqua pas à luy demander où il auoit demeuré trois ou quatre iours, sans se laisser voir en cour. Il respondit hardiment: Ayant eu le vent de la charité que mes camarades me prestoient, disans que i'auois pris vne des espées de vostre Majesté, dequoy ie suis innocent: & aiant appris qu'elle ne le mescroioit pas, dequoy ie suis extrememēt marry; ie n'ay osé paroistre en vostre presence, que ie n'eusse decouuert l'autheur de ce larcin. L'ayant rencontré, ie viens à vostre Majesté pour luy declarer le tout. Luy aiant conté l'affaire au long, il receut commandement d'aller trencher la teste au larron, & reuint promptement portant d'une main le chef du criminel, & de l'autre les morceaux des gardes d'or, desquelles il l'auoit trouué saisi. Dequoy Nobunanga fut si content, qu'il luy donna quelques places nobles, & de grosses pensions, moiennant lesquelles Quinoxita commença à tenir train, auoir cheuaux, valets & laquais portans ses armes & liurées.

La premiere guerre en laquelle Nobunanga l'employa, ils'y comporta si dextremēt, comme s'il n'eust fait toute sa vie autre mestier. D'où vint que l'Empereur l'auança & enrichit dauantage, luy donna charge d'assiéger vne forte place nommée Nangafama, de laquelle il se rendit maistre dās peu de iours, se trouuant tousiours le premier és assauts, & plus dangereuses entreprises. Il fut aussi enuoie auec vne grosse armée contre Moridono, qui estoit Roy d'Amangu-ci, & autres neuf Roiaumes. A quoy se voiant esleué, il pria l'Empereur de luy donner vn nom plus propre à estonner l'aduersaire, cōtre lequel il alloit cōbattre pour son seruice. Nobunanga luy accorda volōtiers sa requeste; & le nomma Faxiba Chicugen, c'est à dire, Aisles par dessus les forests. Parce que le Mori, nom du Roy contre lequel il marchoit,

56

Train de  
Quino-  
xita.

**ECCLESIASTIQUE DV IAPON** 13; An de  
 vant autant à dire que Forests, selon la propriété du langa- I E S V S-  
 ge Iaponois. Au surplus de sa vie nous auons couché cy- CHRIST  
 dessus comme nostre Faxiba quitta l'entreprise qu'il auoit 1598.  
 sur Amanguci, pour tourner bride vers Meaco, où il fit si Liu. 8.  
 bien qu'il succeda à Nobunanga son maistre, prit le nom de nomb. 21.  
 Cambacondono, & en fin celui de Tayco.

57  
 Son qua-  
 trième &  
 autres  
 noms.

*Bon succès des affaires de la Chrestienté au Iapon,  
 depuis la mort du Tayco.*

## CHAPITRE IX.



DE la multitude des trauerses que la Chre-  
 stienté du Iapon souffrit, durant les douze  
 ou treze ans que Tayco la persecuta, chacun  
 pourra conceuoir & entendre quelle conso-  
 lation elle receut apres sa mort. Les Chre-  
 stiens s'estimoient affranchis d'une captiui-  
 té plus dure que celle que les Israëlitites souffrirent en Egy-  
 pte. Neantmoins comme le nouuel ordre establi au gou-  
 uernement du Iapon n'estoit pas encore bien affermi, les  
 Seigneurs Chrestiens, & nos Peres, furent d'auis de ne rien  
 innouer en leur maniere de proceder, iusques à tant qu'on  
 se fût plus clairement esclairci del'affection des Regens, de  
 peur de les offencer.

CEUX qui cognoissoient mieux l'humeur des Iaponois, te-  
 noient que ce calme de l'estat ne dureroit pas; parce qu'aiât  
 neuf ou dix Regens, il sembloit comme impossible qu'ils de-  
 meurassent long-temps d'accord. Moins pouuoit-on croire  
 que les Iaponois eussent la patience d'attendre que le ieune  
 Prince eût atteint l'âge necessaire pour les gouverner; ou  
 souffrir que des Lieutenans leur commandassent si long-  
 temps. De quel costé que le vent tournast, chacun tenoit  
 pour vrai-semblable que les affaires de la Chrestienté iroient  
 de bien en mieux. S'il y arriuoit du trouble, le nombre des

58  
 Diuerfes  
 opinions  
 sur l'Estat  
 du Iapon.



IESVS - Rois, Princes, grands Seigneurs, Capitaines & valeureux  
CHRIST soldats, estoit tel qu'ils se pouuoient maintenir en leur foy  
1598. & creance. Samburondono Roy de Mino, & petit fils de

Nobunanga, estoit bon Chrestien, & legitime successeur de son ayeul. Le Tayco se portant pour Regent du Japon l'auoit depouillé de la Monarchie : les Chrestiens se pouuoient bien employer à la lui faire recouurer, & faire vn Empereur de leur main. Mais il y auoit du hazard. Que si les Regens s'entretenoient en bonne intelligence, comme ils auoient commencé, la maxime d'estat les obligeoit à laisser en paix les Chrestiens, & ne pas irriter tant de Seigneurs qui les auoient protégés mesme du viuant de Tayco. Voila vn eschantillon des discours qui se tenoient en la Cour de Fuximi, depuis le decés du Tayco.

Nos Peres oiant tout, & apres auoir meurement pesé les raisons qui se presentoient d'une part & d'autre, trouuerent meilleur de supplier le Seigneur Euesque, que pour quelque temps il ne parût pas en public, & agreât que le P. Alexandre Valignan, comme personnage cogneu de longue main au Japon, escriuît aux deux Regens qui estoient à Facata, & particulierement au Sieur Asonodangio, qui l'auoit grandement caressé lors qu'il fut au Japon, comme Ambassadeur du Vice-roy des Indes, & à Ximandono gouverneur du Ximo, qu'il auoit fort priuement entretenu en la Cour du Tayco, leur signifiant comme il estoit enuoié par nos Superieurs, pour visiter, comme autresfois les sujets de nostre Compagnie, qui s'emploioient pour le seruice de Dieu au Japon. Le Pere Iean Rodriguez qui fut le porteur de ces lettres, deuoit deduire le surplus

59

Lettre du P.  
Valignan  
aux deux  
Regens.

Les gouverneurs le receurent fort courtoisement, approuuerent le retour du P. Valignan au Japon, lui permirent de s'arrester à Nangazaqui, promirent d'affectionner nostre bien, & l'auancement de la foy Chrestienne, autant que le temps & leur autorité le permettroit. Mais parce qu'ils ne pouuoient rien innouer contre les ordonnances du feu Tayco, ils exhortoient nos Peres à prendre patience & ne se monstrent au-

60

Fauorable  
responc.

cunement aises ny contens de la mort du Tayco, & attendre longaniment les ouuertes que Dieu pourroit faire à la predicatiō de l'Euangile, lesquelles arriuant, ils ne manqueroient à seconder les bons desirs des Chrestiens. Voila le suc des lettres qu'ils rescriuirent au P. Valignan. Responſe que les Chrestiens priferent beaucoup, & prindrent pour vne raisible permission de restablir les Eglises & maisons que Tazambure auoit fait ruiner vn an auparavant.

LE P. Rodriguez asseura aussi que Giejaſo, que nous appellerons deſormais Dayfufama, du nom de sa dignité, comme chef des Regens, & le mieux obeï de tous, parloit souuent en fort bonne bouche de nostre sainte foy, & disoit qu'en ce qui concerne le salut de l'ame, chacun pouuoit faire & ſuiure ce qui lui sembloit meilleur. De fait notwithstanding les Edits & ordonnances du feu Tayco, il permit aux habitans de Nangazaqui, de viure en Chrestiens tels qu'ils estoient, & deſſendit au gouuerneur de la ville de les troubler eux ni nos Peres. Tellement que chacun tenoit nostre Compagnie restablie en son premier estat. De fait la meſme année quatre vingt dix-neuf, nos Peres rentrerent doucement en possession des residences d'Arima & Omura: & le Pere Organtin, avec deux autres Prestres, & deux de nos Escoliers, s'en retourna à Meaco trouuer le cinq Iaponois qu'il y auoit laissés, en partant pour obeïr à l'Edit du Tayco. Ainsi furent repeuplés les maisons de Meaco & d'Ozaca. On ramassa aussi les Seminaristes qui auoient esté renuoiés en diuers lieux, pour reprendre le cours de leurs estudes au bourg de tous les Saints près de Nangazaqui.

DE quoi Monſeigneur l'Euesque du Iapon auerti, & voiant combien lui estoit necessaire la cognoiſſance de la langue du païs, pour s'acquitter mieux de sa charge, ſans auoir eſgard à son âge, qui estoit lors de cinquante ans, ny aux difficultés qui se presenteroient pour apprendre vn si ſarouche & bizarre langage, se retira avec le P. Valentin Carauaille, & le P. Iean Pamieres, vers Amacuzza, avec seize de nos Religieux, & plus de trente Seminaristes.

61

Giejaſo  
nommé  
Dayfufa-  
ma.

62

Maisons re-  
stables.

63

Monſei-  
gneur l'E-  
uesque ap-  
prend la lan-  
gue du Iapon.



An de Il oioit là deux leçons de la Grammaire Iaponoise pour  
 IESVS- iour, assistoit aux repetitions, vacquoit aux compositions,  
 CHRIST avec autant ou plus de diligence qu'il eût iamais fait estu-  
 1599. diant en Philosophie ou Theologie, sans omettre ce qu'il  
 pouuoit faire pour l'acquit de sa charge, sauf de paroistre en  
 public.

64

Constance  
 de 400.  
 Chrestiens.

Av Royaume de Bigen voisin de Meaco, où viuoit Dom Iean Acaxicamon, beau-frere du Tono dudit lieu, il y auoit cette année plus de quatre cens Chrestiens, qui firent paroistre leur constance en la foy, refusant de prester le serment de fidelité à leur Seigneur, en jurât par les Camis & Fotoques. Car Dom Iean lui porta la parole pour tous, assœurât qu'ils mourroient plustost que jurer par le nom d'autre que du vrai & seul Dieu qu'ils adoroient. Constance qui fut cause que le Tono non seulement desista de ses pretentions, ains dōna vingt mille sacs de ryz de rente annuelle à son frere qui estoit Chrestien, & le fit son Lieutenant general en son absence. Ce bon Cauallier incontinent apres la mort du Tayco, enuoia vers Nangazaqui demander quelques-vns de nos Peres, pour establir vne residance en ce Roiaume là.

65

Predica-  
 teurs de-  
 mandés.

Le fils & heritier de Moridono Roy d'Amanguci, & d'autres sept Roiaumes, offrit à vn de nos Peres, place & reuenu en la principale de ses forteresses, à ce qu'il y prêchât le saint Euangile. Simon Condera Roi de Buygen, allant à la Cour, rendre la deuë obeïssance au jeune Prince, escriuit à nos Peres, qu'à son retour il desiroit mener quelque Predicateur pour instruire ses vassaux. Antant en fit vn gendre de feu François Roy de Bungo, que le P. Valignan enuoia visiter à Chicungo, par vn de nos Religieux, lequel en vingt iours, baptiza deux cens cinquante personnes.

Vn autre de nos Predicateurs, visita aussi vn grand Seigneur nommé Isafay, qui auoit ses terres entre Arima & Omura. Cetui-ci ouït plusieurs leçons de Catechisme sans seranger à la foy. Nabixamadono gouverneur de Figen, Itodono cousin germain de Dom Mancio, chef des quatre Ambassadeurs qui furent à Rome, qui estoit Seigneur de la troisieme partie du Royaume de Fiunga. Xeuximadono gendre de Dom Augustin, & plusieurs autres demandoient  
 le

le saint Baptême. Dom Augustin mesme vouloit des Pre-  
dicateurs pour ses terres, & reuenant du Coray enuoya sei-  
ze cens sacs de riz d'aumosne à Nangazaqui, sçauoir est qua-  
tre cens pour le Seigneur Euesque, autant pour le P. Vali-  
gnan, & le reste pour les Peres Vice-prouincial, Organ-  
tin, & leurs compagnons. Ainsi parloit la letre d'adres-  
se qui accompagnoit le don. Voila comme la pieté & de-  
uotion, commençoit à refleurir au Iapon, depuis la mort  
du Tayco.

66  
Aumosne  
de ryz.

*Les dix Regents ou Gouverneurs du Iapon, diuisez en  
deux factions, l'une de Gibunoscio,  
l'autre d'Asonodangio.*

## CHAPITRE X.



U est mal-aisé que ceux qui marchent du pair  
au gouuernement d'un grand estat, demeu-  
rent long temps en paix en bonne intelli-  
gence; particulièrement au Iapon, où l'am-  
bition & la jalousie regnent autant qu'en  
quartier du monde. Gibunoscio & Asonodangio auoient esté long temps ennemis mortels. Les nou-  
uelles charges que Tayco leur donna peu auant sa mort,  
les obligerent pour vn temps, à s'unir & accorder pour exe-  
cuter les volontez du defunct. Mais cét accord ne dura  
pas long temps, parce qu'il tendoit au bien d'un tiers; l'in-  
terest propre & particulier fit renaistre les anciennes que-  
relles. Ils se banderent l'un contre l'autre auant que partir  
de Facata.

ENVIRON le mesme temps, les Capitaines qui faisoient  
la guerre au Coray, se des-vnirent aussi pour quelques dif-  
ficultez qui se presentoiẽt sur la conclusion de la paix avec  
les Coraites, & retour de l'armée au Iapon. Tellement  
qu'ils se mipartirent en deux factions, & bien-tost apres

67  
Deux fa-  
ctions au  
Iapon.



LESVS-  
CHRIST  
1599.

qu'ils furent de retour au Japon, ceux qui auoient suivi Dom Augustin estans au Coray, se rengèrent avec Gibunoscio : & ceux du parti contraire avec Asonodangio. Les deux factions ainsi decouuertes s'acheminèrent vers Meaco, où estoit la cour. L'un parti accusa l'autre, & chacun se mit en deuoir de perdre son aduersaire. Dayfusama comme chef du conseil, & plusieurs autres Seigneurs, qui estoient neutres, se mirent en deuoir de pacifier le tout. Mais il falut encore que le conseil s'en melast. L'arrest fut prononcé en faueur de Dom Augustin, & de ses partisans.

68  
Dayfusama accusé.

Asonodangio n'en pouuant honnestement appeller, le voulut faire retracter par force, & attira peu à peu si grand nombre de Seigneurs à son party, que dans peu de iours il mit tout le Japon en trouble. Gibunoscio se declara aussi contre Dayfusama, disant qu'il entreprenoit sur le gouuernement plus que sa charge ne portoit, & donnoit à cognoistre qu'il se vouloit rendre seul maistre de la Tense, principale piece de la Monarchie du Japon. Les affaires allerent si auant, que chacun ayant pris les armes pour son party, Gibunoscio, & les autres Regens firent proposer à Dayfusama certains articles esquels il excedoit son pouuoir. Dayfusama leur rendit fort bon compte de toutes ses actiōs & dissimula pour lors tres-à propos. Mais peu de iours apres il fit venir de ses propres terres & domaines plus de trente mille combattans, à l'abry desquels il attendit long temps que ses mal-veillans l'attaquassent.

TOUTE la noblesse du Japon estoit pour lors en cour, & suiuant l'ordonnance du feu Tayco se retiroit partie à Fuximi, forteresse voisine de Meaco; partie à Ozaca, pour rendre plus d'honneur au ieune Prince : Qui fut cause qu'on veid tout à coup les plus grands diuisez en deux factions; les vns suiuaus Gibunoscio & les Regens; les autres adherans à Dayfusama, quoy qu'à l'exterieur il se monstraist amy de tous. Ce bruit espars par les contrées voisines, les soldats commencerent à courir chacun vers son Chef & Seigneur : Tellement qu'en bref s'assemblerent à Fuximi & Ozaca, plus de deux cens mille combattans. Chaque Seigneur setenoit en son hostel, entouré de gens

en armes, comme s'il eût esté assiégé. Les ruës estoient <sup>LES V S-</sup>  
couuertes de soldats, qui alloient & venoient nuit & iour, <sup>CHRIST</sup>  
auec vn tel bruit & tintamarre, que si la terre eût deu fon- <sup>1599.</sup>  
dre entre ces deux forteresses. Ils marchoiẽt neantmoins  
tous auec vn tel ordre, & portoient tel respect les vns aux  
autres, que pendant ces rumeurs qui durerent plusieurs  
mois, quoy que les diuers partis se rencontraissent tous les  
iours, il n'y eut toutesfois personne qui mit la main à l'es-  
pée. Chacun se gardoit de commencer, & les chefs l'a-  
uoient expressement deffendu à leurs subiets, sous peine  
de la vie, craignant le carnage qui eust suivi.

Tandis comme chaque chef pratiquoit d'attirer à son par-  
ti le plus de gens qu'il pouuoit, celuy de Dayfusama creut  
tant par le moien de ceux qui quittoient Gibunoscio, que  
comme victorieux il demanda que Gibunoscio se fendit le  
ventre, à la mode du païs, assurant qu'il n'y auoit plus court  
moien pour mettre tout le Iapon en repos. Mais comme  
Dom Augustin, & quelques autres Seigneurs Chrestiens,  
auoient presté l'espaule à Gibunoscio, ils apprehenderent  
que le chef s'estant deffait soy-mesme, tous les adherens  
tourussent fortune de leur vie. Qui fut cause qu'ils se roidi-  
rent pour sauuer la vie à Gibunoscio.

DAYFVSAMA cependant croissant de iour à autre en  
forces, s'empara vne nuit de la forteresse d'Ozaca, où estoit  
le ieune Prince, auec ses Gouernãs, & Gibunoscio tout au-  
pres, quoy que hors du fort, & dans son Palais particulier,  
gardé par six mille archers. Cette entreprise fut si dextre-  
ment executée, que Dayfusama se rendit maistre de la place,  
& de tout ce qui estoit dedans, auant que ses aduersaires en  
fussent aduertis. Coup qui affoiblit tellement le party de  
Gibunoscio, qu'il fut contraint de se retirer à Fuximi, où  
Augustin le suiuit comme son grand amy, resolu d'y finir ses  
iours. Dayfusama partit aussi d'Ozaca, & suiuit les aduer-  
saires à Fuximi, où quelques grands Seigneurs traicterent  
la paix entre les deux partis, & firent tant que Day-  
fusama se contenta que Gibunoscio renonçast à sa di-  
gnité, ne se meslast plus du gouvernement du petit  
Prince, & se retirast auec ses troupes en son Roiaume

69

Deux cens  
mille com-  
battans.

70

Hardie de-  
mande de  
Dayfusa-  
ma.

71

Se faist  
d'Ozaca.

72

Gibunof-  
cio hors de  
la cour.



IESVS-CHRIST 1599. d'Omi. Cét accord conclu, Gibunoscio partit de Fuximi, avec vn fils de Dayfusama, qui luy fut baillé comme en ostage, pour le conduire dans ses terres. Augustin le voulut encores accompagner, mais il ne le permit pas, se recognoissant par trop obligé enuers luy pour la fidelité qu'il luy auoit tesmoignée en cét affaire. Pour laquelle il fut tant estimé en cour, que Dayfusama mesme ne cessoit de l'en loüer, disant, qu'un Seigneur si loial enuers son amy, comme Dom Augustin s'estoit monstre enuers Gibunoscio, hazardant ses biens & sa vie pour luy, estoit digne de tres-grand honneur; & qu'il desireroit en recouurer bon nombre de semblables.

DAYFVSAMA aiant ainsi pacifié tous les tumultes du Japon, sans coup ferir, permit bien que les Regens, qui estoient près du ieune Prince, le gouuernassent comme auparavant, quant à l'apparence exterieure, pour faire croire qu'il ne pretendoit qu'exécuter la volonté du feu Tayco; mais en effect tout passoit par ses mains; & les Regens ne faisoient que ce qui luy agreoit.

---

*Deux borrasques suscitées contre nostre Compagnie au Japon,  
l'une par Tarazaba, Gouverneur de Nangazaqui:  
l'autre par Fruyn Prince de Firando, & du  
bien que Dieu en tira pour sa gloire.*

## CHAPITRE XI.



TARAZABA Gouverneur de Nangazaqui, estoit à Meaco, durant les troubles que nous venons de coucher, & trouua fort mauuais que le P. Organtin y fût retourné sans son congé. Parce qu'il craignoit d'estre accusé du tort qu'il nous auoit fait, rasant nos Eglises & quartiers du Ximo. Crime qui estoit plus que suffisant pour le priuer du Gouuernement de Nangazaqui,

veule nouuel estat des affaires. Craignant donc cete perte, ou quelque plus grand mal, il commença à nous brauer & enuoia dire au P. Organtin, qu'incontinent & sans delay il rebroussât chemin vers Nangazaqui, seul lieu où nous auions congé de resider dans le Iapon, selon son dire: Autrement & à faute de ce, il diroit & feroit choses qui nous cuiroient. Il escriuit sur ce mesme sujet au P. Vice-prouincial, menaçât de nous faire obeïr à la guise encore qu'il n'en eût aucun pouuoir. Car le P. Organtin estoit pour lors hors son ressort.

DE fait il manda soudain à son Lieutenant de Nangazaqui, Payen comme lui, qu'il se bandât entierement contre nos Peres, faisant du pis qu'il pourroit, & ne permettant qu'aucun Chrestien entrât dans nostre Eglise. Cete ordonnance fut receuë à Nangazaqui la sepmaine sainte, & sur le champ executée par le Lieutenant du gouuerneur, avec telle rigueur, qu'il prit, & voulut faire pendre deux Chrestiens, qu'il trouua prenans la discipline; & fit endurer mille indignités à plusieurs autres.

74  
Nous vexé  
à Nanga-  
zaqui.

Nos Peres en furent tellement inquietés & troublés, qu'ils escriuirent au P. Alexandre Valignan qui pour lors visitoit le Iapon, qu'il estoit du tout necessaire de transporter le Seminaire de Nangazaqui, & enuoier nos Religieux ailleurs laissant là seulemēt quelques Peres pour assister aux Chrestiens. Le P. Valignan enuoia le P. Iean Rodriguez à Meaco; escriuit au Sieur Augustin, confederé de Tarazaba, les griefs que nos Peres auoient souffert à Nangazaqui, le suppliant de lui remonstrer comme nous n'estions au Iapon que pour precher la loy du vrai Dieu, pour laquelle nous estions prests à espandre nostre sang iusques à la derriere goutte. Qu'il tint pour chose tres-certaine, que s'il lui plaisoit nous fauoriser en cete nostre entreprise à la gloire de Dieu, nous le verrions tousiours tres-volontiers gouuerneur de Nangazaqui. Les Chrestiens de Nangazaqui enuoierent aussi vers Tarazaba pour ce mesme effet, vn des plus anciens d'entre eux.

LE P. Rodriguez arriuant à Meaco, fut fort courtoisement receu par Dayfusama, & les principaux de la Cour:



JESVS-  
CHRIST  
1599.

Pere Ro-  
driguez à  
Meaco.

trahait avec Tarazaba, & lui osta les ombrages qu'il auoit contre nous. Le Sieur Augustin, & le Chrestien deputé par les habitans de Nangazaqui, lui en parlerent aussi, de sorte qu'il fut content de nostre Compagnie, voire marri de l'en-nui qu'il lui auoit causé. En preuue dequoi il escriuit de toute autre ancre à son Lieutenant, lui commandant de se comporter tellement enuers les Chrestiens & nos Peres, qu'ils cogneussent par effet cōbien il desiroit les contenter. Nos Peres remarquerent bien-tost à Nangazaqui les effets de cete letre, voyant nostre Eglise autāt frequentée par toute sorte de personnes, comme si le Tayco nous eût de son viuant permis de precher librement par tout le Japon.

76

Dayfusama  
ne contre-  
quarre les  
Chrestiens.

LE P. Rodriguez parla aussi à Dayfusama, du restablissement general de nos Colleges & maisons; auquel il se montra fort enclin. Il dit neantmoins que nos Peres deuoient auoir encores vn peu de patience; d'autant que s'estant fraichement purgé de la calomnie qu'on lui auoit mis sus, comme s'il vouloit enfreindre les loix du feu Tayco; il ne nous pouuoit si tost permettre ce que Tayco nous auoit defendu. Mais que le temps pourueroit au tout. Desquels propos tous les Chrestiens conclurent que Dayfusama, ne s'opposeroit pas à la Predication de l'Euangile. C'est ainsi que chacun croit aisement ce qu'il desire le plus.

77

Firando &  
Fruyn.

A peine fut appaisée la susdite borrasque, qu'il s'en leua vne autre plus horrible & dangereuse à Firando. Voici cōment. Vn des plus grands ennemis que la loy de Dieu eût au Japon dès son commencement, fut Fruyn Roi de Firando, Prince tres-adonné au culte des idoles. Lequel neantmoins ne se declara iamais ennemi public des Chrestiens, du viuant de son pere nommé Doca, hōme prudent, & qui prisoit grandement la loy Chrestienne quoi qu'il fut Payen. Mais comme le vieillard eût fermé l'œil, qui fut sur le commencement de cete année, tandis que toute la noblesse estoit à Meaco, pour estrener le nouveau Prince, ce Fruyn qui commandoit mesme du viuant de son pere, escriuit de la Cour de Dayfusama, à son fils, & autres qui gouernoient à Firando en son absence, commandant à son fils de faire tant avec la prin-

celle sa femme, qu'elle renonçât à la foy Chrestienne; à faute de quoi il la repudiât, & chassât soudain de sa maison: Enjoignit aussi aux gouverneurs, de faire entendre de sa part à la noblesse comme il vouloit plus tolerer les Chrestiens en ses terres, ains desiroit que pour rendre le dernier deuoir à son pere, & celebrer ses obseques, suiuant l'ancienne coutume du Iapon chacun quittât la loy des Chrestiens. Recommandant tout au Prince son fils, comme aux gouverneurs, prompte execution de cette sienne ordonnance.

IESVS-  
CHRIST  
1599.

LES Seigneurs à qui cet Edit fut intimé, estoient les principaux de tout le Roiaume de Firando, proches parens du Roi, tres-riches & tres-vaillans de leurs personnes. Le premier estoit Dom Hierome, qui auoit trois freres, vn fils jà grand, qu'on nommoit Thomas; & vn cousin germain nommé Baltazar, tous bons Chrestiens, & braues Seigneurs. Fruyn auoit commandé qu'on commençât l'execution de sa volonté par ceux là, comme par les plus remarquables parmi quatre mille Chrestiens, estimant qu'ayant abatu les chefs il viendrait aisement à bout des autres.

78

Gentils-  
hommes  
Chrestiens  
à Firando.

À l'abri de cete impie ordonnance, toutes les forces d'enfer s'armerent pour la destruction, de la plus ancienne Eglise qui fut au Iapon. Car il y auoit nombre de Chrestiens baptisés cinquante ans auparauant; qui se trouuoient obligés à perdre les biens & vies, ou la foy. Ils respondirent tous qu'ils estoient Chrestiens de longue main, qu'ils tenoient la foy de pere en fils, disposés à obeïr au Tono, leur creance sauue: Mais qu'ils mourroient plutost que manquer à leur foy. Puis escriuirent à l'Euesque pour estre instruits de ce qu'ils deuoient faire en ce cas. Se recommanderent aussi aux prieres de nos Peres de Nangazaqui, d'où le P. Valignan leur enuoia vn nouueau pere, pour se joindre aux quatre qui étoient à Firando, & leur donner le conseil conuenable au temps.

CEPENDANT les gouverneurs desirans sur tout faire condescendre les Chrestiens à la peruerse volonté du Tono; & craignans qu'ils ne se defendissent par armes; vserent de beaucoup de ruses & inuentions, pour descouvrir s'ils feroient quelque secretae assemblée, ou brasseroient quelque reuolte. En fin ils sceurent que la



An de 144

LIVRE XII. DE L'HISTOIRE

IESVS-  
CHRIST  
1599.

79  
Resolution  
des Chre-  
stiens à  
Firando.

plus part des plus apparens estoient resolu de quitter les terres de Firando, & se retirer ailleurs. A ces fins plusieurs engageoient ia leurs possessions, vendoient leurs meubles, faisoient prouision de vaisseaux pour s'embarquer. Dequoy auertis les Gouverneurs, dresserent promptement quelques troupes, pour leur boucher les yssuës. Si bien qu'il fut necessaire que les Chrestiens dissimulassent pour lors. Les Gouverneurs se resolurent aussi de ne passer outre, & ne presser dauantage les Chrestiens, remettant le tout à Fruyn, le retour duquel ils attendoient de iour en iour.

COMME ce trouble sembloit appaisé, les Seigneurs Chrestiens considerans que Fruyn reuenant de la Cour, ne les laisseroit pas en paix, & comme c'estoit vn terrible esprit & demy fol, leur osteroit parauenture le moien de sortir de ses terres; ils se resolurent d'en partir au plustost. Ce qu'ils tramerent si secretement que leurs propres seruiteurs n'en sceurent rien que la mesme nuit, & sur l'heure qu'ils furent prests à s'embarquer. Vn des Freres de Dom Hierosme, qui pour lors estoit ailleurs, n'en fut auerti que deux heures auant qu'on leuast les ancrs. Le signal donné de nuit, parce qu'ils s'embarquoient en diuers lieux esloignez les vns des autres, ils se ietterent plus de six cens personnes de tous âges & sexes dans certains vaisseaux, ne portans la plus part que ce qu'ils auoient sur le dos, & Dieu leur donnant bon vent arriuerent promptement à Nangazaqui, cōblez d'une indicible ioie & contentement, pour auoir esté trouuez dignes de perdre leur païs, maisons, rentes, reuenus, & tout ce qu'ils possedoient, pour le nom de IESVS, & pour conseruer leur foy; sans tenir compte des trauaux & miseres qui suivent les exils, quoy que volontaires. Car pour estre volontaires ils ne laissēt pas d'estre exils. Ce fut vn des plus heroïques actes de vertu qu'on eût encores remarqué au Japon, & qui eclatta le plus à la gloire de Dieu, les Chrestiens protestans par cete constance la verité de nostre sainte Foy; & à la confusion des Payens & idolatres qui ne trouuoient parmy les leurs, vn tel courage, pour maintenir leurs sectes.

QVOY qu'il se presentast en cet endroit deux grandes difficultez.

80  
Se retirent  
à Nanga-  
zaqui.

difficultez. La premiere procedoit d'une loy du feu Tayco, <sup>LES V S.</sup>  
estroitement obseruée au Iapon, par laquelle il deffen- <sup>CHRIST</sup>  
doit à toute sorte de vassaus, de partir des terres de leurs <sup>1599.</sup>

Seigneurs sans particulier congé de leur Tono ; voulant  
que quiconque contrenueroit à cette loy peût estre tué  
par son Tono la part où il le trouueroit : & commandant à  
tous ceux qui cognoistroient telles personnes de les liurer à  
leurs Seigneurs. La seconde difficulté s'ouuroit, de ce que  
les Chrestiens de Nangazaqui n'auoient commodité de loger  
une telle multitude de gens, degarnis de tous moyens &  
prouisions de bouche. Car au depart ils n'en auoient pris  
qu'autant qu'il leur en faisoit besoin pour arriuer à Nanga-  
zaqui. Mais la charité Chrestienne surmonta toutes ces  
difficultez. Ils furent donc logez en certain lieu assez com-  
mode, où auoit esté auparauant nostre College, un quart de  
lieu près de Nangazaqui, hors la iurisdiction de Tarazaba,  
& en certaines loges abandonnées par les Portugais, qui  
estoyent dans le destroit d'Omura, où le simple peuple en  
dressa quelques autres. Si bien que finalement tous fu-  
rent logez & pourueus de viures & autres choses necessai-  
res, par le moien de nos Religieux, qui tenoient pour tres-  
bien employé tout ce qu'ils leur fournissoient. Dequoy  
tous les Chrestiens furent tres-bien edifiés ; Voians que  
pour secourir ceux qui abandonnoient leurs biens & pais  
pour la confession de la foy Chrestienne, nos peres n'epar-  
gnoient le peu de moiens qu'ils auoient, & ne redoutoient  
aucun danger.

83

Charité  
enuers les  
refugiez.

FRUYN estant de retour à Firando, & se trouuant de-  
bouté de ses esperances, par la constance des Chrestiens,  
fut bien marry d'auoir entrepris ce qui luy auoit si tri-  
stement succédé ; & ne voulut plus permettre qu'on mo-  
lestast les Chrestiens en ses terres : quoy que par brauade il  
commanda qu'on mît le feu aux maisons de quelques vns  
qui s'estoient absentez, & faisant semblant d'estre bien  
aise qu'ils eussent vuidé le pais, fit tirer quelques coups  
de canon, disant : Voila pour la loy nouuelle que j'ay chas-  
sée de mes terres. Mais peu apres recognoissant la faute  
que luy feroient les Capitaines & soldats qui s'estoient

84

Frυν  
change  
d'opinion.



**LES VSC** retirez à Nangazaqui, il tança ses Lieutenans de ce qu'ils  
**CHRIST** auoient esté si rigoureux enuers la noblesse; & leur com-  
 1599. manda d'auoir l'œil que personne plus ne sortit de ses ter-  
 res. Si ne pouuoient-ils pas tellement faire qu'il n'en coulât  
 tousiours quelqu'un vers Nangazaqui, où les refugiez mon-  
 toient au nombre de huit cens.

85

Constance  
de la Prin-  
celle.

**MADAME** Mencia sœur du Roy d'Omura, & femme  
 du Prince de Firando, ne se monstra pas moins constante  
 en la foy, durant cette persecution, que les Seigneurs Chre-  
 stiens, desquels nous venons de parler. Car son propre ma-  
 ry luy aiant signifié, comme Fruyn son pere, homme fort  
 constant en ses resolutions, auoit ordonné que les Chre-  
 stiens habitans dans ses terres, renonçassent à la foy, & que  
 comme Princesse elle monstrast le chemin aux autres, au-  
 trement qu'il la repudieroit: Cette vertueuse Dame, à qui  
 tels rencontres n'estoient pas nouueaux, luy répondit har-  
 diment qu'à la verité ce luy seroit vn extreme creue-cœur  
 de se voir esloignée de son tres-cher espoux, & de ses trois  
 enfans. Neantmoins que c'estoit la moindre chose qu'elle  
 voudroit souffrir pour la foy de Iesus-Christ, estant preste  
 de mourir cent mille fois, si faire se pouuoit, plutost que de  
 la quitter.

**P O U R** montrer par effet la fermeté de son courage, el-  
 le prit dès lors congé de son mary, & se retira dans vn  
 corps de logis à part, d'où elle escriuit soudain à son  
 frere Omurandono, le priant de luy enuoier escorte pour  
 la conduire, parce qu'elle ne pouuoit plus viure aupres de  
 son mary, sans grand hazard de sa foy, & desiroit mourir  
 mille fois plutost que d'offencer la Majesté diuine par vn si  
 execrable peché que son mary luy vouloit faire commettre.  
 Elle escriuit le mesme à l'Euesque, & à quelques-vns de nos  
 Peres, les priant d'implorer pour elle l'aide de Dieu en cete  
 sienne necessité.

86

Change-  
ment de son  
mary.

**C E P E N D A N T** la resolution de Madame Mencia pene-  
 tra tellement le cœur de son mary, que comme il l'aimoit  
 uniquement, tant pour ses rares perfections, que pour les  
 trois fils qu'il en auoit eus; ne luy aiant intimé le comman-  
 dement de son pere, que par maniere d'acquit, dautant

qu'il n'estoit pas beaucoup contraire à la loy de Dieu pour son particulier; il changea bien-tost d'opinion & de langage; la fut trouuer, & luy dit que veu qu'elle affectionnoit tant la loy Chrestienne, elle la suiuit, & vescu hardiment à sa guise. Mais ce sera tousiours à recommencer, luy dit-elle. Il vaut mieux que ie m'en retourne tout à fait vers mon frere: nous serions tousiours en noise: Et ie ne veux pas courir fortune de mon salut. Vous n'en oirés plus parler, luy dit le Prince: Iamais plus ie n'en ouuriray la bouche. Parole qui la contenta si bien qu'elle ne partit pas de Firando. Ce fait luy acquit vne louange eternelle, tant enuers les Chrestiens, que parmy les Payens mesmes, qui s'estonnoient de veoir vne si ieune Princesse, viure parmy tant de Payens, & perseuerer si constamment en la foy, qu'elle aimoit mieux perdre son estat, ses enfans, & son bien-aimé mary, que manquer au deuoir d'une bonne Chrestienne.

L'EXEMPLE de sa vertu ne s'arresta pas là. Caraiant acquis la victoire, que nous venons d'escrire, sur son mary, elle apprit comme les Gentils-hommes Chrestiens s'estoient eux-mesmes bannis de Firando, & retirez à Nangazaqui; Surquoy elle se mit à penser que n'en faisant autant pour la confession de la foy, on la pourroit estimer basse de cœur, & trop sujete aux volontez de son beau-pere. Ce qu'elle escriuit au long à son frere, le suppliant de l'enuoier querir au plustost, à ce que se priuant volontairement de ses honneurs & commoditez, elle rendit à toute l'Eglise vn certain tesmoignage de sa foy.

87

Autre traitt  
de sa con-  
stance.

SON mary oyant ces nouuelles, se trouua en tres-grande peine pour l'appaiser. Il recogneut lors combien estoit exorbitant l'Edict par lequel son pere auoit ordonné que ses vassaux quittaissent la foy Chrestienne. Edict qui l'auoit priué de si grand nombre de braves Capitaines, & bons soldats, qui iamais ne l'auoient offensé, ains tousiours maintenu la maison de Firando; & sur ce point le mettoit en hazard de perdre sa chere moitié. Cette apprehension luy donna si auant en l'ame,

88

Et transe  
de son ma-  
ry.



An de 148

LIVRE XII. DE L'HISTOIRE

IESVS-  
CHRIST  
1599.

qu'il s'en alla droit à son pere, qui estoit de retour de la cour, & luy dit entre autres choses : Si vous me parlez iamais plus de molester ma femme, en ce qui est de sa foy & religion Chrestienne, ie m'en iray avec elle, & quitteray du tout Firando.

DURANT ces tranfes Omurandono secourut son beau-frere sans autrement y penser. Car il escriuit à Madame Mencia sa sœur, que veu qu'elle auoit permission de viure en Chrestienne près de son mary, il ne trouuoit pas à propos qu'elle changeast de demeure. Que si chose aucune arriuoit au contraire, qu'elle l'en aduertît : qu'il l'enuoiroit promptement querir. Nos Peres luy escriu-  
rent le mesme. Si bien qu'elle acquiesça à ce conseil, & vescu depuis si contente, & en telle reputation, que plusieurs esperoient que par son moien Dieu conuertiroit son mary à la foy.

---

*Fruit tiré de diuerses Missions extraordinaires faites  
au Iapon l'an quatre-vingt dix-huict,  
& dix-neuf.*

CHAPITRE XII.



LE Pere Jean Baptiste ayant esté enuoyé à Oyan gaigna tellement le cœur des habitans du lieu, & des voisins, qu'il fut necessaire de luy fournir du secours, pour instruire ceux qui demandoient le saint Baptême. A quoy ils s'emploierent si fermement, qu'en moins de six mois plus de trente mille Payens se firent Chrestiens. A cette bonne œuvre ayda beaucoup le Sieur Iacques Sacniman, vn des principaux vassaux de Dom Augustin, qui gouuernoit tout ce quartier là. Cetui-cy retournant de la guerre du Coray fut à Nangazaqui, auant que se retirer en sa maison, visita Monseigneur l'Euesque, se confessa, & receut

de sa main le tres-sainct Sacrement de l'Eucharistie, pour remercier la diuine bonté, disoit-il, des biens qu'il lui auoit pleu faire à Dom Augustin, à lui mesme, & à leurs trou-  
 pes, les deliurant plusieurs fois miraculeusement de tres-  
 grands dangers.

A IANT accompli sa deuotion il demanda fort instamment à Monseigneur l'Euesque le sainct Cresme, qui lui fut administré fort solennellement. Il le receut aussi avec vne telle humilité & reuerence, qu'on apperceut clairement l'effet que cete nouuelle grace produisoit en son ame. Car retourné qu'il fut en sa forteresse de lateuxiro, desirant voir és autres ce qu'il sentoit en soi-mesme, il commença à traiter avec les principaux habitans de leur salut, & les conduisit tous au sainct baptisme. Ce feu diuin s'attachant peu à peu aux lieux voisins, quasi vingt-cinq mille personnes furent lauées des salutaires eaus du sainct baptisme. De là le feu du sainct Esprit rejaillit iusques en Vto, principale forteresse de Dom Augustin, distante huit lieux de lateuxiro, où furent en peu de iours conuerties six mille personnes. Vn autre de nos Peres fut aussi à Giamba, place dudit Sieur Augustin, sise vers le Royaume du Bungo, dix lieux plus auant que Vto, où il en baptiza plus de deux mille cinq cens. Bref la ferveur fut telle en tous ces quartiers là, que quatre de nos Catechistes tomberent tout à coup malades, de pure lassitude, & fut jugé necessaire d'octroier quelque peu de repos aux autres, afin qu'ils reprissent halene, pour continuer l'œuvre si bien encommencée.

Dom Augustin fut tres-aïse d'oüir à Meaco le grand progrès que nostre sainte foy faisoit en ses terres; & rescriuant au P. Valignan, visiteur de nostre Compagnie au Iapon, lui promit que soudain qu'il seroit de retour, il assigneroit du reuenu suffisant pour entretenir les Religieux de nostre Compagnie, qui seroient enuoiés pour resider à Fingo.

A R I M A N D O N O aiant perdu l'année passée Lucie sa femme, au grand regret de tous les Chrestiens se vassaux, resolut au commencement de cete-ci d'espouser vne grande Dame, fille d'un Cunge de Meaco. Elle estoit Payenne; mais le P. Alexandre Valignan, l'ayant catechizée, la baptiza,

LES VS-  
 CHRIST  
 1599.

90  
 25000. ba-  
 ptisés.

91  
 Autres con-  
 uersions.



An de 1590

LIVRE XII. DE L'HISTOIRE

IESVS-  
CHRIST  
1599.

avec plusieurs autres Dames, puis les espousa tous deux au grand contentement de toute l'assemblée. Le mesme Pere enuoia vn de nos Predicateurs vers Facata, & lieux circonuoisins, où ils conuertirent quinze cens personnes, en moins de deux mois. Bref nostre bñ Dieu se daigna nous ouurir cete année beaucoup de chemins pour la cōuersion des infidelles, par le moiē de quelques visites faites à diuers Seigneurs du Ximo, à l'occasion de leur retour premieremēt au Coray, & puis de la Cour de Meaco. Les principaux furēt le Roy de Saxuma: Cainocami Seigneur de la plus part du Roiaume de Bungo, Findenari Seigneur de la quatriesme partie du Roiaume de Chicungo: Itodono oncle d'vn de nos Religieux nōmé Mācio Ito, & Seigneur de la troisieme partie du Roiaume de Fiunga: Isafaidono, qui auoit ses terres entre Arima & Omura & en icelles plus de six mille Chrestieēs. Tous ceux-ci demandoient instruction, & permettoient aux Chrestiens de viure selon la loy Euangelique; & aux Payens de se faire baptizer s'ils vouloient.

92

Amanguci  
residende.

ON dressa cete mesme année vne nouvelle residēce en la citē d'Amāguci, où plus de cinq cens Chrestieēs s'estoiēt cōseruēs en la foy, depuis le tēps de S. François Xavier, qui leur precha tout le premier l'Euāgile; ainsi que nous auōs dit ailleurs. Le lieu estoit de grande importāce, tant parce qu'il appartenoit à Moridono, Seigneur de 9. Roiaumes; & le plus puissāt du Iapon apres Dayfusama; cōme parce qu'vn sien neveu & fils adoptif, s'y estoit retiré avec sa Cour, & faisoit beaucoup de caresses à vn de nos Peres qu'il auoit trouuē là.

93

Eglise neu-  
ue à Mino.

VN autre de nos Predicateurs aiant esté enuoie au Roiaume de Mino, esmeut tellemēt les Chrestiens de ces quartiers là, que par la permission de leur Seigneur qui estoit neveu de feu Nobunāga, & auoit esté baptizē quelques années aupara-uāt, ils emploierēt quatre cens escus à bâtir vne belle Eglise & bien capable. Sōme qui ne doit pas estre estimée petite au Iapon, où la plus part des edifices sont de bois, & plusieurs ouuriers trauaillent sans aucun salaire, qui par deuotion, qui pour s'acquitter des coruēes deuēs à leurs Seigneurs. Nos Peres en faisoiet fort grād cas, parce qu'elle estoit en la terre d'vn si noble & puissant Seigneur; & seulement à vingt

lieuës de Meaco; où plusieurs se conuertissoient à nostre sainte foy, & le nombre en eust esté beaucoup plus grand, sans vne extraordinaire occupation à laquelle quasi tous les nobles du Iapon se laisserent emporter à leur retour du Coray; Cefut de bâtir en diligence de nouvelles forteresses, rasant les anciennes: parce que du viuant du Tayco ils auoient appris de lui vne nouvelle façon de combattre, pour résister, à laquelle il falloit donner vne toute nouvelle forme à leurs forts & citadelles. Je la laisse dans les originaux; aussi est-ellejà changée au temps que j'escriis.

94  
Forteresses  
de nouvelle  
forme.

*Temple basti au feu Tayco suiuant son testament;  
& quelques prodigieuses apparitions de la  
sainte Croix.*

## CHAPITRE XIII.



Ov s auons marqué ci-dessus, comme le Tayco se trouuant au lit de la mort, & malgré son orgueil recognoissant qu'il ne pouuoit plus long-temps viure; au lieu de s'humilier sous la toute-puissante main de l'ynique autheur de la vie, & se recognoistre mortel; il voulut estre égale à ceux qu'il estimoit immortels, & tenu pour vn nouveau Mars du Iapon. A ces fins il commanda qu'on lui bâtît vn magnifique Temple, le plan & dessein duquel il laissa; voulant que son corps y fût inhumé, & sa statuë mise & posée, pour estre de tous adorée.

Nomb. 41.

Les susdites quereles appaisées entre les Regës, Dayfusama comme le chef du reste, fit bâtir ce Temple sur le modele que le defunct auoit laissé, le plus rare & excellent qui fût en tout le Iapon: puis celebrer l'abominable canonization du Tayco, le nommant le premier de tous les Camis; & faisant

95  
Apothecose  
du Tayco.



Ande 152

LIVRE XII. DE L'HISTOIRE

IESVS  
CHRIST  
1599.

transporter sa puante carcasse au nouveau temple; où ils dressèrent encore sa camuse statuë son ame infortunée s'estant allée loger en vn quartier bien plus conuenable à ses demerites.

96

Profit que  
Dieu en ti-  
ra.

CET infame spectacle seruit d'un beau & bien efficace sermon, contre les Camis & Fotoques du Iapon; & d'une solide confirmation de la verité Chrestienne & Catholique quenos Peres y prechoient tous les iours. Car les Payens mesmes qui auoient tant soit peu de cerueau & discretion, scachans que le Tayco auoit esté vn homme de tres-vicieuse humeur, & de pire vie, auare, lascif, arrogant, presomptueux: Qu'il n'eust moien de faire reüssir plusieurs de ses entreprises, ny se garentir de la mort: & voians à l'œil comme ses officiers, Agens & Regens du Iapon, l'honoroiët pour Dieu, & le reclamoient comme le plus puissant de leurs Demons; ils concludoient fort pertinemment & en tres-bonne consequence, que les autres Camis que leurs ancestres adoroient, auoient esté tous semblables. De fait le iour de cete profane feste la plus part disoient: Voila ce que les Peres de la Compagnie de IESVS nous ont si souuent dit & inculqué parlant contre nos Camis. Que c'estoient jadis des hommes pecheurs, & paraenture plus grands pecheurs que nous. Mais le pouuoir, le credit, les richesses, les ont esleués par dessus nous. Tels & semblables traits prononcés sur ce sujet confirmoient de plus en plus les Chrestiens en la foy, & faisoient rougir de honte les Payens

97

Croix venü  
à Iateuxiro.

Povr plus grande confusion de l'idolatrie du Iapon il pleüt à Dieu nous donner au mesme temps le moien d'arborer le roial estendart de la sainte croix, es quartiers de Fingo, appartenans au Sieur Augustin. Car le iour & feste de saint Marc Euangeliste, plusieurs jeunes enfans, s'en estans allés faire oraison deuant vne croix plantée au milieu du Cemitiere de Iateuxiro, vn d'iceux, qui auoit nom Marc, vid vne autre croix esclatante de lumiere, qui paroissoit près celle du Cemitiere. Dequoi il auertit soudain ses compagnons, qui descoururent aussi diuerses apparitions es enuiron de cete croix.

LE bruit de cette merueille aiant esté espars par les lieux circonuoisins

circonuoifins, il y accourut d'Arima & dès enuiron, grand IESVS-  
nombre de gens de toutes qualités. Les vns voioient diuer- CHRIST  
ses croix, les autres n'en voioient qu'une: les autres deux. 1600.

Quelques vns ne voioient du tout rien. Plusieurs de premier abord, ne voioient que la Croix du Cemitiere: Mais apres auoir vn peu prié Dieu, ils en descouuirioint plusieurs comme les autres. Ces apparitions arriuoint tantost de iour, tantost de nuit; tantost d'un, tantost d'autre costé de cete croix: tantost de la mesme grandeur: par fois aussi plus grandes & plus petites. Plusieurs y alloient & demeuroient long-temps, sans rien voir de nouveau. Mais soudain qu'ils faisoient quelque acte de cōtrition, & de repentance de leurs fautes, ils voioient non seulement les Croix, ains plusieurs autres figures qui leur causoient vne grande douleur de leurs pechés, & deuotion. Ces merueilles durerent environ trois mois. Dieu seul en sçait l'occasion. Mais les effects furent tres-bons & tres-clairs. Car plusieurs rentrerent en eux mesmes, pleurerent amerement leurs fautes, s'en confesserent, & amenderent leurs vies. Plusieurs furent de plus en plus cōfirmés en la foy Catholique, & meus à louer Dieu, pour les auoir rēdus dignes de voir ces merueilles. Bon nombre de Payens se resolurent d'embrasser la foy Catholique. Plus de vingt-cinq mille furent baptizés, comme nous auons dit ci-dessus.

98  
En diuerfes  
façons.

Nomb. 89.  
& suuans.

MONSEIGNEVR l'Euesque deüement informé de tout ce que dessus, par personnes graues & dignes de foy, en voulut auoir les auis de nos Peres, lesquels ouïs, il resolut de ne rien innouer. Car n'y estant arriué autre miracle que les apparitions que nous venons de cotter, il trouua plus à propos de laisser le peuple continuer en sa deuotion, iusques à tant que le temps descouurît ce qu'on y deuoit faire de plus. Il ordonna seulement que la Croix du Cemitiere (qui estoit assés petite, & décroissoit tous les iours, parce que chacun enleuoit quelque piece pour relique) fut enchassée dans vne plus grande, & remise au mesme lieu, sous vn toit porté par quatre bons piliers, sans muraille és enuiron, afin que le peuple peût plus commodement continuer sa deuotion.

99  
Ordonnan-  
ce de Mon-  
seigneur  
l'Euesque.



An. de 154  
IESVS-  
CHRIST  
1600.

## LIVRE XII. DE L'HISTOIRE

*Estat auquel se trouuoit la Chrestienté & nostre Compagnie es  
Isles du Iapon, sur le commencement de l'an seize  
cens ; & decés de deux Peres.*

### CHAPITRE XIV.

**D**E PUIS le decés du Tayco iusques à la fin de l'an quatre-vingt dix-neuf, nos Peres baptizerent au Iapon plus de quarante mille ames ; & l'an seize cens plus de trente mille, quoy qu'ils ne fussent en tout que cent & neuf, tant Prestres qu'autres. Vn nauire qui arriua cette année de la Chine, en porta quatorze : on en attendoit bien dauantage ; & la moisson qui iaunissoit en diuers endroits du Iapon, en eust bien occupé cent. Mais il se falloit contenter de ceux que Dieu enuoioit. Encore pleut-il à sa Majesté en tirer deux au ciel, comme leurs trauaux sembloient meriter.

100  
P. Gilles de  
la Mare  
DIOF.

LE premier fut le P. Gilles de la Mate, lequel ayant esté pour la seconde fois esleu en la Congregation Prouinciale pour retourner à Rome Procureur de la Prouince du Iapō, s'embarqua dans vne certaine sorte de nauire, qu'ils appellent Ionc, conduit par le Capitaine Nugnez de Mendoza, & prit la route de Meaco au mois de Feurier. Suiuant l'ordinaire train de la nauigation il y deuoit arriuer dans quinze ou vingt iours. Si sceut-on par lettres du mois de Iuillet, qu'il ne s'y estoit encore rendu. Les Marchands de Macao, voians que le Ionc tardoit tant à se ranger au port, s'imaginerent que les Portugais, n'ayant peu debiter leurs denrées à cause des reuolutions suruenues par la mort du Tayco, s'y feroient arrestez iusques à tant qu'ils eussent tout vendu. Sur cette vaine imagination le nauire du commerce ne passa cete année là de la Chine au Iapon, craignant de perdre beaucoup sur le prix des estoffes, si elle y arriuoit auant que

le Ionc en fût party.

MAIS ces bons Marchans se tromperent à leur grand dommage, & incommodité de nostre Compagnie. Car le Ionc estoit party, comme nous auons dit; & si le nauire du commerce fût allé de Macao au Iapon, il eust en partie reparé le dommage causé par la perte du Ionc, qui portoit quatre cens mille escus en or, & plus de soixante & dix Marchands Portugais, outre les autres passans. Nostre Compagnie y perdit beaucoup, tant en la personne du P. Gilles de la Mate, comme au secours qu'elle esperoit receuoir de Rome par ses diligences. Il n'auoit que cinquante & vn an, desquels il en auoit passé trente & trois en la Compagnie, homme de grande vertu, & infatigable au travail. Qui fut cause que trois mois apres son arriuée de Rome au Iapon, il fut derechef esleu pour y retourner; & accepta le travail avec vne telle ferueur, que tous ceux qui l'auoient esleu en furent grandement estonnez, & bien edifiez.

101  
Ionc per-  
du.

LE second qu'il pleut à Dieu appeller au repos eternal, fut le Pere Pierre Gomez pour lors Vice-prouincial du Iapon, âgé de soixante-cinq ans, quarante six desquels il auoit vescu en nostre Compagnie. Il estoit fort malade, & astmatic. Neantmoins il mourut d'une apoplexie, qui tout à coup le priua de la parole, & de tout sentiment. Peu de temps apres il reuint à soy, quoy qu'il ne peût parler, oioit & cognoissoit les assistans, monstrant de grands signes d'allegresse, particulièrement lors qu'on luy parloit du ciel, & qu'il deuoit bien tost comparoistre deuant Dieu. Le mesme symptome l'ayant le lendemain attaqué pour la seconde fois, luy osta la vie.

102  
P. Pierre  
Gomez  
mort.

VN de nos Religieux nommé Fara Martin, natif du Iapon, qui fut à Rome avec les autres Ambassadeurs l'an quatre-vingt & cinq, fit l'oraison funebre: & apres auoir traité en general de la mort discourut de la vie & des vertus du defunct, avec vne telle eloquence, qu'il tira quantité de larmes des yeux de son auditoire. Il dit entre autres choses que sa mort auoit esté soudaine; mais qu'elle ne l'auoit pas surpris. Car outre les quarante cinq

103  
Ses quali-  
tez.



An de 156

LIVRE XII. DE L'HISTOIRE

IESVS-  
CHRIST  
1600.

ans qu'il auoit passé en religiō, s'y disposant de iour en iour; il n'y auoit pas long temps qu'il s'estoit confessé generale-  
ment au Pere Visiteur; auoit souuent en bouche qu'il ne pouuoit long temps viure, & le mesme iour que l'accident luy arriua, il auoit dit fort deuotement la sainte Messe, selon la coutume. C'estoit vn vray modele de toutes vertus, homme doux, humble, patient, tres-prompt à l'obeïssance, fort illuminé es choses spirituelles, bref tres-deuot à nostre Dame, addonné à l'oraison & mortification, Predicateur vraiment Apostolique.

TANDIS qu'il fut en Portugal il desira ardemment, & demanda instamment à Dieu, & à ses Superieurs, d'estre enuoïé aux Indes, & de là au Iapon, qui estoit son centre. Y estant arriué, il escriuit que vingt-cinq ans durant il auoit demandé cette faueur à Dieu, & l'ayant obtenuë, il temoigna que les graces & faueurs que Dieu luy communiquoit en ces contrées là, meritoient bien qu'il en eût employé quarante à l'en requerir. Il ne vescu que seize ans au Iapon, & fut dix ans entiers Vice-prouincial, autant que dura la persecution du Tayco, qu'il supporta d'un inuincible courage, sans iamais changer de contenance.

APRES son decés nos Peres considerans que la longueur de la persecution, auoit refroidi grand nombre de Chrestiens, se resolurent de les confesser tous dans cette année, & avec la grace de Dieu en vindrent à bout. Ils firent rebastir plus de cinquante Eglises: mirent peine d'acquiescer nombre d'amis parmy la noblesse, pour trouuer du support parmy les guerres qu'on craignoit, de quel costé que les affaires penchassent. Les Peres Organtin & Morejon & deux autres de nos Religieux Iaponois, visitoient souuent Dayfusama, comme ils auoient accoutumé de faire Nobunanga, quoy qu'ils ne fussent appelez ny intimez. Dayfusama les voioit volontiers, & par fois encore les enuoioit querir, se montrant fort fauorable à la Chrestienté. Voila l'estat de l'Eglise du Iapon en gros, pour l'an mil six cens, Voyons desormais le fruit qui s'y fit en particulier,

104

Estat general du Iapon.

*Recueil de quelques actes de diuerses vertus, &  
autres choses d'edification, arriuées és  
quartiers de Nangazaqui,  
Arima, & Omura,  
l'an seize cens.*

## CHAPITRE XV.



PRE'S de la ville de Nangazaqui vn jeune Chrestien for vertueux, sçachant que son pere auoit esté condamné à mort pour certain crime, s'en alla prendre sa place, & fit tant qu'il fut justicié pour lui. Acte de charité que les Payens mesmes admirerent grandement, & aduoüerent ne pouuoir partir que d'un cœur Chrestien, n'aians jamais veu semblable fait parmi les idolatres, & n'attendant qu'il s'en y peût rencontrer.

105  
Charité du  
fils au pere.

Vn autre Chrestien demeurant près de Meaco, au scrui-  
ced d'un gentil-homme Payen, qui couroit fortune de perdre  
la vie, & les biens, pour certain excés qu'il auoit commis,  
s'en alla rendre prisonnier pour son maistre, fut condamné,  
& enuoïé à Nangazaqui, pour estre executé à mort. Com-  
me il fut prest à desloger, son maistre lui recommanda fort  
de ne mourir pas Chrestien, autrement qu'il abandonneroit  
ses femme & enfans, & iamais ne les assisteroit. Ce pauvre  
seruiteur & pour lors esclau de Satan, partit de Meaco,  
avec deliberation de s'accommoder à la volonté de son mai-  
tre. Mais certains Chrestiens qui l'accompagnoient en son  
dernier voiage, & vn de nos Peres qui l'assista au supplice,  
le firent tellement rentrer en soi-mesme, qu'il se confessa  
plusieurs fois auant mourir; & mourut si constamment, que  
les Chrestiens en furent grandement consolés; les Payens  
estonnés de sa fidelité enuers son maistre, & du peu de cas  
qu'il faisoit de sa femme & enfans, pour asseurer le salut de  
son ame.

106  
Du valet  
enuers son  
maistre.



An de 158

LIVRE XII. DE L'HISTOIRE

IESVS-  
CHRIST  
1600.

107  
Femme cõ-  
uerrie &  
exaucée.

VNE femme ayant depuis quelques ans desiré se faire Chrestienne, & ne pouuant se deffaire de ses idoles, tant Satan l'y tenoit attachee d'affection, tomba grieuement malade, & s'estimant estre à l'article de la mort quitta toutes ses idoles, & receut le saint Baptisme, apres lequel elle ne sentoit autre regret de mourir que pour ne veoir toute sa famille Chrestienne. Il pleut à Dieu qu'elle releuast de la maladie que tous les Medecins auoient iugé mortelle, & eut la consolation de voir toute sa famille baptizée. Entre autres biens receus du ciel apres sa conuersion, elle recognoissoit que Dieu luy auoit abbatu vne espesse nuée, & ombre de mort qui luy couuroit & chargeoit tellement le cœur, qu'il ne se pouuoit esleuer en Dieu, ny librement penser au ciel.

108  
Courage  
d'vne fille  
de douze  
ans.

EN certain bourg de Payens il s'en trouua vn, qui touché de Dieu dit vn iour : S'il y auoit icy vn Prestre, ie me ferois baptizer. Peu de iours apres vn de nos Peres passant par là pour visiter quelques Chrestiens, vne fille du susdit Payen, âgée de douze ans, s'en alla luy dire: Mon pere, ie vous ouïs dire n'aguères, que si quelque Prestre passoit icy, vous seriez Chrestien. En voila vn arriué. Vous ne pouuez vous dedire de vostre parole. Que si vous auez changé d'opinion, donnez-moy congé d'estre Chrestienne. Si vous me le refusez, ie quitteray vostre maison, & m'en iray chercher qui me rende Chrestienne. Ses pere & mere s'estonnerent grandement de sa resolution, & la firent baptizer.

109  
Conuer-  
sion d'vn  
Payen.

VN Payen aiant rencontré sur son chemin quelqu'un de nos Religieux, luy dit entre autres choses, qu'un de ses enfans Chrestien estoit mort en la guerre du Coray, pour l'ame duquel il desiroit fort prier. Mais se recognoissant indigne d'estre exaucé en tant que Payen, il desiroit se rendre Chrestien avec toute sa famille. Le Pere le Catechisa sur le champ : puis instruisit la famille. Tous furent baptizez, & assisterent deuotement à la Messe que le Pere dit pour l'ame du trespassé. Dequoy le bon homme receut vn tel contentement, qu'il offrit vne bonne aumosne pour

estre departie entre les pauvres.

Vn enfant de trois ans aiant esté esgaré, & ses pere & mere ne sçachant plus où le chercher, furent au conseil vers vn de nos Peres, qui leur conseilla d'auoir grande contrition & repentance de leurs pechés, recommander le petit à nostre Dame, à son Ange Gardien, & à saint Antoine de Pade, que plusieurs personnes inuoquent particulièrement pour trouuer les choses esgarées. Puis s'en alla dire la Messe de nostre Dame, parce que c'estoit vn Samedi, apres auoir recommandé cette necessité à tous nos Religieux qui estoient là, & aux Dogiques, ou Seminaristes qui enseignoient le Catechisme. Le mesme iour sur le midy on trouua le petit dans vn halier fort espais, où autre que Satan ne le pouuoit auoir jetté. Si estoit-il sain & sans aucune blessure, les prieres l'ayant preferué de mal. De quoi chacun loua & remercia Dieu.

IIIO  
Enfant de  
trois ans  
retrouué.

Vn Cauallier fort proche parent du Roid' Omura, aiant par vne damnable honte demeuré long-temps sans se confesser, tomba malade d'vne infirmité qui le priuoit souuent du iugement, en sorte qu'on l'estimoit possédé du malin-esprit. Vn iour cuidant estre à l'article de la mort, il enuoia en haste querir vn de nos Peres, se confessa, & incontinent apres commença à se porter mieux, & à prendre de la nourriture. Ce qu'il n'auoit fait de sept iours auparauant. Peu de iours apres, recognoissant qu'il s'estoit confessé trop sommairement, à cause du danger de mort qu'il craignoit, se trouuant beaucoup mieux, il se confessa derechef & par deux fois. Sur quoi Dieu lui rendit la santé. Depuis il aduoüoit auoir appris par experience, ce qu'on lui auoit dit souuent, sçauoir est que la confession guerissoit non seulement l'ame, en bannissant les pechés; ains par fois rendoit la santé au corps, en chassant les maladies. En recognoissance de ce benefice de Dieu, il donna vne place pour dresser vne Eglise en certaine sienne maiterie, fit de grosses aumosnes aux pauvres; & conseilloit à tous les amis de se rendre Chrétiens.

III  
Confession  
parfaite.



IESVS-  
CHRIST  
1600.

SANCHEZ Roi d'Omura estant à Meaco, logeoit chez vn riche Payen : & parce que c'estoit au temps de Carefme, il jeusnoit & tous les siens ; & par fois sur le tard prenoit la discipline. Ce bon exemple esmeut le maistre du logis à demander le saint baptesme. Vn de nos Catechistes le lui conféra, apres l'auoir instruit avec toute sa famille.

112  
Bon exem-  
ple & sa  
force.

VN jeune homme fils d'un Payen, estant allé voir quelques siens parens Chrestiens, se fit catechizer & baptizer. Retourné qu'il fut chez son pere, le voila sollicité à quitter la foy, on lui mit par force vn billet des idoles au col, comme vne marque d'infidelité. Mais il l'arracha incontinent, & le jetta au feu, & s'en retourna en terre des Chrestiens, aimant mieux s'esloigner de ses parens, que de s'escarter de Dieu.

113  
La mort des  
pauures.

CETE année mourut à Omura en trauail d'enfant Madame Catherine, femme du Roy Sanchez, & sœur du Roy d'Arima, qu'on appelloit la mere des pauures. Peu d'heures auant que rendre l'esprit à Dieu elle mit en main à vn de nos Peres certain codicille escrit de sa main ; & portant donation d'une grosse somme d'argent qu'elle vouloit estre employée au bastiment d'une Eglise, en aiant durant sa vie fait dresser plusieurs autres. Le P. Alphonse de Lucena Recteur de nostre maison d'Omura, disoit qu'il n'y auoit en toute la ville personne, que cete vertueuse Dame n'eût obligé par ses bien-faits ; aussi n'y eut-il en ses terres personne qui ne la regretât. Plus de cinq cens de ses vassaux, personnes nobles & honorables, se firent tondre pour tesmoigner leur dueil à la mode du païs. Tous nos Religieux qui viuoient sur ses terres, le P. Recteur du College de Nangazaki, avec plusieurs de ses sujets, Dogiques, & Chantres du Seminaire, assisterent à ses funerailles. Son mary fit dresser à costé de la grande Eglise vne Chapelle où elle fut enseuelie ; & deffendit sous grosses peines que personne ne se couppât le bout des petits doigts, comme les Iaponois ont coutume de faire lors que semblables personnes meurent ; declarant que telle ceremonie n'estoit agreable à Dieu, & qu'il se contentoit des prieres ou aumosnes qu'on voudroit faire pour l'ame de la defuncte.

114  
Doigs  
couppés &  
obseques.

CETE mesme année mourut aussi en nostre maison d'Omura, Nicolas le Iaponois, âgé de soixante & dix-sept ans, ancien ouvrier de nostre Compagnie, grand serui-  
 teur de Dieu, & qui ne cessa de travailler iusques au septiesme mois auant sa mort. Car autant luy dura sa derniere maladie. Le Pere qui luy administroit le Sacrement de l'extreme Onction, acheuant la derniere oraison du rituel, il finit ses iours, inuoquant doucement le nom de  
 IESVS.

IESVS-  
 CHRIST  
 1600.

115  
 Nicolas le  
 Iaponois  
 meurt.

LE Roy d'Arima fit cette année trois choses fort remarquables, & tres-vtiles pour l'auancement de la Chrestienté. La premiere qu'il visita toutes ses terres, avec le Pere Alexandre Valignan, qui luy conseilla ce voiage, pour faire veoir à ses subiets, combien il honoroit la loy Chrestienne, & respectoit ceux qui la prechoient. Par tous les lieux où il arriuoit, aiant fait assembler le peuple, il leur faisoit declarer de sa part, comme il entendoit & vouloit que chacun vescu en bon Chrestien, obeît à l'Eglise, & aux Peres qui la gouuernoient, en ce qui estoit de leur Salut. Bref que tous contribuassent à la reparation des Eglises ruinées depuis la persecution du Tayco.

LA seconde fut, qu'ayant espousé en secondes nopces vne grande Dame de Meaco, pour faire voir à ses proches combien il la prisoit & cherissoit, il luy fit bastir vn grand Palais vers le bord de la riuere pour la recevoir lors qu'elle voudroit aller d'Arima voir la Cour. S'en estant seruy enuiron vn an, & considerant combien la maison où nos Peres habitoient dans Meaco, estoit estroite, & mal commode pour y retirer le Seminaire, & bastir vne Eglise digne de la ville de Meaco, suiuant son dessein, il l'offrit au Pere Visiteur, lequel accepta volontiers ce riche don, & en remercia sa Majesté, comme le bien-fait meritoit. Cefut le premier Prince du Iapon, qui donna maison propre & logeable à nostre Compagnie.

116  
 Maison  
 propre à  
 Meaco.

LA troisieme chose remarquable qu'Arimandono fit cete année pour la Chrestienté du Iapon, fut vne Eglise qu'il voulut estre bastie joignant le susdit Palais, la plus somptueuse qui fût au Iapon. Le Pere Visiteur en traça



An de 162

LIVRE XII. DE L'HISTOIRE

LES V-  
CHRIST  
1600.

le plan. Plusieurs de ses Conseillers & Domestiques le degoustoient d'entreprendre vn si grand ouurage. Les vns disoient que Dayfusama n'ayant encore pleinement restably nostre Compagnie, se pourroit offencer si on entreprenoit ce nouueau bastiment à son desceu. Les autres luy remonstroient que tous ses ouuriers estoient occupés aux nouuelles fortifications de son chasteau, qu'il estoit mal-aisé de trouuer des artisans pour l'vn & pour l'autre, particulièrement au temps que quasi toute la noblesse faisoit trauailler : où qu'il faudroit interrompre quelque autre besogne. Mais le Roy passa par-dessus toutes ces difficultez, & se resoiut de faire trauailler pour Dieu plutost que pour soy-mesme; disant que pendant la guerre du Coray il auoit vouë à Dieu de faire bastir cete Eglise, qu'il scauoit bien l'inclination de Dayfusama, & ne craignoit rien de ce costé là. Bref qu'on quittaist plutost vn boulevard commencé près son chasteau, pour vaquer au bastiment de l'Eglise. Ce qui fut executé.

117

Eglise à  
Meaco.

*Des Isles de Xiqui, où l'Euesque du Iapon setenoit  
l'an seize cens : d'Amacuzza, Fingo, &  
lieux circonuoisins.*

CHAPITRE XVI.



118

Xiquilo-  
gis de Mô-  
seigneur  
l'Euesque.

L'EUESQUE du Iapon choisit pour sa demeure l'Isle de Xequi ou Xiqui, comme la plus escartée du bruit des allans & venans. Il exerçoit là son office pastoral. Les Chrestiens l'alloient trouuer de vingt lieues à la ronde pour receuoir le saint Sacrement de Confirmation. Il benit cete année les saintes huiles le iour du Iendy Saint en nostre Eglise, en grande solennité, comme c'estoit la premiere fois qu'on en auoit fait au Iapon. Il l'aua aussi les pieds publiquement à douze pauvres, à la façon de l'Europe; Ceremonie qui tira les larmes des yeux de la plus part des assistans.

LES Iaponois font grande feste pour leur nouuel an, qu'ils commencent le premier iour de la premiere Lune, qui tombe ordinairement au mois de Feurier. Tout s'en va en banquets, jeux, dances, ceremonies Payennes, à raison desquelles les Chrestiens se tenoient clos & couuerts ces iours là, pour ne participer à l'idolatrie de leurs voisins. Ce qui donnoit sujet aux Payens de dire, que la loy des Chrestiens estoit trop rigoureuse, veu qu'elle deffendoit les alegresses & courtoisies tant necessaires à la vie humaine; & par ce moyen detournoient plusieurs de se conuertir. Ce que sçachant le Pere Visiteur, & cognoissant combien il est difficile d'abolir tout à coup les anciennes coutumes d'une nation nourrie à l'idolatrie, supplia l'Euesque d'y apporter quelque salutaire remede. Ledit Seigneur en consulta avec quelques uns de nos Peres, n'ayât pour lors autre Chapitre ny Clergé, & institua vne feste qu'il nomma nostre Dame de la protection, Ordonna qu'on la solennizât par tout le Iapon, le premier iour de la premiere Lune. Sans rien alterer en nostre feste de la Circoncision, que les Iaponois gardent avec grande deuotion, le iour qu'elle eschoit. Nos Peres qui publierent cete nouuelle feste par toutes les Eglises du Iapon, instruisirent quand & quand le peuple, comme Dieu ne deffendoit pas aux hommes de se resiouir s'ils vouloient, au commencement del'an Lunaire, pourueu qu'on n'y fust d'aucunes ceremonies profanes; leur declarant plus particulièrement ce qu'ils pouuoient faire, & de quoy ils se deuoient garder. On ne sçauoit croire comme cete nouuelle feste fut bien venue; & combien de faueurs extraordinaires Dieu departit aux Iaponois, par l'intercession de la tres-sainte Vierge & mere de Dieu.

IESVS.  
CHRIST  
1600.

119

Nostre Dame de la Protection feste nouuelle.

Es terres de Konzura, residence qui dependoit de nostre maison de Xiqui, les habitans de certain village, aians receu le saint Baptisme peu auant la persecution, n'auoient peu estre plainement instruits de tout le deuoir d'un bon Chrestien. D'où vint qu'une trop simple ou malicieuse vieille cacha pour lors vne Idole, que depuis, & durât la persecution, elle remit en honneur dans sa maison, inuitant ses voisins à la visiter. Si bien qu'en peu de temps elle peruertit tous les



**I**ESVS-CHRIST 1600. habitans d'un bourg, hommes & femmes. Dequoy aduertuy vn Dogique qui passoit par là, entra dans la maison, & enleva l'Idole. La vieille se prit à crier au voleur, & importuner qu'on luy rendit son Fotoque; ainsi nommoit-elle l'Idole. Le Dogique se retira chez vn Chrestien, où il fut assiégé par plus de six-vingts personnes en armes, qui menaçoient de tuer tout, si on ne leur rendoit l'Idole. Ce qui ne l'estonna point pourtant, parce qu'il estoit resolu de mourir plustost que d'en vider ses mains.

120  
Idole ren-  
versée.

IL sortit donc hardiment vers cete troupe armée, & les rança tous aigrement, de ce qu'ayans receu le saint Baptême ils retournoient au culte des idoles. Souvenez-vous, leur dit-il, Souvenez-vous de la foy que vous avez promis à Dieu. Vous estes tous vassaux du Sieur Augustin. Si ce bruit vient à ses oreilles, il y en aura de mal-contens. Cete iuste menace les estonna tellement, qu'ils se retirerent chacun chez soy. Depuis aiant sceu que les officiers de Dom Augustin auoient eu le vent de ce tumulte, ils furent à Cozura, crier mercy au Pere de nostre Compagnie, qui auoit charge de la maison: Lequel leur obtint pardon du passé. La vieille s'absenta craignant la iustice, laquelle fit brusler sa maison en haine de l'idolatrie.

121  
Eucharis-  
tie & la  
vertu.

EN la residence d'Amacusa deux de nos Peres auoient charge de quarante-cinq Eglises, esparées par les montagnes. Ce qui leur donnoit beaucoup de peine pour visiter les malades, consoler les affligés, passer d'un village à l'autre pour dire la sainte Messe. Ils confesserent cete année plus de cinq mille personnes. Vn nouveau Chrestien affligé depuis huit ans d'une grieve maladie, pria le Pere qui le visitoit de l'admettre à la Sainte Communion; & receut le tres-saint Sacrement avec telle foy, reuerence & deuotion, que depuis il ne fut plus assailli de son mal. Benefice duquel il ne cessoit de louer & remercier Dieu.

ON comptoit cete année au Roiaume de Fingo, dix-sept mille ames Chrestiennes; & y en eust eu beaucoup plus grand nombre, sans les faux bruits que les Icoxus faisoient courir contre nos Peres, disans que leurs meres alloient au Japon pour manger les enfans; & aduertissant le simple

peuple, qu'ils se gardassent d'un certain de nos Peres qu'ils nommoient, parce qu'il arrachoit les yeux de la teste à plusieurs, pour s'en servir en diuerses sorceries: desenterroit les morts pour leur tirer les foies du corps, & en faire certaine composition, qui donnoit la mort aux vns, & rendoit heureux les autres: empoisonnoit le sel qu'il mettoit en bouche aux baptizés; & semblables impostures, que les Bonzes mesmes sçauoient estre fausses. Mais où trouueroit-on assés de cordes & de chaines pour lier toutes les langues des medisans & calomniateurs?

122  
Calomnies  
contre nos  
Peres.

A Iateuxiro residence qui dependoit de la maison d'Vto, au Roiaume de Fingo, fut trouuée cette année vne pierre quarrée, qui portoit la figure de trois croix, comme de demi relief, des trois costés: pas vne n'auoit le pied entier; mais on recognoissoit aisément qu'elles auoient esté parfaites, parce que la pierre auoit esté cassée par le bas, & paroissoit ouurage de deux cens ans, ou plus. Le titre de la croix se voioit encore del'un de ces trois costés, mais sans lettres. Le temps sembloit les auoir effacées.

123  
Croix à  
trois faces.

L'EUESQVE commit vn de nos Peres pour se transporter sur le lieu, & s'informer des habitans comment, & par qui cette croix auoit esté posée là. Plusieurs tesmoignerent en auoir ouï parler à leurs peres & ayeuls. Vn Bonze âgé de soixante & dix ans, qui auoit receu le saint baptisme vn an auparauant, homme d'autorité, & fort renommé en ce quartier là, deposa auoir dès sa jeunesse cogné vn autre Bonze, & deux ou trois honorables vieillards, qui faisoient grand cas de cette pierre, quoi qu'ils ne sçeuissent autrement dire que c'estoit. Tout cela fut fidelement rapporté audit Seigneur.

LA residence de Iabe fut dressée à la requeste du Capitaine George Iafindono, ancien & fort deuot Chrestien, & vn des plus affidés seruiteurs du Sieur Augustin, qui auoit charge du Chasteau dudit lieu. Il y nourrissoit ordinairement vn de nos Peres, qui vaquoit à la conuersion des Payens, & instruction des Chrestiens; & regloit lui mesme sa famille d'une rare façon. Car il auoit enuiron trente personnes dans sa maison, qu'il obligeoit à ouïr tous les matins la

124  
Famille  
tres-bien  
reglée



IESVS-  
CHRIST  
1600.

sainte Messe : & apres icelle se retirer au son de la cloche, pour vaquer vne heure entiere à la priere ou vocale ou mentale, chacun selon sa capacité. Durant ce temps il ne vouloit qu'on lui fit aucun message, sauf pour affaire de tres-grande importance. L'oraison finie, chacun s'occupoit à sa tâche.

SUR le tard & auant soupper, sa femme, ses enfans, & les principaux de sa maison, se retiroient encore pour faire vn peu d'oraison. Apres souper, auant qu'aller prendre le repos ordinaire, il disoit les Letanies des Saints, toute la famille lui respōdant: puis faisoient tous l'examen de leur cōscience. La plus part de la famille ieusnoit tous les Vēdredis & Samedis de l'an, se confessoit & communioit souuent. Cete année, il fit faire oraison continuē les Ieudi, Vendredi & Samedi de la sepmaine sainte, distribuant tellement ses domestiques, que chacun y emploioit deux heures par iour: & les auertissant qu'ils priaissent particulierement pour l'augmentation de la Chrestienté du Iapon, pour le Sieur Augustin, & son estat: & pour les habitans de Iabe. Bref la nuit du Ieudi saint il fit faire vne procession dans le fort, à laquelle se trouuerent plus de cinq cens disciplinans. Ce quiesmeut plusieurs Payens à se rendre Chrestiens.

125

Ignorance  
cause de ma-  
ladie.

VN nouueau Chrestien estant tombé malade quelques mois apres son baptesme, se mit à penser si ce seroit point en punition de quelque sienne faute. Apres auoir soigneusement examiné sa conscience, il se trouua auoir esté fort lâche & nonchalant à apprendre par cœur sa creance, & quelques petites oraisons, que tous les Chrestiens sont tenus de sçauoir. Il s'adressa donc à vn autre Chrestien, le priant de les lui enseigner. Son infirmité estoit grande & dangereuse; si est-ce que prix à prix qu'il apprenoit sa creance, la maladie alloit diminuant; & lors qu'il l'eut apprise du tout, il se trouua du tout sain.

126

Curiosité  
punic.

VNE nouuelle Chrestienne, à laquelle vn de nos Peres auoit donné vn Agnus Dei bien enchassé, se laissa tellement gaigner à la curiosité, qu'elle decousit l'échasseure pour voir ce qui estoit dedans. Mais les mains lui secherent auant qu'elle l'eût ouuert à demi. De quoi tant les Chrestiens que les Payens demurerent bien estonnés; & la curieuse bien

*Des residences de Firoxima, Bugen, Chicungo,  
 Bungo, Voari, & autres.*

CHAPITRE XVII.



E fut la premiere année que nos Peres com-  
 mencerent à precher vers Firoxima, lieu regor-  
 geant de Bōze de diuerses sectes, lesquels s'op-  
 poserent fort & ferme à la Predication du saint  
 Euangile. Mais en vain. Car plusieurs simples  
 Chrestiens, estant entrés en conference avec  
 eux, touchant la priemiere cause & principe de toutes cho-  
 ses, qui est Dieu tout puissant; les confondirent prouuans  
 par les raisons qu'ils auoient apprise au Catechisme, qu'il  
 n'y pouuoit auoir qu'une premiere & souueraine cause de  
 toutes choses, qui est Dieu Createur de l'Vniuers, tout bon  
 & eternal. Partant que les Camis & Fotoques du Iapon, ne  
 meritoient le nom ny l'honneur de souuerains, pour auoir  
 esté hommes mortels & vicieux, suiuant l'opinion des Bon-  
 zes mesmes.

127

Firoxima  
 & Bonzes  
 confondus.

A v Roiaume de Bugen, vn homme qui meritoit la mort  
 pour quelque crime, s'en garentit à la fuite. Sa femme fut in-  
 continent prise, selon les loix du Iapon, pour attirer le mary  
 à la deliurer. Dequoi il ne tint compte. Elle croupit en pri-  
 son vn an entier, sans oïr nouuelles de son mari. Tandis son  
 pere, qui estoit Chrestie, pria vn de nos Catechistes de la vi-  
 siter, & lui persuader qu'elle mourût Chrestienne. Le Cate-  
 chiste estoit pour l'heure si pressé de prendre autre chemin,  
 qu'il ne fût lors allé vers la prison, sans vne grosse pluie qui  
 suruint, & l'empecha de partir de là. Il fut donc vers la  
 prisonniere, la gaigna, l'instruisit, & la baptiza. Quelques  
 iours apres, le mari ne comparoissant, elle fut condam-  
 née à mourir en Croix. C'estoit vne fort honorable

128

Femme  
 punie pour  
 son mari.



An de 168

LIVRE XII. DE L'HISTOIRE

IESVS-  
CHRIST  
1600.

femme, & foible de complexion. Qui fut cause que les executeurs de la Iustice lui offrirent vne chaire à bras, pour la porter au lieu du supplice. Elle les remercia, aimant mieux marcher à pied, pour souffrir quelque chose dauantage, & imiter de plus pres nostre Sauueur, qui s'en alla à pied depuis Hierusalem iusques au mont de Caluaire, y mourir pour tout le genre humain.

129  
Deuotion à  
la passion  
de nostre  
Seigneur.

ARRIVE'E qu'elle fut au supplice ils la voulurent faire mourir auant que la mettre en croix. Priuilege que les Iaponois octroient aux moins coupables, & particulierement aux femmes. Mais elle les pria de la faire mourir sur la croix, à l'imitation du Sauueur du monde. Deuotion qui estonna & bien edifia toute l'assistance. Soudain apres sa mort, plus de trente de ses plus proches, qui n'auoient iamais pensé à se faire Chrestiens, demanderent instamment le saint baptesme. Ce qu'on tint pour vn fruit des prieres & merites de la defuncte.

130  
Confession  
des criminels.

A v Roiaume de Chicungo, Simon Findenadono gentil-homme Chrestien, ordonna que tous les criminels que la Iustice condamneroit à la mort, s'ils estoient Payens, fussent exhortés à se rendre Chrestiens; & s'ils l'estoient déjà, à se confesser auant que mourir. D'où arriua que deux Chrestiens aians receu sentence de mort, & le Pere qui auoit charge de cete Eglise, n'estant pour lors sur le lieu, on les garda trois ou quatre iours, attendant son retour, afin qu'ils se confessassent auant mourir.

L'ANCIENNE coutume du Iapon permettoit que les soldats essaiaissent le fil & trempe de leurs espees sur les corps des justiciers, en faisant grand carnage, & laissant les pieces sur les champs à la merci des oiseaux & bestes carnacieres. Ce que le mesme Sieur Findenado defendit estre de là en auant exercé sur les corps des Chrestiens quoi que criminels.

131  
Nauire  
Olandoise.

A certain port du Roiaume de Bungo arriua cette annee vn nauire d'Olandois heretiques, qui disoient estre partis deux ans auparauant de leur pais, en compagnie d'autres quatre vassaux, lesquels aians passé le destroit de Magellan, furent escartés les vns des autres par vne horrible tempeste.

Il s

Ils n'estoient dedans que vingt-cinq hommes, tous malades, languissans de faim, & transis de froid. Encores en mourut-il deux soudain qu'ils eurent pris terre. Ils portoient quelques pieces de draps, des elcarlates, rases, miroirs, & autres curiositez de Flandres: dix-huict ou vingt pieces d'artilleries, bon nombre d'arquebuses, & autres armes, & grande quantité de poudre à canon. Ils se disoient bien marchans, & venus au Iapon pour trafiquer: Mais le Tono qui les visita reconnut bien que la tempeste les auoit iettez au Iapon contre leur gré. Car le nauire n'estoit pas chargé de denrées en deuë quantité, comme ceux des Marchands, ny eux couuerts & accompagnez en gens d'honneur; ains tous soldats, gens de marine, vrais corsaires. Dequoy aduerty Dayfusama enuoia promptement vn Commissaire, qui confisqua le tout, suiuant les loix du Iapon. Et fit conduire le vaisseau vers le Bandou.

**I E S V S-  
C H R I S T**  
1600.

132  
Confis-  
quée.

**F I N D E I V R I Z A M A** vn des grands Seigneurs des quartiers de Voari, aiant ouï vn sermon de la confession auriculaire, dit à nostre Predicateur: Ie ne me veux pas accuser en confession, comme deuant vn homme, ains comme qui se confesserait à Iesus-Christ mesme. Et partant ie desire me preparer à loisir. C'est à mon auis vne grande sottise à l'homme de se reconcilier à Dieu, lors qu'il se trouue en quelque danger, & quand il en est eschappé, de retourner à ses pechez. C'est ce moquer de luy. Le mesme Seigneur rança fort aigrement son premier Medecin, de ce qu'il se confessoit rarement; & luy persuada de le faire plus souuent.

133  
Confes-  
sion auri-  
culaire.

**I L** prenoit vn extreme plaisir à voir les soldats Chrestiens, lesquels allans à la guerre de Quanto, de laquelle nous parlerons au liure suiuant, portoient les croix dorées sur leurs morions, leurs reliquaires & chapellets au col. Vn de nos Peres escriuit auoir rencontré sur son chemin vn Cavalier, qui l'ayant apperceu de loin mit pied à terre, s'en alla droit à luy, se decouurit Chrestien, entra dans vn champ voisin, tira de sa bourse vn papier où il auoit marqué ses fautes, les confessa fort deuotement, fut absous, puis remonta à cheual pour suiure les troupes.

134  
Armée  
Chrestien-  
ne.

**I E** ne couche pas icy la disme des conuersions, des Bap-



An de 170

LIVRE XII. DE L'HISTOIRE

IESVS-tesmes, des signalez actes de constance, des guerisons mi-  
CHRIST raculeuses, & telles autres particularitez qui sont dans l'o-  
1600. riginal; pour euitier l'ennui que cause le raport des choses  
si fort approchantes les vnes des autres. Passons mainte-  
nant aux nouveaux mouuemens & troubles du Iapon.





# HISTOIRE ECCLESIASTIQUE DES ISLES ET ROYAVMES DV IAPON.

## LIVRE TREIZIESME.

*Nouveaux troubles arrivez en la Monarchie du Iapon, par  
une ligue dressée contre Dayfusama: Et combien il  
prit de peine de s'allier avec Dom Augustin.*

### CHAPITRE PREMIER.



ES tumultes de Meaco & Ozaca, des-  
quels nous auons parlé cy-deuant, s'e-  
stans resous en vent & fumée, Dayfusa-  
ma demeura si puissant & en tel credit,  
qu'il sembloit manier les affaires en  
Seigneur absolu du Iapon, plustost que  
comme Gouverneur, qui eust des com-  
pagnons en l'Empire. Car il faisoit  
tout ce que bon luy sembloit, estoit au-  
tant craint & respecté que fut iamais le Tayco : bref il ne luy  
māquoit que lenō de Souuerain & de Monarque du Iapon.

An de  
IESVS-  
CHRIST  
1600.

Liur. 11.  
nomb. 67.



An de 172

LIVRE XIII. DE L'HISTOIRE

IESVS-  
CHRIST  
1600.

I  
Cangeca-  
su trouble  
le Japon.

CET estat dura tout l'an seize cens, nonobstant quelques noises & diuisions, qui passerēt entre lui & Figendono. Car Dayfusama se reconcilia avec tous les Seigneurs qu'on tenoit estre entrez en la premiere coniuration contre luy, & finalement avec le mesme Figendono. Quoy! que la fin monstra que cen'estoit tout que feintise d'une part & d'autre. Car tous les autres Seigneurs estans retournez à la cour, pour viure près du petit Prince fils du feu Tayco, Figendono demeura en sa maison, & Cangecasus, vn des quatre premiers Gouverneurs, & des plus puissans Seigneurs du Japon, s'excusa d'aller à Ozaca, disant que feu Tayco luy auoit donné congé de reposer trois ans entiers sur ses terres.

2  
Ligue con-  
tre Dayfu-  
sama.

DAYFVSAMA qui d'une part ne l'affectionnoit pas, & d'autre costé scauoit bien qu'il estoit intime de Gibunoscio, lui enuoia dire, que s'il ne se rendoit promptement près la personne du petit Prince son Souuerain, il iroit en personne le querir, & le traiteroit comme rebelle & perturbateur du repos public. Surquoy Cangecasus vaillant Capitaine, qui s'entendoit avec Gibunoscio; Figendono, & quelques autres malcontents du gouvernement de Dayfusama, ourdirent contre luy vne ligue, que les Japonois appellent *Buriaco*, la plus cauteleuse qu'on eust peu tramer. Ce fut que Cangecasus irrita par lettres Dayfusama, monstrant qu'il ne faisoit pas grand estat de luy. Ce qui l'obligea de se mettre aux champs, pour auoir raison des outrages qu'il luy auoit escrit. Il laissa dans la citadelle de Fuximi, pres Meaco, vn sien fils, avec deux mille hommes: & recommanda celle d'Ozaca, avec le petit Prince & ses tresors, aux trois moindres Gouverneurs, pour leur persuader qu'il ne pretendoit pas se rendre absolu du Japon, ains conseruer l'Empire au ieune Prince, suivant le commandement qu'il en auoit receu de son feu pere.

3  
Armée de  
Dayfusama.

L'ARMÉE de Dayfusama fut de cent dix mille combattans, outre les volontaires qui loüoient grandement cete sienne entreprise, s'offroient à le suiure, voire à contribuer aux frais de la guerre. De fait ils luy donnerent plus de deux

cens mille ducats en or, argent & pieces de valeur. Ce qui le fit battre plustost aux champs vers le Quanto. Les liguez le suiuiot, mais à petit pas, & de loin. Vn des plus fa-  
 tieux passant chez Gibunoscio, luy communiqua le dessein de ses confederez, & conclud avec luy de descouurir la me-  
 che, & manifester leur entreprise.

Ayant donc fait arrester leurs troupes, & parlé aux autres Seigneurs qui suiuiot à la file, ils resolurent tous de tourner bride vers Ozaca, comme ils firent. Si bien qu'en vn tourne-main quasi toute la noblesse du Iapon se trouua liguée avec les trois autres Regens ou Gouverneurs principaux establis par feu Tayco, & avec les trois qui estoient à Ozaca près du petit Prince, tous contre Dayfusama, pour le debouter du gouvernement du Iapon. Ils luy enuoierent donc vn Manifeste, contenant diuerfes fautes par luy commises contre le Prince Findaiurisama (ainsi nommoient-ils lors celuy qu'on auoit iusques à cete heure là appelé Fide-  
 iori) & contre l'ordre estably par le feu Tayco, avec com-  
 mandement de s'arrester en ses Roiaumes de Quanto, sans plus retourner à la cour. C'estoit bien haut parler.

4  
 Manifeste  
 des Li-  
 gueurs.

LES deux principaux chefs de cete ligue furent Dom Augustin, & Gibunoscio, son intime amy, personnage de grand esprit & courage, lesquels se recognoissans esleuez & agrandis par le feu Tayco, ne pouuoient souffrir que Dayfusama priuast le petit Prince de son hoirie. Leur dessein fut beau; leur intention droite: Mais la fin ne fut pas conforme au commencement. Si en acquirent-ils beaucoup d'honneur & reputation, ainsi que nous verrons. Mais ils auoient à faire à vn esprit encor plus releué que les leurs, & qui sçeut bien les renger à leur deuoir. Il auoit cy-deuant esté en propos de commander à Gibunoscio de se tailler le ventre: Mais ses amis lui sauuerent la vie. Cete seconde faute meritoit bien que Day-  
 fusama la luy fit perdre, pour ne le voir recheu pour la troi-  
 siesme fois. Si se contenta-il de le bannir. C'estoit l'esloigner de soy. Mais les affaires le rameneront bien tost en cāpagne.

Liur. 12.  
 nomb. 70.

5  
 Deffaite de  
 Dayfusama.

CVIDANT auoir gagné contre Gibunoscio, il se mit en deuoir de tirer Dom Augustin hors de cete ligue, le louât à tous propos, tant des hauts-faits d'armes qu'il auoit



An de 174

LIVRE XIII. DE L'HISTOIRE

JESVS-  
CHRIST  
1600.

executé au Coray, comme pour la fidelité qu'il auoit témoigné à son ami Gibunoscio, l'assistant iusques à l'extremité. Mais comme Dayfusama voulut fairer jurer Dom Augustin & les autres Seigneurs, qu'ils seconderoient vnanimement ses desseins durant son gouuernement; Dom Augustin dit hardiment qu'il ne jureroit point, sinon avec expresse reservation de ce qui concernoit l'estat & l'honneur du jeune Prince, fils & heritier du feu Tayco. En quoi il donna vne tres-certaine preuue de son grand courage, & de son entiere fidelité. Car tous les autres Seigneurs auoient juré simplement, & sans aucune restriction ou reservation.

6

Fidelité de  
Dom Augustin.


DAYFVSAMA ne pouuant refuser le serment que Dom Augustin vouloit faire, sans descouurir le dessein qu'il auoit d'empieter l'estat du petit Prince, passa cet affaire sous silence; & semit en deuoir de gagner Dom Augustin par autre voie, lui presentant vne petite fille de son fils aîné, & d'une fille de feu Nobunanga, pour espouse de son fils & heritier presomtif. C'estoit vn parti fort honorable & tres-avantageux pour le Sieur Augustin, & les siens. Neantmoins il se faisoit prier pour l'accepter. Car Dayfusama s'estant trouué à Fingo, avec Madame Iuste, femme du Sieur Augustin, en traita tellement qu'elle pria son mari de se rendre au plustost à Ozaca, pour conclurre cete alliance, ou lui enuoyer pouuoir de ce faire. Mais Dom Augustin ne se hâta pas pour cela, ains sembloit s'être tenir de guet à pans sur les champs, pour delaier la conclusion. Et pour ne manquer à son deuoir, respondit à sa femme que ses plus importans affaires lui permettant de se rendre à Ozaca, il traiteroit de cete alliance, ne voyant occasion de la precipiter, veu que les parties estoient fort jeunes. Depuis ne s'estant peu excuser d'aller à Ozaca, & se voyant pressé d'accepter le parti pour son fils, ou le refuser, il l'accepta au grand contentement de Dayfusama, lequel cuidoit auoir gagné par ce moien l'autre chef du parti qui le contrequarroit. Mais la fin montra que Dom Augustin n'auoit accepté le parti que par pure complaisance, veu que l'alliance ne s'accomplit pas, & pour auoir accepté le parti du mariage il ne se departit pas de la ligue. Ce qui lui coutera la vie.

7

Refuse  
l'alliance  
de Dayfusama

*Deplorable mort de Madame Grace Royne de Tango,  
laquelle arriua en la ville d'Ozaca,  
durant les reuoltes des ligués  
contre Dayfusama.*

## CHAPITRE II.

 V T R E les Princes & grands Seigneurs, qui se tenoient ordinairement à la Cour pres du jeune Prince fils & heritier du Tayco, suiuant l'ordonnance de son feu pere; il s'y en rendit bon nombre au commencement de ces troubles; particulièrement de ceux qui auoient enuoié leurs enfans à la guerre de Quanto, avec Dayfusama, tous lesquels comme la ligue esclata en la ville d'Ozaca, se fortifierent chacun dans son Palais. Autant en firent les Lieutenans que les Seigneurs qui estoient allés en personne avec Dayfusama, auoient laissés en leurs maisons & Palais, pour conseruer leurs biens & familles; principalement depuis que les Regens, qui estoient pres la personne du Prince, eurent commandé que chacun se declarât contre Dayfusama, ou à faute de ce, donnât pleges. Sur quoi il y eut de grandes altercations, qui contraindront les Regens à mettre le siege deuant plusieurs Palais de ceux qui refusoient d'obeïr, pour les destruire & ruiner comme ennemis du petit Prince. 8  
Palais  
alligés.

P E N D A N T ces troubles arriua vn cas fort deplorable à vne Dame Chrestienne, nommée Grace, femme de Iocundono Roi de Tango, lequel auoit suiui Dayfusama, à la guerre de Quanto. Ce bon Seigneur, quoi que Payen, estoit si jaloux del'honneur de sa femme, que toutes les fois qu'il entreprenoit quelque voiage il commandoit à Ongazauaradono son maistre-d'hostel, & autres Archers, auxquels il laissoit la garde de sa maison; que si en son absence il arriuoit quelque accident, auquel sa femme courût fortune de son 9  
Jalousie.



An de 176

LIVRE XIII. DE L'HISTOIRE

LES VSHonneur, ils la firent plustost mourir, puis se fendirent tous  
CHRIST le ventre, & finirent leurs iours avec elle. Commandement  
1600. qu'il n'oublia pas estant sur son depart pour la guerre du  
Quanto.

10  
Madame  
Grace de-  
capitée.

LE mesme iour donc que la ligue se descouurit à Ozaca, les Regens, qui estoient pres du petit Prince, enuoierent vers les gardes du Palais du Roi de Tango, leur commandant de liurer Madame Grace, disans qu'elle deuoit respondre pour son mari. Les gardes firent refus de liurer leur Dame. Et parce qu'il leur fut signifié, que le Palais seroit bien-tost assiegé, & leur Dame prise, ils resolurent d'executer le commandement de leur Seigneur & maistre, estimans que le cas qu'il leur auoit designé, estoit arriué. Ils coururent donc intimer le tout à la Princesse, laquelle ne repartit pas vn mot, ains entra dans son Oratoire, qu'elle tenoit tousiours tres-bien orné, fit allumer quelques cierges, se mit en priere pour se disposer à mourir.

APRES s'estre recommandée à Dieu, comme le temps le requeroit, elle sortit hardiment de son Oratoire, assembla toutes les filles & femmes qui estoient à son seruice, leur dit le dernier adieu, & commanda qu'elles se retirassent hors de ce quartier du logis, disant: Je veux mourir seule, veu que mon mari l'a ainsi ordonné. Les seruantes firent refus de la quitter, protestant qu'elles vouloient mourir avec leur Dame & maistresse. Car outre que la coutume & point d'honneur du Japon requiert qu'en semblables accidens les seruans & seruantes suiuent la condition de leurs Seigneurs & Dames; cete vertueuse Roine estoit si aimée & chérie des siens, que chacun lui vouloit tenir compagnie en la mort. Si les força-elle de sortir de ce quartier du logis, pour lui obeïr.

11  
Palais bru-  
lé.

TANDIS, le maistre-d'hostel & les gardes du Palais auoient parsemé toutes les salles & chambres voisines de poudre à canon, & aiant fermé les portes au nés des seruantes que Madame Grace auoit congediées retournerent droit à elle. La vertueuse Dame semit soudain à genoux, abatit elle mesme le collet de sa robe, se prit à prononcer les tres-saincts noms de IESVS & MARIE, & fut decapitée. Les  
trop

trop obeïssans valets, couurirent soudain le corps de la <sup>IESVS-</sup>defuncte d'un drap de soye, le sursemerent de poudre, & <sup>CHRIST</sup>se retirerent dans vne autre chambre, estimans traitt d'ir- 1600.  
reuerence de mourir en la mesme chambre, où leur Dame gisoit morte: & se croïsans les ventres mirent le feu à la poudre, qui enleua bien-tost ce quartier de logis, avec leurs corps.

LES seruantes qui estoient toutes Chrestiennes furent incontinent apres raconter le tout au Pere Organtin, qui fut extremement marry de voir la Chrestienté du Iapon priuée d'un tel miroir de vertu, comme estoit Madame Grace. Si elles eussent esté assez aduisées pour luy faire sçauoir ce qui se passoit, auant que cete patiente Dame eût receu le coup de la mort, il y auoit moien de l'en garentir: elle pouuoit donner pleiges, puis satisfaire au zele de son marry. Mais Dieu permet tout pour le mieux. Peu de iours auparavant elle s'estoit confessée deux fois, & auoit proposé par escrit diuers doutes touchant l'accident qu'elle redoutoit, & qui en fin luy arriua. Les responses qu'on luy donna la consolèrent grandement, & l'aiderent à mourir constamment, acceptant la mort comme de la toute-puissante main de Dieu, & pour l'expiation de ses fautes.

CETE vertueuse Dame estoit si addonnée aux actes de la penitence, que le Carefme auant sa mort elle prenoit la discipline iusques au sang qui couloit avec ses larmes; & avec cela si portée aux œuures de pieté & de misericorde, qu'elle lauoit, & vestoit de ses propres mains quelques enfans trouuez, & par son commandement receus en sa maison: si zelée à la conuersion de ses vassaux, qu'elle s'offroit à nourrir cinq ou six de nos Religieux, pour precher és terres de son obeïssance: Tant affectionnée à communiquer avec nos Peres, pour l'instruction & consolation de son ame, qu'à ces fins elle apprit à lire & escrire à nostre mode; & avec le seul Alphabet, que nostre Vincent luy enuoia, sans autre precepteur, s'auança tellement qu'elle escriuoit aussi bien, ou mieux que le maistre qui luy auoit montré les principes.

SON mary qui demeura tousiours Payen, la mal-me-



An de 178

LIVRE XIII. DE L'HISTOIRE

IESVS-  
CHRIST  
1600.

13  
Bonté de  
son mary.

na fort au commencement de sa conuerſion, mais elle ſe porta ſi prudemment & patiemment en toutes ſes trauerſes & afflictions, qu'en ſin elle le gaigna. Il eſtoit tres-content de la veoir Chreſtienne. En preuue dequoy faiſant transporter ſon meuble de la ville de Fuximi à Oza-  
ca, il prit la peine de luy drefſer, & renger de ſa propre main, l'oratoire où elle auoit coutume de faire ſes deuotions.

14  
Honneurs  
funebres.

Liu. 11. n<sup>o</sup>b.  
130. & ſui.

Le feu appaiſé, le Pere Organtin enuoia vne fort deuote Dame Chreſtienne, en compagnie de quelques autres, pour voir ſi elles trouueroiēt quelques reſtes du corps de la defunète, pour leur donner ſepulture. Elles trouuerent quelques os qu'n'eſtoient pas du tout en cendre, auxquels nos Peres firent les honneurs funebres, comme ſi tout le corps y euſt eſté; Non ſans larmes de compaſſion. Le Roy de Tango fut tres-content de ce deuoir que nos Peres auoient rendu à la defunète ſans en eſtre requis, & les ſupplia de continuer pluſieurs années apres, ainſi que nous verrons en ſon lieu.

---

*Guerre des Gouverneurs & Regens contre Dayfusama: deſtruction du fort de Fuximi près Meaco, & priſe du fort de Guyſu au Roiaume de Mino.*

CHAPITRE III.



OVD AIN que la nouuelle ligue eut mis les enſeignes au vent, contre Dayfusama, parce qu'il y auoit peu de Seigneurs au Iapon qui ne l'euffent ſignée, il ſe rendit incontinent plus de cent mille combatans à la cour d'Ozaca; & parce qu'en la Tençe, où ſont les principaux Royaumes de la Monarchie du Iapon, il n'y auoit place qui recogneuſt Dayfusama, excepté le fort de Fuximi, près Meaco, les Regens & autres liguez l'afſiege-

rent promptement. Puis voians, que les assiegez se def-  
fendoient courageusement, & craignants qu'il ne leur  
vint du secours, ils se resolurent de le brusler, & perdre  
du tout. A ces fins ils firent combler de bois les fosses  
qui estoient es enuirs; & y ayans mis le feu gage-  
rent le premier retrenchement. Tenant les assiegez ser-  
rez de plus près, ils firent porter tout le bois des gran-  
des barrieres, des galleries, & autres edifices de plaissance,  
desquels feu Tayco auoit embelly la citadelle, pour le ren-  
ger au tour du dongeon, où estoit le Palais du feu Tayco, le  
plus riche & somptueux ouurage qu'on eust oncques veu  
au Japon. Aussi estoit ce la derniere piece qu'il auoit fait  
dresser, iouant de son reste, comme on dit; parce que c'estoit  
le lieu de ses particuliers passetemps. O que les grandeurs  
du monde sont de courte durée!

15  
Fuximi  
brulé.

Tous ces superbes logis furent reduits en cendre en moins  
de deux heures. Car les assiegeans ayans d'une part fait  
mettre le feu au bois qui brusloit comme paille; se mirent  
à darder des fleches ardentes, & diuerses sortes de fu-  
sées, sur les toits, & à trauers les fenestres du dongeon:  
tellement que le feu s'estant allumé en diuers lieux, les  
assiegez commencerent à jeter d'horribles cris; & ne trou-  
uans autre remede à leur extreme mise, se resolurent à sor-  
tir, & se ruer à corps perdu sur les assiegeans, pour leur  
vendre plus cherement leurs vies. Ils en tuerent grand nom-  
bre; mais de tous ceux qui sortirent du fort, il n'en escha-  
pa vn seul. Les vns furent estouffez par le feu, les autres  
massacrez par les assiegeans.

16  
Assiegez  
miserables.

Ce fort reduit en cendres, & vn autre, qui estoit à trois  
lieues de là, pris, les Regens se tindrent pour maistres de la  
Monarchie. Partant commencerent à donner sur les places des  
Seigneurs qui estoient à la suite de Dayfusama, en prirent  
trois dans le Roiaume d'Ixe; & garnirent de gens tous les  
passages & auenuës, par lesquelles Dayfusama pouoit re-  
tourner en cour avec son armée. Du Roiaume d'Ixe, l'ar-  
mée des Regens & liguez, tiroit vers celuy de Mino  
pour se saisir du fort de Voari, qui tenoit pour Dayfu-  
sama. C'estoit la meilleure piece qui fût pour lors au Japon,

17  
Voari con-  
serué pour  
Dayfusama.



An de 180

LIVRE XIII. DE L'HISTOIRE

IESVS-  
CHRIST  
1600.

& qui pouuoit beaucoup fauoriser le retour de Dayfusama. Dequoy aduertis les Seigneurs qui estoient à sa suite, s'offrirent de preuenir les liguez, pourueu que Dayfusama leur fournît promptement des forces. Ce qu'il leur accorda librement, & si à propos, que dans peu de temps il se rendit plus de trente mille combatans à Voari, pour le parti de Dayfusama.

18

Monarchie  
& le bien  
qui en résul-  
te.

DV R A N T toute cete guerre on remarqua que les resolutions de Dayfusama estoient promptement prises & executées avec vne extreme diligence, parce que tout son parti se gouuernoit par luy seul: là où les Regens estoient fort pesans en leurs resolutions; & plus encore és expeditions. Les Partisans de Dayfusama s'estans asseurez du fort de Voari, se resolurent de donner, sur Guyfu sis au Roiaume de Mino, qui pour lors appartenoit à Chiunangodono, neveu de feu Nobunanga, ieune Seigneur, âgé de vingt-deux ans, & bon Chrestien. Il'estoit bien loin pour lors de penser que la garnison de Voari luy deût courir sus, tant parce qu'il ne sçauoit pas qu'il y eust vn tel nombre de gens; comme parce qu'une partie de l'armée des Regens estoit au Roiaume d'Ixe, comme nous venons de dire: Et Gibunoscio estoit au Royaume de Mino, avec six ou sept mille combatans, & attendoit d'autres forces pour les iecter dans Voari.

19

Guyfu sur-  
pris.

T A N D I S que les liguez temporisoient & renforçoient leurs troupes pour tirer vers Voari, les Partisans de Dayfusama qui s'en estoient ià bien asseurez, prindrent le chemin de Guyfu: & arriuant au lieu d'où ils pouuoient decouurer la place, rangerent iusques à vingt mille combatans en ambuscade dans vn long vallon. Puis enuoyerent cinq à six cens bons soldats pour recognoistre la place de plus près. Chiunangodono croiant n'auoir à combattre autres ennemis que ceux qui paroissoient, sortit de son fort, & se rua sur eux, de telle force qu'ils firent des estonnez, & reculerent doucement, iusques au lieu de l'ambuscade, laquelle les contraignit de se retirer plus viste que le pas. La meslée fut si rude & si chaude, que les soldats del'vn & l'autre party entrerent dans le chasteau, les vns

20

Stratage-  
me.

fuians, les autres fuians, tuans & massacrans tout ce  
qu'ils rencontroient. Chiunangodono fut fait prisonnier  
chez lui mesme; & pour plus grande assurance enuoïé au  
Chasteau de Voari.

IESVS-  
CHRIST  
1600.

CETE place ainsi prise, & fournie de gens necessaires  
pour la bien deffendre, l'armée de Dayfusama marcha vers  
le fort où estoit Gibunoscio. En chemin elle rencontra deux  
mille ligués, qui furent taillés en pieces. Et vn peu plus  
auant autres mille, qui n'eurent pas meilleur marché du  
rencontre.

TANDIS que ces escarmouches se donnoient, arriue-  
rent au Chasteau de Gibunoscio le Roi de Saxuma, & Dom  
Augustin, avec quelques troupes, lesquelles ils menerent en  
diligence au deuant de l'armée de Dayfusama, pour empe-  
cher qu'elle ne passât la riuiera, & courut sur eux. Arriués  
qu'ils furent à l'vn des bords, l'ennemi qui estoit à l'autre,  
descourant par les drapeaux à qui estoient les bandes, &  
ne doutant point que de si braues Capitaines ne fussent  
prests à se bien deffendre, si on les attaquoit, fit alte. Et eux  
estimans qu'vn si petit nombre de gens qui paroissoient ne  
se montreroit pas tant resolu, s'il n'auoit du support bien  
proche, n'eurent le courage de passer outre, ains se campe-  
rent sur le bord de la riuiera, attendans qui commenceroit à  
passer, pour venir aux mains.

21

Armées à la  
veüe l'vne  
de l'autre.

Cy après  
nomb. 26.

*Troubles des Roiaumes de Bugen, Bungo, & autres du  
Ximo, & comme Dayfusama desit les Regens,  
& autres ligués, en bataille rengeée.*

#### CHAPITRE IV.



LES deux armées ennemies estans campées si  
près l'vne de l'autre, qu'il n'y auoit que la ri-  
uiere entre deux, Cainocami partisan de Day-  
fusama, depecha vne fregate, vers le Roi de  
Bugen son pere, qui estoit Chrestien, & auoit  
plus de huit mille hommes en armes, l'auertissant de donner

22

Cainocami  
Roi de  
Bugen.



An de 182

LIVRE XIII. DE L'HISTOIRE

IESVS-  
CHRIST  
1600.

sur le Roiaume de Bungo, qui tenoit pour les Regens, & autres ligueurs. Ce bon Seigneur aiant receu les nouuelles de son fils, se disposa par vne confession generale de toute sa vie; puis fit marcher ses troupes vers Bungo, où les Regens auoient au mesme temps enuoie l'ancien Roy de Bungo, nommé Constantin, qui depuis la faute qu'il commit au Coray auoit demeuré comme dégradé, & confiné à Meaco, par le commandement du feu Tayco. Les Regens & leurs adherens s'estoient promis, que comme naturel Roi de Bungo il espouseroit viuement cete querele, & battrait le Roi de Bugen; mais ils ne lui auoient pas donné suffisante prouision, ne lui aiant donné que quatre mille hommes, pour faire teste aux huit mille que menoit le Roi de Bugen. Ils ne marchanderent pas long-temps à se battre. Constantin perdit quasi toutes ses troupes au premier rencontre, fut pris & enuoie sous seure garde à Bugen, par le Roi du lieu, lequel poursuiuant la poincte de sa victoire, se rendit dans peu de iours maistre quasi de tout le Roiaume de Bungo.

23

Se ruë sur  
Bungo.

Au mesme temps Canzagedono, Seigneur de la moitié du Roiaume de Fingo, ancien ennemi du Sieur Augustin, & pour lors partisan de Dayfusama, se jetta sur l'autre moitié du Roiaume de Fingo, qui appartenoit au Sieur Augustin; mit à feu & à sang tout ce qu'il rencontroit; & fut poser le siege deuant la forteresse d'Vto, la principale piece que possédât le Sieur Augustin, & comme la fleur de ses terres.

24

Vto Chateau assié-  
gé.

A l'occasion de ces guerres les Seigneurs des neuf Roiaumes du Ximo se diuiserent, & se declarerent les vns pour Dayfusama, & les autres pour les Regens, & leurs associés. Quelques-vns se tindrent neutres, comme les Rois d'Arima & Omura, tous deux Chrestiens; lesquels mandés par les Regens de se rendre à Meaco avec leurs troupes, firent assés long-temps la sourde oreille, puis se rangerent avec Dayfusama. Qui fut vn singulier trait de la prouidence diuine, tant sur leurs personnes & biens, que sur les Chrestiens qui residioient en leurs terres, & sur nostre Compagnie espar-

25

Ariman-  
dono neu-  
tre.

se parle Iapon ; Nous le verrons en son temps.

IESVS-

DVRANT le siege du fort d'Vto les assiegeans courerent aussi les Isles de Xequi & Amacuzza, qui releuoient du mesme Sieur Augustin, bruslant & rasant diuerses places qui n'estoient en deffence. Ce qui fut cause que nos Peres qui travailloient en ces quartiers là, se retirerent qui en Arima, qui à Nangazaqui. Ceux qui estoient és trois forts de Fingo n'en partirent pas, ains attendirent la disposition de Dieu, pour ne manquer au besoin que les Chrestiens pourroient auoir de leur assistance ; comme l'euénement fit voir.

CHRIST

1600.

Nomb. 89.

26

Nauire du commerce.

LE nauire du commerce des Portugais se trouua cete année en grandissime peine au port de Nangazaqui, & en danger d'hyuerner là, avec plus de quinze cens pieces de soie portées de la Chine, qu'on ne pouuoit debiter, parce que les Marchands du Iapon n'osoient se mettre en chemin, à raison des troubles. Perte, laquelle jointe à celle du jonc qui perit l'an passé, au passage de la Chine, estoit suffisante pour ruiner tous les Marchands Portugais demeurans à Meaco, si Dieu ne les eût secourus d'ailleurs.

27

Forces des  
ligues à  
Meaco.

PENDANT que les affaires se broüilloient és quartiers du Ximo ainsi que nous venons de dire, les Regens qui auoient leurs forces escartées, donnerent le general rendés-vous au Roiaume de Mino, où ils assemblerent en brief plus de quatre-vingt mille combatans. Nombre plus que suffisant pour tailler en pieces toutes les troupes de Dayfusama, qui n'excedoient pas trente mille. Mais comme ils estoient peu vnis, & mal resolus, ils demurerent près de trente iours campés à la veüe de leurs ennemis, sans coup ferir.

28

Diligence  
de Dayfu-  
sama.

EN fin Dayfusama bien auerti des dangers que couroient ses troupes, se trouuant en si petit nombre, & si proches de leurs aduersaires, mit le meilleur ordre qu'il peut à celles qu'il auoit à Quanto contre Cangecasu, laissant la charge & gouvernement d'une partie à vn sien fils ; & faisant marcher l'autre vers le Roiaume de Mino, contre toute esperance de ses ennemis, qui ne pouuoient croire qu'il eût forces bastantes pour leur tenir teste, tandis que Cange-



**IESVS-CHRIST** 1600. casu auoit les armes en main contre lui. Si ne manqua-il de forces ny de courage, ains le mesme iour qu'il joignit les troupes qu'il auoit au Roiaume de Mino, à la veüe de ses ennemis, il fit monstre de cinquante mille combatans, & le lendemain leur liura la bataille.

28

Bataille  
gagnée.

LES trompettes n'eurent pas plustost sonné la charge, que plusieurs grands Seigneurs & Capitaines, qui iusques à cete heure là auoient fait contenance de porter les armes pour les Regens & leur ligue, se rangerent soudain du costé de Dayfusama. Chinagandono neveu de la vefue du feu Tayco, fut le premier qui se debenda. Trois ou quatre autres Seigneurs de mediocre qualité le suiurent. Ce que les autres troupes apperceuant commencerent à crier, Trahison, Trahison; mais avec vn tel estonnement que tous les rangs se rompirent, & les bataillons se debanderent. Les troupes de Moridono ne voulurent combattre pour l'vn ny l'autre parti, ains se retirerent vers Ozaca, où estoit leur maistre. Bref l'armée des Regens & ligüés fut defaite comme en vn tournemain, la victoire & le champ de bataille demeurât à Dayfusama. Plusieurs grands Seigneurs furent tués sur la place: plusieurs se desirerent eux mesmes: plusieurs furent faits prisonniers. Entre autres le Sieur Gibunoscio, qui n'eut pas le courage de se croiser le ventre, ainsi qu'il auoia depuis: & le Sieur Augustin, qui eut bien le cœur de se faire mourir lui mesme, mais il ne le voulut entreprendre, sçachant que la loy de Dieu le deffendoit.

29

Prison-  
niers

DAYFVSAMA poursuivant sa victoire prit le fort de Mino sur Chinagandono, lequel il enuoia en exil à Coya. Puis celui de Sauoyama qui appartenoit à Gibunoscio, où il ne fit pas grand butin. Car le frere de Gibunoscio qui commandoit dedans, aiant appris le desastre arriué à son frere, & se trouuant assiégué, departit ses moiens aux soldats, massacra la femme & les enfans de son frere, puis les siens propres, mit le feu aux quatre coins de la place, puis se fendit le ventre.

30

Conque-  
sta

PASSANT plus outre Dayfusama fit marcher son armée victorieuse vers Ozaca, où estoit Morindono, comme President des Regens, & chef des ligüés, demeurant dans la for-  
teresse

teresse, & au mesme Palais où Dayfusama habitoit auparavant. Ce Moridono, iacoit qu'il fût Seigneur de neuf grands Royaumes; se trouuât dans la plus forte place de tout le Iapon; eût tous les tresors de l'Empire en main; le petit Prince, fils du feu Tayco, en son pouuoir avec les ostages de tous les grands Seigneurs du Iapon, & de ceux mesme qui suiuoient Dayfusama; veid pres de soy plus de quarante mille combatans de ses subjets, avec provisions de farines & autres munitions suffisantes à maintenir la guerre longues années: neantmoins soudain qu'il eut certaines nouuelles de la susdite victoire, il en fut tellement effraïé, qu'il perdit tout courage de se deffendre pararmes. N'eut pas mesme l'auis de se retirer en ses terres, comme il pouuoit commodement faire, demander trefues, ou quelque accord, qu'il eust aisément obtenu, & à son grand auantage: ains comme aiant perdu la ceruelle & priué de tout iugement, sortit du fort d'Ozaca, avec ses troupes, & s'alla ierter dans vn Palais qu'il auoit là pres, faisant place à Dayfusama, & se remettant du tout à la discretion de son ennemy: Lequel retournant triomphant, rentra dans le fort d'Ozaca, en plus grande autorité que iamais. Peu de iours apres quasi tout le Iapon s'alla rendre à luy.

31  
Morindono & son estonnement.

LE Roy de Saxuma s'estant trouué à la deffaite des Regens, s'en sauua d'une estrange façon. Car voiant qu'il bastoit mal pour ses alliez, il s'accompagna de soixante valeureux soldats, lesquels à force d'armes fendirent les troupes de leurs ennemis, & se retirerent hors de la meslée. Depuis il rallia cinq cens hommes ou enuiron, avec lesquels il fut à Ozaca, auant que Dayfusama y retournât victorieux; & prit des vaisseaux autant qu'il en auoit besoin pour conduire toute sa suite à sauueré vers Saxuma, courant plus de deux cens lieues parmer.

32  
Roy de Saxuma, & sa hardiesse.

VOYLA comme Dayfusama demeura le plus grand Seigneur qui eust esté auant luy au Iapon. Car ayant depouillé Morindono de sept Royaumes, où estoient les mines d'argent, & des neuf qu'il possedoit auparavant, luy en ayant laissé deux seulement; & de son chef possedant

33  
Dayfusama, & sa grandeur.



An de 186

LIVRE XIII. DE L'HISTOIRE

IESVS-les huit de Quanto; & en tant que tuteur du petit Prince,  
CHRIST iouissant de tout ce que le Tayco tenoit à sa main; il n'y a  
1600. point de doute qu'il ne fût plus puissant que Seigneur qui  
eust iamais ioui de la Tençe. Outre qu'il n'auoit au Iapon  
personne qu'il deût craindre. Enquoy il estoit plus que ne  
fut iamais le Tayco, lequel redoutoit grandement Morin-  
dono, & Giejaso, qui prit depuis le nom de Dayfusama.

---

*Afflictions & trauersés que nos Peres souffrirent au Iapon,  
durant les susdits troubles, & pertes que  
fit la Chrestienté.*

CHAPITRE V.



L me seroit tres-mal aisé de coucher par escrit  
les trauaux que nos Peres souffrirent, & les per-  
tes que les Chrestiens firent l'espace de deux  
mois ou enuiron, que les affaires du Iapon fu-  
rent broüillées, comme nous venons de dire, si  
en faut-il toucher quelque eschantillon. A

34  
Bruits di-  
uers.

Nangazaqui, où Monseigneur l'Euesque, le P. Visiteur, &  
le Pere Vice-prouincial residoient pour lors, arriuoient  
de toutes parts de tristes nouuelles. Vn Messager n'e-  
stoit pas si tost sorty de la maison, qu'un autre y entroit,  
comme iadis chez le bon Iob. L'un venoit dechiffrer ce  
que le Seigneur Augustin enduroit en prison; & dire qu'il  
estoit condamné à la mort. L'autre qu'on cherchoit sa  
femme par tout le Iapon, ses enfans, & ses proches, pour  
les punir. Vn autre asseuroit qu'ils estoient desia pris, &  
que son fils vnique, âgé de douze à treize ans, deuoit estre  
iusticié à Meaco.

TEVXIMANDONO son gendre, scachant qu'il estoit  
prisonnier de guerre, & apprehendant le mal qui luy pou-  
uoit arriuer à raison de sa femme; la fit embarquer avec

quelques filles , & l'enuoia à Nangazaqui , recomman-  
 dant à nos Peres sa vie & son Salut. Son arriuée mit nos  
 Peres en grande peine. D'une part ils ne se pouuoient  
 excuser de l'assister, comme fille d'un pere, auquel nostre  
 Compagnie estoit extremement obligée à elle , Dame si  
 vertueuse, & si bonne Chrestienne. D'autre part Dayfu-  
 sama usant d'extreme diligence, pour se saisir de tous les  
 parens du Sieur Augustin, on se mettoit en danger de  
 l'irriter, s'il sçauoit qu'on eust assisté quelqu'un de ceux  
 qu'il poursuivoit. Nos Peres ne laisserent pourtant de  
 donner seure & honorable retraite à cete vertueuse Da-  
 me. Ce qui la consola & obligea grandement, ainsi qu'elle  
 remogna depuis, ayant obtenu pardon de Dayfusama, tant  
 pour elle que pour ses filles.

IESVS-  
 CHRIST  
 1600.

35  
 Fille de  
 Dom Au-  
 gustin à  
 Nangaza-  
 qui.

Cy-apres  
 nomb. 77.

De diuers quartiers du Iapon, arriuoiert nouuelles  
 des Chrestiens, que les vns estoient prisonniers de guer-  
 re, les autres bannis de leurs maisons. L'un racontoit  
 icy, comme nos Eglises & logis auoient esté rasez ou  
 bruslez. On voioit d'autre part nos Peres qui en estoient  
 sortis, & se retiroient à Nangazaqui, comme au general  
 asile de tous les mal-traiçtez. La Chrestienté du Iapon  
 perdit vne belle Chapelle bastie l'an passé dans le fort de  
 Guyfu. Trois mille Chrestiens du Roiaume de Bigen, fu-  
 rent depouillez de tous leurs biens. Plus de sept mille ha-  
 bitans de Corumi demeurerent miserables, reduits à men-  
 dier leur pain.

36  
 Miseres des  
 Chrestiens.

Nos Religieux qui se tenoient à Firoxima, principa-  
 le forteresse de Morindono, se trouuerent en tres-grande  
 peine. Car soudain que la nouuelle du defastre arriuée à  
 Morindono, & de la perte de ses sept Royaumes, fut  
 portée en cete contrée là, les Bonzes & autres Payens  
 firent courir le bruit que cét accident l'auoit accablé,  
 parce qu'il tenoit en ses terres les Peres de nostre Com-  
 pagnie, ennemis iurez des Camis & Fotoques du Ia-  
 pon. Cette rumeur fit telle impression és cœurs des  
 Chrestiens mesmes, qu'ils prièrent instamment le Pe-  
 re qui demouroit là, de se retirer à Nangazaqui, ius-  
 ques à tant que cete furie des Bonzes fut passée. Le

37  
 Firoxima  
 troublée.



An de 188

LIVRE XIII. DE L'HISTOIRE

IESVS-  
CHRIST  
1600. mesme luy fut escrit par Saxedono Gouverneur de ce quartier là, qui estoit Chrestien ; & le Pere Visiteur ayant esté pleinement informé de ce qui se passoit, fut de mesme auis ; & enioignit au Pere de s'en aller à Nangazaqui. Mais estans montez sur mer, ils coururent encore plus grand danger de tomber és mains des corsaires, qui escumoient cete coste là.

38

Amanguci.

Voicy vne partie de la lettre que le Superieur de nos Peres, qui se tenoient lors en Amanguci, escriuit au Pere Vice-prouincial, touchant les affronts & outrages qu'ils souffrirent durant ces troubles. Les dangers, dit-il, furent tels, que ie n'en passay iamais de semblables. Je vous en represente-  
ray vn ou deux traiçts, afin que vostre Reuerence aye compassion de nous, & plus grande occasion de louer & remercier Dieu qui nous en a deliurez.

IL courut vn bruit par toute cete contrée, que les Payens nous vouloient tous massacrer. Nous en receumes auis, comme de resolution tres-certaine ; Toutesfois nous passames quelques iours sans en tenir grand compte, nous confiant en Dieu, & ne doutant point que sa diuine bonté n'y mît bon ordre. Mais comme toute la ville d'Amanguci fut vn iour en grand trouble, à cause d'une fausse nouvelle qui couroit, que Morindono s'estoit luy-mesme ouuert le ventre, voicy vn gouverneur Payen, que nous n'auions iamais veu, qui vint droit à nostre maison. Nous pensions que ce fût pour nous couper à tous la gorge, principalement en aiant de premier abord decouvert quelques marques, desquelles on nous auoit particulièrement auertis. Neantmoins apres auoir imploré l'aide de Dieu, & en peu de mots auisé nos Freres de se tenir prests pour mourir, ie m'en allay à la porte de la maison pour le recevoir, ie l'entretins quelque temps luy & ses troupes, si bien qu'il s'en retourna content ; sans donner autre signe de son dessein. I'ose dire que nostre bon Dieu luy changea soudain le cœur. Car que fût venu faire chez nous en tel temps vn Payen qui n'y auoit iamais mis le pied ? & y estant venu, & entré sans resistance, comment s'en fût-il retourné sans coup ferir, si Dieu ne luy eust changé le cœur ?


AIANS euadé ce danger, nous tombâmes en vn autre <sup>IESVS.</sup>  
 plus grand la nuit suiuaute. Car sur le tard on nous auertit <sup>CHRIST</sup>  
 que durant les tenebres de la nuit, ou le lendemain, nos mal- <sup>1600.</sup>  
 ueillans deuoient venir nous massacrer. L'exhortay de  
 nouveau nos freres à se tenir prests. Ils se confessèrent tous,  
 & passerent la nuit entiere sans clorre l'œil. Le matin à  
 bonne heure je dis la Messe, & leur donnay la saincte Com-  
 munion pour viatique, estimant qu'ils estoient à l'article de  
 la mort. Mais nous ne fumes trouués dignes de comparoi-  
 tre deuant Dieu. Voila ce qu'escriuoit le susdit Pere Supe-  
 rieur de la residence d'Amanguci, touchant ce que les no-  
 stres y souffroient.

CE qui leur donnoit plus viuement au cœur, estoient <sup>39</sup>  
 certains traits brusques & sanglans que Dayfusama lachoit <sup>Dayfusa-</sup>  
 par fois contre les Chrestiens du Iapon, lors qu'il parloit <sup>ma dit mal</sup>  
 du Sieur Augustin, & autres qui s'estoient bendés contre <sup>de nous.</sup>  
 lui; se montrant assés prest à renoueller la persecution. Ce  
 que nos Peres redoutoient d'autant plus, qu'ils ne commen-  
 çoient qu'à respirer de celle du Tayco, auoient jà remis sus  
 quelques Eglises, & disposé grand nombre de personnes au  
 sainct baptême.

---

*Trauaux qu'endurerent les Chrestiens de la forteresse  
 d'Vto, & nos Peres qui s'y rencontrerent durant  
 le siege, & depuis. Mort du P. Recteur  
 de cete maison.*

## CHAPITRE VI.

 ANZVGEDONO inuestissant la forteresse d'V-  
 to, ainsi que nous auons touché cy-dessus, cinq <sup>Nomb. 23.</sup>  
 de nos Religieux, & quelques Dogiques, y fu-  
 rent enuelpés avec les autres Chrestiens, &  
 s'y trouuerent fort à propos, pour les assister  
 & consoler en telle necessité. Les Capitaines & soldats que  
 le Sieur Augustin auoit laissé dans cete sienne place, se  
 Aa iij



Ande 190

LIVRE XIII. DE L'HISTOIRE

IESVS-  
CHRIST  
1600.

Nomb. 69.

40

Bon ordre  
des assie-  
gés.

deffendoient si vaillamment , que Canzagedono voiant plus de cinq cens de ses gens morts , & plus de sept cens blessés , perdit toute esperance de prendre la place par force d'armes. D'un costé il ne pouuoit quitter l'entreprise qu'à sa honte & confusion : d'autre part il ne trouuoit moien de faire sçauoir aux assiegés , comme le Sieur Augustin , pour lequel ils combatoient , estoit prisonnier , en euident danger de sa vie. Aussi l'y perdit-il , comme nous verrons en son lieu. Car les chefs des assiegés auoient dès le commencement deffendu que personne ne receût lettres ny billets des assiegeans , sous peine d'estre tenus & punis pour desloiaux. Ce qui fut tousiours tres-estroitement obserué. Car tous les dards & fleches chargées de lettres , que les assiegeans lançoient dans le fort , estoient soudain jettées au feu , sans qu'on les ouurit.

41

Affaires  
d'Etat.

CANZAGEDONO donc voiant que les assiegés estoient pourueus de toute sorte de munitions , incommodoient grandement ses troupes & ne pouuoient recevoir aucunes nouuelles de ce qui s'estoit passé au camp rechercha diuers moiés pour obtenir du P. visiteur de nostre Compagnie , & du P. Provincial qui pour lors estoient à Nangazaqui , qu'il leur pleût enuoier vn de nos Peres à Vto , pour faire entendre aux assiegés l'estat auquel estoient pour lors les affaires de la Tençe , & traiter d'accord entre les partis. Pour obtenir sa requeste , il promettoit d'une part merueilles , & d'autre costé menaçoit nos Peres de mille maux. Il n'y auoit chez nous personne qui n'eût tres-volontiers veu les deux partis d'accord ; voire qui n'y eust voulu contribuer iusques à son sang : neantmoins chacun s'excusoit , chacun apprehendoit de se mesler de ces affaires de guerre , de peur que la Noblesse du Iapon n'estimât que nous voulussions nous mesler de leurs quereles.

Excuse que Canzagedono ne receut aucunement , ains transporté de la passion qui l'auengloit , menaça de faire passer au fil de l'espée les nostres qui estoient dans Vto , & accuser les autres comme ennemis jurés de Dayfusama , qui empechoient que cette place ne lui fût renduë. En quoy il s'abusoit entierement , ainsi qu'il recogneût depuis ,

quand la fumée de sa passion fut euaporée. Car il sçeut IESVS-  
que les nostres qui se trouuoient dans le fort, ne s'estoient en CHRIST  
aucune façon mellés des armes, ains s'emploioient sans ces- 1600.  
se à l'aide spirituelle des soldats, vaquoient à prieres & orai-  
sons, consoloient les malades, enleuoient les morts pour  
leur donner sepulture. Bref administroient les Saincts  
Sacremens de penitence & Eucharistie à ceux qui en  
auoient besoin.

LES armes materielles ainsi secondées & renfor-  
cées par les spirituelles, les soldats du Sieur Augustin def-  
fendirent tres-courageusement le fort qui leur auoit esté  
commis, resolu de mourir tous pour leur bon Seigneur  
& Maistre, iusques à tant qu'un seruiteur dudit Sieur  
Augustin connu de tous, se rendit à Vto, leur conta  
le defastre arriué à l'armée des Regens, la prise d'Oza- 42  
ca, & la mort du Sieur Augustin. Nouuelles qui les fi- Vto se  
rent refoudre à parlementer & capituler avec Canzuga- rend.  
dono. La paix concludë, & les articles signés, la place  
d'Vto tomba és mains de Canzagedono, lequel en pre-  
nant possession fit soudain mettre en prison cinq de nos  
Religieux, les Dogiques qui auoient charge de l'Eglise,  
& tous nos domestiques, les recommandant à vn Ca-  
pitaine Idolatre. Celui-ci leur donna pour gardes deux  
soldats qui les veilloient nuit & iour. Voici ce qu'un des  
Peres escriuit d'Vto au Pere Visiteur, touchant les incom-  
modités qu'ils souffroient en la prison.

LE Capitaine Idolatre qui a charge de nous, par-  
loit de nous plonger plus auant dans la forteresse. Mais  
plusieurs Caualliers Chrestiens le supplierent de ne nous  
greuer dauantage; & en fin obtindrent que le Pere  
Recteur ne changeroit pas de place, parce qu'il estoit  
fort malade; mais que je m'en irois avec les autres pri-  
sonniers, plus auant dans le Chasteau. V'estois extreme-  
ment marri de quitter le Recteur, & le laisser tout seul,  
estant malade; mais comme il n'y auoit moien d'y reme-  
dier, je commençay à me preparer serieusement au pis qui 43  
me pouuoit arriuer, n'attendant plus que le coup de la Prison &  
mort. Comme je vaquois à cet exercice necessaire, voici ses incom-  
modités.



An de 192

LIVRE XIII. DE L'HISTOIRE

IESVS-  
CHRIST  
1600.

vne lettre des principaux Seigneurs qui estoient près de Canzagedono, par laquelle ils prioient le Capitaine qui nous auoit en charge, de ne disposer en aucune façon de nous, iusques à tant que Canzagedono fût de retour de Ianagaua, qu'il s'en alloit assieger.

44

Retraite  
des prison-  
niers.

CETE lettre ne nous seruit de rien, que de faire reuoyer la permission que le P. Recteur auoit obtenu de demeurer à part à cause de sa maladie. En quoy ce Capitaine me sembla bien symbolizer avec les Leopards du grand saint Ignace, Euesque d'Antioche, & nourrisson des Apostres, lesquels lui faisoient d'autant pis que plus il les obligeoit. En fin nous fumes tous forcés de changer de logis. Car on nous mena plus auant vers le Dongeon. Aians passé le pont-leuis on nous montra à main droite trois apprentis, l'un desquels sert par fois d'estable à cheuaux, les autres deux sont séparés par vne petite & fort mauuaise muraille, percée en diuers endroits. On nous fourra tous là dedans, où chacun s'accommoda du mienx qu'il peut, sans portes & sans fenestres.

45

Seuerité  
des gardes.

LE Capitaine nous aiant ainsi logés, redoubla nos gardes, ordonnant qu'une demeurât tousiours dedans avec nous; deux se tinssent près de la porte, les autres deux fissent la sentinelle iour & nuit. Ce qui empeche que les Chrestiens ne nous visitent comme ils voudroient bien. Deux Capitaines, qui auoient serui le Sieur Augustin, venans prendre congé de nous la larme à l'œil, nous laisserent deux de leurs valets pour nous assister en tout ce qu'ils pourroient. Ce qui fut fort peu, parce que les gardes accompagnoient mesmes ceux qui alloient à l'eau pour nostre seruice. Je marque cecy particulierement à ce que vostre reuerence entende les incommodités que nous souffrons, & sur tous le P. Alphonse Gonzales nostre Recteur extremement malade. Il a besoin de nourriture, & nous aussi. Mais personne ne nous en fournit. Le ryz mesme nous suffiroit, bien qu'il ne fût tant net, ny fort assaisonné. Ce nonobstant nous viuons contens. Depuis qu'on nous a ferrés en cet apprentis, ie me sens si extraordinairement joieux que ie ne fais que rire. Dieu nous secoure pas sa misericorde. A tant la missiue de ce Pere.

Nos

Nos Peres demeurèrent là quelques iours, attendans IESVS.  
 d'heure en heure la mort, de laquelle on les menaçoit à tous CHRIST  
 momens. Si en eschapperent-ils en fin, ainsi que nous dirons 1600.  
 cy-apres. Le P. Gonzalez mesmes fut conduit à Nangazaqui, Nonib. 94.  
 & là traité avec toute la diligence possible. Mais le mal l'a- & 97.  
 uoit tant accablé, qu'il n'en peut releuer, ains mourut le cin-  
 quante quatriesme de son âge, & le vingtiesme apres son ar-  
 riuée au Iapon. C'estoit vn grand ennemy de soi-mesme, 46  
 homme fort austere pour soi, tres-charitable enuers les pau-  
 ures, bon ouurier & infatigable au trauail. Il alloit à cinq  
 & six lieues d'Vto pour ouïr vne confession, nonobstant son  
 âge & infirmité. Ce qui nous fait esperer que Dieu l'aura  
 receu en sa gloire. Mort du P.  
 Alphonse  
 Gonzales.

*Ce qui passa en la forteresse de Iateuxiro, entre le Sieur  
 Jacques Mimasaca, Gouverneur de la place, &  
 nos Peres, qui residoyent là.*

## CHAPITRE VII.



A forteresse d'Vto renduë à Canzagedono,  
 comme la principale, toutes les autres qui ap-  
 partenoient au Sieur Augustin firent ioug. Le  
 Sieur Jacques Mimasaca, Capitaine de Iateu-  
 xiro, s'estoit bien resolu de mourir en deffen-  
 dant la place: mais depuis aiant plus meurement pensé à ses  
 affaires, & craignant mettre en danger tout le reste des  
 Chrestiens de ce lieu, il changea d'auis. De fait il les aimoit  
 si tendrement, qu'eux venans luy dire adieu auant son de-  
 part, il ne peut tenir les larmes. Mais comme se fût-il gar-  
 dé de pleurer, se voyant forcé d'abandonner ceux qu'il  
 auoit avec tant de peine aidez à receubir la foy, & procuré  
 de les auancer en la religion & pieté Chrestienne leur ba-  
 stissant plusieurs Eglises?

47  
 Jacques  
 Mimasaca.

IL estoit si soigneux de faire apprendre aux petits en-  
 Tom. II. Bb



An de 194

LIVRE XIII. DE L'HISTOIRE

**I E S V S** - fans la doctrine Chrestienne, & prenoit si grand plaisir à  
**CHRIST** l'ouïr reciter, qu'il en pleuroit d'alegresse, & par fois se  
1600. mettoit à chanter avec eux les chansons spirituelles iointes

48

Sa liberali-  
té enuers  
la ieunesse.

au Catechisme. Par fois pour leur donner plus de courage de les apprendre, il leur faisoit des collations. Vn iour comme il eut fait apprestre à manger à quelques enfans, dans vne salle où il ne receuoit que gens d'honneur & de qualité, quelques-vns luy demanderent pourquoy il rendoit tant d'honneur à ces enfans: Parce, respondit-il, que ce sont des Anges, lesquels louans purement Dieu font en terre l'office que ces bien-heureux esprits exercent au ciel.

**SORTANT** de sa maison il menoit souuent apres soy vn page qui luy portoit vn paquet d'images, quelques douzaines de chapelets, & nombre d'Agnus-Dei enchassez, qu'il distribuoit luy-mesme aux Chrestiens; & sentoit vne particuliere consolation quand on l'importunoit, ou tiroit par la robe, pour obtenir quelque semblable piece.

49

Deuotion  
au nom de  
**I E S V S**.

**I L** estoit si deuot, qu'allant vn iour à cheual, & ayant rencontré sur son chemin vn Chrestien, lequel craignant que son cheual nel'offençast, se prit'à inuoker les Saints noms de **I E S V S** & **M A R I E**, il se mit soudain à pied, & s'agenouïlla pour prier Dieu. Dequoy ce Chrestien bien estonné, le pria de luy dire pourquoy il s'estoit si promptement mis en deuotion. Parce qu'il n'y a pas long temps, respondit-il, qu'on n'entendoit en ces quartiers icy, que les effroiabes noms des demons & esprits damnez. Maintenant y oyant inuoker le doux nom de **I E S V S**, & de sa sainte mere, ie remercie la diuine Majesté, qui m'a fait naistre en ce temps.

**C E** bon Seigneur donc s'estant resolu de quitter Iateuxiro, le fit sçauoir à nos Peres qui se tenoient là, leur signifiant qu'ils en deuoient faire autant, parce que les ennemis venans prendre possession de la place, les pourroient offencer. Nos Peres ayant meurement pesé l'affaire, conclurent qu'un d'eux accompagneroit le Sieur Iacques iusques à Saxuma, où il pretendoit se retirer; & l'autre demeureroit à Iateuxiro, pour assister les Chrestiens en cete necessi-

té. Le Sieur Iacques ayant sçeu cete resolution, dit, qu'il LES VS-  
 admiroit le courage, & louoit grandement la charité de CHRIST  
 nos Peres en ce rencontre. Mais qu'il n'estoit aucunement 1600.  
 à propos que pas vn d'eux demeurast là pour lors; tant par  
 ce que les soldats entrant du premier coup dans la place,  
 commettroient plusieurs insoléces; comme parce que nous 50  
 n'estions pas bien avec Canzagedono. Le Pere repartit Contesta-  
 qu'il estoit resolu de ne partir de Iateuxiro, arriuaft ce que tion' avec  
 Dieu permettroit. Si les Payens m'ostent la vie (c'est le pis Mimafaca.  
 qu'ils me peuuent faire) ie mourray en faisant mon deuoir.  
 Ie mourray avec les Chrestiens, comme le pasteur avec son  
 troupeau.

LE Sieur Iacques repliqua, qu'il ne s'agissoit pas de la cõ-  
 fession de la Foy. Si nous estions en ces termes, dit-il, ie vou-  
 drois estre le premier à tendre le col, & donner mon sang  
 pour celuy qui l'a espendu iusques à la derniere goutte pour  
 moy. Mais c'est vn affaire d'estat. On ne parle icy que de con-  
 questes. On fait à qui plus en aura, plus en gagnera, & plus  
 en empietera sur son voisin. Les Payens ne pretendent que se 51  
 moquer des Peres, & tirer de l'argent d'eux s'ils peuuent. Ce Nos Peres  
 nonobstant le Pere ne vouloit partir de là, ni abandonner ce s'embar-  
 peuple. Qui fut cause que le Sieur Iacques luy manda resolu- quent avec  
 lument qu'il s'embarquaft. Le Pere le doit faire, dit-il. C'est luy.  
 pour la plus grande gloire de Dieu. Les Caualliers Chre-  
 stiens furent tous du mesme auis. Tellement que les deux  
 Peres s'embarquerent, avec plus de cinq cens personnes qui  
 estoient ou parens ou seruiteurs du Sieur Mimafaca. La flot-  
 te fut de soixante & dix vaisseaux.

COMME ils voulurent prédre terre en vn port de Saxuma;  
 les Bõzes auertis qu'il menoit avec soy quelques PP. de no-  
 stre Compagnie, se mutinerent cõtre luy, disans que s'il des-  
 embarquoit là, ils le traiteroient de façon qu'il se souuien-  
 droit des Bonzes. Au reste qu'ils ne permettroiẽt qu'aucun  
 Prestre sejournaft là. Dequoy le bon Seigneur fut extreme-  
 mẽt marri. Mais nos PP. le cõsolerẽt, s'offrãs à demeurer sur  
 la mer, quoi qu'ils fussent biẽ las du voiage, auquel outre les  
 incommoditez ordinaires de la nauigation, ils auoient passé  
 les iours entiers sans manger. Nous demeurerõs volontiers



An de 196

## LIVRE XIII. DE L'HISTOIRE

IESVS-CHRIST 1600. sur l'eau, dirent-ils, iusques à tant que vous aiés pris resolution de vostre voiage vers Nangazaqui. Mais Dieu qui és plus grands trauaux & afflictions fait plus clairement paroistre sa prouidence enuers ses seruiteurs, toucha le cœur d'un Gentil-homme Payen du Royaume de Saxuma, tellement qu'il se resolut de loger nos Peres en depit des Bonzes. A ces fins il leur enuoia vn Chrestien des quartiers de Bungo, qui se tenoit là pour les conduire chez luy en toute assurance. Sous ce sauf-conduit nos Peres descendirent à terre, & emploierent deux iours à confesser le Sieur Mimasaca, & sa suite.

52  
Sont logez  
par vn  
Payen.

TANDIS arriuerent lettres du Pere Vice-prouincial, par lesquelles il mandoit que nos deux Peres se retirassent à Nangazaqui; priant le Sieur Mimasaca de le trouuer bon, dautant que le Royaume de Saxuma n'estant encore d'accord avec la Tençe, ils ne pouuoient arrester là sans danger de leurs vies. Il leur fournit vne fregate, dans laquelle ils se rendirent bien-tost au College de Nangazaqui.

---

*Arriuée de Ximandono à Nangazaqui, & la terreur qu'il  
donna à nos Peres, à cause des Chrestiens de Fi-  
rando qui s'estoient retirez là.*

## CHAPITRE VIII.



VRANT les susdites pertes des Chrestiens on donna vne nouuelle alarme à nos Peres de Nangazaqui, les assurant que Ximandono Seigneur Payen, & qui s'estoit tousiours monstré tres-contraire à tout ce qui concernoit nostre sainte foy, auoit obtenu de Dayfusama pareil pouuoir & autorité sur les Royaumes d'Arima & Omura, que le Sieur Augustin y auoit eu. Ce que les Iaponois appellent faire Ioriques. Nos Peres qui estoient à Meaco & Ozaca, leur escriuoient que Ximandono estoit prest à partir de la Cour, avec commission de Dayfusama,

53  
Ximando-  
no idola-  
re.

pour inuentorier tous les biens & moiens du sieur Augustin, ne pouuans dissimuler la crainte qu'ils auoient que cet idola-  
tre ne trauaillast grandement les Chrestiens.

ILs furent aussi auertis de bonne part, que Ximando s'estoit mis en deuoir d'obtenir les terres d'Omura en contre-  
change de l'isle d'Amacusa, & que Dayfusama luy en auoit fait  
expedier l'octroi. Ce qui greuoit d'autant plus les Chrestiens,  
que si ce Payen eût mis vne fois le pied dans Omura, le Sei-  
gneur d'Arima couroit grande fortune, ou de perdre son estat,  
par vn si dangereux voisinage, ou d'estre forcé de le changer  
auec quelqu'autre. Par ainsi les anciens & vertueux Chrestiens  
de ces deux Roiaumes, auec leurs Eglises & nos maisons, s'en  
alloient perdus & ruinés.

LA fin montra que les bruits n'auoient pas esté vains. Car  
soudain que Ximandono fut arriué à Nangazaqui, il la donna  
belle à nos Peres sur le sujet des Chrestiens de Firando, les-  
quels ne voulant consentir à l'impie mandement de leur Sei-  
gneur, qui les vouloit faire apostater de la foy, quiterent tout ce  
que les hommes estiment le plus en ce monde, pour se retirer  
en vn lieu que le Roy d'Omura leur octroia pres de Nangaza-  
qui, comme nous auons touché en son lieu.

XIMANDONO auoit trouué fort mauuais que ces Chrestiens  
fussent partis de Firando, pour vn si maigre sujet, comme il di-  
soit, & desiroit fort les renuoyer en leur país. Mais par ce qu'ils  
s'estoient arrestés és terres d'Omura, qui estoient lors sous la  
protection du Sieur Augustin, il n'auoit eu moyen de les y con-  
traindre. Cete armée donc passant à Nangazaqui, auec Fruya  
Seigneur de Firando, son grand ami, & se voiant bien accom-  
pagné des troupes qu'ils menoient pour faire la guerre à Sa-  
xuma, il luy prit volonté d'exceuter son ancienne intention.

A ces fins il enuoia dire à nos Peres que c'estoit vne chose  
insupportable, que les Chrestiens abandonnassent leurs natu-  
rels & legitimes Seigneurs, pour se voir portés à l'ancienne reli-  
gion de leurs Peres. Que si ces nouuelles arriuoient à la Cour,  
& que si Dayfusama scauoit que nos Peres eussent dōné ce con-  
seil, & fauorisassent telles personnes, il y auroit bien du danger  
pour nostre Compagnie, que ce seul fait pourroit estre occa-  
sion plus que suffisante, pour attirer quelque grand malheur

LES  
C  
10

54

Entrepren  
sur Omura

Liv. 12.  
nomb. 78.  
& suivant.

95

Plaintes de  
Ximando  
no.



**I**ESVS-  
**CHRIST**  
100.  
sur nos testes. Partant qu'il vouloit mettre ordre à cet affaire, procurant que ces gens retournassent à Firando, & obeïssent à leur Seigneur; sans prejudice de leur foy & creance: S'ils veulent estre Chrestiens à l'interieur, qu'ils le soient à la bonne heure, disoit-il, mais qu'au reste qu'ils fassent ce que leur Seigneur naturel commande. En vn mot il desiroit que nos Peres conseillassent aux Chrestiens d'accepter cete loy.

56

Constance  
des Chre-  
tiens.

Il lui fut sommairement respondu, que les Chrestiens ne se pouuoient sousmettre à cete condition, pour estre contraire à la loy Euangelique qu'ils professoient. Et partant que nos Peres ne leur pouuoient donner tel conseil. Ce que voyant Ximandono, enuoia deux de ses Agens vers les bons Firandois, pour les sommer de retourner en leur pais, & obeïr à leur Seigneur. Les bonnes gens protesterent qu'ils ne manqueroient à le seruir, ainsi qu'ils auoient fait par le passé, pourueu qu'il leur permit de viure Chrestienement. Que si telle condition lui sembloit trop libre ou pour des vassaux enuers leur Seigneur, qu'il retint pour soi les biens qu'ils auoient possédé, & en tirast les fruits, & se seruît d'eux pour les valets & laboureurs, promettans de faire tout ce qu'il leur commanderoit, pourueu que la gloire de Dieu n'y fût point interessée.

57

Conseil  
fort &c.  
Chrestien.

CETE response donnée, les Chrestiens furent auertis par personne digne de foy, de se tenir sur leurs gardes, parce que Ximandono & Fruyn n'attendoient que la commodité pour leur courir sus & tuer les principaux. Qui fut cause qu'ils appellerent quelques-vns de nos Peres pour se confesser, se retirerent tous dans vne maison bien située pour se deffendre, & se fortifierent au mieux qu'ils peurent, resolu comme bons soldats, de vendre bien cher leurs vies aux ennemis de la foy. Nos Peres preuoians les maux & ruines qui pouuoient s'ensuyure de ce nouveau cas, en temps si calamiteux; & desirans couper broche à toute sorte de troubles, se mirent en deuoir de persuader au Sieur Hierome, & à son fils aîné, tous deux chefs des Chrestiens Firandois, qu'ils se montrasent, s'ils vouloient, prests à se deffendre par armes; afin que les aduersaires voians qu'ils n'en pourroient venir à bout,

sans perdre beaucoup de gens, & parauenture des meilleurs, IESVS  
 desistassent de leur entreprise. Que si les Payens se mon- CHRIST  
 troient resolu de passer outre, & en venir à bout, quoi qu'il 1601.  
 leur coutast; que pour lors ils demandassent à capituler; &  
 que les deux chefs s'offrissent à sortir hors du fort sans  
 armes, & passer par les piques, pour sauuer la vie aux au-  
 tres.

ILs se resolurent à suivre ce conseil pour le grand de-  
 sir qu'ils auoient de la Couronne du martyre considerans  
 que se mettans en deffense ils la perdroyent, voire met- 58  
 troient leur salut en grand hazard; parce qu'il est mal-ai- Martyre  
 sé que ceux qui entrent en combat ne se mettent en co- desiré.  
 clere, ne vueillent mal à leurs ennemis, ne desirent se  
 venger d'eux. Offences qui les eussent precipités au fond  
 des enfers: Ce qui ne pouuoit arriuer, s'ils s'offroyent  
 volontiers à la mort. Mais ce qui les porta plus à la susdi-  
 te resolution, fut qu'ils n'auoient moien de resister telle-  
 ment, qu'en fin ils ne fussent vaincus; ne perdissent la vie,  
 & ne missent en grand danger toute la Chrestienté du Ia-  
 pon, quand le fait arriueroit aux oreilles de Dayfusama.

MAIS fût que Ximandono & Fruyn n'eussent iamais eu  
 volonté de faire ce dont ils auoient menacé les Chrestiens: fût  
 qu'ils eussent peur de ne venir à bout de leur entreprise, voi- 59  
 ans ces Chrestiens si determinés à se deffendre; fût qu'ils vou- Menaces  
 lussent espargner le cuir de leurs soldats, qui leur pouuoient en fumée.  
 faire faute à Saxuma, ils firent doucement entendre aux Chre-  
 stiens Firandois, qu'ils n'auoient intention de leur nuire.  
 Ainsi ces bons Chrestiens eschapperent du danger de leurs  
 vies, & nos Peres furent deliurés de crainte & de danger pour  
 ce coup.

CETE constante resolution des Chrestiens fut de tres-bonne  
 odeur & edification tant aux autres fideles du Iapon, qu'aux  
 Payens mesmes. Combien qu'auant le depart de Ximandono  
 fort peu de personnes sçeurent la resolution prise par le Sieur  
 Hierome & son fils, à cause du danger qu'il y auoit que venant  
 aux oreilles de Ximandono & Fruyn, ils ne se resolussent à tail-  
 ler en pieces tous les Chrestiens. Mais d'ailleurs ils sçauoient



LES V-  
CHRIST  
1601. as-  
sés, qu'estans attaqués ils se deffendroient comme valeu-  
reux soldats, & ne se rendroient pas sans en auoir fait mourir  
plusieurs autres.

*Sommaire de ce que le Sieur Augustin Tzucamidono  
souffrit en prison : sa fin & obseques,  
ensemble de son fils aîné.*

## CHAPITRE IX.

60

Augustin  
& ses loij-  
anges.



A plus grande perte que la nouuelle Eglise du Iapon fit durant ces troubles, & celle qui blessa plus viuement le cœur de nos Peres, fut la ruine & mort de Dom Augustin Tzucamidono, le plus grand Seigneur Chrestien qui fut au Iapon, Celui qui auoit le plus grand nombre de Chrestiens en ses terres, (car ils estoient plus de cent mille) le plus ferme pilier de toute l'Eglise du Iapon, le plus entier & loial ami des bons; le plus insigne bien-faïcteur & protecteur de nostre Compagnie en tous les quartiers du Iapon.

C'ESTOIT le plus excellent & renommé Capitaine de toutes les Isles & Roiaumes du Iapon, Surintendant des neuf Roiaumes du Ximo, Admiral des mers du Iapon. Es guerres du Coray il fut general de deux cens mille combatans. Tant aimé & respecté quasi par tous les Rois & Seigneurs du Iapon, qu'il n'y en auoit point qui ne prisassent grandement, & ne recherchassent vniquement son amitié. Dayfusama mesme, qui tenoit cete année la monarchie du Iapon, rechercha fort curieusement son alliance, ainsi que nous auons touché ci-dessus. Mais la prouidence diuine pour monstrier d'une part qu'il estoit predestiné à la vie eternelle, le chemin de laquelle n'est pas toujours paué de roses, ains le plus souuent d'espines : & d'autre part pour faire voir l'inconstance des biens de ce monde, permit que sa grandeur & felicité mondaine s'abaissât tout à coup, & se changeât tellement qu'on vid toute l'esperance de sa famille enfermée dans vne estroite & rigoureuse prison. Ce fut vn grand

Nomb. 7.

grand creue-cœur à tous les Chrestiens, & sur tous à nos <sup>IESVS-</sup>  
Peres qui ne recognoissoient pas plus grand amy au Iapon. <sup>CHRIST</sup>  
Si est-ce que la deuotion avec laquelle il finit ses iours, & les <sup>1601.</sup>  
euidens signes de salut qu'ils remarquerent en son histoire, leur allegerent grandement la douleur. En voicy vn  
abregé.

S'ESTANT estimé plus qu'obligé à prendre les armes  
pour le ieune Prince, fils du feu Tayco, suivant le serment  
qu'il en auoit fait, & preuoiant neantmoins le danger au- <sup>61</sup>  
quel il s'exposoit, auant que sortir de Meaco pour aller <sup>Vertus du</sup>  
à l'armée des Regens & liguez, il se confessa fort deuote- <sup>mesme.</sup>  
ment. La droite intention du party qu'il suiuoit, qui estoit  
de conseruer le bien du pupille, luy faisoit tenir la victoi-  
re comme certaine. Par le moien d'icelle, aiant plus de for-  
ce & de credit que iamais, il esperoit promouuoir grande-  
ment la predication du saint Euangile en ses terres. Ce fut  
pourquoy auant qu'entrer au combat il escriuit à quelques  
siens Lieutenans, & à nos Peres qui estoient à Fingo, qu'ils  
trauassassent hardiment pour conuertir le plus qu'ils pour-  
roient de Chrestiens.

L'ARMEE des Regens & liguez, ayant esté du premier  
coup mise à vau-de-route, à cause de la trahison cy-dessus  
mentionnée, le Sieur Augustin se trouuant hors d'esper- <sup>Nomb 28.</sup>  
rance d'eschaper des mains de ses aduersaires, fut bien  
tenté de se tuer soy-mesme. Mais croiant que ce seroit vn  
tres-grand peché, & prisant plus l'honneur de Dieu que le  
sien propre, il se laissa prendre prisonnier, pour mourir de-  
puis avec plus grand & meilleur appareil.

IL fut donc premierement conduit deuant Cainocami fils  
du Roy de Bugen, lequel n'eut pas le courage de luy dire vn  
mot, tant la compassiō luy tenoit le cœur serré. Mais le sieur  
Augustin commença, & luy dit: Vous sçauiez bien, Monsieur,  
quel i'ay esté. Vous voyez à quel estat ie me trouue reduit. Je  
vous supplie me faire vne faueur. Cainocami ne luy répondit  
rien, estimant qu'il le voulût emploier à obtenir sa grace de <sup>62</sup>  
Dayfusama. Qui fut cause qu'Augustin adiousta: Ce n'est <sup>Fait pri-</sup>  
pas pour ma vie que ie plaide: ie n'en tiens mes-huy aucun <sup>sonnier.</sup>  
compte. Si ie n'eusse apprehendé l'offence de Dieu, & l'in-



**I**ESVS-  
**CHRIST**  
**1601.** dignation de son infinie iustice, que i'eusse encouru me mas-  
sacrant moy-mesme, ie ne fusse pas tombé vis en vos mains.  
Ce que ie requiers est, qu'il vous plaise me donner commo-  
dité de parler à vn Prestre Chrestien. C'est le comble des  
contentemens que i'espere receuoir en cete vie.

**64** **Luy est re-**  
**tusée.** **C**AINO CAMI promet de faire tout ce qu'il pourroit  
pour luy obtenir cete grace de Dayfusama. Dequoy le  
Sieur Augustin le remercia comme d'un singulier benefi-  
ce qu'il attendoit. Mais Dayfusama respondit que ce  
n'estoit chose necessaire: Et donnant en garde le Sieur  
Augustin à vn de ses Capitaines, deffendit qu'il ne luy  
laislast pas vn laquais pour le seruir en prison. Quelques  
iours apres il fut conduit sous bonne & grosse garde à  
Ozaca, où il mit peine de se confesser, escriuant par plu-  
sieurs fois à nos Peres. Dayfusama veid quelques-vnes de  
ses lettres, & comme idolatre ne pouuant entendre quel-  
le chose le Sieur Augustin demandoit sous ce nom de  
Confession, deffendit expressement qu'on ne donnast à  
pas vn de nos Peres commodité de parler au prison-  
nier. Tellement qu'il n'y eut moyen de le voir ny con-  
fesser.

**L**vy donc scachant bien qu'en semblables cas il deuoit  
auoir recours à la contrition, tâcha de l'exciter en son ame,  
employant vne partie de son temps à pleurer amèrement ses  
fautes; l'autre à dire son chapellet, & sur tout s'effor-  
çant de souffrir patiemment toute sorte d'iniures, voire at-  
tendant la mort pour plus pleine satisfaction de ses pechez.  
En quoy il se monstra tousiours si courageux & constant,  
que les Gentils-hommes Payens qui le visitoient en demeu-  
roient tous estonnez.

**65** **Patience**  
**crainez**  
**par la ville.** **L**A sentence de mort ayant esté prononcée contre Gibu-  
noscio, duquel nous auons souuent fait mention cy-dessus;  
contre Ancosugi Bonze, qui gouuernoit tous les affaires de  
Morindono, & contre le Sieur Augustin, on les mena pre-  
mierement tous trois, sur trois ardelles par les ruës d'Oza-  
ca; & depuis sur trois charrettes par celles de Meaco. Trait  
tenu pour vn grand des-honneur & ignominie, principale-  
ment lors qu'on pourmene ainsi quelques Seigneurs & per-

sonnes de qualité. Gibunoscio marchoit le premier, comme le chef & autheur de rebellion. Ancosugi suiuoit. Le sieur Augustin estoit le dernier.

A chaque quarrefour vn Heraut d'armes publioit que ces trois personnages estoient menez au supplice, pour auoir conspiré contre le repos de la Tençe. Les deux premiers, fût faute de courage; fût parce que le peuple les outrageoit & gourmandoit extremement, monstroient bien par leurs pleurs, souspirs, sanglots, & changement de couleur, combien ils apprehendoient le pas de la mort. Quant au Sieur Augustin, quoy qu'on luy dit, quoy qu'on luy fit par les ruës, il ne changea iamais de contenance. Tellement que chacun remarquoit à l'œil la difference qu'il y auoit entre les Chrestiens & les Payens, approchans de la fin de leurs iours.

66

Sentence  
de mort,

ARRIVEZ qu'ils furent au lieu deputé au supplicé dans la ville de Meaco, vn Chrestien que nos Peres auoient instruit & enuoié pour ce fait, se fourra parmy les Archers du guet, si bien qu'il aboucha le Sieur Augustin, & luy fit entendre comme nos Peres auoient fait toutes les diligences possibles, pour l'oüir en confession. Mais en vain, parce que ses gardes n'auoient iamais voulu permettre qu'on luy parlât. Il l'exhorta donc à faire quelque acte de contrition en cete dernière heure. Le Sieur Augustin apres auoir remercié nos Peres de la bonne souuenance qu'ils auoient de luy, l'assura qu'il s'estoitjà disposé à la mort en la mesme façon qu'il luy disoit, & par la grace de Dieu auoit senti vne si viue douleur de ses offences, qu'il mouroit content & fort consolé.

67

Derniere  
preparatiō  
à la mort.

COMME ces trois paties poursuiuoient leur dernier voiage, voila certains Bonzes qui se presenterent à eux pour faire certaines ceremonies superstitieuses, desquelles ils se seruent en semblables cas. Ils les firent sur Gibunoscio, & Ancosugi tout à leur aise. Mais comme ils se voulurent approcher du Sieur Augustin, il les remuoia brusquemēt, disant: Je suis Chrestien. Je deteste toutes ces inuentions diaboliques. Et soudain se prit à dire haut & clair le *Pater noster*, & son chapelet qu'il portoit en main, à la confusion des Bonzes.

68

Supersti-  
tions des  
Bonzes.



IESVS-  
CHRIST  
1601.

PEV apres vint vn autre Bonze, mais des plus renommez, qui n'auoit coutume de sortir de sa maison, que bien rarement, & pour assister à la mort les grands Seigneurs, lequel apres auoir fait quelques fingeries à l'entour de Gibunoscio & Ancosugi, leur donna à baiser vn gros bouquin de liure, que cete auenglée gentilité tient pour chose sainte. Tandis, le Sieur Augustin continuoit à dire son chapellet tenant en main vn beau tableau de nostre Seigneur & de nostre Dame, images fort deuotes, qu'il portoit tousiours sur soy. La Serenissime Royne de Portugal, Madame Catherine, sœur de l'Empereur Charles le Quint, en auoit autrefois fait present à vn de nos Peres, duquel le Sieur Augustin l'auoit receu.

69

Mort du  
Sieur Au-  
gustin.

LE Bonze s'approcha de luy pour faire le mesme qu'il auoit fait aux autres, & luy mettre le gros & gras registre sur la teste. Mais le Sieur Augustin le rebuta promptement, luy disant qu'il luy laissast passer ce peu qui luy restoit de vie, & mourir en la foy Chrestienne qu'il professoit. Puis haussant à deux mains & fort deuotement son petit tableau, le mit trois fois sur sa teste, recommandant son ame à Dieu: esleua ses yeux au ciel, où ayant quelque temps arresté sa veuë, la tourna vers le petit tableau. Puis s'estant mis à genoux, & inuoquant les sacrez noms de IESVS & MARIE, sans changer de couleur, tendit son col au bourreau, qui à trois coups luy abatit la teste.

70

Ses obse-  
ques.

SON corps fut soudain couuert d'vne robe de soie, & porté à nostre maison de Meaco. Nos Peres le receurent avec beaucoup de larmes, & l'enseuelirent honorablement suiuant la coutume de la sainte Eglise Catholique. On dit plusieurs Messes pour son ame, tant à Meaco, qu'és autres Eglises de nostre Compagnie au Japon. Et le Reuerend Pere Claude Aquaiua pour lors nostre General, ordōna qu'on priast pour luy par toutes nos maisons, comme pour l'vn de nos insignes bien-faiteurs. Dans la fourrure de la susdite robe de soie fut trouuée vn letre cousuë, adressante à Madame Iuste femme du sieur Augustin, & à ses enfans, de la-

quelle j'ay extrait ce qui s'ensuit.

IE ne scaurois declarer par escrit combien j'ay souffert & souffre encores, à raison de ce tant inopiné accident, qui m'a fait aualer les plus ameres larmes, & souffrir les plus cuisantes douleurs, qui pourroient accabler vne pauvre creature durant cete vie. L'espere satisfaire ici pour vne partie des peines que ie deuois endurer en Purgatoire; j'aduouë que mes pechés m'ont precipité en ce miserable estat: & je reçois pour vn singulier benefice de la diuine misericorde, les trauaux que j'ai supporté ces iours passés, & la remercie infiniment de la douceur de laquelle il lui plaist vser enuers moi. Ce qui vous importe le plus, c'est que desormais vous seruiés tous Dieu, de tout vostre cœur, vous souuenant que tous les biens de ce monde sont passagers, & n'y a sur la terre qu'inconstance. Ce sont à peu pres les termes du Sieur Augustin, qui auoit recommandé à vn sien confident, qu'on cherchât cete letre dans sa robe, lors qu'on l'enfeucliroit. Ainsi fut-elle trouuée.

71

Letre du  
Sieur Au-  
gustin à sa  
femme.

DEUX pages de Dayfusama, qui auoient quelques jours auparauant receu le saint baptesme, aiant remarqué comme le Sieur Augustin s'estoit préparé à la mort, dirent tout haut qu'ils l'eussent volontiers acceptée avec lui, s'ils eussent peu auoir assurance de mourir si bien préparés comme lui.

72

Bon exem-  
ple & force.

CETE tragedie ne prit pas fin en la mort du Sieur Augustin. Car peu de iours apres icelle son fils vnique, âgé seulement de douze ans, jeune Seigneur de tres-grande expectation, s'estant retiré vers Firoxima, sous la parole Morindono, avec quelques siés seruiteurs Chrestiens, fut proditoirement massacré: dès que son pere fut pris il recogneut bien le mal qui lui pëdoit. Partant il enuoia querir vn de nos Peres qui estoit à Firoxima, le confessa fort deuotement, & se disposa pour receuoir comme de la main de Dieu tout ce qui lui arriueroit.

BIEN-tost apres Morindono s'estant imaginé qu'il se remettrait en grace avec Dayfusama, lui portant la teste de ce jeune Seigneur, l'enuoia querir, lui faisant entendre qu'il le changeoit de place pour le mettre en lieu plus assés. Lors que cete nouuelle fut portée à ce jeune Seigneur, il auoit pres de soi vn de nos Religieux, que les Peres de Firoxima auoient enuoie pour le visiter: & comme il auoit l'esprit vif, & le jugement

73

Perfidie de  
Morindo-  
no.



LES V S-  
CHRIST  
1601.

plus meur que son âge ne portoit il recogneut soudain, que ce changement de lieu, estoit pour lui oster la vie, non pour le garentir de mal. Qui fut cause qu'il pria nostre Frere qui l'assistoit, de luy donner quelque image, quelque grain benit, ou autre piece de deuotion, qu'il portât sur soi à l'heure de la mort. Nostre Religieux s'estant mis en deuoir de le consoler, & lui oster cete apprehension, l'enfant se montra si resigné à la volonté de Dieu, qu'il lui dit: M'estant confessé, & esperant en la misericorde de mon Dieu, je ne crains point la mort. Assurez vos Peres, que je suis content de mourir.

74

Mort du  
fils aîné  
du Sieur  
Augustin.

NOSTRE Religieux n'eut pas plustost pris congé de lui que les officiers de Morindono, aiant renuoié tous ceux qui estoient autour de lui, sauf vn sien page, & vn seruiteur, le menerent à Ozaca, vers Morindono, qui lui fit secretement trancher la teste, pour la presenter à Dayfusama, cuidant lui faire vn grand seruice, & par ce moien gagner ses bonnes graces. Mais Dayfusama fût par compassion naturelle, ou comme il auoit l'esprit bon & genereux, se souuenant que c'estoit le fiancé de sa petite fille, non seulement ne voulut receuoir vn si abominable present, ains se montra tres-mari de la mort de cet innocent. Quiconque a fait ce coup, merite d'estre rigoureusement chastié, dit-il en colere. On deuoit attendre ma volonté & commandement.

75

Ruse malicieuse.

CE qu'entendant ceux qui auoient porté l'infame present changerent finement le sujet de leur Ambassade, disans que Morindono aiant trouué sur ses terres ce jeune Seigneur fuyant, l'auoit retenu prisonnier, & fait conduire à Ozaca, pour le presenter vif à son altesse. Mais que par desespoir il s'estoit fendu le vendre. On n'auoit neantmoins porté que sa teste. Dayfusama se paia pour lors de cete bourde, & la prit en paiement, si bien qu'il n'en fit autre bruit. Mais depuis estant informé du tout, il trouua l'acte fort barbare.

*Grands biens que Dieu tira de tous les maux susdits.  
Bonne volonté que Dayfusama montrait à nos  
Peres, & patentes qu'il leur octroia pour  
resider au Iapon.*

## CHAPITRE X.



OVS auons iusques ici sommairement touché les  
trauaux & miseres que l'Eglise du Iapon, & nos  
Peres souffrirent durant cete nouuelle reuolution  
de l'Estat du Iapon : il est raisonnable que nous  
representions aussi les consolations que Dieu  
leur departit, & remarquions en peu de paro-

76

Bon-heur  
des Chre-  
tiens.

les les grands biens que la bonté diuine tira des maux  
susdits.

EN premier lieu donc, par les guerres & changemens  
d'Estat que nous auons deduit, la prouidence diuine appla-  
nit plusieurs difficultés qui se presentoiēt au Iapon, tant en  
la conuersion des Payens, que pour le secours & entretenement  
de ceux qui estoient jà Chrestiens. Car la nouuelle  
forme du Gouuernement establie par le feu Tayco, estant  
abolie par la defaite des Regens; & Dayfusama s'estant ren-  
du Seigneur absolu du Iapon, l'Edit fait par le feu Tayco,  
contre les Chrestiens, & contre nostre Compagnie, estoit de  
nul effet. Ce qui ne fût pas arriué, si les Regens eussent eu  
du meilleur. Car ils auoient juré de faire inuiolablement  
garder les loix du Tayco, lesquelles demeueroient abrogées,  
auec leurs fauteurs, la prouidence diuine permettant que ce-  
lui qui durant sa vie auoit tant persecuté les Chrestiens,  
& qui par le moien du nouveau pouuoir laissé aux Regens,  
pretendoit en certaine façon regner apres sa mort; trouuaist vn  
successeur, qui effaçant tous les vestiges de ses hauts faits, priuât  
les Regens de leur autorité, & les fit mourir. Voire que ces  
Regens mesmes sans considerer ce qu'ils entreprenoient,



IESVS- fissent bruler la forteresse de Fuximi, la plus belle piece que le-  
CHRIST Tayco eût iamais fait dresser.

1601.

DAYFVSAMA commença donc à regner avec vne grande  
douceur & clemence, ne s'estant voulu seruir du pouuoir que  
la victoire a coutume de donner, particulièrement au Japon;  
ains pardonnant à plusieurs Seigneurs qui auoient pris les ar-  
mes contre lui. Il fit grace à la femme & aux filles du Sieur Au-  
gustin, ensemble à vn sien frere, & à ses enfans, bref à plusieurs  
autres Cavaliers Chrestiens qu'on estimoit impossible de  
sauuer.

77

Dayfusama  
regue.

IL se montra pareillement fort doux & courtois enuers no-  
stre Compagnie. Car comme il passoit par Meaco, reuenant de  
la guerte, vn de nos Peres le fut visiter au nom de tous, & lui of-  
frit quelques confitures & du vin, desquelles il goustâ sur le  
champ. Qui fut vn trait de faueur. Il demanda neantmoins  
au Pere, s'il auoit point veu le Sieur Augustin entre les prison-  
niers. Et le Pere aiant respondû que non. Vous aués bien fait,  
lui dit-il. Auertissés tous vos Collegues, qu'ils se gardent bien  
de le voir. Le P. Organtin le fit aussi visiter en la ville d'Ozaca,  
& obtint exemption de loger les gens de guerre: la multitude  
desquels greuoit grandement les habitans.

78

Careffe  
les nostres.

LE P. Iean Rodriguez y allant de la part de nos Peres de  
Nangazaqui, fut receu avec pareil accueil; & rencontra vn  
Agent de Dayfusama, lequel tesmoigna publiquement, com-  
me durant la guerre des Regens & ligués, ledit Pere & les au-  
tres residans à Nangazaqui, lui auoient fait beaucoup de cour-  
toisies, & ce seulement pour ce qu'il appartenoit à sa Majesté.  
Dequoi Dayfusama se resioüit grandement, & dit qu'il en sça-  
uoit bon gré à nos Peres, lesquels ne pouuoient moins faire,  
estans gens d'esprit, & qui entendoient bien quel estoit le deuoir  
des bon sujets enuers leurs Princes & Seigneurs.

79

Patentes de  
Dayfusama.

IL ne se contenta pas d'auoir montré de parole combien  
tels seruices lui agreoient, ains le voulut encore confirmer par  
escriit, faisant expedier deux lettres patentes, par lesquelles il  
permettoit que nos Peres residassent à Ozaca, Meaco, & Nan-  
gazaqui. C'estoient lors les trois principales ville du Japon,  
Partant Dayfusama, Seigneur de la Tençe, aiant trouué bon  
que nos Peres demeurassent là, c'estoit autant que s'il leur eust  
permis

permis d'habiter par tout le Iapon.

LE retour de Ximandono à Nangazaqui, fournit aussi CHRIST 1601.  
vn beau sujet de consolation à nos Peres, Dieu conuertissant leurs craintes en assurance, & leurs frayeurs en allegresse. Car on auoit apprehendé qu'il ne vint de la cour, avec quelque nouuelle charge pour nous troubler, & s'indignast contre nous, lors qu'il seroit question de luy faire entendre pour la premiere fois l'arriuée de l'Euesque du Iapon, qu'on luy auoit celée iusques à ce temps, pour beaucoup de tres-iustes raisons. Mais Dieu disposa toutes choses tellement qu'elles reüssirent du tout à nostre contentement.

SOVDAIN que Ximandono fut arriué à sa forteresse de Carrazu, le Pere Iean Rodriguez le visita de la part de Monseigneur l'Euesque, du Pere Visiteur, & du Pere Vice-prouincial. - Il fut fort content de cete visite, & de l'arri- 80  
uée de l'Euesque, & quelques iours apres respondit fort courtoisement à leurs lettres. Depuis estant allé à Nangazaqui, il monstra beaucoup de signes de bien-veillance audit Sieur Euesque, & à nos Peres qui l'accompagnoient: Ximan-  
dono trai-  
cté chez  
nous.  
disna deux fois chez nous, l'vne inuité par ledit Sieur Euesque, l'autre par nos Peres, & tousiours se monstra fort satisfait de la bonne chere qu'on luy auoit faite. Mais plus de l'entiere affection qu'on luy portoit.

IL ne changea rien pour les Chrestiens, ny pour nous; ains nous promit toute faueur pour l'aduenir, en toutes les occasions qui se presenteroient, disant qu'il le pouuoit librement faire, veu que Dayfusama estoit Seigneur de la Tence, & se monstroir plus facile enuers nous, que n'auoit iamais esté le Tayco; ny les Regens, qui auoient autant de diuerses volonteiz & desseins, qu'ils estoient de personnes.



*Departement des Royaumes du Japon, fait par Dayfusama,  
& les commoditez qui en reuindrent à l'E-  
glise du Japon.*

CHAPITRE XI.



A raison vouloit, que Dayfusama recompensast ceux qui auoient porté les armes pour luy, contre les Regens. Il leur departit donc plus de trente Royaumes, mais avec vn tel heur pour les Chrestiens, que les vns demeurèrent en leurs maisons, sous de nouueaux Seigneurs qui les fauorisoient grandement; les autres furent enuoyez parmy les gentils, pour fleurir comme de belles roses au milieu des piquantes espines, & par leur vertueuse vie rendre vne tres-souëfue odeur à nostre sainte Foy.

81  
Cainocami  
& sa part.

CAINOCAMI fils de Simon Condera Roy de Bugen, tous deux bons Chrestiens, eut pour sa part le Royaume de Chicugen plus grand que celui de Bugen: & par consequent la ville de Facata, où y auoit dès lors plus de mille Chrestiens, & autant ou enuiron és lieux circonuoisins dans le mesme Royaume. Outre trois cens que Iean Acaxicamon emmena avec luy, se rangeant au seruice de Cainocami, & se logeant près de Chicugen.

82  
Acaxica-  
mon & sa  
vaueur.

LA façon par laquelle Dieu le garentit de la mort, & remit en grace avec Dayfusama, merite place en cete histoire. Il se trouua des premiers en l'armée des Regents, & à cause de la trahison, fut tout à coup inuesti par ses aduersaires. Se voyant donc en extreme danger de sa vie, & ne la voulant perdre poltronnement, se massacrant soy-mesme, il se resolut de combattre iusques à la mort, mit pied à terre, & poursuivit l'escarmoûche si bien qu'il rencontra les troupes de Cainocami, qui combattoit pour Dayfusama. La liurée qu'il portoit le decouurit. Les gens de Cainocami le saluerent, crians qu'il approchast, qu'il mît les armes bas, que leur

chef luy sauueroit la vie, comme il fit. Mais il s'etonna bien <sup>LES VS-</sup>  
de voir Acaxicamon vif parmy tant d'arquebuzades qui <sup>CHRIST</sup>  
gressoient de tous costez, & plus encore de ce que se trou- <sup>1601.</sup>  
uant en tel danger il ne s'estoit tué soy-mesme.

LA seule crainte de Dieu m'en a detourné, dit-il, & por-  
té à m'engager au combat pour mourir les armes au poin.  
Me voicy maintenant en vostre pouuoir. Ce me sera vn  
grand honneur de mourir de vostre main. Je me garde-  
ray bien de commettre vne si lourde faute, repartit Cai-  
nocami; ie vous garentiray de la mort, s'il m'est possible,  
& vous obtiendray grace de Dayfusama. Ce que disant il  
mit pied à terre, fit monter Acaxicamon sur son cheual,  
& sauta sur vn autre de ses gens. Apres la bataille il obtint  
la grace pour ce bon Seigneur, & le recommanda telle-  
ment en la demandant, que Dayfusama trouua bon qu'il le  
retint à ses gages. Voila pourquoy Acaxicamon suiuit depuis  
la cour de Cainocami. Quelques iours apres il fut à Ozaca,  
& logea chez nous, où il ne cessoit de louer Dieu, pour l'a-  
uoir deliuré d'un si euident danger de mort.

A v lieu du petit Roiaume de Tango, que Iocundono,  
mary de Madame Grace possedoit, Dayfusama luy donna  
tout celuy de Bugen, avec la troisieme partie de celuy de  
Bungo. Ce bon Seigneur estoit Payen, mais fort affection-  
né à la foy Chrestienne, par ce qu'il auoit vn sien frere, vn  
sien fils, deux de ses filles, & plusieurs de ses gens Chrestieñs.  
Soudain que Dayfusama luy eut fait ce don, il escriuit au  
Pere Organtin, le priant de faire en sorte que le Pere de  
nostre Compagnie qui se tenoit à Bugen, n'en partît pas,  
ains vaquast hardiment à l'aide des Chrestiens, parce qu'il  
estoit tout resolu de fauoriser les vassaux en cét endroit, &  
donner congé general de receuoir le Baptisme à quicon-  
que le voudroit.

IL auoit à sa suite trente Caualliers, qui n'attendoient que  
la commodité pour se faire Chrestiens, & recognoissoient  
qu'apres Dieu il leur en auoit fait venir la volonté, sans y  
penfer autrement. Car cōme il disoit des micux, estāt vn iour  
tombé sur le discours du franc-arbitre, il monstra si perti-  
nement que chacun pouuoit & deuoit librement suiure

83  
Iocundo-  
no Roy de  
Bugen.

84  
Eloquence  
& sa force.



IESVS-  
CHRIST  
1601.

ce qu'il cognoissoit estre necessaire pour son Salut, sans attendre d'y estre induit ou forcé, qu'ils se sentirent incontinent touchez d'un vif desir de recevoir le Sainct Baptisme. Desir qu'il embrassa davantage, adioustant qu'il prenoit un singulier plaisir d'oïr dire que le nombre des Chrestiens croissoit de iour en iour; qu'il prisoit grandement telles personnes, & les employoit volontiers pour son service.

Nomb. 78.  
du liu. 12.

85

Firandois  
pourueus à  
Chicugen.

IL ne se contentoit pas d'aider & fauoriser ses vassaux Chrestiens, ains estendoit encore les bras de sa charité iusques à ceux qui habitoient hors de ses terres. Car aiant appris que sept cens Firandois auoient quitté leurs biens, & s'estoient retirez près de Nangazaqui, ainsi que nous auons dit cy-dessus, il les inuita à se retirer en son Roiaume de Bugen, leur offrant du reuenue suffisant, & plus qu'ils n'en auoient possédé à Firando. Pour traicter cét affaire, & quelques autres qui n'estoient de moindre importance à la gloire de Dieu, il enuoia le Pere Gregoire Celpedes du Roiaume de Bungo, où il se tenoit iusques à Nangazaqui vers le Pere Visiteur, & aiant obtenu tout ce qu'il desiroit, voulut que les susdits Chrestiens s'en allassent promptement à Chicugen, prendre possession des terres qu'il leur auoit assignées. Dequoy nos Peres furent tres-contens, tant pour voir ces bons Chrestiens pourueus de nourriture, comme pour se trouuer des-obligez de les sustenter, ainsi qu'ils auoient fait deux ans durât avec incōmodité notable.

86

Firoxima  
aidée.

FVCVXIMANDONO cy-deuant Roy de Voari, eut pour sa part en la distribution des Roiaumes faite par Dayfusama, deux de ceux que Morindono auoit tenus, en l'un desquels de la forteresse de Firoxima. Soudain qu'il eut receu ses depesches, il enuoia querir Iacques & Paul de Bungo, anciens Chrestiens, lesquels l'accompagnans pour prendre possession desdits Roiaumes, & trouuans que le P. qui auoit coutume de demeurer à Firoxima, en estoit parti pour se rendre à Nāgazaqui, enuoierent en diligence un courier apres luy pour le ramener, luy promettant toute faueur aupres de Fucuximandono, & le plus beau lieu que les Bonzes eussent possédé en tous ces quartiers là, pour son habitation.

Mais parce que le courier trouua le P.jà logé chez nous à

Nangazaqui, & tant recu de son voiage, qu'il n'en pouuoit I E S V S-  
entreprendre d'autre, nos Peres jugerent plus à propos d'at- CHRIST  
rendre que les affaires de Firoxima fussent mieux réglées. 1601.

Cependant on enuoia d'Amanguci vn de nos Religieux Iaponois, qui auoit ci-deuant demeuré à Firoxima, pour visiter Fucuximandono, & les Chrestiens. Depuis le Pere que Fucuximandono demandoit, y retournant, fut tres-honorablement receu, logé, & employé à la conuersion des Gentils. Ainsi les Bonzes qui estoient en vogue, tandis que Morindono gouuernoit, y perdirent leur credit : L'idolatrie en fut pour la plus part bannie, & les Camis & Fotoques dif-  
famés, parce que les Bonzes leurs deuots auoient promis de leur part à Morindono, qu'il gagneroit la bataille en laquelle il fut vaincu, & tous ses adherens defaits. Ce qui seruit de motif à plusieurs grands Seigneurs pour quitter le paganisme.

87

Bonzes  
menteurs?

LE Roiaume de Bigen, qui est proche de Meaco, escheut à Quingodono, Seigneur qui menoit plusieurs Chrestiens à sa suite, & y receut quand & quand Dom Iean d'Amacusa, qui auoit esté banni pour la foy, lui assignant du reuenu suffisant pour lui & huit cens que vassaux que seruiteurs qui dependoient de lui.

SIMEON Condera Roi de Bigen, s'estant dés le commencement des troubles resolu de seruir Dayfusama, fit la guerre à ceux qui tenoient le parti des Regens, avec le succès que nous auons touché ci-dessus, portant tousiours en ses drapeaux & cornettes le triomphant signe de la sainte Croix. Ce qui seruit grandement à l'amplification de la gloire & honneur de Dieu. Nous pouuons aussi dire avec toute verité, que ce fut lui qui conserua les Estats d'Arima & d'Omura, avec tout ce qui en dependoit. Car aiant communiqué son dessein aux Seigneurs desdites terres, il les sollicita tant qu'ils se resolurent à suiure Dayfusama. Qui fut vn estimable bien tant pour lui, que pour toute l'Eglise du Iapon. Car ces deux Rois cogneus par tout pour anciens Chrestiens, aians embrassé le parti de Dayfusama, non seulement conseruerent leurs dignités, ains coururent la disgrâce qui arriua par la resolution du Sieur Augustin, empe-

Nomb. 23.

88

Simon  
Condera  
succede au  
Sieur Aug-  
ustin.



IESVS-  
CHRIST  
1601.

chant qu'elle ne fût imputée à nos Peres, ny aux Chrestiens  
A cete occasion le Sieur Condera depuis la mort du Sieur  
Augustin escriuit à Monseigneur l'Euesque, & au Pere visi-  
teur qu'ils ne perdissēt pas courage pour se voir priués d'un  
tel protecteur qu'estoit le Sieur Augustin; que Dieu les en  
pouruoiroit d'un autre, & qu'attendant mieux il s'offroit à  
suiure ses traces en tout ce qu'il pourroit, pour le bien de  
l'Eglise Catholique au Iapon.

*Reduction à la foy Chrestienne & Catholique, de Constan-  
tin Roy de Bungo, fils de François : & des  
affaires de Fingo.*

CHAPITRE XII.



89

Constantin  
Iacata de  
Bungo.

VEL QUES mois avant que le Tayco commen-  
çât à persécuter les Chrestiens, Constantin fils  
de feu François Roi de Bungo, s'estoit reco-  
gneu, & remis au giron de l'Eglise Catholique,  
par le moien & à la sollicitation de Simon Con-  
dera, ainsi que nous auons touché ci-dessus. Mais comme il  
redoutoit tellement le Tayco, qu'il n'osoit se dire Chrestien  
& ne se seruoit des moiens spirituels, necessaires pour l'en-  
tretenir en sa creance, il deuint peu à peu si debile en la foy,  
qu'il recheut en l'idolatrie, & tomba és mains du Roi du Bu-  
gen, qui l'enuoia prisonnier à Nasacaua capitale de son Roi-  
aume. Ceu miserable Constantin s'estoit tellement replongé  
au borbier du paganisme, qu'il n'auoit omis Camis ny Fo-  
roque, auquel il n'eût fait quelque vœu, ou du temple duquel il  
n'eût pris quelque petite statuë, caractere ou scéblable bea-  
tille, pensant parce moien recouurer les terres de Bungo, qu'il  
auoit perduës huit ans auparauant. Il s'estoit tellement  
aheurté à ces superstitions, qu'il en auoit rempli vn sac de  
deux pieds ou enuirō, & large à l'auenāt, lequel il portoit sur  
ses armes à guise d'écharpe. mais tout cela ne lui seruit de riē.

90

Ses Super-  
stitions.

COMME il estoit à Nasacaua, vn de nos Peres de son

anciennecognoissance, le fut voir, & à l'occasion del'in-  
fortune qui lui estoit arriüée, l'auertit en vrai ami, qu'il  
prît garde à soi, recongneût que les idoles, esquelles il auoit  
mis son cœur & fiance, n'auoient aucun pouvoir. Qu'il pen-  
sât donc au salut de son ame, & rentrât au giron de la sainte  
Eglise Catholique. Constantin ouït volontiers ce salutaire  
conseil, & en remercia le Pere, auoüant que le culte de Ca-  
mis n'estoit que tromperie, qu'il y renonçoit de bon cœur,  
& desiroit rentrer au vrai sentier de la vie eternelle. Mais  
parce qu'il auoit desia oublié ce peu qu'on lui auoit autres-  
fois enseigné des mysteres de nostre foy, il demanda d'estre  
instruit de nouveau.

IESVS-  
CHRIST  
1601.

91

Recog-  
noist faute.

ON lui octroia vn de nos Catechistes, qui l'alloit trou-  
uer tous les iours, & emploioit quelques heures à lui expli-  
quer le Catechisme; si bien que dans sept ou huit iours il  
fut suffisamment instruit en la foy, & resolu à faire vne con-  
fession generale de toute sa vie, parce qu'il pensoit bien-tost  
mourir.

92

Confession  
generale.

A grande peine eut-il fini sa confession, que voila vn man-  
dement de Dayfusama, par lequel il ordonnoit que Con-  
stantin lui fût promptement enuoié. Plusieurs estimerent  
que c'estoit pour le faire mourir par justice. Ce qui empe-  
cha qu'on ne lui dit si promptement la nouuelle. On y ap-  
porta beaucoup de lenitifs, desquels on se pouuoit bien pas-  
ser. Car il estoit tout resolu à receuoir la mort pour satisfac-  
tion de ses fautes. Aiant disoit-il, retrouvé mon Dieu, m'e-  
stant confessé avec tant de contentement, & repos de con-  
science, tant s'en faut que je redoute la mort, que j'ay cēt  
fois meritée, qu'au contraire je la souhaite, craignāt que mes  
peruerfes habitudes ne me precipitēt de nouveau au peché,  
si je demeure long-temps en vie. Loué soit Dieu, que la mort  
ne m'a pas surpris en temps, ou en lieu, où je n'eusse peu  
trouuer Prestre pour m'instruire & confesser.

EN cete bōne disposition partit le Sieur Cōstantin de Nasa-  
caua, pour se rendre à Meaco; où il pleût à Dieu, qui lui auoit  
rendu la vie de l'ame, de lui octroier encore celle du corps,  
disposant tellement Dayfusama, qu'il se contenta del'ēuoier  
en exil perpetuel au Roiaume de Deua, sur les plus eloi-

93

Est banni  
à Daua.



IESVS- neés frontieres du Iapon, où il perseuera long-temps és  
CHRIST saincts propos que Dieu lui auoit inspirés par le moien de la  
1601. fufdite tribulation. Nous marquerons sa fin en son lieu.

Liu. 15.  
nomb. 175.

IL pleut aussi au Pere des misericordes, de consoler les  
Chrestiens du Roiaume de Fingo, jadis sujets du Sieur Au-  
gustin, & nos Religieux qui estoient prisonniers dans Vro.  
Quelques-uns les estimoient tous perdus, mais Dieu les de-  
fendit & conserua tous. Car Canzagedono, qui sembloit  
auoir sujet de les perdre, se resouenant du courage & fi-  
delité, avec laquelle ils auoient valeureusement deffendu la  
forteresse d'Vro, tant durant la vie, qu'apres la mort de leur  
bon maistre, & Seigneur; jugea non sans fondement, qu'il  
ne pouuoit trouuer personnes ny plus loiales, ny plus adex-  
tres aux armes. Partant mettant en oubli les pertes qu'ils  
lui auoient fait souffrir, par la mort d'un bon nombre de ses  
gens qui perirent audit siege; il les receut tous à son seruice,  
leur laissant le mesme reuenu duquel ils jouïssent aupara-  
uant, voire l'augmentant à ceux qui s'estoient montrés les  
plus braues & vaillans au combat contre lui mesme. Bref  
pour les contenter dauantage, & les obliger à le seruir plus  
fidelemēt, sçachant qu'ils ne desiroient rien tāt que de viure  
en bons Chrestiens, il leur permit de pratiquer librement  
tout ce qui estoit de leur deuotion. D'où vint que plusieurs  
Chrestiens qui viuoient sur ses terres comme en cachettes,  
se declarerent incontinent apres cete permission.

DEPVIS le mesme Canzagedono discourant avec les prin-  
cipaux Chrestiens, qui à cete occasion furent pourueus de  
diuers offices en sa maison, & traitant tantost de la foy  
Chrestienne, tantost de la façon de viure de nos Peres, & du  
siege d'Vro, montra qu'il auoit bien changé d'opinion, &  
croioit que la fidelité que les assiegés auoient montré, ne  
procedoit que du deuoir auquel ils se recognoissoient obli-  
gés enuers leur Seigneur naturel. Il fut confirmé en cete opi-  
nion par le bon tesmoignage que lui rendirent en plein con-  
seil, deux de ses Lieutenans, qui auoient visité les Isles de  
Xiqui & Amacusa par sa commission. Car apres s'estre am-  
plement informés de la vie des Chrestiens, & de la maniere  
de proceder de nos Peres, ils protesterent que pour main-  
tenir

94

Fingo re-  
ceus en  
grace.

95

Canzage-  
dono chan-  
gé.

tenir en paix les habitans de ces quartiers là, qui estoient en-  
 tierement Chrestiens, il falloit leur permettre de viure li-  
 brement selon la loy Chrestienne; & tenir la main que quel-  
 ques-vns de nos Peres les entretinssent en cete creance.

I E S V S.  
 CHRIST  
 1601.

A ces fins les mesmes Lieutenans firent entendre à nos  
 Peres, qu'ils pouuoient aller visiter les Chrestiens de ces  
 Isles là, & y celebrer la prochaine feste de Noël. Car quoy  
 qu'ils n'eussent pouuoir d'esslargir nos Peres, qui estoient  
 prisonniers à Vto iusques à tant que Canzagedono en eust  
 autrement ordonné, si nous promettoient-ils toute assistan-  
 ce en tout ce qu'ils pourroient.

T A N D I S le Pere Visiteur enuoia vers Canzagedono  
 vn de nos Freres Iaponois, pour l'esclaircir de certains ar-  
 ticles qu'il auoit proposé par escrit. Le premier fut de no-  
 stre maniere de vie, & de la principale fin pour laquelle  
 nous demeurions & endurions tant au Iapon. Le second  
 pourquoy nous recherchions l'amitié des Seigneurs Ia-  
 ponois, & nous estions efforcez par tous moiens de nous  
 insinuer en la sienne; quoy que les quereles qu'il auoit avec  
 le feu Sieur Augustin, ne nous eussent permis d'y trouuer  
 entrée. Le troisiésme pourquoy personne de nostre robe  
 ne s'estoit voulu mesler de faire rendre la forteresse d'Vto.  
 Nostre Religieux auoit aussi charge expresse de le prier qu'il  
 luy pleust faire esslargir nos Peres & Freres qui estoient pri-  
 sonniers à Vto.

96

Articles  
 par luy  
 proposez.

L E Maistre des Requestes del l'Hostel de Canzagedo-  
 no, qui fut commis pour oüir au long nostre Frere Iapo-  
 nois, trouua ses raisons si pertinentes, qu'il les fit toutes  
 agréer à Canzagedono, qui ordonna soudain que nos Re-  
 ligieux fussent mis hors de prison. Mais pour faire croire  
 qu'il octroioit cete grace, plustost en faueur de Simon Con-  
 dera, qui l'en auoit requis le premier, que pour gratifier le  
 Pere Visiteur, auant que dōner audience à nostre Religieux  
 qui estoit venu de sa part, il fit relacher les autres; & les ren-  
 uoiant à Nangazaqui, leur dit qu'ils recogneussent tenir ce  
 bien du Sieur Condera, & l'en remerciaissent.

97

Prisonniers  
 deliurez.

D E P V I S il receut & oüit nostre Religieux, qui l'estoit  
 allé voir de la part du P. Visiteur, approuua les raisons par



luy alleguées sur les trois articles de ses plaintes; & protesta n'auoir iamais voulu mal aux sujets de nostre Compagnie; quoy qu'ayant esté ennemiuré du Sieur Augustin, qui nous cherissoit tant, il n'eust pas fait grand cas de nostre amitié; ce qu'il feroit à l'aduenir. Au reste il estoit si pressé de partir pour Meaco, que nostre agent n'eut moien de traiter avec luy comme nos Peres pourroient resider sur ses terres. Aussi l'usage du Iapon ne permet pas, qu'à la premiere entreueüe on s'enfonce si auant aux affaires: enquoy ils font voir qu'ils sçauent que c'est que de la bien-seance.

Nos Peres estimerent depuis que le propre temps pour traiter de ce point, seroit lors que le P. Visiteur enuoiroit derechef vers Canzagedono, pour le remercier de la deliurance de nos prisonniers, veu mesme qu'on n'estoit pas asseuré, si les terres de Fingo luy demeureroient. Quoy qu'il s'enallast en cour plein de cete esperance.

*Danger que les Rois d' Arima & Omura coururent de perdre leurs Estats, & comme Dieu tourna le tout en mieux pour eux, pour l'Eglise, & pour nos Peres, au desauantage de Ximandono.*

## CHAPITRE XIII.



DEPUIS que Dayfusama eut deffait les Regens & liguez en bataille rengée, il ne luy resta que trois ennemis de marque. Sçauoir est du Midy Morindono, duquel il eut tres-bon marché, ainsi que nous auons deduit cy-dessus: Du leuant Cangecasu, lequel apres plusieurs pourparlers de paix fut à Meaco au mois d'Aoust, & rendit son hommage: Du couchant le Roy de Saxuma, contre lequel il depescha Ximandono, Gouverneur de Nangazaki; ordonnant que Protais Sieur d' Arima, & Sancio Sieur d' Omura, voisins, parens, & bons amis, & qui plus est Chre-

stiens, combatissent sous sa cornette. Cen'estoit pas en qualité de vassaux qu'ils deuoient marcher, si est-ce que nos Peres iugerent bien qu'il y auoit du danger pour eux, & ils eurent beaucoup de peine à se sousmettre à cét idolatre.

L'EXPERIENCE leur fit bientost voir que leur apprehension n'auoit pas esté vaine. Car Dayfusama estât tombé d'accord avec le Roy de Saxuma, tous ces Seigneurs allerent en cour, & Ximandono prenant auantage du credit qu'il auoit pres de Dayfusama, pour auoir tousiours tenu son parti, luy demandal'Estat d'Omura, comme estant fort à sa bien-seance; requerant qu'on donnast pour eschange au Sieur d'Omura les Isles d'Amacuza, qui auoient esté du Sieur Augustin. Dayfusama luy appointa volontiers sa requeste. Restoit à faire seeller les depeches. Ce qui eust esté executé, sans le P. Iean Rodriguez qui estoit pour lors en cour: & en ayant eu le vent, trouua moien de retarder l'exécution, iusques à tant que le Sieur d'Omura eût parlé à Dayfusama.

99  
Estat d'O-  
mura en  
danger.

CETE nouuelle troubla grandement l'Eglise d'Omura, vne des plus anciennes du Japon, laquelle par ce changement demeuroid tout à fait desolée, la noblesse estant en tel cas obligée à suiure son chef, selō la coutume du Japon. Car les terres d'Omura tombant es mains de Ximandono idolatre, les Chrestiens de ce quartier là, ny ceux de Nangaza- qui leurs voisins, n'auoient plus moien de respirer. Mais ce bon Seigneur sçeut si dextrement manier les affaires, que Dayfusama aiant sçeu qu'il auoit tousiours suiui son party, ouï ses raisons, & considéré les inconueniens qui lui furent proposez, reuouqua le don aussi aisémēt qu'il l'auoit octroïé, & de plus exempta les Sieurs d'Arima & Omura de marcher sous l'enseigne de Ximandono, les receuant sous sa propre cornette, pour dependre immediatement de luy. Il prit aussi à son seruice le fils aîné de Dom Protais, & vn frere de Dom Sancio, ordonnant que Ximandono se contentast de l'Isle d'Amacuza. Dequoy il fut si piqué, qu'il resolut de perdre ces deux bons Seigneurs, voire nos Peres, & tous les Chrestiens, par vn stratageme que ie m'en vay deduire.

100  
Garenti.



IESVS-  
CHRIST  
1601.

101  
Ximando-  
no. & les  
ruses.

DAYFUSAMA se ressentoit tellement du refus que feu Dom Augustin auoit fait de son alliance, qu'il s'en plaignoit à tout bout de champ; & dit vn iour que les Camis & Fotoques auoient puny ce dedaigneux, parce qu'il estoit Chrestien: que la loy des Chrestiens estoit preiudiciable au Iapon: Que le Tayco l'auoit deffenduë: qu'il vouloit renouueller son Edict. Paroles qui coururent incontinent par tout, & furent cause que plusieurs Seigneurs se deporterent de fauoriser nos Peres.

XIMANDONO prit cete occasion au poil, & fit entendre à Dayfusama, que les Seigneurs d'Arima & Omura, auoient fait bastir des Eglises, depuis l'Edict du Tayco, & renoient des Prestres Europeans sur leurs terres, contre la volonté du defunct. Surquoy il receut commandement de faire raser toutes les Eglises du Ximo. Je n'ay permis à ces Prestres de demeurer qu'à Meaco, Ozaca, & Nangazaqui, pour la commodité des Portugais, dit Dayfusama. Dequoy Ximandono prit occasion d'escrire au Pere Visiteur, mais fort audacieusement, qu'il eust à rappeler tous nos Religieux à Nangazaqui, suiuant la volonté de Dayfusama, sans permettre qu'il en demeurast pas vn és autres quartiers du Iapon.

102  
Eludées par  
Ariman-  
dono.

Les Seigneurs d'Arima & Omura, s'estant trouuez lors en cour, employerent tous leurs amis enuers Dayfusama, luy faisant entendre comme ils estoient Chrestiens dès leur enfance, fils de Chrestiens, & que tous leurs sujets estoient Chrestiens dès auant l'Edict du feu Tayco. Si bien qu'ils aimoiët mieux perdre la vie que leurs Eglises. Ce qui fut efficacement, & tant à propos représenté à Dayfusama, qu'il eut compassion de ces bons Seigneurs, & demanda: Si ie leur permettois de viure en Chrestiens & auoir des Eglises en leurs terres, s'estimeroient-ils mes obligez? Oüi, luy dit-on, autant ou plus que si vostre Majesté leur donnoit les plus gros offices du Iapon. Vous leur pouuez donc dire de ma part adjousta Dayfusama, que ie leur permets de viure librement en leur loy, pour eux & leurs sujets. Qu'ils bastissent hardiment des Eglises tant qu'ils en voudront. Dom Protais fut infiniment resioüi

de cete nouuelle, remercia Dieu qui l'auoit assisté en telle necessité, & depecha promptement vn courrier vers le P. Orgatin, & vn autre vers Arima, pour faire scauoir aux Chrestiens, & aux nostres, la derniere volonté de Dayfusama.

Pour signaler dauantage sa diuine prouidence, & combler la joie des Chrestiens, nostre bon Dieu permit que le courrier arriua en Arima le mesme jour que Ximandono auoit assigné pour abatre les Eglises, & sur le point que les ouuriers commençoient à demolir le toit de celle d'Arima. De façon que toutes les Eglises demurerent debout; sauf en Omura, où le courrier n'arriua qu'il n'y en eustjà quatre abatuës. Dom Protais & son cousin n'oublierent pas de remercier Dayfusama, auant que partir de la Cour; & il leur confirma de la bouche, ce qu'il auoit dit & octroié en leur absence.

A peine estoient les Chrestiens hors de ce danger, que Ximandono se mit en deuoir de les plonger en vn autre. Voici comment. Il auoit enuoié vn deses Agens à Nangazaki, acheter quelques denrées pour Dayfusama, qui lui auoit expressement deffendu de rien faire, que sous l'adresse du P. Iean Rodriguez, truchement du Seigneur de la Tençe, es affaires qu'il traitoit avec les Portugais. L'agent negocia à sa phantaisie, sans se soucier du truchement, & s'en retourna à la Cour avec son emplette. Dayfusama n'agrea les merceries qu'il auoit acheté, ny le prix qu'il en auoit donné. L'agent se voulant excuser, suiuant la coutume de tels Marchands, dit que les Portugais, ny les Prestres, ne cherchoient que leur profit, & ne respectoient pas le Seigneur de la Tençe. Ximandono s'y trouua de guet à pens, pour verser de l'huile au feu, & irrita tellement Dayfusama, qu'il dit: Je veux estre esclarci du tout. Je chastieray bien ceux que ie trouueray coupables, soient Portugais, ou autres.

Il prit la peine de s'en informer, & Dieu voulut que les Payens mesmes qu'il interrogea, ietterent toute la faute sur Ximandono, & son Agen. Si bien que Dayfusama reconnut l'innocence tant des Portugais que de nos Peres, tesmoigna au Pere Rodriguez qu'il s'estoit tousiours fie

LESVS-  
CHRIST  
1601

103  
Eglises  
conseruées.

104  
Autre ruse  
de Ximandono.

105  
Exemption  
pour nos  
Peres.



IESVS-  
CHRIST  
1601.

à nos Peres, & ne vouloit plus que Ximandono se messât du nauire des Portugais, ny de ce qui concernoit nos Peres. Voulant que les vns & les autres dependissent immédiatement de lui.

Tous ces rencontres raualerent grandement le credit de Ximandono près de Dayfusama, si bien qu'il partit de la Cour fort confus, pour aller prendre possession des Isles d'Amacuzza. Estant sur le lieu il escriuit au P. Visiteur, s'excusant de tout le passé, & protestant de vouloir désormais viure en bonne intelligence avec les Peres de nostre Compagnie. Le P. Visiteur accepta sa bonne volonté, lui offrant son seruice.

106

Autre ruse  
de Ximan-  
dono.

QUELQUES iours après ayant recogneu que le habitans des Isles, desquelles il auoit pris possession, estans pour la plus part Chrestiens, ne pouuoient viure contens, ny s'entretenir longuement en paix, sans l'assistâce de nos Peres, il essaia par toutes voies de faire qu'ils lui demandassent congé d'y resider. Esperant que par ce moien il leur feroit la loy. A ces fins il enuoia quelques-vns de ses confidens, qui neâtmoins feignoient venir de leur propre mouuement, vers le P. Visiteur, pour lui descourrir le moien d'obtenir ce congé de Ximandono. Le P. Visiteur les remercia de leur bon auis, disant qu'il n'y vouloit enuoier personne, aiant assés de places pour occuper ses sujets ailleurs. Que c'estoit l'interest du Seigneur du lieu, que ses vassaux fussent bien instruits. Que Ximandono ne manquoit pas de moiens pour y pouruoir.

107

Predica-  
teurs pour  
Amacuzza.

LE lendemain Ximandono sans faire semblant d'auoir sçeu la responce que le P. Visiteur auoit fait aux susdits, enuoia d'autres officiers visiter le P. Valignan, avec beaucoup de paroles, tant pleines de respect, qu'on n'en pouuoit desirer dauantage. Ceux-là le prierent de la part de leur maistre, qu'il lui pleût enuoier par les Isles d'Amacuzza des Predicateurs, Catechistes, & autres ouuriers de nostre Compagnie, pour y vaquer au seruice de Dieu, & instruction du peuple, avec autant de pouuoir & liberté qu'ils y auoient du viuant du Sieur Augustin. Le P. Visiteur respondit qu'il pouruoiroit ces Isles de Predicateurs, & autres bons ouuriers de nostre Compagnie, aux conditions qui s'ensuiuent

PREMIEREMENT que toutes les Eglises, & maisons que nous y auions ci-deuant tenu, nous seroient rendues. Qu'il nous seroit permis de restablir les ruinées, & en dresser de nouvelles, pour la commodité des Chrestiens. En second lieu que toutes nos Eglises & maisons, seroient exemptes de toutes daces, seruices & contributions, comme auant la derniere guerre. En troisieme lieu que les Lieutenans & leurs officiers, ne molesteroient aucunement les Chrestiens, ny nos Peres, en ce qui seroit requis pour l'obseruance des loix & coutumes Ecclesiastiques. Ximandono accepta le tout, sans rien changer ny alterer, & le fit de là en auant obseruer de point en point.

IESVS-  
CHRIST  
1601.

108

Exemptiōs  
pour eux.

*Erection du nouveau Clergé du Iapon, & diuers  
desseins du Seigneur Euesque faits  
à Nangazaqui.*

## CHAPITRE XIV.



A principale maison que nostre Compagnie possedât cette année au Iapon, estoit celle de Nangazaqui. L'Euesque du Iapon y demouroit ordinairement. Les Superieurs de la Province ne s'en escartoient pas souuent, parce que le lieu estoit jugé fort commode pour le gouuernement d'icelle. Il s'y trouuerent cete année iusques à cinquante & quatre personnes, qui baptizerent deux mille Payens, ouïrent plus de huit mille & trois cens Confessions, de ceux qui ne se confessoient qu'une fois l'an, sans comprendre ceux qui frequentoient si souuent ce diuin Sacrement, que nos Peres se trouuoient assés empechés à leur prester l'oreille.

109

Nangaza-  
qui siege  
Episcopal.

LA presence du sieur Euesque causoit vne grande deuotiō au peuple, tant par les rares exemples de sa vertu cōme par la celebratiō pōtificalle du seruice diuin, laquelle acqueroit grāde autorité aux choses de nostre sainte foy, parmi ces nouveaux Chrestiens. Il administra cete année là le Sacrement de



**I E S V S -** confirmation, à plus de huit mille personnes à diuers iours,  
**C H R I S T** leur aiant au prealable déclaré la vertu du Sacrement, & la  
 1601. preparation necessaire pour le receuoir dignement. Qui fut  
 cause qu'ils s'y disposerent si deuotement, que ledit sieur  
 Euesque dit plusieurs fois qu'il auoit donné le saint Chre-  
 me en plusieurs villes de Portugal, aux Indes, & à la Chine,  
 mais qu'il n'auoit rencontré peuple ny nation, qui le receût  
 avec tant de reuerence comme les Iaponois.

**I I O**  
 Clergé au  
 Japon.

**I L** commença aussi cete année à introduire quelque for-  
 me de Clergé, choisissant pour cet effet huit jeunes hom-  
 mes du Seminaire, sçauoir est deux Portugais, & six Iapo-  
 nois, lesquels il appliqua aux cas de conscience. Au mois de  
 Septembre conferant l'ordre de Prestrie à deux Iaponois  
 de nostre Compagnie, qui furent des premiers Prestres de  
 cete nation, il donna les moindres à ses clerics, & à quelques  
 autres Seminaristes, apres auoir fait vn beau sermon des de-  
 grés par lesquels l'Eglise Catholique esleue ses sujets au Sa-  
 cerdoce : du deuoir & excellence de chacun d'iceux, & con-  
 sequemment combien les Iaponois se deuoiennent tenir obli-  
 gés à la Majesté diuine pour vn si signalé benefice, que de  
 voir ceux de leur nation promeus à vne dignité qui surpas-  
 se celle des Anges. Discours qui esmeut tellement les Au-  
 diteurs, que plusieurs en pleurerent d'aise. Quelques vns  
 en remercièrent encore mon dit sieur Euesque, & nos Supe-  
 rieurs, qui leur procuroient tant de bien & honneur.

**I I I**  
 Cemetiere  
 nouveau à  
 Nangaza-  
 qui.

**I L** fit aussi dresser vn nouveau Cemetiere hors la ville de  
 Nangazaqui, joignant vne deuote Chapelle de la tres-glo-  
 rieuse Vierge & mere de Dieu, & au milieu d'icelui vne au-  
 tre Chapelle, qui fut vn des beaux ornemens de cete ville là,  
 & augmenta grandement la deuotion des Iaponois enuers  
 les fideles trespassés. Il ordonna aussi vne Procession gene-  
 rale, pour transporter les ossemens des defuncts, de l'an-  
 cien Cemetiere, au nouveau, & precha tres-dignement de  
 la resurrection des morts, du Purgatoire, & des suffrages.

**I I I I**  
 Seminaire  
 d'artisans.

**I L** tenoit à Nangazaqui plusieurs peintres, brodeurs, &  
 autres artisans, qui viuoient dans vne maison à part, en for-  
 me de Seminaire, sous la charge de deux de nos Religieux,  
 l'vn desquels y auoit esté enuoie de Rome, quelques ans au-  
 parauant

parauant, & cete année estoit Prestre, tenoit la main que les Eglises du Japon fussent garnies de beaux retables, d'Orgues & autres instrumens de musique, & horloges sonnâs, parmy lesquels s'en trouuoit qui marquoïent le cours du Soleil & de la Lune. Curiosité qui estonnoit grandement les Iaponois. La commodité de ce Seminaire d'artisans estoit cause que plusieurs Iaponois apprenoient diuers mestiers, & y en auoit desia qui trauailloient fort bien.

L'EGLISE qui auoit esté quelques années auparauant commencée à Nangazaqui, fut acheuée cete année six cens vn, si ample & si somptueuse, qu'on la tenoit pour vne des rares pieces qui fussent au Japon. Monseigneur l'Euesque la consacra, & y dit la premiere Messe le iour des onze mille Vierges, avec vingt-deux de nos Peres, tous couuerts de chappes de soie. Les ceremonies de la dedicace, rauirent tout le peuple en admiration. Il y eut doubles Vespres solennelles, & apres les secondes, diuerses representations d'histoires Sainctes que les Iaponois mesmes auoïent composées, sans adresse de pas vn de nos Religieux. Cete Eglise fut de là en auant tant frequentée, que quoy qu'il y en eût autres trois dans la ville de Nangazaqui, où les Messes & Predications ne manquoient point, si la voioit-on iusques à trois ou quatre fois pleine, tous les Dimanches & festes.

HVICT iours apres qu'on eut celebré cete dedicace avec beaucoup de ioie & allegresse spirituelle, comme il ne s'en trouue pas de durable sur la terre, arriua vn cas de feu, qui estonna grandement, tant nos Peres, comme les habitans de Nangazaqui. Voici comme l'accident passa. Le feu se prit par desastre à la maison d'un pauvre homme, qui demouroit bien loin de la nostre, & presqu'au milieu de la ville. Mais comme les edifices du Japon, sont pour la plus part composez de bois, le feu s'attacha soudain aux voisins, si bien que commençant entre chien & loup, comme on dit, & vn impetueux vent portant le feu vers nostre quartier, en peu de temps il mit en cendre neuf ou dix ruës des principales de la ville, & en icelles plus de deux cens maisons, sans qu'on trouuast aucun moyen

113  
Dedicace  
d'Eglise à  
Nangaza-  
qui.

114  
Incendie  
horrible.



**I**ESVS- de l'arrester. Ne restoit plus entre le feu & nous, qu'**v**  
**CHRIST** ne petite ruë. De toutes autres parts nous estions en-  
 1601. tourez de la mer, & nostre Eglise pleine de gens qui s'y  
 estoient refugiez fuiant le feu. Autre que Dieu ne les  
 pouuoit garantir, & chacun l'en prioit, & ardemment;  
 lors que le vent changea tout à coup, en faueur de nostre  
 Eglise & maison, chassa le feu, & le porta tout au rebours.  
 Ce que chacun recogneut pour vn trait particulier de la  
 prouidence de Dieu.

115  
 Famine ex-  
 treme au  
 Japon.

**P**LVSIERS qui auoient esté le matin à leur aise, se  
 trouuerent reduits le soir à mendier leur pain. Monsei-  
 gneur l'Euesque en secourut bon nombre. Nos Peres fi-  
 rent distribuer plus de sept cens escus aux plus necessi-  
 teux, pour redresser leurs maisons. Cét accident greua  
 d'autant plus ceux qui auoient perdu leurs maisons, que  
 cete année fut la plus sterile, qu'on eust veu long temps  
 y auoit au Japon. Elle fut si grande, que plusieurs y mou-  
 rurent de malefaim. Il se trouua nombre de personnes,  
 lesquels estant sortis de la ville aux champs, pour cher-  
 cher dequoy se nourrir, & voulant arracher quelques ra-  
 cines, tomberent roides morts en terre. Les autres s'en  
 retournans à la ville chargez de racines, laissoient la vie en  
 chemin. En la ville de Farima, vn enfant demandant à son  
 pere dequoy manger, & parauanture l'importunant trop,  
 ce denaturé n'ayant dequoy le sustenter, le prit entres les  
 bras, & luy fourra son poignard dans le ventre, aimant  
 mieux le massacrer de sa main, que le voir mourir de faim.  
 Horrible cruauté. Mais voici vn trait d'humanité & cha-  
 rité qui contrepoise.

116  
 Lepreux  
 bien serui.

**M**ADAME Tecle fille ainée du Roy François de Bun-  
 go, auoit espousé vn des puissans Seigneurs de ces quartiers  
 là, nommé Iusto, lequel par ie ne scay quel accident, deuint  
 lepreux. Ce n'est pas chose rare au Japon. Depuis il per-  
 dit tous ses biens & moiens, lors que Constantin son beau-  
 frere fut depouillé de son Roiaume par le Tayco. Qui fut  
 cause que le pauvre Seigneur se retira à Nangazaqui. Il  
 souffrit tant d'incommoditez en ce voiage, que sa mala-  
 die redoubla. Les plus hardis auoient horreur de le voir,

Tous ses proches conseilloyent à Madame Teclé de le faire seruir par ses valets, & s'eloigner de luy. Mais elle aimoit mieux souffrir toute sorte d'incommoditez, que l'abandonner. Ie ne quitteray point mon mary, leur dit-elle: La seule mort nous leparera.

IESVS-  
CHRIST  
1601.

LE patient pressé par la violence de son mal, la piquoit souuent de paroles, sans auoir esgard aux seruices qu'elle luy rendoit. Si continua-elle dix-huict ans ou plus, iusques à tant que par sa patience & longanimité elle l'induisit à se recognoistre tenir sa maladie pour vn benefice de celuy qui chastie ceux qu'il aime, l'en remercier, se confesser & communier souuent. Bref elle le changea tellement qu'il sembloit vn modelle de patience, & cete année, estant prest à rendre son ame à Dieu, il veid la Roine des Anges qui le venoit consoler, & conforter pour ce dernier pas, & en assura sa chere femme, lui disant le dernier adieu.

117  
Femme  
tres-fidele.

118  
Apparition  
de nostre  
Dame.

IEAN Acaxicamon grand Seigneur du Roiaume de Chigugen, fut au commencement du mois de Iuin à Nangazagui, pour visiter l'Euesque, faire les exercices spirituels de nostre Compagnie, & quitter le monde. Ayant vaqué aux exercices à sa grâde consolation, il demanda fort instamment d'estre au moins receu dâs nostre maison, pour ne s'égager plus aux miseres du monde. Nos Peres luy remonstrerent qu'il estoit necessaire à ses enfans, l'aisné desquels n'auoit encore douze ans, & qu'il pourroit plus seruir à l'Eglise de Dieu demeurant seculier, que se rendant Religieux. A quoy finalement il acquiesça.

Es residances qui dependoient du College de Nangazagui, se confesserent cete année plus de neuf mille trois cens personnes: plus de dix-huict cens receurent la sainte Communion. Ie pourrois coucher icy plusieurs autres choses de grande edification qui s'y passerent. Ie me contenteray d'vne seule.

VNE ieune fille Chrestienne, desirant ardemment que ses pere & mere receussent le saint Baptême, & ne pouvant voir l'heure qui luy aportast ce contentement, se mit à penser aux moiens pour venir à bout de son intention. En

119  
Fille qui  
attira ses  
parens à la  
Foy.



**I E S V S** finelle s'auisa que l'affection diabolique qu'ils portoient à  
**CHRIST** certaine idole, & à quelques caracteres superstitieux que les  
**1601.** Bonzes leur auoient donnez, estoient les charmes qui les  
 retenoient en l'idolatrie. Le m'en vay, dit-elle, mettre tout  
 au feu. Elle le fit, & trouua ces gens tellement changez,  
 qu'ils demanderent & receurent bien-tost apres le S. Bap-  
 tesme. Ainsi elle procura la vie spirituelle à ceux qui apres  
 Dieu luy auoient donné la temporelle.

*Ce qui passa de plus remarquable cete année, tant ès  
 maisons d' Arima & Omura, qu'ès residances  
 qui en dependoient.*

## CHAPITRE XV.



**Q**UAND on oüit parler à Omura du change-  
 ment de Seigneur que Ximandono pourchaf-  
 soit à la cour de Dayfusama, il n'y eut Chre-  
 stien qui ne fit cognoistre, combien cet atten-  
 tar luy perçoit le cœur. Les vns eurent recours  
 aux pelerinages, les autres aux vœux, les  
 autres aux prieres continuelles, jeusnes & disciplines, pour  
 appaiser la iuste colere de Dieu, & implorer sa miséricor-  
 de. Voicy ce qu'un de nos Peres qui estoit sur le lieu, en es-  
 criuit au P. Vice-prouincial.

**Q**U'Y eût pensé qu'apres vn si paisible & saint Caresme,  
 apres auoir posé en la nouuelle Eglise, & avec tant de so-  
 lemnité, l'image de l'Imperatrice des Anges, il la fallût pour  
 la deuxiesme fois retirer, & que les autres Eglises, qui à pei-  
 ne estoient redressées, courussent fortune d'estre encore  
 demolies? Mais comme la prouidence de Dieu ne permet  
 le mal, que pour en tirer du bien, elle nous a tellement me-  
 nacés à ce coup, que les Chrestiens en sont deuenus meil-  
 leurs. Les larmes qu'ils ont respandu, ont tesmoigné la dou-  
 leur qu'ils en sentoient. Iusques icy la letre du susdit Pere.

L'E dommage fait aux quatre Eglises ruinées à Omura, <sup>IESVS-CHRIST</sup> avant que le courrier y arriuât, fut réparé avec tant de fer-  
 ueur, qu'à peine sçauoient nos Peres qu'on eût mis la main à <sup>1601.</sup>  
 l'œuvre, qu'ils en virent vne rebastie. I'omets le nombre

des confessions generales ouïes és fufdites residences, les reconciliations faites entre maris & femmes : plusieurs reme-  
 des salutairement appliqués à diuers inconueniens : les  
 graces obtenuës par l'interuention de nos Peres pour des  
 crimes legers, qui neantmoins sont capitaux au Iapon, &  
 semblables traits ; me contentant des choses d'edification  
 plus remarquables. En voici trois ou quatre.

VNE Dame Payenne viuant parmi les Chrestiens, ouït  
 dire que la seule foy de IESVS-CHRIST donnoit le vrai  
 salut, qu'elle n'en pouuoit esperer d'ailleurs. Sur quoi elle  
 se resolut comme le marchand Euangelique, de vendre tout  
 pour acheter cete perle, & se faire baptizer. Les Bonzes lui  
 promettoient qu'elle seroit sauuée, disant, *Namnamidabuc*,  
 c'est à dire, Amida soiez en mon aide. Ce qui ne la contenoit  
 pas. Elle s'en alla donc vers Omura, où elle n'auoit pa-  
 rent, ny cognoissance aucune, ouït le Catechisme, fut bapti-  
 zée, tomba trois ou quatre iours apres malade, & s'enuola  
 au Ciel. Rare effet de la predestination eternelle.

DEUX gentils-hommes estrangers estans arriués à Omura  
 pour se confesser & communier, emeurent leurs serui-  
 teurs à vouloir & demander le mesme. Mais le Pere auquel  
 ils s'estoient adressés, sçachant qu'ils demeueroient parmi les  
 infideles, & craignant qu'ils n'en fussent pas capables, les  
 interrogea premierement de quelques poincts qu'ils pou-  
 uoient ignorer. Ils respondirent si pertinemment, qu'il  
 changea soudain d'auis, & ouït leurs confessions. Apres les-  
 quelles ils se retirerent en leurs logis faire la discipline, puis  
 retournerent Communier. Ce que les autres Chrestiens  
 aians sçeu, furent grandement edifiés de la deuotion en la-  
 quelle ces bonnes gens s'entretenoient parmi les infideles.

VN Chrestien aiant vn sien fils si malade qu'il auoit per-  
 du tout appetit, & la parole, fut sollicité par les idolatres,  
 parmi lesquels il viuoit, de le recommander aux prieres des  
 Bonzes, qui le gueriroient infailliblement. Mais il se moqua

121  
 Conuer-  
 sion d'une  
 Dame.

122  
 Deuotion  
 Chrestien-  
 ne.



An de 230

LIVRE XIII. DE L'HISTOIRE

IESVS-  
CHRIST  
1601

de leur conseil, quoi qu'ils l'appellassent ennemi de sa race, inhumain & plus cruel qu'un tygre; parce qu'il auoit logé toute son esperance en Dieu, & en la Mere de misericorde, deuant la sacrée image de laquelle ce deuot personnage porta son malade six ou sept iours durant, & au bout de la sepmaine le ramena sain & gaillard en sa maison.

123

Malade  
guéri par  
l'interces-  
sion de la  
tres-sacrée  
Vierge  
Marie.

L'EGLISE commencée nagueres en Arima fut trouuée plus belle que celle de Nangazaqui. La riche image de la tres-saincte Mere de Dieu, portant son fils entre ses bras, que l'Euesque donna à Dom Protais, y attiroit grand nombre de gens. Mondit Seigneur y dit pontificalement la premiere Messe, apres auoir consacré celle de Nangazaqui. Outre celle-là, on en bastit cete année dix-huit autres dans l'Estat d'Arima, pour la commodité des Chrestiens. Voila comme l'Eglise de Dieu alloit croissant & fleurissant au Iapon, quoi qu'il se trouuât quelques fideles qui ne viuoient pas selon leur foy. En voici vn exemple digne d'admiration.

124

Pirates pris.

QUELQUES Chrestiens Iaponois peu craignant Dieu, s'accosterēt cete année de certains voleurs Chinois, pour escumer la coste de la Chine, & s'eparerēt de quelques vaisseaux, qu'ils voulurent conduire au Iapon pour debiter leur butin. Mais ils furent arrestés en chemin par les gens de Canguidono, & comme pirates menés au port de Cocinocu, qui est dans les terres du Seigneur d'Arima, grand ami de Canguidono. Les noms des Corsaires furent soudain enuoiés à Dayfusama, lequel ordonna que les Chinois fussent mis en liberté, & les Pirates tant Iaponois qu'autres crucifiés. Pour l'exécution de son Edit il deputa Canguidono & Dom Protais, lequel donna soudain auius à nos Peres qu'ils allassent confesser les Chrestiens, & catechiser les Payens condamnés. Nos Peres y furent en diligence, confesserent tous les Chrestiens, & baptizerent neuf Chinois seulement, les officiers de la Iustice n'auans voulu permettre qu'on parlât aux autres, parce qu'ils craignoient qu'une si grande multitude de criminels ne se reuoltast, & les mît en peine. Plus de cent furent mis en croix & y moururent; & parmi

eux plusieurs Chinois, lesquels auant que l'ordonnance de Dayfusama fût arriuée, cuidant se sauuer s'ils se di-  
soient Chrestiens, auancerent le mot. Ce mensonge leur  
cousta la vie. Car depuis voians que leurs compatriotes  
estoyent renuoiés libres, ils se voulurent dedire, pour  
estre relachés avec eux. Mais les officiers de la Iustice ne  
les voulurent pas croire, ains les firent passer pour escu-  
meurs de mer.

LES V S-  
CHRIST  
1601.

125  
Mensonge  
qui cousta  
la vie.

Es Isles d'Amacusa, separées de l'Estat d'Arima par  
vn petit bras de mer, nos Peres distribuerent vne bonne  
quantité de ryz par les villages, pour secourir ceux qui  
mourroyent de faim. Exemple qui émeut quelques Seigneurs,  
voire Payens, à faire le mesme. Quelques idolatres solli-  
citoient plusieurs simples Chrestiens à quitter la foy,  
& manger de la chair en Careme, faute de pain. A quoi  
ils ne voulurent acquiescer, non pas mesmes les jeunes en-  
fans. Car il s'en trouua qui refuserent de manger du ryz  
cuit dans vn pot, qui auoit autresfois serui à cuire de la  
chair.

126  
Chair refu-  
sée en Ca-  
reme.

La secheresse estant extreme en Esté, les Payens d'vne de  
ces Isles firent plusieurs prieres & ceremonies à leurs Foto-  
ques, pour obtenir de l'eau. Voiant qu'il ne pleuuoit pas  
pour tout celà, ils s'imaginerent que c'estoit d'autant que les  
Chrestiens n'inuoquoient pas les Fotoques avec eux. Le  
gouuerneur du lieu leur manda par trois fois, & sous grosses  
peines, qu'ils fissent comme leurs voisins. De quoi les Chre-  
stiens ne tindrent compte. Le gouuerneur en fut auerti:  
mais parce qu'il n'osoit s'attaquer aux grosses testes, il con-  
niua, & commanda aux pescheurs de s'en aller sur certaine  
montagne, danser & baler à l'honneur des Fotoques. Les  
pêcheurs firent responce qu'ils danseroient volontiers à  
leur loisir, mais non pas à l'honneur des Fotoques, ains à  
la gloire de Dieu, qui seul pouuoit commander au Ciel  
qu'il donnât de la pluie. Ils s'en allerent donc à l'E-  
glise demander à Dieu de l'eau; & l'obtindrent si prom-  
ptement, qu'ils s'en retournerent bien mouillés en leurs  
logis.

127  
Pluie obte-  
nuë par les  
Chrestiens.

SUR le commencement de Decembre mil six cens vn de-



An de 1601.

LIVRE XIII. DE L'HISTOIRE

IESVS-CHRIST  
1601.

ceda vn de nos Religieux, natif du Iapon, nommé Iulien de Sacay, lequel s'estant conuerti dès l'âge de treze ans, notwithstanding tout ce que sa mere peût dire & faire pour l'empêcher, entra premierement au Séminaire, puis en nostre Compagnie, en laquelle il vescu douze ans, tousiours infirme, & tendant à la phtisie, de laquelle il mourut tout en parlant, & louant Dieu.

128  
Iulien de  
Sacay  
meurt.

*Des funerailles que Iecundono Nangaioca, Seigneur  
du Roiaume de Bugen, fit par deux fois  
faire à Ozaca, pour Madame  
Grace sa feu femme.*

CHAPITRE XVI.



ECVNDONO ci-deuant Roi de Tango, & cete année Seigneur de Bugen, & d'une partie de Bungo, se trouuant à la Cour d'Ozaca, desiroit extremement rendre le dernier deuoir à sa feu femme, tant pour le sincere amour qu'il disoit lui auoir tousiours porté, comme pour ne manquer à l'ancienne coutume du Iapon, que les Payens mesmes gardent tres-exactement. Mais parce qu'il estoit idolatre, & n'ignoroit pas que les prieres des Bonzes ne profiteroient rien à sa femme, d'autant qu'elle estoit morte Chrestienne, il pria nos Peres de faire ses obseques, & pour les obliger à lui donner ce contentement, protesta qu'il y assisteroit.

129  
Priilege  
de celebrer  
deuant les  
idolâtres.

Nos Peres qui sont enuoiés par le saint siege Apostolique, pour precher le saint Euangile aux Payens, ont eu de tout temps priilege de celebrer le seruice diuin, voire la sainte Messe, en présence des infideles, quand la plus grande gloire de Dieu, ou le bien des ames le requiert, ou qu'il y a danger de quelque scandale. S'ils eussent refusé à vn tel Seigneur vne œuvre si pieuse, les Chrestiens mesmes s'en fussent formalizés, & lui grandement offensé. Partant le P.

Organtin

Organtin luy accorda sa requeste, & resolut de rendre IESVS-  
cét honneur à la defuncte, le plus splendidement que fai- CHRIST  
re se pourroit. A ces fins il assembla des lieux circonuoi- 1601.  
sins tous nos Peres, Freres & nourrissons, fit parer l'E-  
glise de dueil, dresser vn chappelle ardente, chanter au  
long les matines & la Messe pour les Trespassez, en pre- 130  
sence de Iecundono, & de toute sa noblesse, qui mon- Funerailles  
roit à plus de mille personnes, la plus part Payens. Le con- de Mada-  
cours du peuple fut tel, que s'il n'y eût pourueu, mettant me Grace.  
des gardes aux auenuës des ruës, il y fût arriué du des-  
ordre.

Vn de nos Religieux Iaponois fit l'oraison funebre:  
prit pour theme, *Beati mortui qui in domino moriuntur*: trai-  
ta de l'immortalité de l'ame: de la gloire eternelle: des 131  
peines d'enfer: de la difference qu'il y a touchant ce point, Oraison  
entre la doctrine Catholique, & les mençeries de Bonzes: funebre.  
fini son discours par le recit des vertus, & de l'heureuse  
mort de Madame Grace, si pathetiquement, que Iecun-  
dono & les siens ne peurent tenir les larmes.

La modeste grauité avec laquelle fut fait le seruice  
diuin, & la solide doctrine qu'ils ouïrent au sermon fu-  
nebre, les estonna & raut tellement, qu'ils ne se pou-  
uoient saouler de louer les ceremonies Chrestiennes.  
Iecundono dit depuis plusieurs fois en bonne compagnie,  
que les funerailles des Bonzes n'estoient rien au prix des 132  
Chrestiennes, & qu'il n'auoit iamais veu, & ne pensoit Charité  
oncques voir chose plus sainte, ny plus deuote. Autant enuers les  
en disoient tous ceux qui luy auoient tenu compagnie. pauvres.  
Mais ils entonnerent bien plus haut les louanges des  
Chrestiens, lors qu'ils sçurent que le Pere Organtin auoit  
fait distribuer aux pauvres les deux cens escus que Iecun-  
dono lui auoit enuoiez pour les frais des funerailles. Les  
Bonzes n'eussent eu garde de faire ces liberalitez, disoient-  
ils. Les necessitez des pauvres ne les esmeuent pas tant à  
compassion.

IECVNDONO prit le disner chez nos Peres, le iour  
des obseques, & traita avec eux aussi familièrement que s'il  
eust esté Chrestien. Retournant au Roiaume de Bugen,



An de 234

LIVRE XIII. DE L'HISTOIRE

IESVS-  
CHRIST  
1601.

que Dayfusama luy auoit donné, il permit à ses sujets de se faire baptizer, procurant aux autres ce qu'il deuoit prendre pour soy. Plusieurs grandes Dames induites par l'exemple des vertus de feu Madame Grace, qu'elles ouïrent déduire en l'oraison funebre, resolurent de se faire Chrestiennes.

133

Funeraillles  
du Sieur  
Augustin.

A l'occasion de l'office celebré pour l'ame de feu Madame Grace, le Pere Organtin voulut aussi solenniser le bout de l'an de Dom Augustin. Car quoy que nostre Compagnie n'eût pas manqué de rendre en particulier ce qu'elle deuoit, à la memoire d'un si vertueux Seigneur, & si bon Chrestien : Si est-ce que Dayfusama l'ayant fait mourir par forme de iustice, on n'auoit osé faire les funeraillles publiquement, comme on eust bien desiré. On les celebra donc en suite des precedentes, & en presence de Madame Iuste sa veufue, de son frere, & de plusieurs autres parens, au grand contentement de ses bons amis.

134

Autres fu-  
neraillles  
à Bugen.

IECVNDONO fut de retour en son Roiaume de Bugen pour le mois de Iuillet, & se sentit tant obligé par nos Peres au seruice qu'ils auoient fait à Ozaca, pour sa feuë femme, qu'il ne cessoit de le louer. Ce qui fut cause que ses deux filles qui estoient Chrestiennes, le prirent d'obtenir des Peres qui estoient à Bugen, qu'ils en fissent encores autant, à certain iour du mois d'Aoust, qui estoit le bout de l'an de leur mere. Ce qu'il leur accorda, tant pour cete raison, que pour faire voir au resté de sa famille, ce qui luy auoit tant agréé. Il pria donc nos Peres de ne luy refuser dans ses terres, ce qu'ils luy auoient liberalement octroyé à Ozaca. Nos Peres s'excuserent bien sur ce qu'ils n'auoient les ornemens necessaires à telle solemnité, comme ils s'estoient trouuez à Ozaca; emploierent neantmoins bon nombre de Chrestiens fort industrieux à parer l'Eglise, qui fut tendue de draps de soie tout autour: le tombeau couuert d'un drap d'or damascé, façon de la Chine, entouré de diuers degrez, portans en tout soixante & dix chandeliers, partie dorez, partie argentez. Dieu voulut qu'au iour assigné,

pour l'office, se rencontrerent à Bugen, le Pere qui resi-  
doit à Amanguci, avec son compagnon, & quelques Do-  
giques, qui estoient venus là pour se confesser. Tellement  
que Iecundono & les siens remercierent grandement nos  
Peres du bien qu'ils leur auoient fait. On tenoit qu'en trois  
iours que dura la celebrite, il entra dans nostre Eglise plus  
de trente mille personnes.

L'AN mil six cens deux, qui fut le troisieme apres la  
mort de Madame Grace, terme auquel les Iaponois ont  
coutume de celebrer plus magnifiquement que iamais, les  
obseques de leurs trespassez, Iecundono voulut encore  
que nos Peres celebrassent celles de sa feuë femme à Bu-  
gen. Dequoy le Superieur de nostre maison de Bugen  
aduertit le Pere Visiteur, qui luy enuoia de Nangazaqui  
deux de nos Prestres, avec vn autre Religieux, sept ou huit  
Dogiques chantres, avec diuers instrumens de musique,  
& de fort riches paremens, afin que ces troisiemes funeraill-  
les ne cedassent en rien aux precedentes. Je vous laisse à  
penser ce qu'on y fit, & comme le contentement tripla en  
l'ame de Iecundono.

135  
Les troi-  
siesmes.

*Du College de Nangazaqui, & de ses dependances  
l'an seize cens deux.*

## CHAPITRE XVII.



A paix vniuerselle de laquelle le Iapon jouis-  
soit l'an mil six cens vn, & six cens deux sous le  
gouuernement de Dayfusama, fut cause qu'ils  
se trouuoient iusques à soixante personnes de  
nostre Compagnie à Nangazaqui; sçauoir est  
vingt Prestres, seize Nouices, & les autres Escholiers ou  
Coadjuteurs, outre les Dogiques qui estoient soixante &  
deux. Ils auoient tenu compte de neuf cens quinze person-  
nes baptizées, vingt & vn mille & deux cens confessées cete

136  
Nombre  
des nostres.



An de 236

LIVRE XIII. DE L'HISTOIRE

LES V S- dernière année. Sans y comprendre ceux qui se confessent  
CHRIST plus d'une fois l'an.

1602.

147  
P. François  
Mogauare  
meurt.

LE Pere François Mogauare, natif du Roiaume de Naples, âgé de quarante huit ans, desquels il en auoit passé vingt-trois en nostre Compagnie, & seize d'iceux au Japon, gouvernant particulièrement la residence de Meaco, y tomba malade, faute de viures propres à la complexion des Europeans; fut au mois de May enuoié par le Pere Visiteur vers les quartiers de Ximo, pour changer d'air. Mais à demy-chemin son mal empirant il rendit l'ame à Dieu, vis à vis d'un port, appelé Caminoxequi, proche du Roiaume de Bungo. Ce fut un homme de grande vertu, & sur tout signalé en patience, laquelle il exerça parfaitement durant sa maladie.

Nomb. 47.  
& sui.

138  
Jacques  
Mimasaca  
decédé.

MIMASACA, duquel nous auons cy-deuant escrit, s'estant apres la mort du Sieur Augustin son maistre retiré au Roiaume de Saxuma, avec autres deux grands Capitaines, y mourut cete année. Aiant esté aduerty à bonne heure, que cete maladie seroit sa dernière, il fit venir à soy sa femme, son fils, âgé seulement de dix ans, & sa fille: leur recommanda de tenir bon en la foy Chrestienne, & perdre plustost la vie, que d'y manquer. A ces fins qu'ils se retirassent tous à Nangazaki, où il eleut sa sepulture, en l'Eglise de la Misericorde. La commodité des Chrestiens, qui auoient accompagné son corps, inuita le P. Visiteur à donner quelque cōsolation à ceux qui estoient restez à Saxuma, & auoient demeuré deux ans sans voir pas un de nos Peres, à cause de la guerre que Dayfusama fit au Roy de Saxuma. Il y enuoia donc un de nos Peres Iaponois de nation, lequel y fut receu comme un Ange du ciel, & ouït les confessions de tous les Chrestiens de ce quartier là.

ENTRE autres merueilles qui s'estoient passées depuis qu'ils n'auoient veu aucun de nos Peres, ils luy racontèrent celle-ci arriuée peu de iours auant sa venue. Un Chrestien demeurant en l'Isle de Saxuma, tomba si grieuement malade, que tous ceux qui le visitoient desespoient de sa vie. Ce que voians sa femme, & ses parens qui estoient Payens, le supplierent de trouuer bon, qu'ils luy impetrassent la san-

té par certaines ceremonies, qu'ils auoient coutume de fai-  
reaux Fotoques. Il resista du commencement à cete tenta-  
tion, disant que les Fotoques n'auoient aucun pouuoir.

IESVS-  
CHRIST  
1602.

Mais ils l'importunerent tant, qu'en fin il consentit à leur  
volonté. Ils firent donc leurs chimagrées aux Fotoques:  
Mais le malade s'en porta pis. Ce qu'un sien ami, bon Chre-  
stien, aiant sçeu, le fut voir, & l'auertit charitablement de la  
lourde faute qu'il auoit commise, consentant qu'on fit pour  
lui vn acte d'idolatrie. Le malade recogneut son peché, &  
en fut tres-marri. Il entra neantmoins en doute, si Dieu lui  
pardonneroit, parce qu'il n'auoit aucun Prestre pour le cõ-  
fesser. Son ami l'assura qu'en tel cas la contrition suffisoit.  
Le malade semit donc à pleurer sa faute, demander pardon  
à Dieu, protester qu'il en estoit tres-marri & tout prest à sa-  
tisfaire: Lesquels actes continuant il rendit son ame Dieu.  
Son ami fut prier quelques autres Chrestiens pour l'assister  
à mettre en terre le defunct. De quoi ils firent refus, disans  
qu'il estoit mort Payen, aiant recogneu les Fotoques durant  
sa maladie. Le bon ami leur repliqua, que le trespasé auoit  
à la verité failli, mais qu'il s'estoit recogneu, & auoit don-  
né de tres-euidentes preuues de contrition. Bref fit tant  
qu'ils le suiurent pour aller donner sepulture au corps, plus  
par importunité, que par opinion qu'il fût mort en la dispo-  
sition que l'autre disoit.

139

Contrition  
comme  
suffit.

LES voila prés du corps tenu pour mort, il y auoit  
jà huit ou neuf heures, ils le mettent dans vne quaiße à la  
mode du país: & à ses pieds vne image deuote, pour montrer  
qu'il estoit mort Chrestien. Auant qu'on le portât en terre  
les Chrestiens estans autour de sa biere à genoux, priãs pour  
l'ame du trespasé, en presence de plusieurs Gentils, venus  
encore pour l'accompagner à la fosse; Dieu voulant faire  
voir que sa contrition lui auoit esté agreable, permit que ce  
corps se leuât sur son seant, & tenant ses mains jointes, com-  
me qui fait oraison, ouurit & jetta ses yeux sur l'image qui  
estoit à ses pieds, & se prit à mouuoir ses levres, sans que per-  
sonne oût rien. Aiant demeuré quelque temps en cete po-  
sture il ferma les yeux, baissa la teste iusques aux mains qu'il  
tenoit jointes, & s'y tint vn peu de tẽps. Puis se recoucha dãs

140

Mort ven-  
prian, &c.



IESVS-  
CHRIST  
1601.

sa biere, & fut trouué mort comme auparauant. Plusieurs s'approcherent du corps pour le considerer, le toucherent, & apres auoir recogneu par ces signes que Dieu auoit accepté sa penitence, l'enseuelirent. Le Pere s'enquit soigneusement du tout, trouua que la verité estoit telle, & se seruit de cete merueille pour encourager les Chrestiens qui uiuoient parmi la gentilité, à tenir bon en la foy Chrestienne iusques au dernier soupir.

141  
Idolatre  
conuerti.

Vn pauvre idolatre mangeant trop hastiement de je ne sçay quel poisson, en auala vne grosse areste, qui lui trauersale gosier, & le mit en danger de sa vie. Vn Chrestien passant par là le fut voir, & lui conseilla de se faire baptizer, & sauuer son ame, attendu que le corps estoit hors d'esperance de vie. Il suiuit ce conseil, se fit instruire autant que le temps le permit, & mourut baptizé.

142  
Valet constant à la  
foy.

Vn gentil-homme Payen, voulant entreprendre certain pelerinage, à l'honneur de ses Fotoques, faisoit estat d'y mener vn sien valet Chrestien, qu'il auoit nagueres receu à son seruice. Mais le jeune homme lui dit clairement, qu'en route autre chose il lui rendroit fidele seruice, iusques à la mort : Mais qu'il ne mettroit pas le pied dans le temple des idoles. De quoi son maistre autant estonné que bien edifié, lui donna parole de ne le mener iamais vers les idoles. Voila ce que la constance de ce valet gaigna sur son maistre.

143  
Tentation  
de Satan  
chassé.

Vn vilageois Chrestien, d'assés simple condition, mais de bõne vie, ne voulant consentir à certaines tentations interieures que Satan lui suggeroit, le voioit tantost en forme d'vn horrible Bonze, tantost reuestu en femme, tantost se trouuoit porté sur des montagnes & rochers inaccessibles, d'où ce malin lui conseilloit de se precipiter dans la mer qui battoit au pied. Mais le bon homme inuoquant les tres-saincts noms de IESVS & MARIE, tous ces phantomes disparoissoient. Cela lui estant arriué par quatre ou cinq fois, ses parens craignans pis, furent vers vne fort seruente Chrestienne leur voisine pour demander conseil. Je suis d'auis, leur dit-elle, que vous battiés à bon escient ce bon homme, pour tourmenter Satan en sa personne.

Les parens suiuirent ce conseil, & le patient s'en trouua bien. I E S V S-  
 Depuis vn de nos Peres passant par là, le confessa, & l'in- CHRIST  
 struisit si bien, qu'il fut entierement deliuré de ces tenta- 1602.  
 tions.

V N autre Chrestien se trouuant fort mal disposé, fut  
 appeller vn Medecin, lequel l'ayant visité, & trouuant par  
 ses aphorismes, qu'il n'en releueroit pas, ne lui voulut rien 144  
 ordonner. Le mesme iour vn de nos Peres arriuant là, fut Confession  
 & la vertu,  
 prié de le confesser, comme il fit. La confession finie, le ma-  
 lade commença soudain à se porter mieux, & en bref fut  
 tout à fait guéri.

V N autre Chrestien aussi, ayant repudié sa femme suiuant  
 les coutumes du Iapon, marchandoit pour en espouser vne  
 autre. Ce qu'un de nos Peres ayant sçeu, fut chez lui, renuoia  
 la concubine vers son pere, lui faisant entendre que cet  
 homme estoit marié, & ne pouuoit espouser autre femme,  
 que sa premiere ne fût morte. Mais le pere de la concubi- 145  
 ne, qui desiroit s'en decharger à quel prix que ce fût, ne tint Adultere  
 puni.  
 pas grand compte de cet auis, ains permit au debauché de  
 la mener en terre de Payens, où ils peussent viure à leur  
 discretion. De quoi il fut si aigrement repris, qu'il s'of-  
 frit à faire telle penitence qui lui seroit imposée. Mais le  
 pere comme pasteur des Chrestiens, différa d'oïr sa con-  
 fession iusques à tant qu'il eût fait ramener sa fille en sa  
 maison; ainsi que la raison requeroit. Ce qui le piqua  
 tellement qu'il ne se voulut rengier à son deuoir, iusques  
 à tant que Dieu lui eût enuoié vne facheuse maladie, laquel-  
 le ayant recognu comme vn juste fleau de Dieu, il fit assem-  
 bler ses enfans & parens, auoia deuant eux qu'il se trouuoit  
 es termes qu'ils le voioient pour auoir permis qu'un adultere  
 menât sa fille en terre de Payens: commanda qu'on la ra-  
 menât promptement en sa maison. En quoi ayant esté  
 obeï, les adulteres se confesserent tous deux & le ma-  
 lade aussi, qui commença bien-tost à se porter mieux, &  
 guerit.

V N autre ayant abandonné sa femme couuerte de lepre, Femme le-  
 s'en alla trouuer vn de nos Peres, & avec sa simplicité de- preuse,  
 manda congé d'en choisir vne autre. Le Pere lui respondit



**I**ESVS-  
**CHRIST**  
1602. qu'il n'en pouuoit prédre d'autre, tādīs que celle là viuroit, ains la deuoit assister & traiter en bon mari, iusques à la mort. Sur quoi il s'aigrit tellement qu'il lui eschappa de dire, l'en iray querir vne autre parmi les Payens; & choses semblables. Mais Dieu l'humilia bien, permettant que peu apres il deuint ladre comme sa femme. Le Pere qu'il auoit consulté fut le visiter; & le trouua tellement affligé & pressé de cete orde maladie, qu'il n'esperoit pas viure long-temps. Il recognut en fin que c'estoit vne punition de Dieu, fit vœu d'aider à bastir vne Eglise, & se confessa, non sans abondance de larmes, lesquelles Dieu agrea, & lui rendit la santé dans peu de iours. Aussi accomplit-il entierement son vœu.

*Des maisons d'Omura, Arima & leurs residences,  
pour l'an mil six cens deux.*

### CHAPITRE XVIII.



**C**INQ de nos Peres, & six autres non Prestres trauaillerent cete année sur les terres d'Omura, où iurent vingt & deux mille confessions, & consolerent ceux qui venoient de deux ou trois journées loin pour receuoir la tres-saincte Communion. Vn de nos Peres leur disant, que les viures estans par tout si rares qu'à grande peine en trouuoit-on pour de l'argent, ils pouuoient attendre qu'on les allât visiter chez eux, & tandis trauailler pour gagner leur vie; ce qu'ils n'auoient moien de faire employant tant de temps par les chemins: Il y en eut vn qui prenant la parole pour tous respondit, Que la chere année les priuant de nourriture corporelle, ils auoient recours à la refection spirituelle; ne voulans que leurs ames demeurassent affamées comme les corps.

Ils baptizerent cent quatre vingt & cinq personnes venuës d'autres lieux. Car le Roiaume d'Omura estoit tout peuplé de Chrestiens dès cete année. De ce nombre de

147

Deuotion à  
la saincte  
Communion.

de Neophytes, Dieu en tira quelques - vns à foy, par di-  
uers moiens extraordinaires. En voici deux preuues. Vn  
Payen qui demouroit parmi les Chrestiens, & faisoit du  
retif à se conuertir, estant entré dans vne forest pour cou-  
per du bois à brûler, fut accablé par la cheute inopinée  
d'vn arbre; non tellement toutesfois qu'il n'eust moien  
d'enuoier querir vn de nos Catechistes, disant qu'il vouloit  
sauuer son ame. Le Catechiste y accourut, l'instruisit au-  
tant que le temps luy permet, le baptiza, & aida à bien mou-  
rir. Vn autre se trouuant condamné à la mort, pour vn lar-  
recin de petite consequence, fut sollicité à se conuertir par  
vn de nos Dogiques, qui par bon-heur se trouua sur le lieu,  
& fit surseoir l'execution, iusques à tant qu'il l'eust instruit  
& baptisé. Soudain apres il fut decolé.

148  
Neophytes  
heureuse-  
ment  
morts.

D V R A N T la guerre que le Roi de Figen auoit fait quel-  
ques années auparauant contre le Roi d'Omura, il y eut  
vne petite contrée d'Omura, qui demeura du tout deserte,  
les habitans aiant esté partie massacrez, partie transportez  
ailleurs esclaués. De ce nombre fut vn enfant de trois ou  
quatre ans, qui auoit esté baptizé peu apres sa naissance; &  
depuis esleué parmi les Payens huma tellement l'air de l'i-  
dolatrie, qu'estant creu il abhorroit grandement la foy  
Chrestienne. Si pleut-il à la diuine bonté auoir pitié de  
luy. Car il se trouua saisi d'vne si horrible galle, qu'il fai-  
soit peur à quiconque le regardoit. Outre qu'il ne se pou-  
uoit aider des mains, ny des pieds. Tellement que son mai-  
stre ne le pouuant souffrir chez soy, luy donna la clef des  
champs. Il retourna donc au lieu de sa naissance, trouua  
sa mere encore viuante, qui procura sur tout qu'il se con-  
fessast, & prit la peine de le porter vne fois le iour sur ses es-  
paules, vne sepmaine durant, vers vn de nos Freres qui le  
catechisoit à l'Eglise. Il fit sa confession avec beaucoup de  
douleur & recognoissance de la grace que Dieu luy auoit  
fait, & mourut bien-tost apres.

149  
Enfant mi-  
sericor-  
dieusement  
sauué.

LE Reuerendissime Euesque confirma cete année dix  
mille personnes en Arima. Trente sept de nos Religieux,  
qui trauailloient dans le mesme Estat, y ouïrent vingt-sept  
mille confessions. De cent ieunes enfans qui se tenoient



**I E S V S-** au Seminaire, il y en eut vn natif de Chicungo, que son pere **CHRIST** re retira, pour le detourner de la foy. Dequoy il le tenta

1602. fort & ferme, dès la premiere nuit qu'il le tint hors de nostre maison. Mais l'enfant resista constamment, disant qu'il donneroit plustost son col à couper, que manquer à la foy de son Sauueur. Constance qui edifia si bien l'hoste d'Arima, chez lequel ils logeoient, qu'il en porta soudain les nouvelles en nostre maison. Mais le pere du ieune escolier qui n'auoit pas encore quinze ans, nia d'y auoir iamais pensé, esperant que comme il tiendrait l'enfant chez soy, il le flechiroit à son plaisir. Defait l'ayant mené à Chicungo, il se mit diuerfes fois en deuoir de le desbaucher de la foy. Mais ce fut tousiours en vain. Car l'enfant tint ferme, & ne peut estre vaincu. Enfin vn de nos freres estant allé à Chicungo, pour visiter les Chrestiens du lieu, fut auerti de la guerre que ce mal-heureux pere menoit à son fils, trouua moien de le tirer de ses mains, & de le renuoier au Seminaire, où ses compagnons le receurent comme en triomphe.

Vn autre ieune enfant sollicité par ses parens, de renoncer à la foy, leur resistoit virilement. Surquoy il tomba malade, de la rougeolle, mal si dangereux & contagieux au Japon, qu'ils s'engardent, comme nos Europeans de la peste. Ses parens estimans auoir rencontré vne bonne occasion pour le faire apostater, le menacerent de l'abandonner, s'il ne renioit la foy. Mais il leur respondit: Si vous me quittez, j'espere que Dieu ne m'abandonnera pas. Et leur barbarie alla si auant, que tous ses proches le quitterent en la maison. Mais Dieu le pourueut d'autre assistance temporelle & spirituelle, si qu'il mourut constant en la Foy.

CERTAIN Bonze estant allé d'assez loin en Arima, pour receuoir le saint Baptisme, à ce qu'il disoit, logea quelques mois chez nous: Où cognoissant bien qu'il n'estoit le bien venu, à cause de ses mauuaises mœurs, il mit la main sur quelque piece d'importance, que l'original n'auoit voulu nommer, & changea d'air. On n'en trouua pas à dire ce qu'il auoit emporté, iusques à quelques iours apres son depart. Lors on s'en plaignit si bien que le Gouverneur

150

Constance  
d'un ieune  
enfant.

151

Rougeolle  
mortelle au  
Japon.

152

Deux lar-  
sons punis  
de mort.

d'Arima en eut le vent ; & ayant rencontré le Bonze à IESVS.  
Meaco , le fit prendre prisonnier , & ramener au lieu du CHRIST  
crime , où il auoüa publiquement que la iustice diuine, qui 1602.  
ne laisse aucun malfait impuny, lui auoit osté l'auis de se  
retirer ailleurs. Ce qui estoit plus que vray - semblable:  
Car depuis qu'il estoit sorty de nostre maison, il auoit eue le  
loisir de passer la mer, & s'enfuir plus loin.







HISTOIRE  
ECCLESIASTIQUE  
DES ISLES ET ROYAVMES  
DV IAPON.  
*LIVRE QUATORZIESME.*

---

*Persecution que Canzagedono nouveau Roi de Fingo,  
esmeut contre les Chrestiens, apres la mort  
de Dom Augustin.*

CHAPITRE PREMIER.

An de  
IESVS-  
CHRIST  
1602.

---



A Chrestienté fleurissoit grandement au Roiaume de Bungo, durant la vie du Roy François; & en celuy de Fingo iusques à la mort du Sieur Augustin Eunocamindono. Mais depuis que ces deux arcs-boutans de nostre sainte Foy furent renuersez par leur mort, le nombre des Chrestiens diminua fort en leurs terres; & ceux qui tindrent bonne viuoient pas avec la liberté accoutumée, & n'estoient pas assiste par nos Peres, comme du regne des

fusdits Seigneurs, ains estoient molestés & affligés par les <sup>LESVS-</sup> Bonzes, qui ne pensoient qu'à les peruertir. Ce fut dans <sup>CHRIST</sup> leur boutique, que fut forgée la persecution que les Chre- <sup>1602.</sup> stiens souffrirent cete année en ces deux Roiaumes.

DEVIS la guerre que les Regens establis par le feu Tayco firent à Dayfusama, le parti du Roiaume de Fingo, que le feu Sieur Augustin auoit tenu, fut donné à vn sien ennemi capital, nommé Canzagedono, lequel du commencement de son regne, pour se mieux establir, fit semblant d'affecti-  
ner les principaux Capitaines Chrestiens, qui auoient suivi le Sieur Augustin. Mais aiant regné vn an, ou enuiron, il le-  
ua le masque, & fit paroistre la haine mortelle qu'il leur por-  
toit, & à tous les Chrestiens aussi, comme chef de la secte des Foquexus, les plus malicieux & detestables Bonzes qui fus-  
sent lors au Iapon.

I  
Canzage-  
dono Roi  
de Fingo.

IL ordonna donc en premier lieu, que tous les Seigneurs Chrestiens qui estoient à sa suite, signassent en vne fueille de papier ces mots : Suiuent les seings de ceux qui ont re-  
noncé à la loy & foy Chrestienne, promettans de jamais  
n'en faire profession. Que si quelqu'un refusoit de signer,  
le Roi ordonnoit en second lieu, qu'il fût dés lors priué de  
toutes ses terres, rentes & pensions. Auant que cete ordon-  
nance fût publiée, les Chrestiens auoient esté auertis com-  
me Canzagedono s'estoit vanté de les faire tous ou aposter,  
ou passer par le fil de l'espée. Et eux s'estoient resolu de per-  
dre plustost la vie, que de renoncer à leur foy. Comme donc  
ce cruel Edit fut publié, ils refuserent designer la liste, disans  
tous vnanimement qu'ils perdroient plustost la vie, que com-  
mettre vne telle faute. De quoi auerti Canzagedono prote-  
sta qu'il les puniroit, non par la croix, ou par l'espée, comme  
ils desiroient, ains les faisant tous mourir de male rage de  
faim.

2  
Sa premie-  
re ordon-  
nance.

QUELQUES gentils-hommes Payens, de la suite de Canzu-  
gedono, meus d'une fausse compassion enuers les Chrestiens,  
plusieurs desquels estoient leurs bons amis, & gens de va-  
leur, se mirent en deuoir de leur persuader qu'ils sousigna-  
sent la liste, quoi qu'ils ne changeassent pas de creance. Ce-  
te inuention eut d'autant plus de force, qu'elle estoit cou-

3  
Mauuais  
conseil.



An de 1602.

LIVRE XIII. DE L'HISTOIRE

**I**ESVS-**C**HRIST  
1602.  
uerter d'un masque de pieté, à laquelle les Chrestiens estoient du tout portés. De fait quelques-vns se laisserent gagner à cete persuasion, & sousignerent la liste, estimans quel souffisoit de retenir la foy en leur cœur, quoi qu'ils y renonçassent par escrit. Le nombre fut fort petit, Dieu merci, tant parce que les deputés à faire signer cete liste ne sollicitèrent que ceux qui se trouuerent à la suite de Canzagedono, comme parce qu'il y en eut plusieurs qui firent des longs à signer, alleguans diuerses excuses: quelques autres ne sousignerent pas de leurs mains, laissant faire aux Commissaires ce que bon leur sembla. D'où arriua qu'on presenta plusieurs faux signes à Canzagedono. La plus saine & plus grande partie, respondit toujours hardiment qu'ils perdroient plustost les biens & la vie, que commettre vne telle impieté, & commencerent à s'ap-prester au martyre.

4  
Second  
Edit de  
Canzuge-  
dono.

CETE constance Chrestienne & resolution piqua si viuement Canzagedono, qu'il fit soudain vn second Edit, par lequel il deffendoit sous peine de la vie, que pas vn Chrestien n'eût à sortir de son Roiaume: Ordonnoit que dans bref, qu'il limita, chacun donneroit pleges, qui respon-droient corps pour corps. Les depoüilla des rentes qu'il leur auoit assignées; les priua des maisons esquelles ils habitoient; deffendoit que personne ne leur en prestât, ne leur en loiiât, ne les hebergeât, ny leur vendit au-cune sorte de viures. Rigueurs que les vrais soldats de IESVS-**C**HRIST souffrirent en riant. Faute de maisons ils dresserent certaines cabanes de paille, où ils se retirerent avec leurs femmes & enfans. Congedierent leurs scruiteurs, de peur qu'ils n'entreprissent leur deffence, si Canzagedo-no les vouloit faire mourir.

5  
P. Louys Ja-  
ponois de-  
guisé.

LE Reuerendissime Euesque, le P. Visiteur, & autres de nostre Compagnie, ne manquerent à les encourager, tan-toist par letres, tantost par la bouche de diuerses personnes, qu'ils enuioient expres, à ce qu'ils tinssent tousiours bon en la foy, esperant que Dieu leur changeroit ces espines temporelles, en douceurs & delices eternelles. Le dernier qui les visita, fut le Pere Louys Iaponois de nation, qui

alloit & venoit deguisé en laboureur, & assista grandement tant ceux qui auoient failli par lacheté, comme ceux qui s'estoient tousiours montrés constans. Plusieurs des foibles recogneurent leur faute, demanderent pardon à Dieu, & à l'Euesque. Les autres redoublerent leur courage, par le moien des confessions & communions, par lesquelles ils se dispoïent à la mort qu'ils attendoient d'heure en heure. Pour preuue de leur constancel l'original a couché plusieurs letres, que ces bõs Confesseurs de Iesus-Christ escriuirent audit Seigneur Reuerendissime, au P. Valignan, & autres leurs familiers, au lieu desquelles je coucheray trois ou quatre hardis traits de magnanimité que j'ay triés parmi vn plus grand nombre.

LES officiers de Canzagedono se montrans prests à dissimuler avec vn des plus braues Chrestiens, & ne l'importuner plus de sousigner la liste; il les remercia de cete faueur, & les pria de coucher son nom au nõbre de ceux qui refusoient tout à plat d'obeïr en cet endroit. Je ne veux pas estre des couards leur dit-il. l'ayme mieux viure pauvre, & en continuel hazard de ma vie; que riche, & en reputation de peu fidele Chrestien. Trait de vertu que Dieu recompensa bientôt apres. Car dans peu de iours il tomba malade, & mourut tres-consolé, louiant Dieu de ce qu'il lui auoit donné ce cœur & constance.

6  
Courage  
d'un Chre-  
stien.

VN autre nommé Ioachim, s'apperceuant que les officiers de Canzagedono, auoient contrefait son seing, prit la plume pour le biffer. Mais comme ils l'eurent empeché de ce faire, il trépa dextremēt le bout de son petit doigt le dās cornet d'encre; & faisant semblant de vouloir lire la liste, effaçā le seing qu'on prétendoit faire passer pour le sien. Il ne se contenta pas de ce trait de constance, ains brauant les officiers de Canzagedono, s'offrit trois fois lui & les siens pour souffrir le martyre. Mais parce que la furie de la persecution estoit jà passée, on ne tint compte de ce qu'il disoit. Et lui aiant perdu l'esperance d'estre martyrizé, s'en alla secrete-  
ment hors des terres de Fingo.

7  
Seing dextre-  
ment  
biffe.

VN jeune homme nommé Iazaymon, qui auoit herité de quatre mille sacs de ryz de rente, octroïés à son feu pere

8  
Biens me-  
prises pour  
la foy.



IESVS  
CHRIST  
1602.

comme vn tres-vaillant Capitaine; ſçachant bien que quit-  
tant cete condition là, il n'en trouueroit pas de pareille,  
parce que toutes les pensions ne tombent qu'és mains de  
ceux qui ſeruent actuellement au Prince, ce qu'il ne pouuoit  
faire, à cauſe de ſon bas âge, aimamieux tout perdre, que ſi-  
gner la liſte des Renegats. Car quelque officier de Canzu-  
gedono lui demandant pleges ſuiuant l'Edit; Je n'en don-  
neray autre que moi-meſme, lui dit-il. Quelqu'ami lui re-  
montrant qu'il pouuoit conſeruer ſon biẽ obeïſſant au Prin-  
ce, ſans faire tant de bruit, & lui diſant qu'il laiſſât telles  
brauades pour les grands; il reſpondit hardiment: Je ſuis  
de vrai petit de corps, pour encore; mais mon ame ne cede  
en grandeur à celles des Geans. Je ne la veux perdre pour  
toutes les rentes du monde.

9

Gentile  
repartie  
d'un en-  
fant.

10

Femmes  
conſtantes.

L'EDIT de Canzagedono ne comprenoit pas les femmes;  
ſi s'en trouua-il bon nombre qui firent preuue de leur con-  
ſtance durant cete perſecution. Entre autres vne laquel-  
le voiant que ces officiers de Satan tenoient la main de ſon  
ſils pour le faire ſigner par force, courut comme vne lionne  
pour empecher qu'on ne le forçât. Vne autre à qui on auoit  
pris ſon ſils pour plege, ſe ſouuenant des meſaiſes & incom-  
modités qu'il ſouffroit chez autrui, eut ſcrupule de lui por-  
ter compaſſion, parce qu'il endureoit pour l'amour de noſtre  
Seigneur. En quoi il lui falloit congratuler, diſoit-elle, ou  
porter vne ſaincte enuie, pluſtoſt que de la compaſſion. Je  
paſſe ſous ſilence le courage de pluſieurs autres femmes, qui  
auoient deſia fait prouiſion d'habits neufs pour elles & leurs  
enſans, eſperans s'en parer le iour de leur martyre; & ſem-  
blables autres particularités qui pourroient trop ennuyer.

11

Iſſuë de la  
perſecu-  
tion.

CETE perſecution dura ſix mois ou enuiron, Canzagedo-  
no ne penſant qu'à nouuelles inuentions pour moleſter les  
Chreſtiens. Si eſt-ce qu'il ſe laſſa pluſtoſt de leur meſaire,  
qu'eux d'endurer. Car ne lui reſtant plus qu'à les faire mourir,  
il n'oſa l'entreprendre, craignant qu'on l'eſtimât trop  
cruel en Cour, où il deuoit ſ'acheminer bien-toſt, & ren-  
contrer pluſieurs grands Seigneurs de ſa cognoiſſance, qui  
n'euffent pas manqué de lui reprocher cete barbarie.

AVANT que partir, tous ceux qui auoient fait reſus de ſi-  
gner

gner la liste, eurent congé de sortir hors de son Roiaume, & se retirer où bon leur sembleroit. Congé qu'ils accepterent volontiers, au defect de la desirée couronne du martyre. Ils se retirerent donc qui d'un costé, qui d'autre, mais la plus part à Nangazaqui, où ils furent tres-charitablement receus par le Reuerendissime Euesque, & autres Chrestiens, qui les logerent, & pourueurent à leurs necessitez. Ceux qui auoient signé la liste, voians que les autres qui auoient tenu bon, estoient partis de Fingō avec grand hōneur, & auoient trouué beaucoup de moiens & caresses hors de leur païs, rentrerent en eux-mesmes, & se reconcilierent à l'Eglise.

IESVS-  
CHRIST  
1602.

*Fruits que nos Peres faisoient cete année és  
quartiers de Meaco.*

## CHAPITRE II.



AN mil six cens deux nous auions és quartiers de Meaco quatre maisons, où residioient ordinairement quinze de nos Religieux, & trente-sept tant Dogiques qu'autres domestiques, qui les aidoint à la conuersion des ames. Es deux maisons que nous auions dans Meaco, furent baptizées neuf cens soixante personnes, & entre autres vne noble Dame, qui auoit long temps seruy dans le Palais du feu Tayco, apres la mort duquel elle se maria dans Meaco. Se trouuant preste d'accoucher de son premier fruit, elle enuoia vne bonne aumosne en nostre maison, suppliant nos Peres de prier Dieu pour elle; & promettant de receuoir le saint Baptisme apres ses couches, si Dieu les luy donnoit heureuses. Dieu l'ayant exaucée, elle receut le Baptisme, & son fruit aussi. Puis declara le tout à son mary, & à vne de ses plus familiares, qui se mirent en deuoir de la peruertir. Mais en vain: Car peu de temps apres son baptisme, n'ayant peu eschapper de la maladie, qui l'auoit abatue auant ses couches, elle mou-

12  
Noble Dame bapti-  
zée.



**I**ESVS-  
**CHRIST** 1602. rut, prononçant deuotement le nom de IESVS. Son testa-  
ment portoit que son corps fût enseveli en nostre Eglise,  
mais son mari ne le voulut pas permettre.

13  
Iulienne  
quatre  
Meaco.

VNE honorable Dame, nommée Iulienne, qui auoit baptizé la susdite Dame durant sa maladie, fut accusée deuant Dayfusama, par vn Bonze, chef de la Secte d'Amida, comme ennemie iurée de son demon, qu'il appelloit Camis, parce que dès le commencement de sa conuersion, elle auoit fait brûler vne statuë fort prisée par les Payens, & couroit toutes les ruës de Meaco pour baptizer les femmes malades & autres, au desceu de leurs maris & parens. Dayfusama qui affectionnoit grandement Amida & ses seruiteurs, ordonna que Iulienne seroit prise au corps, & châtiée par iustice suiuant les crimes desquels on la pourroit conuaincre. Dequoy auerti le Pere Organtin, luy conseilla de se retirer vers le Ximo. Du commencement elle fit difficulté de suiure ce conseil, alleguant pour excuse, qu'elle auoit long temps auparauant desiré le martyre, & en aiant trouué si belle occasion, elle ne la vouloit perdre; ains aller droit vers Dayfusama, & luy decouurir à pur & à plein l'hypocrisie & impostures des Bonzes, qui le trahissoient. Je le sçay tres-bien, disoit-elle: j'ay estudié seize ans entiers leur cabale. J'ay esté Abbessse d'un Conuent de leurs fausses Nonnains. Ils ne se sçauroient lauer des ordures que ie leur manifesteray. Elle en dit encore dauantage. Mais le Pere Organtin luy aiant remonstré qu'entrant en cete querele & contestation, elle pourroit mettre les Chrestiens en grand danger, la bonne Dame apprehenda ce hazard, se retira à Nangazaqui, & de là vers Arima, où la Roine Iuste la receut fort honorablement pour gouuernante de ses filles.

14  
Medecin  
baptizé.

CETE mesme année fut aussi baptizé à Meaco, vn proche parent de feu Nobunanga, Medecin de profession: (car les reuolutions des affaires du Iapon ont coutume de reduire les plus grands à tels, voire encore plus bas estats,) & deux principaux courtisans de Xiurindono. Plusieurs autres personnes nobles, & de grande autorité ouïrent le Catechisme, & goustèrent les mysteres de

nostre sainte Foy, sans se faire baptiser. Deux considerations en empecherent vn grand nombre. La premiere fut vne loy faite par le feu Tayco, portant expresse deffence aux Gentils-hômes de se faire Chrestiens. Loy que Dayfusama ratifia, & fit publier de nouueau cete année. La seconde fut vne grande esmotion que causa cete mesme année au Iapon l'arriuée d'un grand nombre de Religieux de trois diuers Ordres, qui prindrent terre venant des Philippines. Quartier que les Iaponois redoutoient grandement, à cause de la calomnie qu'un Pilote du galion saint Philippe mit sus au Roy d'Espagne, du temps du feu Tayco, ainsi que nous auons raporté en son lieu.

IESVS-  
CHRIST  
1602.

Liu. II.  
nomb. 118.  
& suiv.

IL se trouua neantmoins fort peu de nobles, qui aiant ouï la doctrine Chrestienne ne demeurassent affectionnez à nostre Foy, voire ne conseillassent à leurs parens & amis de se rendre Chrestiens. Ce qui arriua cete année à Figendono Seigneur de trois Roiaumes vers le Nort. Car se trouuant à Meaco, & aiant assisté à quelques discours d'un de nos Catechistes, il conseilla à sa mere & à sa sœur, non seulement de l'ouïr, ains de demander le baptême; les asseurant qu'il n'y auoit moien pour arriuer à l'immortalité, que celuy que les Chrestiens enseignoient. La mere suivit dès lors le bon conseil de son fils, & la sœur quelques mois apres.

15

Payens induisants au  
Christia-  
nisme.

CANZUGEDONO duquel nous auons parlé au chapitre precedent, se trouuant en la cour de Dayfusama, taxa vn iour, mais fort aigrement, Iecundono, Seigneur de Bugen, de ce qu'il tenoit sur ses terres quelques-vns de nos Peres, quoy qu'il fût Payen. Et pour l'induire à les chasser au plustost, se prit à vomir mille impostures, tant contre les Chrestiens en general, que contre nos Religieux. Iecundono au contraire ayant dextrement rabattu les coups de Canzagedono, dit mille biens des Chrestiens, & particulièrement de nos Peres. Surquoy ils contesterent tous deux si auant, que Iecundono mit le premier la main à l'espée, & se rua sur ce quereleux. Ils se fussent massacrés l'un l'autre, sans vn Gentil-homme de Dayfusama, qui semit entre deux, & en fin les accorda.

16

Zeile de Ie-  
cundono  
pour la  
Foy.



An de 252

LIVRE XIV. DE L'HISTOIRE

IESVS-  
CHRIST  
1602.

17  
Ganzegudo-  
dono amâ-  
de.

Peu de iours apres Dieu vengea bien la querelle de ses seruiteurs, & abbatit les cornes de Canzugedono, permettant que parmy vne troupe de voleurs qui furent pris à Fuximi, il s'en trouua iusques à trente couchez sur l'estat de sa maison, & par consequent comme ses domestiques. Les vns furent punis de mort, les autres eurent les poings & pieds coupez, la vie sauue; & Canzugedono condamné en vne grosse somme d'or pour amende enuers le Roi, parce qu'il auoit tenu telle canaille à son seruice. Dieu voulut qu'il ne s'y trouua pas vn Chrestien. Dequoy Iecundono triompha comme victorieux, & son aduersaire demeura extremement confus.

18  
Sacondo-  
no enseucli  
chez nous

SACONDONO fils ainé de Gnenifoya ci-deuant Gouverneur de Meaco, ayant esté banni par son propre pere, dautât qu'il estoit Chrestien; se trouuant au liét de la mort, se confessa, receut le tres-sainct Viatique, & pria vn de nos Peres de l'aider & assister en ce dernier pas. Nos Peres le firent, & celebrerent ses funerailles en nostre Eglise, à la sollicitation de Xingendono, son frere, qui estoit aussi Chrestien. Quoy que le Pere eust fait consigner le corps aux Bonzes, pour l'enterrer à leur mode. Xingendono enuoia chez nous deux cens escus d'aumosne, lesquels nos Peres firent distribuer aux mendians. Liberalité de laquelle les Japonois, mesme Payens, furent autant ou plus edifiez que des funerailles; parce que les Bonzes reçoient tres-volontiers, & retiennent tout ce qui leur est offert pour semblables offices, sans en faire part aux pauvres. D'où vient qu'ils entassent de grands thresors. On le veid au Japon par experience cete mesme année; en la mort d'un fameux Bonze, nommé Nangatoquho, vn des six principaux qui residoient au celebre Conuent d'Atango, planté sur vne haute montagne, proche de la ville de Meaco. Car outre le riche & precieux meuble, duquel il auoit tres-grande quantité, on luy trouua six vingts mille escus en or. Thresor qu'il aimoit si esperduément, que se trouuant prest à rendre l'ame, il se fit porter au cabinet où il le conferuoit, d'où finalement du milieu de ses escus il fut precipité au profond des enfers, pour y estre eternellement tourmenté à cause de son idola-

19  
Avarice  
des Bon-  
zes.

trie, & de son insatiable auarice; que toute la Cour de Day-  
fufama blasma sans fin.

VN Seigneur Payen, resolu de peruerter vn sien seruiteur  
Chrestien, l'attaqua par discours & raisons; lesquelles ne  
l'ayant peu esbranler, il eut recours à la force, le faisant lier  
& garotter; & finalement aux bastonades. Mais la constan-  
ce du valet, surmonta la malice du maistre, tellement qu'e-  
stant dextrement sorti de ses mains, il garentit tout à coup  
son corps des coups, & son ame du peril qu'il couroit de-  
meurant parmi les Payens d'humeur si bizarre.

VNE grande Dame de la secte des Bonzes qu'ils appel-  
lent Genxus, fut emeue à demander le saint baptesme,  
voiant vn Chrestien qui prenoit la discipline iusques au  
sang. Spectacle qui la porta à ce petit discours. Ce Chre-  
stien tire du sang de son corps à coups de foit, pour acquerir  
la felicité eternelle. Il doit donc estre bien assure qu'il  
y en a vne. Il seroit autrement bien insensé de tant patir,  
pour ne rien gagner. Cete raison lui gaigna tellement le  
cœur, qu'elle se rendit Chrestienne.

IL se trouua cete année parmi les Chrestiens vne person-  
ne, qui passa vne sepmaine entiere de Carefme, sans manger.  
Quand on lui dit que c'estoit vne indiscretion, il respondit,  
que ce n'estoit rien à comparaison de ce que nostre Sauueur  
auoit souffert pour lui. Ajousta de plus, qu'estant idolatre  
il en auoit fait dauantage pour plaire à Satan, & sans espe-  
rance d'aucun loier.

IESVS-  
CHRIST

1602.

20

Constance  
d'un serui-  
teur.

21

Dame con-  
uertie par  
vn bon  
exemple.

22

Ieusne  
d'une  
sepmaine.



*Des maisons d'Ozaca, Facata, Amanguci,  
Fuximi, & Adjacentes.*

CHAPITRE III.



Es Bonzes ont tousiours esté ennemis mortels des Chrestiens, & leurs persecuteurs par tout le Iapon. D'où vient qu'ils ne veulent ouïr les sermons, ny les leçons du Catechisme. Si est-ce que cete année plusieurs furent pris par diuers stratagemes, & particulieremēt vn des plus fameux medecins d'Ozaca qui auoit esté Bonze, & celebre Predicateur en sa secte. Celui-ci fut cōduit en nostre maison par deux ou trois Caualliers qui disoient vouloir disputer contre vn de nos Catechistes, & prierent ce Medecin de les asseurer, & soutenir leur parti. A quoi il ne fit aucune difficulté, esperant qu'il répondroit aisement à toutes les difficultés du Catechiste, & soudroit clairement tous ses argumens. Mais comme les gentils-hommes eurent attaqué nostre Catechiste, & qu'il se fut mis en deuoir de leur répondre, le Medecin mesme conuaincu par l'euidence des raisons du Catechiste, se prit à soudre les difficultés des Caualliers, & respōdre aux doutes qu'ils proposoiēt. Si bien que petit à petit la verité lui fit decouurir, que les sectes des Bonzes n'auoient aucun solide fōdement. D'où vint qu'il se conuertit, & receut le saint baptisme.

23

Medecin  
Bonze  
conuert.

34

Songe  
remarqua-  
ble.

Il lui arriua en songe vne chose qu'on pourroit tenir pour mēsonge, si elle n'eût cōtinué plusieurs iours. C'est que soudain apres qu'il eut receu le baptisme, durant cinq nuits consecutiues, Satan le menaça de luy oster la vie, s'il ne retournoit au gentilisme. Ce que le bon Neophyte refusoit de faire. Satant insistoit à luy représenter qu'il l'attachoit & garottoit en croix. Ce qui donnoit beaucoup de peine à ce bon Medecin durant son sommeil. S'eueillant il reconnoissoit aisement que c'estoit vne illusion du diable & se

mettoit en deuotiō. Vne nuit estant passée franche après les  
 cinq susdites, sans que ce bon Medecin songeât à chose  
 aucune, suiuirēt autres cinq nuits, pendant lesquelles il son-  
 gea tout au rebours, qu'il se trouuoit en compagnie de gens  
 d'honneur, qui lui louoient la foy Chrestienne, disans qu'il  
 n'y en auoit pas de semblable au monde. Puis lui faisoient  
 voir parmi les flâmes d'enfer les idoles qu'il auoit adoré, &  
 cōme il attisoit lui mesme le feu pour les consumer. Ce fut vn  
 sōge, mais qui seruit grandemēt pour affermir ce bon Medec-  
 cin en la foy. Par son moiē plusieurs Gentils se conuertirent.

IESVS-  
CHRIST  
1602.

Vn jeune homme de dixneuf ans, aians receu le baptes-  
 me avec sa femme qui estoit encore plus jeune, & ce au des-  
 ceu de leurs parens, qui estoient des plus riches marchands  
 d'Ozaca, fut menacé par son pere d'estre dechiré. Il ne  
 laissa pourtant de professer la foy Chrestienne, disant  
 qu'il ne desiroit rien tant que d'estre priué de tous ses  
 moiens, voire massacré pour l'amour de IESVS-CHRIST.  
 Sa femme fut encore plus persecutée par les siens, qui se  
 mocquoient d'elle & de la Chrestienté : Mais sur tous  
 par vne sienne sœur, laquelle ne pouuant croire qu'elle  
 eût receu le baptesme, s'emploioit du tout à la diuertir. Et  
 celle-ci au contraire, se mettoit en deuoir de lui persua-  
 der qu'elle ne chanceleroit iamais en la foy Chrestienne.  
 Elles continuerent en cete contestation, iusques à tant  
 que la Chrestienne s'accorda avec vne sienne parente, qui  
 logeoit pres de nostre Eglise, qu'elle les inuitât toutes  
 deux à dîner. Ce qu'elle fit volontiers. Apres le repas com-  
 me les deux sœurs s'en retournoient chacune en son logis,  
 la Chrestienne fit tant qu'elle mena l'autre en nostre Eglise  
 & fit appeller vn de nos Peres, se confessa, afin que sa sœur  
 ne doutât plus qu'elle ne fût Chrestienne, & cessât de l'im-  
 porter. De fait elles vescurent en bonne paix de là en  
 auant.

25

Constance  
d'un mari &  
de sa fem-  
me.

Vn Seigneur Payen aiāt tué injustement vn sorcier, le ma-  
 lin esprit pour gagner du credit parmi les idolatres, enroit  
 tous les ans dans le corps de sa fême, en la mesme saison que  
 le meurtre auoit esté commis, & la tourmentoit, disant  
 qu'il estoit l'ame du meurtri. Le meurtrier fâché de ce re-

26

Satan & ses  
illusions.



**I**ESVS-  
**CHRIST**  
1602.  

---

proche, & du mal que sa femme souffroit ; fit faire plusieurs prieres superstitieuses, pour chasser ce mauuais hôte du corps de sa femme. Mais en vain. Car vn diable ne chasse pas l'autre par ce chemin. En fin aiant sçeu qu'il y auoit dans ses terres vn Chrestien refugié, il le fit venir à soi, & le pria instamment de vouloir deliurer sa femme de ce malin esprit. Le Chrestien se retira dans vne chambre, tira de son sein vne image benite, se mit en deuotion deuant icelle, priant Dieu, mais d'vne grande foy, qu'il lui pleût auoir pitié de cete pauvre patiente. Dieu l'exauça, le malin esprit quitta soudain la femme, & n'entreprit iamais plus de la tourmenter. Se trouuant saine, elle demanda le baptesme ; mais on le différa à quelque autre commodité. Apres la mort de son mari, elle fut avec sa mere en nostre Eglise d'Ozaca, où toutes deux furent catechizées & baptizées à leur grande consolation.

27

Bonze  
confus non  
conuert.

Vn bonze qui auoit huit cens Parroissiens, s'en vint chez nous, avec six ou sept des principaux, esperant mettre au sac, le Catechiste qui entreprendroit de les instruire. Mais n'ayant pour l'heure trouué chez nous que les valets il s'en retourna. Par le chemin s'estant mis à considerer, qu'il ne pouuoit en verité se venter d'auoir confondu le Predicateur des Chrestiens, ainsi qu'il pretendoit, & que partant sa secte perdrait beaucoup de credit ; il rebroussa chemin, & trouua chez nous à qui parler, si biẽ qu'il recogneut pour vrai tout ce que le Catechiste lui proposa, dit qu'il n'y auoit Docteur au monde qui lui peût contredire, bref fut conuaincu, non pourtant conuert, pour ne perdre son reuenu, qui consistoit aux presens & offrandes de ses Parroissiens. Mais tous ses compagnons se firent plus amplement instruire, & furent baptizés.

28

Facata &  
maison.

**C**AINO CAMI Seigneur de Facata, ville du Roiaume de Chicugen, vne des plus anciennes du Iapon, à la requeste de son pere qui estoit fort bon Chrestien, nous donna cete année vne tres-ample & tres-commode place pour nous loger ; mais à condition que nous n'y bastirions Eglise ny maison qui parût de Religieux ; ains vne honorable demeure de Citoyen : & quant à la conuersion des infideles,  
&

& celebration de l'office diuin, vserions de telle modera-  
 tion, que les Payens, & nos enuieux n'auroient occasion  
 de nous deferer à Dayfusama. Mais quel moien d'allumer  
 le flambeau du saint Euangile, sans qu'il esclaire, ou faire  
 du bien sans qu'il soit sçeu? Auant que nos Peres eussent pris  
 possession de la piece à eux donnée, les Bonzes voians que  
 les Chrestiens se resioüissoient du retour de nos Peres, &  
 plusieurs Payens couroient ouïr le Catechisme, enuoierent  
 vn de leurs chefs vers Cainocami, luy denoncer que nos Pe-  
 res esmouuoient tellement le peuple, par leurs exercices or-  
 dinaires, qu'il estoit impossible que Dayfusama n'en fût biē-  
 tost auerti. Ce qui etonna tellement Cainocami, que pour  
 le contenter, il fut necessaire que nos Peres quittassent Fa-  
 cata, & se retirassent vers Soiemondono Seigneur d'Aquizu-  
 qui, à trois lieues de Facata. De quoi les bonzes triomphe-  
 rent comme d'une signalée victoire.

MAIS Dieu ne permit pas que leur vaine ioie durast long  
 temps. Car Soiemondono aiant enuoie vers Cainocami en  
 nostre faueur, obtint aisement que nos Religieux retour-  
 nassent à Facata, avec autant de contentement des Chre-  
 stiens, qu'ils auoient senti de tristesse pour leur depart. Ils  
 n'eurent pas pris possession de la place que Cainocami leur  
 auoit donnée, qu'un Chrestien leur achepta quelques mai-  
 sons voisines, & fit accommoder le tout à ses despens.  
 Cambioiendono, autrement appellé Simon Condera, pere  
 de Cainocami, fit aussi bastir quelques chambres dans no-  
 stre place, comme pour soy, afin que son fils n'entreprît plus  
 de retracter la donation qu'il nous auoit faite. Nos Peres y  
 ouriront cete mesme année vne escole, où les ieunes en-  
 fans apprenoient à lire & escrire, comme ils faisoient au-  
 parauant chez les Bonzes, mais au grand preiudice de leurs  
 ames.

VN ieune homme, fils d'un des principaux Capitaines  
 de Cainocami, nagueres fait Chrestien, voiant que son mai-  
 stre ne prenoit pas plaisir que ses sujets fissent publicemēt  
 profession de la Foy Chrestienne, desista pour vn temps de  
 se monstrier tel, obeissant plustost à son maistre qu'à  
 Dieu. Sur ce point il tomba malade, & arriua à la fin de



IESVS- sa vie. Qui fut cause que sa mere, ne sçachant qu'il fût Chre-  
 CARIST stien, l'exhorta de se recômander aux idoles. Mais vne Dame  
 1602. Chrestienne, qui se trouua pres du malade, lui parla de Dieu,

de la cõtrition & confession, si bien qu'il demâda vn de nos Peres, & s'estant deuëment confessé, rendit l'ame à Dieu. Son aîné qui s'estoit vn peu refroidy en la foy, meü par cét accident, se confessa prôprement, & depuis fut plus seruët.

L'EGLISE d'Amanguci sentit cete année, comme autres fois, combien les Bonzes auoient de pouuoir sur les volontez des Payens. Car Morindono ayant perdu six Roiaumes des huit qu'il possèdoit, & ne luy restant plus que Firoxima & Amanguci, vn Bonze duquel il auoit grande opinion, luy assëura que la cause de sa ruine, procedoit de ce qu'il auoit permis que les Prestres venus d'Europe demeuraissent en ses terres, & que ses sujets se fissent Chrestiens. Il coucha bien plus gros, adjoustant que s'il ne chassoit tout ces estrangers de ses Roiaumes, & ne reduisoit tous ses sujets au culte des Camis & Fotoques, il estoit en danger de perdre le reste.

IL ne fut pas besoin de plus puissantes raisons pour vn homme tres-supersticieux, comme estoit Morindono. Le seul culte des Fotoques fut suffisant pour lui tirer des mains vne ordonnance, par laquelle dés Meaco, où il estoit pour lors, il commanda que nos Peres sortissent d'Amanguci, & que tous les Chrestiens quittassent leur foy. Mais Dieu voulut que le Commissaire qui eut charge d'excuter ce mandement, fut bon amy de nos Peres, & homme fort discret & prudent. Il commença donc par ses domestiques Chrestiens, à sonder comme tout pourroit reüssir, vsant premierement de promesses, puis de menaces, & les trouua si roides & fermes en leur croiance, qu'il n'eut pas le courage de passer outre, tenant pour chose tres-assëurée que les Chrestiens perdroient plustost la vie que la Foy. Il donna donc auis à Morindono des diligences qu'il auoit faites, le suppliant se vouloir deporter de cete entreprise, dautant que ce n'estoit pas le bien de son seruice, de faire mourir, ou chasser de ses terres, tant de nobles Caudaliers, gens prudens, & fideles seruiteurs de leurs Sei-

31

Morindono porté  
 contre les  
 Chrestiens.

32

Discretion  
 loüable.

gneurs naturels. Moins reüssiroit à son honneur, s'il entre-  
prenoit sur ses sujets, chose de laquelle il ne peut venir à  
bout. Ces considerations arresterent tout court le dessein  
de Morindono.

PEV de temps apres vn autre Bonze accusa nos Peres  
deuant Dayfusama, de ce qu'ils n'obeissoient à ses volon-  
tez & ordonnances; residioient en plusieurs lieux sans sa  
permission, & faisoient grand nombre de Chrestiens. Day-  
fusama luy donna commission pour s'en informer plus am-  
plement, puis luy faire le raport du tout. Ce malicieux  
Bonze fut vers Morindono, luy persuada de chasser nos  
Peres de ses terres, & reduire ses sujets au culte des Camis  
& Fotoques, auant que Dayfusama fût à plein informé de  
ce qui se passoit. Tellement que Morindono expedia prom-  
ptement vn de ses officiers vers Amanguci, pour en chasser  
nos Peres, & faire que les Chrestiens renonçassent à leur  
foy. Nos Peres obïrent sans attendre la force, à laquelle ils  
n'eussent peu resister. Les Chrestiens respondirēt hardimēt,  
qu'on les depossederait plustost de leurs biens, & priueroit  
de la vie, que les escarter de la religion Chrestienne.

33  
Nos Peres  
hors d'A-  
manguci.

CEL VY qui se fit le plus signaler en cete resolution, fut  
le Capitaine Bugendono, l'vn des plus braues qu'eust Mo-  
rindono. Ce Capitaine inuita vn iour à dîner chez luy bon  
nombre de Caualliers, entre lesquels se trouua le susdit  
Commissaire, que i'ay nômé discret, quoy qu'il ne le fut pas  
assez en ce rencontre. En banquetant, comme vn propos tire  
l'autre, quelques-vns commencerent à mesdire de nos Pe-  
res; & Bugendono se prit à les deffendre viuement, & ré-  
pondre pertinemment à tout ce qu'on leur obieçtoit, souste-  
nāt qu'il n'y auoit vassal ni seruiteur fidele à son Seigneur &  
maistre, s'il n'estoit Chrestien. Dequoy le Commissaire se  
trouua si fort piqué, qu'il se leua de table, prit son espée, &  
sortoit de la salle, sans quelques-vns des inuitez qui l'ap-  
païserent, & le firent rasseoir. Sur quoy vn Gentil-homme  
Chrestien, mais des des moins seruens, dit à Bugédono, qu'il  
deuoit obeir à son chef, qui estoit Morindono, & luy auança  
quelques raisons de peu d'importāce. Bugédono luy répōdit  
tout haut: Camarade, souuenez-vous que nous receumes le

34  
Bugendo  
deffend la  
Compā-  
gnie.



LES V-  
CHRIST  
1602.

baptême ensemble. Si vous avez manqué à la fidelité promise à Dieu, ie n'ay garde de vous suiure. Ie suis resolu de viure tellement en la Foy Chrestienne, que tout le monde entende que ie suis prest à mourir pour icelle.

35  
Courage  
de Bugen-  
dono.

LE Commissaire qui n'estoit pas encore du tout appaisé, lui dit, Si faudra-il renōcer à cete nouuelle foi, parce que Morindono le commande. C'est vostre maistre & seigneur, vous lui deuez obeir. Obeir, dit Bugendono, se leuant promptement de table ; Mais sans offencer Dieu, qui est le souuerain maistre & seigneur de tous. Puis se tournant vers le Commissaire, & tendant le col, adjousta : Si vous ne trouuez pas bon que ie sois Chrestien, voila quatre espées qui sont à moy. Choisissez la mieux trenchante pour me couper la teste. Ainsi vous me rendrez martyr, & ie m'enuoleray droit au ciel. Le Commissaire voyant vn acte si heroïque, fut soudain changé, & luy dit. Qui entreprendra de vous trencher la teste, aura pouuoir d'abatre la mienne. Et l'embrassa en signe de reconciliation, à la mode du Iapon.

36  
Troisieme  
Commis-  
saire en  
vain.

LE mesme Bugendono, aiant receu auis de la cour, que Morindono enuoioit de Meaco vn troisieme Commissaire, pour reduire les Chrestiens à l'idolatrie, avec exprés commandement de proceder à l'execution de sa charge, sans en communiquer à personne ; mit la main à la plume, & fit entendre à Morindono, qu'il trauailloit en vain, dautant que luy & ses sujets estoient resolus de souffrir le bannissement, voire la mort, plutost que manquer à la Foy qu'ils auoient promis à Dieu. Qui fut cause que ce Commissaire n'auança pas plus que les autres, quoy qu'il fût allé exprés en Aman-guci, pour persecuter, bannir ou faire massacrer tous les Chrestiens.

37  
Place de lo-  
gis à Fu-  
ximi.

LE Pere Organtin estant allé à Meaco pour visiter Day-fusama, & attendant dans vne salle la commodité de luy parler, discourut de la verité de nostre sainte Foy, en presence de plusieurs grands Seigneurs, en conuertit & tira d'eux promesse de le fauoriser, & prendre le loisir d'oüir le Catechisme. Depuis il demanda vne place dans Fuximi, pour y bâtir vn logis pour receuoir nos Peres allás & venás. Le cōseil de Dayfusama luy en accorda vne : & Fondasato vn

des mignons de Dayfufama, qui obtenoit de lui tout ce qu'il <sup>IESVS-</sup>  
voulait, dit en sa presence, On m'a escrit, je ne sçay à quel <sup>CHRIST</sup>  
propos; que ceux qui prechoient & prouuoient par tant de <sup>1602</sup>  
belles & pertinentes raisons, qu'il y a vne autre vie, apres la  
presente, meritoient d'estre appuiés & fauorisés en leurs  
desseins; particulièrement les Chrestiens qui tenoient vne  
loy du tout conforme à la droite raison. Le fils de ce Fonda-  
sato affectionnoit semblablement nostre Compagnie, & la  
portoit en tout ce qu'il pouuoit. De là courut vn nouveau  
bruit que Dayfufama l'auoit en bonne opinion, veu que ses  
domestiques & plus familiers s'emploioient pour elle plus  
que iamais. Mais c'estoient bruits & faueurs de cour, qui  
changeoient comme les vents.

Vn bon Chrestien aiant suffisamment instruit sa femme  
és mysteres de nostre foy, la vouloit faire baptizer. Mais ses  
pere & mere qui estoient Payens, s'y opposoient. Tellement  
qu'il ne la pouuoit conduire à l'Eglise. Sur ces entrefaites  
la voila malade à la mort. Ses pere & mere ne la perdoient  
pas de veuë, de peur qu'elle ne receût le baptesme. En fin son  
marila baptiza lui mesme de nuit; non si secretement toutes-  
fois que les Payés ne le sçeussent. Ne pouuans defaire ce qui  
estoit passé, ils lui conseillerent d'employer les Bonzes pour  
l'assister à la mort, afin qu'ils l'enterassent apres à leur mode.  
Les Bōzes furent à la porte du logis, & le beau-pere se mit en  
devoir de les faire entrer chez son gendre, lequel avec l'ai-  
de de quelques Chrestiens les renuoia. Cete noise en eût  
attiré vne plus grande, si le Lieutenāt du gouuerneur n'eût  
interposé son autorité, donnant le tort aux Gentils. De-  
quoi la malade fut si consolée, qu'elle cōmença dés lors à se  
mieux porter, & fut bien-tost hors du danger de mort pour  
ce coup.

38

Mari ba-  
ptize sa  
femme.



*Dayfusama change de nom, visite le jeune Prince  
fils du feu Tayco. Ruine du grand  
Daybut.*

CHAPITRE IV.



39

Dayfusa-  
ma loüé.

LE plus valeureux Capitaine, le plus doux & courtois Seigneur, le plus riche Monarque duquel l'histoire Iaponoise aie fait mention, fut Dayfusama. Dès l'an mil six cens trois, il ne se trouuoit au Iapon personne qui refusât de se sousmettre à son obeïssance : il entretenoit toutes les Prouinces en bonne paix, & ammonceloit tant d'or & d'argent, qu'en la cité de Fuximi, où il faisoit sa plus ordinaire demeure, les grosses poutres d'une haute salle où il metoit son thresor, rompirent cete année dessus le faix. Il les tiroit des mines d'or & d'argent, qui estoient lors au Iapon, tant anciennes que depuis peu decouuertes au Roiaume de Sando, qui est vers le Nort, toutes lesquelles il tenoit ; & des riches presens qu'on lui apportoit de tous costés, particulièrement lors que les Roitelets ou Iacatas, & autres Seigneurs, l'alloient recognoistre pour le nouuel an, & à la solemnité de sa naissance.

40

Change de  
nom.

SE voulant cete année trouuer à Meaco pour là celebrer, il partit de Quanto au plus fort de l'hyuer, qui le traita si mal qu'il en cuida mourir. Ce fut le soixantième de son âge, auquel il s'auisa de changer de nom, & prendre celui de Cubo, ou Cubosama, c'est à dire general de la gendarmerie Iaponoise. Titre beaucoup plus ancien & honorable que celui de Cambacu, ou Tayco, ses predecesseurs. Il le receut du Dayri, avec les ceremonies requises, selon l'ancienne coutume du Iapon, que nous auons décrit ailleurs. Tellement que celui qui du viuant de Tayco s'appelloit Giejaso, & depuis prit le nom de Dayfusama, sera desormais

Liv. 1.  
nomb 117.  
& suivant.

nômé Cubo, souuerain Seigneur & maistre absolu du Iapō. IESVS-

CE nouveau titre d'honneur, ny le grand pouuoir qu'il CHRISt  
traineoit apres soi, ne l'empechoit pas, que cōme Prince tres- 1602.

courtois & benin il ne traitât fort honorablement Fideyori  
fils du feu Tayco, qui le lui auoit tant recommandé auant sa  
mort. Il le fut visiter cete année en personne à Ozaca, où il le  
tenoit comme en cage, dans vn somptueux & magnifique  
bastiment de tout le Iapon, procurant qu'il fût serui avec  
toute fidelité. C'estoit le douziesme de son âge; & le pre-  
mier de son mariage. Car il espousa la petite fille du nou-  
veau Cubo, que son feu pere lui auoit fait fiancer auant sa  
mort. Les nopces furent celebrées au mois de Septembre;  
avec des magnificences inestimables.

41

Visite Fi-  
deyori.

MANDOCOROSAMA vefue du feu Tayco, faisoit aussi d'ex-  
cessiues depenses, tant à reparer & embellir les vieux tem-  
ples des idoles, comme à bastir des nouveaux és enuiron  
de Meaco: elle entreprit aussi de reparer l'idole de Iaca ou  
Xaca, qu'on appelloit le Daybut, c'est à dire, grand Foto-  
que, à le rendre incorruptible. Mais Dieu renuersa ses des-  
seins en vn moment, & destruisit pour vn bon coup cete  
enorme machine. Le cas fut tel.

Liu. 22.  
nomb. 35.

IL y auoit au milieu d'une grande place de la ville  
de Meaco vn temple, qui en grandeur & solidité sur-  
montoit tous les temples du Iapon. Le feu Tayco l'auoit  
fait eriger, plus pour exercer son orgueil, faisant mon-  
tre de sa magnificence, & donner cete parade & orne-  
ment à la Metropolitaine du Iapon, que pour affection  
qu'il portât aux idoles. Il estoit dédié à Xaca Maistre de  
l'idolatrie Iaponoise. On y voioit sa statuë d'une si enor-  
me grandeur, qu'elle faisoit horreur aux regardans. Ce  
vaste geant estoit posé au milieu du temple sur vne rose ou  
plate-forme, qui auoit cent soixante pieds en circonferen-  
ce. Il tenoit les jambes croisées & retirées à la façon que les  
Iaponois s'asseyent. La distâce d'un genouil à l'autre estoit de  
cinquante pieds ou plus; & tout le reste de ce colosse immëse à  
proportiō. Le tēple tres-haut & tres-capable, les poutres tres  
grosses, & les colōnes qui le soustenoient de bois exquis, que  
le feu Tayco auoit fait cōduire de diuers quartiers du Iapō,

42

Daybut &  
sa descri-  
ption.Liu. 9.  
nomb. 193.



**I E S V S -** avec vne peine & depense incroyable. Les membres del'i-  
**C H R I S T** dole estoient estofés d'estuc vernicé, que les Iaponois ap-  
 1602. pellent *Yoxi*, œuure qui estoit sujete à s'alterer & corrom-  
 pre avec le temps. De fait durant les tremble-terres que  
 nous auons ci-dessus couchés, le susdit temple fut si horri-  
 blement secoué, que le vendre del'idole creua. Il estoit sur-  
 doré, & le Tayco fit employer plus de quatre vingts & dix  
 liures d'or pour l'accommoder.

Lia. 2.  
 nomb. 114.

**M A N D O C O R O S A M A** pour temoigner l'affection  
 qu'elle portoit à cete idole, resolut de la rendre incorrupti-  
 ble. A ces fins on lui conseilla de la faire remplir de bronze.  
 Les plus experts maistres du Japon, furent conuoqués, ac-  
 commodèrent fort artistement, & à grandissimes frais les  
 fours, canaux & autres engins, pour faire couler le bronze  
 fondu. La fonte sembla succeder fort heureusement, rien  
 n'y fut esparné, & n'y manquoit autre chose que de remplir  
 ou souder certaines fentes ou creuasses qui paroissoient au  
 chef de l'idole. Là le Fondeur glorieux du bon succès de  
 son ouurage, commença à faire prodigalement couler son  
 bronze fondu, lequel au lieu de combler les fentes filoit du  
 long, & rencontrant l'estuc creuassé par l'ardeur & vehe-  
 mence des precedentes fontes, penetroit iusques au plus  
 creux & profond de la statuë, sans que les Fondeurs prissent  
 garde où se pouuoit loger tant de matiere. Comme ils  
 poursuiuoient tousiours à fournir au bronze fondu, le feu  
 se prit aux soliveaux & autres pieces de bois, & embrasa  
 tout au dedās, sans que par dehors on apperceût aucun signe  
 iusques à tant que la flamme aiant consommé le dedans, &  
 ne pouuant plus demeurer enclose, ruina tout à coup cete  
 lourde machine avec tant de bruit & tintamarre espouuen-  
 table: & s'attachant à tout ce qu'elle rencontra, consumma  
 en moins d'un quart-d'heure tout ce superbe & prodigieux  
 edifice. Parmi l'esclat des flammes ce grand geant parut  
 sans teste, montrant sa vaste poitrine toute creuassée.  
 Mais la forme ne dura pas long-temps. Car le feu deuora  
 tout. Iamais fondeurs de cloches ne furent si estonnés, com-  
 me ces faiseurs de colosses sans moule: Mais fort mauuais  
 maistres de joindre le bronze fondu avec du bois.

43  
 Sa ruine

LEVR imprudence fut bien le principal instrument de ce-  
 teruine. Mais la diuine iustice ne māqua pas à y contribuer. IESVS.  
 Car vn vent impetueux soufflant de l'occident, non seule- CHRIST  
 ment reduisit le temple & l'idole en cendres, ains poussa le 1603.  
 feu vers l'Orient, iusques à vn riche & somptueux Cloistre,  
 qui entouroit la place du temple, & de là au logis d'un Bon-  
 ze chef & Superieur d'une secte nommée des Iamabuxis, &  
 passant plus auant brula encore bon nombre d'autres logis  
 des particuliers. Plusieurs prindrent ce miserable accident  
 pour vn presage qu'on verroit bien-tost l'idolatrie extermi-  
 née du Iapon. Ce sera quand il plaira à Dieu. Car la mesure  
 de leurs iniquités n'est pas encore comblée.

*Deux furieux assauts liurés à la Chrestienté du Iapon  
 & à nos Peres, l'an mil six cens trois.*

CHAPITRE V.

**L**E Cubo estant allé à Ozaca pour visiter le  
 Prince Fideyori, ainsi que nous venons de di- Nomb. 41.  
 re, & desirant se monstrier zélé à la conserva-  
 tion de sa personne, dit entre autres choses à  
 deux grands Seigneurs qui auoient soin de sa  
 santé, & gouuernoient la ville, qu'ils prissent sur tout garde  
 qu'il ne fût empoisonné. A ces fins il trouua bon que tous  
 les Apotiquaires d'Ozaca, jurassent qu'ils ne vendroient au-  
 cune espece de poison. Cete ouuerture faite, quelque malin  
 lui dit, qu'il y auoit plusieurs droguistes en la ville d'Ozaca,  
 qui ne jureroyent pas suiuant la forme du Iapon, parce qu'ils  
 estoient Chrestiens. Sur quoi le Cubo cōmanda qu'on prît gar-  
 de que pas vn de ceux qui estoient au seruice de Fideyori, ne  
 se fit Chrestien. Ce qu'entendant deux de ses gouuernans  
 qui estoient Payens, & haïssoient nostre sainte loy, espris  
 d'un ardent desir ou conuoitise de tirer quelque grosse som-  
 me de deniers de la bourse des Chrestiens, firent crier à  
 son trompe par les quarefours de la ville, que sous peine

44

Premier  
 assaut con-  
 tre les  
 Chrestiens;



IESVS- de la vie, & confiscation des biens, personne ne se fit desor-  
CHRIST mais Chrestien. Les Commissaires deputés par le Cubo, à  
1603. faire garder son ordonnance, commencerent aussi à dresser  
vn rolle des Chrestiens, chose du tout inouïe, sauf qu'au  
bannissement des personnes, & confiscation des biens.

45

Constance  
des Chre-  
tiens.

CETE nouuelle causa vn grand trouble parmi les Chre-  
stiens, parce que leurs parens & amis Chrestiens commen-  
cerent incontinent à leur crier qu'ils ne missent pas leur vie,  
ny leurs biens en danger: & ceux qui leur auoient loué des  
maisons, les sollicitoient d'en sortir, & vuidier au plu-  
tost, de peur qu'elles ne fussent confisquées. Mais Dieu qui  
ne manque iamais de secourir les siens en leurs plus grandes  
necessités, donna tel courage aux Chrestiens, que les mé-  
creans en demeurèrent etonnés, tous les fideles grande-  
ment edifiés, & tous nos Religieux consolés, voians leur  
peine si bien employée.

DE PUIS, comme le cri fait par l'ordonnance des gou-  
uernans n'auoit point de fondement, tout ce bruit s'eua-  
noüit. Car le Cubo n'auoit pas commandé que les Chre-  
stiens tournassent en arriere, ou changeassent de religion;  
ny deffendu que les Payens se fissent Chrestiens, ains seule-  
ment que les seruiteurs & domestiques de Fideyori ne re-  
ceussent le baptême: les gouuernans auoient entrepris par  
dessus leur pouuoir. De fait comme depuis ils demande-  
rent au Cubo, s'ils receuroient le serment des seruiteurs du  
Prince, il leur respondit n'estre pas necessaire.

Av mesme temps le P. Pierre Moregio, Superieur de la  
maison de Meaco, au lieu du P. Organtin, estant allé don-  
ner le bon an au Cubo, fut par lui receu & caressé, avec  
plusieurs signes de grande courtoisie, en presence d'un des  
gouverneurs d'Ozaca, lequel voiant que le Seigneur de la  
Tence traitoit si honorablement nos Religieux & qu'en  
la Cour on n'ordonnoit rien contre les Chrestiens: bref  
sçachant que ses officiers auoient outrepassé les bornes  
de leur pouuoir, il ne trouua rien de meilleur que de dissi-  
muler, & passer le tout sous silence. Voila le premier assaut  
que les Crestiens souffrirent cete année. Voici le second, qui  
fut d'autant plus redoutable, que les affaires touchoient le

46

Faute d'un  
imputée à  
sous.

Cubo de plus pres.

QUELQUES marchands Payens, estans allés à Nangazaqui, trafiquer avec la nauire de la Chine, s'en retournerent mal cōtens, d'autant qu'on ne leur auoit vendu les marchandises bien conditionées, ny de la qualité qu'ils eussent voulu. Ce qui les irrita, cōtre les Portugais, contre nous, contre la ville de Nangazaqui, & contre toute la Chrestienté du Iapon: La coutume des Gentils estât de charger nostre foy, de tout ce que la haine & la passion leur suggere, soudain que quelque Chrestien a cōmis chose qui soit, ou qu'ils estimēt faute.

LE P. Iean Rodriguez estoit en ce temps-là parti de Nangazaqui, pour aller en Cour, avec vn des principaux Chrestiens, nommé Antoine Marayama, homme de grand iugement, & tres-zelé à l'honneur de Dieu, afin de visiter le Cubo de la part des Portugais venus de la Chine, & lui offrir vn present de choses fort curieuses. Ils sçeurent à Ozaca tout ce qui se disoit en Cour, & eurent tēps de penser à ce qu'ils répondroient aux calomnies qu'on leur imposoit. Mais le Cubo, qui pour lors estoit à Fuximi, les receut de tres-bon visage, sans faire mentiō de ce qu'on lui auoit dit contr'eux, deuià long-temps avec le Pere, l'interrogeant de diuerses curiosités del'Europe, en presence de plusieurs grands Seigneurs, & le congediant lui dit, qu'auant son retour à Nangazaqui il desiroit lui parler derechef.

47

Bonzes re-  
burés.

LE mesme iour que le P. Rodriguez & Antoine visiterēt le Cubo, parmi la noblesse qui attendoit dans la grande salle, il y auoit nōbre de Bonzes de diuerses sectes, accourus pour feliciter le Seigneur de la Tençe, avec leurs presens, au commencement del'année, & n'auoient peu obtenir audience. Voians donc que le P. Rodriguez fut aussi-tost introduit qu'arriué à la porte, ils voulurēt entrer avec lui. Mais l'Huissier leur ferma la porte au nés. De quoi ils furent bien honteux. La nouvelle s'en espartit par toute la ville, à la grande consolation de tous les Chrestiens, & creue-cœur des aduersaires de nostre sainte foy.

48

Tarazaba  
hors de  
Nangaza-  
qui.

TANDIS, le Cubo s'éclaircit de tout ce qu'on lui auoit fait entendre contre nous, & aiant recogneu nostre innocence, priua Tarazaba du gouuernement de Nangazaqui, lui don-



IESVS-CHRIST 1603. na au sus-nommé Antoine Marayama, lui assignant quatre des plus feruens Chrestiens pour assesseurs, & recomman-  
 dant le tout au P. Rodriguez, qu'il fit asseoir près de soi de-  
 uant beaucoup de grands Seigneurs, & en fin protestant  
 qu'il lui rendoit cet honneur, parce qu'il le cognoissoit bon  
 Religieux.

CE fut vne tres-signalée grace que Dieu fit à l'Eglise de  
 Nangazaqui, la deliurant de la tyrannie de Tarazaba, le  
 plus furieux ennemi & persecuteur qu'elle eut: Qui ne per-  
 dit iamais occasion, tant petite fût-elle, de nuire aux Chre-  
 stiens, les accusant maintefois au Tayco, brulant & destrui-  
 sant leurs Eglises, & leur procurant tout le mal que lui di-  
 ctoit la haine implacable qu'il portoit à la loy de Dieu. Si  
 est-ce que nos Peres procederent tellement avec lui en ce-  
 te sienne disgrâce, qu'à la fin il reconnut clairement qu'à  
 l'imitation de Dieu tout-puissant nous ne desirions sa mort,  
 ny son mal, ains qu'il vescu en bien faisant. D'où vint qu'il se  
 mit à dire mille biens des Chrestiens, se montrant desireux  
 de correspondre à la singuliere charité avec laquelle ils  
 le traitoient.

49  
 Calomni-  
 ateurs pu-  
 nis.

Nos aduersaires voians la mal-heureuse issuë de tous  
 les artificieux desseins de nos calomniateurs, & comme la  
 verité estant decouuerte, le Cubo auoit temoigné l'affec-  
 tion qu'il nous portoit, & mis le gouvernement de Nanga-  
 zaqui es mains des Chrestiens, furent bien marris d'auoir  
 fait telles entreprises. Plusieurs de ceux qui leur auoient  
 donné conseil de ce faire, furent demander pardon au P.  
 Rodriguez, & au nouueau gouverneur. Des deux princi-  
 paux forgerons de ces calomnies, l'un fut peu de iours ban-  
 ni de Meaco pour certain excès; & l'autre mourut de mort  
 soudaine. Signes euidents de la protection & prouidence  
 diuine sur la Chrestienté du Japon.

*Estat auquel se trouuoit la Chrestienté du Iapon , &  
la Compagnie de IESVS , tant pour le spiri-  
tuel , que pour le temporel l'an mille  
six cens trois.*

## CHAPITRE VI.



Ly auoit six vingts & neuf personnes de nostre Cōpagnie au Iapon, l'an mille six cens trois, sçauoir est cinquante & trois Prestres, & soixante six autres, diuisés en deux Colleges, deux maisons, & dix-neuf residences. De ce nombre il pleut à Dieu appeller à soi Guillaume Periera, natif de Lisbonne, âgé de soixante & six ans; quarante six desquels il auoit passé en nostre Compagnie, en laquelle Saint François Xavier l'auoit receu; & plus de quarante au Iapon. Son occupation ordinaire fut d'enseigner la doctrine Chrestienne aux enfans: Exercice qu'il faisoit avec vne deuotion particuliere, & ne la discontinua iusques à sa derniere maladie.

50

Guillaume  
Periera  
meurt.

LES autres s'occupoient tous au salut des ames des Iaponois, s'accommodans à leurs coutumes & façons de viure, quoi qu'assés differentes de celles des Europeans; sans oublier leurs necessités temporelles. Car il y auoit grand nombre de pauures, comme par tout, & parmi eux plusieurs personnes nobles, qui auoient esté priuées de leurs Estats & rentes pour la confession de la foy Chrestienne, & qui n'auoient autre appui ny refuge qu'à l'Eglise. Durant leur prosperité, ils auoient secouru liberalement les necessiteux. Depuis qu'ils furent chassés de leurs maisons, nos Peres les assistoient & soulageoient de leur pouuoir.

51

Charité  
enuers les  
pauures.

DE peur que le continuel exercice de la charité enuers le prochain n'attiedît la ferueur d'esprit, & le soin particulier, que chacun, & sur tous les Religieux doiuent auoir de

52

Retraites  
spirituelles.



**IESVS-** leur perfection ; les Superieurs de nostre Compagnie or-  
**CHRIST** donnerent cete année, que ceux qui estoient occupés es  
 1603. Missions & residences, se retirassent de deux en deux mois  
 aux colleges, pour rentrer plus particulièrement en eux-  
 mesmes, faire quelques conferences des cas de conscien-  
 ce, & des moiens de salutairement aider & dresser les  
 Chrestiens à la plus grande gloire de Dieu, & perfection de  
 leurs ames.

ON commença aussi cete année à pratiquer au Japon, ce  
 qui depuis s'est estendu par toute nostre Compagnie, de  
 faire les exercices spirituels de nostre saint Patriarche, vne  
 fois l'an. Durant lesquels chacun prit vn nouveau courage  
 de poursuiure avec plus de ferueur, la conqueste des ames.

CE fut aussi cete mesme année qu'on commença à dres-  
 ser diuerses Congregations sous le titre de l'Annonciation  
 de la glorieuse Vierge & Mere de Dieu, suivant l'ordonnan-  
 ce du Reuerend Pere Claude Aquaviva, lors general de no-  
 stre Compagnie. Monseigneur l'Euesque en establit vne à  
 Nangazaqui. Le Pere Visiteur auant que retourner à la  
 Chine, en erigea vne autre au Seminaire d'Arima, leur de-  
 clarant diuers priuileges & indulgences que nostre saint  
 Pere le Pape auoit octroyées à tous ceux qui s'y rengeroyent.  
 Apres son depart le P. Vice-prouincial y receut douze des  
 pensionnaires plus signalez en vertu, & depuis quelques au-  
 tres, qui luy en firent grande instance. Tous apres vne tres-  
 exacte recherche de leurs mœurs. Car on n'y admettoit que  
 ceux qui auoient tousiours donné bonne edification, & pro-  
 mettoient de seruir de bon exemple aux autres. Tous ceux  
 qui deuoient estre receus, faisoient au prealable les exerci-  
 ces spirituels vne sepmaine entiere, puis la Confession gene-  
 rale, & pratiquoient les autres actes de deuotion, portés par  
 les regles de la Congregation nostre Dame.

LE seruice de Dieu croissant de iour en iour par ces sain-  
 tes pratiques, & la Chrestienté du Japon iouissant de la plus  
 grande paix & tranquillité, que Dieu luy eût encore donnée:  
 Nos Pces pretendoient faire quelques nouvelles Missions,  
 & entreprendre quelque nouveau labeur, pour la dilatatión,  
 du culte diuin, n'attendant plus que le nauire de la Chine,

53

Congrega-  
 tions de  
 nostre Da-  
 me.

54

Holandois  
 pirates.

lequel leur apportoit toutes les années quelques prouisiōs, & aumosnes. Mais le trentiesme iour d'Aoust entra au port de Nangazaqui vne fregate, portant nouuelles, que le grād vaisseau du commerce des Portugais, estāt à l'ancre au port de Meaco, prest à partir le lendemain, mais depourueu de gens de guerre, parce que chacun estoit descendu en terre pour se rafraichir, auoit esté pris & emmené par deux nauires & vne patache d'escumeurs de mer Holandois, à la veuë de toute la ville, & au tres-grand regret de tous les gens de bien, qui voioient & deploroient la grande perte que faisoient les Marchans Portugais, & l'Eglise du Iapon, qui n'auoit point de plus grand reuenu que celuy qu'elle receuoit vne fois l'an par le moien de ce nauire, & liberalitez des Potentats del'Europe. Cét accident arriua sur le soir du trentiesme de Iuillet: & le mesme iour sur le midy estoit entré au port de Meaco vn ionc venant de Siam, ville de la Chine, & portant nouuelles, comme au mois de Mars precedent la nauire de la Chine, qui tiroit vers Malaca, la mieux & plus richement chargée qu'eust iamais fait ce voiage, auoit esté prise par les pirates Holandois, près du destroit de Sinquapura. On n'auoit parauēture iamais tant parlé des Holādois à Meaco, qu'on fit ce iour là, & le iour ne passa pas qu'on ne les veid dans le port exercer leur brigandage. La perte de ces deux nauires Portugais pris par les Holandois fut estimée vn million d'or.

SS  
Nauires  
prises sur  
les Portu-  
gais.

LE Pere Alexandre Valignan, qui pour lors estoit de retour à Macao, apprehendant mieux que tout autre les incomparables incommoditez, que toute l'Eglise du Iapon receuroit de cete perte, depecha vne patache prise sur les Holandois au susdit rencontre, pour auertir Monseigneur l'Euesque & le P. Vice-prouincial del'infortune arriuée au nauire du commerce des Portugais; & instruire particulièrement nos Peres de ce qu'ils deuoient faire pour s'entretenir cete année là, veu que l'ordinaire leur manquoit. Ce fut de retrencher quelque chose de leur ordinaire iournalier, quoy que fort iuste, & se contenter des vieux habits. Ce que chacun receut à bras ouuerts, & avec grande allegresse, pour exercer la vertu de pauvreté.

56  
Remedes à  
ce mal.



Si l'incommodité de la disette ne fût tombée que sur les personnes de nostre Compagnie, elle eût semblé plus tolerable: mais ce qui les attrista le plus, fut qu'on trouua necessaire de congédier plusieurs Dogiques, tant du Seminaire, que des autres endroits, parce qu'on n'auoit moien de les nourrir. Le Seminaire mesme, qui estoit la pepiniere du Clergé Iaponois, eût esté dissipé, sans le Sieur Arimandono, qui promit de le secourir, conseillant qu'on renuoïât seulement ceux qui sembloient moins vtiles à la conuersion des infideles. Mais quel creue-cœur de renuoier tant de jeunes gens, nourris & esleués si long-temps au Christianisme avec tant de peine & de depense? quelle difficulté à faire cet triage? Il n'y en auoit pas vn qui ne peût seruir à la conuersion des mécreans, qui plus qui moins, tant ils estoient tous auancés aux bonnes lettres, & en la vertu. Comme ils furent auertis que plusieurs se deuoient retirer chacun chez soi, parce que le Seminaire n'auoit pas de quoi les nourrir, les vns s'offrirent à ieusner toute l'année, les autres à se contenter d'herbes, les autres à prendre la place des valets domestiques. Mais il n'y auoit remede, le fonds manquoit. On ne les pouoit nourrir. La necessité n'auoit point de loy. Il fut force d'en congédier plusieurs. O que de larmes d'une part & d'autre!

57

Incommo-  
dité de la  
disette.

PLVSIEURS gens d'honneur, bannis pour la confession de la foy Catolique, qui s'estoient retirés près de nos maisons, pour pouoir frequenter les Saincts Sacremens, & n'auoient autre pension ny prouision que les aumosnes qu'on leur appliquoit de l'Eglise, sentirent encore les incommodités de nostre perte. L'honnetes diuers paisans Chrestiens, sujets des Seigneurs Gentils, qui se trouuoient par fois tellement tyrannisés, que pour n'auoir de quoi paier comptant vn demi-esclu, on leur emmenoit leurs enfans esclaués, sans le secours qu'ils trouuoient tout prest chez nous, lors que nous auions de quoi.

LES Gentils mesmes se ressentirent de ce mal-heur. Car il y auoit plusieurs quartiers biē disposés à recevoir le saint Euangile, si on leur eût peu fournir d'instructeurs & Catechistes. Ce que la disette de viures ne nous permettoit. La  
populace

populace qui cognoissoit nostre necessité, nous portoit bien compassion : Mais la multitude des tailles & impositions l'accabloit tellement, que la plus part n'auoit pas de quoi sustenter leurs familles. Le Roy d'Arima fit voirement quelque aumosne au Seminaire, & aux maisons d'Arima & Meaco ; mais les gros frais qu'il emploioit à bastir vne forteresse, retreignoient fort les ongles à sa liberalité. Le Roy d'Omura ne manqua pas à secourir ceux qui estoient sur ses terres. Mais tout cela n'empescha pas que chacun ne sentit le pesant fardeau de la necessité. Voila l'estat auquel se trouuoit en gros le corps de nostre Compagnie au Iapon, cete année seize cens trois. Parlons deormais en particulier des Colleges & residences.

*Du College de Nangazaqui & ses dependances,  
maisons d'Arima & Omura, avec  
leurs annexes.*

CHAPITRE VII.



A commodité du commerce, & le debit des marchandises tant Iaponoises qu'estrangeres, qui se faisoit ordinairement à Nangazaqui, estoit cause que la ville croissoit de iour en iour en edifices, & nombre d'habitans, qui s'y rengoient pour iouir des aumosnes des Chrestiens, les experimentans fort misericordieux. Car outre la Confrairie de la Misericorde, qui ne cessoit de bien faire aux necessiteux, il y auoit vn Hospital des incurables, vn autre des pauures abandonnez, & cete année on en erigea vn troisieme pour les malades ordinaires, fort capable & commode. Il se trouua vn riche Chrestien, qui prit la charge de nourrir tous les malades qui se presenteroient vn an durant. Charité qui estonnoit, & edifioit grandement les Payens.

58

Trois  
Hospitaux  
Nangaza-  
qui.



An de 274

LIVRE XIV. DE L'HISTOIRE

IESVS-  
CHRIST  
1603.

Ez terres circonuoisines on bastit cete année douze Eglises. A trois lieuës de la ville y en auoit vne de saint Laurens, sous la charge d'un bon vieillard nommé Antoine, homme simple & vertueux, auquel Dieu auoit communiqué vne particuliere grace de guerir les malades. On accouroit vers luy de toutes parts, & il en guerissoit grand nombre, leur jettant seulement de l'eau benite; apres auoir dit trois fois le *Pater noster*, & trois fois l'*Aue Maria*.

59  
Eau benite  
fait mira-  
cles.

Vn Chrestien ayant quitté sa femme pour ie ne sçay quel depit, se retira à Firando, où il vescu quelques années en si grande nonchalance, qu'il desespéroit quasi de son salut. Arriua que le Seigneur du lieu, ennemi capital de nostre sainte Foy, se prit à tellement persecuter ses vassaux Chrestiens, que les vns se cachotent dans les an-  
• tres & cauernes; les autres quittoient ses terres, & se re-  
tiroient ailleurs avec leurs familles. Ce qui etonna tel-  
lement ce nonchalant, qu'il se repentit de sa vie passée, & se mit à exhorter publiquement les Chrestiens à tenir bon, enseuelir les trepassez à la mode des Catholiques, bref se montra prest à mourir pour la Confession de la Foy. L'exercice de ces bonnes œuures le changea tellement, qu'il reprit sa femme, & pour effacer le scandale qu'il auoit donné, fit vne penitence publique.

Vn autre Chrestien, sollicité par le Seigneur de la terre où il se tenoit, à quitter la Foy Catholique, ou au moins visiter le temple des idoles, cuidant pouuoir obeir à son maistre sans offencer Dieu, s'y en alla, disant son chapellet par le chemin. Arriuant deuant l'idole, il fit le signe de la Sainte Croix, pour monstrier qu'il estoit Chrestien, & s'en retourna. A grande peine fut-il entré dans son logis, qu'un grand remors de conscience l'en tira, pour aller communiquer cét affaire à vn de nos Peres. Le Pere aiant ouï le tout, l'auertit qu'il auoit commis vne lourde faute. Le simple homme en prit vn tel déplaisir, qu'il s'en alla trouuer son Tono, & luy declara qu'il s'estoit accommodé à sa volonté, estimant ne rien faire contre la loy de IESVS-CHRIST. Mais qu'il

60  
Simplici-  
té excusa-  
ble.

reconoissoit sa faute, en estoit tres-marry, & mourroit <sup>LESVS-</sup>plutost que d'y retomber. Ce qu'il dit avec vne telle li- <sup>CHRIST</sup>berté, que le Tono s'en etonna grandement, & luy pro- 1603.  
mit de ne le molester iamais plus en ce qui seroit de sa  
creance.

V N autre se trouuant souuent vexé d'une horrible visio,  
qui l'estonnoit tellement qu'il en demouroit demy-mort  
plusieurs iours apres, communiqua son mal à vn de nos Pe- 61  
res, qui lui donna pour tout remede vne image de nostre <sup>Image de</sup>  
Patriarche saint Ignace. Il la porta quelque temps sur <sup>S. Ignace.</sup>  
soy, sans sentir aucune incommodité. Si bien que s'esti-  
mant du tout affranchi de son mal, il mit honorablement  
l'image en son oratoire domestique. La vision reuint,  
il reprit son image, & en fut derechef deliuré, & loua  
Dieu du benefice qu'il auoit receu par les merites de son  
fidele seruiteur.

V NE Dame Payenne se trouuant proche du terme de ses  
couches, pria quelques Bonzes de se mettre en deuotion, 62  
pour son heureuse deliurance. Ils offrirent de le faire, pour- <sup>Bonzes</sup>  
ueu qu'on leur donnast parole d'estouffer le fruit soudain <sup>cruels &</sup>  
qu'il seroit né. Les parens impies voulans executer le barba- <sup>barbares.</sup>  
re conseil des Bonzes, vn de leurs domestiques qui estoit  
Chrestien, fit tant qu'on luy mit en main la fillette comme  
pour la tuer. Mais il la baptiza secrettement, la nomma Ma-  
rie, la mit à nourrice. Deux mois apres, le Pere demanda for-  
tuitement au seruiteur, où il auoit ietté sa petite. Le simple  
homme ne voulant mentir, luy descouurit la verité du fait,  
se soumettant à toute la peine qu'il luy voudroit imposer  
pour cete faute, s'il y en auoit. De quoy le pere ne s'esment  
aucunement.

LA nouuelle de la persecution d'Ozaca, que nous auons  
descriit cy-dessus, estant arriüée en Arima la sepmaine 63  
Sainte, nos Peres trouuerēt bon de celebrer la feste à petit <sup>Alleluya de</sup>  
bruit. A quoy Dom Iean comme le plus apparent des Chre- <sup>Pasques.</sup>  
stiens du lieu, monstra s'accorder. Mais venu que fut le grād  
Samedy, lors qu'on entonnoit l'Alleluya, se laissant trans-  
porter par ce Saint mot de Iubilacion, il commanda qu'on  
tirast toute l'artillerie, en depit, disoit-il, & maugré les



IESV S<sup>id</sup> idoles. Ne se souciant de ce qu'on en pourroit rapporter au  
CHRIST Cubo.

1603.

64

Confession  
generale.

CERTAINNE femme demeurant en vne des residances  
mouuantes d'Arima, laquelle dès sa ieunesse auoit celé par  
honte quelques pechez, n'osant s'en accuser en confession,  
tomba malade, & souffrit d'horribles visions des esprits  
malins, qui la firent resoudre à se confesser generally  
de toute la vie à vn de nos Peres. La Confession finie, elle  
fut deliurée de toutes les frayeurs qui l'affligeoient, & tost  
apres guerrie du tout. Si bien qu'elle s'en alla droit à nostre  
Eglise, rendre graces à Dieu, & de la santé du corps, & du  
repos de son ame.

65

Remede  
supersti-  
cieux con-  
tre le feu.

PARCE que la plus part des maisons du Iapon sont basties  
de bois, il y arriue souuent des accidens de feu. Pour y reme-  
dier, les Payens font souuent des dons aux idoles, & à ces  
fins se cottizent comme pour paier la taille au souuerain. Les  
Collecteurs d'un bourg appellé Tagito, aians mis sur eux &  
leurs voisins, quelques sommes de deniers à ces fins, s'ad-  
dresserent à vn bon Chrestien, nommé Leon, le pressant de  
contribuer à cete deuotion, ainsi la nommoient-ils. Leon ré-  
pondit qu'en tout ce qui cōcernoit le bien & seruice du pu-  
blic, il n'espargneroit pas ses petits moiens : mais qu'estant  
Chrestien, il ne pouuoit rien contribuer à ce qui regardoit  
les Camis & Foroques. Respōse qui piqua tellement le Gou-  
uerneur, qu'il fit emprisonner Leon, & apres quelque forme  
de procedure, le condamna à estre decapité. Nouvelle qui  
n'estonna point ce champion de Iesus-Christ, parce qu'il  
estimoit que Dieu luy feroit vne singuliere grace, s'il pou-  
uoit mourir pour son honneur & gloire. Il manda donc in-  
continent à la femme, qu'elle lui enuoiaست ses enfans, pour  
leur departir sa benediction. La femme fit responce,  
que la veuë des enfans sur l'heure de la mort, attendris-  
soit le cœur, & par fois troubloit l'esprit des peres & me-  
res. Qu'estant prest à mourir pour vne si sainte cause,  
il ne fit plus d'estat d'enfans ny de femme; & ne se sou-  
uint que de Dieu seul, pour l'amour duquel il donnoit sa  
vie. Le bon Leon la remercia d'un si salutaire conseil, &  
le suivit.

66

Femme  
tres-sage.

LES Ministres de la justice furent vers lui, pour le mener au lieu du supplice: & il s'y disposoit, lors qu'arriuerent deux honorables Chrestiens, enuoiés par vn de nos Peres, qui residient à Facata, & supplierent le Gouverneur de donner la vie à Leon. Ce qu'ils obtindrent aussi promptement qu'ils l'eurent demandé. Neantmoins Leon perdit tous ses biens, fut banni lui & sa famille, & supporta ce deffastre avec la mesme patience & magnanimité, avec laquelle il auoit attendu la mort pour IESVS-CHRIST.

*Maisons de Meaco, Ozaca, Fuximi, &  
leurs circonuoisins.*

## CHAPITRE VIII.

**L**A Chrestienté de Meaco estoit d'autant plus estimée parmi le Iapon, qu'elle estoit ordinairement plus affligée, tant à raison du Cubo Seigneur de la Tençe, lequel comme idolatre, estoit peu affectionné à la foy Chrestienne; & se tenoit ordinairement là: comme parce que cete ville là estoit la retraite & cloaque de toutes les superstitions Iaponoise. Si ne laissoient pas les Chrestiens d'y profiter en vertu & pieté. Il s'y trouua cete année vne Damoiselle que ses parens, qui estoient idolatres, tenoient si estroitement serrée, & si esloignée de la conuersion ordinaire, qu'elle auoit passé vingt ans entiers sans sçauoir qu'il y eût de nos Peres dans Meaco. L'ayant par rencontre appris d'une jeune fille, elle leur enuoia demander quelque liure spirituel pour se consoler, attendant qu'elle eust moien d'oïr les sermons, & frequenter les saints Sacremens: Bien-tost apres elle demanda aussi vn catechisme pour instruire quelques siennes compagnes, & les préparer au saint baptême.

VN jeune homme Chrestien, habitant parmi les Bonzes Iroxus, d'autant plus obstinés & peruers, qu'ils estoient plus voisins du Bonze d'Ozaca, lequel ils tenoient pour leur



LES  
CHRIST  
1603.

68

Mort heu-  
reuse.

sauteur, aiant esté fort trauersé par ses parens, fut visité d'vne maladie mortelle. Pendant laquelle il desira se confesser. Mais ses parens ne le voulurent permettre. Comme il recherchoit le moien de le faire malgré eux, vne vieille femme entra dans le logis où il estoit, pour y faire je ne sçay quel seruice, & en sortant y oublia son chapellet. Le malade aiant par là recogneu qu'elle estoit Chrestienne, attendit son retour, qui fut à quelques iours de là, & la pria de faire sçauoir son desir à vn de nos Peres qui estoit à Ozaca. La vieilla le fut querir, & le malade se confessa avec si grande consolation de son âme, que le Pere en fut fort émerueillé. Il sembla que Dieu lui eût prolongé la vie iusques à ce poinct là, afin qu'il s'acquît du deuoir de bon Chrestien. Car soudain qu'il eut receu l'absolution de ses pechés, il rendit l'ame à son Createur. Les parens s'assemblerent pour l'enterrer à la mode des Payens; mais le Pere qui l'auoit assisté à la mort, soutenant qu'il estoit mort Chrestien, le fit malgré eux, porter en nostre Eglise d'Ozaca, & l'enseuelit le plus honorablement qu'il fut possible. De quoi les parens le remerciaient depuis, & promirent d'oïr les leçons du Catechisme.

69

Secte nou-  
uelle de  
Bonzes.

A Meaco fleurissoit cete année vn Bonze nommé Renij, de la secte des Foquexus, lequel aiant controuué certaines interpretations sur les liures de Xaca, différentes des autres exposeurs tant anciens que modernes, se rendit autheur d'vne nouvelle secte, que la populace nommoit Xiuchaxiu. Parlant vn iour avec le plus huppé de ses disciples, appelé Rimon, qu'il designoit pour son successeur, il lui dit: Je veux proposer à ces Europeens des questions qui les confondront. Il fut donc chez nous en habit desguisé, demanda à voir nostre Eglise, & oïr parler des mysteres de nostre sainte foy. Vn de nos Freres, auquel il s'estoit adressé, demanda de quelle secte il faisoit profession; & sur quoi elle estoit fondée. Je suis ici venu, lui dit-il, pour entendre les poincts de vostre foy & creance, non pour declarer la mienne. Sur quoi nostre Catechiste pour

ne s'engager plus auant en contestation, se mit à faire <sup>LESVS-</sup>  
 vn discours de la doctrine de Xaca, qui estonna tou- <sup>CHRIST</sup>  
 te l'assistance. Pour conclusion il demanda au Bonze 1603.

quelle opinion il auoit de nos ames. Je croi fermement,  
 dit le Bonze, que pour l'homme, toute chose finit avec  
 la vie presente. Le Catechiste repartit, A quel propos  
 donc tant de funerailles pour vos trespasés? Pourquoi  
 vous y employés-vous, & pourquoi vous en faites-vous si  
 bien paier, si tout est fini pour eux avec leur vie? Le Bonze  
 ne lui sceut dire autre chose, sinon, Vous aués raison. Ce  
 point est digne de consideration. Sur quoi les Chre-  
 stiens se mirent à rire; & les Payens à se plaindre de ce  
 que leur Docteur les des-honoroit tant.

70

Ames im-  
mortelles.

Il y en eut qui lui dirent, Vous voila bien équipé pour  
 confondre les Chrestiens, ainsi que vous aués promis,  
 Messer Renij. Quatre mots d'un Catechiste vous ont  
 accablé de honte. Que respondriés-vous aux grands Do-  
 cteurs des Chrestiens? Cete nouuelle courut incontinent  
 par Meaco, & de là par tout le Iapon. Les disciples du  
 Bonze ne manquerent pas à lui demander en particulier  
 son opinion touchant la durée des ames. Mais il demanda  
 terme pour y penser, ne scachant bonnement quel parti  
 tenir. Car disant que l'ame est immortele, il contredisoit à  
 toute l'ârité Iaponoise. Disant qu'elle meurt & finit avec  
 le corps, il craignoit de perdre les emolumens des funerail-  
 les, qui sont tres-grands au Iapon, ainsi que nous auons  
 touché ailleurs: Et ainsi demeura dans son aueuglement de-  
 plorable

71

Ioli dilem-

me:



An de 280  
IESVS-  
CHRIST  
1603.

LIVRE XIII. DE L'HISTOIRE

*Canzagedono Seigneur de Fingo, recommence à per-  
secuter les Chrestiens en la ville de Iateuxiro.*

CHAPITRE IX.



72

Canzuge-  
dono aux  
champs.

73

Ainsi sont  
seruis les  
Rois.

74

Foquexu  
quoi.

V mois d'Octobre de l'an mille six cens trois Canzagedono Seigneur de Fingo, partit de Cumamote. où il tenoit ordinairement sa Cour, pour visiter les autres places de son Estat : & arriuant à Iateuxiro, apres auoir visité les fortifications, & fait paier ses ouuriers, il dit entre autres choses, que l'année precedente il auoit deffendu l'exercice de la foy Chrestienne, & receu les seings manuels des Caualliers du lieu, qui auoient juré de s'en departir. I'entens neantmoins, adjouta-il, que plusieurs ont repris le train de leur loy : I'en veux sçauoir la verité, & punir les coupables. Canzagedono l'un des gouuerneurs de Iateuxiro, craignant que que la peine ne tombât sur lui, pour n'auoir fait garder les ordonnances de Canzagedono, tâcha de couvrir le tout, detournant le propos ailleurs.. Et vn Medecin Payen le secondant, assura que la loy des Chrestiens estoit si rigoureuse, qu'elle ne receuoit pas ceux qui auoient vne fois renoncé. Voulant donner à entendre que les habitans de Iateuxiro ne l'auoiét pas derechef embrassée. Ie le veux croire ainsi, repartit Canzagedono, Mais pour m'esclaircir du tout. j'enuoiray en brefici vn Bonze auquel je me fie, & deuant lequel Cancuraimon fera comparoitre tous les Caualliers qui signerent l'an passé, à ce qu'ils recognoissent leurs seings, & mettent le Foquexu sur leurs testes. Qui refusera d'obeïr seramis à mort, sans autre forme de procez. Le Foquexu est vn liure contenant les Dogmes de la maudite secte des Foquexus, de laquelle Canzagedono faisoit profession. Mettre ce derestable Bouquin sur la teste, est certain signe & protestation de croire le contenu, & professer cete doctrine. Le Gouverneur pour contenter son Prince, promit qu'il feroit

seroit le premier qui mettroit ce liure sur sa teste, & tireroit I E S V S-  
par son exemple les autres à faire le mesme. CHRIST

FOMME OXI Bonze qui seruoit de Rabin à Canzugo-1603.  
dono, arriua le vingt-troisième iour de Nouembre à la-  
teuxiro. Deux iours apres les Gouverneurs intimerent  
sa venue à tous les Cavaliers & gens-d'armes Chrestiens,  
commandant que chacun se rendit le lendemain à son lo-  
gis pour oïr son discours. Quelques-vns estimerent  
qu'ils le pouuoient oïr par maniere d'acquit, & pour  
contenter Canzugo dono : mais quant au liure d'abomina-  
tion, qu'il ne le falloit toucher. Suiuant cét auis & resolu-  
tion, quelques-vns assisterent aux premiers presches du  
Bonze.

LE vingt-septième Nouembre les Gouverneurs firent  
crier à son de trompe, que tous les Gentils-hommes & gens-  
d'armes Chrestiens se rendissent la nuit suiuaute au logis  
du Bonze, pour satisfaire au commandement de Canzugo-  
dono. Ce qui fut cause d'un grand trouble entre leurs inti-  
mes. Car les plus laches se rendirent au premier coup. Les  
autres tindrent bon quelques iours, mais en fin se transpor-  
terent chez le Bonze, comme les autres, obeïssans plustost  
aux hommes qu'à Dieu. Il y en eut quatorze qui s'assemble-  
rent chez Minami Gorosaimon Iean, & se resolurent de ne  
point consentir à cete impieté, deussent-ils perdre leurs  
biens & leurs vies. Partant ne se rendirent pas ce soir là chez  
le Bonze.

75  
Quatorze  
associez.

LES Gouverneurs faisans des bons valets, voulurent in-  
duire tous les Marchans & autres Chrestiens de basse con-  
dition, à se renger chez le Bonze, & faire profession du pa-  
ganisme, quoy que Canzugo dono n'en eût fait aucune men-  
tion en son ordonnance. Mais ils trouuerent si grande  
resistance, qu'ils dissimulerent bien-tost, craignans de n'a-  
uoir bonne issue de leur entreprise, voire d'offencer leur  
propre maistre, si à l'occasion de cete rigueur le peuple se  
mutinoit, ou abandonnoit la ville, comme il estoit arriué  
ailleurs.

CEUX qui se montrerent les plus magnanimes parmy  
tous ces troubles, furent les trois Isiaques, ou Gisiaques,



IESVS-  
CHRIST  
1603.

76

Gislaques  
qui &  
quels.

ainsi nomment les Iaponois certains officiers de la Confratrie de la Misericorde, lesquels en exerçoient les œuvres tant corporelles que spirituelles. C'estoient Varanable, Tirozimon, Ioachin : Futori, Tingoro, Iean : & Miçtuixi, Ficojemon, Michel, lesquels furent de porte en porte chez tous les Chrestiens, pour les inviter à l'oraison des quarante heures, qui se fit chez ledit Ioachim, pour implorer l'aide de Dieu, en cete rigoureuse necessité. Dieu les couronnera vn iour de la gloire du martyre, pour les diligences qu'ils faisoient en ce temps, & continuërôt à faire pour son service. Le fil de l'histoire nous représentera chaque chose en son tēps.

L'entrée & issuë des Chrestiens chez Ioachim pour l'oraison des quarante heures, allarma les Gouverneurs, qui firent soudain appeller le Capitaine du quartier, nommé Minonda Tabioje Fabien, lequel leur declara que les habitants de cete contrée estoient pour la plus part Chrestiens, comme luy, & s'étonnoient grandement pourquoy ce Bonze estoit venu de Cumamote. Vn des Gouverneurs luy dit : C'est le Roi qui l'a enuoié exprés pour cēt effet. Pourquoy ne ferez-vous pas ce que le Roi veut & commande? Or entendoit-il parler de Canzagedono Roi ou Seigneur de Fingo. Fabian repartit. Je n'enquiers pas si c'est l'ordonnance du Roy, ou non. Mais ie sçai bien que les Chrestiens ne lui obeiront iamais en ce point là. Plustost mourir que commettre vn si enorme crime. Ils aiment mieux perdre la vie, que changer leur religion.

77

Fabiandigne  
Capitaine.

LE Gouverneur luy demanda, combien ils estoient. Fabian répondit, huit cens de compte fait, en mon quartier. Quant aux autres deux quartiers de la ville, ie n'en sçay pas le nombre. Dequoy le Gouverneur tout esbahi, dit : Et quel moien d'accoiser tant de peuple? Le plus court, repartit Fabian, c'est de ne leur parler plus de ce Bonze, ny de sa commission. Ils sont tous gens paisibles, & ne remueront rien, si on ne les trouble. Les Gouverneurs ne firent pas grand cas de ce conseil pour l'heure : Si le suivirent-ils en effet, & ne sollicitèrent plus les Chrestiens d'aller chez le Bonze.

RETournant aux quatorze associez, desquels nous IESys-  
auons tantost parlé, ils ne perseuererent pas tous en leur CHRIST  
saincte resolution. Car deux s'en dédirent tout à plat, par 1603.  
l'importunité de leurs desloiaux amis. Et les douze firent  
entendre aux Gouverneurs, par lettres escrites & signées  
de leurs mains, que quant aux fortifications de la ville, & Nomb. 75.  
autres poincts concernans le seruice de leur Prince, ils n'a-  
uoient iamais manqué, & ne manqueroient pas à leur de-  
voir. Mais en ce qui estoit du salut de leurs ames, ils endure-  
roient plustost toute sorte de martyre, que de faire banque-  
route à leur foy.

CACUZAIMON fit tout ce qui luy fut possible, pour les di-  
uertir de cete resolution. L'affection particuliere qu'il por-  
toit à Simon son tres-cher amy, le fit condescendre à se con-  
tenter de la moindre demonstration qu'il feroit de vouloir  
obeir à Canzagedono, iusques à luy faire sçauoir qu'une de  
ces trois choses suffiroient. La premiere, que Simon permît  
au moins qu'un autre mît le liure sur sa teste en son nom.  
La seconde, qu'il trouuast bon que le Bonze allast de nuit  
chez luy, ou chez quelqu'un des Gouverneurs, où la cere-  
monie seroit faite secretement. La troisieme, qu'il al-  
last visiter le Bonze, luy apportant quelques presens, sui-  
uant la coutume du Iapon, sans luy parler du changement  
de religion.

78  
Trois con-  
ditions pro-  
posées à  
Simon.

Quelques-uns mesme des douze trouuerent le dernier  
expedient faisable; mais Simon & Iean persisterent tousiours  
en leur opinion, disans que toute sorte de sousmission ren-  
due au commandement de Canzagedono, estoit illicite, 79  
parce qu'il ne visoit qu'à decrediter la Foy Chrestienne; Simon se  
& mettre en vogue les ceremonies Payennes, que les Bon-  
zes maintenoient. Simon leur dit particulièrement en plei-  
ne assemblée: Si vos Seigneuries trouuent bon d'accep-  
ter vne des trois conditions qui m'ont esté proposées par  
Cacuzaimon, vous le pouuez faire. Pour moy ie n'en rece-  
uray pas vne. Je tiens qu'on ne le peut faire sans offencer  
Dieu. Aussi n'en fut-il du tout rien; quoy que le lendemain  
de bon matin, Cacuzaimon luy fit vne nouuelle recharge  
par messager exprés.

79  
Simon se  
resout.



IESVS- VOIANT donc que tous ses efforts estoient vains,  
CHRIST & recherchant la cause pour laquelle ces douze estoient si  
1603. fermes en leur resolution, il creut que c'estoit dautant  
qu'ils demeuroient quasi tousiours ensemble; consultoient  
entr'eux de ce qui suruenoit en cét affaire, & s'encoura-  
geoient l'un l'autre à tenir bon en la Foi Chrestienne. Il  
leur deffendit donc de sortir plus de leurs maisons, & fit  
81 mettre des gardes aux enuirs. Puis en fit passer quel-  
ques-vns comme en Sequestre, chez leurs parens & amis  
Ruse Sata- Payens, qui leur liurerent de si furieux assauts, qu'en fin  
nique. ces bonnes gens perdirent courage, & se renegerent à la  
volonté des Gouverneurs, hors mis Iean & Simon, qui  
persisterent tousiours en la confession de la Foi Catholi-  
que, iusques à espandre leur sang pour la querele de IES-  
VS-CHRIST. Leur constance merite d'estre particu-  
lierement representée. Je commenceray par Iean. Aus-  
si fut-ce le premier qui souffrit la mort en cete persecu-  
tion.

*Glorieux martyr de Minamy Gorasäimon Iean,  
Gentil-homme Iaponois.*

## CHAPITRE X.



82

Iean mar-  
tyr, & sa  
constance.

CE valeureux soldat de Iesus-Christ fut tou-  
siours si ferme & constant en la Foy, que du-  
rant son combat, scachant que quelques siens  
amis venoient à luy de la part des Gouver-  
neurs, pour luy persuader de renoncer à la  
Foy Chrestienne, auant qu'ils ouurissent la bouche pour luy  
parler, il les preuint, disant: Messieurs, ie scay bien pour-  
quoy vous estes icy. Mais croiez que quand bien vous me  
deuriez arracher vn à vn les ongles que ie porte aux  
mains & aux pieds, en autant de iours, puis hacher tout

mon corps en petites pieces , je ne quitteray pourtant IESVS-  
iamais la foy Chrestienne. CHRIST

DEPVIS lui semblant fort probable que la nuit apres qu'il 1603.  
eut dit ce que dessus , les officiers le prendroient pour le  
faire mourir ; il enuoia prier vn des trois Gisiaques , de lui  
porter quelque traité de la passion de nostre Sauueur , où  
fût parlé de son emprisonnement. Ils y furent tous trois , &  
leurent dans vn traité de la Passion , autant que Iean voulut.  
Puis prindrent congé de lui , qui leur dit l'adieu final , com-  
me se trouuant , disoit-il , à la veille de son dernier iour. Ce fut  
avec des paroles si ardentes , qu'elles tirerent vn torrent de  
larmes des yeux de quelques honorables personnes , qui  
l'estoient allé visiter.

CANCYZAIMON voiant qu'il n'auançoit rien enuers ce  
champion de IESVS-CHRIST , s'en alla vers Cumamote , qui  
est à vne petite iournée de Iateuxiro , pour donner auis à son  
Prince , de tout ce qui se passoit. En son absence , les officiers  
de cete inique justice vserent d'une extreme violence con-  
tre le prisonnier. Car vne troupe de gens , apostés , comme  
on creut , par quelqu'un des Gouverneurs , fut en sa maison ,  
& le porta comme vn corps mort chez le Bonze , pour lui  
faire mettre ce derestable liure sur la teste. Magdeleine sa  
femme le suiuit , disant tout haut : Auisés bien ce que vous  
ferés. Si vous manqués tant soit peu à vostre deuoir , ie  
m'embarqueray pour iamais ne vous voir , ny recognoitre  
pour mon mari. Trainé qu'il fut chez le Bonze , ce Docteur  
se leua de son thrône , tenant le liure superstitieux en main ,  
pour le mettre sur la teste de Iean , qui cracha deux fois con-  
tre. Puis se mit en deuoir de parler pour se plaindre de la  
force qu'on lui faisoit , & professer publiquement qu'il en-  
duroit tous ces affrons pour la foy Chrestienne , pour laquel-  
le il estoit prest de mourir. Mais ceux qui le portoient , lui  
fermerent la bouche. Tellement que l'assistance ne pouuoit  
bien entendre ce qu'il disoit. La force que les officiers  
Payens lui faisoient , montroit assés qu'il ne disoit rien qui  
leur agreât. En fin ils le tirerent de la maison du Bonze , &  
raporterent chez lui.

Or quoi que Iean eût donné de tres-euidens signes , qu'il



**I E S V S -** ne consentoit aucunement aux ceremonies Payennes, crié  
**CHRIST** à la force, & craché deux fois par mepris contre le liure que  
 1603. le Bonze tenoit en main; si lui fut-il auis que quelques-vns  
 croiroient qu'il eust bronché, comme ses dix compagnons. Pensant au moien de remedier à ce mal, il apperceut vn des domestiques de Cacuzaimon, qui asseuroit auoir oüi dire qu'il auoit reueremment receu le liure sur sa teste; & s'accostant de Iean, demanda s'il l'auoit fait de bon cœur, pour en donner plus certain auis à son maistre, suiuant l'expresse charge qu'il en auoit. A la bonne heure, lui dit Iean, à la bonne heure. Ie m'en voulois aller rendre compte de tout mon fait au Roi. Vous me releuerés de cete peine, s'il vous plaist.

84

Declara-  
 tion du  
 martyr.

I E vous declare donc, que ie n'ay aucunement mis ny receu le liure dont est question sur ma teste. On m'a trainé par force deuant le Bonze. Ie ne lui ay rendu honneur quelconque, & moins encore à son liure. En vn mot je suis Chrestien, je veux viure & mourir en la foy Chrestienne & Catholique, moienant l'aide de mon Createur. Nouvelle que le susdit domestique de Cacuzaimon escriuit par Messager expres à son maistre. Mais Iean craignant qu'il ne dissimulât la verité, l'escriuit encore lui mesme au Gouverneur, puis à diuers de nos Peres, les asseurant que Dieu lui fournissoit assés de courage, pour espandre son sang iusques à la derniere goutte, pour la confession de sa sainte foy. En ce mesme temps vn des Gisiaques lui porta vne letre de la part del'Euesque. Ieã la mit sur sa teste, en signe de reuerence. Puis l'ayant leuë, temoigna qu'il estoit plus affermi en son bon propos.

85

Sentence  
 de mort  
 contre  
 deux.

CACUZAIMON aiant appris par les lettres des autres Gouverneurs ses Collegues, & de ses officiers, que Iean ne seroit iamais autre que Chrestien, en auertit Canzagedono, lequel commanda qu'on lui trenchât la teste, & à Simon aussi; bref que leurs familles fussent crucifiées. Voici les mots de l'arrest qu'il en prononça.

*Minamy Gorozaimon, & Taquenda Gofioje, aiant signé le serment, par lequel ils promettoient renoncer au Christianisme, n'ont tenu promesse; & sont autant Chrestiens que deuant. Pour seruir de terreur aux autres, ils sont iusticiers par commandement du Roi. Donné à Cumamote le dix-septiesme de la Lune onzième.*

**C**ETTE sentence fut depuis affichée à Cumamote vis à vis des testes des deux decapités; & à Iateuxiro près des croix de leurs familles. Sur quoi il faut sçauoir que iamais Taquenda Simon ne signa cete promesse. Bien est vrai qu'en la premiere persecution, meüe par Canzugedono, le Gouverneur voulant sauuer la vie à Simon son grand ami, fit contrefaire son seing au pied de la liste des Renegats. Mais Simon aiant decouuert la fourbe, fut chez le Gouverneur, & protesta qu'il n'auoit rien signé au prejudice de la foy, pour laquelle il estoit prest à donner sa vie. Quant à Iean, il s'oublia avec plusieurs autres en la premiere persecution: mais il se recogneut le premier, fit penitence, & depuis persista tousiours en la foy.

CANZUGEDONO aiant donc commandé, que Iean & Simõ fussent promptemēt conduits à Cumamote, pour les y faire mourir, Cacuzaimon lui dit qu'il enuiroit bien querir Iean: mais quant à Simon, qu'il vendroit bien cher sa peau, & en tueroit plusieurs auant que de se laisser prendre. Partāt qu'il sembloit plus à propos de se saisir delui par surprise, & le faire mourir à Iateuxiro. C'estoit encores vn trait d'amitié que Cacuzaimon prestoit à Simon son grand ami, pour lui prolonger d'autant la vie, & le deliurer au moins de l'affront qu'il eust receu, estant mené prisonnier à Cumamote. Car il estoit bien informé, & sçauoit certainement, que Simon desiroit tellement souffrir la mort pour IESVS-CHRIST, qu'il n'auoit garde de se mettre en deffence, contre ceux qui la lui eussent donnée; neantmoins Canzugedono fut de mesme auis, & partant le Gouverneur escriuit seu-



IESVS-  
CHRIST  
1603.

lement pour Iean, lequel semit si promptement en chemin, qu'il n'eut moien de dire adieu aux Gînaques: Il donna neantmoins commission à vn de ses amis, de les saluer de sa part; & arriué qu'il fut à Cumamote, il s'en alla droit au logis de Cacuzaimon, qui lui dit de premier abord: le vous ay enuoïé querir, pour vous dire que le Roi trouue fort mauuais que vous n'aiés pas suiui mon conseil, changeant de loy, selon ses commandemens. Sur ce sujet il lui apporta plusieurs apparentes raisons, & concluant dit, que ce seroit la derniere fois qu'il lui en parleroit. Iean lui respondit: Monsieur, si j'eusse peu suiure vostre conseil, je l'eusse volontiers fait dès lateuxirò, sans vous donner la peine de m'appeller ici. Mais parce qu'il s'agit du salut de mon ame, il ne se fera aucun changement en moi. Cete response n'agrea pas à Cancuzaimon, qui ne laissa pourtant de l'imiter à prendre son disner avec lui.

87

Mort signi-  
fiée à Iean.

Le repas fini, & voulant sortir de sa maison, il dit à Iean: Je ne vous ay pas encore signifié clairement, ce qui a esté déterminé pour vostre affaire. C'est que persistant en vostre opinion, vous, vostre femme & vos enfans perdrez la vie. Voila de quoi vous étonner. C'est ce que je desire le plus en ce monde, repartit Iean. Dieu soit loué du tout. Ils sortirent donc tous deux, & furent au logis du premier Gouverneur du Roiaume, auquel Cacuzaimon s'auançant iusques au cabinet, raconta tout le succès de cet affaire.

88

Il est deca-  
pité.

Le Gouverneur fit venir à soi Iean; lui rementeur les biens qu'il auoit receus de son Prince: Quelques autres siens amis lui liurerent encores vne furieuse attaque. Iean respondit, qu'il se souuenoit fort bien des obligations qu'il auoit au Roi, qu'il estoit prest d'éploier pour son seruice, ses biens, & sa vie; mais sans manquer à la foy Chrestienne. Le Gouverneur aiant ouï cete tât resoluë response, la fit promptemēt & secretement scauoir au Roi, qui manda que sans delay on le fist mourir.

On le mena donc vers vne grande salle, lui commandant de quitter à l'entrée son espée, qu'il mit es mains d'un de ses pages: Entrant plus auant il rencontra trois soldats, qu'il recogneust bien n'estres là, que pour lui oster la vie. Soudain deux

deux autres sortirent de derriere la tapisserie, les contelas IESVS-  
nuds en main, & crians *Tai*, qui signifie, c'est le comman- CHRIST  
dement du Roy, commencerent à le charger; & luy à ten- 1603.  
dre le col, repetant plusieurs fois à haute voix, IESVS  
MARIA, & continua iusques au dernier soupir. Il receut  
quatre coups qui luy abatirent la teste le huietième iour  
de Decembre seize cens trois; le mesme iour qu'il fut ar-  
riué à Cumamote. Deux de ses Pages, l'un Chrestien,  
l'autre Payen, enleuerent son corps pour l'enterrer. De-  
puis il fut porté en nostre Eglise d'Arima, où il repose.  
Il portoit au dedans de sa camisole trois croix peintes,  
deux sur la poitrine, & vne sur les espauls, vrais signes de  
sa foy & deuotion. Il estoit natif du Royaume de Xamamo-  
te; il mourut le trente-cinquième de son âge.

*Martyre du Bien-heureux Gisoje Simon,  
vaillant Capitaine  
Iaponois.*

## CHAPITRE XI.

**L**E mesme iour que Iean receut la mort à Cu-  
mamote, Cacuzaimon en partit sur le tard,  
pour se rendre à lateuxiro, & faire executer  
la sentence contre Simon. C'estoit à son  
grand regret. Car il l'aimoit vniquement.  
Et auant que s'acheminer vers la cour qui  
estoit à Cumamote, il auoit employé tous les moiens des-  
quels il s'estoit peu aduiser, pour le detourner de son  
sainct propos, iusques à l'entremise de sa mere. Car  
estant prest à partir pour aller en cour, il leur enuoia si-  
gnifier, qu'il desiroit les voir tous en leur maison. Il n'y  
fut pas arriué, qu'il se mit à pleurer chaudement, sans pou-  
voir dire vn mot. Simon attendri des larmes de son cher  
amy, ne peut tenir les siennes. Ainsi demurerent-ils quel-

89

Bon amy  
pour le  
monde.



IESVS-CHRIST 1603. que temps muets, & sanglottans, l'un près de l'autre. En fin Cacuzaimon commença à parler, & dire à la mere: Je m'en vay à la Cour de Cumamote, pour informer le

Roy de ce qui se passe en cete ville, suiuant le deu de ma charge. Mon deuoir m'y oblige. Puis que Simon ne veut suiure mon conseil, ny auoir esgard à son bien, vous qui estes sa mere, comme sage & prudente Dame, donnez-luy quelque aduis salutaire. Commandez-luy de faire quelque humble réponse au Roy. Il ne luy reste autre moyen de conseruer sa vie, ses biens, & les vostres. S'il ne contente le Roy, on luy trenchera la teste deuant vos yeux. Monsieur, dit la mere de Simon, qui n'auroit esgard qu'aux affaires de ce monde, ne scauroit suiure meilleur conseil que le vostre. Mais veu qu'il est question du salut Eternel de nos ames, ie ne me donne pas de peine qu'on face mourir mon fils. Il ne scauroit acheter trop cher vne vie si heureuse & perdurable. S'il vous plaist faire que ie meure avec luy, ie me tiendray infiniment vostre obligée. Cacuzaimon s'indigna tant de cete reponse, qu'il l'appella vieille edentée, & forcierre.

91

Femme  
prudente &  
hardie.

IL vfa neantmoins d'une autre artifice pour sauuer la vie à Simon, le tirant de sa propre maison, & le logeant chez vn Payen, pour faire ses derniers efforts à le peruer-tir. Mais Simon sortant de son logis, dit à sa mere & à sa femme, en derision de ceux qui le menoient: Ces bonnes gens pensent que changeant de place ie changeray de cœur: ils s'abusent. Je tiendray bon, avec la grace de Dieu, & ie vous coniure par l'amour que vous me portés, & beaucoup plus: par celuy que deuez à Dieu, de perseverer tousiours, comme vous avez heureusement commencé. Je me resioüs grandement, dit sa mere, de vous voir constant, mon fils. Continuez en cete resolution, & priez Dieu pour la nostre,

91

Amiüe  
Payenne.

SEPT ou huit Gentilshommes Chrestiens ses bons amis, luy donnerent encore depuis vne viue attaque, dans sa propre maison; où aians allegué tout ce qu'ils peurent, ce que i'obmets, pour n'estre trop long, Simon le voyant

au bout de leur fusée, leur dit: Messieurs, ie vous remercie de la bonne affection que vous me portez, & de la vie temporelle que me desirez. Je n'en souhaite point au preiudice de mon salut. Je desire mourir pour la foy de mon Sauueur. Trois iniques iuges instruisirent son procez, Anne, Caïphe & Pilate. Pilate à qui touchoit de donner la sentence definitive, & la faire executer, procura par tous moyens de le garantir: & neantmoins craignant de perdre son estat, il le condamna in iustement. IESVS-CHRIST aiant resolu de mourir pour le salut du monde, ne permit pas que Pilate le fit relacher. Trois Gouverneurs ont commission de vuidier ma cause. Cacuzaimon pour l'affection qu'il me porte, se met en peine de me deliurer. Je ne puis mieux faire que de donner ma vie pour celuy qui le premier a exposé la sienne pour moy: & Cacuzaimon quoy qu'il m'ayme, ne manquera pas à me faire mourir, pour ne perdre la bonne grace du Roy. Que diriez vous là? eux n'ayans que repliquer, & admirans le courage de Simon, se retirerent l'un apres l'autre tous honteux & confus. Ce fut la derniere charge que Simon souffrint.

92  
Discours  
deuot &  
court.

CACUZAIMON estant party sur le tard de Cumamote, n'arriua chez luy à lateuxiro que sur la my-nuict; & tout aussi-tost enuoia querir Iecicaua Gifioje, homme d'honneur, & luy dit. Sçachez que le Roy a condamné Simon, à la mort. Vous qui estes son parent & bon amy, luy trencherez la teste dans sa maison propre. Portez luy cete letre, qui contient arrest definitif, & traicté le courtoisement, sans manquer à l'execution de la volonté du Roy. Gifioje s'en alla tout aussi-tost chez Simon, & comme c'estoit de nuict, trouuant les portes closes, il heurta si souuent qu'en fin on luy ouurit. Simon veilloit en prieres, & ayant leu la letre, s'escria, ô nouuelle pleine d'alegresse, nouuelle cause de mon bon-heur. Puis prenant pour vn peu, congé de Gifioje, il se retira d'as vne chābre, ou les genoux en terre, & les mains joines, il se remit à faire oraison deuāt vne deuote image de nostre Sauueur, présenté aux

93  
Simon cō-  
damné à  
mort.



**I**ESVS-**C**HRIST Iuifs par Pilate, lors qu'il leur dit, *Ecce Homo*. De là il passa en vn autre chambre, où reposoient sa mere & sa femme, & leur fit part de la nouuelle qu'il venoit de recevoir. Elles sans s'estonner, ains d'un visage gay, commanderent aux seruiteurs de faire chauffer de l'eau, afin que Simon se lauast, comme les Iaponois ont coutume de faire, lors qu'ils sont inuitez à quelque festin.

94

Inventaire  
des meu-  
bles.

**T**ANDIS, Simon sçachant bien que, suiuant la pratique du Iapon, les biens seroient confisquez, de peur que ses domestiques ne fussent molestez, sous couleur d'auoir retiré quelque chose, dressa l'inventaire de ses meubles, & en attacha la liste à la porte de chaque chambre, & salle, l'ayant marquée du cachet de ses armes. Finalement selaua & reuestit comme pour des nopces, prit congé de sa mere, de sa femme, de tous ses domestiques, donnant à chacun quelque present, & plusieurs bonnes instructions. Mais les voyans tous fondre en larmes, il les reprit amiablement, disant : Ce qui m'est arriué ne vous doit pas contrister, ains resioüir comme moy-mesme. Car c'est vne faueur de Dieu, que i'ay long temps ya desirée.

95

Agnes  
quitte le  
monde.

**A**GNES sa femme le pria de luy couper les cheveux, de peur, dit-elle, que si ie vis long temps apres vous, on ne pense que ie vueille prendre vn autre mary. Cela n'est pas necessaire, dit Simon : par ma mort vous demeurerez libre suiuant l'ordonnance de Dieu. C'estoit pour s'exeuser. Mais sa mere luy conseilla de donner ce contentement à sa femme qui l'en requeroit la larme à l'œil. Ainsi il la tondit. Cela fait Simon avec la permission de Gifioje qui le deuoit decoler, enuoia querir les trois Gifiaques, Ioachim, Iean & Michel, ausquels il dit, en presence de sa mere, de sa fême & de Gifioje. Mes freres, estimez-vous pas vn heureux sort pour moy, que pecheur, & sans aucun merite, comme ie suis, ie puisse estre martyr de **I**ESVS-**C**HRIST ! Comment me pourray-je reuencher d'une si rare faueur ? Ils l'embrasserent estroitement tous trois. Puis lui dirent : Vous estes voirement heureux, Seigneur Simon. Partant nous vous supplions de prier Dieu pour nous,

96

Deuor col-  
loque.

quand vous serés Citoyen du Paradis. Je le feray tres-volontiers, dit Simon. Et ils adjousterent, Nous souhaiterions de vous y accompagner dès maintenant. Il est probable, dit Simon, que vous ne tarderés pas long temps à me suiure.

Ce qu'ayant dit, il semit à genoux avec les trois Gisiaques, sa mere & sa femme, dit tout haut le *Confiteor*, & trois fois le *Pater noster*; & trois fois l'*Aue Maria*; s'entretint quelque temps à prier mentalement; puis fit allumer les cierges, apporter la susdite image du Sauueur, & tenant d'une main sa femme & de l'autre sa mere, leur dit: Mes tres-aimées, c'est icy le dernier congé que je prens de vous en ce monde. Je marcheray le premier pour vous fraier le chemin: je prieray pour vous, afin que vous puissies biẽ-tost arriuer au port de la felicité eternelle, d'où nous ne partirons iamais. Propos qu'il leur reïtera souuent sans auoir ouï parler de la sentence de leur mort, qui ne leur estoit pas encore signifiée.

CELA dit, ils s'acheminèrent tous comme en Procession, vers la salle, où la teste lui deuoit estre trenchée, & marcherent en telle ordonnance. Michel alloit le premier, portant une deuote image du Crucifix: ses deux compagnons à ses costés: Simon suiuoit, tenant d'une main sa femme, & de l'autre sa mere. Apres lui, venoit Gifioje qui le deuoit escorter; Les seruiteurs domestiques estoient les derniers, tous confits en dueil & en larmes. Entel ordre entrèrent-ils dans la salle, où estoitjà remis le tableau de l'*Ecce homo*, auquel Simon portoit une particuliere deuotion. Il se prosterna & mit humblement à genoux deuant cete image, leuant les yeux au Ciel. Vis à vis de lui s'agenouïlla Michel, tenant l'image de nostre Redempteur Crucifié, & à ses deux flancs Ioachim & Iean, tenans chacun son cierge allumé. Jeanne & Agnes se retirerent quelque peu en arriere, separees l'une de l'autre, & s'estans tous munis du signe de la sainte Croix, redirent à haute voix le *Confiteor*, & trois *Pater noster*, & trois *Aue Maria*.

SUR ce point Figida Iorofuqui, Gentil-homme qui peu de iours auparauant auoit fait banqueroute à la foy Chre.



IESVS-  
CHRIST  
1603.

98

Heureux  
rencontre.

99

Conuer-  
sion de  
Figida.

100

Simon de-  
capité.

stienne entra dans la salle, pour prendre congé de Si-  
mon: & voiant vn si deuot appareil, tous estonné, s'é-  
cria, O vaillant, ô hardi Simon! ô le nompareil entre  
les hommes: iamais il ne fut parlé d'une si belle mort  
que cete-ci. Simon se tournant vers lui d'une tres-alle-  
gre face, montra qu'il estoit singulierement aise de  
le voir à cete heure: il tira le reliquaire qu'il portoit à  
son col, & le donna à sa mere: puis quelques grains  
qu'il mit en la main de sa femme. Ce que Figida voiant  
s'approcha de lui, & demanda quelque piece de deuo-  
tion, pour la garder comme gage de leur amitié. Si  
vous me promettés, dit Simon, de renoncer à l'ido-  
latrie, & vous remettre au giron de l'Eglise Catho-  
lique, ie vous accorderay ce que vous me demandés;  
autrement je n'ay moien de vous donner rien. Figida  
fut si honteux tant pour la faute qu'il auoit commise,  
renonçant à la foy Catholique, comme pour se voir de-  
uant les Ministres de la Iustice Payenne, qu'il n'osa di-  
re mot. Simon lui redit vne & deux fois les mesmes pa-  
roles, qui le porterent à promettre qu'il viuroit à l'auenir  
en bon Chrestien. Dequoi Simon tres-aise: Voies, lui  
dit-il, dans mon oreille vn grain benit que j'y ay mis pour  
gagner indulgence pleniére à l'article de la mort. Pre-  
nés-le apres mon trespas. Car je le vous donne de bon  
cœur.

Puis se tournant vers le soldat qui le deuoit deca-  
piter, le pria de grace qu'il lui permit de faire vn peu  
d'oraison mentale; & abatat lui mesme le collet d'es-  
robe, decouurit courageusement le col, & fermant les yeux  
demeura quelque peu de temps en priere. Puis avec vne tres-  
profonde reuerence adora Dieu, en la sainte image de no-  
stre Sauueur, touchant de son front le paué de la salle. S'e-  
stant releué il demeura tousiours à genoux, le col decouuert  
& tendu, iusques à ce que le soldat lui abatit tout d'un coup  
la teste, qui tomba du costé droit, près de Ioachin. Il la re-  
leua reueremment, & la mit sur la sienne en signe de venera-  
tion. Ieanne sans jeter vne seule larme, s'approcha de lui,  
baïsa cete relique, & s'ecria: O belle teste! ô chere teste! ô

fortuné Simon, quias exposé ta vie pour la querele de ton Dieu! O que ie suis aise de pouuoir offrir en sacrifice au Pere eternel, mon tres-aimé Simon, mon fils vnique.

IESVS-  
CHRIST  
1603.

AGNES accourut aussi-tost, & baisa le chef de son espoux, disant: O bien-heureux, ô tres-fortuné Simon, intercedés pour nous vers la diuine Majesté, afin qu'elle nous attire avec vous, pour jouir eternellement de sa presence! O admirable & singuliere misericorde de Dieu! Voila comme ces deux deuotes Dames offroient à Dieu leurs actions de graces pour cet inestimable benefice, & vsoient de paroles si deuotes & affectueuses, que les Payens mesmes qui assistoient à cetragique spectacle, furent autant edifiés de leur deuotion & modestie, qu'émerueillés de leur constance & magnanimité. Voila les exemples anciens & tant celebres par toute la Chrestienté des Natalies, des Symforoses, des Felicités, & de tant d'autres Dames, lesquelles d'un courage plus que viril, exhorterent jadis & induisirent leurs espoux & enfans à dōner leurs vies pour la querele de IESVS-CHRIST, renouuellées en ces vertueuses Dames du Iapon, si éloigné du reste de l'Eglise Chrestienne; comme aussi és hommes la glorieuse memoire des Adrians, des Melitons, des Symforians, & mille semblables valeureux champions de nostre Seigneur, lesquels ou en compagnie de leurs meres & de leurs espouses, ou bien incités par elles au martyre, triompherent glorieusement, & des malins esprits, & des tyrans.

101  
Constance  
des fem-  
mes.

EN cete sorte Simon passa tres-heureusement de la terre au Ciel, le neufiesme iour de Decembre mille six cens trois, deux ou trois heures auant le iour. Le soldat qui auoit serui de bourreau, prit en fin la teste de Simon, & la porta à Cacuzaimon, lequel l'enuoia à Cumamote, où elle fut mise en public, avec celle de Iean, vis à vis de l'inique sentence écrite en vn tableau, ainsi que nous auons touché ci-dessus.

102  
Chef de  
Simon à  
Cumamo-  
te.

LES vertueuses Dames Ieanne & Agnes se retirerent en leurs chambres pour faire oraison, & les Gisiaques se tindrēt près du sacré corps, qu'ils mirent decemment en vne bierre de bois faite (non sans speciale prouidence de Dieu)

Nomb. 55.



An de 296

LIVRE XIV. DE L'HISTOIRE

LES VSC-  
CHRIST  
1603.

d'un autel trouué chez Simon, afin que suiuant l'ancien vsage de l'Eglise Catholique, le corps de cet inuincible martyr fût mis dans vn Autel, & qu'en cete façon fût encores honoré de Dieu, son cher & fidele seruiteur Simon. Combien qu'il y eut aussi vne autre raison, qui fit trouuer bon à ces trois Gisiaques de disposer ainsi de cet Autel, de peur que le bois, sur lequel on auoit tant de fois offert le saint sacrifice de la Messe, venant es mains des mécreans & idolatres, ne fût employé à quelques vsages profanes. Depuis le corps saint fut porté à Nangazaqui & posé en l'Eglise de tous les Saints, où estoit pour lors le Nouiciat de nostre Compagnie. Ce bien-heureux martyr estoit natif du Roiaume de Tamixiro, & âgé de trente & cinq ans seulement.

103

Autels  
tombeaux  
des mas-  
tyrs

*Martyre des Saintes Dames Ieanne, Agnes, Ma-  
deleine, & du petit Louys, fils adoptif de  
Gorosaïmon Iean.*

CHAPITRE XII.



Es mere & femme du martyr Simon s'estans retirées en leur chambre apres sa mort, & craignans d'estre pour ce coup frustrées de la gloire du martyr, commencerent à se contrister, & à verser abondance de larmes. Ce que voiant Figida Iorofuqui, lequel estoit allé prendre congé de Simon, sur le poinct qu'il deuoit estre decolé, & s'estonnant de les voir tristes apres le danger passé, elles qui auoient tenu si bonne mine durant le combat, leur dit : Aïes bon courage, mes Dames ; j'ay ouï dire que Magdeleine vefue de Iean, doit estre apres son mari. Si tât est, vous n'en aurés pas meilleur marché. Sur quoi Ieanne & Agnes aiant essuié leurs larmes, dirent : Si Dieu nous vouloit laisser en ce miserable monde, nous aurions iuste occasion de larmoier, nous voiâs delaissées comme nous sommes. Mais veu qu'il y a quelque esperance que nous suiurons bien-tost nostre Simon, il se faut

104

Martyre  
de Iean.

faut refioûir en Dieu. De là en auant on n'apperçeut plus en leur visage aucun signe de tristesse.

IESVS-  
CHRIST  
1603.

LES trois Gisiaques qui s'estoient tenus près du corps de Simon, luy aiant rendu tout l'honneur & seruice qu'ils pouuoient, entrerent dans la chambre, pour visiter les Dames, lesquelles les remercierêt de la grande affection, qu'ils auoient tousiours portée à Simon. Puis leur dirent : On nous assure que nous deuous bien-tost mourir pour la mesme querelle que nostre Simon est mort. C'est pourquoy nous vous prions de ne nous abandonner point en ce dernier passage. Assistez nous s'il vous plaist.

LE Soleil commençoit à poindre, & ces Dames estimant que ce seroit leur dernier iour comme il fut, s'agenouillèrent deuant vne deuote image de nostre Dame, & dirent les Litanies, comme prenant congé d'elle pour cete vie. Leur ioye fut si extraordinaire, & leurs paroles si enflammées de deuotion, que mesmes les soldats Gentils, que Cacuzaimon auoit mis pour garder le corps de Simon, en furent merueilleusement estonnez, & aiant ouï leurs deuis spirituels, protesterent n'auoir iamais veu vne telle constance. De fait elles estoient tres-contentes de mourir, & pour comble de leur ioye, ne desiroient que sçauoir comme Magdeleine vefue de Iean, se dispoisoit au martyre. A ces fins Ieanne enuoia vn messager exprés au Gouverneur, le suppliant de permettre que toutes trois s'assemblassent en vn lieu, tel qu'il luy plairoit, puis qu'elles deuoient toutes mourir pour le mesme sujet. Cacuzaimon leur accorda volontiers cete requeste. Elle luy espargnoit bon nombre de gardes.

105  
Trois Dames  
assemblées.

TANDIS plusieurs Caualliers & soldats, qui par crainte des tourmens auoient fait banqueroute à la Foy, aiant eue le vent de ce qui se passoit, furent dire à Dieu à ces Dames, qui ne leur tindrent autre propos, que de faire penitence, de leur inconstance, & courir vers le ciel par le chemin ouuert de la sainte Croix. Il se faisoit nuit, & Magdeleine n'arriuoit point. Partant Ieanne & Agnes parloient de renuoyer vn autre messager vers le Gouverneur, quand la voila qui arriue avec son petit Louis. O l'heureuse



IESVS-  
CHRIST  
1603.

rencontre! Ceux qui le virent, asseurerent qu'il n'y auoit moien d'exprimer l'accueil qu'elles se firent, ny raporter les deuotes paroles qu'elles se dirent. Ieanne & Agnes auoient souuent ces mots en bouche. Nous ne meritons pas de mourir pour la confessiõ du nom de nostre Sauueur; mais les merites de nostre cher Simon nous obtiendrõt cete grace. Magdeleine en disoit autant de soy-mesme, recognoißant tout son bon-heur comme prouenant des intercessions de Iean son feu mary. Puis se tournant vers le petit Louïs, enfant de sept à huit ans, lui dit: Mon fils, nous irons bien tost trouuer vostre pere. N'oubliez pas de dire tousiours, & deuotement IESVS MARIA. Je n'ay garde de l'oublier, ma mere, dit le petit. Ce garçon, adiousta Magdeleine, est fils de mon aîné. Iean & moy l'auions adopté pour nostre. Cem'est vn grand contentement de luy acquerir l'heritage du ciel par la voye du martyre.

106

Louïs en-  
fant adop-  
té.

CES vertueuses Dames s'entretindrēt en leurs saints discours, iusques à tant qu'il fut nuit clause. Le Gouverneur auoit ordonné aux officiers de la iustice d'attēdre ce temps, pour empecher qu'il n'y eust si grand concours de peuple à l'execution. Ce temps venu, ils firent entendre aux Dames qu'elles s'apprestassent à sortir du logis. Ce qu'elles firent, par plusieurs deuotes prieres. Puis se mirent en chemin aussi allegres cōme si elles fussent allées aux nopces. Sortāt du logis Agnes dit à Ioachim: Vous sçaez que mon cher Simon voulut mourir deuant l'image de l'*Ecce Homo*. Portez-la ie vous prie. Car nous sommes en mesme volonté. Ioachim n'y manqua point; & Michel prit vn petit vase d'eau benite.

107

Norimond,  
sorte de  
chaire.

SUR la porte de la ruë elles trouuerent trois norimonds. Ce sont certaines chaires, ou petites litieres, dans lesquelles les femmes d'honneur se font porter en quelques quartiers du Iapon par deux hommes, à la façon des Dames de Gennes en Italie. Le Gouverneur comme grand amy de feu Simon, voulut vser de cete courtoisie enuers elles, comme fort nobles & delicates. Chacune donc entra dans son norimond, & Louïs dans celuy de Magdeleine sa mere. Des trois Gisaques Iean accompagnoit Agnes: Ioa-

chim Ieanne: & Michel Magdeleine.

ARRIVEZ qu'ils furent près de la place où les croix estoient plantées, Iean dit à Agnes: Souuenez-vous que nostre Redempteur fut la nuit de sa passion trainassé par les ruës de Hierusalem. A la bonne-heure m'en faites-vous souuenir, repartit-elle. Mais puis que mon Sauueur allant au Caluaire pour y mourir, marchoit à pieds nuds, il n'est pas seant que moy miserable sois portée tant à mon aise. Elle fit donc grande instance pour mettre pied à terre. Mais Iean l'arresta, disant que les gardes ne le permettroient pas, d'autant que c'estoit contre l'ordre que le Gouverneur leur auoit donné.

108

Agnes veut  
aller à pied.

LES norimonds ayans esté posez à terre, en la place où elles deuoient estre crucifiees, Michel qui assistoit Magdeleine, luy dit: Madame, l'heure de vostre mort approche. S'il vous reste quelque piece de deuotion, ie vous prie de me la donner, affin que ie me souuienne de vous. Elle répondit n'auoir qu'un grain, benit par le Saint Pere, en faueur de la Roine de Boëme, qu'elle tenoit par deuotion en sa bouche. Michel l'en loüa grandement, & l'auertit d'auoir IESVS au cœur & à la bouche. Ioachim & Iean prindrent les images, l'un du Crucifix, l'autre de l'Eccle Homo, & les torches allumées, les presenterent aux yeux des trois Dames.

LA premiere qu'on mit en croix, fut Ieanne; laquelle dit aux Algosins, ainsi nomment les Iaponois leurs executeurs de la haute iustice: Quand mon Sauueur Iesus-Christ fut mis en-croix, il souffrit de tres-poignantes douleurs. Je desire ardemment l'imiter en ce que ie pourray. Partant ie vous prie d'vser en mon endroit de toute sorte de rigueur, me garrotter bras & jambes le plus roidement que vous pourrez. Neantmoins parce qu'ils luy ferroient trop le col; Je desirerois, dit-elle, qu'on me laissast le col un peu libre, affin que ie puisse plus commodement continuer mes prieres. Elle desiroit aussi cete commodité, pour pouuoir plus librement parler à l'assistance.

109

Algosins  
bourreaux  
du Iapon.

DE fait comme elle fut esleuée en croix, voyant la multitude du peuple qui estoit accouruë, elle leur pro-

Pp ij.





An de 300

LIVRE XIV. DE L'HISTOIRE

IESVS-  
CHRIST  
1603.

resta qu'il n'y auoit loy au monde, en laquelle l'homme se peut sauuer, que la Chrestienne : exhorta les Payens à quitter l'idolatrie : ceux qui auoient renoncé, à se repentir : ceux qui auoient tenu bon, à perseuerer iusques à la mort. Les executeurs de la iustice, n'attendirent pas qu'elle eust fini; ains s'en trouua vn qui luy donna le coup de la mort: mais l'assena mal. Qui fut cause que Ieanne s'escria: Le fer n'est pas bien afilé : IESVS MARIA, le fern'est pas bien afilé L'Algofin redoubla promptement son coup, & lui donna si roide dans le costé gauche, que le fer de la lance sortit au dessus de l'espaule droite. Ainsi s'enuola cete ame au ciel, le cœur & la bouche inuouquans les noms de IESVS & de sa tres-saincte mere nostre Dame.

IIIO  
Ieanne  
presche de  
la croix.

EN second lieu on crucifia Magdeleine, laquelle sentant que les ministres de la iustice vsoient d'une extraordinaire rigueur, attachant son corps à la croix, en rendit graces à Dieu, comme d'un nouveau benefice. Le petit Louïs voiant sa mere liée en croix, s'approcha franchement de celle qu'on auoit appresté pour luy. Comme on le voulut lier, quelqu'un des assistans lui dit : Et quoy, mon fils, n'avez vous pas peur, voiant la mort si proche? Je n'en ay peur ny apprehension, Dieu mercy, dit l'enfant. Si cria-il vn peu, parce que les Algofins l'estreignoient trop. Et le maistre des bourreaux aiant commandé qu'on luy lachast vn peu les cordes, il fut si viuement touché de la voix infantine de cét innocent, qu'il ne se peut tenir de pleurer. Les croix de la mere, & du fils estant dressées, le petit tenoit tousiours les yeux dessus sa mere, & disoient l'un apres l'autre, IESVS MARIA, faisant vn tres-deuot echo.

III  
Louïs en-  
fant cruci-  
fié.

LOUIS fut le premier touché de la lance, sans en estre offencé, parce que le fer glissa, on ne sceut comment. De quoi Michel s'estant apperceu, & craignant que l'enfant ne perdît courage, s'approcha de luy, & l'exhorta de reclamer tousiours les saints noms de IESVS & MARIE. On le frappa derechef sans qu'il monstast aucun signe de douleur. Toute l'assistance s'esbahit de yeoir cét en-

fant rendre l'ame, sans auoir jetté vne larme, ny vn soupir. Auec le mesme fer tout chaud, & degouttant encore du sang innocent du petit Louys, on perça la bonne mere sous la mammelle droite. Elle n'auoit en bouche que IESVS MARIA, & regrettoit seulement, que le voile de sa teste lui tombant sur les yeux, l'empechoit de regarder le Ciel, où son ame fut incontinent receüe.

AGNES fut crucifiée la derniere. Sortie de son norimond, elle s'assit sur sa croix, & se mit à remercier Dieu tout haut, de ce qu'elle s'en alloit lui rēdre l'ame, sur le bois qu'il auoit sacré par sa douloureuse mort. Puis fit signe aux Ministres del' inique justice, qu'ils s'approchassēt. Mais la merueilleuse constance des deux mortes, & le courage qu'on li-soit sur le front de celle-ci, les auoit tellemēt mis hors d'eux mesmes, qu'ils n'osoient passer outre. De quoi s'estant aperceüe, elle mesme s'estendit & accommoda sur sa croix. Il n'y eut aucun officier qui s'osât approcher d'elle. Mais quelques idolatres, qui n'auoient aucune commission de ce faire, la garrotterent, l'eleuerent en croix, & lui donnerent plusieurs coups de lance, sans rencontrer le cœur: multiplierent les plaies & les douleurs, iusques à tant qu'elle rendit l'esprit à Dieu, disant IESVS MARIA. Cefut le neufiesme iour de Decembre seize cens trois. Plusieurs Chrestiens embrasserent & baisèrent deuotement les croix: cueperent les franges & bords des robes des Martyrs, & recueillirent de leur sang, pour le conseruer religieusement.

Les trois Gisiaques Ioachim, Michel, & Iean, donnerent ordre que les faces de ces quatre defuncts fussent honnestement couuertes, & leurs corps decemment composés. Environ trente soldats, qui gardoient la maison de Simon, la nuit qu'il fut decapité, deposerent auoir veu sur icelle vne merueilleuse splēdeur venant d'en haut, declarans plusieurs circonstances & particularités, que l'original mesme a passé sous silence. Quelques autres personnes dignes de foy, temoignerent auoir veu vne clarté tres-luisante sur les corps des quatre crucifiés, au poinct qu'ils rendoient leurs ames à Dieu. Mais il n'y eut moien de faire les informations requises, sur l'apparition de ces miraculeuses lumieres, comme du

IESVS-  
CHRIST  
1603.

112

Agnes crucifiée la derniere.

113

Lumieres  
veues sur  
les mar-  
tyrs.



reste de l'histoire du martyre de ces six glorieuses personnes, que nous auons tiré des lettres que le Reuerendissime Euefque du Iapon Louys Cerqueira, en escriuit à nostre saint Pere le Pape, & au Roi d'Espagne.

114

Ossemens  
des cruci-  
fiés.

Nos Peres desirerent grandement retirer les corps des quatre Crucifiés, comme ils auoient eu ceux des deux decapités. Mais parce que Canzagedono, qui les auoit condamnés à la mort, auoit aussi cōmandé, que pour seruir de terreur aux autres Chrestiens on gardât leurs corps en croix vn an durant, de peur qu'ils fussent enleués; les trois Gisiaques furent priés de preparer quatre caisses, avec chacune son écriteau, pour recueillir les os à mesure qu'ils tomberoient des croix en terre, & les bien distinguer. Ce que ces bons & feruens Chrestiens firent fort soigneusement, & l'an reuolu porterent le tout au College de Nangazaqui. Ils trauaillerent aussi pour recouurer les chefs de Jean & Simon. Mais ils n'eurent moien de satisfaire à leur deuotion. Car Canzagedono auerti que les Chrestiens desiroient les enleuer, les fit mettre en lieu plus asseuré; intimant aux officiers qui auoient charge de les garder, que si par leur nonchalance les Chrestiens venoient à les retirer, ils en seroient chastiés rigoureusement.

---

*Conuerſion du jeune homme qui auoit decapité & crucifié les Martyrs: & emprisonnement des trois Gisiaques, pour la confession de la foy.*

## CHAPITRE XIII.



Le sang des Martyrs, desquels nous venons d'écrire les combats, comme fertile semence des Chrestiens, ne tarda pas long-temps à produire d'excellens fruits. Le premier fut la conuerſion du ſoldat qui decola Simon, & fut executeur du martyre des quatre crucifiés. Il s'appelloit Iccicaua

Gifioje: il estoit noble de race, d'humeur fort douce, & enclin à tout bien. Car quoi qu'il fût employé pour trancher la teste à Simon, si n'estoit-il pas du mestier. Cen'est pas au Japon vn acte ignominieux, ains vn trait de courage, vſité parmi les nobles, qui prennēt volontiers la mort de la main des personnes d'honneur. Or comme il se comporta fort vertueusement enuers les Martyrs, leur donnant tel loisir de s'appreter qu'ils voulurent: aussi semble-il que ces Saincts lui impetrerent du ſouuerain Pere de lumiere le rayon celeſte, pour cognoitre la verité de nostre ſaincte foy; & la volonté pour l'embrasser, en vn temps auquel elle estoit ſi mal traitée au Japon.

LESVS-  
CHRIST  
1603.

II5  
Conuerſio  
d'Iccicaua.

Le principal motif qu'il temoignoit lui meſme auoir ſenti en ſon ame, pour ſe reſoudre à prendre ce parti, fut l'inuincible conſtance, & incomparable joie, avec laquelle tous ces Saincts moururent pour la foy; & ſur tout la nompareille magnanimité de Simon, duquel il racontoit pluſieurs merueilles que jen'ay touchées & quelques particularités qui ſe paſſerent entre ledit Simon & ſon grand ami Cacuzaimon. I'en coucheray ici ſeulement vne, de laquelle il ſ'eſtonna plus que de toute autre.

APRES donc que Cacuzaimon eut eſſaié par tous les moiens qu'il peut imaginer, de perſuader à Simō, qu'il obeît à Canzagedono, & ſuiuit la ſecte des Foquexus, voyant qu'il n'auançoit rien, il ſe reſolut de l'aller trouuer de nuit en ſon propre logis, en compagnie de ce jeune homme, auquel il ſe fioit beaucoup; & l'ayant aſſailli de tous coſtés, lui dit en fin, qu'au moins il ſortit du Roiaume de Fingo, pour ſauuer ſa vie. La fuite deuant eſtre ſecrete, & Simon ne pouuant mener avec ſoi ſa famille, à cauſe des eſpions que Canzagedono auoit mis ſur les frontieres il lui donna parole de le faire ſeulement conduire au lieu où il ſe voudroit arreſter. De plus ſçachant que Simon, comme perſonnage qui faiſoit beaucoup de groſſes aumosnes, n'auroit pas d'argēt pour les frais de ſon voyage, il lui offrit deux cens écus dans vne bourſe, qu'il auoit portés tout exprés.

II6  
Amitié des  
Payens.

MAIS Simon ne les prit pas, ains le remercia humblement



IESVS.  
CHRIST  
1603

pour tant de biens; puis lui dit: Je suis resolu de ne mettre le pied hors de lateuxiro, quoi qu'en sortant j'eusse moien de conseruer ma vie, & me rendre Seigneur de Fingo. Je sçay que fuir en telle occasion, n'est pas peché: mais j'ay vouë à Dieu de ne partir de cete ville, quand bien j'y deurois mourir pour ma foy, & pour la religion Chrestienne. Je vous prie de prendre en bonne part ma resolution. Cacuzaimon voiant qu'il n'auoit moien de sauuer la vie à son ami, se mit à pleurer, sans plus dire mot; & par ses larmes eurent encore Simon à larmoier chaudement. Ils demurerent long-temps pleurans & sanglottans l'un pres de l'autre; puis se retirerent, qui deçà qui delà, sans se dire plus mot.

117

Ratiocina-  
tion tres-  
forte.

CETE fermeté de foy, loiauté d'amour, & mépris de sa propre vie pour l'amour & honneur de Dieu, que Iccica-ua remarqua en Simon, lui firent comprendre que la loy des Chrestiens estoit la vraie. Si elle n'estoit telle, disoit-il en soi mesme, Simon homme de grand esprit, & sur tout iudicieux, n'eust iamais meprisé sa vie, ny refusé à son grand ami Cacuzaimon, ce qu'il lui demandoit pour son propre bien, & avec tant d'instances & de coniurations.

VOILA le principal motif, qui tira ce jeune gentil-homme de lateuxiro, & le conduisit vers nos Peres à Nangazaqui, où il ouït le Catechisme tout à loisir, proposa plusieurs difficultés, & s'esclaircit de tous ses doutes. Aiant vn iour mis en auant bon nombre de questions, touchant nostre croiance, il pria le Catechiste, & toute l'assistance, de ne s'estonner s'il estoit si long & curieux à s'enquerir de tout. Veu que la foy Chrestienne est telle, dit-il, que ceux qui la reçoient sont obligés à perdre la vie, plustost que de la quitter, comme j'ay veu faire à mon cousin Simon; il me semble necessaire d'en auoir pleine cognoissance, auant que de l'embrasser.

118

Coutelas  
donné à  
monf.  
l'Euesque.

S'ESTANT donc pleinement fait instruire il fut baptizé, & allant recevoir la benedictiō de l'Euesque, il lui fit present du coutelas avec lequel il auoit trencé la teste à Simon, parce qu'on l'auoit auerti que nos Peres desiroient auoir les lances, & autres instrumens, desquels on s'estoit seruy pour le martyre

le martyre de ces Saints. Retourné qu'il fut en sa maison, IESVS  
il donna tant de preuues de sa conuersion, que Canzagedo. CHRIST  
no sçachant qu'il estoit Chrestien, le priua des pensions 1603.  
qu'il tiroit du Roy.

DEPUIS le martyre de deux decolez, & quatre cruci-  
fiez, l'Eglise de Fingo iouït de quelque paix & repos, mais  
non longuement. Car le diable ne tarda pas à y semer des  
noïses, se seruant de Cacuzaimon, pour instrument de sa  
malice. Affin qu'on entende le fonds d'où procederent ces  
troubles, il faut sçauoir qu'en la ville de lateuxiro, où les  
cinq martyrs souffrirent la mort, il y auoit trois Gouver-  
neurs ou Lieutenans du Roy de Fingo. Sçauoir est Cacuzaimon, qui estoit Capitaine du chasteau : Iensuque, qui  
auoit charge du peuple, & ne tenoit pas grand compte de  
Cacuzaimon. Je nommeray tantost le troisieme à meilleu-  
re occasion. Iensuque aimoit les Chrestiens, & les fauori-  
soit en tout ce qu'il pouuoit. Cacuzaimon auoit aimé Si-  
mon, quoy qu'il fût Chrestien. Mais il haïssoit de longue-  
main les Chrestiens ; & depuis la mort de Simon, qui mou-  
rut pour estre Chrestien, leur voulut encore plus grand mal,  
& sur tout aux trois Gifiaques, desquels nous auons cy-de-  
uant parlé ; estimant qu'ils auoient empesché Simon de  
quitter la foy ; & continuoient à maintenir le peuple en de-  
uotion. Il leur vouloit grand mal ; mais il ne leur en pou-  
uoit faire, n'ayant de iurisdiction sur eux. Car ils estoient  
sujets à Iensuque, qui les protegeoit fort. Arriua que Can-  
zagedono deposa Iensuque de sa charge, & en pourueut vn  
autre, qui estoit suiet & comme seruiteur de Cacuzaimon.  
Dequoy auertis les Bonzes Foquexus, & pensans pouuoir  
grandement nuire aux Chrestiens par le moien de ce nou-  
veau Gouverneur, les accuserent d'auoir coupé quelques  
arbres és enuirs de leurs clos, & ce au mespris de leurs  
Camis & Fotoques. C'estoit pour rendre leur accusation  
plus plausible. Ce nouveau Gouverneur, à l'instigation de  
Cacuzaimon, enuoia querir le troisieme, que les Iaponois  
appelloient Beto, mais son nom de baptesme estoit Fabien ;  
& lui ayant representé les plaintes des Bonzes, menaça ceux  
qui auoient offensé le Fotoques. Le Chrestien qui estoit du

119

Trois Gou-  
verneurs  
de lateu-  
xiro.

Nomb. 76.

120

Calomnie  
des Bon-  
zes.



**LES VSC** tout innocent de ce fait, respondit qu'il n'auoit encores  
**CHRIST** ouï parler de cét attentat, mais qu'il s'en informeroit, &  
 1603. luy rapporteroit fidelement ce qu'il en auroit appris.

**A**IANT fait ses diligences, il retourna à ce nouveau  
 Gouverneur, & luy dit que les Bonzes se plaignoient à tort;  
 pource que les Chrestiens fuioient toutes occasions de mé-  
 contenter les autres; & n'auoient iamais pensé à couper  
 ces arbres. Au reste qu'il estoit notoire que les Payens mes-  
 mes se mocquoient à pleine gorge des idoles, & de leurs sa-  
 crificateurs. La ville regorgeoit d'artisans estrangers, char-  
 pentiers & maisons assemblez par commission du Roy, pour  
 trauailler à ses fortifications. Qu'il estoit plus probable  
 que les allans & venans eussent fait ce coup, que les habi-  
 tans de la ville.

121

Sage des-  
faire.

**L**E nouveau Gouverneur ne prit pas cete responce en  
 paiement, ains en tira occasion de manifester la principale  
 intention tant des Bonzes, que de Cacuzaimon, qui estoit  
 de faire que les Chrestiens renonçassent à la foy, & assistas-  
 sent aux preches des Bonzes, & ce sans repliche. Fabian  
 respondit fort sagement: Si l'affaire dependoit de moy seul,  
 ie respondrois dès à present pour moy. Mais plusieurs au-  
 tres y ont interest, il faut s'il vous plaist que ie leur en par-  
 le. Ce qu'il fit, & les trouua tous resolu à mourir plustost,  
 que de prester l'oreille au Bonze. Il porta leur responce au  
 nouveau Gouverneur, qui la communiqua à Cacuzaimon;  
 tous deux conclurent qu'il ne falloit passer outre, ny presser  
 dauantage les Chrestiens. Canzagedono reuiendra bien-  
 tost de la cour du Cubo, dit Cacuzaimon, & mettra ordre  
 à tout. Canzagedono reuint, fut informé du tout, & dit:  
 Pourueu que les nobles & soldats ne soient pas Chrestiens,  
 ie ne fais pas grand estat du simple peuple.

122

Gislaques  
emprison-  
nez.

**L**E damnable cœur de Cacuzaimon ne s'arresta pas là,  
 ains cherchoit de iour en iour nouuelles occasions de nuire  
 aux Chrestiens. Les trois Gisiaques estoient les principa-  
 les colonnes qui maintenoient le Christianisme en ces quar-  
 tiers là. Il tourna donc contre eux la poincte de sa cholere,  
 & à ie ne sçay quelle occasion les fit emprisonner. La plus-  
 part creurent que c'estoit sans particuliere commission du

Roy. Dieu permit que soudain apres leur emprisonnement IESVS-  
Cacuzaimon fût disgracié, depolé de sa charge de Lieute- CHRIST  
nant, ou Gouverneur du chasteau de lateuxiro, & ren- 1603.  
uoie à Cumamote.

SVR ces entrefaites arriua la feste du nouuel an des Iaponois, temps auquel ils ne vacquent qu'à jeux & passetēps. Tellement que l'affaire des Gisiaques n'alla pas plus auant. Si demeurèrent-ils long temps en prison, où par leurs deuots discours, & rares exemples de vertu, ils edifioient grandement les Chrestiens, & faisoient estonner les Payens. Nous verrons cy-apres comme ils furent derechef referrez en prison plus estroite & martyrisez.

Lin. 16.  
nomb. 66.  
& suiu.

L'EXEMPLE des martyrs, desquels nous auons couché cy-dessus les combats, fut si grand, que plusieurs de ceux qui assisterent à leur glorieuse fin, aians auparauant manqué en la Foy, recogneurent leur faute, & se retirerent en Arima & ailleurs, pour faire penitence. Il y eut entre autres vn soldat si feruent & desireux de souffrir le martyre, qu'il s'en alla droit à Cumamote, & conuia plusieurs, tant Chrestiens, que Payens, pour banqueter avec luy le iour de Noël, disant tout haut que la feste de Noël estoit le nouuel an des Chrestiens. Il le dit si souuent, & en tant de lieux, que Canzugedono en fut auerti, & ne s'en irrita point, ains admirant la hardiesse de ce bon soldat, luy donna liberté, de viure apertement selon la loy Chrestienne.

123  
Feste de  
Noëltres.  
celebre.







HISTOIRE  
 ECCLESIASTIQUE  
 DES ISLES ET ROYAVMES  
 DV IAPON.  
 LIVRE QVINZIESME.

*Estat du Iapon en general, puis de la Chrestienté,  
 & de la Compagnie de IESVS, l'an  
 mil six cens quatre.*

CHAPITRE PREMIER.

An de  
 IESVS.  
 CHRIST  
 1604.

I  
 Paix uni-  
 uerselle au  
 Iapon.



E Iapon iouïssoit cete année mil six cens quatre, d'une paix vniuerselle; Le Cubo, cy-deuant nommé Dayfusama, gouvernant le tout avec telle prudence, qu'il se faisoit aimer & craindre, tant de la noblesse que du peuple. Le commerce estoit libre par tout; plusieurs faisoient grand amas de deniers & surtout le Cubo, qui tiroit par an un million & demy d'or des minieres fraichement decouuertes en l'Isle de Sanda, éloignée du Iapon vers le Septentrion,

quinze ou vingt lieuës. Outre ce qu'il receuoit des mines <sup>LES VS-</sup>  
anciennes, & du reste de son reuenu, en si grande quantité <sup>CHRIST</sup>  
qu'il n'en sçauoit pas le nombre. Bref il sembloit que les Ia- <sup>1604.</sup>  
ponois se fussent oubliés de leur naturelle humeur, tant en-  
cline aux remuëmens & nouueautés.

P O U R mieux affermir & conseruer cete paix, le Cubo s'a-  
uifa de deux pointës. Le premier fut de s'allier des plus puis-  
sans Seigneurs du Iapon, desquels il pouuoit auoir quelque <sup>2</sup>  
doute ou soupçon; & ce par diuers mariages, afin que lui ve-  
nant à faillir, ou par mort naturelle (car il auoit jà plus de  
soixante ans) ou par quelque autre accident, l'Empire ne  
sortît pas de sa maison, ains passât à ses enfans de main en  
main. Le second fut d'honorer la memoire du feu Tayco,  
pour gagner l'affection des Seigneurs qui s'estimoient lui  
estre grandement redevables. A ces fins il commanda qu'on  
lui fit des festes publiques & fort extraordinaires, sembla-  
bles à celles qu'ils ont coutume de faire au iour d'un cer-  
tain camis, nommé Ghinon. Elle dura plusieurs iours. On y  
fit des jeux, des balers & assemblées en forme de procession,  
où parurent entre autres richesses deux cens cheuaux riche-  
ment bardés & caparassonnés, conduits en laisse par des  
palefreniers pompeusement vestus des liurées de l'Empe-  
reur. On tenoit que le Cubo faisoit toutes ces magnificen-  
ces, pour se rendre amis les partisans du feu Tayco, & se  
fraier le chemin, afin que pareil honneur lui fût rendu par le  
Monarque qui lui succederoit.

C E T E paix vniuerselle donnoit commodité au saint  
Euangile de prendre tous les iours plus de pied au Iapon: &  
les naturels de ces Isles, comme gens accorts, & pour la plus <sup>3</sup>  
part judicieux, decouuroient à l'œil la difference qui est <sup>Fruits de la</sup>  
entre nostre sainte loy & leurs sectes discordantes; entre le ze-  
le de nos Predicateurs, & le vain faste de leurs Ministres.  
Mais d'un costé la crainte du Cubo, qui n'auoit encore re-  
uoqué l'Edit du Tayco contre les Chrestiens; & la difficul-  
té qu'ils trouuoient à se detacher de leurs anciennes & me-  
chantes coutumes, pour embrasser la pureté du saint Euan-  
gile, les retenoit en leurs vieilles ordures. Si se trouuoit-il  
beaucoup de Seigneurs, mesmes idolatres, qui fauorisoient



LES VSS- les Chrestiens, & permettoient à leurs vassaux de se faire  
CHRIST Chrestiens: le Cubo mesme caressoit nos Peres qui le visi-  
1604. toient par fois.

4  
Nos Peres  
garçons.

Av commencement de cete année le P. Organtin l'estant allé voir & estrener selon la coutume du Iapon, fut introduit par les plus fauoris valets de chambre, retenu d'une façon extraordinaire, & entretenu plus de deux heures, au grand estonnement des Bonzes & grands Seigneurs, qui demandoient audience, & n'en eurent de tout ce iourlà. Ce traict de faueur fut cause, que plusieurs personnes de grande autorité, qui le virent, estimerent de là en avant beaucoup plus nos Peres & leur doctrine, qu'ils n'auoient iamais fait.

5  
Nombre  
des sujets

Ils estoient cēt vingt & trois de nos Religieux, diuisés en deux Colleges, deux maisōs Pectorales, vn Nouiciat, & vingt residences. Trois moururent cete année, sçauoir est Barthelemy Redon, natif de Maillorque, qui auoit vécu trente & deux ans en nostre Compagnie, & trauaillé vingt-sept ans au Iapon. Sonda Maria Iaponois, qui auoit serui Dieu huit ans en nostre Religion. François d'Oliuiera natif de Meaco, Nouice de tres-grāde esperance. On baptiza cete année quatre mille cinq cēs personnes. Il y auoit deux Seminaires cōposés de plus de trois cens jeunes Escoliers, natifs du Iapon: outre les Dogiques & Catechistes qui secundoient nos Religieux en la conuersion de cete gentilité, & faisoient en tout le nombre de huit cens personnes. Tous lesquels nostre Compagnie nourrissoit. Outre vn tres-grand nōbre de pauvres Chrestiens, qui n'auoient quasi autre moien de se sustenter, que ce qu'ils tiroient de chez nous. Charges presque insupportables. Car nos Peres n'auoient aucune rēte ny reuenu au Iapon. Ils viuoient partie des aumosnes que les Chrestiens leur faisoient là; mais plus de celles qui leur estoient enuoiées de Rome, suiuant les fondations faites par le Pape Gregoire treziesme du nom; ou d'Espagne par ordonnance du Roi: ou données par les Marchands Portugais.

6  
Leurs  
moiens.

QVI fut cause que nos Peres se trouuerent cete année en plus grande peine que la precedente, & eussent esté contrains de congédier derechef les Seminaristes, & autres bōs ouriers, sans le secours que Dieu leur enuoia du costé que

moins ils attendoient. Car le Cubo mesme, quoi qu'idolatre, deuëment auerti de la perte du nauire des Portugais, que les Holandois leur auoient pillé l'année precedente au port de Macao, comme nous auons dit en son lieu: & pleinement informé de la disette & necessité que nos Peres souffroient, leur enuoia par aumosne trois cens cinquante taës, chacun desquels valloit six testons de nostre monoie: puis leur en fit préter cinq mille. Benefice qu'ils receurent comme leur venant du Ciel. Car avec cela, & quelques aumosnes que les plus moiennés Chrestiens leur firent en diuers lieux, ils eurent de quoi passer cete année, & attendre la venuë du naniere du commerce, qui leur apporta quelques aumosnes des Marchands Portugais, & quelque petit secours, que le P. Valignan leur enuoia de la Chine.

7  
Aumosne  
du Cubo.

*Colleges d' Arima & Omura avec leurs  
residences.*

## CHAPITRE II.



N adjousta cete année aux deux Classes du College d' Arima, vne troisieme, où l'un de nos Peres, tres-versé en la langue du Japon, expliquoit à quarante Escoliers les poincts de nostre sainte foy, les plus necessaires à ceux qui deuoient precher ou catechiser. La Congregation de nostre Dame estoit composée d'environ cinquante personnes, qui s'exerçoient en toute sorte de vertu: donnoient tous les jours l'aumosne aux pauvres, visitoient & seruoient volontiers les malades, & leur enseignoient la doctrine Chrestienne. Vn des confreres aiant rencontré vn Payen malade, couché sur le pauë, l'assista tellement, qu'il l'induisit à recevoir le saint baptisme; apres lequel il rendit son ame à Dieu.

8  
Classe troi-  
siesme à  
Arima.

La salle de la susdite Cōgregatiō n'estât capable pour recevoir cōmodemēt ceux qui se presentoiēt tous les iours pour estre admis; nos Peres en instituerēt cete année vne autre,

9  
Congrega-  
tion penie.



**I E S V S.** qu'ils nommerent la petite Congregation de nostre Dame;  
**CHRIST** les sujets de laquelle ne cedoient point en ferueur aux au-  
 1604 tres. Le premier Prefet de celle-ci, fut vn jeune homme,  
 ——— doüé de tres rares qualitez : lequel aiant exercé sa charge six  
 mois durant, avec grande satisfaction de tous, mourut d'v-  
 ne colique passion. Le Seigneur d'Arima, Iuste sa femme, &  
 le Prince heritier presomptif de leur couronne, accompa-  
 gnerent son corps au tombeau, & les Seminaristes aussi.

Vn soldat nommé Sangiu, lequel durant les persecutiōs  
 que nous auons decrites au liure precedent, auoit manqué  
 en la foy, fut vers vn sorcier, lui demander en quelle façon  
 il mourroit. Vous courés fortune de perir casuellement,  
 respondit le sorcier. Ce qui estonna tellement le soldat, que  
 recognoissant sa faute, il en fit penitence, & recommença à  
 viure Chrestienement. Quelques mois apres Dieu permit  
 pour punition de sa credulité, qu'estant monté sur la mu-  
 raille d'un fort qu'on bastissoit, le mur fondât sous ses pieds  
 il fut accablé des ruines & mourut. Sa femme comme Payen-  
 ne, fit faire ses funerailles dix iours durant, à la mode du païs,  
 donnant vne bonne somme de deniers aux Bonzes. Auant  
 que ce profane seruice fût parfait, cete vefue estant dans sa  
 maison, avec ses chambrières, l'une d'icelles qui estoit Chre-  
 stienne, & nommée Agnes, changeant de visage, & repre-  
 sentant la voix & les gestes du trespassé, se leua, & courut  
 d'une chambre à l'autre, vers vn fils du decédé, l'embrassa &  
 baïsa. La vefue courut apres, criant: Agnes que faites vous?  
 La chambrière respondit: Je ne suis pas Agnes; ains San-  
 giu vostre mari. Je ~~me~~ suis mort Chrestien. Pourquoi em-  
 ploïés-vous les Bonzes à mes funerailles? Allés vous en à  
 l'Eglise de nostre Dame d'Arima, faites y dire vne Messe  
 pour mon ame, & enterrer mon corps à la mode des Chre-  
 stiens. Vous le trouuerés entre deux pierres. Ce qu'ayant  
 dit, elle prit vn coutelas qui estoit pendu à vn crochet dans  
 la chambre, & le tenant nud en sa main, courut vers la rue.  
 La vefue suiuit Agnes, pour le lui arracher du poing. Agnes  
 reuint à soi incontinent, comme qui s'éueille d'un profond  
 sommeil, & protesta ne se souuenir de ce qui s'estoit passé.  
 Le corps du deffunt fut cherché, & trouué parmi les rui-  
 nes

IO

Ame d'un  
 soldat re-  
 tourne.

nes entre deux pierres, ainsi qu'Agnes auoit dit, & sans aucune blessure, portât son chapellet au bras droit, avec vne medaille, & vn grain benit. L'original porte que tout ce que dessus fut diligemment examiné sur les lieux, par commission de Monsieur le Reuerendissime Euesque du Iapon, & trouué veritable, comme nous venons de le coucher.

LESVS-  
CHRIST  
1604.

VNE femme malade aiant perdu l'ouïe, & la parole, tellement qu'elle ne se pouuoit confesser, fut visitée par vn de nos Peres, qui lui fit baiser vne image, & toucher quelque relique de nostre Pere Sainct Ignace, par l'intercession duquel elle recouura soudain les sens, se confessa; & apres la confession se trouua pleinement guérie. Vne autre fort malade obtint pareillement la santé, soudain que son confesseur lui eut mis au col vne relique du mesme Sainct, qui n'estoit autre que son seing manuel. Vn vieillard se trouuant en fort dangereux estat pour son salut, s'en garentit par le moien de la confession. Puis par la vertu d'vne relique de nostre Sainct, fut soudainement gueri d'vne grande maladie. Il y a bon nombre de tels miracles auenus cete année, que j'obmers, pource qu'ils sont quasi tous semblables.

II  
Relique de  
S. Ignace.

VNE fort espouventable figure apparut en songe à vn jeune garçon Chrestien, mais qui auoit laissé couler plusieurs années sans se confesser, lui fit voir vne horrible fournaise ardente, le menaçant de le precipiter dedans, s'il ne faisoit promptement penitence. Esueillé qu'il fut, tout étonné de cete vision, il courut à l'Eglise, y fit vne tres-salutaire confession, & s'amenda.

VN enfant de treze ans, voiant que ses pere & mere, par la persuasion des Gentils, auoient renoncé à la foy, bien-tost apres auoir receu le saint baptesme, detestant leur apostasie, se pourueut d'vne croix de papier, deuant laquelle il se mettoit tous les iours à genoux, priant Dieu de le preseruer de la faute, en laquelle ses parens estoient trebuchés. Eux au contraire la lui prindrent & cachèrent, pensans que ne la voiant plus il se refroidiroit petit à petit en sa deuotion. Mais l'enfant cria & pleura tât, qu'en fin ils furent contraints de la lui rendre. Commel'enfant l'eut recourée, il l'orna de verdure, & intitula quelques siens compagnons à celebrer la fe-

12  
Confession  
extorquée.

13  
Enfant deuot & constant.



IESVS-  
CHRIST  
1604.

14  
Pesche mi-  
raculeuse.

ste de Noël, sans que les parëns l'en peussent detourner.  
VN pauvre pescheur Chrestien, aiant passé quasi tout  
vn iour sur la mer, sans rien prëdre, quoi que ses voisins eus-  
sent pris du poisson en abondance, s'en alla droit à l'Eglise  
de nostre Dame d'Arima, demanda vn peu d'eau benite, la  
porta & jetta au mesme endroit, où il auoit pesché en vain,  
& remettant ses filets en l'eau, fit vne tres-heureuse pesche.

*Persecution que Tarazaba suscita en l'Isle d'Amacusa,  
pour l'accomplissement des folastres-vœux, qu'il  
disoit auoir fait à ses Fotoques.*

### CHAPITRE III.

15  
Tarazaba  
recommen-  
ce.



ARAZABA cy-deuant Gouverneur de la  
ville de Nangazaqui, aiant succedé au Sieur  
Augustin, en ce qui estoit des Isles d'Amacu-  
za, permit aux Chrestiens habitans d'icelles,  
d'y viure selon leur foy, & à nos Peres de les  
assister, de peur que les rudoiant ils ne luy  
laissassent tout, & que son pais en demeurast desert & in-  
culte. Dequoy suiuit vn grand fruiët pour le salut des ames.  
Ce que le Pere d'orgueil & d'enuie ne pouuant supporter,  
vsa (comme autresfois) de la malice de Tarazaba, pour y  
troubler la paix des Chrestiens. En voicy l'occasion.

16  
Vœux par-  
my les  
Payens.

IL y auoit deux ans que Tarazaba estoit disgracié, & n'a-  
uoit veu le Cubo Monarque du Iapon. Dequoy il estoit ex-  
tremement marry, pour ne se trouuer assuré en son estat. Aiāt  
fondé tous les moiens possibles, pour sortir de cete peine,  
sans rien auancer, il fit vœu à ses Fotoques, de iamais ne se  
seruir des Chrestiens en sa maison: de ruiner leurs Eglises  
tant qu'il pourroit, & débaucher de la religion venue d'Eu-  
rope, tous ceux qui le voudroient croire. Se trouuant bien-  
tost remis en grace, par le moien d'vn valet de chambre du  
Cubo, il s'estima obligé d'accomplir ses vœux. Estant donc  
de retour de Meaco, à Carateu ville du Ximo, où il residoit,

& banquetant avec quelques siens amis, vn des inuitez iet-  
tant les yeux sur vn Page, nommé Iean, qui seruoit de tres-  
bonne grace, luy demanda d'où il estoit. L'enfant qui n'a-  
uoit pas encore treize ans, répondit qu'il estoit natif de Nā-  
gazaqui. Je suis fort trompé, dit cét inuité, s'il n'est Chrestieñ.  
Car tous ceux de Nangazaqui le sont. Surquoy l'enfant se  
trouua surpris. Car sçachant que son maistre n'aimoit pas les  
Chrestiens, s'il se disoit tel, il couroit fortune de sa vie. Dire  
qu'il ne l'estoit pas, ou se taire en telle occasion, luy sem-  
bloit contreuenir à l'obligation que tous Chrestiens ont de  
professer leur foy en temps & lieu. La vertu de la foy eut  
plus de pouuoir sur luy, que la crainte humaine. Il aduoua  
donc hardiment qu'il estoit Chrestien. Dequoy Tarazaba  
fut si indigné, qu'il en changea de couleur, & faisant sem-  
blant de n'en rien croire, lui demanda s'il ne se iouoit? Non,  
monfieur, dit l'enfant: L'affaire est trop graue pour rire. Je  
n'ay garde de dissimuler en matiere de telle importance. Je  
suis Chrestien.

17  
Page con-  
stant en la  
Foy.

Il n'y auoit pas long temps que Tarazaba auoit enuoié  
querir le pere de ce ieune Page, pour le coucher sur l'estat  
de sa maison, & lui assigner vne grosse pension. Aiant donc  
ouï la réponse de l'enfant, il luy demanda si son pere estoit  
aussi Chrestien, & ayant sçeu la verité, se resolut de les chas-  
ser tous deux de sa maison, pour accomplir son vœu. Com-  
bien qu'apres y auoir vn peu plus meurement pensé, il s'a-  
nisa que faisant que ces deux pere & fils renōçassent à la foy,  
il s'acquitteroit bien de son vœu. Le voila donc bien embe-  
sogné à les solliciter, tantost par belles & douces paroles,  
tantost par menaces, pour les faire apostasier de la foy. Mais  
tout en vain. La batterie dura deux iours, sans que ny l'au-  
thorité de Tarazaba, ny l'intercession des amis, peussent  
ebranler la constance du pere, ny du fils. Il les chassa donc  
tous deux de son seruice, & de ses terres.

18  
Chrestiens  
bannis du  
seruice de  
Tarazaba.

Il auoit aussi deux familles de Chrestiens à son seruice,  
lesquelles ayant appris ce que le Page & son pere auoient  
fait & enduré; virent bien qu'autant leur en pendoit à l'o-  
reille. Partant preuindrent les menées de Tarazaba, &  
ayant protesté qu'ils ne le seruiroient iamais que comme



IESVS-  
CHRIST  
1694.

Chrestiens, prindrent leur congé, & se retirerent en terre de Chrestiens, non sans grande incommodité. Car ils estoient plus de soixante personnes.

19  
Eglises rui-  
nées.

TARAZABA aiant ainsi banni tous les Chrestiens de son seruice, se mit à faire ruiner les Eglises & croix, qui estoient en ses terres, pour accomplir entierement le vœu par lui fait à ses Fotoques. Il fut exprés aux Isles d'Amacusa, Xiqui, & voisines: commanda à ses Lieutenans de faire abarre toutes les Eglises, excepté deux, esquelles nos Peres faisoient ordinairement le seruice; ou les appliquer à quelque autre vsage, auquel ils les trouueroient plus commodés. Autant en ordonna-il des croix. O quel creue-cœur à nos Peres, & aux Chrestiens! Si n'y auoit-il autre remede que de pleurer, & leuer les yeux au Ciel vers Dieu; les maisons duquel ce barbare ruinoit. Il se trouua nombre de Chrestiens, lesquels sçachans que les officiers de Tarazaba deuoient abarre leurs Eglises, s'en alloiēt les visiter pour la derniere fois, & deplorer leur desolation.

20  
Constance  
de Michel,  
laboureur

APRES la ruine des croix & Eglises, les officiers de Tarazaba se prindrent aux Chrestiens, pour les detraquer de leur foy & Religion. Mais Dieu leur donna telle force & constance, que de dix mille Chrestiens qu'il y auoit en ces Isles, il s'en trouua fort peu qui manquassent à leur deuoir. Au contraire plusieurs voians qu'on les vouloit debaucher, commencerent à porter leurs chapellets & reliquaires au col, pour paroître ce qu'ils estoient. Particulierement vn bō laboureur nommé Michel, auquel vn officier de Tarazaba commanda de cacher son Rosaire, qu'il portoit en escharpe, voire le sollicita de renoncer à la foy: le n'en feray rien, dit Michel, je perdray plustost la vie. A quoi l'officier ne pouuant mettre autre remede, fit deffendre à son de trompe, que personne ne portât plus à decouuert ny chappeller, ny reliquaire, ny autre marque de Chrestien. En quoi pourtant il ne fut obeï.

VNE Damoiselle Chrestienne, appellée Marie, natieue des Isles de Gotto, aiant esté enleuée par force, menée à Firoxima, où le Mory tenoit lors sa Cour, & là mariée à vn gentil-homme Payen, avec lequel elle viuoit assés paisiblement, se

confessant & consolant souuent avec vn de nos Peres. Mais IESVS-  
 depuis que le Mory eut trāsporté sa demeure en Amanguci, CHRIST  
 & chassé nos Peres de toutes ses terres, cete bōne Damoisel. 1604.  
 le n'eut plus moien de vaquer à ses deuotions, ny conuerser  
 avec les Chrestiens, parce que son mari l'empechoit, voire  
 la sollicitoit de renoncer à la foy. Il la molesta tant, qu'en fin  
 elle lui dit clairement, qu'il desist de l'importuner da-  
 uantage, ou qu'il lui permît de se retirer en lieu, où elle peût  
 librement seruir au vrai Dieu, qu'elle preferoit à l'amour du  
 mari, des enfans, des biens, & de toutes les commodités du  
 monde.

21

Marie fem-  
 me fort  
 constante.

Le mari fut merueilleusement étonné & irrité de cete re-  
 solution, & contesta quelque temps, mais en fin il flechit.  
 De ce diuorce nāquit vne nouuelle contestation & dispute  
 pour leurs enfans. Car la mere les vouloit emmener tous  
 avec soi : & le pere les desiroit retenir en sa maison. Si qu'il  
 fut besoin de recourir à l'autorité du Gouverneur, lequel  
 ordonna que suiuant la coutume du Japon, la mere emme-  
 nerait les filles, & le pere retiendrait les garçons. Elle laissa  
 donc trois masles à son mari, se retira avec deux filles à Nan-  
 gazaqui, bien pourueüe de toutes choses necessaires, par  
 l'ordonnance de son mesme mari. Arriuée qu'elle fut là, elle  
 se presenta soudain à la confession: puis receut le sainct Sacre-  
 ment de Confirmation, & fit baptizer ses filles. Comme  
 Dieu lui donna le courage de quitter tout le temporel pour  
 son sainct amour, aussi lui fournit-il liberalement tout ce  
 dont elle auoit besoin pour la consolation de son ame; telle-  
 ment qu'elle se rendit vn parfait miroir de vertu Chrestien-  
 ne.

22

Enfans par-  
 tagés entre  
 mari &  
 femme.



An de 318  
IESVS.  
CHRIST  
1604.

LIVRE XV. DE L'HISTOIRE

*Constance de Sacojamon Iacques, & autres Chre-  
stiens, refugies au Roiaume de Saxuma.*

CHAPITRE IV.



LE Sieur Iacques Mimafaca fut chef des Chre-  
stiens, lesquels durant les derniers troubles du  
Iapon sortirent des terres du Sieur Augustin,  
& se retirerent au Roiaume de Saxuma, ainsi  
que nous auons deduit ci-dessus. Madame Isa-  
beau la vetue, & Sacojamon Iacques son fils aîné, tenoient  
dans leur logis vn Autel bien dressé, garni d'images, & au-  
tres pieces de deuotion: Les Chrestiens s'assembloient là  
pour faire leurs prieres. Ainsi apres Dieu, ce bon Seigneur  
& sa mere, conseruerent la Chrestienté de ce lieu, parmi vn  
peuple le plus adonné à la superstition des idoles, qui fût  
en tout le Iapon. Ils firent aussi paroistre leur vertu & con-  
stance en la foy, particulièrement lors que le Roy de Saxu-  
ma voulant marier Iacques avec vne sienne parente, se mit  
en deuoir de le distraire premierement de la foy Catholi-  
que. A quoy Iacques, quoi qu'il n'eust passé quatorze ans,  
respondit neantmoins hardiment, que pour tous les biens,  
honneurs & plaisirs du monde, il ne feroit ce coup-là.

LE Roi de Saxuma le voiant si resolu, ne voulut passer ou-  
tre, ains remit l'affaire à quelque autre cōmodité. Quelques  
mois apres, Iacques estant allé à Cangoxima, où le Roi re-  
noit ordinairement sa Cour, vn des plus grāds Seigneurs du  
païs, & comme Lieutenant general du Roi, mais Payen, l'aiāt  
rencontré, lui dit entre autres choses, qu'il deuoit donner  
ce cōtētement à son Roi, & quitter le Christianisme. Le jeu-  
ne homme se teût, & ne respondit mot, sans changer neant-  
moins de cōtenance. Qui fut cause que ce bon Seigneur lui  
parla plus doucement & amplement des faueurs qu'il pou-  
uoit attēdre de son Prince; sans oublier que l'âge ne lui per-  
mettoit pas de bien cōsiderer l'importance de l'affaire: mais

Liu. 13.  
nomb. 47.

23  
Mimafaca  
Iacques.

qu'avec le temps il la cognoitroit mieux ; & se soumettroit de son plein gré aux volontés du Roi son Seigneur.

IESVS-CHRIST

IACQUES voit qu'il n'estoit plus tēps de se taire, lui répōdit non en termes d'ēfant, quoi qu'il fût encore bien jeune, mais en braue & courageux caualier Chrestien, Qu'il se recognoissoit grādemēt obligé à sa Majesté, pour le soin paternel qu'il auoit de l'auancer, & colloquer beaucoup plus auantagenement que sa qualité ne meritoit. Mais si c'estoit au prejudice de la foy Chrestienne qu'il professoit ; que toutes les grādeurs & richesses du monde ne l'endetourneroiēt pas ; non pas les tourmēs, ny la mort mesme. Répōse qui étonna tellement cet idolatre, qu'il ne fit autre instance à l'ēfāt, ains loüa grandement la foy Chrestienne, de ce qu'elle fournissoit vn tel courage, à ceux qui en faisoient profession. Et dit qu'il ne se pouoit faire que la loy Chrestienne ne fût sainte, veut qu'elle rendoit les enfans mesmes si hardis & resolus, qu'ils aimoient mieux tout perdre que de l'abandonner.

1604

24

sa constan-  
ce.

DEPVIS cōme Iacques alloit souuent en Cour, pour seruir le Roi à son tour, estāt couché sur l'estat de sa maison, vn de ses gens, voiant qu'il portoit vn reliquaire au col, lui dit: Monsieur, puis que le Roi desire vous auancer, parauenture seroit-il bon de cacher ce reliquaire. C'en est pas la premiere fois que le Roi me l'a veu au col, répondit Iacques ; & pour l'honorer dauantage, je lui en veux faire voir vn plus gentil: Et de fait en tira vn autre plus beau & plus riche, qu'il auoit sur soi : le pendit à son col, & le porta deuant le Roi ; lequel ne perdāt pas pour tout cela esperāce, de le retirer du seruice de Dieu, lui en fit de nouueau parler par vn tiers, à la mode du Iapō. Cet tiers fut vn des plus proches de Iacques, & celui qu'il auoit choisi pour guide & protecteur en toutes ces affaires, lequel enuoia en vn iour quatre messagers à madame Ysabeau, pour l'induire à conseiller à son fils, qu'il se rengāt à la secte des Bonzes que le Roi suiuiot.

25

Son reli-  
quaire.

LA vertueuse Dame qui ne cedit en rien au courage de son fils, répondit constamment, que Iacques ne renonceroit pas à la foy Chrestienne, quand on lui dōneroit les trois Roiaumes de Saxuma ; non pas pour tous les biens du monde ; & qu'il le supplioit de ne parler plus de cet affaire. Toute

16

Courage  
de sa mere.



**IESVS-CHRIST** la famille prit la mesme resolution. Dequoi cete bonne Dame tres-aïse, & craignant neantmoins quelque trait de persecution, voulut qu'on fit chez elle l'oraison de quarante heures, à ce qu'il pleût à Dieu disposer du tout à son plus grand honneur & gloire.

27  
Oraison  
des quarante  
heures.

**IACQUES** & ses pages la commencerent, & les autres domestiques suivirent chacun à son rang. Il avoit accoutumé de se coucher soudain que la nuit estoit close, & l'employer toute au repos. Mais il ne ferma l'œil toute celle-là; ains la passa allant & venant par la maison, pour avertir ses gens, chacun à l'heure qui lui estoit escheüe, de prendre garde si quelqu'un sommeilloit en priant. L'oraison des quarante heures finie, il demanda à sa mere, si les enfans pouvoient estre martyrs aussi bien que les hommes faits. En cete matiere, il n'y a point de difference entre les petits & les grâds, lui respondit sa mere. Quiconque donne sa vie pour l'honneur de Dieu, & de sa sainte foy, est honoré en terre, & receu au Ciel pour martyr. Ce qu'ayant oüi, il tira son reliquaire du sein, le baïsa, le mit sur sa teste: puis le serra comme deuant; tousiours riant, & tressaillant d'une sainte joie. Voila le fils, la mere, & toute la famille disposée à mourir pour la foy de **IESVS-CHRIST**. Mais le Roi averti de leur admirable courage, se deporta de plus les importuner.

28  
Constance  
de Iacques.

**DVRANT** ces menées, vn de nos Peres qui demouroit au College d'Arima, fut visiter le Roi de Saxuma, qui le receut avec beaucoup d'honneur. Il vid aussi fort particulièrement les Chrestiens, qui lui racontèrent tout ce que dessus: mais bien plus au long. Iacques se confessa, sans donner la peine au Pere, qu'il oïoit, de lui demander vn mot; tant il s'accusoit parfaitement. Il ne voulut pas neantmoins partir de l'Eglise sans lui faire la reuerence, & l'asseurer que iamais il ne varieroit en ce qui estoit de la foy & creance. Quoi qu'on me dise, quoi qu'on me fasse, je seray tousiours Chrestien, lui dit-il; & ce avec vne telle hardiesse & resolution, que le Pere en pleura de joie.

**IACQUES** n'estoit pas seul en cete constance. Voici vn grâd Architecte qui le secôdoit. Le Roi de Saxuma entreprit de bastir vn magnifique temple à Fachiman, Prince des batailles,

raillies, auquel luy & les siens se disent estre fort deuots, IESVS-  
pour se faire estimer braues guerriers. Pour rendre l'œu- CHRIST  
ure plus parfait & accomply, il en voulut donner la dire- 1604.  
ction & surintendance à vn Chrestien, homme tres-bien  
versé en l'architecture, tres-actif en tout ce qu'il entre- 29  
prenoit. Mais il remercia le Roy de l'honneur qu'il luy Architec-  
faisoit, de l'estimer capable de conduire vn tel ouurage, bon Chre-  
disant qu'en tout autre sujet il luy rendroit tres-humble stien.  
& tres-fidel seruice ; Mais en ce qui concernoit les Ca-  
mis, Fotoques, & semblables demons, il ne s'en pouuoit  
mesler, sans interest de la loy Chrestienne, pour laquel-  
le il estoit prest de mettre sa vie. Responcé que le Roy  
ne prit pas en mauuaise part, comme plusieurs auoient  
creu qu'il feroit ; ains en tira sujet de le priser dauanta-  
ge, comme personne de valeur, & qui faisoit plus de cas  
deson salut, que des biens temporels, voire de sa propre  
vie.

*Trauerfes que le Mori Roy d'Amanguci, donna  
cete année à la Chrestienté qui viuoit  
en ses terres.*

## CHAPITRE V.



N des plus acharnez ennemis de nostre sain-  
cte Foy qui vescu en ce temps au Iapon, estoit  
le Mori, ou Moridono, Roy d'Amanguci, qui  
s'estoit veu possesseur de huit ou neuf Royau-  
mes; & lors se trouuoit reduit à deux, la ville  
capitale desquels estoit Amanguci, où il tenoit  
sa cour, & d'où deux ans auparauant il auoit chassé nos Pe-  
res. Qui fut vne grande affliction pour les Chrestiens, & oc-  
casion qui fit manquer quelques-vns à leur Foy. Ce dange-  
reux homme ne cessoit de faire paroistre la haine qu'il por-  
toit aux Chrestiens; & nos Peres ne laissoient passer aucune  
occasion qui se presentast pour les visiter & consoler. A quoy

30

Mori Roy  
d'Aman-  
guci.



IESVS-les obligeoit particulieremēt la constance de quelques bra-  
CHRIST ues vieillards baptizés par S. Xavier, & par son successeur le  
1604. P. Cosme de Torrez. Le plus remarquable estoit Melchior  
Bujendono, comme il fit paroistre au rencontre que iem'en  
vay brièvement deduire.

31  
Melchior  
Bujendo-  
no.

Vn peu auant que le Mori retournaſt de Meaco, où il  
estoit allé pour estrener le Cubo, à ce nouuel an, Mel-  
chior conuia chez ſoy Saxodono, intime amy du Mori,  
& ſon Lieutenant General, mais ennemy couuert des Chre-  
stiens, quoy qu'à l'exterieur il fit demonstration de les  
cherir. Apres auoir banqueté à leur mode, Saxodono com-  
mence à parler de nostre ſaincte Foy, & dire entre cho-  
ſes, qu'à ce qu'il en auoit apriſ, ce n'estoit pas vne loy de la-  
quelle on deũt faire grand cas que la Chrestienne. Et de  
fait l'experience monstroit que le monde n'en auoit pas  
grande opinion, veu que perſonne de qualité ne la rece-  
uoit. Vray eſt, dit-il, que quelques grands Seigneurs l'ont  
cy-deuant embrassée. Mais mal leur en a priſ. Teſmoins  
Augustin Seigneur d'Amacufa, Constantin Roy de Bungo,  
& autres.

A quoy Melchior repartit : Ce n'est pas merueille,  
qu'un homme ſi engagé dans les tenebres de l'idolatrie,  
& obſtiné en ſes erreurs Payennes, comme vous, n'aie pas  
grande opinion des myſteres diuins. Vos yeux ne ſçau-  
roient ſuporter l'éclat de la lumiere celeſte. Mais quelle  
raiſon auez-vous de dire que les perſonnes de marque, qui  
ont embrassé la loy de Dieu, ne s'en ſont pas trouuez bons  
marchans ? Le Mori voſtre Maiſtre, qui eſt ſi deuot aux  
Camis & Fotoques, a-il pas perdu la plus grande par-  
tie de ſes Eſtats ? Ancolugi le Bonze, ſi grand prote-  
cteur des Sectes du Iapon, Gibunoſcio, & tant d'autres  
de vos Collegues, ont-ils pas perdu leurs biens, & leurs  
vies ?

32  
Sabouta-  
de.

Vous auez beau dire, repliqua Saxodono, La verité eſt  
que perſonne de marque ny de valeur, ne ſuit le Chriſtianif-  
me. Sur quoy Melchior changeant de ton & de contenance,  
Et quoy, dit-il, en la maiſon du Mori, n'y tiens-je pas vn  
auſſi honorable rang que vous ? Pourquoi auancez-vous

vous à mon nez que personne de valeur ne fuit le Christia-  
nisme? Et se laissant gagner à la cholere, mit la main à son  
poignard. Mais Saxodono esquiua le coup, & gaigna la por-  
te. Melchior s'apperçeut incontinent qu'il auoit outrepas-  
sé les bornes de modestie, le voulant offencer dans son logis,  
courut apres, & lui cria mercy de cét excès, protestant qu'il  
n'auoit eu intention de l'offencer. En confirmation de quoy  
il adjousta: Si vous me voulez oster la vie, comme à vn Chre-  
stien, vous le pouuez faire. Je ne me mettrai point en deffen-  
se. Ce que disant, il abatit le colet de sa robe, & luy rendit  
le col tout nud, comme celui qui attendoit le coup de la  
mort. Mais les autres conuiez amadouïerent Saxodono, &  
firent tant qu'il se remit à sa place, s'excusa enuers eux; &  
peu de temps apres prenant congé de Melchior, luy promit  
ne parler iamais de cét accident.

LE Mori estant retourné de la cour, commença à trai-  
cter avec ses intimes, des moïens d'esteindre totalement  
le nom Chrestien en ses terres. Et sçachant bien que Mel-  
chior estoit le principal appui des fideles, il mit en delibe-  
ration, s'il vaudroit mieux commencer par luy, afin que  
tous les autres se rendissent à son exemple; ou attquer  
les autres, afin que se trouuant seul il se rendit plus  
aisement. Melchior fut auerty de tous ses desseins; &  
les decourrit seulement à quelques Chrestiens, les ad-  
uertissant de se decharger hardiment sur luy, parce qu'il  
perdroit plutost la vie, que manquer à la foy Chrestien-  
ne.

L'affaire bien balottée, le Mori resolut d'attaquer Mel-  
chior, se persuadant que le chef abatu, les mēbres n'auoiēt  
moien de se reuolter. Il luy enuoia donc trois hommes de  
marque, pour le sommer de reprendre la loi de ses ancestres.  
Melchior respondit hardiment, qu'en toute autre chose il  
obeïroit volontiers à son Prince; mais qu'on ne luy parlast  
point de quitter la foy de Iesus-Christ. Je perdrai plutost la  
vie, dit-il. S'il lui plaist me faire mourir pour cete querele,  
ie le supplie bien humblement de me faire trainer au preala-  
ble trois fois par toute la ville d'Amanguci, par les escor-  
cheurs d'aines, & de cheuaux, les plus miserables qu'on



IESUS-CHRIST pourra recouurer, le trompette criant qu'on me traite de la façon, parce que ie suis Chrestien.

1604.

34  
Sa con-  
stance.

LES Messagers tous estonnez de cete constance, luy presenterēt en premier lieu l'euident danger auquel il s'exposoit, par vne tant resoluë réponse, & comme ils l'appelloient, temeraire. En second lieu ils luy firent entendre la facilité avec laquelle il pouuoit remedier à tout, dissimulant à l'exterieur, comme plusieurs autres auoient prudemment fait, disoient-ils. Mais le vaillant Champion de Iesus-Christ, ne demordit rien de sa resolution, ains craignant que la compassion que ces messagers montroient luy porter, ne les empechast de rapporter fidelement sa réponse au Mori, il la lui enuoia par escrit.

35  
Rodomon-  
tade plai-  
sante.

LA réponse que les Messagers rapporterent de bouche, ny la letre de Melchior, n'empecherent pas que le Mori n'employast encores vn sien Lieutenant general, & quelques autres Seigneurs pour le sonder derechef. Mais ce fut en vain. Car Melchior apres auoir rabatu tous les coups qu'ils luy lancerent, leur dit comme par mocquerie: Si ie recognois desormais que pour estre Chrestien vous ne me voiez pas de bon œil, ny le Mori pareillement, ie me retireray de vostre amitié, & de son seruice. Et aduenant que le Japon change de Monarque, comme ie sçai tres-bien les routes & auenuës de ces Isles, & que le peuple m'affectionne grandement, ie trauailleray à le conquerir. Que si j'en deniens Seigneur vous le paierez. Cete rodomontade les fit éclater de rire, & changer de propos.

36  
Cami  
Pouilleux

LE Mori sçeut tout ce qui s'estoit passé, & trouuant Melchior inuincible, dit par arrest definitif. Il n'est jà besoin de perdre plus de temps apres cēt homme: laissons-le viure à sa façon. C'estoit vn idolatre si eperdument adonné au Culte des Camis & des Fotoques, qu'il n'y auoit sorte d'idole qu'il n'adorast. Si bien qu'il fit bastir deux ou trois temples au Cami pouilleux, religion iouïe ailleurs, & tres-ridicule au Japon mesme. Quelques nobles Chrestiens qui suiuoient sa cour, & cognoissoient bien son humeur, asseuroient que quand bien tout le Japon se conuertiroit à la Foy Catholique, le seul Mori pe rsisteroit en son opiniatre idolatrie.

SAXODONO auoit en sa maison vn jeune Chrestien, <sup>IESVS -</sup>  
 nommé Mancio, que le Mory mesme cherissoit fort pour ses <sup>CHRIST</sup>  
 rares parties. Celui-ci estant allé au Roiaume de Quanto, <sup>1604.</sup>  
 d'où il estoit natif, pour induire ses pere & mere à se rendre

Chrestiens, fut mené par son pere, en vne maison de Bonzes, pour estre peruerti. Ils entrerent tous deux vers le Supérieur du lieu, qu'on tenoit pour grand Docteur. Le fils portant au col vn chapellet d'os de cheual marin. Le Pere plein de presomption, que le Bonze qui estoit son grand ami, desabueroit le jeune homme; comme il parloit, ils rencontrerent ce venerable Bonze, balliant vn petit jardin tout proche de sa demeure, suiuant la coutume des plus reformés de son ordre. Apres les complimens ordinaires, le Bonze salua derechef & particulièrement le jeune homme, vsant de certains termes Chinois qu'il ne peut entendre. Mais comme il estoit sur ses gardes, & ne vouloit donner aucun auantage au Bonze, il lui respondit, *Credo in Deum.*

27

Mortifica-  
 tion des  
 Bonzes.

LE Bonze bien étonné du langage que l'enfant lui tenoit, & desirant en auoir l'intelligéce, lui dit en Iaponois: Je vous ay salué selon nostre coutume, en termes Chinois, qui signifient, Comment estes-vous peu venir ici, vn serpent de fer estant sur le chemin; c'est à dire, Ce conuent estant si fameux en sapience, & du tout inuincible, comment aués-vous eu la hardiesse de vous y adresser? Vous m'aués respondu en termes que je n'ay peu entendre. Mancio les lui declara; & prit de là occasion de discourir de la Toute-puissance de Dieu; comme il est vn en essence; trois en personnes; a créé & gouuerne le monde: de l'immortalité de l'ame, & autres poincts de nostre foy, que le Bonze, & les assistans trouuerent fort conformes à la raison; mais non à leurs passions ny à leurs cōcupiscences effrenées. Si firent bien les pere & mere de Mancio, lesquels l'ayant souvent oüi discourir des mysteres de nostre foy, lui promirent d'aller au Catechisme, & receuoir le sainct baptesme. Voila le fruit qu'il attendoit de son voiage.

IE clorray ce qui concerne la ville d'Amanguci, par vn cas, qui confirma grandement les Chrestiens en leur foy. C'est que le Mori reuenant de la Cour du Cubo; se logea



IESVS-chez Saxodono, lequel pour lui faire place, fit porter ses  
CHRIST meubles en la maison où nos Peres auoient accoutumé d'ha-  
1604. biter dans Amanguci, la faisant accommoder à sa fantaisie.

38  
Chapelles  
respectées.

Combien qu'il respectât nostre Chapelle, &cōmanda qu'on l'enuironnât toute de muraille, de peur que ce saint lieu ne fût profané, disoit-il. O que la force de la verité est grande; & les jugemens de Dieu cachés.

39  
Satan en fi-  
gure de re-  
nard.

A v mois de Iuin suiuant, le malin esprit se saisit du corps de la femme de Saxodono, lequel eut soudain recours à vn forcier, & lui commanda de faire passer ce maudit hoste au corps d'une de ses chambrières. Ce qui fut aussi-tost executé. Le demon enquis pourquoi il s'estoit emparé du corps de la femme de Saxodono, respondit, Que cete maison appartenant aux Prestres venus d'Europe, il auoit esté commis pour la garder dès qu'ils en furēt chassés. En cōfirmation de quoi quelques Chrestiens dignes de foy, asseurerent que souuent & de plein iour, on auoit veu courir de chambre en chambre vn renardeau, figure que le diable prend souuent au Iapon, ainsi que nous auons touché ailleurs. Cete nouuelle arriüée aux oreilles de Melchior, il dit à Saxodono: Tenés pour asseuré que comme la ville d'Amanguci a esté la premiere pierre de l'Eglise Chrestienne au Iapon; cete maison & la Chapelle doiuent retourner és mains des Peres qui les premiers nous ont preché la foy, & residé en ce logis. Ne faites pas estat de vous y habituer. Mal vous en prendroit. A quoi Saxodono respondit, qu'il auoit déterminé de la quitter, & en sortiroit soudain que son Palais de Fangiu seroit habitable.

Lin. 1.  
Nomb. 46.

*Residence de Facata, & Aquizuqui au Roiaume de  
Chicugen, & Mission vers Chicungo.*

## CHAPITRE VI.



AINOCAMI Seigneur de Chicugen, ne s'estoit pas montré tant affectionné à la Chrestienté, comme on esperoit, iusques à cete année, que son pere estât decedé, on remarqua qu'il estoit notablemēt changé, & porté à fauoriser la foy Catholique, & ceux qui en faisoient profession. Le bō vieillard mourut en la ville de Fuximi, où estoit pour lors la Cour du Cubo, Monarque du Iapon, & recommanda à son fils qu'il fit porter son corps à Facata, pour estre enseueli en nostre Eglise, laissant par testament plus de mille escus pour la fabrique d'icelle. Les funerailles furent fort pompeuses. Caïnocami mesmes y assista, & plusieurs Payens qu'il tenoit à ses gages; portant chacun son cierge en main, & loüerent grandement les ceremonies Chrestiennes, la deuotion que nos Peres, les Dogiques & Chantres y apportoint; bref la netteté & bel ordre qu'on y gardoit.

40

Caïnoca-  
mi fauorise  
la foy.

APRES l'office, Caïnocami fut chez nous, où il n'auoit iamais mis le pied; & remercia fort affectueusement nos Peres, de l'hōneur qu'on auoit fait à son pere. Puis leur enuoia mille sacs de ryz, tāt pour les frais des funerailles, que pour distribuer aux pauvres: finalement il donna cōgé à tous ses sujets de se baptizer & viure Chrestienement; declarāt qu'il eût volontiers receu le saint baptesme, sans le respect qu'il portoit au Cubo, duquel dependoit son estat & sa vie.

IL voulut aussi comme Payen, & homme fort politique que les Bonzes fissent encore les honneurs funebres de son pere, à leur mode. Ce qui fit apprehender à quelques Chrestiens qu'ils ne fussent plus magnifiques que ceux qu'on auoit celebrés en nostre Eglise. Mais il arriua tout au rebours. Qui fut cause que Caïnocami declara par plusieurs fois, & en diuerses assemblées, qu'il nous étoit



IESVS-  
CHRIST  
1604.

41

Baptizés  
en nombre.

grandement redeuable, pour les funerailles des son feu pere. On baptiza cete année mille six cens quatre, tant en la cité de Facata, comme en Aquizuqui, & au reste du Roiaume de Chicugen, près de huit cens personnes, parmi lesquelles il y auoit nombre de nobles & gentils-hommes, & entre autres vn jeune soldat, qui se conuertit pour auoir veu la solemnité & deuotion, avec laquelle les susdites obseques furent faites. Ce fut au desceu de son capitaine, grand Seigneur idolatre, lequel en aiant eu le vent, en fut extrêmement marri, & lui commanda de renōcer soudain au baptême; & ce avec tant de rigueur, & menaces, que ses camarades craignans que pis en arriuat, lui conseillerent de renoncer de bouche, & retenir la foy en son cœur. Le jeune homme cuidant qu'il n'y eût pas de mal à l'exterieur, veu qu'il ne changeoit rien en l'interieur de son ame, respondit à son maistre, comme ses amis lui auoient conseillé, & le contenta. Le lendemain s'en estant allé à l'Eglise, il raconta tout ce qui s'estoit passé à vn Chrestien, qui lui fit recognoitre la faute qu'il auoit commise. De quoi le jeune homme bien marri, pour en faire penitence, fit entendre à son capitaine qu'il estoit Chrestien, & resolu de viure tel au peril de sa teste. Offroit neantmoins de le seruir volontiers en toute sorte d'office, pour bas & vil qu'il fût, sans prejudice de sa foy & croiance. Le capitaine entrant en colere, le menaça de le tuer. De quoi le soldat ne s'esbahit nullement; ains pour montrer son courage, & comme il desiroit mourir pour la confession de la foy Chrestienne, enuoia son espée & son poignard à son capitaine, lui signifiant qu'il ne pretendoit mourir en combatant comme gendarme, ains presentant son col nud au glaïue, comme Chrestien. L'affaire estoit en termes d'aller plus auant, sans vn gentil-homme parrin de baptême de ce soldat, lequel interceda tellement pour lui, que le capitaine se contêta de le mettre hors de ses troupes, desnüé de toutes commodités, voire de ses propres armes & habits. Mais son parrin le retira, & pourueut de tout ce qu'il auoit besoin pour viure honorablement.

42

Cheute  
d'un soldat,

43

La peni-  
tence.

Vn Seigneur Gentil aiant oüi ce cas, fut voir le Capitaine son grand ami, & lui dit que c'estoit chose admirable, de  
voir

voir les Chrestiens si prompts à mourir pour leur loy. Et ad-  
ioustâ: l'ay aussi chez moy vn seruiteur Chrestien, lequel ie  
n'ay iamais peu faire resoudre à retourner vers les Camis. Ie  
me trouue si las & recru de l'en importuner, que ie suis re-  
solu de le laisser viure à sa mode.

En la ville de Ianegaua, capitale de Chicungo, y auoit  
vn Payen qui desiroit extremement se faire Chrestien, &  
n'attendoit que la venuë de quelqu'un de nos Peres pour  
accomplir sa deuotion. Cependant vne espouuentable fi-  
gure lui apparut de nuict, & lui commanda de se fendre le  
ventre. Figure & voix qui demeurerent tellement emprain-  
tes en son cerueau, qui luy sembloit ne voir ny ouïr autre  
chose. Satan l'importuna tant, qu'il obeït à ce pernicieux  
conseil, & se fendit le ventre en croix. Il n'en mourut pas  
soudain pourtant. Plusieurs accoururent au bruit, & en-  
tre autres quelques Chrestiens, qui scauoient desia son de-  
sir, l'exhorterent de se repentir de cét attentat, & recevoir  
le S. Baptisme. Ce qu'il fit, & bien-tost apres rendit l'ame à  
son createur.

44

Illusion de  
Satan.

Vn de nos Peres faisant chemin par ces quartiers là, ap-  
perçeut de loin vne grande multitude de gens, assemblez  
pour voir executer vn criminel. Il y courut, & obtint du  
magistrat, quoy que Payen, congé de l'aboucher. Il luy  
declara le bien qu'il pouuoit gagner ou perdre sur l'heu-  
re: l'instruisit autant que la briefuete du temps le permet-  
toit, & ne partit pas de là qu'il ne l'eust mis au droit che-  
min du ciel, l'ayant introduit en l'Eglise Chrestienne par la  
porte du saint Baptisme. Grand signe de predestination  
pour cete ame, qui s'en alloit à iamais perdue sans cét ino-  
piné, mais heureux rencontre.

45

Criminel  
sauué.

Le mesme Pere continuant son voiage, aperçeut dans  
le fossé d'une forteresse, vne vieille femme idolatre, que la  
violence de certaine maladie auoit precipité là, pour y  
mourir comme vne beste. La curiosité auoit attiré autour  
d'elle grand nombre de faineans, qui attendoient qu'elle  
rendit le dernier soupir, sans lui donner autre aide ny se-  
cours. Le Pere y descend, la tire de là, & la fait porter en vn  
logis voisin, la catechise, la conuertit, la baptize, l'assiste

46

Femme  
baptisée.



An de 330

LIVRE XV. DE L'HISTOIRE

IESVS- iusques à tant qu'elle eust expiré. Traict de charité qui ra-  
CHRIST uit en admiration les Payens qui le virent.

1604.

*Residence de Cosura au Royaume de Bugen,  
Firoxima & lieux circonuoisins.*

CHAPITRE VII.

47

Cosura  
chef de  
Bugen.



OSURA estoit cete année la capitale du Roy-  
aume de Bugen, & l'ordinaire demeure de la  
cour. Il n'y auoit que deux ans ou enuiron que  
Iecundono Nangaloca l'auoit reduite en forme  
de ville. Si se trouuoit-ellejà peuplée de sept  
mille feux, ceinte de hautes & fortes murailles, & de fossez  
à fonds de cuue. C'estoit le passage ordinaire pour aller  
des quartiers de Ximo, vers Meaco, & partant lieu tres-  
propre pour la publication du saint Euangile, & cōuersion  
des ames. On y baptiza cete année quatre cens personnes  
d'âge. Le plus remarquable de tous les Chrestiens, nommé  
Henry Fayto, intime amy de Iecundono, inuita le iour de  
Pasques tous les Caualliers, Marchans & autre Chrestiens  
demarque, & les traita magnifiquement en nostre maison;  
comme sa femme, nommée Agathe, festoia chez soy toutes  
leurs femmes. C'estoit pour renouueller les agapes de la  
primitiue Eglise.

48

Iecundono  
& les fune-  
railles de  
sa femme.

IECVNDONO estoit encore Payen; si est-ce qu'il vouloit  
que tous les ans, & le dix-septième iour de Septembre, on  
celebrast en nostre Eglise vn anniuersaire, pour l'ame de feu  
Madame Grace sa femme. Il n'y peut assister cete année,  
parce qu'il estoit malade; mais il y enuoia la plus grande  
part de sa cour; & outre les aumosnes, qu'il fournit pour  
estre distribuées aux pauvres, par les mains de nos Peres, fit  
present au Superieur de nostre maison, de sept criminels  
qui auoient esté condamnez à la mort. Dequoy le Pere  
Superieur l'ayant remercié, comme du plus précieux don

qu'il luy eust peu offrir ; Il est bien petit, respondit Iecundono, i'en veux bien donner dauantage pour l'amour de ma feuë femme. Et dès le lendemain luy enuoia tous les criminels qui tenoient prison, iusques au nombre de vingt. Traict de liberalité qui estonna les Payens, & obligea tellement ces bonnes gens (qu'on affranchit incontinent) qu'ils supplierent le Pere de les faire instruire & baptizer. Ce qu'il leur accorda volontiers. Par ce moien ils furent doublement libres.

TELLES & semblables faueurs que Iecundono, quoi que Payen, faisoit à nos Peres, estoient cause que la foy Chrestienne s'estendoit grandement en ses terres & lieux circonuoisins. Car il estoit tenu pour vne des plus sages testes du Iapon; & iamais ne parloit des Chrestiens, ny de leur foi, qu'en tres-bonne bouche, il oioit volontiers les leçons du Catechisme, & disoit mille biens de nos Predicateurs. Il ne se pouuoit neantmoins resoudre à suivre & embrasser pour soy le bien qu'il prisoit tant pour les autres, pource qu'il apprehendoit trop les difficultez qui se presenteroient à luy, pour l'entiere obseruation de la loy Chrestienne. Il manquoit de confiance en Dieu. La grace du Baptisme luy en eût peu assez fournir.

FIROXIMA estoit la metropolitaine des Royaumes d'Aqui, & de Fingo, tenus par Fucuximandono, lequel y rapella cete année nos Peres, que le Mori en auoit chassés; & leur donna la plus belle place qui fût en la ville, & si capable, qu'en peu de iours ils y bastirent vne Eglise, vn logis pour les allans & venans, des classes pour les escoliers, des chambres pour nos Religieux, & tous les offices necessaires à nostre maison.

49  
Firoxima  
& nostre  
maison.

IL y auoit au deuant nostre logis vne grande place, où quelques Payens, de la secte qu'ils appellent Ynabuxi, auoient coutume de se rendre le troisieme iour de chaque Lune, pour l'adorer, si elle paroissoit. Cete adoration consistoit en certaines inclinations ou reuerences; à prononcer de certains tons quelques paroles: à faire tinter de temps en temps vne verge de metal faite en forme de sceptre, & garnie tout à l'entour de plusieurs anneaux de mesme estof-



**I**ESVS-  
**CHRIST**  
1604. fe. Vn pauvre idolatre, s'estant rendu sur le tard au milieu de cete place, & vaquant à ces superstitions, avec vn sien petit fils fort ieune, passa par là vn Chrestien qui leur dit: Vous feriez mieux d'adorer le vray Dieu Createur de la Lune, & de toutes choses, qui seul vous peut secourir en vos neceffitez. A quoy le Payen ne sçachant que respondre, se retira tout confus, & depuis ny luy ny autre, ne retourna là, pour exercer semblables superstitions.

**E**NTRE les domestiques de Fucuximadono, qui receurēt cete année le S. Baptesme, fut vn noble soldat, lequel estant Payen, nourrissoit toute vne maison de Bonzes; & depuis qu'il fut Chrestien, ne cessoit d'exhorter à ouïr le Catechisme, tous ceux avec lesquels il conuersoit. Zele que Satan contrequarroit en diuerses façons. En voici vne preuue. Vne nuit s'estant leué de son liēt pour entrer dans vne chambre de son logis; à l'ouuerture de la porte il sentit vn vent tres-chaud, qui luy donna au nez; & quand & quand veid vne figure, ou plustost fantosme, la face duquel il ne peut discerner. Sur l'heure mesme il entendit l'éclat d'vn horrible coup, rué sur le toiet du logis, à plomb sur sa teste; mais d'vne telle violence & roideur, qu'il sembloit que toute la maison s'en allât en ruine. Coup qui l'effraia tellement, que comme saisi d'vne soudaine paralysie, & perclus de ses membres, il ne pouuoit mouuoir la main pour faire le signe de la croix; ny ouurir la bouche pour inuoyer son createur, quelle force industrie qu'il y apportast. Voulant rebrousser chemin, il sentoit quelque violence qui le portoit auant. Si fit-il tant qu'il ferma la porte, & se remit sur le liēt, où dormoit vn sien petit fils de deux ou trois ans, lequel sentant son pere approcher, s'accroupit en vn monceau, & ayant jetté deux grands cris, se rendormit.

**L**E lendemain de bon matin, s'estant acheminé vers l'Eglise, suivant sa bonne coutume, il se trouua si lourd & pesant, qu'il ne pouuoit mettre vn pied deuant l'autre. Le cœur luy dit, que c'estoit quelque illusion diabolique. Qui fut cause que comme ieune homme, vif & naturellement cholerique; il mit la main à son coutelas, & se mit à outra-

51

Illusions de  
Satan.

52

Remedes  
contr'elles.

ger & defier le malin esprit. Mais rētrant plus auant en soi, & s'auisāt que si quelqu'un l'oioit brauer de la sorte, ou le uoioit ainsi au milieu de la ruë, le cimenterre au poing, sans ennemi; on le pourroit estimer forcené: il le rengaigna, & quoi qu'avec beaucoup de peine, poursuiuit son chemin iusques à l'Eglise, où il la sainte Messe, & raconta tout ce qui lui estoit arriué, à vn de nos Peres: lequel lui accorda que de si vehemens fraieurs ne venoient que du malin esprit: l'assura que Satan ne lui pouuoit nuire, qu'autant que Dieu lui permettroit; bref lui presta vne image de nostre Patriarche Saint Ignace, par l'intercession duquel ce bon soldat recongneut auoir esté deliuré de semblables assauts & fraieurs.

53  
Image des.  
Ignace.

Vn autre soldat des troupes de Fucuximadono, qui auoit esté Bonze, & si adonné au culte des Camis & autres superstitions du Gentilisme, qu'il n'auoit en sa maison porte, fenestre, cheminée, armoire, buffet, coffre ny paroy, qui ne fût chargée des billets que les Bonzes vendent pour sauuegardes, contre toute sorte de maux; aiant esté instruit & baptizé, se rendit si feruent, qu'il arracha tout ces buletins, & les mit au feu. De quoi sa femme, qui auoit esté biconi, ou nonain à la facon du Iapon, entra en telle furie, qu'elle delibera de se retirer. Mais depuis le trouuant tout changé en mieux, elle jugea que la loy qui produisoit de tels effets, & changemens si salutaires, bref enseignoit de viure si conformement à la raison; ne pouuoit estre que tres-bonne. Elle se fit donc Catechizer, puis baptizer, & vescu en bonne paix avec son jadis Bonze, & depuis bon soldat, & meilleur Chrestien.

54  
Bon exem-  
ple & sa  
force.

Vn jeune homme de noble & ancienne race, qui auoit esté page du Tayco, & seruoit cete année à Fucuximadono, moiennant vn gros reuenu estoit, de la secte qu'ils appellent de Genxu, & auoit esté exercé en certianes meditations, que les Bonzes ont coutume de donner à ceux qui ont moiien de les bien paier, ainsi que nous auons marqué ci dessus; il estoit homme de bon esprit, & disert, disputoit souuent avec quelques siens camarades Chrestiens, qui lui persuaderent en fin d'ouïr le Catechisme. Il y fut en intention de controoler le catechiste. Et de fait durant la pre-

55  
Conuer-  
sion admi-  
rable.



IESVS-  
CHRIST  
1604. miere leçon qu'il oüit, il ne fit que crier, contester, pr oposer des difficultés. En la seconde il fut plus posé & modeste. Car aiant gousté les raisons par lesquelles on lui auoit prou-

ué qu'il n'y a qu'un Dieu, Createur & Gouverneur du Ciel, de la terre, & de toutes autres choses; vne nuit faisant la sêti- nelle il se mit à cōsiderer la Lune, les Estoilles, marquer leurs cours, grandeurs, dispositions, ordreadmirable, & indici- ble varieté. En fin il se trouua conuaincu & persuadé, que tout cela ne pouuoit estre que des effets de la premie- re & vniuerselle cause de toutes les causes, que les Chre- stiens appellent Dieu. Et partant que leur seule loy ensei- gnoit la pure verité. Tellement qu'il fut baptizé, & se ren- dit protecteur de nostre sainte foy, qu'il deffendoit sou- uent l'espée au poing. Sa femme, cinq de ses enfans, & qua- si tous ses domestiques, receurēt le saint baptesme apres lui.

36  
Superstitions  
dauerses.

Vn autre gentil-homme extremement seperstitieux, & si adonné au culte des idoles, que souuent il se tenoit long- temps debout, les pieds immobiles, attendant que la Lune fût leuée: espece de mortification profane, familiere à quelques Gentils, qui sont deuots de cet astre. D'autres fois au cœur de l'hyuer il demeueroit dans l'eau froide, jusques à tant qu'elle fût dessus l'orizon. Celui-ci aiāt oüi di- re à vn soldat, qu'il n'y auoit point de salut, que pour ceux qui suiuiotent la loy des Chrestiens, fut à Firoxima pensant y trouuer vn de nos Peres; en l'absence duquel il parla à vn Chrestien, qui lui tint quelques propos de la sainte Croix; mais auec telle efficace & succès, qu'il se sentit porté d'une grande deuotion à l'honorer. De fait il en peignit vne sur quelque feuille de papier, & l'attacha fort honorablement dās la maison, bref aiāt esté amplement instruit par vn de nos Peres, chāgea toutes ses superstitions, au culte du vrai Dieu.

37  
Carême  
bien obser-  
ué.

Vn jeune hōme Chrestien, qui demeueroit parmi les infideles, ne pouuāt supputer le tēps auquel cōmēçoit le Carême jeū- na quarāte iours de la secōde & troisieme Lune, c'est à dire du mois d'Auril & de May, suiuant le calendrier du Japon, estimant que la sainte quarantaine tomboit en ce temps là. Depuis estant allé à Nangazaqui, il acheta vn calendrier perpetuel, pour trouuer les festes mobiles & immobiles.

*Maisons de Meaco, Fuximi, Ozaca & leurs  
dependances.*

## CHAPITRE VIII.



**D**es caresses que le Cubo fit au commencement de cete année au P. Organtin, furent cause que plusieurs, & des plus grands Seigneurs de sa Cour, conceurent grande opinion de la foy Chrestienne, & s'ëploierent pour nous enuers lui, particulièrement Consuquedono, par les mains duquel passoiët les plus grands affaires du Japon. Car quelques mal-veillans, aians raporté au Cubo, qu'on prechoit publiquement en nos deux Eglises de Meaco, & que nos Peres estoient inutiles au Japon, Consuquedono prit la parole, & maintint tout haut le contraire, disant que c'estoit à leur seule ombre & consideration, que les Portugais y venoient tous les ans, avec le nauire de la Chine; de laquelle tout le Japon tiroit tant de commodités. Ce que le Cubo aiant approuué, il n'y eut plus personne qui osât ouurir la bouche contre nous.

58  
Consuque-  
dono prote-  
cteur.

**V**n soldat Chrestien, s'ennuiant de seruir en la Citadelle de Fuximi, demanda congé à son Capitaine pour changer de place. Le Capitaine indigné de cete requeste, commanda qu'on trenchât la teste à ce mal-content. Il n'y eut pas faute de bandouliers, qui se presenterent pour executer cete inique sentence. Le Chrestien se pouuoit bien mettre en deffence, suiuant la loy du Japon, & en tuer quelqu'un auant que de mourir: Mais voiant les affaires tellement disposées, qu'il ne pouuoit euader la mort, il quitta les armes, & permit qu'on le garrotât, disant qu'estant Chrestien il ne vouloit vser des façons de faire des Gentils. Il prit donc son grain benit, le mit en sa bouche, s'agenouïlla, & joignit les mains, inuoquant le nom de IESVS, qu'il prononça clairement avec celui de MARIE,

59  
Soldat mal  
fortuné.



IESVS-la teste abatuë, au grand estonnement de plusieurs, mesmes  
CHRIST des Payens qui l'ouïrent.

1604.

ENTRE ceux qui receurent le baptesme cete année, fut Iusumandono, neveu de Mandocorosama, vefue du feu Tayco, & proche parent de plusieurs grands Seigneurs du Iapō; lequel on dilaia plusieurs iours, de peur que ses parens sçachans sa conuersion, n'entreprissent quelque nouueauté contre les Chrestiens. Mais son incroyable ferueur fut cause qu'on le receut au baptesme. Il disoit entre autres raisons, Je suis si foible de complexion, que je ne sçay si la mort me prendra ce iourd'hui mesme. Je ne veux pas qu'elle m'attrape viuant en beste, comme j'ay fait iusques ici. Il voulut estre nommé Pierre, & depuis son baptesme regla tellement sa maison, qu'il n'admettoit femme aucune à son seruice, chose tres-rare au Iapon. Il auoit en son logis vne Chapelle fort richement parée, la clef de laquelle il ne donnoit à personne. Il y tenoit vne clochette, pour sonner trois fois le iour l'*Aue Maria*, & la Messe qu'il y faisoit celebrer plusieurs fois la sepmaine: il se confessoit & communioit souuent.

60

Ferueur de  
Iusuman-  
dono.

61

Dame tres-  
vertueuse.

Nos Peres baptizerent aussi vne fille de feu Nobunanga, parente de la mere du Prince Fideyori, Dame grandement aimée & prisée en la Cour du Cubo, & qui par les bons exemples en attira plusieurs autres: mesme rendit le Prince tellement affectionné à nostre Compagnie, qu'un iour comme il discouroit avec un Bonze, des parties de la terre habitée, les considerant sur vne table Cosmographique, & proposant diuerses difficultés, auxquelles le Bonze se mettoit bien en deuoir de respōdre, mais ne contentoit pas l'esprit du Prince: cete Dame lui suggera d'enuoier chez nous un de ses gentils-hommes seruans, pour auoir vne mappemonde, & vne sphere. Le Superieur de nostre maison, enuoia soudain le tout au Prince, & quand & quand un de nos Religieux, bien versé aux Mathematiques, lequel discourut si clairement & pertinemment de tout ce que sa Majesté auoit demandé au Bonze, que le Prince en fut grandement satisfait; & s'estonna sur tout, de la facilité avec laquelle il lui fit conueoir les diuers mouuemens du Soleil & de la Lune, de la  
dixiesme

62

Mathema-  
tique dis-  
cours.

dixiesme Sphere qui tourne autour du monde en vingt & quatre heures, tirant du Levant au Ponant; & par ce mouvement si impetueux emporte & rait les autres inferieures, & leur fait faire le mesme tour en mesme temps. Le Bonze voulut ietter durant ce discours ie ne sçay quels traicts, qui luy succederent si mal, que le Prince se mit diuerfes fois à rire, & s'approcha de ce Messer, luy donna vne roide chiquenaude sur le nez, disant: Va Buse & Bonze ignorant, tu n'entends rien à ce mestier.

LESVS.  
CHRIST  
1604.

63

Bonze vi-  
lipendé.

Vn habitant de Saçay, homme fort renommé, & de grande autorité, qui perdoit tous ses enfans en bas âge, fut conseillé de faire baptizer celui qui luy restoit. Le petit ayant receu le S. Baptisme, commença incontinent à se porter mieux, & donner esperance de longue vie; frequentoit nostre Eglise & maison accompagné de plusieurs seruiteurs. Ce qui rendoit ses pere & mere fort affectionnés à nostre maniere de viure, & les inuitoit à se renger à l'Eglise Catholique, comme leur enfant.

Vn Chrestien homme simple, mais de bon naturel, vivant entre les infideles, se refroidit grandement en ce qui concernoit son salut. Nostre Dame luy apparut deux fois durant son repos, & le reprit aigrement de sa tepidité. Qui fut cause qu'il s'en alla à Ozaca, raconta fidelement au Supérieur de la residance, ce qui luy estoit arriué, fit vne bonne confession, & s'en retourna plein de courage, & resolu de mieux viure.

64

Apparition  
de nostre  
Dame.

En la ville de Meaco arriua cete année vn cas, lequel m'a semblé digne de memoire, quoi qu'il ne le passât entre les Chrestiens. Trois Freres qui contribuoient tout ce qu'ils pouuoient à la nourriture de leur pauvre mere, n'aians moien de l'entretenir, comme ils desiroient, & aiant ouï publier vne nouuelle loy du Iapon, qui promettoit vne riche recompense, à quiconque meneroit à la iustice vn coupe-bourse, lié & garotté; firent entre eux vne horrible conuention. Ce fut qu'un d'eux se porteroit pour coupeur de bourses, & les autres deux le lieroient, & meneroient à la iustice, pour auoir la recompense portée par la loy, & de l'argent qu'ils en tireroient, nourriroient

65

Coupe-  
bourse en  
proye.



LES VUS- leur pauvre mere. Pour sçauoir qui feroit le coupe-bour-  
CHRIST ses, ils jetterent le sort entre eux trois. Il tomba sur le plus  
1604. ieune, qui se laissa lier, mener au iuge; & aduoüa estre lar-  
ron, quoy qu'il ne le fût pas. Le iuge criminel ayant oüi  
les deux delateurs, qui seruoient de tesmoins, comman-  
da que le receueur des amandes leur comptast la somme  
portée par la loy. Ils la receurent, & se monstrent fort  
contents.

66

Jugement  
bien fon-  
dé.

M A I S auant que partir de là, ils voulurent prendre con-  
gé de leur frere, qui estoit en prison, & n'attendoit plus que  
le coup de la mort. Sur ce depart le prisonnier commença  
à pleurer; mais à chaudes larmes, comme de raison; & ses  
deux freres ne pouuant tenir les leurs, essuioient à tous  
coups leurs yeux. Le iuge qui par bon-heur se trouua sur le  
lieu, voyant que les deux prenoient congé du troisiéme, non  
comme d'un criminel ou malfaiçteur incogneu, ains comme  
de personne qu'ils cognoissoient, voire cherissoient, despe-  
cha vn de ses domestiques, pour les suiure pas à pas, & mar-  
quer le logis où ils se retireroient, ce qu'ils diroient & fai-  
roient. Tandis il fit surseoir l'exécution de la sentence, par  
lui prononcée contre le pretendu criminel.

67

Charité  
bien re-  
compen-  
sée.

LES deux freres estans arriuez au logis de leur mere,  
lui conterent tout ce qui se passoit. La bonne femme  
aiant oüi le cas, se mit à pleurer, crier & protester qu'elle  
ne toucheroit à leur or ni argent: qu'ils s'en allassent  
le jetter dans la mer; qu'elle aimoit mieux mourir de ma-  
le rage de faim, que de viure aux despens de la vie de pas  
vn de ses enfans. Le seruiteur du iuge courut rapporter  
le tout à son maistre; lequel fit mener en sa presence le  
prisonnier, l'interrogea de nouveau, & apprit par sa bou-  
che tout ce qui s'estoit passé. Le cas sembla tel au iuge,  
qu'il fut soudain en donner la nouuelle au Cubo; lequel  
s'estonna grandement de l'affection naturelle que ces  
trois enfans portoient à leur mere: les voulut voir tous  
trois, les loüa, & ordonna au plus ieune, qui s'estoit of-  
fert à la mort pour nourrir sa mere, mille taës, qui va-  
lent mille cinq cens escus de nostre monoie, de rente an-  
nuelle, & cinq cens à chacun des autres deux. Voila leur

charité bien recompensée, & tout ce que j'ay trouué de <sup>IESVS-</sup>  
 plus remarquable dans l'histoire du Iapon, pour l'an mil <sup>CHRIST</sup>  
 six cens quatre, triant ce qui m'a semblé le plus rare, & <sup>1605.</sup>  
 plus propre à l'edification du lecteur, & omettant plus  
 des deux tiers de ce que les autres en ont couché par es-  
 crit.

*Estat seculier du Iapon, pour l'an mil six cens cinq,  
 nouveau Xogun, & diuers fleaux  
 du ciel.*

## CHAPITRE IX.



LE Cubo cy-deuant nommé Dayfusama, hom-  
 me tres-paisible, prudent & rompu aux affai-  
 res d'estat, gouuernoit cete année le Iapon,  
 comme souuerain & absolu Monarque, en tres-  
 bonne paix & repos: donnant esperance que  
 ce train continueroit, non seulement pendant sa vie; ains  
 encores apres son decés. Car aiant iusques à cete heure là  
 tenu tout le Iapon en suspens, à sçauoir s'il mettroit l'Em-  
 pire es mains du Prince Fideyori, fils du Tayco, qui l'a-  
 uoit establi son tuteur; enfin il leua le masque, & fit clai-  
 rement paroistre, que non seulement il vouloit la Monar-  
 chie pour soy, ains en pretendoit la perpetuité en sa mai-  
 son & posterité. A ces fins il fit venir des Royaumes de  
 Quanto, que feu Tayco luy auoit donné en propriété,  
 soit cadet, qu'il tenoit neantmoins pour aîné, & auquel  
 il auoit desia resigné lesdits Royaumes. Ce ieune Prin-  
 ce se mit en chemin, avec toutes les forces de ses Royau-  
 mes, & des circonuoisins, arriua à Fuximi residance or-  
 dinaire de son pere, avec sept mille combattans, en tres-  
 bel ordre, & tres-riche equipage d'habits & d'armes.

Quelques iours apres il fut à Meaco, & y receut le ti-  
 tre de Xogun, avec l'appareil & splendeur que requeroit

68

Le Cubo  
 abat le  
 masque.

69

Xogun di-  
 gnité sou-  
 ueraine.



An de 340

LIVRE XV. DE L'HISTOIRE

IESVS-  
CHRIST  
1605.

telle dignité, qui est souveraine au Japon. La pompe fut comme quand en Europe l'Empereur va recevoir la couronne de la main de nostre Saint Pere le Pape, sans comparaison. Le Cubo fit incontinent courir le bruit, qu'il auoit fait prendre cete coruée & dignité à son fils, à l'imitation d'un tres-ancien Monarque du Japon, nommé Iuritonio, lequel fit le voiage de Quanto à Meaco, pour recevoir pareil degré d'honneur. Mais chacun se persuada que c'estoit pour desarçonner le Prince fils du feu Tayco, & le debouter de l'esperance en laquelle il vivoit, de succeder à l'Empire de son pere, qui luy estoit deu.

LA suite des deportemens du Cubo monstra clairement quelle estoit son intention. Car soudain que son fils eut receu la dignité de Xogun, il commença à moiennier que le Prince Fideyori le visitast, tant à raison de ce nouveau grade d'honneur, comme parce qu'il estoit son beau-pere; disant que cete visite faite, le nouveau Xogun iroit en personne visiter sa fille, espouse du Prince Fideyori. Mais Mandocorosama, vefue du Tayco, n'y voulut iamais consentir, alleguant plusieurs raisons de cour, pour excuser son fils de telle ceremonie. Que si on l'y vouloit contraindre, elle protesta de se fendre plustost le ventre, & à son fils aussi, que de permettre qu'il sortît pour cete heure là de la forteresse d'Ozaca, qui estoit son ordinaire demeure. Mais il en sortira dans quelque temps pour beaucoup moindre sujet, & ne trouuera moien d'y rentrer, comme on luy promettoit qu'il feroit apres cete visite.

LE Cubo pressa tant cét affaire, qu'il sembloit desirer que ceux qui tenoient pour Fideyori, fissent quelque tumulte, pour auoir sujet de leur courir sus, & les ruiner de fonds en comble. Mais ils se garderent sagement de luy en donner occasion. Apres plusieurs allées & venuës, dites & redites d'une part & d'autre; il fut resolu que la visite se feroit par tierces personnes, ces deux ieunes Princes s'enuoians mutuellement des ambassades d'amitié & courtoisie, avec diuers dons & presens de grande valeur. Tout cela n'empe-

70

Visite refusée par  
Mandocorosama.

chapas que Fideyori ne decheut dés lors del'esperance de succeder à son feu pere, & ne perdit la plus grande part du credit qu'il auoit eu depuis le decés d'icelui. Car bien-tost apres ce coup rué, plusieurs grands Seigneurs, mesmes de ses alliés, quitterent sa Cour, & partirent d'Ozaca, sans prendre congé de lui, le tenant deslors pour perdu, & homme duquel ils ne pouuoïent plus rien attendre pour leur auancement. Manifeste jugement de Dieu, qui rendoit à ce jeune Prince ce que le Tayco son pere auoit fait en pareil cas au fils de feu Nobunanga, l'ayant pris en sa tutele; & puis le priuant de la Monarchie. Quelques-vns ont escrit que plusieurs, & des plus grands, delogerent de la Cour d'Ozaca, sans voir le Prince Fideyori, parce que le Cubo leur auoit fait entendre qu'il degraderoit tous ceux qui se declareroient en quelque façon que ce fût, tenir le parti de ce jeune prince. Ce qui est fort probable. Si ne perdit-il pas courage pourtant, ains se maintint tellement, que depuis il combatit & le Cubo, & le Xogun, comme nous verrons en suite.

LESVS-  
CHRIST  
1605.

71  
Punition  
diuine.

Liu. 17.  
Nomb. 135.

TANDIS que le nouveau Xogun sejourna à Meaco, il se montra fort splendide & liberal, resioüissant ses vassaux par diuers dons & largesses, pour les obliger de plus en plus. Depuis il retourna vers Quanto avec les troupes qu'il en auoit amenées.

OR quoi que contre la coutume du Japon, la paix regnât sur la terre, si est-ce que le Ciel sembla faire la guerre en quelques quartiers, par deux espouuentables tempestes de vents, appellés Typhons, qui durerent enuiron huit iours. La premiere se leua sur la my-nuit, & dura trois heures. Si elle eût duré plus long-temps, peu de gens eussent échappé. On peut conceuoir l'impetuosité de ce vent, par ce qui se passa en la personne d'un de nos Peres, lequel contraint par la prochaine ruine & debris sensible du logis où il se rencontra, en sortit pour se retirer en lieu d'assurance. A peine eut-il mis le pied dehors, que le vent l'enleua dix ou douze pas loin en l'air, & s'il n'eût embrassé un arbre qu'il rencontra, il couroit grande fortune de sa vie.

72  
Typhons  
horribles.

CET orage fit surmer & sur terre un horrible degât de



**I**ESVS- tout ce qu'il rencontra, bris des barques, voire de celles  
**CHRIST** mesmes qui estoient à l'ancre, & dans le haure: arracha &  
**1605.** deracina des arbres enormémēt gros; en froissa d'autres en  
 mille pieces; emporta bien loin de sa place vn, qui pour sa  
 prodigieuse longueur & grosseur fut jugé ne pouuoir estre  
 remué de sa place, par l'effort de plusieurs centaines de per-  
 sōnes, bref enseuelit sous les ruines des maisons, vne infinité  
 de peuple. Entre autres vaisseaux vne fregate d'Espagnols,  
 venuë des Philippines, fit naufrage; & le nauire de la Chine,  
 qui estoit chargé au port de Nangazaqui, par speciale pro-  
 uidence de Dieu demeura sain & entier.

73  
 Arbre d'e-  
 norme  
 grandeur.

LA seconde tempeste suruint de iour, & fut vn peu moins  
 vehemente que la premiere. Neantmoins rencontrant ce  
 qu'on auoit à remis & restabli, peu ferme & solide; le cul-  
 buta de nouveau, & renuersa par terre, tout ce qui estoit à  
 demi ruiné par la violence du precedent orage. Elle demo-  
 lit aux Chrestiens iusques à cinquante Eglises, avec les mai-  
 sons joignantes lesquelles quoi que basties de bois pour la  
 plus part, & de moindre prix que celles d'Europe, leur cou-  
 terent neantmoins beaucoup à redresser.

74  
 Inonda-  
 tions hor-  
 ribles.

LA mer fit aussi de grands rauages en diuers païs, mettant  
 à fonds autant de nauires qu'elle trouua hors des ports: cou-  
 rant la campagne, & enseuelissant sous ses ondes plusieurs  
 bourgades de mille feux chacune. Les habitans pensans  
 euader le danger qui les talonnoit sur terre, auoient recours  
 aux barques & vaisseaux qui estoient en mer, où ils en trou-  
 uoient dauantage, à raison des vagues redoutables, qui  
 engloutissoient indifferemment tout ce qu'elles rencon-  
 troient.

*Estat de la Chrestienté du Iapon en general, pour l'an  
mille six cens cinq ; & des Peres de l'Ordre  
Saint François, lesquels y arriuerent  
de nouveau.*

## CHAPITRE X.



L y auoit cete année au Iapon dix-sept cens cinquante mille Chrestiens, outre les cinq mille quatre cens qu'on baptiza de nouveau; tous jouissans du benefice de la paix vniuerselle.

75  
Nombre  
des Chre-  
tiens.

Car quoi que le Cubo ne fût affectionné à la loy de IESVS-CHRIST; si est-ce que comme homme tres-prudent, & sur tout pacifique, il n'empechoit aucunement la propagation d'icelle. Il se trouua bien quelques Seigneurs, qui nous trauerferent, ainsi que nous dirons en son lieu; mais beaucoup plus qui seconderent nos bons desseins; entre autres Itacurudono gouverneur de Meaco, & Coxuquedono grand mignon du Cubo; lesquels aiant vne fois ouï discourir des mysteres de nostre sainte foy, y prindrēt tant de plaisir & de contentement, que depuis ils se monterent tousiours nos protecteurs, & nous aiderent de leurs moiens à bastir cete année dans Meaco, la plus commode Eglise que nous y eussions encore.

CHACVN la voioit bastir, & vn Bonze ne pouuant souffrir cet auancement pour la foy Catholique, fut versle susdit Gouverneur pour lui faire entendre, comme outre l'Eglise que nous auions en la basse ville de Meaco, avec permission du Cubo, nous en erigions vne autre dans la haute ville à son desceu. Dequoi le Gouverneur n'ayant tenu conte, le Bonze nous defera au Cubo mesme, lequel comme Prince courtois & tres-benin de nature, ne fit aucun semblant de s'en res sentir. Les Religieux Peres de l'Ordre Saint François, trauaillans à la conuersion de ces pauures Payens, coururent bien autre

76  
Eglise à  
Meaco.



LES V-S- fortune, avec les Chrestiens qu'ils frequentoient. Voici  
CHRIST comment.

1605.

DESIRANS auoir retraite asseurée dans le Japon, & aians appris que le Cubo auroit pour agreable que les vaisseaux des Philippines, & autres quartiers sujets à la Couronne d'Espagne, trafiquassent en son port de Quanto, quelques nouueau-venus lui promirent d'y faire aborder chaque année vn nauire d'Espagnols, chargé de toute sorte de denrées. Le Cubo fut tres-aïse de cet offre, leur assigna dans la ville d'Yendo vne place fort commode pour leur habitatiõ. En consequence de ce bien-fait, & de la permission de trafiquer qu'il l'accompagna, ils firent venir diuerses Fregates des Philippines; de nauire point. Et si les Fregates prenoient port, non à Quanto, ains tantost en vn, tantost en autre Roiaume, qu'ils trouuoient plus commode; disans pour leurs excuses que le port de Quanto estoit trop esloigné vers le Nort; peu asseuré, & de dangereux sejour, à cause des corsaires. Dequoil le Cubo s'indigna tellement, qu'il ne voulut donner audience à quelques-vns de ces bons Peres qui furent à Fuximi pour le visiter. Les Capitaines & pilotes des vaisseaux firent tout ce qui leur fut possible, pour excuser lesdits Peres, prenans sur eux le manquement de promesse. Mais il ne se voulut paier de leurs raisons.

77  
Promesse  
des Espa-  
gnols.

Liv. 12.  
nomb. 131.  
&c.

NOUS auons marqué ci-dessus, comme vn nauire de voleurs Holandois, aians pris port au Japon, fut confisqué, & renuoié au port de Quanto. Il y auoit dedans vn pilote Anglois, qui s'habitua en ces quartiers là, & se presenta cete année pour conduire au port de Quanto vn petit nauire des Philippines, qui auoit pris port à Ochinacuni près Meaco. Offre qui causa vn grand creue-cœur aux Espagnols, parce qu'il fermoit la bouche à toutes leurs excuses, & ouuroit au Cubo la porte de diuers soupçons, & sinistres explications de leurs desseins. Ils persisterent neantmoins à remontrer à sa Majesté, que le port de Quanto estoit fort écarté, & tres-incommode pour debiter leurs denrées; & finalement protesterent de la force qu'on leur pourroit faire contre le droit des gens.

78  
Anglois he-  
retique, &c.

FAÇONS de faire qui aigrirent grandement le Cubo, & le

le porterent à dire que ces Religieux, l'auoient long temps entrete-  
nu de vaines paroles ; & que les marchans le trom-  
poient. Mais qu'il se foucioit peu à quel port du Iapon ils se rengeassent, veu qu'il estoit maistre de tous. Au reste qu'il se ressentiroit du manquement de promesse, & de leur audace. Sur ces entrefaites arriua vn rencontre, qui redoubla le dedain & indignation du Cubo. Car quelques Marchans Castillans l'estans allé visiter avec vn present, il leur demanda entre autres nouuelles, combien de nauires de la nouvelle Espagne auoient pris port cete année aux Philippines, & de quoy chargées? Le truchement respondit fût vray ou non ; qu'elles estoient en grand nombre, & chargées de soldats armez & munitions de guerre. A quel propos tout cét appareil, repliqua le Cubo? Pour cōquister les Moluques, repartirent les Castillans. Response peu prudente ; & qui neantmoins confirma le Cubo en l'ancienne opinion du Tayco son predecesseur, auquel quelques autres Castillans auoient fait entendre, que les Espagnols vo-  
guoient sur la mer, plus pour la conqueste des terres, que pour la dilation de la religion, ainsi que nous auons touché cy-dessus.

LES V S-  
CHRIST  
1605,

79

Cubo irri-  
té contre  
les Espa-  
gnols.

80

Castillans  
vanrards,

Livr. 11.  
nomb. 129.

Sur cete apprehension, le Cubo depecha vn courrier vers le Seigneur du Roiaume de Xinocuni, où le vaisseau de ces marchans auoit pris port, lui commandant qu'il fit soudain rembarquer tous ceux qui en estoient sortis, tant Religieux, que Seculiers, de quel estat & qualité qu'ils fussent, sans en laisser vn sur terre. Ce Seigneur respondit, que quant aux seculiers, il executeroient l'ordonnance de sa Majesté en toute diligence, Mais quāt aux Religieux il n'estoit en son pou-  
voir, veu qu'ils estoient hors de sa iurisdiction à Meaco, ou à Quanto. Sur quoy le Cubo n'ordonna pour lors autre chose. Mais le Gouverneur de Meaco, craignant estre taxé de negligence, & pensant rendre vn agreable seruice au Cubo, fit deffendre à son de trompe, que personne ne frequentast plus lesdits Religieux. Qui fut cause que ces bons Peres, pour s'accommoder sagement au temps, & ne s'exposer à nouveau danger, changerēt d'habit, se tindrent plus retirez qu'ils n'auoient accoustumé, & auertirent tous les Chre-

81

Chassez du  
Iapon.

82

Habit chā-  
gé par les  
Peres Des-  
chaussés.



An de 346

LIVRE XV. DE L'HISTOIRE

LES VSTIENS, qui les visitoient, de proceder avec plus de circonspection à frequenter leur Eglise.

1605.

LE Roy du Coray enuoia cete année au Cubo vn Ambassadeur, qui menoit en sa compagnie vn Docteur tres-bien versé en toutes le sectes de la Chine, qu'on tient ne differer pas beaucoup des Iaponoises. Vn de nos Catechistes desirant l'aboucher, lui enuoia prealablement l'abregé qu'il auoit fait des dogmes plus communs parmi les diuerses sectes des Bonzes au Iapon; avec vn mot de lettre, par laquelle il l'aduertissoit, que toute la doctrine des Bonzes visoit à prouuer trois points. Le premier que toutes les choses visibles se resoluent en rien. Le second qu'il n'y a bien ny mal, felicité ny tourment apres cete vie. Le troisiéme que les ames ne sont pas immortelles. Sur lesquels axiomes il desiroit ardemment apprendre son aduis.

LE Docteur respondant par escrit, loua grandement le stile de nostre Catechiste, & la subtilité de son esprit à tirer des liures des Bonzes, les trois conclusions qu'il luy auoit communiquées; protestant qu'il n'eust iamais creu rencontrer au Iapon des personnes si pleines de doctrine. Discours qui à mon aduis n'estoit pas exempt de flaterie; non plus que ce qui suit ne l'est de vanterie. Au reste, escriuoit-il, ie vous assure, que par vn long & continuel estude, i'ay recueilly les mesmes maximes & conclusions des liures qui contiennent les plus abstrus secrets des sectes de la Chine.

CETE responce communiquée à plusieurs, seruit de beaucoup, pour descouurir comme les Bonzes abusent ceux qui les croient, prechans publiquement qu'ils attendent vne felicité eternelle apres les courtes miseres de cete vie; pour penetrer plus auant en leurs bonnes graces; & les amusans en cete sorte, vuidier leurs bourses. Et neantmoins tiennent & croient en leurs cœurs tout le contraire; voire farcissent & grossissent leurs liures d'vne doctrine toute opposée à leurs preches.

83

Docteur  
du Coray.

84

Bonzes  
impasteurs.

*Estat vniuersel du Clergé, & de la Compagnie de  
I E S V S es Isles du Iapon, l'an mil  
six cens cinq.*

## CHAPITRE XI.



**N**OSTRE Compagnie estoit cete année gou-  
uernée es Isles du Iapon, & quartiers de la  
Chine qui en dependoient, par vn de nos Pe-  
res, sous le titre de Vice-prouince. Outre  
ceux qui trauailloient à Macao, & autres resi-  
dences de la Chine, il y auoit au Iapon cent  
vingt & vn Religieux de nostre Compagnie, desquels soixā-  
te estoient Prestres, les autres Estudians, Catechistes, ou  
Coadjuteurs temporels, dispersez en deux Colleges, deux  
maisons Rectorales, vn Seminaire, & vingt-trois residences:  
duquel nombre il en mourut quatre cét année.

85

Nombre  
de nos Re-  
ligieux.

Le premier fut Michel Yquini Iaponois, âgé de tren-  
te & quatre ans, quinze desquels il auoit passé en nostre  
Compagnie, quasi tousiours trauaillé de phthisie, les lan-  
gueurs de laquelle il supportoit fort allegrement, ren-  
dant continuelles graces à Dieu, de ce qu'il l'appelloit si  
promptement au repos eternel. Il deceda le quatorziesme  
iour de Ianuier.

86

Quatre de-  
cedez.

Le second fut le Pere Guillaume Cotta, natif de Lu-  
ques en Italië, âgé de trente deux ans, desquels il en  
auoit vescu dix en nostre Compagnie, & trespassa le vingt  
septieme iour d'Aoust, d'un accident qui causa d'autant  
plus de déplaisir & regret à nos Peres, qu'il estoit inoui,  
& iamais n'auoit surpris au Iapon personne des nostres.  
Car estant parti de Nangazaqui, avec autres trois de  
nos Religieux, & tirant à Bungo, arriuez qu'ils furent  
au port de Cieugen, & y passans la nuit dans le vaisseau,  
qui les auoit portez, ils se trouuerent surpris de l'ora-

Nomb. 72.



IE SVS-ge & tempeste, de laquelle nous auons parlé cy-deuant;  
 CHRIST Elle agita si furieusement leur vaisseau, que les mariniers  
 1605. se tindrent pour perdus. Nos Peres se deuoient faire  
 mettre à terre, où il faisoit plus seur que dans le vaisseau;  
 quoy que la tempeste rauageast encore la coste de la mer.  
 Mais ils se retirerent trois à la poupe, qui estoit tour-  
 née de ce costé là, & sembloit moins perilleuse: le seul P.  
 Guillaume demeura à la prouë, laquelle par la furie des  
 vens & des ondes, fut bien tost apres arrachée du reste de  
 la barque, & se destachant, renuersa toute sa charge en  
 mer, où ce bon Pere fut submergé, parce qu'il ne sçauoit pas  
 nager: les autres se sauuerent à la nage. Le iour venu,  
 cuidans que le P. Guillaume fût eschappé comme eux, ils  
 apperceurent son corps flottant sur l'eau, & le firent ense-  
 uelir en nostre Eglise de Facata. Il n'auoit tranailé qu'un an  
 au Iapon.

87

Vie seden-  
 taire.

LE troisième que nostre Sauueur prit à soy le vingt-cin-  
 quième iour de Septēbre, fut le P. Iules Piano, natif de Ma-  
 cerat près de Lorette, âgé de soixante huit ans; quarante &  
 vn desquels il auoit vescu en nostre religion, & vingt-sept au  
 Iapon. Sur ces derniers iours, les Superieurs de nostre Cō-  
 pagnie en cete Prouince là, l'arrestèrent au Seminaire d'A-  
 rima, pour estre Confesseur domestique; en laquelle occu-  
 pation il mourut, y estant deuenu sedentaire.

Le dernier, fut le Pere Balthazar Lopez Portugais, na-  
 tif de Villaniçosa, âgé de soixante & treize ans, desquels  
 il auoit employé quarante quatre en nostre Compagnie,  
 & trente sept au Iapon, y trauaillant tres-courageusement  
 à l'aide des Chrestiens, & conuersion des Gentils, excepté  
 les trois derniers de sa vie, que Dieu le visita, par diuerses &  
 facheuses indispositions, au moien desquelles estant bien  
 espuré pour le ciel, il pleut à sa diuine Majesté l'appeller à  
 soy le troisième iour de Decembre.

LA Congregation erigée sous le titre de l'Annonciation  
 de nostre Dame, entre les Dogiques, Clercs & Catechistes  
 seculiers, que nos Peres eleuoient pour les soulager en la cō-  
 uersion & instructiō des ames au Iapō, fit cete année vn fort  
 notable profit en la deuotion. L'Euesque en tira vn ieune

homme, auquel il donna l'ordre de Prestise, & l'instala  
Curé del'Eglise de nostre Dame, la principale, & plus fre-  
quentée qui fût lors dans la ville de Nangazaqui.

IESVS-  
CHRIST  
1605.

CE fut aussi cete année que mondit Seigneur l'Euesque,  
fit celebrer pour la premiere fois la Feste-Dieu au Iapon. Il  
est mal-aisé de représenter la joie & contentement avec le-  
quel elle fut solemnisée, chacun faisant à l'enui tapisser les  
places & ruës publiques; accompagnant la Procession avec  
diuers instrumens de musique, scopeteries, feux artificiels,  
& semblables demonstrations de liesse. Chacun rendant in-  
finies graces à Dieu, de ce qu'il leur faisoit voir le temps, au-  
quel on pouuoit rendre publiquement cet honneur & serui-  
ce au Sauueur du monde.

88  
Premier  
Prestre se-  
culier.

LEDIT Seigneur Euesque porta lui-mesme la custode du  
tres-sainct Sacrement, sous vn tres-riche paillon, accom-  
pagné de tous nos Peres, reuestus de chappes, les Dogiques  
& les clerics couuers de leurs surplis. Ceremonies qui fit  
naistre es cœurs de ces nouueaux Chrestiens, d'admirables  
pensées de la grandeur de ce diuin Sacrement, & embrasa  
leurs desirs d'y participer. Car nos Peres estoient grande-  
ment retenus & reserues à leur donner congé de cōmunier.  
Ils ne se contentoient pas de les voir paruenus à l'âge, que  
les Docteurs requierent pour admettre les fideles à la sain-  
cte Communion; ils requeroient de plus vn grand auance-  
ment & perseuerance en la vertu. Aussi estimoient les Ia-  
ponois comme vn second baptisme, d'estre faits participans  
de la tres-sainte Communion; & pour ce respect se tenoiēt  
obligés à vne admirable pureté de vie, & plus exacte obser-  
uation des commandemens de Dieu. En voici quelques  
preuues.

89  
La Feste-  
Dieu au  
Iapon.

VNE jeune fille attirée frauduleusement à certaine mai-  
son, où sa pudicité couroit grand hazard, se tint fort hardi-  
ment & constamment sur la negatiue: mais ses principales  
armes furent de dire: Je suis admise à la sainte Communion.  
Je me garderay bien de commettre tel forfait. En quoi elle  
persista si constamment, que l'outrecuidé qui lui auoit ten-  
du le piege, en fut tout confus; & sans lui méfaire, la fit  
reconduire au logis dont il l'auoit tirée, & hors de danger.

90  
Commu-  
nion.



An de 350

LIVRE XV. DE L'HISTOIRE

IESVS-  
CHRIST  
1605.

91

Fillerascée  
en vierge.

Vne autre fille âgée de quatorze ans, sçachant que son pere estoit resolu de la marier, lui fit grande instance de la laisser viure & mourir en sa virginité, employant mesme son confesseur, pour obtenir plus aisement cete grace de son pere. Mais lui qui n'auoit autre enfant, ne tint conte des prieres de sa fille. Elle ne perdit pourtant courage, ains se fit raire, deboutant par ce moien tous ses parens de leurs pretensiōs, selon la coutume du Iapon. Son pere en eut bien du regret. Si est-ce qu'en fin il remercia Dieu de ce qu'il l'auoit prise pour son espouse, & l'exhorta à perseuerer en son saint propos.

---

*Admirable histoire de l'ame d'un Escrivain damné,  
qui retournoit en la ville d'Arima.*

CHAPITRE XII.



92

Ame dam-  
née retour-  
ne.

Voï que les ames des fideles trespasſés re-  
tournent rarement au monde; & moins enco-  
re celles des damnés; Si est-ce que Dieu par  
ses secrets jugemens, & pour le profit ou in-  
struction des viuans, permet par fois l'un &  
l'autre. En voici vn rare exemple. Certain habitant estant de  
la ville d'Arima, nommé par les siens Nangato, & au baptes-  
me Iean, bon praticien & Escrivain, aiant trente ans aupara-  
uant receu le saint baptesme, n'auoit iamais creu l'immor-  
talité des ames; ny qu'il y eût Paradis pour les bons, ou En-  
fer pour les méchans. En parloit comme de songes, vi-  
sitoit rarement l'Eglise, n'oioit quasi iamais la Messe, ne  
se confessoit que par maniere d'acquit. Agé qu'il fut de  
soixante & treze ans, il mourut, apres s'estre confessé à sa  
mode, & pour se deliurer de l'importunité de ses enfans &  
domestiques; qui estoient tous Chrestiens: & le firent ense-  
nelir en nostre Eglise.

Dix-sept iours apres son trespas, Marthe femme du

filz aîné dece defunct, reuenant sur le tard de visiter vne <sup>IESVS-</sup> sienne parente, passant sur vn certain pont, sentit que les <sup>CHRIST</sup> yeux lui éblouissoient, que son cerueau se troubloit, & se <sup>1605.</sup> trouua comme hors de soi. Tellement qu'elle eut bien de la peine à se conduire en son logis. Y entrant elle perdit tout à fait la veüe, le jugement, & fut possédée d'un autre esprit, qui la porta premierement sur vne sienne fille dormante, qu'elle chargea à coups de poing : puis vers son mari, gisant au lit, qu'elle frappa rudement, criant; Sus, sus, leue toi, leue toi, il n'est pas temps de dormir.

LE mari bien étonné de telle nouveauté, se leua promptement, & couroit lui rendre son change, sans qu'elle se retirât plus viste que le pas, & se targant à la mode de son feu beau-pere, lui dit. Est-ce le respect que tu portes à ton pere ? Puis se coucha en la posture que Nangato tenoit durant sa dernière maladie, & se prit à dire: Viença Cosme mon fils (tel estoit le nom du jeune homme) Je suis l'ame de ton pere Nangato. Par permission diuine, je reuiens au monde, pour t'informer du miserable estat auquel je me retrouve. Fay sçauoir à Magdeleine ma femme, & à Marine & Agnes mes filles, que je les demande.

ELLES y accoururent, & Magdeleine s'estant approchée du lit où Marthe gisoit, cete ame damnée la frappa rudement sur l'estomac, gemissant horriblement, & se plaignant tant d'elle que d'Agnes, qui ne s'estoient trouuées à son décès. Ce qui estoit vrai, icelles ne s'estans persuadées qu'il deût mourir si promptement. Puis les frappa si brusquement toutes deux sur les flancs, qu'elles en furent pour quelques iours mal à leur aise. Cela fait s'arrachant les cheveux de rage, & craquettant horriblement des dents, il disoit par la bouche de Marthe. L'estimois que les ames humaines fussent cōme chauuesouris, qui volent de nuit; & la vicimmortelle cōme vn sōge. Mais je suis à present éclairci de mon abus. Je trouue bien qu'il y a vn enfer, auquel je fusse précipitée, soudain que j'eusse quitté mon corps. Heureux les fideles Chrestiens, qui croient simplement



IESVS - ce qu'on leur preche à l'Eglise. Et moi infortunée, qui.  
CHRIST n'ay aucun moien d'echaper des tourmens eternels. Ce  
1605. qu'elle proferoit avec vn extreme resentiment de douleur,  
& se donnant de rudes coups, ou pour mieux dire, à Marthe,  
au corps de laquelle cete ame damnée s'estoit logée, & par  
fois à ceux qui estoient es enuiron du lit.

Vn des seruiteurs que ce miserable defunct auoit le plus  
cheri durant sa vie, estant accouru à ce piteux spectacle, &  
embrassant Marthe, comme si ç'eust esté son maistre, lui dit:  
Qu'est ce-ci, Monsieur, comment vous va? Il eut pourré-  
ponse: Helas je brule! Le seruiteur repliqua: Le feu ne pa-  
roist pas. Nangato respondit: Quoi que tu ne le voies pas,  
si se fait-il bien sentir. Apres quelques semblables repar-  
ties le seruiteur lui dit. Il n'est pas possible que vous soies  
Nangato. Car Nangato se nommoit Iean; & il me semble  
incroyable, qu'un homme portant vn tel nom, soit damné.  
Il repliqua: Tu as beau dire, j'ay receu le nom de Iean au  
baptême; & neantmoins suis damné. Le nom ne sert de  
rien, si la bonne vie ne l'accompagne.

Vn autre seruiteur du defunct, nommé Cosme, portant  
compassion à Marthe & à Magdeleine, pour les horribles  
coups que cete ame damnée leur ruoit, s'approcha du lit, &  
se mit en deuoir de lui tenir le bras par derriere. Mais Nan-  
gato se tournant tout court, lui dit d'une voix horrible, &  
representant du tout, le ton duquel le defunct vsoit estant  
en colere. Pourquoi me saisis-tu de la sorte? Est-ce le respect  
que tu dois à ton maistre? Ces paroles étonnerent tellemēt  
Cosme, que tout palle & tremblant il se mit à deux genoux  
deuant lui, comme il auoit coutume de faire durant sa vie,  
lors qu'il le tançoit. C'estoit lors par crainte & pour auoir  
pardon de ses fautes; & à cete heure par compassion, qui lui  
tiroit les armes des yeux en abondance.

SA fille Agnes lui ayant demandé, s'il ne seroit pas sau-  
ué. Quoi sauué, respondit-il, ayant tousiours vescu en mau-  
uais Chrestien; comment le pourrois-je? Et quoi repliqua la  
fille, rât de Messes, que nous auõs fait celebrer pour vous; rât  
de prieres que nous auõs dites pour vostre ame, vous soula-  
gerôt-elles pas? Autât que rien, respondit le miserable. Car

Car je ne suis pas capable de tel secours, je deceday en mau-  
uais estat.

ROMAIN, pere de ladite Marthe, suruint encores à cete  
tragedie: & Nangato lui dit, Romain, ie me suis souuent  
plaint de vostre fille, comme si elle vous eût plus cheri que  
moi. Mais c'estoit à tort. Il s'accusa pareillement del'auoir  
plusieurs fois appellée *yemao*, c'est à dire grand diable.  
Neantmoins elle est bonne seruante de Dieu, & ie suis dam-  
né pour ma medisance, entr'autres crimes.

L'AINÉE des ses filles, nommée Marine, arriuant sur la fin,  
Nangato lui dit: Pourquoi viens-tu si tard, aiant esté si  
prompte à te trouuer à ma mort? Marine respondit: Mais à  
quel propos t'es-tu logé dans vn corps, pour te declarer  
ame damnée, & faire tant de des-honneur à ta race? Helas  
respondit Nangato, je ne suis pas retourné au monde de  
mon propre mouuement. Dieu l'a ainsi ordonné, pour vo-  
stre bien, afin que vous soies plus fideles que je n'ay esté. O  
que l'estat des ames apres la mort est different de celui que  
je me figurais durant ma vie! Paroles qu'il dit & redit plu-  
sieurs & diuerfes fois.

Puis commanda à vn sien neveu, nommé Linus, delui por-  
ter vne plume, de l'ancre & du papier, disant qu'il vouloit  
coucher par escrit cete histoire; & commença à remuer les  
doigts en l'air, comme qui escriroit hastiuement. Linus lui  
voulut obeïr: mais l'assistance le renuoia, disant qu'il n'e-  
stoitjà besoin. Depuis il demanda qu'on estendît vne natte  
en la chambre où il estoit decedé, se coucha dessus, deman-  
da à boire. En fin apres auoir demeuré l'espace de quatre  
heures ou enuiron dans le corps de Marthe, il dit, comme  
respondant à quelqu'un qui l'appelloit, Attendés vn peu.  
Tout à cete-heure. Tout à cete-heure. Et immediatement  
apres, délogea. Marthe reuint à soi, comme qui s'éueille-  
roit d'un profond sommeil; toute mouluë de coups, les  
mains toutes liuides. Mais au reste, saine, & en bon juge-  
ment comme auparauant cet accident, sans auoir aucune  
souuenance de tout ce qui s'estoit passé. Cete histoire fut  
escrite au long en Iaponois, par le P. Iean Rodriguez Gi-  
ron, lequel pour conclusion, asseuroit qu'elle auoit confir-



An de 354

LIVRE XV. DE L'HISTOIRE

LES VSV-  
CHRIST  
1605. mé plusieurs personnes en la foy Chrestienne, échaufé les  
tiedes en l'amour de Dieu, & allumé le desir de conuersion  
és ames de plusieurs mécreans, qui furent témoins de ce  
que dessus.

---

*Merueilles qu'operoient cete année quelques pie-  
ces de deuotion que Saint François Xa-  
uier, arriuant la premiere fois au la-  
pon, auoit laissée au Royaume  
de Saxuma.*

CHAPITRE XIII.



96

Dons de S.  
Xavier.

N de nos Peres enuoié au Roiaume de Sa-  
xuma, pour visiter les Chrestiens, & pas-  
sant par Cabanaue, ville distante treze  
lieuës de Cangoxima, où se tient la Cour de  
ce Roiaume; logea par bon rencontre dans  
vne petite maison, le maistre de laquelle,  
nommé Michel, auoit esté baptizé par Saint François  
Xavier, & receu de lui en don vne particule de la sain-  
cte Croix, deux chapelliers, & vn vase de porcelaine,  
plein d'eau benite. Ce Michel peu de temps apres fit  
baptizer vn sien fils, pour lors âgé de dix ans, ou enui-  
ron, qui cete année estoit quasi sexagenaire, portoit le  
nom de son pere, & assura que par le seul attouchement  
des susdits chapelliers, plus de quinze Febricitans  
auoient esté gueris, mesmes des Payens, lesquels se  
trouuans malades, les empruntoient. Plusieurs auoient  
aussi esté gueris par l'eau benite, laquelle il conser-  
uoit chèrement, en remettant de fraiche, tout autant

97

Eaubeni-  
re

qu'il en prenoit de vieille pour les necessités occurren-  
tes.

CE second Michel raconta de plus au Pere qui alloit en mission à Saxuma & Cangoxima, que saint Xauier auoit laissé chez lui vn tableau del'Annonciatiõ de nostre Dame, vn deuant d'Autel, & vn ciel de soie. Ce que le Tono ou Seigneur du lieu aiant sçeu, enuoia querir le tout pour le voir comme meuble rare. Mais aiant ces pieces en son pouuoir, il ne les voulut pas rendre; ains vendit depuis le tableau de nostre Dame, à quelques Marchands des Philippines. Quant aux ornemens d'Autel, il en fit des habits pour ses enfans. Sacrilege qui ne demeura pas impuni. Car quatre de ses enfans, qui auoient esté couuers de tels habits, moururent defastreusement; & le cinquiesme fut possédé du diable, tellement qu'il le falloit tenir enchainé. Le Tono ne recogneut pas que Dieu le chastioit en la personne de ses enfans, lors que le mal leur arriua; mais depuis aiant conféré avec le Pere en ce voiage, & ouï quelques leçons de Catechisme, il recogneut sa faute, & montra desirer le saint baptesme, quoi que pour ce coup il ne se resolut du tout à le receuoir.

98  
Sacrilege  
puni.

DV temps de la grande famine qui affligea le Iapon, ainsi que nous auons dit ailleurs, le susdit Michel se trouuant en grande necessité pour nourrir sa famille, eut recours à la prouidence de Dieu, par le moien de la priere & oraison. Vn iour se trouuant en extraordinaire necessité, il fut au bois, pour amasser du glan: & s'amusant à creuser au pied d'un chaine, il y trouua vne garde d'épée, avec le pomeau d'or massif. Ce qu'il receut comme venant de la main de Dieu, & en nourrit sa famille, tant que la famine dura.

99  
Or trouué  
en necessi-  
té.

LE susdit Pere arriuant à Saxuma, y fut receu comme vn Ange du Ciel, y baptiza trente & sept personnes. Nombre qui n'estoit pas petit en pais où le diable auoit tant de credit: ouït quasi les confessions de tous les Chrestiens, & apprit plusieurs merueilles que Dieu y auoit faites. En voici vn echantillon.



IESVS-  
CHRIST  
1605.

100  
Satan redoute les  
fideles.

LE malin esprit estant entré au corps d'un Gentil, les Bonzes emploierent trois iours à le conjurer à leur mode, sans soulager le patient. Ce terme passé, le patient tirant horriblement la langue par derision, leur dit: Je suis la substance & vigueur del'arbre du canfre. Et parce qu'en ce temps le monde le taille, le brule; indigné d'un tel acte, je suis venu degorger ma rage contre cetui-ci. S'il est ainsi, respondit vn des assistans, que n'entres-tu au corps de quel-qu'un de la famille de Sacuyendono? (C'estoit vn Chrestien homme de marque) Le malin respondit: le ne m'attaque pas aux Chrestiens, parce que ma puissance est courte en leur endroit. Response qui confondit grandement les Gentils, & resioiit extraordinairement les fideles.

Vn Chrestien fiança la fille d'un des principaux idolâtres de la contrée, à condition qu'il la feroit baptizer auant les nopces. Sur ces entrefaites la fille tomba malade: les Bonzes y accoururent avec leurs liures & idoles, prians & sacrifiâns pour le salut de la malade. Suruint le frere aîné de la fiancée pour la visiter; & voiant ce qui se passoit, dit à sa mere, qu'il trouuoit fort estrange, qu'ayant promis sa sœur à vn Chrestien, elle permît que les Bonzes fissent ces superstitions autour d'elle. Il les chassa donc du logis, & Dieu voulut, que la malade recoura bien-tost apres la santé du corps, & obtint le salut de l'ame, par le moien du saint baptesme.

Vn riche surintendant d'un temple des idoles, aiant ouï dire beaucoup de bien de la foy Chrestienne, se resolut d'ouïr les leçons du catechisme avec toute sa famille. Ce qu'ayant fait, tous ses domestiques furent baptizés, lui seul demeurant attaché au culte de l'idole qu'il seruoit; mais plus fort au reuenu qui lui en prouenoit. Il ne sçeut tant se commander, que d'embrasser le bien qu'il recognoissoit. Neantmoins il protesta de vouloir mourir Chrestien: Et si cas auenoit que par maladie ou autre accident, il perdît la parole, dés lors il demanda le baptesme, pour cete heure là. Dieu voulut que cinq iours apres cete protestation il tomba malade: & sentant ses forces extremement abatuës, fit appeller vn Pere pour le baptizer, & trois iours apres

101  
Gaigne-  
tient en  
l'idolâtrie.

rendit l'ame à Dieu. Sa conuersion émeut grand nombre de Gentils, qui ne se pouuoient assés estonner de voir, qu'un homme tant cher de leurs Camis & Fotoques, leur eût en fin tourné le dos, pour recognoistre Dieu, & mourir Chrestien.

IESVS.  
CHRIST  
1605.

102

Vn vieillard âgé de quatre-vingt & cinq ans, se trouuant malade, enuoia prier vn de nos Peres de le visiter, & lui dit: Je vous ay donné la peine de venir iusques ici, pour m'asseurer si je m'acquitte bien du deuoir d'un Chrestien, & apprendre ce qu'il me faut de plus faire en ce temps pour gagner Paradis. Apres auoir deduit au long la maniere de vie qu'il tenoit, il proposa quelques doutes, & entr'autres, si Dieu recompenseroit non seulement les bonnes œuvres réellement faites, ains la bonne volonté d'en faire, lors que les moiens manquoient. Le Pere lui aiant iatisfait à tout l'exhorta d'auoir grande confiance en la Passion de nostre Sauueur. A quoy le vieillard respondit: Je porte tousiours les douleurs de mon Sauueur grauées en mon cœur, avec extreme regret de ne pouuoir endurer pour son honneur d'aussi grieux tourmens, qu'il a souffert pour mon salut.

Preuoiance  
tres-loyale.

103

Vieillard  
tres-deuot.

Puis adjousta, chose remarquable. Il y a quatre ans que gisant au lit malade, je vis, vn jouuenceau qui me dit: A quel propos fais-tu tant de scrupule en choses de petite importance? Estimes-tu estre obligé de faire tout ce que ces Religieux disent? Tu te trompes si tu le crois. La plus part ne sont qu'exageratiōs. La voie de salut est biē plus large qu'ils ne la font. Il lui respondis: A qui croiray-je? ou aux Religieux, que les Payens mesmes tiennent pour vertueux & veritables; ou à vous, que je ne cognois point? Sortés d'ici. Et prenant vn baston que je tenois au cheuet de mon lit, le lui jettay à la teste. Mais il disparut. Ce qui me fit croire que c'estoit quelque malin esprit. Fis-je mal, voulant frapper celui que je ne cognoissois pas? Le Pere lui respondit que non, veu que c'estoit vne personne qui le vouloit detourner du seruice diuin, auquel nous ne scaurions estre trop exactes. Peu de iours apres ce bon vieillard passa à vne meilleure vie.

104

Illusion  
diabolique.



*Comme il faut honorer les lieux saints, & priser les vœux faits  
à Dieu: exemples arrivés es Isles d'Amacuzza, & ailleurs.*

## CHAPITRE XIV.



**T**ARAZABA Seigneur des Isles d'Amacuzza, quoy que Payen, continuoit cete année à favoriser nos Peres, & trouver bon qu'ils visitassent ses sujets, pour les commodités qu'il tiroit de leur fidelité, & obeïssance: Voire s'inuita vne fois en nostre maison, & caressa grandement nos Peres. Ce qui fut cause que quelques Chrestiens entreprendrent de bastir en ces quartiers là, quelques logis, autant capables que nos communes Eglises, afin que nos Peres y allans pour les visiter, peussent plus commodément celebrer la sainte Messe, & administrer les saints Sacremens.

VN Chinois Payen réfugié au Japon, fit bastir vn beau logis, tout joignant vne de nos Eglises, que Tarazaba auoit fait abatre l'année precedente. La premiere nuit qu'il y coucha, il lui arriua vne chose qu'il ne pouuoit depuis raconter sans trembler. Car il ouït vne effroyable voix qui lui dit: Si tu continuës à loger ceans, tu mourras en bref. Nouvelle qui l'estonna tellement, que dès la poincte du iour il en sortit avec toute sa famille; n'y voulut plus mettre le pied, voire fut trouuer vn de nos Peres, & la lui offrit en pur don, sans en demander prix ny recompense quelconque. Le Pere l'accepta cōme de la main de Dieu. Depuis elle fut cōuertie en Eglise.

DYRANT l'orage & tempeste que nous auons décrit ci-dessus, vn de nos Peres se rencontra dans la susdite maison fraîchement conuertie en Eglise, où il disoit Messe, non sans grande apprehension. Mais Dieu le preserua, lui & tous ceux qui l'assistoient; lesquels sortans de là furent bien étonnés de voir routes les habitations voisines bouleuersées, & celle-là seule en pied, à la gloire de Dieu, & consolation de ses fideles seruiteurs.

VN Chrestien se trouuant à l'article de la mort, ne sentoit point de plus poignant regret, que de se voir en danger de mourir sans confession, faute de Prestre. Il fit donc vœu, que

105

Maison  
donnée  
sest d'Egli-  
se.

si Dieu lui rendoit la santé, il se mettroit soudain en chemin, I E S V S -  
pour aller vers vn de nos Peres. Dieu l'exauça, & il fit dix C H R I S T  
lieuës à pied, pour s'aller jetter aux pieds du P. Confesseur, 1605.  
qui receut vne extraordinaire consolation, de lui ouïr conter  
ces nouuelles.

106

Vœu  
exaucé.

VNE autre Chrestien natif d'Arima, incommodé de la  
faim en son païs, passa vers vn quartier des Payens, pour  
chercher sa vie, avec toute sa famille. Sa femme y tomba ma-  
lade à la mort. Comme elle en attendoit l'heure, vn idola-  
tre lui conseilla de la vouër à quelque Camis femelle, & lui  
offrir le miroir de la malade. Le bon mari, & fidele Chrestie,  
répondit qu'il la vouërroit à la Roine du Ciel & de la terre, 107  
singuliere protectrice des affligés. Il voüa donc de visiter Vœu à no-  
stre Dame. Nostre Dame d'Arima, & soudain sa femme se trouua hors  
de danger, & bien-tost apres entierement guerie.

VN autre Chrestie se laissa tellemēt gagner à la jalousie, que  
ne fâsât aucun estat des raisōs que sa fême alleguoit pour sō  
innocēce, il la mena chez vn mareschal, & la cōtraignit d'em-  
poigner à deux belles mains vne barre de fer, toute rouge de  
feu, pour preuue de son innocēce. La fême se trouua bien en  
peine, & n'eût voulu tenter Dieu: Neātmoins se fiât en son  
innocēce, & en la misericorde & prouidēce de Dieu, elle prit  
le fer, & le tint & étreignit assés lōg-tēps, sās en recevoir au-  
cun dōmage. De quoi le mari fut autāt étōné que cōtēt; mar- 108  
ri neātmoins d'auoir cōtraint sō épouse à vne si cruelle preu- Effet de la  
ue. Partant il en fit vne rude penitēce. Vne Damoiselle Chre- jalousie.  
stiēne se trouuāt en extreme danger de sa vie, fut visitée par  
son pere, qui estoit encores idolatre, & mena plusieurs Bōzes  
avec lui pour la soulager. Ces magiciens (car la plus part des  
plus releués Bōzes sont tels) voulāt apprēdre du diable leur  
maitre quelque remede pour soulager la patiēte, priērēt les  
Payēs de la maisō, qu'ils leur nōmassēt quelque persōne par  
la bouche de laquelle ils desiroiēt que le malin esprit leur par-  
lât. Ils nōmerēt vne jeune fille Chrestienne qui seruoit la mala- 109  
de. Les forciers l'attaquerēt, & emploierēt tous leurs enchā- Satan haït  
temēs pour la liurer à Sarā. Mais en vain. De quoi s'étonnans, les Chre-  
tiens  
ils demanderent de quelle secte estoit la fille? Chrestienne  
leur dit-on. Nostre maitre n'aim e pas telles gens, replique-



IESVS-  
CHRIST  
1605. rent-ils. Nommés en vne autre. Ils en appellerent vne Payenne : au corps de laquelle le malin esprit entra tout aussi-tost, & dit tout ce que ces magiciens voulurent. Si perdirent-ils beaucoup de leur credit, parce que les idolatres demurerent tous éperdus, de voir que le dragon infernal redoutât si fort les Chrestiens.

110  
Bon dol.

Vn jeune Seigneur encore Payen, mais neantmoins tres-affectionné à nostre sainte foy, fit entēdre à ses sujets, qu'ils lui feroient vn singulier plaisir de se faire Chrestiens; & appellant le Bonze qui auoit charge d'eux, lui promit que s'il procuroit que tous ses deuots & parroissiens deuinssent bōs Chrestiens, iamais reuenu ne lui manqueroit pour son entretenement. Mais s'ils se conuertissoient par autre moien que le sien, il le banniroit à iamais de ses terres. Le Bonze deuenu malgré lui, Predicateur Euangelique, conuertit tout à coup soixante & dix personnes, & peu à peu les autres, voire le Seigneur mesme qui lui auoit fait le susdit commandement.

*Persecution renouvelée contre les Chrestiens au Roiaume de Fingo, & emprisonnement de Jean, chef des Gisiaques.*

## CHAPITRE XV.



ACVZAGEMON continuant en la haine mortelle qu'il portoit aux Chrestiens, lesquels auoient attiré à la foy son grand ami Simon, qui depuis fut martyrizé pour la confession d'icelle, ainsi que nous auons deduit en son lieu, & se voiant pourueu de la Lieutenance du Roiaume de Fingo en titre de Gouverneur; chercha le moien de leur nuire. Voici l'ouuerture quel ennemi de tout bien lui en fit. Il auoit en ses terres vn riche temple, avec vn idole en relief tout

tout doré. Vn beau matin cete idole fut trouuée sans nés, sans vne bonne partie des doigts, & renuersée les jambes cō-  
 tremont. De quoi il s'aigrit extremement, ne sepouuant per-  
 suader que les Payens eussent fait ce coup. Il ordonna donc  
 sur le champ, que les Chrestiens reparassent cete faute, re-  
 mettant toutes choses en leur entier. Les Chrestiens  
 respondirent qu'ils estoient innocens du fait, & que la  
 loy du vrai Dieu, leur deffendoit de contribuer en au-  
 cune façon à l'idolatrie. Sur quoi le Gouverneur escu-  
 mant de rage, commanda qu'on donnât la question aux  
 Chrestiens, jusques à tant que la verité fût découuerte.  
 Mais comme les Iaponois tiennent à grand des-honneur  
 qu'un innocent patisse pour la faute d'autrui, trois Gen-  
 tils affidés de Canzagedono, lui auoient que surpris  
 de vin ils auoient commis cet acte de barbarie contre l'i-  
 dole; en peine duquel ils estoient prests à mourir, de telle  
 sorte qu'il lui plairoit. Le Gouverneur éclairci de l'innocēce  
 des Chrestiens, par la voie que moins il attendoit, ne voulut  
 chastier les Payens, que par la peine qu'il auoit jà imposé aux  
 Chrestiens. Ainsi l'idole fut réparée, & remise en son lieu.

III  
 Calomnie  
 découuer-  
 te.

MAIS au mois d'Aoust, lors que les Iaponois ont coutu-  
 me de faire l'anniuersaire solemnel de tous leurs trespas-  
 sés; il ordonna que les Chrestiens fissent comme les autres,  
 ou au moins ouïssent les oraisons funebres que le Bonzes  
 auoient accoutumé de faire en ce temps là. Les Chrestiens  
 apres auoir recommandé cet affaire à Dieu, respondirent,  
 que jaçoit qu'ouïr tels discours, ne fût de soi peché; ils ne se  
 vouloient neantmoins mettre en hazard d'estre attirés, ou  
 parauenture violentés à quelque autre abomination, en  
 consequence de ces harangues plus funestes que funebres.

SVR quoi Cacuzagemon s'écria qu'il ne pouuoit souffrir  
 vne si effrōtée desobeissance des Chrestiens. Il ne voulut ne-  
 antmoins passer outre sās le sceu du Prince, qui estoit absent.  
 Mais reuenu qu'il fut, ce Gouverneur l'informa de tout ce  
 qui se passoit, & particulieremēt que plusieurs Chrestiens ha-  
 bitoient en la ville contre son expresse prohibition. Le Prin-  
 ce repliqua, qu'il importoit peu, quelle loy fût la lie du me-  
 nu peuple. Cete réponse étonna fort le Gouverneur, qui en



An de 362

LIVRE XV. DE L'HISTOIRE

LESVS - attendoit vne plus rigoureuse contre les Chrestiens. Il ar-  
CHRIST resta donc le cours de son courroux, attendant quelque oc-  
1605. casion plus propice à ses peruerfes intentions.

Liu. 14.

nombr. 76.

DEPVIS aiant sçeu que les trois Gisiaques, desquels nous auons parlé au long ci-dessus, exhortoient continuellement les Chrestiens à la constance, il enuoia querir Iean : le tança aigrement de ce que non content d'estre Chrestien, il persuadoit encores aux autres de ne point demordre de leur croiance. Iean répondit hardiment, qu'il ne le pouuoit nier, que c'estoit chose notoire à tous les habitans de Iateuxiro; Mais qu'il ne pretendoit pas pourrât déplaire au Prince, parce que chacun estoit libre en ce qui concerne le salut, & la loy Chrestienne, ne prejudicie en riē au seruice que les vassaux sōt tenus de rēdre à leurs Seigneurs; ains les y oblige & cōtraint.

112

Iean Gisia-  
que fait  
prisonnier.

LE Gouverneur voiant qu'il ne pouuoit flechir Iean par brauades, essaia de le gagner par belles promesses. Mais en vain. Ne sçachant plus que faire, il enuoia en prison. L'original cōserue vne lōgue letre que Ieā escriuit de la prison, aux Chrestiens de Iateuxiro, en laquelle il coucha par le menu, tout ce qui se passa entre le gouuerneur & lui. En voici vne partie que j'ay trouué digne de tenir place en cete histoire.

CACVZAGEMON s'apperceuāt que mon discours tendoit à lui mōtrer qu'il n'y a qu'un Dieu Createur de toutes choses; que les hōmes ont moien de se sauuer, & que la loy des Chrestiens laquelle seule enseigne les vrais moiens de ce faire, est la seule qui merite le nō de loy au monde, il se mit à rire, & me dit : Il feroit beau voir que celui qui veut détruire les Chrestiens se laissāt gagner par eux. Pour moi je n'ay iamais tenu Xacany Amida pour sauueurs des hōmes. Je n'ay iamais creu que pour dire *Namuidabut*, vn homme se peut sauuer, cōme chantent les Bonzes. Autant en dis-je des Chrestiens. Il ne me semble pas qu'ils se peussent sauuer en disant LESVS MARIA. Je sçay bien que Xaca nous a laissē plusieurs sadases par écrit; & n'oserois asseurer que ces Peres n'en fassēt autāt; ou n'aient quelque sinistre intentiō. Ils viennent de loin. Ils nous en peuuent conter. Je ne me veux pas obliger à croire tout ce qu'ils prechent.

. Ny moi aussi, lui répondis-je franchement: & pour l'attirer

tant plus aisement à la cognoissance de la verité; Je ne m'ar-  
reste pas entierement à ce que ces Peres Europeans nous di-  
sent. Je fais seulement cas des raisons qu'ils alleguent. Cel-  
les-là m'arrestent. Car qui ne tient conte des raisons qu'on  
lui auance, ne merite pas le nom de personne raisonnable.  
Comment pourra-il discerner la verité du mensonge, s'il  
n'vse du discours de la raison? Pour decouvrir la verité, haus-  
sés les yeux vers le Ciel; pour menés-les par la surface de la  
terre, jettés les sur les creatures. Arrestés les sur l'homme,  
qui en est le chef. Enquerés-vous comme il est entré en ce  
monde; je veux dire comme il est né. Vous le sçaués. Puis  
passant du fils au pere, & du pere montant à l'aieul, biseaieul,  
& suiuant iusques à la premiere tige, vous trouuerés qu'elle  
aboutira à deux, vn masle & vne femelle, desquels tous les  
autres sont descendus. Arrestés-vous à ces deux. Demandés  
leur d'où ils sont issus. Du Ciel, de la terre, ou de l'air? On  
ne peut pas dire qu'ils soient tombés de l'air. Il ne s'y for-  
me pas de si grosse gresle: & quia iamais veu plouuoir des  
hommes? Si ne sont-ils pas sortis des entrailles de la terre.  
Elle se contente bien de nous fournir des herbes, des arbres  
& des plantes. La plante humaine ne sort pas de là. Moins  
doit-on croire que les hommes soient cheus du Ciel. Ce fut  
vn tout-puissant maitre qui crea premierement toutes cho-  
ses de rien, puis le premier homme de la terre, & tira la fe-  
melle du masle, comme vous aués souuent oüï dire.

CACVZAGEMON m'arresta sur ce point, pour me dire: Il est  
mal-aisé de bien comprendre ce que vous venés de dire. Ce  
qui me semble plus probable c'est que les quatre elemens  
s'entrentrencontrans & s'entrechoquans, produisent tou-  
tes les creatures qui en sont composées; Puis en cer-  
tain temps & saison se separans & des-vnissans, les défont &  
aneantissent. Partant qu'il ne faut pas loger autre createur  
au dessus de l'air. Je lui repartis: Excusés moi, Mon-  
sieur; excusés moi s'il vous plaist, les affaires des creatures  
ne suiuent pas le train que vous venés de dire. Il est vrai que  
toutes les creatures sublunaires sont composées des quatre  
elemens, ainsi que vous aués dit: mais ces quatre elemens  
ne sont que comme l'étoffe & matiere de laquelle le

113  
Discours  
pour reco-  
gnoltre  
Dieu.

114  
Elemens  
quatre.



LES V S- Createur les bâtit ou établit. Vous le conceuerés mieux par  
CHRIST cete comparaifon.

1605.

115  
Couleurs  
quatre.

LE plus braue peintre du monde ne se sert que de quatre principales couleurs du blanc, du noir, du verd, & du rouge. Mais il les melle & mixtione tellement, qu'il en fait vne infinité de sortes, imitant celles que Dieu à créés, & par fois au vif, que les plus clair-voians ne peuvent distinguer le peint du naturel. Aiés telle prouision que bon vous semblera, si vous n'aués vn sage maitre qui les melle & tempere, vous n'en ferés iamais portrait qui vaille. De mesme quoi qu'il y aie au monde quatre elemens, desquels toutes choses sont composées, si l'infinie puissance & prouidence de Dieu, cessoit à contribuer son concours, il n'y auroit moien de former vne formis sur terre.


116  
Corps des  
quatre crucifiés

IL faut donc recognoitre vn Createur, qui a fait tout ce que nous voions, & ne voions pas, non d'une mesme substance & nature, ainsi qu'a escrit vostre Xaca en ses resueuries; ains de diuerses étoffes, comme bon lui a semblé. Car quoi que le corps de l'homme soit composé des quatre elemens, & se vienne en fin à resoudre en iceux, comme les autres creatures corporelles; si est-ce qu'outre le corps, Dieu a donné au seul homme, vne autre substance spirituelle, que nous appellons ame raisonnable, qui est vne substance intellectuelle, laquelle durera tousiours, & en l'autre vi receura la recompense du bien, ou souffrira la peine du mal qu'elle aura fait en celle-ci. Iusques ici l'epistre de Iean che f des Gisiaques.

OUTRE le contenu en icelle, duquel il ne m'a semblé à propos de charger plus auant cete histoire, j'ay trouué que le Gouverneur lui dit, Vous aués eu la hardiesse d'enleuer les ossemens des quatre crucifiés, pour les porter vendre à Nangazaqui, & qu'il respondit: Il ne se trouuera jamais que j'aie fait tel trafic. Bien est vrai que j'ay recueilli ceux qui estoient tombés par terre, pour les conseruer à la façon des Chrestiens. Si quelque animal les eût emportés, qui eût couru apres?

*Michel, Marie & Ioachim faits prisonniers pour la  
foy Catholique à Iateuxiro, & vingt-six  
autres Chrestiens.*

## CHAPITRE XVI.



PRES Iean chef des Gisiaques, Michel Mizui-  
xi fut arresté. C'estoit vn ancien & vertueux  
Chrestien, qui auoit traduit en Iaponois la vie  
des Saincts, & plusieurs autres liures spirituels.  
En mesme temps le Gouverneur fit aussi met-  
tre en prison Marie femme de Ioachim, qui pour lors estoit  
dans Arima, & en partit au plustost qu'il peut, pour aller  
prendre la place de sa femme, & la tirer de prison. Il n'est  
pas raisonnable, disoit-il, que ma femme me ravisse des  
mains, la palme que j'ay si long-temps attendue. Auant  
que sortir d'Arima il se confessa & Communia, & prit com-  
mission de nos Peres pour visiter en leur nom les Chrestiens,  
les exhorter à la patience & perseuerance, & instruire son  
successeur à baptizer les enfans. Ce que Ioachim aiant exe-  
cuté de poinct en poinct, comparut en l'absence du Gouver-  
neur, deuant son Lieutenant, & pria que sa cause n'estant  
diuerse de celle pour laquelle les compagnons estoient en  
prison il l'y fit aussi entrer, mettant sa femme en liberté.

LE Lieutenant respondit qu'il n'auoit tel pouuoir. Par-  
tant qu'il attendit le retour de Caczagemon. Ioachim re-  
partit qu'il n'y auoit lieu de le tant dilaier, parce que sa fem-  
me aiant esté prise pour lui, qui se representoit, elle deuoit  
estre au plustost mise en liberté. Il employa trois iours en-  
tiers à poursuiure l'expédition de cete requeste, & ce auec  
tant d'importunité, que le Lieutenant se trouua comme  
forcé à lui accorder sa demande, l'emprisonner & deliurer  
Marie sa femme.

JEAN & Michel furent extremement consolés, par la

117  
Michel mis  
en prison

118  
En tire sa  
femme.



**IESVS-CHRIST** 1605. compagne de Ioachim, & tous trois ensemble, benissoient iour & nuit Dieu, s'animans l'un l'autre au martyre. Entre les Payens mesmes, on ne parloit quasi d'autre chose, que de l'alegresse & réjoüissance qu'ils montroient parmi les pauvretés & miseres de la prison. Le bruit en vint iusques aux oreilles du Gouverneur Cacuzagemō, qui recogneût en fin, ne sçauoir plus de quel costé se tourner, pour venir à bout des Chrestiens. Si je les menace de leur oster la vie, ils tiennēt telle perte pour vne felicité incomparable, disoit-il. Si je les enuoie en exil, ils le supporterōt avec vne indicible patience. Ils ne s'éjoüissent jamais tant que quand ils sont affligés.

Si ay-je encore deux coups à tirer, pour briser leur obstination. Le premier est de les priuer de leurs biens meubles & immeubles, iusques à la chemise, & les renuoier eux, leurs femmes & enfans, avec chacun son baston blanc en main, hors du Roiaume de Fingo. L'autre est de les liurer au maitre des Gisaques publiques, afin qu'il s'en serue comme d'esclaves, les emploie & traite en tout & par tout comme tels. Le supplice de la Croix leur est trop doux. Il passe en vn tourne-main. Les autres deux sortes de punition, sont de plus longue durée, plus viles, plus ignominieuses. Elles en induiront quelques vns à renier la foy, & intimideront les autres.

CETE resolution prise, le Gouverneur fit encore prendre au corps vingt-six des principaux Chrestiens, habitans de la teuxiro, auxquels il signifia que le Prince Cāzagedono auoit ordonné qu'ils eussent à abandonner la foy Catholique, & promit de ne la professer iamais plus. Promesse qu'ils denoient signer de leur sang. Quiconque feroit refus d'obeir, seroit traité comme criminel de leze-Majesté. D'où sourdirent plusieurs grosses disputes entre les officiers procedans à l'exécution de cet arrest, & les pauvres persecutés. En fin, comme tous n'estoient du nombre des esleus de Dieu, treze d'iceux, & treze autres, des fraieurs de la mort, & attendris par des gemissemens de leurs femmes & enfans, obeirent à l'impie commandement du Gouverneur.

LES autres treze, dās l'ame desquels l'amour de Dieu auoit plus de force, que la chair & le sang, s'offrirent aux officiers,

119

Toumens  
nouveaux.

120

vingt-six  
Chrestiens  
prison-  
niers.treze crai-  
gnans.treze gene-  
reux.

tres-prompt à se sousmettre à toute sorte de tourmens IESVS.  
pour cruels qu'ils fussent, auant que de reculer, cōme leurs CHRIST  
cōpagnons. Mais les officiers quoi que Payens, se contente- 1605.  
rent pour cete heure là, de leur enjoindre qu'ils gardassent  
biē les trois Gisiaques prisonniers, & les croix des trois Da-  
mes, & du petit Louys, qui auoient esté crucifiés en Septem-  
bre de l'an seize cens trois. Car quoi qu'il ne restât plus sur  
les croix que quelques lambeaux de leurs habits, les Chre- Nomb. 116.  
stiens aians recueilli tous les os, comme nous venons de di-  
re, le Gouverneur les faisoit garder iour & nuit, & ne vou-  
lut passer outre à l'exécution de ses furieux desseins, iusques  
à tant qu'il eût obtenu nouuelle commission du Prince.

Ce perilleux remuēment ainsi apaisé, certains amis des  
treze, fideles & constans confesseurs de la foy Chrestienne,  
émeus d'une compassion mal reglée, contrefirent secretem-  
ent les seings manuels de trois d'iceux, & les porterēt aux  
sufdits officiers, pour les tirer de prison, parce qu'ils s'e-  
stoient desdits, à leur dire. Fourbe qui ne fut tenuē si secre-  
te, qu'un certain du nombre des trois, nommé Paul Ficoza-  
gemon, n'en fût auerti. Celui-ci aiant rencontré l'ami qui  
pensoit l'auoir grandement obligé en ce fait, le tança fort  
aigrement de sa pernicieuse charité, & en sa presence se  
couppa les cheueux, que les Iaponois portent tressés au der-  
riere de la teste. Signe d'un tres-grand affront receu de ce-  
lui sur lequel on ne se peut venger.

121

Constance  
de Paul  
Ficozage-  
mon.

DEVIS se trouuant avec les officiers qui poursuiuoient  
cet affaire, il declara qu'on auoit contrefait son seing, &  
protesta qu'il vouloit viure & mourir constant seruiteur de  
IESVS-CHRIST. De quoi ils furent bien estonnés, ne voulu-  
rent neantmoins passer outre, de peur de l'engager au com-  
bat du martyre. Ce que Paul aiant oüi, leur assura qu'ils s'en  
alloit vers Canzagedono, se declarer Chrestien, pour  
estre remis sur la liste avec les autres.

PEU de iours apres les mesmes officiers attaquèrent un cer-  
tain buscheron, nommé Michel, l'estimans moins genereux  
que Paul. Mais l'experience leur apprit le contraire. Car le  
bon homme les preuint, se declara Chrestien, avec une telle  
ferueur & hardiesse, qu'il n'y eut forcené ny raisōs qui le peus-

122

Michel le  
Buscheron.



**I**ESVS-  
**C**HRIST  
1605. sent flechir. L'inique iustice confisqua tous ses biens, & le bannit. Dequoy il rendit graces à Dieu, cōme d'une singuliere faueur, requerant seulement vn fort court delay, pour rendre à ses maistres quelques deposts. Ce qu'ayant obtenu, & satisfait à son deuoir; il consigna es mains de ces ministres d'injustice, tout ce qu'il possedoit. La raison vouloit qu'ils se contentassent de le chasser hors de sa maison, avec sa femme & ses enfans; mais leur rage passa bien plus outre. Car ils les dépoüillerent tous de leurs habits, quoi que ce fût au plus fort de l'hyuer. Michel alegre de se voir nud comme vn autre Sainct François d'Assise, offrit aux persecuteurs sa vie, pour l'amour de nostre Sauueur. Les Chrestiens attendris de tel spectacle, qui n'auoit iamais eu son pareil au Japon, accoururent pour couvrir la nudité de ces pauures gens, les secourir de quelque viatique, & d'une barquette pour passer en vne autre Isle, où residoit vn de nos Peres, qui les enuoia depuis vers Arima, pour y passer honorablement le reste de leurs iours.

---

*Diligences faites pour aider & consoler tant les prisonniers, comme les autres Chrestiens de Iateuxiro.*

## CHAPITRE XVII.



**E**MPRISONNEMENT des trois Gisiaques & Confesseurs, & la persecution renouellée contre les Chrestiens de Iateuxiro, mit en grande peine & souci l'Euesque du Japon, toute la Chrestienté, & nostre Compagnie. Le P. Provincial qui estoit lors en Arima, se rendit promptement à Nangazaqui, pour traiter avec ledit Seigneur Euesque, des moiens possibles, pour secourir les affligés. Apres plusieurs prieres, deuotions, mortifications, oraisons de quarante heures, faites à ces fins, on trouua bon d'y enuoier vn de nos Peres: plusieurs s'offrirent d'y aller au peril de leur vie. Le Pere Louys Iaponois fut trouué le plus propre, & eût charge de

de visiter Canzugedono pour le nouuel an. Car quoi qu'il <sup>IESVS-</sup>  
fût Payen, & ennemi de l'Eglise Catholique, nos Peres ne <sup>CHRIST</sup>  
manquoient pas de lui rendre tous les ans ce deuoir, suiuant 1605.  
la coutume du Iapon.

Il partit de Nangazaqui avec vn autre de nos Religieux,  
& deux honorables Chrestiens, natifs du Roiaume de Fin-  
go, qui s'offrirent volontiers pour lui tenir compagnie. Ar-  
riuant à Iateuxiro, ils firent mettre vn homme à terre, pour  
prendre langue, & auertir tant les prisonniers, que les au-  
tres Chrestiens de leur arriuée. Ce messager trouua qu'il  
estoit impossible d'aboucher les prisonniers, à cause des gar-  
des & sentinelles posées de tous costés, pour empecher que  
personne ne leur parlât. Ils alleguerent tant de difficultés, 124  
qu'ils empecherent que le P. Louys ne mît pied à terre, ains Y entre  
se contenta de confesser dans le vaisseau, ceux qui le furent vestu en  
trouuer, hommes & femmes. païsan.

DE là il s'achemina vers Cumamote Cour Roiale de Can-  
zugedono, & y séjourna quelques iours pour lui donner le  
bon an, sans pouuoir obtenir audience. Il fut parauenture  
honteux de receuoir ces honneurs & presens de nos Reli-  
gieux, tandis qu'il poursuiuoit actuellement & injustement  
les Chrestiens.

LES prisonniers aians receu auis que le Pere Louys Ia-  
ponois s'acheminoit vers Cumamote, & craignans que  
par la visite qu'il pretendoit faire, il n'empechât leur marty-  
re, ils protesterent den'y consentir point. Et à ces fins écriui-  
rent au P. Vice-prouincial de nostre Compagnie au Iapon,  
la Missiue qui s'ensuit.



An de 370  
IESVS-  
CHRIST  
1605.

---

LIVRE XV. DE L'HISTOIRE

*Les trois Gifiaques detenus prisonniers à Iateuxiro, au  
Reuerend Pere Vice-prouincial de la Compagnie  
de IESVS au Iapon.*



ELLE qu'il a pleu à vostre Reuerence nous écrire, a causé vn tres-grand contentement & consolation à nos ames. Avec le doux lait de la doctrine Chrestienne, nous auions succé le desir de souffrir tout, voire la mort, pour l'honneur de Dieu nostre Createur: quoi que comme grands pecheurs que nous sommes, chacun doutast de n'en estre pas digne. Mais à present nous trouuans emprisonnés pour la confession de son saint nom, nous ne cessons de rendre graces à la diuine Majesté, d'une si signalée faueur, & du nouveau desir qu'il allume de iour en iour en nos ames, pour endurer les plus atroces injures & griefs tourmens, que les idolatres pourront excogiter contre nous. Plaise à vostre reuerence d'animer & encourager tous nos Freres Chrestiens à estre constans, & mourir plutost que suiure la piste de ces cœurs foibles & laches ames, qui ont trebuché en cete derniere persecution. On nous vient aussi d'auertir comme vostre reuerence, enuoie vn de vos Peres vers Cumamote. S'il s'y achemine pour moienner nostre deliurance, sçachés mon Pere, que nous n'y consentons pas; & que le plaisir qu'il pretendroit nous faire en cet endroit, nous tourneroit à grand tourment. Nous supplions vostre reuerence, & tous les Peres de vostre Compagnie, qu'il leur plaise seulement nous impetrer de Dieu par leurs saints sacrifices & oraisons, la grace de mourir pour son saint amour. C'est le comble de nos desirs. Auant que cete lettre tombât és mains du P. Vice-prouincial, le P. Louys Iaponois estoit arriué à Cumamote, où ne pouuant obtenir audience, il renuoia les dons qu'il portoit en nostre maison d'Arima, se deguisa en pauvre passager, s'en retourna par terre à Iateuxiro, y entra de

125  
Protesta-  
tion des  
Gifiaques.

nuict, se jetta dans la maison d'un Chrestien, où il passa trois IESVS.  
iours entiers, confessant ceux qui ne l'estoient allés trouuer CHRIST  
au vaisseau. Mais il n'eut moien de voir les prisonniers, 1605.  
quelque diligence qu'il y apportast. Dequoi ils furent  
tres-dolens; & ne le pouuans declarer de bouche, le cou-  
cherent par écrit, dans vne letre de laquelle voici la co-  
pie.

*Letre des trois Gisiaques prisonniers en Iateuxiro,  
au Pere Louys Iaponois de la Compa-  
gnie de IESVS.*

**N**OUS auons receu la letre de vostre reuerence, qui  
nous a grandement obligés à sa charité; & beau-  
coup plus de ce que pour nous visiter & consoler,  
elle a fait vn si long voiage, & tant trauaillé sa personne. 126  
Nous aurions vn extreme contentement de la voir & abou-  
cher: mais l'estat present de nos affaires, ne le permet aucu-  
nement. Car nous sommes veillés & guettés par vne conti-  
nuelle & tres-exacte diligence. Nous auons en nostre Com-  
pagnie plusieurs Gentils: vn desquels pour n'auoir peu sup-  
porter la puanteur & infection du lieu, a le cerueau ren-  
uersé, & ne cesse de hurler nuit & iour. Au reste nous viuons  
graces à Dieu ioieusement; & verrions tres-volontiers vo-  
stre reuerence, pour nous armer de ses bons auis & conseils.  
Mais il ne nous semble pas à propos, de mettre en hazard le  
repos, & salut de plusieurs, pour nostre particuliere conso-  
lation. Iean Zyemon dira le reste. Nous la prions de  
se souuenir en ses deuotes prieres de nous pauvres pe-  
cheurs.

LE lieu assigné pour prison à ces trois seruiteurs de Dieu,  
estoit si petit, & si étroit, qu'ils n'y pouuoient dormir esten-  
dus de leur long: La puanteur intolerable, & la saleté hor-  
rible; parce que telle prison estant affectée aux deteurs de  
Canzagedono, les Concierges ne vouloient permettre  
qu'on la nettoiat, pour les faire tant plustost resoudre à paier  
leur creancier, & se retirer de telle misere.



LES  
CHRIST  
1605.

AVTANT que les prisonniers estoient resolués à tenir bõ en la confession de la foy Catholique, autant s'aigrissoit le Gouverneur à les traiter plus mal de iour en iour. Car il leur confisqua tous leurs biens, sans leur laisser de quoi viure, ordonna que les Chrestiens qui n'auoient renoncé à la foy, les nourrissent eux & leurs familles. A quoi ces pauvres gens ne pouuans fournir, Monseigneur l'Euesque, & nos Peres y contribuerent de leurs charités.

127  
Confis-  
cation des  
biens des  
Gislaques.

BONNE part des Catholiques qui n'auoient esté particulièrement recherchés, voians l'extreme rigueur de laquelle le Prince & son Lieutenant vsoient enuers les prisonniers, & autres Chrestiens qui gardoient les croix, prindrent resolution de sortir des terres de Fingo, & se retirer en pais habité des Peres de nostre Compagnie, pour estre aidés & dressés en la voie du Ciel. Deux choses les retenoient. La premiere estoit la fin de cete persecution, qu'ils desiroient attendre, pour ne perdre la couronne du martyre, s'il plaisoit à Dieu les en rendre dignes. La seconde estoit l'apprehension de scandaliser & decourager les autres Chrestiens par leur depart en temps suspect; donnans à penser qu'ils ne se retirassent par lacheté ou couardise. De ce nombre fut vn jadis Bonze, lequel transporté du desir d'épandre son sang pour la foy, harcella souuent les officiers afin qu'ils le fissent mourir comme Chrestien. Mais ils le rebuterent tousiours, disans qu'ils n'auoient rien à faire avec lui.

128  
Desir du  
martyre.

QUELQUES iours apres tout ce que dessus, vn de nos freres Iaponois, vestu en paisan, entra dans Iateuxiro, & visita les prisonniers, sous la conduite d'un Chrestien, qui auoit charge de leur porter des viures: les trouua tres-joyeux, & tellement resignés à la volonte de Dieu, qu'il ne se peut dire de plus. Non moindre contentement receut-il en la visitation des autres Chrestiens, tous prests à souffrir plustost mille morts, que de demordre d'un seul petit poinct de leur deuoir. Il s'entretint trois iours avec eux, en continuels discours de choses saintes, & recogneut vn tres-grand souhait de souffrir le martyre, non seulement en ceux qui estoient desia auancés en âge, ains encores es jeunes en-

fans de six à septans. Car pour les esleuer en ce saint desir, IESVS-  
leurs propres parens leur disoient souuent: Les bourreaux, CHRIST  
vous crucifieront, vous trancheront la teste, vous fendront 1605.  
le ventre; aurés-vous bien le courage de patir tels tour-  
mens? Et les enfans respondoient hardiment, qu'ils ne se 129  
soucioient pas d'estre tourmentés au corps, sçachant bien Enfans de-  
quel l'ame ne pouuoit endurer pour cete querele, ains que sireux du  
tels tourmens lui acquerroient vn repos eternel au Ciel. martyre.  
Nostre Religieux fut spectateur & resmoin oculaire de tout  
ce que dessus.

DVRANT son sejour à lateuxiro, auint encore qu'un des  
treze, qui auoient manqué en la foy, aiant recogneu sa fau-  
te, se presenta deuant le Lieutenant du gouuerneur, & lui  
dit, que craignant la mort il auoit signé au roolle des per-  
uertis; Mais apres auoir meurement pesé sa faute il en sen-  
toit vn extreme regret. Partant le supplioit humblement,  
qu'il le raiât de la liste des mauuais, & le remit en celle des 130  
bons & genereux Chrestiens; protestant qu'il estoit resolu Conuer-  
sion d'un  
des treze.  
de faire plus de cas de la vie eternelle, que de la temporelle.  
Il le dit d'un tel accent, que le Lieutenant lui accorda sa re-  
queste.

*Martyre & mort de Melchior Cumangaie Bugendo-  
no, decapité par le commandement du Mori,  
Seigneur d'Amanguci.*

## CHAPITRE XVIII.



MELCHIOR Bugendono, ou Bugenocami,  
estoit natif de Miri place noble au Roiaume  
d'Aqui, le plus noble & riche Seigneur qui fust  
en la Cour du Mori: tres-braue Cheualier, &  
tres-adextre à manier les plus facheux affaires  
qui se presentassent. Qualités qui lui auoient acquis grand  
honneur au Iapon, particulièrement enuers le Mori. Depuis

131  
Melchior  
& son ex-  
traction.



An de 374

LIVRE XV. DE L'HISTOIRE

IE SVS-  
CHRIST  
1605.

dix-huit ans il auoit receu le saint baptême, & aiant fait ou-  
uerte profession de la foy Catholique, se montra tousiours  
fort deuot, particulieremēt à la Passiō de nostre Redēpteur.

IL fit bastir à ses propres cousts & despens vne Egli-  
se, près la ville d'Amanguci, dans vn village mouuant de  
lui, pour y receuoir celui de nos Peres qui le visitoit par  
fois, & lui administroit les Saints Sacremens de peniten-  
ce, & de la tres-sainte Eucharistie. Il se gardoit tres-  
soigneusement de dire ou faire chose aucune, contre la pu-  
reté de la foy Euangelique. En voici vne tres-manifeste  
preuue.

132

La deuo-  
tion.

QUELQUES ans auparauant que de se faire Chre-  
stien, il auoit marié vne sienne fille à vn Gentil-hom-  
me Payen, pour la conuersion duquel il trauailla long-  
temps en vain. Il renga neantmoins sa fille à l'Eglise Ca-  
tholique, en laquelle Dieu lui donna la grace de mourir  
bien-tost apres sa conuersion. Les Bonzes qui viuoient aux  
gages de ce Gentil-homme, aians sceu la mort de cete Da-  
moiselle, demanderent incontinent le corps, pour ne per-  
dre les gros emolumens qu'ils ont coutume de tirer des  
funerailles. Mais le prudent Melchior rejetta leur reques-  
te, alleguant que puis que sa fille auoit long-temps vescu,  
& estoit morte Chrestienne: elle deuoit jouir de l'honneur  
des ceremonies de l'Eglise Catholique, quoi que son mari  
fût idolatre.

133

Ruse con-  
tre les Bon-  
zes.

LES Bonzes faisans grande instance au contraire, & le me-  
naçans de faire leurs plaintes au Mori, il s'auisa d'une gail-  
larde ruse, & sainte tromperie, pour s'affranchir de leurs  
importunités. Ce fut d'enseuelir le corps de sa fille dans sa  
propre maison, le plus secretement qu'il lui seroit possible  
& faire apprester vn cercueil, lequel il para richement, & le  
remplit de pierres à la pesanteur d'un corps mort, puis le  
consigna es mains des Bonzes, lesquels croians emporter le  
corps de la Damoiselle, estoient si aises, qu'ils ne se pou-  
uoient tenir de crier victoire, & fournoient de matiere de  
rire au sage Melchior, lequel joieux de s'estre mocqué  
d'eux, en escriuit l'histoire à vn de nos Peres, qui estoit pour  
lors en la Cité de Firoxima.

CE que j'ay marqué pour faire cognoître le zeile de Melchior, en tout ce qui concernoit l'auancement de nostre sainte foy. Tous les Payens, & le Mori mesme, le tenoient pour vne des plus fermes colonnes de la Chrestienté qui fût en toute le Japon. C'est pourquoy cet ennemi juré de nostre foy ne desirant rien tant que de l'exterminer de ses Roiaumes, s'attaqua au genereux Melchior, comme au chef & vnique protecteur des Chrestiens de tout son Domaine, qui seul s'estoit opposé à ce que le Prestre, qui residoit en la ville d'Amanguci, n'en fût pas chassé; esperant que celui là vaincu, les autres ne feroient aucune résistance.

IESVS.  
CHRIST  
1605.

134  
Sa constan-  
ce en la  
foy.

IL depecha donc par plusieurs fois en diuers temps, nombre de personnes pour lui dire de sa part, qu'il lui feroit vn singulier plaisir, de retourner au culte des Camis & Fotoques. Mais le bon & loial Cheualier de nostre Seigneur, répondit tousiours & à tous, avec son accoutumée liberté & franchise d'esprit, qu'il abandonneroit plustost & bien plus volontiers, toutes autres choses, voire mesme sa vie, s'il en estoit besoin, que non pas la loy, de l'observation de laquelle il scauoit tres-bien que la perdurable felicité de l'homme dependoit; & qu'il n'y auoit moiend'en trouuer ailleurs.

LE Mori écumant de rage, pour se voir ainsi meprisé, lui enuoia derechef vn messager, disant que s'il n'obeïssoit promptement à sa volonté, c'estoit fait de sa vie. Cetui-ci n'eut pas plus fauorable responce que les autres; Voire Melchior encherit de plus sur ce qu'il auoit dit aux premiers; que si le Mori estoit resolu de le faire mourir pour la foy Chrestienne, il le supplioit bien-humblement, d'ordonner qu'il fût au prealable trainé par toutes les ruës & places publiques d'Amanguci, garotté bras & jambes, avec vne grosse corde au col, les Sergens marchans deuant, & crians par tout, haut & clair, qu'il enduroit tout cela comme Chrestien, & pour se dire & porter pour tel.

135  
Desir de  
souffrir  
pour Dieu.

LA colere du Mori s'alluma dauantage par cete responce, & parce que sur l'heure mesme il se souuint de



IESVS-  
CHRIST  
1605.

l'affront que Saxodono son Lieutenant auoit receu quelque mois auparauant, commandant à Melchior de par le Roy, qu'il eût à renier la foy Chrestienne. Si fallut-il que pour lors il rongeast son frein, & se contentast de jeter quelques menaces. Car il n'eut le courage de se venger en le faisant mourir, tant à cause de plusieurs tres-signalés seruices qu'il se souuenoit auoir receu de Melchior, que pour ne perdre vn si braue & sage Capitaine; vn Cheualier si qualifié, & vn Seigneur tant estimé de tous les Princes & Seigneurs Iaponois, lesquels lui eussent reproché pour cruauté barbare, s'il eust fait mourir vn tel personnage, pour la seule foy Chrestienne.

136

Daifusama  
en colere.

IL dissimula donc pour quelque temps, le mal-talent qu'il couuoit en son cœur à l'encontre de Melchior; & pour son respect celui qu'il portoit à vn de nos Peres, qui demouroit ordinairement en Amanguci, iusques à tant que l'an mille six cens deux, le Cubo qu'on appelloit pour lors Daifusama, s'estant mis en colere, pour vne fort legere occasion, dit quelques paroles assés picquantes, par lesquelles il monstroir se mescontenter des Predicateurs du saint Euangile, & de l'auancement de la foy Chrestienne.

Vn Bonze premier secretaire d'Estat du Cubo, & ennemi capital des Chrestiens, prenant cete occasion au poil, depescha incontinent diuerles lettres à plusieurs Princes & Seigneurs Iaponois, aux fins qu'ils ne permissent aucunement, que mesme vn seul de nos Peres habitast dans les limites de leurs Estats, & qu'à l'ouuerture des dépeches qui portoient cete ordonnance, ils les en chassassent le iour mesme, & sans delay. Car tel disoit-il estre le bon plaisir & commandement de l'Empereur.

L'vn des Seigneurs ausquels s'adrescoient tels commandemens, fut le Mori, lequel receut à deux mains, & ne laissa échapper cete occasion qu'il auoit tant & si long-temps désirée: ains fit declarer par cri public sur toutes les terres, le perpetuel, & irreuocable bannissement de celui de nos Peres qui se tenoit en Amanguci, disant que telle estoit la volonté du Cubo, à laquelle il se deuoit sousmettre. Il dissimula neantmoins pour lors avec Melchior, & continua  
quatre

quatre ans entiers à combattre sa sainte resolution, par di-  
 verses sermons, menaces, promesses, & autres moïens.  
 Mais en vain. Car Melchior respondit tousiours constam-  
 ment, qu'en tout ce qui concernoit l'Estat politique, il obeï-  
 roit au Mori, & exposerait sa vie pour son service: mais pour  
 le regard de sa foy, il n'y renonceroit iamais.

IESVS.  
 CHRIST  
 1605.

137  
 Nos Peres  
 hors d'A-  
 mangucy.

Ce pendant survint vne querelle entre le gendre de  
 Melchior, non ce Payen, duquel j'ay tantost parlé, ains vn  
 autre Chrestien Gentil-homme de bon lieu, nommé Aman  
 Gorogemon; & vn certain courtisan idolatre, mignon du  
 Mori, appelé Massunda Guembara: chacun desquels trai-  
 noit quant & soi grand nombre de Gentils-hommes leurs  
 parens, & amis; estans tous deux de grande maison, & fort  
 apparentés. Le Mori redoutant que ces factions ne causas-  
 sent quelque mal-heur en ses Estats, interposa son autori-  
 té pour reconcilier les partisans; par l'entremise de Mel-  
 chior, lequel preferant la paix du public, aux griefs & pre-  
 tensions de son gendre, le fit condescendre à vn honneste  
 accord. Dont il s'acquit plus ample reputation qu'aupara-  
 vant, parmi les Iaponois, quoi qu'il l'eût de long-temps  
 tres-grande.

138  
 Querelle  
 entre deux  
 Iaponois.

La querelle auoit pris sa source de la surintendance que  
 chacun d'eux auoit sur la fabrique d'une forteresse que le  
 Mori faisoit bastir. Car ils estoient si diuers & changeans  
 en leurs opinions, & façons de proceder, que les architectes,  
 massons & manœuvres, auoient quitté leurs ateliers, ne  
 sçachant à qui obeïr, & l'œuvre ne s'auançoit pas tandis  
 qu'on traitoit le susdit accord. Qui fut cause que le Mori  
 commanda à Melchior, de prendre seul ladite surintendan-  
 ce, jusques à tant qu'il en ordonnât autrement. Melchior  
 s'excusa tant sur son incapacité, comme sur l'accord & paci-  
 fication qu'il auoit en main; si bien qu'il esquiva dextrement  
 ce coup. Mais les articles de la paix aians esté signés d'une  
 part & d'autre, chacun posa les armes, & se retira content.  
 Il n'y eut que le Mori qui ne fut pas satisfait; ains marri de  
 l'honneur que Melchior auoit acquis au maniment de cet  
 affaire, se prit à rechercher le moien de le faire mourir se-  
 cretement. Car il craignoit que ses desseins venans à estre

139  
 Melchior  
 refuse le  
 Mori.



IESVS-  
CHRIST  
1605.

decouverts, les alliés de Melchior, grands en credit & pou-  
voir, n'y resistassent tellement, qu'il en eût du pire. Il se  
resolut donc à tenir la voie que je m'en vay deduire.

LE iour de la triomphante Assomption de la glorieuse  
Vierge Marie, il enuoia mille hommes armés, pour inuestir  
Melchior en sa maison. Il estoit lors à Fanguy, vne des prin-  
cipales pieces du Mori. Deux messagers, l'un Bonze, l'autre  
Cauallier, entrèrent dedans, & dirent à Melchior de la part  
du Roy, qu'il leur donnast des ostages, sans faire pour lors  
mention d'autre chose. Ce qu'ils firent, de peur que Mel-  
chior se mît en deffense. La coutume du Iapon estant telle,  
que quand le criminel resiste à l'executeur de la Iustice, ou  
râche à se sauuer, les ostages perdent la vie, avec lui. Que si  
le condamné se laisse mettre à mort sans resistance, ils sont  
renuoiés en liberté.

140  
Donne  
ostages.

OR le genereux Melchior ne se sentant en rien coupa-  
ble, & cognoissant bien que tous les actes de cete tragedie  
tendoient à vne triste catastrofe, ou de son apostasie, ou de  
la perte de sa vie, il donna tout à l'instant son propre & uni-  
que fils François Inosuke, & son nepueu Emanuel Yosam-  
biuro, tous deux jeunes enfans & delicats, se persuadant  
que le courroux du Mori ne donneroit pas plus auant, &  
qu'il auroit moien de comparoitre deuant lui, pour rendre  
raison de la loy qu'il professoit, & en faire publique profes-  
sion deuant toute sa Cour. Les ostages furent présentés au  
Mori, & neantmoins le logis de Melchior demeura inuesti  
d'un bon corps de garde. Ce qui l'auertit de penser plus  
serieusement que iamais aux affaires de sa conscience, & se  
disposer à la mort.

141  
Lit sa sen-  
tence.

LE lendemain de bon matin ceux qui auoient conduit les  
deux ostages vers le Mori, rentrans dans la maison assiegée,  
trouuerent ce pieux champion de nostre Sauueur qui tenoit  
d'une main son chapellet, & de l'autre vne corde: Et lui pre-  
senterent la sentence par laquelle le Mori l'auoit con-  
damné à la mort. Premièrement à raison de la querele  
que nous auons raconté ci-dessus. Secondement, parce  
qu'il n'auoit voulu renoncer à la foy Chrestienne, quoi qu'il  
en eût receu diuers commandemens. Il y auoit encore quel-

ques autres poinçts de fort petite consequence, & adjoustés IESVS-  
pour seruir de couleur. Melchior la leur posément & sans se CHRIST  
troubler; puis respondit aux deux Commis, qu'il ne se sen- 1605.  
toit coupable d'aucune des choses que la sentence portoit,  
sauf qu'il estoit Chrestien, & vouloit mourir tel. A ces fins  
il leur presenta la corde qu'il tenoit en main, les priant de  
le garotter à leur plaisir, le conduire deuant le Mori, &  
là executer sur lui tout ce qu'il leur commanderoit. Ce  
qu'il demandoit pour finir ses iours plus honteusement,  
mourir d'une façon plus ignominieuse, & ainsi imiter de  
plus près nostre Sauueur IESVS-CHRIST en sa sacrée  
Passion & mort.

LES Commissaires ne lui voulurent accorder aucune de  
ses justes demandes, ains se mirent en deuoir de l'induire à  
ne se departir de l'ancienne coutume des valeureux Ja- F42  
ponois, & se fendre au plustost le ventre, promettant de Refuse le  
lui faire ses obseques avec vn conuoil le plus beau, le plus ri- tuer.  
che & somptueux qui se fût veu de long-temps au Japon. Il  
leur dit en peu de mots, mais pleins d'un saint zele, qu'il  
n'auoit que faire de leurs pompes & honneurs funebres; &  
qu'ils ne lui parlassent plus d'abandonner la foy Chrestien-  
ne, vnique & tres-assuré chemin de la vie & felicité intermi-  
nable. Ce qu'ayant dit, il entra dans vne autre chambre, où  
il se reuestit d'accoustremens plus beaux & precieux que  
les ordinaires, prit son reliquaire au bras & retournant  
vers les Commissaires, se mit à deux genoux deuant vne sain-  
te image, recommandât son ame à Dieu. Tandis qu'il estoit  
en deuotion, vn soldat nommé Xiximo lui abarit la teste  
d'un reuers de son cimenterre, l'envelopa dans la robe du F43  
martyr, & la porta au Mori; lequel non content de cete si Perd la  
inique execution, commanda que la femme, les enfans, & teste.  
nepueux de Melchior, excepté vn qui lui estoit parent du  
costé de son pere, fussent tous massacrés, leurs corps jettés  
au feu, & reduits en cendres. Ce qui fut executé sur le  
champ. Depuis il fit aussi trencher la teste au gendre Chre-  
stien du saint martyr, qui estoit chef d'un parti, en la quere-  
le susdite. Le tout fut fait à Fangui le seiziesme iour d'Aoust,  
l'an mille six cens cinq.



An de 380

LIVRE XV. DE L'HISTOIRE

IESVS- L'OBMETS les amples informations que l'Euesque du Iap-  
CHRIST on prit peine de faire, pour scauoir la vraie cause de la  
1605. mort du bon Melchior, & qu'il a couchées au long dans  
celle qu'il adressa au P. Claude Aquauina lors general de  
nostre Compagnie, le dixiesme de Mars mille six cens six:  
parce que le narré que j'en viens de coucher, me semble  
plus que suffisant pour prouuer aussi bien la cause, que la ve-  
rité de son martyre. Je ne peus toutesfois passer sous silence,  
que le Mori fit mourir près de cent seruiteurs tant du bien-  
heureux Melchior, que de son beau-fils, qui estoit Chre-  
stien, & ne rechercha aucunement Masafandono, premier  
partisan de la faction contraire, & premier fusil de la dissens-  
sion. Quoi que suiuant les vs & coutumes du Iapon, lors  
qu'un chef de quelque faction que ce soit, est executé par  
la justice; son aduersaire n'en eschappe iamais, sans y laisser  
la vie. Veu donc que le Morine fit punir ny poursuivre par  
iustice Masafandono, ny pas vn de ceux qui l'auoient suivi,  
quoi que plus coupables, & criminels que les autres, au ju-  
gement des Iaponois; il appert euidentement que le bien-  
heureux Melchior fut decapité pour la foy Chrestienne  
qu'il professoit.

144  
Vrai fon-  
dement du  
martyre.

FINALEMMENT quatre iours apres Melchior, fut mar-  
tyrizé Damian L'aueugle, par exprés commandement du  
Mori, non pour autre sujet, que parce qu'il estoit Chrestien,  
& fort zelé au bien & auancement spirituel de ceux d'Aman-  
guci: Et ce mortel ennemi de la foy & religion Chrestienne,  
se persuadoit, qu'ayant mis à terre ces deux fortes colomnes  
de l'Eglise d'Amanguci, les autres tomberoient peu à peu  
en ruine; & en fin tout l'edifice de la foy s'enseueliroit avec  
elles, tellement qu'il n'en seroit iamais plus nouvelle. Mais  
il se promettoit ce qui n'arrida pas.

*Glorieux martyr de Damian L'aveugle, executé à  
mort en la ville d'Amanguci, par le com-  
mandement du Mori.*

## CHAPITRE XIX.



E glorieux martyr nâquit en la ville de Sacay,  
proche de Meaco, & receut le saint baptesme  
l'an mille cinq cens quatre-vingt & cinq, en la  
ville d'Amanguci. Auant qu'estre baptizé, il  
gaignoit sa vie à chanter des chansons sur sa  
vielle, allant de porte en porte, & contant

145

Damian  
aveugle.

de vieilles histoires, à la mode des aveugles du Iapon, païs  
qui en est fort peuplé. Il auoit l'esprit subtil, la memoire  
bonne, le courage releué par dessus le commun, & tres-pro-  
pre pour venir à bout de quelque chose de bon.

DE PUIS son baptesme, il acquit vne telle cognoissan-  
ce des mysteres de nostre sainte foy, qu'il recitoit les le-  
çons du Catechisme parmi les Gentils, avec vne telle ar-  
deur d'esprit, & vehemence de paroles, qu'il en conuertis-  
soit plusieurs à nostre sainte foy, & soulageoit merueilleu-  
sement vn Pere de nostre Compagnie, qui auoit soin de l'E-  
glise d'Amanguci. Apres que le Mori l'eut chassé de là, Nomb. 137.  
comme nous auons touché ci-dessus, Damian demeura  
comme son Vicaire, pour Catechizer, baptizer en cas de ne-  
cessité, visiter & consoler les malades, enterrer les trespas-  
sés, entretenir les fideles en la foy, bref chasser les esprits malins  
des corps possédés. Car Dieu l'auoit auantage de ce don  
particulier, à la gloire de son saint nom.

146

Ses occu-  
pations.

LES merueilles que Damian faisoit chassant les diables  
des corps possédés, & entretenant la Chrestienté d'Aman-  
guci, lieux circonuoisins en la foy Catholique, estans ve-  
nuës aux oreilles du Mori, ennemi mortel de la verité; &  
les Bonzes l'ayant particulièrement porté à continuer la



IESVS-  
CHRIST  
1605.

persecution, qu'il auoit commencé par le bon Melchior, il depecha de sa forteresse de Fangui, où il residoit pour lors, deux des plus signalés de ses officiers, appelés communement Buguioni, comme qui diroit Maistres des requestes, sous pretexte d'appliquer à son Domaine tous les biens de feu Melchior Bugendono. Mais c'estoit de vrai pour faire mourir Damian, seconde colonne de la Chrestienté es quartiers d'Amanguci.

147

Buguioni  
officiers.

ARRIVES que furent ces deux Commissaires en la ville d'Amanguci, le dix-neufiesme iour d'Aoust, ils allerent descendre en la maison de Bugendono, jà confisquée par ordonnance du Mori Roi d'Amanguci: & sur l'heure enuoierent vn Huissier pour appeller Damian. Le bon aueugle cogneut incontinent quelle issue auroit ce sien adjournement personnel: si qu'ayant communiqué à sa femme ce qu'il croioit, il commença à se preparer au mieux qu'il peut, à ce que par l'effusion de son propre sang il témoignât l'amour qu'il portoit à celui lequel répandit le sien pournoustous, sur l'arbre de la sainte Croix.

148

Damian ci-  
te se prepa-  
re.

Il se laua la face, les mains, & tout le corps: se para des meilleurs habits qu'il eût, comme les Iaponois ont coutume de faire quand ils sont inuités à quelque festin.

CELA fait, & aiant dit adieu à sa femme extremement éplorée, il sortit tout joieux de sa maison, accompagné de deux autres Chrestiens ses amis, pour comparoitre avec eux deuant ces Buguioni, lesquels de premier abord lui firent commandement de la part du Mori, qu'il eût à renoncer son baptisme, & quitter entierement le Christianisme. S'il vouloit condescendre à leurs volontés, ils lui promettoient train & reuenu de Gentil-homme, & de le loger à la perfection; bref qu'on le mettroit incomparablement mieux à son aise qu'il n'estoit. Que s'il estoit si mal-ausé que de contreuenir aux ordonnances du Mori, ils declaroient estre venus pour lui faire perdre la vie.

DAMIAN respondit courageusement, que de deux choses si contraires, desquelles ils lui bailloient le choix, il éliroit celle que le monde tient pour la pire. Car subir la mort pour

Pamour demon Dieu, leur dit-il, m'est chose mille fois plus agreable, que jouïr de toutes les commodités temporelles que vous me presentés. Sur quoi prenant occasion de discourir à sa façon, il leur declara plusieurs beaux mysteres de nostre sainte foy, les exhortant à la suiure, satisfaisant aux objections qu'ils lui propoisoient, le tout avec vne telle prudence, vehemence d'esprit, & grandeur de courage, que ces Payens en demeurerent confus de honte, & comme éperdus.

IESVS-  
CHRIST  
1605.

149  
Bonne loe  
Payens.

EN fin voians qu'ils perdoient leur temps, à vouloir induire Damian à l'apostasie, ils prononcerent l'arrest de mort contre lui, & resolurent de le faire depecher le plus secretement qu'ils pourroient, de peur que telle execution venant aux oreilles des Chrestiens ne fit naistre quelque sedition parmi le peuple, ou ne fût cause que plusieurs s'en allassent demeurer en quelque autre contrée, abandonnans les terres du Mori, qui se portoit si seuerement enuers les Chrestiens.

LE Soleil estant couché, ces Commissaires congедierent les deux Chrestiens qui auoient accompagné le bon aueugle; & enuiron la my-nuit, le firent monter à cheual, & conduire avec des flambeaux hors de la ville, sur le bord de la riuiera, où la coutume portoit qu'on executast les criminels, condamnés à perdre la vie pour leurs forfaits. Ce que le bon Damian recogneut aussi certainement, que s'il eust veu clair. Car estant sur le chemin, il dit aux soldats qui le conduisoient, Je sens bien, quoi qu'aueugle, qu'on me mene à la place de la Iustice publique, pour m'oster la vie, pour ce que je suis Chrestien. En quoi vous ne vous abusés pas. Car je suis vraiment Chrestien par la grace de Dieu, & veux mourir tel, pour son honneur & gloire.

150  
Reco-  
gnoist  
qu'on le  
mene, &c.

L'EXECUTEUR de la haute Iustice lui respondit, que le Roy d'Amanguci l'auoit ainsi ordonné, indigné de ce qu'ayant fait deffendre à son de trompe qu'aucun precheur de l'Euangile ne demeurast en ses terres, il auoit esté si outrecuidé de s'y arrester & exercer l'Office de Predicateur. Ce que Damian



**I E S V S -** aiant oüi, descendit de cheual, & se jettant à genoux, dit tout haut, que non seulement il enduroit tres-volontiers la mort, pour la foy de laquelle il faisoit profession, ains ressentoit en son ame vn singulier plaisir & contentement incomparable de ce qu'un si grand bon-heur lui estoit arriué. Et d'autant leur dit-il, que les Chrestiens n'ont coutume de passer de cete vallée de misere à la haute montagne de la Iustice, & de cete mort passagere à la vie perdurable, sans auoir fait au prealable quelque preparation spirituelle; faites moi courtoisie d'attendre vn peu.

151  
Demande  
temps pour  
prier.

CE qu'ayant dit, il commença de reciter quelques oraisons vocales, qui furent suiues d'une courte meditation. Puis sans donner aucun signe d'estonnement, il rendit le col à la merci du bourreau. Plusieurs tesmoins dignes de foy, asseurerent avec serment en presence de l'Euelque du Iapon, que le bourreau aiant desia haussé le coutelas pour abatre ce sacré chef, dit au bon Damian, que s'il vouloit renier la foy, il auroit la vie sauue. A quoi ce genereux champion de **I E S V S - C H R I S T** respondit d'un courage inuincible, qu'il estoit resolu de mourir Chrestien. Partant que sans autre attente ou delay il pouuoit faire son office, comme il fit, lui abatant incontinent la teste. Voila comme ce bien-heureux au eugle finit en vn instant cete miserable vie pour la confession de la foy Chrestienne.

152  
Perseu-  
rance fina-  
le.

LES bourreaux scachans que le Mori desiroit grandement, que la mort de Damian fût tenue secrete, mirent son corps en pieces, & en jetterent vne partie dans la riuiera, l'autre dans la forest prochaine, de peur qu'elles ne tombassent es mains des Chrestiens. Ruse qui ne peut empecher qu'on ne trouuast le chef & le bras gauche du martyr: reliques qui furent portées en nostre Eglise de Nangazaqui, où elles sont gardées avec la reuerence que tels joiaux meriterent.

153  
Reliques  
de Da-  
mian.

TOUTES les diligences que le Mori peut faire pour courir la rage, ne seruirent de rien. Car tout le Roiaume fut abreuué de sa cruauté, & plusieurs grands Seigneurs, & gens de guerre se retirerent de sa solde, pour aller faire seruice à d'autres Princes. Saxodono son Lieutenant general, feignit

malade, lors que le Mori l'appelloit en Cour, resolu de se retirer à Sacay pour y establir sa demeure. Ce qui étonna tellement ce barbare, qu'il licentia de sa Cour le reste de ses gardes & Gentils-hommes seruaus; mettant en leur place des Bonzes & des femmes, occupées à faire sans cesse des sacrifices aux idoles du Iapon, pour la prosperité de sa personne.

IESVS-  
CHRIST  
1605.

154

Fraieur du  
Mori.

IE clorray ce chapitre par vn trait signalé, que le bon Damian raconta à vn de nos Peres quelque temps auant quemourir. C'est qu'un certain Chrestien demeurant près d'Amanguci, auoit épousé vne Damoiselle Payenne, si obstinée en son idolatrie, que le bon aueugle l'ayant prechée deux ans entiers, ne la peut jamais émouuoir à prendre le chemin de son salut. Auint qu'un sien petit enfant mourut sans baptême. Perte qui l'affligea tellement qu'elle en tomba malade, & pria son mari d'appeller le bon Damian pour la Catechiser, d'autant qu'elle desiroit estre baptizée. Le mari autant étonné que content de cete nouueauté, lui demanda la cause d'un si inopiné changement? Elle répondit que leur petit fils decédé nagueres, s'estoit apparu par trois diuerses fois à elle, la rançant aigrement de son opiniastréré, & la priant affectueusement de quitter l'idolatrie, & embrasser la foy Catholique, si elle ne vouloit estre damnée à perpetuité. Le bon mari fit ce dont elle l'auoit requis, le saint aueugle s'y achemina, la catechisa, & la baptiza avec vn singulier contentement de tous.

155

Apparition  
d'un en-  
fant.



*Ruse de Satan pour ruiner la Chrestienté au Roiaume  
de Tamba, mais sans effet.*

## CHAPITRE XX.



N grand Seigneur Chrestien appellé Mayenda Xugendono, faisoit cete année l'office de tres-charitable Pere, & de tres-bon Pasteur au Roiaume de Tamba: aidoit beaucoup par sa vie exemplaire & bons discours, à confirmer les Neophites en leurs saintes resolutions, & persuader aux Gentils de se renger au nombre des Catechumenes. Ce que voiant Satan, & ne pouuant souffrir qu'un si grand nombre d'ames fût arraché de ses griffes, donna vne furieuse secousse à la Chrestienté de ce Roiaume. Toutesfois il ne vint pas à bout de ses intentions, ains au rebours. L'affaire passa en la façon qui s'ensuit.

156  
Enuie entre  
les courti-  
sans.

XUGENDONO auoit à sa suite & seruice deux nobles Payens, grands ennemis de nostre sainte loy, qui enraigoient d'enuie, voians quelques Gentils-hommes Chrestiens de la mesme cour, plus fauoris qu'eux, & par les mains desquels passioient tous les affaires de leur maistre & Seigneur. Pour les disgracier ils representerent à trois Princes Payens, grands amis & familiers de Xugendono, qu'ils feroient beaucoup pour la conseruation de ses Estats & Domaines, s'ils lui persuadoient de ne supporter aucun Chrestien en ses terres: Pource disoient-ils, que si quelque sien mal-veillant, faisoit sçauoir au Cubo, qu'il les maintenoit & protegoit-en toute occasion, leur donnoit congé de bâtir des Eglises, en public, dresser des oratoires en particulier, plâter des Croix par tout s'assembler à leur discretion bref faire ouuertement tous les autres exercices des Chrestiens, il s'en pourroit ressentir, & parauenture priuer Xugendono de son Estat. Ces trois Princes ne se firent pas be-

aucoup prier, pour aller vers Xugendono: & lui coloterent IESVS.  
 par raisons apparentes, le danger qu'ils jugeoient estre en CHRIST  
 cet affaire, qu'il entra en quelque alarme, principalement 1605.  
 sur le sujet d'une belle & haute croix qu'un de ses vassaux  
 auoit fait eriger joignant un grand chemin; & se resolut de  
 donner quelque chose à l'amitié que ces bons Seigneurs lui  
 portoient: sans contreuenir à la foy & obligation qu'il auoit  
 à Dieu.

A ces fins il depecha homme expres & letre à un sien allié  
 Chrestien, & pareillement à celui qui auoit fait dresser la  
 Croix, leur intimant comme plusieurs Seigneurs desquels il  
 faisoit grand estat, tant pour l'amitié de laquelle ils l'hon-  
 norent, comme de leur credit & pouuoir; lui conseilloit  
 par raisons fort preignantes, de ne permettre en ses terres  
 aucun exercice de la Religion Chrestienne, ny que ses vassaux 157  
 en fissent profession, de peur d'irriter le Cubo, que chacun Ains pru-  
 scauoit estre tres-mal affectionné à la verité Catholique. Ne-  
 antmoins que comme Chrestien, il se garderoit bien de sui-  
 ure leur conseil sur ce point, ny rien entreprendre ou alte-  
 rer en cet affaire. Qu'il desiroit que les Chrestiens s'acquit-  
 tassent bien de leur deuoir enuers Dieu, mais avec moins de  
 bruit & parade exterieure, pendant que ce danger dureroit.

EN particulier il entendoit & ordonnoit, que les Chre-  
 stiens retirassent en l'Eglise la Croix qui offensoit tant les  
 yeux des Gentils, pour ne leur donner juste occasion de  
 l'accuser deuant le Cubo. Le bon Chrestien qui auoit fait  
 dresser la Croix, aiant veu le contenu des lettres de Xugendo- 158  
 no, rempli du zele de l'honneur de Dieu, & craignant que Zeile loia-  
 plusieurs Chrestiens ne se refroidissent en son seruice, ble en vn  
 s'ils voioient transporter cete Croix; dit haut & Chrestien.  
 clair qu'il perdrait plustost ses biens, voire mesme  
 la vie, que permettre qu'on la deplaçast. Il tint si  
 ferme en sa resolution, qu'il fut besoin qu'un de nos  
 Peres l'allast trouuer, pour moderer son zele, & l'assura  
 qu'il n'yauroit aucun sujet d'offence, ny de scandale en ce  
 fait: ains que c'estoit un singulier trait de prudence Chre-  
 stienne, d'oster pour lors cete Croix d'un passage  
 si frequenté: bref que l'intention de Xugendono estoit



**I**ESVS-  
**CHRIST** droite, sainte, & tendoit à la plus grande gloire de Dieu.  
1605. En fin ce bon Chrestien se rendit au conseil du Pere qui  
l'estoit allé trouuer, & transporta fort honorablement la  
Croix en l'Eglise, rendant bonne raison de son fait à cha-  
cun de ceux qui l'entregioient. Par ce moien on ferma la  
bouche aux calomnieurs, & les Chrestiens continuerent  
en leurs saints exercices comme auparauant.

159  
Punition  
tres-juste.

**Q**UELQVES mois apres, comme il n'y a rien si caché,  
que le temps ne decouure, quelque vn auertit Xugendono,  
que deux de ses Courtisans Payens auoient ourdi & tissu  
cete trame. Il leur l'aua la teste à tous deux, par vne bonne  
réprimende; & priua l'un del'office qu'il auoit d'admini-  
strateur sur la plus grande partie de ses finances.

*Residences de Meaco, Fuximi & Ozaca.*

## CHAPITRE XXI.



**C'**ESTOIENT les trois villes les plus frequen-  
tées, & les plus propres à dilater le saint  
Euangile, qui fussent cete année au Iapon.  
Meaco pour estre l'ordinaire sejour du Dayri,  
souuerain chef des ceremonies, & distribu-  
teur des titres d'honneur au Iapon. Fuximi  
comme le siege du CuboEmpereur du Iapon. Ozaca comme  
la maison du Prince Fideyori, heritier presomptif de la sou-  
ueraineté du Iapon. Il y arriuoit peu de personnes de mar-  
que, qui ne voulussent voir nos maisons. Plusieurs deman-  
doient aussi à voir les instrumens de Mathematique, appor-  
tés d'Europe, pour l'Astrologie, & Geometrie. A cete oc-  
casion quelques-vns oioient les leçons de la doctrine Chre-  
stienne, & Sermons qui se faisoient en nos Eglises. Cete  
année furent baptizés à Meaco trois cens soixante & dix-  
huit personnes d'âge, outre les enfans: à Fuximi deux cens  
quinze: à Ozaca deux cens soixante.

160  
Trois villes  
principales  
au Iapon.

**V**NE grande Dame du Roiaume de Quanto, sollicitée

par vn sien Frere qui auoit esté baptizé quelques iours aupara-  
 rauant, alla exprès à Meaco, sans en dire mot, non pas mé-  
 mes à son mari; & baptizée qu'elle fut, s'en retourna en sa  
 maison, tres-contente d'auoir rencontré le vrai & assuré  
 sentier de salut. Quelque temps apres son mari se prit garde  
 qu'elle estoit Chrestienne. De quoi extremement marri, &  
 ne la pouuant supporter en sa compagnie, lui dit vn iour  
 brusquement, que dans vingt-quatre heures elle choïst, ou  
 de retourner au paganisme, ou de sortir de sa maison.

161  
 Grande  
 Dame con-  
 uertie.

LA Dame sans autre rephique, appelle ses seruiteurs, leur  
 commande de trousser bagage, charger tous ses meubles &  
 joiaux, & l'accompagner où elle leur diroit. Le mari bien  
 étonné de s'estre pris au mot, & voiant sa femme preste à de-  
 loger, change de note, la priant de demeurer, & viure à la  
 bonne heure comme elle voudroit. Mais la Dame repartit,  
 qu'ayant eu cōgé de s'en aller, sans le demander, & se trouuāt  
 maitresse de soi-mesme, elle estoit resoluë de plustost passer  
 le reste de ses iours sans mari, que d'en auoir doresnauant  
 vn idolatre. Elle le dit d'vn tel accent, que ce bon homme,  
 de peur de la perdre, lui promit qu'il assisteroit aux Predi-  
 cations de la doctrine Chrestienne, & si elles le contentoïent,  
 se feroit Chrestien. La femme éprise de joie, changea d'a-  
 uis, esperant de voir la promesse de son mari bien-tost ac-  
 iomplie, comme elle fut.

162  
 Sa constan-  
 ce & pru-  
 dence.

VN jeune Citoyen de Fuximi, assés décrié pour sa mauuai-  
 se vie, & touché interieurement par les leçons du Catechis-  
 me qu'il auoit ouï, resolut de quitter l'idolatrie, pour lauer  
 les ordes taches de son ame, dans les claires eaus du saint  
 baptesme. Mais les Chrestiens qui scauoient les deportem-  
 ens de sa vie, doublant de sa future perseuerance, le prie-  
 rent de ne prendre point en mauuaise part, si on dilaoit vn  
 peu à lui octroier sa demande. Il repartit, qu'encore qu'il  
 eust vécu, en jeune homme dissolu, il esperoit tant en IESVS-  
 CHRIST, qu'il obtiendrait pardon pour le passé, & grace  
 abondante pour s'amender à l'auenir & perseuerer iusques  
 au dernier soupir. Responë qui agrea tant au Pere, lequel re-  
 sidoit pour lors à Fuximi, qu'il le baptiza, non toutesfois  
 sans lui recommander la constance.

163  
 Conuer-  
 sion d'vn  
 jeune  
 homme.



IL fit bien-tost apres paroître, que la recommandation n'auoit esté vaine. Car ses pere & parens idolatres, aiant eu nouuelle de sa conuersion, prindrent comme à prix fait, de lui faire renier la foy; particulièrement vn sien oncle qui estoit Bonze: lequel pour aigrir son pere contre lui, mit en auant plusieurs bourdes, & entre autres, que les Chrestiens ne faisoient aucun honneur funebre, non pas mesmes à leurs pere & mere decedés. Si vous estimés que je parle par cœur en ceci, dit le Bonze, demandés le vostre fils mesme. Le vieillard curieux d'en scauoir la verité, l'en interrogea. Le jeune homme respondit simplement, qu'il ne lui pouuoit faire de funerailles, parce que tous ceux qui mouroient infideles, estoient damnés à iamais. Le pere effarouché de cete responce, le fit lier, garotter & tres-mal traiter l'espace de quinze iours, tant pour le boire & manger, qu'autres necessités naturelles. En fin il se delia, & sauua chez nous, où il fut quelques iours trauaillant comme vn garçon de cuisine. Depuis il fut accordé que le vieillard se contenteroit de ce que le jeune homme pouuoit faire sans prejudice de sa conscience, au dire d'vn de nos Peres. Par ce moien le jeune homme s'en retourna chez son pere.

164

Sa pruden-  
ce & con-  
stance.

A Ozaca douze nouveaux Chrestiens, voisins les vns des autres, s'entr'encourageans à seruir Dieu, firent vn ferme propos de mourir pour IESVS-CHRIST. Ils estoient tous commis pour la reparation du principal temple des idoles qui fût en la ville. Les Payens aiant, je ne scay comment, decouuert leur resolution, commencerent à les inquieter, & en fin protesterent qu'ils mettroient à mort tous nos Peres qui se tenoient là. Rodomontades qui ne les étonnerent aucunement. Car estimans que le plus grand heur qui leur pouuoit arriuer, estoit de mourir en compagnie de leurs Peres spirituels, ils se reuestirent des plus honnestes vestemens qu'ils eussent, & furent avec leurs enfans trouuer nos Peres pour mourir avec eux. Nos Peres louerent grandement leur magnanimité, & les assuerent que ce n'estoient que ruses, & artifices des ennemis

165

Martyre  
desiré.

de la foy, qui leur auoient voulu donner cete alarme pour les effraier, & perdre s'ils pouuoient. Par ce moien les renuoierent bien contens en leurs maisons.

DE PUIS les mesmes idolatres esleuerent vne grosse tempeste contre les Chrestiens, à l'occasion d'une ardente secheresse qui regnoit pour lors en ces quartiers là. Car aiant fait grand nombre de sacrifices, danſes, & autres ceremonies Barbaresques à leurs Camis & Fotoques, pour obtenir de la pluie, sans estre exaucez; ils firent entendre au peuple, que les seuls Chrestiens estoient cause de tout ce mal; Et que leurs Camis irritez de ce qu'on les toleroit, ne vouloient arrouser les campagnes de la pluie tant desirée, & necessaire aux biens de la terre. Puis attaquant de plus pres les susdits Chrestiens leurs voisins, les menacerent, que s'ils ne retournoient à leurs anciennes sectes, ils les chasseroient de leur voisinage. Les Chrestiens se moquerent de telles brauades; & leur firent tellement paroistre qu'ils auoient moins de crainte, & plus de courage que iamais, qu'en fin ils les laisserent en paix.

166  
Secheresse.

CETE magnanimité & constance en la foy, ne parut pas seulement és hommes faits & mœurs, ains és enfans encore de fort bas âge. Car il y en eut deux de douze à treize ans pour le plus, qui entrerent en nostre Eglise, aborderent vn de nos Peres, le suppliant tres-humblement de leur donner le saint Baptisme. Pour l'obtenir ils protestoient auoir ouï plusieurs sermons, & sçauoir tout ce qui leur estoit necessaire, pour receuoir cét inestimable don. Le Pere estimant que c'estoit vne ferueur d'enfans les renuoioit amiablement, apres les auoir exhortez à conseruer leurs saints desirs, & reuenir vne autre fois le trouuer. Mais les enfans poussez du saint Esprit, reitererent leur requeste, demandans pour l'honneur de Dieu, de n'estre pas escondus.

167  
Enfans &  
leur deuotion.

LE Pere voulant encore sonder leur cœur, & faire preuve de leur constance, pour se donner vne pleine & entiere satisfaction, leur dit. Mes petits amis, vous m'avez protesté, que rien ne vous manquoit, pour receuoir le baptisme. Mais ie me doute fort si vous auez congé



**I**ESVS- de vos peres & meres pour ce faire. Je crains que non. Car  
**CHRIST** ils eussent enuoié avec vous quelqu'un pour vous accom-  
 1605. pagner. Allés donc à la bonne heure, demandés leur congé, obtenés-le, & puis vous en venés ici. Les enfans repliquèrent qu'ils n'auoient besoin de sortir de l'Eglise pour cela. Car ils auoient desia obtenu ce congé. Le Pere admirant la resolution de ces petits, & par diuerses demandes & interrogations qu'il leur fit, aiant decouuert que la capacité de leurs esprits surpassoit de beaucoup leurs âges, jugea qu'en conscience il ne les pouuoit éconduire de leur requeste. Partant il leur conféra le saint baptême.

168  
 Image recherchée.

DE PUIS qu'ils furent ainsi regenerés en nostre Seigneur, ils se rendoient tous les iours en nostre Eglise, pour remercier Dieu de ce benefice, & lui demander de nouvelles graces. Vn iour le plus jeune des deux, y aiant rencontré vn de nos Peres, lui demanda instamment vne image, pour la mettre en sa chambrette, & se recommander à Dieu soir & matin deuant icelle. Le Pere refusa de lui en donner, disant que c'estoit assés qu'il eût, & dît deuotement son chapelet, parce qu'il n'estoit pas expédient d'exposer vne sainte image à la veüe de ceux de sa maison, qui estoient encore Payens. L'enfant non content de cete respõse, accosta dextrement vn des Dogiques ou Clercs eleués en nostre maison, & fit tant qu'il obtint de lui vne petite image, l'enchaissa incontinent, & la mit dans la chambre où il reposoit la nuit; mais en telle façon que chacun la pouuoit voir. Et de fait son pere, qui ne sçauoit pas qu'il fust baptizé, commença de s'en douter, à cause de cete image; l'appella, & d'un visage courroucé lui dit: Qu'est cela galant, que vois-je attaché à cete muraille? Te serois-tu par mal-heur, fait Chrestien? Oüi mon pere, dit ce petit innocent, je me suis rendu Chrestien, par vne grace speciale de mon Dieu, & le vostre. Le barbare écumant de rage, & rugissant plutoست que parlant, le tança furieusement; & pour l'etonner dauantage: Va, dit-il, si tu n'adores presentement les Camis, je t'osteray la vie. Le petit sans s'etonner de ces menaces, repartit modestement: Vous pouués faire de moi tout ce qu'il vous plaira. Voila ma dague, voici mon col, prest à receuoir le coup

169  
 Constance d'un enfant.

Abatés moi la teste, si bon vous semble. Car je veux viure & mourir Chrestien, avec l'aide de mon Dieu.

1605.

Ces paroles allumerent la rage dans le cœur selon de ce Tygre, en sorte qu'il lui déchira tous ses habits, le dépouilla tout nud, le pendit par dessous les aisselles, le guinda en l'air, le battit d'écorchées dos & ventre, demandant presque à chaque coup: Renieras-tu pas le Christianisme? Adoreras-tu pas les Camis & Fotoques? A quoi ce courageux enfant ne répondit autre chose, sinon: Je veux viure & mourir Chrestien; Je veux viure & mourir Chrestien. Le barbare fut plustost las de fraper, que l'enfant d'endurer; & ne lui rendit que sa chemise, pour lui faire souffrir la rigueur du froid qui estoit excessif. Dequoi le patient ne se plaindre, non plus que des algarades qu'on lui faisoit en la maison. Si que son pere, non moins étonné que confus, & perdant toute esperance de le peruerter, le laissant en paix, déchargea le reste de sa colere sur vn Chrestien son voisin, se plaignant qu'il auoit seduit son fils; & menaçant de le faire honneusement chasser du païs, & punir par le Gouverneur. Dequoi auerti vn de nos Peres qui residoit à Ozaza, trouua bon de preuenir le Gouverneur, lequel comme tres-accort & homme qui entendoit & suiuoit volontiers la raison, prit l'enfant, & celui qui estoit accusé, en sa protection & sauuegarde commandant à ce denaturé pere: de les laisser tous deux en paix. Au reste le succès de cet affaire tira de la bouche des Payens mesmes, qu'anciennement la sagesse & prudence regnoit es cœurs des vieillards; mais de nostre temps, l'une & l'autre se trouuoit encores es ames des jeunes enfans, & que la loy des Chrestiens operoit en eux des merueilles.



*De Canga, Noto, Yecchu, & autres Roiaumes de  
Foccocu.*

CHAPITRE XXII.



Le mot de Foccocu est Iaponois, & signifie le Nort ou Septentrion, quartier où Figendono possédoit cete année les trois Roiaumes sus-nommés, faisant son ordinaire séjour à Camazaua, capitale du Roiaume de Canga, où le Seigneur Iusto Vcondono auoit basti & fondé vne Eglise, & maison, qu'un de nos Peres commença cete mesme année à cultiuer. Peu apres son arriuée en ces quartiers là, Figendono se retira au roiaume de Yecchu, pour y viure plus à repos. L'original porte qu'il fallut faire leuée de dix mille hommes, pour y porter & conduire ses meubles & thresors: & que la principale cause de sa retraite, fut pour auoir près de soi le Seigneur Iusto, lequel il enrichit cete année de quarante mille liures de rente.

170

Foccocu ou  
Nort.

Les Chrestiens esperoient que cete familiarité avec le Sieur Iusto, pourroit induire Figendono à se faire Chrestien. Ce qui estoit grandement à desirer pour l'auancement de nostre sainte foy au Iapon. Car le Cubo venant à manquer, chacun presumoit que Figendono lui succéderoit en l'Empire, tant il estoit bien voulu & prisé par tout le Iapon. Sans mettre en ligne de cōpte sa valeur aux armes, ses richesses & puissance incomparable. L'ordinaire conuersation avec le Sieur Iusto l'auoit tellement adouci, en ses mœurs, qu'il voioit tres-volontiers nos Peres, voire leur faisoit par fois de riches presens, & disoit publiquement beaucoup de bien de nostre Compagnie. Il n'estoit pas seul Payen qui fit cas de nostre sainte loy és quartiers de Nort; en voici vn autre.

171

Figendono Roy au  
Nort.

Vn gentil-homme Chrestien, menoit vne vie peu confor-

me à sa profession, voire scandaleuse aux idolatres mesmes. I E S V S -  
 Entre lesquels il s'en trouua vn fort noble de race, qui auoit CHRIST  
 souuent oüi les sermons de nos Peres. Celui-ci accosta vn 1605.  
 autre honorable Chrestien, grandement zelé au bien des  
 ames, le suppliant de lui faire compagnie pour conseiller ce  
 mal-viuant, ou de s'amender, ou de retourner au paganis-  
 me; dautant, disoit-il, que ce gentil-homme ne pouuoit  
 auec son honneur, estre tel de nom seulement. L'autre Chre-  
 stien, zelé voirement, mais aussi fort prudent, pria le Payen  
 de l'excuser, disant qu'il ne vouloit ny pouuoit donner tel  
 conseil. Il vaut bien mieux, dit-il, qu'il soit mauuais & mal-  
 viuant Chrestien, que s'il abandonnoit du tout la foy; veu  
 que demeurant en l'Eglise quoi que membre pourri, il se re-  
 mettra plus facilement en estat de grace, & au chemin de sa-  
 lut, que s'il estoit du tout hors d'icelle. Le zeile quoi qu'in-  
 discret de ce gentil-homme Payen, profita grandement au  
 Chrestien mal-viuant. Car aiant appris ce que dessus, il ren-  
 tra en soi-mesme, & bien tost apres changea ses mauuais de-  
 portemens en vne bonne & Chrestienne vie.

172

Chrestien  
mal-vi-  
uant.

LES Chrestiens du Roiaume de Noto vaquoient avec  
 plus de franchise & liberté aux exercices de pieté & deu-  
 tion Chrestienne, qu'aucuns autres du Iapon, tant parce  
 qu'ils estoient tous vassaux du braue Iusto Vcondono, le  
 plus zelé Chrestien du Iapon, que dautant qu'ils estoient  
 éloignés de la Cour du Cubo, & par consequent du trafic  
 & conuersation avec les idolatres. De fait ils s'assembloient  
 à l'Eglise trois fois le iour, au matin; à midy & sur le soir,  
 partie pour assister à la sainte Messe, lors qu'il y auoit  
 quelqu'un de nos Peres partie pour prier Dieu, oüir la le-  
 ctüre de quelque liure spirituel, reciter les Letanies tous  
 ensemble, & ce non pesse-melés. Car les femmes estoient  
 decemment separées des hommes.

173

Notois fer-  
uens Chre-  
stiens.

Vn jeune enfant de l'âge de six ans se vencia vn iour  
 avec son pere, qui estoit Chrestien, au logis d'un genil-  
 homme aussi Chrestien, où il receut le S. baptisme avec plu-  
 sieurs autres. Ce qu'estant venu aux oreilles de sa mere, en-  
 core Payëne, elle tâcha par toute sorte de caresses maternel-  
 les, de le diuertir; & en particulier lui disant, que le nombre des



An de 396

LIVRE XV. DE L'HISTOIR

**I**ESVS. Chrestiens estoit fort petit au Iapon; & qu'en ce qui concer-  
**CHRIST** noit le salut de nos ames, il estoit plus à propos, & plus assen-  
**1605.** ré, de suiure le plus grand nombre des hommes, & marcher  
par le chemin le plus fraié.

173

Argument  
bien retor-  
qué.

LE petit montra faire grand cas de cet argument de sa  
mere, & le prendre bien; mais comme il auoit l'esprit subtil,  
& vne grace admirable; il s'en seruit sur le champ contre el-  
le, disant: Vous aués raison, d'asseurer que le nombre des  
Chrestiens n'est pas si grand au Iapon, comme celui des ido-  
latres. Il est vrai. Mais qu'est-ce le Iapon à comparaison de  
tant & si vastes Roiaumes Chrestiens qu'il y a aux Indes, en  
la nouuelle Espagne, d'en toute l'Europe? A grande peine est-  
ce la centiesme partie du monde habité. Je le vous feray voir  
à l'œil quand il vous plaira, dans la mappe-monde. La mere  
non moins étonnée que conuaincuë par cete responce, ne  
sçeut que repliquer, & dès lors cessa de molester son fils.

---

*Recueil des choses plus remarquables qui se passerent cete  
année en la ville de Nangazaki, & ses  
dependances.*

CHAPITRE XXII.

Liv. 13.  
Nomb. 93.



OVS auons marqué ci-dessus, comme Con-  
stantin, fils de François Roy de Bungo, aiant  
esté garenti de la mort, que ces lâches depor-  
temens meritoient, par le moien de Simon  
Condera, qui le reduisit à la foy Catholique,  
fut banni de la Cour du Cubo, pour lors nom-  
mé Dayfusama, & enuoia en exil perpetuel vers le Roiaume  
de Deua, sur les plus éloignées frontieres du Iapon. Depuis  
le Roy de Deua, aiant esté deposté & depossédé, Constantin  
fut contraint de le suiure, & patir plus que iamais, parce  
qu'il n'auoit moien de s'entretenir. Il se trouua réduit à rel-

174

Constantin  
Roy de  
Bungo.

le necessité, qu'il fut besoin que nos Peres, & quelques bons Chrestiens, anciens amis & seruiteurs de son feu pere, l'aidassent de iour à autre par leurs aumosnes. Incommodités qu'il souffroit d'un courage invincible, en remerciant Dieu, lui offrant le tout pour satisfaction de ses fautes passées sur tout les ieunes, disciplines & autres austerités, auxquelles il vaquoit sans cesse.

Nos Peres l'exortoient souuent, & ses domestiques le supplioient de se moderer, lui remontrant qu'il accourcissoit ses iours; Mais il leur respondoit, que comme ses pechés surpassoient en nombre & qualité ceux des autres hommes, il falloit que sa penitence fût extraordinaire. Souuent parmi l'année, & tous les iours de Careme, il portoit à nud vne rude corde, & pour l'ordinaire se couuroit d'un aspre cilice. Façon de viure qui debilita tellement sa petite complexion & nature fort delicate, qu'une fièvre suruenant, l'abatit dans peu de iours, muni neantmoins de tous les Sacremens; & tres-resigné à la volonté de Dieu. Ce fut à Nangazaqui, qu'il trespassa, & fut tenu par tout le Japon, pour un vrai modele de roiale penitence.

175  
Meurt à  
Nangaza-  
qui.

Lors que le Tayco le debouta de son Roiaume de Bungo, Maxence sa niepce, & fille d'un Cunge, duquel nous auons parlé ailleurs, fut conduite à Nangazaqui par son ayeule, qui la cherissoit grandement. Elle n'auoit pour lors que sept ou huit ans, mais estoit tellement instruite en la deuotion & crainte de Dieu, qu'arriuant au douziesme de son âge, elle eût desir de se consacrer à Dieu, par le vœu de virginité, en demanda conseil à son confesseur, & congé à sa grand'mere, lesquels la voians encore bien jeune, l'entretenoient en esperance. Mais elle les importuna tant, qu'en fin ils furent contraints lui accorder sa demande, à condition toutesfois qu'elle ne se raseroit, ny changeroit aucunement d'habit. Maxence tres-contente de cete permissiō, & sans autrement s'obliger à la cōditiō y iointe, fit son vœu en particulier, & cōmença à s'adonner plus que deuant à l'oraison, mortification, & frequentatiō des saints Sacremens. Elle prioit trois fois le iour: prenoit tel goust à la lecture spirituelle qu'elle fô-  
doit souuent en larmes. Elle auoit choisi certaines festes par-

176  
Maxence  
vierge



**I**ESVS-  
**CHRIST**  
1605. ticulieres, qu'elle solennisoit ieusnant trois iours auant, & trois iours apres au pain de ris, & à l'eau pure, & lisoit la vie de ces saints à ceux de la maison. Plusieurs nuits auant le S. iour de Noël, elle couchoit sur vne natte de paille, à l'honneur du Sauueur qui fut couché sur du foin.

177  
Ses vertus.

Après la sainte Communiõ elle demouroit souuent plus d'une heure, comme rauie hors de soi. Le mesme lui arriuoit par fois durant la S<sup>te</sup>. Messe. Ne pouuant à cause de la promesse faite à sa grand' mere, se vestir comme celles qui renõcēt au mōde, elle obtint par importunité, de porter au moins vn iour certaine pauvre robe, laquelle tenāt en main, elle s'agenoüilla deuant vne image de nostre Dame, la mit sur sa teste, en signe de reuerence, & avec larmes d'allegresse, rendit graces à la glorieuse Vierge pour la iouissance de ce bien, qu'elle desiroit sur tout, quoy que pour si peu de temps. On ne la vid iamais plus ioieuse, ni plus contente que ce iour là.

178  
Ses deccès.

Laisant à part plusieurs autres notables particularitez de la sainteté de vie, & vertus heroïques de Maxence; à cause de ses trop frequentes penitences, & rude traictement de son corps, elle tōba malade sur la dix-huictiesme de son âge; fut trauaillée de griefues douleurs l'espace de quatre vingts iours; & les souffrit avec vn grand exemple de patience. Huiet iours auant son deccès on lui rasa les cheveux pour al-  
leger son mal de teste. Dequoy elle receut vn singulier contentement, & le tesmoigna loüāt & benifsāt Dieu de ce qu'il luy auoit octrôié l'accomplissement de son vœu en cete ceremonie exterieure auant la fin de ses iours. Ses dernieres prieres & requestes à Dieu, furent de le supplier en l'honneur de sa tres-sainte mort & passion, de lui accroistre tellement ses douleurs & tourmens, qu'ils surmontassent ceux de toute autre personne reduite à l'extremité.

Vn deuot personnage lui aiant dit peu de temps auant sa mort, qu'elle se consolast en Dieu, esperant de voir bien-tost la tres-sainte Trinité, & receuoir la couronne de sa pureté virginalle, parmi les autres bien-heureuses saintes de Paradis; & que là elle se souuint de ceux qu'elle laissoit au mōde: Ces paroles lui causerent vne telle ioie & consolation interieure, qu'elle sembloit ne sentir plus aucun mal, ains disoit

que le cœur lui bōdissoit d'une extreme alegresse. Sās pour-  
tant detourner les yeux, qu'elle tenoit fchez sur son espoux  
crucifié, & lui disant souuent ces paroles, *In manus tuas; Domi-*  
*ne, commendo spiritum meum.* Elle rendit son ame à Dieu.

LESVS-  
CHRIST  
1605.

OR cōme Maxence tant en sa vie qu'en sa mort, seruit d'un  
rare exemple de pieté & deuotion aux filles, plusieurs des-  
quelles firent vœu de virginité à son imitation; aussi Marie  
fille du sieur Augustin, & vefue du Roy de Ceuxima, en four-  
nit aux vefues retirées & viuantes selon Dieu. Apres la mort  
du sieur Augustin, que nous auōs couché ci-deuāt, le Roi de  
Ceuxima son gēdre, pour complaire au Cubo, & veger autāt  
qu'il pouuoit les iniures, repudia Marie sa femme, & fille du-  
dit Augustin, laquelle tres-aise de se voir deliurée de la cō-  
pagnie d'un idolatre, se retira à Nangazaqui, fit vœu de cha-  
steté passa le reste de ses iours en grande deuotion, & rendit  
fort tranquillement l'ame à son createur.

179  
Marie mi-  
roir des  
vefues.

Liu. 13.  
nombr. 9.

VN Gentil natif de Meaco estant allé à Nangazaqui  
pour ses negoces, fut logé par vn sien amy Chrestien, dans  
vne chambre où il trouua vn beau portrait de saint Michel  
Archange. L'ayant quel que tēps considéré, il entreprit d'es-  
saier si Dieu le puniroit, pour l'auoir mal traité. Il tira dōc  
son poignard, & luy en donna tant de coups qu'il le mit tout  
en pieces, puis s'en alla sans dire mot à son hoste; & reprit la  
route de son pais. Arriué qu'il fut en son logis, le voila sur-  
pris d'une si fascheuse maladie, qu'il en eut assez pour reco-  
gnoistre sa faute, & croire que tel fleau luy venoit du ciel,  
pour l'iniure faite au portraict du glorieux Archange S. Mi-  
chel. Marry donc de sa temerité, il s'adressa à vn de nos Pe-  
res, par le moien duquel il fut instruit, baptizé, & dans peu  
de iours recouura la santé du corps, & de l'ame.

180  
Temerité  
punic.

EN l'absence d'un de nos Peres qui residoit à Fucafori, de-  
pendance de Nangazaqui, où nous auions vne Eglise & vne  
maison, le feu s'estāt casuelement attaché à la forteresse, &  
habitation principale du Seigneur, qui estoit idolatre, les  
Chrestiens & Payens pesse-messe, quittans le soucy de leurs  
propres logis, accouroient pour preseruer le nostre. Mais il  
pleut à Dieu, que le vent tourné en vn moment porta le feu  
d'un autre costé, si bien que nostre habitatiō fut conseruée.

181  
Feu mira-  
culeusement  
detourné.



IESVS-  
CHRIST  
1605.

Ce que chacun marqua pour vn evident miracle, parce que l'embrasement en estoit à neuf ou dix pas, & tel, que puissance humaine n'y pouuoit apporter remede. On remarqua pour merueille que toute sorte de personnes estant entrez chez nous, pour s'opposer à la violence du feu, on ne recongneut neantmoins manquement de chose quelconque.

182  
Marchand  
constant.

LE Pere & Superieur de la residence estant de retour le iour suiuant, fut auerti que la maison d'un riche marchand baptisé enuiron quinze iours auparauant, auoit esté brûlée, avec tout son meuble, qui estoit de tres-grand prix: & craignant qu'il n'estimast tel accident luy estre arriué, pour auoir renoncé au culte des Camis & Fotoques, comme les Gentils ont coutume de presumer, le voulut aller voir & consoler. Mais telle pensée n'estoit entrée au cœur de ce bon personnage. Car il preuint le Pere, & fut luy congratuler, de ce que le feu auoit respecté nostre Eglise & maison: & le Pere se mettant en deuoir de le consoler pour sa perte, il respondit: Tandis que ie vois vostre Eglise & maison sur pied, il me semble n'auoir fait aucune perte. Tout au contraire cet accident m'a causé vne faueur particuliere. Car j'ai gaigné la volonté d'un de mes domestiques, ieune homme, lequel ayant esté touché du feu, & n'ayant pas longtemps à viure, desire mourir Chrestien, & à ces fins attend l'assistance de vostre charité. Le Pere s'y achemina soudain, le catechisa suffisamment pour le temps, & le baptisa si à propos, que la mesme nuict le malade rendit son ame à Dieu.

*Voiage d'un de nos Peres vers Yendo, capitale des  
Roiaumes de Quanto, où personne n'auoit  
encore preché.*

## CHAPITRE XXIV.



LE Cubo, jadis Dayfusama, auoit tenu le Roiaume de Quanto, du viuant de Tayco, depuis le decès duquel, s'estant rendu Seigneur absolu de la Tençe, il les mit entre les mains de son fils aîné, qu'il designoit son successeur en l'Empire, & alloit par fois visiter Yendo, Metropolitaine desdits Roiaumes. Elle est à douze iournées de Meaco, sur les frontieres du Iapon vers le Leuant. On y va par vn grand chemin roial, large de soixante pas, & ceint d'une part & d'autre de grand nombre de pins, qui apportent l'esté vn grand rafraichissement aux voyageurs. On rencontre au bord de ce chemin, grande quantité de tres-beaux & tres-amplés palais, dressés pour la commodité du Xogun, qui tous les ans s'achemine vne fois à la Cour de l'Empereur, pour le recognoitre.

LE Cubo fit ceindre la ville d'Yendo de fortes murailles l'an mille six cens six, aux depens des Seigneurs du Iapon, qui s'y transporterent dès le mois de Feurier, & y sejournerent iusques en Septembre. On faisoit estat de trois cens mille ouuriers, ausquels le Cubo ne donnoit qu'un peu de ryz à manger par fois; les Seigneurs leur fournissant le reste par forme de coruées.

PAS vn de nos Peres n'auoit encore fait ce voiage; celui-ci qui l'entreprit cete année, ne trouua sur son chemin qu'un seul Chrestien, ancien Medecin, lequel aiant femme & enfans Payens, & residant au milieu d'une nation si deprauée, se conseruoit en la pureté de la foy, & obseruance des commandemens de Dieu. Il auoit leu six diuerses

183  
Yendo vil-  
le du quan-  
to.

184  
Medecin  
Chrestien.



LES VSC-  
CHRIST  
1605.

fois toute la grande guide des pecheurs en Iaponois, & au-  
tant ou plus souuent le Catechisme: Lecture qui lui ser-  
uoit grandement pour confirmer les fideles qui l'alloient  
voir, & confondre les Payens. Aiant eu auis de la venue du  
pere, il fut au deuant, portant au col deux chapellets, qu'il  
prisoit plus qu'aurant de chaines d'or, il le receut fort ho-  
norablement en sa maison, & lui promit de conduire au  
plutost ses enfans à Meaco, pour les faire Chrestiens, com-  
me ils desiroient.

185

Edict nou-  
ueau du  
Cubo.

DIVERS affaires portoient ce pere vers Yendo, mais sur  
tout le desir d'assister vn petit nombre de Chrestiens habi-  
tués en ces quartiers là, lesquels couroient fortune de leurs  
moiens & vies, parce que le Cubo estant allé visiter le Xo-  
gun, son fils, il auoit esté aduerti qu'il y en auoit grande  
quantité, & auoit enjoint aux Gouverneurs des lieux de s'in-  
former combien ils estoient, & de leur faire quitter ou le  
païs ou la foy. Comme cet arrest fut prononcé de la propre  
bouche du Cubo, plusieurs estimerent qu'il auroit force &  
valeur par tout le Iapon; mais Dieu voulut que ce fût vn feu  
de paille, & l'exécution ne sortit pas hors des murs de la ville.  
Car le gouverneur d'Yendo aiât fait ses diligences, ne trouua  
pour tout que dix Chrestiens, & ce en deux ou trois biē petites  
familles; & ne leur fit aucun deplaisir, se persuadāt que la seu-  
le publication de l'edit, qu'aucun ne se fit plus baptizer, sous  
peine de la vie, satisfairoit à la volonté du Cubo.

186

187

Constance  
d'un Chre-  
stien.

NONOBTANT ce nouuel edit, le pere visita le Cubo, & son  
fils, qui lui firent plusieurs grandes caresses, expedierēt fort  
fauorablemēt tous les affaires qui lui auoiēt esté recōmādés,  
voire lui donnerēt pour present quelques vergettes d'argēt,  
à la mode du Iapō. Plusieurs Seigneurs de la Cour l'inuiterēt  
en leurs logis. Ce qui cōsola grandemēt les Chrestiens que le  
nouuel edit auoit etonnés. Il s'en trouua vn entr'autres, le  
quel aiant oūi dire, que le Cubo & son fils cōmandoient aux  
fideles de quitter leur foy, se presenta au gouverneur d'Yen-  
do, protestant qu'il estoit depuis long-temps Chrestien, &  
iamais ne seroit autre, deût-il mourir de mille morts. Puis rē-  
dit de si claires & pregnātes raisons de la verité Chrestienne,  
que le gouverneur tout étonné de l'efficace d'icelle; & d'ail-

leurs ébahi de sa constance, lui respondit amiablement, que la Religion qu'il professoit estant si bien fondée, & sa constance tellement témoignée, il ne pouuoit que louer & approuver sa vertu.

LESVS-CHRIST  
1606.

LE Pere rencōtra aussi dās Yendo, sept ou huit qu' Anglois que Holandois, de ceux que le Cubo y auoit confinés comme voleurs, trouués dans vn vaisseau chargé d'armes, ainsi que nous auons touché ci-dessus; Il s'accosta de leur chef, & s'offroit à lui procurer passe-port & sauf-conduit, pour se retirer où il voudroit hors du Iapon. Ce qu'il faisoit, de peur que ces heretiques n'infectassent du venin de leur peruerse doctrine, les ames des nouveaux Chrestiens. Mais ils remercièrent le Pere, refusans son offre, & allegāt que l'Empereur ne leur octroieroit pas volontiers de partir de là.

VN Chrestien poussé d'extreme necessité, commit vn larcin en suiet de peu de consequence. Il fut neantmoins condamné à mort, suiuant les loix du Iapon, fort rigoureuses en cas semblables. Mais le gouuerneur d'Isifay, aiant eu commandemēt de son maitre, pour cōtenter le Pere qui se tenoit là, & les Chrestiens; le fit aduertir de cōfesser & aider à mourir ce pauvre criminel, signifiant dextremēt qu'il estoit prest à lui octroier la vie, si le Pere l'en requeroit. Le pere autant aise qu'étonné de la faueur inespérée, parce qu'il auoit autresfois demandé pouuoir de confesser telles personnes sans l'obtenir, remercia le gouuerneur de l'offre, le suppliāt de donner la vie à ce miserable. Ce qu'il obtint. Car le gouuerneur lui enuoia le prisonnier à l'Eglise, voulant qu'il le confessast, & apres l'auoir absous de ses fautes, lui donnast la liberté, comme il fit. Le patient qui n'attendoit que d'estre mené del'Eglise au gibet, se voiant exempt de ce danger, ne scauoit quasi où il en estoit, tant la joie le transportoit. Il rendit graces à Dieu, & à son liberateur, faisant ferme propos d'observer à l'auenir plus exactement les commandemens de Dieu.

188

Criminel  
deluré.

VNE femme Chrestienne, se trouuant importunée par vn mauuais homme, lui resista si long-temps & si courageusement; que se voiant forclos de ses sales esperances, il fit du desesperé, & mit la main au poignard, non pour se

189

Chasteté  
dextrement  
conseruée.



**I E S V S**-tuer soi-mesme, comme il faisoit semblant, ains pour tirer  
**CHRIST** cete femme à son peruers desir. Mais elle sans s'etonner, lui  
 1605. dit. La coutume du Japon ne permet pas qu'un homme se

taille le ventre, pour auoir esté refusé par vne femme d'honneur. Et lui arrachant le poignard des mains, tourna soudain la poincte contre son estomac, comme pour le fourrer plus auant. Mais il retint le coup, & changeant en vn moment de volonté, lui demanda pardon de sa temerité. La femme interrogée depuis, si elle auoit volonté de se mesfaire, respondit que non, ains d'epouuenter cet impudent. Au plus, dit-elle, je me fusse blessée iusques au sang, pour euitier le peril d'offencer Dieu.

**V N E** fille de septans, ou enuiron, nommée Yzabeau, demanda à sa mere, qu'il lui pleût la mener à l'Eglise yn Samedi, huit iours auant la feste de l'Assomption de nostre Dame, pour ouïr chanter le *Salut Regina*. La mere respondit que ce seroit vn autre Samedi, parce qu'elle n'auoit personne au logis pour l'y conduire. Le iour suiuant la fille estant montée sur vn arbre, en tomba, s'éuanoüit, & demeura plusieurs heures, comme morte. La mere apprehendant le danger auquel elle voioit sa fille, & la tenant entre ses bras, fit vœu de visiter quelque nombre d'Eglises, si elle recouuroit la santé. Soudain apres ce vœu, la fille vid entrer dans sa chambre nostre Dame, portant l'enfant **I E S V S** entre ses bras, & tous deux d'une rare beauté, parés de drap d'or, & couronnés de brillans. A cete vision, la fille s'écria: Ma mere, ma mere, voies-vous pas? Ce furent les premieres paroles qu'elle prononça depuis sa cheute. La mere ne voiant rien, croioit que la fille resuast. Mais soudain elle se porta mieux, & tost apres fut entierement guerie, par l'intercession de nostre Dame, comme la mere mesme recogneut.

190

Vœu à nostre Dame.



HISTOIRE  
ECCLESIASTIQUE  
DES ISLES ET ROYAVMES  
DV IAPON.  
*LIVRE SEIZIESME.*

---

*L'Euesque du Iapon visite le Cubo sur le commence-  
ment de l'an mille six cens six, & son Eglise  
souffre deux bourrasques.*

CHAPITRE PREMIER.



A maxime d'Estat sembloit bien re-querir, que comme Messire Pierre Mar-  
tinez, Euesque du Iapon, auoit en son  
temps visite le Tayco ; aussi Messire  
Louys Cerqueira son successeur vid le  
Cubo, pour exercer avec plus de liber-  
té le deu de sa charge. Aussi l'auoit-il  
extremement desire, mais neantmoins  
differé pour plusieurs bons respects,  
rendans tous au plus grand honneur de Dieu, & bien de son  
Eglise ; & attendant la commodité d'aprocher de la Cour.

Ece iij

An de  
IESVS  
CHRIST  
1606.



IESVS-  
CHRIST  
1606.

Elle se presenta cete année par le moien d'un des fauoris du Cubo, nommé Ician qui auoit esté Gouverneur de Nangazaqui, & plusieurs fois promis audit Seigneur Euesque de s'emploier pour lui en cet endroit, comme il fit fort heureusement. Car entretenant le Cubo de diuerses nouuelles, il l'informa fort amplement de la dignité de Monseigneur l'Euesque, du pouuoir qu'il auoit sur les Portugais, & sur tous les Chrestiens du Iapon, en ce qui estoit de leurs ames. Et sur tout pour conseruer la paix & le commerce entre les deux nations. De quoi le Cubo faisoit grand estat. Voila comme il fit trouuer bon au Cubo, que l'Euesque le fût voir à la premiere commodité.

2  
Ician lui en  
ouure la  
porte.

CETE permission obtenuë, il s'achemina par mer de Nangazaqui à Ozaca, où il sejourna deux iours attendant encore plus fraiches nouuelles de la Cour, qui estoit à Fuximi, vne iournée de là. Plusieurs des plus grands Seigneurs de la Cour, & intimes du Cubo, aiant sçeu son arriüée, l'enuoierent visiter, & le Sieur Ician ne manqua pas de lui fournir vn vaisseau de riuere, pourueu de rameurs, & autres munitions necessaires, dans lequel il fut conduit à Meaco. Dieu sçait avec quelle joie & charité, il fut receu par nos Peres, & par les Chrestiens de cete noble ville. De là il se rendit en nostre residence de Fuximi, distant ou enuiron vne lieuë de Meaco, d'où le iour assigné, il se fit porter dans vne chaire à bras, à la mode du Iapon, iusques au Palais, où le Cubo le receut avec beaucoup de signes de bien-veillance, ne voulant permettre qu'il mît pied à terre, iusques à certain endroit, où personne n'auoit encore veu passer l'Empereur du Iapon, pour receuoir les étrangers.

3  
Le Cubo  
le reçoit.

IL se rencontra au Palais bon nombre de grands Seigneurs qui desiroient voir l'Empereur; mais il voulut admettre Euesque tout le premier, avec les ceremonies qu'on garde en Cour, à l'arriüée des proches du Dayri, qui sont les plus honorables qui se facent au Iapon. Car il se couurit des habits qu'il auoit coutume de porter es actions plus solempnelles: le remercia de la peine qu'il auoit pris à

le venir visiter, & commanda à quelques-vns de ses principaux Seigneurs qu'on lui fit voir son Palais & Citadelle de Fuximi, celui de Meaco, & tout ce qu'il y auoit de rare.

IESVS-  
CHRIST  
1606.

DE PUIS Monseigneur l'Euesque visita plusieurs grands Seigneurs, & particulièrement Canzuquedono, & Itaquuradono, pour lors Gouverneurs de Meaco, qui s'offrirent à lui, pour protecteurs de l'Eglise & Religion Chrestienne. I'obmets les caresses qu'on fit à sa seigneurie Reuerendissime, au long des chemins, me contentant de dire que Iecundono Seigneur de Bugen, quoi que Payen, sçachant qu'au retour il deuoit passer par Cocura, le fut trouuer sur le chemin, lui fit de tres-extraordinaires faueurs, & s'offrit pour protecteur des Chrestiens en ses terres, suppliant sa Seigneurie de le tenir au nombre de ses sujets Chrestiens, quoi qu'il ne fût baptizé. Je le suis de cœur & d'affection, disoit-il. Ce qui resioüissoit grandement les fideles, & donnoit esperance à l'Euesque de voir bien-tost la foy Catholique plus étendue par ces quartiers là.

4  
Persecu-  
tion à  
Meaco.

TOUTES ces offres, faueurs & caresses faites à Monseigneur l'Eueque du Iapon, n'empêcherent pas que nos Peres ne souffrissent cete année deux bourrasques en la ville de Meaco. Voici la source, le progrès, & la fin de la premiere. Vne grande Dame, nommée Magdeleine, de la plus ancienne famille du Iapon; estant morte près de la ville; son mari comme Payen qu'il estoit, voulut que les Bonzes l'enseuelissent à leur mode, & avec toute la pompe & magnificence possibles. Mais sa belle mere tres-noble Dame, & tres-deuote Chrestienne, le pria & precha tant, qu'il permit qu'on l'enseuelit en Chrestienne, comme elle auoit tousiours esté. On fit donc ses obseques en nostre nouvelle Eglise à Meaco, avec tel appareil & concours de gens, que les Bonzes en firent leurs plaintes au Cubo, mais de tel biais, que du premier coup, il lâcha quelques paroles contre nos Peres. Mais Canzuquedono son fauori, lui ayant dextrement fait prendre garde, que c'estoit vn effet de l'animosité que les Bonzes portoient à nos Religieux; & lui representant les grandes commodi-



IESVS-CHRIST 1606. tés que le trafic des Portugais portoit au Japon, il l'adoucit bien-tost, & lui fit oublier tout ce que les Bonzes auoient semé contre nous. Vostre Majesté, lui disoit-il, ne se doit pas étonner, si ces Prestres Europeans, estans venus de si loin pour precher leur doctrine, trouuillant tant pour tirer les Japonois à la cognoissance du vrai Dieu, veu qu'il n'y a si chetif Bonze qui ne se peine à dilater sa secte, & attirer nombre de gens à sa cordelle. Ce trait pleut tant au Cubo, qu'il ne fit plus estat des plaintes que les Bonzes lui faisoient contre les Chrestiens, en ce qui concernoit la foy de Dieu.

5  
Trair qui  
appaia le  
Cubo.

CETE boraſque appaisée en voila vne autre, d'autant plus dangereuse que la premiere, que la partie promouuant auoit plus de credit que tous les Bonzes. Ce fut la mere du Prince Fideyori, proche parente de la defuncte, laquelle sollicitée par les Bonzes, & picquée de ce que quelques-vnes de ses Dames auoient receu le saint baptesme sans sa permission, s'en plaignit tellement au Cubo, qu'elle le força d'écrire au Gouverneur d'Ozaca, où elle se tenoit, qu'il fit publier, sur les portes de la ville, l'Edit qui s'ensuit.

*Sa Majesté aiant eu auis que plusieurs de ses sujets ont receu la foy & religion des Chrestiens, s'en est resentie, comme de chose du tout contraire au rigoureux Edit qu'elle en a fait ci-deuant publier. Partant elle commande derechef à ses officiers & courtisans, de garder son Edit. Et dit qu'il vaudra mieux deormais que chacun se garde de n'embrasser cette nouvelle loy; & que ceux qui l'ont receue la quittent. Le vingt-quatriesme iour de la quatriesme Lune.*

6  
Edit du  
Cubo.

IL ne se peut pas faire que cet Edit, comme tout ce qui vient des souverains, ne causât quelque terreur és ames des Chrestiens d'Ozaca, & de nos Peres qui se tenoient là. Mais par la grace de Dieu, l'apprehension ne fut pas telle, qu'elle le troublast ou effrayast, cōme les aduersaires pretendoient. Les Payens mesmes n'en tindrent pas grand cōpte, decourant par le stile feminin que le Cubo n'auoit fait tel edit, que pour gratifier cete Dame. La simple façon de parler, monroit que l'ordonnance estoit extorquée. L'Empereur du Japon parle bien d'autre accent, lors qu'il pretend que sa volonté soit executée sans replique. Partant tous ces remuemens des Bonzes n'auancerent rien contre la Religion Chrestienne,

Chrestienne, ains la mirent en tel credit, que de compte fait plus de sept mille neuf cens cinquante personnes d'âge, receurent cete année le sainct baptisme en toute l'estenduë du Iapon.

SERVIT aussi grandement à contenter le Cubo, & pacifier les affaires de la Chrestienté, la visite du Pere Iean Rodriguez: lequel dès le temps du Tayco, estoit truchement de sa Majesté, & comme respondant pour toute la nation des Portugais. Car il fut voir le Cubo, pour l'informer des particularitez de la tempeste, de laquelle nous parlerons tantost, & lui porta de la part du Pere Prouincial de nostre Cōpagnie en ces quartierslà, vne belle horologe sonnante; qui monstroit le cours du Soleil & de la Lune, & marquoit les iours d'icelle. Le Cubo agrea grandement ce present, aussi estoit-il riche, & rare; & la fit poser sur le haut d'une des tours de sa citadelle de Fuximi.

7  
Baptizés  
7990.

8  
Horologe  
sonnant.

*Estat general de la Compagnie de IESVS au Iapon,  
en l'année mil six cens six, & du College  
de Nangazaqui.*

CHAPITRE VI.



DE cent vingt-quatre sujets de nostre Compagnie, qui seruoient Dieu cete année au Iapon, il pleut à la Majesté diuine, en prendre deux à soy. Le premier fut le Pere Zacarie Champion, natif de Plaisance, en Italie, âgé de trente cinq ans, desquels il en auoit passé seize en nostre Compagnie, lisant la Theologie à Macao, & trouuillant fructueusement en diuerses autres occupations. Il ne fut que dix-sept iours au Iapon.

9  
P. Zacharie  
Champion  
meurt.

Le second fut le Pere Alexandre Valignan, qui deceda à Macao le vingtiesme iour de Ianuier de l'an mil six cens six, homme cogneu & renommé pour ses heroïques vertus, tant parmy nos Religieux, parmy les Seculiers, en toute l'Inde, Iapon



An de 410

LIVRE XVI. DE L'HISTOIRE

IESVS-  
CHRIST  
1606.

IO  
P. Alexan-  
dre Valig.  
meurt.

& Chine. Il estoit si zelé à la conuersion des Gentils, qu'il sem-  
bloit n'auoir autre pensée, que d'excogiter nouueaux moiens  
pour l'auancer, tantost pouruoiant les Prouinces de bons ou-  
uriers, tantost fondant de nouueaux Colleges & Seminaires,  
tantost introduisant & reglant les estudes en diuers lieux, bref  
par sa singuliere prudence, ordonnant tellement, & ce qui con-  
cernoit nostre Compagnie, & les affaires de la Chrestienté, qu'a-  
pres la diuine misericorde, ce fut par sa bonne conduite, que  
les affaires de la Chrestienté au Iapon arriuerent au bon estat,  
auquel elles se trouuoient eete année.

APRES auoir pour la seconde fois visité le Iapon, il passa à  
Macao, pour y attendre le Printemps, & iceluy venu, donner  
plus auant dans la Chine, visiter les residances de nostre Com-  
pagnie en ces quartiers là; & consoler les nouueaux Chrestiens.  
Il auoit desjà obrenu des Mandarmis, qui sont les Magistrats  
de la Chine, vn passeport pour aller & venir libremēt par tout.  
Mais la mort trencha le fil de tous ses desseins, que ny l'âge de  
soixante huit ans, qu'il auoit, ny les diuerses indispositions  
qu'il souffroit, ny autre charge, n'auoient peu retarder. Person-  
ne ne l'auoit veu viuant, qui ne le regretast extremement  
apres sa mort.

II  
Vœu à no-  
stre Dame.

Le dernier de Iuillet, iour auquel nostre glorieux Patriar-  
che & fondateur saint Ignace, passa de la terre au ciel, le na-  
uire du commerce des Portugais, qui portoit six de nos Reli-  
gieux, se trouuant entre la Chine & le Iapon, courut vn extreme  
danger, aiant jetté en mer, la plus grande partie de sa charge,  
perdu tous les voiles iusques au trinquet, lequel les passagers  
& mariniers d'un commun consentement, voüerent à nostre  
Dame de Nangazaqui, luy promettans, que s'ils échappoient  
ce danger, ils iroient en procession du port iusques à l'Eglise,  
portant la voile sur leurs espaules, & la laissant deuant l'ima-  
ge de la tres-sainte Vierge, pour memorial de ce benefice.  
Le vœu ne fut pas fait, que le vent changea, releua la nauire  
qui estoit tellement couchée, qu'on luy marchoit à pied sec  
sur le ventre; & la mit hors de danger; si bien que la veille  
de l'Assomption de nostre Dame, ils prindrent port à Nanga-  
zaqui, & accomplirent incontinent leu vœu, passant à trauers  
la ville, le trinquet sur leurs dos, & marchans la plus part à

pieds nuds. Trait de deuotion qui edifia grandement les IESVS-  
Chrestiens de Nangazaqui.

CHRIST

L'OBMETS toutes les choses ordinaires qui se passerent 1606.

és enuiron de Nangazaqui, me contentant d'un cas particulier qui fournit d'ample preuve de la vertu des Chrestiens de ce quartier là. Du nombre de ceux qui sortirent quelques ans auparauant du Royaume de Fingo, pour la querelle de la Foy, ainsi que nous auons couché cy - des-  
sus, fut vne vertueuse Dame, nommée Marine, laquelle  
avec son mary & sa famille, quittant tous les biens temporels qu'elle auoit là, de crainte de perdre les eternels, se retira à Nangazaqui, où apres la mort de son mary, se trouuant chargée de deux filles, elle s'addonna tellement à la vie spirituelle, qu'on ne la trouuoit que priant Dieu, oyant la sainte Messe, les sermons, la lecture des bons liures, parce qu'elle ne sçauoit pas lire. Vaquant à ces saints exercices elle tomba malade. Six ou sept iours auant que mourir, elle fut comblée de telles consolations interieures, & sur tout d'une viue esperance de son Salut, que quoy qu'elle ne se peût mouuoir dans le liest, tant le mal la tenoit accablée:  
son ame estoit neantmoins tellement visitée d'en haut, que  
personne ne la voioit, qui ne s'etonast de son alegresse. Son  
mal rengregeant d'heure en heure, elle receut l'extreme-  
ction. Et à cete occasion, vn de nos Peres l'ayant visitée, elle  
lui dit d'une voix pleine de joie: O la grande paix & consolatiō  
que ie sens en mon ame! Mais quand ay-ie meritē ces graces,  
ô mon Dieu? Iamais. Iamais. Vous les donnez bien lors qu'il  
vous plaist, & sans qu'on les merite. Puis se tournant vers l'ima-  
ge de nostre Sauueur crucifié, repliquoit: D'où viennent tant  
de biens à Marine? D'où luy viennent tant de faueurs?

Liu. 14.  
nomb. 3.  
& 4.

12

Visites spi-  
rituelles.

MARINE donc se trouuant en tel estat, qu'elle n'attendoit que  
sa derniere heure, vne nuit n'ayant pres de soi qu'une de ses fil-  
les, tous les autres prenant leur repos; elle apperceut sa chābre  
réplie d'une grande lueur; & les Ss. Ioseph, & S. Iean l'Euan-  
geliste, venans droit à elle; & luy portans la plus heureuse & de-  
sirable nouuelle qui puisse arriuer à homme mortel; c'estoit  
que bien tost elle sortiroit de la prison de son corps, pour aller  
iouir à iamais de la gloire eternelle. Ce qu'ayant reuerem-

13

Appari-  
tion des  
Saints.



**I E S V S-** ment oùi, elle se tourna vers l'image de nostre Sauueur pendant  
**CHRIST** en croix, par les merites duquel elle cognoissoit telles faueurs  
 1606. luy arriuer, & passa le reste de la nuit, en doux & affectueux colloques avec luy, comme si elle l'eust veu present; disant & redisant, Mais quand est-ce Seigneur, que i'ay merité ces faueurs? D'où viennent tant de biens à Marine? Par fois elle adressoit sa parole à Saint Ioseph; par fois à saint Iean, deuisant tres-familierement avec eux.

Le matin venu, la fille qui n'auoit veu personne, à qui sa mere eust peu adresser ses discours; s'imaginant qu'elle eût reuë, luy demanda priuément, comme elle s'estoit portée la nuit; Si elle auoit point songé de parler à personnes qui n'estoient pas dans la chambre. Il n'y a songe ni resuerie en mon fait; répondit la malade. Si tu me promers de tenir la chose secrette, ma vie durant, je te diray tout. Ayant donc tiré parole de la fille, elle luy declara, ce que les saints luy auoient annoncé; l'admirable lueur, qui auoit remply la chambre; & comme elle auoit passé toute la nuit à louer & remercier Dieu & ses Saints, d'une si extraordinaire faueur.

Elle prouua suffisamment la verité de cete vision, par ses deuots comportemens; mais sur tout, par ce que plusieurs fideles la visitant, & luy demandant à qui elle recommandoit son pere, homme fort caduc; & ses deux cheres filles; elle respondit, A la diuine Prouidence. Il n'y a personne au monde, à qui je les puisse plus confidemment recommander. Estant ainsi detachée de toute affection terrestre, & vnice avec Dieu, elle quitta volontiers cete miserable vie, pour aller jouir de l'eternelle.

Pres de Nangazaqui, en vn bourg de payens, vne Chrestienne estant tombée malade d'une fièvre qui luy faisoit dire plusieurs choses hors de propos, ses domestiques, qui estoient pareillement infideles, pensant que son mal vint de ce qu'une autre femme, avec laquelle celle-cy auoit eu quelque debat, fût entrée en son corps; enuoyerēt messager expres à dix lieux de là, vers cette femme, pour la supplier de n'vser de telle cruauté enuers la pauvre Chrestienne, estant dans son corps, & la tourmentant si horriblement. Mais comme elle estoit innocente du fait, chacun peut imaginer la responce qu'elle luy fit.

Ne trouuant remede de ce costé, ils eurent recours à vn

Bonze, le priant de secourir la patiente par ses deuotions. I E S V S -  
 Le Bonze entre en la chambre de la malade, fait tantost vne CHRIST  
 conjuration, tantost vne autre, iusques à tant qu'il eût vuidé 1606.  
 son sac. Mais avec tel succès, que de malade il la fit deuenir furieuse. Tant efficaces sont ordinairement les ceremonies des Bonzes. Ses parens la voians tellement hors de soi, qu'il y auoit danger qu'elle ne se precipitât en mer, la garoterent, & luy donnerent des gardes. Dequoy quelques Chrestiens ayans eue le vent, prièrent vn de nos Peres de visiter la malade. Il y fut. La patiente le voiant rentra soudain en soi, & se confessa. Mais depuis estant retombée en ses furies, par quelque trait diabolique (comme on estimoit) Le Pere qui l'auoit confessée donna aux susdits Chrestiens vne image de nostre Patriarche Saint Ignace, deuant laquelle prians Dieu, la malade recouura perit à petit, son entiere santé.

Vn jeune Chrestien seduit par l'esprit de mensonge, estoit resolu de se defaire soi-mesme, pour ne sçay quelle affaire qu'il auoit avec vn sien frere. Mais comme il craignoit d'estre damné, s'il entreprenoit vn acte si extraordinaire, sans estre confessé, Satan lui mit en teste d'accompagner le meurtre d'un sacrilege; c'estoit de se confesser: puis aller trouuer son frere, & en sa barbe se fendre le ventre, comme si c'estoit le plus court & asseuré chemin de son salut. Ce pauvre jeune homme se fiant aux suggestions du pere de mensonge, & se trouuant loin de son logis, s'en alla trouuer vn de nos Peres, lui decouurit tout son dessein; & ne pouuât conceuoir pourquoi le pere lui refusoit l'absolutiō, iusques à tant qu'il eust changé de propos & volonté, se mit à pleurer. Le Pere lui portant compassion s'offrit à l'accorder avec son frere. A quoi il ne le voulut emploier. En fin le Pere s'auisa de lui demander huit iours de delay, pendant lesquels il ne manqueroit de dire deuotement son chapellet: ce qu'il auoit intermis long temps auparauant. La huitaine expirée, qu'il retourneroit demander l'absolution, & prendre la dernière resolution de son affaire. Le jeune homme s'y accorda, & commença à dire tous les iours son chapellet. Avant que la sepmaine fût passée, le Pere, l'ayant ren-

16

S. Ignace  
& son  
image.



IESVS-CHRIST 1606. 17  
Intercessiō  
de la  
Vierge.

contré sur son chemin, apprit qu'il estoit quitte de sa tentation, d'accord avec son frere, & prest à se confesser, comme il fit, avec ferme propos de frequenter souuent le Sacrement de penitence, & dire tous les iours son chapellet, à l'honneur de nostre Dame, par l'intercession de laquelle il se trouuoit deliuré de la plus perilleuse tentation qu'il eust iamais senti.

*Fruits spirituels cueillis cette année par nos Peres habitans  
au College d' Arima, & ses dependances.*

### CHAPITRE III.

18  
Tacacu  
quoi.



'EVESQUE du Iapon visitant le Tacacu, (c'est le nom commun à toutes les terres du Roy d'Arima) administra le sainct Sacrement de Confirmation à plus de dix-sept mille personnes, plusieurs desquelles sentirent reuiure en elles le desir de leur salut, que la trop frequente conuersation avec les Payens, auoit amorti: d'autres se reconcilierent avec leurs ennemis: d'autres se remirent en bon menage avec leurs femmes, qu'ils auoient quittées.

19  
S. Ignace  
& son ima-  
ge.

IL s'en trouua nombre d'autres qui furent extraordinairement secouruës en leurs couches, par l'intercession de sainct Ignace, fondateur de nostre Compagnie, & entre autres vne qui auoit tenu trois iours durant son fruit mort dans son ventre. Comme elle attendoit aussi-tost la mort que la santé, on lui presenta vne image de nostre sainct, à la veuë de laquelle la patiente sentit en soi quelque mouuement non accoutumé, qui lui fit demander qu'on approchast l'image plus pres de sa personne, & commençâ prier le sainct, duquel elle voioit la figure. A peine se fut-elle mise en deuotion, qu'elle se deliura de la creature morte,

mais d'une façon tant extraordinaire, que chacun <sup>IESVS-</sup> pensoit que la mere fût trespassee, aussi bien que son <sup>CHRIST</sup> fruit. Mais Dieu voulut qu'elle reuint bien-tost à <sup>1606.</sup> soi saine & sauue. Ce que tous les assistans tindrent pour vn signalé miracle, lequel accreut grandement la deuotion du peuple enuers nostre Saint Patriarche.

VOICI vn autre merueilleux cas, arriué à vne autre femme Chrestienne, natieue du Coray, nommée Claire. <sup>20</sup> Elle fut si viuement atteinte de je ne sçay quelle mala- <sup>Vision de</sup> die, que dès le troisieme iour on la tint pour morte, parce qu'elle auoit perdu tous les sens. Ses parens ne manquerent à faire les diligences qu'on pratique en semblables symptomes, parce que le cas fut soudain & inopiné: on la pourmena, on la frota, on la pinça, on lui ficha des esguilles en diuers endroits de son corps: le tout en vain. Car on n'y trouuoit aucun signe de vie.

CINQ heures apres comme on auoit fait quasi tous les apprests pour l'enseuelir, la voila reuenue à soi, bien étonnée, & pleine d'une extreme compassion enuers les ames qu'elle auoit veu tourmentées en Enfer. L'ay veu, disoit-elle, grande quantité de chaudières rengées sur vn feu ardent, & vne infinité d'ames qu'on y faisoit bouillir. C'estoit au long d'une riuere tres-froide, dans laquelle on les precipitoit, les tirant du feu. Puis elles estoient replongées dans les chaudières d'huile bouillante à grosses ondées, passant d'un extreme froid, à des ardeurs intolérables. L'en ay encore veu d'autres qu'on tourmentoit, leur plantant des cloux dans la teste, dans les mains, dans les pieds. L'ay recogneu les pechés pour lesquels elles estoient ainsi punies. L'y ay rencontré vne femme de ma cognoissance, qui m'a dit: Claire, je suis condamnée à ces peines eternelles, pour auoir fait mourir vne creature en mon ventre; & n'auoir confessé mon peché. Iem'étonnay d'oïr qu'elle m'apelloit par mon nom, & tremble encore de peur quand j'y pense.

DONNANT plus auant dans ces contrées tenebreuses, je



**LESUS-CHRIST** fus conduite à certain lieu fort obscur & horrible, où je ne vis personne; mais j'ouïs des vois plaintiues, qui crioi-  
**1606.** Aies pitié de nous. Priés Dieu pour nous. l'eus opinion que

**Purgatoi-**  
**re.**

c'estoit le Purgatoire. Continuant mon voiage, j'arriuai à vn magnifique Palais, tellement garni de tapisserie, qu'on n'y voioit piece decouuerte que le paué. M'en approchant, j'apperceu l'entrée toute dorée & argentée, des degrés régés comme on les dresse en l'Eglise, le iour du Ieudi saint, & garnis de torches & autres lumieres. Aux deux costés nombre de tres-beaux enfans, lesquels tenans chacun son liure en main, sembloient dire l'office diuin. Parmi ceux ci j'en remarquay vn qui mourut n'y a pas long-temps, âgé de cinq ans seulement, & s'offrit à me conduire iusques aux susdits degrés. Comme je voulur monter, voila trois graues personnages reuestus en Prestres, qui me dirent que personne mal nette & immonde comme moi, ne pourroit entrer en celieu là. Rebut qui m'étonna tellement, que la vision disparut; & me voici reuenue à vous. Particularités qu'elle raconta depuis plusieurs & diuerses fois, sans iamais oublier, que dès lors elle auoit totalement changé de cœur & d'affection. Ce que ses deportemens confirmoient clairement. Car elle estoit plus vertueuse & deuote qu'on ne l'auoit iamais veüe.

**Paradis.**

LE bruit courut qu'un esprit qu'on estimoit l'ame d'un Chrestien trespasé, mettoit toute sa maison en desordre; mais chacun ne scauoit pas que cet esprit traualloit en particulier le beau fils du defunct, parce qu'il aimoit mieux souffrir cetourment, que publier l'incommodité qu'il en receuoit. Le mal alla si auant, qu'en fin il se resolut d'en parler, pour y trouuer quelque remede. S'estant donc confessé, il commença à se mieux porter. On lui mit vn reliquaire au col, dont il se porta encore mieux; non toutes fois tellement qu'il fût du tout guéri. Qui fut cause qu'il demâda instamment à vn de nos Peres, qu'il lui pleût de l'exorcizer, suiuant la coutume de la sainte Eglise. Ce qu'ayant obtenu, il pleut à Dieu lui rendre l'entiere & parfaite santé. De quoi tous les Chrestiens qui l'auoient veu en son affliction, rendirent graces à Dieu.

**21**  
**Guerison**  
**miraculeu-**  
**se.**

**CERTAIN**

CÉRTAINE Dame de ces quartiers, menavers vn de nos Peres, la fille âgée de neuf ans, ou enuiron, & tellement affligée de quelques visions, qu'elle sechoit sur ses pieds. Le Pere l'ayant interrogée des causes de son mal, elle dit entre autres choses, qu'à certain temps venoient à elle vn grand renard, & deux renardeaux, qui la tiroient hors de sa maison, la menoient dans certaines forests, & lui faisoient aualer quelque boisson incogneüe, & mal-plaisante au goust. Importunité qu'elle ne pouuoit fuir. Le Pere recognoissant que ce n'estoient qu'illusions diaboliques, recita sur elle la fin & la conclusion de l'Euangile de saint Marc, vne oraison pour les malades, & vne autre à l'honneur de la Roine des Cieux, lui jetta de l'eau benite, & lui pendit vn reliquaire au col. Il n'eust pas appliqué tous ces remedes, que la fille se trouua comme déchargée d'vn tres-pesant fardeau, qui l'auoit inquietée l'espace de quatre ans, & depuis se porta tres-bien.

22  
Remdes de  
l'Eglise  
contre les  
illusions.

PLVSIEURS autres malades, qui n'auoient trouué aucun remede à leurs infirmités, en furent deliurés en recitant le saint Euangile, & l'oraison pour les malades. Entre autres il s'en trouua vn qui ne vouloit prendre aucun remede contre la fièvre tierce. Soudain qu'elle me saisit, disoit-il, je m'en vay à l'Eglise, y passe vne nuit en oraison & me trouue gueri. I'en ay par troi fois fait l'experience.

23  
Euangile  
recité.

Vn gentil-homme Payen desirant de ramener au paganisme deux de ses courtisans, freres de sang & de foy, & se doutant bien que l'vn ne changeroit pas sans l'autre, s'auisa d'vne diabolique inuentiō. Ce fut d'enuoier dire à l'aîné, que son cadet, comme bien auisé, disoit-il, auoit changé d'opinion, & du Christianisme, estoit retourné au culte des Fotoques. Partant s'il l'aimoit comme frere qu'il en fit autant. En mesme temps il enuoia vn autre message vers le cadet, pour lui signifier comme son frere s'estoit rauisé de la faute qu'il auoit commise, embrassant vne loy étrangere, & auoit repris la Iaponoise. Partant qu'il deuoit suiure son exemple. Mais comme ils estoient tous deux bons & vertueux Chrestiens, sans scauoir la trahison qu'on leur brassoit, ils respondirent vnaniment, qu'ils ne quitteroient ia-

24  
Ruse des  
Payens  
eludée.



IESVS- mais la foy de IESVS-CHRIST. Dequoy le Payen demeura  
CHRIST ra tout confus.  
1606.

*Mort de Ioachim vn des trois Gisiaques, detenus prisonniers  
à lateuxiro : patience des autres deux : & Vertus de  
deux personnes de Facata.*

#### CHAPITRE IV.



Es trois prisonniers detenus à lateuxiro, il y auoit plus de deux ans, ne cessoient de confirmer en la foy tous les Chrestiens qui les visitoient; & y attirer les Payens qu'on mettoit en prison pour leurs crimes. Ioachim y estant tombé malade, nos Peres du College d'Arimal'enuoierent visiter. Celui qui entreprit le voiage, y arriua de nuit, fut receu secretement par vn Chrestien, deguisé en villageois, & conduit à trauers des gardes du chasteau, iusques à la prison, où ces bons Confesseurs de IESVS-CHRIST le receurēt la larme à l'œil, mais c'estoit d'alegresse. Ioachim se portoit si mal, que la violēce de la maladie le mettoit par fois hors de soi. Si est-ce qu'à l'arriuée du Pere il fut trouué dormant: éueillé, se confessa de bon sens, & fit vne belle confessiō de foy en presence de ses Collegues, & la mit es mains du Pere, signée de la sienne. Protesta qu'il estoit tres-content de passer le reste de ses iours en prison, voire y mourir pour la gloire de Dieu. Reuoquant tout ce que la force de la maladie lui pouuoit auoir ci-deuant ou pourroit en apres tirer de bouche contre la doctrine del'Eglise Catholique, Apostolique & Romaine. Les autres deux Gisiaques estoient en la melme disposition, & se confessaient aussi, auant que le Pere retournast au College d'Arima.

25  
Profession  
de foy.

26  
Ioachim  
meurt.

QVELQUES iours apres son depart, la maladie de Ioachim empirant, il rendit l'ame à Dieu, le vingt-sixiesme iour d'Aoust, & s'enuola au Ciel, pour y receuoir le salaire de

tant de fatigues, & la palme du martyre tant désirée; IESVS-  
comme fait foy vn memorial qu'il laissa en nostre Colle-CHRIST  
ge d'Arima, auant qu'estre mis en prison. En voici la 1606.  
copie.

LA loy & doctrine de IESVS-CHRIST nostre Sauueur,  
estant vraie par dessus toute verité; & pure par dessus toute  
pureté, j'ay tousiours désiré, & demandé à Dieu en mes pe-  
tites prieres, qu'il lui pleût me donner la grace & le moien  
de l'enseigner à l'aueuglée gentilité. Ce desir me conti-  
nuant & croissant tousiours, il a pleu à Dieu permettre que  
je fusse condamné à tenir prison à Iateuxiro, lieu de ma nais-  
sance, pour témoigner que c'est la seule sainte & vraie loy  
que la Chrestienne. Je m'en y vay tres-volontiers, & prie  
la tres-glorieuse Roine du Ciel, qu'il lui plaise interceder  
pour moi enuers son -tres-sainct Fils, afin que je perseuere  
iusques à la mort en son saint seruice, esperant, moiennant  
sa diuine grace, souffrir toute sorte de tourmens, quand  
bien mon corps deuroit estre mis en mille pieces, pour l'a-  
mour de mon Dieu.

27

Sa sepulch-  
re.

CE saint desir de Ioachim ne fut pas accompli.  
Car il deceda de mort naturelle, & son corps par la dili-  
gence des Chrestiens, fut premierement enseveli au ce-  
metiere commun, & trois iours apres porté par eau en  
nostre College d'Arima, & enterré près du Saint Martyr  
Jean, quiauoit enduré la mort pour la foy Catholique,  
trois ans auparauant, au mesme Roiaume de Fingo. Les  
autres deux Gisiaques, furent bien-tost apres condam-  
nés à prison perpetuelle. Nous verrons leur fin en son  
temps.

VN Chrestien importuné par le Gouverneur de Iateuxi-  
ro, promit sa fille vnique au fils d'un Payen, à condition  
quel'espoux receuroit le saint baptesme, auant la benedi-  
ction nuptiale. Ce que le Payen ayant accepté & promis,  
mais ne voulant depuis le tenir, alloit dilaiant de iour en  
iour, & entretenant le Chrestien de paroles, à la façon des  
gens doubles de cœur; le sollicitant neantmoins de lui  
tenir promesse. Le Chrestien respondoit tousiours, que  
l'espoux deuoit au prealable recevoir le saint baptes-

Liu. 16.  
Nomb. 66.

28

Mariage  
auec  
Payens.



IESVS- me; que c'estoit le premier article accordé entre eux. Le-  
 CHRIST quel estant accompli, il effectueroit incontinant sa promes-  
 1606. se; ne pouuant comme Chrestien donner sa fille en mariage  
 à vn Payen.

29

Cruauté  
horrible.

DEQVOI l'idolatre extremement offencé, l'inuita vn iour  
 chez soi, & se mit en deuoir de le faire condescendre à sa  
 volonté, premierement par douces paroles: puis par mena-  
 ces: Et voiant que rien de cela ne profitoit; commanda  
 qu'on lui donnast la gesne. Ce qui fut fait d'une horrible  
 façon. Car ces bourreaux lui mirent les jambes entre deux  
 grosais ou membrures, & les presserent tellement qu'ils lui  
 fracasserent tous les os. Les executeurs de cete inique  
 iustice, s'étonnans de sa constance, lui demanderent  
 comment il pouuoit souffrir ce tourment? il respon-  
 dit. L'amour de celui pour la gloire duquel je le sup-  
 porte, me fournit de force pour l'endurer joieusement.  
 Ainsi ce bon Chrestien demeura victorieux quoi qu'estropié;  
 & le Gouverneur confus, comme il aduoüa lui mesme.

30

Constance  
d'un Chre-  
tien.

Vn braue jeune homme natif de Facata, desirant re-  
 ceuoir le sainct baptesme demanda plusieurs fois congé  
 à son pere, encore Payen, qui l'auoit donné à deux au-  
 tres siens enfans plus jeunes. Le Pere l'ayant refusé, fut  
 pour quelque dessein qu'il auoit sur son aîné, fut pour quel-  
 qu'autre respect, l'enfant se resolut à passer outre, & prit  
 le nom de Pierre. Ce que son pere aiant sçeu vn an apres,  
 lui déchira quelques images, le menaça, & le voulut for-  
 cer à renier la foy. Mais en vain. Car Pierre tint tousiours  
 bon & ferme, comme fondé sur la viue pierre de nostre  
 saincte foy. Ce que voiant son pere, lui donna treues pour  
 vn temps; puis le chassa de sa maison; & quelques iours  
 apres du logis d'un Chrestien, qui l'auoit retiré par compas-  
 sion. Tellement que le jeune homme estoit réduit à men-  
 dier son pain, sans l'assistance d'un de nos Peres, qui le re-  
 tira chez nous, esperant de le reconcilier avec son pere.  
 A peine eust-il mis le pied chez nous, que son pere en fut  
 auerti, & se rendant implorant à la raison, retira son second  
 fils de nos écoles, & leur deffendit à tous d'aller plus à no-  
 stre Eglise.

Les affaires estans reduites à ce poinct, arriua à Facata, vn <sup>I E S V S-</sup> Seigneur Payen, mais neantmoins fort affectionné aux Chre- <sup>CHRIST</sup> stiens, & grand amy du pere de Pierre, lequel se mit en deuoir 1606. de les reconcilier. Mais parce que le pere vouloit que son fils se portast à l'exterieur, comme qui auroit renoncé à la foy, ce que le fils ne voulut iamais accorder; il n'y eust pour lors autre fin de cét affaire. Mais depuis le Seigneur Payen qui s'en estoit melle, desirant y mettre quelque bon ordre, appella Pierre en sa maison; & comme il estoit homme d'autorité, le tourna de tous costez, pour le faire condescendre à la volonté de son pere. Enquoy il n'auança rien. Car Pierre tint tousiours bon, par la grace de Dieu. Ce que voyant l'entremetteur, ordonna qu'il se tiendroît quelques iours enfermé chez nous sans se laisser voir. Tandis la cholere s'appaisa, & la longue patience du fils, vainquit tellement l'indignation du pere, qu'en fin il le receut en sa maison, luy promettant de viure en Chrestien.

Vne honorable Chrestienne, se trouuant attaquée par lettres & presens, que luy enuoioit vn soldat Payen, la sollicitant à mal en l'absence de son mary, le renuoya court & souuent. Mais ce ieune fol, se rendit d'autant plus importun, que plus il trouuoit de resistance. Si qu'il entra vn iour chez cete femme, & fut droit au iardin, où il la scauoit estre seule, & luy deseourrit impudemment sa peruerse intention. La deuote Chrestienne, qui auoit son honneur en singuliere recommandation, le refusa si brusquement, que le vaillant homme, mit la main au poignard, & la menaça de mort. Il n'estonna pas pourtant la constance de la vertueuse Chrestienne, laquelle pour sortir des mains d'un homme si impudent, le pria de retourner vn autre iour. Le soldat pensant auoir gagné, s'en alla fort content; & la deuote femme se retira dans son cabinet, où elle passa tout le reste du iour, la nuict & iour suiuant, priant Dieu qu'il luy pleust la deliurer de ce danger, & luy enuoier la mort, plutost que permettre qu'elle offensa sa diuine Majesté. Dieu qui n'abandonne iamais les siens en leurs necessitez, exauça la iuste priere de cete affligée, & la garentit de tout danger, non pas enuoiant la mort à celle qui meritoit viure long temps en sa chasteté; mais au folastre qui s'estoit mis en deuoir de flaistrir son honneur. Car le lendemain comme il attendoit l'heure tant

31

Chasteté  
bien gar-  
dée.

32

Impudique  
puny.



IESVS- desirée, se trouuant bien sain & dispos, il tomba tout à coup  
CHRIST roide mort, sans que personne peût sçauoir la vraie cause qui  
1606. l'auoit priué de sa miserable vie.

*D'une Isle du Iapon qu'on appelle la belle Isle, & du  
iugement du fer rouge de feu, qui s'exerce  
vers Firoxima.*

## CHAPITRE V.



33

La belle  
Isle des-  
grite.

Trois lieuës de la ville de Firoxima il y a vne Isle, que les Iaponois appellent Itzucuxima, c'est à dire la belle Isle, qui est quasi ronde, a trois lieuës de diametre, & est garnie de plaisantes colines, sur le plus haut desquelles on void diuers temples d'idoles, & es vallées plusieurs conuents de Bonzes. Dans les grands chemins on rencontre quantité de cerfs priuez & domestiques, qui vont & viennent sans que personne les touche, parce que le peuple estime que ce sont comme les officiers domestiques & Ambassadeurs d'un fameux idole, qu'ils disent auoir esté vne Roine du Coray, laquelle poursuiuie par ses suiets (Dieu sçait pourquoy) se retira au Iapon, & y finit sa vie. Son temple est sis près de la mer, & entouré de grande estenduë de terres qui en releuent. Le peuple y accourt quatre fois l'an, & respecte tant cét idole, que la plus part des pelerins s'en retournans en leurs maisons, n'en osent porter les souliers avec lesquels ils ont marché sur ce venerable terroir; ains les laissent sur le lieu, pour marque de leur deuotion. Les autres emportent de l'eau de la mer, comme benite, & fort salutaire à leurs malades. Il est deffendu de manger chair dans le destroit de cete Isle, d'y tuer chose viuante, ny enseuelir corps mort. D'où arriue que les Insulaires prennent souuent les pauvres malades encore viuans, & les portent à vne autre Isle voisi-

34

Supersti-  
tions Païé-  
nos.

ne, pour y rendre l'ame, & puis y estre enterrez. Le supersti-  
 cieux respect que les Firoximains portent à cét idole, empe-  
 che qu'ils ne reçoivent le saint baptême: & les Bonzes, qui  
 craignent la diminution de leur reuenu, en cas que ces gens  
 se conuertissent; les entretiennent en cét erreur, prenant pour  
 punition enuoiée par l'idole, tous les sinistres accidens qui  
 leur arriuent. De fait le feu s'estant pris au fort de Tajudo-  
 dono, ils firent soudain courir le bruit, que plusieurs auoient  
 veu clairement vne lance de feu tirée de Itzucuxima, vers le  
 Palais de Tajudono, qui auoit fait couper ie ne sçay quels ar-  
 bres, en vne forest sacrée à cét idole. Coup qu'ils tenoient pour  
 vne manifeste punition d'enhaut.

LOUIS Chicugodono, & Simon son fils, principaux  
 piliers de la Chrestienté de Firoxima, estans cete année al-  
 lé avec Tajudono, pour trauailler à la forteresse d'Yendo,  
 de laquelle nous auons parlé cy-dessus, furent contraints  
 de se loger avec plusieurs autres au Royaume de Izu, en la  
 maison d'un Payen, dans laquelle comme bons Chrestiens,  
 qui pour changer d'air, ne changent pas de Foy, ny de de-  
 uotion; ils dresserent vn autel, pour s'y retirer & prier Dieu,  
 particulièrement les iours de feste. Le iour de Pasques,  
 suiuant son ancienne coutume, il donna à disner à tous  
 les Chrestiens qui se retiroient és enuirs de son logis.  
 Parmy les viandes, desquelles il auoit fait prouision, se trou-  
 ua quelque piece de cerf, beste que le maistre du logis res-  
 pectoit, comme d'un messager de l'idole, duquel nous ve-  
 nons de parler. Partant ne voulut permettre qu'on l'apprestast,  
 ny mangeât dans son logis, craignant d'en estre puny par l'ido-  
 le. Mais le chastiment, que le miserable Payen redoutoit pour  
 les autres, cheut sur sa propre teste. Car quelques iours apres,  
 Louïs ayant changé de logis, le feu se prit à celuy dont il estoit  
 fort, & mit en cendre tous les meubles du Gentil, sans qu'il en  
 peût sauuer vne seule piece.

VN autre Gentil tramant secretement la ruine de Louïs,  
 fut bien plus rigoureusement puny de Dieu. Voicy com-  
 ment. Tajudono auoit estably Louïs en compagnie de deux  
 idolatres, iuge d'une certaine sentence de mort pour sça-  
 uoir si elle auoit esté iustement prononcée, ou non. Louïs mar-

IE SVS-  
 CHRIST  
 1606.

Liu. 15.  
 nomb. 283.



IESVS-  
CHRIST  
1606. chant sincerement, donna sa voix à qui auoit le droit. Ses deux  
Collegues ou Assesseurs, aueuglez de passion, & cherchâs leurs  
propres interests, condamnerent l'innocent. Les iuges estans  
plus que partagez, & Tajudono deferant grandement au iuge-  
ment de Louïs, ordonna que pour finale decision du different,  
les parties respectiuellement subiroient le iugement du feu.

35  
Iugement  
du fer ar-  
dent.

Es cas douteux, ces Payens ne trouuans point de preuues  
suffisantes, ont coustume de mener l'accusé, & par fois encore le  
delateur (côme arriua en ce fait) en certain lieu, ou ils leur met-  
tent sur les mains vne barre de fer, rouge de feu, commandant  
qu'ils marchent trois ou quatre pas, la portant, puis la posent  
sur vne table à ce destinée. Quatre ou cinq iours apres, ils vi-  
sitent les mains de telles personnes, & iugent coupable celuy  
qui les a plus brulées: Vne des parties qui deuoit subir ce ha-  
zard, craignant d'estre iugé coupable, s'en alla trouuer vn Bō-  
ze, le supplia de luy donner quelque remede pour garentir ses  
mains du feu. Le Bonze luy fit quelques chimagrées sur les  
mains, l'assurant qu'il n'auroit point de mal. L'heure de l'assi-  
gnation venue, les parties comparurent deuant les iuges, au  
paruis de certain temple des idoles, où apres quelques cere-  
monies faites, le fer ardent fut appliqué sur les mains tant du  
delateur, que de l'accusé, & icelles quand & quand couuertes  
de certains gans faits expres, pour empescher que la brulure  
ne puisse estre pensée. Cinq iours apres il fut trouué que celuy  
pour lequel Louïs auoit prononcé, auoit les mains plus gastées  
du feu, parce que se fiant en son innocence, il auoit manié le fer  
chaud, avec plus d'assurance; & par conséquent auoit esté plus  
offencé que sa partie, lequel auoit secoüé le fer soudain qu'il  
auoit senti le feu. Par ce moien le coupable fut absous, & l'in-  
nocent condamné.

36  
Calomnie  
tramée.

L'issuë de ce procès, fut tenuë par les Payens pour chose  
diuine, & claire merueille des Camis, auxquels celuy qui fut  
absous, s'estoit particulièrement recommandé. Ce qui fut cau-  
se que plusieurs de ceux qui auoient ouï le Catechisme, retour-  
nerent à leurs erreurs, ne sçachans pas la punition que Dieu  
deuoit bien-tost enuoyer à cet idolatre. Car ce bon succez de  
sa cause l'ayant rendu fort arrogant, il entreprit de perdre Louis  
par vne fauce accusation, laquelle il communiqua à quelques  
siens

fiens amis. Tandis qu'il tramoit cete calomnie, Louïs qui en eut quelque vent, recommanda son innocence à Dieu; & Tajudono enuoia vn deses domestiques congratuler à ce faux villain, le gain de sa cause, & lui dire qu'il retournât le lendemain au palais, reprendre l'exercice de son office. Ce malicieux prit cete occasion au poil, esperant s'en preualoir contre Louïs, & remercia humblement le Tono, de la faueur qu'il auoit, disant qu'il n'oseroit paroistre en public, ayant les mains ainsi grillées. Partant il le supplioit de trouuer bon qu'il se rasast, & ne seruît iamais plus à personne.

Le Messager, qui auoit esté vn des Consultants contre Louïs ayant rendu la réponse du galant à son maistre; & s'estant persuadé que le Tono luy demanderoit soudain la cause de cete resolution, bref qu'il auroit moyen de tourner le tout au preiudice de Louys, fut bien etonné d'ouïr la repliche du Tono, qui fut en peu de paroles, qu'un homme si ingrat, & qui tenoit si peu de compte des graces qu'on lui offroit, ne meritoit pas de viure. Retourne-t en vers lui, dit la Tono, & lui commande de ma part, qu'il se taille le ventre; & ce sans delay. De peur que le Messager & le condamné ne fissent refus d'executer cete sentence, le Tono enuoia nombre de soldats apres ce Messager, pour les tailler tous deux en pieces, en cas de tergiversation.

37

Punie tres-  
iustement.

Le Messager de mort trouua le Gentil condamné parmy bon nombre de ses amis, avec lesquels il passoit ioieusement le temps, ne pensant à rien moins qu'à la nouvelle qu'on luy portoit. Ce qui la luy rendit plus mal-aisée à digerer, quoi que ce soit la plus horrible qui puisse arriuer à l'homme. Comblé donc d'etonnement & confusion, si qu'il ne sçauoit que dire, ny quelle contenance tenir; & n'ayant moien d'appeller de cete sentence, il accepta pour soy la mort qu'il machinoit à Louïs; & eut la teste, non raze, comme il seignoit desirer, ains trenchée tout à fait; & sortit ignominieusement du monde, qu'il faisoit semblant de vouloir abandonner.



An de 426  
IESVS-  
CHRIST  
1606.

LIVRE XVI. DE L'HISTOIRE

*Vn Bonze conuerti, deux autres conuaincus en  
dispute, le tout près la ville  
de Meaco.*

CHAPITRE VI.



38

Bonze co-  
uertty.

N Bonze âgé de soixante ans ou plus, lequel se-  
lon l'ordre des superstitions Iaponoises, seruoit  
comme de Curé en certain village près de Mea-  
co, aiant ouï quelque leçon de nostre Catechi-  
ste, se resolut de receuoir le saint Baptême:& re-  
tourné qu'il fut en sa maison, il fit assembler tous  
ses Paroissiens, & leur dit: Ne vous etonnez pas de ce que con-  
tre la coutume ie vous ay inuitez ce iourd'huy, la pratique  
portant que vous m'inuitiez, comme vous avez fait iusques ici.  
Dequoy ie vous remercie. Ie me suis trouué obligé, voire con-  
traint à le faire ce iourd'hui, pour vous auertir que personne ne  
viennne plus en ma maison, pour vser de vos ceremonies accou-  
tumées. Car ie ne le permettray plus. J'ay appris maintenant  
qu'Amida, lequel j'ai iusques icy tenu & adoré pour Dieu, n'est  
pas tel, & qu'il n'y a chemin de salut, que celui que les Chre-  
stiens tiennent. C'est pourquoy ie suis resolu de le suiure de-  
ormais, & remercie infiniment le Createur du ciel & de la  
terre, vnique Sauueur du genre humain, de ce qu'il a daigné  
m'ouurir les yeux en ma vieillesse, & me donner de la lumiere  
pour cognoistre sa grandeur. Ie suis extremement marry de ne  
l'auoir plustost cogneu, & de vous auoir portez à recognoistre  
pour Dieu, celui qui ne l'est, ny ne le peut estre. Pour reparer en  
quelque façon cete lourde faute, & offense cōmise contre mon  
Dieu, mon Createur, ie vous coniure d'ouurir les yeux à la veri-  
té, & me prendre, s'il vous plaist, pour guide au chemin du ciel,  
comme vous m'auiez pris pour celui de l'Enfer.

39

Preche ses  
Paroissies.

CES paroles etonnerent tellement la populace, qu'ils  
ne scauoient que dire, ny que penser. Si se mirent-ils en  
deuoir de retirer ce vieillard du droit chemin, & ne le pou-

pouuans obtenir par prieres, y apporterent de menaces. Mais IESVS-  
 en vain. Car le bon vieillard continua à oïir le Catechiste-CHRIST  
 me, & receut le baptême avec sa femme & enfans. Ce que 1606.  
 les villageois ne pouuans supporter, se mirent en deuoir de  
 le chasser de leur village, & n'en estans venus à bout, conspire-  
 rent de le traiter en excommunié, lui refusant iusques au feu &  
 à l'eau. Dequoi le vieillard ne s'estonna nullement, ains con-  
 tinua à viure fort Chrestienement, & donnoit quelque es-  
 perance de reduire tous les habitans de son village, à la foy  
 Catholique.

Vn ieune homme de quatorze ans, ou enuiron, aiant esté en-  
 uoïé à Nangazaqui pour quelques marchâdises tēporelles, y en  
 récontra heureusēment de celestes, par le moien d'un sien oncle,  
 qui s'estoit rengé en nostre Compagnie, & habitoit pour lors à  
 Nangazaqui. Il l'instruisit, & l'edifia tellement, qu'il receut le S.  
 baptême, & fut appellé Iean. Quelques mois apres il retourna  
 à Meaco, où ses parens & amis, sçachans qu'il estoit Chrestien,  
 en furent d'autant plus marris, qu'ils estoient tous de la secte  
 des Foquexus, lesquels detestent sur tout le saint Euangile. Ils  
 lui defendirent donc, non seulement d'aller à l'Eglise, ains de  
 sortir du logis. Puis voians que cela ne l'esbranloit aucune-  
 ment, ils lui enuoierent diuerses troupes de Bonzes, pour le di-  
 uertir de son bon propos. Mais en vain. Car ils ne le peurent  
 iamais etonner, & moins encore conuaincre. En fin pour se de-  
 petrer de leurs ennuieuses importunitéz, il leur dit, que desor-  
 mais ils ne se prissent plus à luy, ains allassent trouuer nostre  
 Catechiste. Si vous gaignez celuy-là, leur dit-il, non seulement  
 ie me rengeray de vostre costé, ains y reduiray toute la Chre-  
 stienté. Nous serons tous Foquexus. Le Bonze accepta vo-  
 lontiers le parti, se faisant fort de le conuaincre. Il est à moy,  
 disoit-il, ie le tiens. Car comme c'est vn homme d'esprit, il  
 penetrera quand & quand la force de mes indissolubles ar-  
 gumens.

Nos Peres trouuerēt diuerses excuses pour euiter cete dispu-  
 te, de peur que venant aux oreilles du Cubo, elle ne preiudi-  
 ciait aux Chrestiens. Mais les Bonzes firent tant d'instāce, qu'il  
 fut besoin d'accepter leur defi, de peur que nostre circōspection  
 ne fût estimée couardise, au grād prejudice de la foi Chrestienne.

Alh ij

40

Iean nou-  
 ueau Chre-  
 tien.

41

Rodomon-  
 tades d'un  
 Bonze.



IESVS- Le iour fut pris: mais le Bonze ne comparut pas. Pour excuse  
CHRIST il allegua, que c'estoit vn iour infortuné pour eux. Il promit  
1606. neantmoins de venir certain autre iour qu'il assigna. C'estoit la  
feste du fondateur de la secte, de l'assistance duquel il se faisoit  
fort en la deffence de sa doctrine.

42

Dispute  
auec vn  
Bonze.

A v iour donné, le Bonze vint chez nous, avec vn second, &  
deux de ses deuots, qui desiroiēt assister à ce combat de langue.  
Dés l'entrée il dit en sous-riant: Je viens avec ma suite, pour me  
rendre Chrestien, & desire ouïr le Catechisme. Nostre Cate-  
chiste n'estoit pas loin: il s'auance; chacun prend place, & il  
commence à dechiffrer les sectes du Iapon, faire paroistre leurs  
fondemens, & monstrent par viues raisons, & paroles tirées du  
Buppo (qui est vn liure de leurs sectes, œuvre de grande autho-  
rité chez les Iaponois) que toute leur doctrine aboutissoit à l'a-  
theïsme & irreligion.

43

Buppo  
liure.

LE Catechiste aiant finy son discours, il demanda librement  
au Bonze, s'il auoit quelque chose à contredire. Oüi, dit-il: &  
commença à proposer ses doutes; mais si obscurément & con-  
fusément, qu'il monstroït n'entendre pas mesmes les paroles  
qu'il tiroit du Buppo. Son second le voulut par fois espauler: mais  
nostre Catechiste le contraignit de contredire à son maistre, de  
desauouer l'autheur du Buppo, & de quitter celui qu'il secon-  
doit au plus fort de la dispute. Ce nonobstant le Bonze cōtinua;  
mais sautant du Coq à l'Asne, & ne sçachant plus que dire.  
Au lieu de reparer la bresche qu'il auoit fait à son honneur, &  
recouurer le credit qu'il auoit perdu dès le commencement,  
il s'egara dauantage, & descourrit de plus en plus son igno-  
rance, niant obstinement les premiers principes, les autoritez  
de ses maistres & docteurs, bref tout ce que nostre Catechiste  
lui alleguoit; & n'ayant autre parole en bouche, que, Je le nie.

44

Bonze cō-  
fus & puni.

LA dispute reduite à ce poinct, pource que le Bonze n'osoit  
se leuer, ny quitter sa place, de peur que nostre Catechiste criast  
victoire, comme il eust fait s'il eust eu pareil auantage; Iean  
nouveau Chrestien, duquel nous venōs de parler, qui auoit dō-  
né sujet, & assisté à toute la dispute, bien aise de le voir confus,  
& le brocardant, luy dit: Monsieur le Bonze, veu que la dispu-  
te vous a si mal reüssi, ie vous cōseille de vous retirer, de prédre  
quelquetemps pour mieux estudier, & reuenir vne autre fois,

donner meilleure preuue de vostre suffisance. Je laisse à <sup>IESVS-</sup>  
 penser au lecteur quelle honte ce congé fit au Bôze, & côme <sup>CHRIST</sup>  
 il s'en retourna confus en sa maison. Ses Collegues se resen- <sup>1606.</sup>  
 tirent tellement de cete écorne, qu'après lui auoir lauë la  
 teste ils le chasserent ignominieusement de leur maison,  
 comme incapable & indigne d'estre leur Superieur.

IE pourrois coucher ici plusieurs autres choses arriüées  
 cete mesme année, és residances de Fuximi, Ozaca, Focco-  
 cu & autres: mais pource que ie desire estre court, & fuir  
 les occasions de l'ennui, qu'apporte la surcharge de choses  
 semblables; ou peu differentes des autres, je conclurray  
 l'histoire de cete année par vn étrange accident, arriüé au  
 Roiaume de Farima.

SATAN s'estant emparé du corps d'une femme idolatre,  
 la trauailloit tellement, que sortant de son logis, elle cou-  
 roit les ruës, comme vne lionne, offensant tous ceux qu'elle  
 rencontroit. Vn iour s'estant jettée dans le fort du Seigneur  
 du lieu, elle donna iusques à la chambre des Dames, dechi-  
 ra la robe de l'une, décoiffa l'autre, en battit plusieurs; en rua  
 la plus part par terre; ne pardonna pas mesmes à la Dame du  
 lieu, & fit mille maux, iusques à tant qu'elle arriua près d'une  
 Dame Chrestienne, qui estoit au seruice de la maison.  
 L'ayant apperceuë, comme vn objet nouveau, & du tout  
 effroyable pour elle, la voila qui prend la fuite. Quelques-  
 uns la suiurent & l'ayant prise & garottée, firent venir la  
 Dame Chrestienne pour lui parler. Mais la patiente ne la  
 vouloit point voir, ains à deux mains cachoit sa face, tant  
 qu'il lui estoit possible, & disoit tout haut que cete femme  
 estoit espouuentable. La Dame du lieu, en demanda la cau-  
 se. La Chrestienne aduoüa ne la sçauoir pas: sauf, dit-elle, si  
 l'esprit malin qui la possède, redoute la force & vertu d'un  
 Agnus Dei, que je porte au col. L'assistance fut d'auis qu'on  
 mit cet Agnus Dei sur la possédée, laquelle s'accoifa sou-  
 dain, & tellement que depuis elle ne fit mal à personne; &  
 petit à petit fut du tout guerie. Ce qui étonna grandement  
 les Payens, & en eurent plusieurs à demander le baptesme.  
 Depuis Dieu fit plusieurs semblables merueilles par la ver-  
 tu du mesme Agnus Dei.

45

Femme  
possédée.

46

Agnus Dei  
& sa vertu.



*Le Pere Prouincial du Iapon visite premierement le  
Cubo à Foqu ; puis le Xogun son fils à  
Yendo , & void la Montagne  
du feu.*

CHAPITRE VII.



ERVIS que le Tayco predecesseur du Cubo, commença sur la fin de ses iours, la persécution que nous auons décrit ci-dessus ; quoi que le Cubo, ci-deuant appelé Dayfusama, se fût tousiours montré assés affectionné enuers nostre Compagnie, & eust veu volontiers Monseigneur l'Euesque, & quelques-vns de nos Peres : si n'auoit-il iamais reuouqué les Edits faits par le Tayco, contre les Chrestiens, & contre nous ; ains par fois auoit déclaré n'entendre que les grands & nobles se fissent Chrestiens. Partant aucun Superieur de nostre Compagnie n'auoit eu libre accès vers lui. Car le P. Alexandre Valignan, quoi que visiteur du Iapon pour la seconde fois ; ne fut par lui receu que comme Ambassadeur du Vice-roi des Indes. Et pas vn de nos Superieurs ne l'auoit veu depuis ; quoi que le P. Prouincial ne manquast d'enuoier tous les ans quelqu'un de nos Peres, pour le visiter, au nom de toute nostre Compagnie.

CETE année apres plusieurs prieres & oraisons, sur ce faites, il se resolut de s'y transporter en personne. A quoi le Cubo sembloit l'auoir obligé, pource que l'Euesque du Iapon l'estant allé visiter ainsi que nous auons dit au commencement de celiure, il signifia que si le P. prouincial le vouloit voir, il seroit le bien venu. Ce que plusieurs Seigneurs nos bons amis qui estoient lors en Cour, firent incontinent entendre au P. Prouincial, lui conseillans de ne laisser pas perdre cete occasion. Le Pere les en remercia ;

Liu 12.  
nomb. 13

47  
Le P. Prouincial  
void le Cubo.

& auant que de se mettre en chemin, il en voulut sçauoir l'auis IESVS-CHRIST.  
 de Canzuquedono, le plus intime du Cubo, & nostre singulier protecteur: lequel aiant trouué sa Majesté tres-bien 1607.  
 disposée à le receuoir, lui en escriuit au long, & fort fauorablement.

LE P. Prouincial partit donc de Nangazaqui le cinquieme iour de May mille six cens sept; passa par Ozaca, Fuximi, Meaco, fut par tout fort honorablement receu par les Chrestiens, & arriua à Foqu, ville du Roiaume de Surunga, où le Cubo lui fit mille caresses; le remercia de la peine qu'il auoit pris, à le venir voir de si loin, comme Nangazaqui est de Foqu. Paroles que le Pere Prouincial prit à grand honneur, & faueur 48  
 tres-particuliere; parce qu'en semblables visites, mesmes Qui lui parle.  
 des plus grands Seigneurs, le Cubo pour l'ordinaire ne leur dit mot.

APRES que le P. Prouincial se fut retiré, le Cubo parla fort auantageusement de lui, de l'autorité qu'il auoit sur nos Peres, tant au Iapon, qu'à la Chine: comme tout se gouuernoit par son conseil & direction; bref combien l'ordinaire residence qu'il faisoit à Nangazaqui estoit profitable au Iapon, & choses semblables; sans oublier de faire voir aux Dames le don que le P. Prouincial lui auoit offert. Tous nos bons amis louerent grandement Dieu du bon succès de cete visite, & conceurent grande esperance du profit qui en pourroit prouenir à la Chrestienté.

IL arriua vn trait qui sembloit encore montrer comme Dieu l'agreoit, detournant les empechemens qui la pouuoient troubler. Car Canzuquedono nostre grand ami, aiant receu nouuelles de la mort de Micauanocami Roi de Iequien, fils aîné quoi que non legitime du Cubo, le mesme iour que le P. Prouincial deuoit auoir audience, & considerant que cete triste nouuelle, pourroit faire dilaier la visite; 49  
 il mit ordre que le Cubo n'en sçeust rien de tout ce iour là, Trait d'ami.  
 empechant qu'on ne lui presentât aucune letre, ny messager qui vint de ce quartier là.

CE jeune Prince s'estoit rendu si aimable aux siens, qu'apres son decés, huit de ses plus affidés gentils-hommes, de-



An de 432

LIVRE XVI. DE L'HISTOIRE

IESVS-CHRIST 1606. — firans (comme ils parloient) le paier ou contenter par leur mort, puis qu'ils ne le pouuoient faire en sa vie ; & l'accompagner en l'autre monde, comme ils auoient fait en celui-ci, se fendirent eux mesmes les ventres en croix, ne sçachant pas (ces miserables) en quel país ils l'accompagneroient.

LE Cubo continuant à parler fort honorablement du P. Prouincial, & tesmoigner combien sa visite lui auoit esté agreable, fit entendre à Canzuquedono & Goroxaburadono, qu'ayant pris la peine de venir iusques à Foqu, il pouuoit encore donner iusques à Yendo pour voir son fils, & futur successeur. Canzuquedono suiuant l'air de la Cour, l'assura, fût vrai ou non, que le P. Prouincial estoit parti de Nangazaqui avec cete intention ; & feroit cete visite d'autant plus volontiers, qu'il sçauoit que sa Majesté l'agreoit. Le Cubo ajouta qu'il pourroit encore voir les mines d'argent nagueres decouuertes au Roiaume d'Yzzu, & qu'à ces fins il l'accommoderoit du propre vaisseau dans lequel il auoit coutume de faire voiage, & qu'il lui feroit marquer les ports où il pourroit s'embarquer. Depuis neantmoins le Cubo se contenta que le P. Rodriguez les fût voir, pour en dire des nouuelles au P. Prouincial, lequel ne pouuoit pas porter tant de peine.

50  
Le P. Prouincial  
vers  
Yendo.

51  
Montagne  
du feu.

Liv. 1.  
Bomb. 43.

AIANT donc pris congé du Cubo, il s'achemina vers la ville d'Yendo, qui est à quatre petites iournées de Foqu, à la bande de l'est. Sur ce chemin on rencontre la montagne si celebrée par les Escriptuains & Peintres Iaponois, laquelle à cause de sa hauteur & beauté est nommée Fuij ou Fujicam. Et est si haute, qu'ô la void trois iours auant que d'y arriuer. Les Espagnols qui voient des Philippines vers la nouuelle Espagne, la decouurent de loin ; & la nomment *Monte de Fuego*. C'est à dire le mont du feu, parce qu'elle en vomit souuent par vn épouuentable ouuerture qui est au haut, ainsi que j'ay touché ailleurs. Elle est ronde également de toutes pars, & s'éleue gracieusement iusques au bout en forme de pyramide. On la peut diuiser comme en quatre regions ; la plus haute est ordinairement couverte de nuées : la seconde toute pelée, à cause des neges qui la couurent quasi tout au long de l'année : la troisieme couverte de bois & forests,

forests. La plus basse qui luy sert comme de base, est si ample, qu'elle aboutit à trois ou quatre diuers Roiaume ; au reste garnie de diuers temples d'idoles: Dont le principal est dédié à vn Cami, qu'ils appellent Xenguem.

Tout le Iapon tient cete montagne pour sacrée, & y accourt en pelerinage au mois d'Aoust, comme au temps le plus commode pour grauir iusques au feste, parce que les neiges sont lors fonduës. Ils commencent à monter entre chien & loup, pour arriuer au bout sur la diane, & descendent de iour. Ils choisissent la nuit pour y monter, parce que de iour la hauteur de la montagne leur esbloüit la veüe, & le danger auquel ils s'exposent, les fait bransler de peur. Leur pelerinage fini, ils s'en retournent par diuers sentiers, comme ceux qui se sont ramasser, ou qui coulent du mont Sainis vers l'Anebourg en Saouye, faisant en peu de temps, le chemin auquel ils auoient employé plusieurs heures.

Nos Peres continuans leur voiage vers Yendo, passerent par le Royaume de Sangami, où paroissent encores les ruines de Camarura, ville où les Cubos & Xoguns tenoient anciennement leur cour, & de là gouuernoient la Tençe. Les Iaponois tiennent qu'il y auoit deux cens mille maisons. A present il n'y en a pas cinq cens. On y void encores vn Fotoque de Bonze grand, comme celuy qu'on appelloit le Daybut près Meaco. Il est au milieu d'un champ, exposé à la pluie & au vent. Et ne sert à present que de retraite aux oiseaux qui fuient les orages, & veulent se couvrir du mauuais temps.

52

Camarura  
ville an-  
cienne.

De là le P. Prouincial s'achemina vers Yendo, où il fut tres-charitablement receu par ce peu de Chrestiens qui se tenoient là : puis fort honorablement par le Xogun. Car comme nos Peres attendoient en la premiere salle, pour auoir entrée, arriuerent quatre ou cinq Bonzes des principaux du Iapon, lesquels passerent iusques à l'antichambre, estimans probablement, que d'un costé leur grade & qualité ; & d'autre part la commodité du lieu feroit que se trouuans plus proches de la personne du Xogun, ils seroient les premiers ouïs. Mais il arriua tout au rebours. Car les plus esloignez, furent les premiers appelez, & passant à trauers les Bonzes, furent magnifiquement conduits au lieu où estoit le Prince couuert comme aux

53

Bonzes es-  
coinez.



**I**ESVS- plus solennelles festes, pour receuoir le Pere Prouincial, lequel  
**C**HRIST il remercia pour cete visite avec autant ou plus d'humanité &  
 1607. bien-veillance qu'auoit fait son pere. Sortans de là nos Peres  
 — passerent derechef au trauers de la compagnie des Bonzes, qui  
 creuoient de depit, de se voir postposez aux Religieux estran-  
 gers.

FONDASADONO & Sagamidono Gouvernans du Xo-  
 gun, qui entretenoient nos Peres en ses bonnes graces, les  
 conduisirent iusques à la derniere salle du Palais roial. De-  
 puis le P. Prouincial visita particulièrement ledit Fondasa-  
 dono, & le pria de remontrer serieusement au Xogun, com-  
 me nous ne desirions que le seruir apres Dieu: entretenir ses  
 sujets en son obeissance, & les acheminer au seruice du vrai  
 Dieu. Partant qu'il lui pleût permettre, non seulement au  
 simple peuple, comme faisoit son pere, ains aux nobles &  
 grands Seigneurs, de receuoir la foy Chrestienne, & la pro-  
 fesser.

**I**L ya au Iapon tant de sectes, non seulement diuerses,  
 ains diametralement contraires & opposées les vnes aux  
 autres, lui dit-il, & permission generale à chacun, de suiure  
 & embrasser celle qui plus lui agrée. Pourquoi ne jouïra la  
 loy du vrai Dieu du mesme priuilege? Loy qui est si con-  
 forme à la raison: rend ses sujets si vertueux, que les Payens  
 mesmes les en louient & admirent. Fondasadono lui respon-  
 dit: Vous aués tres-bonne raison. Vostre loy merite seule  
 plus d'honneur & de respect, que toutes celles du Iapon. Je  
 ne manqueray à seconder vos bons desirs, selon que les com-  
 modités se presenteront, & vous donner tout le contente-  
 ment que je pourray. Les Peres l'en remercierent, & pri-  
 rent congé.

54

Raison  
 tres-puif-  
 sante.

*Vn Bonze insigne imposteur, dextrement surpris, con-  
uaincu, & deniché du throne où il se faisoit  
adorer.*

## CHAPITRE VIII.



E P. Prouincial aiant heureusement accom-  
plis sa visite à Yendo, en partit pour se rendre  
à Surunga, par le mesme chemin qu'il auoit  
tenu y allant; mais non avec la mesme com-  
pagnie. Car le P. Rodriguez s'en alla par mer  
vers les mines d'argent du Roiaume de Yzzu:  
& le Xogun retint nostre Paul le Iaponois, pour dresser &  
gouuerner durant quelques iours vn horologe sonnant,  
qu'il auoit fait faire à Nangazaqui, par nostre moien; & po-  
sé dans vne tour de son Chasteau.

VN autre Pere tira vers Conzuque, qui est à trois journées  
d'Yendo vers le Nort, où iamais Predicateur des nostres  
n'auoit mis le pied; pour y visiter quelques Chrestiens qui  
se tenoient là, se confesserent tous, & receurent d'autant  
plus de consolation, que moins ils l'auoient esperée, pour  
se trouuer si à l'escart, & comme hors de tout chemin des  
Predicateurs. Ils prièrent tous instamment le Pere qui les  
visita, de leur obtenir du P. Prouincial quelque vn des no-  
stres, qui les consolât au moins vne fois l'an.

DE là le mesme Pere fut au Roiaume de Xinan, & y vid  
vne montagne de feu, qui vomit par fois grande quantité  
de pierres, au grand prejudice des voisins & passans. On  
l'assura que quelques ans auparauant le feu auoit attrapé  
& brulé cinquante Pelerins, qui estoient venus là en deuotiõ.

QUANT au P. Prouincial, parti qu'il fut d'Yendo, il arriua  
à Vondauara, au Roiaume de Sangami, ville qui estoit au-  
tresfois la Metropolitaine des huit Roiaumes de Quanto,  
comme estoit Yendo cete année. Sortant de là, on void de  
tres-roides montagnes. Au pied de la premiere & plus pro-  
che de la ville, ils rencontrèrent vn petit Hermitage, posé

ss  
Conzuque  
decouuert.

ss6  
Montagne  
de feu.



LE SVS- sur vn roc, auquel on ne pouuoit monter que rempant. Là de-  
CHRIST meuroit vn Bonze, tenu par les ignorans pour saint, & vn  
1607. Amida viuant, qui se disoit estre né, non comme le commun  
des hommes, ains d'un songe qui suprit sa mere sur l'âge de sei-  
ze ans; duquel elle demeura enceinte, & à neuf mois de là ac-  
coucha de ce venerable Bonze: & luy Prophetiza qu'il seroit  
adoré des hommes: lui enjoignit de ne chercher en ce monde  
autre chose que son salut, & en montrer le chemin aux hom-  
mes desireux de leur bien.

Pour accomplir cete Prophetie de ma mere, disoit-il, j'ay  
quitté le siecle; & me suis volontiers confiné en cét hermitage;  
ie me contente d'une chambrette; ie ne mange que des herbes,  
& des fruits d'arbres; ie ne m'occupe qu'à inuoyer le nom  
d'Amida, & precher aux hommes qu'ils mettent en luy toute  
leur esperance. Telles & semblables bourdes prechoit cét im-  
posteur, iurant en presence du simple peuple, que de son corps  
sortoit vne eclatante lumiere, voire que le nom d'Amida es-  
crit de sa main, qu'il donnoit à ses deuots, pour le garder &  
adorer; auoit pareille vertu. Bref qu'il portoit des pantoufles  
de fer, avec lesquelles il marchoit sous terre, & alloit de nuit  
voir le Camis de la montagne du feu, qui est à deux bonnes  
journées de là; comme si le chemin sous-terrain estoit plus  
court, que celui qu'on tient allant sur terre.

Il auoit acquis tant de credit en cete contrée là, que le  
peuple couroit de toutes parts pour le voir. Plusieurs le tenoiēt  
pour Amida reuenu au monde, & demandoient son nom escrit  
de sa main, qu'ils gardoient pour reliques. Si n'y auoit-il per-  
sonne qui l'obtint gratuitement. Il falloit lui porter de l'argent,  
fuiets, ou l'equiualent. Comme ce faux Amida, & vray trom-  
peur, estoit dextrement aduerty que les pelerins desiroient  
de le voir, il sortoit de sa cellule tout reuestu de blanc, vn  
bourdon de fer en main, la cheuelure longue & pendante, les  
pieds couverts de ionc, pour ne toucher à la terre, & d'un  
faste, & arrogance, montoit sur vne espee d'Autel, où cete  
aueuglée gentilité l'adoroit comme vn Fotoque.

LA renommée de la feinte sainteté de ce maudit Bonze, croi-  
ssant de iour en iour, vn de nos Catechistes, natif du Iapō, se reso-  
lut de l'aller voir, pour descouurir de plus près ses trôperies, &

abuser le monde. A ces fins il se deguisa, & ses compagnons I E S V S-  
aussi; prit quelques fruits pour estre mieux venu, monta CHRIST  
vers cet Hermitage: & de premier abord aiant loué ce Bon- 1607.  
ze, qui ne desiroit rien tant que d'estre prisé, le jetta sur le  
discours de sa prodigieuse naissance, estar & vie qu'il auoit  
autresfois mené, & continuoit encore; bref comme il estoit  
le vrai Amida viuant & respirant. C'estoient ses façons de  
parler.

A la bonno heure, lui dit nostre Catechiste. Je suis extre-  
mement aise de vous auoir rencontré, parce qu'il y a long-  
temps que je desire entendre certain passage de vos liures,  
apres lequel j'ay souuent alambiqué mon cerueau. Et quand  
& quand lui cita mot à mot le texte d'Amida. Iamais ce Do-  
cteur ne se trouua tant étonné, qu'au recit de ces paroles.  
On eût dit qu'il estoit cheu du Ciel. Ne pouuant neant-  
moins se taire pour son honneur, il leur dit, que je sois Ami-  
da, ou non, je ne l'oserois affermer. I'en sçay seulement ce  
que ma merem'en a dit. Quant au passage que vous aués al-  
legué, j'estime qu'il le faut entendre en cete façon. L'origi- 59  
nal n'a couché par écrit ny texte ny glose: mais il dit seu- Son igno-  
lement, que nostre Catechiste repliqua tellement, que rance.  
par diuers autres passages du mesme autheur, & par  
plusieurs pertinentes raisons, il fit voir à l'assistance, que  
le sens du premier passage par lui allegué, ne pouuoit estre  
tel que cet imposteur disoit, voire qu'il n'entendoit pas les  
termes, ny la propriété des mots couchés au texte d'Amida.  
Sur quoi le Bonze ne sçachant que repartir, s'excusa au  
mieux qu'il peut, disant qu'il n'auoit iamais estudié, ny fre-  
quenté les Vniuersités, pour pouoir soudre telles difficul-  
tés. Vous n'aués pas estudié, dites vous? comment entre-  
prenés vous donc d'enseigner le chemin de salut? lui dit le  
Catechiste. L'affrôteur se mit bié en deuoir d'excuser & cou-  
rir son ignorance: mais plus il parloit, plus il la manifestoit.

Ses disciples & sectateurs le voians tellement surpris & cō- 60  
fus, rougirent tous de honte; & ne desiroient rien tant que Est decréé!  
de voir la fin de cete contestation. Si ne se termina-elle pas,  
que plusieurs des assistans n'eussent appelé ce Bonze, trom-  
peur, affronteur, & menacé de le deferer au Cubo. Car Dieu



An de 438

## LIVRE XVI. DE L'HISTOIRE

IESVS - voulut qu'il se trouua là quelques-vns de ses domestiques,  
CHRIST sur lesquels nostre Catechiste & ses compagnons se dechar-  
1607. gerent du reste. C'estoient personnes zelées à la justice, &

qui descendirent incontinent vers vne hostellerie, qui estoit là auprès pour la commodité de ceux qui venoient adorer cet imposteur, & firent entendre aux habitans la qualité du personnage. Sâs oublier l'autorité du Cubo, qui le scachât, ne laisseroit pas ces abus impunis. Les hostes s'excuserent, disans, qu'ils n'estoient là, que pour seruir le public, & gagner leur vie: n'autorisoient en rien ce Bonze; ne vouloient respondre de sa vie, ny de ses mœurs. Voila comme cet imposteur perdit son credit.

L'HISTOIRE s'est fort étendue à marquer les villes, par lesquelles le P. Prouincial passa, retournant des quartiers de Quanto à Meaco; puis à Ozaca, où il visita le Prince Fideyori, & fut par tout honoré & caressé, non seulement des Chrestiens, ains encore de plusieurs Payens, qui faisoient gloire de le voir, le traiter, & le seruir iusques à lauer les ruës par lesquelles il deuoit passer: l'accommoder de vaisseaux de vingt-cinq auirons par banc, & choses semblables.

---

*Des villes de Nangazaqui & Arima, Roiaume de Saxuma, & prison de lateuxiro.*

### CHAPITRE IX.



A ville de Nangazaqui estoit cere année toute habitée de Chrestiens. L'Euesque du Japon, y faisoit sa residence: & l'auoit diuisée en cinq Parroisses, trois desquelles estoient jà pourueues de Curés Iaponois de nation. Il y auoit deux Confreries, vne du nom IESVS, l'autre de nostre Dame, toutes fleurissantes en nombre de Confreres de singuliere vertu. Vne maison de misericorde: & vn Hospital, chaque lieu pourueu de son Eglise

61

Nangaza-  
qui en sa  
leur.

Parroissiale. De toutes lesquelles places, comme d'autant d'écoles de deuotion, sortoit vne admirable odeur de foy & charité Chrestienne, qui s'épandoit par tout le Iapon, à la grande gloire de Dieu.

LE Sieur Euesque visita cete année les Isles de Goto, & y administra le Sacrement de confirmation à plus de trois mille personnes, qui furent grandement confirmées en la foy, & sur tout bien edifiées de la charité & patience, avec laquelle ils voioient que leur pasteur supportoit les incommodités de cete visite pour l'amour d'eux. Car comme pour l'ordinaire il ne trouuoit parmi les villages logis suffisant pour son train, il se retiroit pour dormir la nuit dans le vaisseau; & le iour alloit au long de la plage exercer ses ministères de village en village. La lecture de plusieurs deuotes considerations, & prieres qu'il fit ajouter au Manuel de son Euesché, en langue Iaponoise, pour estre leuës aux malades, contentoit grandement les sains, & consolait les agonizans.

62  
Goto Isle  
visitée.

VN bon Chrestien nommé Ioachim, estant tombé grieuement malade, enuoia querir vn de nos Peres, & se confessa. Deux iours apres la confession, sur la mi-nuit il se mit à parler, comme respondant à vn autre qui l'appelloit par son nom; & disoit: Je m'en y vay, Je m'en y vay. Ses domestiques se leuans promptement, lui demanderent ce qu'il vouloit dire. Ioachim leur respondit: C'est mon Dieu qui m'inuite à sa gloire. Je le voi venir à moi, accompagné de ses Anges. Ce qu'ayant dit, il prit congé de ceux qui l'assistoient, aussi alegrement que qui s'en va viure ailleurs, non pas mourir. Vn de nos Peres y accourut, & le trouua tençans ses enfans & parens qui pleuroient autour de lui. Pourquoi vous affligés-vous, leur disoit-il, veu que je m'en vay en Paradis, lieu de tout plaisir & consolation. Puis se tournant vers le Pere qui l'estoit venu voir, & vers son compagnon, qui ne pouuoient tenir les larmes de deuotion, le voyant prest à sortir si sainctement de ce monde, il leur dit, qu'il auroit memoire d'eux en Paradis, où il pretendoit arriuer bien-tost.

63  
Ioachim  
meurt heu-  
reusement.



IESVS-  
CHRIST  
1607.

Liu. 14.  
nomb. 23.

64  
Lengicuxu  
secte nou-  
uelle.

Liu. 2.  
nomb. 61.

65  
Chappel-  
lets & leur  
vertu.

ENTRE les terres que le Roi de Saxuma distribua à Iacques Mimafaca Sacugemon, duquel nous auons fait mention ci-dessus, il lui écheut vn quartier, où se tenoient diuerſes personnes, d'une ſecte nouvelle au Japon, qu'on nommoit des Lengicuxu, venuë là des Indes, à ce qu'on diſoit. Et le nom le portoit. Car *Lengicu* en langue Iaponoïſe, ſignifie l'orient, ou quartier de l'Inde qui eſt Orientale aux Iaponois. Vn de nos Peres viſitant les Chreſtiëns de ce quartier là, trouua que ces Lengicuxu auoient quelque cognoiſſance du vrai Dieu: il fut les voir, & rencontra deux vieillards, lesquelles aiât interrogé du commencement de leur ſecte, de ce qu'ils croioient, & de leur maniere de viure, il trouua finalement que ſainct François Xavier auoit prêché à leurs predeceſſeurs. Nos Peres y furent deux fois depuis, pour cultiuier ce que ſainct Xavier auoit ſemé. Mais les Bonzes qui poſſedoient le Roi de Saxuma, s'y oppoſerent tellement, qu'ils furent contraints de ſe retirer, & laiſſer cete poignée de Chreſtiens, entre les mains de la diuine prouidence, comme fit ſainct Xavier, les aiât attirés à la foy Chreſtienne, & puis s'en alla prêcher aux Roiaumes voiſins, ainſi que nous auons marqué en ſon lieu. A ce coup le Pere qui viſitoit ce quartier là, aiât clairement recogneu que leurs anceſtres auoient receu le ſainct Euangile, catechiza tous ceux qui ſe preſenterent, & en baptiza ſeulement cinq, ſçauoir eſt les deux vieillards ſuſdits, leurs femmes, & vne vieille, qu'il appella Marie. Auant que baptizer celle-ci, le Pere lui demanda ſi elle auoit point quelque buletin, ou reliques des Gentils. Elle tira de ſon ſein deux chapelets de bois fort vſés & gaſtés, ſans pouuoir dire d'où elles les auoit eus. A cete occasion quelques-vns de ſes voiſins l'accuſerent comme ſorciere, diſant qu'elle vſoit de pluſieurs ceremonies des Gentils, & qu'elle gueriſſoit pluſieurs malades. Le Pere s'enquit ſoiigneuſement de la façon qu'elle y mettoit. L'applique ſimplement, dit-elle, vn de mes chapellets ſur les patiens, & prie Dieu qu'il lui plaiſe leur donner ſanté, s'il eſt expedient à ſa gloire, & pour leur ſalut.

Le meſme Pere voulut auſſi voir vn reliquaire que cete vieille portoit, & trouua dedans vne bourse de taſetas  
fort

fort vſé, & vn papier ſur lequel eſtoient eſcrits ces mots, *lignum crucis*, avec vne fort petite relique. Continuant à deſenvelopper ce paquet, il rencontra encores vn peu de cire, qui ſembloit auoir eſté vn *Agnus Dei*, & vne Veronique ou medaille, portant d'vn coſté la figure de la Conception noſtre Dame; & de l'autre l'image de noſtre Sauueur crucifié. Pieces qui ne pouuoient venir que de la main de ſainct François Xavier, ou de quelqu'un de ſes cōpagnons, leſquels baptiſans quelqu'un des anceſtres de cete vieille, lui auoit fait ce deuot preſent, & enſigné la vertu des ſainctes reliques, leſquelles ne ceſſoient d'operer ſelon la volonté de Dieu.

LES deux Giſiaques Michel & Iean, condamnez par Canzagedono, à priſon perpetuelle, ne ceſſoient d'aider, inſtruire, conſoler les Chreſtiens en leurs neceſſitez ſpirituelles, faiſant de leur priſon, vne Eglife. Dequoy grandement indigné ce barbare, fut ſur le point de les faire mourir. Mais quelques-vns de ſes amis de cour, luy aiant ſuggeré que les priſonniers ne deſiroient rien tant que cela, pour gagner la palme du martyre, il ſe raniſa, & dit: Si ie les fais mourir, ils triompheront comme martyrs, & ſe glorifieront d'auoir emporté la victoire ſur moy. Je les attaqueray d'un autre coſté. Je ſeray drefſer vne priſon en vn lieu deſert, où perſonne ne ſçauray ſeulement qu'ils ſoient. Ainſi mourront-ils là miſerablement. A quoi vn autre courtiſan repartit: Ains ils ſ'en reioiſſiront grandement, parce que celui qu'ils tiennent pour leur Sauueur, fit penitence au deſert. Cete repartie piqua plus viuement Canzagedono, que toute autre conſideration. Qu'ils demeurent donc où ils ſont, dit-il pour derniere reſolution; mais qu'on change les gardes. Je n'entens plus qu'ils ſoient gardés par les Chreſtiens, & veux que les gardes leur faſſent du pis qu'elles pourront. Ainſi demurerent-ils plus affligés que iamais; mais auſſi plus alegres & conſolez, attendans la derniere diſpoſition du ciel.

A ce que mon Lecteur conçoie mieux les tourmens que ces pauvres Giſiaques enduroient en priſon, ie le veux aduertir que les geoles du Iapon ſont tres-differentes de celles que nous voions en l'Europe. On n'y ſerre ordinairement que de miſerables criminels, & des gens de peu. Car les nobles

66  
Deux Giſiaques.

67  
Priſons du Iapon horribles.



& autres personnes qui ont des moiens, sont punis ou par confiscation de leurs biens, ou bannis, ou decapitez, ou contraincts à se fendre le ventre chez eux. Leurs prisons sont fort estroites & basses, entourées de gros barreaux, au lieu de murailles, & garnies de barrières, afin que personne ne puisse parler de près aux prisonniers; lesquels par ce moien sont exposez à la veüe de tous les passans, & aux iniures de l'air, froid, chaud, pluie, neige, & broüillards. Quand il y a nombre de prisonniers, ils ne se peuuent coucher pour dormir. Canzagedono homme cruel de nature, voulut que les prisons, desquelles il se seruoit, fussent plus incommodés que les ordinaires, ne permettant pas qu'on les couurît l'hiver de nattes, comme on fait en quelques endroits; ny qu'on les tint nettes, afin que le froid, le chaud, la puanteur tourmentast le paaures prisonniers, & forçast ses debtors à le paier au plustost, pour s'affranchir de leurs miseres. Telle estoit la prison des Gisiaques, que ce barbare esperoit peruertir à la longue. Mais Dieu leur donna le courage non seulement de souffrir iusques à la fin, ains de desirer des tourmens plus qu'ils n'en enduroient.

---

*Iustin Chrestien comme receleur de larrecin, bruslé tout vif  
au Iapon: sa femme crucifiée, & Cano Sancho  
solicité à quitter la foy.*

## CHAPITRE X.

Liv. 15.  
nomb 31.  
& suiv.



E Mori Seigneur d'Amanguci, aiant eu auis que Cano Sancho valeureux Chrestien, auoit succedé au zele des martyrs Melchior & Damian, l'heureuse fin desquels nous auons couché cy-dessus; se resolut de l'atterrer comme les autres, & se mit à rechercher l'occasion d'en venir à bout: Voicy la premiere qui se presenta. Ce Cano Sancho auoit vn frere nommé Iustin, bon Chrestien, habitant en la ville d'Amanguci, lequel receut

en depit d'un ieune homme Payen, mais son grand amy, IESVS-  
quelque piece de grande valeur, qu'il auoit derobée à son CHRIST  
pere riche marchand; estimant d'un costé que celui qui l'em- 1607.  
ploioit ne le deceleroit pas, & d'autre part que les parties  
estants si proches, comme pere & fils, il n'en arriueroit autre 68  
inconuenient. Si est-ce que le fait aiant esté decouuert, on  
jeta quand & quand toute la faute sur Iustin. Lui reconnois-  
sant l'imprudence qu'il auoit commise, & redoutant ce qui  
luy arriua, pourueut incontinent au salut de son ame, s'en al-  
lant à Firoxima, qui est à trois iournées d'Amanguci, trouuer  
vn de nos Peres, pour se confesser & communier. Ce qu'il fit  
pour se disposer à la mort.

Iustin  
Chrestien.  
trompé.

Cependant les informations furent faites. Le ieune homme,  
comme Payen & infidele, nia le fait, & ietta toute la faute sur  
Iustin, qu'on trouua saisi de la piece. Le voila pris par la iustice,  
& ses biens confisquez, comme de personne qui ne pouuoit eua- 69  
der la mort. En prison il se preparoit encore plus soigneusement  
à mourir: lisoit fort attentiuelement vn traicté de la contrition,  
prechoit aux autres prisonniers; & de fait en conuertit deux  
ou trois, qui attendoient la sentence de mort, & furent bapti-  
zez, Iustin leur seruant de parrain.

Se dispose  
à la mort.

Le marchand poursuiuant viuement, & son propre fils, & no-  
stre Iustin, les Gouverneurs d'Amanguci ordonnerent, que  
pour plus certainement decouurir la verité, les accusez se pur-  
geroient par le serment du feu, duquel nous auons parlé cy-  
dessus. Iustin protesta qu'il estoit Chrestien; & comme tel iure-  
roit s'il estoit besoin; mais sans toucher au feu, ny vser d'autres  
ceremonies des Camis. Que sa partie le fit s'il vouloit. S'il tou-  
che le fer ardent, sans en estre lezé, ie suis content d'estre tenu  
pour coupable, & puny comme, tel, disoit-il.

Nomb. 35.

Après plusieurs allées & venues, dites & redites, l'affaire fut  
remis au iugement du Mori, lequel comme ennemy mortel de  
tous les Chrestiens, & particulièrement de Iustin, en tant que  
frere de Cano Sancho, le condamna à estre trainé par la vil-  
le d'Amanguci, trois iours durant; puis bruslé tout vif, & sa  
femme crucifiée. Tandis qu'on le trainoit ainsi honteuse-  
ment par la ville, il disoit haut & clair, qu'il n'y auoit sa-  
lut qu'en la foy des Chrestiens, & qu'il esperoit que Dieu luy

70  
Y est con-  
damné.



**I E S V S** feroit misericorde, comme il l'en requeroit de tout son cœur;  
**CHRIST** LE iour de l'exécution venu, comme le bourreau l'eut attaché au poteau, voyant la multitude du peuple qui auoit accouru à ce spectacle, il demanda permission de dire trois ou quatre mots. Ce fut en somme, qu'il mouroit volontiers, esperant que Dieu accepteroit sa mort pour satisfaction des pechez qu'il auoit autresfois commis contre sa diuine majesté. Puis les adjura tous de croire qu'il n'y auoit qu'un Dieu que les Chrestiens adorent, & qui seul peut sauuer les hommes, comme il les a créés. En preuue de cete verité, vous verrez, leur dit-il, que ie ne bougeray de ce lieu : ie n'iray auant ny arriere; & ne me remuerai peu ny prou.

71

Constance  
admirable.

CE qu'ayant dit, il tira son reliquaire; le pendit à son col, par dessus ses habits, entortilla son chapelet à son bras gauche, & du droit embrassa le poteau. Puis dit à l'exécuteur de la haute iustice, qu'il mît hardiment le feu au bois qui estoit tout autour, à vne brasse & demie. Ce que l'exécuteur fit. Et Iustin se tint immobile comme son poteau, disant seulement tout haut, **I E S V S M A R I A**, sauuez-moy. Sans donner le moindre signe qu'il sentît le feu, qui le rotissoit de toutes parts, iusques à tant qu'il rendit l'ame tout debout, au grand etonnement de l'assistance. La plus-part recognerent que c'estoit vn euident tesmoignage de la verité de nostre sainte Foy, & qu'autre que le seul tout-puissant, auquel il croioit & esperoit, ne luy pouuoit fournir vn tel courage.

72

Circonstances  
remarquables.

LES Payens qui ont coutume de philosopher en semblables accidens, & marquer curieusement tout ce qui se passe au mesme temps, firent estat de trois particularités. La premiere fut que l'air estant fort clair & serein lors que Iustin fut mené au lieu du supplice, se couurit sur le point qu'il rendit l'ame, & tomba vne grande quantité d'eau sur le Palais du Mori. La seconde que sur la place où Iustin fut brulé, parut vne nuée rouge & fort belle, semblable à celles que les idolatres appellent *Xiun*, & tiennent qu'elles vont à l'heure de la mort vers ceux qui les inuoquent. La troisieme, que Iustin fut brulé tout vestu, neantmoins ses habits ne furent aucunement endommagés du feu; ny ses mains.

grillées; comme il arriue ordinairement à ceux qui sont ju. IESVS  
sticiés en cette façon. CHRIST

Ces considerations jointes à la constance avec laquelle 1607.  
Iustin mourut, furent cause qu'on ne tint quasi autre pro-  
pos que de cete heroïque mort, quelques iours durant. Le  
Mori mesme capital ennemi de nostre sainte foy, dit en bō-  
ne compagnie, que iusques à cete heure là il n'auoit pas te-  
nu grand conte de la loy des Chrestiens. Mais la contenan-  
ce que Iustin tint en mourant, lui faisoit croire qu'il y auoit  
quelque merueille en leur creance, veu que ceux qui la sui-  
uent se montrent si hardis & resolu sur le point de la mort.  
La femme de Iustin fut crucifiée la teste en bas, inuoquant  
les Saints noms de IESVS & MARIE iusques au der-  
nier soupir.

Vn deuot Chrestien nommé Quimura Mancio, serui-  
teur de Saxodono, Lieutenant du Mori, & grand ami de  
Cano Sancho, aiant veu ce corps en croix, & celui de Iustin  
parmi les cendres, resolut de les tirer de là, & de leur donner  
la sepulture. Il fit part de sa resolution à Cano, & tous deux  
enleuerent de nuit les corps. Le lendemain comme ils ne  
furent trouués en leurs places, chacun dit que les parens &  
amis les'auoient enleués. Saxodono écriuit à Cano, qu'il tint  
sa maison pour prison, parce qu'il estoit atteint d'auoir re-  
tiré ces corps, contre les loix du Iapon. De quoi auerti Qui-  
mura Mancio, fut vers Saxodono, & aduoüa qu'il les auoit  
enterrés. Cano tout aucōtraire disoit, que si Mancio y auoit  
contribué quelque chose, c'estoit pour l'amour de lui. Par-  
tant qu'il estoit prest à satisfaire pour tout. Saxodono fut  
tout étonné de cete candeur & loiauté des Chrestiens, en  
cas qui n'importoit pas moins que de leur vie. Si dura cete  
contestation plus de cinquante iours, pendant lesquels le  
Mori liura vn rude assaut à Cano, pour le faire apostater.  
Car il fit commandement à Quimura de s'absenter, estimāt  
bien que tandis qu'ils seroient ensemble, la constance de  
l'vn seroit cause que l'autre tiendroit plus roide. Quimura  
s'en estant allé aux champs, le Mori enuoia vers Cano, pour  
sonder s'il voudroit renoncer à la foy, veu l'extreme dan-  
ger de sa vie, auquel il se trouuoit. Canq respondit en vn

73  
Mort non re-  
doutée des  
Chrestiens.

74  
Amis vray  
amis.



LESVS-  
CHRIST  
1607. mot, qu'il ne changeroit point de croiance: qu'on lui pour-  
roit faire encore pis qu'on n'auoit fait à Iustin son frere;  
mais non pas le debaucher de la foy. Il fut par diuerfes fois  
assailli & sollicité, à quitter le Christianisme; mais tou-  
siours en vain.

79  
Cano con-  
stant ius-  
ques à la  
fin.

LE Mori aiant deploie toutes ses forces & inuention s  
sans aucun effet, Saxodono manda à Cano, qu'il s'en allât  
prendre congé de sa femme & de ses enfans, esperant qu'ils  
lui attendriroient le cœur, tellement qu'il se pourroit  
renger à la volonté du Mori. Il obeït au mandement de Sa-  
xodono, mais sans demordre de sa sainte resolution; & con-  
tinuant tousiours à s'apprester pour mourir en bon Chre-  
stien. Sur ces entrefaites arriuerent les nouuelles de la mort  
de Micauanocami fils du Cubo, la fille duquel estoit fian-  
cée au Mori. Cete alliance obligea le Mori, à prendre la po-  
ste pour se rendre au plustost à la Cour, & consoler le Cubo.  
Ainsi le procès de Cano Sancho fut arresté.

76  
Chats &  
rats avec  
leurs de-  
mons.

IL arriua cete année à vn oncle de ce Mori, que sa fem-  
me estant morte, & estant allé vers les Bonzes, pour sçauoir  
la cause de son decès; ces imposteurs lui respondirent,  
que le demon des chats, nommé Gato, l'auoit fait mourir,  
parce qu'elle auoit permis qu'un chien tuât vn chat dans sa  
maison. Pour satisfaction de laquelle faute, il deuoit faire  
bâtir vn Hermitage au demon des chats. Son credit estoit  
si petit, qu'il n'osoit demander vn temple. Parauenture  
n'eût-il pas obtenu l'effet de sa requeste demandant vn tem-  
ple, comme il fit ne demandant qu'une espece de Chapelle  
ou Hermitage. Au reste les habitans de cete contrée là, font  
conscience de tuer vn rat, tant ils reuerent le demon des  
rats, qu'ils nomment Coim. Ils les laissent viure pour seruir  
de pasture aux chats.

VN de nos Peres aiant rencontré vne vieille, qui se di-  
soit de la secte des Idoxus, ou Iodoxus, qui adorent Ami-  
da, lui demanda entre autres choses, si Amida auoit point  
esté homme comme les autres. Elle respondit qu'ouy.  
Et auant qu'Amida nâquît, qui estoit le Seigneur du Pa-  
radis? repartit le Pere. Car y aiant dès lors nombre d'hom-  
mes sur la terre, il n'estoit pas possible que quelqu'un ne se

saũuast. Et si quelqu'un se saũuoit dès lors, il falloit qu'il y eût vn Paradis pour lui. Veu d'oc qu'auãt qu'Amida nasquist, il y auoit vn Paradis, d'oũ est-ce qu'Amida tira le pouuoir de donner le Paradis à qui bon lui semble? Il ne l'auoit pas auant que naistre: il ne l'acquit pas en naissant, ny mesme depuis qu'il fut né, au moins qu'il nous paroisse. Il faut donc recognoistre quelqu'un plus ancien, & plus puissant que lui, duquel il tienne, ou sur lequel il aie acquis ce pouuoir, s'il en a: Ou pour mieux dire aduoũer qu'il n'en a point. Par telles & semblables raisons, la vieille recogneut ses erreurs, quitta l'idolatrie, & receut le saint baptême.

77  
Paradis  
d'Amida re-  
trouué.

*Martyre de Leon Xiquigemon, decapité à Sirassa, ville du  
Roiaume de Saxuma, par commandement de Fon-  
go Cangonocami, Seigneur du lieu.*

## CHAPITRE VI.



N noble soldat natif de Ionay ville du Roiaume de Saxuma, âgé de trente & neuf ans, aiãt vécu au Gentilisme fort conformément à la raison, fut nommé Leon, sur les fons du saint baptême, & depuis s'appliqua si serieusement à la pieté Chrestienne, qu'il disoit souuent à vn sien ami, nommé Paul: Je ne sçay d'oũ me vient que je ne sçauois viure sans prier Dieu, & traiter des choses eternelles. Paul l'inuitoit par fois à chanter, ou jouer des instrumens pour se recreer. Et il lui respondoit: Je vous prie, ne perdons pas le temps, en ces vanités. Discourons plutost des quatre fms del'homme, & sur tout de la vie qui durera tousiours. Sa femme comme idolatre, ne pouuant supporter cete deuotion, estoit tousiours à le tencer: & lui à blâmer les vices, & s'exercer és vertus, qui le rendirent

78  
Leon no-  
ble soldat.



IESVS-CHRIST digne du martyre, lequel il souffrit quatre mois apres son baptême, ainsi que ie m'en vay deduire.

1608.

IL seruoit à bons gages pour le fait de la guerre, le Tono ou Seigneur de Sirassa ou Firassa, nommé Fongo, grand idolatre. Lequel aiant appris que ce Cauallier estoit Chrestien, emploia plusieurs de ses officiers, personnages d'autorité, pour le peruertir. Mais Leon leur respondit hardiment, qu'il emploiroit tous ses moiens, voire sa vie, pour le seruice de son Seigneur & maitre. Mais commela foy de IESVS-CHRIST est necessaire pour le salut eternel, il ne la pouuoit abandonner. Ce que ces officiers aians raporté à Fongo, il leur dit: Quoi que ce soit vn noble Cauallier, & ancien seruiteur de ma maison, Si est-ce que pour auoir changé de loy sans ma permission, & la retenir si obstinément contre ma volonté, il merite la mort. Partant s'il ne se dispose à quitter la foy des Chrestiens, faites le mourir.

79  
Condamné  
à mort.

ENTRE cete courté sentence, & l'exécution d'icelle, par laquelle Leon perdit sa vie, se passerent trois iours entiers, pendant lesquels, les parens & amis se mirent en deuoir de persuader à Leon, qu'il contentast Cangonocami, sans quitter la foy Chrestienne. Nous lui ferons entendre que vous estes prest à obeir. Retenés vostre affection entiere & secrette pour ne perdre la vie. Cete bourrasque passera: où vous trouuerés moien de passer en quelque autre Roiaume, pour viure à vostre discretion. Nous vous aiderons en tout. Faites seulement semblant de condescendre à la volonté de Cangonocami.

80  
Sa constan-  
ce.

LEON semit à sous-rire, & leur dit: Messieurs, vostre amitié ne visite qu'à conseruer cete vie; mais je pense seulement à l'autre. L'ambitionne tant de mourir pour la foy de IESVS-CHRIST, que si Cangonocami me changeoit la mort en exil, j'en serois extremement marri. Quant à la façon que vous m'aués proposée de demeurer Chrestien, & viure couuertement, gardés-vous d'en parler, je vous prie. Car s'il vous aduient d'en traiter ailleurs, & que je le sçache, je vous promets que je m'en iray presenter à Cangonocami, mon chappeller au col, & lui diray: Monsieur, je suis Chrestien, je veux viure & mourir tel. Si quelqu'un vous a fait entendre le contraire,

contraire, il en a menty, sous vostre respect. La loy que ie propose, ne permet pas telles lachetez & dissimulations. Ie suis resolu de mourir, plustost que de reculer, ou feindre.

IESVS.  
CHRIST  
1608.

CANGONOCAMI voïât qu'il ne le pouuoit distraire du seruice de Dieu, donna charge à huit soldats de le faire mourir dans sa propre maison, suivant le stile du Iapon. Ils y furent le lendemain de bon matin. Leon cognoissant bien la cause de leur venue, leur fit vn gracieux accueil, & les assura qu'il ne se mettroit point en deffence, comme en tel cas, il est permis aux soldats Iaponois, de peur qu'on ne les tienne pour couards ou pusillanimes; ains se lairroit couper la gorge cōme vn agneau, à l'imitation de nostre Sauueur. Les autres soldats luy conseillerent de se fendre lui-mesme le ventre; acte que les Iaponois estiment heroïque, cōme nous auons souuēt dit: Mais il leur respondit, Ce n'est pas faute de courage, qui me fait refuser vostre conseil; ains parce que ie suis soldat Chrestien. Tels actes nous sont autant deffendus, que de tuer vn autre de sang froid. Ils dirent à sa femme qu'elle luy appretast à desieuner auant que mourir. Et il leur respondit, Il n'est jà besoin que ie prenne plus de nourriture en ce monde. Preparez-vous à faire vostre deuoir, ie vay m'acquitter du mien.

Le iour precedent, il auoit preparé le cercueil dans lequel il vouloit estre enseuely, & s'estoit lauë en signe d'alegresse. Il se reuestit lors tout de blanc, prit congé de sa femme, qui estoit Payenne, luy disant: Si vous m'aimez, & me voulez reuoir en paradis, rendez-vous bien-tost Chrestienne. Car hors de la loy de Dieu, pour laquelle ie meurs, il n'y a salut ny vie apres celle-cy. A vn sien fils de sept ans, qu'il auoit fait baptizer trois sepmaines auparauant, il dit: Apprens de moy à pérdre la vie, plustost que la constante perseuerance en la foy. Puis se tournant vers son aîné âgé de dix-sept ans, & encore Payen, il luy dit: Mon fils, tu ne manque pas d'esprit, Dieu mercy. Il ne tiendra qu'à toy de venir vn iour où ie m'en vay. Finalement ayant pris congé du reste de sa famille, & des assistans, il s'achemina vers le lieu de son martyre, qu'il auoit choisi hors de son logis, pour y rendre vn public tesmoignage de sa foi. Il quitta son epée & sa dague; & prenant son chapelet, comme

81

Ses prepa-  
rations à la  
mort.



Année 450

LIVRE XVI. DE L'HISTOIRE

**IESVS** les armes d'un vray Chrestien, vne image de la passion de **no-**  
**CHRIST**stre Sauueur, & vn liuret spirituel, pria ceux qui le deuoient  
1608. mettre à mort, de luy donner vn peu de temps pour prier  
— **Dieu.** Il y employa demy-heure ou enuiron : au bout de laquelle  
vn des soldats tira son epée pour luy donner le coup; mais  
il luy dit, Encores vn peu, s'il vous plaist. Il n'ay pas en-  
core finy.

82

Son heu-  
reuse fin.

**A PRES** vne autre demi-heure, il tira son image du  
sein, la baissa, la remit en sa place, entortilla son chappelet à  
son bras droit, leut quelques prieres dans son liuret, fit si-  
gne d'auoir acheué, ioignit les mains, & tendit le col, dont  
on luy separa la teste, le dix-septiesme iour de Septembre,  
l'an mil six cens huiet, vn peu auant le Soleil leué. Le corps  
fut incontinent retiré en vn lieu sacré, pour obuier à quel-  
que inconuenient, qui pouuoit arriuer de ce que cete exe-  
cution auoit esté faite en public. Le petit Michel fils de  
**Leon** deuoit accompagner son pere, par ordonnance de **Fon-**  
**go.** Mais les amis luy sauuerent la vie. Les Payens ne se  
pouuoient assez etonner de ce cas. Car mourir en guerre,  
ou en quelqu'autre occasion, pour acquerir ou de l'honneur  
ou des moiens, n'estoit pas chose nouvelle au Roiaume de  
**Saxuma;** ny au reste du **Iapon:** Mais exposer sa vie pour le  
salut, qui est chose inuisible, & receuoir si ioieusement la mort,  
comme fit **Leó Xiquigemon;** c'estoit chose qu'on n'auoit point  
veuë au **Iapon,** que depuis l'arriuée de nos Peres.

*Heureuse mort des Gisiaques Michel & Jean & de leurs  
enfants Thomas & Pierre, tous decapitez à lateu-  
xiro l'an mil six cens neuf.*

## CHAPITRE XII.



L'An mil six cens trois, lors que Iean Gorasaimon & ses compagnons furent martyrisez, ainsi que nous auons couché cy-dessus : il y auoit en la ville de lateuxiro, trois Gouverneurs; Canzugemon, qui se conuertit deux ans apres; Noyri Faquigemon homme cruel : & Canigejofioic. Faquigemon estant mort soudainement, son fils Noiri Quinzo, luy succeda en la charge, mais non en sa barbare humeur. Car il estoit humain & fort raisonnable, portoit grande compassion aux Chrestiens persecutez, & particulièrement à Iean & Michel, Gisiaques, detenus en prison, avec les incommoditez que nous auons touchées nagueres. Liu. 14.  
nomb. 82.  
& suiv.

Ce bon naturel le porta à procurer enuers Canzugendono leur deliurance, ou quelque autre fin de leur captiuité. Il scauoit bien que Canzugendono ne pouuoit supporter qu'on luy parlast de pardonner; si est-ce que luy rendant compte de son gouuernement à lateuxiro, il luy representa le long temps que ces deux personages auoient trempé en prison, & lui demanda comment il en vouloit en fin disposer. Fay leur trencher la teste, dit-il, à eux & à leurs enfans. Quelques-vns ont escrit qu'il vouloit encore faire mourir leurs femmes. Mais Canige lui fit changer d'auis. Iean & Michel eurent soudain le vent de cete sentence, & commencerent à se disposer à la mort, aduertissans leurs enfans de se tenir prests. 83  
Sentence  
côte deux  
Gisiaques.

L'onzieme iour de Ianuier l'an mil six cens neuf, le Bongio, c'est à dire, le surintendant de la iustice, signifia la sentence de mort aux prisonniers. Michel luy demanda quelle sorte de mort ils deuoient souffrir. Vous aurez la teste trenchée, dit le Bongio. Veu que nous deuons mourir pour la



LES SVS-CHREIST de mourir en croix à son imitation. Le supplice est trop honorable pour nous, dit Iean : Vaudra mieux que nous soions cruellement tourmentez, foulez aux pieds, taillez en pieces, hachez si menu qu'on pourra. Cete grace vous sera faite, repliqua le Bongio, parce que les Gouverneurs luy auoient ordonné de les faire tailler à menus lambeaux apres leur mort, de peur que les Chrestiens n'enleuassent leurs corps entiers.

84

Michel &  
ses habits.

IE ne dois passer sous silence, que Michel esperant fermement mourir pour la foy, selon son ancien desir, auoit fait prouision d'une robe blanche, de laquelle il se couurit soudain. Cet habit avec la longue chevelure & barbe, qu'il n'auoit fait couper depuis les quatre ans qu'il trempoit en prison, le rendit fort venerable. Il scauoit que son pere, sa femme & toute sa famille, desiroient grandement de l'accompagner au martyre. Partant il leur enuoia dire qu'ils ne se presentassent au lieu de la iustice, d'autant que si le Gouverneur les condamnoit, il trouueroit bien moien de leur faire scauoir sa sentence. Mais ne deuant pas mourir, ils feroient mieux de se tenir au logis, & de le recommander à Dieu.

LES Gouverneurs furent vne fois en deliberation de les faire mourir secretement, craignans quelque emeute populaire. Mais le bruit de l'execution aiant couru par la ville, il se rendit tant de peuple à la prison, que le Bongio commanda qu'on leur mît vne corde au col, qu'on les garotast, & tirast hors de là. En sortant ils remercierent Dieu, qui leur auoit fait voir l'heure tant par eux desirée : rendirent aussi graces à l'assistance de l'honneur qu'elle leur faisoit, & s'acheminèrent vers le lieu du supplice, tenant les yeux haufsez vers le ciel. Michel desirant estre bien-tost hors du monde, marchoit si vite, que le bourreau tenant la corde en main, auoit peine à le suiure. Iean debile de sa maladie, & tourmenté par la corde qui l'estrangloit, estoit contraint d'alentir le pas.

TANDIS le Bongio auoit enuoie querir Thomas, fils de Michel, âgé de douze ans; & Pierre fils de Iean, qui n'en

auoit pas six accomplis. Thomas auoit esté si bien instruit par son pere, sa mere & son aieul és poincts de la foy, & tellement affectionné au martyre, que par fois lors qu'il pleuroit, comme font les enfans, sa mere lui disant, Si tu es delicat, & pleures pour si peu de sujet, tu ne vaus rien au martyre; il se taisoit incontinent. Auerti qu'il fut de la mort, il courut prendre ses meilleurs habits, & hâtoit le soldat qui le tenoit par la main, pour aller vers son pere. Il le rencontra hors la porte de la ville, où il attendoit Iean; & l'aiant salüé lui dit, Courage mon pere, courage : Je mourray alegrement pour la foy.

IESVS.  
CHRIST  
1609.

85

Thomas  
fils de Mi-  
chel mar-  
tyr.

LE Petit Pierre tardant à comparoitre, & le Bongio hâtant l'exécution, selon que les Gouverneurs lui auoient ordonné, commanda au bourreau de faire son office, au lieu mesme, où les trois martyrs estoient assemblés. Qui fut vn trait de la prouidence diuine, à ce que le pur sang des martyrs, ne fût mélé avec celui des mal-faïcteurs, s'ils eussent esté conduits iusques à la place ordinaire de la iustice. L'office commença par Michel, & lui abatit la teste du premier coup. Puis voulut mener Thomas hors de là, de peur que la veuë de son pere, ne lui abatit le courage : Mais l'enfant lui dit hardiment, Je veux mourir près de mon pere. Ce qu'ayant dit, il se mit à genoux, & tendit le col, tout riant. Il portoit vn bras en écharpe. Qui fut cause qu'il ne peut bien joindre les mains. Si les approcha-il l'vne de l'autre, tant qu'il lui fut possible, & receut le coup de la mort, disant deuotement IESVS MARIA. Au mesme temps Iean perdit aussi la teste.

86

Lieu de  
l'exécution.

LE retardement du petit Pierre fils de Iean, prouint de ce qu'il ne fut trouué chez son pere. On l'alla querir chez son aieul, vn peu loin du lieu où la iustice fut executée. Peu de iours auant que la sentence de mort fût prononcée contre son pere, ce petit enfant oiant parler de ses miseres, dit: Il vaudroit mieux qu'on le fit bien-tost mourir; car il endure trop en prison. Personne ne lui apporte de quoi viure. On me fera mourir avec lui, parce que je suis Chrestien; & je le desire, parce que je serai martyr. Quand les officiers de la iustice arriuerent à la maison de l'aieul, l'enfant dormoit.

87

Enfans  
martyrs.



An de 454

LIVRE XVI. DE L'HISTOIRE

IESVS-  
CHRIST  
1609.

Ils l'écueillèrent, & lui dirent quand & quand pourquoy ils estoient là. Sur ce poinct Dieu lui communiqua vne telle constance, maturité & serenité de visage tant extraordinaire, qu'il sembla vouloir montrer vn singulier trait de sa toute-puissance, à la gloire de son saint nom, pour l'edification des fideles, & confusion des Gentils.

ARRIVE' qu'il fut au lieu destiné à l'exécution, il se mit à genoux, & sentant que le bourreau dégainoit son épée, sans qu'on lui dit mot, haussa la teste, tendit le col, & joignit les mains qu'on n'auoit daigné lui lier, s'offrant comme vn agnellet en sacrifice, & attendant le coup, sans trembler, ny femouuoir aucunement. Acte qui attendrit tellement le cœur du bourreau, qu'il rengaina son glaive, & dit: Je n'ay pas le courage de frapper vn si admirable jouvenceau. La mesme tendresse de cœur montrerent autres deux soldats, & ministres de la Iustice, contre leur coutume. Car ils prennent semblables occasions, comme sujets d'exercice, afin qu'ils aient moins d'horreur & apprehension de donner à tort & à trauers lors qu'ils sont à la guerre. Au refus des officiers ordinaires de la Iustice, vn esclaué Coraïte lui abatit la teste en trois coups. Grande barbarie. Car du premier il lui donna à trauers les espaulles, & le rua par terre. Puis lui sia plutoist qu'il ne couppa le col à deux reprises.

LES Chrestiens qui assisterent à cete execution, demanderent au Bungio permission d'enseuelir les Saints corps au Cimetiere commun, & l'en importunerent tant qu'il y consentit. On ne scauroit exprimer la ferueur avec laquelle ils recueillirent les reliques de ces saints, enleuant les gouttes de sang, & raclant les places sur lesquelles il estoit tombé, au grand étonnement & edification des Payens qui les voioient faire; & sur tout du Bongio, que la force de la verité porta à dire tout haut. Indubitablement ces gens ont trouué l'infalible moien de se sauuer. Et neantmoins fit mettre les testes de ces quatre martyrs au bout de quatre lances, sur la porte orientale de la ville, avec leur dictum de leur sentence en tels ou semblables termes.

*Ces Chrestiens, pour s'estre publiquement portés & declarés tels, reduisans les apostats de la foy, contre la prohibition que Canzugendo-*

88

Compas-  
sion du  
bourreau.

89

Reliques  
des mar-  
tyrs.

no en auoit fait, ont esté condamnés à mort, & seruiron d'exemple & de terreur aux autres.

LES corps de ces Martyrs, furent depuis portés en nostre Eglise d'Arima, sauf celui du petit Pierre, qui demeura en la residence de Conzura. Vne fille du martyr Michel, que les Chrestiens cachèrent à la fureur des Gentils, fut depuis conduite en Arima, de peur qu'il ne lui mesauint, comme à Orfeline. Quelques charitables Chrestiens s'estans mis en deuoir de la colloquer, Dieu inspira vn homme d'honneur, & fort moienné, de la demander pour espouse d'un sien fils. Quelqu'un de nos Peres lui representa l'extreme pauureté de la fille, laquelle n'auoit dot aucun, non pas mesme d'habits, parce que les malins l'en auoient depouillée. A quoi il dit ne vouloir auoir aucun égard. Me suffit qu'elle est fille d'un martyr, dit le bon homme. I'ay de quoi suppleer pour son dot. I'en fais plus de cas que de la plus noble & riche Dame, qui soit au Iapon. Ainsi le mariage fut accordé, & passé.

1609.

90  
Fille mariée sans dot.

Pour conclusion de ce qui concerne les Martyrs de Iateuxiro, quelques historiens ont écrit, qu'il y auoit cete année enuiron dix ans, que le Seigneur Augustin Vnocamido, duquel nous auons souuent parlé ci-dessus; estant Gouverneur de la dite ville, apparurent durant plusieurs iours à l'entour de la croix plantée au Cimetiere, diuerses autres Croix grandes & petites, que certains habitans de la ville, & autres venus d'ailleurs, virent & admirerent. Depuis voians les genereux combats de ces vaillans champions de nostre Seigneur, ils recogneurent que ces merueilleuses Croix les auoient prognostiqués, & que par leurs intercessions la sainte Croix seroit exaltée & glorifiée, tant en cete ville là, que par les autres contrées du Iapon.

91  
Croix veuës à Iateuxiro.



*Martyre des trois Chrestiens Iaponois , Gaspar , Vrsule sa femme , & Jean leur fils.*

CHAPITRE XIII.



**G**ASPAR Nixiguenca , natif del'Isle d'Yquitzu-  
 qui, en l'estat de Firando , habitant à Yaman-  
 da d'où il estoit Seigneur , auoit épousé vne  
 Dame, noble de sang & pieté , de laquelle il  
 eut plusieurs enfans. L'ainé fut Jean Nixima-  
 taïqui, jeune homme fort accompli, & tres-  
 bien venu près du Roi de Firando. Sa fille Marie fut mariée  
 au fils de Condoquisan , Gouverneur d'une partie de la sus-  
 dite isle, grand idolatre , qui se mit en devoir de la faire apo-  
 staté, y employant l'autorité de son propre pere. Mais Ga-  
 spar n'auoit garde de prester l'oreille à la fole demande de  
 cet idolatre. Au contraire il exhortoit sa fille à estre con-  
 stante en la foy, comme elle fit, iusques à tant que se trou-  
 uant exorbitamment importunée par son beau-pere, elle  
 resolut faire diuorce avec son mari, plutost qu'avec Dieu,  
 & se retirer en la maison de son pere.

DE QVOI indigné Condoquisan , enuoia dire à Gaspar,  
 qu'il renuoïât sa fille au mari, autrement qu'il s'en resenti-  
 roit. Gaspar respondit, qu'il se falloit adresser à sa fille, de la  
 volonté de laquelle il ne pouuoit plus disposer. Marie dit au  
 Messager: Je differe mon retour, pour justes causes, lesquel-  
 les neantmoins je ne veus ny dois dire à chacun. Le Gouver-  
 neur se picqua de ce refus, & renuoia tout court le messager  
 dire à sa bru, qu'il voioit bien que la cause qu'elle taisoit,  
 estoit sa resolution de perseuerer en la foy Chrestienne, que  
 le Seigneur de Firando detestoit tant. Faites lui sçauoir, dit-  
 il au messager, que si elle ne change d'opinion, je la defere-  
 ray au Roi, elle, son pere & sa mere, par le conseil & consen-  
 tement desquels elle enfreint les saintes loix du mariage,

&

72  
 Divorce à  
 cause de la  
 religion.

& méprise l'ancienne religion des Camis.

MARIE ouït le tout patiemment, sans s'étonner des menaces de son beaupere, & respōdit magnanimemēt, qu'il auoit touché le poinct qu'elle celoït; & pouuoit au reste faire ce que bon luy

1609.

sembleroit, parce qu'elle tiendrait à grand-heur & faueur, de pouuoir souffrir quelque chose pour l'amour de Iesus-Christ.

93

Cholere du  
beaupere.

Gaspar n'estoit pas chez luy lors que le Messager y arriua; mais au retour il ratifia la responce de sa fille, & dit qu'il y eust encores adjousté la saulce, s'il se fût trouué sur le lieu. Condoquisan ne s'irrita pas beaucoup contre sa Nore, ains tourna la pointe de sa cholere contre le pere, duquel il estimoit que la fille tenoit tout ce qu'elle scauoit de la loy Chrestienne. Partant il resolut de le deferer au Tono, par le moien d'un Bonze de grande authorité, & Superieur du principal Conuent de Firando; luy faisant entendre qu'il y auoit plusieurs Chrestiens en l'Isle d'Iquitzuqui, lesquels non contens de se porter pour tels contre sa prohibition; tiroient encore les Gentils à leur cordelle. Que s'il luy plaisoit en faire quelque enqueste, il trouueroit que son dire contenoit verité.

94

Qui accuse  
Gaspar.

LE Tono donna cete commission au susdit Bonze, & à vn autre qui estoit de la secte des Yamabuxis, la plus peruerse du Iapon. Voulut qu'ils fissent le procez à tous les Chrestiens qu'ils rencontreroient en ses terres. Ils trouuerent que Gaspar & sa famille faisoient ouuertement profession de la foy Chrestienne: que peu de iours auant il auoit baptizé trois enfans; faute d'autre qui eust le pouncir de ce faire; Souloit discourir des choses spirituelles avec vne admirable ferueur: annonçoit les festes, les iours de ieûnes; auoit à ces fin vn Calendrier, & plusieurs liures spirituels traduits en langue Iaponoise. Sur ces informations, ils le condamnerent à mort, luy, sa femme Ursule, & Iean leur fils.

LA sentence de mort signée, les Bonzes enuoierent querir Gaspar, lequel scachant bien ce qu'on tramoit contre luy, auant que sortir de sa maison, s'arma en vray Chrestien, ceignant vn cordon du Seraphique Pere Saint François, se jettant à genoux deuant vne image de nostre Sau-

95

Est condā-  
né à mort.



IESVS-ueur, & se recommandant affectueusement à son infinie bonté & misericorde. Entré qu'il fut dans la maison, où les Bon-  
 1609. zes auoient tenu leur conseil, deux soldats se ruerent sur luy, pour le garotter. Mais Gaspar leur dit hardiment qu'il n'estoit pas de la qualité des gens qu'on deût lier, sans luy notifier prealablement la cause. Vous estes Chrestien, luy dirent-ils, & comme tel condamné à la mort. Liez-moy donc tant qu'il vous plaira, respondit Gaspar : Car j'auouë librement que ie suis Chrestien : l'ay esté dès mon ieune âge, dequoy ie louë Dieu, & moiennant sa diuine grace, le seray iusques au tombeau.

96  
 S'y dispose  
 par parens,  
 &c.

Lié qu'il fut, il passa toute la nuit en prieres, demandant à Dieu pardon de ses fautes, & grace de bien mourir. Il dit aussi aux Chrestiens qui le veilloient par ordonnance du Gouverneur. Je meurs tres-content, & avec ferme esperance d'arriuer au ciel, parce que c'est pour la confession de l'ynique foy, que ie perds cete miserable vie. Le Gouverneur l'estant allé visiter, pour veoir s'il le pourroit esbranler, il le pria de le faire mourir en croix, à l'imitation de nostre Sauueur. Je ne peux, dit le Gouverneur, parce que le Tono mon maistre ne l'a pas ordonné. Aussi est-ce chose inoüie en cete Isle, de condamner vn homme au supplice de la croix, pour crime quel qu'il soit. Oâtroiez-moy au moins, dit Gaspar, que ie meure au lieu où la croix souloit estre plantée, auant ces troubles, & où mes parens & ancestres Chrestiens, sont enseuelis. Je le veux, dit le Gouverneur. Cela & tout ce qui depend de moy, vous sera librement octroié.

97  
 Est decapité  
 par le  
 Gouverneur.

Mené qu'il fut au lieu destiné à l'exécution, il demanda vn peu de temps pour se recommander à Dieu, & aiant finy sa priere, sans se leuer (car il estoit à genoux) fit signe qu'il estoit temps : Le Gouverneur mesme pour l'honorer dauantage, luy treucha la teste de sa propre main. Le Bonze Yamabuxi, qui auoit esté vn de ses iuges, voulut essaier le fil de son épée sur le corps du mort, selon la coutume du Iapon. Mais le Gouverneur l'empescha, & permit aux Chrestiens d'enleuer le corps, & l'enseuelir en leur ancien Cimetiere.

LE mesme iour que Gaspar rendit son ame à Dieu, ces IESVS-  
iniques iuges firent tirer de la maison, où ils estoient de- CHRIST  
tenus prisonniers, Vrsule & Iean, lesquels se monstrerent 1609.  
extremement ioyeux, & louèrent Dieu, de ce qu'il les auoit  
rendus dignes de mourir pour la confession de sa sainte  
foy. Les officiers de la iustice qui les estoient allez querir,  
faisoient semblant de ne les vouloir mettre à mort, ains les  
bannir comme Gaspar, disoient-ils. Mais les martyrs leur  
respondirent, que Gaspar estoit desia mort, & qu'ils ne desi-  
roient rien tant que de luy tenir compagnie, & mourir comme  
Chrestiens. A quoy les officiers ne firent autre response. Mais  
en cheminant vn des soldats qui les menoient, donna vn  
grand coup d'épée à Vrsule, lequel ne porta suffisamment pour  
lui oster la vie; si bien qu'elle eut moien de se mettre à genoux  
pour attendre le second, & le receut inuouquant les saints  
noms de IESVS & de MARIE.

98

Vrsule &  
Iean, mar-  
tyrs.

JEAN qui estoit mené vn peu deuant sa mere, aiant oüi  
le coup & le cry de la patiente, se tourna promptement, &  
voiant ce qui se passoit, se mit à genoux, & disant IESVS MA-  
RIA, fut decapité le quatorzième iour de Novembre, mil six  
cents neuf. Leurs corps furent inhumez vis à vis de leur mai-  
son, pour estre depuis transportez en lieu plus digne & decent.  
Gaspar & Vrsule auoient chacun cinquante & quatre ans.  
Iean vingt & cinq, & la pauvre Marie, fut en mesme iour  
priuée de ses pere, mere, & frere: bien marrie d'auoir don-  
né occasion au tout; mais plus de se voir forclosé de la cou-  
ronne du martyr, apres laquelle elle souspiroit iour &  
nuict. Yzabeau vefue du martyr Iean, eût bien desiré  
suiure son mary par le mesme chemin, mais comme il n'y  
auoit pas de sentence contre elles, Dieu receut leurs bonnes  
volontez pour l'effier.

Quelques autres fideles habitans de l'Isle d'Yquitzuqui,  
furent tourmentez, & particulièrement ceux qu'on soupçon-  
noit d'estre imitateurs de Gaspar, à consoler les Chrestiens,  
& conuertir les Payens. Mais cete persecution ne donna  
pas plus auant. Il n'y eut qu'un habitant de Taquino-  
sama, qui fut fait prisonnier. Mais pource qu'il fut trou-  
ué n'auoir iamais eu, ny exercé charge aucune; il fut

99

Isle d'Y-  
quitzuqui.



LESUS-  
CHRIST  
1609. relaché; bien marry que l'occasion de gaigner la palme du  
martyre luy estoit eschapée. Il fut depuis à nostre College de  
Nangazaqui, où il se confessa, communia, & prepara à toute  
aventure.

*Magnanime courage d'un pescheur Firandois Chrestien,  
& autres traicts de vertu, exercez en ces quartiers  
là, & és Isles de Gotto.*

## CHAPITRE XIV.



ATZURA FOIM qui estoit cete année Seigneur de Firando, cruel ennemy, & persecuteur de la foy Chrestienne, non content d'auoir fait mourir en l'Isle d'Yquitzuqui les martyrs desquels nous venons de parler, se voulut encore prendre aux Firandois. Mais comme il auoit desia mis le gouuernement de son estat és mains d'un sien nepueu, fils de Missia, & son heritier presomptif; il n'auança pas beaucoup. Pource que ce ieune homme estant doux & benin de nature, & sa mère Chrestienne; & luy mesme aiant receu le baptesme en son bas âge, le paia de belles paroles, sans entreprendre autre chose contre les Chrestiens. Si ne faut-il pas passer sous silence la ferueur de quelques-vns, lesquels non seulement tindrent bon contre les assauts de l'enfer, ains se monstrent prests à espandre leur sang pour la confession de la foy.

100 Le premier sera vn pauvre pescheur, bas de condition, mais  
Pescheur relevé en courage. Le Gouverneur qui estoit Payen, estimant  
Firandois qu'un si pauvre ouvrier n'auoit pas l'adresse ny le coura-  
ge de le desdire, l'inuita à boire ie ne sçai quelles cendres  
bon Chre- de certains billets, où auoient esté escripts quelques mots  
stien. des Camis & Fotoques. Billets que les Bonzes ont coutu-  
101 me de vendre cherement à leurs deuots. Les Iaponois se  
Breuage seruent de tel breuage, tantost pour guerir certaines maladies,  
de cendres. tantost pour montrer qu'ils ne veulent mentir, ou manquer  
à leur promesse, tenant pour certain que quiconque contreuie-

droit à sa parole, aiant aualé decette boisson, seroit seulement puni par leurs idoles.

IESVS-  
CHRIST  
1609.

Ce bon Chrestien ne voulut pas boire de cete eau, quoi que le Gouverneur pour l'obliger à ce faire, la lui presentât lui mesme; ains prit le gobelet, & le jetta par terre sans aucun respect, disant que quiconque tenoit la foy qu'il professoit, en deuoit faire autant. Il ne se contenta pas de cete tant noble action; il fit vn autre trait qui lui cuida mettre en main la palme du martyre. Ce fut que le Gouverneur voulant entrer dans la nacelle de ce pauvre pécheur, il lui tendit la main, tenant le pied appuié sur le bord du batteau, lequel venant à branler, & pencher de ce costé là, le bon pécheur se prit à dire IESVS MARIA, inuoquant Dieu à son aide. Ce qui des-agrea tellement à cet idolatre Gouverneur, qu'il l'en tença comme d'une tres-lourde offence. Le bon pécheur s'excusant, dit que la coutume des Chrestiens estoit d'inuoquer en toute occurrence ces saincts & salutaires noms. Ce que disant, il les prononça plusieurs fois. Le Gouverneur comme possédé de l'esprit malin, ne pouvant supporter la diuine force de ces sacrés mots, mit la main à l'espée, & menaça le pécheur de le tuer. Donnés hardiment: dit le pécheur tendant le col: Donnés hardiment. Car je ne scaurois m'abstenir d'inuoquer IESVS & Marie. Le Gouverneur s'arresta tout court, & faisant semblant d'autre chose retint ce venin en son ame, mais pour peu du temps. Car comme le vaisseau fut au large, il commanda à ses seruiteurs de jeter le pécheur en mer; comme ils firent. Si fut-il contraint malgré eux, de l'en faire tirer, & promptement. Car tous les Mariniers se depouilloient pour se jeter apres leur compagnon, & le sauuer à la nage. Tellement qu'ils eussent abandonné la barque, si le Gouverneur ne les eût instamment priés de ramer vers le pauvre pescheur, que le flot emportoit, & de le tirer del'eau, & remettre dans sa nacelle; comme ils firent en diligence.

102

Inuoca-  
tion du  
nom de  
IESVS.

Voici le second qui donna sujet aux Payens de louer nostre sainte foy, quoi qu'en autre matiere que le premier. Ce fut vn Chrestien, lequel auerti que les officiers de la Iustice venoient pour le prendre, & faire mourir, à cause de quel-



IESVS-  
CHRIST  
1609.

103  
Desesperé  
sems.

que crime par lui commis, delibera de resister aux Magi-  
strats, & leur vendre bien cherement sa peau. Les Iapo-  
nois font gloire de tuer tous ceux qu'ils peuuent de leurs  
agresseurs ensemblable cas: Celui-ci vouloit encore mettre  
le feu à son logis, apres auoir tué quelqu'un. Mais son des-  
sein ne réussit pas comme il pensoit. Car vn de nos Peres en  
aiant eu le vent, preuint ce desesperé, le priant de n'expo-  
ser à l'extreme danger, non seulement son corps, ains enco-  
re l'ame que IESVS-CHRIST auoit rachetée par l'effusion de son  
precieux sang. Ces paroles apres la grace de Dieu, donne-  
rent si auant dans le cœur de ce pauvre homme, qu'aiant ren-  
oncé au poinct d'honneur du Gentilisme, posé ses armes,  
recogneu sa faute, il se confessa; puis avec vne indicible  
patience, aiant offert son col au glaive de la iustice, mourut  
fort Chrestienement.

CERTAINNE femme se seruant de l'absence de son mari,  
pour plus grande commodité d'offencer Dieu, scandalisoit  
toute vne ville. Quelques-vns en aduertirent le Pere de cete  
effrontée, lui remontrant qu'il pouuoit, & deuoit empecher  
ce mal. L'honneur & la conscience obligerent le vieillard à  
rancer plusieurs fois sa fille. Mais en vain. Car elle ne s'a-  
mendoit pas pour tout cela. Qui fut cause que le zele le fai-  
sit tellement vn iour de feste, que pour montrer qu'il ne par-  
ticipoit pas au peché, il s'en alla au milieu d'une assemblée  
de Chrestiens, avec vne rude discipline en main, & s'en  
battant furieusement, declara la cause de cete nouueauté.  
Ceux qui estoient coupables du crime d'adultere, & virent  
ce trait, en furent tellement confus & contrits, qu'ils  
quitterent leur vice; & la susdite femme, sortant de son in-  
fame retraite, s'en retourna viure honnestement parmi ses  
parens.

VNE autre aiant long-temps disputé avec son mari, & pen-  
sant ne pouoir jamais paisiblement viure avec lui, resolut  
des'en aller parmi les idolatres. S'estant mise en chemin, &  
passant au deuant d'une de nos Eglises, la volonté lui vint  
de prendre congé du Pere qui en auoit charge. Elle y entre,  
lui communique son dessein, recognoit sa faute, s'en repent,  
& rebrousse chemin vers sa maison, où depuis elle vécut en

184  
Adulteres  
conuocés.

bonne paix avec son mari, suivant les bons auis du mesme Pere.

COMME Dieu empecha celle-ci d'aller vers les Gentils, aussi fit-il retourner vne femme d'un Payen, viure parmi les Chrestiens, aiant passé seize ans entre les Gentils, & viuant à leur mode. Vne grosse maladie lui causa ce bien. Car recognoissant ses fautes passées, elle les detesta, s'achemina vers un lieu de Chrestiens, l'aua sa conscience: & trois iours apres rendit l'ame à son Redempteur.

166  
Autre fem-  
me con-  
uertie.

EN la principale des Isles de Gotto, vne furieuse peste s'estant prise aux bœufs & cheuaux des Gentils, & commençant à s'attaquer aux personnes; ces miserables consulterent leurs sorciers pour decouurer la cause de ce mal. Il leur fut respondu, que l'idole qu'ils appellent Cauarro, & croioient estre le President des riuieres, estoit en colere pour ne pouoir habiter près d'un fleuve, sur lequel les Chrestiens auoient dressé un pont, pour aller plus commodément à Eglise. En punition de quoi, il estoit entré dans le corps de Camisa, femme du Seigneur de ces Isles, laquelle mourroit bien-tost, s'ils n'appaisoient le Cami. Ce que le Tono ou Seigneur du lieu aiant sçeu, fit incontinent ruer par terre & l'Eglise & le pont. Mais la peine qu'il meritoit tomba sur sa teste. Car quoi que ses sorciers eussent dit, la femme mourut; & la peste cessa bien-tost apres; & les deuins entrerent en grande apprehension de la colere du Tono, pource que les idolatres mesmes disoient que la ruine de l'Eglise & du pont, estoit cause de la mort de Camisama. Le Tono le sçeut, en fut tout confus, & pour reparer sa faute, assigna aux Chrestiens vne place plus commode pour bastir l'Eglise & la maison, sans qu'ils eussent besoin de passer la riuere,

107  
Cauarro  
President  
des riuieres.



*Diuers actes de vertus Chrestiennes exercés és enuiron  
de la ville de Nangazaqui.*

CHAPITRE XV.



O s Peres firent cete année monter vne cloche en certaine Eglise des annexes de Nangazaqui, où iamais les habitans n'en auoient veu ny ouï. La curiosité y amena grand nombre de personnes, qui s'estonnoient sur tout de la façon de sonner toute diuerse de la leur.

Car ne scachant pas le moien de fonder vne cloche, tellement qu'on puisse logger dedans vn batant, comme nous faisons; ils ont coutume de frapper dessus par dehors, avec vn baston ou marteau. Or cete année aiant esté fort seiche, & les pluies n'estant arriuées lors que le peuple les attendoit, les idolatres commencerent à imputer la faute à cete nouvelle cloche, disans que les Fotoques étonnés de l'eclatant son de ce metal, s'estoient retirés au Roiaume de Fingo. Ils redirent si souuent telles & semblables plaintes, qu'un jeune enfant Chrestien leur dit : O les miserables gens que vous estes, de fonder vos esperances, sur la foiblesse de vos pretendus Camis, qui sont à present de pierre ou de bronze, & neantmoins n'ont pas plus de cœur ny de courage, que lors qu'ils estoient de chair & d'os. Ce gentil & hardi rencontre étonna tellement ces murmurateurs, qu'ils n'eurent mot en bouche pour repliquer à cet enfant. Semblable responce receurent deux Payens, de leurs enfans qui estoient Chrestiens, & fort jeunes. Car leur aians commandé de porter je ne sçay quels fruits pour presens aux Supérieurs des Bonzes, ils respondirent hardiment, qu'ils ne pouuoient ny deuoient obeïr en cet endroit, pource qu'ils estoient seruiteurs de Dieu, & les Bonzes de Saran.

Voici vn trait qui montre clairement l'efficace du saint Sacrement de l'Eucharistie, & comme par fois il change  
doucement

108

Cloche  
nouuelle  
à lapon.

109

Rencon-  
tre contre  
les Foto-  
ques.

doucement les cœurs & les inclinatiōs des hommes. Vne femme fort brusque de nature, peu traitable, & d'ailleurs deuote, & desiruse de participer souuent au pain des Anges; n'osoit s'en approcher à cause de sa peruerse humeur & inclination.

IESVS-CHRIST  
1609.

Mais vn de nos Peres lui conseilla de ne s'esloigner pour cela de la Communion, disant que la nature s'adouciroit avec le temps. Elle creut ce conseil, & peu à peu obtint de Dieu telle abondance de graces, que plusieurs qui estoient despleus de la voir si prompte; s'esbahissoient de la trouuer aussi lente, que si elle eust tout à fait changé de nature. Neantmoins quelque objet l'ayant vn iour surprise, elle se mit fort en cholere. Puis rentrant en soy, s'en alla ietter aux pieds du Confesseur pour obtenir pardon de sa faute, sans intention de communier pour lors, pource qu'elle s'en estimoit du tout indigne. Le Confesseur agreea sa contrition, mais non pas la resolution de ne communier pas, ains voulut qu'elle receût lors mesme le S. Sacrement. D'où arriua que iamaïs plus ses domestiques ne remarquerent en elle vn petit ressentiment de cholere.

109

Eucharistie  
& son efface.

VN Chrestien faussement accusé, fut mis en prison. Le bruit courut incontinent qu'il seroit promptement condamné à mort, & executé. Ce que les Bonzes Foquexus aiant appris, furent à luy, l'assurans que s'il se vouloit rengier à leur secte, ils lui saueroient la vie. Ils l'attaquerent ainsi par deux ou trois fois. Mais en vain. Car le fidele Champion de Iesus-Christ leur dit comme en cholere, qu'ils se retirassent, pource qu'il aimoit mieux mourir Chrestien, que viure infidele, & puis estre condamné à la mort eternelle. Les Bonzes se retirerent bien honteux, & le prisonnier demeura resolu de mourir, & ce d'autant plus volontiers, qu'il se recognoissoit du tout innocent du fait qu'on luy mettoit sus. Si fut-il condamné, mais la sentence ne fut pas executée. Car vne personne d'autorité ayant certainement recogneu son innocence, s'employa tellement pour luy, qu'il fut relaché.

110

Calomnie  
sans effect.

VNE pauvre vieille sur le quatre-vingt & dixiesme an de son âge, deuenue fort sourde, & quasi en perpetuelle refusie, fut comme miraculeusement touchée d'enhaut. Ses en-

111  
Nonage-  
naire bapti-  
zée.



LES V S-fans & parens, l'auoient abandonnée en ce qui concernoit le  
 CHRIST salut de son ame, pource qu'ils l'estimoient, humainement  
 1609. parlant, incapable de tant de remedes. Estant donc extre-

112  
 Predestina-  
 tion.

mement malade, & quasi presté à rendre l'esprit, elle com-  
 mença à crier tout haut, Baptême, Baptême. Dequoy  
 les assistans ne tenoient compte, estimans qu'elle reuast.  
 Neantmoins comme la malade redoubloit souuent le mes-  
 me mot, & montroit quelque signe de deuotion, quelques-  
 uns de ceux qui se trouuerent presens, craignans de man-  
 quer à leur deoir, s'ils faisoient autrement; enuoierent  
 promptement querir vn de nos Catechistes, qui se trouua  
 seul sur le lieu. Il y courut, & recognoissant que la vieille  
 n'auoit pas long-temps à viure, il luy cria aux oreilles  
 quelques artioles de nostre foy. Et voila que la sourde ouït ce  
 qu'il luy disoit, & s'esueillant comme d'vne profonde letar-  
 gie, redit tout ce que le Catechiste luy auoit proposé, monstra  
 qu'elle croioit, receut le saint baptême, & frapant sa poictri-  
 ne rendit l'ame à Dieu.

113  
 Confession  
 desirée.

V N Chrestien natif du Roiaume de Fingo, voulant en-  
 treprendre vn long voiage, resolut de se confesser au prea-  
 lable. Pour trouuer moien d'accomplir son desir, il se de-  
 uoit embarquer en vn port, assis à deux iournées de là,  
 puis faire voile vers Tacacù, où residoit pour lors vn de  
 nos Peres. Arriuant sur le tard au bord de la mer, il trouua  
 que la saison de l'hyuer, & le vent contraire, empechoient  
 tout à fait le traject. Que fera-il sur ce poinct? D'vn costé s'il  
 tarde, il perdra la saison d'entreprendre son voiage. D'autre  
 part il est resolu de ne s'embarquer pas sans estre confessé.  
 Il se prend à ses yeux, & pleure chaudement, se met à  
 genoux, & tournant la face vers le quartier où les Chre-  
 stiens habitoient, dit ces mots: Heureuse contrée, où cha-  
 cun trouue commodité de se confesser, & ouïr la sainte  
 Messe. Heureux deux & trois fois ceux qui habitent en ces  
 quartiers là. Quelle mes-auenture m'empesche d'y arriuer,  
 & baiser mille fois la terre que les seruiteurs de Dieu fou-  
 lent aux pieds? Je suis venu icy pour passer la mer, & m'al-  
 ler jetter aux pieds d'vn Confesseur. La tempeste ne per-  
 met pas que ie passe la mer; & le iour de mon voiage me

presse. Ne sçachant donc que faire, ie m'en vay confesser à Dieu mesmes, duquel seul j'attens le pardon & la remission de mes pechez. Ce qu'ayant dit, il se mit à raconter toutes ses fautes, pleurant & sanglottant pour preuve de sa douleur & repentance. Il n'eut pas acheué, que voila vne fregate avec trois mariniers Tacacuins, qui se retirent à l'abry du vent pour attendre le calme. Ce bon Chrestien ayant recogneu que ces mariniers l'estoient aussi, leur communique son desir. Ils le prennent dans leur vaisseau, le portent promptement où il vouloit, nonobstant les vents contraires: luy donnent temps de satisfaire à sa deuotion, le repassent où ils l'auoient rencontré. Si bien qu'il retourna content en son pais, & depuis en partit pour son voyage, selon qu'il auoit déterminé, louant Dieu qui luy auoit donné commodité de pourueoir à l'assurance de sa conscience.

114  
Obtenue  
comme par  
miracle.

*Admirable constance d'un Page diuersement tenté & affligé  
sans mort, & d'un soldat priué de la vie, pour la  
confession de la foy Chrestienne.*

## CHAPITRE XVI.



ONDODONO Seigneur plus Gentil que Gentil-homme, aiant decouuert la rare capacité & subtilité d'esprit d'un de ses Pages, qui depuis fut nommé Paul, l'enuoia chez nous pour apprendre les bonnes lettres. Or cōme nous ne les enseignons que pour maintenir la sainte foy, & l'estendre de plus en plus. Ce Page qui n'auoit encores atteint l'âge de dix-huict ans, aiant souuent oüi exalter la pureté & sainteté de la doctrine Chrestienne, en fut tellemēt espris, qu'il se resolut de recevoir le saint Baptisme. L'ayant receu, il s'adonna fort à l'oraison, se monstrois doux, courtois, frequētoit le Sacrement de penitēce, brefs'exerçoit en toute sorte de vertus Chrestienes. Sō maistre en fut aduertý & marri: il n'e fit

115  
Paul Page  
baptizé.



1609. **IE SVS-** neantmoins aucun semblant, tant pource qu'il desiroit fort  
**CHRIST** que ce ieune homme acheuast le cours de ses estudes; com-  
 me pource qu'il se promettoit de le reduire à l'idolatrie, d'au-  
 tant plus aisement, que son ayeul, son pere, & toute sa famille  
 y estoient fort adonnez.

116 **Cunamo-**  
**no Cami.**  
**PAVL** ayant finy ses estudes, fut remis au seruice du To-  
 no, lequel le desirant voir idolatre comme deuant, s'auisa de  
 tirer serment de fidelité de tous ses pages & officiers. Pour  
 mieux colorer son dessein, il se plaignit vn iour, de ce que ses  
 domestiques le seruoient mal: Partant il les fit tous assem-  
 bler dans vne salle pour les faire iurer. Chose qui se pra-  
 tique assez souuent au Iapon, & ne depend que de la volon-  
 té des Seigneurs. Ceux qui estoient idolatres commence-  
 rent, iurant sur certain papier, où estoit peinte l'image de  
 Cunamono Guenge, principal Cami du Iapon, & contenuë  
 la forme du iurement, qu'ils ont coutume de faire à cet ido-  
 le. Suiuirent deux valets, lesquels comme Chrestiens iu-  
 rerent sur le venerable signe de nostre Salut. Le bon Paul  
 s'approcha pour faire le mesme. Mais son maistre ne le voulut  
 receuoir, ains cōmanda qu'il iurast, suiuant les ceremonies des  
 Gentils. Dequoy il s'excusa: & aussi-tost le Tono se mit à crier, à  
 l'outrager, l'appeler vilain, ingrat, & le menacer de la mort.

117 **Constance**  
**de Paul.**  
 Ce n'est pas faute d'affection ny de loiauté, qui me porte  
 à vous refuser en cét endroit, Monsieur, dit Paul: C'est l'o-  
 beïssance que ie dois à mon Dieu & createur, lequel i'aime par  
 dessus tout. Ie ne peux iurer par autre que par luy, sans l'of-  
 fencer grandement. Dequoy ie me garderay au peril de ma  
 vie. Si neantmoins il vous plaist me faire mourir, i'en suis con-  
 tent, ie vous remercie de cete faueur, & vous supplie humble-  
 ment de ne permettre que ie meure sans beaucoup souffrir. Car  
 la raison veut que la mort des Chrestiens soit honoree de tour-  
 mens. Ce qu'ayant dit, il se mit à genoux, & haussant les mains  
 iointes, se mit à prier Dieu.

Cete action capable de gagner le cœur d'un barbare, qui  
 eût eu quelque sentiment de raison, alluma de plus en plus la  
 rage de Modondono: si que prenant le page par ses cheueux  
 il le traina par la salle. Puis tirant son espée la luy porta sur  
 le col, criant: Renie ingrat: Renie desloial, autrement ie te tuë.

A ce tumulte accoururent quelques-vns des domestiques, quil'empêcherent de passer outre, disans que c'estoit chose fort mal-seante à personne de la sorte; & le prians de mettre cet affaire entre leurs mains: Nous en viendrons à bout, nous vous contenterons, lui dit vn sien cousin. Mondodono se laissa finalement gagner, & le lui consigna, disant qu'il l'eût mis en pieces, s'il n'eût redouté le blâme d'inhumain.

*IESVS-CHRIST*  
1609.

118

*Colere & ses effects.*

QUELQUE temps apres, sa passion n'estant pas du tout acôisée, & l'esprit malin le pouissant au mal, il fit appeller ce bon page: & le trouuant tousiours constant, commanda qu'on le depouillât de ses armes, de ses habits, & mît en prison, où personne ne lui parlât. Le champion de *IESVS-CHRIST* fut là quatre iours entiers, pleurant continuellement de joie, & remerciant Dieu sans cesse, des biens qu'il lui faisoit, & sur tout du courage qu'il lui fournissoit pour souffrir tous les tourmens que la fureur de Mondodono exogitoit. Cependant la prouidence de Dieu parut sur vn domestique du mesme Mondodono, qui lui seruoit de fauconnier & auoit long-temps auparauant receu le baptesme, mais en secret, de peur d'irriter son maitre. A cette occasion, il se manifesta Chrestien, & offrit son seruice à Paul, fût pour porter lettres, fût pour autres bons offices.

LES quatre iours de prison passés, Mondodono, vn soir sur le tard, commanda qu'on lui emmenât son page, comme on fit. Le voiant garotté, il lui demanda, s'il s'estoit point recogneu & repent de son obstination. Et le trouuât aussi ferme & resolu, qu'il eût iamais esté, commanda qu'on lui genât les pieds entre deux canons d'arquebuse. Tourment le plus atroce que les Iaponois pratiquent. Le jeune homme quoi que fort foible de complexion, ne dit parmi tous tels tourmens, que ces paroles: Faites de mon miserable corps tout ce que bon vous semblera, Monsieur. Car quoi que ma chair sente les tourmens, pource qu'elle n'est pas de bronze, ny de fer; si est-ce que mon ame est comblée d'vne indicible joie. Si vous trouués bon de me faire trencher la teste, je vous supplie que ce soit avec quelque lame rouillée & dentelée, afin que le bourreau y retourne sou-

119

*Nouveaux tourmens.*



Ande 470

LIVRE XVI. DE L'HISTOIRE

IESVS-  
CHRIST  
1609.

uent. Bref il desiroit qu'on lui arrachât les ongles, les vns pres les autres; qu'on le taillât en pieces; qu'on le trainât tout nud sur vne claie, par toute l'Isle, finalement qu'on le fit mourir à petit feu.

120  
Compas-  
sion de  
Mondo-  
dono.

QUELQV'N a écrit que telles & semblables paroles de Paul fendirent tellement le cœur de Mondodono, que voiant la generosité de ce jeune homme, à prodiguer sa vie, il fondit en larmes. Mais elles secherent bien-tost, & seruirent plutost comme d'eau jettée sur les charbons ardens, pour les embraser dauantage, que pour esteindre sa colere. Car incontinent apres il se montra inexorable, disant, qu'il vouloit faire mourir ce desobeissant. Il ordonna donc qu'il fût pendu par dessous les aisselles, & tourmenté à la mode du Iapon. Si est-ce que le genereux champion de IESVS-CHRIST, ne perdit pourtant courage, ains continua à louer Dieu, tenant son chapeller en main, le disant au mieux qu'il pouuoit: & s'assurant que cete tragedie ne prendroit fin qu'en sa mort. Ce qu'il desiroit de tout son cœur.

121  
Martyre  
desiré.

MAIS Dieu, les jugemens duquel sont plus profonds que les abysses, en disposa tout autrement. Car Mondodono s'estant en fin auisé, de sa colere, trop dereglee, en rougit de honte: & se trouuant sollicité par son cousin & quelques autres parens, changea d'opinion, & renuoia Paul chez son pere; à condition neantmoins que si dans vn mois, il ne se rengoit à sa discretion, on le lui ramenât. Sur ce poinct commença le plus grief tourment que Paul eust encore souffert; lors qu'il vid que la palme du martyre lui estoit échapée des mains. Il auoit souffert joieusement tout ce que la rage de Mondodono lui auoit imposé, sans se plaindre; mais se voiant deliuré du danger de mort, il épandit des larmes en abondance. Il n'y eut moien de le contenter, que lors qu'on l'assura que telle estoit la disposition de Dieu, à laquelle il se deuoit en tout & par tout conformer. Depuis il gaigna le cœur de son maistre par bons seruiices, sans omettre vn seul poinct de ce qu'il deuoit à Dieu.

Vn Chrestien qui seruoit le Gouverneur des Isles de Goeto , aiant esté faullement accusé , de ie ne sçay quel crime, fut condamné à la mort , avec sa femme, & enfans. Vn de nos Peres qui cognoissoit leur innocence, s'emploia pour faire mitiger la sentence. Mais la partie estant forte & Payenne , il obtint seulement la vie pour la femme , & pour les enfans. Le mari fut contraint de satisfaire pour tous. Auerti donc de se tenir prest, il demanda trois iours de delay, pendant lesquels il fournit aux Chrestiens diuers sujets, pour s'échauffer au seruice de Dieu , & aux Payens pour s'y rengier. Le bourreau meu de compassion , lui demanda pardon de l'exécution qu'il estoit contraint de faire. A quoi l'innocent respondit courageusement : Execute , execute hardiment mon ami, execute sur moi l'ordonnance de ton maistre. Car je reçois tres-volontiers la mort de ta main. Je sçay bien qu'il n'y a pas de ta faute. Je n'ay Dieu merci, commis chose qui la merite : si meurs-je volontiers à l'imitation de mon Sauueur & maistre, le patron des innocens. Tels & semblables propos, furent cause que ce bon Chrestien, rendit l'ame à son createur , parmi les larmes & sanglots des assistans.

122

Constance  
d'un innocent.



*Dispute entre les deux principales sectes des Bonzes,  
que le Cubo Empereur du Japon enuoya  
à soi.*

CHAPITRE XVII.



A gentilité du Japon receut cete année vn grand échec, & particulièrement la secte des Fotoques ennemis jurés de la foy Chrestienne. Voici comme le tout passa. Il y auoit plus de quatre cens ans, comme portent les années du Japon, que la celebre Vniuersité de Sijenojama, fondée près de la ville de Meaco, sortirent deux sectes, lesquelles en peu de temps erigerent plus de trois mille maisons en ces quartiers là. On appelloit l'une des Fondoxus, qui adoroient Amida: l'autre des Foquexus, qui recognoissoient Iaca, ainsi que nous auons couché au premier volume de cete histoire. Les chefs & professeurs de ces deux sectes estoient tousiours contrepointés les vns aux autres; mais les plus hautains & insupportables, estoient les Foquexus, race diabolique.

Vn Bonze de cete faction, inuité cete année, à faire l'oraison funebre d'un de ses deuots, vomit publiquement tout ce que le mal-talent contre les Chrestiens, & la rage contre les Fondoxus lui dicta: car ces deux passions le possedoient également. Non content de s'estre fait oïr en l'assemblée des obseques, il trompeta ses outrages par tout où il se trouua depuis. Ce que sçachans ses aduersaires prièrent vn de leurs partisans de le contrequarrer. Ce qu'il refusa de faire, fût qu'il se sentit trop foible pour tel combat: fût qu'il preferast son repos à la victoire qu'il pouuoit gagner contre vn tel ennemi. Cependant Ioracuin, ainsi s'appelloit le Bonze Foquexus, continua de diffamer ses aduersaires, & finalement leur enuoya vn cartel de defi pour disputer publiquement.

123  
Sectes des  
Bonzes,

124  
Ioracuin  
Foquexus.

ment. Ce qu'estant venu à la cognoissance du Cubo, qui estoit de la secte des Iodi; il euoqua la question de Meaco, où elle s'estoit meuë, en sa ville d'Yendo, où il la vouloit oüir disputer, & faire decider en sa presence.

A ce bruit plusieurs grands Seigneurs se rendirent pres du Cubo, & sur tout grand nombre de Bonzes des deux partis, pour espauler chacun son chef. Le iour de l'assignation venu, ils comparurent tous deuant le Cubo. Le Foquexus comme le plus hardy, voulut ouurir la dispute; mais la crainte le faist de telle sorte, qu'il s'entrecoupoit à tous pas, & ne pouuoit proferer les paroles entieres. Si s'eschauffa-il petit à petit, & d'autant plus que lisant sur le front du Cubo le despit & desplaisir qu'il sentoit en son cœur, ne pouuant supporter les impertinences de ce brauache, il protesta qu'un de ses enfans, pour auoir suiuy la secte des Iodi, estoit damné à iamais, & alloit à cheual vireuoltant par le Japon, sans trouuer aucun repos. Dequoi le Cubo indigné, commanda sur l'heure, que ce medisant & ses collegues fussent tous dépouillez de la marque de leur dignité, puis trainez sur des charrettes par toutes les rues d'Yendo, & des villes où il auoit medité de ses aduersaires. Finalement qu'ils fussent efforillés dans la ville de Meaco, où ils estoient le plus cogneus, & le predicant le nez coupé.

125  
Efforillé  
avec ses ca-  
marades.

Le peuple qui assista à cete execution de l'Edict Imperial, ne manqua pas à y coudre du sien. Iamais insensez ne furent tellement baffeüez, que cete espece de Bonzes. Ils promettent à leurs deuots, disoit-on, la paix de conscience, & integrité de corps. Les voila bien propres à tenir leurs promesses, ayant perdu les oreilles. Mais où en trouueront-ils d'autres? Qui referra le nez au Predicant? Le peuple les sista si horriblement, que confus & accablez de honte, ils abandonnerent vingt & vne maison, de celles qu'ils possedoient dans la ville de Meaco, chacune desquelles sembloit vn magnifique Palais.

126  
Brocards  
contre les  
Bonzes.

A cete occasion quelques-vns d'entre eux se mirent à bien parler de nostre sainte foy: & se disposerent à oüir le Catechisme. Quelques autres mettant en parangon la tristesse que sentent les Bonzes, & l'affliction qu'ils monstrent en leurs aduersitez; avec l'alegresse qu'on remarque és faces des Chrestiens parmy leurs tribulations, ils ne s'en pouuoient assez



**I**ESVS-estonner, & disoient tout haut, qu'il y auoit quelque profond  
**CHRIST** mystere en cete diuersité. Les Bonzes de la faction contraire,  
 1610. ayans decouuert que tout le malheur de leurs aduersaires, pro-  
 cedoit de leurs dissolutiōs & impietez, ne faisoient pas la petite  
 bouche de dire, que si le miserable Ioracuin, eût vescu cōme les  
 127 Peres de la Cōpagnie, il n'eust pas perdu le nez, ny les oreilles:  
 Chrestiens que les enormes crimes de ce malheureux chef, & de ses secta-  
 10127 teurs, montroient bien que la loy des Europeans, n'estoit pas  
 loüez par la loy de Satan, comme ces mesdisans le disoient, ains que c'e-  
 les Payens. stoit l'vnique loy du vray Dieu, tout bon & tout puissant.

**D**A N S cete tempeste fit aussi naufrage le Bonze, qui poussa  
 Canzagedono à faire mourir Iean, Michel, & ses enfans, ainsi  
 que nous auons dit cy-dessus. Plusieurs mesmès Payens reco-  
 gneurent qu'il auoit esté puny selon ses demerites, aussi bien  
 que ses compagnons, lesquels pour comble de leur misere &  
 infamie furent condamnez d'auoüer par vn manifeste qu'ils  
 128 publierent, qu'ils auoient impudemment menty en tout ce  
 Manifeste qu'ils auoient dit & presché contre leurs parties aduerses, &  
 des Bon- particulièrement touchant ceux qu'ils auoient asseuré estre dā-  
 zes. nez & punis aux enfers. Cete declaration faite, ils se reconci-  
 lierent avec les Fodoxus. Voila où arriua pour ce coup la rigou-  
 reuse iustice de Dieu, pour la punition de ces mesdisans & ca-  
 lomniateurs. Car marchant à pas de plomb pour le chastiment  
 des meschans, elle recompense souuent le retardement de la  
 punition, par la rigueur du supplice.

**O**N recogneut encore premierement la iustice, puis la mi-  
 sericorde de Dieu en la personne d'vn Seigneur Chrestien  
 nōmé Xugendono, lequel dès sa ieunesse, auoit donē plusieurs  
 preuues de sa vertu & pieté. Car Tayco viuant encore, il se pre-  
 para vne fois à mourir pour la foy. Mais depuis estant plus  
 auacé en âge, & aiant succédé aux biēs de son pere Gnenifoyn,  
 qui auoit esté gouverneur de Meaco, il se refroidit peu à peu, &  
 par la hantise de ses parens, lesquels estoient idolatres, deuint  
 si lache, qu'il se donna aux plaisirs, & fit quelques traicts d'A-  
 postat de la foy.

**I**L couroit à bride abbatuë vers le precipice, lors qu'il  
 pleut à Dieu luy semer le frein, & empescher qu'il n'ache-  
 uast de se perdre. Car la diuine prouidence, laquelle ne

souffre le mal, que pour en tirer du bien, permit qu'un sien <sup>IESVS-</sup> valet, qui estoit idolatre, le deferaist au Cubo comme Chre- <sup>CHRIST</sup> stien : Valet, que par dépit il fit tuer. Puis craignant la peine <sup>1609.</sup> que cete action meritoit, il s'en alla vagabond errant par les deserts comme vn insensé. Dequoy le Cubo aduerti, & l'estimant incapable de gouverner autrui, veu qu'il ne se pouuoit regir luy mesme: confisqua tous ses biens, luy laissant seulement de quoy estre nourri, & traité en fol. Cete affliction fit ouurir les yeux à ce ieune homme, tellement qu'il entra en soy, se souuint de ses fautes passées, & reconnoissant la iustice de Dieu, enuoia querir vn de nos Peres, auquel il fit vne confession generale depuis son baptesme, & quittant ses opinions erronnées, vescu de là en auant fort Chrestienement.

129

Xugendo  
no se reco-  
gnoir.

IL courut cete année vn faux bruit en vn village appellé Se-  
rea, proche de Meaco, que tous nos Peres estoient condamnez  
à mort, pour ie ne sçai quel accident, arriué à vn nauire. Peut- <sup>Nomb. 138</sup> estre fut-ce celui que ie raconteray tantost. Les habitans pour  
tesmoigner combien ils aimoient nostre Compagnie, enuoie-  
rent soudain vn messager expres à Meaco, pour sçauoir la veri-  
té: resolu en tout cas de mourir avec nos Religieux. Le Messa-  
ger tardant à rapporter responce, il y en eut plusieurs qui s'en  
allerent en personne à Meaco, trouuer nos Peres, pour les accõ-  
pagner à la mort. Autant en firent les habitans du Roiaume  
d'Aria. Mais comme ce bruit ne procedoit que de la mauuaise  
volonté de nos ennemis iurez, qui desiroiēt nostre ruine; & de  
la trop grande credulité de nos amis, qui redoutoient trop leur  
pouuoir & autorité; l'affaire n'alla pour lors plus auant: & nos  
Peres ayant remercié ces bonnes gens de leur zele & charité,  
les renuoierent contens en leurs maisons.

130

Charité  
des Chre-  
stiens en-  
uers nos  
Peres.

ENTRE ceux qui receurent cete année le S. Baptesme à Mea-  
co, fut vn ieune Seigneur, page de Teucadono, lequel partit de  
la Cour de Surunga, où le Cubo faisoit pour lors sa residence,  
feignāt d'estre mal disposé (cõme de fait il l'estoit, mais de l'ame  
plus que du corps) & s'acheminer à Meaco pour estre mieux  
traité. Y estant arriué, il demanda instamment d'estre mis au  
nombre des Chrestiens. Ce que nos Peres differoiēt doucemēt,  
pour ne cognoistre le personnage. Le ieune hõme s'appereçuāt

131

Page bien  
conueuty.



IESVS- qu'on le dilayoit pour auoir plus d'assurance de sa fermeté en  
 CHRIST la foy, dit qu'il n'y estoit porté d'aucune legereté; ains qu'il  
 1610. auoit exprez quitté la cour du Cubo, pour trouuer commodi-  
 ——— té de se faire Chrestien. En fin on luy octroia ce qu'il desiroit,  
 tant pour son particulier, que pour toute sa suite. L'obmets vn  
 grandissime nombre de semblables conuersions: d'inuincible  
 constance és tentations, & persecutions pour la foy Catholi-  
 que, craignant d'ennuier soit par la longueur, soit par la sem-  
 blance des accidens & merueilles, qui ne different que pour le  
 regard des personnes.

---

*Sommaire de l'histoire du Iapon pour l'an mil six cens dix,  
 nouvelles entreprises du Cubo, & vertus de  
 quelques Chrestiens.*

### CHAPITRE XVIII.



132

Hollandois  
 donnent la  
 chasse aux  
 Portugais.

'AN mil six cens dix le nauire du grand com-  
 merce des Portugais, partit du port de Macao,  
 vn peu plustost qu'elle n'auoit accoutumé, &  
 employa quarante cinq iours entiers à passer au  
 Iapon, chose qui n'auoit esté ouïe depuis que  
 les Europeans frequentent cete mer là. Les  
 tempestes la retarderent d'un costé, & d'autre part l'apprehen-  
 sion qu'elle auoit des vaisseaux Holandois, qui escumoient  
 toutes ces contrées là. Ceux-cy aians descouuert que les Por-  
 tugais estoient à l'ancre près de Macao, & n'attendoient que la  
 commodité du vent, pour prendre le trauers, equiperent  
 deux grands vaisseaux de guerre pour le talonner & attrapper.  
 Mais les Portugais en ayant eu le vent, anticiperent le iour de  
 leur depart, & viruolterent tellement dans la mer, que les en-  
 nemis n'eurent moien de les ioindre. Si est-ce qu'en les pour-  
 suiuant, ils arriuerent à la veüe du Iapon, & aiant perdu l'esper-  
 rance du butin qu'ils s'estoient promis, tirerent vers la coste de  
 Firando, y sejournerent trois mois, avec dessein d'attendre le  
 retour du nauire Portugais, & rebrousser chemin vers le Iapon,

ainsi qu'ils auoient promis au Cubo le visitant. Mais les secrets jugemens de Dieu empecherent, que ny les vns ny les autres ne iouïrent de la charge que le nauiere du commerce portoit. Les esperances des corsaires s'en allerent en fumée, & celles des Portugais perirent par feu, ainsi que nous verrons en son lieu.

LES VSC  
CHRIST  
1610.

Nomb. 152.  
& suiuant,

Le repos general, duquel le Iapon jouïssoit sous le gouvernement du Cubo, lui seruit d'éguillon pour entreprendre sur les Prouinces voisines. Prés du Roiaume de Saxuma vers le Septentrion il y a quelques Isles, que ceux du païs appellent Linqui, & les Portugais Sechies, fertiles en tout ce qui est necessaire à la vie de l'homme. Les habitans paioient ordinairement certain tribut annuel au souverain du Iapon. Ce qu'ayant discontinué de faire, le Cubo commanda au Iacata de Saxuma de leur courir sus avec vne puissante armée, comme il fit, si bien qu'il prit & emmena prisonniers le Roy & les principaux Seigneurs du païs.

133

Linqui  
Isles Se-  
ptentriona-  
les.

CETE entreprise aiant bien reüssi au Cubo il entreprit de contracter amitié, & commencer le commerce avec la belle Isle, plus renommée pour son étendue & situation, qu'abondante en biens ny commodités. Elle est posée entre Meaco & le Iapon, non loin des frontieres de la Chine; ce qui la rend tres-propre aux mariniers, qui voient de la Chine au Iapon, & du Iapon à la Chine. Ce que le Cubo considerant desira d'auoir vn port en cete Isle pour la commodité du trafic. A ces fins il enuoia vn de ses Agens, pour sonder la volonté des habitans, & contracter amitié avec eux. Mais il n'y trouua pas ce qu'il pretendoit. Car comme le peuple y est barbare, & ennemi mortel des étrangers, horsmis des Chinois, desquels ils estoient pour lors tributaires, ils receurent fort brusquement ces nouueaux hostes, & en retindrent vne partie comme prisonniers de guerre. Les Iaponois se saisirent aussi de quelques Matelots Chinois, qu'ils trouuerent à leur auantage, & emmenerent quelques-vns de ces barbares au Iapon, où le Cubo ne les voulut punir, ains pour les appriouiser, commanda qu'on les pourueût de ce qui leur estoit necessaire, & les renuoia en leur Isle.

134

Trait poli-  
tique.



IESVS-  
CHRIST  
1610.

135  
Vinman-  
quant la  
Messe  
celle.

136  
Prieres  
pour les  
vrespas.

CE fut vn effet de la bonté & de bonnaireté du Cubo, de laquelle nos Peres se ressentirent. Car quoi qu'il n'agréât pas en public l'auancement du Christianisme; si leur laissoit-il la liberté de pouuoir cultiuer la foy parmi les conuertis; & la planter parmi les Gentils. Mais faute d'ouuriers estoit cause que les effets ne répondoient à l'esperance des bons. Car la liberalité des Marchands aiant manqué deux ans entiers, que la nauire du commerce ne peut passer au Japon, nos Peres auoient esté contraincts d'en congédier vn bon nombre. Ce qui les affligea le plus cete année, fut la disette du vin, par le defaut duquel ils furent long-temps priués du saint sacrifice de la Messe. Si baptizerent-ils cete année plus d'onze mille quatre cens personnes.

NAGAVOCA Iecundono Seigneur du Roiaume de Bungen, & d'une partie de celui de Bungo, quoi qu'il fût encore Payen; continuoit neantmoins à cherir & fauoriser les Chrestiens. A son exemple plusieurs Gentils les aimoient & respectoient. Naïquidono fils & futur successeur de Iecundono, épousa cete année vne niepce du Cubo; & ne laissoit pourtant de nous affectionner autant que son pere; voire il eût receu le saint baptesme, sans la particuliere deffence que le Cubo en auoit faite à la noblesse. Si fit-il tant, qu'il obtint vn de nos Peres, qu'il tenoit ordinairement près de soi, tant pour l'amour qu'il porte à tous les Religieux, que pour faire à temps les obseques de Madame Grace sa feumere, que les Japonois ont coutume de continuer plusieurs années. Deuotion qu'il ne voulut pas cacher à son pere, sachant qu'il l'agréeroit. Et de fait son pere lui octroia plus qu'il n'auoit demandé. Car apres les funerailles, il contribua à dresser vne residence en la forteresse de Nucaceu, où son fils auoit fait bastir vne Eglise, quelques années auparavant.

*Du College, Nouiciat, maison de la misericorde, hospital,  
& autres lieux saints, de la ville de  
Nangazaqui.*

## CHAPITRE XIX.



A continuelle deuotion des Chrestiens habitants de cete ville, jointe au bon exemple & instruction que nos Religieux donnent, & la difference que les Payens mesmes marquent entre nos Freres & les Bonzes, induisirent cete année plus de deux mille personnes déjà paruenues au dessus l'âge de croissence, à demander & recevoir le saint baptême. A peine pourroit-on croire la presse qu'il y eut aux Eglises, particulièrement es festes solennelles, & Vendredis du Careme. Nostre Eglise quoi que fort spacieuse, & nostre cour, qui estoit autant capable que l'Eglise, ne suffisoient pas pour recevoir le peuple. Les rues & places voisines en estoient plenes. Sur tout lors qu'on receut le Iubilé enuoié par nostre Saint Pere le Pape Paul cinquiésme.

137

Deuotion  
à Nangaza-  
qui.

LA Compagnie de la misericorde, & la Confrerie de l'Assomption de nostre Dame, alloient de bien en mieux, s'acquerant par leurs bons deportemens, la reputation de sainteté, mesmes entre les idolatres. Ils secourent de leurs aumosnes vn grand nombre de pauures, qui se rendoient là pour diuers accidens; comme cete année ici quelques Espagnols, qui aiant fait bris vers le Roiaume de Quanto, & ne pouuans retourner aux Philippines, ny passer plus auant dans le Iapon, s'arrestèrent ici sous la prouidence de Dieu, & charité desdites Compagnies. Le saint & misericordieux exercice de traiter toute sorte de malades, introduit en cete ville, par les enfans de nostre Compagnie, continuoit heureusement. Il y auoit trois de nos

138

Charité des  
Gottes.



JESVS-  
CHRIST  
1610.

Freres, comme surintendant de toutes les bonnes œuures qui s'y faisoient, & auxquelles plusieurs deuotes personnes contribuoiert comme à l'enui, mais par deuotion, laquelle Dieu agreoit. En voici vne preuue qu'on peut tenir pour miraculeuse. Quelques Iaponois se trouuans en tres-euident peril de naufrage sur la mer, se resolurent de voüer vne aumosne de cent écus à Dieu, pour estre appliquée en la maison de la misericorde, s'il plaisoit à sa diuine Majesté les garentir de ce peril. La contribution ne fut pas si tost faite, ny l'aumosne recueillie, que la mer se calma: la nauire qui portoit ces deuotes personnes, arriua saine & sauue à Nangazaqui, les autres qui auoient souffert la mesme tempeste, estans englouties des flots.

139  
Voeux au-  
cés.

140  
Prieres  
pour les  
trespassés.

LES Iaponois sont fort enclins aux œuures de misericorde, specialement enuers les ames des trespassés. En voici vn exemple arriué cete année. Vn certain aiant perdu son pere, & voulant faire prier Dieu pour le repos de son ame, & n'ayant de quoi satisfaire à sa deuotion, entra dans nostre Eglise de Nangazaqui, où estant il dépouilla sa robe, & la donna à vn de nos Peres, afin qu'il offrît le saint sacrifice de la Messe, pour l'ame du defunct. Le Prestre admirant la pieté de cete action, ne receut pas l'aumosne qui lui estoit présentée, mais il accepta la charge, disant à ce pauvre homme qu'il celebreroit volontiers la Messe à son intention. Puis desirant le consoler, ajouta qu'il ne deuoit point entreren apprehension pour le salut de son pere, qui estoit mort subitement, & sans confession, parce que peu aupara-uant il s'estoit confessé à lui, & auoit gagné le Iubilé. A quoy le bon homme répondit: Iene doute pas que vous ne diés la verité, mon pere. Mais vous sçaués bien aussi, que l'homme par la fragilité de sa nature peut pecher souuent en vn mesme iour. Si le iuste trebuche sept fois le iour, & se releue, pourquoi ne craindray-je que mon pere soit retombé en faute, apres auoir gagné le Iubilé.

141  
Pardon  
gagné à  
Gotto.

A l'occasion de cete indulgence, nos Peres firent vn grand fruit és Isles de Gotto, réduisant au chemin de salut, bon nombre de personnes, lesquels par l'espace de vingt & trente ans s'estoient contentés du nom de Chrestiens, & viuoient

viuoient en Payens. Les fideles pour gagner le iubilé visitoiēt au lieu des Eglises, diuerſes croix qu'ils auoiēt planté pour cēt effet. Là meſme furent baptizez deux vieillards: l'un mourut de vieillesſe, incontinent apres ſon baptēſme, l'autre trouua quelque difficulté à ſe reſoudre, diſant qu'eſtant jà caſſé d'ans, il n'auroit pas loiſir de faire la penitence requiſe pour ſon ſalut. Mais on luy remontra que celui qui fait tout ce qu'il peut, fait beaucoup: & puis qu'apres le baptēſme il n'eſtoit pas beſoin de penitence, pourueu qu'il ſe garentiſt d'offencer Dieu de nouveau. Ie le feray, dit-il, moiennant ſa ſaincte grace, & fut baptiſé.

COMME on parloit des eſcrits de Xaca, ou Iaca, le principal des idoles du Iapon, vn idolatre du nombre de ſes Sectaires, dit qu'il eſtoit grand ennemy des Chreſtiens, & auoit treſpertinemment eſcrit contre leur religion. Mais il ne ſ'en alla pas ſans repart. Car vn Chreſtien qui ſe trouua là preſent, lui reſpondit: Vous dites, vrai beau Sire. Car la race de vos idoles eſt de l'humeur des eſclaues, & meſchans valets, qui ne ceſſent de médire de leur bon & legitime maiſtre. Ainſi vos maudits demons grondent continuellement contre le vrai Dieu, contre ſes ſeruiteurs, & contre tout ce qui en depend.

143  
Traict cō-  
tre les  
Payens.

*Infortuné deſaſtre arriué au nauire du commerce des  
Portugais l'an ſeize cens dix.*

## CHAPITRE XX.



LE chef & conducteur du nauire Portugais, fut cete année vn Capitaine, nommé André, treſ-vaillant ſoldat, auquel tous les autres defe- roient beaucoup, tant pour ſa prudence, que pour la longue pratique qu'il auoit des armes.

Il ſe tenoit bien par tout ſur ſes gardes, & auoit l'œil qu'aucun inconuenient n'arriuaſt à luy, ny aux ſiens, par ſa faute. Mais la ſource de ſon apprehenſion, & de ſa totale ruine,

144  
André Ca-  
pitaine Por-  
tugais.



IESVS-  
CHRIST  
1610.

fut vne querelle formée à Meaco, entre les Iaponois & Portugais, où plusieurs d'une part & d'autre, demeurèrent morts sur la place. La querelle apaisée, les Chrestiens furent requis par les officiers de la iustice Iaponoise, de liurer le coupable, & autheur de tout le mal. Ce qu'ils refuserent de faire. Surquoy les Iaponois eurent recours au Cubo, qui pour lors estoit à Surunga, & comme ils estoient interessez en cét affaire, l'informerent tellement, qu'estant d'ailleurs malcontent des Portugais, sans les appeller, ny attendre leurs excuses ou deffences, il commit le Seigneur d'Arima, Chrestien, pour aller en diligence à Nangazaqui, & faire punir de mort tous les coupables, sans oublier le Capitaine du nauire, lequel aiant eu le vent de ce qu'on luy brassoit, chercha le moié de se sauuer à la fuite.

145

Arimando-  
no contre  
les Portu-  
gais.

Le Sieur d'Arima estant arriué à Nangazaqui, feignit d'y estre venu pour toute autre intention, que ce qui luy auoit esté notamment enjoint & recommandé. Neantmoins le Capitaine André, aiant sçeu la verité du tout, ne voulut plus mettre pied à terre, ny permettre que ses gens sortissent du vaisseau; ains fit entendre sous-main à tous les Marchands Portugais,jà descendus en terre, qu'il les retireroit, s'il leur plaisoit reuenir. Mais comme l'extreme danger requeroit de la diligence, ils firent du bruit en l'embarquement. Qui fut cause que les gardes d'Arimandono en retindrent plusieurs en terre. Ceux qui se jetterent dans la nef, ieunes & vieux ne passoient pas le nombre de cinquante.

147

La nef  
prend la  
fuite.

Le Capitaine André ne perdit pourtant courage, ains aiant mis ordre à son vaisseau, attendit la nuit, & à l'heure qu'il iugea plus propre, fit couper le cable qui tenoit le nauire à l'âcre, & mettre la voile au vent, se promettant d'arriuer à vn port qui estoit à deux lieuës de là. Si n'oublia-il pas de donner le signe de son depart par quelques coups de canon sans nuire à personne. Peut-estre luy eust-il mieueu vally de deloger sans trompette pour laisser ses aduersaires en suspens de la route qu'il auroit pris. Car Arimandono auerty de la fuite des Portugais, depescha soudain apres eux quelques Fregates & Pataches, chargées de mousquetaires. Mais les Portugais aiant braqué leur artillerie, en fracasserent quelques-vns, & saluerent les autres si gaillardement, que desesperant d'abor-

148

Est assai-  
lie.

der le nauire, ils rebrousserent chemin vers Nangazaqui, sans auoir gagné que des coups.

André continuant son voiage vers le port desiré, fut contraint de faire alte à l'emboucheure deux iours durant, à cause que le vent luy estoit contraire. Ce pendant Arimandono se disposa pour vn autre effort, qui fut de faire dresser sur diuerses barques vne machine à trois estages en forme de tour, de la mesme hauteur qu'estoit la nef Portugaise. Il logea dans ce tour deux cens, partie arquebusiers, partie arbalestriers, lesquels couuerts de diuerses poutres enclauées, & à demy enchassées les vnes dans les autres, ne pouuoient redouter les coups & leur artillerie, quand bien ils eussent porté: ny les feux artificiels quand ils eussent esté lancez contre eux.

149  
Tour artificielle.

Les Iaponois ainsi equippez partirent du port de Nangazaqui, avec autres mille soldats, montez sur diuers vaisseaux, & retournerent trouuer la nef, avec resolution de mourir tous, ou d'emporter la victoire. Le Capitaine André voiant tant de forces fondre sur luy, se resolut de ne rendre aucun combat, ains leuant promptement l'ancre, se retirer à la faueur du vent. Mais il n'estoit pas assez fort pour porter le nauire hors du danger. Qui fut cause que se voiant attaqué de toutes parts, il se deffendit premierement à coups de canon. Combat auquel Arimandono eut long-temps du pire. Mais parce que la nef ne pouuoit tourner promptement le flanc aux assaillans, pour les chasser à coups de canon; & que la machine à trois estages, portée sur vne espece de galere, & tirée à force d'auirons, le pressoit en proüe, où il n'auoit qu'une seule piece d'artillerie; ils furent contraints d'une part & d'autre, de courir aux mousquets & feux artificiels.

150  
Combat naval.

Tandis qu'ils combattoient tous vaillamment, arriua vn grand malheur aux Portugais. Ce fut qu'un d'entr'eux voulant lancer vn pot à feu vers la machine, l'alluma trop tost, & comme il attendoit sa commodité, ne prit pas garde qu'il tomba du feu sur le voile moyen, qu'on n'auoit eu loisir de plier: feu qui s'attacha tellement à cete vieille toile, que plusieurs Portugais quitterent le combat pour esteindre ce feu. Ils deuoient ietter le voile en mer, où le feu se fût amorti, sans prejudice de personne; mais ils le retirerent vers la proüe, où le feu se renforça tellement, que

151



LES VS-  
CHRIST  
1610.

152  
Perte de la  
nef.

le Capitaine cognoissant mieux le danger que tout autre, aduertit ses camarades de se conformer à la volonté de Dieu, & se disposer à la mort. Puis commanda qu'on mit le feu aux poudres, de peur que les Payens ne se preualussent des despoüilles Chrestiennes, On le mit en diuers endroits, si bien que la nef fit vn horrible esclat, au grand preiudice des Iaponois, qui l'auoient ceinte de tous costez. Ce coup mit fin au combat.

LE Capitaine André avec quelques-vns de ses plus affidez, pensant sauuer leurs vies à la nage, furēt tuez à coups d'arquebuses & de dards. Vn Pere Espagnol de l'Ordre de Saint Augustin, auquel André & ses compagnons s'estoient confessez, auant qu'entrer au combat, fut trouué entre les corps que la mer jetta sur la rade, avec quelques Portugais, & tous enseuelis en nostre Eglise de Macao, où ledit Pere se pretendoit rendre, lors qu'il partit du Iapon. Mais on peut pieusement croire que comme bon & zelé Religieux, il surgit à meilleur port.

153  
Pourquoy  
il n'y eut de  
nos Reli-  
gieux.

PAS vn de nos Religieux ne se trouua en ce rencontre, parce que le Capitaine André preuoiant le danger, ne voulut recevoir personne, de peur qu'ils fissent faute au Iapon. Le butin des victorieux fut fort petit, au prix de la perte, qui fut estimée à vn million. Il n'y eut moien de rien retirer, pource que la mer est fort creuse au lieu où la nef esclatta. Les deux partis se ressentirent grandement de cete perte: Les Iaponois à cause des estoifes & autres denrées, desquelles la nef leur fournissoit tous les ans, & qui pour ce coup se perdirent, avec le vaisseau qui les portoit. Les Chrestiens pour la perte des prouisions de bouche, que le mesme vaisseau leur portoit, & faute desquelles, nos Peres furent forcez de licencier plusieurs Dogiques & Seminaristes, qui viuoient en nos Colleges, & à nos despens. Nos Religieux mesmes furent contrains de s'escarter, & retirer en diuers endroits pour se sustenter des aumosnes que Dieu par sa sainte grace leur enuoioit, par les mains de quelques Gentils & Idolatres, qui leur portoient compassion.

154  
Fratreurs  
diuerfes.

DURANT cete querelle, le bruit courut à Nangazaqui, que si les Iaponois, qui auoient couru apres la nef, ne retournoient victorieux, nous pouuions bien plier bagage pour nous retirer ailleurs, s'il nous estoit permis. Ce qui nous fit redoubler nos

prieres, multiplier les ieusnes, disciplines & autres mortifications. Plusieurs Chrestiens cognoissans bien le danger que nous courions, s'armerent à toute auenture pour nostre deffence. Mais les nouuelles du brulement de la nef estant arriüées, tous ces tumultes cessèrent.

LE Cubo aiant eu auis que la plus part des Portugais s'étoient jettés dans la nef du commerce, & craignant que l'entreprise d'Arimandono ne reüssit à son contentement; commanda qu'on passât au fil de l'épée tous ceux qui estoient demeurés à Nangazaqui, & ailleurs par le Iapon: que Monseigneur l'Euesque & nous, fussions bannis. Le gouverneur de Nangazaqui se dispoisoit à l'execution de cete ordonnance, quand Arimandono arriva plus chargé d'honneur & de joie que de butin. L'alegresse publique fit oublier la vengeance que le Cubo pretendoit exercer sur les Portugais: Arimandono comme Chrestien eut pitié de nos Religieux, & des autres, & arresta le gouverneur iusques à vn nouveau mandement. Ainsi nos Peres euaderent ce danger & continuerent leurs saincts exercices comme deuant.







HISTOIRE  
ECCLESIASTIQUE  
DES ISLES ET ROYAVMES  
DV IAPON.  
LIVRE DIX-SEPTIESME.

---

*Entreueuë du Cubo Monarque du Iapon, & du Prince  
Findeyori, fils du feu Tayco.*

CHAPITRE PREMIER.

An de  
IESVS-  
CHRIST  
1611.

---



I  
Cubo re-  
uoit Meaco.

VOICI le treziesme an du regne du Cubo, Seigneur vniuersel du Iapon, Prince tres-sage & tres-paisible; an qui ne passa pas neantmoins sans apprehension de quelque tumulte de guerre & de nouveauté. Il auoit trois ou quatre ans auparauant establi son siege, & demeure ordinaire, à Surunga, ville qui porte le nom du Roiaume où elle est sise. Il en partit cete année, pour reuoir Meaco, son ancien séjour, & s'y achemina avec soixante & dix mille combattans, sans compter les troupes que plusieurs grands Seigneurs trainoient apres eux par son commande-

ment. Ce qui mit tout le Iapon en alarme.

IESVS.

RIEN n'accrut tant l'opinion qu'on eut de quelque trouble & remuement, que ce qui se passa entre le Cubo & le Prince Findeyori, fils du feu Tayco, qui se tenoit en la citadelle d'Ozaca. Car le Cubo desirant le voir, le fit semondre de se transporter à Meaco, pour receuoir de sa part le dernier salut, parce que son âge ja fort auancé lui ostoit toute esperance de iamais le reuoir. Cete ambassade alarma grandement le jeune Prince, & sa mere encore plus. Car elle ne peut dissimuler sa creance, qui estoit que ce fût vne ruse pour tirer le Prince hors de la citadelle d'Ozaca, la surprendre en son absence, & le depouiller tout à fait, del'esperance qu'il auoit de recouurer l'Estat de son feupere. Car elle se persuadoit que conseruant cete citadelle, comme la plus forte piece du Iapon, tout le reste lui feroit joug. Ce soupçon crut par vn bruit sourd qui courut par la ville, que le Cubo estoit arriué à Meaco, pour faire à Findeyori, ce que chacun auoit estimé qu'il lui tramoit long-temps auparavant.

CHRIST  
1611.

2

Inuite le  
Prince Fin-  
deyori.

Ces bruits & conjectures étonnerent tellement le Prince Findeyori, & sa mere, qu'il le possedoit entierement, qu'ils resolurent de s'excuser; & vser de tous pretextes possibles pour se garentir de cete visite. Il y eut plusieurs & diuers Messagers enuoiés d'une part & d'autre sur ce sujet. La mere répondit resolument que son fils & elle se feroient plustost le ventre, que de sortir de la citadelle. Les habitans d'Ozaca voians que le Cubo ne vouloit point demordre de sa demande, & que le Prince ne se disposoit à lui donner aucun contentement, entrerent en quelque apprehension de guerre, & commencerent à pouruoir à leur seureté.

3

Qui s'excuse.

Sur ce poinct quelques grands Seigneurs, qui desiroient sur tout le bien du Prince, comme grandement obligés à son pere, & craignoient sa totale ruine, cognoissant bien qu'il ne gaignoit rien à tergiuerfer, moins à subir le hazard des armes, qu'il ne pouuoit euitter; persuaderent à la mere de s'accommoder aux volontés de Cubo, lui engageans leur foy, & pro-



IESVS-  
CHRIST  
1610.

4

Puis se  
met en che-  
min.

mettans toute assurance sur leurs biens & vies. Si bien que finalement le Prince sortit de sa citadelle, bien instruit par sa mere, cōme il se deuoit cōporter en cete visite; & sur tout à ne boire ny manger chose qui lui fût seruie par autres que ses domestiques, pour se garētir de toute sorte de poisō.

IL se mit en chemin vers Meaco, mais avec vn tres-magnifique appareil & arroi. Approchant de la ville il rencontra les deux plus jeunes enfans du Cubo, qui s'estoient auācés pour le bien-veigner de la part de leur pere, & en tous leurs complimens & ceremonies, lui defererent, cōme à plus grand & puissant qu'eux. S'estans très-dignement acquittés de leur charge, ils rebrousserent chemin vers leur pere, pour l'auertir que le Prince approchoit. Ce premier rencontre réjouit & contenta tellement le Prince, qu'il entra dans Meaco comme en triomphe. Toute la ville accourut pour le voir, parce que depuis la mort du feu Tayco son pere, il n'estoit point sorti du fort d'Ozaca; quoi qu'il eût atteint l'âge de vingt ans.

5

Est tres-  
bien receu

ARRIVE' qu'il fut au Palais roial, le Cubo le receut tres-honorablement, & le fit tousiours marcher du pair avec soi; bref se mit en toute sorte de deuoir, pour lui oster toutes les fraieurs & apprehensions qu'il auoit laissé couler en son ame; iusques là qu'estant tombé sur le discours des graces & faueurs qu'il auoit receu du feu Tayco pere du Prince, il ne peut tenir les larmes. Signe d'affection qui attendrit encore le cœur de plusieurs assistans, si bien qu'ils en pleurerent par compaignie.

ILs s'entredonnerent plusieurs riches presens d'une part & d'autre; mais le Prince parut tousiours le plus splendide. Car il traita non seulement le Cubo, ains ses enfans, & les plus grands Seigneurs de la Cour. Le tout roialement. Les vns aians pleinement satisfait aux autres, le Cubo fit entendre au Prince qu'il se pouuoit retirer quand bon lui sembleroit. Ce qu'il ne se fit pas dire deux fois, pource que sa mere l'attendoit avec impatience. Des apprehensions qui la troublerent au commencement, on peut colliger le contentement qu'elle receut voiant son fils reuenu chez soy en santé & sans danger.

Depuis

Depuis le Cubo enuoia ses enfans à Ozaca, pour rendre de sa part la visite au Prince, où furent de nouveau faits diuers presens respectiuelement, l'auantage de la Royale magnificence & liberalité demeurant tousiours au Prince Findeyori. Par toutes les susdites significations de bien-veillance, & particulièrement par cete derniere, comme comble de toutes les autres, le Prince, sa mere & tous leurs adherens, perdirent l'apprehension des tumultes & guerres qu'ils s'estoient vainement imaginez; & en cete façon fut conseruée la paix & tranquillité de l'Empire Iaponois toute cete année mil six cens ynze.

IESVS-  
CHRIST  
1611.

6

Le Cubo  
luy rend la  
visite.

*Estat vniuersel de la Chrestienté du Iapon,  
pour l'an mil six cens ynze.*

## CHAPITRE II.



NOUS auons cy-deuant parlé du commerce dès long-temps commencé entre les Iaponois, & habitans des Isles Philippines. L'an mil six cens dix, plusieurs Marchands Iaponois, firent voile vers ces quartiers là, & demurerent si long-temps en leur voiage, que diuers idolatres craignoient qu'il leur fût mesauenu; & les ennemis de la Chrestienté iettoient desia sur le corps de nostre Compagnie la cause du mal qu'ils pourroient auoir souffert. Mais la diuine bonté deliura les Chrestiens du Iapon de cete apprehension, sur le commencement de cete année, ramenant heureusement aux hayres du Iapon tous les vaisseaux qui en estoient sortis, sans auoir receu aucun outrage; Quoy qu'ils n'eussent trouué tant de gain comme ils auoient accoutumé. C'estoit la principale cause qui les auoit si long-temps tenus hors de leurs maisons.

Les Chrestiens n'eurent pourtant faute d'autres particulieres trauerses, qui les exerçerent, nonobstant le decés de quelques Seigneurs, qui les auoient auparauant persecutez. Les habitans du Royaume de Fingo, respirerent vn peu plus librement, depuis la mort de Canzagedono, le plus cruel ennemy que no-

7  
Trafic aux  
Philippi-  
nes.



IESVS-  
CHRIST  
1611.

8

Canzage-  
dono  
meurt.

stre Compagnie eut en tout le Iapon. Car pas vn encore n'en auoit tant condamné à mort, ou banny de ses terres, comme celuy-là. Il mourut sur le point qu'il estoit resolu de renouueller la persecution, & la poursuiure plus furieusement que iamais, Dieu trenchant le fil de ses desseins par vne horrible paralysie, causée par la malignité de l'air, ou par quelque boucon, qui le priua, premierement de l'vsage de tous ses membres & sentimens, sans qu'on y trouuast iamais remede ou soulagement; & en fin luy osta la vie.

9

Euangile  
en vogue.

LA paix & tranquillité de laquelle les Chrestiens iouïrent cete année, fut accôpagnée des faueurs de plusieurs Princes tant Chrestiens que Payens, lesquels n'empeschoient point que les Catechistes & Predicateurs, ne publiassent librement nostre sainte foy dans leurs terres; ains soulageoient encore liberalement nostre pauvreté, si qu'il ne nous manquoit que l'approbation de l'Empereur, & souuerain chef de tous les Seigneurs subalternes du Iapon, pour pouuoir veritablement dire que nous preschions le saint Euangile par tout le Iapon. Ce que desirans & pourchassans plus que nous n'osons le nous promettre (escriuoit vn de nos Peres) nous louïons & remercions Dieu de ce que sa Majesté diuine ne permet que l'humaine empeche le congé que les Iacatas & Seigneurs Subalternes nous donnent pour enseigner leurs sujets; Celuy qui se rendit plus signalé en cét endroit, fut le Roy de Chicugen, se portant fort liberal enuers nous, & y exhortant ses voisins & parens.

10

Residences  
nouuelles.

Telles & semblables aydes non seulement maintindrent nos Peres en la possession de ce qu'ils auoient aupara-  
uant acquis à nostre Seigneur, mais encore leur donnerent entrée au Royaume de Conzuque, qui est vn de ceux qu'on comprend sous le nom de Quanto: & à Surunga, où le Cubo faisoit lors son ordinaire sejour, ainsi que nous auons dit cy-dessus; & où nos Peres dresserent cete année vne residence assez commode. La ferueur des Chrestiens leur faisoit esperer qu'ils en establiroient bien-tost apres vne autre, en la ville d'Yendo, capitale de tous les Royaumes de Quanto, où le Xogun fils du Cubo tenoit sa cour, avec les ostages de tous les grands Seigneurs du Iapon. Ces deux gran-

des villes estans pour lors les principales du Iapon, & hono-  
rées de la preſence, l'une du Cubo, l'autre de ſon fils & I E S V S  
pretendu ſucceſſeur, & partant pleines de la fleur de la No- CHRIST  
bleſſe, il y auoit tres-grande apparence, que nos Peres 1611.  
s'y eſtans vne fois eſtablis, y feroient du fruit incompara-  
ble.

Cete meſme année fut erigée en noſtre Eglise de Nan-  
gazaqui, par l'autorité de Monſeigneur l'Eueſque du Iap- II  
pon, vne deuote Confrerie à l'honneur du tres-sainct & Confrerie  
tres-auguſte Sacrement de l'Autel. Le premier iour qu'el- du tres-  
le parut, tous les Confreres aſſiſterent à vne ſolennelle ſainct Sa-  
proceſſion, veſtus de rouge, & portans chacun ſon cier- crement.  
ge blanc en main. Par leur inſtitut ils ſont obligez de fai-  
re chaque mois celebrer vne Meſſe haute, apres laquelle  
ils communient tous. Ce qui les affectionne tant à la re-  
uerence enuers ce diuin Sacrement, qu'ils frequentent  
plus ſouuent l'Eglise pour l'y adorer : & parce que la nuit  
on ne leur ouure ſans grande neceſſité, ils ſe proſternent  
deuant la grande porte, & s'y entretiennent longuement en  
oraïſon.

Fut auſſi cete meſme année inſtituée vne Compagnie,  
portant le nom de l'Archange ſainct Michel, les Confreres 12  
de laquelle ſ'aſſembloient en vne chapelle nouuellement Compa-  
baſtie en vn cimetiere proche de la ville, duquel nos Peres gnie de S.  
auoient ſoin. Ils exerçoient beaucoup d'œuvres de miſe- Michel.  
ricorde, & actes de deuotion, au ſoulagement des pauures,  
& à la décharge de la maiſon qui portoit le titre de la Liur.  
Miſericorde, & des Hôſpitaux, deſquels nous auons parlé nomb.  
ailleurs.



*Estat vniuersel de la Compagnie de IESVS  
au Iapon, pour l'an mil six  
cens vne.*

## CHAPITRE III.

13

Prouince  
du Iapon.

E Iapon fut cete année declaré, par le feu Pere Claude Aquauina lors General de nostre Compagnie, Prouince pleine, separée de la Chine independente d'autre, & pourueü d'un nouveau Prouincial, qui auoit cent dix-sept subiets; sçauoir est soixante quatre Pre-

Lia. 16

nonb. 152.

stres, & tous les autres Escoliers ou Coadiuteurs temporels, douze natifs d'Europe, & quarante & vn Iaponois. La perte du nauire Portugais, arriüée l'année passée, comme nous auons dit, ne permit pas qu'ils en equipassent à temps vn autre, pour continuer leur commerce cete année. Ce sera pour la prochaine. Il en partit neantmoins plusieurs du Iapon, qui tindrent les vnes la route de l'Amerique: les autres celle des Philippi- nes. Il y en eut vne qui fit voile vers Macao, portant le Pere François Passio, qui sortoit de la charge de Visiteur.

14

Quatre Pe-  
res decedez  
au Iapon.

Quatre de nos Religieux, qui ne sont compris au nombre sus cotté, passerent cete année de cete compagnie terrestre, à la bien-heureuse. Le premier fut le Pere Antoine Cordero Portu- gais, natif de Goligaon, âgé de cinquâte trois ans, desquels il en auoit passé trente cinq en nostre Cōpagnie, & vingt & vn au Iapon, sans s'espargner iamais au seruice de Dieu, aimé fort particulièrement tant des nostres, que de tous les seculiers qui le cognoissoient. Il tint le liët vn an entier, endurant plus, des violens remedes qu'on luy appliquoit, que de la maladie qui le vexoit, & supportant le tout avec vne indici- ble patience.

Le second fut le Pere Pierre Raimond Arragonois, de Sar- ragoſse, âgé de soixante & vn an, desquels il en auoit employé quarante & vn en nostre Compagnie, & de ceux-cy trente qua-

tre au Iapon, avec tres-grande edification tant des nostres IESVS-  
que des seculiers. Il estoit fort adonné aux choses spirituel. CHRIST  
les, à l'vnion avec Dieu, au zele des ames. Quoi qu'il fût 1611.  
de bonage, il n'y eut personne qui ne le regretast grande-  
ment, pour le seruice qu'on attendoit encore de ses la-  
beurs à la gloire de Dieu.

LE troisieme fut le P. Pierre Rodrigo, issu des Portu-  
gais, mais né à Macao, aagé de quarante & quatre ans, des-  
quels il en auoit mis plus de vingt-cinq à la culture du Ia-  
pon, sçauoir est seize estant au Seminaire; & le reste apres  
son entrée en nostre Compagnie. Il mourut phtisque, &  
en peu de temps, mais bien préparé, comme celui qui auoit  
toufiours tenu, qu'il ne la feroit pas longue sur terre.

LE dernier fut le P. Gregoire de Cespedes, Castillan,  
natif de Madrid, âgé de soixante ans, quarante desquels il  
auoit passé en la Compagnie, & d'iceux trente & quatre au  
Iapon, avec vn ardent zele du salut des ames, pour lesquel-  
les il s'emploioit avec autant d'industrie que de ferueur. Ce  
qui parut sur tout au Roiaume de Bugen (pour passer les au-  
tres lieux sous silence) où il planta la Chrestienté, & la cul-  
tiua long-emp, esperant toufiours de renger au troupeau  
de nostre Sauueur, le Seigneur du lieu, esperance qui mou-  
rut avec lui.

L'EXTRAORDINAIRE genre de mort qui l'enleua de  
ce monde, fut cause que tant nos Religieux que les seculiers  
le regreterent dauantage. Il reuenoit de Nangazaqui, où il  
estoit allé dire à dieu au P. Visiteur qui en deuoit partir, &  
saluer le nouveau Prouincial. Comme il entroit dans no-  
stre maison, entouré de nos Peres & Freres, qui estoient  
accourus pour le feliciter de son retour, au sept ou huitieme  
pas, la veüe lui manquant tout à coup, il commença à cho-  
per, & fût tombé de son long par terre, sans vn de nos Re-  
ligieux qui le soustint. A peine eut-il fait trois pas entre les  
bras d'autrui, qu'il cheut avec ceux qui le supportoient; &  
sans dire autre chose que deux ou trois fois *Deo gratias*, ren-  
dit l'ame à Dieu, en presence de plusieurs Chrestiens, assem-  
blés pour le bien-veigner. Ce fut vn Dimanche matin, no-  
stre Eglise estant plene de peuple congrege pour oïr le ser-

IS

Apoplexie  
extraordi-  
naire.



IESVS- uice diuin. Chacun accourut à cet inopiné spectacle, & n'y  
CHRIST eut personne qui ne pleurât tendrement la mort d'un pere  
1611. tant aimé, & encore plus aimable pour sa vertu.

LE Seigneur de Bugen, où il mourut, ne voulant permettre qu'il y fût enseveli, on mit son corps dans vne quaiſſe, qui fut portée à Nangazaqui, apres que les Chrestiens du lieu, lui eurent baïſé les pieds, & baigné tout le corps de leurs larmes, d'autant plus chaudement, que par la mort de ce Pere ils estoient priués du secours qu'ils pouuoient receuoir des autres, parce que le Seigneur du lieu auoit long-temps auparavant protesté, que le Pere de Cespedes mourant, il vouloit que la foy Chrestienne fust esteinte en ses terres.

*Solemnité de la beatification de nostre Patriarche,  
Ignace de Loyola, faite en la ville de  
Nangazaqui.*

CHAPITRE IV.



INCROYABLE allegresse que la nouuelle de la beatification de nostre saint Patriarche & fondateur Ignace de Loyola, causa à toute la Chrestienté, dès qu'il eut pleu au saint Pere Paul cinquiesme de ce nom, l'accorder à nostre Compagnie (ce fut le troisiéme de Decembre mille six cens neuf) donna iusques au Japon, & commença par la ville de Nangazaqui, où la crainte qu'on eut de déplaire au Gouverneur, qui estoit Payen, empecha bien qu'on n'empechât tout l'appareil qu'on eust peu & désiré; si ne vid-on iamais à Nangazaqui, vn tel concours de peuple comme pour cete solemnité. Tous nos Peres & Freres qui estoient épars par les residences, & missions dependentes de Nangazaqui, en-

semble les Dogiques, Seminaristes & autres Escoliers, y furent inuités. On tapisa toute l'Eglise: on exposa sur le grand Autel vn portrait de nostre bien-heureux Pere d'une rare main. On chanta pontificalement les premieres Vespres. Il s'y trouua quarante Prestres avec chacun son pluuial: sans compter les Religieux des Ordres de S. August. S. Dominique, & S. François, qui se trouuerent dans la ville. Monsieur l'Euesque du Iapon officia, avec vne majesté vraiment pontificale, & deuotion plus que Religieuse.

17  
Procession  
pour icelle.

APRES Vespres on fit vne Procession solennelle par les principales ruës de la ville, au long desquelles, les Neophytes auoient dressé magnifiquement plusieurs Autels, pour faire diuerses stations. En teste de la procession marchoit le P. Recteur du College de Nangazaqui, portant l'image de nostre bien-heureux Pere, precieusement ornée. Suiuoient les autres Peres, Escoliers, Seminaristes, tous reuestus en Ecclesiastiques, chacun selon son ordre & qualité; chantans à diuers chants, tantost des hymnes, tantost des pseumes. L'Euesque marchoit sous vn poile, portant vn beau reliquaire, dans lequel y auoit vne piece notable de la vraie Croix, & quelques reliques de nostre saint Patriarche. Apres lui venoient toutes les Confreries de Nangazaqui, chacune suivant la banniere de leur Patron; chaque Confrere reuestu de son sac; & portant son cierge en main.

Le grand nombre des Confreres, & le merueilleux ordre, & deuote modestie avec laquelle ils marchaient, rendoient la Procession tres-belle à voir. Mais ce qui plus étonnoit le peuple, estoit le silence qu'ils gardoient. Plusieurs Payens accoururent pour voir cete solemnité. Le Gouverneur la loüa sur tous, & dit n'auoir iamais veu chose pareille; & protesta que s'il eust apprehendé ce qu'il voioit, il eust fait nettoier les ruës, afin que la procession eust pris vn plus long tour: voire eust fait dresser vn theatre, pour la voir plus commodément.

La nuit suivante, on alluma grande quantité de torches & lampes es environs de nostre College, & lieux plus releués, à ce qu'on les decourût de plus loin. Le Sieur Euesque en fit autant faire en son logis. Toutes ces lumieres



IESVS- estoient entourées de papier huilé, & de diuerfes couleurs.  
CHRIST Ce qui contentoit la veuë plus qu'on ne croiroit pour  
1611. vne si petite dépence. Les autres Eglises & maisons Religieuses de la ville, en firent autant; & plusieurs bourgeois à leur imitation. De l'autre costé de la riuere on voioit aussi de grandes demonstrations d'allegresse & rejoyissance.

Le lendemain matin la Messe fut celebrée pontificalement; tous les mesmes Prestres & Religieux y assistans, comme aux premieres Vespres; & chacun s'étonnant de voir tant de magnificences Ecclesiastiques és derniers quartiers du monde. Pour conclusion, il y eut deux Predications; l'une en Iaponois: l'autre en Portugais; & les feux de joie furent faits par toute la ville, comme la nuit precedente.

AVTANT en fit-on en la ville d'Arima, où arriva de plus que Madame Iuste Arimandono, se trouuant affligée d'une fort dangereuse maladie, se recommanda aux prieres de nostre Patriarche nouvellement beatifié; non pour estre deliurée de ses douleurs, ainsi qu'elle protestoit; ains pour impetrer force & patience de les supporter. Mais elle obtint promptement vne parfaite guerison.

19

Merueilles  
de saint  
Ignace.

*Sommaire de quelques merueilles, qu'il pleut à Dieu d'opérer cete année, en diuers quartiers du Iapon.*

## CHAPITRE V.



VN millier d'œuvres merueilleuses qu'il pleut à Dieu faire voir cete année au Iapon, tât en la vie qu'en la mort de quelques Chrestiens, j'en ay trié sept ou huit, qui pourront contenter le Lecteur, laissant le reste dans l'original. Je commenceray par le decés de deux personnes. Le premier fut d'un bon vieillard, qui auoit quatre vingt & dix ans passés, qui vint it fort Chrestienement

stiennement dans vne petite Isle. Cetui-cy iugeant tant de la IESVS. multitude des ans qu'il auoit vescu, que de la foiblesse de son CHRIST corps, qu'il ne pouuoit plus viure long-temps, commença à se 1611. preparer soigneusement à la mort : & fit faire la bierre dans laquelle il vouloit estre enfermé, & preparer les habits qu'il vouloit estre distribuez aux pauvres, le iour de ses obseques: Il mit à part vne bonne somme d'argent, qu'il desiroit estre employée à faire celebrer des Messes, brefordonna tout ce qui lui estoit necessaire pour ce poinct. Mais le plus important luy manquoit; c'estoit de se pouuoir confesser, pource qu'il n'y auoit aucun Prestre es enuirs. A quoy Dieu pourueut par son infinie clemence. Car comme il fut quasi à l'article de la mort, voila deux de nos Peres qui arriuent. Il les reçoit comme deux Anges du ciel; se confesse, loue & remercie Dieu de ce qu'il l'auoit si misericordieusement pourueu en telle necessité.

20

Mort heureuse d'un vieillard.

Peu apres il appella son fils, lui enjoignit de signifier à nos Peres qu'il mourroit la nuit suivante, & les prier de l'assister pour ses funerailles. La mort luy arriua comme il auoit predict. Nos Peres firent ses honneurs, avec vne pompe & deuotion qu'on n'auoit oncques veu en ce quartier là. Tellement que les Neophytes estimerent ce vieillard deux fois heureux, premiere-ment pour estre mort si sainctement; & puis auoir esté enseue-ly si honorablement.

Le second fut d'une ieune fille qui viuoit chez vne de ses sœurs, mais avec telle pureté & integrité de vie, qu'on ne trouuoit rien à redire en ses mœurs. Elle ne parla iamais de mariage: iamais n'y pensa. Ce qui la mettoit souuent en bruit avec sa sœur, qui desiroit la veoir colloquée. Elle estoit fort deuote à nostre Dame, & disoit tous les iours son chapelet: assistoit à la sainte Messe: aimoit le silence & la solitude. Brefseruoit à tout le voisinage d'un rare exemple de vertu. Vn leudy sur le tard, deux personnes luy apparurent reuestuës de blanc. Elle creut que ce fussent ses pere & mere decedez, apres auoir mené vne vie fort exemplaire. Ceux-cy l'inuitoient à eux, disans, Vien à nous, Vien à nous: Semonce qui ne l'etonna aucunement; ains luy fit croire qu'elle ne viuroit pas long-temps.

21

Fille fort deuote.



IESVS-  
CHRIST  
1611.

22  
Preuoit sa  
mort.

Le matin suivant, elle raconta cete vision à sa sœur, luy disant qu'elle vouloit à bon escient se preparer à la mort; & la priant de luy faire venir vn de nos Peres, pource qu'elle commençoit à se porter mal. Quoy qu'elle n'en eût rien senti auparauant. Sa sœur fit venir, non vn Prestre, ains le Medecin: Lequel sa saincte fille remercia, disant qu'elle n'auoit besoin de Medecin, dautant qu'elle deuoit mourir bien-tost. La sœur pria donc vn de nos Peres, qui visita la malade, & la confessa à sa grande consolation. Ce fut vn Samedy au soir. Le lendemain sur l'aube du iour, la fille mourut fort doucement; faisant etonner tous ceux qui la virent, & n'attendoient pas qu'elle mourût d'une si legere infirmité.

Quatre criminels condamnez à la mort en furent garentis par le moien de nos Peres, qui sçauoient bien que ceux là estans iusticiez, comme ils meritoient, tireroient vn grand nombre de gens apres eux en ruine. Mais la grace qu'on leur obtint, remedia à la paix & au salut de tous.

22  
Pardon  
dextremēt  
obteuu.

Vn Neophite pour auoir indignement traicté vn autre, fut condamné à la mort, sauf si la partie luy pardonnoit l'iniure. Ce qu'un autre nouveau Chrestien ayant sçeu, s'en alla trouuer l'offencé, & luy demanda s'il auoit point oüi quelque sermon de la passion de nostre Sauueur. Or estoit-ce sur la fin du Carefme. L'offencé respond, qu'il n'en auoit perdu pas vn. Vous auez donc oüi, repartit l'autre, que le Sauueur du monde, ne renuoia pas le traistre, qui le vouloit embrasser; ains lui donna le baiser de paix: & qu'estant en croix, il pria Dieu son pere pour ceux qui l'y auoient attaché? Il est vray, dit l'offencé, ie l'ay oüi, ie l'ay admiré, i'en ay loué Dieu. Pourquoi est-ce donc, adjousta l'autre, que vous, homme pecheur & mortel, n'imitiez pas vostre Sauueur, & Createur du ciel & de la terre? Pourquoi n'embrassez-vous celuy qui vous a iniurié? L'offencé ne sçeut que dire, ny que repliquer, ains pardonna volontiers à celui qui l'auoit offencé; lequel par ce moien fut garenti de la mort.

Vn autre Neophite, lequel quelques-ans auant sa mort s'estoit adonné à vne vie fort retirée & Chrestienne, & alloit souuent aux Eglises, quoi qu'esloignées de son logis, & n'en

sortoit que toutes les Messes ne fussent dites; estant mort en bon Chrestien, il fut par vn sien fils, & autres parens, aidé par nombre de Messes, prieres & oraisons, qu'on fit pour le repos de son ame. On esleua mesmes vne haute croix sur sa sepulture, pour exciter de plus en plus les Chrestiens à prier pour lui. Quelques iours apres son decés, sur la minuiet, vne sienne petite fille fut soudain saisie d'un mal mortel. Ses parens y accoururent, & voiant qu'elle faisoit de fort laides grimaces, ils luy ietterent de l'eau benite. Peu apres la fille demanda qu'on luy donnast à boire de cette eau, disant qu'elle en estoit grandement soulagée. On luy en bailla plusieurs fois. Cependant chose merueilleuse, l'ame de son ayeul decedé, parloit par sa bouche. Dequoy l'assistance estant grandement etonnée: Appelez-moy vn tel mon amy, dit cét aieul, nommant vn certain habitant du lieu. Je luy veux parler. Cet homme fut appelé, & vint avec plusieurs autres. Alors la fille, ou l'esprit quel qu'il fût, qui parloit par sa bouche: Je vous remercie, dit-il, des Messes que vous m'avez procurées, des oraisons qu'on m'a appliquées, toutes ces bonnes œures m'ont grandement aidé. Ce qu'ayant dit, il quitta pour quelque temps la fille, laquelle demeura comme morte. Peu de temps apres, elle retourna à soy, & ne sentit plus de mal. Ses parens redoublerent leurs deuotions pour les trespassez; & quiconque ouït parler de ce cas, s'en etonna. Plusieurs crurent plus fermement l'immortalité de l'ame; la recompense promise aux bons, & les tourmens preparez aux mal viuans.

23  
Suffrages  
pour les  
morts.24  
Ame d'un  
decédé  
parle.

Vne fillette de six ans ayant esté longuement malade, & n'attendant plus que l'heure de la mort; ses pere & mere qui estoient idolatres, mais de diuerfes sectes, l'un des Ionxus, l'autre des Iodokus, ne pouuans tomber d'accord touchant les ceremonies desquelles ils vseroient es obseques de la malade, ils s'auiserent de lui en demander son auis. Quelle secte voulez-vous qu'on suiue, petite, en vos funerailles? Celle de vostre pere, ou celle de vostre mere? Ny l'une, ny l'autre, dit la fille, à celui qui lui auoit fait la demande. Voulez-vous donc estre Chrestienne? dit son pere, qui ne scauoit ce qui concernoit nostre foy, que le nō de Chrestien. La malade respon-

25  
Ceremo-  
nies Chre-  
stiennes.



LESUS-CHRIST 1611. dit qu'oüi: & incontinent commença à demander le saint Baptême, avec telle instance, que ses parens appellerent vn Neophite leur voisin pour la baptiser. Luy courut vers nostre maison, demanda vn Pere, & le mena chez la malade, qui fut baptisée bien-tost apres, & dans peu d'heures s'enuola au ciel. Cét accident esmeut tellement le pere & la mere de la defuncte, qu'ils demanderent d'estre baptisez sur l'heure. Mais on dilaya iusques à tant qu'ils fussent suffisamment instruits.

26

Martyre  
desiré par  
vn enfant.

Comme les Chrestiens parloient souuent du Martyre, durant les persecutions, que ie representeray tantost: Vn des nouveau baptisez demanda à vn enfant de quatre ans, si cete persecution continuant, il ne quitteroit point la foy Chrestienne. Nenny, Monsieur, respondit l'enfant. Tu veux donc estre martyr? dit le Neophite: Et mon pere & ma mere, dit le petit, & moy avec eux, nous serons tous martyrs. L'autre tout etonné d'vne si prompte & hardie response, dit à l'enfant: Mais sçais-tu bien que c'est d'estre martyr? Le le sçay, ie le sçay bien, dit l'enfant. C'est estre decapité pour la querele de Dieu tout-puissant. O que tu pleureras, mon pauuret, dit le Neophite: & que tu crieras, si tel accident t'arriue! Je ne feray qu'en rire, dit l'enfant: Je rendray gaiement le col au bourreau. Le Neophite s'etonna de cete affection & desir du martyre: & n'en pouuoit assez louer Dieu, qui rend les langues des enfans si disertes, & les cœurs si fermes & constans.

27

Pluton des  
Iaponois.

Voicy vne fort estrange façon de conuersion. Vn Payen aiant par ie ne sçay quel rencontre, trouué vne idole que les Iaponois estiment le demon des richesses: il en fut infinimēt ioieux, & l'emporta chez soy, esperant que par droit d'hospitalité il deuendroit bien-tost tres-riche. Mais tout le contraire luy arriua. Car peu de iours apres, le maistre qu'il seruoit le dépoüilla de tout ce qu'il possedoit, en punition de ie ne sçay quelle faute par luy commise. Ainsi au lieu de s'enrichir par le moien de son Idole il deuint coquin. Ce qui luy fit recognoistre la vanité des idoles, Dieu luy ouurant les yeux, si bien qu'il jetta son Pluton par la fenestre, & receut le saint Baptême, apres auoir esté deuëment instruit.

VN ieune enfant idolatre, se trouuant miserablement tourmenté par les esprits infernaux, qui l'affailloient visible-

ment, en forme de dragons & serpens; se jettant & veautrant par terre, eriant & grinçant horriblement les dens, fut par ses parens recommandé aux Camis & Foroques. Mais en vain. Car ils ne lui donnoient soulas ny remede aucun. Ce

LESUS-  
CHRIST  
1611.

28

Enfant  
tourmenté  
par les es-  
prits ma-  
lins.

que voiant vne deuote Chrestienne pleine de compassion, & de zele de la gloire de Dieu, le demanda aux parens pour le traiter à sa mode. L'ayant en sa disposition, elle le mena à l'Eglise, & lui fit ouïr le Catechisme. Ce que les demons ne pouuans supporter, ils l'assaillirent en forme de serpens, que chacun voioit, & que l'enfant redoutoit sur tous, tellement qu'il heurloit sans cesse. Vn de nos Peres oiant cete lamentable voix, y accourut, & lui fit boire par force, vn peu d'eau benite. A peine l'eût-il aualée, qu'il commença à s'accoiser, demeura long-temps coi, & tout etonné: puis montrant au doigt vne montagne voisine; Voila, disoit-il, où se retirent ces horribles serpens. Mais je n'en ay plus peur. De fait il en fut dés lors affranchi du tout, & receut le saint baptême.

29

Eau benite.

EN vn bourg nommé Yaxiqui, le feu s'estant pris à quelques maisons, & ayant déjà deuoré tout ce qui s'estoit présenté, iusques au logis d'un Chrestien nommé Pierre; ce bon personnage voiant qu'il ne lui restoit aucune esperance és moiens humains, eut recours aux diuins: prit avec grande confiance en Dieu vne image de nostre Seigneur crucifié: l'ayant attachée au bout d'une pique il monta sur le toit de sa maison, la dressa & opposa avec vne grande foy, à la violence du feu. Miracle vraiment admirable. Le feu approchant de cete image, tourna tout court d'un autre costé, comme respectant la figure du Sauueur du monde, & quitta la maison du Neophite, sans aucunement y toucher.

30

Image qui  
chassa le  
feu.



*Persecution meue contre les Chrestiens, au Roiaume  
de Farima.*

CHAPITRE VI.



Es faux Prestres des idoles du Iapon ont coutume d'employer vne sepmaine de la quatriesme Lune, qui tombe en Auril ou May, à precher au moins vne fois le iour au peuple. Vn celebre Predicateur de la secte de Foque-xus, prechant cete année en la ville de Firregi, Metropolitaine du Roiaume de Farima, s'étendit vn iour à louer Xaca, que les Iaponoistiennent pour souuerain de leurs demons; & dit entre autres choses, que c'estoit lui qui auoit orné le Soleil & la Lune de clarté, parsemé le Ciel d'un si grand nombre d'Estoiles: suiuant le bon plaisir duquel l'air estoit fendu d'éclairs, bruioit de tonnerres, fondeoit en pluies, gresles & tempestes: la terre estoit reuestue d'herbes, ornée de fleurs, chargée de fruits; nourrissoit tant de sortes d'animaux; bref il asseuroit, que tout ce qu'il y a de beau & de bon au dessus le Soleil, & sous la Lune, releuoit de lui comme du facteur de l'Vniuers. Il estalla mille semblables sornettes & vanteries en sa diserte Predication.

31  
Xacaloté.

VN Neophite zelé, qui je ne sçay par quel rencontre s'estoit arresté à lui prester l'oreille, ne pouuant supporter que ce charlatan attribuât à vn homme vil & scelerat les actions de la toute-puissante main du vrai Dieu, demanda tout haut permission de proposer quelque doute, sur ce qu'il venoit d'oïr. Le superbe orateur regardant de trauers le Neophite, & n'estimant pas qu'il eust moien de lui rien dire, qu'il ne peût aussi-tost rembarer, lui permit de produire en bonne compagnie tout ce qu'il voudroit. Voici ce que le Neophite lui dit.

LES anciennes histoires du Iapon nous apprennent que <sup>LES VS-</sup>  
 Xaca nâquit & vécut en ces quartiers-ci, il y a deux mille <sup>CHRIST</sup>  
 cinq cens ans ou environ. Nous trouuons encore l'horos- <sup>1611.</sup>  
 cope & ascendant de sa natiuité, couché dans nos liures.

Est-il pas vrai, dit le Neophite? Il est tres-vrai & tres-certain, répondit le Bonze. Mais d'une voix & morgue tres-assurée. Or je vous demande donc, dit le Neophite, si Xaca nâquit, le Soleil faisant son cours, ainsi qu'il fait encore tous les iours? comment est-il possible que Xaca, aie fait & formé le Soleil, & la Lune qui estoient auant lui? Cette demande fut comme vn éclat de tonnerre, qui étonna tellement ce faux predicant, qu'il n'eut point de mot en bouche pour repartir. Mais pour ne sembler du tout muet, il demanda au Neophite, s'il estoit Chrestien? Je le suis, dit hardiment le Neophite. Sur quoi le Bonze bouffi de sa rage; Je vois bien, dit-il, je vois bien où tu vis-  
 ses, & ce que tu pretens. Et lui lançant de la chaire <sup>32</sup>  
 l'euentail qu'il tenoit en main; émeut tout l'auditoire contre lui; commandant qu'on le chassast ignominieusement du Temple, dans lequel il auoit prêché. <sup>Bonze confus.</sup>

L'AFFRONT que ce Bonze auoit receu, estant diuulgué par tout, le picqua si auant, qu'il resolut d'employer tout son credit à ruiner la Chrestienté du Iapon. Il se prit donc à forger mille calomnies, & imposer mille faux crimes aux Chrestiens. Entre autres il fit entendre au Prince, que les Chrestiens auoient conspiré contre sa vie. Le Prince s'étonna grandement de cete nouuelle, & demanda comment cela se pouuoit faire, veu qu'il n'y auoit aucun Chrestien en ses terres. Le calomniateur repartit, qu'il y auoit voirement loy portant deffence qu'il n'y eût aucun Chrestien au Iapon, neantmoins qu'il s'y en trouuoit grande quantité. Tu te trompes, lui dit le Prince. Il n'y a pas vn Chrestien en mes terres. Ce qu'il disoit pour imposer silence à cet importun calomniateur, ou se defaire de lui, sçachant bien qu'il y en auoit au Iapon, & en ses terres; voire sur l'Estat de sa maison, & qui <sup>33</sup>  
 Effronté.



**I**ESVS-viuoient à ses gages. Mais le calomniateur repliqua ;  
**CHRIST** qu'il y en auoit sans faute ; & qu'il en nommeroit plusieurs.  
 1611. Cete importunité porta le Prince à lui dire, qu'il en nom-  
 mât donc quelques-vns. Et le Bonze en nomma quatre, des  
 plus nobles qui hanrassent la Cour du Prince.

34

Quatre  
Chrestiens  
deserés.

Tout ceci se passoit publiquement, & en presence d'un  
 grand nombre de noblesse. Ce qui fut cause que le Prince  
 enuoia soudain signifier à ces quatre gentils-hommes, qu'ils  
 eussent à renoncer promptement à la foy Chrestienne. Il y  
 en eut vn, qui redoutant l'autorité du Prince, répondit  
 qu'il obeiroit à son commandement. Les autres trois tin-  
 drent bon, disans qu'en tout autre sujet ils obeïroient sans  
 delay à leur Prince ; mais en ce qui concernoit le salut de  
 leurs ames, ils ne vouloient, ny pouuoient acquiescer à son  
 desir. De quoi auertit le Prince, commanda qu'on noubliât  
 rien pour les diuertir de leur propos. On vsa de conseils, de  
 reprehensions, de promesses, de menaces. Mais ils ne s'é-  
 tonnerent aucunement ; ains emploierent tout ce temps à se  
 preparer avec leurs familles, pour gagner genereusement  
 la palme du martyre.

35

Ruse des  
idolâtres.

LES officiers du Prince, desirans satisfaire à sa volonté,  
 s'auiserent de tendre vn nouveau rets à ces nouveaux cham-  
 pions de Iesus-Christ. Ils les separerent l'un de l'autre : puis  
 se mirent en deuoir de faire accroire à l'un, que les autres  
 auoient obeï à la volôté du Prince. Partât qu'il ne fût pas seul  
 opiniastre. Autant en firent-ils aux autres deux, les assaillât  
 chacun à part. Mais comme ils estoient tous élevés en l'éco-  
 le de Dieu, & imbus d'une mesme doctrine, chacun répon-  
 dit, qu'il ne se soucioit pas de ce que les autres pourroient  
 auoir fait, & qu'en cet endroit chacun y estoit pour le sien.  
 Voians donc qu'il n'y auoit moien de les peruertir, ils en  
 donnerent auis au Prince, qui les bannit hors de ses terres,  
 eux & leurs familles. Peine qu'ils receurent & supporterent  
 si ioieusement, que les Payens mesmes s'en étonnerent ; &  
 les conduisirent iusques au bord de la mer ; leur fournissant  
 de viatique, & de vaisseaux pour se rendre en quelque quar-  
 tier habité des Chrestiens.

36

Constance  
des Chre-  
tiens.

A peine ces genereux Confesseurs furent partis, que le  
 Prince

Prince fit publier vn nouuel Edit contre les Chrestiens, portant deffense de leur donner, prester maison, ny buron. En vertu & consequence de cet Edit, sortirent du Royaume de Farima, plus de deux cens personnes, qui n'auoient aucune retraite ny recours, qu'à la prouidence de Dieu, pour l'amour duquel ils souffroient volontiers cét exil, & la confiscation de tous leurs biens.

Le bruit de cete persecution estant arriué à Muro, bourgade sise à cinq lieuës de la ville metropolitaine, où se tenoient plus de quarante Neophites, plusieurs esprits du desir de gaigner la palme du martyre, s'en allerent droit à la metropolitaine. Ils n'obtindrent pas ce qu'ils souhaitoient; si coururent-ils le mesme danger que les autres Chrestiens. Et peu de iours apres; le Prince aiant fait publier vn autre Edict, par lequel il commandoit aux Chrestiens de renoncer à leur foy, ils se ioignirent à plusieurs autres; qui estoient resolu de quitter le païs, & se retirer en quelque terre de Chrestiens. Ils auoient desia les vaisseaux tous prests pour s'embarquer; lors que le Magistrat considerant que si tous ces Neophites abandonnoient le lieu, il demeureroit desert, & pour la plus part en friche; il leur fit deffendre de partir de là, promettant de ne les plus inquieter, en ce qui seroit de leur foy & religion. Ils s'arrestèrent donc là, esperant d'y viure en paix. Mais elle ne fut pas de longue durée. Car leurs parens & amis, leur firent plus cruelle guerre, que le Prince. Voicy cōment.

37

Autre trait  
de constan-  
ce.

Les plus proches parens, & meilleurs amis des Chrestiens, craignans que la persecution, venant à estre renouvelée, ils ne courussent fortune avec les leurs, s'auiserent d'un tres-dangereux stratageme. Ce fut de dresser vne liste des Neophites, & la signer de leurs seings, mais faux & contrefaits. Or portoit-elle en teste que les sous-nommez & signez, auoit esté quelque temps Chrestiens; Mais à present detestoient cete nouvelle loi, & retournoient à l'ancienne du Iapon.

38

Liste fausse  
& reprou-  
uée.

CETE liste fut présentée au Magistrat, & notifiée aux Chrestiens, lesquels en dresserent vne autre du tout contraire: la sousignerent de leurs propres mains, & la



LES VSC-  
CHRIST  
1611.

porterent eux mesmes au Magistrat : lequel estonné de leur constance, ne voulut rien innouer. Et eux bien aises de ne quitter leurs maisons, loüerent Dieu de cete nouuelle faueur, & continuerent à le servir avec plus de ferueur que iamais.

39

Bonze pu-  
ny.

Je ne peux obmettre la defaistre fin du maudit Bonze, qui fut le fusil de cete persecution. Car les Neophytes ayans pour la plus-part quitté le Royaume de Farima, le Prince repassant sur ce qu'il auoit fait, recogneur sa trop grande seuerité & imprudence, parce que sans iuste sujet il s'estoit priué de tant de braues citoyens & fideles seruiteurs. Ne trouuant autre remede à ce mal, il s'en prit à l'auteur & promoteur, premiere-ment le regardant de trauers, puis l'éconduisant de tout ce qu'il luy demandoit, bref luy donnant à cognoistre qu'il le tenoit pour vn broüillon. Ce qui luy perça tellement le cœur, qu'il s'absenta non seulement de la cour du Prince, ains de toutes ses terres. Ainsi celuy qui auoit esté cause du bannissement de tant de Chrestiens, se bannit luy-mesme. La femme du Prince le prit tellement en haine, qu'elle abandonna la secte qu'il preschoit, & se rengea sous la banniere d'une autre.

39

Legereté  
de femme.

40

Seruiteur  
fidele à  
Dieu.

VOICI encores vne remarquable dependance de cete persecution. Le couard qui se rendit à la premiere secousse, quittant ses trois vaillans compagnons, auoit vn seruiteur Chrestien, fort signalé en vertu pour sa qualité. Comme il eut poltronement quitté la foy, il demanda la couronne de nostre Dame, avec les autres armes spirituelles à ce bon Chrestien, qui s'en excusa, voulant conseruer ce precieux meuble, pour arres de sa foy & religion. Depuis son maistre luy commanda de porter vne de ses petites filles au temple des idoles. Service que le seruiteur refusa de luy rendre, pour ne participer aucunement à l'idolatrie. Ce quel'apostat ne pouuant souffrir, mit la main à l'espée, & frapa le constant seruiteur de telle roideur, qu'il le terrassa. Chacun le tenoit pour mort : Si fut-il trouué sain & entier. Ce que plusieurs, & des mieux sensez, tindrent pour vn vray miracle.

*Croix miraculeuse, trouuée l'an mil six  
cens onze, au bourg de Cori,  
terre d'Omura.*

## CHAPITRE VII.



ORI est vne terre située au Royaume d'O-  
mura, qui tient vne lieuë de long & demie  
de large ; peuplée de diuers villages, en  
l'un desquels nommé Ymadumi, habitoit vn  
Chrestien nommé Fabien ; qui auoit vn  
champ fertile en froment, & en iceluy vn  
arbre que les Iaponois appellent Caquinoqui : les Por-  
tugais figuier Iaponois, pource qu'il porte des fruiçts  
mollasses, lesquels estans secs, se gardent comme les fi-  
gues d'Espagne. Mais le tronc est fort dur, & sert aux  
bastimens. Cét arbre ayât passé trois ans sans porter fruiçt,  
Fabian l'abbatir, & emportant les branches pour brusler,  
laissa le tronc sur le champ, afin qu'il seichast plus commo-  
dement. Vn an apres Fabian aiant besoin d'un pilier  
pour quelque coin de sa maison, fut le sixiesme iour de  
Decembre, l'an que dessus, en son champ, avec sa ha-  
che, pour l'esquarrir. Comme il en leuoit de grands es-  
clats pour mettre au feu, il apperçeut la figure d'une  
croix noire, imprimée dans le bois blanc de l'arbre ; &  
appellant vn sien filz, homme desia marié, qu'on nom-  
moit Paul, luy dit: Paul est-ce cy vne croix, ou non? Paul la  
prit en main, la considera, & trouua que c'estoit vne croix  
tres-bien formée, ayant vn pied de large ; & tres-bien  
proportionnée en longueur, le titre bien posé, & tout le  
reste tres-parfaitement accommodé : Mais tellement qu'il

41  
Caquino-  
qui arbre.

42  
Croix  
trouuée à  
Cori.



**I**n estoit pas possible qu'aucun art ou industrie humaine  
**CHRIST** l'eût ainsi formée dans le cœur de l'arbre. Qui fut cau-  
**1611.** se qu'ils delibererent ensemble ce qu'ils en feroient. Le  
fils fut d'avis de la garder sans dire mot, attendant la  
commodité de publier ce prodige sans aucun danger. Sur  
ces entrefaites arriua Laurens frere Germain de Fabian,  
qui fut de mesme opinion, & conseilla à Fabian, de la  
mettre en quelque lieu plus honorable qu'elle n'estoit.  
Deux iours passerent sans qu'on fit autre mention de ce-  
te merueille. Mais la femme de Paul ne pouuant tenir le  
secret, la montra à vn Chrestien, nommé Michel, qui fit  
tout ce qu'il peut pour la porter, & faire voir aux Chre-  
stiens de son village. Ce que Fabian ne luy voulut per-  
mettre, desirant retenir ce thresor en sa maison. Mais il ne le  
peut empescher de faire part de cete bonne nouuelle, au  
premier Chrestien qu'il rencontra. Il se nommoit Iean, &  
fut espris d'un si grand desir de voir cete croix merueil-  
leuse, qu'il en perdit le repos de la nuit. Le lendemain  
de grand matin, il s'en alla chez Fabian, où l'ayant veuë, il  
se mit à deux genoux, l'adora, & obtint permission de la  
porter à sa mere, qui estoit malade. C'estoit vne femme  
de marque: chacun courut chez elle pour voir cete miracu-  
leuse piece; si bien que l'etonnement des Chrestiens com-  
mença à se changer en deuotion, laquelle Dieu confirma par  
diuers miracles.

43

Miracles  
qu'elle  
opera.

44

Chasse les  
esprits ma-  
lins

Vn nouveau Chrestien trauaillé d'une longue fièvre  
quarte, ayant essayé diuers autres remedes sans effet, prit  
vne piece du bois de l'arbre, dans lequel cete croix fut  
trouuée, elle le mit tremper dans vn vase d'eau, en beut,  
& soudain fut guarý. Au bruit de ce miracle, plusieurs  
febricitans, & autres malades y accoururent, & dès le pre-  
mier iour sept diuerses personnes recouurerent la santé.  
Depuis la mesme croix fut portée en la maison d'un no-  
ble homme, qui estoit iour & nuit infectée par les de-  
mons. Mais dès que ce sacré bois y entra, tous les ma-  
lins espris s'en retirerent. La deuotion du peuple s'aug-  
menta tellement, que chacun vouloit auoir des reliques  
de l'arbre, où la croix auoit esté trouuée. Les vns en

demandoient à Fabian, les autres couroient au champ <sup>LES VS-</sup> mesme, où le figuier auoit esté; & ne trouuans rien à em- <sup>CHRIST</sup> porter, ils arrachoiēt les racines, & les gardoient pour <sup>1611.</sup> reliques.

Vn de nos Religieux qui se tenoit à Fudojama, ville sise à cinq lieuës de Cori, aiant appris que ce sacré gage n'estoit pas assés decemment gardé, chez vn homme lay, se transporta sur le lieu, par le commandement du P. Alfonse Lucena, qu'il accompagnoit en la visite de quelques quartiers voisins. Il trouua le precieux joiau de la croix, en la maison de Fabian, qui l'auoit exposé publiquement pour estre adoré, & le pria qu'il lui permît de la porter au P. Lucena. Mais Fabian s'y opposa, disant que la merueille estoit mes-hui tant publiée, que le Prince ne la pouuoit ignorer, & le mal-traiteroit, ou parauenture puniroit, s'il transportoit hors de ses terres vn si precieux gage sans sa permission. Il adjouta plusieurs autres raisons que la deuotiō qu'il portoit à la croix, & le desir qu'il auoit de la retenir, lui fournissoient: tellement que nostre Religieux s'en retourna vers Fudojama sans icelle, mais non sans s'étonner de ce qu'il auoit veu, & des merueilles qu'il auoit oüi raconter de cete Croix.

45

Résusée au  
P. Lucena.

TROIS iours apres Madame Marine sœur du Roi d'Omura, femme tres-deuote & vertueuse, enuoia vn gentil-homme exprés, pour demander cete prodigieuse croix à Fabian, qui la lui enuoia par son fils Paul, n'y pouuant aller lui même à cause de sa vieillesse. Chose étrange. La ville d'Omura n'est qu'à vne lieuë du village où se tenoit Fabian; neantmoins quoi que Paul en fût parti de grand matin, il n'arriua que sur la nuit à Omura; à cause de la foule des Chrestiens qu'il rencontra sur son chemin, au desir desquels il fallut satisfaire, leur montrant le rare thresor qu'il portoit. Madame Marine receut la croix avec grand honneur, & l'ayant adorée deuotement avec plusieurs Chrestiens qui se trouuerent près d'elle, la fit richement orner & enchasser. Ce qui ne doit pas sembler étrange; veu que les Payens & leurs faux Prestres, contraints par l'euidence de la verité, confessoient publiquement que cete croix estoit cho-

46

Portée à  
Omura.



An de 1612.  
IESVS-CHRIST  
1612.

## LIVRE XVII. DE L'HISTOIRE

se plus qu'humaine.

47  
Puis à Nangazaqui.

LE bruit de ces merueilles estant arriué à Nangazaqui, Monseigneur l'Euesque du Iapon voulut prendre cognoissance tant de l'inuention de cete croix, comme des miracles qui s'en estoient ensuiuis, selon que sa charge l'y obligeoit. Il en fit donc faire vn tres-exacte recherche, prit la peine d'examiner lui-mesme tous les tesmoins qui en pouuoient deposer: assembla tous les plus doctes & graues personages qui estoient au Iapon, & apres toutes les diligences que le sacré Concile de Trente requiert estre obseruées en semblables cas, prononça que ladicte croix deuoit estre tenuë pour chose sainte & miraculeuse, & comme telle estoit digne de tres-grande veneration.

48  
Portée en Procession.

POVR l'autorizer dauantage, & émouuoir le peuple à deuotion, il voulut & ordonna qu'on fit vne procession generale & fort solemnelle; en laquelle fut chantée la Messe votiuë de la sainte croix, puis fait vn tres-docte & deuot sermon de la merueilleuse apparition de cete croix, & des miracles qui ensuiuirent. La procession fut faite à l'entour de l'Eglise seulement, pour euitier les troubles & inhibitions, qu'on craignoit de la part du Cubo. Le Pere Provincial porta la Croix, par commandement de l'Eueque, qui assista neantmoins à la Procession, avec tous nos Peres & Freres, ensemble les principaux Citoyens de la ville. En fin le concours tant des Chrestiens que des Gentils fut si grand, que pour satisfaire à la curiosité de ceux-ci, & à la deuotion des autres, il fut necessaire de laisser la Croix exposée sur le grand Autel de nostre Eglise toute la journée. De là on la retira dans la Sacristie, en vn lieu tres-decent, où elle est gardée avec la reuerence conuenable à la viuë representation du signe sacré, sur lequel le Sauueur du monde accomplit l'œuvre de nostre redemption. Le Pere Nicolas Trigaut aiant proposé de composer son histoire des Martyrs du Iapon, des merueilles qui se passerent en ces quartiers là, depuis l'an mil six cens douze, iusques à l'an mil six cens vingt; a neantmoins couché dans son premier liure a fufdite apparition de la croix, qui arriua l'an mil six cens onze; & vne autre de

49  
P. Nicolas Trigaut.

**ECCLESIASTIQUE DV IAPON.** 511 An de  
l'an mil six cens douze. J'ay ici raporté la premiere comme **IESVS-**  
en son propre lieu; & deormais ne toucheray plus rien de **CHRIST**  
ce qu'il a couché au long dans ses cinq liures. 1612.

---

*Estat de la Compagnie de IESVS au Iapon,  
pour l'an mille six cens douze.*

## CHAPITRE VIII.



Ly auoit cete année, six vingts & deux de nos Religieux bien occupés au Iapon, sçauoir est soixante & deux Prestres, desquels six estoient naturels du Iapon; & les autres non Prestres; sçauoir est douze Europeans, & tous les autres Iaponois. De ce nombre deux passerent à vne meilleure vie. Le premier fut Nixi Gaspar, natif de Firando, âgé de trente & six ans, les six desquels il auoit passé en nostre Compagnie. Il estoit fils adoptif de Gaspar; & d'un autre lit d'Vrsule glorieux Martyrs, qui l'an mille six cens neuf empourprerent l'Eglise de Firando, de leur sang, épandu pour la confession de la foy.

50  
Cent vingt  
deux au Iapon.

Le second fut le Pere Ito Mancio, natif du Roiaume de Fiunga, âgé de quarante & trois ans, vingt & vn desquels il auoit employé parmi nos Religieux, au salut des ames. Ce fut le chef des quatre Seigneurs Iaponois, qui l'an mille cinq cens quatre-vingt & quatre rendirent l'obeïssance au Saint Pere, Gregoire treziésme, au nom de la Chrestienté Iaponoise; & puis parmi les Congratulations & applaudissemens de l'Europe & des Indes, estant heureusement retournés en leur patrie, mépriserent genereusement les grandeurs que le monde leur promettoit, pour se renger au seruice de Dieu en nostre Compagnie, en laquelle ils vécurent tous fort religieusement.

Liu 16.  
nomb. 98.

51  
P. Ito Mancio Ambassadeur.

Le P. François Passio, apres auoir visité la Prouince du



IESVS-  
CHRIST  
1612.

Japon s'en alla à Macao, où il apprit comme le P. Ruys Barret estant vne année auparauant parti de la Chine, pour se rendre au Japon, tomba és mains d'une armée Chinoise, près de la riuere de Chincheo. Du premier abord elle leur fit bon visage. Mais comme les Japonois descendirent à la foule en terre, pour se fournir d'eau douce, ces traitres & infideles se ruèrent sur eux, les massacrerent tous, & mirent leur vaisseau à fonds, de peur qu'il ne restât quelque marque d'une si barbare felonie.

52

P. Ruys  
Barret  
mort.

IL mourut là sept Religieux de nostre Compagnie, cinq Prestres, & deux qui ne l'estoient pas. Le susdit Pere Barret, natif de Moura en Portugal, qui estoit passé à la Chine pour en rapporter quelques prouisions de bouche, & soulager les necessités des nostres. Il auoit atteint le soixante & troisieme an de son âge, & en auoit passé quarante & deux en Religion, & vingt & vn au Iapō. Le P. Diego Gonzales Africain, natif de la Cité de Tanger en Barbarie, âgé de trente & sept ans, & vingt de la Compagnie. Le P. Antoine Abreo Portugais, natif de Tourneufue, de trente & deux ans, & treze de la Compagnie. Le P. Simon Antugnes, aussi Portugais de Masexia, de trente & vn an: & onze de la Compagnie: le P. Iean Albert de Lisbonne de trente ans, & neuf de Religion. Emanuel Pinto Portugais de la Cité du Port, de vingt six ans, & six de Religion. Antoine à Costa de Lisbonne de vingt deux, & seulement deux de Religion. La perte de tant de bons sujets, affligea grandement nostre Compagnie au Japon, & l'eust tout à fait desolée sans l'esperance certaine qu'elle auoit, que celui pour l'amour duquel ils s'estoient volontiers exposés à tant de dangers, les aura receus en son repos eternal.

53

Autres  
ex morts.

Plusieurs Marchands qui arriuerent cete année des Philippines au Japon, taillerent tant de besogne à nos Peres, que pour ne manquer à l'exercice de la charité, ils firent étendre & amplifier quelques sales és hospitaux de Nangazaqui, & ailleurs, aidés par les aumosnes de plusieurs personnes d'honneur.

54

Hospitalité  
exercée.

Sur la fin de l'an mil six cens onze, commença au Roiaume de Surunga la plus sanglante & vniuerselle persecution

tion, que les Chrestiens eussent iamais soufferte au Iapon, & courut tout le Iapon, premierement sous le Cubo, iadis appellé Dayfusama; & luy estât mort le premier de Iuin, mil six cens quinze, continua sous le Xogun son fils & successeur, & dure encore cete année mil six cens vingt & quatre, que nous escriuons cete histoire. Ie ne desire pas l'inserer icy au long, tant pource que ie ne me sens assez fort pour la pouoir acheuer, estant chargé d'ans & d'infirmité, comme pource que deux de nos Peres s'en sont desia tres-dignement acquitez. Le premier est le Pere Louïs Pineyro, ou Pigneyre Castillan, en cinq liures qu'il a intitulés: Relation du succez qu'a eu nostre sainte Foy és Roiaumes du Iapon, depuis l'an mil six cens douze, iusques à l'an mil six cens quinze: Et puis inscrit de la persecution du Iapon, imprimé à Madrid, l'an mil six cens dix-sept. On l'a imprimé en François à Paris l'an mil six cens dix-huit, sous le titre de la nouvelle Histoire du Iapon. Le second est le Pere Nicolas Trigaut Flamand, qui s'est rendu comme traducteur Latin, de l'œuvre dudit Pigneyre. Elle a esté aussi mise en François & imprimée à Paris l'an mil six cens vingt & quatre, sous le nom d'Histoire des Martyrs du Iapon, depuis l'an mil six cens douze, iusques à l'an mil six cens vingt. Et puis inscrit, les Triomphes Chrestiens des Martyrs du Iapon. Ie ne veux courir sur leurs brisées, ny vser de redites: ains me contente de glaner apres eux, continuant le fil de mon Histoire an par an, escriuant; non tout, mais le plus notable de ce qu'ils ont obmis, & adjoustant en fin ce qui est arriué au Iapon depuis que leurs œuvres ont veu le iour en Europe; & que le Pere Trigaut a promis sur la fin de son supplément. Ie feray neantmoins l'Épitome de ses cinq liures pour mieux suivre le fil de mon Histoire.

55  
Persecutio  
vniuers-  
selle.

56  
Auteurs  
qui l'ont  
écrit.



*Estat temporel du Iapon pour l'an mille six cens  
douze, & premiers coups de la  
persecution.*

CHAPITRE IX.



LE Cubo Seigneur vniuersel du Iapon, aiant transporté le siege de son Empire de la ville de Meaco, ancien domicile des Monarques Iaponois, en la capitale du Royaume de Surunga, nommée Fucu, distante de six iournees de Meaco, y auoit fait bastir vne tres-forte & tres-superbe citadelle pour conseruer ses thresors. Il maria cete année son fils aîné, & futur successeur, desia âgé de quarante ans, avec vne niepce du feu Nobunanga, sœur de la vefue du Tayco, & tante du Prince Fideyori. Il voulut qu'il se tint pour l'ordinaire à Yendo, ville à trois iournees de Fucu, & capitale des Royaumes du Quanto, où il vouloit s'establir, & tenoit des ostages de tous les plus grands Seigneurs du Iapon.

FIDEYORI fils du feu Tayco, & legitime successeur de l'Empire du Iapon, croissoit en âge & courage, sous l'education de sa mere, femme tres-prudente, & ne desesperoit pas encore de recouurer son estat, mais le Cubo vieil routier, lui roignoît les ongles le plus près qu'il pouuoit, & lui faisoit employer les thresors en festins, & reparations du Daybut, & autres temples des idoles.

IL haïssoit à mort les Chrestiens, & neantmoins les toleroit, pour ne perdre le gain qu'il tiroit du trafic des Portugais. Mais depuis qu'il eut commandé au Roy d'Arima, de piller vn de leurs nauires, ainsi que nous auons deduit ci-dessus, il permit aux Holandois de tra-

57  
Seigneurs  
du Iapon.

Liu 16.  
nomb. 144.

fiquer en ses terres , & nommement au port de Firando, IESVS-  
Ces nouueaux marchands lui promirent merueilles ; mais CHRIST  
ils ne tindrent du tout rien. Voire se rendirent odieux 1612. -  
aux Iaponois par la multitude de leurs fromages, & quin-  
quilleries ; pource que les Iaponois ont en horreur toute  
sorte de laitage , & menuë ménagerie , comme j'ay touché 58  
ailleurs. Holandois  
au Iapon.

DEPVIS le Cubo voiant que la nauire du commer-  
ce des Portugais auoit passé deux ans , sans four-  
nir au Iapon les denrées accoutumées , enuoia vn Am-  
bassadeur vers nos Peres qui estoient à Macao , pour  
demander la continuation de ce trafic , & l'obtint aise-  
ment , pource que tous les gens de bien le desiroient , &  
le seruice de Dieu le requeroit. Mais les Portugais n'oublie-  
rent pas de faire l'accord aux cōditions les plus avantageu-  
ses qu'ils peurent ; & sur tout leur fut permis de mener vn  
Galion pour escorte , contre les courses des Holandois , &  
autres écumeurs de mer. Voila donc les Portugais recon-  
ciliés avec les Iaponois. Mais Dom Protais Roy d'Arima,  
jadis bon Catholique , est banni de la Cour du Cubo , que je  
nommeray deormais Empereur , comme font ceux desquels  
je tire cete histoire. Ses ennemis l'accuserent d'auoir trem-  
pé au crime , pour lequel Paul Dayfa qui fut brulé à petit feu  
le vingt-vniesme iour d'Auril , qui fut cete année le Samedi  
Saint.

59  
Portugais  
remis.

CETE double execution fait l'Empereur donna le Roiaum-  
e d'Arima à Michel fils de Protais , qui auoit épousé vne  
sienne niepce , à condition qu'il renonceroit au Chri-  
stianisme , & tiendrait la main que tous ses vassaux fissent  
le mesme. Il lui deffendit aussi de rien entreprendre sans  
le conseil & direction de Sasioje , Gouverneur de Nanga-  
zaqui , & ennemi mortel des Chrestiens. Voulut de plus  
que ses officiers recherchassent rigoureusement ses do-  
mestiques , qui contre ses expresse inhibitions & deffen-  
ces , auoient embrassé la loy de IESVS-CHRIST , &  
la professoient. On en conuainquit quatorze des plus  
apparens Seigneurs de la Cour , lesquels il bannit , avec  
leurs femmes & enfans. Leurs genereux combats sont

60  
Michel  
Prince d'A-  
rima.



**IESVS-** au long couchez dans leur histoire particuliere, ensemble  
**CHRIST** l'invincible constance de trois Dames d'honneur, Iulie,  
 1612. Lucie & Claire, lesquelles esmousserent tous les traits de  
 sa colere & de la rage du diable, par le bouclier de leur  
 foy.

**MICHEL** nouveau Roy d'Arima, retournant de la cour Imperiale, pour prendre possession de ses terres, & executer ce que l'Empereur luy auoit enjoint, s'arresta au port de Ximabara, d'où il enuoia trois Commissaires, apostats de la foy Catholique, pour disposer les Chrestiens à y renoncer. Puis s'acheminant vers la capitale de son Royaume, fit abatre quelques croix, qu'il rencontra en son chemin, & fit publier vn Edict, portant que quiconque refuseroit d'obeir à son mandement, perdrait ses biens, & seroit banny avec ses enfans. Les Chrestiens s'armerent de prieres, ieusnes & diuerses mortifications corporelles. Cinq cens des principaux iurerent de plutost mourir, que quitter la foy Catholique. Nos Peres estoient si occupez à oïr les confessions de ceux qui se preparoient à la mort, & leur administrer les saincts Sacremens del'Eglise, qu'on destina diuers Dogiques & Catechistes, pour aller de maison en maison confirmer les Chrestiens en la foy. On choisit aussi quelques deuotes Dames, pour faire la mesme charité à celles de leur sexe.

**VN** des premiers qui comparurent deuant les Trium-  
 uirs, fut **Thomas Ferbioye**, natif du Roiaume de Cami; lequel auoit fait preuue de sa constance dès l'an mil six cens deux, que le Roy de Fingo persecutoit ses sujets Chrestiens: & la rendit telle à ce coup, que le nouveau persecuteur des Chrestiens en la ville d'Arima, aimant mieux relascher quelque chose de la seuerité qu'il auoit premeditée contre les Chrestiens, que de perdre vn tel client.

**PLVSIEURS** autres combattirent tres-valeureusement, & vingt familles entieres sortirent de la ville, le dixiesme de Iuin, tirant vers les bois & forests prochaines, où deuoit estre leur retraite. Le treiziesme du mes-

mesmemois, feste de sainct Antoine de Pade, le sus-nom-  
mé Michel Arimandono enuoia deux de ses gentils-hom-  
mes signifier à nos Peres, qu'ils se retirassent où bon leur  
sembleroit. Mandement que le P. Matthieu Cores, Re-  
cteur du College d'Arima, enuoia soudain vers Nangaza-  
qui à l'Euesque, & au P. Prouincial de nostre Compagnie;  
lesquels lui conseillerent de ceder à la force, & laisser deux  
ou trois de ses sujets, pour demeurer dans la ville, ou es  
enuirons, & secourir les Chrestiens. Ce qu'il fit, puis se re-  
tira à Nangazaqui avec les autres.

IESVS-  
CHRIST  
1612.

63  
Nos Peres  
forcent d'A-  
rima.

L'ABSENCE des Pasteurs n'effraia pas tant les brebiettes  
d'Arima, qu'elles ne continuassent à professer hardiment  
leur foy. Plusieurs de ceux qui par trop grande apprehen-  
sion de la mort auoient fait banqueroute à la religion  
Chrestienne, recogneurent leur faute, & sollicités  
d'honorer le liure superstitieux des idoles, le mirent non  
sur leurs testes mais sous leurs pieds.

Vn gentil-homme nommé George, Seigneur du vil-  
lage de Canayma, aiant esté ci-deuant banni iusques à deux  
fois, obtint du Prince Michel permission de tenir chez soi  
vn de nos Peres avec son compagnon, pourueu que le tout  
se passât secretement. Mais il ne jouït pas long temps de ce  
bien. Car les Chrestiens y accourans de tous costés com-  
me aulieu où l'exercice de la Religion Chrestienne estoit  
libre, le Prince apprehenda quel'Empereur ne le sceût, &  
le chastiât pour auoir contreuenue à sa volonté. Ce qui fut  
cause qu'il reuoqua le congé donné au Capitaine George.

64  
Ferveur  
des Chre-  
tiens.

LES habitans du bourg d'Arie, qui est au territoire d'A-  
rima, & jadis auoit vn College & le Seminaire de nostre  
Compagnie, tindrent si ferme en la foy, qu'ils obtindrent  
le libre & public exercice de la Religion Chrestienne pro-  
testans qu'ils ne feiroient pas les bleds, qui estoient morts,  
si leur requeste ne leur estoit fauorablement apointée.  
Le iour de sainct Iacques Apostre, le P. Iean Fonseque ce-  
lebra la sainte Messe audit bourg d'Arie, chez vn Chre-  
stien nommé Michel, lequel avec son fils Matthieu, perdit  
la vie pour la confession de la foy le iour de sainte Anne.  
Aux Roiaumes de Figen, Bugen, Bongo, Fingo, les Chre-

65  
Inuention  
deuote  
pour des  
païs.



LES V S-  
CHRIST  
1613.

tiens furent diuërsément assaillis, & combatirent valeureusement, mais sans effusion de sang. A Meaco nōs Peres s'estans préparés, par mortifications du corps, prieres & sacrifices, à receuoir le coup, ou la mort ou du bannissement, le dernier iour de l'oraison des quarante heures, qu'ils firent deuant l'image de nostre Patriarche saint Ignace, furent auertis que l'Empereur auoit permis que la Religion Chrestienne tint son cours ordinaire en ladite ville, & ce à la sollicitation de Curadono, Gouverneur de la mesme ville, & jadis Bonze; qui auoit remontré & persuadé à l'Empereur, qu'il n'estoit expedient de troubler la paix du Iapon, sous pretexte de la seule Religion; veu qu'il toleroit tant & de si diuërses sectes de Bonzès, qui n'estoient pas mieux fondées en raison; & ne rendoient pas leurs sujets meilleurs, que faisoit la Chrestienne.

66

Raison  
notable  
pour la  
foy.

Vn Chrestien nommé Bonauenture, surintendant de la maison du Prince d'Oari, baptizé à Meaco par vn Pere de l'Ordre de Saint François, pour auoir renuersé par terre, & foulé aux pieds vne idole, fut mis à mort, par sentence de son maistre. Leon Cayemon natif du Roiaume de Figen, aiant long-temps combatu avec son maistre, qui l'effraia tantost par prieres, tantost par menaces, fut en fin tué le septiesme iour de Iuin. Car au Iapon les Maistres de quelque estat & condition qu'ils soient, ont puissance de vie & de mort, sur leurs seruiteurs & domestiques; sans estre obligés à garder aucune forme de Iustice en leur procedure.

67

Maistres &  
leur pou-  
voir.

Vn gentil-homme seruant de Madame Marine, sœur aînée d'Omurandono, auoit coutume de se depetrer tous les ans pour quelques iours des ses affaires domestiques, pour s'aller confesser à vn de nos Peres. Ce qu'ayant fait cete année avec autant de pieté & deuotion que iamais, il laissa entre les mains d'un de nos Religieux, vne bonne somme d'argent pour distribuer aux pauvres; & le pria de celebrer vne fois la sainte Messe à son intention; qui estoit que Dieu lui donnât la grace de bien mourir;

68

Retraite  
annuelle.

pource qu'il lui restoit fort peu de temps à viure, disoit. IESVS-  
il. De fait il mourut dix iours apres ; & auant que ren- CHRIST  
dre l'ame , protesta par écrit qu'il mouroit Chre- 1613,  
stien ; & partant deffendoit que les Bonzes ne fussent au-  
cunement employés à ses funerailles , ains les seuls Chre-  
stiens ; en nommant quelques-vns qu'il tenoit plus ver-  
tueux.

*Estat de l'Eglise du Iapon, & de la Compagnie  
de IESVS pour l'an mille six  
cens treze.*

## CHAPITRE X.



L y auoit cete année cens dix-huit bons ou-  
riers occupés à cultiuer la vigne du Iapon ;  
& d'iceux soixante & trois Prestres, par l'in-  
dustrie desquels, nonobstant la persecution 69  
qui continuoit, quatre mille trois cens cin-  
quante & huit personnes déjà grandes & en  
âge, furent baptizées. Sans comprendre ceux lesquels ne  
pouuans supporter la violence de la persecution, estoient  
trebuchés l'an dernier ; & depuis par la grace de Dieu se re-  
leuerent donnant bonne esperance d'estre plus fermes &  
constans à l'auenir.

Quatre mil  
le trois  
cens cin-  
quante  
huit bap-  
tizés en v  
an.

LA deuotion enuers le tres-sainct Sacrement del' Au-  
rel , creut tellement cete année, que les Chrestiens fon-  
derent de quoi entretenir trois lampes tousiours ardentes  
en leur Chapelle de Nangazaqui , & emploierent iusques  
à treze cens écus en argenterie , pour l'ornement d'i-  
celle.

V N artisan Chrestien monstra de parole & par  
effet , combien il se sentoit obligé à nostre Patriarche  
sainct Ignace. Car trauaillant en vne certaine Eglise le pe-  
nultième de Iuillet veille du iour, auquel il rendit l'esprit à



LES VSC-  
CHRIST  
1613.

70

S. Ignace &  
sa feste.

Dieu, ce bon manœuvre dit à ses compagnons; Il ne faudra pas venir demain à la besogne, pource que c'est la feste du bien-heureux Pere Ignace de Loyola. Vn qui l'ouït, repartit soudain; Il faudroit donc chomer les festes des Fondateurs de tous les Ordres Religieux. Il ne s'ensuit pas, repartit le bon Iaponois. Car nous n'auons en ce païs obligation qu'au bien-heureux Pere Ignace, dautant que c'est par le moien de ses enfans, que nous auons premierement receu la lumiere de la foy Chrestienne. Ce qu'il dit à tel point, & avec tant de deuotion, que tous les ouuriers quitterent soudain l'attelier, & le lendemain chomerent la feste de nostre Pere Saint Ignace, & du leur.

71

Vœu d'un  
Payen.

Vn Chinois encor Payen, aiant quelque cognoissance des mysteres de nostre sainte foy, s'en voulut seruir pour garentir son corps, plus que pour sauuer son ame. Car se trouuant saisi d'une horrible tempeste, & voiant le nauire dans lequel il voiageoit, en tres-euident danger de se fracasser, après auoir inuoké l'aide de ses demons, mais en vain, il fit vœu de donner vne bonne aumosne, à la maison de la Misericorde, bastie à Nangazaqui pourueu qu'il euidât ce danger. Il n'eut pas fait le vœu, que la mer se calma, au grand étonnement & contentement de tous ceux qui estoient dans le vaisseau. De quoi toutesfois le voiant ne tira autre fruit quel'admiration.

72

Menuisier  
bon Chre-  
tien.

LES Bonzes voulurent donner vne bonne somme d'argent à vn jeune homme Chrestien, qui estoit excellent menuisier, pour faire je ne sçay quel ouurage au temple de leurs idoles. Mais il aimamieux perdre le gain qui lui estoit offert, voire les bonnes graces de son propre pere, lequel à cete occasion le chassa de sa maison, que faire contre sa conscience, ou donner quelque sujet de scandale aux Chrestiens.

LE Tono d'Vracami aiant deffendu sous certaines pe-  
nes, que personne n'eût à receuoir ou traiter celui de nos Pe-  
res qui les souloit visiter; les Chrestiens ne desisterent pour-  
tant de le loger, caresser, voire de l'enuoier quelques fois  
querir pour leur celebrer la sainte Messe, & administrer les  
saincts Sacremens, disans qu'ils ne se soucioient pas de  
paier

paier l'amende, pour participer aux graces & faueurs de Dieu, I E S V S.  
qu'ils estoient prests d'acheter, voire au prix de leur propre CHRIST  
sang. 1613.

VNE ieune fille aiant fait vœu de chasteté, demanda dispense pour se marier, fût à raison de sa pauureté, fût à cause de la legereté de son sexe. Bien tost apres ses nopces elle conçut, & accoucha à terme de trois enfans pour vne couche, & en mourut, apres auoir receu neantmoins tous les Sacremens. Depuis sa mort elle apparut à plusieurs personnes en fort estrange figure. Ce qui etonna grandement tous ceux qui en furent aduertis, & attribuoient cete merueille, à la faute qu'elle pouuoit auoir fait ne gardant pas son vœu. Le Pere qui auoit charge du lieu, & les Chrestiens, firent plusieurs suffrages pour la deffuncte: Si bien qu'elle n'apparut plus. Ximandono, quoy qu'ennemy des Chrestiens, retint cete année nos Peres, & tolera les Chrestiens en ses terres, de peur que les laboureurs Chrestiens, n'abandonnassent ses champs.

73

Deuotion  
des Chre-  
tiens.

74

Vœu de  
chasteté  
dispensé.

Deux ieunes enfans de quatorze ans, se disciplinerent tellement, qu'ils tirerent de leurs espaules assez de sang pour escrire certaines promesses, par lesquelles ils s'obligeoient volontairement d'offrir leur vie à toute sorte de tourmens, voire à la mort, plutost que de manquer à la foi qu'ils auoient promise à Dieu. S'obligeoient aussi de nouveau d'obeir à leurs peres & meres, en tout ce qui ne seroit contraire à la loy Dieu. Ce qu'aians escrit ils consignerent les papier entre les mains d'un de nos Peres.

Les habitans d'une petite Isle appelée Oyana, aiant quasi perdu toute esperance de recueillir aucun fruit, à cause de l'extreme secheresse qui regnoit, se prirent à ieusner trois iours, firent plusieurs disciplines & prieres deuant la croix, tellement que quoi qu'il ne tombast goutte d'eau sur les champs voisins, si furent leurs terres tellement arrousées par trois diuerses fois, qu'elles receurent vn plus que suffisant remede contre la sterilité, que les villageois craignoient. Cete faueur du ciel les confirma grandement en la confiance que chacun doit auoir, pour recourir à Dieu en toutes ses necessitez.

75

Secheresse  
extreme.

Fucuximando Seigneur des Royaumes de Bingo & Aquij continua cete année à nous proteger & faire du bien, nonob-



An de 522

LIVRE XVII. DE L'HISTOIRE

IESVS-stant les Edicts de l'Empereur, & persuasion de ses voisins. Les  
CHRIST habitans de Firoxima ses subjects, entreprirent d'accommoder  
1613. nostre maison à la mode d'Europe; laissant pour les allans & ve-

76

Maladrerie  
au Japon.

nans l'autre qui estoit bastie à la Iaponoise. Ils commencerent  
aussi à bastir vn hospital pour les Lepreux, à l'occasion de quel-

ques-vns qui auoient receu le saint baptesme.  
Vne fille Chrestienne espousa vn Payen, à l'instance de son  
pere, qui le luy disoit estre Chrestien. Son mari l'ayant menée  
chez soy, commença soudain à la solliciter de quitter la foy. A  
quoy le frere de la mesme femme l'aidoit de son pouuoir; &  
ne permettoient l'un ny l'autre qu'elle sortît de la maison, ou  
parlast à personne qui la peût consoler: Trauerses qu'elle souf-  
froit avec tant de douceur, que pour ne montrer aucun signe  
d'impatience, elle secha sur ses pieds, & deuint estique. Se  
voiant bien pres de la mort, elle pria son mary de luy permet-  
tre d'appeller vn de nos Peres, pour se consoler avec luy en ce-  
te extremite. Le mari mesmel'alla querir. La malade fit vne

77

Bon exem-  
ple de sa  
vertu.

Confession generale de toute sa vie, puis trespassa. Son mary  
& son frere se trouuerent confus, & neantmoins bien edifiez  
de ce qu'ils auoient veu en elle, & apres luy auoir dressé vn  
honorable tombeau, porterēt au Pere qui l'auoit cōfessée tous  
les meubles desquels elle s'estoit seruie, disans qu'ils estoient  
saincts. Puis demanderent d'estre instruits en la loy qui estoit  
cause d'une tant belle mort, & receurent le saint baptesme,  
huiet iours apres le deceds de cete deuote & patiente femme.

78

Abstinence  
de douze  
ans.

IE ne peux passer sous silence la vertu d'une autre femme  
Chrestienne, laquelle ayant esté menée dans vn fort chasteau,  
pour allaiter le fils d'un grand Seigneur Payen, perseuera tou-  
jours en la foy, jàçoit qu'elle fût souuent sollicitée d'y renon-  
cer. Dès la premiere année qu'elle se trouua renfermée dans  
cete forteresse, elle perdit le compte & la distinction des iours;  
& ne se pouuant plus souuenir quel estoit le Védredy ou Samedy,  
elle se resolut de ne manger plus de chair, de peur de con-  
treuenir au cōmandemēt de l'Eglise. En cete sorte vesquit-elle  
douze ans entiers, menant tousiours vne sainte vie. Au bout  
de ce terme ayant trouué la commodité, elle se confessa, & fut  
instruite de ce qui luy auoit donné tant de peine.

Il y auoit douze ans ou enuiron, qu'un Chrestien estant

banny du Royaume de Chicugen, se retira vers Nangazaqui en vn village où il n'y auoit que soixante habitans, lesquels il entreprit de conuertir tous à la foy; & Dieu benit tellement son labeur, que les ayant instruits, ils quitterent tous les noms profanes, & en choisirent des Chrestiens. Cete année vn de nos Peres y alla, examina ce qui s'estoit passé pour leurs baptesmes, & trouuant que tout alloit bien, leur precha de la Confession & sainte Communion, & celebra la Messe, à laquelle ils n'auoient iamais assisté. Ils auoient neantmoins dressé vne belle croix en certain lieu, où ils s'assembloient pour prier Dieu, dire les Litanies, enseuelir leurs morts, & faire la discipline.

79

60. Villa-  
geois con-  
uertis.

Nostre maison de 'Sacay', laquelle seruoit aussi d'Eglise, estant fort estroite & incommode tant pour nous, que pour les Chrestiens qui s'y assembloient, ils nous en acheterent cete année vne autre toute proche, de sept cens escus: & firent plusieurs fois l'Oraison des quarante heures, sans oublier les disciplines, pour obtenir de Dieu la grace de se maintenir en la foy Catholique.

La residance d'Ozaca receuoit beaucoup de faueurs du Prince Fideyori, quoi que Payen, & de sa mere, qui firent cete année adjouster vne belle chapelle à nostre Eglise.

Vn habitant d'Ozaca ayant esté affligé du flux de sang, l'espace de vingt ans, sans que medecine aucune luy eût profité, & se trouuant en plus grande peine & danger que iamais, la veille du iour auquel escheut le decès de nostre fondateur saint Ignace, s'auisa de se recommander à ses prieres, le suppliant de luy obtenir la grace qu'il peust assister le iour suiuant à la sainte Messe. Il obtint ce qu'il auoit demandé, ouït deuotement la Messe, & durant icelle se trouua totalement sain & guery par la misericorde de Dieu, & intercessions du Saint.

80

S Ignace  
fait mira-  
cle.



*Chrestiens persecutez és villes d'Arima, Yendo, &  
autres quartiers du Japon.*

CHAPITRE XI.



APRÈS que ce pauvre artisan qu'il estoit en sa jeunesse, deuenu Gouverneur de Nangazaqui, & pretendant joindre à ses domaines celui d'Arima, s'auisa de r'allumer la colere du Prince Michel, contre les Chrestiens ses sujets; à ce qu'il les exterminast. Ce qui estoit bien difficile en vne si grande multitude de fideles. Car quasi tous les Arimois estoient Chrestiens, & de longue main. Deuisant donc vn iour avec ce prince, que l'Empereur luy auoit particulièrement recommandé, il lui ramentut comme le temps approchoit auquel il falloit aller en cour, saluer l'Empereur pour le nouuel an. I'ay grād peur, luy dit-il, que vostre Seigneurie ne soit accusée, comme trop lache au fait des Chrestiens. Il seroit à propos qu'elle fit quelque exploit signalé contre eux, tant pour intimider le gros des Chrestiens, comme pour gagner la bonne grace de sa Majesté Imperiale. Le Prince n'ayant osé contredire à son Regent, le bruit de ce conseil courut par tout. Les Arimois au lieu de craindre, ou s'enfuir, accoururent à la ville pour auoir part à la persecution; mais en si grand nombre que le Prince Michel, escriuit en diligēce à son gouuernant Sasioie, qui estoit retourné à Nangazaqui, qu'il y auoit tres-euident danger de quelque perilleuse sedition. Ce malicieux craignant que le mauuais conseil ne lui fût reproché par l'Empereur, s'il en arriuoit du trouble; respondit soudain au Prince qu'il falloit sursoir, & s'accommoder au temps.

81

Conseils  
de Sasioie.

82

Mariniers  
bons Chre-  
stiens.

Peu de iours apres le mesme Sasioie ayant rencontré dans vne fregate que le Prince luy auoit enuoiée pour le porter de Nangazaqui en la ville d'Arima, iusques à quarante rameurs Chrestiens, portans chacun leur chappelet au col, & cuidant que ce fût pour le brauer; il leur com-

manda de les jetter en mer. Mais vn lui répondit pour tous, IESVS-  
qu'ils perdroient plustost leurs vies, que ces marques de leur CHRIST  
croiance. Réponse qui arresta tout court la fureur de Sa- 1613.  
sioje, iusques à tant qu'il fût au port; où il fit tant que le Prin-  
ce commanda qu'apres son depart pour Surunga, le Capi-  
taine Thomas, les deux petits enfans, son frere Matthias, &  
sa mere Marthe, eussent la teste trenchée. Ce furent les pre-  
miers qui souffrirent pour la foy au Iapon, en cete persecu-  
tion. Car iusques alors l'Empereur, & eux qui suiuiroient son  
humeur, s'estoient contentés de bannir les Chrestiens, &  
confisquer leurs biens. S'ils en faisoient mourir quelques-  
vns, c'estoit secretement & par surprise, de peur d'estre ta-  
xés de trop grande rigueur, ou émouuoir quelque sedition  
populaire. Les susnommés souffrirent le martyre en la ville  
d'Arima le vingt-huictiesme iour de Ianuier l'an mille six  
cens treze.

83  
s. Martyrs  
en Arima.

LE Prince Michel estant arriué à Surunga, où l'Empe-  
reur tenoit sa Cour, fut conseillé par Sasioje de faire mourir  
ses deux freres François & Matthieu jeunes enfans, pour  
mieux asseurer son Roiaume. Ce qu'il fit sans aucun scrupule  
ny difficulté. Puis de mener avec soi au retour, vers  
Arima vn celebre Bonze, nommé Bauziü, qui par son elo-  
quence & saincteté de vie, comme il parloit, peut esteindre  
es cœurs des Chrestiens, la souuenance de leurs Prestres  
étrangers. Mais il fut bien frustré de ses esperances. Car les  
filles mesmes de la Princesse d'Arima, refuserent les faus cha-  
pелlets que le Bonze leur offroit; & les pages aussi; vn des-  
quels representa hardiment au Prince la faute qu'il com-  
mettoit, oubliant la foy qu'il auoit promise à Iesus-Christ  
en son baptisme.

84  
deux Freres  
massa-  
crés.

L'EGLISE que les Peres Deschaux de l'ordre sain& Fran-  
çois, auoient dans la ville Roiale d'Yendo, aiant esté aba-  
tuë, non en haine de la Religion, ains pour dresser & em-  
bellir la rue où elle estoit bastie, le Pere Louys Sotele, qui  
depuis vint en Europe, avec l'Ambassadeur d'un Prince Ja-  
ponois, en fit dresser hors de la ville vne autre, de laquelle  
les malins prirent occasion de plusieurs troubles. Le Xo-  
gun l'ayant sceu, en fit informer & retenir plusieurs prison-

85  
P. Louis  
Sotele  
Cordelier.



IESVS-  
CHRIST  
1613.

niers, tantés prisons publiques, qu'en leurs maisons particulières; & quelques pauvres ladres qui estoient Chrestiens, dans leurs cabanes, où tous souffrirent de tres-grandes incommodités.

86

Martyrs à  
Yendo.

Le seziefme iour d'Aoust passerent par l'épée, en la ville d'Yendo, Michel Safanda, Iean Monien, Louys Candu, Vincent Tenaye, Ioachim Fachiquam, Antoine Daicu, Leon, Thomas Quinbioje. Vn nommé Apollinaire mourut en prison. Là mesme furent couronnés du mesme genre de martyre Marc Quenzaimon, Antoine Fauzambure, Simon Ficozaimon, Thomas Quiyemon, Ioachim Quenzaimon, Iacques Faizo, Leon Sacunay, Iean Toxiro, Marc Cacosuque, Ioachim Quensuque, Michel Yaso, Matthias Xingoro, Damian Mosuque, & Didaque Xaxiro, le dix-septiesme iour d'Aoust.

Au mesme lieu Iean Mibocu, Gregoire Doxinx, Paul Mangobioye, & Gregoire Gofioye, triompherent des ennemis de la foy, en donnant leurs testes pour la deffence d'icelle le septiesme iour de Septembre an que dessus. Le quinziesme du mesme mois iour de Vendredi, Ioachim, Laurens, Thomas, Leon, Vincent, Luc, Iean & Antoine, eurent les testes trenchées, & les corps taillés en pieces, lesquelles furent neantmoins retirées & reseruées pour reliques.

87

Mari converti par la  
faimme.

Vne Dame Chrestienne nommée Marie de Firoxima, fit tât enuers son mari, nommé Simon, qui auoit apostaté de la foy, qu'il recognut sa faute, la confessa publiquement, fut mis en prison, & avec lui deux autres qui s'estoient reconnus à son exemple. Le P. Sorelle fut banni, & nos Religieux aussi, qui estoient cent dix-sept en tout, ménagerent tellement leur depart qu'il en demeura trente épars çà & là, qui alloient & venoient secretement par le Iapon, pour maintenir & auancer la religion Chrestienne au mieux qu'ils pouuoient.

Enuiron le mois d'Octobre, Sasioje feignit auoir receu lettres de la Cour, par lesquelles vn de ses confidens l'auertissoit que l'Empereur n'estoit pas content des diligences que le Prince Michel faisoit contre les Chrestiens d'Arima, & l'irrita tellement, qu'il resolut de faire bruler à petit feu

tous les Chrestiens qui refuseroiēt de renoncer à leur foi; Et de fait vn nommé Adrian, & sa femme Ieanne: Leon & sa femme Marthe, leurs deux enfans, Iacques & Magdelene; & vn autre Leon, avec son fils Paul, furent condamnés au feu. Le bruit de la sentence prononcée contre eux attira plus de deux mille personnes, qui demurerent trois iours entiers dans vn grand champ, sous le chasteau d'Arima. Ce qui étonna tellement le Bonze, qu'il quitta la ville, se jeta dans le chasteau, & son compagnon s'enfuit à Nangazaqui, pour donner auis à Sasioje de tout ce qui se passoit. Il estoit fort aisé à cete multitude, deliurer les condamnés, quand ils ne se fussent armés que de pierres & caillous; mais ils n'auoient garde d'yser de force; La loy Chrestienne leur lioit les mains. Ils desiroient seulement accompagner les condamnés à la mort; les encourager à bien mourir; bref les enseuelir, comme ils firent le septiesme iour d'Octobre de l'an mille six cens treze. L'histoire de leur martyre est tres-pa-  
 theriquement couchée dans les triomphes Chrestiens décrits par le P. Nicolas Trigaut, suiuant l'acte public que l'Eueque du Iapon en fit dresser. Je trouue aussi que Thomas gardien de l'Eglise d'Oriqui, bourgade du Roiaume d'Arima, eut la teste trencée le vingt-neufiéme Octobre, an susdit. Et Ioachim Xinden, & vn nommé Thomas, apres auoir demeuré pendus trois iours entiers, furent decapités à Facata, le trezieime iour de Mars, au mesme an.

IESVS-  
CHRIST  
1613.

88

Martyrs  
en Arima.

Liu. 2.  
chap. 15.



*La persecution recommence l'an mille six cens quatorze,  
bannit tous les Religieux de Meaco,  
Fuximi, Ozaca, & tourmen-  
te les Chrestiens à Meaco.*

CHAPITRE XII.



VSQUES à cete année, quoi que l'Empe-  
reur du Japon eust tonné & foudroïé diuers  
Edits contre les Chrestiens, il ne les auoit ne-  
antmoins faits executer qu'au Roiaume d'A-  
rima, & dans les deux villes Roiales de Su-  
runga, & Yendo. Les autres Roiaumes en  
auoient plutoſt ouï l'éclat, que ſentit le quarreau. Mais dès  
le commencement de cete année, le torrent de la perfecution  
inonda tout le Japon. Le principal motif fut vn crimi-  
nel, adoré, comme on diſoit, par les Chrestiens. Calomnie  
fondée ſur ce qu'au mois de Nouembre de l'an paſſé, vn  
Chrestien bourgeois de Nangazaqui fut crucifié à Meaco,  
pour auoir employé de la monoie qui n'eſtoit marquée au  
coin de l'Empereur. Quelques Chrestiens deplorans ſon  
mal-heur, l'accompagnerent au ſupplice, pour l'aider à bien  
mourir; ſur le poinct que le bourreau lui alloit percer le  
cœur d'un coup de lance, ils ſe jetterent tous à genoux, pour  
implorer la miſericorde de Dieu pour lui, en ce perilleux  
paſſage. Les Payens qui aſſiſtoient à l'execution, crurent  
que les Chrestiens adoroient le criminel: & Saſioje le fit  
ainſi entendre à l'Empereur, lequel ordonna que tous les  
Religieux Europeans; tous les Preſtres Iaponois, & au-  
tres officiers ſeruans aux Eglises des Chrestiens, fuſſent bā-  
nis, leurs maiſons & Eglises rafées, & les Chrestiens con-  
traints à quitter leur foy. A ces fins leurs noms ſeroient mis  
par roolle; & ceux qui reſuſeroient d'obeïr à l'Edit de l'Em-  
pereur, punis de mort.

89  
Calomnie  
contre les  
Chrestiens.

90  
Edit nou-  
veau de  
l'empereur.

SAFIOIE

SASIOIE qui faisoit semblant d'aimer nos Peres, & se trou-  
ua pour lors en cour, aduertit le Pere Gabriel Matos, Recteur  
de la residence de Meaco, du contenu en ce nouuel Edict, l'ex-  
hortant à y obeïr au plutost, & sans bruit. Le Pere Matos  
aiaut aussi-tost sçeu le fondement, que la teneur de l'Edict,  
enuoia vn de nos Freres Iaponois en cour, pour informer  
Sasioje de ce qui concernoit ce criminel crucifié à Meaco.  
Messager que ce faux amy tança d'estre allé en cour hors de  
saison, luy disant que tout estoit desesperé pour les Chrestiens.  
Cependant le Pere Matos preuoiant ce qui arriueroit, fit ca-  
cher quelques-vns de nos Religieux, afin qu'ils ne fussent  
couchez au roolle.

Les Ministres de la Iustice Payenne, commis pour dres-  
ser les roolles des Religieux & Chrestiens, n'en vouloient  
escrire que fort peu, & par contenance; mais pas vn des  
Chrestiens ne vouloit estre obmis. Chacun se presentoit pour  
donner son nom. Le premier roolle qu'ils dresserent à Mea-  
co en contenoit quatre mille. Dequoy etonné le Magistrat,  
commanda qu'on en refit vn autre, qui n'en portoit que dix-  
sept cens: Ce denombrement occupa les officiers trente  
iours entiers.

Nous auions à Meaco huit Prestres, sept Religieux qui  
ne l'estoient pas, & vingt Seminaristes ou pensionnaires. Le  
Magistrat neantmoins ne prit les noms que de trois Prestres,  
trois qui ne l'estoient point, & de six Seminaristes, tous les  
autres ayans esté renuoiez en leurs cachettes. Ce denombre-  
ment fait, les Pasteurs furent separez des brebis, afin que les  
loups les esgorgeassent plus librement. Car le quatorzieme  
iour de Feurier, le Gouverneur de Meaco fit faire commande-  
ment à nos Religieux de s'en aller par mer à Nangazaqui, où  
ils seroient liurez és mains du Preuost de la ville, & de leur  
Prouincial. Passant par Fuximi ils se joignirent aux Peres  
Deschaux, de l'Ordre de saint François, qui les attendoient  
là. A Ozaca ils trouuerent deux de nos Prestres, vn qui ne  
l'estoit pas, & trois Catechistes qui estoient enroollez, & en  
deuoient partir avec plusieurs autres. Sept vaisseaux tous  
chargez de bannis, demarèrent d'Ozaca, & dix-huict iours  
apres surgirent au port de Nangazaqui.

IESVS-  
CHRIST  
1614.

91  
Furteur  
des Chre-  
tiens.

92  
Bannis  
vers Nan-  
gazaqui.



IESVS-  
CHRIST  
1614.

93  
Sangami-  
dono Com-  
missaire.

94  
Courage  
des Chre-  
tiens.

95  
Sacs nou-  
veau sup-  
plice.

Cependant l'Empereur ayant veu le roolle des Chrestiens, que ses officiers auoient dressé à Meaco, & admiré le nombre, s'irrita grandement contre le Gouverneur du lieu, qui les auoit laissez tant multiplier; & ne luy voulut donner le pouuoir de les punir; ains y enuoia Sangamidono, lequel entra dans Meaco le vingt-sixiesme de Feurier, & dès le lendemain fit abbatre nostre maison, l'Eglise, & deux Chapelles, puis porter la charpenterie au bord de la riuere, & crier par les quarrefours à son de trompe, que tous les Chrestiens, qui ne renonceroient à leur foy, seroient bruslez. A ces fins que les obstinez en leur religion (ainsi parloit l'Edict) se fissent faire chacun vn poteau, pour y estre attachez, & rostis à petit feu. A quoy la plus part des fideles obeirent sans delay, & mirent leurs poteaux chacun deuant l'huis de sa maison. Mais Sangamidono se contenta de faire brusler les poteaux sans victimes, voiant bien que la mort n'etonnoit pas les Chrestiens. Depuis il commanda aux Capitaines des ruës, de biffer plusieurs noms des roolles, à leur discretion. Finalement voiant qu'il n'auançoit rien, pource que les Chrestiens redoubloient les signes de leur constance; il enuoia le troisieme iour de Mars vn Commissaire à la ruë qu'on nommoit des Chrestiens, pource qu'il n'y habitoit qu'un seul Payen, & en fit chasser tous les hommes, puis prenant les femmes & les enfans, en fit mettre dix-sept, chacun dans vn sac à ris, & lier si serrés qu'ils ne se pouuoient mouuoir, & ne monstroient que la teste pour se faire cognoistre. Estat auquel ils passerent toute la nuict, exposez au froid, & à la neige qui tomboit à grands flocons. Le lendemain, apres plusieurs reproches & outrages, ils tirerent les femmes des sacs, & y firent enfermer les maris, menaçant de leur faire mille affrons. Ils furent cinq iours entiers à les tenter & solliciter de quitter la foy. Mais en vain.

Depuis ils s'attaquerent derechef aux femmes, qui furent remises dans leurs sacs, & portées comme autant de botteaux de foin hors la ville, au lieu destiné aux supplices. Vn Bonze se trouua là pour les seduire, & apres auoir espuisé tout son scauoir, commença à rejeter leur folie, disoit-il, sur la foiblesse

de leur sexe. Il auoit plus de sujet de louer leur force & constance. Mais il eut beau dire. Car il perdit son temps, & les femmes triompherent de son industrie.

Sangamidono n'estant peu venir à bout de ses entreprises à Meaco, s'en alla à Ozaca, il y fit abbatre nostre Eglise, porter tout le bois dans vne petite Isle que la riuere fait vis à vis de la ville, où il fut reduit en cendres. Il fit aussi publier à son de trompe que le lendemain, il feroit mourir tous ceux qui refuseroient d'abjurer la foi Chrestienne. Trois cens combatans de nostre Seigneur se porterent au lieu du supplice, auant l'heure dite, pour y attendre constamment la mort. Les iuges s'y rendirent aussi, & en firent ensacher cinquante-huict, tât hommes que femmes, pour les exposer à la veüe & huée des Paiens. Ce qui fut executé soudain. Sur le tard, ils furent tirez des sacs, & renuoiéz en leurs maisons; sauf vingt-quatre des plus nobles, qui furent reserrez en diuerses prisons, attendant la sentence definitiue de l'Empereur.

96  
Ozaca sent  
la persecu-  
tion.

Pendant que Sangamidono pour contéter l'Empereur persecutoit si cruellement les Chrestiens, és Roiaumes de la Ten-  
ce, voisins de Meaco, voila des lettres de la cour, par lesquelles il est declaré criminel de leze-Majesté, atteint de perfidie, banni & confiné au Roiaume d'Omi, où il possedoit quelque reuenu. Les seruices qu'il auoit rendus à l'Empereur, furent ainsi recompensez.

97  
Commis-  
saire puny.

Le denombrement des Chrestiens fut fait vn mois & demy plus tard en la ville de Sacay, qu'és lieux circonuoisins, dautant que le Gouverneur attédoit vne nouuelle iussion de l'Empereur. Mais il recompensa bien ce delay par sa cruauté, que les Chrestiens souffrirent aussi courageusement qu'auoient fait les susnommez. I'en laisse les particularitez dans l'original, de peur d'estre trop long.

Sur le commencement du mois d'Auril, arriua à Meaco, l'Edict de l'Empereur, par lequel il bannissoit tous les Chrestiens qui autoiét persisté en leur religion, & les renuoiot à Tzugaru, qui est la derniere partie du Iapon vers le Nort, pour y defricher les deserts. Le vingt-troisieme du mesme mois, quarante & sept habitans de Meaco, & vingt & quatre d'Ozaca, assemblez deuant le Palais du Gouverneur de Meaco, reuestus

98  
Tzugaru  
lieu des  
bannis.



LES V S- de leurs habits des festes en signe d'allegresse, furent liurez à  
CHRIST bon nombre de soldats, pour les conduire au lieu de leur exil.

1614.

99

Femmes  
tres-ver-  
tueuses.

Il y eut iusques à dix filles que femmes, qui furent condam-  
nées & trainées au lieu infame, lequel elles sanctifierent par  
leurs prieres continuelles. Puis se tondirent toutes, pour te-  
moigner qu'elles renonçoient entierement au monde. Quel-  
ques-vnes s'egratignerent & ensanglanterent la face, pour  
faire horreur à ceux qui les regardoient. En fin les Chrestiens  
les rachetèrent, & logerent chez vn Neophite tres-vertueux  
personnage.

Iuste Vcundono, si souuent nommé cy-dessus en cete histoi-  
re, se tenoit cete année à Ganazana, ville du Royaume de Can-  
ga, d'où il fut chassé avec deux de nos Religieux, & toute sa fa-  
mille, au mois de Feurier, saison tres-rude és quartiers Septen-  
trionaux du Iapon, & n'ayant eu qu'un seul iour de terme pour  
se preparer à vn si long voiage, passa par Meaco, & en fin se ren-  
dit à Nangazaqui.

*Des Eglises de Firoxima, Bungo, Facata,  
Chicugen, Fingo.*

### CHAPITRE XIII.



100

Firoxima  
& ses su-  
jects.

A religion Chrestienne ne fleurissoit cete an-  
née, en pas vn endroit du Iapon, tant qu'à Fi-  
roxima. Si sentit-elle de la ruine commune.  
Il n'y demeura qu'un de nos Peres natif du Ia-  
pon: deux Europeans en furent chassez avec  
chacun son compagnon. Le simple peuple  
ayant oüi publier l'Edict de l'Empereur, apprehenda ses me-  
naces, & tint neantmoins bon. Vn Neophite cracha au nez d'un  
Idole. En peine dequoy il fut lié tout nud à vn pau l'espa-  
ce de trois iours, & trois nuits, puis delié comme victorieux.  
Plusieurs autres firent preuue de leur constance.

Vn idolatre aiant à la sollicitation de sa mere agonizante,

juré qu'il mourroit plutoſt qu'abandonner les Camis & Fo-  
toques: Deux de ſes niepces Chreſtiennes, chacune de  
douze ans, entreprindrent de le gagner à Dieu par leurs  
prieres. A ces fins dans l'eſpace de quinze iours, elles ſa-  
luerent ſeize cens fois la Vierge du ſalut Angelique, telle-  
ment qu'il ſe trouua tout à coup changé. Mais la guarifon  
d'un ſien nepueu, obtenuë par l'application d'une medaille  
benite, portant les faces des ſaincts Ignace, & François Xa-  
uier, donna le dernier coup à ſa conuerſion.

LES VS-  
CHRIST  
1614.

101  
Medaille  
de nos  
ſaincts.

LES Bungois ſont des plus anciens Chreſtiens du Iapon.  
Leur conſtance fut à bon eſcient eproouëe en cete perſecu-  
tion. Nos Religieux furent chaſſés de trois reſidences, de  
Tacata, Notcu & Xiuga: leurs Eglifes & maiſons ruinées.  
Les premiers Chreſtiens qui entrèrent en lice, furent ſept  
en nombre: deux hommes, leurs deux femmes, & trois de  
leurs enfans; leſquels aians ſouuent combatu pour la foy,  
& touſiours vaincu, furent en fin condamnés à eſtre trainés,  
vne groſſe lieue loin, tous nuds, iuſques à certain lieu deſti-  
né à leur mort. Vn d'entre eux nommé Benoïſt, non con-  
tent de ſouffrir cet ignominieux tourment, ſe disciplina  
tout au long du chemin. Arriués qu'ils furent au lieu deſti-  
né, on les enferma dans des ſacs, comme les autres de Mea-  
co. Benoïſt y ſouffrit tant, qu'il en mourut dans deux ou  
trois iours. Son corps neantmoins fut brulé au bord de la  
riuiere, & les cendres jettées en l'eau. Ses compagnons en  
ce combat furent bannis, & enuoiés à Nangazaqui, ville  
qui faiſoit gloire de recevoir ces champions.

102

Benoïſt  
martyr, &  
ſes compa-  
gnons.

Vn gentil-homme nommé Tite, aiant eſté ſollicité d'ab-  
jurer, & ce par le Prince de Bungo meſme, refuſa vaillam-  
ment, & ſortit victorieux des mains des perſecuteurs. Le  
lendemain le Prince enuoia vn Meſſager expreſ. pour lui  
mener Matthieu fils de Tite, jeune enfant de neuf ans ſeu-  
lement, eſperant de le debaucher. Mais ce fut en vain qu'il  
l'attaqua. Deux iours apres le meſme Meſſager aſſeura Ti-  
te, que le Prince auoit fait mourir Matthieu, & demandoit  
ſa fille Martine, âgée de quatorze ans, pour la faire égor-  
ger. Le Perel'enuoia vers le Prince, & quelques iours apres  
le meſme Agent ſit entendre que Martine eſtoit morte; &



**I E S V S - CHRIST** demanda le fils aîné de Tite, nommé Simon, qui ne passoit pas seize ans, pour lui oster la vie, comme aux autres deux. Au bout de quelque temps le Prince fut aduertir Ti-

1614.

103

Pere tenté  
par la mort  
de ses enfans.

te, que son Simon est depeché, & demande sa femme Marine, saufs'il veut quitter la Religion. La mere suiuit volontiers ses trois enfans. Le dernier Messager rapporta à Tite, que Marine auoit perdu la vie pour sauuer sa foy; & que si la perte des siens ne l'a rendu sage, le Prince le demande le dernier, pour l'enuoier apres eux. Tite est conduit au Chasteau: on lui redouble les menaces, les promesses, & les prieres. Il triomphe tellement du tout, que le Prince admirant sa constance lui fait rendre ses femme & ses enfans, sains & gaillards. Digne loier d'un si magnifique combat.

VN autre Chrestien de marque nommé Clement, aiant desia vaillamment soustenu l'effort de la persecution, avec ses deux enfans Michel & Lin, se refroidit cete année, & fit banqueroute à la foy, signant vne adjuration pour lui & ses deux enfans. Mais les enfans desauoüerent hardiment leur pere, en presence du Gouverneur, qui fit mettre en prison & le pere, & les deux enfans; & Maxence femme de Michel, avec leurs enfans, le plus âgé desquels ne passoit pas quatorze ans; mais chacun à part, pour les deceuoir plus aisement. N'ayant peu rien gagner sur eux, il fit dépouïller tous nuds, Lin, Maxence, & Pierre son fils aîné, & les enfermer chacun dans son sac à ryz. Apres les auoir ainsi tourmentés, on les remit en prison; & sept iours apres, qui fut le treziesme Iuillet, ils receurent sentence d'estre brulés tous vifs au mesme lieu où Benois auoit souffert. Maxence fut tirée de son sac, & trainée ignominieusement apres eux. Ces malins pretendoient l'induire à quitter la foy par l'horreur du supplice qu'elle verroit endurer à son mari. Ce qui pourtant ne l'étonna point. Michel & Lin furent brulés tous vifs; Maxence decapitée, & tous trois reduits en cendre, puis jettés dans la mer.

104

Clement &  
ses enfans.

LA ville de Facata au Roiaume de Chicujen, est diuisée en deux parties. L'une porte le nom propre de Facata.

ta; l'autre s'appelle Fucuosa. Le douzième iour de Mars y fut publié vn Edit, portant que tous les Chrestiens, eussent à se trouuer le lendemain, en vne place où se tenoit le marché au quartier de Fucuosa. Les Chrestiens sujets au Gouverneur de cete partie là, s'y trouuerent, iusques à cent, tous chefs de famille; lesquels par vn grand abandonnement qu'ils auoient merité, perdirent tous courage, sauf deux, nommés Thomas & Ioachim, lesquels monstrerent tant de constance, que le Iuge commanda qu'on les menât en certain lieu planté de pins, près la principale porte de la ville, où Ioachim fut pendu au plus haut de l'arbre, la teste en bas, de laquelle il touchoit quasi les deux pieds de Thomas, qui estoit pendu plus bas. Ils demurerent en cet estat trois iours entiers, sans prendre vne goutte d'eau. Puis tirés de là, furent couchés sur vn nouveau genre de Croix, où le Prince auoit menacé de les tuer d'vn coup de pistolet. Mais il ne l'executa pas, se contentant de leur faire trencher la teste. C'estoit asses pour leur oster la vie.

IESVS-  
CHRIST  
1614.

105  
Fucuosa  
partie de  
Facata

106  
Ioachim &  
Thomas

Vn vieillard qui auoit esté Bonze, & commandoit en la ville d'Aquizuqui, au Roiaume de Chicugen, fit publier de la part de l'Empereur, que tous les Chrestiens eussent à retourner au Gentilisme, & à cet effet prit leurs noms. Voiant neantmoins que rien ne branloit, il en appella vn pour lui faire son procès, & intimider les autres. Son nom estoit Matthias Xiquirobioye, & son courage tel, qu'il se fit faire vne robe toute neufue pour mourir en croix: il persista en la confession de la foy, nonobstant toutes les interrogations & menaces qu'on lui fit: endura qu'on le ruast violemment par terre, deuant la Chappelle de Faquiman, qui est le Mars des Iaponois: qu'on lui mît vne corde au col; bref qu'on lui trenchast la teste; laquelle tombée à terre, prononça par trois fois le sacré nom de IESVS, & la troisième fois plus haut & clairement que les deux autres, ainsi qu'attesterent plusieurs de ceux qui auoient assisté à sa mort, & furent iuridiquement ouïs par ordon-

107  
IESVS pro-  
noncé par  
vne teste.



An de 536

LIVRE XVII. DE L'HISTOIRE

LES V S- nance del'Euesque du Iapon. Son chef & son corps furent  
CHRIST portés à Nangazaqui, & inhumés dans nostre Eglise, qu'on  
1614. appelloit de tous les saints.

108

Adam Ara-  
caua vicil-  
lard.

P. Trigaud  
liu. 3. c. 16.

L'Isle de Xiqui, fait vne partie du Roiaume de Fingo, & appartenoit cete année à Ximandono; lequel aiant ouï l'éclat del'Edit del'Empereur contre les Chrestiens, écriuit courtoisement à nos Peres, qu'ils se retirassent au plustost: où il leur plairoit. Le P. Gracese & son compagnon qui s'y rencontrerent, vuiderent promptement la maison, laissant en leur place vn bon vieillard sexagenaire nommé Adam Aracaua, homme bien instruit, qui fut fait prisonnier la semaine de la Passion, comme il assistoit de son pouuoir les Chrestiens; il fut diuersement menacé, sondé, flaté & en fin decolé le cinquiesme iour de Iuin. Son combat est vn des plus long & plus signalés, voire miraculeux, qui soient arri-ués au Iapon. Vous le trouuerés chez le P. Trigaud en son histoire.

---

*Des Eglises d'Arima, Nangazaqui & ses dependan-  
ces, & comme les Chrestiens furent en fin con-  
traines à sortir du Iapon.*

CHAPITRE XIV.



ICHEL Prince d'Arima, recognoissant que les Chrestiens qu'il auoit condamnés au feu, en Octobre dernier passé, l'auoient tellement souffert, que les flammes s'estoient étenduës par tous les coins de son Roiaume, & n'y auoit Neophite qui ne desirât mourir pour la foy Chrestienne; commença à douter de l'affection del'Empereur en son endroit; & se laissant gagner au peruers conseil de Sasioje, supplia l'Empereur de lui changer sa Prouince. Il esperoit que l'Empereur l'apointeroit mieux, voire

voire l'approcheroit de la cour, en faueur de sa seconde femme, ou plustost concubine, qui estoit petite fille de sa Majesté Imperiale. Mais il fut trompé. Attendant response à sa proposition, & craignant d'estre taxé de lacheté, en ce qui concernoit la persecution des Chrestiens, il resolut de faire pourmener leurs femmes & filles toutes nuës par les ruës. Les Chefs des Confreries, au nom de tous les Chrestiens, le prièrent instamment de se contenter des supplices vsitez & ordinaires, de peur que ces affronts inouïs ne tournassent la patience des Chrestiens en fureur. Cete remonstrance retint l'impetuosité du Prince. Il punit neantmoins la Noblesse sans coup ferir, declarant qu'il retrencheroit les pensions ordinaires à tous ceux qui ne renonceroient à la foy Catholique. Par ce moien cinquante des plus Nobles familles d'Arima, furent reduites à vne extreme disette. Ce que voians les autres Chrestiens, se preparerent aux futurs combats, inuiterent secretement vn de nos Peres de Nangazaqui, lequel en ouït huit cens en Confession.

109  
Supplice de  
nudité.

Safoje estant arriué en la ville d'Arima, fit appeller les douze Chefs des Confreries, les menaça, les coniuira, leur proposa les bannissemens, les confiscations de tous leurs biens, l'esclauage de leurs femmes & filles. Mais il n'en etonna, ny ébrâla pas vn. Depuis il attaqua les habitans de Cuquinotzu, en fit aller cinq des principaux en la ville d'Arima, les combattit comme les autres, & ne gagna rien par tout; sauf cōtre le Prince d'Arima qu'il dépouilla de son Estat; & par autorité de l'Empereur, le transporta à Fiunga. Le malheureux fortune Prince perdit sur le chemin tous ses meubles, en punition de ce qu'il auoit dépouillé tant de bons Chrestiens des leurs; & se trouua banni aussi dangereusement, mais non si iniustement qu'eux. Car son apostasie meritoit bien d'estre plus rigoureusement punie.

110  
Prince d'A-  
rima trans-  
porté.

Les Bonzes de Fundoyama, qui est en la Prouince d'Omu-  
ra, se seruans du temps, & de l'inclination de l'Empereur, se mi-  
rent en deuoir d'inciter leur Prince à persecuter les Chre-  
stiens. Mais il n'en voulut rien faire. Ce seroit depeupler  
mes terres, & vexer à tort mes sujets qui sont fideles & bien  
paisibles, disoit-il. L'Eglise de Fucatori village sis sur l'em-



An de 538

LIVRE XVII. DE L'HISTOIRE

LES VSBoucheure du port de Nangazaqui fut abbatuë. Les ha-  
CHRISTbitans neantmoins tindrent bon, & deux freres Chre-  
1614.stiens Cosme & Louïs, receurent le prix de leur constan-

III

Fucafori  
& ses mar-  
tyrs.

ce, le premier ayant la teste trenchée, l'autre estant enuoïé  
en exil, le vingtneufiesme 'de May mil six cens quatorze.

III2

Euesque du  
Iapon  
meurt.

LE premier flot qui donna cete année contre Nanga-  
zaqui, emporta le pilote, l'entens Monseigneur Louïs Cer-  
queira Euesque du Iapon, qui mourut le seiziesme iour de  
Feurier, apres vne maladie de trois mois; causée à ce qu'on  
renoit, par les trauerfes continuelles qu'il souffroit à rai-  
son des persecutions de sa chere espouse. Le sieur Dida-  
que Valens luy succeda, comme nous verrons en son lieu;  
Mais en attendant que le sainct Pere y eut pourueu, le  
Clergé du Iapon, esleut pour Vicaire General au siege va-  
quant, le Pere Valentin Carauajal, pour lors Prouincial de  
nostre Compagnie au Iapon; sans sçauoir ce que le Pape en  
auoit desia ordonné à Rome. C'estoit que toutes & quan-  
tes fois que l'Euesque du Iapon viendroït à mourir. Celuy  
qui seroit pour lors Superieur de nostre Compagnie au Ia-  
pon, exerçast sa charge sans autre election, ny prouision de  
Rome.

III3

P. Iacques  
Mesquita  
en cour.

Le Pere Carauajal preuoiant l'orage qui s'en alloit fon-  
dre sur l'Eglise du Iapon, enuoia le Pere Iacques Mesquita  
en cour, pour le detourner s'il estoit possible. Mais Sasioje  
qui le deuoit introduire comme Gouverneur de Nangaza-  
qui, ne voulut permettre qu'il parlast à l'Empereur, disant  
que sa Majesté estoit resoluë de chasser tous les gens d'E-  
glise du Iapon, & en bannir les Chrestiens. Voiant donc  
que tous moiens humains manquoient, le Vicaire General  
eut recours aux diuins. Il ordonna qu'on fit au mois de May  
deux celebres processions generales. Plus de mille Iaponois  
se disciplinerent les suiuant. Plusieurs imiterent de leur plein  
gré les supplices nouveaux, que la barbarie auoit excogité  
contre les Chrestiens, se reuestans de sacs à ris, & marchans  
les bras tendus comme s'ils eussent esté attachez en croix. Il y  
en eut plusieurs qui portoient de gros cailloux en main, &  
s'en battoient la poitrine.

III4

Processions  
generales.

Spectacle qui espouuenta tellement les domestiques de Sa-

fioje, Gouverneur de Nangazaqui, qui pour lors estoit en cour, qu'ils luy escriuirent que les Chrestiens s'estoient assemblez pour resister à l'Empereur. Si ces lettres fussent tombées en ses mains, comme il cognoissoit l'Estat des affaires, il se fût bien douté de la verité du fait, & n'eût iamais creu que les Chrestiens se voulussent reuolter contre l'Empereur: Mais le Messager ne l'ayant rencontré sur le chemin, ny trouué en cour, donna les lettres à sa sœur, laquelle allarma tellement l'Empereur, qu'il ordonna que Surungadono Gouverneur de Fuximi se transportast promptement à Nangazaqui, avec ses troupes, d'ordonnance, pour assister Sasioje, & faire executer l'Edict du bannissement des Chrestiens hors du Iapon. Sasioje y arriua le vingt-troiesime de Iuin, & ayant veu à l'œil l'Estat de ville, & appris ce qui s'estoit passé en son absence, trouua que les Chrestiens auoient esté plustost cruels enuers leurs propres personnes, par leur grande ferueur, que brassé chose aucune cōtre le repos public. Neantmoins deux iours apres son arriuée, il fit dire au P. Prouincial de nostre Compagnie, & aux autres Supérieurs des familles religieuses, que chacun tint des vaisseaux prests pour partir & se retirer hors du Iapon.

IESVS-  
CHRIST  
1614.

115

Empereur  
mal informé.

Surungadono arriuant à Nangazaqui avec ses troupes, & n'y trouuant sedition ni trouble aucun, escriuit soudain à l'Empereur, la verité du fait. Mais Sasioje pour maintenir le credit de sa sœur en cour, chercha quelque nouveau sujet pour chastier les Chrestiens, & trouua deux articles qu'ils auoient iuré & signé de leur sang. Le premier estoit de n'obeir à l'Empereur en ce qui preiudicieroit à leur foy. Le second de ne permettre que certains Religieux fussent chassez du Iapon. De ces deux chefs Sasioje prit occasion de persuader à Surungadono, que la crainte de ses gens n'auoit pas esté vne terreur panique. Ils escriuirent donc tous deux à l'Empereur, qu'ils auoient commencé à descourir la conspiration des Chrestiens. Ce qui mit l'Empereur en la plus grande colere qu'on l'eust iamais veu; tellement qu'il luy eschappa de dire, qu'il falloit raser la ville de Nangazaqui, & exterminer tous les Chrestiens du Iapon.

116

Articles iurez par les  
Chrestiens.

Sasioje & Surungadono pour faire paroistre l'affaire plus d'age-reuse, leuerēt de nouvelles troupes, aduertirēt le Tono ou Roi



An de 540

LIVRE XVII. DE L'HISTOIRE

IESVS- de Saxuma, & les Seigneurs circonuoifins, de se tenir prefts,  
CHRIST pour reprimer la reuolte des habitans de Nangazaqui. L'ora-  
1614. ge estoit si noir & furieux, qu'il ne paroiffoit aucun aſtre benin  
pour les Chreſtiens, quand voila la nef du commerce des Por-  
tugais, qui entre au port de Nangazaqui. Le Gouverneur du

117

Portugais  
à Nanga-  
zaqui.

vaifſeau, offre tout ce qu'il auoit & pouuoit pour le bien de la  
religion Chreſtienne : veut aller en perſonne trouuer l'Em-  
pereur. Saſioje l'en degouſte. Neantmoins le Secretaire de la  
nef, qui estoit auſſi Procureur en ce voiage pour la ville de  
Macao, entreprend le voiage bien accompagné de gens &  
chargé de preſens : Void l'Empereur, mais n'obtient rien pour  
les Religieux, pour les Preſtres, ny pour les Chreſtiens. Qui  
fut cauſe que chacun eut recours à Dieu, & à implorer ſon aide  
plus ardemment que iamais.

118

P. Meſqui-  
ta meurt.

Le vingt-cinquieſme d'Octobre, Saſioje fit commandemēt  
que dans deux iours tous les bannis s'embarquaſſent. Il n'y  
auoit au port de Nangazaqui que trois vaiſſeaux Chinois, de  
ceux qu'ils appellent jones, & fort mal calſeutrez, dans les-  
quels tous les bannis entrerent le vingt ſeptieſme d'Octobre,  
apres auoir oüi la ſaincte Meſſe. La plus part portez à Tu-  
conde, ſe logerent dans les cabanes des pecheurs, tandis qu'o  
refaiſoit leurs vaiſſeaux. Là mourût le Pere Iacques Meſquita  
Portugais, qui trente ans auparauant auoit conduit les quatre  
Ambaſſadeurs Iaponois à Rome, pour baiſer les pieds au S.  
Pere Gregoire treizieſme du nom, ainſi que nous auons dit  
en ſon lieu.

A peine les Paſteurs des Iaponoises furent portez hors la  
ueü de Nangazaqui, que les loups ſe ruèrent furieufement ſur  
le becaïl, ruinerent toutes les Eglifeſ, & jetterent au feu tout  
ce qu'il pouuoit conſumer. Les Hiſtorienſ qui ont eſcrit ſur le  
lieu, remarquēt que le meſme iour que tant de vertueuſes ames  
partirent du Japon, la paix, de laquelle les Iſles auoient ioui  
plus de quinze ans, ſous le regne de cēt Empereur, fut rom-  
puē par les guerres ciuiles qui s'eſleuerent, comme nous tou-  
cherons tantotſt : & tout le Japon fut diuiſé en deux factions,  
pour faire voir à l'œil que l'Empereur qui faiſoit la guerre à  
Dieu, perſecutant les fideles ſeruiteurs, en attiroit vne bien  
plus pernicioſe ſur ſon Eſtat.

LES trois iours susdits estans refaits , huit de nos Prestres , quinze qui ne l'estoient pas , autant de jeunes Clercs Iaponois , entrèrent dans l'un , avec le Sieur Iuste Vcundono , sa famille , & quelques nobles matrones , dressans leurs voiles vers les Isles Philippines. Dans les autres deux vaisseaux , monterent soixante Religieux de nostre Compagnie , & plus de cinquante nourrissons , qui tirèrent vers Macao , & s'y rendirent dans peu de iours , à la faueur du vent qui leur fut fort propice. Les autres combattirent vn mois entier contre les orages & tempestes , auant qu'arriuer à Manille. Le P. Antoine Critana mourut durant cete nauigation , & fut enseveli au bord de la mer. Le retardement que causerent ses obseques , fut cause qu'on sçeut à Manille que cete troupe de confesseurs aprochoit du port , & nommément le Sieur Iuste Vcundono , que le Gouverneur des Philippines, Jean de Sylues , receut & traita fort charitablement & magnifiquement ; mais non pas long-temps. Car bien-tost apres son arriuée à Manille , il fut saisi d'une fièvre continuë , qui l'emporta dans quarante iours. Ce fut vn peu apres la mi-nuit qui commença le cinquiesme iour de Feurier l'an mille six cens quinze.

LES VS-  
CHRIST  
1614

159

Les Reli-  
gieux hors  
du Iapon.

120

P. Antoine  
Critana  
meurt.

121

Iuste Vcon-  
dono  
meurt.

*Nouvelle & tres-cruelle persecution , redoublée contre  
les Chrestiens Cuquinotzu en Arima.*

CHAPITRE XV.



LE P. Valentin Carauajal Protinicial de nostre Compagnie és Isles & Roiaumes du Iapon , estât forcé à quitter la place , pour estre trop cogneu , & banni nommément , substitua le P. Hierosme Rodriguez pour gouverneur en son absence , ceux qui restoient cachés au

122

Vice-pro-  
prouincial  
au Iapon.

Iapon en titre de Vice prouincial : & l'Eglise du Iapon , côme Vicaire general , le siege Episcopal vacant. Voulut aussi que le P. Charles Spinola fût son second en l'une & l'autre char-



IESVS-ge, particulièrement es quartiers de Ximo, où il s'équit tres.  
CHRIST loigneusement de ceux qui auoient assisté aux combats des  
1614. martyrs, & en dressa de fort authétiques écritures desquel-  
les nous tirerons la cōtinuatiō de cete histoire en cet endroit.

123  
Cuquinot-  
zu persecu-  
té.

SAFIOIE aiant par ses malicieux artifices depossédé le Prince d'Arima, vouloit persuader au monde qu'il prenoit à regret la charge de ses terres; & ne pretendoit estre que Lieutenant, iusques à tant que l'Empereur eût nommé vn autre Prince. Ce qui arriua, quoi que contre son gré. Il ne cessa pourtant de persecuter les Chrestiens, commençant par la ville Cuquinotzu, où il mena de grosses troupes, & fit intimier aux Otones (ainsi nōment-ils les chefs de la populace) qu'il leur feroit couper les doigts des mains & des pieds, les vns apres les autres, & les nerfs des jarrets de telle sorte qu'ils ne se pourroient soutenir sans l'aide d'autrui. On leur imprimeroit sur le front des fers tous ardens de feu, on confiscueroit leurs biens, on rendroit leurs femmes esclaués, on meneroit leurs filles toutes nuës par les ruës de la ville & choses semblables.

Les chefs du peuple firent réponse qu'ils se deffendroient, non les armes en main, comme la coutume leur permettoit, ains par patience. Que tout le peuple estoit mesme resolution. Ce que Safioje ne creut pas, ains renuoia le mesme gentil-homme, qui leur auoit signifié sa volonté, pour en faire vne assemblée generale, de peur que quelqu'un ne s'excusât depuis, pour n'auoir entendu son intention. Mais tous dirent d'une voix, qu'ils n'auoient arresté de iamais n'abandonner la foy de Iesus-Christ.

124  
President  
des suppli-  
ces.

SUR ces entrefaites courut le bruit que la ville d'Ozaca, où se tenoit Fideyori fils du feu Tayco, s'estoit reuoltée contre l'Empereur. Ce qui donna de la peine à Safioje, Surungadono, & Gozaïmondono, troisieme Capitaine qui s'estoit joint à eux. Ils resolurent neantmoins de poursuivre leur pointe, mais prenant chacun son quartier pour depecher plus de besogne. Gozaïmōdono fut par eux establi Presidēt des supplices, & s'en alla cōmencer par les Chrestiens d'Arima, qui comparurent le vingtiesme Nouembre mille six cens quatorze, en nombre de deux cens, sur la place où auoit esté le

College de nostre Compagnie, & semirent à chanter diuers hymnes & pseumes, attendans la mort.

IESVS-CHRIST

1614.

Orestoiēt-ils entourés de barrieres, ceintes de plus de mil le soldats, armés de toutes pieces. Spectacle qui fit chāceller quelques Chrestiens. On voioit aussi aude dans des barrieres iusques à vingt bourreaux, armés de cordes, & autres instrumēs de iustice, qui n'atendoiēt que le signe du Presidēt, pour tourmenter ou égorger ces patiēres brebis. On auoit mis sur l'entrée des barrieres vn Huissier, qui pressoit tous les Chrestiens qui se presētoiēt pour y entrer, de quitter la foy; & sur le refus qu'ils en faisoiēt, les introduisoit, & liuroit es mains de ces bourreaux, lesquels du premier abord leur arrachoiēt les cheueux, & les oreilles avec des ongles ou pincettes de fer, puis les ruoiēt par terre, & les fouloiēt à coups de pieds, de poings, de bâtons, si cruellement que quelques-uns gisoïēt à demi-morts. Ie me contente de cet échantillon. Qui voudra voir l'entiere & admirable piece du Martyre de ces vaillans Arimois, avec leurs noms & qualités, lise les triomphes Chrestiens des martyrs du Iapon, écrits par le susdit P. Nicolas Trigaud. Car je ne fais qu'esfleurer ce qu'il a couché au long, pour mieux suivre mon Histoire.

129

Supplices nouveaux.

Liv. 4. ch. 3. & suiv.

SAFIOIE pensant que les habitans de Cuquinotzu, seroient intimidés par les supplices qu'auroient souffert les Arimois, retourna vers eux. Les bruits de la guerre qui croissoient de iour en iour, lui faisoient croire que le temps seroit trop court pour ses desseins. Il n'eût pas mis pied à terre (car il y alla par mer) que soixante & dix Chrestiens se presenterent au champ de bataille, qui fut la place, où auoit esté nagueres l'Eglise & la maison de nos Peres, & firent paroître le desir qu'ils auoient de souffrir pour la foy, portant en main des cordes pour estre liés, si paraenture les bourreaux n'en auoient prouision. Courage qui fit rougir de honte, & creuer de de-pit leurs ennemis. Estans donc arriués au susdit lieu, ils furent soudain inuestis par trois Regimens que Safioje auoit mené, là ils furent hués, siflés, suivant l'insolence du soldat, puis batus à coups de poings, de pieds, de bastons, si cruellemēt qu'ils rendoient le sang par le nés, par les oreilles

126

Cuquinotzu persecutés.



An de 544

LIVRE XVII. DE L'HISTOIRE

IESVS-  
CHRIST  
1614.

par les yeux. Les autres tourmens avec les noms & belles particuliers de dix-huit d'un costé, & quatre martyrs actions de l'autre, demeurent dans l'original.

127

Ximabara  
& ses martyrs.

Pendant que Sasioje faisoit rage contre les Chrestiens d'Arima, les troupes leuées à Saxuma, coururent vers Ximabara, & lieux circonuoisins. Mais comme les Saxumains tiennent à des honneur de combattre contre vn ennemi desarmé; ils intimidèrent bien les Chrestiens, & prindrent les noms de quelques vns par maniere d'acquit; mais ils n'exercerent aucun acte de seuerité qu'enuers deux, qui se presenterent de leur plein gré. L'un fut mis en prison: l'autre à la question. Le premier s'appelloit Paul Vbiquori, natif de Ximabara: l'autre Adrian Quindo.

COMME ces troupes tourmentoient les Chrestiens, elles furent appellées pour mettre le siege deuant la ville d'Ozaca Sasioje fit bien vn voiage vers Nangazaqui, & donna pour prisons à quelques Chrestiens, leurs propres maisons. Mais apres son depart, les Chrestiens respirerent vn peu de tant de craintes & angoisses. Trauallierent neantmoins à ramasser les reliques des Martyrs, pour exciter les fideles à souffrir pour l'amour de Dieu, lors que le cas le requeroit.

128

Architecte  
constant.

VN de nos Peres escriuit, que certain Architecte fort excellent en son art, nommé Paul Yasodayu, natif de Firoxima âgé de cinquante ans, apres auoir soustenu plusieurs & diuers combats à Cumamote, ville du Roiaume de Fingo, donna sa teste pour Iesus-Christ en Ianuier mille six cens quinze: & que l'Empereur estant sur son parterment de Surunga, pour la guerre d'Ozaca, auoit commandé qu'on coupast les doigts des mains & des pieds à cinq Chrestiens, & qu'on leur imprimât le signe de la croix au front avec vn fer ardent. L'absence des nostres chassés du Japon, est cause que nous ne sçauons pas leurs noms, ny plusieurs autres merueilles qui se passerent en ces quartiers là.

*Guerres ciuiles entre l'Empereur & le Prince Fideyori:  
double siege, & totale ruine de la ville d'Ozaca,  
& fin dudit Empereur.*

## CHAPITRE XVI.



LE Tayco souuerain Seigneur du Iapon, mourut l'an mil cinq cens quatre-vingts dix-huict, laissa son fils & heritier Fideyori, sous la foy & tutelle du Roy de Quãto, qui depuis prit le nom de Dayfusama, & s'empara de ce qu'il deuoit conseruer à son pupille. L'an mil six cens il se fit appeller Xogun, laissant le Prince Fideyori, en la meilleure place du Iapon, avec vn reuenu assez moderé, mais tres-riche des thresors de son feu pere. L'an mil six cens quatorze, se voiant sur le bord de sa fosse, & desirant asseurer l'Empire aux siens, sans auoir égard aux droits du Prince Fideyori, il luy voulut changer la ville & Prouince d'Ozaca en quelqu'autre. Ne trouuant à propos de le faire par force ouuerte, il se voulut seruir d'une occasiõ que le Prince luy presenta sans y penser. Car aiant fait reparer le grand Daybut, ainsi que nous auons touché cy-dessus, il s'estoit resolu d'en celebrer la dedicace sur la fin de Septembre. Trois mille Bonzes y estoiẽt accourus. Fideyori estoit sur le point de se transporter à Meaco. L'Empereur s'acheminait cependant vers Ozaca. De quoi Fideyori aiant eu le vent, changea d'auis, & remit la dedicace à quelqu'autre saison. Ce coup failly, l'Empereur enuoia querir Iquinocami gouverneur de la ville d'Ozaca, se plaignit de ce que le Prince Fideyori, auoit fait grauer en vne admirablement grãde cloche, fonduë pour son tẽple de Meaco, certains caractères, qui ne pouuoient estreus sans interesser son hõneur. C'estoit pour l'etõner & l'obliger à soy. Ce qu'il estima auoir si dextrement fait, qu'il luy decouurit l'ẽtreprise qu'il auoit sur Ozaca, pour l'asseurer à son heritier, & luy promit monts & merueilles en cas qu'il en vint à bout par son moien. Iquinocami luy aiant donné parole, fit

Liu. 12.  
nomb. 35.

192

Dedicace  
du Daybut.



IESVS-  
CHRIST  
1615.

130  
Trop par-  
ler nuit.

courir le bruit, que l'Empereur n'estoit indigné contre le Prince, qu'à l'occasion de ces caracteres; & redit cela si souvent, que les plus clair-voians l'eurent pour suspect, si bien que s'il ne se fut retiré à bonne heure, il y alloit de sa vie. Sa fuite jointe à divers autres indices qu'on avoit de sa deloiauté, decouvrit tout à plein l'affaire. Le Prince se prepara donc à la guerre; & Iquinocami tenant sa perfide parole, avertit l'Empereur de se haster, pource que la place d'Ozaca estoit mal-munie. Si ne l'assiegea-il qu'en Decembre, & lors qu'elle estoit jà pourueüe de tout. L'armée de l'Empereur estoit composée de deux cens mille combatans, trente mille desquels furent tués au siege. Les craintes, apprehensions & desiances, qui croissoient tous les iours de part & d'autre, firent en bref tomber les parties d'accord. L'Empereur leva le siege, & jura la paix en Januier mille six cens quinze. Mais elle ne fut pas de longue durée. A grande peine les troupes estoient congédiées, qu'on les rapella. On faisoit chaque armée de deux cens mille combatans.

131  
Ruse de  
l'Empe-  
reur,

Fideyori ne pouuant loger la sienne dans les murailles d'Ozaca; & ne trouuant à propos d'y attendre vn second siege, d'autant que de trois fossés qui entouroient la Citadelle, il en avoit fait combler deux, par les articles de la paix, il fit camper ses gens aux champs, vis à vis des forces de son ennemi, qui faisoit contenance de vouloir recommencer le siege. Mais avant tout il fit mettre en cendre le port & la ville de Sacay, à ce qu'elle ne servît plus de logement aux forces de l'Empereur. Mais elle lui fera bien-tost besoin pour sa propre retraite. Ez deux premieres escarmouches Fideyori eut du meilleur. Tandis que les armées choquoient pour la troisieme fois, l'Empereur voiant à l'œil que tout bastoit mal pour luy, & que le droit du Prince sembloit emporter la victoire, advertit les gardes de son corps de le tuer lors que tout seroit perdu, de peur qu'il ne tombast vif es mains de ses ennemis. Mais la chance tourna bien-tost à son avantage. Car Sanandono Lieutenant general en l'armée de Fideyori, cuidant tenir la victoire par le poin, depecha vn Gentil-homme pour advertir le Prince de la venir recevoir en personne. Il eust plus prudemment fait de la luy mener apres l'avoir gagnée. La cupidité d'honneur

132  
Son desef-  
poir,

porta trop legerement le Prince à suiure le conseil de son Lieu-  
tenant. Car les Imperialistes voians qu'une partie de l'armée  
du Prince s'acheminoit vers la citadelle, & ne sçachant pour-  
quoy, reprindrent courage, & retournerent plus viuement à la  
charge. A peine le Prince eut mis le pied hors de sa citadelle,  
que les plus anciens seruiteurs ja gagnet par les promesses de  
l'Empereur y mirent le feu.

133  
Trahison  
infinie.

Cet accident si inopiné redoubla le courage aux Imperia-  
listes, & l'abbatit du tout aux gens du Prince, lequel rebroussa  
quand & quand chemin vers la citadelle, pour sauuer du feu sa  
mere, sa femme & ses thresors. Estrange reuers de fortune à ce  
miserable Prince, pour parler avec le monde. Avant cete der-  
niere guerre, il auoit fait mettre le feu à tous les forts, villes &  
villages à dix lieues à la ronde d'Ozaca. Ce que faisant il re-  
duisit en cendre plus de mille temples des Camis & Fotoques,  
& autant de maisons des Bonzes. Les Payens mesmes tirerent  
de cét embrasement occasion de dire, que le Dieu des Chre-  
stiens s'estoit bien vengé des Camis & Fotoques, pource que  
pour quelque vingtaine d'Eglises ou Chappelles, que l'Empe-  
reur, ou les siens, auoient osté aux Chrestiens, les Bôzes auoient  
perdu plus de mille temples, & autant de magnifiques logis.

134  
Fotoques  
moqués.

On tenoit constamment qu'il y auoit plus de cent mille  
personnes tuées d'une part & d'autre. Neantmoins de Chre-  
stiens qui portoient les armes pour le Prince en assés bon  
nombre, il n'y mourut homme de marque. Deux de nos Pe-  
res qui se trouuerent dans Ozaca, y coururent fortune de leur  
vie. L'un vid son compagnon tué deuant ses yeux, & fut  
dépouillé tout nud, & en sortit la vie sauue, pource qu'il  
estoit vieil & estranger. Il écriuit depuis auoir fait deux bon-  
nes lieues de chemin, foulant aux pieds les morts, & par fois  
ceux qui respiroient encore.

L'autre se sauua fuyant d'un logis en autre, iusques à  
tant que le feu le contraignit de se jeter dans vn marais,  
couuert de roseaux, où il ouït les confessions de plusieurs  
Chrestiens, qui s'y estoient retirés; & baptiza vn idolatre à  
qui le danger fit penser à son salut. Il passa là toute la nuit, & le  
lendemain tombant es mains des victorieux, fut dépouillé  
iusques à la chemise, qu'ils lui laissoient, parce qu'elle estoit



IESVS - fort vſée, & vn peu dechirée.

CHRIST

1615.

135  
Fideyori  
perdu.

Le bruit courut que le Prince estoit demeuré sur la place: mais on ſçeut bien-toſt apres qu'il s'eſtoit retiré avec ſa mere & ſa femme vers Foccocu, chez vn grand Seigneur qui tenoit ſon parti; & auoit jà pres de ſoi plus de trente Seigneurs preſts à reprendre les armes. Les principaux estoient les Rois de Saxuma, Figen, Bugen, Quicugen, & le Date, qui estoit le plus puissant du Iapon, apres l'Empereur. Ce ſont les dernieres nouuelles qu'on ouït du Prince Fideyori depuis la deroute de ſon armée, & perte d'Ozaca.

136  
Sacay re-  
muſc.

Quant à l'Empereur, il s'en retourna triomphant en ſa cour de Surunga, attribuant la victoire qu'il venoit de gagner au ſeruiſe qu'il croioit auoir rendu à ſes Camis & Fotoques, bannissant les Religieux Europeans du Iapon, & à la perſecution qu'il auoit meu contre les Chreſtiens. La premiere commiſſiō qu'il donna depuis ſon triomphe, fut à Saſioje, auquel il commanda de faire promptement rebastir la ville de Sacay; & ruiner tout à fait la citadelle d'Ozaca, avec ſes dependances. Ce fut en Iuillet mil ſix cens quinze que cete commiſſion fut expediee.

137  
Mort de  
l'Empe-  
reur.

A v mois de Mars mil ſix cēs ſeize, comme il estoit à Surunga, ioüiſſant pleinement des fruiçts de ſa victoire, le mal dont il mourut le prit. Auffi n'estoit-il né que pour mourir, & ne fit durant ſa vie choſe qui nous oblige à parler plus auât de ſa mort. Son fils auquel il auoit donné le nom de Xogun, luy ſucceda en l'Empire; & dès le commencement ſe montra tres-aliené de la foi Chreſtienne. Voicy vn trait qui ſeruira de preuue. Son pere, peu de iours auant que mourir, auoit receu vn riche preſent que les Peres du ſacré Ordre S. François lui auoient porté de la nouuelle Eſpagne, de la part de ſa Maieſté Catholique, pour l'appaiſer, ou au moins obtenir qu'il moderast vn peu de ſa haine contre la foy Catholique. Depuis que le pere fut decedé, les meſmes Religieux furent à Yendo pour preſenter vn autre don au Xogun. Mais il ne voulut accepter, ains commanda de ſortir au plutoſt de ſa cour, & dans vn fort court delay, de tout le Iapon. A quoy ils furent forcez d'obeïr. Triste aurore de ſon gouuernement. O les horribles tempeſtes qu'elle nous prognostique!

*Estat del'Eglise Catholique, & de la Compagnie de  
IESVS au Iapon, pour les années mill e six  
cens quinze, & mille six cens seize.*

## CHAPITRE XVII.



EX vx qui nous ont fait part del'histoire du Iapon pour ces deux années, ont commencé leur narré par vne question que je trouue fort problematique, sçauoir est s'il eust esté plus expedient à la gloire de Dieu, & auancement de la foy Catholique, que l'Empire fût tombé es mains du Prince Fideyori, ou demeuré en la maison de l'Empereur jadis nommé Dayfusama. Ceux qui ont opiné pour Fideyori, asseurent qu'il auoit tousiours entretenu la paix entre les Chrestiens d'Ozaca; & n'auoit iamais empeché le cours du saint Euangile en ses terres, qu'il tenoit à son seruice, & en son armée plusieurs Chrestiens. Les autres estiment que sa mere aiant perdu l'esperance de lui recouurer l'Empire, l'auoit'extraordinairement porté au culte des idoles, ce qui eust fait qu'il n'eust pas long-temps, ny de bon cœur, affectionné les Chrestiens.

138  
Question  
problematique.

Quant à l'Empereur & au Xogun son fils ils estoient desia mal avec les Chrestiens; les faisoient persecuter par tout: auoient veu en l'armée de Fideyori plusieurs drapeaux qui portoient les vns le signe de la sainte Croix, les autres le nom de IESVS, les autres l'image de S. Iacques, & semblables marques des Chrestiens. Ce qui les pouuoit porter à lestraiter comme ennemis & vaincus, & les affliger de nouveau. Nous ne pouuons asseurement dire ce qui fût arriué en ce changement. Le fil de l'histoire nous montrera ce qui se passa de fait. Car depuis la journée d'Ozaca iusques à la mort de l'Empereur, on ne parla point en Cour des affaires de la Chrestienté, chacun pensant à ses commodités, plustost qu'à cel-



Année de 550

LIVRE XVII. DE L'HISTOIRE

LES VSC-  
CHRIST  
1616.

139  
Edits du  
Xogun.

les d'autrui. Apres sa mort les Chrestiens eurent encores environ trois mois de repos. Car ce fut en Septembre mille six cens seize, que le Xogun renouuella les Edits de son feu pere, prenant quelque nouveau sujet de l'arriuée de certains vaisseaux Iaponois, lesquels reuenans de trafiquer aux Philippines, auoient porté plusieurs de nos Peres, & autres Religieux. Et particulierement d'un nauire qui auoit pris part au Roiaume de Tosa, portant vingt-quatre Religieux de l'ordre de saint François. Ce qui mit le nouuel Empereur en fougue contre les Chrestiens, tellement qu'il defendit à tous ses sujets de permettre que Portugais, Espagnols, Anglois ny Hollandois prissent terre au Iapon, sauf es ports de Nangazaqui, ou Firando. Nous verrons ensuite les effets de cete deffence.

140  
Payens  
conuertis  
& baptizés.

Durant ces deux années il y eut tantost vingt-neuf tantost trente & trois de nos Religieux en tout le Iapon, qui n'estoit que le quart des ouuriers qui auoient accoutumé d'y estre; si assistoient-ils autant de Chrestiens qu'il y eut iamais au Iapon; & baptizerent iusques à deux mille neuf cens personnes, sans comprendre les petits enfans. Et ce avec vn continuel & tres-euident danger de leurs vies, particulierement les Europeens, qui ne sortoient de leurs cachettes que la nuit; pource qu'ils sont cogneus au Iapon, non seulement à la face & parler, ains mesmes au marcher. Ce qui leur faisoit vsr de toute la circonspection possible pour n'estre pas decouverts. Le Pere Mancie Firabaxi, & vn de nos Freres nommé aussi Mancie Misoyaqui moururent à Nangazaqui, travaillans à cultiuier la desolée vigne du Iapon. Ils estoient tous deux natifs de ces quartiers là. Les officiers de l'Empereur se montroient fort ardens & vigilans à decouurer nos ouuriers; mais les Chrestiens ne manquoient pas aussi de diligence à les tenir decouverts.

141  
Mancies  
deux morts

Sept de nos Peres Europeens se tenoient à Nangazaqui, avec quatre Prestres seculiers Iaponois, & auoient diuisé la ville en autant de quartiers, esquels chacun exerçoit nos fonctions ordinaires. Les autres trois auoient les faux-bourgs pour leur part. Les Citoyens fai-

soient à l'enui à qui les tiendroît chez soi, aiant dressé & paré magnifiquement des Oratoires en leurs maisons, où nos Peres faisoient tout ce qu'ils auoient coutume de faire és Eglises. Combien quel'Estat des affaires de la ville de Nangazaqui ne fust pas constamment semblable durant ces deux années. Car depuis la bataille d'Ozaca, iusques à la mort del'Empereur, & trois mois ou enuiron apres, tout fut en paix, ainsi que je viens de dire; Mais sur la fin de l'an mille six cens seize, il fut deffendu par nouueaux Edits aux habitâs de Nangazaqui, & autres villes, de receuoir en leurs maisons aucuns Prestres ny Religieux de quelque ordre qu'ils fussent, sous peine de punition, non seulement pour celui qui les receuroit ains pour dix de ses voisins, cinq de chaque costé du logis, comme complices, pour n'auoir manifesté au Magistrat celui qui auroit contreuenue à l'Edit.

IESVS-CHRIST  
1616.

Nomb. 138.

142

Seuerité  
nouuelles

A l'occasion de cet Edit, Ximandono, Seigneur d'une partie du Roiaume de Figen, bannit quelques-vns de ses sujets; & fit trencher la teste à Paul Torosuke, natif de Meaco, doreur de son métier, le vingt-cinquiésme iour d'Octobre, l'an susdit, & de son âge le trente & troisiésme. Le laisse les particularités de son martyre, de peur d'estre trop long.

143

Doreur  
martyrizé;

Il y eut vn autre Chrestien condamné à la mort, par le gouverneur de Figen, qui perdit la couronne du martyre, non pas le merite. Pource que ses amis le tirerent subtilement des mains de l'executeur de la iustice, se faisans forts que le gouverneur retracteroit la sentence à leur priere.



Ande 545  
IESVS-  
CHRIST  
1616.

LIVRE XVII. DE L'HISTOIRE

*Diuers Religieux Europeans pris & martyrizés es  
terres d'Omura.*

CAPITRE XVIII.



VSQVES à cete année l'Empereur du Iapon, s'estoit contenté de bannir les Ecclesiastiques Europeans de ses terres, quoi qu'il fit mourir les Iaponois, comme ses sujets naturels. Mais Dieu voulut en fin donner à quelques Europeans les couronnes qu'ils auoient tant désiré & cherché à trauers de tant & si dangereuses mers. Car des quatre ordres Religieux qui s'emploient au Iapon pour le salut des ames, sçauoir est de saint Augustin, saint François, saint Dominique, & de nostre petite Compagnie, il en choisit vn de chacun, pour les honorer quasi en mesme temps de la palme du martyre. Voici sommairement comme la chose passa.

144  
Religieux  
martyrs.

LE siege Episcopal du Iapon vaquant par la mort du Seigneur Cerqueira, ainsi que nous auons touché ci-dessus, les Religieux de diuers ordres, & les Prestres seculiers, natifs du Iapon, qui trauailloient à conseruer la foy, se mipartirent suivant chacun son zele particulier, les vns tenoient que la foy demeurant sauue, il falloit obeir aux Edits publics de l'Empereur, quoi qu'idolatre; & conseruer prudemment, pour entretenir les Chrestiens en leur creance. Les autres disoient aucontraire que c'estoit vne honte de ceder au tēps d'apprehender les dangers, de se cacher, & de coniurer. Cete diuersité d'opinions fut cause qu'on sçeut par tout le Iapon, qu'il y auoit à Nangazaqui des Prestres & Religieux, contre les Edits de deux Empereurs. Si bien que le Prince d'Omura, petit fils de Dom Barthelemy Omurandono, estant allé en Cour pour le nouuel an mille six cens dix-sept, receut commandement de s'informer de la verité, & tirer  
quelqu'un

145  
Opinions  
diuerses.

quelqu'un de ces Religieux de sa cachette, pour le conuaincre d'auoir contreuenue aux Edicts Imperiaux. Il ne receut pour lors autre pouuoir que de les renuoyer hors du Iapon, s'il en trouuoit; mais depuis il luy fut commandé de les faire mourir.

LES V'S-  
CHRIST  
1617.

Cete commission ne fut si secrettement expediee en cour, que les Magistrats de Nangazaqui n'en eussent le vent. C'estoient les plus remarquables Chrestiens de toute la ville, lesquels apres auoir mis l'affaire en deliberation, prièrent le Pere Vice-prouincial d'enuoyer à Macao, quelques-vns de nos Peres qui estoient près de luy, & ce par la commodité des vaisseaux qui estoient prests à demarrer. Puis escarter les autres hors de la ville, afin que les nouveaux Inquisiteurs procedens à leurs interrogatoires sur ce sujet, ils eussent moien de leur respondre en verité, qu'il n'y auoit Prestre aucun dans Nangazaqui. Nostre Superieur leur accorda, & executa promptement tout ce qu'ils demandoient. Autant en firent les autres Religieux. Si bien que les gens d'Omurandono perdirent leur temps & leur peine, quant à cete premiere recherche.

146  
Les Predi-  
cateurs ce-  
dent à la  
necessité.

Entre ceux que le P. Vice-prouincial tira de Nangazaqui, pour les employer & cacher ailleurs, fut le P. Iean Baptiste Machade, natif de l'Isle de la Tercere, qui eut pour son rendez-vous la ville d'Omura, & l'Isle de Gotto, où il se renga en Auril mil six cens dix-sept, prenant terre au port de Canoco. Le lendemain qu'il y fut arriué, le Magistrat le constitua prisonnier, pour auoir meprisé les Edicts de l'Empereur. De là il fut mené à Omura, avec son compagnon, qui estoit vn ieune homme seculier, nommé Leon; & fit tant avec ceux qu'on auoit donné pour gardes au Pere Machade, qu'il obtint premierement congé de luy faire compagnie, puis d'estre prisonnier, & en fin fut couronné du martyre avec luy.

147  
P. Iean  
Baptiste  
Machado.

Ils arriuerent à Omura le vingt-neufiesme Auril, & le lendemain furent conduits de nuit, au lieu où Frere Pierre de l'Ascension, Religieux de l'Ordre saint François estoit detenu prisonnier, & fut grâdement esolé de se voir si bien accompagné. Tous deux eurent ce bien en leur cachot, par conuience du Magistrat, de celebrer le sacrifice de la sainte Messe, depuis le iour de la Pentecoste, iusques au len-



LES V S- demain de la feste de la tres-saincte Trinite, iour auquel ils  
CHRIST s'offrirent eux-mesmes en sacrifice sanglant à Iesus-Christ.  
1617. Cefut le vingt-deuxiesme May qu'on leur trencha la teste, au

Pere Frere Pierre, tout d'un coup: & au Pere Iean Baptiste  
en trois. Ils furent enseuelis sur le mesme lieu du supplice.  
148 Le lendemain le Prince d'Omura enuoya plus de cent ou-  
Martyrizé. riers, pour ceindre leur sepulchre d'une haute muraille tout  
autour, de peur que les Chrestiens les enleuassent & portas-  
sent ailleurs.

LEON eompagnon du Pere Iean Baptiste, pleuroit comme  
orfein, ne sçachant pas ce qui l'attendoit. Car les Ministres  
de la iustice, le remenerent en prison. Enuiron six iours apres  
Pere Frere Alfonse Nauarette, Vicaire Prouincial des Reli-  
gieux de l'Ordre saint Dominique au Iapon: & Frere Ferdi-  
nand de saint Ioseph de l'Ordre de saint Augustin, qui restoit  
seul au Iapon, aiant communiqué par ensemble leur dessein, &  
dit à dieu à leurs amis, reprirent chacun l'habit de son Ordre,  
149 & s'en allerent au territoire d'Omura, y dresserent vne forme  
Autres Re- de Chapelle, y commencerent à celebrer la sainte Messe,  
ligieux martyrs. & administrer les saints Sacremens. Le Prince d'Omura les  
fit emprisonner, & quatre iours apres decapiter avec Leon,  
puis jetter leurs corps en mer.

LA nouuelle de ce nouveau martyre aiant couru par le  
Iapon, trois autres Religieux s'en allerent exprez vers Arima  
pour trouuer le martyre: Ils n'y demurerent pas long-temps  
sans estre descouverts, quoy qu'ils fussent en habit seculier.  
Le Prince enuoia ses officiers pour les prendre au collet: vn se  
sauua, deux furent pris, sçauoir est Pere Frere Apollinaire,  
Commissaire des Religieux de saint François au Iapon: & le  
P. Frere Thomas du saint Esprit, de l'Ordre de S. Dominique,  
avec plusieurs habitans de Nangazaqui, partie desquels Gon-  
zocu, nepueu de Sasioje & Gouverneur de ladite ville, fit con-  
duire en son palais, comme pour les interroger, & entrer par la  
grande porte, deuant laquelle plusieurs Neophytes s'estoient  
assemblez pour assister à leur martyre. Mais le fin Gouverneur  
leur aiant sommairement fait leur procez, les fit sortir par vne  
fausse porte, & jetter dans vn vaisseau qui les attendoit, avec  
mandement à ses gens de leur trencher la teste, quand ils au-

ECCLESIASTIQUE DV JAPON. 555 An de  
roient vogué trois lieuës en mer, & jeter leurs corps pour ser- I E S U S -  
uir de pasture aux poissons. Ce qui fut fait. CHRIST  
1617.

*Des quartiers d' Arima, Chicugen, Chicungo, &  
lieux circonuoisins.*

## CHAPITRE XIX.



Es Chrestiens furent en repos durant ces deux années, tant en la ville, qu'au Royaume d'Arima. Quatre de nos Peres y cultiuoient l'Eglise. Ce que les Magistrats faisoient semblant de ne sçauoir pas, d'autant qu'ils estoient las de persecuter les Chrestiens, & cognoissoient qu'il n'y auoit moien de les vaincre par force. Voicy vn cas admirable.

Les Dames Chrestiennes qui s'estoient l'année passée retirées dans les bois & forests prochaines, pour mettre leur hōneur en assurance, retournans en leurs maisons à la faueur de cete paix, & trouuans leurs maris estropiez, ou leurs playes ou-  
uertes, s'ejouïssioient de telle sorte, qu'elles sembloient triompher des ennemis de la foy. Au contraire celles qui trouuerent les leurs sains & gaillards, paree qu'ils auoient chancellé, ou fait banqueroute à la foy, se mirèrent à pleurer, les appeller lasches, perfides, poltrons, bref leur faire mille reproches, fondées particulièrement sur l'honneur que Dieu rendoit à ses martyrs. Car on voioit des lumieres extraordinaires sur les lieux où ils auoient respandu leur sang, principalement d'an en an, és iours qu'ils auoient souffert la mort pour la confession de la foy.

Vn de nos Peres reconcilia iusques à deux cens apostats de la foy, à Chingiuabourg du Royaume d'Arima. Vn Chrestien nommé Xiste, fut fait prisonnier pour l'auoir logé. De-  
quoy les Chrestiens bien marris s'assemblerent iusques à deux cens, & declarerent au Magistrat, que Xiste n'auoit rien fait  
que par leur conseil. Hardiesse qui fit reprendre courage à

Aaaa ij



LESUS - plusieurs, qui estoient cheus durant la persecution, & deli-  
CHRIST urer Xiste.

1617.

Vn Neophite, mais homme perdu de conscience, fit deux  
lieuës pour raur la femme d'un autre, & aiant trouué sa proye  
trop à propos, s'en retournoit joieux, mais sa joie fut courte  
comme celle des pecheurs. Car il mourut sur le chemin, sans  
estre atteint de maladie qu'on peut recognoistre, & laissa cete  
femme bien etonnée. Si ne fit-elle pas de difficulté de s'en re-  
tourner soudain vers son mary.

152

Adultere,  
puny.

Ce fut cete année que le Xogun assigna aux Arimois pour  
leur Seigneur Mathucura Bungo, natif du Royaume d'Yama-  
to, homme de naturel fort doux, & qui molestoit personne  
pour sa religion, ains laissoit viure chacun à sa guise, pourueu  
qu'il n'y eut pas d'esclat. Ce qui donnoit esperance aux Chre-  
tiens que la foy reprendroit peu à peu son lustre en ces quar-  
tiers là. Voicy vne hardie entreprise.

153

Receueur  
qui conféd  
les Bon-  
zes.

Vn Receueur des deniers Imperiaux, pour se deffaire de  
ceux qui le sollicitoient à quitter la foy Catholique, leur dit  
hardiment. Faites moy venir les plus doctes Bonzes qui soient  
au Iapon, s'ils peuuent satisfaire à ce que ie leur demanderai, ie  
feray tout ce qu'il vous plaira; & si ne veux pour mes iuges que  
vous mesmes. Mais si ie les rends confus & muets, vous me per-  
mettrez de viure à ma liberté, sans outrager ny molester persō-  
ne. Les Iuges accepterent tres-volontiers cete condition, sça-  
chans que le Receueur estoit homme sans lettres. Voila soixan-  
te Bonzes assemblez. On vient aux mains. Apres vn long com-  
bat, le Receueur est iugé auoir fait taire les Bonzes, & partant  
emporté la victoire. Mais comme les orgueilleux, tels que sont  
les Bonzes, ne se rendent iamais; Or sus, dirent-ils, venons du  
babil aux effets. Si vous pouuez faire en nostre presence, quel-  
que chose qui surpasse les forces de nature, nous auoierōs tous,  
que vous auez gagné. Ie le veux, dit le Receueur, & ne me  
contenteray pas de faire vne chose telle que vous desirez, ains  
en feray deux; & à tel si que si quelqu'un d'entre vous en peut  
autant faire, ie suis content, que vous ne teniez pas pour  
merueilles, celles que ie feray. Mais si ie fais ce que vous  
ne sçauriez faire, vous aduouërez que ie fais miracles. Or  
sus donc.

Estimés-vous pas que je fais autant d'estat de ma femme, de mes enfans, & de mes moiens, comme le Xogun fait de son Empire? Nous le tenons pour assuré, repartirent-ils. 1617.

Or est-il, repliqua le receueur, que je quitte tout cela pour l'amour de la foy Chrestienne. Voila le premier miracle que je fais. Si quelqu'un de vous est prest d'en faire autant pour sa secte, je veux que ce ne soit pas miracle pour moi. L'autre est que je quitte tout ce que je viens de dire, de bon cœur, & de plus ma propre vie, pour ne perdre ma foy. En faites vous autant pour vos Camis? Iesçay bien que non, & vous n'oseriez vous en venter. Receués donc ces choses pour miracles. Les Bonzes ne sçachant qué dire, les Iuges prononcerent pour le receueur, disans qu'il auoit gagné. Neantmoins ils le bannirent pour quelque temps, & depuis le restablirent.

154

Discours  
fort pre-  
gnant.

Au bourg d'Amaqui, du Roiaume de Chicugen, vne Chrestienne nommée Marie, fut présentée à quatre Iuges, lesquels n'oublierét rien pour detourner du chemin de son salut. Voians qu'ils ne gaignoient rien, ils lui dirent. Puis que nous n'auons pouuoir de faire mourir les femmes, vous serés renuoiés à la ville de Tucauoca, où vostre procès vous sera parfait. Vous irés neantmoins à cheual à raison de votre qualité. Elle répondit, j'irai où il vous plaira me renuoyer en Iustice; mais à pied, s'il vous plaist, comme il est plus seant à celle qui s'en va mourir. Vn des Iuges cuidant qu'elle parlât par mépris; Vous irés à pied, dit-il. Mais sans vos habits, pour estre moins chargée. Et encore sans ma peau, si vous voulés, répondit-elle; car j'en iray plus contente & joieuse à la mort. Ce courage étonna tellement les Iuges, qu'ils se contenterent de l'enuoyer en exil, sans lui faire souffrir la nudité du corps, dont ils l'auoient menacée.

155

Femme  
tres-har-  
dic.



*Combats spirituels de diuers Chrestiens és Roiaumes de  
Chicugen, Bungo, Bugen, Yo & cir-  
conuoisins.*

CHAPITRE XX.



LE Samedi saint de l'an mille six cens se-  
ze, on vid au Roiaume de Chicugen sur la  
cime d'une haute montagne, où y auoit ci-  
deuant eu vne belle croix, fort celebrée par  
le deuot concours des Chrestiens, vn grand  
feu ardent, & au milieu vne croix tres-luisan-  
te, & du tout semblable à celle que les Payens auoient ren-  
uersee; mais si brillante, que plusieurs tant Chrestiens que  
Payens, qui en estoient à plus d'une lieuë, distinguoient clai-  
rement les lettres du titre. Ce prodige tint plus de deux  
heures les yeux des regardans. Chacun recogneut que c'e-  
stoit vn pronostic de la persecution, & des combats qu'on  
liureroit encores aux Chrestiens; Que la guerre estoit de-  
clarée, puis qu'on arboroit les enseignes. En voici des preu-  
ues.

156  
Croix en  
l'air.

157  
Louis Sor-  
tar & sa  
souffrance.

Louis Sottar natif de Cusan, à qui la femme fut ostée & fai-  
te esclaue sous le feu Empereur, aiant en Oâtobre mille six  
cens seize, oûi publier l'Edit imperial, par lequel il estoit  
enioint aux Chrestiens de quitter leur religion, sous gros-  
ses peines, paia toutes ses detes, disposa ses affaires, & le len-  
demain de la publication, s'en alla presenter au luge de la  
ville, professer sa foy: fut enueloppé dans vne certaine  
espece de natte, faite de longues pieces de cannes fenduës, &  
jetté a u milieu de la ruë, où il demeura le reste du iour, tou-  
siours pressé d'abiurer.

Le iour suiuant il fut derechef mené au gouuerneur, qui  
n'oublia rien pour le debaucher: puis enuoïé au lieu du su-  
plice ordinaire des criminels, où les bourreaux lui lierent

pieds poins ensemble , au bout d'une corde attachée à vne IESVS-  
poutre, dressée sur deux pilliers en forme de potence, & le CHRIST  
pendirent comme vne boule en l'air. Puis le firent tourner 1617.

d'un costé , iusques à tant qu'à force de tordre, la corde  
l'enleua iusques à la poutre. Lors ils le lacherent tout à  
coup, & la corde se détordit, & le fit tourner de l'autre co-  
sté de telle vitesse, qu'il en eut les sens troublés, la teste 158  
toute etourdie, & s'éuanoûir. Ce que les bourreaux voians, Supplice  
lui jettoient de l'eau fraiche pour le faire reuenir. Cela fait nouveau

ils le sollicitèrent de quitter Iesus-Christ. Lui n'en voulant  
rien faire, ils recommencerent leur barbare jeu, le piroüet-  
tant ainsi iusques à la troisieme fois. Ils appellent cete fa-  
çon de supplice, le tourment de Surunga. Depuis ils lui ser-  
rerent premierement la jambe gauche, entre deux canons  
d'arquebuzes: lui percerent la droite avec vne canne, enfor-  
te qu'à mesure que la canne entroit dans la chair, la chair  
entroit aussi dans le vuide de la canne, puis retirans la can-  
ne, ils arrachotent la chair, comme autant de mouëlle. Le  
cœur me fait mal d'écrire ces cruautés ; & me contraint de  
laisser le reste dans l'original, apres auoir dit, que le braue  
Louis ne mourut pas pour tout cela, ains apres auoir esté  
traité, & à demi guéri de ses plaies, se rendit à Nangazaqui,  
joieux de ce qu'il auoit souffert pour Iesus Christ, mais bien  
marri de n'estre mort pour son S. nō parmi tant de tourmens.

Il auoit esté fait prisonnier, avec autres deux Cusannois,  
l'un nommé Iean Rocayemon: l'autre Leon Quezayemon,  
tous deux vieux routiers és combats de la foy, & qui firent  
toufiours claire preuue de leur constance, deuant toute sorte  
de Iuges. Ils rencontrèrent dans la prison vn gentil-  
homme Payen, qui y estoit pour ses crimes, lequel confide-  
rant & admirant leur constance & allegresse parmi tant de  
disettes qu'ils souffroient, conclud fort pertinemment, que  
cela surpassoit les forces des mortels. Partant il les supplia  
de lui decouurir le secret. Ce qu'ils firent, lui declarant vne  
partie des mysteres de nostre foy; si bien qu'il demanda le  
baptisme. Leon le baptiza: Louis fut son parrin. Depuis les  
Magistrats les relacherent tous, & les renuoierent libres en  
leurs maisons,

Liu. 5. chap.  
12. du P.  
Trigaot.

159  
Conuer-  
sion admi-  
rable.



An de 160

LIVRE XVII. DE L'HISTOIRE

IESVS-  
CHRIST  
1617

Martin Suquimoto, natif du village de Voranomura, au Roiaume de Chicugen, fils d'un Chrestien, & baptizé dès sa naissance, apres diuers combats soutenus pour la confession de la foy Catholique, en fin le dix-neufiesme iour de Nouëbre mille six cens seize, mené au lieu du supplice, tourné vers l'Orient, se mit à deux genoux; inuoca trois fois tout haut les noms de IESVS & MARIE, & eust la teste tranchée. Les bourreaux pour faire preuue de la bonne trempe de leurs coutelas, mirent son corps en pieces, lesquelles furent portées à Nangazaqui.

160  
Sacr tour-  
ment.

A Casa bourg du Roiaume de Bungo neuf Chrestiens furent mis chacun dans vn sac, liés, garottés, & portés en vn lieu desert, où ils furent quatre iours & cinq nuits, sans boire ny manger, exposés aux Loups, qui regnent fort en ce quartier là. Le Iuge auerti de leur fermeté, commanda à vn de ses seruiteurs de les aller tuer; mais si froidement, qu'il cogneut bien quelle estoit sa volonté. Il les deliura donc, leur commandant d'aller en exil, mais d'un tel accent qu'ils s'apperceurent aussi que demeurant chez eux ils n'encouroient aucun danger. Ils se retirerent donc chacun en sa maison, & y vécurent en paix, par la conuiance du Iuge qui les auoit auparauant condamnés.

161  
Romain  
martyr  
Bungois.

Vn Chrestien nommé Romain, natif du Roiaume de Bungo, mais baptizé en celui de Bugen, attaqué pour sa religion, résista constamment au Iuge, & à ses parens, qui le pressoient de quitter la foy. Vn d'iceux contrefit l'écriture de Romain, & mit es mains du Iuge vne fausse abjuration. De quoi aduerti Romain, porta dès ce iour là son chapellet au col, à la veuë de tout le monde. Le Iuge se tenant méprisé par cetle liberté, le fit mettre en prison, où il soutint genereusement les assauts de ses amis, voire de sa propre femme, & de sa belle-mere. Huit mois apres, & le vingt vniesme de Mars, il fut condamné à estre decolé. Si pria-il au prealable vne grosse heure durant à deux genoux, & eust continué, si le bourreau ne se fust ennuyé d'attendre.

Vn vieillard Payen septuagenaire, estant surpris d'une tres-dangereuse maladie, fut prié par ses parens Chrestiens, de penser à son salut, au moins en cet âge, & ce tant euidet danger

danger de sa vie. Il y consentit, ouït le catechisme, avec  
autres quatorze Payens, deux iours durant. Comme le  
maistre de la doctrine Chrestienne demandoit compte à ses  
auditeurs, de ce qu'ils auoient appris, le malin esprit se fai-  
sit du vieillard, lui fit tordre la bouche, vomir mille horri-  
bles paroles, & tempester, tellement que plusieurs per-  
sonnes ne le pouuoient tenir. On lui met en main vn *Agnus*  
*Dei* enchassé. Il crie qu'il luy perce la main. Le Catechiste ti-  
re de ses heures vne image de saint Ignace fondateur de no-  
stre Compagnie; & luy met sur le front, bref il le deliure de  
ce mauuais hoste. Spectacle qui seruit d'une finale & tres-effi-  
cace leçon à tous les autres Catechumenes, qui furent bapti-  
zez avec le vieillard.

IESVS-  
CHRIST  
1617.

162  
*Agnus Dei*  
contre le  
diable.

Tayudono Seigneur de Firoxima, ayant receu les Edicts  
du Xogun en Octobre, fit abbatre la maison que nostre Com-  
pagnie auoit iusques lors conserué en cete ville là; mais il  
ne voulut qu'on touchast à l'Eglise, de peur que quelque mal  
luy arriuaist, parce que c'estoit vn lieu sacré. Il fit neant-  
moins mourir vn Neophite nommé Dominique Catzo,  
lequel ayant présenté vne requeste pour estre receu en la  
place & office de son feu pere, fut accusé comme Chre-  
stien, & crucifié au lieu public. Son corps fut gardé  
huiet iours tous entiers par les Payens; & au bas d'iceux,  
enleué par les Chrestiens, pour estre honoré selon son  
merite.



*Exemples de diuerses vertus Chrestiennes, exercées és  
quartiers d'Yo, Farima, Surunga, & mar-  
tyre de plusieurs Chrestiens.*

CHAPITRE XXI.

163

Esprit ma-  
lin con-  
traint.



N Neophite entreprit vn braue combat, contre le malin esprit au Royaume d'Yo. Car estant allé visiter vn possédé, & demandant à l'esprit, qui és-tu, d'où viens-tu? Le malin esprit respondit, qu'il n'estoit pas diable. Le te feray bien dire qui tu és, repartit le Neophite: & disant cela luy monstra son chappelet, la seule veuë duquel fit trembler le possédé. Puis le mit au col du patient, lequel commença à crier & à se desesperer. Si ce chappelet te tourmente tant, dit le Chrestien, que ne l'arraches-tu? Et comment veux-tu que ie l'arrache, dit le malin, veu que j'ay les mains liées. Et qui te les a liées? dit le Chrestien. C'est ton chappelet, dit le demon. Est-il vray? repliqua le Neophite. Sçache donc que ie ne te delieray point, que tu ne m'aies dit, qui tu és, & d'où tu viens. Alors le diable: Je viens, dit-il, du Royaume de Sunaqui, & m'appelle Combria. Vat'en donc, poursuit le Neophite, & quitte cét homme. Je m'en iray, dit le malin, si tu me delies. Le te feray, dit le Chrestien, à condition que tu ne paroistras iamais plus en ce país. Ce que luy aiant promis, le Chrestien reprit son chappelet, & le malin laissa le corps du patient tout las & rompu.

164

Sacrilege  
puny.

Vne fille Chrestienne nommée Monique, qui demouroit au palais du Prince, aiant tiré de son col vn bel *Agnus Dei* enchassé, & ne se pouuant souuenir où elle l'auoit posé, pria ses compagnes de le luy rendre, si quelqu'une l'auoit caché par jeu. Apres l'auoir en vain cherché, voila vne seruante idolatre qui tombe malade, & meurt soudain. On trouua l'*Agnus Dei* dans ses hardes; & n'y eut au palais personne qui n'attribuast sa mort au sacrilege qu'elle auoit commis derobant l'*Agnus*.

Vn Gentil-homme Chrestien demeurant à Fimegi, capitale du Royaume de Farima, auoit meublé vne chambre sur le derriere de sa maison, où il retiroit secretement vn de nos Peres, & oiant que quelque Chrestien auoit esté banni, ou martyrisé, disoit: Ce bon-heur ne m'arriuera-il iamais, qu'on me porte la nouuelle de mon bannissement, ou de ma mort? Dieu exauça son desir. Car en Mars mil six cens seize, le Prince qu'il seruoit luy commanda d'abjurer sa foy. Ce qu'ayant refusé de faire, il se disposa à mourir. Mais le Prince se contenta de biffer son nom sur l'estat de sa maison, & le priuer de ses gages.

IESVS-  
CHRIST  
1617.

Iean Fiozagemon natif de Tacayau au Royaume d'Aqui, fut baptizé à Surunga le trente-quatriesme de son âge; puis en fut banni pour la foy. De là fut à Fuximi, mis & lié luy & sa femme dans chacun son sac à ris, supplice poignant & ignominieux. Puis serré en prison, où il demeura vingt iours avec sa femme. Sortant de là mené à Meaco, tourmenté en diuerses façons, & en fin decapité, avec vn criminel qu'il auoit baptizé en prison, le iour de sainct Estienne, premier martyr.

165  
Iean Fio-  
zagemon  
martyrisé.

Nous auons' parlé cy-dessus de Pierre Soqui, vn de ceux qui furent marquez au front du signe de la sainte croix, par le commandement de l'Empereur dernier mort. Depuis il se retira vers certains pauvres lepreux, habitans de la ville Royale de Surunga, où Simon Xosuke, qui auoit autresfois esté son seruiteur, & pour lors se mesloit de vendre quelques petites merceries, le visitoit par fois, pour luy faire part de son petit gain, le voyant réduit à vne extreme misere & nécessité de quasi toutes choses. Ces deux Chrestiens furent trouuez près la susdite laderie par certains Commissaires, que l'Empereur dernier mort auoit enuoiez, pour rechercher les auteurs d'un insigne vol & massacre, commis en certains temples des idoles, lesquels on tenoit s'estre retirez vers ces pauvres ladres. Ces Commissaires les interrogerent de leur foy, laquelle ils professerent si constamment, qu'il y en eut vn qui desira voir vne image benite. Pierre luy en monstra vne, laquelle il considera, puis luy rendit sans commettre aucune irreuerence.

166  
Simon Xo-  
suke.



An de 564

LIVRE XVII. DE L'HISTOIRE

IESVS-  
CHRIST  
1617.

167  
Ladres  
martyrs.

Depuis ils interrogerent particulièrement six pauvres ladres, sur ce qui concernoit le pillage du temple des idoles: & les aiant trouvez innocés du fait, leur demâderent s'ils estoient Chrestiens. Paul comme le plus Ancien & Superieur de tous, respondit hardiment qu'oüi. Surquoy les cabanes où ils se tenoient leur furent données pour prisons; & ils commencerent à se préparer à la mort. A ces fins Pierre Soqui leur leut trois chapitres de la grande Guide des Pecheurs escrite par Grenade, sçauoir est de la Mort, du Iugement, & de la Gloire Eternelle.

Le quatriesme iour de la Lune dixiesme, qui respondoit au vingt-quatriesme de Nouembre, mil six cens quinze, les officiers de la iustice, accompagnez de grand nombre de soldats, les firent tirer de leurs cachots, les interrogerent derechef s'ils estoient Chrestiens. Nous le sommes, dirent-ils tous vnanimement. Quittez cete loy, dirent les Ministres, obeïssans à l'Edict de l'Empereur, & on vous fera bastir de belles maisons. Nous ne pouuons ny ne voulons changer nostre loy, dirent les lepreux tous d'une voix. Vous mourrés donc tous, dirent ces officiers. Et c'est ce que nous desirons, repliquerent les lepreux. Pourquoy tardez-vous tant à nous faire mourir? Ce qu'ayans dit, ils tendirent chacun le col au bourreau, & mirent fin à leurs miseres, par vne tres-glorieuse mort. Leurs nōs Chrestiens estoient François, Gaspar, Paul, Thomas, Matthias & Luc, leurs noms Iaponois ne sont pas dans l'original.

168  
Femmes  
tres-con-  
stantes.

Cete genereuse constance ne fut pas tant propre à ces six lepreux, que les femmes de trois d'iceux n'y eussent part. Car leur ayant esté commandé sous peine de la vie, d'abiurer la foi, pour toute responce elles presenterent le col aux officiers. Ce qui les etonna tellement qu'ils quitterent la partie. Quant à Pierre & Simon apres auoir esté interrogez s'ils sçauoient des nouuelles des quatorze Gentils-hommes domestiques du feu Empereur, qu'il bannit au commencement de cete persecutiō, & par diuerses fois sonmez de renoncer à la foy, comme ils demeuroient constans, le Iuge condamna Simon à auoir les doigts des mains, & les deux jarrets coupez. Et Pierre à subir le mesme supplice au jartet droit, qu'on ne luy auoit pas coupé, lors qu'il combatit pour la foy avec six autres:

sentence qui fut executée le Samedi saint au matin, qui estoit le second d'Auril, mille six cens seize. Depuis tous deux se retirerent à Nangazaqui, où la seule veüe de leurs cicatrices, confirmoit grandement les Neophites en la foy Chrestienne.

Au mesme temps les Iuges de Surunga, aiant appris que trois de ceux qui auoient esté marqués sur le front, du caractere de la sainte croix, se renoient cachés pres de la ville, ils les firent prendre derechef, les solliciterent à renier la foy. Mais en vain. Car ces braues confesseurs de Iesus-Christ, leur presenterent les orteils pour estre coupés s'ils vouloient, comme on leur auoit jà tronqué les doigts. Brauade Chrestienne qui leur fit tenir quarante & cinq iours la prison, de laquelle ils furent tirés, & relachés à la priere d'un grand Seigneur idolatre.

169

Constance  
incomparable.

Simon Iambioye estant allé à Yendo Metropolitaine des Roiaumes de Quanto, y rencontra vn Religieux de saint François, lequel il inuita à l'hostellerie, où il se retiroit. Tous deux y furent apprehendés. Le Religieux, parce qu'estant banni du Japon, il y estoit demeuré contre les Edits des Empereurs: Et Simon, parce qu'il auoit receu vn banni, contre la deffence des mesmes. Le Religieux fut banni derechef, & Simon condamné à mort. Auant que mourir il dit tout haut à l'assemblée: Messieurs n'estimés pas que je subisse cette peine, pour auoir commis quelque crime punissable par les loix diuines ou humaines. Je meurs seulement parce que je suis Chrestien. Ce qu'ayant dit, & repeté trois fois les noms sacrés de IESVS & MARIE, il eut la teste tranchée.

170

Hospitalité  
bien reconnue.

Vn de nos Peres cherchant ses brebis comme bon pasteur, trouua en la ville de Xambocu, au Roiaume de Daua, environ deux cens Neophites conuerts & baptizés par Pierre Fitonique, qui s'estoit fait Chrestien à Firoxima, & depuis par ses bons exemples & instructions auoit gagné ce petit troupeau à Iesus-Christ. Le Pere dit la premiere Messe qu'ils ouïrent jamais, & les confessa tous pour la premiere fois.

171

Daua & ses  
Chrestiens.



An de 566  
IESVS-  
CHRIST  
1617.

LIVRE XVII. DE L'HISTOIRE

*Martyrs qui souffrirent en diuers endroits du Ja-  
pon, es années mille six cens dix-sept,  
& dix-huit.*

CHAPITRE XXII.



Vrant ces deux années il n'y eut que trente & vn Religieux de nostre Compagnie au Japon, qui traualloient à maintenir & prouigner la foy, avec vingt-sept autres ouuriers; partie natifs du Japon, & honorés du caractere de Prestre, partie Europeens, de diuers ordres Religieux. Leur plus ordinaire seiour estoit à Nangazaqui, ville quasi toute Chrestienne, & le vrai asile des affligés pour la foy. De quoi aduerti l'Empereur enjoignit de nouveau, que le gouuerneur de la ville en fit la recherche. Il ne trouua que les Peres François Moralez, & Alphonse Menez, Religieux de l'ordre saint Dominique: & le P. Charles Spinola, tres-digne sujet de nostre Compagnie, avec Ambroise Fernandez son compagnon, lesquels il enuoia prisonniers à Omura, d'où le P. Spinola escriuit au P. Prouincial de nostre Compagnie es Isles Philippines en tels ou semblables termes.

172

Ouuriers  
au Japon.

Dieu permit que mon compagnon de Religion & traual, Ambroise Fernandez, avec Dominique George Portugais, chez lequel nous estions cachés, & moi, fussions pris le iour de sainte Lucie. Les Sergens qui nous saisisrent me voulurent faire croire, qu'ils me conduiroient par mer à Manille. Ce qui me donna viuement au cœur, craignant qu'il me fallût quitter les Japonois, chez lesquels il y a tant d'années que je desire finir mes iours. Si est-ce que la diuine prouidence me consoloit grandement, parce que je vois que sa volonté s'accomplissoit en moi. Mais on nous fit bientôt prendre vn chemin autre que celui des Philippines. Car

173

P. Charles  
Spinola  
Pis.

on nous mena de Nangazaqui à Omura, avec deux Religieux de l'Ordre saint Dominique, & trois Iaponois qui nous seruoient. Auant que sortir de Nangazaqui on nous promena par les principales rues, les mains liées, & la corde au col. Puis on nous mit sur mer. Toutela ville accourut pour nous voir, & se mit à lamenter comme si on nous eust portés en terre.

IESVS-  
CHRIST  
1617

Nous auons trouué dans la prison le P. Thomas de l'ordre de saint Dominique, & le P. Apollinaire de l'ordre de saint François, avec six Iaponois seculiers, & viuons avec telle amitié & concorde, comme si nous estions tous d'une mesme famille. Nous ne manquons pas de croix ny d'afflictions, pour estre tant de personnes en vn lieu tres-étroit & incommode. Si est-ce que nos gardes nous les augmentent encore, renuoyant bien souuent tout court les aumosnes qu'on nous fait pour les necessitez de nostre vie, & ne nous baillant pas plus qu'il nous faut, pour ne point mourir de faim en prison.

174  
Prisonniers  
à Omura.

Je prie vostre Reuerence par l'infinie & tres-douce misericorde de Dieu, & la conjure de rendre graces avec moi à sa diuine bonté, de ce que j'ay esté estimé digne d'endurer contumelie pour le nom de IESVS, & d'offrir pour moi le saint sacrifice de la Messe, à ce que je m'auance en cet apprentissage du martyre, & que je fasse vne profession digne du nom Chrestien. De la prison d'Omura, le cinquiesme iour de Mars mil six cens dix-neuf.

*Seruiteur de vostre reuerence Charles,  
prisonnier pour Iesus-Christ.*

**L**E Gouverneur de Nangazaqui, fit aussi constituer prisonnier vn Chrestien, nommé Paul, parce qu'il auoit refusé la charge de distribuer certain argent à ceux qui deceleroient nos Peres, ou autres Religieux, & Prestres. Ce neantmoins trente chefs de familles Chrestiennes de la ville d'Omura, donnerent au Pere qui auoit soin d'eux, vne pro-



An de 1668

LIVRE XVII. DE L'HISTOIRE

**LES VSC** messe signée de leurs mains, en foy de ce qu'eux & tous leurs  
**CHRIST** domestiques protestoient de mourir pour la Religion Ca-  
**1617.** tholique. Le Iuge en aiant menacé vn de le faire bruler  
tout vif, s'il n'abjuroit, eut pour réponse: le desirerois estre  
**175** au prealable condamné à porter sur mes épaules le bois  
**Constance** qu'il faudroit pour me faire rostir, & rediger en cendres.  
**en la foy.** Constance qui rauit le Iuge en admiration, & lui fit sursoir  
l'exécution de son inique sentence.

**176**  
**Martyrs à**  
**Omura.**

Il y en eut neantmoins cinq à Omura qui gaignerent ce-  
te année la palme du martyre. Sçauoir est Iamaguchi Gou-  
suque, & Thomas Xoiro son fils, qui eurent la teste tren-  
chée le quatriesme iour de Nouembre mille six cens dix-  
sept: Lin Thomonaga Girobioye, qui auoit decapité le Pere  
Iean Baptiste Machade par commandement du Iuge, sou-  
dain apres cete execution perdit lui mesme la teste pour la  
deffence de la foy, le susdit iour quatriesme de Nouembre:  
Iean Yeyri Miyemon, qui auoit esté de la secte des Iodoxus,  
baptisé à Nangazaqui, & fut decolé le propre iour de Noël,  
an que dessus: Louis Quintaro, qui chancela vn peu sur le  
commencement de la persecution: mais honteux des repro-  
ches que lui en faisoit sa femme Agnes, rentra au combat, &  
fut condamné à perdre la teste le vingtiesme Iuillet audit  
an.

**177**  
**Baptisme**  
**mal pris.**

L'Eglise jouït cete année de grande paix au Roiaume  
d'Arima, où cinq de nos Peres estoient tres-bien, quoi que  
fort secretement occupés. Cete paix apres Dieu, leur ve-  
noit du bon naturel du Prince, fort doux & humain: ou de  
ce que son predecesseur n'ayant rien gagné contre les Chre-  
stiens à force de tourmens, il perdit tout à fait esperance  
d'en venir à bout par la mesme voie, & voulut essayer la con-  
traire.

Vn idolatre s'estant par curiosité trouué dans vne Egli-  
se avec les Chrestiens, fut aspergé d'eau benite avec les au-  
tres à la fin de la Messe. Ce qu'il prit pour baptisme, & n'en  
vouloit receuoir d'autre, quoi qu'on lui sceût dire. Mais  
le diable s'estant saisi de son corps, il en fut deliuré par l'in-  
tercession de nostre saint Patriarche Ignace, puis baptisé,  
& le lendemain mourut.

Vn

VN Neophyte faisant chemin avec deux Payens se mit à gosier des Camis & Fotoques, voire passant près d'une idole luy cracha au nez. Dequoy Sathan irrité, se saisit du corps de l'un de ces deux Payens, & le tourmentant, disoit: Pourquoy te trouue-tu en la compagnie de ce mechant Chrestien, nostre ennemy? Ce qui donna occasion au Païe de se faire instruire, & demander le baptisme, par le moyen duquel le diable fut chassé de son corps.

1617.  
178  
Conuersio  
merueil-  
leuse.

VNE fême habitante du Royaume de Fingo, aiant quitté la foi Catholique, par la force que luy en fit son mary, en fut depuis si marrie qu'elle en seichoit sur ses pieds. Nostre Dame luy apparut, & commanda de se confesser à vn de nos Peres. Ce qu'elle fit par l'adresse de sa mere; & par ce moyen recouura la paix de sa conscience, & la santé.

DEUX Apostats estans rentrez en eux-mesmes, entreprindrēt l'un de dire tous les iours trois fois son chapelet, deuant l'image de nostre Dame; Ce qu'il continua trois ans entiers, sans iamais manquer. L'autre ceignit vne grosse corde sur ses reins tous nuds, iusques à tant qu'ils eussent trouué commodité de se confesser à quelqu'un de nos Peres.

179  
Apostats  
conuictis,

PAUL de Sacay s'estant fait Chrestien le vingtiesme an de son âge, mena depuis vne vie filicentieuse, qu'il repudia sa femme Claire, pour en épouser vne idolatre, laquelle il conuertit, & fit nommer Maxence. Mais elle bien aduertie de son deuoir, le quitta, & bien-tost apres mourut fort Chrestienement. Dés lors Paul rentra en foy-mesme, & cōmença de changer de vie. Quoy que durant ses débauches il ne laissast à faire du bien. Car il gagna sa mere à Iesus-Christ: Il tira semblablement à la foy vne vieille, qu'on tenoit auoir cent quarante ans, & n'oioit goutte. Mais Paul luy mit vne longue canne dans l'oreille, & luy parla par l'autre bout; si bien qu'elle recogneut Dieu, & fut baptisée. En fin il fut accusé comme Chrestien, & demeura vn an & demy en prison, d'où il escriuit à ses amis & familiers, plusieurs lettres pleines de singuliere pieté. Il les signoit ordinairement par ces mots: Paul prisonnier pour Iesus-Christ. Il eut la teste trenchée le cinquiesme de May mil six cens dix-huict. Vn Chrestien la leua de terre en presence de tout le peuple, & la baïsa. Mais les

180  
Paul Sa-  
cay;



**I E S V S -** bourreaux la luy arracherent des mains, pour creuer & arracher les yeux, parce que les Iaponnois croient que les Chrestiens enuoient à Rome par honneur, les yeux & le cœur de chaque martyr.

181

Y:ux des  
martyrs.

A Fingi au Royaume de Bungo, vn Chrestien âgé de vingt & vn an, nommé Pierre Afotarofacu, instruit dès son enfance, par nos Peres à Nangazaqui, voiant qu'ils en estoient bannis, se mit au seruice d'un Gentil-homme Payen, qui le sollicita de retourner à l'idolatrie, & ne l'y pouuans flechir, luy fit trancher la teste.

182

Yetrudono  
& ses cru-  
autez.

YETRUDONO jadis grãd protecteur, & depuis cruel persecuteur du nom Chrestien, donna sujet à plusieurs de mourir constamment pour la foy de nostre Sauueur. Le plus remarquable fut Iacques Congayama Fuito, Colonel d'un regiment de huit cens hommes: mis en prison au commencement de l'an mil six cens dix-huit, & decapité en Octobre mil six cens dix-neuf. Toutes ses troupes furent enuoïées en exil. Il laisse dans les narrations du Pere Trigaut, treize d'un costé & vingt-quatre de l'autre, & plusieurs autres que le mesme Yetrudo fit executer la mesme année, & pour le mesme sujet de la foy Chrestienne.

183

Yezo Roy-  
aume de-  
couuert.

LE P. Frere Iean de Sainte Marie, de l'Ordre S. François, fut martyrisé à Meaco, y aiant laissé sa teste le quatorzieme iour d'Aoust mil six cens dix-huit. Vn de nos Peres visita cete année les Chrestiens, qui auoient esté bannis à Deua & à Tzugarù, derniers Royaumes du Iapon, vers le Nort. Puis passa par mer au Royaume d'Yezo, le plus Septentrional de tous, qui n'est qu'à trois lieuës des susdits, & neantmoins iamais personne des nostres n'y auoit mis le pied. On luy dit là, qu'il ya encore plus auant vne Prouince sujete au Roy du Iapon, & vne grande ville, qu'on appelle Mathumay ou Matsumay. Nous coucherons cy apres ce que le P. Hierosme des Anges en escriuit plus au long, s'y estant transporté l'an mil six cens vingt & vn.

Liu. 19.  
nomb. 78.  
& suiuaus.



# HISTOIRE ECCLESIASTIQUE DES ISLES ET ROYAUMES DV IAPON.

## LIVRE DIX-HVICTIESME.

*Sommaire de l'Estat de l'Eglise du Iapon pour l'an mil six  
cens dix-neuf, & comme la persecution se rendoit  
de iour en iour plus sanglante.*

### CHAPITRE PREMIER.



EVX qui comptent cete année pour la sep- An de  
tiesme du Xogun, & de la persecution; ne com- LES VS-  
mencent pas au decés de son pere, qui ne mou- CHRIST  
rut que l'an quinziesme de ce siecle, & apres 1618.  
la tant renommée victoire d'Ozaca; ains par  
l'an mil six cens douze, auquel suiuant les tra-  
ces de son pere, il fit à Yendo, ce que l'autre faisoit à Surun-  
ga, & ailleurs. Mais cete année cy il redoubla sa haine & fu-  
reur contre les Chrestiens.

Il y auoit au Iapon trente deux de nos Religieux, espars  
en diuers quartiers, qui neantmoins furent tous visitez par  
le P. François Vieira, à leur grande consolation, & rapor-  
terent qu'ils auoient regeneré sur les saints Fonds du Bap-  
tême.



IESVS-tesme dix-huict cens Payens, outre vn paraenture plus  
CHRIST grand nombre de ceux que les Dogiques auoient instruit  
1618. & baptisé.

2 Didaque Valens E-  
uesque. LE Reuerendissime Didaque Valens, créé successeur du  
feu P. Louïs Cerqueira, Euesque du Iapon, y arriua cete an-  
née. Mais il fut cōtraint de s'arrester à Mazan, avec le P. Ma-  
tos Procureur, qui reuenoit de Rome, de peur que son en-  
trée estant diuulgüée, la persecution ne rengregeast de plus  
en plus contre les Chrestiens.

3 Liures spi-  
rituels de-  
fendus. GONSOCO Gouverneur de Nangazaqui estant allé à la  
cour del'Empereur, fit substituer en la place, vn siẽ seruiteur  
nommé Suquejado, lequel pour premier essay de sa charge,  
fit publier vn Edict par lequel il deffendoit à tous ses sujets  
de donner aucune retraiẽte aux Prestres ou Predicateurs de  
la loy Chrestienne: de tenir chez eux aucuns liures spiri-  
tuels, ou concernans la foy Catholique: bref d'enseigner ou  
parler d'aucune chose pieuse.

DES l'an dernier passé, les officiers de l'Empereur auoiẽt  
proposé de grosses recompenses, à ceux qui decouueroient  
les cachettes des Ecclesiastiques. Ces propositions furent  
encore renouuellées cete année, & les ennemis de nostre foy  
portez à vser de toutes les ruses & fineses possibles, pour at-  
traper les Prestres. Au moindre vent qu'ils auoient de quel-  
que Ecclesiastique caché, ils enfonçoient les portes, bri-  
soient les fenestres, renuersoient tout.

4 P. Matthieu  
de Cobo  
Prouincial. LE Pere Matthieu de Cobo, Prouincial de nostre Com-  
pagnie au Iapon, changeoit souuent de cachette, & remer-  
cioit sans fin la diuine prouidence, de ce qu'il estoit echap-  
pé des mains de ceux qui estoient si prompts à mal faire.  
Le chef & conducteur de la legion infernale qui persecu-  
toit tant les Chrestiens, estoit communement appellé par  
eux le Iudas des Sergens, & vint en telle abomination,  
que quelques-vns quitterent les maisons qu'ils tenoient  
de luy à louage: d'autres refuserent de receuoir l'ar-  
gent qu'il leur deuoit, faisans scrupule de toucher cho-  
se qu'vn si damnable Apostat, & ennemy de Dieu eust  
manié.

5 Le Iudas  
des Serges. SI par fois il passoit par le marché, ou s'adrescoit à

quelque boutique, pour acheter ce dont il auoit besoin, per-  
sonne ne luy vouloit rien vendre; chacun l'ayant en hor-  
reur. Voicy vn gracieux trait qui luy fut fait. S'estant jetté  
dans la boutique d'un Barbier, &jà debouttonné & accom-  
modé pour estre tondue, le Barbier luy dit, qu'il auoit def-  
fence de tout le voisinage de peigner ou tondre Iudas. Ce  
qui le piqua tellement, qu'il s'encourut au tribunal du Iu-  
ge, former vne grosse plainte de ce qu'on l'appelloit Iudas,  
& fit en sorte que deux Chrestiens furent mis en prison, &  
chastiez. Mais Dieu le punit bien plus iustement luy-mes-  
me, par vn regret de sa faute, mais non salutaire, lequel le  
consumoit petit à petit, comme la cire au Soleil.

Ceux qui trahirent si poltronement le Pere Iean Bap-  
tiste Machade l'an dix-septieme de ce siecle, sentirent ce-  
te année la iuste punition de Dieu. Car l'un se tailla luy  
mesme le ventre à la façon des Iaponnois, sans en estre  
pressé: L'autre courut long-temps les ruës, seruant de  
jouët aux enfans, & de risée au peuple. Puis mourut in-  
sensé. Ces exemples neantmoins ne retenoient pas les  
autres Apostats, de continuer leurs recherches. Car Gon-  
foco aiant eu auis que quelques Prestres oioient les con-  
fessions dans Nangazaqui, commanda à ses espions, de se  
fourrer promptement dans les maisons qu'on luy auoit  
marquées. Mais la finesse du monde n'eut moyen de  
preualoir contre la prouidence de Dieu. Car les bons Pe-  
res échaperent ce danger, passans de maison en maison.  
Le iuge pour ne sembler estre vaincu, fit emprisonner  
quelques pauvres gens, & entre autres vne vieille, au lo-  
gis de laquelle quelques Chrestiens se retiroient par fois,  
pour prier Dieu ensemble. De plus vn Payen Chinois, qui  
auoit pris à Manille quelques Religieux deguisez en sol-  
dats, pour les porter au Iapon. Item vn pauvre aueugle,  
parce qu'il chantoit sur sa vielle quelques chansons spiri-  
tuelles. Voicy d'autres traits de grand courage, & constan-  
ce admirable.

6  
Traîtres  
punis.

7  
Chrestiens  
emprison-  
nez.

Vn des Furets qui faisoient la recherche des Chrestiens,  
estant entré dans la maison d'un des principaux habitans de  
Nangazaqui, & demandant vne escritoire, & vne plume,



**I E S V S -** pour inuentorier les meubles qu'il y trouua, vne fillette  
**C H R I S T** d'environ huit ans, luy presenta vne plume, disant: Escribez  
 1618. moy en teste de tous les autres, à celle fin que ie sois la

8

Martyre  
 désiré.

premiere qui meure pour Iesus-Christ. Le Sergent luy octroya la grace qu'elle demandoit; ses recors neantmoins s'etonnerent du courage & hardiesse de cét enfant.

SA mere fut escrite en second lieu, & ne desiroit autre chose, sinon que tous ses enfans fussent couchez sur ce rolle. Le Iuge pensant l'auoir fait, s'en alloit. Mais cete deuote femme l'arresta sur la porte de sa maison, tenât vn petit enfât entre ses bras, & disant: Ecrivez encore ie vous prie, ce mien petit fils de six ans, qui dormoit lors que vous preniez les noms des autres, & partant m'estoit echapé de la memoire.

9

Désir de  
 souffrir.

CETE inique iustice aiant osté à vne vefue Chrestien. ne tout ce qu'elle auoit en sa maison & hors d'icelle, parce qu'elle estoit accusée de tenir vn Prestre caché dans son logis, & voiant qu'on luy auoit laissé ie ne sçay quels petits meubles, pria instamment les Officiers qu'ils emportassent tout, disant: Puis que ie ne suis pas digne d'estre emprisonnée, ou souffrir quelque chose de plus pour Iesus-Christ, dechargez-moy au moins de ce reste. Ce qu'ils luy accorderent tres-volontiers, & elle en receut vn extreme contentement.

VNE autre femme qui auoit son mary Chrestien en prison, fut conseillée par ses parens, de cacher ses petits enfans, & les nourrir secretement hors de sa maison. Mais elle leur respondit sans y penser long-temps; Tant s'en faut que ie sois disposée à faire ce que vous me conseillez, que si mes enfans estoient aux plus esloignées frontieres du Japon, ie les rapellerois en mon logis, afin qu'ils peussent mourir pour Dieu, avec leur pere & moy. Je dis de plus, que ie voudrois estre la plus riche Dame du monde, non pour me glorifier de la grandeur, ou jouir pour mon particulier des richesses, ains pour donner ou emploier tous mes biens à la gloire de Dieu.

*La prison de Nangazaqui; & la vie & mort  
de cinq Martyrs, qui en sortirent  
pour estre bruslez.*

## CHAPITRE II.



En quenos Religieux ne peuuent plus exercer publiquement au Iapon leurs fonctions ordinaires, ny les Iaponnois s'en preualoir; ains sont contraints par la force de la persecution, ou d'entrer en des prisons communes, ou se pouruoir de cachots plutost que cachettes, pour se mussier le iour, & en sortir la nuit, selon que les necessitez de la Chrestienté requierent; nous pouuons à bon droit coucher au lieu des anciens colleges & residances, les cachots ou prisons de Nangazaqui, & autres lieux. Car la pluspart de nos Religieux sont de fait en prison, & sont dās les prisons ce qu'ils faisoient aux Colleges, autant que la commodité des lieux, & la malice des gens leur permet.

IO  
Prisōs pour  
Colleges.

CETE année on mit en prison, tantost vingt Chrestiens, tantost trente. Le premier de tous fut nostre Frere Leonard Quimura, auquel les calomniateurs imposèrent d'auoir participé au meurtre d'vn ieune homme. Mais son innocence aiant esté clairement recogneuë, les accusateurs changerent de note, & du criminel passerent à la matiere de Religion, luy objectant diuers articles, à l'occasion desquels il repandit glorieusement son sang pour l'amour de Iesus-Christ. Voicy l'histoire entiere, parce que le Pere Trigaut n'en a touché que trois mots en passant.

II  
Leonard  
Quimura  
martyr.

LES trois ans qu'il trempa en prison, luy furent donnez pour le salut de plusieurs ames qu'il gaigna à Dieu. Il auoit sous sa charge trois prisonniers, qui faisoient tous les matins vne heure d'Oraison mentale, & vne autre de vocale, recitant les Letanies des Saints, & autres prieres. Le reste du temps iusques au disner, ils l'emploioient à la lecture spiri-



Ande 576

LIVRE XVIII. DE L'HISTOIRE

IESVS-  
CHRIST  
1618.

tuelle. Apres auoir pris vn mauuais diner, chacun s'appliquoit à quelque exercice particulier. Le midy passé, l'un s'occupoit à lire l'espace de quatre heures: l'autre à escrire, & les autres à quelque ouurage manuel. Sur le tard ils faisoient tous vne autre heure d'oraison; jeûnoient tous les Mercredis, Vendredis & Samedis; quelques-vns encore le Lundy, & se disciplinoient tous tres-rudement ces iours là. De plus tous les Vendredis ils faisoient cinq heures d'oraison, à l'honneur des cinq playes du Sauueur du monde; & chaque mois vne fois les quarante heures, à ce qu'il pleust à Dieu donner la constance necessaire à tous les fidels Chrestiens, & aux Predicateurs du saint Euangile.

12

Prisonniers  
& leurs  
exercices.

13

Vertus de  
Leonard  
Quinura.

LE Iuge, parauenture pour empecher le fruit que nostre Leonard faisoit par sa sainte conuersation, le fit transporter en vne chambre plus haute de la prison, mais si basse de plancher, qu'estant assis il touchoit au toict de sa teste. Il demeura là vn an tout entier, ieunant tous les iours, excepté les Dimanches, & prenant tous les iours, horsmis les festes, la discipline pour la mortification de son corps. Il ne cessoit pourtant d'assister les autres, & nommément les condamnés à mort. D'une partie de ce qu'on luy donnoit pour son viure, il nourrissoit vne pauvre vieille de quatre-vingts ans, qui gisoit ordinairement deuant la porte de la prison. Il enuoioit aussi par fois des aumosnes aux Chrestiens détenus es autres prisons. Bref durant ces trois ans de sa captiuité, il baptiza quatre-vingts & six personnes.

VN Chrestien nommé Thomas, fut emprisonné sur certains fortlegers indices, d'auoir receu en sa maison quelques Religieux. Mais la verité estant conneuë, il fut relaché. Surquoy il se mit à pleurer & sangloter, pour n'auoir senty aucuns tourmens, ny souffert la mort pour Iesus-Christ. Ce qui edifia & consola grandement le reste des Chrestiens.

14

Providence  
de Dieu.

VN Payen contrefaisant le Chrestien, passa vn long-temps en prison, avec vn rare exemple d'abstinence, de veilles, d'oraisons, de mortifications, & fut condamné à mort. Comme on le conduisoit au supplice, voila vn Messager de la part du Iuge, qui le fit reconduire en la prison. Dequoy autant aise qu'étonné, nostre Leonard se mit à l'examiner sur sa

sur sa creance, & sceut en fin par sa propre bouche, qu'il n'estoit pas baptizé: mais que poussé d'un point d'honneur, il s'estoit dit & maintenu Chrestien au peril de sa vie. Il fut donc soigneusement instruit, puis baptizé, & finit sa vie en croix comme vray Chrestien.

Vn Page accusé d'auoir derobé vne bonne somme de deniers à son maistre, se cognoissant innocent, & ne pouuant endurer les tourmens qu'on lui preparoit, chargea vne vieille du fait. Nostre Leonard aiant decouuert la calomnie, luy fit conceuoir vne telle douleur & cōtition de sa faute, qu'il mena vne vie de sainct en prison, ieusnant chaque sepmaine quatre iours, & gardant les autres trois iours vn tel silence, qu'à peine parloit-il, avec cela il dormoit à terre, passoit vne partie de la nuit en prieres, & pour comble de sa penitence, vn homme percé de douze estocades, ayant esté porté en la mesme prison, ce bon Page le traita & gouerna tellement qu'il en guerit. En fin le larron n'ayant esté decouuert, le Page fut condamné à la croix, de laquelle comme on peut pieusement esperer, il passa à la gloire de Paradis.

15  
Calomni-  
teur repen-  
tant.

Vn autre ieune homme, apres auoir ouï plusieurs exhortations en la mesme prison, bouchoit les oreilles & le cœur à tout ce qui concernoit la foy Chrestienne. Mais parce que l'infinie bonté de Dieu le vouloit faire des siens, il veid vne nuit en songe trois Dames reuestuës de blanc, d'un visage & port tres-majestueux & reluisant à merueilles. Vne desquelles s'accostant courtoisement, luy demanda s'il la recognoissoit point. Nenny, dit le ieune homme: mais ie scaurois volontiers qui vous estes. Je suis vne Saincte, repliqua-elle. Mais pourquoy ne te fais tu Chrestien? Le ieune homme luy montrant au doigt vn autre gentil, la pria de le conuertir. La Vierge luy respondit: Il sera Chrestien, mais non pas si tost. Quant à toy, embrasse au plustost la religion Chrestienne. Ce qu'ayant dit, elle tira d'un tres-precieux vase qu'elle portoit, certaines douceurs, luy en presentant à goûter, & ce par trois diuerses fois, retournant aussi souuent vers ses cōpagnes. Le lendemain le ieune homme racōta sa vision à quelques Chrestiens, qui l'asseurerent que c'estoit la Roine des Anges. Depuis il se fit instruire, & baptizer.

16  
Apparition  
de la mere  
de Dieu.



IESVS-  
CHRIST  
1619.

17  
Cinq pri-  
sonniers  
cōdamnez

Tout ce que dessus se passa, tandis que Gonfoco estoit en cour, d'où reuenant, il prononça la sentence de mort contre nostre Leonard: André Murayame Tocuan, Iean Ioxide Xoun, Cosme, & Dominique George Portugais, & hoste du Pere Spinola. Tous lesquels commencerent incontinent à se disposer plus ardemment que iamais au dernier passage. Leonard passa toute la nuit à encourager ses compagnons, & louer Dieu de ce bénéfice, qu'il disoit auoir attendu plusieurs années.

Le lendemain comme il sortit de prison chargé de chaînes, les Chrestiens à trauers lesquels il passoit, se jettoient à la foule, les vns à son col, les autres à ses mains, & quelques-vns mesmes à ses pieds, se recommandans tous à ses prieres. Aquoy Leonard ne repliquoit autre chose, sinon qu'ils l'aidassent à remercier Dieu pour la grande faueur qu'il luy faisoit, & perseuerassent fermes en la foy, iusques au dernier soupir. Arriué qu'il fut deuant le Iuge, il l'interrogea s'il estoit Religieux de la Compagnie de Iesus. Leonard répondit: Vous ne le pouuez ignorer, veu que i'ay esté souuent chez vous en cét habit que ie porte, pour vous salüer de la part de mes Superieurs. Pourquoy donc estes-vous demeuré au Iapon, contre les Edicts de l'Empereur? repliqua le Iuge: C'a esté, répondit Leonard, pour precher la loy de IESVS-CHRIST. Ce que ie feray, tant que Dieu me prestera la vie. Et c'est pour cela mesme, dit le Iuge, que vous serez brûlé tout vif. Car l'Empereur vous a condamné au feu, non pour auoir esté complice du meurtre de ce ieune homme, duquel on vous auoit chargé au commencement; mais parce que vous estes Iesuite, & prechez la foy Chrestienne. Paroles que le Iuge reïtera par deux fois: & Leonard l'en remercia fort humblement. Puis se tournant vers la multitude: Que tout le monde sçache, dit-il, que Leonard est condamné au feu, parce qu'il est Chrestien, & Predicateur de la loy de IESVS-CHRIST. Finalement il exhorta les futurs Martyrs à la constance, les Apostats à la penitence, & les Gentils à la foy Catholique.

18  
Comme  
Chrestiens

Quant au Iuge continuant sa procedure, il demanda à Dominique; As-tu receu en ta maison vn Iesuite nommé Spinola. Dominique respondit. A quel propos me faites-vous cete demande? Vous scauez bien que ie fus emprisonné l'an passé pour ce seul sujet. Le Iuge prit ces mots pour toute responce, & le condamna tout court à estre brulé. Je fais plus d'estat de cete sentence, dit Dominique, que si i'auois conquis tout l'Empire du Iapon. Autant en dit chacun des autres prisonniers, acceptans la sentence.

IESVS.  
CHRIST  
1619.

12  
Domini-  
que hos-  
te du P. Spi-  
nola.

Comme on les conduisoit tous cinq au lieu du supplice, les ruës de la ville regorgeoient de peuple, il en descendoit quantité des montagnes prochaines, la mer estoit couuerte de vaisseaux chargez de gens, chacun portoit compassion à ces pauvres patiens, particulièrement les Portugais à leur compatriot Dominique. Leonard refutoit hardiment les superstitions Iaponoises, suiuant le commandement qu'il en auoit receu du Pere Prouincial. Les autres encourageoient les Chrestiens à la perseuerance, tous en marchant. Arriuez qu'ils furent aux buchers preparez, chacun fit vne reuerence à son poteau; puis s'entr'embrasserent tendrement les vns les autres, & y furent liez. On mit le feu au bois, la fumée s'esleua, la flamme s'epandit de tous costez, sans que personne bougeast.

Nostre Leonard sentant le feu approcher, commença à asseurer d'un visage gay & content, qu'il ne sentoit aucune peine ny douleur; & que cete cuisante chaleur luy sembloit vne douce rosée. Puis s'appercenant que ses liens estoient bruslez, il prit à deux mains des charbons ardens, & se les mit avec grande reuerence sur la teste comme autant de pierreries du Ciel, chantant le Pseaume; *Laudate dominum omnes gentes.* Les Chrestiens etonnez de ce spectacle, firent resonner les tres-saincts noms de IESVS & MARIE. Les enfans de la Congregation de nostre Dame, qui estoient dans vne petite barque, chanterent alternatiuement diuers Hymnes & Cantiques spirituels. Bref, l'ardeur du zele & cha-

20  
Merueille.



**I**ESVS-rité qui sortoit des poitrines Chrestiennes, & le f  
**CHRIST** qui brusloit les corps de ces glorieux martyrs, symbo  
 1619. soient tant, que plusieurs s'approcherent des buchers a  
 dens, pour y estre consumez pour l'amour de Iesus-Chr  
 21 Vn Chinois mesme se fourra si auant, que si on ne l'eust re  
 serueur des Chrestiens. ré par force, il eust esté reduit en cendres. Deux hom  
 mariez demanderent à plusieurs, s'il estoit pas permis à  
 Chrestien, de se jeter dans cet embrasement. Bref plusie  
 Gentils se conuertirent à la foi, meus par les vifs exemp  
 des vertus, qu'ils voioient reluire en la passion de ces g  
 rieux martyrs.

**L**A cruauté de ces Barbares se voulant montrer ingen  
 se, les bourreaux mirent en petites pieces tous les os  
 22 Martyrs, que le feu n'auoit consumé, & les jetterent  
 Reliques hautemer. Mais la deuotion des Chrestiens fut encore p  
 tirées de la mer. ingenieuse & courageuse. Car ils se plongerent iusque  
 fonds de l'eau, pour en tirer iusques aux plus petits  
 Martyrs. Et ces petites pieces furent cause, que plus gr  
 nombre de gens y eurent part. Ces cinq Martyrs end  
 rent à Nangazaqui le vingt-huictieme de Nouembre  
 six cens dix-neuf. Encores vn mot de chacun en p  
 culier.

**L**EONARD estoit natif de Nangazaqui; auoit esté e  
 chez nous dès son enfance: fut fait Dogique au Catec  
 23 le treizieme de son âge: entra en nostre Compagnie à  
 Vertus de Leonard vingt-sept ans, il y en vescu dix-sept; se montrant  
 Quimura ment humble & deuot. Il auoit plus que mediocrement  
 martyr. dié, & neantmoins ne voulut estre autre que Coadi  
 temporel; ne cessa iamais d'aider le prochain, & nor  
 ment depuis que nos Peres furent partis du Iapon, & l  
 tenu pour le seruice de Dieu à Nangazaqui.

**D**OMINIQUE George Portugais, naquît en la pa  
 24 se de S. Romain, en vn village nommé Aguiar de Sout  
 dominique pres auoir porté quelque temps les armes aux Inde  
 George transporta au Iapon, espoula vne fort vertueuse fem  
 Portugais. mée Isabelle, & s'adonna tellement à la pieté, en la v  
 Nangazaqui, qu'il logeoit ordinairémēt les nostres,  
 leur bannissement, Pour auoir receu chez soy le Pere

les Spinola, & Fernandez son compagnon, il fut mis en prison, y demeura vn an entier, s'y reuétit d'vn manteau blanc, pour montrer qu'il briguoit l'Eternité, comme deuot de la tressaincte Vierge. Et apres auoir recommandé à Dieu sa femme encore fort ieune, & quelques petits enfans qu'ils auoient, endura la mort, ainsi que nous auons dit.

VOICV vne chose digne de memoire. Comme les bourreaux chargeoient de tifons & de bois le corps de Dominique, à ce qu'il fût plustost reduit en cendres, vn enfant Chrestien feignant d'attriser le feu, deroba finement vn assez grand os de Dominique martyr, & se mit à fuir. Les Bourreaux coururent apres. Mais l'enfant bien accort ietta cete sainte proye à quelqu'un de la multitude; & se tournant tout court vers ceux qui le poursuiuoient, & ouurant ses mains, leur dit: Que demandez-vous? Qu'ay-ie pris? fouillez moy hardiment. Voiez si vous trouuerez quelque chose sur moy. Ils le fouillerent, & ne l'ayant trouué chargé de chose quelconque, le laisserent aller.

25  
Stratagemme plaisant.

CETE relique fut depuis portée à Macao, & par la liberalité de quelques Portugais, enchassée en argent fort artistement élaboré, & reuenant à plus de cent cinquante escus. Ils recouurerent aussi vne de ses mains, & pour laquelle enchasser ils dependirent plus de deux cens escus.

ANDRÉ fut natif de Nangazaqui, & y fut baptizé par nos Peres dès son enfance. Son pere auoit nom Iean Antoine, vn des premiers Seigneurs qui fut pour lors en la ville: Apres la mort duquel son ainé le persecuta tellement, qu'il quitta sa part du patrimoine, & s'estant retiré à part, s'adonna aux exercices de pieté, & principalement à recevoir les Religieux en son logis, pour lequel sujet il fut constitué prisonnier; non sans soupçon des secretes pratiques de son frere; & en fin fut brulé, comme nous auons ja dit.

26  
André Murayame martyr.

JEAN estoit natif de Meaco, & fut baptizé à Nangazaqui, où demeurant avec sa femme & famille, & aiant sceu qu'un pauvre Religieux, par faute de retraite, demouroit dans vn bois voisin de là, le fut trouuer, & le mena en sa maison. Pour lequel sujet il fut emprisonné, & protesta à sa femme, qui l'alla visiter, que les siecles entiers ne luy sembleroient

27  
Iean Ioxi de martyr.



Ande 582

LIVRE XVIII. DE L'HISTOIRE

IESVS-  
CHRIST  
1619.

qu'autant de iours de demeure en la prison. D'une chose vous veux-je faire souuenir, luy dit-il : C'est que vous offriez de tout vostre cœur ma vie & la vostre, à nostre commun Redempteur. Que si pour estre femme, vous echapez la rigueur de la mort, tenez la main, que nos enfans soient esleuez en la loy & crainte de Dieu. Ses mesmes enfans estoient avec leur mere, presens à cete exhortation, & ne la laisserent pas tomber à terre. Car vne des filles de ce martyr, âgée seulement de six ans, se trouuant sur la porte de la prison, discourut si pertinemment du martyre, que chacun en fut étonné. Et la mere desiruse d'offrir tous ses enfans à Iesus-Christ, estant priée chaudement par vn sien parent, de luy en donner vn qu'il desiroit adopter, respondit franchement qu'elle ne vouloit pas diminuer le nombre des victimes destinées à Dieu.

28

Mere tres-  
magnani-  
me.

COSME du Coray n'auoit qu'onze ans, lors qu'il fut porté au Iapon, peu apres y receut le saint Baptisme, & seruant fort fidellement vn grand Seigneur, gagna vne maison & vne vigne, les fruiçts de laquelle il emploioit à l'entretien des Religieux. Aussi fut-il emprisonné, & puis brûlé, pour auoir caché en son logis deux Peres del'Ordre de S. Dominique. En prison il apprit à lire, pour s'entretenir & consoler avec les saints liures.

*Vnze martyrs qui passerent par le fil de l'espée  
à Nangazaqui.*

## CHAPITRE III.



N vertu de l'Edict Imperial, par lequel non seulement ceux qui logeoient les Prestres & Religieux, ains leurs dix plus proches voisins, estoient coupables de la mort, Gōsoco fit remplir les prisons de Nangazaqui d'un grand nombre d'accusez, & en tria vnze, auxquels il fit faire le procez. Le Iuge leur demanda de premier abbord, s'il y auoit point quelques Gentils parmy eux; & si les Chrestiens vouloient abandonner leur foy: Et n'ayant tiré d'eux autre reponse, sinon qu'ils vouloient tous mourir Chrestiens, se retira tout confus, pour minuter la sentence contre eux.

LA sentence de mort ayant esté fulminée contre eux, le Pere Prouincial de nostre Compagnie les instruisit particulièrement, comme ils deuoient abhorrer l'idolatrie, & aduertir de leur salut, les troupes des Gentils qui assisteroient à leur martyre. Puis leur demanda s'ils vouloient vn Prestre pour se confesser. Dequoy ils le remercierent, l'assurans que peu auparauant ils s'estoient tous reconciliez à vn de nos Peres.

LES bourreaux ordinaires du Iapon, sont comme icy toutes personnes tres-viles & basses. Vn de ce nombre quoy que Chrestien, fut semons de faire ce dernier seruice aux vnze Martyrs: mais il répondit genereusement, Dieu me garde de souiller mes mains dans le sang de personnes si iustes, & destinées pour le Ciel. Je perdray plustost tout ce que ie possède au monde, voire la vie mesme, que de faire vn tel office. Et non content de ce refus, s'en alla trouuer ses camarades, & les fit resoudre de plustost perdre la vie, que de l'oster à ces Saints.

29

Vnze Chre-  
stiens con-  
damnez.

30

Bourreaux  
refusent de  
faire mou-  
rir les  
Chrestiens.



An de 584

LIVRE XVIII. DE L'HISTOIRE

IESVS-  
CHRIST  
1619.

GONSOCO dissimulant le déplaisir que luy auoit apporté cet affront, ordonna que ses propres seruiteurs seruissent de bourreaux à ces onze, comme ils auoient ja fait aux autres cinq. Tandis les martyrs s'estoient reuestus de leurs plus riches habits, & arriuerent au lieu deputé pour leur supplice, avec vne procession tant de Chrestiens, que de Gentils, qu'ils n'oublierent d'exhorter à recognoistre leur createur. Voicy les noms de ces bien-heureux Champions de Iesus-Christ: Thomas Cotenda Quiuini: Matthias Nacano: Romain Matzuuoca: Iean Motoyama: Matthias Cozasa: Antoine Quimura: Alexis Nacamura: Michel Taquexira: Leon Naquanixi: Barthelemy Xequi: Iean Iuananga. Tous lesquels presenterent genereusement leur col nud, pour l'amour de celuy qui mourut en croix pour le salut de nos ames.

31

Thomas  
Cotenda  
martyr.

THOMAS estoit de la premiere famille de Firando, & si proche parent du Gouverneur, que luy mourant sans hoirs il deuoit de tout droit succeder à ses biens & dignité. Il fut baptizé par vn de nos Peres, huit iours apres sa naissance: & dès l'âge de vingt-deux ans, il fit preuue de son zele, quittant sa maison, & se retirant avec son pere nommé Hierome, à Nangazaqui, pour ne se point exposer au danger de faire naufrage en la foy. Sa qualité fut cause que neuf cens autres personnes le suiurent. De fait sa vie estoit vn miroir de vertu, sa maison vne academie d'exercices celestes. Il demeura vingt ans continuels en cet exil volontaire, s'auançant de plus en plus en sainteté. Il jeûnoit pour l'ordinaire trois iours de la sepmaine, se disciplinoit trois fois, & les trois derniers ans de sa vie, faisoit le mesme chaque nuit: il estoit fort addonné à l'oraison. Depuis qu'on eut dressé vn tabernacle pour le saint Sacrement, dans nostre Eglise de Nangazaqui, il passoit vne bonne partie de la nuit en oraison, deuant la porte d'icelle.

32

Tourmens  
desirez  
pour Dieu.

Auant que sortir de prison pour estre decapité, il fut aduertty par quelques siens amis Chrestiens, de se faire tondre, parce qu'il portoit les cheueux si longs, qu'ils pourroient empecher le coup du cimeterre. Je m'en garderay bien, leur répondit-il. I'ay de propos deliberé laissè croistre ma cheue-  
lure,

lure, afin que n'ayant pas la teste coupée du premier coup, ie fois plus semblable à mon Sauueur Iesus-Christ, par vne mort plus lente & douloureuse.

ANTOINE estoit natif de Firando, & sur l'âge de vingt-trois ans estant sollicité de renoncer à la religion Chrestienne; le renoncerois plustost à la Monarchie du Iapon, quand elle seroit à moy, leur dit-il. Et les idolatres repliquans qu'ils luy mettroient sus, & prouueroient par bons temoins qu'il auoit renié sa foy: il entra en telle ferueur, qu'il dit: Et i'iray par tous les tribunaux de la iustice, prechant Iesus-Christ, & protestant que ie ne croy qu'en luy. Ce que les Payens redoutans, quitterent leur entreprise.

33  
Antoine  
Quimura  
martyr.

MICHEL estoit de Nangazaqui, âgé de vingt-cinq ans, renômé pour sa liberalité & modestie. Il estoit d'un si doux & paisible naturel, que la commune opinion fut, qu'il s'estoit maintenu vierge. Prerogatiue autant propre aux Anges, qu'elle est rare parmy les hommes.

34  
Michel  
vierge &  
martyr.

BARTHELEMY naquit en vn village nommé Vsuqui, & fut l'espace de huit ans prouuoieur de nostre Maison: homme de petite complexion, & quasi tousiours malade, mais espris d'un tel desir du martyre, qu'il dit à sa femme. Soyez soigneuse de vous maintenir en la grace de Dieu, & d'esleuer les enfans qu'il luy a pleu nous donner, en son saint amour & crainte; & sçachez que si le iuge ne me fait mourir, ie pretens demeurer en vn coin de cete prison, pour mon Paradis le reste de mes iours.

IEAN Iuananga de la Prouince de Tacacu, & d'un chateau nommé Cigina, estoit âgé de soixante ans, plus chenu de sens & de sainteté, que d'années ou experience. Et viuoit en sorte qu'il edifioit tout le monde. Il n'ay trouué en l'original chose remarquable des autres, que leur constance, & perseuerance finale en la foy. Ils deuoient estre en tout douze martyrs; mais la couronne fut rauie de dessus la teste d'un d'iceux, qui fit plus d'estat du tēps que de l'eternité.

CETVI-CY auoit vne fort vertueuse femme, laquelle oyât dire que son mary chancelloit en la foy, courut à la prison, & portée d'une iuste indignation, luy vomit pour premier salut mille reproches de sa couardise & foiblesse de cœur.

35  
Femme  
tres-vertueuse.



IESVS-  
CHRIST  
1619.

Le miserable mary chargé de honte, & bouffi de colere, la chassa, disant, que pour luy faire dépit, si elle luy enuoioit à manger, il ne daigneroit regarder la viande. Pense-tu donc, répondit la femme, que ie songe desormais à te nourrir ? Tu te trompe lourdement. Ie t'ay maintenu iusques à present, comme vn homme raisonnable & Chrestien; mais puis que tu es deuenu pariure & infidele, ie ne penseray plus à toy. Ie m'imagineray que iusques à present i'ay nourry vn singe. Tu m'as esté vne fois mary; mais va t'en mes-huy chercher vne autre cōpagne. Ayant dit telles ou semblables paroles, d'vn accent conforme à sa douleur, elle luy tourna les épaules, & arriuant en sa maison, prit vne partie des moiens qu'elle y auoit, & quelques meubles; Puis se tournant vers vn sien petit enfant; Demeure icy, luy dit-elle: Demeure icy à la bonne-heure, si tu veux estre semblable à ton pere. Pour moy i'aime mieux viure seule avec Iesus-Christ, que mal accompagnée de semblable race. L'enfant luy iura la larme à l'œil, qu'il seroit tousiours bon Chrestien. Qui fut cause qu'elle l'emmena avec soy. Depuis estant sollicitée par les Magistrats, de renoncer à la foy, elle se montra constante en sa resolution.

36

Enfant di-  
gne de sa  
mere.

37

Apostat de  
la foy, hay  
de tous.

Mais son miserable mary, ne demeura pas long-temps sans payer les peines deuës à sa lacheté. Car il deuint si odieux & abominable à tout le monde, que non seulement les Chrestiens, mais les Payens mesme le fuioient comme vn pestiferé. Quand il passoit par la ruë, les enfans luy disoient des iniures, luy jettoient de la boüe, & quelquesfois des cailloux. Il vint en fin en telle misere, que personne ne le vouloit receuoir chez soy; & vn certain qui luy auoit loué quelque chambre, l'é chassa à viue force, disant à sa femme: Parce que vous avez esté plus masle en vertu que vostre mary, ie desire vous assister liberalement. Que si vous eussiez fait comme luy, ie vous eusse traictée encore plus mal que luy.

*La prison d'Omura, & le nombre des Chrestiens  
qui moururent tant dedans que  
hors d'icelle.*

## CHAPITRE IV.



DES l'année passée il y auoit six Religieux prisonniers à Omura, comme nous auons touché cy-dessus; trois Peres de l'Ordre S. Dominique, vn de S. François, & le P. Charles Spino-la, avec Ambroise son Compagnon. Cete année on en y mena deux autres des isles de Firando. Il y auoit aussi huit Dogiques ou Catechistes. Voicy la vie qu'ils menoient. Les Prestres disoient la Messe de bon matin. Puis tous faisoient vne heure d'Oraison mentale; & apres icelle vaquoient à la lecture spirituelle, ou à quelque priere vocale. Apres midy ils repetoient les mesmes prieres tous ensemble, ou chacun à part. Auant souper ils disoient deux à deux leurs Matines, & l'office de la tres-saincte Vierge Marie. Apres souper ils faisoient vne fort longue discipline; & y adoustoient les iours de Dimanches & Festes, le *Salve regina*, & les Letanies, qu'ils chantoient à haute voix. En fin ils examinoient leurs consciences, puis se mettoient à reposer.

LEUR nourriture estoit d'un peu de ris, & quelques herbagés: & au plus vn harenc salé, le plus souuēt corrompu & puât. Avec tout cela, ils ieunoient tous les iours. Leur prison estoit proche du port, en vn lieu fort infesté, & tellement sujet à la rage des vens, qu'il falloit estre tousiours avec des pieux en main pour l'etancher. De peur que la cheute de ce malheureux logis n'accablât les prisonniers, le Magistrat resolut d'en faire dresser vn autre. Cependât on les enferma dans vne caverne sous-terrine, où ils n'auoient aucune lumiere, & enduroient des incōmoditez qu'on ne scauroit s'imaginer. Nostre

Eccc ij

Liu. 17.  
nomb. 164  
& 1619.

38  
Prisonniers  
d'Omura  
& leur vie.



An de 588

LIVRE XVIII. DE L'HISTOIRE

IESVS - Ambroise escriuant au Pere Prouincial, dit qu'il s'etonna  
CHRIST qu'ils ne fussent tous morts en cete basse fosse, principale-  
1619. ment pour l'insupportable puanteur.

39

Prison nou-  
uelle à O-  
roua.

DE ce cachot ils passerent à la prison neufue, lieu expo-  
sé à toutes les malignitez de l'air. Au reste ceint premiere-  
ment de muraille puis de double palissade, composée de  
deux haies d'espines fort epaisses, entre lesquelles il n'y a-  
uoit qu'un petit sentier, où les gardes faisoient iour & nuict  
la sentinelle si exacte, qu'ils ne laissoient passer que quelques  
aumosnes que les Chrestiens enuoioiēt aux prisonniers, sça-  
chans bien qu'ils en auoient extreme disette, & que plusieurs  
s'euanouïssioient de pure foiblesse, & debilité. Dequoy les  
gardes emeus de compassion, fermoient les yeux, voire ne  
faisoient pas grand estat des brauades du Magistrat, ains par  
fois laissoient entrer à la decouuerte les presens qui leur  
estoiēt enuoiez. Dequoy le Magistrat irrité, contraignit les  
gardes à iurer par leurs Camis & Fotoques, de ne permet-  
tre plus que les prisonniers fussent secourus de viures. Il y  
en eut plusieurs qui obeïrent. Lin Paxicata Toyemon, com-  
me vray caualier de Iesus-Christ, refusa publiquement de le  
faire, disant qu'il ne pouuoit iurer que par le vray Dieu.

40

Lin Paxi-  
cata mar-  
tyr.

Puis preuoyant bien la ruine qui le talonnoit pour ce re-  
fus, s'estant recommandé aux prieres des prisonniers, se re-  
tira en sa maison, fit vn banquet à ses amis, & leur dit le der-  
nier adieu. Ce fut le dernier iour du mois d'Auril, qu'ayant  
fait vne longue & feruente priere à Dieu, il se jeta sur vn liest  
pour prendre vn peu de repos; & aussi-tost fut attaqué par  
vn escadron de soldats, vn desquels luy tira vne estocade à la  
gorge. Coup qui éveilla Lin; comme il estoit jà resolu à la  
mort, il se jeta à deux genoux, attendant le dernier coup; &  
eut incontinent la teste en terre. C'estoit vn Gentil-homme  
âgé de trente trois ans, vaillant guerrier, & grandement ai-  
mé du Gouverneur; qui auoit souuent cherché le moien de  
repandre son sang pour nostre Redempteur, & le trouua  
lors que moins il y pensoit.

41

Femme tres  
vertueuse.

LE Ciel l'auoit conjoint par mariage à vne tres-vertueu-  
se matrone, laquelle voyant son mary nageant dans son sang,  
courut apres les bourreaux, criant à pleine teste: Je suis Chre-

stienne aussi bien que mon mary. Voicy mon corps & mon sang que ie veux repandre comme il a fait. Mais ces barbares n'oserent mettre la main sur elle, pour n'en auoir charge, ny commission. Tellement qu'elle se retira avec vn sien fils, en la maison d'un sien parent; laissant emporter aux soldats tout ce qui estoit en son logis.

LA mort temporelle de ce glorieux martyr fut cause de la vie spirituelle de plusieurs, & nommément de trois des gardes, lesquels s'estans repentis du serment qu'ils auoient presté contre les Chrestiens, mirent en pieces le papier où ils l'auoient escrit. Le Iuge fut sur le point de les mal traiter, mais il apprehenda d'attaquer trois guerriers, des plus vail-lans qu'eut le Gouverneur. Depuis ayant sçeu qu'un Chrestien, nommé Michel, personnage de marque, auoit fait refoudre Lin, à tenir bon, il tourna sa rage contre luy, & le fit comparoitre deuant soy. Neantmoins voiant qu'il ne le pouuoit debaucher de la foy Chrestienne, il le renuoya sans autre resolution. Ce qui fut cause que Michel se prepara soigneusement à sa derniere iournée.

42

Michel se  
disposé au  
martyre.

DEUX autres pour auoir temoigné la compassion qu'ils portoient aux prisonniers, en rapporterent vn glorieux martyre, le dix-neufieme iour de Iuin. L'un s'appelloit Pierre Arizo; & l'autre Thomas Conzacu, natif du Coray. Pierre estoit âgé de vingt-huit ans, & Thresorier du Prince. Mais comme il estoit etranger, craignant quelque heurt d'enuie, il resigna son office, se contentant de viure en repos parmy ses amis.

ESTANT allé à Yendo pour quelque affaire particulier, il fut prié par les Chrestiens, d'accepter la surintendance d'une Congregation. Ce qu'il fit avec autant de deuotion que de constance. Car quoy qu'il fût de grande maison, il ne dédaignoit pas se trouuer parmy les villageois, pour leur enseigner la doctrine Chrestienne.

IL auoit coutume d'enuoier aux prisonniers d'Omura, diuerfes sortes de fruiçts, suiuant les saisons. Sur l'Automne il leur enuoia à chacun vn melon, escriuant sur l'ecorce le nom de celuy auquel il l'adressoit. Le porteur fut vn païsan, nommé Thomas Cubarese, lequel mesura tellement les pas,

43

Melons pour  
les prison-  
niers.



IESVS-CHRIST 1619. qu'il arriua sur le midy à la prison, esperant que la chaleur empechant lors les gardes de veiller, il auroit plus de commodité d'aprocher des prisonniers. Mais il fut trompé. Car

il tōba dans vn corps de garde. Il pouuoit reculer promptement; mais il ne le voulut faire, de peur d'estre estimé couard. Il passa donc outre, & ouurant son panier de melons, commença à les distribuer aux Dogiques. Les gardes accourent à l'odeur du fruit, s'atroupent à l'entour de luy, veulent scauoir qui enuoie les melons. Thomas ne repond mot. Les soldats le lient. Pierre qui les enuoioit, en eut incontinent le vent, & tout joieux, dit à sa femme, comme d'un esprit Prophetique: M'amie, nous ne perdrons pas nos melons. L'espere qu'ils nous vaudront le ciel.

44

Pierre Tre-  
sorier &  
martyr.

CE qu'ayant dit, il s'en alla trouuer le Magistrat, confessa librement qu'il auoit enuoie les melons, & qu'il estoit & vouloit mourir Chrestien, avec sa famille. Le Magistrat l'exhorta premierement, puis le menaça pour luy faire renier la foy: Mais en vain. Voiant donc qu'il n'auançoit rien, il commanda secretement à vn amy de Pierre de le faire mourir. Ce feint amy l'inuita chez soy. Pierre se douta bien de la fourbe; il ne manqua pourtant de s'y trouuer. Apres le repas il demanda vn peu de temps pour se recolliger, & prier Dieu. Puis sortit à la basse cour pour receuoir les coups d'épée, desquels l'autre le fit mourir. Sa femme desiroit bien vne semblable fin; mais elle ne fut digne, que d'estre depouillée de ses biens. Au mesme temps, Thomas porteur des melons, persistant ferme en la foy fut conduit sur vne colline, vis à vis de la prison, & là decapité pour IESVS-CHRIST.

45

Ambroise  
Fernandez  
mort en  
prison.

DANS la prison moururent vn Pere de l'Ordre de saint Dominique, duquel ie n'ay trouué le nom: & nostre Ambroise Fernandez, tous deux de disette. Voicy ce que le P. Spinola escriuit au P. Prouincial, touchant le decez de son Compagnon. I'ay plusieurs affaires de grande importance à communiquer par escrit à vostre Reuerence, mais sur tout l'heureux decez de nostre tres-vertueux vieillard Ambroise. Tous ceux qui le cognoissoient s'etonnerent de le voir si tost expédié. Il mangeoit fort peu, faute de viures. Il

souffloit en ce temps vn vent si froid, qu'il luy osta la parole. IESVS-CHRIST 1619.  
 Surquoy il fut surpris d'une apoplexie, nō sans probable soupçon de poison. Car aiant vomī grande quantité de sang, & rendu l'esprit à Dieu sur la minuiēt, il resta neantmoins si chaud, qu'il sembloit plustost vif que mort.

SOVDAIN qu'il fut surpris de ce mal, quoy qu'il se fût confessé & communiqué ce iour là mesme, ie luy demanday à haute voix, s'il ne se repentoit pas de tous les pechez de sa vie, & de ceux mesmes, desquels il s'estoit confessé. Il me fit signe qu'oui; & ie luy donnay l'absolution. Je l'interrogeay s'il mourroit pas volontiers de faim, pour l'amour de Iesus-Christ; & il me répondit: Dieu face de moy tout ce qui luy plaira.

Je poursuuius, & voulus sçauoir de luy, s'il deshoit pas recevoir l'Extreme Onction, pour s'armer de toutes pieces à ce dernier comba. A quoy il me dit intelligiblement le dernier, oui. Il s'en alloit minuiēt, & recognoissant qu'il aprochoit fort de sa fin, ie demanday par charité vne lampe aux soldats, pour luy pouuoir administrer l'Extreme Onction. Mais il ne fut pas possible del'obtenir de ces barbares. Partant ie resolus de me seruir d'une meche d'arquebuzes allumée, au peu de lumiere de laquelle ie luy administray l'Extreme Onction. Cela fait comme les bons Religieux nos conprisonniers, & moy, chantions les Litanies, il quita son corps pour s'en aller avec les Anges. Ce qu'ayant aperçeu, le Religieux estoit Semainier entonna le Pseaume, *Laudate dominum omnes gentes*, en action de graces. Lequel finy ils m'entourerent tous pleurans d'alegresse, & m'enuians vn Compagnon martyr, qui estoit passé de ce monde avec tous ses Sacremens; se promettans tous qu'il intercederoit pour eux au ciel, veu qu'il les auoit tant aimez en terre.

Mon heure n'est pas encore venuë, mais j'ay confiance en la bonté diuine de le suiure bien-tost. Car i'atens dans deux ou trois iours l'issuë de mon procez, & ma sentence de mort. Comme ie m'es-jouïs infiniment d'auoir mon tres-doux Compagnon au ciel; aussi suis-je extremement marry de ne l'auoir seruy & traité selon ses merites. La volonté y

46

Extreme-  
Onction  
admini-  
strée en  
prison.

47

Lettre du  
P. Spinola.



IESVS-estoit bonne; mais toutes sortes de moiens me manquoient.  
 CHRIST Atant le P. Spinola. Le susdit Ambroise martyr, souffrit la  
 1619. mort le septieme Ianuier, mil six cens dix-neuf, & de son âge  
 le soixante-neufieme.

48  
 Enqueste  
 pour les  
 martyrs.

LE P. Prouincial aiant receu cete nouuelle, enjoignit au P. Spinola de faire vn procez verbal de tout le succez de cete execution, interroger iuridiquement tous les temoins qu'il pourroit recouurer, les ayant au prealable fait iurer, comme eust peu faire l'Euesque du Iapon, le siege duquel vaquoit pour lors. Le P. Spinola fit le deuoir, & trouua nombre de personnes tres-dignes de foy, qui temoignerent que Ambroise auoit esté emprisonné pour la foy Chrestienne, estoit mort de pure misere, & sur tout de froid. Qu'on luy auoit enuoié de Nangazaqui vne robe pour se deffendre des iniures du temps, mais que les gardes la retindrēt pour eux. Qu'il s'estoit montré tousiours tres-desireux du martyre, n'estant iamais si content, que lors qu'il entendoit parler de la croix, du feu, des glaiues, & des tourmens. Ce qui estoit cause que ses compagnons l'entretenoient souuent de semblables discours. Bref que chacun le tenoit pour vray martyr, & qu'on auoit enleué ses chetifs habits, comme autant de reliques.

AMBROISE estoit Portugais, natif d'un chasteau nommé Xiste, en l'Euesché du Port. Dés sa plus tendre ieunesse il s'adonna à la marchandise; puis porta les armes aux Indes, fut ietté par vne furieuse tempeste, à la costé de la Chine: de là passa au Iapon, où il fut receu en nostre Compagnie, pour Coadiuteur, & y vécut avec tāt d'humilité & deuotion, qu'il n'auoit pas son semblable. Le travail estoit son deduit. Durant les trois années de sa prison, il se mortifia tellement qu'il perdit l'vsage d'un bras.

49  
 Vertus  
 d'Ambroise  
 Fernandez.

ON ne le veid iamais en cholere, ny répondre parole piquante. Tousiours semblable à soy-mesme, & tant affectionné à la sainte paureté, que l'espace de plus de trente ans il ne se couurit iamais que des habits que les autres auoient quittez: & iamais ne voulut auoir de souliers neufs. Il estoit ennemy iuré de la gourmandise: cherchoit tousiours le pire pour manger: ne beuuoit iamais de vin: ne goutoit aucune delicateffe,

ECCLESIASTIQUE DV IAPON. 593 An de  
 delicateſſe, que par exprès commandement de celuy qui le <sup>LESVS</sup>  
 gouuernoit. Bref la genereuſe carriere de vertu qu'Ambroi- <sup>CHRIST</sup>  
 ſe couroit, ne meritoit autre fin ny recompenſe que d'vn <sup>1619.</sup>  
 glorieux martyre, que Dieu luy oſtroia.

*Martyres de Iacques Cangayama Faytò: Baltazar  
 Cangayama Fanzagemon, & de  
 Iacques ſon fils.*

· CHAPITRE V.



ETRVNDONO Seigneur de Bugen, non  
 content d'auoir l'an paſſé dépoüillé de  
 tous ſes biens, & conſigné auec toute ſa fa-  
 mille, en vne pauvre cabane Iacques Cā-  
 gayama, qui eſtoit la colonne de l'Egli-  
 ſe Iaponnoiſe, continua cete année à lui  
 liurer diuers aſſauts pour le peruertir :  
 & voiant qu'il y perdoit ſon temps & ſa  
 reputation, ſe reſolut de luy enuoier la ſentence definitiue,  
 contenant treize articles reſultans de ſon procez. Le der-  
 nier eſtoit, que Iacques profeſſoit la foy Chreſtienne, & ſe  
 monroit trop reſolu partiſan des Catholiques. Les autres  
 articles n'eſtoient que vains pretextes. La ſentence luy  
 eſtant leuë, il voulut repondre à chaque article pour ſa iuſti-  
 ficatiō. Mais les Miniſtres de la iuſtice luy fermerent la bou-  
 che, diſans: Le Prince ne fait pas grand cas du reſte. Il veut  
 que vous mouriez, parce que vous eſtes Chreſtien. Iacques  
 remercia le Prince de ce qu'il le rendoit digne d'vne mort  
 ſi precieuſe deuant Dieu. Puis ſe tournant vers l'aſſiſtance,  
 dit tout haut, Meſſieurs ſoiez moy temoins, ſ'il vous plaift,  
 de ce que vous auez oüi; c'eſt que ie ſuis condamné à la mort  
 pour le ſeul ſujet de la foy, & ſans cela ie pourrois viure en la  
 bonne grace du Prince.

ſa femme nommée Marie, eſtoit en la prochaine cham-  
 Tom. II. Ffff

50  
 Iacques  
 Cangaya-  
 ma. & ſon  
 procez.



IESVS-  
CHRIST  
1619.

bre, avec Lucie vne de ses trois filles, auxquelles il voulut dire adieu, mais à telle condition, qu'elles ne pleureroient pas, comme ont coutume de faire les femmes. Mais qui résisteroit aux secousses interieures en semblables cas? Elles l'embrassent se plaignant d'estre ainsi abandonnées. Iacques les reprend de ce qu'elles troublent vn iour qui luy estoit si secretin, leur laisse de fort salutaires auertissemens, mais en peu de paroles. Puis se jette en terre deuant l'image du Crucifix, se recommande de tout son cœur à Dieu, & à la sainte Mere. Prend congé de tous, & s'estant reuëtu de ses plus precieux habits, sort de sa maison, sans montrer aucun signe de crainte. Il estoit couuert d'une grande robe de nostre Europe, que le P. Gregoire de Cespede son ancien maistre, luy auoit donnée, & de laquelle il se seruoit seulement aux festes plus solennelles. Il prit sur cete robe vn fort beau manteau à la Japonnoise, qu'ils appellent Quimon, & qui a des manches courtes à demy-bras.

51  
Prend congé de ses domestiques.

EN cét equipage il entra dans vne petite barque, pour se transporter à demi-lieuë de Cocura, ville où le Prince residoit. Durant ce voiage, quoy que court, il inculqua souuent aux bourreaux qui le menoiert, que de sa vie il n'auoit esté si content. Ce qu'ayant dit, il se teut. Mais de peur que ces barbares ne pensassent que le courage lui māquât, sur l'apprehension de la mort, il reprit son discours, & leur dit : Ne vous étonnez pas de mon silence, parce que nous autres Chrestiens auons coutume de nous aprocher de Dieu pour luy parler sans bruit de paroles. Nous crions à luy avec vne grande affection de cœur, & ardeur d'esprit, qu'il agrée sur tout, parce qu'il est vn tres-pur & eternal esprit.

52  
Est decapité.

SORTI qu'il fut de la barque, il d'epouilla son manteau, & le donna à vn Chrestien qui l'auoit accompagné: puis se dechauffa, pour aller à pieds nuds vers la colline qu'il auoit choisi pour mourir. Il la monta recitant diuers Pseaumes & les Letanies des Saints, avec le mesme Chrestien. Estant là, il se jeta ioieusement à deux genoux, leua les yeux au Ciel, repeta doucement les nōs de IESVS & MARIE, puis étendit le col avec tant d'assurance, qu'il enseigna au bourreau mesme, cōme il pourroit faire vn coup de mai-

stre. Cemyrtre arriuale quinzieme d'Octobre mil six cens dix-neuf; & de l'âge de Iacques le cinquantequatrieme.

SA femme Marie, & sa fille Luce, desirerent fort de faire vne sēblable fin; mais Dieu ne le permit pas. Luce fit part de son desir au P. Prouincial de nostre Cōpagnie, luy escriuāt en tels ou semblables termes. La nuit que le bourreau qui osta la vie à mō pere, vint en nostre maison; i' ētray en quelque esperāce que ie répādroids aussi mō sang pour l'amour de Dieu. Mais me voiant depuis hors de danger, ie demeuray toute confuse, & si ēperduē en moy-mesme, que ie ne le sçauois exprimer. Et me semble qu'il m'est arriuē, ce qu'on dit en commun prouerbe, que celui qui s'en va les mains vuides d'vne montagne couuerte de pierres precieuses, merite bien de mendier son pain.

53  
Lettre de sa  
fille au P.  
Prouincial.

LES mesmes iour, mois, & an que dessus, fut decapité pour la cause de la sainte foy, au Roiaume de Bungo, vn Chrestieñ nommé Baltazar, qui estoit cousin du susdit Iacques martyr. Estant receueur des rentes dans le Roiaume de Bungo, qui appartenoyent à Yetrundo Prince de Bugen, il fut banny du Roiaume de Bungo, & ses biens confisquez. Cōme il vaquoit à ses deuotions au lieu de son exil, voila vn Messager qui luy apporte la sentence de mort, pour ce seulement qu'il estoit Chrestien. Il ne changea pas de couleur à cete nouuelle, ains d'vn visage serein, remercia le Gouverneur. Puis entra dans sa maison, où estoient Iuste sa mere, sa femme Luce, & sa fille Tecle, leur declara l'agreable nouuelle qu'il venoit de recevoir, benissant mille fois le dōneur de tous biens, de ce qu'il le faisoit arriuer à sa gloire, par vn si court chemin, & les exhortant à la constance en toutes leurs affaires.

54  
Baltazar  
martyr.

COMME il discōtroit avec grāde ferueur, les Ministres de la iustice entrerent dedans, & lui demanderent où il desiroit mourir. En tel lieu qu'il vous plaira, repartit-il. Mais la petite Tecle ajouta: Monsieur & pere, puis que vous n'estes cōuaincu d'aucun crime, ny jugé pour forfait quelconque, il n'est pas besoin que vous sortiez de la maison. Ce vous sera plus de commodité, & plus de contentement pour nous, si vous mourez dans vostre propre logis. Baltazar n'approuua pas l'opinion de sa fille, luy representant l'exemple de nostre

55  
Fille tres-  
contente.



IESVS- Sauueur, lequel quoy qu'il fût l'innocence mesme, vou-  
 CHRIST lut mourir hors de Hierusalem, en vn lieu public, entre  
 1619. deux larrons. Ce qu'ayant dit, il se mit à genoux deuant  
 vne deuote image de nostre Sauueur, luy presenta vne  
 feruente oraison, apres laquelle, en signe de ioye, sa fem-  
 me & sa fille luy lauerent les pieds. Bref se reuétant de ses  
 plus beaux habits, & prenant d'une main l'image de la mere  
 de Dieu, & de l'autre vn cierge benit allumé, s'en alla trou-  
 uer les bourreaux.

Voici vne chose étrange: son fils Jacques se jette à  
 ses pieds, les luy baise, prie & crie, qu'il le mene avec soi,  
 pour mourir ensemble pour Iesus-Christ. Ce fut icy que  
 le pere fit vne longue & grande resistance. Mais le voiant  
 plus resolu que son âge ne portoit, il le laissa suiure. Ar-  
 rivez qu'ils furent au lieu destiné, Baltazar ayant remon-  
 tré à l'assistance la vanité des Camis & Fotoques, dit  
 tout haut: Je ne pretens point que vous me portiez com-  
 passion, ains ie vous demande, que vous vous conjoüis-  
 siez avec moy, pource que ie meurs pour mon Sauueur,  
 non pour crime que j'aie commis. Ce qu'ayant dit, il  
 mit les deux genoux à terre, haussa les mains au Ciel,  
 estendit son col nud, & le bourreau le bras, qui luy aua-  
 la la teste. Autant en fit son fils Jacques qui n'auoit que  
 quatre ans. Le pere estoit au quarante-septieme de son  
 âge.

56

Jacques  
 martyr à  
 quatre ans.

*Extrait de quelques vertueux actes, faits  
cete année, en diuers quartiers  
du Iapon.*

## CHAPITRE VI.



IX de nos Peres, faisans pour l'ordinaire leur residence en Tacacu, y fonderent vne Congregation de ieunes enfans de la doctrine Chrestienne, en laquelle chacun faisoit penitence publique, pour les fautes publiques qu'il commettoit; les plus grands se disciplinoient à certains iours, & frequentoient les tres-saincts Sacremens de penitence, & de l'Eucharistie.

Nos Peres auoient en la ville de Yanangana vne belle Eglise, & maison ioignante, lesquelles aiant esté ruinées suivant l'Edict de l'Empereur, vn President idolatre se seruit des materiaux pour en bâtir vn magnifique Palais. Ses affaires l'ayant appellé ie ne sçay où, sa femme inuita nombre de Dames & Damoiselles à banqueter solennellement dans ce nouueau logis. Durant le repas, les inuitées commencerent à louer & priser l'architecture du palais: la beauté des salles, la commodité des chambres, bref la perfection de tout l'ouurage. Discours qui fut fort agreable à la Dame du logis. Neantmoins la force de la conscience luy fit dire: Je suis bien aise que la maison vous agrée, mes Dames: mais vn grand scrupule bourrelle mon ame; c'est que ce palais est composé des materiaux, qui estoient dediez à la mere de Dieu, & mesme son image y est encores empreinte. Dequoy les autres femmes se mirent à rire, l'appellant scrupuleuse, & de bas courage. Mais elle changea soudain de face, commença à trembler, & s'écria: La voiez-vous pas? La voila. Voiez-vous pas la Vierge Marie portant son sacré fils entre ses bras? Les plus hardies furent lors bien étonnées, & se retirerent

57

Profana-  
teurs des  
lieux sa-  
crés punis.



**I E S V S** - chacun chez soy, & la Dame du logis en son liât, d'où elle  
**CHRIST** ne releua plus, ains mourut peu de temps apres. Voila com-  
 1619. me Dieu punit les profanateurs des choses sacrées. La iusti-  
 ce de Dieu ne s'arreta pas là. Car dans vn an tous ceux qui  
 demeuroient dans le logis moururent. Ce qui epouuenta  
 fort les Gentils, & leur fit dire que le Dieu des Chrestiens  
 auoit les mains bien longues.

58

Memoire  
 miracu-  
 leuse.

A Bungo vne femme apres vingt ans d'apostasie recon-  
 neut son peché, non sans apparence de miracle: car elle se re-  
 souuint tout à coup de toutes les prieres & deuotions qu'elle  
 auoit apprises dès son ieune âge. Ce qu'elle n'auoit peu faire,  
 persistant en son peché, quoy qu'elle se fut par plusieurs  
 fois efforcée de les redire.

VNE autre vieille, aiant publiquement renié **I E S V S** -  
**CHRIST**, se reconneut en fin, & resolut de rentrer au gi-  
 ron de l'Eglise, mais elle ne trouuoit point de Prestre pour  
 la reconcilier. Comme elle estoit en cete peine, vn de nos  
 Peres passa par le village où elle habitoit, & entra chez vn  
 Chrestien, en la maison duquel la vieille vint à mesme heu-  
 re, pour luy raconter certaines & horribles visions qui la  
 tourmentoient. Le maistre du logis l'ayant ouïe, & admi-  
 rant la prouidence de Dieu, la fit parler au Pere, qui estoit  
 chez luy, en la presence duquel elle fit profession de foy, &  
 fut reconciliée à l'Eglise.

LES Chrestiens d'Yo sçeuient dextrement trouuer le  
 moien d'ouïr la sainte Messe, dans la maison propre d'vn  
 Gouverneur Païen, nonobstant les étroites deffences faites  
 au contraire. Mais l'histoire n'a pas declaré la façon.

59

Triomphe  
 de la cha-  
 steté.

VN Page du Prince de Firoxima, sollicité de son des-hon-  
 neur, par son propre maistre, se tourna contre luy, comme vn  
 lion, & interroge si le refus qu'il faisoit procedoit pas de ce  
 qu'il estoit Chrestien; répondit que de vray il estoit Chre-  
 stien, & vouloit mourir pour tel. Le Prince le menaça de la  
 mort, & il se retira pour s'y disposer. Ce fut vn triomphe de  
 la chasteté, ce ieune homme répandant son sang pour  
 icelle.

VN ieune homme fit vœu de ne boire iamais de vin,  
 qu'il n'eust receu le saint Baptême; & aiant persisté

trois ans en cete resolution, fit cent cinquante lieues de chemin, pour se rendre à Ozaca, où il fut baptizé avec vne indicible allegresse, & ayant receu du Pere vne belle image, & vn chappelet, avec vn *Agnus Dei*, s'estima plus riche, que s'il eust herité de tout le Japon.

LA police Payenne du Japon, aiant rencontré vn pauvre homme, frappé d'un mal incurable, & rendant de son corps vne puanteur insupportable, le condamna à estre traîné à la voirie, ou égout de la ville pour y mourir en beste. Comme on le passoit deuant l'Hospital, les Chrestiens en eurent compassion, l'y receurent, le Catechizerent, le firent baptizer. Il mourut incontinent apres le baptême.

CERTAIN malade populaire & contagieuse courant par la ville d'Ozaca, & emportant la pluspart des petits enfans, vn Chrestien s'auisa de contrefaire le Medecin, & s'accompagner d'un Catechiste pour visiter les enfans malades. Le Medecin leur tâtoit le poux, & prescriuoit quelques legers remedes; Pour l'application desquels le Catechiste les baptizoit. Puis saluoient tous deux fort humainement la compagnie. Cete inuention enuoia beaucoup de petits enfans en Paradis.

IL y auoit en la ville d'Ozaca, vne deuote seruante de Dieu, qui auoit receu du ciel vn particulier don de chasser les esprits malins des corps possédez. Pour tous exorcismes elle se seruoit d'eau benite, de leur pendre son chappelet au col, & d'inoquer le nom de Iesus, au son duquel ces esprits immondes s'enfuioient.

A Quinocuni vn homme de qualité, nommé Toyama, nonobstant les troubles de la persecution, auoit fait de son logis vne Eglise. Dequoy vn sien parent l'ayant inuité à dîner, le taxa; ajoûtant qu'il auoit grand tort de tenir en sa maison, vn Religieux de nostre Compagnie. Toyama s'en indigna tellement, qu'il se leua de table, ne s'y voulut plus remettre, protesta librement que tous les biens qu'il possedoit, estoient à Iesus-Christ, & qu'il vouloit que sa maison fût vne Eglise pour tous. De fait il seruoit luy-





IESVS- mesme à la sainte Messe, & vaquoit souuent à la lecture spi-  
CHRIST rituelle.

1619.

VN de nos Peres fut à Yendo, qui est vne des residences del'Empire, pour assister les Chrestiens, instruits en la foy, par les Religieux Peres de l'Ordre S. François, parce qu'il n'y enauoit lors pas vn. Dequoy les Chrestiens des enuiron sourdement auertis, s'y rendirent en grand nombre. Il y en vint de treize iournées loin, pour oïr la sainte Messe, & participer aux Sacremens.

*La prison de Meaco, garnie de soixante trois Chrestiens  
que Chrestiennes, & annoblie par la mort  
de huit d'iceux.*

## CHAPITRE VII.



'EGLISE de Meaco ioüissoit cete année, de quelque peu de tranquillité, sans le vêt de persécution qui s'esleua pour le sujet que ie m'en vay deduire. Les Chrestiens ayant celebré la feste de la Natiuité de nostre Sauueur, avec nō moins de deuotion que de solemnité, les Payēs

furent vers Ingendono leur Gouverneur, crians que les Chrestiens estoient gens testus & mutins, ne craignoient l'Empereur, ne respectoient ses loix, ne gardoient ses ordonnances. Le Gouverneur homme fort benin, & tres-bien informé del'innocence des Chrestiens, montra qu'il ne faisoit pas grand cas de la plainte des Payens, & ne s'en fût émeu, sans son fils, lequel reuenant de la cour Imperiale, luy fit entendre qu'il y auoit danger pour luy, & pour toute sa famille, s'il ne reprimoit l'insolence des Chrestiens. Ce qui fit resoudre le Gouverneur à ne rien epargner pour leur nuire.

Il y auoit en la ville de Meaco vn certain quartier assez fameux, qu'on appelloit la Ruë-Dieu: Nom qui luy fut donné par vn Chrestien nommé Caiosoin, lequel en haine de la foy

64

Plaintes  
des Payens  
à Meaco.

65

Ruë Dieu  
à Meaco.

foy Chrestienne, ayant esté dépoüillé de tous ses moyens <sup>IESVS-</sup>  
 parle Tayco, & relegué en celieu là, avec toute sa famille, le <sup>CHRIST</sup>  
 rendit si fameux, & redoutable, que les Payens n'en osoient <sup>1619.</sup>  
 approcher. Or quoy que les Chrestiens fussent épars par  
 toute la ville, si est-ce que le Gouverneur enuoia ses troupes  
 en cete ruë, avec commandement de trainer en prison tous  
 les Chrestiens qu'ils y trouueroient.

Ces barbares y courent, posent vn corps de garde à l'a-  
 uenuë de la ruë, rompent & fracassent les portes, saisissent  
 trente six Chrestiens, les chargent de chaines, tantost les  
 menacent, tantost les prient de renier la foy. Cela ne reüssis- <sup>66</sup>  
 sant pas selon leur dessein, ils prennent vne longue corde, <sup>Trente-six</sup>  
 & les y attachent en file, comme autant de brebis qu'on trai- <sup>prison-</sup>  
 ne à la boucherie. Ces trente six prisonniers qui estoient des <sup>niers,</sup>  
 deux sexes, & de diuerses qualitez, comme nous verrons tan-  
 tost, furent menez au logis du Gouverneur, & de là en la pri-  
 son. Mais parce qu'elle estoit pleine de criminels, le Gouver-  
 neur ordonna que ces pauvres innocens demeureroient à  
 decouuert, iusques à tant qu'on eut parfait le procez à tous  
 ceux qui estoient dedans.

Cependant on proceda à la confiscation, ou pour mieux  
 dire, volerie des biens de ces Chrestiens. Il y auoit long-  
 temps qu'on n'auoit veu telle confiscation, tant & de si ri-  
 ches meubles, parce que ce quartier là estoit habité des  
 principaux artisans de la ville. Vn seul vase fut prisé cinq  
 cens escus.

EN ce tant soudain & inopiné trouble, arriua vn acci-  
 dent gracieux, & digne de compassion tout ensemble. Ce  
 fut qu'on remarqua parmy les prisonniers vn Medecin, nom- <sup>67</sup>  
 mé Iacques, lequel tout fraichement auoit tiré d'une mala- <sup>Medecin</sup>  
 die mortelle le fils du Gouverneur. Ce que voiant le Preuost <sup>constant</sup>  
 & ses Archers, vouloient à toute force qu'il sortît de leurs <sup>en la foy.</sup>  
 mains, & se retirât. Mais le bon homme s'en estant pris gar-  
 de, n'y voulut pas consentir. Les Archers luy faisoient signe,  
 le delioient, le changeoient de place, luy disoient à l'oreille,  
 Sauue-toy : & Iacques faisoit le sourd à tout cela. En fin vn  
 d'entre eux plus insolent que les autres, le prit par le bras,  
 tout en colere, & luy dit: Va t'en d'icy, race de Medecin : va



**I**ESVS-ten prendre bonne place en la prison: Nous t'y trouuerons  
**CHRIST** bien tost. Iacques obeit simplement; s'en alla tout seul vers  
 1619. la prison, & attendit long-temps à la porte. Puis voyant de

loin venir ses voisins & concaptifs, leur fut au deuant. De-  
 quoy toute l'assistance s'étonna; & les Ministres de la iusti-  
 ce ne pouuant plus dissimuler avec luy, le mirent avec les  
 autres. Depuis s'estant présenté vne belle occasion de le  
 faire euader, on le pria de s'en aller. Mais il remercia ceux  
 qui l'en requeroient, & voulut demeurer en prison, pour  
 mourir avec les autres.

68

Edits nou-  
 ueaux du  
 Gouver-  
 neur.

CETE capture de prisonniers ne fut pas faite, que de  
 la part du Gouverneur on placarda par la ville de tres-ri-  
 goureux Edits Imperiaux, contre ceux qui scauoient que  
 quelqu'un cachât, ou qui cachoient eux-mesmes quelque  
 Chrestien. Ce qui donna vne telle épouuente aux habi-  
 tans de Meaco, que les vns se cachoient, les autres s'en-  
 fuioient és villes & forests prochaines, les autres s'en al-  
 loient d'eux-mesmes en exil. Pour comble de malheur, ce  
 fut en Ianuier, que tout cela leur arriua: defastreux com-  
 mencement d'année pour eux. Parce que c'est en ce temps là  
 que les Iaponnois tiennent leurs grandes foires, arrestent  
 leurs comptes, font de nouveaux partis. Ce qui fut cause que  
 les creanciers Gentils, voia's que les Chrestiens ne pouuoient  
 asseurer leurs detes, se mirent à leur faire mille affrons, mil-  
 le sortes de frais, mille facheries: Les trompans de grosses  
 sommes, leur nians effrontement ce qu'ils leur deuoient:  
 bref les priuans de leurs moiens. Si n'y eut-il pourtant  
 personne qui pour tout cela, fit faux bon à sa foy. Plusieurs  
 en sollicitèrent vn, qu'on estimoit l'oracle du voisinage à  
 cause de sa prudence. Mais il les menaça de quitter sa mai-  
 son, & s'en aller demeurer ailleurs, s'ils ne desistoient. Ce qui  
 leur imposa silence.

69

Fille defi-  
 reuse du  
 martyre.

VNE vefue d'illustre maison, voulant fuir cet orage,  
 recommanda sa plus petite fille à certains siens parens,  
 Mais la petite se mit à crier & pleurer, disant qu'elle vou-  
 loit estre martyre, tant que pour l'apaiser sa mere fut con-  
 trainte de l'emmener avec soy. Deux autres de ses sœurs  
 plus grandelettes contesterent aussi long-temps, pour la

fuiure aussi bien que la petite. Cete bourasque dura depuis le mois de Ianuier, iusques à Pasques. A peine fut-elle finie, que voila vn combat plus dangereux que tous les precedens.

ENTRE les bannis de la ville de Meaco il y auoit vn homme fort pecunieux, qui pretoit librement & largement, mesmes aux Gentils: & parce qu'il auoit laissé vne infinité de detes, qui ne luy estoient pas payées, se transportoit par fois à Meaco, pour en tirer ce qu'il pouuoit. Voicy ce que ses debiteurs inuenterent pour se defaire de luy. Ils attacherent de nuit au quarrefour de la Ruë-Dieu, vn grand cartel, par lequel ce riche Chrestien menaçoit tout le voisinage de feu. Le iour venu, ils le porterent au Gouverneur, l'assurant que c'estoient les menaces des bannis. Le Gouverneur ajouta foy à la calomnie, expedia soudain gens armez, qui s'en allerent furer tous les coins de la susdite ruë, & prirent treize Chrestiens. Mais c'estoit bien la fleur des fideles de Meaco.

70  
Malice des  
Payens.

CETE pointe de persecution donna mesme contre les Payens. Car les biens de ceux qui auoient loué des maisons aux Chrestiens furent confisquez. Vn Payen pour se décharger de certain crime, qu'on luy mettoit sus, en chargea vn Chrestien nommé Thomas, & voila tout aussi-tost les officiers de l'inique iustice en sa maison, où ne trouuant que sa femme nagueres accouchée, ils la querelent, de ce qu'elle faisoit profession de la foy Chrestienne, & luy rassent tout ce qu'ils trouuent au logis, qui n'estoit pas beaucoup, parce qu'elle & son mary auoient dépendu la plus-part de leurs moiens au secours des Chrestiens fugitifs.

D'AILLEURS les Payens voians que la persecution tomboit en partie sur eux, à l'occasion des Chrestiens, ils commencerent à leur donner plus viuement la chasse. Car il ne se faisoit méchanceté en la ville, laquelle ils ne leur imputassent. Vn de nos Peres passant de maison en maison, pour mieux assister ceux qui en auoient besoin, se rencōtra dans vn logis où se retiroit vn Bonze, quoy qu'en diuerses chambres. Tandis qu'il y estoit le maitre de la maison se prit de paroles avec vn sien ennemy, sur lequel il auoit gagné

71  
Autre ex-  
ple de la  
mesme ma-  
lice.



**I**ESVS - vn procez. Celui-ci prenant garde que sa partie estoit Chre-  
**CHRIST** stien, fut soudain l'accuser, & le pressa tellement qu'il n'eut  
 1619. que le temps necessaire pour se confesser, parce qu'il luy fal-  
 lut gagner au pied, & quitter sa maison à son accusateur, au-  
 trement on luy eût osté la vie.

72

*Jean Ta-  
froye pri-  
sonnier.*

**L**E huitieme iour de Iuillet, l'Empereur arriuant à Mea-  
 co, les Chrestiens commencerent à respirer, esperans qu'il  
 donneroit quelques treues à leurs afflictions. Mais le con-  
 traire leur auint. Car trois iours apres son arriuee Iean Ta-  
 froye noble Chrestien fut fait prisonnier, avec sa femme &  
 famille, sous pretexte qu'il auoit mal traité vn sien seruiteur  
 Payen, qui le deroboit sous-main. Car ce mechant garne-  
 ment, ne pouuant couvrir par autres voies ses maluerlatiōs,  
 accusa son maistre de ce qu'il estoit Chrestien. Les Mini-  
 stres de la iustice coururent incontinent chez luy, l'interro-  
 gerent, & parce qu'il auoia librement qu'il estoit Chrestien,  
 le constituerent prisonnier, & conduisirent chez le Iuge, &  
 de là aux prisons publiques. Sa femme le suiuit à guise d'une  
 autre Felicité, avec ses six enfans. Michel qui estoit l'ainé, ne  
 fut pas pris avec les autres, parce qu'il ne se rencontra pas  
 lors au logis. Depuis il tomba entre les mains de la iustice;  
 mais il fut relaché, parce que les Sergens mesmes ne peurent  
 souffrir qu'une si noble famille fût tout à coup éteinte.  
 Iean se resentit cordialement de cete deliurance de son  
 fils, parce qu'il luy desiroit le martyre, comme à soy-  
 mesme.

73

*Apostat  
prompte-  
ment puni.*

**V**N des prisonniers aiant eu promesse de la vie, s'il re-  
 nioit Iesus-Christ, se laissa gagner. Mais il ne gagna pas à  
 ce change. Car il fut soudain surpris d'une fièvre chau-  
 de, perdit le iugement & la vie, sans se repentir de son peché.  
 Plusieurs creurent que ceux mesmes, qui l'auoient induit à  
 l'apostasie, l'aiderent à finir ses iours. De fait son corps vint  
 horrible à voir, fût par iuste vengeance du ciel; fût pour la  
 corruption qu'il auoit humé dans la prison. L'epouuante  
 qu'il causa aux autres prisonniers seruit d'une forte bride à  
 ceux qui estoient foibles en la foi, nommément à sa femme,  
 & à une sienne fille, qui demurerent en prison pour recevoir  
 la couronne que ce miserable auoit refusée.

NOVS auons touché cy-dessus la forme des prisons du Iapon, en general : celles de Meaco sembloient des tanieres à conils, l'halene des miserables captifs s'épaississoit tellement, qu'elle se resoluoit en petites gouttes d'eau tres-infecte & puante. Ceux qui estoient malades auoient tres-iuste sujet de se plaindre, que leurs gardes ne sçauoient que c'estoit que de cōpassion. Tellement qu'il y en eut huit d'entre eux qui s'enuolerent au ciel par vn long martyre de faim, de soif, de chaud, de froid excessif. Les deux premiers furent Michel & Pierre de Meaco, petits enfans de deux ans, & comme deux beaux lis cueillis parmy les boües & ordures d'une horrible prison. Michel mourut le septieme de May : Pierre l'vnzieme iour du mois d'Aoust. Les autres six furent Matthias Quisagemon : François Fiozo : Ioachim Yyosobioye : Iacques Iehiemon : André Giuichi : & Iean Quenzay.

IESVS-  
CHRIST  
1619.

Nomb. 38.

74

Huit pri-  
sonniers  
morts.

MATTHIAS estoit du Royaume de Figen, & fut conduit en prison sur le commencement de Ianuier, chargé d'injures & outrages, qui ne l'etonnerent iamais. Aprochant du dernier passage de sa vie, il fit venir à soy de la prison des femmes, la sienne nommée Messie, avec vne sienne petite fille de trois ans, leur recommanda pour sa derniere volonté la perseuerance en la foy, & mourut le seizieme Iuillet.

FRANÇOIS qui estoit de la Prouince de Chungocu, fut vn an entier en prison. Cetui-ci voiant qu'on garrotoit vn Chrestien nommé Lin, qui peu de temps apres fut martyrisé, parce qu'il auoit honoré le corps d'un martyr, Religieux de l'Ordre de Saint François, nommé Iean de sainte Marthe : & ne pouuant souffrir qu'un Gentil fût tourmenté, pour auoir loué vne sienne maison à Lm, s'alla presenter aux Ministres de la iustice, & leur dit : Quelle raison auez-vous de tenir pour crime capital, d'auoir loué vne maison à vn Chrestien ? Que vous importe-il que les chambres à louer soient habitées par des Chrestiens, ou des Payens ? Cere liberté à parler, luy fit épouser la prison, & puis souffrir la mort le quatrieme iour d'Aoust.

IOACHIM estoit du pays de Tamba, & demouroit en la



**IESVS**-Ruë-Dieu, dans la ville de Meaco. Au commencement de **CHRIST** sa captiuité il sembla n'estre pas beaucoup ferme en la foy: 1619. Neantmoins aiant esté visité par sa mere, sa femme & son fils, il se montra tres-desireux de mourir pour la foy, voire d'endurer beaucoup dauantage. Il acheua le cours de ses travaux le quatorzieme d'Aoust.

**IACQUES** de Chungocu, personnage tousiours semblable à foy mesme, de rare bonté & deuotion, apres beaucoup de menaces de ses propres parens, beaucoup de disputes avec ses amis, apres auoir esté priué de tous les moiens, & long-temps pourry en prison, passa au ciel le dix-neufieme d'Octobre.

75

Aueugle  
prefet de la  
Congrega-  
tion.

**ANDRE** estoit aueugle, & natif du Royaume d'Ouari. Neantmoins fut prefet de la Congregation de l'Annonciade, erigée sous la protection de S. François Xauier, laquelle il gouuernoit fort prudemment. Toutes les semaines il assembloit les confreres, & leur faisoit des exhortations tres-ardentes, conformément au besoin qu'ils en auoient lors, à cause de la persecution. L'hoste qui le retiroit craignant encourir quelque blâme, & perte, le pria de se retirer ailleurs: Et luy ne voulant causer dommage à personne, pria qu'on le conduisit à certain pont, où il fut bien-tost trouué par les Ministres de la iustice qui luy demanderent, où il auoit si long-temps demeuré sans se laisser voir. Le bon homme repondit à l'aveugle, & tellement qu'ils ne peurent iamais decouurir quil'auoit retiré. Ils le sollicitèrent de renoncer à la foy Chrestienne. Mais comme il estoit aueugle, il fit encore icy le sourd. Ce que voians ils le mirent en prison, & luy se mit à precher la foy de **IESVS**-**CHRIST**, avec vne telle energie de paroles, que les Gentils mesmes y couroient à la foule. Il fut deux fois dangereusement malade en prison, & y mourut en fin le vingt-vnieme d'Octobre.

76

Jean Me-  
decin,  
sourd.

**JEAN** estoit vn des premiers & plus fermes Chrestiens de Vacasa, Medecin de professiõ. Mais sur ses vieux iours estant deuenu sourd, il s'occupa du tout à iouir des saintes inspirations que Dieu luy enuoioit. Il auoit vne fille bannie pour la foy: & vn fils tres-valeureux soldat, & partant bien venu

du Prince. Estant sollicité par les Ministres de la iustice, IESVS-  
 qui l'auoient fait prisonnier, d'abandonner la foy: Ce seroit CHRIST.  
 leur repondit-il, vn peché trop enorme, & trop ignomi- 1619.  
 nieux à ma vieillesse, de quitter la foy que i'ay tenuë dès le  
 berceau. Réponse qui pleut grandement à ces barbares.  
 Ils ne laisserent pourtant de l'enfermer en prison, quoy  
 que ce fût avec recommandation qu'on ne le dépouillât  
 point de ses habits, & qu'on respectât sa vieillesse. De  
 fait il estoit souuent visité par les siens: Et disoit en 77  
 riant: Je suis icy nourry & entretenu du public: ie ne Se rit de  
 ses misè-  
 res.  
 paie point de loüage de maison, ie suis à couuert de la  
 pluie & des vens: i'endure pour l'amour de Iesus-Christ:  
 que sçauois-je desirer dauantage en cete vie? Il gagna  
 la palme du martyre, chargé d'ans & de patience, & or-  
 né de beaucoup de merites, le dernier iour de Septembre.

*Cinquante deux Chrestiens, brûlez tous vifs à  
 Meaco, pour la confession de la foy.*

## CHAPITRE VIII.



EMPEREUR aiant sejourné enuiron trois mois  
 à Meaco, reprit son chemin vers Yendo; & pas-  
 sant à Fuximi, qui n'est qu'à deux lieues de  
 Meaco, aprit qu'il y auoit laissé beaucoup de  
 prisonniers Chrestiens, qui meprisoient ses  
 loix & ordonnances. Surquoy il commanda  
 qu'on les fit brûler, sans aucune difference d'âge ou de  
 sexe. Ingandono Gouverneur de Meaco, fut fort marry de  
 cete sentence, parce que comme doux de son naturel, & fort  
 porté à la compassion, il estoit sur le point d'ouurir les pri-  
 sons; Mais il fut contraint d'y faire rentrer quelques-vns  
 qui auoient esté relachez.

LES Ministres de la iustice firēt preparer vingt-sept croix,  
 si polies, & si artistement faites, qu'il sēbloit qu'on les deuoit  
 plutost planter pour estre adorées des Chrestiens, que pour



**I E S V S -** seruir d'instrumens à les faire mourir. La coutume du Japon  
**CHRIST** porte bien, qu'on lie à vn poteau ceux qu'on veut faire brû-  
 1619. — ler, mais non pas à vne croix. Ils y firent aussi prouision de  
 78 bois en telle abondance, qu'il passa le prix de quatre cens  
 Croix pour escus. Les vns tenoient que le Gouverneur l'auoit ainsi or-  
 poteaux. donné, parce qu'il ne pouuoit souffrir la longueur des tour-  
 mens. Les autres disoient que l'Empereur auoit commandé  
 que tout fût expédié au plutost. Cependant on n'oioit re-  
 sonner autre chose en la prison, que Iesus-Christ & ses  
 louanges.

**D E V X** iours auant l'exécution, les Chrestiens apuyez sur  
 la clemence du Gouverneur, s'en allerent sans aucune crain-  
 te en la prison, pour prendre congé des prisonniers, & se ré-  
 joüir avec eux du bon-heur, qu'ils auoient de pouoir mou-  
 rir pour Iesus-Christ. Les vns donnoient leur *Agnus Dei*,  
 leurs images, leurs chappelets à leurs amis, pour auoir sou-  
 uenance d'eux. Les autres s'habilloient le plus somptueuse-  
 ment qu'il leur estoit possible, & comme s'ils eussent de a  
 participer à quelque triomphe.

**L E** iour de l'exécution venu, on les tira de prison, on les  
 lia & accoupla diuersément, suiuant la volonté des Iuges.  
 Arriuant à la place publique, ils y trouuerent neuf charret-  
 tes, en la premiere & derniere desquelles on fit monter les  
 hommes & les ieunes gens; & en celles du milieu les fem-  
 mes avec leurs petits enfans. On ne veid iamais au Japon  
 vne si grande multitude de peuple. La trompette marchoit  
 deuant les charrettes, & publioit la sentence à chaque bout  
 de ruë, en cete forme.

79

Sentence  
de mort.

*Le Xogun, Empereur du Japon, veut que ces gens soient brûlez  
 tous vifs, parce qu'ils sont Chrestiens.*

Les Martyrs aidoint le trompette à publier la sentence,  
 criant: Il est ainsi, nous mourons pour **I E S V S - C H R I S T**. Viue  
**I E S V S**. Ce qu'ils disoient d'un vilage riant, regardant dou-  
 cement le ciel, où leurs cœurs aspiroient. Les Gentils mes-  
 mes ne pouuoient tenir les larmes, de tendresse de cœur.

**L E** chemin estoit fort long; sur le milieu d'iceluy ils ren-  
 contrerent vne deuote femme, laquelle s'aprocha courageu-  
 sement des charrettes des femmes, les salua, se recomman-  
 da à

da à leurs prieres, la larme à l'œil. Les Archers l'arrêterent aussi-tost, & luy demanderent si elle estoit Chrestienne. Ie le suis, dit-elle, & le veux estre. Reponse qui les etonna tellement, qu'ils la chasserent, de peur que le peuple ne se revoltast.

IESVS-  
CHRIST  
1619.

80

Fême har-  
dic pour  
la foy.

A la sortie de Meaco il y a vn bourg fort celebre, & tres-bien peuplé, par lequel on passe pour aller à Fuximi, & n'est pas loin de Camongaua, torrent qui descend du Septentrion, & diuise Meaco en deux parties, proche du Daybut. Ce fut là que les martyrs voians les croix dressées, & le bois préparé pour les brûler, regarderent le tout d'un œil amoureux, & se jeterent à bas des charretes. Ce fut là qu'ils furent liez deux à deux, à vne mesme croix, sçauoir vn homme avec vn autre homme; & vne femme avec vne autre femme, chacun dos à dos.

81

Camōgaua  
torrent à  
Meaco.

Les deux premiers furent Ioachim & Gabriel, comme les plus auancez en âge; & apres eux les autres hommes de main en main: & au milieu furent mises les femmes mariées, avec leurs petits enfans & filles. On y voioit la petite Reine âgée de deux ans, attachée avec Magdelene: Monique, de quatre ans, liée avec Marie. Marthe embrassoit son petit fils Benoit, âgé de deux ans. Vne autre Marie étreignoit Pierre, de quatre ans. Luce qui n'auoit que trois ans, estoit avec Messie: Et Marthe qui estoit aueugle, & n'auoit que huit ans, estoit compagne de Rufine. Mais qui pouuoit ieter les yeux sur Tecle, sans rendre des larmes en abondance? De cinq enfans que Dieu luy auoit donnés, elle en tenoit trois avec foy en sa croix; sçauoir est Luce de quatre ans entre ses bras: Thomas de douze ans, à sa main droite: & François de neuf ans, à sa gauche. Les autres deux estoient en vne croix prochaine. Voila comme ces valeureux champions de IESVS-CHRIST, furent departis & liez. Tandis que les executeurs de la barbare iustice, preparoient le bois pour l'embrasement, quelques Chrestiens eurent le temps & la hardiesse de porter de l'eau pour rafraichir les martyrs, qui chantoient alegrement mille benedictions à Iesus-Christ, Roy des Martyrs.

82

Noms des  
Martyrs.

LA nuit approchoit lors qu'on mit le feu à cét holocau-



IESVS-  
CHRIST  
1619.

stant agreable au Pere eternal, la flamme enuironnant de tous costez les crucifiez, ils haussèrent les yeux & les voix au ciel, faisant retentir par tout le doux nom de IESVS. Le peuple se prit à crier, les bourreaux à heurler, tellement qu'on ne pouuoit ouïr vn mot des martyrs. La plus part rendirent l'ame, aiant les yeux fichez au ciel. Quant aux assistans, les vns se retirerent les larmes aux yeux, & à la bouche la louange d'une si grande constance & fermeté d'esprit nō iamais ouïe: les autres soutenant que les Chrestiens auoient des testes de fer, & des resolutions obstinées, qui leur faisoient ainsi prodiguer leur vie. Cecy se passa le septieme iour d'octobre.

83

descriptiō  
du marty-  
re.

84

Prodiges  
arriuez.

Les soldats garderent la place où gisoient les reliques de ces bien-heureux martyrs, l'espace de sept iours entiers. Sine sceurent-ils empecher que les Chrestiens n'en retirassent beaucoup, nonobstant le danger qu'ils couroient. Plusieurs Payens asscuerent que le mesme iour de cete execution, auoit paru au ciel vne grande étoille cheueluë fort resplendissante. Les Chrestiens témoignèrent que la nuit suivante on auoit veu sur la mesme place vne grande clarté. Tous remarquerent que la fumée de l'embrasement n'estoit aucunement obscure ny tenebreuse, ains si claire & transparente, qu'il la faisoit beau voir.

85

Noms &  
païs des  
martyrs.

QUATORZE de ces glorieux Champions de Iesus-Christ, estoient natifs de Meaco; deux d'iceux portoient le nom de S. François, l'un pere, l'autre fils: les autres estoient Iean Quisacu, Magdelene sa femme, & leur fille Reine: Mancie Quiuyro, Louïs Matangoro; & Iean Faximoto Tafioye, avec Tecle, sa femme, & cinq enfans; sçauoir est Catherine âgée de douze ans, Thomas d'unze, François de huit, Pierre de six, & Luce de trois, sans compter celui que la mesme Tecle portoit en son ventre.

Il y en auoit quatre originaires du Roiaume de Bungo; Thomas Quian, Marie Cungo, Iean Sacuraie, & Vrsule sa bru. Thomas Iuegam estoit de la Prouince de Fococu: Lin Risioye, & Marie la femme de Chungocu. Cosme, Thomas Xinxiro, Marie sa femme, & vne autre Marie, avec sa fille Monique, estoient yssus du païs d'Yamaxiri: Antoine, Ioa-

chim Ogaua, & Monique, de celuy d'Yamati. Il y en auoit huit autres de la Prouince d'Onari, sçauoir est Gabriel, Magdelene, Thomas Toyemon, avec Luce sa femme, Ru- fine & Marthe ses filles. Leon Quinsuque, & Marthe sa femme. Vne autre Marthe & Benoit son fils de deux ans, estoient du païs de Cauaqui. Deux Maries, & Pierre, Emmanuel Curofaburo, Thomas Yoyemon, avec Anne sa mere, de la Prouince de Tamba. De la contrée d'Omi estoient quatre femmes, Monique, Agathe, Messie, avec sa petite fille Luce de trois ans. De celle d'Aqui Hierome Sorocu, avec sa femme Luce. Il n'y eut qu'un nommé Iacques Truzu, duquel on ne peut sçauoir le pays.

CEUX qui parurent le plus, furent Jean Tasioye, & Tecle sa femme, nobles citoyens de Meaco. Le P. Gaspar Vilela, un des premiers Peres de nostre Compagnie, qui precha le S. Euangile au Iapon, baptisa le pere de ce Iean, lequel dès son enfance aprit à lire nos liures d'Europe, & en tira la pratique des vertus qu'il fit tant éclatter en cete persecution. Ses enuieux firent courir le bruit, qu'il auoit tourné les épaules à la foy. Calomnie qui luy donna tellement au cœur, qu'il en tint le lit, & deuint frenetique. Mais ses reueries n'estoient que des peines d'enfer, par lesquelles il epouuentoit tous ceux qui l'alloient voir. Son mal creût tellement, qu'il fut desesperé des Medecins, mais guery comme miraculeusement. L'original n'a pas couché la façon.

Ayant recouuré sa santé, il retourna à ses exercices accoutumez, receuant nos Peres, & autres Religieux en sa maison, leur seruant à la Messe, prechant, & catechisant, bref exerçant tous les offices d'un Apostre, autant que sa qualité luy permettoit. De quoi il fut accusé par un sien domestique idolatre, tellement qu'un matin, comme il estoit en priere, & n'attendoit rien moins que de tomber és mains de la iustice, voila les officiers qui entrent chez luy. Il ne s'étonna pourtant de les voir, ains apres s'estre excusé de n'auoir autre chose en main, offrit & donna à celuy qui luy mit la main sur le colet, un poignard, & un cimenterre de tres-fine trempe. Don qui n'empêcha pas qu'il ne fût constitué prisonnier, & conduit luy, sa femme, & ses enfans chez le



IESVS-  
CHRIST  
1619.

Lieutenant du Gouverneur, qui estoit lors à Fuximi pour autres affaires. On luy fit là cent demandes, & autant de promesses & de reproches, le tout en vain. Car il répondit tousiours & constamment, qu'il vouloit mourir Chrestien, & desiroit conduire ses enfans à Iesus-Christ, comme vrais Chrestiens qu'ils estoient. Car on luy reprochoit fort, le peu de soin qu'il montroit auoir de sa posterité, menant toute sa famille à la mort. Les Iuges mesmes s'en ressentirent tellement, que le Lieutenant ne permit pas que Michel, fils aîné de Iean fût mis en prison, esperant qu'il pourroit remettre sus toute sa famille. Quant à Iean, quoy que prisonnier, il fut traité à la grandeur, pouuant secourir les autres prisonniers de ce qu'on leuoit de sa table. De fait il en sustenoit l'aueugie André, & Iean Quenzay, qui moururent en prison. Auerti qu'il fut de la sentence de mort, comme il estoit Prefet de la Congregation de nostre Dame, il enuoia son Rosaire aux Confreres, leur demandant pardon du peu d'edification qu'il leur auoit donné. Allant au lieu du supplice il fit étonner toute l'assistance par sa modestie, & dit à vn sien confident, qu'il n'auoit oncques senti tant de consolation & de contentement en son ame, que Dieu luy en communiquoit pour lors.

87

Teclémar-  
tyxe.

TECLE naquit à Meaco de parens non moins nobles de sang, que riches & remarquables pour leur foy, fut dès son enfance eleuée en la crainte de Dieu, menée en prison avec son mary, mais relachée du commencement, parce qu'elle estoit proche d'accoucher. Depuis elle n'employa son temps qu'à faire prouision de riches habits pour son mary, pour soi & pour ses enfans, afin que chacun parût selon sa qualité, pour estre conduit au martyre. Le Gouverneur ne voulut pas attendre qu'elle accouchât, ains la fit remettre en prison auant son terme. Le iour qu'elle y r'entra, vn de ses enfans songea qu'on luy chargeoit le col de chaines, & les mains de menotes. Ce qu'ayant raconté à sa mere, tout tremblant de peur, elle le tança de ce qu'il craignoit les songes, qui le plus souuent ne sont que mensonges.

88

Songes.

SON courage seruit merueilleusement à ses enfans, & particulièrement à Catherine, laquelle remercia fort affe-

dueusement les Iuges qui l'auoient condamnée à la mort. **IESVS-CHRIST** 1619.  
 Mais quel spectacle fut-ce de veoir Tecle sur la charrete, enuironnée de ses cinq enfans? Les Chrestiens en pleuroient d'alegresse, les barbares d'effroy. Voulant mettre pied à terre pour aller vers la croix, elle jetta sur ses épaules vn tres-riche manteau, & le ceignit à la Iaponnoise, avec tant de modestie, que chacun l'admira, & luy applaudit, comme si elle fût allée à des noces, ou à quelque festin Royal.

**E**STANT attachée à sa croix, elle auoit à ses costez ses enfans Pierre & Catherine, laquelle à demy brûlée, dit tout haut: Ma mere ie ne vois plus goutte. Cete sainte femme luy répondit genereusement: Ma chere fille, appelez à vostre aide **IESVS & MARIE**, nous les verrons bien-tost en Paradis. Ces saints enfans ne manquerent à luy obeïr. Tandis qu'ils inuquoient ces dons & puissans noms, leur mere tenoit entre ses bras sa petite Lucie, âgée de trois ans, ainsi que nous auons dit, la caressoit au mieux qu'il luy estoit possible, l'etreignant si fort contre sa poitrine, qu'on l'y trouua puis apres encore liée. Voila Tecle qui marche du pair avec les anciennes Felicité, & Symphorose. Si elle eût eu son ainé Michel près d'elle, sept de ses enfans fussent morts martyrs avec elle, comptant celuy qu'elle portoit encores en ses entrailles.

**LEON** Quinsuque se montra tousiours tres-constant en la foy, mesme depuis que nos Peres furent partis du Iapon. Les idolatres le menaçoient souuent, & pour l'étonner plantoient des croix au deuant de sa maison: Mais il ne craignoit rien. Peu de iours auant qu'il fut fait prisonnier il s'éucilla vne nuit en sursaut, & dit à sa femme: Rejoüissons nous Magdelene, la iustice nous attaquera bien-tost; mais Dieu sera tousiours avec nous. Ce qu'ayant dit, il sauta du lit, se mit en prieres, & ne les finit, que les Sergens ne fussent arriuez pour le lier, & conduire tout seul en la prison. Peu de temps apres Magdelene luy fit compagnie en la prison, & au feu.

**LIN** Rifoye voiant les croix & les buchers disposez par ordre, se mit à dire en riant, & comme s'en moquant; Sont-celà les horribles tourmens, desquels les Payens nous ont



**I E S V S-CHRIST** tant menacez? Ils sont bien faciles à supporter. Depuis il demanda fort amiablement à vn des Ministres de la iustice, quelie estoit sa croix. Il estoit fort craintif de nature; Neantmoins quand il fut question d'estre bruslé tout vif, il fit admirer sa constance.

92  
Ioachim  
martyr.

**IOACHIM** auoit vn frere grandement fauorisé en la cour d'Yngandono. Craignant donc d'estre relaché par son moien, il le supplia de n'en faire poursuite quelconque, l'assurant qu'il ne sortiroit de prison, que pour aller au suplice, sauf si on l'en tiroit piece à piece. Gabriel qui fut compagnon de Ioachin en la croix, seruit quelque temps vn Prince Gentil, & s'estant fait Chrestien, renonça volontairement à tout ce qu'il auoit acquis, pour viure pauurement à Meaco, pour l'amour de son nouveau maître **I E S V S-CHRIST**.

93  
Messiemar-  
tyr.

**MESSIE** estant sollicitée de quitter la foy Chrestienne, pour ne laisser Lucie sa fille, sans appuy, & sans conduite; répondit d'un courage plus que viril: I'ay desia sacrifié ma fille à mon Createur. Il m'importe peu de mourir en prison, ou hors d'icelle; icy ou ailleurs, pourueu que ie meure pour l'amour de Iesus-Christ, comme ie desire il y a longtemps. **Rufine** se tint longuement sur la charette à deux genoux, & comme rauie & absorbée en Dieu. Chose qui luy estoit assez familiere, sa fille **Marthe** la suiuit de près. Les Officiers de la iustice, l'auoient mise à part, pour la tirer de la prison. Mais elle pleura & cria tant, que pour l'apaiser, ils furent contraints de la rendre à sa mere. Depuis elle deuint aueugle par la secrette disposition du tout-puissant: Et aiant entendu que les prisonniers estoient condamnés à mort, tint continuellement sa mere embrassée, de peur qu'on ne la laissât seule en la prison.

94  
Rufine &  
Marthe,  
mere & fille.

95  
Agathe  
martyre.

**AGATHE** allant à la mort aperceut vn Dogique, & l'ayant accosté, s'accusa avec vn tres-grand sentiment interieur, de ce qu'elle auoit quelque peu chancellé en la foy, pour la crainte des tourmens. Mais protesta que pour lors, par la grace de Dieu, il n'y auoit sorte de peine, qui ne luy semblât douce à souffrir pour sa gloire.

**MONIQUE** femme de Michel Cunzi, qui estoit banny

pour la foy, se trouua dans la mesme charette avec Agathe, & s'estant apperceuë du Dogique qui parloit avec ses compagnes, tourna la face d'autre coté, partie pour ne mettre le Dogique en danger, partie pour montrer que c'estoit leur faire tort, d'exorter au martyre celles, qu'il voioit y courir si ioyeusement. Cete Damoiselle estoit du pays de Mino, d'un cœur fort genereux: elle se plaignoit souuent, de ce que pour s'estre trouuée malade lors que son mary fut banny, elle n'auoit peu l'accompagner en son exil, ne sachant pas à combien plus noble couronne nostre Sauueur la reseruoit. Elle éprouuoit souuent ses forces & son courage pour le martyre. Vn iour cōme elle manioit vn morceau de fer tout rouge de feu, sa sœur la veid, & toute étonnée luy demanda: Que voulez-vous faire ma sœur? A quoy Monique apres auoir tiré d'elle promesse de garder le secret, répondit: Je m'exerce & m'accoutume au martyre. J'ay desia combatu heureusement la faim, maintenant ie donne plus auant, & manie le feu. Quiconque ne se dispose courageusement aux tourmens, fera plus sagement de se retirer du danger.

ARRIVEE qu'elle fut au lieu où les croix estoient dres-  
sées, auant que de descendre de sa charette, elle haussa sa  
voix, & dit clairement: Je suis, & ie meurs vraiment  
Chrestienne avec cete benite troupe. Tous ceux qui  
mourront ce jourd'huy en ce champ, meurent pour la foy  
Chrestienne.

IESVS-  
CHRIST  
1619.

96

Monique  
martyre.



*Ignace Xiquiemon brûlé tout vif pour la Foy  
Catholique à Fuximi ; & Magdelene  
meurt pour la chasteté.*

CHAPITRE IX.



97

Bal à l'hô-  
neur des  
Fotoques.

N VIRON le temps, auquel la noble troupe des martyrs sunomez souffrit la mort à Meaco, les idolatres y dresserent vn bal fort solennel à l'honneur des Fotoques. Vn Chrestien, nommé Ignace Xiquiemon, s'y rencontrant refusa d'entrer en la danse, & fut chassé comme Chrestien, par la fureur du peuple. Sa retraite fut à Fuximi, où le bruit de sa constance en la foy Chrestienne aiant promptement couru, la iustice Payenne se saisit de luy, & le cōbatit furieusemēt pour luy faire abādōner la foy, mais en vain. Interrogé s'il cognoissoit d'autres scelerats (ainsi parloient ces iniques Iuges) qui fissent profession de la mesme religion, répondit courageusement, qu'il ne falloit appeller scelerats ceux qui ne pensoient qu'à sauver leurs ames. Au reste il y a fort peu de temps, dit-il, que ie trafique en ces quartiers. Voila pourquoy ie ne sçay s'il y a d'autres fideles Chrestiens. Ce qu'il dit prudemment, pour ne mettre les Iuges en peine pour faire plus ample enqueste, ny les Chrestiens en danger d'estre découuerts. C'estoit vn ieune homme, âgé seulement de trente ans, natif de la Prouince d'Omi, de parfaitement bon naturel, & fort modeste. Qui fut cause que les Payens mesmes le traiterent fort courtoisement en prison, où il jeūnoit tous les Vendredis & Samedis, & gagna vn Chrestien apostat, qui estoit detenu prisonnier pour ses crimes.

98

Ignace  
Xiquiemo.

D E là il écriuit à sa femme, encore fort jeune, qu'elle fût constante en la foy; & que si elle se vouloit remarier, que se fût à quelque Chrestien homme de bien, laissant leurs en-  
fans

fans à esleuer à certains fideles leurs alliez, ausquels il les auoit  
particulierement recommandez. Cependant Ignace fut con-  
damné à estre brûlé tout viſ. Aussi-toſt dit, aussi-toſt executé,  
auec tant de haſte & precipitation, que pas vn Chreſtien ne le  
peut aſſiſter. On le fit promptement monter à cheual, pour ar-  
riuer plus-toſt au lieu du ſuplice. Sur le chemin il rencontra vn  
Dogique, qui luy tint compagnie iuſques à la mort.

COMME l'execution auoit eſté entrepriſe fort precipitam-  
ment, on ne trouua rien de preſt au lieu du ſuplice. Tellement  
qu'il fallut que les bourreaux & archers miſſent la main à l'œu-  
re, pour dreſſer vn poteau, & amaffer du bois, pendant que  
le bon Ignace ſe recommandoit à Dieu, avec vne paix & ſere-  
nité de face admirable. Lié qu'il ſe veid à ſon poteau, & que  
la flamme ſe renforçoit, il ſe mit à reciter tout haut le *Pater no-*  
*ſter*. A peine en eut-il dit la moitié que la fumée & la flamme  
luy firent perdre la parole. Côme il agonizoit, vn idolatre ſot-  
tement pieux, l'accosta, & luy dit : Courage, mon frere, recom-  
mande toy aux Fotoques; Car tu as maintenant bon beſoin de  
leur aide. Ignace tourna la face à ces paroles, montrant qu'il en  
eſtoit grandement indigné, & peu apres prononça tout haut la  
derniere parole de ſes prieres, diſant, *Amen*; & cheut en terre.  
Les Chreſtiens retirerent tout ce qu'ils peurent de ſon corps,  
& l'enſeuclirent tres-honorablement. Les Payens meſmes  
exalterent ſa conſtance avec des louanges incroyables.

HVIT ou neufans auant le courant, l'Empereur Dayſufama,  
qui depuis voulut eſtre appellé Cubo, auoit conſigné vne ſaincte  
Chreſtienne nommée Iulie Ota, natifue du Coray, en l'Iſle ap-  
pellée Nigirima, y aiant auprealable enuoïé en exil pluſieurs  
femmes Payennes, qui pour vne cauſe, qui pour vne autre. Ces  
Dames eſtans en cete Iſle, comme il aduiant ordinairement  
entre les compagnons de peines, contracterent enſemble vne  
grande amitié & familiarité. Mais Iulie en affectionna deux  
particulierement; leur ſçeut ſi à propos diſcourir de noſtre  
ſaincte foy; & leur dōna de ſi beaux exemples de vertu, qu'elles  
demanderent ardemment le S. Baptême. La bonne Iulie ne  
ſçauoit pas la forme de ce premier Sacrement, pour le leur ad-  
miniſtrer en neceſſité; Mais elle leur impoſa de nouueaux noms  
Chreſtiens, appellant l'vne Marie, & l'autre Magdelene.



LESVS-CELLES-CY ayans depuis vécu en bonnes Chrestiennes,  
CHRIST arriua qu'elles furent separées, & transportées en diuers païs.  
1619. Iulie en l'Isle de Cozuxima; Marie & Magdelene, en vne autre

101  
Magdelene  
côbat pour  
la chasteté.

petite Isle, appelée Faquigiò, le Seigneur de laquelle fut in-  
continent épris de l'amour de Magdelene, la sollicita & im-  
portuna de son honneur. Magdelene resista courageusement,  
disant qu'elle estoit Chrestienne, & qu'en la religion des Chré-  
tiens tel peché estoit grandement abominable. Le Barbare  
voiant que les promesses ny les menaces, ne pouuoient fléchir  
la volonté de Magdelene, luy fit premierement couper le nez  
& les oreilles, & enfin luy trencha luy-mesme la teste. L'histoi-  
re n'a pas marqué le iour auquel arriua vn si heureux martyre.

*Prouinces d'Oxù, Deua, & Tzungarù, visitées cette  
année par nos Peres.*

CHAPITRE X.

102  
Oxù affligé  
par les es-  
prits folets.



Es Chrestiens de la Prouince d'Oxù ne senti-  
rent pas tât cete année la force de la persecu-  
tion, côme les autres, parce qu'ils demeurēt à  
l'extremité du Iapon, vers le Nort: Mais ils fu-  
rēt affligez par les esprits folets, & phantômes  
nocturnes, qui leur déroboient les armes, trās-  
portoient les meubles des maisons, iettoient des pierres &  
cailloux contre les portes & fenestres, tondoient les femmes  
d'vnetres-subtile dexterité; bref ne laissoient aucun mal à fai-  
re. Pour remedier, les vns auoient recours aux Fotoques, les  
autres aux Chrestiens, qui deliurerent plusieurs personnes de  
ces infestations Sataniques, & par mesme moien les attirerent  
à nostre sainte foy.

103  
Apparition  
d'vne croix.

Vn Gentil-homme abandonné des Medecins, & neâtmoins  
differant de se faire baptizer, vit en dormant vne personne fort  
gracieuse, couuerte de blanc, qui luy presentoit vne croix liée  
à vn cordon de soie. Il se mit en deuoir de la prendre, & ne  
la pouuant atrapper, s'éueilla, brûlant du desir de se faire

baptiser. Ce qu'ayant obtenu, il rendit trois iours apres son IESVS-  
ame à Dieu. Sa femme doutant s'il estoit sauué, & montrant le CHRIST  
regretter, plus pour cete occasion, que pour toute autre; vn sien 1619.  
petit enfant luy dit d'un visage tout ardent, & comme hors de  
foy: Pourquoi doutez-vous de cela, ma mere? Assurez-vous  
que l'ame de mon pere est au ciel. La vertu du saint Baptême  
l'y a conduite. Surquoy il se mit à discourir si hautement de la  
gloire eternelle, qu'il estonna toute l'assistance. Aiant finy son  
discours, il s'endormit. Eueillé qu'il fut, ceux qui l'auoient ouï  
discourir, luy demanderent, si ce qu'il auoit dit vn peu aupara-  
uant parlant du Paradis estoit vray. Il répondit: A quoy  
songez-vous? Je ne sçay que c'est du Paradis. Ce qui persuada  
aux Chrestiens, que ce qu'il auoit dit ne venoit pas de luy,  
ains du ciel.

VN Payen homme assez âgé, aiant trois ans entiers gardé le  
lit, à cause d'une grieve maladie, se prit garde qu'on luy crioit  
aux oreilles les sacrez noms de IESVS & MARIE, s'informa  
de leur valeur, se fit Chrestien, & peu de iours apres rendit l'a-  
me à Dieu.

VN Bonze tenant hostellerie, auoit coutume de voler ses  
hostes, puis les massacrer, de peur d'estre decouvert. Si ne sceut-  
il cacher cete horrible boucherie; il en fut conuaincu & con-  
damné à estre enseuely tout vis en terre iusques au col, & là  
nourri d'un peu de viande qu'on luy portoit tous les iours. Dàs  
peu de iours, son corps commença à pourrir, & produire vne  
grande quantité de vers. Quelques soldats Chrestiens, qui le  
gardoient par commandement du Prince, esmeus de compas-  
sion enuers cete pauvre ame qui se perdoit, le sollicitèrent de se  
jetter entre les bras de la misericorde diuine, luy representant  
les tourmens d'enfer bien plus horribles que les vers qui le  
rongeoient. Le Bonze se mocquoit d'eux, assurant que l'ame  
n'estoit pas immortelle, & que tout ce qui se produit de rien,  
retourne en rien. Les soldats ne desisterent pourtant de l'exor-  
ter à plus sainement discourir de son ame, & pourueoir à son  
salut; luy remontrant que Dieu eternel est tout-puissant, ne  
trauailloit pas plus à rendre les ames eternelles, qu'à les tirer  
de rien; & que les incomparables perfections qu'il leur a  
oestroyées, meritoient bien qu'il les conseruast à iamais: bref,

104

Cruauté  
d'un Bonze

105

Sa conuer-  
sion.



**I**ESVS - vous joüez à vous perdre eternellement, luy dirent-ils, si vous  
**CHRIST** ne changez de croiance. Enfin Dieu l'illumina tellement qu'il  
 1619. se fit baptiser, supporta d'un grand courage ce nouveau genre  
 — de tourment, l'offrant à Dieu pour satisfaction de ses crimes, &  
 mourut finalement avec les noms de Iesus & Marie en la bou-  
 che, au grand contentement & consolation des bons.

106  
 Montagnes  
 d'Oxu.

LA Prouince d'Oxu est separée de celle de Deua, par vne  
 longue trainée de montagnes, si roides qu'on ne les peut passer  
 qu'à pied, & par fois faut aller à quatre pates & à genoux. Vray  
 est qu'en quelques endroits les naturels du pais se seruent de  
 bœufs, dressez à marcher en ces lieux lesquels portent les per-  
 sonnes à trauers les neges; mais il arriue aussi bien souuent que  
 ces lourdes bestes ne pouuans asseurer leurs pieds, il les faut  
 quitter, & marcher comme à tatons, & de temps en temps ra-  
 masser de la nege pour en former des degrez.

107  
 Deua con-  
 tient deux  
 Prouinces.

LE pais de Deua est diuisé en deux Prouinces. La terrey  
 est grasse, abôdante en toute sorte de prouisiôs, enrichie de be-  
 aucoup de mines d'or & d'argent. Il y auoit cete année grand  
 nombre de Chrestiens qui y estoient bannis pour la foy, ainsi  
 que nous auons touché cy-deuant. Vn de nos Peres les allant  
 visiter arriua en vn village, où n'y auoit qu'une seule famille de  
 Chrestiens. Pour auoir moien de la visiter, il enuoia vn de ceux  
 qui trauailloient aux mines signifier au chef de cete famille,  
 qu'un sien grand amy estat arriué là s'en alloit loger en sa mai-  
 son. Le Chrestien entendit incontinent ce qu'il vouloit dire,  
 s'en alla le trouuer aux mines, luy discourut en chemin de  
 la nature & proprieté de ces montagnes, bref le receut en sa  
 maison avec toutes les caresses possibles.

108  
 Visitées par  
 nos Peres.

LE Pere estant logé là, son bon hôte fit courir le bruit qu'il  
 estoit intendant des mines. Ce que les Chrestiens qui habi-  
 toient es enuiron, aians entendu, vindrent de nuit à grandes  
 troupes, pour se confesser, communier, & oïr les sermons.  
 Le Pere sejourna quinze iours en deux bourgs voisins, l'un nô-  
 mé Xembocu, l'autre Aquita: De là changeant d'habit pour vi-  
 siter vn hospital de lepreux, assis sur le grand chemin, se seruit  
 de cete industrie. Il sçauoit bien que ces Lepreux vendoient  
 quantité de bonnes & belles peaux. Il cōmanda donc à sa guide  
 de s'auancer, & arriuant près de l'Hospital, il cria tout haut,

Les peaux pour lesquelles nous sommes tombés d'accord, <sup>IESVS-</sup>font-elles prestes? Oüi, respondirent les lepreux, venés les <sup>CHRIST</sup>prendre, & paier quand il vous plaira. Le Pere s'approcha <sup>1619.</sup>comme pour voir ces pretendües peaux, entra dans l'hospital, oüit les confessions de ces pauvres gens. Ainsi alloit-il visitant les Chrestiens le plus dextrement & couuertement qu'il pouuoit.

SATAQVENDONO vn des deux Princes & Seigneurs du <sup>109</sup>païs, entretenoit en vne de ses maisons nobles vne concubine, qui estoit suffisamment instruite pour receuoir le saint <sup>Sataquen-</sup>Baptême. Elle se tenoit tous les iours plusieurs heures à ge- <sup>dono, & sa</sup>noux deuant vne image de la tres-saincte Vierge, & exor- <sup>concubine.</sup>toit tous ceux qui la visitoient à receuoir nostre sainte foy: elle jettoit encore au feu les billets, & autres superstitions des Bonzes. Ayant sçeu l'arriüée du Pere qui visitoit ces quartiers là, elle lui enuoia vne de ses seruantes, pour conferer avec lui de ses deuotions particulieres, le suppliant de luy en dire son auis, & la diriger tellement que la persecution cessant elle peüt faire bastir vne Eglise, & y entretenir vn de nos Peres ou Catechistes: Au reste qu'elle desiroit extremement lui parler. Le Pere l'estima fort bien disposée, & comme vne autre Samaritaine; il ne jugea neantmoins à propos de l'aller trouuer, craignant quelque surprise. Excuses que cette Dame approuua, & ne laissa pourtant d'enuoier vne bonne aumosne au Pere, & luy adresser douze de ses seruantes, lesquelles apres auoir oüi le Catechisme se firent Chrestiennes.

DES quartiers de Deua le mesme Pere s'achemina vers <sup>110</sup>la Prouince de Tzungarü, qui est à trois journées de là. Pour <sup>Tzungarü</sup>y pouuoir entrer, sçachant qu'il n'y arriue messager, qui ne <sup>Prouince</sup>soit fouillé, & les lettres qu'il porte leuës & examinées par le <sup>visitee.</sup>Magistrat, il écriuit aux Chrestiens en termes de marchandise, feignant qu'il desiroit trafiquer avec eux: & cacheta ses lettres d'vn cachet qui n'estoit cogneu que des Chrestiens. A letre veüe, ceux auxquels elle s'adressoit, depecherent vn guide avec quelque argent, par le moien duquel le Pere peüt mieux couvrir son jeu, & persuader qu'il vouloit exercer la marchandise, portant quelques denrées étrangères, &



LESVS- se couvrir d'un habit de marchand. Il se faisoit nommer Va-  
CHRIST ta Canyemon, & son Dogique Itaya Quisioye.

1620.

ARRIVANT aux frontieres de la Prouince, tandis que les douaniers & gabeliers visitoient les denrées, le Pere dit qu'il se trouuoit vn peu mal, & fut conduit au logis. Son Dogique paia la gabelle, prit passeport, & congé de se retirer avec son maitre. De là ils furent à Tacooca, qui est vn Chasteau du Prince, & colonie des Chrestiens; où estans arriués courut vn bruit que certains marchans d'Aquitois (aussi venoient ils du bourg d'Aquita) estoient logés chez vn noble Chrestien, nommé Antoine, & vendoient diuerses marchandises étrangères, par les mains de ses enfans. Trait subtilement inuenté, afin que le Pere ne fût obligé à se faire voir aux Payens, qui l'eussent peu recognoître. Par le moien de ces defaites, le Pere sejourna là dix-huit iours, avec vn fruit indicible, & vne incroyable joie des Chrestiens, qui ne cessoient d'admirer & haut-loüer la charité de ceux qui étendent leurs bras secourables, iusques aux derniers cantons de la terre, pour aider le prochain avec tant d'industrie, & au trauers de tant de dangers.

III

Tacooca  
Chasteau.

*Estat de la Chrestienté & de nostre Compagnie és Isles  
& Royaumes du Iapon, l'an mille six cens  
vingt, & particulièrement à Nangazaki.*

## CHAPITRE XI.



III2

Estat du Ja-  
pon.

LES affaires du Iapon estoient cette année en mesmes termes, que la passée. Les Regnicoles jouïssient de la mesme paix vniuerselle, par tous les Royaumes. Le mesme Empereur dominoit; Ses officiers exercoient les mesmes barbaries & cruautés contre les Chrestiens. Le fer y estoit tousiours aiguisé contre les Predicateurs du

sainct Euangile, & particulièrement contre nostre Compagnie. L'Empereur estimoit bien leur auoir bouché tous les passages & auenuës, par les Edits si souuent iterés, & par les tres-cruelles peines proposées aux infracteurs d'iceux: mais la charité ne manquoit pas d'esprit ny d'inuentiōs, pour faire penetrer nos Peres & autres Religieux, non Prestres, au milieu des villes les plus peuplées, pour le bien & le salut des ames. Et comme nos Religieux exposoient courageusement leur vie, pour le salut de leurs freres Chrestiens, aussi se montroient les Chrestiens tres-recognoissans, & prompts à les receuoir. Vrai est qu'ils procedoient tous avec vne tres-grande prudence, & circonspection, de peur d'irriter davantage l'Empereur.

113  
Ils estoient seulement trente personnes de nostre Compagnie, distribués en diuers quartiers du Iapō, sçauoir est vingt cinq Prestres, & cinq qui ne l'estoient pas, qui trauailloient tous fort courageusement, & conuertirent en tout mille trois cens personnes. Six furent trouués dignes de la couronne du martyre, comme nous dirons plus particulièrement en son temps; & beaucoup plus grand nombre languissoit dās les prisons, entre lesquels estoit le Pere Charles Spinola, qui attendoit d'heure en heure la couronne deuē à sa force & constance; aiant trempé trois ans entiers en prison.

114  
Deux receurent la glorieuse recompense de leurs trauaux sortans de ce monde. Le premier fut le P. Iean Fonseque, natif de Lisbonne, personnage remarquable pour sa modestie, charité & patience en diuers trauaux, dans lesquels il s'enseuelit. Il mourut âgé de cinquante & trois ans, ou environ, en aiant passé trente & deux en nostre Compagnie, avec vne rare odeur, de solide vertu. Le second fut le Pere Emanuel Barret, natif d'un lieu nommé Feira, en l'Eueché du Port en Portugal. Cetui-ci auoit cinquante & six ans, desquels il en auoit vécu trente & vn en nostre Compagnie, se montrant tousiours ouurier infatigable. Six autres arriuerent au Iapon en leur place. Petit secours à la verité, mais qui vint fort à propos durant les extremes necessités, qui accabloient nos ouuriers.

IESVS-  
CHRIST  
1620.

Nombre de  
nos Peres.

Cy apres  
nomb.

P. Iean Fonseque  
meurt.

115  
P. Emanuel  
Barret  
meurt.



IESVS-

CHRIST

1620.

116

Maison de  
Misericor-  
de razée.

LA maison de la Misericorde, fondée à Nangazaqui, l'a-  
file de tous les affligés du Japon, fut cette année razée : sept  
hospitaux ruinés de fond en comble, les pauvres malades  
exposés à la rigueur du temps : le tout par la diabolique fu-  
reur de Gonzoco gouverneur de la ville, laquelle s'étendit  
iusques aux morts : car il fit ouvrir leurs sepulcres, mettre  
les bieres en pieces, & porter les os des fideles hors de la  
ville. Ce qui ne passa pas sans beaucoup des larmes des pa-  
rents, sanglots des meres, soupirs des amis, qui voioient leurs  
proches traités d'une façon si barbare, & n'osoient s'en plain-  
dre. Car d'en parler estoit trop dangereux. Mais qui viuoit  
en ce temps là sans danger ?

117

Le P. Pro-  
vincial  
court for-  
me de sa  
vie.

LE P. Prouvincial estant chez vn Chrestien, & commen-  
çant à se reuestir pour celebrer la sainte Messe, vn Chrestien  
arriuant le supplie de quitter les habits sacerdotaux, & s'en-  
fuir, parce qu'une chambriere du logis, assés suspecte en cet  
endroit, en estoit sortie peu auparauant pour le deferer au  
Magistrat. Ce qu'ayant dit, il courut trouuer vn Neophite  
de ses amis, & le pria de receuoir & cacher en sa maison le P.  
Prouvincial de nostre Compagnie, au moins pour vn iour,  
Mais comment sortira-il de cette seconde maison ? Si c'est  
de iour, le seul teint de sa face blanche le decouurira pour  
Etranger. De nuit, il tombera es mains du Guet, qui ne cesse  
de faire la patrouille. Que fit-il donc ? Il se fourra dans vne  
chaire couverte tout au tour, de la façon de celles dont vsēt  
les femmes nobles, & se fit porter ailleurs, ayant vne seruan-  
te qui suiuiroit apres, comme si elle eût accompagné sa mai-  
tresse. Ceux qui le portoient n'estans pas bien instruits de  
la ruē où ils se deuoient rendre, s'arrestoient souuent, pour  
demander la maison de celui qu'on leur auoit nommé, pa-  
rauenture le faisoient-ils de guet à pans. Cependant les pas-  
sans s'approchoient de la chaire, & leuoient les toiles pour  
voir qui estoit dedans. Mais le Pere scauoit bien se couvrir la  
face, de peur qu'ils ne le cogneussent.

118

Change  
d'extremēt  
de logis.

EN fin les porteurs s'arrestèrent sur la porte d'une vefue,  
laquelle descendant promptement, se prit à crier apres ces  
crocheteurs, disant qu'ils auoient pris vne porte pour l'autre.  
Là dessus arriua la seruante qui les suiuiroit, & leur aiāt fait  
rebrousser

rebrousser chemin, les mena où il falloit. Si ne finirent pas là les dangers. Car le Neophite chez lequel le P. Prouincial s'estoit retiré, fut conduit en prison sur la my-nuict suivante; & parce que les Ministres de la Iustice ne peurent rien tirer de luy; ils posèrent incontinent des gardes à toutes les auenuës de la rue, où le P. Prouincial s'estoit fait porter, vis à vis du logis du Pere Iean Baptiste Bajessa; mais Dieu les auoit inspirez de changer de demeure auant la nuit.

Vn Frere lay de l'Ordre du Seraphique Pere saint François, se trouua en semblable peine. Car allant & venant la nuit à la faueur de la Lune, pour certain affaire d'importance, il fut veu & recogneu par vn Bonze, qui le suiuit de loin, & remarqua bien le logis où le Religieux estoit entré. Mais le Maistre du logis aiant apperceu cét espion, renuoia brusquement le Religieux, comme s'il eût esté en colere contre luy. Le iour suivant de grand matin, les Ministres de la Iustice entrent dans cete maison, cherchent par tout, mesme par le voisinage, & en fin arriuent chez vn certain nommé Louis, de la maison duquel vn de nos Peres estoit sorty le iour precedent. Comme ils suretoient tout, ils rencontrerent vn liuret spirituel en langue Iaponnoise, mais imprimé avec des caracteres d'Europe. Ce qui fut suffisant pour faire constituer prisonnier Louis, lequel conduit deuant le Iuge, auoüa librement qu'un certain estranger auoit logé chez luy. Mais qu'il s'en estoit allé de grand matin, & ne scauoit où. Le Iuge le condamna à la question, laquelle ne peut tirer autre chose de sa bouche. Neantmoins le bruit courut que Louis auoit decouvert les cachettes de nos Peres, & de plusieurs autres. Ce qui fut trouué faux, Louis s'estant tousiours montré fort constant.

Vn autre Neophite, qui auoit esté mis en prison l'an passé, parce qu'il lisoit des liures spirituels à plusieurs Chrétiens, fit encore preuue de sa generosité. Car le Gouverneur l'aiant fait venir à soy, & luy promettant diuerses faueurs & recompenses s'il desistoit de la lecture de tels liures, & le pressant de luy en donner vne promesse écrite de sa main: Là Dieu ne plaise, répondit le Neophite, que l'infeste le papier de paroles si horribles. Vne dure prison m'est beaucoup

IESVS-  
CHRIST  
1620.

119  
Religieux  
de saint  
François  
échappé.

120  
Louis mis  
à la ques-  
tion.

121  
Liures spi-  
rituels che-  
ris.



IESVS - meilleure, qu'une infame liberté.

CHRIST VOICV vne euidente preuue de la diuine misericorde.

1620. Vn Neophite extremement malade, fut sollicité par ses parens & amis Payens de renier la foy Chrestienne, & mourir idolatre : Si que craignant la mort de son corps, & la perte de son ame, il s'enfuit du Royaume de Fingo à Nangazaqui, chez vn sien confident : Où aiant perdu la parole, il eut en dormant cete vision. Il luy sembla voir vne matrone, d'un port & visage fort majestueux, laquelle luy promit l'usage de la langue, & la santé parfaite de tout son corps. Surquoy il s'eueilla, demanda vn Prestre, auquel il se confessa, & fut guery.

AUTANT que la charité des Chrestiens estoit necessaire en ce temps, pour receuoir chez eux les Predicateurs & Religieux, autant estoit elle agreable à Dieu. En voicy vne euidente preuue. Vn Neophite tenant en sa maison vn Prestre, luy fournissoit mesme d'huile pour estudier de nuict, & ne la luy épargna tandis qu'il y en eut dans le vaisseau de sa prouision. Auerty que l'huiliere estoit vuide, il courut la prendre pour en acheter d'autre : mais la prenant il la sentit fort pesante, & trouua que l'huile en sortoit abondamment. La femme, les enfans, les seruiteurs, & toute la maison court à cette merueille : Personne ne sçait d'où est venu cet huile ; & tous assurent que c'est vne liqueur miraculeuse.

*Missions d' Arima, Omura, Firando, Chicungo, Bugen,  
& Isles circonuoisines.*

## CHAPITRE XII.



A seule contrée d' Arima ne sentit pas cette année la gresse de la persecution. Cinq de nos Peres y estoient fort bien occupez, parce que le Prince quoy que Payen, respectoit nostre sainte foy, comme tres-conforme à la raison; permettoit que les Neophytes vécussent à leur mode, mais prudemment & avec retenue, craignant l'indignation de l'Empereur. Ainsi l'Eglise tant affligée ailleurs respiroit quelque peu en ce quartier. Plusieurs s'affermissoient en la foy; plusieurs se retiroient de l'apostasie: plusieurs quitoient les superstitions.

123  
Arima en  
paix.

Les Royaumes de Fingo & Saxumo furent participans de ce bien. Car plusieurs y receurent le saint Baptême; & entr'autres vn Gentil-homme fort renommé tant pour sa noblesse que pour ses moiës, lequel cōceut vne si grande ferueur, qu'il s'adonnoit librement à la deuotion, & à gagner les autres par les vifs exemples de son excellente bonté, quoy que non sans quelque danger de sa personne.

Vn autre auant que se faire Chrestien, voiant que la iustice Payenne persecutoit les Neophytes, s'en alla vers le Gouverneur, & luy offrit sa vie pour celle des autres qu'on cherchoit pour les faire mourir. Vne autre personne souillée de plusieurs pechez, & nōmément d'auoir quitté la foy Chrestienne, se trouuant saisie d'vne fièvre chaude, appella vn Prestre, & l'aua son peché avec beaucoup de larmes & de douleur. Ce que voiant & admirant vn sien frere coupable de la mesme faute, retourna au bercail de Iesus-Christ.

124  
Exemple  
de vertu, &  
la force.

Le passage de Nanzazaqui au détroit d' Omura estant fort court & facile, nos Peres ne manquerent pas d'y faire cette année plusieurs courses, visiter les pais d'alentour, & penetrer



**I E S V S-** dans la ville mesme. La force de la persecution auoit ébran-  
**CHRIST** lé plusieurs habitans, mal-fondez en la religion. Mais la  
 1620. mort soudaine du Seigneur d'Omura, qui auoit quitté la foy  
 — Chrestienne, les estonna tellement, qu'ils se resolurent à ex-  
 poser mille vies pour l'amour de Iesus-Christ. De ce nombre  
 furent plusieurs soldats qui gardoient la prison, où le P. Char-  
 les Spinola, & autres Religieux estoient detenus, il y auoit ja  
 trois ans ou enuiron.

125  
 Pécheur  
 des ames &  
 poissons.

Vn pauvre Chrestien, pécheur de son mestier, non content  
 de tirer des poissons de l'eau, iettoit encore l'amorce de plu-  
 sieurs deuotes paroles, & bons exemples des vertys Chrestien-  
 nes pour prendre les hommes. Dequoy indignez les Gouver-  
 neurs, luy deffendirent de se mêler d'autre chose que de ses fi-  
 lers. Mais parce qu'il n'obeïssoit à leurs volonte, ains persistoit  
 à bien faire, il fut enuoié en exil avec sa femme. Peine qu'il sup-  
 porta volontiers pour l'amour de Dieu.

126  
 Pere Chri-  
 stofle Fer-  
 rier.

Le Pere Christofle Ferrer Portugais visita le quartier de  
 Firando, y ouït treize cens confessions, tantost de nuict, tantost  
 de iour, & se promenant au bord de la mer, pour oster toute oc-  
 casion de soupçon aux Gétils, qui habitent parmy les Neophi-  
 tes. Le Seigneur de Firando aiant entrepris de faire renier la  
 foy à tous les Chrestiens qu'il rencontreroit en ses terres, soi-  
 xante Neophites furent trouuer le Gouverneur de l'Isle d'I-  
 quitzuqui, & luy dirent: Nous auons receu le baptisme dès  
 nostre enfance, auons tousiours vescu, & voulons mourir  
 Chrestiens: les menaces ne nous font point de peur, les flam-  
 mes, les croix, les épées sont nos delices. Ce qu'aians dit, les  
 vns tendirent le col tout nud, les autres decoururent leurs poi-  
 trines, tous s'accommoderent à receuoir le coup de la mort,  
 chacun priant d'estre le premier, & asseurans d'une voix, que  
 leurs femmes & leurs enfans les suiuroient bien-tost. Le Gou-  
 verneur fut tellement etonné de cette nouueauté, qu'il ne peut  
 dire vn seul mot. Le Prince mesme, aiant plus meurement pe-  
 sé l'affaire, quitta son entreprise.

127  
 Chrestiens  
 tres-hardis.

Le P. Sixte Iaponnois courut les Royaumes de Saxuma,  
 & Osumi, avec beaucoup de peine, & plus de profit des Chré-  
 tiens. Le Pere Iulien Nacaura Iaponnois aussi fut iusques aux  
 plus éloignées marches de Chicungo & de Bugen, où il trouua

plusieurs Chrestiens relegués pour la foy, & entre autres le gendre de Iacques martyr, avec sa femme & ses enfans. Il s'étonna, mais il s'éjouit aussi. de voir vn personnage si noble de sang, nourri autres fois parmi les delices du monde, & serui à la grandeur, gagner sa vie au trauail de ses mains, couuert d'vn caban de villageois, & accompagné de simples & bas artisans. Siaffura-il le Pere Sixte, qu'il faisoit plus d'estat de cete bassesse: qu'il n'auoit iamais fait des grandeurs & contentemens de son pays.

IESVS-  
CHRIST  
1620.

128  
Humilité  
Chrestien-  
ne.

Les filles du susdit Iacques martyr, ne montrerent pas moins de vertu que leur beau frere, avec lequel elles auoient esté bannies. Car Louyse se plaignit seulement au P. Sixte, de ce qu'elle auoit esté enuoyée en vn lieu, où elle ne pouuoit espandre son sang pour l'amour de Iesus-Christ. Anne fut tirée par certaines Damoiselles Payennes, en vn Palais, où elles se mirent toutes à la solliciter de quitter la foi: Mais la fille répondit tousiours constamment, qu'elle mourroit Chrestienne. Elles lui firent plusieurs dons pour la corrompre, la menacerent, & vne lui dit: Le Prince viendra bien tost, & vous fera percer tout outre d'vne lance. Anne répondit, l'iray au deuant de luy & luy tendray le col, à ce qu'il me tence la teste. Ce qui estonna tellement ces femmes, qu'elles ne cessoient d'admirer & louer la constance de cete fille.

129  
Fille fort  
vertueuse.

Vne autre ieune fille de treize ans, quoi que griesuement malade, se fâchoit beaucoup plus de ce qu'elle n'auoit moie de se confesser que de son propre mal. Sur quoi quelqu'vn lui aiant enseigné qu'il y auoit vn de nos Peres caché bien près de là, elle le fit prier de la visiter, se confessa: & soudain apres auoir receu l'absolution s'habilla, s'écriant qu'elle estoit miraculeusement guerie.

130  
Guerison  
miraculeu-  
se.



*Le Martyre d'un Neophyte, nommé Matthias.*

CHAPITRE. XIII.



131  
Matthias  
martyr.

E Matthias nâquit en vn petit village du Roiaume d'Arima, nômé Canzulangocô, de parës plus fournis de pieté que de richesses. Dés sa tendre jeunesse il se montra fort enclin à la vertu. A peine fut-il entré au quatorzième an de son âge, qu'il demanda d'estre admis en nostre Compagnie. Ce qu'il ne peut obtenir. Neantmoins les Superieurs l'emploierent en diuers affaires, & le P. Prouincial aiant experimenté sa candeur & fidelité, le choisit pour compagnon de tous ses voiajes & dangers. Il l'enuoi-  
oit souuent de nuit tantost en vn endroit, tantost en vn autre, pour visiter les Neophytes, & pouruoir à leurs necessités. Vn soir estant allé prendre vne robe faite à la façon d'Europe, pour le P. Prouincial, & retournant au logis où il se tenoit caché, le bon Matthias tomba és mains du Guet, qui l'arresta & mena au prochain corps de Garde, pour voir ce qu'il portoit. Le paquet ouuert, & la robe qu'il portoit recogneuë pour habit de Religieux, & d'une personne étrangere, il fut lié, garroté, conduit au logis du Gouverneur, qui se promit incontinent de tirer de lui la cachette de quelque vn de nos Peres. Mais en vain. Car Matthias interrogé diuerses fois qui il y estoit, à qui il portoit cette robe, ne répondit iamais vn mot; tant pour ne decouvrir la retraite du Pere que pour se garder de mentir.

132  
Fait prison-  
nier.

TROIS autres Neophytes aians sçeu l'accident arriué au bon Matthias, promirent au P. Prouincial toute leur industrie pour le deliurer. A ces fins ils s'en allerent vers le Gouverneur, le prierent de n'adiouter foy à ce que la crainte au-  
roit peu tirer de la bouche de Matthias. Mais le Gouverneur, infame apostat qu'il estoit, leur dit: Je n'auois qu'un prisonnier, maintenant vous serés quatre. Je vous defend sous peine de la vie de sortir de ceans. Cela dit, il dépe-

133  
Ne peut  
estre deli-  
vré.

cha homme exprés vers Sucquendaïo, qui estoit le souue-  
rain Magistrat, & le pria de lui enuoier sur l'heure vne bonne  
troupe de soldats, pour courir sus à vne nichée de Chrestiens  
qu'il auoit decouuert.

IESVS-  
CHRIST  
1620.

SUCQUENDAÏO quoi qu'idolatre, estant d'un naturel plus  
posé, lui répondit, que c'estoit vne entreprise fort precipi-  
tée, que l'heure estoit mal propre à trouuer vne troupe de  
soldats, que la ville estoit bien close, les corps de Garde en  
estât, les sentinelles posées, les ruës bien fournies de gen-  
darmes, de sorte que personne ne pouuoit échapper, s'il ne  
prenoit le vol par l'air. Partant qu'il valloit mieux attendre  
le iour que mettre la ville toute en alarme de nuit.

LE Gouverneur se picqua de cette réponse: il dissimula  
neantmoins sa colere, relacha les trois Neophytes, & se re-  
mit à solliciter Matthias pour sçauoir de lui à qui estoit la ro-  
be, & où se retiroient nos Peres. Mais Matthias ne lui ré-  
pondit pas vn mot. Ce que voians les officiers du Gou-  
uerneur commencerent à le battre, le ruer par terre, le meur-  
tir à coups de pieds & poins, sans respecter le visage, ny  
épargner aucune partie de son corps. Et Matthias plus muet  
que iamais.

134

Interrogé  
ne dit mot.

VN soldat mit la main à l'épée, faisant semblant de le  
vouloir fraper, & criant qu'il répondît à peine de la mort.  
Mais Matthias garda tousiours le silence. Ce que voians  
ces barbares, l'étendirent sur deux pieces de bois croi-  
sés l'une dans l'autre, & lui firent aualer par la bouche vne  
si grande quantité d'eau, que le vêtre lui enfla enormement.  
Puis lui en firent encores entrer par force par les narines, &  
par les oreilles. Mais Matthias demeura autant insensi-  
ble, comme si c'eust esté vne statuë, & ne se plaignit non  
plus que s'ils eussent tourmenté vn autre corps que le  
sien.

135

Supplice  
nouveau.

LE Gouverneurs desesperant de le pouuoir faire parler,  
l'enuoia à Sucquendaïo, qui l'attendoit sans s'estre voulu  
coucher. Le genereux Matthias passa demi-mort par la ruë  
où il auoit esté pris, & en laquelle le Pere Prouincial  
estoit logé. Arriué qu'il fut au logis de Sucquendaïo,  
on le tourmenta derechef, luy faisant rejeter la pre-



IESVS-  
CHRIST  
1620.

miere eau qu'il auoit beu, & en aualler d'autre; si bien qu'ils le forcerent de parler, pour demander quelques trefues: car il n'en pouuoit plus. Ces barbares les lui accorderent volontiers, esperans qu'il leur decouuriroit tout ce qu'ils pretendoient ſçauoir. Matthias aiant repris haleine, leur dit: Il y a vn certain Prestre qui demeure és Isles de Firando. Qui est-il? repliqua Suequendaïo. C'est vn certain Prestre, nommé Pierre, qui a renié la foy, dit Matthias. Comment? dit Suequendaïo, tu te veux moquer de nous? Si tu ne me dis à qui appartient la robe que tu portois, & en quel logis il se retire; je te tireray à viue force l'ame du corps. Car je le veux ſçauoir.

136  
Matthias  
meurt.

MATTHIAS auoit tant pati, que sur ces entrefaites il s'éuanoüit, & tomba la langue hors de la bouche. Vn soldat plus insolent & inhumain que les autres, au lieu d'en auoir compassion, s'approcha, & luy donna vn si rude coup de poin sur la teste, que les dents du bon Matthias lui couperent la langue en deux, vne partie tomba soudain à terre. Si qu'il ne parla plus, & sur le poinct du iour s'en alla jouir des joies eternelles l'an mille six cens vingt, & le quarante & neufiesme de son âge.

137  
Son corps  
est jeté en  
mer.

LA cruauté de ces barbares ne s'arresta pas à la mort du martyr Matthias. Car ils trainerent son corps au lieu du supplice, laissant les ruës marquées de son sang. Les Neophytes le ramassoient par deuotion. Qui fut cause que les officiers de la Iustice leur cōmanderent de trencher la teste au mort. Mais ils répondirent prealablement: Trenchés nous les nostres; puis nous vous obeïrons. Ils ne laisserēt pourtāt de la lui faire trencher, & la pendirent au bout d'une lance, sur la sentence de l'Empereur, écrite en grosses lettres. Quelque temps apres ces barbares la jetterent en haute mer avec le corps, de peur qu'il fût trouué & honoré par les Chrestiens. Mais les Neophytes le pescherent trois iours apres, & l'enuoierent au P. Prouincial pour vn rare present.

VOILA le glorieux combat, & la victoire que le bon Matthias rapporta des infidelles, pour la manutention de la foy, aimant mieux souffrir toute sorte de tourmens, voire mourir, que viure en decourant les Predicateurs du saint Euan-  
gile

gilé au Japon. Ce qu'il ne pouuoit faire sans vn extreme dom- I E S V S-  
mage de la Chrestienté. Il seruit quatorze ans nostre Compa- CHRIST  
gnie en ces quatiers là; & pour estre fort prudent & preuoiant, 1620.  
fut long-temps Surintendant de la maison du Seminaire, avec  
vne telle satisfaction de toute cette ieunesse, que chacun l'ai-  
moit comme son pere.

E S T A N T souuent interrogé par le Pere Prouincial, s'il  
mourroit volontiers avec luy, pour la confession de la foy, il  
répondit tousiours : Je ne desire autre chose. Et si la iustice  
vous prenoit prisonnier, & vouloit vous forcer à reueler où  
sont nos Peres, que feriez-vous ? Je me laisserois plustost tail-  
ler en pieces, & briser tous les os, que d'en deceler vn. Enui-  
ron trois heures auant qu'il tombast entre les mains des Ar-  
chers du Guet, le Pere Prouincial l'auoit interrogé, comme  
ie viens de dire : & il auoit montré vne ardeur de deuotion  
plus grande que de coutume, de laquelle il fit preuue iusques  
à la mort.






MATHIAS, ET AVSTRES EXECVTES POUR LA FOY.

*Cinq Neophites crucifiez, & brûlez pour la confession de la  
foy, à Cocura, ville du Roiaume de Bugen.*

CHAPITRE XIV.



**S**IMON Bocufay, surnommé Cambò, c'est à dire Maistre d'escole, faisant ouvertement ce métier en la ville de Cocura, avoit épousé vne 138  
Chrestienne nommée Magdelene; & retiroit Simon maistre d'escole.  
chez soy Thomas Guengorò, avec Marie sa femme, & Ioseph leur fils. Ietcondono Prince de Bugen, avoit souvent auerty Simon, qu'il fermât son escole, & ne fit plus profession de la foy Chrestienne. A quoy il n'avoit tenu conte d'obeir. Ce que voiant le Gouverneur, donna pour prison à Simon son propre logis, le treizième iour de Septembre, luy disant qu'il s'en alloit trouver le Prince, pour sçavoir sa volonté. Simon tout ioieux de cette nouvelle, recommanda sa femme à quelques bons Chrestiens de sa cognoissance, apres luy avoir donné de tres. salutaires instructions pour son ame. Mais elle luy répondit franchement. Je ne crains aucune sorte de peines. Aiez seulement bon courage.

Le Prince aiant appris du Gouverneur, qu'il n'y avoit aucune esperance de renger Simon à sa volonté, commanda qu'on sollicitât sa femme, & ses hostes; & en cas qu'ils refusassent de renoncer à la foy, qu'on les assignât à comparoir devant luy. 139  
Magdelene sa femme.  
Magdelene aiant receu le mandement; A quel propos, répondit-elle, me conduirez-vous au tribunal du Prince? Je seray toujours la mesme. Ne pensez-pas que ie change de foy, ny parmy les tourmens, ny à la mort mesme. Et aux fins qu'on ajoûtast plus de foy à son dire, elle écriuit de sa main vn billet, declarant comme elle estoit resoluë de mourir pour maintenir la foy Catholique, & le signa.

Le Gouverneur aiant veu & leu le billet, fit venir devant soy les deux hostes de Simon, & leur fils Jacques. Puis voiant qu'il ne pouvoit rien gagner sur Thomas, ny sur sa femme au preu-



IESVS- dice de la foy, il se mit à Iacques, & tâcha par tous artifices de  
CHRIST le peruertir. L'enfant se resolut à ne pas répondre vn seul mot.  
1620. Ce que voians les soldats du Prince, cōmencerent à le battre

140  
Enfant  
tres-hardy.

& souffleter. Surquoy l'enfant leur dit: Pensez-vous donc gagner sur moy par ces violences, ce que vous n'avez peu obtenir par douceur? Vous vous trompez grandement. A quel propos tant de soufflets, tant de coups de pied? Voila mon col, voicy ma poitrine, frappez hardiment; déchirez, faites moy mourir. Je seray tousiours Chrestien.

Ces paroles étonnerent tellement les barbares, qu'ils quitterent tout, & renuoierent ces vaillans Champions de Iesus-Christ triomphans en leur maison, laissant leurs noms, & leurs cachets és mains des Officiers pour témoignage de la constance avec laquelle ils professoient la religion Chrestienne. Le iour suiuant on signifiâ la sentence de mort à Simon, lequel transporté de ioye & contentement écriuit au P. Prouincial en tels ou semblables termes.

141  
Lettre du  
martyr Simon.

Je prens la plume pour vous adresser en toute humilité ce petit mot. Le Prince a ce iourd'huy fulminé contre moy la dernière sentence. Il faut que ie meure bien-tost: J'ay souuent demandé cette grace à Dieu. Son infinie bonté m'a exaucé. Si la multitude de mes pechez ne me retarde, j'espere iouir dans peu d'heures de la felicité eternelle. Je supplie vostre reuerence de m'obtenir du ciel la force & la perseuerance qui me sont nécessaires, & finis avec la mesme humilité. Iusques icy la lettre de Simon.

Tous ceux de la maison aians receu cette nouuelle, se jetterent à genoux pour en remercier Dieu, & s'encouragerent l'un l'autre à vne si glorieuse iournée. Comme ils s'entre-réjoüissoient, voila vn Messager du Gouverneur qui leur signifie qu'ils auoient encores vn iour à viure. Dequoy Simon s'attrista fort, & pleura mesme de ce qu'il luy falloit demeurer encores vn iour, parmy les miseres de ce monde.

Le lendemain sur l'heure qui leur auoit esté assignée, ils sereueſtrent tous de leurs plus beaux habits, se jetterent à genoux deuant vne image de nostre Sauueur crucifié, & demanderent serueſtment à Dieu la constance qui leur estoit nécessaire en ce cas. Les Officiers de la Iustice arriuez, les

furent conduire au lieu du supplice, par diuers soldats qui deuoient garder les croix.

IESVS-  
CHRIST

1620.

OR pource que Simon sembloit estre vn sujet de nostre Compagnie, à cause de l'office qu'il faisoit cultiuant les ames; le Gouverneur voulut qu'on le fît mourir dans l'ancië Cimetiere; mais Simon refusant cete espece d'honneur, demanda d'estre conduit avec les autres, & mourir en leur cōpagnie. Arriués qu'ils furent au lieu du supplice, ils prirent Dieu avec vne allegresse extraordinaire; & Simon chargea les Ministres de la Iustice de rendre graces de sa part au Prince, de ce qu'il l'auoit toleré quatre ans sans le faire mourir, lui donnant par ce moien commodité de se mieux preparer à ce dernier passage.

142  
Humilité  
par tout.

ILs furent tous mis en croix le quatorziesme iour de Septembre, deux heures apres le Soleil leué. Il est bien vray qu'ils ne moururent pas tous le mesme iour. Car Simon & sa femme Magdelene n'expirerent que le iour suiuant sur la nuit. Thomas & Iacques son fils vécurent trois iours entiers sur la croix, & eussent prolôgé dauantage leur vie, si les bourreaux ne leur eussent dōné de nouueaux coups de lance. On ne peut sçauoir à quelle heure mourut Marie fēme de Thomas, & mere de Iacques; ny ce qu'elle & les autres crucifiés dirent en Croix, à cause de l'ëtroite garde que ces barbares faisoient à l'entour d'eux. Leurs sacrés corps furent brûlés, & les cendres jettés en mer, de peur qu'elles ne vinssent és mains des Neophytes.

IL arriua vn accident qui étonna grandement tous ceux qui le virent. Ce fut que tandis que les corps de Simon & Magdelene sa femme bruloient, on vid en l'air, & sur iceux deux Arcs en ciel, de pareille couleur & beauté, qui se joignoient ensemble, renuersant leurs cornes sens dessus dessous. C'est à dire que l'vn estoit en forme, mais beaucoup plus grand que le croissant de la Lune, au quatre ou cinquieme iour apres le renouueau d'icelle, & auoit les cornes tournées en haut. L'autre auoit les deux bouts tournés vers la terre, commel'Iris paroît ordinairement. Chose qu'homme viuant n'auoit iamais veü: Et durerent lesdits Arcs iusques à tant qu'ō eût jetté les cendres de ces martyrs en mer.

143  
Arcs en ciel  
meruei-  
leux.



An de 638

LIVRE XVIII. DE L'HISTOIRE

**I**ESVS-  
**CHRIST** 1620. TELLE fut l'heureuse fin de Simon, apres auoir passé soixante ans en l'exercice de toutes sortes de vertus, avec vn si ardent desir du martyre, qu'il ne respiroit autre sort en ce monde. Il nâquit au Roiaume de Bungo, de noble race, fut d'vn naturel genereux, suiuit dès sa jeunesse le train des armes. Mais lors que le Roi de Bungo fut priué de son Roiaume, considerant les étranges changemens qui arriuent és affaires de ce monde, il se resolut de le quitter entierement pour seruir à Dieu. Depuis laquelle determination il s'auança tellement au seruice diuin que les esprits malins qui possedoient les corps des hommes auoient peur de lui, comme ils témoignèrent plus d'vne fois.

*Des Roiaumes de Bungo, Chungocù & Xicocù, & autres  
nouuellement découuerts.*

CHAPITRE XV.



**E**N TRE les grands Seigneurs du Roiaume de Bungo, qui persecuterent cete année les Chrestiens, il n'y en eut point qui leur portât plus de dommage, que Nacangaua Naigen, Seigneur d'Ocata. Cetui-ci retournant de Meaco en sa maison, & rencontrant diuerses croix & buschers qui auoient serui à faire bruler les Chrestiens, entreprit de les persecuter de tout son pouuoir, pour se mettre plus auant és bonnes graces de l'Empereur. A ces fins il dépcha plusieurs troupes de soldats, par toutes les villes & bourgades de sa Principauté, avec menaces de ruiner & renuerser les maisons & familles entieres.

144  
Ocata & son  
Seigneur.

**P**LVSIEURS Chrestiens se trouuans si inopinément assaillis, prindrent la fuite par vne foiblesse humaine. Mais par la grace de Dieu ils tournerent bien-tost apres visage genereusement. Il y en eut vn qui apres plusieurs menaces qu'on luy fit, entremeslées de promesses, répondit qu'il quitteroit volontiers tous ces biens, abandonneroit sa femme & ses

enfans, si besoin estoit, mais qu'il ne renonceroit iamais à la foy Chrestienne.

IESVS-  
CHRIST  
1620.

Vn autre sçachant qu'on l'auoit couché au roolle des renegats; par vn artificieux mensonge, s'en alla trouuer le Iuge, lui demanda le papier, & en effaçâ son nom, & de toute sa famille, priant les Magistrats de rapporter au Prince ce qu'ils lui auoient veu faire. Tite Gentil-homme de bon lieu, mais à present plus illustre pour sa magnanimité Chrestienne, tourné de tous costés, & sollicité en toutes façons, pour quitter la foy Chrestienne, répondit tousiours constamment: l'attends & desire de plus grandes peines qu'on ne me propose. Le Prince le menaça de le charger de chaines en guise d'un esclau. Il repartit. Ce sera ma vraie & plus douce liberté. Les brauades ne passerent pas plus auant. Si fut-il arrêté au mesme Palais du Prince, aiant son département pour prison, & seruant d'exemple admirable de vertu à toute la noblesse qui le vid. Constance que la diuine majesté fit paroître lui estre tres-agreable, & ce par des signes miraculeux. Car la nuit que Tite fut mené deuant les Tribunaux des Iuges la chambre de sa femme fut remplie de torches ardentes, lesquelles se mouuoient tout autour d'elle, sans qu'on apperceut qui les portoit. Et qui plus est les mesmes torches furent veuës à la pointe du iour, par les seruiteurs du logis, courir çà & là dessus le toit.

145  
Tite Gentil-homme,  
& ses vertus.

146  
Torches  
miraculeuses.

Le P. François Bordrin, qui iusques à cete persecution, auoit assés librement aidé les Bungois, preuoiant les dangers qu'il pouuoit encourir, viuât ainsi à la découuerte, fut en deliberation de se retirer aux bois, & se cacher dans quelque spelonque; mais aiant mieux pesé le tout, il se resolut d'aller & venir par les villes & Chasteaux voisins pour conseiller, consoler, & assister ceux qui en auroient besoin. Il en rencontra plusieurs qui par pure crainte estoient en danger de tourner les épaules à l'Eglise; & les encouragea tellement que depuis ils offrirent leur vie pour la foy.

147  
Le P. François Bordrin, & ses exercices.

Vne femme pour s'estre quelque temps froidement & negligemment portée en ses deuotions, se trouua reduite à tel point de stupidité, que voulant prier Dieu, elle ne pouuoit former aucune parole, ny mesme faire le signe de la sainte



**I E S V S -** croix. Ce qu'ayant communiqué à sa mere, elle lui conseil-  
**CHRIST** la d'insister neantmoins à prier Dieu, redoubler sa diligence,  
**1620.** & se remettre à la misericorde diuine. Ce qu'elle fit, & tout  
 aussi-tost se sentit deliurée de cete oppression de Satan.

148

Oppression  
de Satan  
vaincue.

VN Neophyte ayant esté long-temps affligé d'une cruelle  
 fièvre, fut tenté de se fraper d'un poignard dans le sein, pour  
 sortir des miseres de cete vie. Sur cete pensée il lui sembla  
 voir en songe vn de nos Peres, reuestu de tres-riches orne-  
 mens sacerdotaux, celebrant la sainte Messe dans vne fort  
 majestueuse Eglise, & ouïr qu'assistant à cete Messe il deuoit  
 guerir. Ce ne fut pas vn songe que sa guerison. Car s'éveil-  
 lant au matin il se trouua sain & gaillard.

149

Songe vrai.

VN autre malade d'autant plus digne de compassion, qu'il  
 estoit plus pressé de la pauvreté, se trouuant au détroit de la  
 mort vid en dormant quatre de nos Peres, qui celebroyent  
 fort solennellement la Messe dans l'ancienne & fameuse  
 Eglise de Bungo, vn desquels s'accosta du pauvre mourant,  
 & lui mit la main sur la teste. L'agonizant s'éueillâ, & se le-  
 ua du lit en parfaite santé.

150

P. Jean Ba-  
piste Porre.

LE P. Jean Baptiste Porre, ouurier feruent & vertueux, vi-  
 sita les quartiers de Chiungocù & Xicocù. A Matzungata il  
 baptiza iusques à cent personnes, qui par leurs œuvres pro-  
 fessoient tellement la Foy receuë au Baptisme, que le pere  
 de mensonge fut contraint d'en dire la verité. Car parlant  
 par la bouche d'une personne possédée, il dit clairement,  
 qu'il n'auoit plus que faire en ce quartier là, depuis que les  
 Chrestiens y auoient pris pied.

VNE jeune fille de neuf ans, encore Payenne, estant sur le  
 point de rendre l'ame chez vn sien oncle, & oiant qu'il luy  
 souffloit à l'oreille, & d'une passionnée affection les noms de  
 Namma & Amidabùt, esquels les Payens mettent toute leur  
 esperance, s'ennuia grandement de ces voix bestiales, & dit  
 à son oncle: Je vous prie de ne me rompre plus la teste avec  
 ces mots épouuentables. Je veux mourir en la foy de laquel-  
 le ma mere fait profession. Ce qu'ayant dit elle ne cessa de  
 prier qu'on ne l'eût baptizée. A peine lui eut-on administré  
 le baptisme, qu'elle rendit l'ame à son Createur.

LE mesme P. Porre passant par la ville d'Ocayama, capita-  
 le

le du Roiaume de Bigen, trouua que le Prince auoit fait publier IESVS -  
vn Edit, portant que tous les Chrestiens quittaissent leur foy, ou CHRIST  
vuidassent le Roiaume. A quoy ils obeïrent ioieusement, au 1620.  
grand étonnement des barbares. C'estoit vn piteux spectacle  
de voir les hommes accompagnés de leurs femmes, & celles-  
cy chargées de leurs maisons, & s'en aller par troupes cher-  
cher habitation ailleurs, sans autre prouision que d'une grande  
confiance en la prouidence de Dieu. Il s'en trouua tel qui ache-  
ta sur le champ vne barque, avec ferme resolution que s'il ne  
pouuoit voïager par terre, il s'exposeroit avec toute sa famille à  
tous les dangers & orages de la mer.

151  
Bannis pour  
la foy.

VNE noble Dame s'aperceuant que son mary n'estoit pas  
trop ferme en la foy, & craignant qu'il n'allât vers le Gouver-  
neur pour quitter sa religion, & luy faire croire qu'elle la quit-  
toit aussi, comme quelques autres auoient fait, se resolut de le  
deuancer, & publier par tout qu'elle estoit Chrestienne & vou-  
loit viure & mourir telle.

VNE femme idolatre estant en trauail d'enfant, & en tres-  
euident danger de sa vie, fit vœu de recevoir le saint Baptême, si Dieu la deliuroit de son mal. Le vœu ne fut pas si-tost  
fait, que la voila deliurée d'un fils, & hors de danger. Depuis  
elle se fit instruire, & receut le baptême, avec tous ceux de sa  
maison.

152  
Vœu exau-  
cé.

Nos Peres penetrerent cette année pour la premiere fois  
les Roiaumes de Foqui, d'Inzumo & d'Inaba, & y rencontre-  
rent des façons d'idolatries nompareilles. Au Royaume de Fo-  
qui il y a vne môtagne la plus renommée de tout le Japon tou-  
jours couuerte de nege, & abondante en visions épouuentables,  
Car le diable y conuerse visiblement, demandant d'estre ado-  
ré. Il y a diuers logis de Bonzes, qui trompent le simple peuple.  
Plusieurs Chrestiens y ont esté releguez, & donnent esperance,  
que moyennant leur vie exemplaire, Dieu tirera de grands  
biens d'un pais si adonné au mal.

Montagne  
épouuenta-  
ble.

POUR entrer au Roiaume d'Inaba, il faut necessairement  
passer au long de la mer, où il y a si grande quantité de sables,  
qu'on enfonce & trebuche à chaque pas. Ce fut donc avec  
vne extreme peine, que le Pere arriua à Tottora, ville princi-  
pale dudit Royaume, le propre iour de l'Ascension qu'il cele-

153  
Tottora  
capitale  
d'Inaba.



IESVS - bra avec vne allegresse, & fruit indicible des Chrestiens qu'il  
CHRIST y trouua. De là il passa à vne fameuse Ile, nommée Anagi, de  
1620. laquelle on dit que l'Idole Camis tire son origine. Pour son res-  
pect les Insulaires n'ont voulu receuoir iusques à present au-  
tre religion. Mais à l'occasion des Chrestiens qui ont esté  
bannis en ces quartiers là, Dieu a daigné ouurir les yeux à  
plusieurs infideles.

*Des Royaumes de Goquinay, Quinocuni, &  
autres circonuoinfins.*

## CHAPITRE XVI.



155

Deuotion  
aux saints  
Sacramens.

VATRE de nos Peres cultiuerent cette année  
le Goquinay, & y endurerent beaucoup, tant en  
leurs voïages, qu'en leurs logemens. Mais Dieu  
les consola par la rare constance & generosité  
de plusieurs soldats de Iesus-Christ. Vn seul de  
nos Religieux donna la sacrée Communion à  
cinq cens cinquante personnes, entre lesquelles il y auoit vne  
femme âgée de soixante ans, qui fit trois iournées, & vn hom-  
me assez noble qui en fit six en habit deguisé, pour receuoir le  
tres-auguste Sacrement.

LES Chrestiens habitans d'Ozaca, & Sacay, aians appris que  
plusieurs auoient esté martyrisés à Nangazaqui, pour auoir lo-  
gé nos Peres, poussez d'une extraordinaire faueur, & sans pēser  
aux consequences, offrirent leurs maisons & leurs moiens, pour  
la cōmodité des Predicateurs. Il y en eut vn qui acheta exprès  
vne barque, & enuoia querir vn de nos Peres à soixante lieues  
de là. Vn autre estant auerti de mettre hors de sa maison, vn de  
nos Peres qu'il y tenoit, & de pouruoir à l'extreme danger au-  
quel il exposoit toute sa famille, répondit qu'il aimoit mieux  
estre brûlé tout viu, que de le congedier. Cetui cy n'estoit que  
Catechumene, lors qu'il pria le Pere d'accepter sa maison, & l'a-  
uertit que pour estre plus assuré, il pouuoit faire semblant d'es-  
tre Medecin. Vn autre apres auoir conduit vn de nos Peres en

sa maison, pour luy persuader de s'y arrester, luy montra vne tres-belle image de la Vierge Marie, tenuë en grand honneur: Sur le reuers de laquelle il auoit écrit, promis & iuré, d'employer tous les moiens qu'il auoit, voire sa propre vie, plustost que s'écarter du seruice de son fils vnique.

IESVS-  
CHRIST  
1620.

Voicy vn accident gracieux, & pieux tout ensemble. Vn de nos Peres occupé es missions du Iapon, pour estre fort phlegmatique & caterreux, fut de son humeur naturelle, ou à cause des traux extraordinaires qu'il luy falloit souffrir en ses voiajes, touffoit si souuent, & avec tant de violence, qu'il estourdissoit tous ceux du logis, & incommodoit grandement les voisins de sa chambre. Son hoste craignant d'estre decouuert par cete toux si extraordinaire au Iapon, où personne n'est encatarré, & d'ailleurs ne voulant renuoier le Pere hors de sa maison, s'auisa de cét expedient. Il appelle vn sien seruiteur assez gay & ingenieux, & luy promet vne bonne recompense, s'il s'accommode à bien contrefaire le Pere, touffant & crachant comme luy. Le seruiteur emploie deux iours à cete leçon, & se rend parfait maistre touffeur & cracheur. Ce que le maistre du logis ayant éprouué & agréé, prie le Pere de s'absenter pour quatre ou cinq iours, & loge le seruiteur en sa chambre, luy enjoignant de repeter souuent sa leçon. Dès le lendemain il prepara vn festin solennel, & inuita tout le voisinage. Les inuitez s'etonnerent fort du bruit que menoit ce seruiteur, qui touffoit tant qu'il pouuoit, & voulurent sçauoir quel mal tenoit ce pauvre patient. Ils le visiterent, monstrerent chacun luy porter grande compassion, & ne manquerent à luy prescrire plusieurs remedes. Le seruiteur ne cessoit de touffer, de cracher, & par fois se couuroit le visage, pour rire à son aise. Il iouia si bien son personnage, que personne ne le visita, qui ne creut qu'il estoit vraiment encatarré, & tourmenté d'vne cruelle toux. Chacun se retira avec cete persuasion, & raconta la merueille à ses voisins. Si bien que le Pere retourna pour continuer ses saintes occupations sans aucun danger, & remercia son hoste de son industrie.

156

Toux sub-  
tilement  
couuerte.

157

Catarres  
incogneus  
au Iapon.

OVTRE les Chrestiens qui logeoient ainsi nos Religieux en leurs maisons, plusieurs s'offrirent à les suiure & servir



LES VSVS - en leurs voïages. Vn de nos Peres aiant dessein de visiter plu-  
CHRIST sieurs Isles & Roiaumes, en habit de premier Medecin de l'Em-  
1620. pereur, cherchoit compagnie. Voila vn Gentil-homme qui

158

Medecindu  
Roy Japon-  
nois.

estoit desia chargé d'ans qui s'offre à luy pour cette entreprise, & laissant sa femme, famille & commoditez, le suiuit & seruit l'espace de huit mois entiers, avec vne diligence & fidelité nompareille.

159

Femmes  
industrieu-  
ses.

LES femmes mesmes contribuerent leur industrie en semblables offices. Car vne Dame honorable voiant que le Pere qu'elle retiroit en sa maison, ne pouuoit aller & venir pour aider les ames, sans grand hazard de sa vie, s'auisa de dresser chez soy vne espeece de Congregation pour ses semblables, & alloit les inuitant, & tenant la main qu'elles se confessassent & communiaissent à certains iours. Tous ces exercices de pieté faisoient tel dépit à Satan, qu'il ne desistoit d'affliger les Chrestiens. Mais avec sa courte honte. En voicy vne suffisante preuue.

160

Renard es-  
prit malin.

LA maison d'un Neophyte estant tellement infectée de malins esprits, qu'on voioit sur le toit d'icelle vn horrible renard qui par ses hurlemens étourdissoit tous les voisins, on oioit battre à la porte avec tant de bruit, que plusieurs y accouroient comme au secours contre les ennemis de la maison. Les Gétils donnoient pour remede à ce Chrestien qu'il retournât au Gentilisme. Mais il fit tout le contraire. Car il s'adressa à vn de nos Peres, & luy exposa sa necessité. Le Pere luy donna vne petite croix, garnie de saintes Reliques, laquelle ce Neophyte porta en sa maison, & depuis l'ennemy de la croix n'eut la hardiesse d'y retourner.

161

Enfant cau-  
se du salut  
de sa mere.

LE fils d'un Bonze s'estant fait baptizer, sa mere entra en telle rage, qu'apres l'auoir souuent maudit & detesté, elle demeura sept ans entiers sans le vouloir voir. Mais en fin voiant que son fils, pour toutes ces rigueurs qu'elle luy tenoit, ne cessoit de la respecter & seruir comme sa mere, elle recogneut sa faute, appella vn de nos Catechistes, pour se faire instruire. Quand il fut arriué au mystere de la Passion & Ascension de nostre Sauueur, elle se mit à pleurer amerement, recognoissant l'erreur auquel on l'auoit nourrie, demanda & receut le saint Baptisme. Dequoy vn autre sien fils fut si indigné, qu'il vo-

missoit contre elle, beaucoup de plus grandes maledictions, qu'elle n'en auoit dit contre le premier. Mais elle supporta le tout d'une constance virile, protestant qu'elle mourroit plutost, que manquer à la foy Chrestienne.

Voici la conuerſion d'un fameux Bonze. C'estoit un personnage si bien versé aux sectes du Iapon, que les plus doctes n'en osoient parler en sa presence. Un sien nepueu qui estoit Chrestien le voyant malade à l'extremité, lui demanda quelle opinion il auoit du salut eternal, & par quel moien l'homme pouuoit sauuer son ame. Le Bonze répondit nettement qu'après auoir fucilleré tous les liures du Iapon, il n'y auoit trouué rien de solide. Pourquoi donc, repliqua le nepueu, pourquoi n'embrassés-vous la foy Chrestienne, que chacun recognoit pour vraie & tres-solide? Je la suiuirois volontiers, dit le malade, si j'estois instruités mysteres d'icelle. Surquoy son nepueu fit venir un de nos Dogiques, qui lui enseigna la doctrine Chrestienne, avec telle satisfaction du Bonze, que pleurant à chaudes larmes, il jeta loin de soi un chapeiller de façon superstitieuse des Bonzes, demanda le saint Baptême, & l'ayant receu finit sa vie, prononçant les saints noms de IESVS & MARIE.

Un deuot Chrestien sçachant qu'un de nos Peres, estoit en certain Chasteau, distant deux iournées de son logis, s'en alla le trouuer, se confessa deuotement. Puis estant de retour chez soi, comme las de son voyage, se mit au lit, & mourut incontinent.

162

Bonze con-  
uertti & par  
son nepueu.

163

Predesti-  
nées.



An de 646  
IESVS-  
CHRIST  
1620.

LIVRE XVIII. DE L'HISTOIRE

*Horrible tempeste d'une nouvelle persecution, émeuë contre  
les Chrestiens, en la ville de Meaco.*

CHAPITRE XVII.



HEVREUX succès & auancement que les affaires de nostre sainte foy prenoient és environs de Meaco, témoignés par les exemples que nous venons de toucher, & plusieurs autres semblables que nous passons sous silence de peur d'ennuier le Lecteur, faisoient rehausser la teste aux fideles, & leur donnoient quelque esperance de mieux, lors que l'auteur de toute malice Satan, comme sortant des cachots infernaux, brassa la plus dangereuse persecution que les Chrestiens eussent iamais souffert à Meaco. En voici la source. Le feu s'estans pris en vn coin de la ville, fit vn tres-grand degât. Comme on ne peur decouvrir l'auteur du mal, il se trouua des Idolatres si malicieux, qu'ils assuerent que c'estoit vne inuention des Chrestiens, pour venger la mort de leurs Martyrs. Le peuple tenant cete calomnie pour vraie accusation, commence à crier qu'il falloit crucifier les Chrestiens, ou les bruler tous vifs. Et accusa non seulement les Neophytes du pais, ains chargea encore ceux de Nāgazaqui & particulieremēt vn Matelot lapinois, qui estoit venu de Macao, & se trouuoit lors à Meaco.

LE Gouverneur de la ville, homme sage & accort, taxa cete populace de legereté & d'enuie, disant que les Chrestiens estoient gēs de toute autre humeur, & qui ne voudroient auoir pensé à mal-faire à leurs voisins. Mais comme le tumulte croissoit de plus en plus, pour ceder à la fureur du peuple, il ordonna qu'on mit promptement par écrit le nom de tous ceux qui auoient renoncé à la foy, depuis trois ans seulement; de tous ceux qui tenoient encore bon en la foy, & de tous les Neophytes qu'on pourroit decouvrir.

EN vertu de cete ordonnance les Sergens mirent la main

164  
Calomnie  
contre les  
Chrestiens.

165  
Ordonnan-  
ce du Gou-  
verneur.

sur le colet de l'infortuné Matelot, le menerent en prison, I E S V S-  
rœuerserent sens dessus dessous tout ce qu'il auoit en la mai- CHRIST  
son ; mais n'y aians rien trouué de ce qu'ils cherchoient ils en 1620.  
firent le raport au Gouverneur, lequel relacha incontinent  
le Matelot comme innocent.

Ce coup n'ayant reüssi aux Payens ils se joignirent avec les  
Ministres de la Iustice, attaquerent plusieurs Chrestiens, &  
les firent mener deuant les Iuges, à ce qu'ils declarassent les  
incendiaires. Ce parti estoit mené par gens determinés, &  
desesperés: Qui fut cause que plusieurs Chrestiens par trop  
craintifs, pour euitier leur fureur, ne nierent pas tant d'estre  
Chrestiens, cōme ils firent sēblant de le nier. En suite de quoi  
estans semons de choisir quelque secte du Japon, & nommer  
le Bonze, duquel ils vouloient estre sujets, ils se laisserent al-  
ler, non qu'ils adjoutassent foy au dire des Bonzes, ains pour  
n'estre tenus auteurs de l'embrasement. Depuis les Idola-  
tres firent attacher aux quarefours de la ville diuers pla-  
cards & libelles diffamatoires, par lesquels ils decroioient les  
Chrestiens. Mais tous leurs efforts & calomnies n'eurent  
pas grand effet, parce que plusieurs Chrestiens cedans à la  
force, quitterent leurs biens & maisons pour se bannir eux  
mesmes. Les fideles de Fuximi, ville qui est à deux lieues de  
Meaco, en firent autant ; ceux d'Ozaca se preparoient à les  
suiure, & à ces fins firent l'oraison des quarante heures.  
Mais la bourrasque n'arriua pas iusques à eux. Au Roiaume  
de Bigen, & en celui de Farima, il y en eut d'emprisonnés, &  
d'autres enuoiés en exil.

166

Persecution  
dangereu-  
se.

Sur ces entrefaites le fils du Gouverneur de Meaco, re-  
tourna de la Cour de l'Empereur, pour succeder en la char-  
ge de son pere vieil & caduc. En aiant appris comme les Gen-  
tils s'estoient bandés contre les Chrestiens, & son pere auoit  
secondé leurs desseins, dit tout haut, qu'il falloit assoupir ce  
tumulte, & qu'il estoit deuëment informé, que les Idolatres  
mesmes auoient mis le feu en la ville, afin qu'aidés par cete  
triste lumiere ils peussent piller quelques maisons. Ce  
qui fut depuis plus amplement verifié. Ainsi les Chrestiens  
furent iustificés, & plusieurs apostats firent penitence.

167

Calomnie  
découuer-  
te.



*Missions en la ville Roiale d'Yendo au Roiaume de  
Musaxi, & autres Prouinces de Quanto,  
& Fococou.*

CHAPITRE XVIII.



168

P. Benoist  
Ferman-  
dez.

E P. Benoist Fernandez aiant esté destiné cete année pour visiter les Roiaumes de Quanto, passa par ceux d'Omi, de Mino, & d'Ouari, trouuant par tout des personnes de grande force & vertu, qui s'assembloient souuent pour discourir des choses spirituelles, & s'entrecourager à la perseuerance. Il apprit que le Prince d'Ifinomia, aiant menacé de faire passer au fil de l'épée tous les sujets Chrestiens, qui refuseroient de retourner au Gentilisme, ils se montrerēt prests à recevoir la mort. Ce que le mesme Prince aiant sceu, ne voulut pas qu'on executât sa sentence, pour ne perdre tant & de si bons sujets.

169  
se feint  
Medecin.

DE là le mesme Pere passa aux Roiaumes d'Ixe, de Micaua, & de Totomi, où il visita vn lepreux, qui estoit seul Chrestien en ce lieu là, & nagueres baptizé; mais ne s'estoit iamais confessé. Pour le visiter plus librement le Pere se déguisa en Medecin, & le traita avec telle satisfaction de tous ceux de la maison, qu'ils ne cessoient de dire, que iamais hommen'auoit tant consolé leur malade.

170  
Yendo vi-  
sité.

A Surunga il visita pareillement les lepreux, pres desquels il trouua deux hommes de sainte vie, ausquels l'Empereur defunt auoit fait couper les doigts des pieds & des mains, & les nerfs des jarrets. Ils seruoient là de Predicateurs, encourageans tous les fideles à la vertu, & constance en la foy, & pieté Chrestienne. De là il fut au Roiaume de Sangami, & arriua finalement à Yendo. I'ometts les dangers qu'il courut en chemin, les rencontres qu'il eut avec les barbares, les mesayses qu'il souffrit en son viure, me contentant de dire, qu'il

qu'il arriua finalement à Yendo, & y seiourna cinquante iours, ne cessant iour & nuit d'administrer les saincts Sacremens, ou prescher la parole de Dieu.

IESVS-  
CHRIST  
1620.

VNE Dame de tres-noble race, aiant sceu que par le moien de la nourrice de son mary ses Damoiselles & seruantes auoiēt embrassé la foy de Iesus-Christ, lui reprocha qu'elle la deuoit auoir fait participante d'un si grand bien. La nourrice qui estoit assez simple, l'instruisit au mieux qu'elle peut, & fit en sorte qu'elle mit en pieces quelques idoles, apprit les oraisons de la doctrine Chrestienne, se fournit de quelques liures spirituels, & images sacrées. Puis passa six ans entiers fort adonnée à l'aumône, à la priere, aux ieunes, & autres exercices de pieté. Il ne luy restoit plus que la commodité pour receuoir le saint Baptisme. Ce que sçachant vn de nos Peres, & ne pouuant auoir seure entrée en son palais, luy enuoia vne femme, qui l'instruisit, & la baptiza. Elle estoit fort deuote à sainte Magdeleine, & partant voulut porter son nom.

171

Dame ba-  
ptizée.

LE mesme Pere fut le premier de nostre Compagnie, qui entra au Roiaume de Codzuque, & s'y entretint treize iours avec tel contentement des Chrestiens, que plusieurs prièrent Dieu, qui luy pleût enuoier de si grandes pluies, qu'il n'en peût sortir de long-temps. Il y baptiza trois ieunes Gétils-hommes, deux desquels estoient Pages d'honneur du Prince du lieu. Auant que de les admettre aux sacrez fons du Baptisme, il les aduertit clairement qu'ils prissent garde à eux, & que la profession de la Loy Chrestienne les obligeoit à la deffendre aux dépens de leur propre vie. Aquoy ils répondirent vnaniment, que dès lors ils estoient prests à épandre leur sang pour l'honneur du Sauueur du monde, & ne commettroient iamais chose indigne de leur profession.

172

Codzuque  
Roiaume  
découvert.

DV Royaume de Codzuque le mesme Pere se transporta à Canazaua, metropolitaine du Royaume de Canga, où il arrêta trois mois entiers, pour satisfaire à la multitude des Chrestiens qu'il y trouua. Vn ieune Gentil-homme, proche parent du Prince du lieu, & cousin germain de l'Empereur, auoit long-temps, & avec grâde instance demandé le saint Baptisme. Les Chrestiens craignans quelque reuolution d'affaires, l'auoient tiré en longueur: Mais à la venue du Pere Fernandez, il con-

173

Parent de  
l'Empereur  
baptizé.



IESVS - ceut vne certaine esperance d'obtenir ce qu'il desiroit. Neant-  
CHRIST moins le Pere, apres l'auoir bien instruit, & confirmé en son  
1620. bon propos, trouua plus expedient de le differer encore. Mais  
ce ieune Seigneur l'importuna tant, que le Pere fut contraint  
de s'accommoder à sa volonté, pour le consoler. Dequoy tous  
les Chrestiens receurent vn tres-grand contentement.

VNE femme élevée parmy les Chrestiens, mais si obstinée  
és superstitions gentiles, qu'elle se glorifioit publiquement de  
vouloir mourir Payenne, fut exortée par le Pere, à se recognoi-  
stre, & penser serieusement au salut eternel. Mais elle se montra  
plus endurcie que iamais. Quelques iours apres, picquée du  
ver de sa propre conscience, elle se presenta pour estre baptisée,  
& demandoit que ce fut sans delay. Mais le Pere iugea qu'il  
estoit plus à propos de la differer. Ce qui l'affligea tellement  
qu'elle en tomba malade. Dequoy aduertty le Pere, luy enuoia  
vn Catechiste pour l'instruire. A peine fut-elle à demy guerrie,  
que la voila dans l'Eglise, pour recevoir le saint Baptisme, que  
le Pere luy administra. Depuis comme on luy demandoit, d'où  
estoit procedé vn si soudain changement en elle, pour se rendre  
Chrestienne, elle répondit qu'il estoit arriué, de ce que nos  
Peres se deguisoient pour procurer le salut des ames, avec tant  
de peines & dangers: & de ce qu'ils auoient refuté vn presen  
qu'elle leur auoit enuoie par vn Neophite.

VN Chrestien aiant passé dix ans sans se confesser, parce  
qu'il ne pouuoit rencōtrer aucun Prestre, courut diuerses Pro-  
uinces, & enfin arriua à Canazaua, chez vn sien parent idolatre,  
où ie ne sçay comment, il deuint Lepreux, & le fut cinq ans. Ce-  
te orde maladie l'ayant conduit à l'extrémité, son hoste & parét  
luy demanda confidemment, en quelle chose il le pourroit ser-  
uir à ee dernier passage; & avec quelles ceremonies il vouloit  
estre enseuely. Demandez hardiment, luy dit-il, ie vous satisfe-  
ray en tout, & par tout. Le malade luy répondit, que pour di-  
uers & bons respects il ne s'estoit pas decouvert à luy pour  
Chrestien; & comme tel il desiroit participer aux Sacremens &  
Suffrages de l'Eglise Catholique. Que c'estoit l'vnique & der-  
niere grace qu'il requeroit de luy. Ce Gentil auoit vn amy  
Neophite, Gentil-homme de race, chez lequel vn de nos Pe-  
res estoit caché. Il s'y en va donc, luy conte le fait, & luy de-

mande son auis pour contenter le malade. Ce Neophite sans faire autre semblant, s'en alla visiter le moribond, & s'enquit s'il se vouloit confesser. A quoy il répondit : Je ne souhaite autre chose. Estant confessé, ie mourray tres-content. Le Pere auerty du tout, se deguisa en seruiteur, suiuit le Gentil-homme Neophite, comme son maistre, ouït la confession du malade, le disposa & encouragea à la mort.

175  
Malade  
dextrement  
confessé.

Le lendemain le Gentil qui tenoit le malade en sa maison, fut chez le Neophite son amy, pour sçauoir ce qu'il auoit fait ou dit au malade le soir precedent; parce que depuis ce temps-là, il estoit comblé d'un tel aise, qu'il sembloit estre hors de soy-mesme : & l'ayant prié de luy dire d'où procedoit sa joie tant extraordinaire, il luy auoit répondu, qu'autre qu'un Chrestien ne pouuoit conceuoir la joie de laquelle son ame estoit comblée. Ce qu'ayant dit, il la rendit à Dieu.

*Des Royaumes d'Oxù, Iecingo, Deua, & de la  
Prouince de Tzungarù.*

## CHAPITRE XIX.

**D**E Vx de nos Peres visitans le Royaume d'Oxù, y baptizerent neuf cens soixante & six Payens. Le Pere Hierome des Anges, estant entré seul au Royaume d'Iecingo, rencontra vn ieune homme idolatre, fort affligé par diuerses visions & illusions du diable, qui luy enseignoit diuers simples mediceux, par le moien desquels il guerissoit quelquefois les malades : luy montra certaines mines d'or, esquelles ses parés auoient dépendu tous leurs moiens, sans en pouuoir tirer vne dragme, l'assura qu'il s'estoit decouvert à vn Neophite, qui luy auoit donné vn *Agnus Dei*, & commandé de le porter à son col. Ce qu'ayant fait, le diable luy apparut en habit d'un Bon-

176  
P. Hierome  
des Anges.

177  
Baptisme  
chasse les  
diables.



IESVS-ze, de ceux qu'on appelle Iamanbuxi, & prit congé de luy;  
 CHRIST le plaignant de ce qu'il se vouloit faire Chrestien. Ce qu'il fit  
 1620. Car le Pere des Anges estant arriué là, il le fut trouuer, avec ses  
 ——— parens, receut le saint Baptême, & depuis ne fut inquieté, ny  
 molesté par le malin esprit.

CET ennemy juré du genre humain, prit tellement possession de la maison d'un Gentil, qu'il la rendoit inhabitable. On appella les Bonzes au secours; ils y furent, chanterent la leurs chansons, & irritèrent les diables, lesquels redoubloient les coups de pierres, au pris que les autres heurloient; Si bien qu'un des plus auancez, receut entre les deux épaules un tel coup de caillou, qu'il en perdit la parole, & s'enfuit par apres comme un desesperé.

178 *Esprits mal-  
ins chas-  
sez.* Les Neophites du lieu, aduertis du beau ménage que Satan faisoit en cette maison, s'y transporterent, y entrerent asseurément; commencerent à discourir de la puissance de nostre Sauueur crucifié. Cependant Satan ruoit bien quelques pierres, mais lâchement, & à costé des Neophites, sans offencer personne. Ce que voians les Chrestiens, attacherent plusieurs images de la sainte Croix, en diuers endroicts du logis, & les esprits infernaux quitterent la place, & sortirent en la rue pour brauer à découuert. Enfin les Neophites aspergerent la maison d'eau benite, & depuis on n'y ouït aucun bruit. En recognoissance d'un tel bien, toute la famille se conuertit à la foy Chrestienne.

179 *Arriuée du  
Pere annon-  
cée par un  
Ange.* TANDIS que le Pere Hierome des Anges, couroit les chasteaux & villages d'Icingo, vne deuote Chrestienne, veid en songe, un certain personnage (i'estime que c'estoit un Ange) qui luy dit, que dans trois iours un Pere de nostre Compagnie arriueroit là. La femme sans s'étonner, le pria de luy dire le nom. Ce qu'il fit. Le matin elle racompta son songe à son mary, lequel s'en mit à rire, & luy deffendit d'en parler, estimant que ledit Pere fut à deux cens lieues de là. Mais le mesme iour il receut lettres, par lesquelles il l'auisoit de faire tenir prests les Neophites qui se voudroient confesser, promettant de s'y rendre le lendemain, pour satisfaire à leur deuotion. La chose fut prise comme venant du ciel, & le Pere receu en cete qualité.

Vn vieillard septuagenaire de la Prouince de Nanhù, <sup>IESVS-CHRIST 1620.</sup> ayant appris que la nuit suiuant tous les Chrestiens estoient en danger d'estre massacrés, distribua aux pauures tout ce qu'il auoit en sa maison, & demeura toute la nuit à genoux avec sa femme attendant le coup de la mort. Mais la crainte ayant esté vaine, il se trouua dénué de tous moiens pour viure. Dequoi aduertí le Seigneur de la terre, quoy que Payen, le voulut voir, loüa son courage, & l'assura qu'il ne le rechercheroit iamais pour sa foy.

180  
Courage  
Chrestien.

Vn autre Neophyte sollicité par son maistre de quitter la foy, & demeurant ferme en icelle, fut dépouillé de tous ses moiens, & priué de sa femme, & de ses enfans. Ses voisins encore Payens, émeus à compassion de sa perte, l'exortèrent à se feindre idolatre à l'exterieur, & retenir la foy Chrestienne en son ame. Lui ne sçachant pas bien encor ce qui estoit de son deuoir, fit trois lieues de chemin, pour aller trouuer le Pere qui l'auoit baptizé, & raporta pour réponse à ses voisins, qu'il n'estoit pas permis aux Chrestiens de se feindre idolatre. Il se resentoit fort de la perte de sa femme, & de sa famille; mais la perte de la gloire eternelle le touchoit encore plus viuement; & le fit resoudre à se retirer en vn petit Chasteau de Chrestiens, prest de souffrir encore de plus grandes pertes pour son salut.

181  
Profession  
de foy ne-  
cessaire.

Voici vn genereux trait d'un enfant, qui à grande peine auoit vnze ans. Il estoit né d'un pere Chrestien, qui depuis ayant renié la foy se mit en deuoir de peruertir cete simple creature. Mais l'enfant ne se changea, ny émeut tant soit peu, pour les menaces de son pere, ains pour se depettrer de ses importunités, lui dit: Vn pere honorable & homme de bien doit tenir la main que son fils s'adonne à toute sorte de vertu. Mais vous, apres auoir tres-buché si honteusement, & renié si lâchement vostre Sauueur, pretendés me tirer avec vous au precipice. Il vous est plus expedient de rentrer en l'Eglise de Dieu, qu'à moi d'en sortir. Faites au reste ce qu'il vous plaira. Il n'y a loy qui oblige le fils à estre heritier de la perfidie & malice de son pere. Ce méchant homme s'altera tellement de ces paroles de son fils, qu'il le chas-

182  
Enfant tres-  
courageux.



LES VSA de sa maison. Et l'enfant s'en absentia volontiers, recou-  
CHRIST rant à la protection de son Pere celeste.

1620.

183

P. Jacques  
Caruaille.

LE Pere Jacques Caruaille passant par le Roiau-  
me d'Oxù, tira droit à la ville de Zubota, capitale du  
Royaume de Deua, où aiant exercé tous les Ministè-  
res de nostre Compagnie, avec vn incomparable fruit,  
il se delibera de passer en la Prouince de Tzungarù.  
Mais sçachant qu'il est fort dangereux d'y entrer sans  
la permission des Magistrats, qu'ils donnent fort rare-  
ment, il s'achemina vers le Roiaume d'Iezo, qui est hors du  
Iapon, où se trouuent pour l'ordinaire cinquante mille  
hommes trauaillans aux mines d'argent. Pour y passer avec  
plus d'assurance, il s'habilla en tireur de metaux, & de-  
meura vne sepmaine entiere és cabanes de ces bonnes gens  
avec deux de nos Catechistes, lesquels y faisoient de  
grands fruits, conuertissant plusieurs infideles à la  
foy.

DE là le mesme Pere partit pour retourner au Iapon,  
& arriua avec le mesme habit à Tzungarù, où il estoit  
attendu par les fideles bannis pour la foy, ausquels il  
administra les Saincts Sacremens. Puis retournant en  
la Prouince d'Aquita, rencontra certains Chrestiens de  
Nambù, qui le cherchoient, parce qu'il y auoit plusieurs  
années qu'ils ne s'estoient confessés. Il s'en alla avec  
eux, & y demeura trois iours, baptizant plusieurs Gentils  
qui s'estoient rendus expressément là : & ne pouuant sa-  
tisfaire à la multitude, laissa vn Dogique en sa place ; parce  
qu'il vouloit donner iusques à Cubota, pour confesser les  
Dames & Damoiselles de la Cour. Ce qu'il n'auoit peu fai-  
re l'an passé.

CES deuotes Dames aduerties de son arriuée firent  
tant qu'elles trouuerent moien de sortir du Chasteau,  
pour se confesser. La maistresse de toutes lui enuoia aus-  
si-tost vn present ; avec la mesme deuotion & courtoi-  
sie que l'an dernier. Son pretendu mari l'inuita, avec  
route sa suite de seruantes Chrestiennes, pour visiter vn  
Temple dressé à l'honneur d'vn certain Idole. Elle s'y en-  
alla pour voir la beauté de l'edifice, mais sans faire aucu-

ne reuerence au lieu, ny à Satan que les Payens y adoroient. Dequoy ce mari fut si fâché, qu'il ne voulut plus qu'elle se présentât deuant luy. Accident qui ne la troubla nullement. Car elle fit soudain entendre au Pere, que c'estoit vn bon moien pour rompre du tout avec ce méchant, & viure en la chasteté qu'elle auoit long-temps auparavant désirée.

LES VS-  
CHRIST  
1620.

184

Concubine  
conuocue







# HISTOIRE ECCLESIASTIQUE

DES ISLES ET ROYAVMES  
DV IAPON.

LIVRE DIX-NEUFIESME.

*De l'Estat tant politique que spirituel du Iapon, & de la Compagnie de IESVS en icelui, pour l'an mille six cens vingt & un.*

## CHAPITRE PREMIER.

Ande  
IESVS-  
CHRIST  
1621.



I  
Empereur  
du Iapon.

LEMPEREUR du Iapon fut cete année le mesme que l'an passé. Les thresors que son feu pere lui auoit laissé, le rendoient tous les iours plus puissant & redouté. La liberalité de laquelle il vsoit enuers les Princes de son Empire, entretenoit la haine qu'il porroit à la Chrestienté, parce qu'estans obligés enuers l'Empereur, par les biens qu'il leur faisoit, ils deuenoient plus cruels enuers le troupeau de Iesus-Christ, qu'ils n'eussent esté d'eux mesmes; & tant l'Empereur que les Princes, ne visoient qu'à forclorre du Iapon

pon, les Predicateurs de l'Euangile, esperans qu'aïans éloigné les maîtres, ils viendroient aisément à bout des disciples.

IESVS.  
CHRIST  
1621.

TRENTE & sept ouuriers de nostre Compagnie trauaillerent cete année au Iapon, vingt-sept desquels estoient Prestres, les autres non. Le Pere Prouincial receut en nostre Compagnie deux Prestres, & quatre autres nouices, que Dieu appella à son seruice, dans la prison d'Omura, d'où ils ne sortirent pourtant. La necessité des moiens, & les trauaux continuels & tres-hazardeux, les presserent & exercerent de tous costez, ils ne laisserent pour tout cela de se porter bien quant au corps, & encore mieux quant à l'ame, que Dieu combloit d'une infinité de visites & consolations celestes.

Cy-apres  
nomb. 22.  
&c.

ILs auoient des logis, ou pour mieux dire des cachettes, à Nangazaqui, & en ses confins; en Arima, à Omura, à Bungo, és Royaumes de Chiugocu, d'Oxù, de Deua, & finalement en celui de Meaco, qui est comme le centre du Iapon. De chacun de ces lieux ils firent diuerfes courses en d'autres contrées. On ne scauroit croire les fatigues qu'ils supporterent pour l'amour de Dieu, ny les dangers de la vie qu'ils coururent. Ils alloient & venoient ordinairement de nuit, deguisez, sans autre provision que du meuble necessaire pour celebrer la sainte Messe. Quelques vns furent contraints de passer à pied de tres-hautes montagnes, chargées de nege, durant la plus grande rigueur de l'hiuer. Ils emploioient les nuits entieres, à confesser & instruire les Neophites, & à releuer quelques-vns de ceux qui auoient bronché en la foy.

2  
Trauaux  
de nos ou-  
riers.

CINQ de nos Religieux arriuerent cete année au Iapon, apres auoir surmonté par saintes ruses, & traits ingenieux, vn nombre infiny de difficultez qu'ils rencontrerent durant leurs voïages. Deux partirent du port de Macao, dans vn vaisseau Iaponnois: ie laisse à penser le danger où ils estoient. Les autres trois vindrent des Philippines, sortans par le port de Manille, l'un contrefaisant vn Marchand de la Cochinchine: l'autre de Manille mesme, & le troisiéme se disant Matelot d'un nauire Chinois. Les Magistrats du Iapon entrerent en quelque soupçon des deux premiers, tellement qu'ils se trouuerent à deux doigts de leur ruine. Le troisiéme fut accusé deuant le Iuge de Nangazaqui, & contraint de donner pleige, & assuran-

3  
Cinq nou-  
ueaux ou-  
riers.



IESVS - ce qu'il s'en retourneroit au plustost à Manille. Mais comme  
CHRIST la charité est ingenieuse, ayant pris publiquement congé des  
1621. Portugais, pour partir sur l'heure, il se retira subtilement en la  
maison de quelque Chrestien, & demeura en cachettes au  
Iapon, à la plus grande gloire de Dieu, & pour le salut des  
ames.

4  
1943. bapti-  
sez par nos  
Peres. LE nombre de ceux qui furent baptizez cette année, sans  
compter les petits enfans, arriva à dix-neuf cens quarante trois.  
Je ne parle pas de ceux qui passerent par les mains des autres  
Religieux, ains seulement de ceux qui furent regenez en Ie-  
sus-Christ, par le moyen de nos Peres & Freres.

DEUX choses confirmerent & encouragerent grandement  
les Chrestiens; La premiere fut l'inuincible constance des pri-  
sonniers detenus à Nangazaqui. C'estoient deux Prestres de  
l'Ordre de S. Dominique: vn Prestre & vn Frere lay de la reli-  
gion de S. François: le P. Charles Spinola de nostre Comp-  
gnie, avec vn Dogique, & vn sien amy qui le logeoit en sa mai-  
son, ainsi que nous auons marqué cy-dessus.

5  
Jubilé au  
Iapon. LA seconde fut la liberalité du Sainct Pere, & Pasteur vni-  
uersel de l'Eglise Catholique, Paul cinquième de ce nom, le-  
quel preuenant de trois ans le temps du grand Jubilé, le com-  
muniqua à l'Eglise du Iapon. Occasion qui excita vne infini-  
té de peuple à recevoir les tres-saincts Sacremens, & fit en sor-  
té, que plusieurs de ceux qui pour la multitude des dangers  
auoient en apparence renoncé à la foy, rentrent en eux  
mesmes, & retournerent au giron de la sainte Eglise. Finale-  
ment embrasa tellement les fideles, qu'ils se montroient tres-  
prompts à répandre leur sang pour la querele de Iesus-  
Christ.

6  
Lettre du  
S. Pere. ON ne scauroit exprimer combien la lettre pastorale de  
sa Saincteté enflamma les cœurs des fideles Iaponnois, par la  
cordiale charité qu'il leur témoignoit comme à ses legitimes  
enfans, quoy que si éloignez de sa personne. Elle fut leuë plu-  
sieurs fois en de grandes assemblées, & tousiours ouïe avec vn  
tel contentement, qu'elle tira des larmes de plusieurs en abon-  
dance. On en fit plusieurs copies, afin que les Chrestiens se  
trouuans ensemble la peussent lire de temps en temps, pour se  
consoler par la souuenance d'un si aimable & debonnaire Pa-

*Prison de Nangazaki, & vertus des Chrestiens  
 detenus cette année en icelle.*

## CHAPITRE. II.



EVF de nos Peres demeurerent cette année cachez en diuers endroits dans Nangazaki, & en sortirent souuent pour s'emploier au salut des ames, quoy qu'avec grand danger de leurs vies. Car quoy que les Chrestiens y iouissent de quelque peu de repos, par la conuiuence du Gouverneur, qui s'accommodoit au temps, pour venir à bout de ses desseins; si est-ce qu'il veilloit fort sur nos Peres, & sur ceux qui les retiroiēt en leurs maisons: & cōsiderant que Nāgazaqui est le port où abordent quasi toutes les natiōs qui desirerent trafiquer au Iapon, il deffendit tres-expressément que personne n'eût à mener ny recevoir les Religieux de nostre Cōpagnie. D'où arriua qu'ils furēt forclos des maisons des Chrestiens mesmes, qui craignoient quelque danger de leur vie ou moiēs. Quoy que les plus seruens ne laissassent pas d'assister nos Peres, les recevoir chez eux, leur dōner la commodité de dire la sainte Messe, prêcher, & administrer les saints Sacremens. Vray est qu'ils faisoient leurs assemblées de nuit. Encores estoient-ils souuent interrompus par les espions; & arriuait qu'ainsi commencé en vn lieu, ils alloient finir en vn autre. Bref ils estoient sujets à plusieurs inconueniens, & ne les pouuoient tous euer.

7  
 Nouuelles  
 desances.

Deux Peres de l'Ordre du Seraphique Pere S. François, pensoient estre bien couverts & assurez parmy les arbres & buissons d'un certain village, & de là pouruoient aux ames affamées de la parole de Dieu, lors qu'un traître renegat,

8  
 Deux Reli-  
 gieux faits  
 prisonniers.



IESVS-  
CHRIST  
1621.

contresaisant le deuot, & se mêlant parmi les bonnes gens qui couroient au Sermon, remarqua tout ce qui faisoit à son dessein, & en aduertit le Magistrat. Tellement que dans peu de iours lesdits Peres, leur hoste, & tous leurs voisins furent constitués prisonniers. Depuis les Peres furent enuoiés à Omura, leur hoste condamné à estre brulé tout vif; & les autres relegués à couper du bois en vne forest prochaine. Ceux ci s'excusèrent plusieurs fois, disans que pour estre voisins seulement ils n'estoient pas coupables; qu'ils n'auoient rien fait de mal. Qui fut cause qu'on surfit leur punition, attendant nouuelles de la Cour, qu'on presumoit leur deuoir porter vne sentence de mort.

9  
Item vn  
Pere Iacob.  
bia.

DEPVIS on mit aussi en prison vn Pere de l'ordre saint Dominique, avec vn sien Dogique, parce qu'ils auoient dressé vne petite cabane, en vn lieu solitaire, où ils vaquoient conjointement au salut des ames. Comme on les conduisoit en prison, plusieurs Chrestiens les rencontrèrent, & nonobstant l'empechement qu'y mirent les Ministres de la Iustice, les aboucherent, & baisèrent reueremment les cordes desquelles ils estoient garotés. Quasi en mesme temps le Pere Ioseph, Superieur du mesme ordre au Iapon, fut trahi par vn seruiteur de la maison, en laquelle il estoit caché dans Nangazaqui; & le Pere Sebastien Quimura, Religieux de nostre Compagnie, Iaponois de nation, avec son Dogique, & son hoste, par vne chambriere ou esclau, natieue du Coray.

10  
Et le Pere  
Sebastien  
Quimura.

CE Pere Sebastien estoit neveu du premier que S. Francois Xavier baptiza au Iapon. L'esclau estoit Chrestienne; mais ennuiée de la longue seruitude, elle trahit son maistre, le Pere Sebastien, & Iesus-Christ mesme. Comme on dressoit l'inventaire des meubles de son maistre, il luy vint bien en pensée d'y coucher cette esclau, afin qu'elle fût au fisque, comme le reste de ses biens; en punition de ce qu'elle auoit tellement affligé sa famille. Mais pensant que cette resolution prouenoit d'un esprit de vengeance, il la changea, priant tous ses parens, qu'en consideration du bien que cette esclau lui auoit fait, ils l'assistassent pour acquiescer la liberté qu'elle desiroit tant, parce que quoi que con-

II  
Esprit de  
vengeance  
vaincu.

tre sa volonté, elle estoit cause qu'il auoit moien de perdre <sup>IESVS-</sup> ses moiens, & de donner sa vie pour l'amour de Iesus-Christ. <sup>CHRIST</sup> Car estant prisonnier il ne pouuoit attendre que le marty. <sup>1621.</sup> re, & le desiroit, avec les autres qui s'y preparoient par prieres continuelles, abstinences, & autres exercices de pieté. Ils embrassoient à l'amour de Dieu, avec des paroles tres-ardentes, ceux qui les visitoient par courtoisie; & ceux-ci leur portoient vne sainte enuie, bien marris de ne pouuoir faire preuue avec eux de l'entier amour qu'ils portoient à Dieu.

PARTANT ils n'obmettoient aucune occasion qui se presentât pour la faire paroître. Car Gonzoco Gouverneur de la ville voulant faire dresser vn temple, en la mesme place, où auoit esté l'Oratoire de la Confrairie de la Misericorde, & à <sup>12</sup> ces fins aiant assemblé grand nombre d'ouuriers, il s'en trou- <sup>Artisan bon Chrestien.</sup> ua vn Chrestien, qui refusa tout à plat d'y traualier, pour ne fauoriser à l'idolatrie. A raison duquel refus il fut par ordonnance du Gouverneur lié à vn arbre vis à vis de la place où le Temple deuoit estre erigé, & y demeura huit iours entiers, exposé à toutes les injures de l'air, mais comblé de consolations celestes, & attendant ioieusement la mort. Si en fut-il garanti à l'instance d'un Bonze, & d'un des principaux Portugais, qui trafiquoient là. Vne superstition porta le Bonze à gratifier ce Chrestien. Car il prit pour fort mauvais augure qu'on donnât commencement au Temple par le meurtre d'un homme, quoi que Chrestien. Le Portugais y fut porté par vne compassion vraiment Chrestienne; & le bon artisan fit bien de la difficulté pour se laisser délier, & protesta que ce nonobstant il estoit & seroit toujours le même, c'est à dire vrai & fidele Chrestien.

LE mesme Gouverneur auoit huit Pages Chrestiens lesquels entendans qu'on tramoit quelque chose contre nos Peres, les en aduertissoient. D'où arriuoit souuent que les officiers de la Iustice, qui estoient enuoiés pour les prendre, se trouuoient trompés & confus. Le Gouverneur le sceut <sup>13</sup> & en fut tellement irrité, qu'il commanda à ces jeunes hom- <sup>Pages Chrestiens.</sup> mes, sous peine de la vie, de renoncer à la foy. Il y en eut deux qui se rendirent: les autres s'offrirent tres-promptement à



An de 662

LIVRE XIX. DE L'HISTOIRE

IESVS- la mort. Mais parce que le Gouverneur les aimoit tendrement, il modera sa colere, & se contenta de les ban-  
CHRIST 1621. nir.

14  
Constance  
des Confreres.

Es enuiron de Nangazaqui il y auoit diuerſes Congregations des Chreſtiens, les chefs deſquelles écriuirent à tous les Confreres, que ſi quelqu'un ne ſe ſentoit aſſés courageux pour expoſer tous ſes moiens, voire meſmes ſa vie, pour la foy de IESVS-CHRIST, il ſe retirât hardiment de la Confrerie: parce que pour eſtre ſauué, il leur ſuffiſoit de viure en l'obſeruance des commandemens de Dieu, ſans s'obliger aux loix & regle de la Confrerie. Le nombre des Confreres eſtoit grand, ſi ne s'en trouua-il pas vn ſeul, qui ne proteſtât conſtamment, qu'il ne lui pouuoit arriuer en cete ville choſe plus agreable, que d'épandre ſon ſang pour l'amour de Ieſus-Chriſt.

---

*Genereux combat de cinq Chreſtiens, priſonniers pour la foy en la ville de Nangazaqui, & diuerſement affligés par le Gouverneur.*

CHAPITRE III.



15  
Priſonniers  
Chreſtiens.

L y auoit à Nangazaqui cinq priſonniers entre autres, qui faiſoient vn admirable fruit par leurs Predications, conuertiffans grand nombre de ceux qui les viſitoient, & baptizans ceux qu'ils trouuoient diſpoſés. Le tout avec vne tres-grande ferueur. De quoi aduertit le Gouverneur, leur offrit la vie & liberté, ſ'ils vouloient quitter la foy. Mais ils refuſerent toute liberté qui n'eſtoit conforme à la loy de Dieu. Quelque temps apres il leur promit de les relacher, pourueu qu'ils ſe contentaſſent d'eſtre Chreſtiens en leur particulier, ſans en tirer d'autres à la Religion Chreſtienne. Ils repliquerent; Nous tenons pour maudite la vie & liberté, qui ne nous permet pas de procurer la gloire de

Dieu. Reponse qui picqua tellement le Gouverneur, qu'il <sup>IESVS-</sup> jura, Vous en mourrés. De quoi ces bons Chrestiens se re- <sup>CHRIST</sup> jouïrent grandement; & en action de graces chanterent le <sup>1621.</sup>  
*Te Deum laudamus.* A ces nouuelles les autres Chrestiens accoururent à la prison pour leur faire la conjoüissance, & demander comme pour reliques à qui son chapellet, à qui son cilice, à qui sa discipline, à qui quelque liure spirituel. Vn de nos Peres se fourra dextrement parmi la troupe, & confessa ses vaillans champions de Iesus-Christ, à leur tres-grande consolation.

16  
Charité  
adextre

LE lendemain le Gouverneur commanda qu'on les tirât de prison, pour les conduire à son tribunal, & les Ministres de la Iustice, enuoiés pour ce faire, commandèrent à quelques Chrestiens qu'ils rencontrèrent là, de les lier. Mais ils n'en voulurent rien faire; protestans que iamaïs ils ne mettroient la main sur les martyrs de Iesus-Christ. Protestation qui leur cousta bien cher, quoi qu'ils receussēt d'un bō visage, alegremēt, & les deux genoux en terre, les coups qu'on leur dōnoit, cōme vne faueur singuliere.

LE mesme commandement fut encore fait à d'autres Chrestiens, l'office desquels estoit de lier les criminels. Mais ceux-ci encores assurerent avec vne mesme constance, qu'ils se laisseroient plutost mettre en pieces, que de toucher injurieusement les seruiteurs de Dieu. A leur refus on fit venir les bourreaux publics. Mais en vain, parce que commē Chrestiens, ils aimerent mieux perdre leurs biens, voire estre bannis, comme ils furent, que commettre vne telle faute. En fin il se trouua des Idolatres, qui les lierent, & conduirent au parquet du Gouverneur, avec vne multitude de Chrestiens, qui les appelloient tantost martyrs, tantost bien-heureux.

LE plus âgé de tous, nommé Antoine Quiuno, fut interrogé le premier. Le Iuge lui demanda s'il estoit de la Compagnie, qu'on appelloit de Iesus. Je ne suis pas, répondit-il, je ne suis pas digne d'une telle faueur. C'est aux grands seruiteurs de Iesus-Christ que Dieu la depart. Pour moi je suis vn simple Chrestien, qui pourtant ay à cœur mon propre salut, & de mes prochains: Resolu de m'y employer de

17  
Examen  
des prison-  
niers.



IESVS- toutes mes forces, voire au peril de ma vie.

CHRIST Vn des Iuges nommé Feizo, qui auoit nagueres renié la  
1621. foy, repartit : Pourquoi ne te contentes-tu de vaquer seulement à ton propre salut ? Si tu cesses de faire l'office de Predicateur, ie te donne la vie. Il n'est jà besoin, repliqua Antoine, que vous me donniés de tels conseils. Je sçay bien, Dieu merci, ce que ie dois faire en cet endroit. A quel propos estimer tant cete vie, si on ne l'emploie pour le seruice de celui qui nous l'a donnée ? Les Iuges ne sçachans que dire à cela, le firent retirer.

18

Leurs réponses.

19

Similitude remarquable.

La confession de Consalue Fusay eut la mesme issue. Pierre Sampò aduoüa estre Dogique ou Catechiste de nostre Compagnie, & auoir charge de communiquer au Iapon, ce qu'il auoit appris estre necessaire au salut des hommes. Il ne trouue meilleur moien de recognoistre mon païs, & le recompenser pour les biens que j'ay receu de lui, qu'enseignant le chemin de la vie eternelle à quiconque le veut apprendre, dit Pierre. Si faut-il obeïr à l'Empereur, qui a defendu qu'on n'introduisit en ses Estats aucune Religion nouvelle, dit le Iuge. Et Pierre repartit : Permettez moi de vous declarer ce que j'en pense, par vne similitude familiere. Si le Iapon estoit infecté de peste, ou autre maladie contagieuse, & qu'il se trouuât vn Medecin qui sçeut le moien de guerir les malades, mais qui ne se voulût employer que pour ceux de sa famille, laissant mourir les autres sans les secourir, quel iugemēt feriez-vous d'un tel homme ? l'estimeriez-vous pas inhumain ? Pour moi je tiens que tous ceux qui ne professent la foy Chrestienne, sont non seulement malades, ains morts en leurs ames, & sujets à la mort eternelle. M'estimeriez-vous donc reprehensible, si proposant à mes cōpatriotes la seule doctrine de salut, je m'emploie pour les garentir de la mort eternelle ? Je m'estimerois plus cruel que la cruauté mesme, si je ne communiquois la doctrine Chrestienne à tous ceux qui l'ignorent ; voire au peril de ma vie !

SEMBLABLES considerations ont attiré des plus loingtaines Prouinces d'Europe, iusques au Iapon, les Peres de la Compagnie de Iesus. La charité Chrestienne leur a fait abandonner leurs parens, leurs amis, leur patrie, leurs commodités :

ditez: leur a fait trauerser tant de mers; les tient maintenant ca- IESVS-  
chez dans des cauernes sousterraines, les fait exposer à toute CHRIST  
sorte de fatigues, de dangers & de desastres. Vous ne doutez 1621.

pas qu'on ne donne souuent des medecines, aux malades mes-  
mes qui ont perdu le iugement. Ainsi font ces Peres, ils presen-  
tent mille souuerains remedes aux esprits égarez des Japon-  
nois, remedes suffisans pour leur donner la vie, & vie eternelle.  
Mais comme les phrenetiques se bâdent contre les Medecins,  
les outragent, & trappent par fois; ainsi les Japonnois recom-  
pensent ces charitables Peres, les iniuriant, les persecutant, les  
faisant mourir. Pleût à Dieu que ie fusse digne d'imiter & ac-  
compagner mes Peres & Maistres en Iesus-Christ.

20

Autre simi-  
litude.

LE Iuge ne sçachant que repartir à ce feruent discours de  
Pierres luy dit: Si est-il necessaire que tu t'accomodes au  
temps; & que tu me promettes, au moins de parole, que tu ne  
feras plus l'office de Predicateur. Il n'y a chose que ie regrette  
tant, repliqua Pierre, que d'auoir montré à pe u de personnes la  
lumiere de la verité. Eusse-ie la voix si forte, que ie me peusse  
faire ouïr des quatre coins du Japon. Je prendrois pour chaire,  
la plus releuée montagne de l'Empire, & passerois le iours & les  
nuits à crier de toutes mes forces, pour enseigner aux errans le  
vray chemin du salut.

21

Souhaie  
tres-remag-  
nable.

PIERRE aiant esté interrogé, comparut Michel Xumpò, &  
auoüa que depuis le bannissement de nos Peres il s'estoit retiré  
és forests, pour pleurer ses pechez, & les miseres du Iapõ: Auoit  
librement enseigné la vie qui conduit au ciel à tous ceux qui  
l'alloient trouuer. Bref estoit prest à s'exposer à toute sorte de  
trauaux & dangers pour la gloire de Dieu. Iacques Misumoya  
fut examiné le dernier, & par sa constance & courage vraiment  
Chrestien étonna merueilleusement les Iuges.

LE procez fait & instruit à ces vaillans champions de Ie-  
sus-Christ, ils n'atendoient pas moins que le feu, ou les croix:  
les Chrestiens qui estoïent en grand nombre à la porte du Palais,  
n'esperoient pas en voir autre issuë: Si est-ce que le Gouver-  
neur les enuoia aux prisons d'Omura, où ils furent grandemēt  
consolez de trouuer cinq Religieux de l'Ordre de S. François;  
neuf de S. Dominique, & deux de nostre Compagnie, sçauoir  
est le P. Charles Spinola, & le P. Sebastien Quimura. Les rares

22

Prisonniers  
renuoiez à  
Omura.



IESVS-exemples desquels les edifierēt & émeurēt tant à la pieté, que  
CHRIST Confaluc, Antoine, Pierre & Michel prièrent instamment par  
1621. lettres le Pere Prouincial, qu'il luy pleût les receuoir en nostre

Compagnie. Ce qu'il leur accorda, ordonnant qu'ils commençassent à faire leur Nouiciat en prison, s'exerçans au mieux qu'ils pouuoient és actions de la vie religieuse, pour sortir en campagne, & donner leur vie pour la foy de Iesus Christ, quand il seroit besoin.

TANDIS ils souffroient vne si grande necessité de toutes les choses necessaires à la vie humaine, que la faim & la soif leur estoïēt souuent l'vsage de la veuë, comme le P. Charles Spinola écriuit en Decembre au P. Prouincial, luy disant à Dieu, & demandant la benediction pour la derniere fois, parce qu'à peine esperoit-il voir la fin de l'hiuer. Mais ce qui les affligeoit tous plus que la faim, la soif, le froid, les vents ny les neges, estoit que ces Payens leur auoient osté les ornemens sacrez, avec lesquels ils offroient à Dieu le saint sacrifice de la Messe, & tous leurs liures spirituels.

Cy-dessus  
nomb. 16.

Après que les susdits cinq confesseurs de Iesus-Christ furent enuoiez de Nangazaqui à Omura, le Iuge confisqua tous leurs biens, & bannit les bourreaux Chrestiens, qui n'auoient pas voulu garotter les prisonniers, comme nous auons dit. Perres que les bons Chrestiens supporterent tres-volontiers, pour ne courir fortune de perdre la foy de Iesus-Christ.

*Jean Cui & Ican Itô, martyrisés à Nangazaqui; François  
Fampeï, & Louis Fansuqui, à Omura.*

#### CHAPITRE IV.

Liv. F.  
nomb. 142.



Il y auoit desia quatre ans passez, que deux de nos Peres auoient souffert la mort pour la foy en la ville de Nangazaqui. Nous ne l'auōs couché ailleurs, parce que nous ne l'auons trouuē qu'en cēt endroit. Lors on ne mit pas seulement en prison leurs hostes, ains encore leurs voisins, selon l'Edit de l'Empereur, que nous auons touché cy-

dessus. Entre ceux-cy se trouuerent Iean Ciù, & Iean Itò, les-  
quels n'estoient pas en leurs maisons, quand les martyrs furent  
pris, ains bien loing, & hors du Roiaume. A peine furent-ils de  
retour chez eux, qu'on les presenta au Gouverneur, lequel les  
sollicita fort à quitter la foy. Mais les trouuant inuincibles, il les  
fit premierement mettre en prison; puis les renuoia chez eux,  
pour aduertir l'Empereur du tout.

IE SVS-  
CHRIST  
1621.

CETTE année ils furēt citez de nouveau, & sollicitēz dere-  
chef à quitter la foy. Mais ils se montrerent plus constans que ia-  
mais. Le Gouverneur n'estimant pas raisonnable de perdre  
deux perles de la ville, qui auoient souuent & grandement  
obligé le public, demanda à Iean Ciù, qui auoit écrit son nom,  
au lieu de celuy du chef de la famille, veu' qu'il estoit absent.  
On trouua que c'auoit esté vn seruiteur du mesme Iean Ciù,  
par le commandement de sa femme. Surquoy le Gouverneur  
ordonna, qu'on fit diligence de trouuer ce seruiteur, & qu'on le  
fit mourir en croix, pensant par ce moien sauuer la vie à Iean  
Ciù. Lequel dit hardiment au Gouverneur: S'il y a de la faute,  
elle est toute à moy. Me voicy prest à endurer tel supplice qu'il  
vous plaira. Ne me rauissez pas la palme du martyre. Je l'estime  
vn singulier don de Dieu.

23

Iean Ciù,  
interrogé.

Iean Itò se trouua sur le poinct de perdre l'heur du martyre  
par vn semblable respect. Car le Gouverneur tourna la poincte  
de sa colere contre la femme, qui auoit signé en l'absence de  
son mary, & en parla comme d'une criminelle. Dequoy la ver-  
tueuse femme estant aduertie ne pouuoit celer sa joye. La fem-  
me de Iean Ciù entra encores en esperance d'obtenir la mesme  
faueur, parce que participant à la mesme cause elle en atendoit  
le mesme effet. Plusieurs Chrestiens accoururent pour se con-  
joûir avec elles, & passerent toute la nuit en prieres & deuots  
discours. Delà s'ēmeut vne sainte contestation entre les deux  
maris & leurs fēmes touchant le droit du martyre, que chacun  
pretendoit auoir acquis. Le matin venu les maris, de peur de  
perdre cēt hōneur qu'ils estimoient sur tout, escriuirēt au Gou-  
uerneur, que c'estoient eux qui deuoient mourir, non pas leurs fē-  
mes. Ce que le Gouverneur leur accorda, les condamnant à la  
mort. Iamais ils ne receurēt nouuelle qui leur fut si agreable que  
celle-là. Voies eussiez veus tressaillir d'alegresse, cōiurer tout le

24

Iean Itò &  
sa femme.



IESVS-CHRIST 1621. monde de se souuenir de leur salut, de tenir ferme en la foy iusques à la mort. Ils enuoierent incontinent vn Messager exprés vers les Peres de nostre Compagnie, qui les auoient conuertis au sainct Euangile, pour se recommander à leurs prieres: le Pere Prouincial leur en depécha vn qui les confessa, & confirma grandement.

CELA fait, ils se reuétirent du sac de la Confrerie, & furent menez, selon la coutume, au palais du Gouverneur, & de là au lieu du supplice. Sur le chemin ils disoient tout haut, qu'ils auoient en fin obtenu le cōble de leurs desirs; qu'ils donnoient tres-volontiers & joieusement leur vie pour Iesus-Christ. Ils furent suivis d'une grande troupe de Chrestiens, qui marchoient avec vn si grand silence & deuotion, qu'on eût dit que c'estoit vne procession de Religieux.

25  
Merueille  
des mar-  
tyrs.

ESTANS arriuez au lieu du supplice, ils se mirent tous à genoux, & les glorieux martyrs, apres auoir fait leur oraison à Dieu, tendirent le col au bourreau, qui leur treucha la teste, cōme ils prononçoient de grande affection les tres-saincts noms de Iesus & Marie. Vn de ceux qui assisterent à cette execution, remarqua que la teste de Iean Itō, estant separée de son corps, ouurit par trois fois les yeux, & autant de fois remua les levres. Ce que voiant, il s'en approcha promptement, & s'estant mis à genoux deuant le corps du martyr, fut tout arrousé du sang qui en rejaillissoit, & dit tout haut: Pour suiuez hardiment, ô heureuses bouches, pour suiuez à inuoker le tres-sainct nom de Iesus, pour la foy duquel vous auez donné la vie.

VN des Ministres de la Iustice aiant oūi ces paroles, s'auança, & branslant d'un furieux visage la pique qu'il tenoit en main, menaça ceux qui s'approchoient des corps des martyrs, pour auoir de leurs reliques. Pour en priuer tout à fait les Chrestiens, les officiers du Gouverneur mirent les corps & les testes dans certains sacs, & les jetterent en haute mer. Mais les Chrestiens les pécherent de nuit, & rapporterent à Nangazaqui, où ils auoient esté decolez, vn Lundy vingt-deuxieme Feurier, mil six cens vingt & vn.

FICOYEMON qui gouuernoit l'Estat d'Omura en la place du petit Prince, aiant quitté la foy Catholique, & se voulant establir de mieux en mieux en son gouuernement, commença

cete année à persecuter les Chrestiens, s'attaquerent à deux ieunes hommes de marque. L'vn auoit nom François Fampey, illustre pour sa noblesse, mais beaucoup pour sa foy. Il se seruit de diuers artifices pour la lui faire renier; & voiant qu'il perdoit temps, le somma de jurer fidelité au petit Prince, & ce par les Camis & Fotoques. Je jureray volontiers, lui répondit François, pourueu que ce soit par le Dieu de verité que j'adore. Cete réponse donna viuement en l'ame du Gouverneur, qui dissimula neantmoins son ennui, esperant qu'auëc le temps il changeroit d'auis, & le renuoia. Mais peu de iours apres son courroux s'estant r'alumé contre François, l'enuoia querir. Le messager le trouua pensant à la mort qu'il attendoit d'heure en heure. A peine fut-il entré dans le Chasteau, que nombre de soldats accoururent pour l'inuestir. Ce que voiant il croisa ses bras, fut chargé de plusieurs coups, & massacré.

IESVS-  
CHRIST  
1621.

26

François  
Fampey  
martyr.

L'AVTRE fut Louis Fansuqui, lequel aiant receu de nuit en sa maison vn de nos Religieux, pour oüir la parole de Dieu, avec plusieurs autres, fut decouuert par vn traître. Les Sergens se rendirent de bon matin chez lui, mais Dieu voulut que nostre Frere en estoit déjà sorti. Louis fut pris avec toute sa famille; Vn de ses seruiteurs ne pouuant supporter la question qu'on lui donna, decourrit tout ce qui s'estoit passé. Les officiers enuoierent en toute diligence apres nostre frere, mais en vain: Car il n'auoit tenu la route qu'on croioit. Tellement que tout l'orage de cette tempeste tomba sur Louis, qui fut decolé. Je n'ay trouué autres particularités de ces deux martyrs.

27

Louis Fan-  
suqui mar-  
tyr.



*Leon Nonda Risfoye meurt glorieusement pour Iesus-Christ en la ville d'Isafay.*

## CHAPITRE V.



E bon Leon s'estant employé à reduire à la foy Chrestienne vn jeune homme nommé Yagi-ro, qui chanceloit ; & aiant sué pour lui, iusques à tant qu'il vid clairement que c'estoit temps & paroles perduës, le quitta du tout. L'apostat bien marri de perdre Leon son meil-

leur ami, le fut trouuer, & tout transporté de colere lui demanda pourquoi il s'estoit aliené de lui. Leon lui en dit fort doucement la vraie cause: De laquelle ce renegat s'offença tellement, qu'entrant furieusement en colere il se fit ouïr par tout le voisinage, vomissant mille iniures contre Leon: Lequel cuidant l'appaiser sortit de sa maison. Mais Yagi-ro le suiuit tout en furie, le chargeant d'opprobres & calomnies. Ce que voiant le frere de Leon, & ne pouuant supporter l'impudence de cet apostat, lui donna quelques bastonnades. Et lui, court au Gouverneur, lui montre ses épaules enflées & meurtries: accuse Leon de plusieurs crimes, ausquels il n'auoit pas pensé, adjoute qu'il est Chrestien, préche la loy nouvelle, & y reduit ceux qui l'auoient quittée.

LE Gouverneur aiant examiné la cause, & découuert l'innocence de Leon reprend l'audace de l'accusateur, & lui enjoint tres-étroitement d'auoier par écrit de sa propre main, que tout ce qu'il auoit dit contre Leon, est faux. Mais parce que l'empereur auoit fait vn Edit portât peine de mort, cõtre tous ceux qui exorteroient les autres à suiure la loy de Iesus-Christ; le mesme Gouverneur dépecha bien-tost apres trois jeunes hommes, pour aller faire preuue de la constance de Leon. Ceux-ci commencerent par la douceur. Mais quelle force peuuent auoir les caresses contre vn cœur ferme & genereux? Voians donc que leurs flateries n'auançoiet, ils se saisissent de Leon, le garotent: chassent sa femme & ses

enfans de la maison, lui defendent de parler aux Chrestiens; IESVS-  
lui donnent des Gardes. CHRIST

1621.

PEU apres ils lui enuoierent vn messager aposté, pour lui dire comme de la part de sa femme, qu'il considerât bien ce qu'il faisoit: qu'il eût égard aux larmes qu'elle jettoit incessamment, & à celles de ses enfans: qu'il prît compassion des miseres esquelles ils se trouuoient tous pour lors, & se trouueroient toute leur vie: qu'il s'accommodât au temps: qu'il ne seroit le premier ny le dernier au Iapon, qui auroit môtré, au moins exterieurement, de s'estre repenti d'auoir fuiui les Chrestiens. Leon repartit qu'il resentoit les miseres de sa femme & de ses enfans, autant ou plus que les siennes propres. mais cōsiderât que les traux de cete vie sont tēporels, & les biens de l'autre eternels, il estoit expedient qu'ils enduressent ce peu d'aduersité, que Dieu auoit permis leur arriuer; parce que sa diuine bonté ne les laisseroit pas sans consolation en cete vie, ny sans infinie recōpense en l'autre.

29  
Tenté à  
fausses en-  
seignes.

CETE réponse n'estant pas au gré du Gouverneur, il lui enuoia par deux ou trois fois des personages de grāde autorité, qui lui promirēt de grādes richesses & hōneurs, s'il quittoit la Religiō Chrestienne. Mais Leon répōdit, qu'il remercioit le Gouverneur de ses promesses, qui estoient à la verité grandes, pour ceux qui n'arrēdoient rien hors de ce monde. Pour moi, dit-il, jettant les yeux sur les biens eternels, ie n'ay garde d'affectionner les tēporels. Au reste en recōpēse de l'affectiō que le Gouverneur me témoigne, ie l'aduertis que tous les Iaponois, qui adorent Xaca, Amida, & les autres Camis & Fotoques, tiennent le chemin d'Enfer, où ils seront à iamais tourmētés avec leurs Demōs. Ceux qui sont eux mesmes dānés, n'ont garde de sauuer les autres. Il n'y a salut qu'en la loy Chrestienne, qui adore vn seul Dieu. C'est à lui que je rend de bon cœur ma vie, comme ie l'ay receuë de sa main,

30  
Resolu à  
mourir.

Ces sainēts aduertissemens mirēt ce barbare en telle furie, qu'il enuoia soudain signifier la sentēce de mort à Leō, lequel en rendit graces à Dieu, & demāda de parler à Yagiō, pour le remercier du benefice qu'il lui auoit procuré. Mais ne pouuant obtenir congé de lui parler, il embrassa en contrechāge deux de ses parēs qu'il rencōtra. Puis se mit à inculquer aux

31  
Aduertit le  
Gouver-  
neur de son  
salut.



**I**ESVS-assistans, la verité & necessité de la foy Chrestienne, mais d'v-  
**CHRIST** ne voix si haute & claire que chacun admiroit son courage.  
1621. L'exortation finie il se jetta à genoux, & pria d'un visage si

32  
Est decapi-  
té. serein, & alegre que les Payens mesmes s'en étonnerent. Mais  
les Ministres de la Iustice ne trouuerent bon de l'executer  
pour lors, à cause du grand nombre de Chrestiens qui estoit  
accouru à la porte de sa maison. Ils attendirent donc la nuit,  
le tirerent de sa maison par vne porte secrete, le jetterent  
dans vne barque, pour le porter en l'Isle prochaine, où il fut  
decapité prononçant les tres-saincts noms de Iesus & Marie.  
Son corps fut jetté en mer, & sa teste fichée publiquement  
sur vn posteau, avec sa sentence au dessous.

CE glorieux martyr estoit noble d'extraction, né en la vil-  
le de Cangouara, de la Prouince de Sanga, au Roiaume de  
Fingo; le Seigneur duquel, nommé Nabexima Xinanoaca-  
mi, le pourueut de plusieurs fort honorables charges, dès sa  
jeunesse. Mais il les remit toutes es mains d'un sien parent,  
pour se retirer à Nangazaqui, où il fut instruit & baptizé par  
nos Peres, & deuint vn vrai modele de toutes vertus.

33  
Des vertus. DEVIS il se retira dans Isafay, fit dresser vne Chapelle au  
lieu le plus retiré de sa maison, & assigna vn quartier de lo-  
gis pour nos Peres, se montrant fort zelé au salut des ames:  
tres-adonné à l'oraison, tres-seuere enuers son corps, tres-  
liberal enuers les pauures & prisonniers. Il fut couronné  
du martyre l'an quarante & deuxiesme de son âge, vn iour  
de Vendredy, vingt cinquiesme de Iuin mille six cens vingt  
& vn.

*Des Chrestiens de la Prouince de Tacacu, Bungo,  
& Isles voisines.*

## CHAPITRE VI.



**E**S Isles d'Amacuza, qui sont vis à vis d'Arima, vn Chrestien âgé de soixante ans, se trouuant malade à mort, se confessa, & demeura enuiron deux heures sans aucun battement de poux, & sans respiration, tellement que chacun le tenoit pour mort. Mais il ouurit en fin les yeux, disant IESVS MARIA, & se tournant de l'autre costé, cōme grandement fâché: Ne voiez-vous pas, dit-il, l'horrible muse de cette cruelle beste? C'est donc toy ennemy de tout bien, qui me veux enuclopper dans les rets de tes trôperies? i'ay ferme esperance en Dieu, & aux merites du sang precieux de Iesus-Christ, son fils, que tu ne gagneras rien sur moi. Ceux qui l'assistoient se mirēt à prier Dieu pour luy. A peine eurent-ils dit chacun deux fois le *Pater noster*, que le bon vieillard expira tres-doucement.

34 35  
Visions ex-  
traordina-  
res.

A v Roiaume de Chicugen, dix Chrestiens furent en prison pour la confession de la foy, & cinq y moururent de faim, ainsi qu'écriuirent nos Peres visitans ces quartiers là, sans coucher leurs noms, ny autres particularitez de leurs vertus.

36  
Tentations  
à la mort.

Le P. Gaspar de Craсте partit d'Arima, pour visiter les Chrestiens du Roiaume de Fingo, où il entra fort aisément, nonobstant la diligence des gardes. La femme d'un Prince Gentil, qui estoit Chrestienne, & auoit passé vingt-cinq ans sans se confesser, faute de commodité, entendant l'arriuée du Pere, luy signifia son desir, & comme son mary estoit absent. Le P. qui n'estoit là que pour remedier à semblables necessitez, communiqua le tout avec vn Medecin Chrestien, qui souloit traiter cette Dame. Ils concerterent ensemble de la visiter, le Pere feignāt estre seruiteur du Medecin. Ils furent donc au palais de la Dame, laquelle aiant enuoié tous ses domestiques à diuers seruices, se confessa avec vne indicible consolation.

37  
P. Gaspar  
de Craсте.



LA charité que ce bon Medecin exerça en cét endroit, fut bien-tost recôpensée d'en haut. Voicy cōment. Sa femme estoit Payenne. Il auoit employé quinze ans, à l'exhorter qu'elle pensast à son salut. Voiant que c'estoient paroles perduës, il fit vœu de dire certaines prieres à l'honneur de la tres-saincte Vierge & mere, & les continuer cinq ans, pour la conuersion de sa femme. Le terme estoit quasi expiré, lors que le Pere arriua là. Le bō Medecin luy cōmuniqua le tout, deplorāt sa misere: & le Pere le consola, luy dōnant esperance que la tres-secourable Vierge, ne manqueroit pas à luy donner quelque contentement. Comme ils estoient sur ce propos, voila vn seruiteur de la part de la femme, qui assure qu'elle veut estre Chrestienne, & desire estre catechisée au plustost. Le Pere la fut voir, l'instruisit, & baptisa, au grand estonnement de tous ceux qui cognoissoient son endurcissement.

VNE esclauve Payenne, aiant long-temps fait la sourde oreille, aux salutaires conseils de sa maistresse Chrestienne, & en fin se trouuant proche de la mort, demanda le saint Baptême. Sa maistresse ne sçauoit, & ne trouuoit en tout le voisinage, personne qui sçeut la forme de ce Sacrement. Partant elle eut recours à Dieu, le suppliant de subuenir à la necessité de sa seruente. La priere finie voila comparoistre vn homme incogneu, lequel consola la maistresse, instruisit & baptisa la seruante. La ceremonie parfaite, cét homme disparut, & la seruante rendit son esprit à Dieu.

Le Roiaume de Bungo, jadis si celebre & fameux, estoit cete année diuisé en plusieurs estats, chacun desquels auoit son Seigneur; & tous pour se maintenir en la bonne grace de l'Empereur, exerçoient plusieurs cruautéz enuers les Chrestiens. Neâtmoins vn seul de nos Peres, y visita cete année plus de trente bourgades, y publia le Iubilé, duquel nous auons parlé cy-dessus; y baptisa six vingts Payens.

VN ieune homme fort adonné au seruice des idoles, se trouuant pressé d'une griefue maladie, pria ses domestiques Chrestiens, de luy faire venir vn Bonze. Ce qu'ils firent. Mais les superstitieuses grimaces de ce miserable idolatre, ne soulagerent aucunement le malade. Sa mere se repentant de la faute qu'elle auoit commise, appellant ce Bonze, s'enferma de nuit dans

son jardin, en demanda pardon à Dieu, & pour penitence prit vne bonne discipline. Se disciplinant, elle vit vne montagne enuironnée d'vne lumiere admirable, & au milieu d'icelle, vne Croix suspendue en l'air. Ce qui luy fit redoubler les coups & demander misericorde à chaudes larmes. Cela fait elle appella son mary, prit son fils entre ses bras, quoy qu'il fut abandonné des Medecins, & le porta voir cette merueille. La veüe de la Croix miraculeuse, ouurit la porte du Ciel à se ieune homme. Car peu de temps apres il acquit par le moien du Baptisme le salut de l'ame, & la santé du corps.

40

Vision admirable.

Vne femme Chrestienne s'estant laissée emporter à la curiosité, entra dans vn temple d'Idoles, où fut par inaduertance, fut par crainte, elle adora exterieurement avec les autres. A peine eut-elle cōsenty à cette actiō si detestable, que la voila tourmentée de tres-griefues douleurs. Comme le mal croissoit, elle s'en retourne en la maison, où estant plus affligée que iamais, elle vit vne tres-noble matrone, qui la reprit de sa curiosité, & l'exhorta à penitence. Elle demanda pardon à Dieu de tout son cœur, & fut incontinent deliurée de ses douleurs.

41

Curiosité punie.

Vne autre femme s'estant vn iour communiée, ie ne sçay en quelle disposition, sentit que la sacrée hostie, lui demeura deux iours entiers dans la gorge. Dequoy épouuētée, elle examina mieux sa conscience, & trouua qu'elle n'auoit du tout esteint quelque esteincelle d'auerfion qu'elle portoit à vn sien parēt. Elle fit donc plusieurs actes interieurs de charité enuers Dieu, & enuers son prochain, lesquels continuant avec grande ferveur, la sainte Hostie luy descendit en l'estomac, & s'y arresta. Surquoy elle s'en alla toute tremblante, trouuer vn de nos Peres, se confessa, mit hors tout ce qui luy restoit de haine en l'ame. Ce qu'ayant fait, elle ne sentit plus aucune peine de cette tres-sainte viande. Ce fait fut diuulgué parmy les Chrestiens, & leur donna sujet de croistre en deuotion enuers le tres-auguste Sacrement.

42

Miracle du tres-sainct Sacrement.



An de 676  
IESVS-  
CHRIST  
1621.

LIVRE XIX. DE L'HISTOIRE

*Des Chrestiens de Cingocù & de  
Xicocù.*

CHAPITRE VII.

43

Pere Iean  
Baptiste  
Porre.



L y a grand nombre de Chrestiens en treize de ces Royaumes ; mais sujets à beaucoup de traverses & miseres, pour estre mélez avec les Payens. Le Pere Iean Baptiste Porre les visita tous cette année; & entre ceux qu'il reconcilia à l'Eglise, dontils s'estoient retirez, en baptiscent quarante de nouveau.

V N Prince se mit en deuoir de retirer de la foy Catholique certaine Damoiselle, fort noble de race, qui estoit au service de sa femme. A ces fins il luy opposa vn Bonze, des plus doctes & entendus és sectes du Iapon. Ils disputerent en presence des Iuges, qui peserent les raisons de part & d'autre, & trouuerent le Bonze si embrouïllé qu'il ne scauoit de quel costé se tourner. Ce nonobstant la fin de la dispute fut le bannissement de la Damoiselle, laquelle se montra constante és pais les plus éloignez.

44

Ieune homme  
constant en la  
foy.

LE Prince de Farima voulant porter vn ieune hōme Chretien, à peruertir vn autre, eut pour réponse. Comment voulez-vous que ie retire vn autre de la foy de Iesus-Christ, moy qui fais profession de la mesme? Ce que le ieune homme aiant dit, ajoſta plusieurs autres choses qui montroient clairement la fausseté des sectes du Iapon, & la verité de la loy Chrestienne. D'où arriua que ce Prince qui sembloit auparauāt vn fier lion, se changea promptement en brebis, si bien que peu s'en fallut qu'il ne se rendit Chretien; au moins loüa grandement la sainteté de la loy Chrestienne, & permit librement au ieune homme de viure librement suiuant icelle.

VOIcy vn rare exemple de conuersion. Les habitans du Roiaume de Bingo sont adonnez outre mesure aux superstitions. Car il y a parmy eux vne grande quantité de forciers,

& Bonzes qu'on appelle Yamabuxi, lesquels inuoquent li-  
brement le diable, lors qu'ils veulent sçauoir quelque cho-  
se par son moien. Et Satan inuoqué, entre dans le corps  
de quelqu'un des assistans, pour leur répondre par sa  
bouche. Si sçauent-ils par longue experience, que quand  
quelque Chrestien assiste, ou se trouue près du lieu où se  
font semblables superstitions, les susdits Bonzes & for-  
ciers perdent toute leur puissance. Or arriua-il qu'en cer-  
tain lieu, pres duquel vn de nos Peres estoit caché, ces  
forciers & Bonzes, appellerent trois nuits durant le dia-  
ble, en presence dudit jeune homme, sans qu'il leur répon-  
dit. Dequoy indignes ces idolatres, vomirent mille maledic-  
tions contre le Chrestien, qu'ils pensoient estre caché près  
de là. Le jeune homme s'en étonna grandement, & comme  
il auoit l'esprit bon, voyant que le seul voisinage d'un Chre-  
stien, arrestoit toutes les forces du diable, il conclud, & fort  
pertinemment, que la Religion Chrestienne estoit la vraie.  
Partant resolu d'en faire encore lui mesme la preuue. Assi-  
stant donc vne autre fois à ces execrables inuocations, il se  
mit à prononcer tout bas les sacrés noms de IESVS & MARIE,  
si bien que toute la nuit passa, sans que ces Ministres de Sarà  
peussent tirer vn mot de leur maistre. Sur la diane le jeune  
homme se retira. A peine eut-il le pied hors du logis, que le  
Diable comparut, répondit à ses gens, & les contenta. De-  
quoy le jeune homme estant émeu demanda le saint Baptême,  
& l'obtint.

45  
Esprits ma-  
lins arre-  
stés par les  
Chrestiens.

VNE graue matrone couuerte de pourpre, apparut durant  
le sommeil à vne petite fille d'un gentil-homme, lui donna  
vn liuret de deuotion, & vn rosaire, l'aduertissant qu'elle se  
fit Chrestienne. La fille estant éueillée, ne pouuant tenir les  
larmes, tant estoit grand le desir qu'elle auoit du Baptême.  
Elle fut baptisée, appelée Marie, & tousiours vne deuotion  
extraordinaire à la Vierge & mere de Dieu.

46  
Conuersiō  
admirable.

LE mesme P. Porre visita en passant la ville d'Amanguci,  
tant renommée pour le sejour & merueilles qu'y fit saint  
Xavier, Apostre du Japon; & trouua que la maison en la quel-  
le ledit Pere residoit, & celebroit la sainte Messe, estoit qua-  
si par miracle, encore debout & entiere, nonobstāt les guer-

47  
Maison mi-  
raculeuse.



An de 678

LIVRE XIX. DE L'HISTOIRE

**I**ESUS-**CHRIST** res & troubles passés depuis cetemps-là. On l'assura que les Chrestiens s'y assembloient tous les Vendredis pour y faire la discipline, & tous les Dimanches & iours de Festes, pour y prier Dieu, & discourir des choses spirituelles. Personnen'y entre pour les fins, qui ne sente vne tendresse de pieté, & affection extraordinaire à exercer les actes de Religion. Le P. Porre eut bien de la peine à partir de là, tant ces bonnes gens sont affectionnés à tous les sujets de nostre Compagnie.

48  
Leon bann  
ai à Fango.

LES habitans Chrestiens de la ville de Fangui, Metropolitaine du Roiaume de Nangato, inuiterent le mesme Pere à passer chez eux; où il trouua la Chrestienté en sa fleur, quoique le Prince du lieu se montrât tres-seuere enuers les bons seruiteurs de Dieu. Le principal de ceux qui s'acheminèrent vers le Pere, fut vn notable personnage, nommé Leon, lequel apres auoir plusieurs fois présenté le col à l'épée pour l'amour de Iesus-Christ, viuoit là comme bannny avec toute sa famille, se retirant sur la cime d'une montagne, & gaignoit sa vie à couper des busches, & les porter vendre.

49  
Foqui dé-  
couuert.

DE là le mesme Pere se transporta au Royaume de Foqui, dans lequel il n'auoit peu mettre le pied l'année passée, & lors y entra avec beaucoup de facilité. Ce qui lui apporta vn grand contentement, pour auoir esté le premier des Predicateurs Euangeliques qui eût penetré ce Roiaume. Le concours des Chrestiens, qui vindrent à lui des autres lieux circonuoisins, fut admirable. Plusieurs s'y transporterent de trente lieues.

EN la ville de Matzuyoma ou Matsumai, du Royaume d'Iezo, il trouua vn vieillard, qui auoit fait tout son possible pour ruiner vn sien fils, qui estoit Chrestien; mais se trouuant pour lors assés proche de la mort, illuminé qu'il fut du saint Esprit, il demanda fort instement le saint Baptisme, témoignant que le vrai salut, ne se trouue qu'en la loy de Iesus-Christ. Ce qu'il experimenta lui mesme. Car vn iour apres auoir esté baptizé il mourut le plus content du monde.

LE Pere sortant de là tira vers la ville d'Itagima, di-

Ande stante d'enuiron vingt quatre lieuës; mais par vn chemin le plus facheux qui soit au Iapon. Car il faut faire huit lieuë par des montagnes si hautes & si roides à trauers des rochers scabreux, & par des descentes si perilleuses, qu'il n'y a que ceux qui l'ont experimenté qui le puissent croire. Il souffrit tant en ce voyage qu'arriuant à Iragima, il fut deux iours sans aucun vsage de ses sentimens. Aiant recouuré ses forces il consola merueilleusement le peu de Chrestiens qu'il y trouua, & en augmenta le nombre, par quelques Payens qu'il baptiza.

LESVS-  
CHRIST  
1621.

50  
Chemin  
tres-peu-  
ble.

*Missions faites aux Roiaumes d'Omi, de Mino, & autres limi-  
trophes. Aux villes Royales d'Yendo, de Surunga, de  
Foccocu, & autres lieux.*

## CHAPITRE VIII.



LE P. Iacques Ynqui, Iaponois de nation, fer- uent Religieux de nostre Compagnie, fit vne course aux Royaumes d'Omi, de Mino, d'Ona- ri, d'Ixi, de Quinoeumi, & d'Aua, pour y pu- blier le Iubilé, qui lui dōna moyen de faire vne moisson telle qu'on desiroit. Au Royaume de Mino il rencontra vne fillette de fort bas âge qui scauoit tout le petit Catechisme, & estoit fort desiruse du martire, & ne se pouuoit tenir de pleurer quand on l'ostoit par force de deuant vne image de nostre Dame; bref faisoit tant de choses par dessus la capacité de son âge, qu'elle rauissoit en ad- miration tous ceux qui la voioient.

VN idolatre desirant fort de se faire Chrestien, mais n'a- iant de quoi paier ses debtes, exerçoit vn office superstitieux pour amasser autāt d'argēt qu'il lui en falloit pour se des- en- gager. Cepēdant il parloit tres-honorablemēt des mysteres de nostre sainte foy; & au grād mēpris des Camis & Fotoques quoi que ses parens le trauersassent à cette occasion. En

51  
P. Iacques  
Ynqui Ia-  
ponois.

52  
Fille de bas  
âge mer-  
ueilleuse.



IESVS- fin aiant païé ses debtes il receut le saint Baptisme à son  
CHRIST grand contentement.

1621.

VINGT Payens receurent le Baptisme au Roiaume d'Aua, & plusieurs autres le demanderent, voians que les diables affligeoient grandement les Gentils, & n'auoient pas la hardiesse d'ataquer les Chrestiens.

53

P. Martin  
Xiquimi.

LE P. Martin Xiquimi Iaponois baptiza soixante & six Payens, tant en la ville Roiale d'Yendo, qu'en celle de Numata; & vingt sept à Foccocù; tous lesquels prindrent resolution de maintenir la foy iusques à la mort, mesmes en presence de l'Empereur. Du nombre de ces nouveaux baptizés, fut vn fameux Medecin avec toute sa famille. Ce fut en lisant vn certain traité d'vn de nos Peres, par lequel il refute les Dogmes du Iapon, que ce bon Docteur se trouua pris pour son salut.

IL y auoit déjà dix ans que deux honnestes femmes aians esté suffisamment Catechizées, continuoient à ieusner, & faire diuerses mortifications corporelles, attendant la commodité de receuoir le saint Baptisme; & ne la pouuoient trouuer, pour estre seruantes d'vn Prince, en la maison duquel elles estoient pour cela mesme tres. étroitement reserrées: Mais cette année elles furent quasi miraculeusement regenerées sur les fonds du Baptisme. L'original ne particularize pas le fait dauantage.

54

Chasteté  
aimée, &  
gardée.

DEUX jeunes filles apres auoir receu le Baptisme furent tellement éprises de l'amour de la chasteté qu'elles prioient tres-instamment Dieu, & la tres-sainte Vierge trois fois le iour, pour obtenir la grace de garder leur virginité. Peu de temps apres l'vne estant tombée malade s'en alla aux nocces eternelles des Vierges. L'autre viuoit en esperance de la suiure bien-tost.

Voies le P.  
Trigaud  
l'uu. 5. c. 27.

IL y auoit déjà sept ans que les glorieux Martyrs Iean Dogiù ou Dojù, & Pierre Caculque, auoient souffert en la ville d'Yendo, & y estoient enterrés. Le P. Martin aiant trouué commodité de transporter leurs Reliques en lieu plus honorable, fit ouurir les sepulcres. Tout estoit sec & consummé en la biere de Iean. Celle de Pierre nageoit sur l'eau. Quoi qu'elles fussent toutes deux continuës, & en mesme assiette.

L'eau de la biere de Pierre épuisée, on trouua vne masse blanche, comme de la chaux, répandue du long de la biere. Cette chaux ostée, on vit le corps de Pierre, avec ses habits, le tout aussi entier, comme s'il eût esté fraîchement enseuely, sans marque de corruption quelcūque. Quoy qu'il eust demeuré là sept ans; & quelque temps dans l'eau. Merueille qui étonna & réjouit tellement l'assistance, que personne n'osa toucher ce saint corps. La biere fut fermée comme deuant, & remarqua-on sur le couuercle d'icelle vne Croix de fer, fort bien faite, la veüe de laquelle consola grandement les Chrestiens.

55  
Corps de  
Pierre Ca-  
cufuque  
martyr,  
trouué en-  
tier.

Quatre de nos Peres qui habitoient cette année dans des grottes & cauernes, pres la ville de Meaco, baptiserent en diuers lieux cent cinquante Payens, aux cœurs desquels les flammes qui firent l'an precedent mourir tant de martyrs, auoient allumé vn grand desir de leur salut.

Vn ieune homme fort deuot à la tres-sainte mere de Dieu, se trouuant en extreme danger de sa vie, pria quelques-vns de ses amis, d'aller faire oraison pour luy deuant vne de ses images; & tandis qu'ils y furent, elle s'endormit; & veid en sommeillant la mesme Vierge & mere, qui luy donna bonne esperance de sa santé. L'effet montra que la vision n'estoit pas vaine. Car les autres reuenans de leur priere, & luy s'éueillant, se trouua sain & guery. Voila que valent les prieres. En voicy encores vn exemple.

56  
Malade  
guery par  
nostre Da-  
me.

Le feu s'estant pris à vn village, où n'y auoit qu'une seule famille de Chrestiens, le chef d'icelle fut aduertiy par les Payés, de sauuer ses biens. Je ne crains pas de les perdre, répondit-il, parce que ie croy & espere en Dieu tout puissant. Ce qu'ayant dit, il se mit à genoux, avec tous ceux de sa maison pour demander aide & secours à Dieu. Chose admirable! Toutes les maisons des Payens furent brûlées, celle du Chrestien demeura seule sur pied, au grand étonnement des Gentils.

57  
Maison cō-  
seruée du  
feu.

Les Medecins de Meaco estoient quasi tous Chrestiens, & assistoient tres-charitablement leurs voisins, tant pour la santé des corps que pour le salut des ames. Quand les enfans des Gentils se trouuoient en probable danger de leur vie, ils leur conféroient le Baptisme, sous prétexte de leur appliquer quel- que remede pour le corps.



An de 682  
IESVS-  
CHRIST  
1621.

LIVRE XIX. DE L'HISTOIRE

*Date Masamune Prince du Royaume d'Oxù,  
persecute les Chrestiens par toutes  
ses terres.*

CHAPITRE IX.

58

Oxù Roy-  
aume tres-  
grand.



59

Masamune  
vn des cinq  
Princes.

N tient que le Royaume d'Oxù, est le plus grand & vaste de tout le Japon. Cinq diuers Princes le gouernoient cette année. Le plus renommé estoit Masamune, tant pour sa noblesse, que pour sa valeur. Il auoit quelque téps auparauant, à la sollicitation d'un Pere Religieux, enuoie vn Ambassadeur, vers la nouvelle Espagne. Ce faisoit soupçonner qu'il n'eust quelque intelligence avec le Roy Catholique, & pretendit se faire Empereur du Japon, par le moien du secours estranger. Le grand nombre des Chrestiens qui se trouuoient en l'Estat de Masamune, confirmoit cette opinion. Pour se garentir des incommoditez que ce soupçon luy pouuoit causer, Masamune se resolut d'exterminer tous les Chrestiens qui viuoient sur ses terres; mais il differra iusques au retour de son Ambassadeur. Soudain qu'il sceut son arriuee à Nangazaqui, il commença à faire paroistre son dessein contre les Chrestiens, & ce par trois diuers Edicts qu'il fit publier dans peu de iours.

60

Ses Edicts.

Le premier declaroit comme tous ceux qui s'estoient faits Chrestiens, contre la volonté de l'Empereur, auoient grandement offencé sa Majesté. Partant qu'ils se disposassent à quitter au plustost la foy nouvellement receuë, autrement que les riches perdroient leurs moiens, & les autres la vie. Par le second il promettoit honneurs & richesses à ceux qui luy decourroient les cachettes de Chrestiens. Par le troisieme il bannissoit de ses terres tous les Predicateurs du

sainct Euangile, & leurs adherans, s'ils refusoient de faire banqueroute à la foy Chrestienne.

Ces Edits publiez, il lança le premier coup de son courroux, contre son Ambassadeur. Le bruit courut qu'il s'estoit porté laschement. Quoy qu'il fit, il en receut selon les œuvres, estant bien-tost apres appellé au tribunal de Dieu.

Quelques Chrestiens furent tellement saisis de crainte des mains, desquels le Prince les menaçoit qu'ils se tengerent à sa volonté. Les autres qui se montrerent plus cōstans, furent enuoiez en exil. Les autres combattirent genereusement iusques à la mort. Le Pere Hierome des Anges, religieux de nostre Compagnie, qui pour lors estoit en la cour de Masamune, fut sur le poinct de sortir en public, pour assister les Chrestiens; Mais il le forcerent par leurs larmes & prieres, de se retenir, crians que sans guide & Pasteur, ils ne pouuoient resister à ces loups rauissans.

Le chef & comme Pere de tous les Chrestiens, estoit vn bon Seigneur, nommé Iean Goto, ferme colonne de la foy. Le Prince l'aimoit pour sa vertu; partant ne voulut rien entreprendre contre luy; ains luy permit de viure en la liberté Chrestienne; pourueu qu'il s'obligeât par serment à trois choses. La premiere de ne receuoir en sa maison, voire pour vne seule heure, aucun Predicateur, ny autre officier de l'Eglise Catholique. La seconde de n'exhorter personne à se faire ou maintenir Chrestien. La troisieme de ne déspouir à personne, qu'il luy eust donné permission de viure en Chrestien. Iean aiant pris conseil d'vn de nos Peres, répondit au Prince, qu'il ne pouuoit prester ce serment; & ne pouuant auoir permission de viure conformément à la loy de Iesus-Christ, sans ses conditions, ne faisoit plus estat de ses biens, ny de sa vie. Cette réponse picqua vn peu le Prince du commencement; mais depuis il s'appaisa, & dissimula pour lors.

Vn autre Chrestien, parent du Prince, importunément sollicité à quitter la foy, se laissa vaincre, & assura les Iuges, qu'vn sien fils âgé de douze ans, en auoit autant fait; quoy que l'enfant n'y eust pas songé. Estant de retour en sa maison, il racompta tout ce qu'il auoit

Ande  
I E S V S -  
CHRIST  
1621.

61  
Ambassa-  
deur incō-  
stant.

62  
P. Hierome  
des Anges  
à Masamu-  
ne.

63  
Iean Goto  
feruent  
Chrestien.



IESVS - fait à sa mere, à sa femme & à son fils; lesquels l'appellerent  
CHRIST couïard, lâche, indigne du nom Chrestien, pour s'estre rendu  
1621. tant honteusement. Iniures qui le portent à telle furie, que pre-  
nant vn baston, il déchargea sa colere, non seulement sur ceux  
qui le picquoient, ains encores sur quelques sainctes ima-  
ges.

64  
Pere & fils  
en dispute  
pour la foy.

LE fils bien marry de la faute de son pere, & fondant en larmes, fut trouuer les Iuges, protesta qu'il estoit Chrestien, prest à exposer sa vie pour la foy, quoy qu'on leur eût fait entendre au contraire. Les Iuges admirant son courage, & vaincus par ses larmes, le renuoierent en sa maison. Le Pere aduertty de ce qu'il auoit fait & dit, le ramena au tribunal des Iuges, & les sollicita de faire en sorte que son fils abandonnât la foy Chrestienne. Les Iuges apres plusieurs contestations, ordonnerent que l'enfant renonceroit à la succession de son pere, ou à la foy de Iesus-Christ. A quoy l'enfant repartit. Je renonce non seulement à la petite succession de mon pere, ains à toutes les richesses & grandeurs du monde, pour acquerir la vie eternelle. Ce fut lors que le pere mit la main à son poignard, & s'auança pour luy plonger dans le sein. Mais les assistans l'empêcherent. L'enfant neantmoins presenta genereusement sa poitrine pour receuoir le coup.

65  
Penitence  
publique.

DE PUIS, ce bon Seigneur rentra en soy-mesme. l'estime que les larmes & prieres de sa famille, luy obtindrent cette grace de Dieu. Il se repentit de sa faute, en demanda pardon à Dieu, fut trouuer les Iuges, protesta qu'il estoit, & vouloit mourir Chrestien, pour effacer son peché par son propre sang. De là il alla vers le Pere Hierome des Anges pour se confesser. Mais parce que sa faute estoit publique, il ne fut receu à la confession, qu'il n'eût au prealable fait vne discipline en pleine assemblée des Chrestiens. Ce qu'il fit pleurant amèrement, & disant de temps en temps, pendant qu'il se disciplinoit. Je ne suis rien, mes freres, ie ne suis rien. Tenez-moy pour indigne du nom de Chrestien, j'ay esté trop ingrat envers mon Createur & Redempteur. Depuis il redit souuent le mesme, pleurant toutes les fois qu'il rencontroit quelque Chrestien.

QUEL QUES amis d'un vieillard septuagenaire, qui auoit

acquis beaucoup d'honneur & de reputation au fait des ar-  
mes, lui representans les benefices qu'il auoit receu du Prin-  
ce Masamune, trauailloient à le peruertir. Mais il les renuoia  
ce Masamune, trauailloient à le peruertir. Mais il les renuoia  
comme ils meritoient, disant entre autres choses, qu'il n'y  
auoit raison qui lui dictât, qu'apres auoir tant de fois expo-  
sé sa vie, pour acquerir des biens temporels, & defendre  
l'honneur d'un Prince mortel; il refusât de mourir pour la  
conqueste des biens eternels, & pour la gloire du Roy du  
Ciel & de la terre. J'ay à la verité receu beaucoup de biens  
& faueurs de mon Prince, leur dit-il. Si osé-je dire sans men-  
tir, que j'en auois merité dauantage. Mais je me trouue telle-  
ment rendueable à la Majesté diuine, que pour mille biens,  
je ne lui en sçauois rendre vn. Ne vous étonnés donc  
pas, si je veux estre eternellement esclau, d'un bien-facteur  
eternel. Voila comme il éclaircit ses amis, qui lui vouloient  
faire perdre la vie eternelle. Voici encor vn rare exemple de  
constance.

Vn Bonze aiant par diuerfes fois, & tousiours en vain,  
fondé vn jeune gentil-homme Chrestien, qui estoit en la  
Cour du Prince, exorta sa mere à lui persuader de quitter la  
foy. Mais elle lui répondit brauemēt. Voulés-vous donc que  
je persuade vne telle impieté à mon fils? Vous semble-il qu'il  
faille laisser les choses eternelles, pour courir apres les tem-  
porelles: Vous aués beau dire, repartit le Bonze, s'il n'obeit  
au Prince il est mort; & vous sans support en vostre vieilles-  
se. J'ay vécu soixante & treze ans, répondit la bonne Dame,  
combien m'en peut-il rester encore! Mais quel mal y auroit-  
il, quand je passerois le reste de mes iours, gisante au bout  
du pont de cete ville, & demandant l'aumosne aux passans!  
J'ayme mieux en venir là, que de detourner mon fils de son  
deuoir enuers Dieu. Si la faim corporelle me presse, je seray  
rassasiée en la gloire eternelle. Cette réponse étourdit tel-  
lement le Bonze qu'il n'importuna plus cete bonne Dame.

Le Tono ou Seigneur d'un certain bourg, voiant qu'un  
sien sujet, simple villageois, refusoit de quitter sa foy, com-  
manda qu'il fût pendu à la branche d'un arbre, la teste en  
bas quelques heures, apres la corde rompant, le villageois  
tomba la teste la premiere en terre, & se froissa tout, rendant  
pour sa foy.

66  
Reconnois-  
sance  
Chrestien-  
ne.

67  
Constance  
invincible.

68  
Villageois  
tourmenté  
pour sa foy.



**I E S V S-CHRIST** grande quantité de sang par la bouche. De quoi la cruauté des barbares ne se contenta pas. Car ils le dépouillerent tout nud, le lierent à vn poteau, l'exposerent à la plus grande rigueur de l'hyuer: lierent sa fême vis à vis de lui, avec expresse deffense de lui donner à manger, ny en prendre pour elle. Si vous en auallés morceau, lui dirent ces detestables officiers, ce sera vn manifeste signe que vous reniés Iesus-Christ. La bonne femme demeura trois iours sans manger, de peur d'offencer Dieu, & fut morte de faim, sans vn Chrestien, qui l'aduertit que c'estoit vn scrupule que ce malicieux Payen lui auoit donné: & lui fit entendre comme le manger est ordonné de Dieu, non pour professer aucune Religion, ains pour la nourriture du corps, & entretenement de la vie. Elle mangea donc, & par sa patience surmonta sa barbarie de la gentilité, aussi bien que son mari. Car ils furent en fin tous deux renuoiés libre.

69

Scrupule  
d'une tem-  
me colla.

70

Confreres  
de nostre  
Dame.

ENVIRON trois cens Chrestiens habitans de certaine bourgade, que l'original n'a nommé, aiant resolu de se generer en la deffence de la foy. Cas auenant que le Prince les sollicitât de la quitter, parce qu'ils estoient tous de la Congregation de nostre Dame; le Prince en eut le vent, & changea le dessein qu'il auoit de les tourmenter, de peur qu'ils ne quittassent leurs maisons, & laissassent les champs en friche.

71

Subtil re-  
part d'une  
fille.

VN Gentil des plus nobles du païs, s'efforça de tirer vne sienne fille Chrestienne au seruice des idoles. A quoi aiant long-temps trauaillé en vain, il lui dit vn iour. Ie ne te tiendray plus pour ma fille, parce que persistant en ta creance tu me mets en danger de perdre tout mon bien, & parauenture la vie. Ie desisteray donc de vous appeller mon pere, luy répondit-elle, puis que vous tâchés de m'éloigner de mon Dieu, qui est tout mon bien, & m'oster la foy, qui est le fondement de la vie eternelle.

*Ioachim & Anne, mary & femme decollés pour la foy de Iesus-  
Christ, au Royaume d'Oxù.*

## CHAPITRE X.



AGIMADONO enuoie par tout l'Estat du Prince Masamune, pour détruire les Chrestiens, attaqua tous les premiers Ioachim & Anne, habitans du bourg de Mizusana, & voiant qu'ils ne brânloient pas à ses menaces, enuoia Ioachim à la ville de Xandai, qui est à trois journées de Mizusana; où le Prince le menaça de diuers tourmens, & d'une tres-cruelle mort. Mais Ioachim lui fit cognoistre qu'un cœur assisté de la grace de Dieu, ne craint pas les forces humaines. Le Prince ordonna donc qu'il fut mis en prison, & passât neuf iours sans manger. Mais la charité Chrestienne ne manqua pas à lui fournir de quoi viure. Il fut vingt trois iours dans le cachot, tous les iours tourmenté par les gardes en diuers façons, & tousiours constât. En fin il fut réuoie à Mizusana, avec ordonnance que s'il persistoit en la foy avec sa femme, ils fussent tous deux decapités.

72  
Ioachim &  
Anne affli-  
gés.

CEPENDANT le Sieur Iean Goto, duquel nous auons parlé cy-dessus, auoit appelé le Pere Hierome des Anges à Mizusana, où il confessa Ioachim, & l'encouragea à perséuerer instamment en la foy. Anne aiant entendu le retour de son mary, & la sentence prononcée contre eux deux, tressaillant de joie, se reuestit deses plus beaux habits pour mourir plus honorablement. Ce fut apres s'estre mise à genoux, & auoir pris vne assés longue discipline, que sa bonne Dame donna pour vn singulier don, à celui qui lui auoit porté la nouuelle de sa mort. Et l'assura de plus, que comme elle pleuroit, regrettant d'auoir perdu tout à coup son mary, & l'occasion du martyre qu'elle desiroit, Dieu luy auoit fait voir vne

Nomb. 63.

73  
Croi x con-  
sole les  
martyrs.



IESVS - belle Croix, enuironnée d'une grande lumiere, la veüe de la CHRIST quelle l'auoit grandement consolée.

1621.

IOACHIM estant arriué à Mizaisana, sa vertueuse femme le fournit de tres-beaux habits, afin qu'il s'offrit plus honorablement en sacrifice au Createur de l'Vniuers. Trois officiers accoururent pour ébranler la constance d'Anne. Mais en vain. De quoi Ioachim la loua grandement. Puis se tournant vers les Chrestiens qui l'estoient aller voir, les conjura de se souuenir tousiours de la Passion de nostre Sauueur, les assurant que telle souuenance leur fourniroit le courage & forces necessaires pour souffrir toute sorte de tourmens. Il parloit encore lors que les executeurs de la Iustice arriuerent chargés de coliers & menotes de fer, la veüe desquelles le combla d'une telle consolation, qu'il se mit à genoux, baissa la teste, pour montrer la reuerence qu'il portoit aux instrumens de ses supplices : puis leuant les mains au Ciel, remercia Dieu de ce qu'il le faisoit digne de souffrir pour son saint nom ; bref passa toute la nuit en prieres & saints discours.

Ces deux seruiteurs de Dieu auoient vne fille, qui suruint tout à propos du lieu où elle se tenoit ordinairement, & trouuant ses pere & mere condamnés à la mort, & remplit l'air de ses cris & plaintes. La mere craignant de se trop attendrir aux pleurs de sa fille, lui dit qu'elle ne pleurât pas ; mais le pere tout au contraire. Il n'est pas besoin, ma fille, luy dit-il, que que tu retiennes tes larmes, ny que tu étoufes tes soupirs. Donne leur hardiment de l'air. Si j'auois cent enfans ou filles qui pleurassent tous autour de moi, je ne craindrois pas qu'ils me fissent changer de propos, tant i me promets de forces de la part de la diuine bonté. Neantmoins pour mieux employer tes larmes, pleure pour toi, & non pour nous. Tu dois pleurer tes miseres. Tu peux regretter que tu ne patis avec nous. Ce qu'ayant dit, il la recommanda particulièrement à vn Chrestien qui estoit là present.

74

Exortation  
paternelle.

LEVR derniere heure approchant on leur mit les bras derriere le dos, & les menotes aux mains avec vne chaine de fer au col. En cet equipage ils furent tirés hors de leur maison, & suivis par vn tres-grand nombre de peuple, vers lequel

lequel Ioachim se tournant leur dit tout haut. Je rends gra-  
ces immortelles à mon Dieu, de ce que qu'il lui a pleu accom-  
plir mes desirs. Il y a long-temps que par sa sainte grace, i'ay  
ardemment désiré de sceller la foy Chrestienne que ie professe,  
par l'effusion de mon propre sang. Me voici sur le chemin pour  
me rendre au lieu designé pour ce faire. Je vous en louë, mon  
Dieu, je vous en louë.

IESVS-  
CHRIST  
1621.

75

Aktion de  
graces  
pour le  
martyre.

LA troupe du peuple qui les accompagnoit au supplice  
estoit composée de Chrestiens & de Payens. Il y auoit cinq  
cens Chrestiens tous conuerts de soie, lesquels aians quitté  
l'épée & le poignard, armés de leurs seuls chapelliers, qu'ils por-  
toient en main, & des reliquaires qui leur pendoient au col,  
marchoient comme en procession, & prioient Dieu en chemi-  
nât. Ioachim voiant vn si grand nombre de Gentils les exorta à  
suiure la vraie voie de leur salut. La serenité du visage, & la tran-  
quillité d'esprit, que cet homme monstrois s'en allant mourir,  
rauissioit les yeux, & les esprits de tout le monde. Anne suiuoit  
entre deux honorables matrones, qui ne cessoient de louer  
Dieu.

ARRIVE's qu'ils furent au lieu du supplice, il fallut attendre  
Tagimadono. Ce qui dépleut grandement à Ioachim, lequel  
pour ne perdre temps en l'attendant se mit à reciter tout haut  
avec sa femme, le *Pater noster*, l'*Aue Maria*, & le *Credo*. Cela fait  
il aduertit sa femme de hausser les yeux vers le Ciel, & se conso-  
ler en le voiant, parce qu'ils y deuoient bien-tost entrer, pour  
jouir à iamais de la bien-heureuse vision de Dieu. Cependant  
arriua Tagimadono, & les Ministres de la Iustice estendirent  
sur terre deux pieces de natte, sur lesquelles Ioachim & Anne se  
mirent à genoux, tournant la face vers l'Orient. Autant en fi-  
rent les Chrestiens, & tous ensemble se mirent à inuoyer les  
tres. doux noms de IESVS. L'executeur de la Iustice Payenne dé-  
chargeant le coup mortel sur le col du seruiteur de Dieu, fut si  
étonné par les cris des Chrestiens & Gentils, qu'il n'eût la for-  
ce de lui separer tout a fait la teste du corps. Tellement que cō-  
me elle pendoit encore, & aiant inuoyé par deux fois le tres-  
saint nom de IESVS, vn autre bourreau la lui treucha du  
tour.

76

Nom de  
Iesus in-  
uoyé.

Anne estoit tellement attentiuë à contempler le Ciel, qu'el-



Ande 690

LIVRE XIX. DE L'HISTOIRE

IESVS - le ne s'apperceut pas que le sang de son mari lui auoit baigné  
CHRIST toute la face. Le bourreau luy treucha du premier coup la  
1621. teste. Comme elle estoit encores en l'air, vn Chrestien

77

Ghefs des  
martyrs &  
leur sen-  
tence.

la prit, & la porta chez soy. Mais quelque temps apres il  
fut contraint de la rendre, par le commandement de Ta-  
gimadono, qui la fit planter sur vn posteau fort haut, en  
la place publique, avec celle de Ioachim; Sous icelles  
fut attaché vn tableau, portant ce paroles, mais en Japon-  
nois.

CES deux Chrestiens, mary & femme, furent decapitez, le  
douzieme iour de la Lune, pour n'auoir voulu abandonner la  
foy de Iesus-Christ.

CE fut vn iour de Vendredy sixième de Nouembre, l'an  
mil six cens vingt & vn. Ioachim aiant atteint l'âge de soi-  
xante six ans, Anne de soixante seulement. Ils estoient na-  
tifs d'un lieu nommé Yurionoxonai, au Royaume de Deua, &  
n'y auoit que deux ans que le P. Hierome des Anges les auoit  
baptisez. Tous deux d'un naturel fort simple & candide; fort  
enclins à la misericorde, & sur tout desireux de répandre leur  
sang pour Iesus-Christ.

L'ORIGINAL porte qu'autres quatre furent martyrisez au  
mesme lieu, mais il n'en compte autres particularitez.

*Nouvelles du Royaume d'Iezo, Extraites d'une missive  
du Pere Hierome des Anges, écrite l'an mil  
six cens vingt-deux.*

## CHAPITRE XI.



Ly a cinq ou six ans, que j'écriuis au P. Hierome Rodriguez, pour lors Prouincial de nostre Compagnie au Iapon, comme Dieu m'auoit fait la grace de porter la lumiere du saint Euangile dans le Roiaume d'Iezo, lui faisant part des particularitez, que j'é auois appris pour lors. Le P. Iacques Caruaillo en écriuit aussi l'an mil six cens vingt, y aiant trauaillé avec moy. Mais parce que le P. François Passeco, qui estoit nostre Recteur à Nangazaqui, me signifia que nos Superieurs desiroient en auoir quelque plus exacte connoissance, ie m'y acheminay l'an passé, pour cōfesser les Chrétiens que nous y auions laissé, & m'informay fort soigneusement de quelques Iaponnois qui demeurent à Matsumai, & de quelques naturels du mesme Roiaume d'Iezo, qui sçauent la langue Iaponnoise, de ce que ie m'en vay coucher en la presente.

J'auois esté d'opinion iusques à maintenant, & le manday par ma precedete, que le Roiaume d'Iezo, n'estoit pas vne Isle, ains vne poincte ou extremite de la Tartarie, sive vis à vis d'une autre poincte ou promontoire de la nouvelle Espagne, qu'on appelle Quinira; & tenoit, comme ie l'auois marqué peint es mappes-mondes, que le détroit d'Anian, estoit entre ces deux poinctes, de Tartarie & Quinita. Voicy la raison qui me portoit à cette opinion. Les Iezoïs assurent qu'allant par terre de Matsumai, où les Iaponnois habitent vers l'Orient, qu'ils appellent icy Figaxi, il faut faire quatre-vingts dix bonnes iournées, auant qu'arriuer à la mer du Leuant: & sortant de la mesme ville de Matsumai, pour aller trouuer la mer du couchant, qu'on nomme icy du mot de Nixi, il y faut employer soi-

78  
Iezo Isle,  
mais tres-  
grande.



LES VINGT xante journées. D'où ie concludois qu'Iezo n'estoit pas vne Isle, ains vne extremité de la Tartarie, parce que iusques à present on n'a decouvert Isle si grande que pour la mesurer du leuant au couchant, il fallut mettre cinq mois de chemin, comme il faut en ce Royaume d'Iezo.

79

Ses tenants  
& aboutif-  
sans.

MAIS m'estant plus pleinement informé du tout, & aiant meuremēt considéré, ce qu'on m'en a dit, je trouue plus probable que ce Roiaume est veritablement vne Isle. En voici les raisons. La premiere est que la Prouince d'Iezo est ceinte de mer du costé d'Orient, & de la part du Minami, que nous appellons le Midy; & de la part de l'Occident, en la Prouince du Tessoï, de laquelle on voit vis à vis vne autre terre si proche, qu'on y discerne à l'œil les cheuaux des autres bestes. Terre neantmoins qui leur est cōme incogneuë, parce qu'ils n'y osēt passer à cause des courātes de la mer, & parce qu'elle est en cet endroit pleine de grosses & fortes cānes lesquelles se pliēt & cachēt sous l'eau, par l'impetuosité de la mer, & puis se redressēt en vn instāt, mais de telle roideur qu'elles renuersent les barques des Iezoïs, lesquelles pour la plus part sōt forte petites. Si la mer qui est entre la terre du Tessoï, & celle qu'on voit vis à vis, estoit seulement vne Iriami, comme ils parlent, c'est à dire vn bras de mer, il n'y auroit pas de courātes si furieuses. Les aiāt d'oc telles, il est necessaire qu'Iezo soit encore borné de mer du costé de Septentriō; Mer qui courant du leuant au couchant, ou du couchant au leuant, par ses cruës & diminutions, cause ces courantes. Iezo donc est vne Isle ceinte de mer par tous costés.

80

Terre veuë  
& incog-  
neuë.

81

Tencado  
Seigneur  
souverain.

MA seconde raison est, que le païs d'Iezo n'a point de Técado, c'est à dire Seigneur vniuersel, qui le gouuerne seul, & auquel tous les autres obeïssent. Que si c'estoit vne Prouince de la Tartarie, ou contiguë à icelle, on en auroit quelques nouuelles. Car c'est vne chose tres-euidente qu'il ya vn Seigneur vniuersel en Tartarie, qu'on appelle le grād Cam. Veu donc qu'au païs d'Iezo, chacun est maistre, & Seigneur de sa maison seulemēt, ou au plus de quelque peu de seruiteurs, sans qu'un recognoisse l'autre, ny que tous en respectēt vn plus grād, j'etiens pour chose euidente que la terre d'Iezo est separée de tous les Roiaumes, & que ses habitāns n'ōt aucun cōmerce avec eux. Il se pourroit biē faire qu'il y eût vers le Nort quelque riuere, qui le diuisât de la Tartarie,



& par l'abondance de ses eaux, fut cause de ces furieuses <sup>LES V S-</sup> contraintes, se jettant impetueusement dans la mer. Mais <sup>CHRIST</sup> les Iezoïmes mesmes qui viennent par fois tant du costé d'Orient <sup>1621.</sup> que d'Occident en la ville de Matsumai, m'ont souuent répondu qu'ils ne sçauoient rien. Voila pourquoy j'estime que Iezo est vne Isle, non pas terre ferme ou cōtinuée avec quel- qu'autre païs. Aussi est-ce l'auis commun de tous les Euro- peans, qui appellent le Roiaume d'Iezo vne Isle; & les Map- pes-mondes que j'ay autres fois veu en Sicile, peignent Iezo enuironné de mer de tous costés. Voila quant au lieu.

Quant au naturel des personnes les Iezoïmes sont robustes, plus grands de corps pour l'ordinaire, que ne sont les Iapo- nois; de couleur plus approchante du blâc que les Iaponois. <sup>82</sup> Ils portent la barbe longue, par fois iusques à la ceinture. <sup>Naturel des Iezoïmes.</sup> Ils se razent la moitié de la teste pardeuant, tellement qu'ils n'ont point de cheveux aux temples, ains seulement sur le derriere de la teste, où quelques-vns les portēt aussi lōgs que les Iaponois, mais sans les plier ou redoubler, comme les Iaponois ont coutume de faire. Ils ont ordinairement les oreil- les percées, & au lieu de pendansy attachent certains an- neaux d'argent, qui ont deux emfans de circonference. Ceux qui n'ont point d'anneaux portent au lieu d'iceux vn filet de soie d'un empan de long ou enuiron. Ce que les hom- mes pratiquēt aussi bien que les femmes.

Ils boient tous du vin, jeunes & vieux, hōmes & femmes, particulièrement lors qu'ils vont à Matsumai, & ce en assez grande quantité. Neantmoins ils ne s'en yurent que rarement, <sup>83</sup> parce qu'ils mettent sur leur ryz quantité d'huile de Todo- <sup>Ne s'en yurent.</sup> noueuo, qui est vne espece de poisson, duquel je parleray tantost. Ce qui empeche que les fumées du vin ne leur mon- te si tost à la teste. Si en voit-on par fois quelques-vns, les- quels en aiant pris extraordinairement, vont sautellans, & gambadans par les ruës, sans pourtant estre priués de l'usa- <sup>Nomb. 86.</sup> ge de raison.

Les habits del'un & l'autre sexe sont longs, picqués de soie, & bordés de diuerses houppes de mesme étoffe, & sont picqués en forme de Croix ou de roses, les vnes grandes, les autres petites. Leurs étoffes sont de soie, de cotton ou de <sup>84</sup> <sup>Vestu de long.</sup>



IESVS-lin. Je leur demanday pourquoi ils portoient tant de Croix  
CHRIST en leurs accoutremens; c'est pour montrer, me répondirēt-  
1621. ils, que nous sommes gaillards & éueillés. Mais pourquoy  
84 prenés vous plustost la Croix que quelqu'autre figure, pour  
marque de vostre viuacité? Ils m'auoierent franchement  
n'en scauoir rien.

Croix en  
vsage.

Pour armes ils vsent d'arcs, de fleches, de lances, de ci-  
meterres, qui ne sont pas plus longs que le plus grand poi-  
gnard du Japon. Au lieu de nos cuirasses ils ont des cottes de  
85 mailles composées de petites tables de bois, jointes ensem-  
ble. Chose ridicule à voir. Ils empoisonnent leurs fleches,  
Armes. mais d'un si pestilent venin, que toutes leurs plaies sont mor-  
telles. Ils sont fort querelleux de leur humeur, neantmoins  
ils s'entretiennent fort rarement.

Ils portent à Matsumai pour vendre des poissons secs,  
des haréc's, des cygnes, des gruës tant viues que mortes, mais  
86 celles-ci sechées: des Faucons & autres oiseaux de proie, des  
Denrées. Baleines, des peaux de Todonoëuo, qui est un poisson de pe-  
tit prix, velu & qui a quatre pieds comme un porc, on en tire  
l'huile, duquel j'ay parlé ci-dessus, & qui est à fort bon mar-  
ché: Car le poisson entier ne se vend que cinq ou six mazes,  
Nomb. 82. qui valent peu plus qu'une piece de cinq sols. Leur trafic  
ne se fait pas à prix d'or ny d'argent, ains en troquant leurs  
denrées avec du ryz, du cotton, du fil, du lin, de semblables  
étoffes, ou des habits tous faits.

Le Seigneur de Matsumai m'assura que les Iezoïs alloiēt  
acheter les peaux du poisson, qu'ils appellent Raccon, en  
trois Isles proches de leur païs, les naturels desquelles n'ont  
point de barbe, & parlēt un langage tout different des Iezoïs.  
Mais il ne me sceut dire si ces Isles sont au Midy ou au Nort.  
Les barques desquelles les Iezoïs se seruent, ne sont clouées  
ny cheuillées, ains cousues avec certaine sorte de cordes fai-  
tes d'escorce d'un arbre qu'ils appellent Coccus, & qui ne  
pourrit point en l'eau. Il n'est pas beaucoup different des  
87 chesnes noirs d'Europe. Les Mariniers font plusieurs trous  
Barques  
merueilleu-  
ses. aux ais qu'ils veulent joindre, puis les cousent avec ces cor-  
des. Aiant acheué leur voiage, il les décourent, & exposent à  
l'air, pour essuier le bout, & s'en seruir à la premiere com-

modité, en les recoufant. Si est-ce que tels vaisseaux portent quatre cens sacs de ryz, & par fois encore plus.

Quant à la cognoissance del'autre monde, & de la vie future, ils en ont fort peu, ou point du tout. Vrai est qu'ils rendent quelque honneur au Soleil & à la Lune, comme à deux Astres fort profitables aux hommes. Ils reuerent aussi quelques Camis ou Demons des montagnes & de la mer, parce que demeurant la plus part aux montagnes, & s'occupans à pescher en la mer, ils esperent de prendre du poisson à foison, & ne manquer de bois à bruler & bastir, par la faueur de ces malins esprits. Ils n'ont ny Bonzes, ny temples, ny autres lieux ausquels ils s'assemblent pour traiter de leur salut, & ne se trouue parmi eux personne qui sçache lire ny écrire.

88  
Soleil &  
Lune ho-  
norés.

Av reste ils ont chacun sa femme propre & legitime, quoi qu'il ne s'en trouue que trop, qui tiennent encore des concubines, à la mode des Chinois. Quand le mari meurt la femme se retire chez son beau-pere, si elle en a, ou chez quelque parent de son defunct mari à condition de iamais n'en sortir ny se remarier. La femme conuaincuë d'adultere est razée, afin que chacun la recognoisse pour telle. Quant au complice de son peché s'il est apprehendé, le mari ou les parens des parties interessées, lui ostent son épée, & ont droit de le dépotuiller de ses accoutremens, toutes les fois qu'ils le rencontrent.

89  
Sans lettres.

Voilà ce que i'ay peu remarquer à present du Roiaume d'Iezo. Quant i'en sçauray dauantage j'en feray volontiers part à tous ceux qui desireront la conuersion des pauvres idolatres. Cependant nous coniurons tous nos Peres & Freres, de supplier la diuine bonté, qu'il lui plaise nous departir les graces necessaires, pour mener ce peuple au bercail del'unique pasteur, de Matsuma.

90  
Adulteres  
comme pu-  
nis.

HIEROME DES ANGES.



*Estat temporel & spirituel des Roiaumes du Japon pour l'an  
mille six cens vingt deux.*

## CHAPITRE XII.



LE Zogun de Yendo, fils de feu Daifusama, tenoit cete année, l'Empire du Japon en grâde paix, & tranquillité vniuerselle; quoi que la guerre spirituelle continuât contre les Chrestiens, & nostre sainte foy. Cent vingt & vn Chrestiens furent ou brulés tous vifs

ou decolés, comme nous deduirons cy-apres. Les adultes qui receurent le Baptesme par le moien de nos Peres, monterent à deux mille deux cens trente & six. Car la cruauté de la persecution à fait qu'on n'a pas tenu conte exact de ceux qui furent baptizés par les autres Religieux, & Prestres Iaponois seculiers.

TRENTE & six Religieux de nostre Compagnie furent employés la mesme année au Japon, outre les Predicateurs ou Catechistes, autrement appellés Dogiques, naturels du Japon, qui les assisterent tant pour la conuersion des Gentils que pour l'entretènement des fideles. Du nombre desquels quatre furent receus Nouices de nostre Compagnie, estant desia prisonniers pour la foy, & puis brulés tous vifs, avec le P. Spinola leur maistre. Six autres furent aussi admis au corps de la Compagnie, & peu de temps apres tués en diueres façons, aiant esté surpris avec nos Peres, qu'ils accompagnoient, & aidoint en leurs ministeres. Les dix susnommés Iaponois qui n'estoient pas Prestres, & quatre autres Prestres, trois venus d'Europe, & vn Iaponois, moururent cette année pour la foy. Ils seront tous nommés cy-apres en la description de leurs combats & triomphes.

L'EMPEREUR du Japon aiant les années passées deffendu par toutes ses terres, sous peine de la vie, que personne n'eût à porter

91

Nombre  
des Mar-  
tyrs, & ba-  
ptizés l'an  
1622.

92

Nombre  
de nos Re-  
ligieux au  
Japon.

à porter Religieux, ny Chrestien quelconque au Japon, adjointa cette année la mesme peine, contre tous les parens de ceux qui auroient contreueu à son Edit, contre tous les voisins du quartier où il seroit rencontré, contre tous ceux qui seroient passez dans le mesme vaisseau; avec confiscation de tous leurs biens. Nonobstant tous ces dangers, les Religieux qui estoient ja dans le Japon, ne laissoient pas de poursuiure leurs saintes entreprises; & ceux qui se trouuoient en diuers ports, comme en autant de portes, pour y entrer, ne se refroidissoient pas en l'esperance & desir qu'ils auoient d'en venir à bout. Plusieurs qui ne sçauoient pas la langue, l'apprenoient à Macao, pour passer au Japon tous prêts pour y seruir Dieu.

IESVS.  
CHRIST  
1622.

93

Edits nouveaux du  
Togun.

LA frequente navigation des Japonnois vers la ville de Manille & Isles Philippines, pour trafiquer avec l'Espagnol, & la commodité que leur donnoit le voisinage des deux lieux, portoit plusieurs Capitaines Japonnois, comme bons Chrestiens, & Zelateurs de la cōuersion de leurs voisins, à receuoir en leurs vaisseaux quelques Religieux déguisez, & les conduire au Japon. Il y auoit trois ou quatre ans, qu'un nommé le Capitaine Ioachim, aiant receu dans son jonc le P. Pierre Zuniga de l'Ordre de S. Augustin: & le P. Louis Florés de S. Dominique, fut rencontré près du Japon, & pillé par les Pirates Holandois, lesquels non contêts du riche butin qu'ils auoient fait, aduertirent l'Empereur qu'il y auoit des Religieux nouvellement arriuez de Manille au Japon. Tellement que ce Capitaine fut retenu prisonnier à Firando avec les deux Religieux surnommez, & tous les officiers & mariniers Chrestiens qui estoient dans le vaisseau.

94

Religieux  
au Japon.

CE qu'ayant appris vn certain personnage, habitant en la ville de Manille, entreprit de tirer de la prison, vn des deux susdits, qui estoit son intime. A des fins il passa quelques mois apres à Firando, & fit si bien par ses menées, qu'il tira son compagnon hors de prison, & plusieurs Chrestiens avec luy. Mais comme pour ce faire il luy fallut rompre la prison de Firando, la menée ne fut pas si secretement conduite, que plusieurs n'entendissent le bruit, & que les prisonniers, ja quasi sauuez, ne fussent repris, & remis en prison.

95

Entreprise  
hardie.

L'EMPEREUR le sceut, (mais comment luy eût-on caché vn



An de 698

LIVRE XIX. DE L'HISTOIRE

LES V S-  
CHRIST  
1621. rel attentat) & conceut vne telle indignation contre les Chrétiens, qui auoient entrepris de briser ses prisons, qu'incontinent il enjoignit à Gontzoquo Gouverneur de Nangazaqui, de se transporter promptement à Firando, & faire brûler tous vifs, le Capitaine Ioachim, les deux Religieux qu'il auoit porté dans son vaisseau, avec tous les officiers & mariniers du mesme nauire, qui estoient en prison. Voulut aussi qu'il fit mourir tous les autres Religieux, qui se trouueroient en toutes les autres prisons, tant Europeans, que Iaponnois. De plus condamna les femmes & les enfans, de tous ceux qui auoient receu les susdits, à estre decapitez : bref tous les Chrestiens qui habitoient dans le mesme quartier, les matelots & passagers qui s'estoient trouuez dans ledit vaisseau. Finalement sa cruauté se porta iusques à iuger dignes de mort les femmes & les enfans de ceux qui trois ans auparauant auoient esté martyrisés pour la foy; & ce pour cete consideration, & sans autre sujet.

96

Edit de  
mort contre les  
Chrestiens.

97

Tyrannie  
extreme.

---

*Martyre du Pere Frere Pierre de Zuniga, Religieux de l'Ordre de saint Augustin : de Pere Frere Louis Florés, Dominiquain, & de treize autres Chrestiens.*

CHAPITRE XIII.



EN vertu du susdit mandement de l'Empereur, Gontzoco Gouverneur de Nangazaqui, reuenu de la cour roiale le vingtseptième de Iuillet, mil six cens vingt deux, fit incontinent prendre prisonniers, seize Chrestiens, qui s'estoient trouuez dās le mesme nauire des susdits deux Religieux: & les sollicita d'abandonner la foy Chrestienne. Mais vaincu par leur constance, il les renuoia en prison, avec leurs femmes & enfans.

98

Ioachim  
Firajame  
Capitaine.

PEU de iours apres arriuerent de Firando quelques barques, armées de deux cens soldats ou satellites, qui conduisoient les deux Religieux susnommez, & le Capitaine Ioachim Firaja-

ma, patron du nauire, qui les auoit portez de Manille, & vn Espagnol nommé Ferdinand Ciueres, marié en la ville de Firan-  
do, & condamné à la mort pour auoir receu les deux susdits re-  
ligieux en sa maison.

IESVS-  
CHRIST  
1622.

LA veuë inopinée de tant de soldats, & de prisonniers donna beaucoup à parler par la ville de Nangazaqui, comme chose inouïe, & de laquelle on craignoit toute sorte de mauuais effets. Tandis que ces confesseurs attendoient fort ioieusement l'heure tant désirée de leur mort, trois poteaux furent plantez hors de la ville, ou pour mieux dire, trois autels erigez, pour les sacrifier à Dieu par le feu. Ils furent neantmoins presentez de-  
rechef au Gouverneur, lequel les ayant de nouveau sondez, & trouuez tres-constans en la foy, prononça la sentence contre les deux Religieux, & le Capitaine Ioachim, les condamnant à estre brûlez tous vifs : & les douze mariniers à estre decapitez. Ces quinze vrais confesseurs de Iesus-Christ, se voians iugez à mort, & desirans pour la gloire de Dieu, & leur consolation particuliere, que le monde sceût asseurement qu'ils mouroient pour Iesus-Christ, demanderent hardiment au Gouverneur de Nangazaqui, pour quel crime il pretendoit leur faire perdre la vie. C'est parce que vous estes venus au Japon, pour y prêcher la loy des Chrestiens, contre les deffenses de sa Majesté imperiale, répondit-il aux Religieux. Puis dit aux autres, Pource que contre les Edits de l'Empereur, vous auez cōduit & introduit semblables gens au Japon, vous mourrez avec eux. Protestation qui les réjoüit tous infiniment. Car soudain éleuans leurs yeux au Ciel ils remercierent Dieu deuant toute l'assistance, de ce que cét heureux sort leur estoit échue.

99  
Quinze  
martyrs.

100  
Vraie cause  
du martyre.

Le lendemain toute la ville estant accouruë pour veoir ce glorieux spectacle, les deux Religieux & Ioachim furent conduits par eau, iusques au lieu du supplice, où ils furent soudain attachez à leurs poteaux, & entourez de fagots & bûches, quoy qu'à vingt-cinq pieds ou enuiron, tout autour, afin que leur supplice fût plus long, & leur mort aussi plus precieuse deuant Dieu.

L'ancienne coutume du Japon portoit qu'on liât au poteau, ceux qui deuoient estre brûlez tous vifs, non seule-



LES V S- ment par les mains, ains par les pieds, la teste, la poitrine, avec  
CHRIST certains roseaux, qu'on couuroit de bouë, afin qu'ils resistas-  
1622. sent plus au feu, & que les patiens mourussent auant que pou-  
— uoir estre desliez. Mais à ce coup l'enfer suggerant toutes nou-  
ueutez de tourmens contre les Chrestiens, les executeurs de

101

Tourmens  
nouveaux.

la iustice leur lierent seulement les mains, & ce bien legerement, afin que le lien estant bien-tost consommé, les patiens demeurassent libres, & eussent moien de s'enfuir si bon leur sembloit; ou au moins donnassent aux spectateurs occasion de rire, & de les brocarder sur les gestes auxquels la douleur les pourroit contraindre.

102

Douze  
Chrestiens  
decapitez.

CEs trois champions de nostre Sauueur, liez comme nous venons de dire, les douze Chrestiens venus de Manille, eurent la teste trenchée, avec vne nouvelle inuention de cruauté. Car iusques à ce iour là, les executeurs de la iustice auoient tousiours donné à ceux qu'ils faisoient mourir pour la cause de Dieu, quelque peu de temps pour le prier, voire pour parler au peuple. Faueur qui fut déniée à ceux-cy, de peur qu'ils n'ébranlassent les volontez de quelques assistans. A mesure donc que chacun arriuoit à la porte du parquet tout entouré de palissade, l'executeur leur abatoit la teste. Leurs noms estoient 1. Iean. 2. Leon. 3. Michel Diar. 4. Antoine Iamanda. 5. Thomas Coyauanqui. 6. Iacques Pengi. 7. Laurens Rocufake. 8. Paul Sankichi. 9. Iean Iango. 10. Iean Maxici. 11. Barthelemy Mosioye. 12. Marc. Les dix derniers estoient marchans.

103

Ioachim  
Capitaine  
prêche.

CEs sacrées victimes aiant esté immolées de cete façon, les bourreaux mirent le feu autour des autres. Ce que voiant le Capitaine Ioachim prit la parole, par le commandement des Peres, qui n'estoient pas assez versez en la langue Iaponnoise pour parler en public. Ceux qui s'y trouuerent, dirent depuis qu'il auoit prêché en Apostre, avec vne tres-grande ferueur & hardiesse. Les Payens luy voulurent imposer silence; mais il leur répondit courageusement: Je suis plus obligé à Dieu qu'aux hommes, faites du pis que vous pourrez: Je m'acquitteray de mon deuoir le mieux qu'il me sera possible. Mais que me pouuez-vous oster de plus cher que la vie? Il continua son discours plus d'une heure, les deux Re-

ligieux demeurans immobiles , & donnans vn admirable IESVS. exemple d'une inuincible patience, iusques à tant que le feu CHRIST les aiant rostis deux heures durant ils s'enuolerent au repos 1622. eternal le dix-neufiesme iour d'Aoust mille six cens vingt deux.

SOVDAIN qu'ils eurent expiré, les Ministres de la Iustice Payenne rengerent sur vne haute planche les douze testes de ceux qu'ils auoient decolés, puis entasserent tous leurs corps en vn monceau, & les laisserent là quatre iours sans sepulture. Durant lesquels grand nombre de Chrestiens les visita fort reueremment, nonobstant les outrages que les gardes leur faisoient, en vertu du commandement qu'ils auoient de n'en laisser approcher personne. Si ne peurent-ils si bien faire que les Chrestiens n'en leuassent le corps du P. Pierre Zuniga. pour le renuoyer à Manille, & de là en Espagne, parce qu'il estoit fils du Marquis de Villamanrique, jadis Viceroi de la nouuelle Espagne.

104

Corps du  
Pere Zuniga  
enleué.

*Prison de Nangazaqui, nombre & saints exercices des  
prisonniers detenus en icelle.*

### CHAPITRE XIII.



NEuf Religieux de nostre Compagnie, sçauoir est, sept Prestres, & deux qui ne l'estoient pas, furent l'an mille six cens vingt deux, occupés au seruice de Dieu, tant dans la ville de Nangazaqui qu'és enuiron, logeans en diuers endroits, & changeans de logis plus d'une fois le iour, à cause de la persecution la plus cruelle que les Chrestiens eussent encore soufferte au Iapon. Car il leur estoit defendu de tenir liure ny image quelconque en leurs maisons; de porter reliquaires ny *Agnus Dei* au col, de s'assembler pour faire oraison, lire liures spirituels, ou conferer du salut de leurs ames, comme les années precedentes.



**IESVS-CHRIST** 1622. **TOUTES** ces rigueurs ne les empechoient pourtant de continuer leurs saints exercices, voire de les augmenter. Car ils erigerent vne nouvelle Confrerie sous la protection de nostre saint fondateur Ignace de Loyola, à laquelle se renegerēt

**105**  
Confrerie  
de S. Ignace.

dans peu de iours plus de six cens personnes qui lisoient souvent la vie traduite en langue Iaponoise, ne cessoient d'admirer & prêcher ses rares vertus. Il y auoit deux autres Congregations qui fleurissoient aussi en deuotion : l'une de la tres-sacrée mere de Dieu, l'autre des saints Innocens, établie pour les enfans, lesquels surpassoient leur âge & leurs forces par leur vertu. Ils reciterent cete année plus de trente deux mille fois le Rosaire, priant la tres-sainte Vierge pour les vrgentes necessités du Iapon.

**106**  
Innocens  
& leur  
Confrerie.

**DANS** la prison de Nangazaqui il y auoit dix soldats Iaponois, & vn European, nommé Alphonse de Castre, detenus là les dix pour estre Chrestiens, & l'vnzième pour auoir retiré en sa maison quelques Predicateurs du S. Euangile. Le Gouverneur commanda vn iour qu'on les conduisit tous en son logis, les menant à trauers la ville, chargés de chaines, pâles & décharnés comme personnes qui auoient trépé deux ans en prison. Ce triste spectacle tira grande quantité de larmes des yeux de ceux qui les virent passer. Alphōse marchoit les mains liées, & nuds pieds disant son chapellet avec vne telle modestie, qu'il émouuoit vn chacun à deuotion.

**107**  
Alphonse  
de Castre  
prisonnier.

**VNE** femme de qualité & fort vertueuse, lui presenta vne paire de souliers pour soulager son incommodité : mais il la remercia fort humblement, disant qu'il marchoit plus alegrement nuds pieds ; se resouenant que nostre Sauueur auoit esté conduit en pareil equipage à plusieurs Tribunaux. De quoi ceux qui l'oüirent furent grandement edifiés. Le Gouverneur éprouua leur constance en toutes les façons desquelles il se peut auiser. Mais il ne trouua ny menaces de tourmens, ny offres de biens qui les peussent detourner de leur sainte resolution.

**ENTRE** les dix Iaponois il y en auoit vn de grande maison, qui le lendemain de cete procedure fut enleué par ses parens, cuidans l'induire à retourner au Gentilisme, pour sauuer sa vie. Mais il leur répondit tousiours tres-constam-

ment, quel'auis qu'ils lui donnoient n'estoit pas de gens sages, la droite raison ne permettant qu'un homme d'esprit prefere l'esperance d'une vie courte & miserable; au repos & felicité eternelle. Vous me pouués bien tirer le sang des ve-  
 nes, ou chasser l'ame du corps; mais non pas bannir l'amour de Iesus-Christ de mon cœur. Il retourna donc à la prison de son plein gré, avec double couronne de constance pour lui, & de ioie pour ses genereux collegues, lesquels pendant qu'il combattoit ne cesserent de l'aider à acquerir la victoire, par leurs larmes & oraisons.

IESVS-  
CHRIST  
1622.

108  
Constance  
d'un soldat.

LA vie que ces deuots prisonniers menoient se preparant à la mort, estoit grandement exēplaire. Ils ieusnoient trois fois la sepmaine, faisoient trois fois la discipline, emploioient la plus part de leur tēps en exercices de deuotiō. Alphonse se faisoit remarquer par tout. Le leudy S. il dressa dās la prisō mesme vne forme de sepulcre à l'hōneur de nostre Sauueur, l'orna de peintures & poësies de son inuentiō. Plusieurs Chrestiens accoururent le voir, & le peuple s'estāt retiré y firent leurs disciplines & oraisons. La pieté de ce bon Alphonse paroitra mieux par un échantillon de la letre qu'il écriuit au Pere Iean Baptiste Baēza Recteur du College de Nangazaqui.

LA nouuelle que vostre reuerence me donne, que ie dois bien-tost sortir de cette prison, laquelle j'estime dauantage que le plus fleurissant jardin qui soit sur la terre, m'a plus causé de douleur que de plaisir; parce que pour vous en decou-  
 urir franchement ce que j'en sens, je la prise plus que tous les Sceptres & Couronnes d'Europe. Et en vne autre missiue il parle ainsi.

109  
Lettre d'Al-  
phonse.

IE vis plus content, & plus ioieux en cete prison, qu'en tout autre lieu qui soit au monde, si ce n'estoit sur vne croix, ou au milieu d'un feu. Je ne deurois oncques partir d'ici, sinon pour estre mené au feu ou à la croix. Mais mes pechés sont si grands, & en tel nombre, que si la diuine bonté ne m'aide, sollicitée par les prieres de vostre reuerence, il m'en pourroit bien empêcher.

COMME les prisonniers cōmuniquoient leurs afflictions au P. Recteur de Nāgazaqui, aussi decouuroit-il souuēt les siēnes aux Peres residens à Macao. Voici la copie d'une des siennes.



**I E S V S -** Qui pourroit raconter les extremes diligences que font, &  
**CHRIST** les inuentions desquelles se seruent ces barbares, pour attra-  
 1622. per & emprisonner ceux qui ne respirent que leur bien & sa-  
 ——— lut. Que si vous me demandés pourquoi ie n'ay esté pris, ie

**II O** réponds que vous le demandiés, s'il vous plaist, à nostre Sei-  
 Lettre du P. Baëza. gneur mesme, qui sçait les causes & raisons de tout. Car de-  
 puis huit ans que i'ay residé en cette ville, i'ay jamais épie ny trai-  
 tre n'est entré en maison où ie fusse. La nuit de Noël dernier  
 passé trente satellites furent tout le voisinage, & ne mi-  
 rent pas le pied dans la maison où i'estois, agenouillé de-  
 uant vn autel, & aiant au prealable congedié le Dogique qui  
 m'accompagnoit, de peur qu'à mon occasion il n'encourût  
 quelque danger de sa vie. Toute cete nuit là se passa en cris &  
 alarmes à briser les images que ces cruels officiers rencon-  
 troient, forcer les maisons, emplir l'air de blasphemés con-  
 tre nostre sainte foy, & charger de mille opprobres les  
 Chrestiens. On n'auoit iamais veu pareil desordre.

**III** Le mesme m'arriua la veille de la Circoncision. Car ie fus  
 contraint de changer en peu d'heures de diuers logis, estant  
 par force chassé des vns, & recou mal volontiers des autres,  
 iusques à passer partie de la nuit au milieu des ruës, nonob-  
 stant la rigueur du vent qui estoit si froid qu'à grande peine  
 peux-je dire la sainte Messe sur l'aube du iour. Si me repre-  
 sentay. ie souuent la douce paix & consolation, que nostre  
 Compagnie reçoit à tel iour par tout le monde habitable;  
 quoi que par l'infinité bonté & misericorde de Dieu, ma con-  
 dition quoi que tres-miserable me semblât encore plus heu-  
 reuse & souhaitable. Iusques ici le P. Iean Baptiste Baëza  
 Recteur de Nangazaqui. Ie m'en vay clorre ce chapitre par  
 vn tres-remarquable exemple de la misericorde & prouiden-  
 ce diuine.

**VNE** Dame idolatre, habitante de Nangazaqui, aiant pas-  
 sé sa vie en toute sorte de debauches, & se trouuât accablée  
 d'vne maladie mortelle, fut si viuement touchée du saint  
 Esprit qu'elle resolut de mourir Chrestienne, & pria instam-  
 ment ses plus proches, qu'ils lui appellassent vn Prestre, ou  
 quelque Dogique. Mais comme ils estoient Payens, nul ne  
 tenoit conte de satisfaire à sa demande. Elle continuant à  
 demander

demander le sain& Baptisme, vn ieune Chrestien entre inopinement dans la maison où gisoit la malade (c'estoit vn crieur de liures nouveaux) qui entendant le desir de la patiente, luy menesoudain vn Dogique, à l'arriuee duquel cette pauvre mourante se leue sur son lit au mieux qu'elle peut, & le supplie que sans plus dilaier il luy administre le sain& Baptisme. Le Dogique se mit à luy declarer les mysteres de nostre sainte foy. Cette femme l'interrompt, disant : Je vous prie ne tardez pas davantage ; ie suis assez informée de tout ce que vous dites. I'ay appris qu'il y a vn seul Dieu, & vn Sauueur du monde. Hastez-vous de me baptiser : Car ie mourray soudain apres le Baptisme. Le Dogique la baptise, & incontinent apres elle rendit son ame à Dieu, nous laissant vne admirable preuue de la bonté & misericorde de Dieu.

112  
Conuersio  
admirable.

*Martyre de vingt & vn Religieux, tant de l'Ordre S. Dominique  
& saint François, que de la Compagnie de Iesus,  
& de trente autres Chrestiens.*

## CHAPITRE XIV.



ONZOCO Gouverneur de Nangazaqui continuant à executer la derniere ordonnance du Xogun, cy-dessus mentionnée, écriuit à Ficojomon, Lieutenant du Prince d'Omura, qu'il enuoiât à Nangazaqui, tous ceux qui estoient detenus prisonniers à Omura, & autres lieux de son ressort, tenant la main qu'ils y fussent conduits dans le dixième iour de Septembre. Vingt-six partirent de la geolle d'Omura, en laquelle ils auoient long-temps croupy, qui plus, qui moins, & tous si à l'estroict, qu'en vne seule chambre basse, capable seulement de douze petites pieces de natte, ils estoient par fois trente prisonniers & plus, ayans pour trois vne natte de huit empans de long, & trois de large : Sur laquelle ils estoient iour & nuict, sans pouuoir faire vn pas hors de là. Voir

113  
Prisons  
d'Omura  
tres incom-  
modes.



LES V S - estans contrains de se décharger là mesme de leurs propres  
CHRIST ordures. Incommodité suffisante pour les faire mourir en  
1622. peu de iours. Leur nourriture estoit vne écuellée de ris tout  
noir, avec quelque sardine puante, & par fois du potage cuit  
avec des fueilles de raues. Car les geoliers ne leur faisoient  
point de part des racines.

II 4  
Femme de-  
uote & cou-  
rageuse.

ATTENDANT que les prisonniers d'Omura fussent conduits à  
Nangazaqui, le Gouverneur du lieu s'en fit presenter trente, tât  
hômes que sêmes, detenus en ses prisons: lesquels il examina, &  
condâna à perdre la teste. Ils partirêt du tribunal de cêt inique  
Iuge, avec vne grande allegresse, portans quasi tous ou croix ou  
crucifix en main. Vne des Dames, comme chef des autres, les  
rangea toutes deux à deux, & marchoit la premiere, avec la ban-  
niere du crucifix en main. Les autres la suiuiot comme en  
procession, chantans les loüanges de Dieu, & detestans les ido-  
les. Quelques vnes portoient leurs enfans entre leurs bras, pour  
les offrir à Dieu avec elles. Les hommes fermoient la proces-  
sion, la plus agreable qui fut iamais veuë au Iapon.

II 5  
Prisonniers  
d'Omura.

FICOMONO Lieutenant d'Omura, aiant receu les lettres du  
Gouverneur de Nangazaqui, enuoia dans ses cachots quatre  
executeurs de Iustice, pour en tirer tous les fideles seruiteurs de  
Dieu, bien garottez, & les assembler dans vne bassecour, entou-  
rée de grand nombre de soldats. Il y auoit vingt-quatre Reli-  
gieux de diuers Ordres, quoi qu'ils eussent laissé en prison deux  
Prestres, vn de l'Ordre S. François, l'autre de S. Dominique, &  
que depuis il n'en y eut que vingt-vn martyr; de tous lesquels  
nous parlerons cy-apres. Cete separation leur causa beaucoup  
de larmes & de douleurs, tant ils auoient receu de contentemêt  
de viure tous ensemble en prison. Si fallut-il entrer dâs le vais-  
seau qui les deuoit separer. Ce fut vn Vendredy, iour qui pour  
estre consacré à la Passion de Iesus-Christ, auoit esté desiré de  
tous. Leur voiage fut employé en mille saints discours & exor-  
tations des vns aux autres, & de tous aux soldats, & Ministres  
de la Iustice qui les conduisoient.

II 6  
Gétil trait  
de deuotiō.

ARRIVEZ qu'ils furent à Nangaya, village siz à trois lieuës  
de Nangazaqui, les gardes qui auoient deffenſe de permettre  
qu'aucun les abouchât par le chemin, non pas leur propre pere,  
& auiserêt de mettre tous les Religieux à cheual. Si ne peurent-

ils empêcher que Leon Sukezayemono ne passât à trauers <sup>LES VS-</sup>  
toutes les gardes armées, sous pretexte de vouloir ajuster l'é- <sup>CHRIST</sup>  
trié au Pere Sebastian Quimura, Religieux de nostre Compa- <sup>1621.</sup>  
gnie, qu'il salua cordialement, se recommanda à ses prieres, &  
qui plus est coupa vne parcelle des soulliers qu'il portoit, pour  
la garder en memoire de luy. Affection que Dieu agrea tant,  
qu'il en fut recompensé d'un semblable martyre, ainsi que  
nous dirons cy-apres.

OR marchoit cét escadron en telle ordonnance. L'auantgar-  
de estoit composée de plusieurs piquiers, archers, arquebusiers. <sup>117</sup>  
Suiuoiient apres les prisonniers enuironnez de soldats tant à <sup>Bataillon</sup>  
pied qu'à cheual. Le premier estoit le P. Charles Spinola Ita- <sup>des prison-</sup>  
lien, duquel nous parlerons cy-apres plus au long. Suiuoiient <sup>niers.</sup>  
les autres à la file, sans respect ny prejudice d'aucun ordre ou  
qualité; chacun accompagné d'un bourreau, qui tenoit la  
corde pendante du col de son patient. Trois Capitaines à  
cheual, avec bon nombre de soldats, faisoient l'arrieregarde.  
Ils estoient en tout quatre cens, qui ne peurent cheminer  
que quatre lieuës. La nuit les surprenant à Vracama, ils  
s'y arresterent. Les prisonniers furent enfermez dans vn clos,  
fermé de bonnes barrieres & palissades pour cét effet. Mais  
parce qu'il suruint vne grosse pluie, on redoubla leurs <sup>is,</sup>  
& les fit-on tous entrer dans vne petite chaumine fort à l'é-  
troit.

TANDIS qu'on les lioit de nouveau, vn d'entre eux dit à son  
bourreau. Pourquoi te peines-tu tant à serrer le nœud de cette <sup>118</sup>  
chaine? Nous ne fuions pas la mort, ains la desirons. Vn autre <sup>Paroles</sup>  
dit au sien, étrein tant qu'il te plaira mes liens, car ils ne sont pas <sup>courageu-</sup>  
du Xogun ton maistre, ains de Dieu, lequel me chastie pater- <sup>ses des pri-</sup>  
nellement pour mes pechez, tandis qu'il multiplie les palmes, <sup>sonniers.</sup>  
& les couronnes des autres.

SVR l'aube du iour les officiers permirent à trois Chrétiens  
seulement, de pouuoir parler aux prisonniers. L'un fut le  
Dogique qui accompagnoit ordinairement le Pere Spino-  
la. Mais il finit bien-tôt. Car les executeurs de la Iustice les  
renuoierent tout court, disans qu'ils vouloient signifier aux  
prisonniers, comme ils deuoient mourir par le feu. Dequoy  
ils ressentirent vn tel contentement, qu'à les voir on eust dit



IESVS - qu'ils estoient menez au triomphe, plustost qu'au martyre.

CHRIST LE P. Charles Spinola vouloit entrer dās le feu, reuetu d'un  
1622. surplis, & portant en main vn étendard, ouragé par dessus  
d'un beau nom de IESVS, qu'il auoit préparé pour cét effect,  
119 mais on ne luy permit que de le voir seulement. Il desiroit  
Etendard aussi que tous ses compagnons fussent reuétus d'habits neufs,  
du P. Spi- comme pour vn iour de grande celebrité. Ce qu'il ne peut  
nola. obtenir.

DE bon matin donc toute cette benite troupe de prison-  
niers, remontans à cheual, en mesme ordonnance que le  
iour precedent, ils s'acheminèrent vers la place où ils deuoient  
finir leur vie, qui estoit à vne lieuë de là. Sur le chemin ils  
rencontrèrent plusieurs Chrestiens, qui demandoient la be-  
nediction des Prestres, & quelque salutaire auis pour le bien de  
leurs ames. Arriuans au lieu du supplice, ils trouuerent la plai-  
ne voisine couuerte d'un nombre presqu'infiny de peuple, ac-  
couru pour voir ce tragique spectacle. Le bruit estoit si grand,  
qu'on ne pouuoit entendre les saints Colloques des seruiteurs  
de Dieu.

120

Courage  
du P. Qui-  
mura.

Le Pere Sebastian haussant la voix de toute sa force, fut  
ouï de toute l'assistance, disant avec vn visage tres-joieux, qu'il  
eût desiré faire voir au peuple vne parcelle de la joie qu'il sen-  
toit en son ame, & alloit y croissant d'autant plus que l'heure  
de mourir s'approchoit. Il adjoûta plusieurs autres choses,  
d'un grand zele & ferueur; mais le bruit empecha qu'on ne  
les peut entendre. Vn de nos Freres nommé Pierre Somp-  
121 du plus loin qu'il veid les instrumens preparez pour son suppli-  
ce, se tournant vers ses compagnons, d'un œil gay, & d'une ra-  
re serenité de visage, les inuita à les regarder, montrant au  
dehors ce que son ame sentoit au dedans. Contenance qui  
tira les larmes des yeux de l'assistance, & la raut en admiration  
de sa vertu. Antoine Kiuni nouice de nostre Compagnie ex-  
ortoît ceux qui estoient pres de luy, à bien esperer de cette  
apparence de mal (ainsi l'appelloit-il) leur promettant que  
l'horrible Hiuier de cette persecution estant passé, vn agreable  
Printemps de paix & tranquillité naistroit pour l'Eglise au Ja-  
pon. Finalement chacun témoignoît sa deuotion, & resolution  
à mourir pour la foy.

Pierre  
Somp.

Si fallut-il qu'ils attendissent vne heure ou plus les autres prisonniers qui deuoient sortir de Nāgazaqui. Ce que voït le P. Spinola descendit de cheual avec les autres qui estoient pres delui. Les Chrestiens y accoururent incontinent, les

IESVS-CHRIST  
1622.

vns pour pleurer, les autres pour lui demander sa benediction qu'il donnoit plustost par larmes, que par autre ceremonie. De ce nombre fut vne Dame douée d'un courage viril, laquelle nonobstant les gardes & inhibitions du Gouverneur, passa tout au trauers des soldats, & porta aux martyrs vne certaine boisson chaude, que les Iapōnois ont coutume de prendre pour se renforcer.

122  
Femme  
tres-courageuse.

N'y ayant eu de cete boisson pour tous les patiens, vn jeune homme se resolut de les fournir d'eau fraiche: mais parce qu'il y auoit trop loin iusques à la ville, il se mit à la nage, en fut prendre aux nauires qui estoient à l'ancre, & leur en porta suffisamment. Beau trait de charité & de courage.

TANDIS arriuerent les prisonniers qu'on attendoit de Nāgazaqui, sçauoir les hostes qui auoient receu les Peres de nostre Compagnie, leurs femmes, enfans & voisins. Plus les femmes & enfans de quatre autres martyrs, qui auoient esté brulés tous vifs les années precedentes. Ils entrèrent dans l'enclos destiné au suplice, reuestus des plus beaux & riches habits qu'ils eussent trouué dans leurs coffres, mais sur tout portans sur le front des vraies marques d'un indicible contentement.

Nomb. 101.

AVSSI-tost arriués, aussi-tost liés aux postaux, ceux qui deuoient estre brulés, mais legerement, comme nous auons dit des autres ci-dessus. Voici comme ils furent rengés. Le premier du costé de la mer fut Antoine Sanga, duquel nous dirons encor vn mot cy-apres. Suiuoient Antoine & Paul, hostes de nos Peres. Puis Lucie de Freites Iaponoise, laquelle aiant extremement desiré, & demandé à Dieu, qu'il luy écheût de mourir aupres de quelque Prestre, il arriua qu'on mit le P. Charles Spinola, auquel se seruant de la rencontre desirée du voisinage, elle se confessa, & receut l'absolution de ses pechés.

123  
Deuotion de  
Lucie de  
Freites.

APRES le P. Charles Spinola suiuoient les Peres de l'ordre S. Dominique, & de S. François, au milieu desquels fut mis



LES V S- le P. Sebastien Quimura, de nostre Compagnie; & apres les  
CHRIST Peres de l'ordre S. François, cinq de nos Nouices, vn des-  
1622. quels nommé Thomas, auoit esté tout fraichement receu.

Suiuoiens pour clorre le rang du costé de la montagne, deux autres Peres Dominiquains, entre lesquels fut mis Louis Ca- uara, Nouice de nostre Cōpagnie. Ainsi fut régé ce genereux bataillon, agreable à Dieu, & formidable aux Enfers. Les sol- dats venus d'Omura tenoiēt le long de la montagne, ceux de Firādo s'estoient rengés au long de la marine, pour obuier à tout desordre, & empecher que personne n'approchât de l'ē- clos, au milieu duquel sur vn thrône haut eleué, & couuert d'vn richē tapis de la Chine, estoit superbement assis Suken- dayu, Lieutenant du Gouverneur de Nangazaqui.

Le temps approchant auquel on deuoit donner cōmence- ment à ce fortuné sacrifice, le P. Spinola entonna d'vne voix gaie & ferme, le Pseume *Laudate dominum omnes gentes*, que tout ce sacré chœur de Religieux destinés au feu, pour suiuit avec vne indicible joie. Les assistans, quelques-vns par com- passion, quelques autres par enuie, accompagnerent le chant de leurs larmes & soupirs. Icelui fini le P. Charles se tour- nant vers les Iuges, leur dit.

124

Harangue  
du P. Spino-  
la aux Ju-  
gers.

SEIGNEURS Iaponnois, vous poués chasser loin de vos esprits toute sorte de crainte & apprehension, qui vous irri- te tant cōtre les Chrestiens. De l'horrible mort que nous al- lons souffrir avec la joie & allegresse que vous lisez en nos faces, vous deués iuger, si nous sommes venus de loingtains païs, pour vous priuer des Seigneuries & Roiaumes de la ter- re, ou pour vous montrer le chemin du Ciel. L'humilité Chre- stienne n'ambitionne point les honneurs ny les richesses du monde. Au contraire elle les foule aux pieds. Ce sont vos ames que nous cherchons: C'est vostre salut que nous pro- curōs au peril de nos vies. Bien-heureux ceux qui embrassent la foy du vrai Dieu. Mille fois mal-heureux ceux qui la mé- prisans se jettent dans vn chemin plein de tenebres, & con- duisant à la mort eternelle. Nous ne pouons perdre que nos vies, & apres vn tourment de peu de durée, attendons vne gloire qui iamais ne finira.

N'ESTIMEZ pas que les Predicateurs de la foy Chrestienne

aient à manquer au Iapon. Nostre mort les attirera plustost, IESVS-  
 qu'elle ne les étonnera. Pour vn de nous qui cherra en terre, CHRIST  
 cent autres s'éleuerōt plus fors & plus courageux que nous. 1622.  
 Vous voies comme Dieu fauorise ses champions, & quelle  
 constance il leur donne dās la plus grande detresse de leurs  
 combats. Puis se tournant vers les Portugais, qui témoi-  
 gnoiet par leurs larmes combien cete action leur déplaisoit,  
 il les consola & exorta à la perfection Chrestienne, avec vn si  
 feruent discours, qu'un d'entre eux, personnage fort quali-  
 fié, conuaincu des raisons, mais beaucoup plus de l'exemple  
 del'Orateur, se determina sur l'heure de quitter le monde,  
 & se rendre Religieux en la Compagnie.

TANDIS que le P. Charles parloit les executeurs de la Ju-  
 stice ne perdoient pas temps, ains donnoient ordre à ce qui 125  
 estoit de leur mestier. Et desia trente personnes auoient mis Conuersiō  
 les genoux en terre, & presentoint courageusement leur admirable.  
 col aux bourreaux. Izabelle Fernandez vefue de Dominique  
 George Portugais brulé l'an passé, prenant entre ses bras vn  
 sien petit fils, & le haussant le plus qu'elle peut, pria instam-  
 ment le P. Charles qui l'auoit baptizé, de le recommander à  
 Dieu: Et dit à son fils qu'il demandât la benediction à son  
 Pere de Baptême.

LES pitoiables gestes de cete petite creature, & la genero-  
 sité de sa mere, émeurent indiciblement tout le peuple qui  
 estoit autour. Si bien qu'il s'éleua de tous costés je ne sçay 126  
 quelle rumeur des personnes, qui accompagnoient avec ge- Ignaco en-  
 missemens & soupirs la mort de cet innocent. La seule me- fant mar-  
 re montroit en estre bien-aise, & d'une face riante l'offroit ty.  
 à Dieu en sacrifice.

IGNACE (car tel estoit le nom de cet enfant) auoit à  
 peine quatre ans, estant né peu auant que son pere fût mis  
 en prison pour la querelle de nostre Sauueur. La beauté de  
 son visage, sa gentillesse, & le haut prix de son petit habit, atti-  
 roit à soi les yeux des spectateurs. Le P. Charles lui auoit dé-  
 ja dōné sa benedictiō, lors les bourreaux furent commandés  
 de faire leur office. Entre les premiers decolés, fut marie vef-  
 ue d'André Tocuan martyr. Cōme ces impitoiables satellit-  
 es manioient brusquement leurs épées, arriua que trois



**I**ESVS- ou quatre de ces testes, sautellant deçà & delà, s'assemblerent aux pieds du petit enfant Ignace, qui pourtant ne bougea de sa place: & voiant cheoir à terre la mere decapitée, ne pleura point, ne changea point de couleur, mais tendit constamment le col à l'épée du bourreau, chacun voiant à l'œil qu'une telle constance en un enfant ne pouvoit venir que du Ciel. Trente furent decapités, entre lesquels il y avoit deux Freres Lais, Iaponois del'ordre de S. Dominique, & un Nouice. Les testes furent levées de terre, par les bourreaux, & mises en lieu eminent à la veüe de ceux qui deuoient estre brulés tous vifs.

**Q**U'LOVE Chrestien, homme de marque, demanda aux bourreaux, pourquoy ils auoient decapité tant de personnes auant que bruler les autres; & pourquoy ils etaloient deuant leurs yeux les testes coupées, & encore sanglantes? Ils répondirent que c'estoit pour les intimider dauantage, & pour leur faire apprehender plus viuement le feu, lequel ils mirent incontinēt au bois qui les entouroit de toutes parts, mais à vingt cinq pieds des corps. Ce que ces Ministres de Satan auoient fait de guet à pan, afin que ce cruel martyre durât plus long-temps. A ces mesmes fins s'apperceuans que le feu s'auançoit plus qu'ils ne vouloient, en certains endroits, ils en éteignoient vne partie.

127  
Barbarie &  
malice des  
Payens.

**L**A principale intention de ces barbares en ce retardement & prolongation de tourment, estoit pour donner commodité aux martyrs de se retirer de là. A cete mesme occasion ils les auoient fort lâchement attachés à leurs poteaux, ainſi que nous auons dit des autres ci-dessus; & laissé vne porte des barrieres ouuerte, afin qu'ils peussēt échapper, s'ils eussent voulu perdre la couronne du martyre.

Nomb. 101.

**V**N peu apres que le feu fut allumé, ces champions de nostre Sauueur tous comblés de ioie, haussant les yeux vers le Ciel, endurans ces tourmens sans se remuer, non plus que s'ils eussent esté de marbre. Ce pitoyable embrasement dura l'espace de deux grosses heures, & plus, pendant lequel temps qui plutost, qui plus tard, selon que les flammes approcherent d'eux, ces glorieux martyrs finirent par vne tres-honorable mort. Le premier qui emporta la palme tāt

desirée

desirée, fut le Pere Charles Spinola, lequel tant pour les mes-  
aïses de tant d'années de prison, & pour sa longue maladie, cō-  
me parce que le feu s'attacha promptement à ses habits, ne peut  
long-temps debatre avec les flammes. Ses liens donc estans  
consommez, il cheut à terre, comme s'il eût voulu par reco-  
gnoissance bailer le feu, qui luy ouvroit si commodement la  
porte de Paradis.

IESVS-  
CHRIST  
1622.

128

P. Spinola  
meurt.

LES cinq Nouices de nostre Compagnie montrèrent iusques  
à la fin de leur vie tant de joie & de contentement, qu'ils furēt  
admirez sur tous les autres par les assistans. Louis non seule-  
ment se montroit gay, mais encourageoit aussi ses voisins, qui  
sembloient se montrer vn peu lâches en ce combat. C'estoient  
trois Iaponnois, deux desquels rendirent trop aueré vn aduer-  
tissement que le P. Spinola auoit publiquement donné les lar-  
mes aux yeux: sçauoir est que comme des quarante soldats de  
Sebaste, ville de l'Armenie, tous ne seroient pas couronnez par  
les Anges. Car de fait deux jeunes hommes, qui peu aupara-  
uant s'estoient rangez en vn Ordre Religieux, ne pouuans sup-  
porter les tourmens, se délierent deux ou trois fois de leurs po-  
teaux, & s'encoururent au tribunal des Iuges; lesquels les fi-  
rent repousser dans les flammes, où ils furent incontinent con-  
sommez, quoy qu'ils inuokaissent le nom d'Amida.

129

Deux cœur  
faillis.

Il y eut aussi vn Seculier, duquel les historiens de ce païs là  
ont parlé diuersement. Car sa femme estant morte dans le feu,  
avec vne incroyable constance, il tâcha vne fois de se garentir  
du feu. Mais se repentant incontinent de sa faute il l'expia par  
le feu, se replongeant dans les flammes. La foiblesse de ce petit  
nombre fut glorieusement couuerte par la force inuincible de  
tous les autres. Le P. Sebastien Quimura vécut trois heures en-  
tieres dans le feu, comme témoignerent quelques spectateurs  
curieux, qui auoient mesuré le temps avec leurs horologes de  
sable. Ce furent des infideles mesmes qui en prindrent la pei-  
ne, & en resterent si étonnez, que plusieurs iours apres ils en  
parloient avec grande admiration.

Le concours extraordinaire du peuple qui accourut à cette  
execution, anima & consola grandement les martyrs. Car quel-  
ques iours auparavant les Payens auoient fait publier le iour  
& le lieu où deuoient mourir tant de Religieux Europeens & Ia-



LES  
CHRIST  
1622.

ponnois, tant de venerables Prestres, anciens ouuriers de cette Chrestienté, comme ceux qui l'auoient cultiuée les vns vingt, les autres vingt-cinq, les autres trête années ou plus: On pourra conceuoir quel fut le nombre des Chrestiens spectateurs & autres, par ce qu'en écriuit cette mesme année le P. Iean Baptiste de Baëza Recteur du College de Nangazaqui, demeurant au Iapon, depuis l'an cinq cens quatre-vingt dix. Cette ville, dit-il, est auiourd'hui beaucoup moins peuplée, qu'elle ne souloit estre auant la persecution. Si se trouue-il dans Nangazaqui ou es enuirs, plus de cinquante mille Chrestiens.

130

Nombre  
des Chrè-  
tiens à Nā-  
gazaqui.

SOVDAIN que ces bien-heureux martyrs eurent rendu leurs ames à Dieu, les Chrestiens se jetterent à la foule dans les barrieres pour honorer leurs corps, & en tirer quelques reliques. Leon Sukajaxemone seruēt Chrestie, s'estāt déguisé en soldat, se méla parmy les autres, qui gardoient les corps, & prit secretement la main d'un des martyrs. De laquelle aiant esté trouué faisi, il fut fait prisonnier, & peu apres couronné du martyre, avec sa femme, dans la ville d'Omura.

131

Main d'un  
martyr.

VNE deuote Dame, parce qu'elle s'estoit trop entretenuë à prier Dieu, près de ces corps saints, fut avec vne extreme ignominie, depouillée publiquement, & detenuë long-temps au carquan. Ce qui ne refroidit pas la pieté des Chrestiens, ains les fit resoudre à se saisir de toutes ces reliques, nonobstant tous les dangers qu'ils pourroient encourir. Mais le Gouverneur les preuint, aiant fait creuser vne grande fosse, dans laquelle il fit jetter tous les corps, les images, les rosaires, & autres pieces de deuotion, que les Ministres de la Iustice leur auoiēt osté, puis les poteaux, & le reste du bois, voire le sang espandu qu'ils firent rasiler pour reduire le tout en cendres, desquelles ils remplirent plusieurs sacs, qui furent portez & iettez en haute mer, de peur que les Chrestiens ne leur rendissent quelque honneur. La seule teste de Marie femme de Tocuano, fut reseruée, & octroyée à la priere des fideles, parce qu'elle estoit parente du Gouverneur. Ce glorieux triomphe arriua le dixieme iour de Septembre, mil six cens vingt-deux,

132

Corps des  
martyrs  
bruslez.

*S'ensuiuent les noms de ceux qui furent  
brûlez tous vifs.*

De l'Ordre de S. Dominique.

*P. Frere François Morales,  
P. Frere Alphonse de Mena.  
P. Frere Ange Ferrié.  
P. Frere Ioseph.  
P. Frere Hiacinthe Orfanelli.  
Frere Alexis, Iaponois.*

133  
Caralogue  
des Mar-  
tyrs.

De l'Ordre de S. François.

*P. Frere Pierre d' Auila.  
P. Frere Richard de sainte Anne.  
Frere Leon.  
Frere Vincent.*

De la Compagnie de IESVS.

*P. Charles Spinola.  
P. Sebastien Quimura.  
Pierre Sampo.  
Gonsalue Fusai.  
Thomas Acafoxi.  
Michel Xumpu.  
Antoine Kiuni.  
Louis Cauara.*

Religieux decapitez.

*Frere Thomas, de l'Ordre de S. Dominique.  
Iean, du tiers Ordre de S. Dominique.  
Iean Ciucoga, de la Compagnie de IESVS.*



An de 716  
IESVS-  
CHRIST  
1622.

---

LIVRE XIX. DE L'HISTOIRE

Autres brûlez tous vifs.

*Antoine, natif de Corie.*

*Luce des Irrites, Iaponnoise.*

*Paul Iaponnois.*

*Antoine Sanga Catechiste.*

Noms des Seculiers decapitez.

*Isabelle Fernandez, femme de Dominique George, Portu-  
gais, mort pour la foy.*

*Ignace leur fils, âgé de quatre ans.*

*Marie vefue d'André Tocuan, mort pour la foy.*

*Apolloine vefue.*

*Agnes vefue de Cosme martyr.*

*Marine vefue.*

*Marie femme d'Antoine de Corie, brûlé tout vif.*

*Iean leur fils, âgé de douze ans.*

*Pierre frere de Iean, âgé de trois ans.*

*Marie vefue de Iean Xun, mort pour la foy.*

*Dominique vefue.*

*Magdelene femme d'Antoine Sanga martyr.*

*Marie femme de Paul, brûlé pour la foy.*

*Catherine.*

*Tecle femme de Paul Nangayxi.*

*Pierre leur fils, âgé de sept ans.*

*Dominique Nacauo, fils de Matthias, mort pour la foy.*

*Piere Motoiuma, âgé de cinq ans, fils de Iean martyr.*

*Barthelemy Cauano.*

*Dominique Yamanda.*

*Damien.*

*Michel son fils, âgé de cinq ans.*

*Thomas.*

*Clement.**Antoine son fils, âgé de trois ans.**Ruse.**Claire femme d'un qui estoit mort pour la foy.*

QUANT AUX Religieux des deuots & veritables ordres de S. Dominique & S. François, leurs Confreres qui les reconnoissent plus particulierement, en écriront plus au long. Pour les seculiers ils trouueront vne place plus ample dans les histoires Iaponnoises, lors qu'il plaira à Dieu donner quelque paix à son Eglise, & qu'on aura moiende s'en informer plus amplement. Quant à nos Peres & Freres, je manquerois à mon deuoir, si je ne couchois ici quelque chose de leurs vertus & merites.

*Sommaire de la vie du P. Charles Spinola, Religieux de la  
Compagnie de IESVS.*

CHAPITRE XVI.



**D**E P. Charles Spinola, Italien de nation, estoit natif de Gennes, de cete grande famille dont il portoit le nom. Il entra en nostre Compagnie, estant à Noué, ville du Roiaume de Naples. avec l'illustrissime Cardinal son oncle, Eueque dudit lieu. Aiant fini ses études de Theologie à l'âge de dix-neuf ans, il obtint du feu Pere Claude Aquauina, lors General de nostre Compagnie, d'estre enuoié au Iapon. Il partit de Lisbonne l'an cinq cens quatre-vingt dix-sept. Vne forte tempeste le jetta au Bresil, d'où reprenant le chemin de Portugal, il fut derechef porté par la tempeste en vne Isle de la nouuelle Espagne, où il s'employa à l'auancement de la foy, iusques au temps commode pour voïager.

VOLANT repasser à Lisbonne avec le P. Hierome des  
Xxxx iij



Anges, Sicilien grand seruiteur de Dieu, il fut pris par les corsaires Anglois, & mené chez eux, où il endura tous les mesaises qu'ont coutume de souffrir les Religieux de nostre Compagnie dans les prisons des heretiques. Iusques à tant que la feu Roïne Elizabeth aiant sçeu qu'il estoit de la maison de Spinola, commanda qu'on le traitât plus doucement, & qu'au plustost on le repassât en Portugal, le laissant aller libre où bon lui sembleroit.

IL retourna donc à Lisbonne, où il fit solennellement la profession des quatre vœux, comme portent les Constitutions de nostre Compagnie: & apres auoir rompu vne puissante baterie que ses parens lui auoient dressée, pour l'empêcher de s'exposer derechef aux dangers de la mer, qui s'estoit montrée si peu fauorable à ses desseins, il reprit la navigation des Indes, & arriua à Macao, & de là prit port au Iapon l'an mille six cens deux. Il prêcha premierement au pais d'Arie: puis sept ans entiers à Meaco; où comme tres-affable & tres-doux en sa conuersation, il fut aimé vniuersellement de tout le monde: cheri des Religieux également & des Estrangers, & tenu en si grande reputation qu'on luy commit la charge du Procureur de toute la Prouince, qu'il exerça avec vne charité & prudence singuliere.

OR autant qu'il estoit doux & agreable aux autres en sa maniere de traiter & conuerser, autant estoit-il rigoureux & seuer enuers soi-mesme. Il se disciplinoit presque toutes les nuits, en Careme principalement, & souuent iusques au sang. Ses ieusnes estoient presque cōtinuels; & le peu de nourriture qu'il prenoit estoit fort vil, & point delicat. Il s'abstint durant plusieurs années de goustier d'aucun fruit que porte la terre du Iapon. En quoi neantmoins gisent les plus grandes delices que les Europeans y sauourent. Ne pretendant m'étendre sur le sujet de ses vertus, ie me contenteray de dire qu'elles furent toutes singulieres.

IL fut mis en prison à Omura avec Ambroise Fernandez Portugais de nation, lequel y mourut l'an mille six cens dix-neuf, comme nous auons touché en son lieu. Ensemble vne parcelle des incommodités qu'il y endura, avec vne si rare patiēce, qu'un autre de nos Freres, qui se retrouuoit és mé-

mes dangers avec lui, assura dans vne lettre qu'il écriuit lors IESVS.  
n'auoir iamais veu personne douée de cete vertu, en degré CHRIST  
tant eminent. Ce qui ne dura pas vn ou deux mois seule. 1622.  
ment, ains quatre ans entiers.

MAIS parce qu'il y a quelque contentement particulier,  
d'entendre les souffrances des martyrs, par la sincerité de  
leurs paroles, ie coucherais icy quelque partie des lettres qu'il  
écriuoit à diuers, pendant sa longue detention. Que c'est  
chose douce d'endurer pour l'amour de Iesus-Christ, mon  
cher Pere. Ie l'ay mieux appris par experience, que je ne le  
sçauois écrire particulièrement dans ces cachots, où il nous  
faut perpetuellement ieusner. Les forces du corps me man-  
quent desia. De quoi ie ne fais pas beaucoup d'estat, sinon  
que les mesaises que nous endurons ici m'ostent vne partie  
du temps, que ie voudrois bien emploier à la priere, & à la  
consideration des joies que le patir mene avec soi. Toutes-  
fois parce qu'il me semble desia presentir que *velox est dé-  
positio tabernaculi mei*, & que ie ne la pourray pas faire longue,  
mon aise croist de toutes parts. O quel contentement si  
pour la prochaine feste de Pasques ie peux chanter en vne  
bien autre demeure, que celle où ie suis, le doux *Alleluya* des  
bien heureux!

136  
Lettres du  
P. Spinola.

A IANT appris la nouuelle certaine de sa mort, il écriuit  
au Pere Recteur de Nangazaqui ce qui s'ensuit. I'ay  
receu beaucoup de contentement des nouuelles que vo-  
stre reuerence m'a mandé : mais il est pardeça vne bien  
plus grande feste pour nous. Vn personnage de grande  
autorité m'a assuré, l'ayant ouï, dit-il, de la propre bou-  
che de Gonsoko, que tous ceux qui sont ici detenus prison-  
niers, seront brulés tous vifs dans le mois d'Octobre pro-  
chain. Dieu par son infinie bonté fasse que ce bon homme  
soit prophete en cet endroit. Mais si vostre reuerence l'a  
sçeu, comment se peut-il faire, qu'elle le nous aie celé. O  
mon tres-cher Pere, ce sera bien lors que ie me tiendray  
pour heureux, quand ie me verray pour son amour lié à  
vn poteau, & environné de flammes ! Ie me recognois  
à la verité du tout indigne de ce bien, mais d'au-  
tre part ie sçay que la bonté & misericorde de Dieu

137  
Aure.



**I E S V S- C H R I S T** 1622. est infinie. Que si cette nouuelle est vraie, je vous embrasse étroitement d'ici avec toute l'affection que ie peux, pour nous reuoir vn iour au Ciel.

138

Extrait de  
la dernière.

LORS qu'il eut receu la nouuelle asseurée de sa mort, il écriuit au mesme Pere ce qui s'ensuit. I'ay receu celle de vostre reuerence, & dans icelle la nouuelle asseurée de mō supplice, pour lequel ie rends graces infinies à Dieu. Les ardeurs d'vne fièvre contiquē m'ont bien abatu depuis le vingtiesme Iuin, iusques au quinziēme de Iuillet. I'en suis à present deliuré, Dieu merci; mais je me trouue si foible que rien plus, & recognois que la diuine bonté m'a conserué la vie, afin que je la lui offrissē en holocauste: Ce qui me met en vn estat où je ne trouue point de paroles suffisantes pour expliquer mon sentiment. Je louieray l'infinie bonté de Dieu, pour ce qu'il a daigné faire part de sa misericorde à vn miserable prisonnier, voire à vn tres-indigne esclauē. Mais apres Dieu, j'estime auoir receu vne si inestimable faueur, par les oraisons de nostre sainte Compagnie. Partant il ne me reste autre chose que de prendre congé de vostre reuerence, & des Peres qui sont autour de vous, les supplians tous à jointes mains, que sans auoir égard à mes imperfections, ils rendent graces à la bonté diuine, qui me fait vn si grand don, & m'impetrent la grace de mourir avec la constance conuenable à vn vrai Religieux de nostre Compagnie. Le P. Sebastien & nos autres Freres ont receu avec vne extreme joie, la nouuelle de leur mort. D'Omura ce vingt sixiesme iour d'Aoust mille six cens vingt-deux.

ESTANT encore plus proche de son dernier iour il écriuit au P. Prouincial celle qui s'ensuit, qui est la dernière des siennes. Hier à l'improuiste les executeurs de la Iustice entreurent comme en furie dans nos prisons: & nous bien ioieux de leur tant desirée arriuée, entrâmes incontinent en esperance que nostre dernière heure estoit écheuē. Mais (comme nous sçeumes par apres) ce n'estoit que pour compter les prisonniers. Nous auons appris l'heureux decès de ceux qui estoient venus de Manille: Qui nous fait esperer que le même sort nous écherra. A quoi nous sommes bien préparés par la misericorde de Dieu.

SA diuine bonté m'a disposé cette derniere année à la mort, me redoublant les mes-ailes que i'auois endurées par le passé. Iamais toutesfois ie n'ay perdu l'occasion de celebrer la sainte Messe chaque iour. Ce qui a esté l'v-nique consolation de mes miseres. Au reste ie me jette aux pieds de vostre Reuerence, luy demandant pardon de mes fautes, notamment de celles que i'ay commises ces quatre années de prison, fructifiant si negligemment en vn temps si precieux pour meriter, & la supplie de me departir sa paternelle benediction. Je vous conjure, mon Pere, avec tous nos Peres & Freres, que i'embrasse tendrement en ce dernier adieu, de demander pour moy à sa souueraine Majesté la perseuerance finale. Je me trouue si foible, qu'à grand' peine me puis-je tenir sur pieds. Si i'arriue, comme i'espere à la sainte Hierusalem, ie n'oublieray iamais vostre Reuerence, ny la Prouince, à laquelle ie me recognois tres-obligé. Des prisons d'Omura, ce vingt & huietième iour d'Aoust, mil six cens vingt & deux. Et plus bas.

139  
Messe iour-  
naliera.

CHARLES condamné à la mort, pour le nom de Iesus. Christ.

Auparauant il auoit coutume de signer, Charles emprisonné pour Iesus-Christ. Il mourut cette mesme année, ainsi que nous auons marqué cy-dessus, le cinquante & huietième de son âge, aiant vécu trente & huiet ans en religion.



*Du P. Sebastien Quimura, & autres sept martyrs  
de la Compagnie de IESVS.*

CHAPITRE XVII.

140  
P. Sebastien  
Quimura.



LE Pere Sebastien Quimura Japonnois nâquit à Firando d'un pere Chrestien, & fut neveu du premier qui reçeut en cette ville le saint Baptême, par les mains de S. François Xavier, Apostre des Indes. Dès l'âge de douze ans il se donna à vne Eglise pour la servir. A dix-neuf ans il fut receu en nostre Compagnie, & apres son Nouciat, enuoié à Meaco, où il servit long-temps de Catechiste. Sur le trentième de son âge il fut à Macao, y étudia quelque temps, puis fut consacré Prestre tout le premier des Japonnois.

141  
Oraison, &  
son temps.

DIEU auoit doüé son ame d'une merueilleuse candeur, innocence & simplicité. Il estimoit fort peu les choses du monde. Aimoit singulierement la pauvreté, iusques à se faire admirer en cet endroit, aussi bien des domestiques, comme des estrangers. Iamais pour empeché qu'il fut, il n'obmit le temps de ses oraisons & meditations accoutumées. A cet effect, il portoit tousiours sur soy vn horologe de sable, pour mesurer iustement le temps qu'il y deuoit employer. Ses predications estoient ardentes, pleines de zele, & bendées à la ruine du vice. Pour le salut des ames il n'apprehendoit iamais aucun quoy qu'apparent danger, fût de sa vie, fût de sa santé.

Nomb. 133.

IL fut fait prisonnier le iour de la feste S. Paul, Docteur des Gentils: il endura deux ans entiers toute sorte de mes-aïses dans les prisons d'Omura, d'où il fut mené à Nangazaqui, comme nous auons touché cy-dessus. L'ardeur des flammes penetrant peu à peu iusques à ses entrailles, il se tint tousiours immobile sur ses pieds, iusques à tant qu'arriuant au point de la mort, il la receut pliant les deux genoux en terre, & baïs-

sant doucement la teste, comme pour faire plus d'honneur à <sup>LES VS-</sup> son martyre. Les idolatres mesmes s'étonnerent de cette <sup>CHRIST</sup> derniere action, & recogneurent la grandeur de son inuincible courage, confessant qu'une diuine force auoit soutenu son corps si fixe & immobile durant ce penible tourment. 1622.

IL mourut l'an cinquante-septième de sa vie, & le trente-huitième de religion, en laquelle il orna le degré de Coadjuteur formé spirituel, de la pourpre du martyre; ne se montrant en rien inferieur à la vertu de trois autres siens parens, bien qualifiez en l'Eglise du Iapon; sçauoir est de Leonard Religieux de nostre Compagnie, qui fut pareillement martyrisé pour la foy Catholique: d'Antoine Quimura son neveu, decapité pour le mesme sujet: & de Marie femme de Thomas, qui le fut aussi le mesme iour. 142 Coadjuteur formé spirituel

ANTOINE Kiuni nâquit au Royaume de Micata, & auant qu'entrer en nostre Compagnie, seruit nos Peres és Colleges de Macao & Nangazaqui, avec beaucoup de modestie & humilité. Pierre Sampo estoit natif de la plus éloignée Prouince du Iapon, vers l'Orient, laquelle on appelle Oxù. Il estoit doüé de plusieurs belles qualitez naturelles, & grandement chery des Seigneurs du Iapon. Aiant receu le saint Baptisme en la ville de Fingoxima, il entreprit de faire prêcher le saint Euangile au Roiaume de Foxi. Pour cét effet il impetra du Pere Prouincial vn Prestre de nostre Compagnie, qui s'y employa constamment. 143 Antoine Kiuni martyr.

DEPVIS Pierre s'estant transporté à Nangazaqui, il fut tellement embrasé de l'amour de Dieu, que s'estant fait raire la teste, il se couurit d'un fort simple habit, & donna bien à cognoistre au monde, qu'il auoit quité les affections de la terre, si bien que s'estant fait bâtir vne petite cahuette près de nostre Nouiciat, il s'employa plusieurs années à l'office de Catechiste, avec vne souueraine probité. 144 Pierre Sampo martyr.

Gonsalue Fufai, natif du Roiaume de Bigen, eut quelque office en la cour, il fut cōuertí à la foy par nos Peres, & admis au nombre de nos Dogiques, où il acquit la reputation d'un homme patient & debonnaire, quoy que de son naturel il fût fort viif & ardent. 145 Gonsalue Fufai.



IESVS-  
CHRIST  
1622.

MICHEL Xumpo nâquit au Roiaume de Boari, de parens Chrestiens, lesquels l'offrirent à Dieu, pour le seruice de nostre Eglise auant qu'il nâquit. Il commença defait à la seruir dès l'âge de neuf ans, & parmy nos déroutes & bānissēmēs, suiuit nos Peres à Macao. Ces quatre seruiteurs de Dieu, s'estans par rencontre trouuez d'vne mesme affection à seruir Dieu, firent bâtir vne espeece d'hermitage sur le sommet d'vne montagne proche de Nangazaqui, où ils menerent long-temps vne sainte vie. De l'exercice des vertus particulieres ils passerent à la conqueste des ames, visitans les malades, subuenans à leurs necessitez, reduisans les deuoiez, confirmans les fermes: nonobstant les Edits de l'Empereur, par les officiers duquel ils furent pris, & conduits aux cachots d'Omura.

146

Michel  
Xumpo.

147

Letres des  
quatre sus-  
dits.

L'ARDEVR de leur foy, & le desir qu'ils auoient de mourir pour Dieu, paroist par diuerses lettres qu'ils escriuirent à nos Peres. En voicy l'échantillon d'vne qui seruira pour toutes. Pource que la conscience de nos pechez passez, disoient-ils, nous remord beaucoup, nous auons commencé à craindre, que nous ne soions pas trouuez dignes de mourir pour la foy. Nous prions seulement Dieu qu'il permette que nostre vie se termine dans ces chaines: & penserions, estre bien-heureux, si nous y pouuions viure mille ans pour le seruice de Dieu. Le Pere Charles, avec lequel nous tenons prison, se montre tres-charitable Pere, & tres-zelé à nostre bien.

148

Vœux de  
deuotion.

DEPVIS ils demanderent d'estre receus en nostre Compagnie. Ce que leur aiant esté octroié, ils commencerent dans la prison mesme leur Nouiciat, le P. Charles leur enseignant par son exemple la perfection de toutes les vertus religieuses. Ils firent & renouellerent souuent leurs vœux de deuotion, selon la pratique de nostre Compagnie, auant mesme qu'auoir finy leur probation. Si estoient-ils sur la fin de leurs deux ans lors qu'ils furent martyrisiez, comme nous auons touché cy-dessus. Antoine passoit cinquante ans: Pierre & Gonsalue quarante: Michel n'en auoit que trente-trois.

149

Thomas  
Acafoxi  
martyr.

THOMAS Acafoxi, Iean Ciungoxu, & Louis Cauara, entrerent en nostre Compagnie fort peu de tēps auant leur mort. Thomas estoit Gentil-hōme du Royaume de Fingo, fort adroit aux armes. Si ne dédaigna il pas de seruir en nostre Eglise

comme Dogique. Lors que nos Peres furent chassés du la-  
 pon, il accompagna ceux qui se retirerent à Manille. D'où <sup>IESVS-</sup>  
 estant retourné en son païs, quoi qu'agé de cinquante ans, <sup>CHRIST</sup>  
 ou plus, il se mit à servir le P. Sebastien Quimura, & fut pris  
 avec lui, mais d'une façon digne d'éternelle memoire. Car  
 les Archers qui firent prisonnier le P. Sebastien, pensans  
 auoir rencontré son Dogique, emmenoient vn jeune gar-  
 çon seruiteur du logis où le P. Sebastien fut trouué. Thomas  
 étonné de la prise de son bon maistre, ne prenoit pas garde  
 à ce qui passoit. Mais en estant aduerti il courut apres les  
 Archers, criant, Arrestés-vous. Et les aiant attrapés leur  
 dit: Les chaines, desquelles vous aués chargé ce valet, sont  
 deuës au Dogique du P. Sebastien que vous emmenés, non  
 pas au seruiteur de la maison. Liés moi donc, & laissés aller  
 cet enfant. Aussi-tost dit, aussi-tost fait. Ainsi Thomas fut  
 mené en prison, où il demeura près de deux ans, tousiours  
 constant.

150  
Desir du  
martyre.

JEAN Ciungoxu nâquit en la ville d'Amanguci, où aiant  
 esté baptizé voulut tousiours suiure & servir nos Peres, &  
 finalement fut donné au P. Spinola, avec lequel estant con-  
 duit deuant le Gouverneur avec Ambrois Fernandez, & in-  
 terrogé s'il auoit rendu seruice au Pere, sçachant bien qu'il  
 estoit Religieux, ou s'il le tenoit pour autre: Vn des assistans  
 voulant gratifier Iean, selon l'esprit du monde, prit la pa-  
 role pour lui, disant qu'il auoit esté trompé par l'apparence  
 exterieure. Mais Iean l'interrompt d'un grand courage, &  
 répondit aux Iuges qu'il ne s'estoit pas trompé, & qu'il sça-  
 uoit tres-bien que le Pere estoit Religieux, & preschoit la  
 loy du vrai Dieu. Pour laquelle protestation il fut soudain  
 enuoïé en prison, & y trempa quatre ans entiers, donnant en  
 route sorte d'occurrences, de tres illustres exemples de tou-  
 tes vertus, mais notamment de charité & d'oraison.

151  
Iean Ciun-  
goxu & sa  
franchise.

LOUIS Cauara natif de la ville d'Arie, chef de la Prouince  
 de Tacacu, fut long-temps Page en la Cour de Iean Ariman-  
 dono: mais banni par Iean Michel, lequel succedant aux  
 biens de son pere, n'herita pas de sa vertu: il passa deux ans à  
 Nangazaqui. Depuis il retourna en la ville d'Arie, où luy  
 mourut le plus petit de ses enfans. Peu apres aiant perdu sa

152  
Louis Ca-  
uara mar-  
tyr.



An de 726

LIVRE XIX. DE L'HISTOIRE

**I**ESVS- femme il se trouua tout à fait denué de tout secours humain.  
**CHRIST** De ces trauerses il prit occasion de mener vne plus sainte  
1622. vie: & retournant à Nangazaqui se bastit vne petite cabane en vn lieu solitaire, pour s'adonner du tout à la contemplation des choses celestes. Tandis qu'il fut là plusieurs executeurs de la Iustice Payenne le visiterent, esperans y trouuer quelque Pere de nostre Compagnie caché, mais le laissant neantmoins en paix. En fin lisans (comme ils disoient) en son visage, quelque chose qui sentoit l'European, ils le firent prisonnier, & menerent au Gouverneur, lequel luy deffendit de n'enseigner plus la foy Chrestienne. Louis respondant qu'il ne pouuoit obeïr en ce point, le Gouverneur l'enuoia aux prisons d'Omura, dans lesquelles estant grandement edifié du bon exemple de nos autres Religieux, il demanda d'estre admis en nostre Compagnie, y fut receu, & mourut, comme nous auons dit ci dessus. Thomas auoit plus de cinquante ans. Iean & Louis chacun quarante. Iean fut decolé: les autres deux brulés.

*D' Antoine Sanga Dogique, deux enfans, & quatorze autres  
Chrestiens martyrizés à Nangazaqui, ou ses  
dependances.*

CHAPITRE XVIII.



153

Antoine  
Sanga  
martyr.

**A**NTOINE Sanga nâquit en vne bourgade du Roiaume de Canaco, de laquelle il portoit le nom: Il fut nepueu de Paul Sanga personnage fort illustre, & pour sa pieté & pour la noblesse de sa maison. Sur l'âge de neuf ans il se donna à vne de nos Eglises pour la seruir. Depuis il entra en Religion; mais ses infirmités coporelles furent cause qu'il retourna chez son pere, où sous l'habit seculier, il mena depuis vne vie fort Religieuse, s'employant de toutes ses forces à l'aide des Chrestiens, & à la conuersion des Gentils; mesme durant la persecution.

TANDIS qu'Antoine s'occupoit en ces saints exercices, IESVS-  
quelques-vns du nombre de ceux qui prennent les actions des CHRIST  
bons en mauuaise part, firent courir le bruit, que sous om- 1622.  
bre de deuotion Antoine brassoit de grands desseins contre  
les Peres de nostre Compagnie. De laquelle calomnie desir-  
rant se purger il fut trouuer les Magistrats, & leur declara,  
comme pour la gloire de Dieu, & étendre dauantage la foy  
de Iesus-Christ il auoit pris peine d'aider les Iaponnois, no-  
n obstant les Edits du Xogun; & que prisant plus le comman-  
dement de Dieu que ceux des hommes, il desiroit continuer  
à dresser les ames au chemin du Ciel.

154  
Calomnie  
louée.

LA constance de ce delateur volontaire remplit les Iu-  
ges d'un grand étonnement, voians comme il s'exposoit vo-  
lontiers à la mort. Aians neantmoins égard à sa maison,  
ils fermerent les yeux pour ce coup, l'aduissans de se depor-  
ter deormais de sa resolution. Antoine répondit n'estre pas  
conuenable, que les Chrestiens se trouuans en si grande di-  
fette de precepteurs de leur loy il manquât à son deuoir. Par-  
tant qu'il ne le deuoit ny vouloit faire. Sçachés, leur dit-il,  
que les tourmens & la mort, à laquelle vous me pouués  
condamner pour ce sujet, me sera vne indicible fa-  
ueur.

LES Iuges atrocement irrités de cete réponse firent enfer-  
mer le bon Antoine dans vne étroite prison; où se trouuant,  
& se doutant bien qu'il n'en sortiroit iamais que pour aller à  
la mort, il se sentit épris d'un grandissime desir de mourir  
Religieux de nostre Compagnie. Lequel aiant entretenu par  
toute sorte de deuotion, soudain qu'il fut asseuré de sa con-  
demnation à la mort, il écriuit la lettre suiuite au P. Pro-  
uincial.

155  
Demander  
entrer en la  
Compagnie.

I'ECRIS avec toute sorte d'humilité à vostre Reuerence,  
esclaue que ie me recognois de la Compagnie de IESVS, que  
recherchant à part moi, d'où me seroit procedé le bon-heur  
de pouuoir mourir pour la foy de mon Sauueur Iesus-Christ,  
apres l'infinie misericorde de Dieu, ie recognois que ie le  
dois tout entier à vostre deuote Cōpagnie, du lait de laquel-  
le i'ay esté nourri dès ma tēdre enfance. Car quoi que m'é-  
tant approché de plus près de ses māmelles, pour en succer

156  
Lettre d'un  
Postulant.



IESVS- plus de douceur, l'effort de mes continuelles maladies, m'en  
CHRIST ait arraché avec le déplaisir que sçauent ceux qui me co-  
1612. gnoissent: I'en ay pourtant iamais cessé, autant que mes for-  
ces m'ont permis, rantoist par la lecture des saincts liures;  
rantoist par les Catechismes & Predicatiōs, d'aider les Chre-  
stiens & les Gentils: Si bien que depuis que ie suis en prison  
dans la ville de Nangazaqui, j'ay donné le saint Baptesme  
à trente & deux personnes, rapportant le tout à la gloire de  
Dieu, & honneur de la Compagnie, de laquelle i'ay appris  
ce que i'ay deu enseigner aux autres.

157  
Regret  
bien com-  
paré.

MES parens & ancestres ont aimé passionnément vostre  
Compagnie: & suiuant leurs traces ie me suis rendu,  
quoi qu'indigne, mais au moins fort affectionné Predica-  
teur des merites de S. Ignace. I'en age en cete prison dans vn  
Ocean de ioie & contentement, lors qu'il m'en souuient. Il  
n'y a que la memoire du iour, auquel ie fus contraint de me  
departir du sein de la Compagnie qui me poind le cœur, &  
me semble que la douleur qui me picque est tres-semblable  
à celle qu'endura le premier Adam, lors qu'il fut banni du  
Paradis terrestre. I'auois resolu, mon tres-honoré pere, de  
vous supplier qu'il vous pleût me remettre au giron de la Re-  
ligion, sur cette derniere periode de ma vie. Mais i'ay ap-  
pris que cela ne me peut estre accordé, ma femme estant en-  
core viuante. Puis donc que cela ne se peut, ie vous supplie  
qu'il me soit permis de mourir comme esclaue de vostre  
Compagnie. Ie mourray content, pourueu que cete faueur  
me soit octroyee. Et parce que ie n'ay plus de temps pour  
écrire, ie finis ici, me confiant beaucoup que S. Ignace, & S.  
François Xavier, lesquels i'ay tousiours serui d'vne deuotiō  
particuliere, me conduiront en ce voiage de la mort. Voila  
vne partie de la derniere lettre qu'écriuit Antoine de Sanga,  
auant son martyre qu'il souffrit le dixième de Septembre  
l'an susdit.

LE lendemain par le commandement du mesme Gouver-  
neur de Nangazaqui, furēt decolés Gaspar Cotenda Dogique  
qui accompagnoit le P. Camille Constance, & deux enfans  
nommés François & Pierre. Nous parlerons de Gaspar plus  
particulièrement cy-apres. Maintenant continuant le fil de  
nostre

nostre histoire, couchons le decés des deux enfans.

FRANÇOIS fut fils de Cosme, martyrisé par feu trois ans auparavant. Depuis la mort de son pere, il fut conduit en la ville de Firando, où vn Gentil-homme Chrestien l'adopta pour son fils. Mais parce que le dernier Edit du Xogun, comprenoit les enfans de ceux qui auoient esté condamnez pour la foy les années precedentes, cét enfant fut aussi pris, & mené au supplice, où il presenta courageusement son col au bourreau, n'ayant pas encores accomply le douzieme an de son âge.

**CHRIST**  
1622.

158

François  
martyr de  
douze ans.

PIERRE qui estoit fils de Barthelemy Cauano, auoit accompagné son pere à la mort, le iour precedent, & deuoit perdre la vie comme luy. Mais on ne sceut, comment en la cōfusion d'vn acte si sanglant les bourreaux l'oublierent. L'enfant voyant qu'on ne luy disoit mot, s'en retourna chez soy. Ce que les Magistrats aians sceu, l'enuoierent querir. Interrogé qui l'auoit deliuré de la mort, que son pere auoit souffert; cete simple ame répondit: Je ne sçache qu'autre chose m'aie deliuré, que mes pieds. Car ie me retiray plus viste que le pas. Ces barbares luy firent grāde instance là dessus; Si ne peurent-ils tirer autres paroles de sa bouche. Qui fut cause qu'ils le condamnerent à la mort.

159

Pierre en-  
fant mar-  
tyr.

160

Simplicité  
enfantine.

IL faisoit beau voir cete enfant aller à la mort avec vn visage d'Ange, sans pallir, sans fremir. Durant ce peu de chemin il raconta aux archers qui le conduisoient, que lors qu'ils l'auoient mené au Iuge, il auoit veu quelques Peres de nostre Compagnie, qu'il nommoit, & décriuoit fort particulierement, estimant les auoir veus assis à l'ombre d'vn arbre, & s'approchant d'eux, s'estoit senti renforcé de la constance, avec laquelle il auoit répondu aux Iuges, & persista iusques au dernier soupir, qu'il rendit sur la septième année de son âge. Les reliques de ces deux enfans furent brûlées avec les autres, & leurs cendres jettées en mer, comme nous auons touché cy-dessus.

EN vn village proche de Nangazaqui, il y auoit vne famille composée de cinq personnes seulement, du pere, de la mere, de deux enfans, & d'vne seruante, menans tous vne vie innocente. Neantmoins pour auoir logé quelques Religieux qui passoient par là, ils furent condamnez à la mort, & trois brûlez

161

Famille de  
cinq mar-  
tyrs.



Ande 730

## LIVRE XIX. DE L'HISTOIRE

**I**ESUS- tous vifs, & les autres deux decapitez. Nous n'auons peu sçavoir leurs noms, ny les autres particularitez de leur martyre, **CHRIST** 1621. qui écheut le vingt-troisième iour de Septembre, de l'an susdit.

**A**VTRES neuf Chrestiens, pour auoir accommodé quelques Religieux d'une barque, furent occis. Le patron de la barque, avec la femme, & deux enfans brûlez à petit feu : trois ou quatre matelots, & vn ieune garçon decapitez, le second iour d'Octobre, seize cens vingt-deux. Leurs noms sont escripts au ciel.

---

*Huit Religieux & six Seculiers martyrisés dans la  
jurisdiction d'Omura.*

### CHAPITRE XIX.



162

Confrerie  
de S. Ignace.

**N**ONOBSTANT les Edits de l'Empereur, & persecutions que ses officiers exerçoient contre les Chrestiens, nos Peres visitans la ville d'Omura, y erigerēt cette année vn confrerie sous la protection de S. Ignace nostre fondateur, laquelle fut incontinent peuplée de quinze cens Chrestiens ou plus, qui gardoient les images du Sainct avec tres-grand respect & reuerence, en certaines chappelles priuées, dans lesquelles ils s'assembloient pour faire leurs prieres, ouïr les lectures spirituelles, & s'entretenir en l'amour de Dieu.

163

Surungois,  
& leur conscience.

Les habitans de Surungo, bourgade du mesme ressort d'Omura, sommez vne & deux fois, par le Gouverneur de cét estat, de quitter la foy Chrestienne, ne peurēt estre aucunement ébranlez, ains s'estans assemblez là dessus, resolurent de perdre plustost la vie que la foy, qu'ils auoient embrassée dès leur enfance. Partant le Gouverneur y aiant enuoïé pour la troisième fois, ils répondirent hardimēt, que quoy qu'auparauāt ils eussent deliberé de sortir du païs, comme ne pouuans plus fournir aux imposts qu'on leuoit sur eux; pour lors neantmoins voians qu'on pretendoit les forcer à quitter Iesus-Christ, ils vouloient de-

meurer fermes, & se presenter à la mort, par le moien de laquelle ils satisferoient à l'Empereur, luy laissant tout ce qu'ils possédoient; & à Dieu donnant leur sang pour la dette de leurs pechez. Le Gouverneur les voyant si constans, trouua plus à propos de les laisser viure en repos, & cultiuer leurs terres.

Novs auons dit cy-dessus, que le Gouverneur de Nangazaki aiant mandé à celuy d'Omura, de luy enuoier les Religieux detenus en ses prisons; il en retint deux Prestres. Ie trouue que depuis il s'y en trouua huiët: cinq de l'Ordre sainct Dominique, sçauoir est Frere Thomas de Sumarega, dit du S. Esprit, & quatre autres lais, admis en religion vn peu auant leur martyre: Trois de l'Ordre S. Augustin, sçauoir est le Pere Apollinaire franc, & deux du tiers Ordre. Tous ces bons Religieux furent conduis au supplice, par le commandement de Gonsoko, & s'y porterent eux-mesmes avec tant de joie & contentement qu'on lisoit en leur visage, que leur cœur n'estoit pas capable de contenir la joie qu'ils receuoient de mourir pour vne si glorieuse querelle. Ils furent tous brûlez à petit feu, en presence d'un peuple innombrable tant d'idolâtres que de Chrestiens, qui accompagnerent cét holocauste de leurs larmes, applaudissemens, & prieres ordinaires. Ie ne couche icy les noms, ny les autres merueilles de ces genereux champions, pour n'en auoir encore receu pleine information. Ils moururent le douzième iour de Septembre, mil six cens vingt-deux.

A v mesme lieu, & comme j'estime le mesme iour Louis Sujazemon, duquel i'ay parlé cy-dessus, fut couronné du martyre, avec sa femme, & vn sien parët; pour ne vouloir renier la foy. Louis fut brûlé tout vif, avec le reste du bois, qui auoit seruy à brûler les susmentionnez. Les autres deux furent decapitez; leurs reliques reduites en cendres, & jettées en mer.

LAVRENS Ayga Gorosuke, grand seruiteur de Dieu, naquît à Curomaci, petit village de l'Estat d'Omura, où il fut baptisé par le P. Cosme de Torrez. Estant Superieur de la Confrerie de S. Ignace, il visitoit les malades & necessiteux, les fournissoit de ce qui estoit necessaire, les animoit, & conseruoit les foibles en la foi. Dequoy aduertis les persecuteurs, deputerēt vers luy deux hommes bien armez, pour luy signifier la sentence de mort, fondée sur ce qu'il estoit Chrestien, & que contre les

IE SVS -  
CHRIST  
1622.

Nomb. 115.

164

P. Domini-  
que mar-  
tyr.

165

P. Apolli-  
naire le  
Blâc mar-  
tyr.

166

Louis Su-  
jazemon  
martyr.

167

Laurens  
Ayga mar-  
tyr.



An de 732

LIVRE XIX. DE L'HISTOIRE

LES VSEDits de l'Empereur il prêchoit Iesus-Christ.

CHRIST

1622.

168

Hamilité  
digne d'un  
martyr.

COMME cette sentence luy fut signifiée, il repartit sans s'étonner aucunement: Je croi, Messieurs, que vous vous méprenez, & pensez parler à quelqu'autre. Car ie ne sçauois m'imaginer comment-il est possible, qu'une si grande felicité me puisse échoir. Les Ministres de la Iustice l'assurerent qu'ils le cognoissoient bien, ne se méprenoyent point, ains à bon esieient l'auiroient de la mort. Dequoi ce bon vieillard fut tellement consolé, que se iettant sur le champ à deux genoux, il en rendit graces à Dieu: Puis se tournant vers les soldats, les pria de luy donner vn peu de temps pour faire oraison, & cependant de se reposer & prendre quelque rafraichissement chez luy. Mais ces barbares luy refusans toute sorte de delay, à peine luy octroyerent-ils le temps de se reuétir du plus bel habit qu'il eût, & de se recommander à Dieu.

MARINE femme de Laurens auertie de ce qui se passoit, & que le mesme bien luy aduiendroit, en mena vne tres-grande joie; & s'habillant promptement de ses plus belles robes, s'appréta pour tenir compagnie à son mary; lequel parut aussi-tost couuert de l'habit de la Confrerie S. Ignace, & tout ioieux, se mit à prier Dieu. Mais les executeurs de la Iustice, ne luy permirent pas de la faire longue, il fut du premier coup decollé. Quant à Marine l'execution de sa sentence fut différée par ordre exprés, qu'en auoit donné le Gouverneur, Dont elle fut fort affligée.

169

Michel  
Quiroca  
martyr.

A mesme iour, & pour mesme cause, fut pareillemēt dacapité Michel Quiroca, citoyen de Nangaya, ville du détroit d'Omura. Il fut baptisé âgé de quinze ans, & creut tellement en vertu & zele de la foy Catholique, qu'il auoit erigé dans sa maison vn autel, deuant lequel les Chrestiens s'assembloient pour leurs exercices de deuotion. Il retiroit secretement en sa maison nos Peres, & leur donnoit toute sorte de commodités, pour dire la sainte Messe, & prêcher aux infideles. Les Gouverneurs l'aduertirent souuent qu'il se deportât de tenir la main aux Religieux. Mais ce fut en vain: Car il perseueroit tousiours à bien faire. Qui fut cause qu'ils deputerent six soldats pour le tuer. Ceux-cy le rencōtrèrent à la campagne faisant trauailler quelques villageois, & luy declarerēt le cōmandemēt qu'ils auoient

MICHEL comme valeureux soldat leur dit: Tout autre sujet qui vous eût peu mener ici, vous eût fait sentir la valeur de mes armes, & la pesanteur de mon bras. Mais parce qu'il est question de la deffense de la loy de Iesus-Christ, pour laquelle je tiens à grand honneur de répandre mon sang, je me garderay bien de vous faire aucune resistance. Je vous prie seulement de venir avec moi en ma maison. Ces assassins le suivirent quelque temps. Mais craignans que la courtoisie de Michel ne leur fût cher venduë, ils le tuèrent à l'impourneu, non si promptement toutesfois, qu'il n'inuoquât trois fois le saint nom de IESVS. Puis lui couperent la teste, & decouperent son corps en mille tronçons. Ce fut à Omangari lieu proche d'Omura, l'an cinquante septiesme de son âge.

170  
Cobrage  
vraiment  
Chrestien.

MICHEL Fucunda natif de Suzura, pour estre issu de grande maison, fut sollicité de quitter la foy de Iesus-Christ; mais il méprisa tous ces pernicieux conseils, & se rendit chef d'une certaine Confrerie qu'il dressa pour entretenir la Chrestienté de son païs. Vn de ses cousins voyant l'euident danger de sa vie qu'il couroit, se mit en deuoir de lui persuader, que jettant les yeux sur la vie militaire qu'il professoit, & sur les honneurs qui ne lui pouuoient manquer s'il quittoit la foy Chrestienne; il se laissât aller au conseil de ses proches; autrement que lui mesme lui trencheroit la teste, comme le Gouverneur lui auoit commandé. De quoi Michel ne s'émeut nullement, ains fit vn somptueux banquet à ses parens, apres lequel prenant congé de son pere, fort âgé, & des inuités, qui fondoient tous en larmes, se para du plus riche habit qu'il eût, prit en sa main droite vn cierge alumé, & en la gauche vne image; sortit de sa maison chantant diuers hymnes, s'en alla droit au lieu du supplice se mit à genoux, & y fit vne longue priere, au grand étonnement des assistans qui estoient accourus à la foule pour voir ce jeune Seigneur en l'orient de son âge, offrir si volontairement sa vie pour l'amour de Iesus-Christ. Aiant fini sa priere, il haussa le cierge qu'il tenoit en main. C'estoit le signe accordé pour sa mort; & quād & quand son propre cousin lui trêcha la teste; le septiesme d'Octobre mille six cens vingt deux. Le corps des trois susnômés furēt enseuelis avec beaucoup d'honneur.

171  
Michel  
Fucunda  
martyr.



An de 734  
IESVS.  
CHRIST  
1622.

LIVRE XIX. DE L'HISTOIRE

*De diuers autres martyrs , qui souffrirent cete année en la ville  
d'Omura , & lieux circonuoisins.*

CHAPITRE XX.

172

Pierre Ara-  
zuque  
martyr.



PIERRE Arazuque , natif de la ville d'Omura, personnage fort remarqué pour sa deuotion, accusé d'auoir receu quelques Religieux en sa maison, fut en premier lieu tres-asprement blâmé par les Iuges : puis sollicité par douces paroles , & intimidé par menaces. Mais en vain. Ce qui aigrit tellement les Iuges qu'ils prononcèrent sentence de mort contre lui. Dequoice braue champion ne se troubla point. Car sur le champ il se transporta au lieu destiné à son supplice, y arriuant se mit à genoux , dit tout haut le *Confiteor*. Puis se purgea tres-pertinemment de quelques calomnies qu'on lui auoit imposé. Comme il eut fini, l'vn des principaux officiers de la Iustice lui repliqua, qu'en- core que tout ce qu'il auoit dit pour sa iustification fût vray, il lui restoit encore vn point à faire pour euader le supplice; c'estoit de renier la foy Chrestienne. Parole qui picqua si vi- uement l'ame de Pierre, quel'ayant enuissagé, mais d'vne cō- tenance extraordinaire, il lui dit: Tu n'as aucun suiet de me faire telle proposition, voiant que je suis ici venu d'vne si franche & gaie volonté. Mais tien pour asseuré, que la loy de Iesus-Christ, que toi & tes semblables guerroies si furieuse- ment, s'estendra dans peu d'années par tout l'Empire du Ja- pon. Cete parole prononcée par vn esprit qui estoit prest à sortir du corps, & sembloit auoïsiner desia la diuinité, me- rite estre tenuë comme vne prophetie. Plaisé à Dieu que le souhait de ce martyr soit exaucé. La teste lui fut tren- chée le septiesme d'Octobre l'an vingt-sixiesme de son âge.

173

Prophetie  
pour le Ja-  
pon.

SES biens aians esté confisqués, vn des Magistrats fut

chez la mere du martyr, qu'on appelloit Iuste, lui protesta qu'il auoit tousiours desiré de sauuer la vie à son fils; & promettoit à sa vesue, nommée Agathe, qui estoit preste d'acou-

IESVS-  
CHRIST  
1622.

cher, qu'il tiendrait le fruit, comme sien, & feroit en sorte que tous les biens paternels lui seroient conserués; pourueu qu'obeissant à l'Edit de l'Empereur elle renonçât à la foy de Iesus-Christ. Mais Iuste répondit hardiment, qu'apres la perte d'un si cher fils la vie luy estoit à charge.

174

Femmes  
tres-con-  
stantes.

Ce que voiant le Magistrat se tourna vers Marie sœur du defunct, & lui dit: Je t'adopteray pour ma fille, si ta mere te persuade d'obeir au Gouverneur. Mais Iuste prenât la parole pour sa fille: Je n'ay garde, dit-elle, de donner ce conseil à Marie, elle m'en dédiroit. L'amour qu'elle porte à son Dieu, l'empêcheroit bien de suiure mon auis. La fille qui auoit bien entendu tout le discours, aiant fait la reuerence à sa mere, dit au Magistrat: Mon frere Pierre est mort est ja mort pour la foy, nous le suiurons avec la grace de Dieu, & pareille constance. Vne heure de delay nous semble mille ans de tourmens.

Le barbare Magistrat aiant perdu toute esperance de peruertir ces deuotes ames, s'en retournoit vers les Gouverneurs; mais aiant inopinément rencontré Agathe seule, il s'auisa de lui dire que sa belle mere auoit renié la foy Chrestienne; qu'elle en deuoit faire autant, & qu'il pourroit tellement à son fils, qu'elle n'auroit aucun sujet de regretter la mort de son mary. Agathe répondit: Je ne donneray iamais le soin du gage de feu mon mary, à personne qui viue sur terre. J'espere le consigner bien tost moi-mesme à son pere, mourant pour Iesus-Christ. Nem'importunes plus de vos conseils.

Le Magistrat se retira tout confus, & retournant vers les Gouverneurs leur raconta tout le succès de sa commission. Duquel indignés ils condamnerēt ces trois Dames à mourir la nuit suiuiante. Nouuelle qui ne les effraia aucunement. Car l'ayant receüe elles se jetterent toutes trois à genoux deuant vne image pour en remercier Dieu. Puis se parerent comme pour vn iour de nopces, traiterent avec tout honneur les assassins qui venoient pour les faire mourir: s'achemine-



Ande 736

LIVRE XIX. DE L'HISTOIRE

IESVS-  
CHRIST 1622. rent au lieu de l'exécution avec plus de trois cens Chrestiens de leurs parens, voisins & amis, à chacun desquels elles donnerent vn grain de chapellet, qu'ils garderent de puis comme autant de precieuses reliques.

175

Grains de  
chapellet  
pour reli-  
ques.

AGATHE arriuant au lieu où son mari auoit esté decapité, se mit à genoux, aiant Iuste sa belle sœur à main droite, & Marie sa belle sœur à main gauche, pareillement agenouillées. Apres auoir assés longuement fait oraison, elles furent toutes trois decolées, inuoquans les tres-saincts noms de Iesus & Marie, Agathe âgée de dix-sept ans: Marie de quatorze & Iuste de quarante & six. Le neufiesme d'Octobre.

176

Jean Xicari  
martyr.

JEAN Xicari estoit natif de Fingo, mais habitant d'Omura: où il fut long-temps Prefet de la Confrerie de S. Ignace. Les ennemis de la foy assaillirent sa constance par plusieurs stratagemes. Mais ils le trouuerent tousiours inuincible. Comme ils lui remontroient qu'il eût égard à sa femme, & à tant d'enfans qui seroient indubitablement tués à son occasion: Tués donc tout, dit-il, & femme & enfans, & dechirés les en mille pieces. Car c'est vne grande faueur que Dieu me fait. Les Gouverneurs aians donné sentence de mort contre luy il en fut si content, que soudain il l'aua sa face, & son col. Puis s'estant accordé avec le bourreau, du peu de temps qu'il pouuoit prendre, se mit à genoux, & aiant fini sa priere profera tout haut le nom de Iesus, signe duquel il auoit conue nu avec le bourreau, qui lui donna le coup de la mort, le neu- sième iour d'Octobre l'an quarante & quatriesme de son âge.

177

Cosme Ta-  
gaxima  
martyr.

COSME Tagaxima natif du Roiaume de Figen, s'estant retiré à Omura, menoit vne telle vie, que chacun le tenoit pour Chrestien. De quoi aduertis les Gouverneurs, le sollicitèrent à quitter la foy Chrestienne. Et ne pouuās rien gagner sur lui par leurs feintes douceurs enuoierent six soldats, qui lui trencherent la teste dans sa propre maison, en presence de sa femme, & de son fils nommé Pierre. Lequel prenant à deux mains la teste de son pere la mit par reuerence sur la sienne. Pieré qui fut recompensée par vn semblable martyre. Le pere estoit âgé de soixante & huit ans: le fils de quarante & deux.

*Martyre du Pere Camille Constance Religieux de la  
Compagnie de IESVS, enduré au païs  
de Firando.*

## CHAPITRE XXI.



L estoit natif de Calabre, d'une honorable fa-  
mille: & entra en nostre Compagnie à Naples, 178  
âgé de vingt ans. Il arriua aux Indes l'an six cens P. Camille  
deux; & l'année suivante fut à Macao, d'où par Constance  
vne particuliere providence de Dieu il fut en- martyr.  
uoié au Iapon, l'an mil six cens cinq; quoy que  
son inclination le portât plus à la Mission de la Chine. La  
Chrestienté de Cocuro & Sceecay, ioüit enuiron neuf ans du  
fruit de ses trauaux. L'an mil six cens quatorze, estant chassé du  
Iapon avec les autres Peres, par ordonnance de l'Empereur  
Dayfusama il se retira à Macao, port de la Chine, où sans pre-  
judice des predications & confessions, auxquelles il estoit ordi-  
nairement employé, il passa sept ans à lire les liures Chinois &  
Iaponnois pour conuaincre les Bonzes de leurs erreurs & men-  
songes, par les Edits de leurs propres auteurs. Puis repassa au  
Iapon en habit de soldat, esperant de conuaincre les Bonzes,  
par leurs écrits. Mais la modestie qu'il auoit acquise en religiõ,  
se découurât à trauers l'habit emprunté, donna bien-tost à ceux  
qui le virent soupçon de ce qu'il estoit. Tellement que le pa-  
tron du nauire qui l'auoit porté de Macao, quoy que Chrétien,  
craignant de se mettre en danger de perdre la vie, estoit  
resolu de le deferer au Magistrat, sans les prieres des Chrétiens  
qui l'arrestèrent. 179

Retourne  
au Iapon.

Aiant euadé ce danger, il fut enuoié à Fondayama châ-  
teau du Roiaume de Figen, puis à Carassu, & finalement à Fi-  
rando, où il rencontra plusieurs Chrestiens prisonniers, & en-  
tre autres vn European, sa femme & seruante, qu'il entendit  
tous de confession, & disposa pour souffrir la mort. Aiant heu-



An de 738-

LIVRE XIX. DE L'HISTOIRE

**I**ESVS- reusement visité la ville de Firando, il courut les villages qui  
**CHRIST** sont à quatre ou cinq lieux autour, sans se donner repos  
1622. iour ny nuict, à cause de la multitude des Chrestiens qui accouroient à luy de tous costez. Il visita aussi vne contrée de l'Isle d'Iquizuqui, nommée Taquinofama; & l'Isle de Noxima, qui est à dix lieux de là, où l'usage des Sacremens auoit esté intermis quelques années, à cause de l'absence de nos Peres.

180

Cause de son emprisonnement.

**A**VANT que partir d'Iquizuqui, il auoit confessé la femme d'un Gentil-homme idolatre, laquelle aiant appris la plus-part des lieux où le P. Camille pretendoit aller, & desirant que son mary se conuertit à la foy, le pria de ne perdre point cette commodité d'oïr la doctrine Chrestienne, & puis recevoir le Baptême. Le Payen qui auoit l'esprit éloigné de tout bien, feignit pour quelque temps de vouloir donner ce contentement à sa femme; & tira finement de sa bouche tout ce qu'elle sçauoit des voyages du Pere, des lieux où il logeoit, & choses semblables, desquelles il donna quand & quand aduis au Gouverneur de cet estat; lequel dépecha soudain des barques armées avec quantité de soldats, pour se saisir de la personne du Pere Camille, la part où ils le trouueroient. Ils rencontrèrent au port d'Vqui vne barque de Firando, & dans icelle le Pere Camille seul. Leur fureur s'émoussa quelque peu, à l'aspect d'un si venerable Pere: mais parce que dissimulant avec luy, ils couroient fortune de leur vie, ils firent prisonnier le Pilote qui le portoit. Le lendemain ils repasserent à Noxima, où le Pere auoit laissé Augustin Ota, & Gaspar Cotenda Dogiques, qu'ils mirent sur le champ en prison. Ce que sçachant le P. Camille, pria les Officiers de la iustice, qu'ils le liassent aussi; mais ces Gentils respectans la Majesté de son visage, qui respiroit quelque sainteté, n'eurent pas la hardiesse de mettre la main sur sa personne; mais desirans mesme l'honorer, ils l'inviterent à quelque feste qu'ils faisoient. Dequoy le Pere s'excusa & les remercia.

181

Prisonniers.

**L**E iour suiuant ils prirent tous la route de Firando; & en passant laisserent tous les autres prisonniers à Iquizuqui, se contentans de mener le Pere Camille, & les sçdits Augustin & Gaspar. Voions ce qui leur arriua par la lettre que

Le Pere Camille en écriuit au Pere Recteur de Nangazaqui. **LES VSC**  
 Je croy, dit-il, que vostre Reuerence aura desia sçeu mon em- **CHRIST**  
 prisonnement, & qu'elle n'en sera point en peine, parce que **1622.**  
 c'est plustost vn sujet pour remercier Dieu de ses faueurs,  
 que pour trauailler inutilement le corps & l'esprit de sou-  
 eis. Partant ie prie tous nos Peres & Freres, de me vou-  
 loir aider à remercier la Majesté diuine d'une grace si si-  
 gnalée.

182

Narratiue  
de sa cap-  
ture.

L'ARRIVAY à l'Isle d'Ucugoto, le vingt-quatrième iour d'A-  
 uril, & fus pris par quelques barques armées. Pendant le voia-  
 ge les soldats me traiterent avec beaucoup de respect, & ie fus  
 en fin conduit au tribunal de Firando. Là on m'interrogea d'où  
 j'estois, & que j'estois venu faire au Iapon. Leur aiant dit  
 mon nom & profession, ie me mis à leur declarer au long le  
 motif de mon premier voiage au Iapon, & leur presentay vne  
 Apologie que i'auois écrite à ce dessein. Mais parce qu'ils me  
 demanderent en passant, pourquoy estant au Iapon ie n'obeis-  
 sois aux Seigneurs du pais? Le leur repartis, que la religion  
 Chrestienne commandoit qu'on rendit toute sorte d'obeissan-  
 ce aux Seigneurs temporels, és choses qui n'estoient pas con-  
 trairees au commandement de Dieu. Et parce que l'Edit de l'Em-  
 pereur du Iapon deffendoit de prêcher la foy Chrestienne, cho-  
 se du tout contraire à la volonté du Roy du ciel; ie ne pouuois  
 obeir aux Rois de la terre, au prejudice de son service.

183

Obeissan-  
ce deuë  
aux Prin-  
ces.

A cette parole vn des Iuges se leua tout en colere, & dit tout  
 haut que i'estois coupable de mort. Aussi-tost les Ministres de  
 la Iustice me mirent vne corde au col, & me trainerent aux pri-  
 sons d'Iquinoxima, où ie suis à present, en compagnie des deux  
 Religieux Peres, lesquels venans de Manille furent surpris par  
 les corsaires Holandois & Anglois. Je préche souuent aux gui-  
 chetiers & gardes de la prison, qui demeurent grandement  
 satisfaits de ce que ie leur enseigne; mais n'osent se faire Chré-  
 tiens, à cause de l'Edit Imperial, qui le deffend sous peine de  
 la mort. Mort que j'attends avec vn sentiment qui se peut  
 bien sentir, mais non pas expliquer. Iusques icy le Pere Camil-  
 le. Ecriuant à vn autre Pere de la Compagnie il luy parloit  
 en cete façon.

Je me trouue donc en prison, avec vn singulier contente-



IESVS-ment de mon ame, le sort que ie souhaitois il y a si long-  
CHRIST temps m'estant écheu. Quand on me mit à Firando, la corde au  
1622. col pour m'y tirer, ie m'estimay bien-heureux, pour estre parue-

184

Lette du  
P. Camille  
Constance.

nu au comble de mes desirs. I'en témoignay quelque chose à mes Iuges. Mais comme ils n'entendoient pas ce langage, ils dirent que i'auois le cerueau démonté, & que c'estoit pure folie qui me faisoit ainsi parler. Car ils ne pouuoient comprendre, disoient-ils, quelle raison i'auois de loger ma felicité dans les chaines, & dans les affres de la mort.

EN celle qu'il escriuit au Pere Pierre Paul Nauarre, Recteur du College d'Arima, qui estoit aussi prisonnier pour la foy, il vse de tels ou semblables termes. Je n'ay pas oublié ce que vous me mandiez en vos dernieres, que vous m'esperiez voir vn iour au ciel, ou Confesseur ou Martyr. Partez quand il vous plaira: Car ie n'y arriueray iamais que Confesseur au moins, veu que la bonté de Dieu m'a fait la grace de cōfesser la foy de mon Sauueur deuant le tribunal de Firando. En consequence dequoy ie suis emprisonné en ce coin du monde. Et qui sçait si ie partiray plustost que vous? Ce sont des souhaits, & ie suis trop indigne de cete faueur. Adieu mon Pere.

185

Condam-  
né au feu.

L'EMPEREUR du Iapon aiant eu aduis de l'emprisonnement de ce seruiteur de Dieu, commanda qu'il fut brûlé tout viu, & ses compagnons decapitez. La sentence deuant estre executée à Firando, apres que les autres eurent esté martyrisez qui çà, qui là, ainsi qu'il se verra en son lieu: le Pere Camille tiré de la prison, fut conduit au lieu du supplice. Mais auant que sortir du cachot, il remercia fort courtoisement ceux qui l'y auoient detenu, & plus encore ceux qui le vouloient conduire à la mort; le tout avec vne face si riante, que chacun en estoit estonné.

SVR ce point arriua vn officier du Gouverneur, qui deuoit assister à cette execution en son nom. Dequoy auerti le P. Camille, luy fit la reuerence, & le remercia tres-humainement, de ce qu'à son sujet, il auoit entrepris vn tant facheux voiage. Aste qui effraia tellement ce pauvre officier, que d'étonnement il perdit la contenance & la parole.

LE lieu destiné au martyre, estoit hors la ville de Firando, nommé des habitans Tabira, ioignant vn détroit de mer, qui

separe la ville de la citadelle ; lieu decouvert de tous costes. **IESVS-CHRIST** 1622.  
Ce qui attira à ce spectacle vn tres-grand nombre de person-  
nes mesme plusieurs Anglois & Holandois. Les executeurs

de la Iustice auoient dressé les barrieres à cent pas ou enui-  
ron de la mer. Le Pere descendu de la barque & entrant dans  
l'enclos, dit tout haut, & le plus clairement qu'il lui fut pos-  
sible. Ie me nomme Camille Constance, & suis Religieux de  
la Compagnie de IESVS, & Italien de nation, condamné au  
feu pour auoir prêché la foy Chrestienne Ie prie l'assistâce de  
s'en souuenir. Les Ministres de la Iustice Payenne le lierent  
soudain au poteau, d'où comme d'une chaire par lui long-  
temps desirée, il se mit à prêcher sur le texte de l'Euangile.

*Nolite timere eos qui occidunt corpus*, mais avec vne ferueur extra-  
ordinaire. Il discourut assés long-temps, pour montre, que  
le corps humain par vne ineuitable sujetion à la mort doit  
estre reduit en cendres, & que l'ame est exempte des loix de  
la mort. Tandis qu'il haranguoit tres-hardiment & perti-  
nemment, les bourreaux allumerent le feu. La voix du pa-  
tient perçoit neantmoins la fumée & les flammes, protestât  
que la felicité eternelle estoit fermée à ceux qui ne suiui-  
oient la loy de Iesus-Christ, & ne gardoient ses saincts commande-  
mens. Que pour cete verité il mouroit volontiers, & au mi-  
lieu des flammes, sentoît son ame baignée d'un extreme con-  
tentement, & crioit : Les sectes des Bonzes ne sont que son-  
ges & fictions pour detraquer les hommes du droit sentier  
de leur salut.

PROFERANT ces paroles la fumée se leua si grosse & si épais-  
se, que les assistans ne pouuoient plus voir le patient : si en-  
tendoient-ils encore sa voix, comme si le feu qui bruloit dās  
sa poitrine eût voulu triompher de celui qui affligeoit le  
corps. Peu apres les flammes se partirent en deux ; & le Pere  
Camille fut veu priañt cōme les enfans dans la fournaise de  
Babylone. Il chanta incontīnēt apres fort melodieusement.  
*Laudate dominum omnes gentes*, avec le *Gloria*, qu'il finit d'une  
voix tremblotante. Ce qui fit penser que son martyre & son  
corps alloient finissant. Neantmoins le genereux champion  
de Iesus-Christ reprenant tout à coup nouuelles forces, se  
remit à prêcher plus vigoureuſemēt qu'auparauāt, tantost en



IHSVS-  
CHRIST  
1622.

Latin, tantost en langue Iaponoise. Tandis qu'il discourroit ainsi, fut que l'esperance de la recompense voisine le confortât par fois plus viuement: fut que l'abondance des douceurs celestes l'arrosât plus abondamment, il lui échapa trois fois de dire en Iaponois, O que ie suis bien! ô que ie suis bien! paroles desquelles ils se seruient, estans comblés de plaisirs & de delices.

CEPENDANT le feu se raluma, & la flamme s'estant eleuée plus qu'auparauant, vn tourbillon lui brula & consuma si promptement ses habits qu'on le vid tout nud, blanc comme nege, & quasi en vn instant apres tout noirci de feu. Ce fut à ce coup que les assistans creurent pour asseuré que cete ame benite estoit passée au rafraichissement de la gloire. Si est-ce que bien-tost apres, comme s'il eût esté à l'Autel, on l'ouït crier d'une voix pleine & ferme. *Sanctus, Sanctus*, redisant ce mot par cinq fois, & chaque fois avec vn chant répli de merueilleuse douceur, avec lequel il mit fin à sa vie, pour l'aller continuer à iamais avec les Anges. Les idolatres qui se trouuerent presens à cet acte, & particulièrement les Anglois & Holandois, en sortirent avec tant d'étonnement, qu'ils ne trouuoient pas des paroles pour en exprimer leurs pensées, & auoüerent tous que la vertu du P. Camille surpassoit totalement ce qui estoit d'ordinaire & mortel entre les hommes. Il mourut à Tabira proche de Firando le quinziesme iour de Septembre mille six cens vingt deux. Tout ce qui resta de son supplice fut jetté par les bourreaux dans la mer, cette terre là n'estant pas digne de le porter. Le P. Camille auoir enuiron cinquante ans lors qu'il trespas-

sa.

*Mort d'Augustin Ota, Religieux de la Compagnie de IESVS,  
& de Gaspar Cotenda Dogique: du P. Camille Constance:  
de Damian & de Jean Sacamoto.*

CHAPITRE XXII.



VGVSTIN Ota, & Gaspar Cotenda furent faits prisonniers avec le P. Camille, ainsi que nous auons touché ci-dessus, & enuoiés aux cachots d'Iquinoxima. Augustin desirant passionnément de mourir Religieux de la Compagnie de IESVS, se preualut de l'intercession du P. Camille, & en écriuit au P. Prouincial du Iapō, lequel tant pour la grande instance que lui en fit Augustin, comme en consideration de sa vertu, de laquelle il auoit de tres-assésurés témoignages, récriuit au P. Camille qu'il le receût en son nom à la probation. Ce fut chose remarquable, que toutes les lettres que le P. Prouincial auoit écrit au P. Camille, aians esté interceptées ou perduës, celle là seule arriua heureusement le iour auant qu'Augustin mourut. Estant donc receu en la Compagnie, il fit les vœux, & n'estant que Nouice d'un iour il donna sa vie pour Iesus-Christ. Il fut decapité le dixiesme iour d'Aoust mille six cens vingt deux. L'exécution fut faite sur le bord de la mer deuant Iquinoxima, vis à vis des prisons. Tellement que les trois Religieux qui estoient detenus la peurent aisément voir, & par cet exemple se préparer pour receuoir à leur tour de pareilles couronnes.

AVGVSTIN nâquit en la ville d'Ogica du Roiaume de Firādo, & fute eleué dès son enfance chez les Bonzes. Mais ses pere & mere avec toute sa parenté, estans passés en l'Isle de Goto pour y resider, il se fit Chrestien avec eux le quinzième an de son âge. Le Seigneur de la contrée où il s'estoit habitué, nommé Ota, pour l'amour duquel il prit ce surnom, le fit Cambo, c'est à dire Sacristin d'une Eglise; office

188  
Augustin  
Ota mar-  
tyr.

189  
Son extra-  
ction & vie,



IESVS-  
CHRIST  
1622.

qu'il exerça avec grande louange de probité. Depuis l'Eglise estant abatuë il s'en alla à Nangazaqui, où sa femme estant morte, il s'adonna avec plus de liberté à procurer le salut du prochain, ne refusant aucun travail, & ne s'épargnant pour aucun danger qui se presentât. Finalement s'estant joint au P. Camille pour le soulager en ses travaux, il devint compagnon de sa couronne. Mais à Nangazaqui, où le Gouverneur Gonzoco le fit conduire, disant qu'il estoit de ses sujets, & pensant le debaucher de la foy Catholique. Estant conduit au Tribunal des Iuges il se montra sans peur, & fut condamné à la mort, qu'il souffrit l'vnziesme iour de Septembre mille six cens vingt deux, & de son âge le vingt & vniesme.

190  
Cambo &  
sa signifi-  
cation.

191  
Damian  
martyr.

DAMIAN auoit conduit le P. Camille à Firando, apres son retour de Macao, & depuis l'accompagna, comme il parcouroit les Isles pour visiter les Chrestiens. Pour ce sujet il fut deferé aux Iuges, & interrogé, si le Religieux qu'il auoit porté en tant d'endroits dans sa barque, estoit point celuy qui auoit enleué vn European des prisons de Firando. Il répondit franchement que non; mais que le Religieux qu'il conduisoit estoit vn Pere de la Compagnie de Iesus, nommé Camille Constance. Au reste qu'il n'estoit point besoin de consumer le temps en interrogatoires, parce qu'il voioit assez, qu'ayant contreuenue aux Edits del'Empereur il perdrait la vie.

Tu ne te dois pas donner toi mesme la fraieur de la mort, lui dit le Iuge: Tu t'en peus fort aisement liberer, pourueu que tu quittes la foy de Iesus-Christ. Ce qui ne te doit paroistre honteux, veu que tant de personages qualifiés se sont retirés de cete superstition étrangere, pour sauuer leur vie. Mais le seruiteur de Dieu lui répondit courageusement. Tu travailles en vain pour me persuader vne telle folie. Plustost me lairray-je de couper piece à piece, qu'abandonner la foy de Iesus-Christ. Réponse qui rendit le Iuge tout confus.

192  
Jean Sacamoto martyr.

TANDIS qu'on interrogeoit Damian d'un costé on mettoit d'autre part en prison Iean Sacamoto, chez lequel le P. Camille auoit accoutumé de loger. Ce qui causa vn grand contentement aux deux prisonniers. Mais il ne dura pas, parce que s'estans tous deux mis à prêcher tant les Chrestiens

tiens que les Gentils qui les visitoient, les Iuges les firent separer, & tenter diuersement pour les detourner de la Foy, Iean combattit l'espace de trente jours contre les ministres de Satan, pour la deffence de la foy. Sa femme le fut vne fois visiter, luy menant vn petit fils qu'ils auoient: mais Iean la pria, qu'elle se deportast de telles visites, parce qu'elles empeschoient son esprit de s'esleuer librement à Dieu.

Son frere desirant auoir quelque relique de luy, le fut vn iour veoir en prison, reuestu d'une belle juppe de soye, & parce que celle de Iean estoit fort frippée, il le pria de changer. Iean résista du commencement à la courtoisie de son frere; mais les gardes de la prison le feschirent en fin, si bien qu'il prit la juppe de son frere, ce fut pour la mettre bien tost bas.

Iean & Damian furent finalement condamnez à mesme jour à la mort, & menez au supplice. S'estans rencontrés sur le chemin, ils s'embrasserent avec vn indicible contentement, & Iean commença à dire: O que ce jour est fortuné pour nous, Damian! Il est vray, dit Damian, c'est pour nous vne grande célébrité, notamment à cause qu'il est Vendredy, jour dédié à la memoire de la Passion de Iesus-Christ. Comme ils arriuerent au bord de la mer, ils furent inuestis d'une affluence de peuple, qui baiſoit deuotement leurs habits, & se recommandoit à leurs prieres. Ce fut lors que Iean haussant la voix, protesta qu'il n'estoit conduit à la mort pour aucun sien forfait, ains pour le service de Dieu. Comme il protestoit ainsi avec sa liberté accoustumée, les officiers du Gouverneur ne le pouuants supporter, commanderent au bourreau de luy serrer la corde qu'il portoit au col. Ce que ce ministre de l'inique justice fit avec vne si grande violence, que peu s'en fallut qu'il ne l'estoufist.

De là on les fit monter dans vne barque, où Damian prit aussitost vn auiron, & se mit à ramer, disant fort simplement, que ce seroit la dernière fois qu'il feroit ce mestier. Mais menant l'auiron, il commença à chanter, employant & la force de ses bras pour auancer le chemin, & la douceur de sa voix pour louer Dieu. Le lieu destiné à leur supplice estoit vne islette nommée Necajenoxima, à laquelle la barque qui portoit Iean estant arriuée la première, aussitost qu'il en fut descendu, il s'escria que cete Isle seroit à l'aduenir nommée l'Isle d'Or, parce qu'elle de-

183  
Vendredy  
en honneur

194  
L'Isle d'Or



An de 746

LIVRE XIX. DE L'HISTOIRE

**I**ESVS-uoit estre enrichie du sang des Chrestiens; & deuoit enrichir les  
**C**HRIST Chrestiens de la precieuse couronne du martyre.

1622.

**A**RRIVE' qu'il fut au lieu du martyre, on luy attacha sur la teste vne fucille de papier contenant certaine sentence des Camis & Fotoques, idoles du Japon, comme s'il les honoroit. Ce que portant fort impatiemment, & ne se pouuant aider des mains pour l'abbatre, il crie qu'il estoit Chrestien, mouroit pour la foy, & detestoit les Camis & Fotoques comme esprits damnez avec les diables d'enfer. Sur cette protestation, il mit les deux genoux à terre, inuoquant à son aide IESVS-CHRIST & la sainte Mere. Cependant le bourreau luy abatit la teste, l'an cinquante & vnième de son âge.

**B**IEN-TOST apres arriua la barque qui portoit Damian, lequel apperceuant le corps de son compagnon sur le bord de la mer, s'abaissa par deuotion pour l'honorer, puis le baisant à la iouie, dit: O bien-heureuse ame, assiste moy de tes prieres deuant Dieu, que tu vois face à face; afin que ie te puisse promptement suiure. Il se teut aussi-tost, & aiant quelque temps prié mentalement, presenta son col à l'épée, laquelle luy détacha tout à coup & la teste & l'ame du corps, tandis qu'il disoit tout haut. Loüé donc soit le tres-sainct Sacrement de l'Autel. Ce fut l'an quarante deuxième de son âge, le vingt-septiesme iour de May, mil six cens vingt-deux. Les corps de ces deux martyrs furent inhumainement fourrez dans vn sac, & jettez incontinent dans la mer,

*Martyre de Paul Sogiro, Iean Matasac, Paul, Ioachim,  
Gabriel & André au Roiaume de Firando.*

## CHAPITRE XXIII.



VRE Damian patron du vaisseau qui auoit porté le Pere Camille, furent avec luy apprehendez deux autres matelots, qui sont ce Paul & ce Iean, ils tindrent prison trois mois, & furent en fin condamnés à la mort, qu'ils souhaittoient plus qu'aucun bien de ce monde. Paul en aiant re-

195

Paul Sogiro martyr.

ceu la nouvelle en remercia Dieu, & se mit à faire long-temps oraison, de laquelle s'estant leué, il se para de beaux habits blancs, en signe de sa joie, & supplia ses gardes de le charger de nouvelles chaines, disant qu'il en sentoient vn singulier contentement. Puis s'estant accompagné de Iean, lequel s'estoit aussi vêtu comme pour vn iour de nopces; se mit en chemin vers le lieu de la mort, exhortant les Chrestiens qui le suiuiotent, à perséuerer en la foy.

196

Iean Matasac martyr.

QUAND ils passerent vis à vis de l'Isle, où les susmentionnez Iean & Damian auoient accompli leur martyre, ils baissèrent la teste avec respect, se recommandans à leurs prieres. Ils deuoient estre exécutez à mort dans l'Isle de Sacaucoto, où arrivans ils y trouverent le Gouverneur nommé Innocaxe Vmanogio, lequel de premier abord témoigna qu'il ressentoit vn grand déplaisir, de voir mourir ces deux hommes en la fleur de leur âge. Mais Paul luy répondit: Vous n'avez pas sujet de regretter ma mort, que j'accepte si volontiers. Dés l'âge de sept ans ie receus la foy de Iesus-Christ avec le Baptême, & quand & quand ie quittay mes parens, que ie n'ay voulu voir depuis, parce qu'ils estoient idolatres, craignant de mettre en danger le salut de mon ame. Enfin apres avoir prié Dieu bien long-temps, la teste leur fut couppée. Paul auoit trente-cinq ans: Iean vingt cinq. Ils moururent le vingt & sixième iour de Juillet, mil six cens vingt-deux. Leurs corps furent incontinent iettez dans

197

Bien mortifié.



**IESVS** - la mer. Paul estoit natif de Furofatu, au Royaume de Figen.  
**CHRIST** Jean de Tacinofama, à la mere duquel vn Religieux de nostre  
 1622. Compagnie predict vn jour, qu'il seroit bien-heureux.

198  
 Paul Morimau  
 man mar-  
 tyr.

**PAVL** Morimau Gazayemon nasquit à Tacinofama, & s'em-  
 ploya quasi toute sa vie en l'ayde du prochain. Mais particulie-  
 rement au temps de la persecution. Il auoit vne Chappelle en sa  
 maison, où les Chrestiens s'assembloient tous les jours pour fai-  
 re oraison. Il alloit & venoit ordinairement visiter les malades,  
 assister les moribonds, enseuelir les Trespassez, ayder toute sor-  
 te d'indigens. Les foibles yeux des Gentils ne pouuans suppor-  
 ter la lueur de cete charité, le defererent aux Gouverneurs, qui  
 le manderent soudain. Il s'y en alla tout ioyeux, esperant trou-  
 uer occasion de mourir pour Iesus-Christ. Sur son chemin il  
 rencontra le Gouverneur du pais, qui le mena dans vn Con-  
 uent de Bonzes, où par toutes sortes de raisons inuentées par  
 Satan, & artificieusement preparées par ses ministres, il tacha  
 de luy persuader de quitter la foy. Mais Paul luy dit pour toute  
 resolution, ie ne quitteray jamais la foy de Dieu, lequel m'a  
 preueni par vne infinité de bien-faits, & me prouoque tous les  
 jours à le servir.

199  
 Tenté par  
 les bour-  
 reaux.

200  
 Tournés  
 nouueaux.

**LE** Gouverneur ayant recogneu l'inuincible constance de  
 Paul, le fit promptement conduire au bord de la mer; où les mi-  
 nistres de la Iustice luy ayant lié vne pierre au col, le menace-  
 rent de le precipiter en la mer, s'il ne retournoit au seruice des  
 Camis & Fotoques. Mais le valeureux champion, méprisant  
 toutes leurs menaces, entra tout joieux dans le bateau qui l'at-  
 tendoit. Comme ils furent en pleine mer, ces barbares lui  
 firent mettre les pieds dans vn sac, & luy lierent la teste dans  
 vn autre, pour l'intimider dauantage, luy disans plusieurs fois,  
 qu'il auoit encore le loisir de se repentir. Mais le voians plus  
 constant que iamais, ils le lierent de cordes tout autour du  
 corps; puis se mirent à le fouler aux pieds, & sauteler sur luy. Fi-  
 nalement garroté qu'il estoit ils l'attacherent avec cette grosse  
 pierre, & le precipiterent en mer. Nonobstant toute leur cruau-  
 té, ce sacré corps fut veu nager vne heure entiere à fleur d'eau;  
 & flotter çà & là, comme triomphant en son martyre. Puis estat  
 allé au fond, il mit la fin à ses combats par cette nouvelle sorte  
 de tourment. Ce fut le deuxiême iour de Iuin an susdit, que

Paul venerable vieillard de quatre-vingts ans ou plus, finit <sup>IESVS-</sup> honorablement sa vie. <sup>CHRIST</sup>

IOACHIM nâquit en vn village del'Isle d'Iquizuqui, nom- 1622.

mé Sacaima, & dès son enfance s'emploia fort au salut des 201  
ames, par bons conseils; mais plus par l'exemple de ses ver- <sup>Ioachim</sup>  
tus. Son fils aiant esté cité deuant les Gouverneurs, il se <sup>martyr, &</sup>  
douta que c'estoit à raison de la foy Chrestienne. Qui fut <sup>son fils.</sup>  
cause qu'il courut deuers lui, & l'exorta de ne point crain-  
dre la mort, pour vn si noble sujet. Mais le fils feignant d'e-  
stre malade s'excusa lâchement, & ne comparut point de-  
uant les Iuges. Qui fut cause qu'ils deputerent cinq de leur  
corps, ou pour mieux dire cinq Ministres de Satan, afin de  
pousser avec plus d'auantage, & le fils & le pere dans le pre-  
cipice de perdition. Apres qu'ils eurent perdu leur peine  
à le solliciter cinq iours durant, Ioachim assembla sa famille,  
& pour obuier à tout inconuenient leur dit:

LE vous priepour l'amour de Dieu, qui s'estant fait hom- 202  
me pour nous nous a par l'effusion de son precieux sang de <sup>Exortation</sup>  
liurés de la mort eternelle, que vous entriés en ce combat <sup>digne d'un</sup>  
spirituel, avec vn grand courage. Vous ne trouuerés rien <sup>martyr.</sup>  
à craindre dans la cruauté de nos ennemis, si vous comparés  
le feu que vous voies des yeux corporels, à celui que la foy  
nous enseigne. Cetui cin'est que comme vne bluette qui ne  
peut faire grand mal, & dispaeroist en vn moment. Que si  
nous redoutons de toucher cete bluette du bout du doigt,  
comment pourrons nous supporter à iamais les embrase-  
mens de l'Enfer, desquels se rend coupable celui qui renie la  
foy de Iesus-Christ? Ce fut son discours.

LE Gouverneur aduerti de sa constance, confisqua tous  
ses biens, le renuoia en vn village nommé Iamanda, pour y  
mourir de faim. Tandis que ce bon seruiteur de Dieu viuoit  
là en extreme necessité, le Gouverneur ne manquoit pas de  
lui enuoier diuerses personnes apostées, pour lui represen-  
ter les miseres qu'il enduroit, & comme reniât la foy il pou-  
uoit aisément recouurer tous ses biens, voire en acquerir  
d'autres. Mais il leur répondit genereusement, que quand on  
lui donneroit des montagnes d'or & d'argent, iamais il ne se  
rendroit deserteur de la foy. Aiant congedié tous les satel-



An de 750

LIVRE XIX. DE L'HISTOIRE

LES V-  
CHRIST  
1622.

203  
Disciplines  
d'un mar-  
tyr.

lres du Gouverneur, il souffroit alegrement toutes les in-  
commodités que sa necessité lui caufoit ; & comme si c'eust  
esté peu de chose, il affligeoit encore son corps, se disci-  
plinant toutes les nuits d'une si severe deuotion, qu'il en  
mettoit ses voisins en alarme, & troubloit leur sommeil.

LES ennemis de nostre foy dresserent aussi vne batterie  
contre la femme de Ioachim, pour peruertir son mari.  
Mais comme elle estoit bonne Chrestienne ils n'auance-  
rent rien. Dequoi Ioachim la loua grandement. Le Gou-  
uerneur voiant que ce moien ne lui auoit peu reüssir,  
il commanda qu'on le liât de grosses chaines, pour repri-  
mer la joie qu'il montroit parmi son infortune. Mais ces  
poids de fer la releuerent visiblement. C'estoit vn specta-  
cle de grandissime deuotion, de voir ce pauvre prisonnier  
dépouillé de ses biens, banni de son pais, trauaillé de faim,  
chargé de chaines, chanter neantmoins la plus part du iour,  
avec vne joie indicible, vne chanson qui estoit de son  
invention, & portoit pour refrein telles ou semblables pa-  
roles.

*Le poids de mes pechés me tire vers la terre,  
Mais la croix du Seigneur me fait monter au ciel.*

204  
Tourment  
nouveau.

LES Ministres de l'Enfer, plustost que de la Iustice humaine,  
ne sçachans plus de quel costé le prendre, aiās employé tous  
leurs moiens & artifices ordinaires, en voulurent éprouuer  
vn qui iamais n'auoit esté pratiqué au Japon. Ce fut d'expo-  
ser sa femme toute nuë, & l'atacher à vn carquan vis à vis de  
la prison où son mari estoit chargé de fer. Magdelene (car  
ainsi se nommoit cete genereuse Dame) ne refusa point de  
souffrir cet affront pour l'amour de Dieu. Mais vn homme  
d'honneur qui se trouua là par rencontre, detourna ces of-  
ficiers de Iustice d'un dessein si honteux & inhumain ; se  
faisant fort de reduire la femme au culte des Fotoques. Ce  
qu'il ne peut faire. Mais Magdelene fut ainsi preseruée de  
ce des-honneur ; & son mari enleué dans vne barque, pour  
estre conduit à la mort.

DYRANT son voiage il prioit deuotement, meditant les  
mysteres du Rosaire. Et parce que ses conducteurs l'interro-  
gerent de ce qu'il faisoit, de là il prit occasion de leur dé-

courir les merueilles de nostre foy; qu'ils entendirent tous fort volontiers. Arriué à l'Isle, où les deux susnômés receurent la palme du martyre, & aiant fait sa priere avec vn repos d'esprit admirable, il presenta sa teste au bourreau, & mourut le troisiésme iour de Iuin l'an que dessus, âgé de quarante & sept ans. Ses reliques furent jettées en la mer.

LESVS-  
CHRIST  
1622.

205

Gabriel  
Icinoy Firandois.

GABRIEL Icinoy Firandois, tres-desireux du salut du prochain, aiant retiré en sa maison Augustin Ora, Dogique du P. Camille, eut commandement du Gouverneur de tenir sa maisō pour prisō. Mais parce qu'il auoit appris que quelques Chrestiens intimidés par le rengregemēt de la persecutiō, que le bris des prisons de Firando auoit échaufé, chanceloient par fois: il obtint des soldats qui le gardoient, permissiō d'aller & venir par la ville; les aiant asseurés que sans y māquer il retourneroit tous les soirs en sa maison. Par cete industrie il cōforta & affermit plusieurs personnes qui estoient en dāger de leur salut. Tandis qu'il estoit en cet estat cōmandemēt arriua de la part des Gouverneurs, qu'il fût decapité. Gabriel aiāt receu cete nouuelle tāt souhaitée, fit vn bāquet à ceux qui la lui auoiēt apportée. Pui aiant pris cōgé de sa mere, de sa femme, & de ses enfans, & leur laissant cōme pour testament plusieurs salutaires preceptes pour se maintenir en la foy, il se laissa lier par les soldats pour estre mené au lieu de sō martyre, qui fut Nāgazaqui à demi lieuē de Firādo. Il y fut conduit sur vne barque, & au long du voiage fit vn solide discours à ceux qui l'assistoiēt, sur la folie des sectes du Iapon, prouuant que la seuler religiō Chrestienne estoit celle qui cōduisoit infaliblement à la felicité eternelle. Il adjouta que cete religiō leueroit en fin la teste, & s'épandroit par tout le Iapō. Ce qu'il dit avec tel zele & efficace, & avec des raisons si viues, que plusieurs idolatres qui l'auoient oūi, lui promirent de se rendre Chrestiens, aussi-tost qu'ils en pourroient faire la profession.

206

Prophetie  
pour l'Eglise  
du Iapō.

ARRIVE' qu'il fut à terre on lui octroia quelque temps pour faire sa priere: laquelle finie il haussa la main, c'estoit le signal accordé avec les executeurs de la Iustice, & receut le coup qui lui trencha le fil de la vie, le vingt-deuxiésme de Iuillet l'an susdit, de son âge le vingt-troisiésme.

ANDRE' nāquit à Noxima. C'estoit l'un des plus deuots



An de 752

LIVRE XIX. DE L'HISTOIRE

LES V S- Chrestiens qui fut en cette Isle ; mais remarquable sur tout ;  
CHRIST pour la simplicité de ses mœurs. Il fut accusé d'auoir receu  
1622. chez soi le P. Camille Constance , & pour cete seule raison  
condamné à la mort , & decapité le vingt-deuxiesme Iuillet  
l'an susdit. Les corps de ces deux furent enuelopés dans vn  
tissu de jonc , & jettés en mer.

207

André  
martyr à  
Fingado.

*Des Chrestiens de Catacu , & lieux circonuoisins , avec la mort  
de Jean Gyroyemon.*

CHAPITRE XXIV.



208

Martyre  
desire.

L'EGLISE de Catacu fut cultiuee cete an-  
née par les trauaux de huit Peres de nostre  
Compagnie , & porta des fruits répondans  
au soin des ouuriers , nonobstant la rigueur  
de la persecution. Ils voiageoient ordinai-  
rement de nuit , & avec danger euident de  
la vie , ils baptizerent cete année quatre-vingt & cinq adul-  
tes , & beaucoup plus grand nombre de petits enfans. Le  
Gouuerneur du lieu se transporta vn iour en la maison d'vn  
Chrestien , qui logeoit ordinairement nos Peres , & l'auisa  
de ne le plus faire : l'asseurant qu'il auoit lettres expresses du  
Prince pour visiter sa maison ; mais qu'à raison de leur an-  
cienne cognoissance il s'en deportoit. Le bon hoste qui se  
nommoit Didaque , repartit , ques'il eût voulu se garentir de  
tout danger , il se fût retiré à Finga avec Arimandono ; mais  
parce qu'il ne desiroit rien rât que d'épandre son sang pour  
la foy , il n'auoit changé de demeure. Partant le supplioit en  
ami de se seruir du pouuoir à lui octroié par le Prince : car en  
ceci il renonçoit volontiers à toute consideration d'amitié ,  
resolu de iamais ne changer d'auis. Cette réponse arresta  
tout court le Gouuerneur , lequel ne se voulant dauantage  
engager en cet affaire se retira.

Vn idolatre allant executer quelque mandement du Prin-  
ce

ce logea chez vn Chrestien, avec lequel estant tombé en propos des sectes du Iapon, il luy proposa tant de doutes, que l'idolatre ne les pouuant soudre, s'en alla chez vn Bonze pour estre instruit. Mais il n'en tira autre chose, sinon que tout ce que les Chrestiens disoient n'estoient que pieges pour tirer le monde à leur religion. Qu'ils se deuoient contenter d'inuoker de cœur Amida : Car ce faisant, il seroit sauué, nonobstant toutes les dificultez qui se presenteroient à son esprit. Le ieune homme n'estant content de cette réponse, pressa le Bonze de satisfaire à ses doutes : & n'en pouuant tirer autre chose, recogneut & l'ignorance du Bonze, & la foiblesse de la superstition à laquelle il auoit adheré par le passé. Bref aiant pris plus ample cognoissance des mysteres de nostre foy, il se fit Chrestien.

Ande  
IESVS-  
CHRIST  
1621.

209

Bōze ignorant cause de la conuersion.

VNE femme Chrestienne âgée de soixante dix ans, aiant perdu son mary, se rangea chez vn Bonze pour le seruice ordinaire de la maison ; où elle tomba malade à l'extremité. Les Chrestiens qui l'auoient visitée, se trouuerent en peine pour resoudre s'ils l'enseueliroient à la façon de l'Eglise, craignans que conuersant avec ce Bonze elle ne fut retournée au culte des idoles. S'estans donc assemblez iusques au nombre de cinquante, pour metre l'affaire en deliberation, d'vn commun aduis ils se transporterent chez le Bonze, mirent vne image au cheuet de la malade, & se firent la discipline, suppliât Dieu qu'il daignât leur pardonner la faute qu'ils pourroient commettre, enseuelissant cette pauvre creature selon la forme de l'Eglise. Tandis qu'ils se disciplinoient, la bonne femme reuint à foy, & aiant demandé pourquoy ils faisoient cette rude penitence, les en remercia, & asscura qu'elle estoit Chrestienne. Elle se leua vn peu sur son lit : fit le signe de la croix sur son front, recita sa creance, & rendit l'ame à son createur. Qui fut cause que les Chrestiens l'enseuelirent fort honorablement.

210

Discipline & ses effects.

IL y auoit en cette contrée vne grande piece de terre sterile, qui fut donnée au Cambo de Catacu, lequel aiant grande confiance aux merites de saint Ignace nostre fondateur, auant qu'ensemencer son champ, fit vœu à Dieu, que s'il luy plaisoit fertiliser cette terre, il porteroit encore plus grande

211

S. Ignace, & son intercession



An de 754

LIVRE XIX. DE L'HISTOIRE

**I**ESVS-  
**CHRIST**  
1622. deuotion à son Sainct. Sa priere fut exaucée, & le riz qu'il y sema creut en sorte, que chacun l'alloit veoir comme chose miraculeuse. Le temps de la recolte approchant, on apperceut vne grande multitude de vermine, qui sembloit deuoir gâter le fruit en peu de temps. Mais ce bon Cambo se remit à recommander sa terre à sainct Ignace: & apres auoir fait oraison, prit de l'eau benite, en arrosa son champ, & au mesme temps toutes ces bestioles disparurent, & la moisson fut tres-abondante.

212

Deuotion  
d'une fille  
vile aux  
parens.

VNE fille d'unze ans, se voiant malade à la mort, demanda vn *Agnus Dei*, qui estoit en la maison où elle gisoit: elle se le mit sur la teste, & sur la poitrine, disant: Ie sçay bien que cette deuotion déplaist à mon pere, & à ma mere, (parce qu'ils auoient abandonné la foy) mais ie veux qu'ils sçachent que ie suis Chrestienne. Et aians donné de grands témoignages de contrition, elle rendit son ame à Dieu; lequel se seruit de l'acte genereux de cette fille pour sauuer toute la maison. Car ses pere & mere recogneurent leur faute, en firent penitence, & de là en auant vécurent en bons Chrestiens. C'estoit la principale famille du lieu.

213

Jean Gy-  
royemon  
martyr.

**J**EAN GYROYEMON estoit natif de l'Isle d'Iquizuqui. Au commencement de la persecution il fut sollicité de retourner au Gétillisme, mais il se montra tousiours cōstant en la foy. On luy offrit vne fois vne certaine boisson, que les Japonnois prisent grandement, afin qu'en beuuant il donnât témoignage qu'il renonçoit à Iesus-Christ. Mais il n'y eut menaces ny allechemens qui le peussent porter à faire chose indigne de sa croiance: Son fils attiré chez le Tono sous autre pretexte, en beut par force. On ne sçauroit dire la douleur que son pere en conecut. Pour effacer cette tache qu'il estimoit redonder sur toute sa maison, il resolut de se discipliner iusques à vingt fois. Et pour plutoist en venir à bout, y retournoit chaque nuit deux fois.

LE Tono s'estant imaginé que la violence faite au fils pourroit gagner quelque chose sur l'esprit du pere, luy fit liurer par trois fois de puissans assauts pour le peruerbir: Voire pour l'obliger plus étroitement, luy en escriuit de sa propre main, avec des paroles pleines de toute sorte d'affection.

Mais Iean s'en offensa si fort, qu'il ne daigna iamais luy faire réponse. Dequoy le Tono prenant sujet, de l'enuoier querir, luy parla seul à seul, emploia les promesses, les artifices, les menaces, bref tout ce qu'il peut pour le détourner de sa constance. Et voiant qu'il perdoit son temps, le condamna à la mort. Iean receut cette nouvelle d'un visage gay, & aiant aussi-tost appris, que les executeurs de la Iustice estoient arriuez, il escriuit sur vne feuille de papier ces paroles. Loué soit à iamais le tres-sainct Sacrement de l'Autel. Et au default de viatique, aiant mis le papier dans son sein, se mit à faire oraison. Les soldats s'approchans, il interrompit sa priere pour leur faire bonne chere. Puis fit vn long discours, par lequel premierement il remercioit le Tono, de la signalée faueur qu'il luy auoit faite le condamnant à la mort pour Iesus-Christ. Apres cela il deduisit les raisons, pour lesquelles aiant esté toute sa vie tres-obeissant vassal, il refusoit en ce seul poinct l'obeissance.

IESVS-  
CHRIST  
1622.

214

Viatique  
des Chrétien.

ENTRE autres raisons il dit, auoir esté quelques années auparavant oinct par l'Euesque du Iapon, au Sacrement de Confirmation, & lors auoir protesté publiquement, que pour chose quelconque il n'abandonneroit la foy. En ce discours, & en vne autre grande explication des mysteres de nostre sainte foy, se passa toute la nuict, sans qu'aucun des assistans fermât l'œil, chacun s'étonnant de cette nouvelle façon d'aller à la mort, qui témoignoit que la constance estoit chose plus qu'humaine. Ce discours finy, il se retira, & fit vne heure d'oraison; puis se disciplina à son accoutumée; & ayant pris vn peu de repos, retourna derechef à la discipline & à l'oraison, & s'estant préparé de la sorte, partit de sa maison, pour aller au lieu du supplice.

215

Confirma-  
tion Sacre-  
ment. & sa  
force.

SORTANT du logis, il pria les executeurs de Iustice, qu'ils le menassent lié, ainsi qu'ils menoient les autres. Ce qu'ils refuserent de faire, n'osans, disoient-ils, garotter vn Seigneur de telle qualité. Mais il les importuna tellement, qu'il obtint d'eux ce qu'il vouloit. Tandis qu'on le lioit, se souuenant des chaines desquelles le fils de Dieu fut lié, il versa grande abondance de larmes sur ses chaines. Arriué qu'il fut au bord de la mer, il prit congé de sa femme & de ses enfans, qui son-



doient en regrets, & s'embarqua, tirant vers l'Isle de Nacayenoxima lieu de son martyre. En approchant il dit de bonne grace à ceux qui le conduisoient: Le ciel n'est pas loin d'icy. S'estant donc mis en oraison, & haussant les yeux & les mains au ciel, il receut courageusement le coup d'épée, qui luy trancha la teste, le huitieme iour de Iuillet, mil six cens vingt-deux, âgé de quarante deux ans, ses reliques furent jetées en mer, selon la coutume la plus ordinaire du Japon.

*Missions au Royaume de  
Fingo.*

CHAPITRE XXV.



LE Pere Gaspar de Castro visita les Chrestiens du Roiaume de Fingo, baptisa cinquante adultes, & remit en bon train plusieurs de ceux qui s'estoient detraquez de la foy. On ne peut bonnement dire le fruit qu'il tira de l'administration des saints Sacremens, & autres exercices spirituels: Combien de dangers il courut; combien de fois il fut ou preserué, ou retiré des mains des Gentils, par l'industrie & charité des Chrestiens.

VNE femme Chrestienne infortunée seulement pour s'estre mariée avec vn Payen, en eut vn fils. Mais soudain le laiët luy māqua, tellemēt que l'enfant fut reduit à l'extremité. La mere qui ne pouuoit recevoir aucune consolation, dit vne fois à son mary, qu'il estoit cause de son malheur, entant qu'idolatre. Le mary émeu par les larmes de sa fēme, & danger auquel il voioit son petit fils, promit que si l'enfant en échappoit il se feroit Chrestien. A peine eut-il proferé ces paroles que le lait reuint à la mere, & la santé au fils, au grand étonnement de tous ceux qui en ouïrent parler. Ainsi le pere se fit Chrestien. Voicy vn clair effet de la diuine predestination.

QUELQUES idolatres se voians chargez d'enfans, & desesperans de les pouuoir nourrir, en enuolopperent vn dans de

la paille; & l'exposerent à la merci de la mer. L'eau le receut, & le rendit à bord. Quelques enfans qui jouoient à la rade, apperceuans ce monceau de paille le tirerent à bord: mais n'y aians trouué que l'enfant demimort, ils le repousserent dans l'eau. Neantmoins la petite creature ne mourut pas pour ce second naufrage. Vne femme Chrestienne passant par là, & aiant sçeu que c'estoit; tira derechef l'enfant à bord, & comme elle estoit bien instruite de la forme du Baptême, le baptiza, & mourut entre les bras de cete bonne Dame, la laissant tres-contente, de ce qu'une fois en sa vie elle auoit ouuert le Paradis à vne ame.

LESVS-  
CHRIST  
1622.

218

Enfant baptizé, meurt

VN Gentil-homme Chrestien, des plus riches de la contrée, auoit pris peine par l'espace de trente ans, de persuader à sa femme qu'elle se fit Chrestienne, sans qu'il eust rien auancé. A raison dequoy il n'osoit approcher du saint Sacrement del' Autel. En fin Dieu voulant consoler ce bon mary, permit que cette femme fut affligée d'une extrême douleur de ses yeux; & entendit certaine voix qui luy disoit, qu'elle ne tardât plus à se faire Chrestienne, pour estre incontinent guerie; lui nommant mesme le lieu où elle deuoit recevoir le saint Baptême. La patiente se rendit en fin, & declara le tout à son mari, qui la mena soudain vers vn de nos Peres, auquel elle asseura n'auoir iamais adoré les Camis & Fotoques, ny autre idole du Japon. Iugeant bien que tout ce que les Bonzes en prêchoient, n'estoit que fables & inuentions humaines; le priois tousiours le Dieu du Ciel, disoit-elle, qu'il m'enseignast le vray chemin du salut. Surquoi le Pere la baptiza, au grand contentement de son mary.

219

Femme baptisée.

VN autre Chrestien fit aussi preuue de sa foy & pieté, en ce qu'un de ses enfans estant decedé tandis qu'il estoit en voyage loin de son païs; & les Bonzes l'aians enterré au cemetiere des Gentils: aussi-tost qu'il fut de retour en sa maison, il alla secretement le deterrer, disant qu'il n'estoit pas conuenable de mesler les cendres d'un Chrestien avec celles des Gentils. Tellement qu'enleuant le corps de son fils, il le fit porter par mer à onze lieuës de là, pour l'enseuelir avec les Chrestiens.

220

Sepulture bien procurée.

VN bon vieillard aussi Chrestien, ayant rencontré sur les



Ande 758.

LIVRE XIX. DE L'HISTOIRE

IESVS-  
CHRIST  
1622.

champs deux idolatres , qui tenoient son chemin , se joignit avec eux. Or il arriua que comme le bon homme auoit beaucoup de peine à se porter , il heurta contre vne pierre , & craignant de tomber inuoca les noms de IESUS & MARIE. Les deux idolatres aians recogneu par là que le vieillard estoit Chrestien le prierent de leur dire quelque chose des mysteres de la foy Chrestienne. Il le fit tres-volontiers , & son discours fut tellement asisté de la grace de Dieu , qu'ils renoncerent aussi-tost aux idoles , & peu apres par l'industrie du mesme vieillard furent baptizés , & donnerent grande esperance que chacun d'eux reduiroit sa famille à la foy de Iesus-Christ.

221  
Conuersiõ  
de deux  
Payens.

LE second iour d'Octobre neuf Chrestiens furent couronnés du martyre en la ville de Nangazaqui , entre lesquels y auoit trois petits enfans. Va d'iceux fut tourmenté sept iours entiers , pour decouurir en quel lieu estoient cachés les Religieux. Mais on ne peut iamais tirer de sa bouche que ces paroles, Iesus Maria, Iesus Maria. O que je desire arriuer à la gloire de mon Dieu! Les bourreaux enrageans de se voir vaincus par la patience de cet enfant, lui fendirent le corps entre les deux épaules , & verserent dans cete ouuerture grande quantité de plomb fondu. Puis dépités de ce qu'il ne confessoit rien pour tout cela, le brulerent tout vif, avec la famille , & jetterent les cendres en mer.

222  
Supplice  
nouveau.

*Emprisonnement du P. Pierre Paul Nauarre, Religieux de la  
Compagnie de IESVS, & comme il discourut avec le  
Tono Bugundono.*

## CHAPITRE XXVI.



V commencement de l'Aduent de l'an mille  
six cens vingt vn le P. Pierre Paul Nauarre  
fut à Obama, d'où il passa de nuit à Faquirao,  
faisant sçauoir aux Chrestiens d'Arima, qu'il  
iroit les voir pour Noël. Mais ils lui récriuirēt,  
que le Tono aiant lors nombre de gens aux  
aguets, il sembloit plus seur d'attendre au iour de la Circon-  
cision. Aiant donc passé les festes de Noël à Faquirao, il se  
mit en chemin pour Arima, avec deux guides. Le plus seur  
chemin estoit bien par eau, mais n'ayant peu trouuer aucun  
vaisseau, qui tint cerē route, il fut contraint d'aller par ter-  
re, & suiure le grand chemin. Deux heures apres mi-nuit ils  
rencontrerent vn valet de pied du Tono, lequel à la faueur  
de la Lune, qui estoit fort claire, aiant jetté les yeux sur le P.  
Nauarre, supçonna incontinent ce qu'il estoit, & l'arresta  
par la robe. Le Pere lui dit qu'il ne se mit pas en peine de l'ar-  
rester, l'asseurant qu'il ne s'enfueroit point. Vous viendrés  
chez le President, dit le valet de pied. Mais le menant il mō-  
tra se repentir de ce qu'il auoit fait. Et quoi que le P. Nauar-  
re le priāt de le conduire chez le President, il ne voulut pas-  
ser outre, ains le laissa le reste de la nuit en la maison d'un  
Gentil.

223

P Pierre.  
Paul Na-  
uarre pris.

Le iour suiuant de grand matin, le Tono qui se tenoit  
à Ximbara, cinq lieues loin d'Arima, eut auis de tout  
ce qui s'estoit passé, & en sentit vn grandissime déplai-  
sir, tant parce qu'il auoit esté par le passé quelque peu affe-  
ctionné à nos Peres, comme parce qu'un peu auparauant, il  
s'estoit vanté en la presence du Xogun, qu'il n'y auoit  
point de Religieux en ses terres. Qui fut cause qu'il en

224

Tenu en  
Arima.



IESVS-  
CHRIST  
1622. écrivit en diligence à vn sien ami Gouverneur du Iapon,  
pour auoir son auis sur ce qu'il deuoit faire, pour mettre son  
honneur à couuert. Mais parce que peu à peu le bruit de  
l'emprisonnement du pere s'espandit; il le fit conduire à  
Ximbara, après l'auoir tenu vingt iours à Arima chez le sus-  
dit Gentil.

225  
AXimbara D'VRANT le chemin, le Pere ne fit que discourir de la  
foy Chrestienne, & les soldats qui le conduisoient, l'escou-  
toient avec beaucoup de satisfaction de leur esprit. Celuy  
qui les commandoit auoit esté Chrestien, & depuis estoit  
recheu au gentilisme: Mais les discours du Pere le porterent  
à recognoistre sa faute, si bien qu'il resolut de retourner à  
Iesus-Christ. Tandis que le P. Nauarre demeura prisonnier  
à Arima, il fut permis à tous tant Chrestiens que Gentils de  
l'aller voir librement. Desquelles visites il tira tant de fruit,  
que son hoste avec sa femme se monstrent enclins à la foy;  
& depuis furent à Ximbara pour le voir, & luy faire quelque  
present. Aquoy le P. Nauarre ne prenant aucun plaisir, par-  
ce qu'il desiroit endurer pour Iesus-Christ tout ce qui luy se-  
roit possible, supplia le Tono de l'enuoier à la prison publi-  
que, ou à celle d'Omura, avec plusieurs autres Religieux qui  
estoiēt là prisonniers. Ce que le Tono ne lui voulut octroyer,  
ains le donna en garde à quatre Chrestiens de Ximbara, &  
cinq d'Arima, comme ledit Pere écrivit au Pere Recteur de  
Nangazaqui. Voici vne partie de sa letre, que j'enchasse  
comme vne perle.

226  
Desire souf-  
fir dauan-  
tage.

IE suis maintenant en la maison d'André Mangoyemō, fa-  
uori du Tono, où ie celebre chaque iour la sainte Messe, dās  
vne Chapelle secreta: & administre les saints Sacremens,  
parce que les Chrestiens ont permission de me venir voir.  
Quelques Seigneurs Gentils me visitent aussi. Nos discours  
ordinaires sont du salut eternel, & par fois des merueilleux  
effets de la nature. Desquels ils se montrent fort satisfaits.

COMME on parloit vn de ces iours au Tono de mes miseres,  
il montra desir de me voir, pour ouïr quelque discours de  
nostre foy, & dit que pour cet effet il m'appelleroit au châ-  
teau. Cependant il me fit visiter par vn Page, qui me por-  
ta quelques fruits de sa part; & dit que son maistre l'auoit  
chargé

chargé de me dire, qu'il estoit fort marry de mon emprisonnement; & que s'il eût peu, il eût dissimulé avec moy, comme il faisoit avec les autres Peres, aiant moien d'en prendre plus de dix dans ses Estats, sçachant tres-bien où ils hantent. Au reste

IESVS-  
CHRIST  
1622.

qu'il me promettoit ses barques, & tout ce qui seroit necessaire pour mon voiage, lors que mon mandement seroit arriué pour me rendre à Macao. Mais jà ne plaise à Dieu qu'on prenne resolution de me mettre vif hors du Iapon. Je desire finir icy ma vie, épandant mon sang pour celuy qui a dōné le sien pour moy. C'est à ce dernier acte que ie me prepare tous les iours. J'ay eu le bon-heur, de me rencontrer avec le P. Iean Baptiste Zola, auquel ie me suis confessé par deux fois. Je n'attends plus que le mandement de la cour d'Yendo. Iusques icy le Pere Nuarre, écriuant au P. Recteur de Nangazaqui. Depuis il veid le Tono Bungodono. Leur entreueuë merite bien d'estre rapportée, & ne le peut estre mieux, ny plus fidelement, qu'en la façon que luy-mesme l'a décrite en vne sienne lettre, qui parle ainsi.

227

Et au Iap-  
pon.

228

Pere Iean  
Baptiste  
Zola.

BVNGODONO m'a finalement mandé à son chasteau, & m'y a receu avec des signes de bien-veillance extraordinaires. Du cōmencement il se montra bien marry de tout ce qui m'estoit arriué; & apres m'auoir présenté des fruits, & fait semblables courtoisies à la Iaponnoise, me dit, que rien ne luy sembloit si difficile à comprendre en ce qui concernoit nostre loy, que pour quelle raison Dieu estant tout bon, & createur de tous les hommes, ne les sauuoit aussi pas tous. Je luy répondis que Dieu a créé tous les hōmes, afin qu'ils se sauassent par l'exercice de la vertu, & des bonnes œuures: leur a donné le franc arbitre, par le moien duquel ils peuvent suivre ou fuir le bien ou le mal, comme bon leur semble: a promis vne recompense eternelle à ceux qui viuront bien; & vne peine qui ne finira iamais à ceux qui feront mal. Ce qui est tres-sagement & tres-justement estably. Car ne manquant de sa part à fournir les aides & forces necessaires, selon qu'il en est requis; si les hommes abusent de leur liberté, ils en sont punis. S'ils s'en seruent bien, ils trouuent la recompense toute preste. S'ils vsent mal de leur liberté, ce sont eux-mesmes qui se precipitent volontairement en leur perte. Car Dieu donne la recompense de la vie eternelle à ceux là seulement, qui avec la liberté de leur volonté

229

Dieu ne  
sauue tous,  
& pour-  
quoy.



**IESVS-** gardent sa loy : & chasse du ciel ceux-là seulement, qui par le  
**CHRIST** mauuais vsage de la mesme liberté se montrent rebelles à ses  
 1622. saintes ordonnances.

230

Belle similitude.

CE que ie luy éclaircis par cette similitude qui le touchoit. Quand vous diuisez les terres que l'Empereur vous octroie, ou donnez quelques recompenses à vos soldats, ou autres seruiteurs, pesez-vous pas premierement les merites d'un chacun, pour recompenser les obeissans, & punir les rebelles? C'est ainsi que Dieu Seigneur & Createur de l'Vniuers, se sert tantost de sa iustice, tantost de sa bonté, selon la disposition de ses vassaux & creatures. Le Tono ne sceut que me repartir pour lors. Mais y aiant pensé quelque temps, il me dit en son ramage: Mattomo de Gozatu: C'est à dire, Il est ainsi. Vous avez raison. Puis adjouta auec vn visage aimable, Je suis extremement marry que vous aiez à souffrir tant de maux, si vous demeurez plus long-temps au Iapon. Que ne reprenez-vous le chemin de vostre pais, où vous pourriez viure en paix, & à vostre mode? Je le remerciay premierement de la bonne affection qu'il me monstrois. Puis luy remontrai comme i'estois venu au Iapon avec vn grandissime traual, pour enseigner aux Iaponnois le vrai chemin du ciel, & depuis trente-six ans que i'y estois arriué, ne m'estois iamais épargné à prêcher la loy de Iesus-Christ: Bref qu'ayant atteint l'âge de soixante-deux ans, ie ne desirois que mourir pour Dieu, au milieu du Iapon.

231

Apologie Iaponnoise

IL demeura tout étonné de ma protestation, & témoignant par ses gestes vne grande admiration, de ce que i'auois dit, se tourna vers vn Gentil-homme. idolatre qui estoit là. Et peu apres se mit à compter les calomnies que les Gentils ont coutume d'opposer à la religion Chrestienne. Surquoy ie tiray de mon sein vne Apologie de nostre foy composée par moy dès le commencement de cette persecution, & la luy presentay. Il la donna à son Secrétaire pour la lire. Tandis qu'il lisoit, le Tono loüoit par fois quelque chose de ce qu'il comprenoit le mieux, sans oublier d'applaudir à l'auteur en certains rencontres.

Oiant lire le titre du chapitre quatriéme, dans lequel ie répons aux calomnies des idolatres, pour ce qui concerne la conquête des Roiaumes; C'est cela, dit-il, qui dōne de la peine à nostre Xogun, & luy perce le cœur. Je repartis : Si sa Majesté

Imperiale auoit leu cette Apologie, il seroit éclairci du tout, & mettroit bas le soupçon qui le trauersoit. Je ne sçai ce qui en pourroit arriuer, me répondit le Tono : Mais les Isles Philippines, que les Chrestiens ont enuahies, confirment plusieurs personnes en l'opinion du Xogun. Je ne voulus pas entrer plus auant en l'affaire des Philippines; le discours en estoit trop long, & embrouïllé. Je me contentay de luy auouer, que ie n'estois pas suffisamment instruit de ce qui concernoit ces Isles, comme estant maintenant sujetes à vne autre couronne; mais pour parler des Portugais, ie luy montray qu'à Macao, Malaca, Cochinchin, Goa; bref en toutes les autres parties de l'Inde, ils s'estoient confederez avec les Princes naturels du pais, & vivoient avec eux en grande paix.

232  
Isles Philippines.

L'ADIOVSTAY plusieurs choses de la ville de Rome, de Constantin le Grand louant fort la felicité de l'Eglise qui fleurissoit de son temps. Je m'étendis aussi sur la Cosmographie, pour luy faire comprendre l'estenduë de la terre, & la distance qui est entre l'Europe & les Indes; parce qu'il me sembloit parler de Goa, de Lisbonne, des Indes & de l'Europe, comme de petites contrées du Iapon. Ce que i'en dis fut receu avec vn applaudissement vniuersel des assistans. Le Tono mesme aiant touché ce que i'auois dit de Constantin; A la mienne volonté, dit-il, que vostre Dieu eust tiré nostre Xogun à sa cognoissance. Je vous assure que le Iapon suiuroit bien-tost son exemple. Il adjoûta aussi qu'il desiroit grandement que nos Peres eussent permission de demeurer librement à Nangazaki, afin de iouir quelquesfois de leurs saints discours.

233  
Souhait Chrestien.

DE plus il commanda qu'on tirast promptement vne copie de cette Apologie. Ce que ie permis fort volontiers, esperant que par son moien elle arriueroit bien-tost à la cour Royale du Iapon. La nuit approchant, ie pris congé de luy. Il se leva, & m'accompagna iusques à la cour, où pour m'honorer dauantage, il frappa la terre de son front, puis avec les mains. Qui est la ceremonie qu'on fait aux plus grands personnages pardeça. Depuis cette conference, vn Gentil-homme Chrestien estant allé veoir le Tono, & parlant de nostre entreueüe, luy fit franchement auouer, qu'il n'estimoit pas qu'on peût trouuer, ny repos d'esprit, ny salut de l'ame en aucune des



An de 764

LIVRE XIX. DE L'HISTOIRE

IESVS - sectes du Iapon. Plaise à Dieu de l'appeller vn iour à nostre sain-  
CHRIST &c Foy. Iusques icy la letre du P. Paul Nauarre, lequel dès lors  
1622.

234

Cilice en-  
dossée.

pour se preparer au martyre, redoubla ses oraisons ordinaires, & y adjoûta, l'âpreté du cilice, lequel il ne quitta plus. De fait on le luy veid sur le dos, comme il fut dans le feu, où il finit son martyre. Il se disciplinoit toutes les nuits, & ne perdoit iamais occasion de mortifier son corps, pour donner plus de force à l'esprit, & rendre ses traualx plus profitables au prochain.

Le temps qui luy restoit de l'oraison, & autres exercices de pieté & charité, il l'emploioit à traduire en langue Iaponnoise le liure du P. Pierre Antoine Spinelli, des loüanges de la Vierge & mere de Dieu, y passoit les nuits entieres, & ne cessa qu'il n'eut conduit cét ouurage à sa perfection. Tandis arriua la nouuelle de la cour Roiale, commandant qu'il fût tenu sous bonne & seure garde, iusques à tant qu'autrement en fût ordonné. Nouuelle qui affligea tant le P. Nauarre, qu'il en pleura chaudement, disant que ses pechez luy auoient rauy le bien du martyre. Aussi-tost arriua vn courrier de l'Empereur, pour s'enquerir de quel país estoit le Pere. Ce qui adoucit vn peu sa tristesse. Il répondit luy-mesme : Je suis d'Europe. Neantmoins pour ie ne sçay quels affaires qui suruindrent en cour, on fut six mois entiers sans traiter plus de luy.

235

Sentence  
definitive.

CE terme expiré, Gonzoco, qui estoit allé de Firando à la cour, en eut la cômmission, & quand & quand il écriuit que l'Empereur entendoit, que le Pere Nauarre, & les trois qui furent faits prisonniers avec luy, fussent brûlez. Dequoy le P. conceut vne telle joie, qu'il fut quelque temps comme tout transporté de ses sens, & en cuida perdre la vie cinq iours auant qu'aller au supplice. Au mesme temps on remarqua, que celebrant la sainte Messe il estoit épris d'une telle douceur apres la consecration, qu'il fondeoit tout en larmes, éclattoit en soupirs, bref auoit peine à finir, pour sortir de l'Autel. Ce fut le vingt-huitième iour d'Octobre qu'il receut la nouuelle de sa mort, & depuis écriuit au Pere Iean Baptiste Zola, au Pere Matthieu & à plusieurs autres de nostre Compagnie, tant és Indes comme au Iapon, avec beaucoup de sentiment des choses du ciel, & de la vie eternelle.

*Martyre du P. Pierre Paul Nauarre, Denis Fugexima, Pierre  
Onizurqua, Religieux de la Compagnie de Iesus, &  
de Clement Cinjemon.*

## CHAPITRE XXVII.



È iour & feste de tous les Saints, le P. Pierre Paul Nauarre, dit la sainte Messe de grand matin, avec tant de larmes, qu'il faisoit assez paroître combien estoit grande la consolation qu'il sentoît interieurement, quoy qu'il n'eut encore rien sceu de la réponse finale qui estoit arriüée de la cour le soir auparauant. La Messe finie il prêcha à vingt-six Chrestiens, qui l'auoient ouïe, & ce avec tant d'ardeur, qu'il tira les larmes des yeux de tous les assistans. La predication finie, il distribua quelques pieces de deuotion à ceux qui l'auoient logé, promettant qu'il auroit tousiours particuliere souuenance d'eux.

IL prit aussi congé de Damian, l'un de ses Dogiques, qui ne se rencontra pas en la maison, lors que le Pere fut pris: & se môtra fort recognoissant des seruices qu'il luy auoit rendus dix ans durant. Le bon ieune homme fondeit en larmes; & ne pouuoit former parole aucune, pour la grande douleur qui l'auoit saisi. Seulement se jettoit-il par fois aux pieds du Pere, & autant que ses souâpis luy permettoient, s'écrioit: Infortuné que ie suis, que ne me trouuai-je lors à la maison! Peux-je souffrir plus grand tourment, que d'estre forclos du nombre de ceux qui endurent pour Iesus-Christ? de perdre le Pere qui m'a engendré selon Dieu?

Le Pere Nauarre se dégageant des douces violences, que luy faisoient les assistans, se retira pour prendre congé par lettres de quelques personnes en particulier. La premiere qu'il écrivit, fut au Pere Prouincial du Iapon. La seconde au P. Mathieu, duquel ien'ay peu trouuer le surnom. Deux heures auant midy,



IESVS- vn des officiers de Bugundono fut trouuer le P. Nauarre, pour  
CHRIST luy signifier la sentence de l'Empereur, qui le condamnoit à  
1622. estre brûlé tout vif; parce qu'ayant receu commandement de

237

Sentence  
signifiée  
au P. Na-  
uarre.

sortir du Japon, il y estoit demeuré, & auoit prêché la loi Chrétienne contre ses Edits. Le seruiteur de Dieu écouta cete sentence, avec sa ioie & tranquillité accoutumée, protestant tout haut, qu'è sa vie il n'auoit receu plus heureuse ny plus agreable nouvelle: & qu'il estoit tres-aïse de sceller par son sang la doctrine, que depuis trente-six ans il auoit prêchée au Japon, apres auoir quitté son país, renoncé à tout ce qu'il auoit de plus cher, trauersé tant de mers, pour trouuer cette commodité. Partant il ne se plaignoit point du Xogun; & se recognoissoit tres-obligé à Bugundono.

238

Est mené  
au suppli-  
ce.

Ce qu'ayant dit, il se mit à prêcher celuy mesme qui luy auoit intimé sa derniere sentence. Mais la rigueur de la persecution le fèdoit sourd. Le Tono aiât ouï ce que dessus, ne se peut tenir de pleurer. Quant au Pere Nauarre pour se preparer au dernier combat, il mit son chappellet au col. Vn peu apres midy il sortit de la maison avec Denis, cinquante soldats armez l'attendoient deuant la porte, avec Pierre & Clement, qui se mirent tous en chemin, pendant lequel Clement se confessa. Puis le Pere commença les Letanies des Saincts. Les autres trois luy répondoient, au grand étonnement des Payens, qui ne pouuoient comprendre comme ces personnes alloient si gayement, & constamment à la mort.

Non loing des portes de la ville de Ximbara, vers le midy, s'étend vne languette de terre, qui est le lieu destiné au supplice des criminels. On y auoit planté quatre poteaux. Du plus loing que le Pere Nauarre les apperceut, il osta son chapeau, & leur fit vne profonde reuerence. Puis se mit à cheminer si hastiuement, qu'à peine le pouuoient suivre ceux qui l'accompagnoient. Estant entré dans l'enclos de bois dressé autour du lieu du supplice, il se mit à genoux deuant le poteau, qu'on luy dit estre pour luy, remerciant la diuine Majesté de la grace qu'il attendoit en receuoir. Puis s'estant releué donna plusieurs beaux aduertissemens de salut aux assistans; & protesta qu'il ne mouroit que pour la loy de Dieu, hors laquelle il n'y auoit point de salut. Tan-

dis qu'il parloit quatre bourreaux le lierent à son poteau. L'un lui osta la ceinture, l'autre son chapellet, que les Chrestiens racheterent depuis avec vne grosse somme d'argent. Ses trois compagnons furent aussi liés chacun à son poteau.

IESVS-  
CHRIST  
1622.

SOVDAIN que le Tono fut arriué, on mit le feu au bois, & le vent qui estoit fort impetueux, porta tout à coup la flamme sur le manteau du Pere, qui ne cessa pourtant tantost d'animer ses compagnons à la constance; tantost d'inuoker le nom de IESVS. On le vit souuent leuer les yeux au Ciel, iusques à tant que ses liens aians esté brulés il tomba sur vn costé, redisant par plusieurs fois, & d'une voix forte, Iesus Maria. Ses trois compagnons triompherent du feu avec pareille force. Toutesfois le tourment de Pierre sembla de plus longue durée, pour auoir esté attaché plus loin du feu. Ils moururent le premier iour de Nouembre l'an mille six cens vingt-deux. Leurs corps demurerent trois iours entiers, bien gardés par les soldats; puis furent brulés avec leurs poteaux, & les cendres iettés en mer. Depuis plusieurs Chrestiens visiterent par deuotion la prison où le P. auoit esté detenu, & n'y osoient entrer qu'à genoux tous nuds.

239

Y meurt  
heureuse-  
ment.

Av resté le P. Pierre Paul Nauarre estoit Italien de natiō, natif de Layno, petite ville de Calabre. Il entra en nostre Cōpagnie l'an dix-huitiesme de son âge: fut fait Prestre aux Indes: alla au Iapon l'an quinze cens quatre-vingt & six. Durant la persecution de Taycosama il se retira par fois & Nāgazaqui, par fois en Arima & Omura; esquels endroits il donna de grandes preuues de ses vertus. De là il fut employé quatre ans à culriuer l'Eglise d'Amanguci, fondée par S. François Xavier, d'où il visitoit les Roiaumes de Nangato & de Bungo, y allant vne fois l'an, par vn chemin tres-incommode. L'an mille six cens quatorze il fut contraint de quitter Bungo à cause de la tempeste excitée par Dayfusama contre l'Eglise. Vn iour se trouuant dans vn village pour l'instruction des Chrestiens, & les soldats qui le cherchoient suruenans, il fut contraint de se cacher dans vn trou en terre, où il demeura plusieurs iours, abandonné des hommes, mais grandement consolé de Dieu. Sortant de là il prit l'habit

240

Sayie.



Ande 768

LIVRE XIX. DE L'HISTOIRE

IESVS- d'un portefaix, & un chapeau de paille pour se déguiser.

CHRIST L'AN soixantiesme de son âge, il s'en alla au Roiaume de  
1622. Fiunga trauersant de tres-hautes montagnes, avec des diffi-  
cultés que la seule charité peut surmonter; & y aiant gagné  
plusieurs ames à nostre Seigneur, s'en retourna à Bungo. De-  
puis il fut trois ans & demi Superieur de nostre Compagnie  
à Tacacu, & mourut le soixante & quatriesme de son âge.

141

Denis Fu-  
gexima  
Martyr.

DENIS Fugexima natif de Tacacu, & de parens fort ho-  
norables, fut baptizé en son enfance, sur la fin de laquelle  
aiant perdu son pere, & se voiant sollicité pour seruir les ido-  
les, se retira à Nangazaqui; où il fut employé pour assister le  
Pere Nauarre en ses voyages: puis admis au corps de nostre  
Compagnie, en laquelle il mourut âgé de trente & huit ans.  
Il estoit si adonné à l'oraison, que plusieurs fois estant allé à  
la forest prochaine pour couper du bois, on le trouua à ge-  
noux, les mains jointes, & les yeux fichés au Ciel, s'estant  
oublié de son trauail.

142

Pierre  
Onizurqua  
martyr.

PIERRE Onizurqua, nâquit de Faquiray, village d'Arima,  
se rencontra aupres du P. Nauarre, comme les soldats Pa-  
yens le firent prisonnier: & apperceuant qu'un d'iceux plus  
outrageux que les autres, menaçoit le Pere de le tuer, lui fai-  
sit courageusement la main, qu'il auoit déjà leuée pour le fra-  
per, priant ce soldat de ne toucher le Pere, ains de tourner  
contre lui mesme son épée & son courroux. Ce que le soldat  
lui accorda, voire lui permit de se retirer, apres auoir donné  
caution qu'il se représenteroit, lors que sa sentence seroit  
venue de la Cour. Ce qu'il fit, & fut brulé ainsi que i'ay dit,  
l'an dix huitiesme de son âge; & le fut nommé l'an quarante  
& huit. Denis & Pierre auoient fait les vœux de Religion en  
nostre Compagnie. Clement n'en estoit pas, ains seruoit  
seulement de guide à ceux que nos Superieurs enuoioient  
pour assister les Chrestiens de la ville d'Arima.

*Estat des Eglises de Bungo, Chiungocu, Meaco, Fuximi,  
Ozoca, Sacay, & circonuoisins.*

CHAPITRE XXVIII.



N de nos Peres aida grandement cette année les Chrestiens de Bungo en leurs deuotions, & particulièrement ceux qui par la fraieur de la persecution auoient tourné le dos à la foy, plusieurs desquels en firent penitence. Vne femme Chrestienne aiant quitté son legitime mary, ie ne sçay pourquoy, marchanda pour en épouser vn autre, quoy qu'on l'aduertit que Dieu l'en chastieroit. De fait elle sentit la vengeance du Ciel plus promptement qu'on ne pensoit. Car sortant de sa maison, pour aller chez ce nouveau mary, qui l'estoit venu querir, elle tomba roide morte sur la place, & le prentendu mary perdit la veuë en mesme temps.

243  
Punition  
soudaine.

LE Pere Iean Baptiste Porro baptisa cent cinquante trois personnes au Royaume de Chiungocu, & remit au giron de l'Eglise plusieurs personnes que la persecution en auoit arrachées. Vne fille de noble extraction, qui seruoit en la maison du Gouverneur idolatre, esprise du desir de receuoir le saint Baptisme, fut en cachettes prier l'hostesse du Pere, la larme à l'œil, de luy donner moyen de l'aboucher. Le Pere la receut avec toute la charité possible, l'instruisit, la baptiza, & renuoya en son logis, où elle rendit aussi tost preuue de sa vertu, se trouuant importunée de quiter la foy, & sollicitée de son honneur. Mais elle demeura victorieuse.

Vne fille de dix-huict ans, parente du susdict Gouverneur, & demeurant chez luy, menacée d'auoir les doigts coupez, si elle n'abandonnoit le christianisme, presenta soudain ses deux mains au tourment. Dequoy le barbare fut si estonné, que dès lors il perdit tout courage de la menacer.

244  
Fille tres-  
courageu-  
se.

Le mesme Pere baptiza vne dame des plus qualifiées du païs,



An de 770

LIVRE XIX. DE L'HISTOIRE

IESVS-  
CHRIST  
1622.

âgée de soixante ans ou plus; laquelle lui fit incontinent présenter plusieurs gros liures des superstitions Iaponnoises, le priant avec larmes de luy enseigner comme il falloit convertir les ames à Iesus-Christ, afin, disoit-elle, que comme i'ay enseigné le Gentilisme à plusieurs, ie puisse aussi par vostre moyen montrer à plusieurs autres la verité. Vn Chrestien de ce même país chassa vn seruiteur de sa maison, pour ce seulement qu'il luy sembloit se gouverner trop froidement és choses de nostre sainte foy.

245

Confrerie  
de la miséricorde.

A Sacay on erigea de nouveau cette année la Confrerie de la Misericorde, qui se tenoit tous les Samedis en vne maison à ce destinée. Les Confreres disoient tous ensemble les Letanies de la Vierge, puis faisoient vne heure d'oraison mentale, pour l'augmentation de l'Eglise, & salut du Iapon: & s'entretenoient en quelque lecture spirituelle, ou conference des vertus. Avant que partir du lieu, on donnoit à chacun vne vertu, pour en pratiquer quelques actes au long de la sepmaine.

Le P. Iacques Yuqui Iaponnois visita les six Royaumes, qu'on appelle du Goquinay, convertit soixante & dix idolatres à la foy. En ce nombre se trouua vne femme, laquelle aiant demeuré vingt ans entiers au nombre des Catechumenes, sans se pouoir resoudre à quitter la hantise du Gouverneur du Roiaume de Deua, vint finalement à Nangazaqui: où aiant reçu le saint Baptisme, nonobstant la resistance de sa mere, qui estoit encores idolatre, elle se maria avec vn Gentil-homme Chrestien, & prit le nom de Luce, au lieu du barbare titre de Nixicomandano, qu'elle portoit auparauant.

246

Conuerfio  
remarquable.

Le diable s'estant emparé du corps d'une pauvre femme idolatre, vn Chrestien de ses voisins la fut veoir, & par curiosité demanda au malin esprit, combien estoit grand le saut qu'il auoit fait du ciel aux enfers. A laquelle demande la possédée perdit toute contenance, le malin esprit faisant paroistre par ce signe extérieur, quel estoit son sentiment. Peu apres il répondit qu'on ne pouoit expliquer la perte qu'il auoit faite & que les pensées des hommes ne scauroient comprendre, combien est grande la felicité du ciel. Ce que nous scauions assez sans qu'il le dit. Neantmoins le Chrestien qui l'auoit interrogée, continuant en sa curiosité, tira de son sein vn *Agnus Dei*, &

l'ayant secretement caché dans sa main, luy demanda, que c'estoit qu'il tenoit en main. La possédée répondit, que c'estoit chose qui luy caufoit beaucoup de fraieur. A la mesme heure quelqu'un des Payens qui se trouuerent là, cacha dans sa main quelque brin de paille, & fit la mesme demande au malin esprit. La possédée se prit à rire, disant qu'il n'y auoit pas là grand thresor. C'est vn tétu. Depuis la possédée & vne autre personne de la mesme maison, prindrent resolution de se faire baptiser, Dieu les aiant tirez à sa cognoissance par la confession & tourmens des demons.

IESVS-CHRIST  
1622.

247  
Energumene interrogée.

*Del'Eglise de Musaxo, Oxin, Deua, & autres Royau-  
mes plus Orientaux du Iapon.*

## CHAPITRE XXIX.



VATRE Prestres, & vn Frere de nostre Compagnie, trauaillerent cette année aux Roiaumes Orientaux du Iapon; & le fruit répondit à leurs trauaux. Ils baptiserent d'hommes tous faits, mille cinq cens vn: Entrerent pour la premiere fois en la Prouince de Xouai, qui est du Roiaume de Deua.

248  
Xouai Prouince découverte.

Quelques Chrestiens y habitans, sçachans que le P. Iacques Caruaillo n'éstoit éloigné que de deux iournées, l'inuiterét. Il fut en la ville capitale de la Prouince, nommée Sacata, y dit pour la premiere fois la sainte Messe, & séjourna trois iours. Puis s'en alla en la ville de Cubota, qui est en la Prouince d'Aquita.

LE P. Martin Xiquimi, Iaponnois, fut aussi le premier de nostre Compagnie qui mit le pied cette année, en la ville de Morioca, capitale de la Prouince de Nābu, & y fut receu avec vne tres-grande deuotion de tous les Chrestiens. Leur deuotion estoit si feruente, qu'une fille de fort noble maison, qui n'auoit que dix ans, ieûna tout le Carême, quoy que ses parens tâchassent par toute sorte d'artifices de l'en diuertir.

249  
Morioca capitale de Nambu.

LES Peres Hierome des Anges, & Mathieu Adam, furent par



IESVS - deux fois en Yecico & Sando, qui est vne Isle du costé de Sep-  
CHRIST tentrion, presque toute separée du Iapon. Le P. Iacques Car-  
1622. uaillo fut aussi en la Prouince de Xungara, & fit vn voyage de  
sept iours, seulement pour confesser Vquide Oza, Gentil-hom-  
me Chrestien malade à la mort. Vray est qu'il luy porta aussi vne  
bône aumosne, que mōseigneur l'Euesque du Iapō lui enuoioit.

Vn Bonze qui auoit acquis la reputation d'homme tres-sça-  
uant, receut le saint Baptisme, & tant par sa doctrine, que par  
l'exemple de sa bonne vie, gaigna huit Idolâtres.

250

Femme ad-  
mirable en  
deuotion.

VNE femme âgée de loixante & quatorze ans, demeurant  
en la Prouince d'Aizu, estoit tellement addonnée au culte  
d'Amida, qu'elle inuquoit chaque iour son nom, cent qua-  
rante mille fois, disant: *Namu Amidabur*. Puis trouuer assez de  
temps pour ce faire, elle se leuoit de grand matin, sentant que  
quelqu'un la fraploit par le costé, sans iamais pouuoir reco-  
gnoistre qui la touchoit. Dieu luy ayant donné moyen de se fai-  
re instruire en la foy, elle se fit baptizer, brusla tous les liures de  
ses superstitions, & vne statuë d'Amida, de tres-grande va-  
leur: & commença à inuoker autant de fois tous les iours les  
tres-saincts noms de IESVS & Marie, comme elle auoit accou-  
stumé de nommer son Idole, ce qu'elle faisoit avec vn tres-grâd  
sentiment de consolation celeste. Depuis elle conuertit toute  
sa maison, & vn fameux Magicien. Ce que Satan ne pouuant  
souffrir, se mit à troubler les consciences des nouveaux conuer-  
tis par de nouveaux stratagemes.

251

Pluie por-  
tentieuse.

LES Bonzes appelez Yamabuxi, comme plus particuliere-  
ment vouez au seruice de l'ennemy de nature, firent tant par  
leurs charmes, qu'à Vacamassu, & contrées voisines, on veid  
cheoir en forme de pluye, quelque monnoye de brōze, & quel-  
ques fois du riz. A cete occasion les Gentils firent vne grâde fe-  
ste, pour remercier de ce bien-fait Teuxo Daigin, estimé parmy  
ces peuples, le Prince des Camis & Idoles. L'artifice de Satan  
parut dauantage, en ce que cete pluye superstitieuse estant  
tombée sur vne grande estenduë de terre, il y eut vne bourga-  
de qui fut priuée de ce fruit. Les habitans, comme Payens  
coururent incontinent au deuin: Et eurent pour responce  
que quelques pauvres Chrestiens, qui viuoient parmy eux,  
leur auoient rauy cete faueur. Ils se mirent soudain en de-

voir pour trouuer ces Chrestiens , & apres auoir prou-  
 couru n'en trouuerent qu'un seul, duquel ils pillerent & rui-  
 nerent entierement la maison. Puis le bannirent de leur vil-  
 lage. Mais ils ne le peurent pourtant induire à nier la foy.  
 Celle-là lui donna plus de contentement parmi ses pertes &  
 tourmens, que si ses biens eussent esté multipliés cent pour  
 vn.

Voici la conuersion d'un jeune Gentil-homme, qui parut  
 digne d'admiration. Son propre frere l'auoit souuent exor-  
 té de se conuertir à la foy, il refusa obstinément iusques à  
 l'article de la mort, disant entre autres defaites, que l'ame  
 n'estoit pas immortelle, & que personne n'estoit reuenu de  
 l'autre vie, de laquelle on lui parloit tant, pour rēdre témoi-  
 gnage assuré de ce qui en estoit. Son frere ne perdoit pour-  
 tant courage, ains le voiant à l'extremité, semit en oraison  
 avec quelques siens parens, qui estoient Chrestiens. Le ma-  
 lade qui s'estoit endormi, cependant s'éueille en sursaut,  
 crie & prie son frere de le faire baptizer. On aduertit vn de  
 nos Peres, lequel y accourut, le baptiza, & nomma François.  
 De quoi les Chrestiens qui se trouuerent là, furent si aises  
 qu'ils semirent incontinent en prieres, deuant vne image de  
 nostre Sauueur Crucifié, pour remercier Dieu de la grace  
 qu'il lui pleut faire à ce jeune Seigneur. Ils n'eurent pas long-  
 temps prié qu'ils l'ouïrent s'écrier avec beaucoup de larmes;  
 A Seigneur! à Seigneur! est-il possible, que pour vn si grand  
 pecheur comme moi, vous aïez voulu souffrir vne mort si  
 cruelle? Pardon, ô mon Dieu, à celui qui vous le demande.  
 Car je vous promets, que moiennant vostre sainte grace, je  
 ne vous offenceray iamais plus. Le lendemain ce bon mala-  
 de perdit tout à fait la parole: Ne desista neantmoins de fra-  
 per sa poitrine, & donner plusieurs signes de sa douleur, ius-  
 ques à tant que s'estant tourné vers le Crucifix, étendant les  
 bras, comme pour l'embrasser, il rendit l'ame à Dieu.

252

Conuersio  
 fort extra-  
 ordinaire.



An de 774  
IESVS-  
CHRIST  
1622.

LIVRE XIX. DE L'HISTOIRE

*Nouvelle persecution contre l'Eglise d'Oxu, & de  
Deua.*

CHAPITRE XXX.



Evx sujets occasionnerēt cete année vne nou-  
uelle persecution és Roiaumes d'Oxu & de De-  
ua. Le premier fut le bannissement d'une gran-  
de Dame, conuertie à nostre sainte foy, que  
Sataquedono chassa de sa Cour, quoi qu'elle  
lui eût serui de concubine, ainsi que nous auōs  
touché ci-dessus. Le second fut vn faux bruit épandu parmi  
ces peuples, que la Religion Chrestienne, & la secte de Dai-  
gan, estoit vne mesme chose. La plus grand' part de ces se-  
ctaires sont artisans qui traouillent aux mines d'or & d'ar-  
gent, & rendent au Soleil & à la Lune le mesme culte que  
les autres Iaponnois à leurs Camis. Il's ont si grande familia-  
rité avec les malins esprits, que par leurs enchantemens ils  
dérovent biē souuent tout ce qui est dans les caues, greniers  
& dépenses de leurs voisins. Ils refusent souuent ce que les  
vassaux doiuent iustement à leur Seigneur : & sont cause  
des discordes ciuiles, qui mettent ces contrées en combu-  
stion: Qualités qui les rendent odieux par toute la Prouin-  
ce. Soixante personnes de cete sorte furent n'aguere par-  
tie mis en croix, partie decapités, pour auoir eu dessein de  
surprendre le Chasteau de Xembocu : & par mauuais sort  
arriua que deux Chrestiens trempoient en cete coniuration.  
De quoi Satan & ses supposts prindrent occasion de dire par  
tout, que c'estoit mesme chose d'estre Chrestien, & d'estre  
Daigan. Bruit qui preiudicia tellement à nostre sainte  
foy, que plusieurs qui auoient embrassé le Christianisme,  
furent sollicités par leurs proches de le laisser, de peur  
qu'ils ne fussent tenus pour Daigans. Tant ce nom est

Liv. 18.  
nom. 184.

253  
Daigan se-  
cte aulapō.

odieux en ces quartiers là.

IESVS-

CHRIST

1622.

LE iour auant que cet orage se leuât, apparût en l'air, sur la maison où logeoit vn de nos Peres, vne Croix vn peu obscure; peut-estre pour les aduertir de la persecution qui suiuit bien-tost. L'arriué du P. Iacques Caruaillo en la Prouince de Xembocu, & ville de Cubora; où ce mauuais bruit auoit pris commencement, vint tres-à propos: car il vfa de tant & de telles diligences, que l'orage s'appaisa fort.

254

Croix obscure.

QUELQUES soldats idolatres, aians surpris vn Chrestien, & le tiraillans en presence du Iuge, pour luy faire abandonner la foy, ils lui arracherent en fin vn reliquaire qu'il portoit à son col, crians à pleine teste: Sanxiro (tel estoit le nom du Chrestien) n'est plus disciple de Iesus-Christ, en témoignage dequoy il a quitté la marque qu'il en portoit. Mais le bon Chrestien répondit avec vn grand courage, qu'ils en auoient menti: qu'ils lui auoient osté son reliquaire par force: qu'il s'en plaindroit au gouuerneur de la Prouince. Quelqu'un lui disant, Vous obtiendrez bien aisément vostre pardon. Ce seroit grand dommage de perdre vn si bon ouurier comme vous estes. Paroles qu'il prit à iniure, & soudain s'en courut vers sa maison, prit tous les outils de son mestier, les porta en courant au lieu, où il auoit laissé le peuple assemblé; & les mit en pieces, disant. Faites moi maintenant mourir, s'il vous plaist. Car je prise plus le salut de mon ame, que toutes les choses du monde. Ce qu'ayant dit il se mit à genoux, & pria Dieu qu'il lui fit rendre son reliquaire. Ce ne fut pas en vain, parce que peu de temps apres le Iuge mesme, par ie ne sçay quel instinct, commanda qu'on le lui rendit. Le bon Chrestien se mit derechef à genoux pour le receuoir, avec vn visage plein de contentement: il demeura quelque temps en la mesme posture, pour receuoir sa derniere sentence.

255

Artisan bon Chrestien.

LE Iuge lui fit demander en quel país il desiroit estre banni. Auquel il vous plaira, répondit-il. Quelqu'un repliquant. Si c'estoit cete nuit, aurois-tu biẽ le courage de te mettre sur mer? Ce qu'il disoit parce que la nuit approchoit, la pluie & la tempeste commençoit. Mais le bon Chrestien

256

Constance admirable.



**LES VSC** répondit hardiment qu'il s'exposeroit volontiers, non seulement à la merci de l'eau, mais encores au feu, pour l'amour de Iesus-Christ. Il fut donc banni de la Prouince. Mais le Iuge étonné de cete constance, n'osa plus attaquer les Gentils-hommes Chrestiens.

1622.

EN la mesme Prouince de Xembocu quatre familles de Chrestiens composées de trente personnes, furent chassées d'un village, & se retirerent chez quelques Chrestiens de leur cognoissance. Mais les Ministres de Satan coururent apres, & les aiant dépoüillés tous nuds, les bannirent à son de trompe, avec menaces de mort, contre tous ceux qui les receuroient dans leurs maisons, ou les secourroient. C'estoit durant les plus grandes rigueurs de l'hyuer : les chemins estoient rompus par les pluies : les champs couverts de neiges, & ces pauvres Chrestiens contrains à passer les iours & les nuits au vent, & autres iniures du temps. Les idolatres des villages voisins en auoient compassion, & leur portoiēt qui vn méchant habit, qui du pain, qui du bois à bruler. Mais les soldats qui faisoient la garde tout autour, ostoiēt aux Chrestiens ce peu d'aumoine qu'on leur faisoit. En fin ces pauvres bannis se retirerent dans vn temple d'idoles.

Vn Bonze des plus riches du país fut vn soir verseux avec dix hommes chargés de pain, de vin & d'autres munitions de bouche, qu'ils refuserent craignans que ce Ministre de Satan ne fit courir le bruit, qu'à raison de leur pauvereté ils eussent commis quelque chose indigne de leur foy. Le Bonze jura qu'il n'auoit iamais eu vn tel dessein. Neantmoins ils persisterent en leur resolution. Vne autre fois aiant rencontré quelques soldats qui les menaçoient de la mort, ils se mirent à genoux, presentans leurs testes pour estre coupées. Mais les Payens se contenterent de les admirer.

257

Enfans  
tres chari-  
tables.

DEPUIS ces bons Chrestiens quitterent ce temple des idoles, pour se retirer en vn village, les habitans duquel estoient tous Chrestiens. Pendant leur voiage vne bonne Dame de la troupe ne pouuant plus marcher, dit à ses enfans qui l'accompagnoient: Ie ne scaurois passer outre. Auancés vous hardiment, & ne craignés rien pour moi. Car ie perdrois cent vies, si ie les auois, plustost que manquer à ma foy.

Nous

Nous n'auons garde de vous laisser sur le chemin, respondi-  
rent les charitables enfans. Nous vous secourrons comme  
nostre mere. Partant l'un apres l'autre la prindrent sur leurs  
espaules, & la porterent sept ou huit lieuës durant, ius-  
ques à tant qu'ils arriuaissent à l'habitation des Chrestiens.  
Voicy vn admirable trait de la bonté & misericorde de  
Dieu.

LESVS  
CHRIST  
1621.

VN villageois de la mesme contrée, nommé Canxichi, qui  
auoit coustume de conduire ses voisins, tantost au labour,  
tantost à la picorée, prit la charge d'aller espier les adue-  
nuës de quelques maisons de Chrestiens, qu'ils desiroient  
voler. Pour les voir plus à l'aise, il fit semblant de se vouloir  
faire instruire en la foy. S'estant mis à ouyr ce que ces bonnes  
gens luy en disoient, il se sentit grandement esmeu, & peu à  
peu du tout conuert. Partant de là tout changé, il ramena  
ses compagnons au village: Où s'apperceuant du change-  
ment de vie, tant à l'ouïr parler, comme en ses deportements,  
ils se mirent à le persecuter, si que finalement pour se deli-  
urer de leurs importunitéz, il s'en alla declarer aux Magi-  
strats qu'il estoit Chrestien, les suppliant de mettre ordre  
que ses parents & voisins le laissassent viure en paix, où l'en-  
uoïassent en exil. Le Magistrat se mit bien en deuoir de le de-  
tourner de sa croyance, luy promettant merueilles, s'il vou-  
loit reprendre le culte des Camis. Mais Clement (car ce fut  
le nom qu'il choisit au Baptisme) respondit constamment,  
que quand on luy donneroit tout le bien du Iapon, il n'a-  
bandonneroit pas la foy Chrestienne. La chose alla si auant,  
que finalement le Magistrat conuaincu par sa constance,  
commanda qu'on le laissast viure en paix, & luy attribua  
plusieurs beaux reuenus, le iugeant homme de merite. Mais  
le bon Chrestien ne voulut prendre autre fruit de ces nou-  
uelles richesses, que le moyen de soulager les pauures & ne-  
cessiteux.

258

Conuersio  
admirable.

VNE femme idolatre pour destourner son fils de se ren-  
dre Chrestien, se jetta dans la riuere, pensant par ce bru-  
tal desespoir obtenir ce que les pleurs, ny les larmes n'a-  
uoient peu gaigner. Mais elle se fût tout à fait noyée, si  
autre que son fils n'y eust couru. Car pour cete façon de



IESVS-faire, le fils ne fut aucunement esmeu à quitter. IESVS-CHRIST CHRIST.

1622.

259

Oraison de  
quarante  
heures  
exaucée.

TOUT ce que nous auons iusques icy rapporté de ces deux Prouinces d'Oxu & de Deua, passa au desceu du Gouverneur Sataquedono. Quand on sçeut qu'il en auoit eu le vent, ceux d'entre les Magistrats qui estoient Chrestiens, apprehenderent grandement son courroux: & le Pere Caruaillo commanda par tout les quarante heures, ordonnant que chacun demandast à Dieu particulièrement cinq choses, qui furent couchées par escrit, & attachées à l'Autel. La premiere que Dieu daignast appaiser le courroux du Gouverneur, & le détourner de la persecution des Chrestiens. La seconde, que sa Majesté diuine illuminast ce Prince, & les deux Prouinces qu'il gouuerne, pour les attirer à nostre sainte foy. La troisieme, que la mesme grace fût octroyée au chef & Empereur du Iapon. La quatrieme, que non seulement l'Empereur, mais tous les seigneurs qui le recognoissent, se rendissent à la verité, & à leur deuoir. La cinquiesme, que tout le Iapon ouurît en fin les yeux à son salut.

260

Son effi-  
cace.

COMME ces bons Chrestiens continuoient à recommander ces cinq choses à Dieu, la veille de la Pentecoste on receut nouvelle, que Sataquedono auoit grandement improuué le trouble donné aux Chrestiens. Le Pere fut mandé pour auoir part à la ioye, & assister aux actions de graces qu'on desiroit rendre à Dieu. Sur le chemin plusieurs demanderent qui il estoit. Ses guides & conducteurs respondirent, qu'il estoit arpenteur, & qu'ils le menoiert pour regler leurs heritages, & mesurer les terres des Citoyens. Ils en rioient avec le Pere, & appliquoient leur responce à leur foy, & à l'estat de leur ame.

261

Vie eter-  
nelle, & sa  
considera-  
tion.

LA persecution commença cette mesme année en la Prouince de Nangaya. Mais nous n'en auons sçeu les motifs ny le progrès. Vn honorable Chrestien estant tombé en quelque disette, se rangea chez vn Gentil pour le seruir. Cét idolatre se mit en deuoir de luy faire quitter la foy, & voiant qu'il perdoit son temps, le chassa de sa maison. Dequoy le Chrestien ne s'émeut pas autrement; se contentant de prier son maistre, au depart, qu'il s'informât de la loy de Iesus-Christ. Quelques iours apres le barbare rentrant en foy en-

noia querir ce Chrestien, & voulut estre instruit. A quoy le <sup>I E S V S -</sup> Chrestien s'estant serieusement employé, & luy aiant déclaré <sup>C H R I S T</sup> les principaux mysteres de nostre foy; Quelle merueille, s'é- <sup>1622.</sup> cria ce bon Seigneur, quelle merueille, que les Chrestiens méprisent si courageusement les biens temporels, veu que la vie eternelle les attend? Ce qu'ayant dit, il embrassa son seruiteur, lui demanda premierement pardon de l'auoir molesté, & puis les addresses necessaires pour receuoir le Baptisme.

Vn autre villageois encore Neophyte, aiant rencontré quelques idolatres qui demolissoient vne petite Chapelle, sur les champs, & vomissoient plusieurs blasphemés contre nostre Sauueur, fut épris d'un tel zele, que prenant vn gros leuier en main, il courut apres eux. Du premier coup, ils se retirerent dans vne maison; mais se voians plusieurs contre vn, ils reprindrent courage, & sortirent sur luy. Et le bon villageois leur tenant teste, dit: Sçachez que ie suis icy pour deffendre l'honneur du Monarque des Monarques, que vous auez grandement offencé. Partant deffendez-vous. Les autres ne repartirent rien, mais presumans trop de leur multitude, se ruerent tous sur le Chrestien, pour luy oster son chapelet, ou son *Agnus Dei*. Et luy en aiant heurté quatre ou cinq, qui l'importunoient dauantage, commence à iouer de son baston si rudement sur ces pauvres villageois, qu'ils se retirerent tous derechef dans la maison. Le Neophyte se tenant sur la porte leur dit tout haut: Je mourray volontiers pour l'honneur de I E S V S - C H R I S T. Mais non pas que ie n'aie vengé le des-honneur fait à sa Majesté, par la mort des blasphemateurs. Ce qu'ayant dit, il mit le feu à la maison, & se promenoit deuant, gardant bien que personne n'en sortît. La iustice y accourut, & apprehenda ce bon homme, qui fut incontinent conduit au Gouverneur. Les Payens tâcherent de le faire renoncer à la foy; & se seruirent de plusieurs menaces, mesmes de la mort. Mais quand on luy parla de mourir, il dit: Que la mort soufferte pour vn tel sujet, meritoit plustost le nom de vie. Vous m'appellez fol: Je ne le suis point. Car aiant cogneu le vray Dieu, ie professe sa loy, qui promet le salut eternel. J'ay plus d'occasion de vous estimer insensez, parce que vous quittez volontairement le

262  
Neophyte  
tres-hardy.



An de 780

LIVRE XIX. DE L'HISTOIRE

IESVS- chemin qui mene en Paradis. Le Gouverneur fut si confus de  
CHRIST ces reparties, & admira tellement le zele de ce nouveau Chrétien,  
1622. qu'il deffendit qu'on luy fit aucun ennui, & le renuoia  
libre en sa maison.

VOYLA le sommaire des lettres que le Pere Hierome Majorica escriuit de Macao, le trentième iour de Decembre, mil six cens vingt-trois, faisant son rapport au R. P. Mutio Vitelleschi General de nostre Compagnie, de ce qui s'estoit passé au Iapon, touchant la persecution de l'an vingt-douzième du mesme siecle.





HISTOIRE  
ECCLESIASTIQUE  
DES ISLES ET ROYAVMES  
DV IAPON.  
*LIVRE VINGTIESME.*

*Estat temporel de la Monarchie du Iapon, & de la  
Chrestienté d'icelle, pour l'an mil six  
cens vingt-trois.*

CHAPITRE PREMIER.



LE Xogun d'Iendo Empereur du Iapon, An de  
renonça l'an seize cens vingt-trois à ce- LESVS  
te dignité, en faueur de son fils; & prit CHRIST  
pour soy celle de Cubo. Ce ne fut pas 1623.  
sans beaucoup de ceremonies & ma-  
gnificences que tel changement se fit,  
comme on peut iuger de ce que nous  
auons décrit cy - dessus, mais la perse- I  
cution a tellement occupé nos Peres, Le Xogun  
deuient  
Cubo.  
qu'ils n'en ont écrit aucune particularité. Les Chrestiens, di-  
sent-ils, desiroient bien quelque soulagement, & quelques-vns



Ande 782

LIVRE XX. DE L'HISTOIRE

**I**ESVS-  
**C**HRIST  
1623. l'osoient esperer. Mais ils n'en receurent point du tout. Car le fils succedant aussi bien en la haine que son pere portoit à la Chrestienté, qu'en l'estat qu'il lui conféra, fit mourir par

2  
Cent soixante & cinq martyrs.

diuers tourmens cent soixante & cinq Chrestiens, depuis le mois de Decembre de six cens vingt-trois, iusques à la fin de Nouembré six cens vingt-quatre; sçauoir huit Religieux de diuers ordres, & le reste seculiers, hommes, femmes, enfans filles, de diuers âges & qualités, ainsi que ie m'en vay deduire.

3  
Persecutio redoublée.

LA persecution commença en la ville d'Iendo, lors capitale du Iapon, & s'étendit tellement, qu'il n'y eust lieu habité par les Chrestiens, qui n'en sentit la rigueur. Les vns estoient massacrés; les autres bannis, les autres detenus en prison. On voioit tous les iours de nouveaux Commissaires, arriuant de la Cour, enuoiés par le nouveau Xogun, pour induire les Chrestiens à quitter leur foy. On faisoit de toutes parts des diligences extraordinaires, pour decouurir les Religieux qui alloient & venoient par le Iapon au secours des Chrestiens; & pour empescher qu'il n'y en abordât ou entrât d'ailleurs.

IL y auoit desia douze ans, que la rage conceuë par l'Empereur du Iapon contre les Chrestiens les persecutoit par toutes ses terres; si est ce qu'ès villes sises dans le quartier qu'ils nomment de la Tense (excepté celle de Nangazaqui) les Chrestiens viuoient en paix. Non que les Religieux eussent congé de prêcher, ou le peuple de professer publiquement la foy, sans euident danger de mort, ou du bannissement; mais parce que les Magistrats, vaincus par la patience des Chrestiens, dissimuloient avec ceux qu'ils connoissoient, ou ne vouloient pas prendre la peine d'en decouurir d'autres.

4  
La Tense en paix.

LA Chrestienté iouissant de cete ombre de paix en la Tense, l'Empereur à l'occasion de la nouvelle qualité de Cubo qu'il auoit pris; & de celle de Xogun qu'il auoit quittée à son fils, estimant que les Predicateurs du S. Euangile estoient autant d'entrepreneurs sur son Empire, renouuella les sanglants Edits qu'il auoit fait publier contre eux. Les Magistrats de la Tense, comme plus anciens officiers des vil-

les qui iusques à ce temps auoient esté honorées du siege Imperial, voulurent sçauoir s'il estoit besoin d'en rafraichir la publication en leurs ressorts. L'Empereur répondit que non. Suffira, dit-il, que vous sçachiés comme je traiteray les Chrestiens qui se trouueront à Iendo, & que vous suiuiés mon exemple, chacun és lieux de vostre iurisdiction. Ce mot seruit de regle & de commandement à tous les Gouverneurs, Iuges & Magistrats du Iapon. Car soudain que le bruit courut que l'Empereur en auoit fait bruler cinquante à Iendo, & lieux circonuoisins, quasi tous les autres Roiaumes se mirent en deuoir de peruertir les Chrestiens qui habitoient en leurs terres, & en firent mourir plusieurs, en bannirent grand nombre; bref les persecuterent tous, commel'historienous l'apprendra.

IESVS-  
CHRIST  
1623.

*Cinquante Chrestiens faits prisonniers pour la foy en la  
ville Roiale d'Iendo.*

## CHAPITRE II.



UN des quatorze Chrestiens, domestiques de l'Empereur Dayfusama, qu'il bannit l'an seize cens douze, ainsi que nous auons écrit cy-dessus, fut Iean Faramond, homme riche & noble. Celui-ci auoit eleué vn seruiteur auquel il se fioit grandement, pour l'auoir nourri dès son tendre âge. Mais le jeune homme ne profitant pas des bons exemples de vertu, qu'il voioit pratiquer à son maistre, s'adonna au jeu, & sales passe-temps de la jeunesse mal nourrie, si bien que n'ayant plus de quoy entretenir ses debauches, il se resolut, comme vn autre Iudas, de vendre son maistre, pour gagner certain prix que le nouveau Xogun auoit proposé aux delateurs des Chrestiens. A ces fins il s'adressa au Gou-

Liu. 17  
nomb. 61.

S  
Seruiteur  
traistre.



**I**ESVS-uerneur de la ville d'Iendo, & luy découurit la cachette, où  
**CHRIST** son maistre Faramond se retiroit pour vacquer aux exerci-  
 1623. ces de pieté, avec les autres fideles, & deux Predicateurs,  
 sçauoir est le Pere Frere François Galbe, de l'ordre du Sera-  
 phique Pere S. François, & le P. Hierosme des Anges Reli-  
 gieux de nostre Compagnie.

6  
 P. François  
 Galbe.

Vn des Gouverneurs suiuant cet auis enuoia promptement  
 saisir au corps quelques-vns de ceux que ce traistre lui auoit  
 nommés, & leur demanda s'ils estoient Chrestiens. Ils ré-  
 pondirent tous franchement & constamment qu'oüi. Il  
 s'enquit où estoient les Predicateurs. Vn des Chrestiens,  
 qui auoit de primeface répondu qu'il n'en sçauoit rien, fut  
 puis apres forcé par les tourmens à découvrir la maison où  
 se retiroit ordinairement le P. des Anges. Le Gouverneur  
 enuoia soudain des Archers pour le saisir. Mais le P. aiant  
 eu le vent de l'emprisonnement des autres, & se doutant bié  
 qu'on le chercheroit, s'estoit retiré ailleurs. Tellement que  
 les Ministres de la Iustice ne l'aians rencontré, s'en prindrēt  
 aux maistres de la maison, où il se retiroit le plus souuent,  
 lesquels aduouierent qu'ils estoient Chrestiens, & aians vsé  
 de tous les moiens desquels ils se peurent auiser, pour ne  
 découvrir où estoit le P. Hierosme, & ne pouuans autre-  
 ment contenter les officiers de cete Iustice Payenne, leur  
 promirent de faire en sorte que le Pere se presenteroit bien-  
 tost au Gouverneur. Les Archers prindrent cete parole en  
 paiement, & se retirerent.

7  
 Le P. Hie-  
 rosme des  
 Anges dé-  
 couuert.

SOVDAIN qu'ils furent partis, on aduertit du tout le Pere  
 des Anges, lequel comme bon pasteur se resolut de mourir  
 pour son troupeau; & à ces fins se presenter au Gouverneur.  
 Il n'eut pas dit le mot, que toute l'assemblée où il fut rencō-  
 tré se mit à pleurer, & sangloter. Car quoi qu'il s'exposât  
 tous les iours au danger de la mort, allant & venant par mer  
 & par terre; de iour & de nuit, pour le salut des ames; si se  
 resentoient-ils plus qu'ils n'auoient iamais fait, de le voir  
 sur le poinct de se liurer lui mesme es mains de la Iustice, des-  
 quelles il lui seroit tres-mal-aisé d'échaper.

8  
 Se resout à  
 mourir.

PLVSIEURS s'offrirent pour l'accompagner, & mourir  
 avec lui, mais il leur persuada de se reseruer à quelque meil-  
 leure

leure occasion. Il n'est pas besoin que chacun coure à la mort, leur dit-il. Mais puis que ces bonnes gens, m'ont obligé à me presenter au Gouverneur, il faut que ie tienne leur parole, & l'aille trouuer. Ils me tiendroient pour homme lâche de cœur, si ie refusois de tenir leur parole. Vostre heure viendra. Dieu seul en sçait les momens. Voila comme il les arresta.

IL se mit incontinent en deuoir de gagner le mesme sur vn de nos Religieux, nommé Simon Iempo, prenant congé de lui, disant qu'il le laissoit en sa place pour assister les Chrestiens, les instruire & consoler. Mais Simon luy répondit: Pourquoy vostre Reuerence me traite-telle de la façon? Vos paroles me semblent fort rigoureuses. Je vous ay iusques icy tenu bonne compagnie, & la tiendray iusques à la mort, s'il vous plaist. Si ces officiers m'empêchent de passer, trainez moy apres vous ie vous en supplie. Car il n'y a chose en laquelle ie desire tant vous accompagner, comme à mourir pour la foi Chrestienne. A la bonne-heure, repartit le Pere. Dieu nous doint la grace de finir ainsi. Et prenant congé de la Compagnie, s'en retourna chez ceux qui auoient esté accusez de le loger: où il passa la nuit avec eux, les encourageant à mourir pour Iesus-Christ. Ce qui leur arriva depuis. A la pointe du iour suiuant il fut avec son compagnon se presenter au Gouverneur, lequel luy aiant fait diuerses interrogations, le liura au geolier des prisons publiques.

9  
Simon Ié-  
po compa-  
gnon du  
Pere des  
Ange.

LE Pere Frere François Galbe, qui se tenoit aussi ordinairement à Iendo, aduertý de cét accident, se retira promptement à Camacura, lieu distant vne iournée d'Iendo. Mais se voulant embarquer là pour passer ailleurs, il fut recogneu par quelque espion, & en suite pris avec plusieurs autres Chrestiens, & mené en prison, peu de iours apres le Pere des Anges.

10  
P. Galbe  
fait prison-  
nier.

LE plus remarquable Chrestien pris avec le P. Galbe, fut Hilaire Mongazajemon de Camacura, homme noble & opulent. Comme les soldats marchandoient à se saisir de sa personne, ses parens & amis vlerent de diuers stratagemes, pour le débaucher de la foy. Mais en vain. Car il refusa constamment tous les partis qu'on lui offroit, & quitta franchement à ses seruiteurs plusieurs grosses sommes de deniers qu'ils luy deuoient, en cas que Dieu luy fit la grace de mourir pour la foy.

11  
Hilaire  
Mongaza-  
jemon, pris.

SA femme fut faité prisonniere avec luy, & parut avec ses



An de 786

LIVRE XX. DE L'HISTOIRE

**I E S V S-CHRIST** 1623. plus magnifiques habits. Hilaité l'entansa, disant qu'il falloit garder le meilleur pour l'offrir à Dieu. Mais la genereuse Dame, ne cedant en rien à la magnanimité de son mary, repartit: Mon intention est d'honorer Dieu avec mes habits des festes, pour prouuer qu'il ne nous pouuoit arriuer aucune plus grande grace, ny sujet de plus grande allegresse, que d'estre emprisonnez, & de donner nostre vie pour la loy de Dieu, si nous en sommes trouuez dignes.

**12**  
Virtus de  
sa femme.

**LORS** que le Pere Galbe fut fait prisonnier à Camacura, la persecution estoit à Iendo la plus sanglante qu'on eust iamais veüe au Iapon. Le nombre des espions, delateurs & chercheurs des Chrestiens, croissoit de iour à autre. Les Sergents entroient hardiment par tout: saisissoient au corps tous ceux qui se disoient Chrestiens; les presentoient au Gouverneur, puis les serroit en prison; où dans peu de iours ils se trouuerent iusques au nombre de cinquante: Les enfans des prisonniers estoient gardez iour & nuict dans leurs maisons: Tous leurs biens confisquezz, dès lors qu'on se saisissoit de leurs personnes. Bref les moins affligez sembloient estre ceux qui estoient desia dans la prison.

**13**  
Persecutio  
rengregée.

**PLVSIEURS** se trouuerent contrains de dormir en rase campagne, & au serein, ne trouuans qui les voulût retirer. Car comme ils arriuoient aux portes des hosteleries, on leur demandoit, quelle religion ils professoient, S'ils se disoient Chrestiens, on les chassoit outrageusement. Tous les habitans d'Iendo furent condamnez à donner par écrit leurs noms propres, celuy de la loy qu'ils professoient, & du Bonze qu'ils recognoissoient pour pasteur. Ce qui fut cause que plusieurs vendirent tout ce qu'ils possedoient és enuironz de la ville Imperiale, pour se retirer, avec leurs familles, vers la ville de Cami. Grand nombre de ceux qui auoient renoncé à la foy Catholique, se recogneurent, & firent les vns huit, les autres dix iournées, pour trouuer vn Prestre qui les reconciliât, & remit au giron de l'Eglise Catholique, aians auprealable professé leur foy en barbe de ceux qui les auoient portez à y renoncer.

**14**  
Apostats  
conuertis.

*Occupations des Chrestiens prisonniers pour la foy Chrétienne, en la ville d'Iendo.*

## CHAPITRE III.



Es prisons du Iapon sont tellement disposées qu'il y a sur l'entrée d'icelles vne maison pour les geoliers, separée de l'habitation des prisonniers, par deux fortes barrieres, éloignées d'une brassie ou enuiron l'une de l'autre. Dans l'une de ces maisons fut premierement renfer-

mé le Pere Hierome des Anges, par faueur, & avec luy Louis, chez lequel il logeoit ordinairement, & qui estoit intime amy du Gouverneur. Les autres prisonniers furent serrez dans les cachots & basses fosses: Et tous tant à cause de l'obscurité des lieux, que de la multitude des personnes, & diuerses autres incommoditez, grandement affligez, n'aians chaque iour pour toute nourriture, qu'une écuellée de ris, cuit en l'eau pure, avec vn peu de sel.

15  
Prisons du  
Iapon.

Ce fut là que nostre Simon Iempo se porta si feruement, que ne cessant de prêcher à tous allans & venans, il conuertit en peu de iours quarante idolatres y detenus dans ces prisons pour leurs crimes: De là il écrit à nos Peres, que si Dieu luy prestoit dix iours de vie, il esperoit baptiser tous les prisonniers qui estoient près de luy. Le Pere des Anges n'auoit pas tant de moisson à faire, au lieu où ie viens de dire qu'il estoit detenu, n'ayant aupres de soy que huit Payens, lesquels il instruisit & baptiza. Puis s'employa à faire de certaines petites boëttes de carton, pour subuenir aux necessitez corporelles des Chrétiens, ne les pouuant assister aux spirituelles, estant detenu en prison. Pour y trauailler plus commodément, il s'attacha vne cordelette au col, qui supportoit les fers qu'on luy auoit mis aux pieds, pour en allegger le fardeau. Vn Chrestien enuoié par le Superieur de nos Peres residans à Cami, pour le visiter, le trouua occupé en cét exercice, comme estoit par fois

16  
Prisonniers  
conuerus.

17  
Boëttes  
du Pere  
des Anges.



An de 788

LIVRE XX. DE L'HISTOIRE

IESVS - l'Apostre S. Paul, à faire des tentes & pauillons. Dequoy ce  
CHRIST bon messager fut grandement étonné & bien edifié.

1623.

18

Fils digne  
de son pe-  
re.

Vn Gentil-homme Chrestien, nommé Louis, allant de Cami vers Oxu, lieu de sa demeure, passa par Iendo, & voulut voir le Pere des Anges, son grand amy. Mais craignant d'estre reconnu en le visitant, & retenu prisonnier comme Chrestien, il se disposa pour mourir en ce rencontre. Et auant que de partir tirant à part son fils ainé, qu'il menoit avec soy, luy ordonna tout ce qu'il deuoit faire enuers sa mere, les freres & le reste de sa famille. Le jeune homme de vingt-deux ans à peu près, ayant écouté son pere, luy dit: Monsieur, n'estimez pas que ie vous doie laisser seul en cette occasion. Les loix du monde mesme ne me permettent pas de vous abandonner sur ce point. Trouuez bon que ie m'en aille visiter le Pere des Anges, en vostre nom: & vous en retournez chez vous, s'il vous plaist, pour ne mettre tant de gens en peine, venant à estre recogneu Chrestien. Le pere fut autant étonné que content du courage de son fils; & ne voulant passer outre, sans auoir salüé le Pere Hierome des Anges, offrit à Dieu sa vie, & celle de son fils, resolu de mourir pour la foy, si l'occasion se presentoit. Mais Dieu voulut qu'ayant mené son fils aux prisons, & s'estans tous deux cōsolez avec le Pere des Anges, & autres prisonniers, ils s'en retournassent tous deux libres, & grandement edifiez de la constance & allegresse, avec laquelle les prisonniers attendoient la mort pour la confession de la foy. Ils n'y rencontrerent qu'un seul mécontent. Ce fut celuy qui durant la question extraordinaire, à laquelle ces barbares l'appliquerent inhumainement, nomma quelques autres Chrestiens, & découurit le lieu où ils se retiroient, ainsi que nous auons touché cy-dessus. Faute qu'il deploroit iour & nuict, avec telle abondance de larmes, que les marques de leur cours se voioient dessus ses joies.

Nomb. 6.

*Mort de cinquante Chrestiens, Martyrizés à Iendo pour  
la Confession de la foy.*

## CHAPITRE IV.



DE Cubo sollicité par les officiers d'Iendo, de  
disposer des susdits prisonniers, remit le tout 19  
à son fils le Xogun, qui les condamna au feu. Prisonniers  
Pour l'exécution de son arrest, le quatriesme condam-  
iour du mois de Decembre milie six cés vingt- nés au feu.  
trois, les Ministres de la Iustice se transporte-  
rent de grand matin à la prison, & en tirerent premierement  
le P. Hierome des Anges, lui ostant les fers des pieds, & lui  
jettant au col vne grosse corde, avec laquelle ils lui lierent  
encore les mains par derriere. Autant en firent-ils au Pere  
Frere François de Galbe, & à tous les autres prisonniers  
Chrestiens : puis les mirent en chemin vers le lieu où ils de-  
uoient finir le cours de cete miserable vie. En teste de tous  
comme capitaine, marchoit le P. des Anges, qu'ils firent  
monter à cheual, avec vne grande écharpe de papier sur ses  
épaules, où son nom & surnom estoient écrits en grosse letre.  
Suiuoient à pied nostre Simon Iempo, Louis & autres ius-  
ques au nombre de seize. Apres ceux-ci alloit aussi à cheual  
le P. Galbe, portant son nom écrit sur son dos, & autres seize  
pietons apres lui. Iean Faramond estoit aussi à cheual, por-  
tant son écrit, mais en vne petite écharpe. Tout le reste des  
prisonniers le suiuoit à pied. Les Ministres de la Iustice  
marchoient deuant, suiuoient par derriere, & couuroient  
de tous costés cete bien-heureuse bande, pour empêcher  
que personne ne peût leur parler.

20  
Tirés de  
prison.

ARRIVANS au lieu de la iustice, hors de la ville, sur le che-  
min qui tire vers Cami, ils trouuerent cinquante poteaux  
qui les attendoient : trois plantés plus près de la ville, & se-  
parés des autres quarante & sept, & tous entourés de gros



An de 790

LIVRE XX. DE L'HISTOIRE

IESVS-  
CHRIST  
1623.

fagots de bois à telle distance les vns des autres, que le feu y estant mis n'aprochoit qu'à vne brasse de ceux qui deuoient estre brulés. Les assistans accourus à ce spectacle estoient sans nombre, & couuroient tant la montagne voisine, que la campagne; la plus part grands Seigneurs, qui auoient accompagné le nouveau Cubo reuenant de Meaco à Iendo; & admirerent en ses vaillans champions de Iesus-Christ la constance que la foy Chrestienne fournit à ceux qui la professent.

21

Exécutes à  
mort.

LES trois qu'on auoit montés à cheual furent commandés de s'y tenir à l'entrée de l'enceinte, & tous les autres promptement attachés chacun à son poteau, d'où ils haussèrent les yeux au Ciel, implorans l'aide de Dieu, pour le dernier acte de leur vie. Le Pere des Anges se mit à precher avec vne extraordinaire ferueur, & montra par viues raisons, que la foy de Iesus-Christ, pour laquelle ils estoient tous prests à mourir, estoit la seule vraie, & toutes les autres fausses. Autant en dit Simon Iempo, avec vnz ele accoutumé, quoi qu'il n'eût fait autre chose par le chemin, qu'exorter ceux qu'il rencontroit à suiure & tenir la foy de Iesus-Christ.

22

Le cinquā-  
te vniēme  
āpostat.

IE ne veux omettre, que les condamnés à la mort, & tirés de la prison, furent cinquante & vn, de compte fait. Neantmoins je n'en ay iusques ici couché que cinquante, parce que les officiers de la Iustice arriuant au lieu de leur dernier combat, en tirerent à part vn, qui par le chemin leur auoit donné quelque uigne de vouloir quitter la foy. Voila pourquoi je n'en ay pas fait d'estat; & n'en fais mention qu'à regret. Car comme il se retira volontairement du chemin du Paradis, auquel le martyre le menoit, aussi ne meritoit-il pas de trouuer place en cete histoire.

23

Cause de  
leur mort  
écrite.

LA cause de la mort de cete heureuse troupe fut couchée, & haussée bien haut sur vne table en forme de banniere, portant ces mots. Ces gens sont punis de ce grief tourment, parce qu'ils sont Chrestiens. Comme les bourreaux eurent mis le feu au bois, on ouit les voix des patiens, recourans à Dieu, & crians deuotement Iesus Maria. Si n'en peut-on remarquer vn seul qui se plaignit, ou changeât de posture, ou

donnât quelque signe de douleur. Constance tant extraordinaire, qu'elle fut admirée par les idolatres mesmes, lesquels disoient tout haut entre eux, que les forces de la nature, tant robuste fût-elle, ne pouuoient arriuer à tel point de souffrance; attendu que les condamnés pour leur crime, quoi que resolu & opiniastres, montrent tousiours qu'ils desirent quelque chose, & ne meurent quasi iamais, sans presenter quelque requeste, tantost aux Iuges, tantost aux executeurs, tantost aux assistans.

LESVS-  
CHRIST  
1623.

23

Constance  
admirable.

LES trois qui estoient à cheual regardoient d'un cœur plein de compassion Chrestienne, mais d'un œil ferme & assuré, tout ce qui se passoit, sans s'estonner aucunement, comme eussent bien désiré les Iuges, qui pour cet effet, les auoient laissé suruiure, pour voir si le cruel spectacle de ce brulement de corps humains les ébranleroit, ou porteroit à quelque resolution desauantageuse au parti Chrestien. En quoi ils décheurent tellement de leur esperance, que deux Chrestiens, de ceux qui assistoient à cette sanglante tragedie, l'un homme & l'autre femme, voians le feu en son plus grand embrasement prindrent la course vers le tribunal des Iuges, qui assistoient à cete furieuse execution, & protesterent haut & clair qu'ils estoient Chrestiens. La chaleur de l'execution leur auoit persuadé, que la barbarie des Iuges ne manqueroit pas à les faire jeter dans les flammes. Mais les Iuges se contenterent de les enuoier garrotés en prison, où ils firent clairement voir à tous ceux qui les visiterent, combien la loy de Dieu a de pouuoir sur les cœurs humains

24

Deux  
Chrestiens  
tres-hardis.

COMME les susdits Martyrs eurent rendu leurs ames à Dieu, les Ministres de la Iustice firent mettre pied à terre aux trois qui estoient encores à cheual, lesquels aiant fort charitablement pris congé l'un de l'autre, furent liés chacun à son poteau. Le premier du costé de la ville fut Iean Faramond : le second le P. des Anges : le troisieme le P. Galbe. Auant que le feu fut bien pris aux busches, les vaillans soldats de nostre Sauueur se dirent derechef adieu l'un à l'autre s'entr'encourageans à mourir constamment pour la foy. Les grosses ondées de fumée que le feu eleua du commen-



An de 792

LIVRE XX. DE L'HISTOIRE

IESVS-CHRIST 1623. cément empecherent qu'on ne les peût voir pour quelque espace de temps. Depuis la fumée s'éuanoïssant peu à peu, on les apperceut supportans l'ardeur du feu, avec vne merueilleuse constance.

25

Constance  
finale du P.  
des Anges

ON remarqua que le P. des Anges tourna pour vn temps sa face vers la ville d'Iendo; & aiant (comme on iugea) prié briuement pour les habitans d'icelle, se tourna vers l'autre costé, d'où le vent portoit les flammes avec plus d'impetuosité; fût pour les receuoir ne les craignant pas; fût pour precher au peuple, qui estoit en plus grand nombre de ce costé là. Ce qu'il fit se tenant tousiours debout, & avec vn ardent zele, iusques à tant que la flamme l'étoufa. Tombant mort il demeura à genoux joignant son poteau.

ON vid quasi au mesme temps Iean Faramond, qui tendit les bras, pour embrasser comme chose qu'il desiroit grandement vne grosse flamme qui alloit fondre sur lui. Et de fait aiant demeuré immobile iusques à ce point là, il tomba avec son poteau tout plat à terre. Le P. Galbe, qui fut le dernier à rendre l'ame, demeura debout tout mort, appuié à sa colonne. Cete barbaresque execution finie, on ne scauroit dire combien diuers furēt les discours de ceux lesquels yauoient assisté. Chacun admiroit leur force, louoit leur magnanimité, prechoit leur constance.

26

Son corps  
enleué.

LES corps furent trouués parmi les cendres, les vns plus, les autres moins rostis, & laissés sur le champ de bataille trois iours durant, sous vne grosse garde de soldats, lesquels n'eurent pas si tost tourné le dos, que les Chrestiens enleuerent promptement les corps des deux Peres Religieux. De quoi aduertis les Magistrats, empecherent bien qu'on n'emportât les autres, ainsi que les Chrestiens pretendoient faire. Cete execution fut faite le troisieme iour de Decembre mille six cens vingt-trois.

27

Delateur  
des Chre-  
tiens  
gardoné.

QVELQUES iours apres le Xogun ordonna, que le principal delateur des susdits martyrs fût recompensé publiquemēt pour ce notable seruice fait à sa couronne, ordonnant qu'un Heraut publiât par tous les quarrefours de la ville, que semblable prix & recompense seroit à quiconque rendroit pareil deuoir à sa Majesté Imperiale. Le prix fut d'une belle maison

maison, laquelle auoit appartenu à vn des Martyrs; & de trente lingots d'or, qui reuenoient à quinze cens écus de nostre monnoie. Le delateur receut ce salaire de sa perfidie, mais avec tant d'imprecations des assistans, que les idolatres mesmes souhaittoient qu'il n'en iouït pas long-temps.

IESVS-  
CHRIST  
1623.

*Noms de quelques-uns des susdits martyrs, rangez suivant  
l'ordre qu'ils tenoient, commençant du bout plus  
proche de la ville d'Iendo.*

- 1 Iean Faramond.
- 2 P. Hierome des Anges.
- 3 P. Frere François Galbe.
- 4 Leon Taqueua Gonsiqui.
- 5 Fanzabuzi Quaxia.
- 6 Chosajemon.
- 7 Simon Iempo.
- 8 Pierre Xixabuco.
- 9 Iean Matazaïemon.
- 10 Michel Quizaiemon.
- 11 Laurens Cagiqui.
- 12 Matthias Iazaïemon.
- 13 Laurens Cacuzaiemon.
- 14 Matthias Quizaiem.
- 15 Thomas Iofacu.
- 16 Pierre Santario.
- 17 Pierre Sazagemon.
- 18 Matthias Xegigemon.
- 19 Ignace Choiemon.
- 20 Simon Muan.



An de 794  
IESVS-  
CHRIST  
1623.

LIVRE XX. DE L'HISTOIRE

- |    |                              |
|----|------------------------------|
| 21 | <i>Dois Ioccumu.</i>         |
| 22 | <i>Ifaci.</i>                |
| 23 | <i>Bonaaventure Quidari.</i> |
| 24 | <i>Jean Xinocuro.</i>        |
| 25 | <i>Hilaire Mangozaiemon.</i> |
| 26 | <i>François Quizaiemon.</i>  |
| 27 | <i>Saximonoia Imxiquir.</i>  |
| 28 | <i>Jean Chosaiemon.</i>      |
| 29 | <i>Romain Genjemon.</i>      |
| 30 | <i>Emanuel Buicemon.</i>     |
| 31 | <i>Pierre Quiheicemon.</i>   |
| 32 | <i>Quizaburo.</i>            |
| 33 | <i>Pierre Chojemon.</i>      |
| 34 | <i>André Disuque.</i>        |
| 35 | <i>Raphaël Quiquaiemon.</i>  |
| 36 | <i>Quiziqui.</i>             |
| 37 | <i>Anthome.</i>              |

On n'a peu encore scauoir les noms des autres.

*Sommaire de la Vie du P. Hierome des Anges, & de  
Simon Iempo, Religieux de la Compagnie  
de IESVS.*

## CHAPITRE V.



LE Pere Hierome des Anges fut Italien natif de l'Isle de Sicile. Il entra en la Compagnie de Iesus, à l'âge de dix-huit ans. Auât qu'auoir acheuê ses estudes, il obtint congé du R. Pere Claude Aquauina, pour lors General de nostre Compagnie, des embarquer pour les Indes Orien-

28

Vie du Pe-  
re Hiero-  
me des An-  
ges.

tales, desirant passer de là au Iapon avec le P. Charles Spinola. Auant qu'arriuer au Cap de bonne Esperance, les mariniers pour ie ne sçay quelle manque du timon de leur vaisseau furent contrains de rebrousser chemin, & prendre port au Brasil; où aians seiourné quelque temps, ils reprindrent la route de Portugal, sur laquelle ils tomberent entre les mains de quelques corsaires Anglois, qui les menerent en Angleterre.

AVANT que d'y arriuer, comme ces écumeurs de mer auoient mis toutes leurs voiles au vent, le P. Hierome des Anges estant près de la poupe cheut dans la mer. Les heretiques ne firent aucun estat de le secourir; mais la prouidence de Dieu ne l'abandonna pas. Car comme il estoit cheu de la poupe, & à plomb, il coula le long de la carenne du vaisseau, & s'en alla sur-gir à la proue, sans auoir receu autre mal que de la peur, & de s'estre bien trempé.

29

Tombe  
dans la  
mer.

EN Angleterre il fut tenu prisonnier, comme Espagnol, & puis renuoié avec son compaignon à Lisbonne, ainsi que i'ay touché cy-dessus. Il receut là les ordres sacrez; puis s'embarqua en compagnie du Pere Spinola pour les Indes; & aiant demeuré à la Chine iusques à l'an mil six-cens deux, il passa selon son grand desir au Iapon; où il emploia vn an pour apprendre la langue. Puis il fut enuoié Superieur à la residence de Fuximi; où il assista avec vn grand zele les anciens Chrestiens qu'il y

Liv. 17.  
nomb. 173.  
& suivant.



IESVS trouua, & baptiza bon nombre d'infideles.

CHRIST De là il fut en la ville de Xurunga, pour lors siege de l'Em-  
1623. pereur Daysufama, & y fonda vne residence, qui fut la premie-  
re que nostre Compagnie eut en ces quartiers là. Il se mit en-  
core en deuoir d'en dresser vne autre en la ville d'Iendo, & y  
troua beaucoup. Mais le propre iour qui luy auoit esté assigné  
pour acheter la maison, il se leua vne si sanglante persecution  
contre les Chrestiens, que le Pere fut contraint de s'en retour-  
ner à Surunga, où il s'emploia iusques à tant que l'Empeur  
aïant banny nos Peres du Iapon, les Superieurs luy ordonne-  
rent de se rendre à Meaco, puis à Nangazaqui pour en partir  
avec les autres. Mais comme chacun se dispoisoit pour déloger,  
il obtint de ses Superieurs, d'estre mis au nombre de ceux qui  
demeuroient déguisez au Iapon, promettant de moderer son  
zele, & de vaquer tellement au salut des ames, qu'il se garde-  
roit d'estre decouvert.

30  
Prouinces  
decouuer-  
tes par le  
Pere des  
Anges.

DEPUIS il courut quasi tout le Iapon, & quelques Roiaumes  
qui sont au delà, où il cōuertit en peu de temps plus de dix mil-  
le personnes qui se firent Chrestiens. Ce fut le premier de nos  
Peres qui porta la lumiere du saint Euangile à Fidandono, Ca-  
guisacu, Mongami, Nambu, Prouinces qui semblent autant de  
Roiaumes, dans celuy d'Oxu, Yechigo, Deua, Sando, Masumai,  
les autres l'appellent Yezo. Ce fut luy qui visita le premier, &  
consola les Confesseurs du nom de nostre Sauueur, qui furent  
bannis de Meaco & Ozaca l'an mil six cēs quatorze, nonobstāt  
les froids intolerables, & les montagnes si inaccessibles à cause  
des neiges, qu'il ne se trouue mesme au Iapon personne qui  
s'y veuille habiter, sauf ceux qui sont nez sur le lieu.

31  
Xindai se-  
couu.

VNE grande tempeste s'estant eleuée contre les Chrestiens  
de Xindai, il y courut, & les assista avec vne diligence incompa-  
rable. Car plusieurs ne pouuans l'aller trouuer en son logis, sans  
euident peril de leurs vies, il se rendoit à eux deguisé en voia-  
geur; & oioit leurs Confessions, tantost debout, comme traitant  
d'autres affaires; tantost cheminant. Si bien qu'il n'en laissa pas  
vn sans le munir des saints Sacremens, & les encouragea tous  
à perseuerer iusques à la mort en la sainte foy.

IL s'entretint allant & venant par les Prouinces sus-nom-  
mées depuis l'an mil six cens quinze, iusques à l'an mil six cens

vingt & vn, que ses Superieurs luy assignerent la ville d'Ien-  
do pour sa residence ordinaire. Il acquit là vne maison, mais  
aux dépens de sa propre santé. Car pour s'accommoder au  
temps, aux lieux & aux humeurs de ceux qui le logeoient, il  
souffrit tant d'incommodités, que de plein & robuste qu'il  
estoit, il deuint si maigre & extenué, que plusieurs le méco-  
gnoissoient. Il demeura deux ans à Iendo : tellement neant-  
moins qu'il fit diuerses courses vers le Roiaume de Iazu &  
Cai, où il cōuertit grand nombre de peuple. Son zele estoit  
accompagné de plusieurs autres vertus qui le rendoient au-  
tant aimable qu'admirable. De sorte qu'il rauissoit le cœur  
de tous ceux avec lesquels il conuertisoit. Finalemēt aiant  
vécu trente & huit ans en nostre Cōpagnie, trauaillé vingt-  
deux ans au Iapon, chargé de merites, il fut brulé pour la  
Confession de foy Catholique, le cinquante & sixiesme de  
son âge.

32  
Iazu &  
Cai.

NOSTRE Simon Iempo Iaponois natif de Nozer au Roiau-  
me de Fingo, fut dès son bas âge eleué au culte des Camis  
Fotoques, dans vn Conuent de Bonzes. Son maistre s'estāt  
conuertī, il receut avec plusieurs autres le saint Baptisme  
āgé de quinze ans; & trois ans apres fut receu en nostre mai-  
son pour Dogique, où il vécut vingt cinq ans, avec tres-bon  
exemple, tenant ordinairement compagnie à nos Peres, qui  
s'emploioient au secours des ames, & lisant des liures spiri-  
tuels aux Chrestiens avec vn grand zele.

33  
Simon Iem-  
po & ses  
perfectiōs.

LORS que nos Peres furent chassés du Iapon, il se trouua  
parmi ceux qui passerent aux Philippines, ainsi que j'ay dit en  
son lieu. Retournant de là vn an apres, & trouuant les Chre-  
stiens grandement affligés par la persecution generale, il  
s'emploia d'vn incroyable courage à les assister, particu-  
liement à Quanton & Oxu; où il conuertit aussi plusieurs  
infideles, mesmes dans la prison, comme nous auons tou-  
ché ci-dessus. Il disoit souuent auoir grandement desiré  
deux choses en sa vie. L'vne d'estre receu au corps de no-  
stre Compagnie : l'autre, de mettre sa vie pour la confes-  
sion de la foy. Il obtint de Dieu l'vne & l'autre, & mourut  
l'an quarante & troisieme de son âge.

Liu. 17.  
nomb. 92.

Nomb. 16.

34  
ses sou-  
haitz.



An de 798  
IESVS-  
CHRIST  
1623.

LIVRE XX. DE L'HISTOIRE

*Vingt-quatre Chrestiens meurtres pour la Confession de la foy en  
la ville d'Iendo.*

CHAPITRE VI.



Es brasiers qui consomment les cinquante martyrs, desquels nous auons décrit les combats, ne peurēt contenter la colere du nouveau Xogun. Car le vingt-quatriesme iour du mois de Decembre l'an susdit, il commanda derechef à ses Ministres qu'ils fissent mourir trente & sept, tant hommes que femmes qu'il tenoit en ses prisons. Les circonstances de leur mort donnerent assés à cognoistre l'extremité de la haine qu'il porroit à nostre sainte foy. Il n'y eut que vingt-quatre Chrestiens executés à mort: les autres estoient Payens, condamnés pour auoir receu quelque Chrestien en leur logis; ou donné quelque adresse pour se retirer en lieu de seureté. Des Chrestiens il y en eut six brulés tous vifs, cinq hommes & vne femme: seize furent decolés: deux crucifiés. Des Payens deux brulés deux decapités, plusieurs autres crucifiés.

MARIE Iageia mere de Leon Faqueia Gonoxiqui, laquelle auoit retiré le Pere des Anges, se montra extraordinairement constante. Car le Gouverneur aiant entrepris de la retirer de la foy, tantost lui promettoit la vie; tantost la menaçoit d'une cruelle mort; tantost lui representoit viuement le des-honneur qu'en receuroient son mari & ses enfans, personnes si cogneuës & prisées en la Cour Imperiale du Japon. Mais Marie se rioit du tout, répondant que la mort lui agreoit d'autant plus que plus on la figuroit cruelle, parce que c'estoit la mōnoie necessaire pour acheter le salut eternal. Quāt aux affronts de la Cour elle les tenoit pour les plus grands honneurs qui lui pouuoient arriuer en ce

35  
Payens condamnés avec les Chrestiens.

36  
Marie Iageia & sa constance.

monde. Partant qu'on ne lui tint plus tel langage.

ON ne cessa pourtant de redoubler les assauts, lesquels ne faisoient aucune impression en son ame. En fin elle fut condamnée avec les autres. Le iour venu auquel on deuoit exécuter la cruelle sentence, la valeureuse Marie fut jettée sur vn cheual, & là liée & garotée pour aller, comme elle fit, en teste de la troupe des condamnés. Si ne changea-elle pourtant de couleur, ains montra vne face si riante & asseurée, que quiconque l'enuisageoit, s'en ébahissoit.

S V I V O I E N T apres elle quatre Dames Chrestiennes, desquelles nous n'auons sçeu les noms, & vn homme nommé François Cabe, c'est celuy lequel avec vne des quatre susdites femmes, le iour que les cinquante furent brulés, s'en alla presenter au Iuge, professant qu'il estoit Chrestien, comme nous auons couché cy-deuant. En suite venoient dix-huit ieunes enfans, lesquels ne pouuans encores apprehender la mort à raison de leur tendre âge, marchaient tous rians & joiuans, voire tenans en leurs mains des battoirs, moulinets, osselets, & autres bagatelles, avec lesquelles ils auoient coutume de passer le temps. Spectacle qui tira les larmes des yeux aux Payens mêmes. De ces dix-huit il n'en y auoit que seize Chrestiens.

Nomb. 24.

ARRIVE'S qu'ils furent tous au lieu assigné les enfans furent les premiers tués. Ces barbares trancherent aux vns la teste: fendirent les autres en deux pieces, de la teste en bas: couperent les autres par le trauers du corps, en faisant de chacun deux lambeaux. Bref tenans les autres par les pieds, en firent diuers monceaux. Le tout en presence des femmes condamnées à mort, pour leur faire plus grande horreur & de pit. Car la plus-part estoient meres de ces innocens massacrés.

37

Enfans  
executés à  
mort.

INCONTINENT apres ils crucifierent onze hommes, desquels il n'y en auoit que deux Chrestiens, sçauoir est Pierre Ienzaimon, & Matthias Bunojemon. La cause de leur mort estoit couchée sur vn tableau, portant qu'ils auoient ou baillé à louage leurs maisons aux Chrestiens; ou serui de répondans à ceux qui les leur auoient louées. De ce nombre

38

Cruelle-  
ment.



LES V<sup>s</sup> estoient les deux susnommés, qui furent soudain transpercés de lance & finirent leur vie inuoquans les saints noms de Iesus & Marie.

39  
Matthias  
professe la  
foy.

AVANT cete persecution Matthias s'estoit montré vn peu lâche. Mais à l'issüe de la prison il protesta publiquement, qu'il vouloit mourir Chrestien, priant l'assistance de le faire sçauoir au Xogun, & à ses Gouverneurs. Ce qu'il redit encores estant haussé sur la Croix, & n'attendant plus que le coup mortel. Comme ces onze eurent rendu leurs ames à Dieu, les bourreaux leurs attacherent aux mains les testes des enfans qu'ils auoient barbarement massacrés; qui fut vn grand trait d'inhumanité.

40  
Six Chre-  
tiens bru-  
lés.

CEPENDANT les six Chrestiens qui deuoient estre brulés, se recommandoient à Dieu, disans tout haut les Letanies des Saints, & diuerfes autres prieres. François semit à prêcher, & exorter premierement les assistans à receuoir la foy, par le moien de laquelle seule le salut eternal est acquis. Puis les patians à souffrir allegrement iusques à la mort. Aussi le firent-ils. Car soudain que les bourreaux eurent alumé le feu autour d'eux, on les vid tous hausser les yeux au Ciel: on les oït inuoquer les sacrés noms de nostre Sauueur, & de sa sainte mere, sans donner aucun signe de douleur ou tristesse. La cause de leur mort estoit selon la coutume écrite sur vn tableau, en ces termes:

Ceux-ci meurent parce qu'ils sont Chrestiens.

LES deux Payens qui estoient séparés des autres, auoient aussi la cause de leur mort écrite sur leurs testes; c'estoit pour auoir logé Faramond Chrestien, contre les Edits & prohibitions de l'Empereur. Ils moururēt tous le vingt-neufiesme iour de Decembre de l'an mille six cens vingt-trois.

41  
Page du  
Xogun.

PARMI les Payens qui furent executés le vingt-quatriesme Decembre l'an susdit, fut vn Page du Xogun, & des plus fauoris, condamné pour auoir loué vne sienne maison à vn certain Chrestien. Spectacle qui intimida tellement les Payens, que plusieurs coururent vers le Gouverneur pour luy deceler les Chrestiens qu'ils cognoissoient, & entre autres la femme de Laurens, à laquelle les Sergens qui le firent prisonnier n'auoient pris garde. Ce coup fut cause qu'on

en mit en prison iusques à vingt, qui furent long-temps combattus pour renoncer à la foy, & demeurèrent fermes iusques à la mort, qu'ils souffrirent le douzième de Iuin de l'an suiuant. Sauf vn qui mourut de misere en prison.

*Persecution excitée au commencement de l'an mil six cens-vingt-quatre, és quartiers de Massamune, en laquelle moururent plus de vingt-quatre Chrestiens, avec le Pere Iacques Carauaille, de la Compagnie de IESVS.*

CHAPITRE VII.



La haine implacable que le Xogun montroit contre nostre sainte foy, la persecutant à feu & à sang dans Iendo, & lieux circonuoisins, émeut quasi tous les Seigneurs du Iapon à faire le mesme en leurs terres. Le Pere Iacques que les autres nomment Diego Carauaille, Superieur de tous nos Religieux qui estoient épars par le païs de Date ou Idate, Massamune demouroit ordinairement en la ville de Xendaï, cour de Massamune: allant & venant neantmoins és environs pour administrer les saints Sacremens; & particulierement à Minaque terre de Iean Goto, Gentil-homme de marque, & qui auoit permission de Massamune son Prince, de professer la foy Chrestienne, avec tous ses vassaux.

Ce Massamune s'estant trouué à la cour d'Iendo, durant les sanglantes executions que nous venons d'écrire, & grandement ébahy de ce que le Xogun haïssoit tant les Chrestiens, en recherchoit vn iour la cause. Laquelle ne pouuant pleinement decouurir, vn de ses domestiques luy fit entendre que ses terres estoient fort peuplées de gens de cette profession. Qui fut cause qu'il luy donna soudain charge d'en sçauoir le nombre; declarant neantmoins qu'il exceptoit Iean Goto, comme il auoit fait autres fois. Ce mauuais valet arriué à Xindaï, avec cette nou-

42

Massamu-  
ne seigneur  
de Date.

43

Persecutiō  
à Xindaï.



**I**ESVS-uelle commission, communiqua le tout aux Lieutenans de son  
**CHRIST** maistre. La conclusion fut, qu'on aduertiroit tous les Seigneurs  
 1624. subalternes à Massamune, qu'ils eussent à bailler par liste les  
 noms des Chrestiens qui habitoient en leurs Iurisdicctions. Le  
 principal entre ces Subalternes estoit Monjau Iuami, enne-  
 my mortel de nostre sainte Foy, & d'ailleurs mal-affection-  
 né au sieur Iean Goto. Qui fut cause que la volonté de Mas-  
 samune luy estant intimée, il dit tout haut & d'un accent  
 cholerique, que le Prince n'entendoit pas d'exempter Iean  
 Goto, parce que le plus court moien d'esteindre bien-tost la  
 foy Chrestienne és quartiers de Xindai, estoit de commencer  
 par ce Goto, comme par le chef, lequel abatu les membres se-  
 roient sans vie.

44  
 Iean Goto  
 tenté.

**XIMONDA** Daisem, voisin & grand amy de Goto, aiant  
 eu le vent de ce traict lâché par Iuami, en aduertit son inti-  
 me, le priant de quitter la foy Chrestienne, de peur que Mas-  
 samune, duquel il auoit receu tant de biens, ne fût recher-  
 ché par le Xogun des faueurs qu'il luy auoit fait. I'ay beau-  
 coup & de grandes obligations à nostre Prince, répondit Goto:  
 Mais ie suis plus tenu à Dieu. Et partant ne me parlez plus de ce  
 changement, ie vous prie. Il n'y a force qui me puisse separer de  
 mon Dieu. Je quitteray plustost ma propre vie, que la foy de Ie-  
 sus-Christ. Ximonda ne desista pas pourtant de l'importuner  
 encores vn coup sur ce sujet. Voire y emploia le credit & le ba-  
 bil de sa femme qui parloit bien pour son sexe. Mais le vaillant Go-  
 to, apres auoir renouellé les protestatiōs de plustost mourir que  
 de manquer à la foy donnée à Dieu, pour soudre les instances &  
 repliques tant du mary que de la femme, commence à leur pré-  
 cher la foy Chrestienne, avec de si viues & preignantes raisons,  
 que Daisem n'osant plus refrapper sur cette enclume, conclud:  
 Il n'a garde de renoncer à la foy; il nous persuadera plustost à  
 tous de l'embrasser. Ainsi Goto se retira gay, glorieux, &  
 triomphant du diable, qui l'auoit tenté par les bouches de ses  
 plus intimes & entiers amis, selon le monde.

**R**ENTRE' qu'il fut en sa maison il raconta soudain le tout  
 au Pere Carauaille, & tous deux commencerent dès lors à se  
 disposer à la mort. De plus Goto escriuit aux Gouverneurs  
 tout ce qu'il auoit dit à Daisem. Le Pere Carauaille se mit à



ouïr les confessions des Chrestiens. Et de peur d'estre cause de quelque perte à son hôte, apres auoir promis de mourir pour ses domestiques, quand besoin seroit, il se retira à Oroxio, assez près de là, chez Matthias Ifiore, & dressa vne cabanne aupres de sa maison pour se tenir plus couuert. Il ne mena avec soy ny Dogique, ny autre que deux Chrestiens. qui luy tindrent compagnie iusques à la mort, ainsi que nous verrons en son lieu.

45

Pere Car-  
uaille se  
retire.  
Nomb. 50.

Le bon Pere n'eut pas long-temps sejourné en cette cachette, que voila vne letre de Massamune, adressante à vn de ses principaux Lieutenans, auquel il enjoignoit de proceder rigoureusement contre les Chrestiens qui se trouueroient dans ses terres; & de bannir Iean Goto, en cas qu'il refusât de renoncer à la foy Chrestienne. Au mesme temps il escriuit de sa main propre à Daïsem, luy commandant de conseiller à Goto de quitter la religion Chrestienne: Et en cas de tergiuersation, de le bannir. Daïsem fut trouuer Goto, avec sa letre en main, & redoubla sa batterie, luy promettant de nouveau, qu'autre que le Prince & eux deux, ne sçauoit qu'il eut change de croiance. Le genereux Chrestien s'indigna grandement de cette recharge, & le supplia de ne luy battre plus les oreilles de tels propos, parce que la loy des Chrestiens ne permettoit pas qu'une personne fût Chrestienne en son cœur, & reniât la foy de bouche, non pas deuant vn seul. Apres cette si constante réponse, Daïsem assembla toute la noblesse de Miuaque, & des environs, pour donner diuers assauts à Iean Goto. A quoy ils emploierent vne nuit entiere, mais en vain. Car il ne s'émue non plus pour eux tous, que pour vn.

46

Autres as-  
sauts liurez  
à Goto.

CEPENDANT arriuerēt les Ministres du Gouverneur Suò, insigné ennemy des Chrestiens, pour leur faire la guerre, tant à Xindai, où habitoit Iean Goto, comme à Oroxio, où le P. Caruaille s'estoit retiré; & lieux circonuoisins. Ce qu'aians appris, les vns resistoient courageusement, les autres s'enfuoient, les autres cedoient à la malice du temps, & aux persuasions des idollatres. Daïsem trouua cette occasion à propos, pour donner vn dernier assaut à Iean Goto. Partant joignant quelques soldats qui releuoient de luy, avec les Ministres de Suò, il les enuoia vers la maison de Goto, ordonnant qu'ils assiegeassent

47

Suò luge  
extraordi-  
naire.



IESVS- celle-là, & bouleuerfissent quelques habitations des Chrestiens  
CHRIST ses voisins. Les officiers executerent de point en point tout ce  
1624. qui leur auoit esté ordonné; voire pillerent tout le voisinage,

48

Jean Goto  
s'en va en  
exil.

& mirent le feu à plusieurs edifices d'importance. Mais pour tout cela Daïsem ne vint pas à bout de son entreprise. Car Jean Goto ne changea point d'avis; ains le lendemain il quitta sa maison, & ses biens, tres-joieux d'auoir souffert tous les susdits efforts pour la gloire de Dieu, & se bannit luy-mesme, se retirant és quartiers de Nembu, limitrophes de ceux de Massamu-ne, vers le Nort.

LES Chrestiens d'Oroxio effraiez des rigueurs que commençoient à exercer les officiers du Suò, se retirerent iusques au nombre de soixante, en certaines cabannes qu'ils auoient dressées en la vallée, où le P. Carauaille se tenoit. Dequoy vn espion aduertit les Ministres du Suò qui prenoient plaisir à voir brûler les maisons du sieur Goto, & de ses voisins. Leur chef en aiant eu aduis, dépecha promptement bon nombre de soldats, pour les aller saisir au corps. Mais arriuant au bourg, ils n'y trouuerent que les murailles. Si bien qu'ils s'en retournoient sur leurs pas sans aucune proie, n'eût esté quelque malicieux, qui les aduisa, que les habitans du bourg se pouuoient estre cachez dans la prochaine vallée. Ils y coururent, & voiant les cabanes, demanderent qui se tenoit là. Ce sont tous Chrestiens, leur répondit quelqu'un. Et les soldats incontinent droit à eux.

49

Le P. Carauaille fait  
prisonnier.

LE P. Carauaille decourant leur furie, & voiant ses brebiettes en grand danger, s'en alla au deuant des officiers, leur disant fort paisiblement, qu'il estoit le Predicateur qu'ils cherchoient, & le Docteur de la loy, laquelle seule enseigne le chemin du salut eternal. Ces barbares se saisirent soudain de sa personne, le lierent, & menerent vers leurs iuges à Miuaque, avec plusieurs autres, tous lesquels il depouillerent inhumainement tous nuds. Les Iuges plus impitoiables que leurs officiers, ne voulurent donner audience aux prisonniers dès leur arriuée; ains les firent attendre du matin iusques au soir, nuds comme ils estoient, & à decouuert dans vne cour, où il neigeoit. En fin vn Iuge aiant fait mener à son parquet le Pere Carauaille, luy demanda son nom, d'où il estoit, & s'il prêchoit la loy des Chrestiens. Le Pere répondit poinct par poinct, & conclud avec gran-

50

Inhumani-  
té des lu-  
ges.



de ferueur, qu'il estoit prest, & desiroit d'épandre son sang, & souffrir toute sorte de tourmens pour la foy qu'il prêchoit.

IESVS-CHRIST

1624.

APRES le Pere Carauaille, furent examinez Matthieu Magobaine, & Paul Quifuque; les deux qui l'accompagnerent iusques à la mort, ainsi que l'ay touché cy-deuant. Le Iuge aiant appris par leur deposition, que l'un auoit logé le Pere, & l'autre estoit son disciple, les renuoia tous trois en certaine maison, où le Pere passa la plus-part de la nuit à ouïr les confessions des Chrestiens. Le lendemain dès la poincte du iour ils furent condamnés d'aller à Midrusaua. Sur leur chemin ils trouuerent certaine vallée, où les officiers s'arrestans vn peu, trancherent la teste à Alexis Coïemon & Dominique Dosai, vieillards, qui ne pouuoient suiure le reste de la troupe; puis decouperent leurs corps en diuers lambeaux, pour essaier le fil de leurs cimeterres. Ce fut le neuuiesme iour de Feburier mil six cens vingt-quatre.

Nomb. 45.

51

Alexis & Dominique, decapitez.

52

Apologie pour les Europeans qui vont au Iapon.

LE meisme iour ils arriuerent en certain lieu, où les prisonniers furent départis en diuers logis. Au Pere Carauaille fut assignée la maison des officiers de la Iustice, qui le prierent de leur faire quelque discours de la loy Chrestienne. Et aiant ouï vne brieue explication du symbole des Apostres, luy demanderent s'il estoit vray que luy & ses semblables, se voulussent emparer de l'Empire du Iapon; comme le bruit en couroit. Le Pere leur répondit, que l'Europe, d'où il estoit natif, estant la fleur de la terre habitable, abondante en toute sorte de commoditez qui peuuent donner du plaisir & des delices aux hommes, ils seroiēt tres-mal-aduisez s'ils en partoiēt pour en courir d'ineestimables dangers sur mer, l'espace de trois ans que dure le voiage, & aller finir leurs iours en pais estrange, sans autre esperance que de trauaux & de tourmens. Nous ne pretendons rien à vos biens, Messieurs, leur dit-il. Nous auons quitté les nostres, pour venir à la conqueste de vos ames. Quiconque iuge sainement de nos actions & deportemens, n'en peut auoir autre opinion. A quoy ces Payens, conuaincus de l'euidence de ce qui se disoit, n'eurent aucune repliche.

LE iour suiuant ils arriuerent de bonne heure à Midrusaua, où ces barbares les firent demeurer iusques à nuit close, en plaine ruë, exposez au froid, & à la neige. Car il en tomba



LES V S-continuellement durant tout ce voiage. Or estoient-ils enuoiez  
 CHRIST en ce lieu, pour estre derechef examinez par deux iuges de grãd  
 1624. renom, l'un nommé Safaoca Bingo; l'autre Faximoto Bungo,  
 qui les firent premieremēt passer pas les mains de certains gref  
 53 fiers, qui coucherent fort particulièrement, leurs réponses par  
 Iuges nou- écrit, & sur tout leurs protestations, comme ils estoient prests à  
 ucaux. perdre la vie, plustost que d'abandonner la foy. Ce qu'ayant esté  
 rapporté aux iuges, il les firent tous conduire à leur tribunal, &  
 de premier abord prièrent le Pere Carauaille, que pour l'a-  
 mour d'eux il conseillast aux Chrestiens de quitter leur foy. Ie  
 ne leur donneray iamais ce conseil, répondit le Pere, avec vne  
 inexplicable resolution, & constance vraiment Chrestienne.

LES officiers ne desisterent pourtant de les sonder encore  
 tous les vns apres les autres. Mais à leur confusion. Car les  
 bons Chrestiens répondirent tous constamment, qu'il ne com-  
 mettroient iamais vne telle indignité. Refus qui piqua si vive-  
 54 ment ces Iuges, que s'adressans derechef au Pere Carauaille,  
 Sabine pri- ils le menacerent de le renuoyer à Iendo, pour le faire mourir  
 sonniere. d'une tres-cruelle façon. La plus grande faueur que vous me  
 pouuez faire, repartit le Pere, c'est de commander que ie sois  
 bottilli, rosti, taillé en mille pieces, pour la confession de la foi,  
 que ie professeray iusques à la mort. Apres laquelle réponse,  
 ces iniques Iuges enuoierent pour faire prisonniere Sabine,  
 femme de Matthias. Les Sergens la menerent soudain, liée &  
 garotée. Eux la voians, ordonnent que le Pere conseilleroit  
 au moins à cellelà, comme à vne femme, qu'elle changeât de  
 resolution. Mais voians que le Pere n'acquiessoit à leur volon-  
 té; ils se mirent eux-mesmes à la tenter en toutes façons, tant &  
 si long-temps, que son inflexible constance les lassa tellement,  
 qu'ils la renuoyerent avec les autres, chez certain officier fort  
 estimé, qui les attraqua derechef tous, tantost par promesses, tan-  
 tost par menaces: & voiant qu'il perdoit temps, les condamna  
 à certaine sorte de tourment, par lequel on gesne les jambes  
 avec certains instrumens de bois, qui font des douleurs intole-  
 rables. Il n'y eut pourtant que Leon & Matthias qui souffri-  
 sent. Car le Iuge les voiant inuincibles, ne voulut passer ou-  
 tre, ains ordonna qu'ils seroient conduits à Xindaï, vers Suò,  
 qui en disposeroit à la façon.

ILs firent ce voiage tous garottez, & chacun accompa-  
gné de son archer pour garde particuliere; & portant sur ses  
espaules le nom de Chrestien écrit en grosses lettres. Sur le che-  
min ils en rencontrèrent vn, nommé Michel, lequel supplia in-  
stamment les archers de le mener prisonnier avec les autres.  
Ce qu'ils refuserent de faire, d'autant qu'il estoit estranger. On  
ne scauroit exprimer les incommoditez, peines & douleurs  
qu'ils souffrirent en ce voiage. Le Pere Carauaille trauailloit  
toufiours à les aliger & adoucir par ses discours, les exortant  
à la patience. Elle parut singulierement en Leon. Car aiant  
les jambes mouluës du tourment souffert, il marchoit neant-  
moins comme s'il eût esté parfaitement sain.

55  
Martyre  
desiré.

LES archers continuans leur voiage, rencontrèrent en-  
core Iulian Fyemon, qui se declarant Chrestien les pria  
comme auoit fait Michel. Mais il ne fut pas éconduit com-  
me luy. Dieu seul sçait avec quel contentement de la trou-  
pe il fut joinct aux autres. Chacun se prit à prier sa diui-  
ne bonté de les faire croistre en vertu, comme en nombre.  
Arriuans à Xindaï, ils se trouuerent seulement neuf, qui fu-  
rent incontinent referrez dans les prisons publiques, par le  
commandement du Suò. Le Pere Carauaille aiant conceu  
grande opinion de ce Iuge, pour les merueilleuses louanges  
qu'on luy en auoit dites, fit grande instance pour luy parler &  
le desabuser. Mais ce barbare ne le voulut voir, ny pas vn des  
prisonniers.

56  
Iulian Fre-  
mon.



*Heureuse fin de diuers Chrestiens barbarement tourmentés, & massacrés à Xindai par commandement du Suo.*

CHAPITRE VIII.



VANT que les susdits neuf arriuaissent à Xindai, plusieurs autres Chrestiens y auoient esté conduits de diuers lieux, & morts pour la foy Catholique. Les premiers furent Marc Cafroye, & Marie sa femme, habitans d'un lieu appellé Omura. Lors que les persecuteurs y arriuerent, quelques Payens qui se disoient bons amis de ces deux honorables personages, sans leur rien communiquer, asseurerent qu'ils n'estoient plus Chrestiens. Si bien que les persecuteurs, qui estoient venus pour les prendre, sans s'informer plus auant de la verité de cet auis, tournerent bride, & s'en alloient. Comme Marc & sa femme sceurent la charité que ces Payens leur auoient prestés, & craignans d'offencer Dieu s'ils ne professoient leur foy à cette occasion, laissant le soin de leur maison à quelques esclaves, coururent apres les persecuteurs, declarans qu'ils estoient Chrestiens. Ces barbares essaierent par tous moiens de leur faire quitter la foy; & n'auançans rien, les firent demeurer tous nuds en public vn iour entier. Le lendemain voians que ces deux hardis seruiteurs de Dieu persistoient à professer la foy, ils les enuoierent à Xindai vers leur Suo, qui les condamna incontinent à estre brulés tous vifs. Mais au prealable promenés par toutes les principales rues de la ville apres vn Heraut, lequel publieroit à son de trôpe par tous les quarefours, que ces gens estoient conduits au supplice, pour n'auoir voulu renoncer à la foy de Iesus-Christ.

DVRANT cete ignominieuse pourmenade, certain ami pre-tendu de Marc, le sollicita de quitter la foy, lui promettant de le garentir de la mort. Mais il répondit constamment qu'il

57

Marc Cafroye & sa femme.

58

Se presentent aux persecutions

qu'il n'y auoit tourment au monde, qu'il ne souffrit volontiers, I E S V S  
plutoſt que de commettre cete faute: La vie eternelle de l'ame CHRIST  
m'eſt bien plus chere que la temporelle du corps, dit-il à diuer- 1624.  
ſes fois. Arriuez qu'ils furent au lieu du ſupplice, les executeurs  
lierent Marc à ſon poteau, où il fut brûlé, inuoquant les ſaincts  
noms de Ieſus & Marie, le premier iour du mois de Feurier mil  
fix cens vingt-quatre. Marie à demy-roſſie des flammes qui  
l'environnoient de toutes parts, ſe prit à verſer des larmes en  
abondance, & dire, que Dieu luy aiant octroïé la grace de mou-  
rir pour ſa ſaincte foy, elle ſe ſentoit interieurement comblée  
d'une telle conſolation, qu'elle ne pouuoit retenir les larmes  
d'allegreſſe. Ce que diſant, elle rendit l'ame à Dieu.

Pour la confeſſion de la meſme foy furent brûlez tous viſs  
deux autres Chreſtiens pere & fils, à deux diuers iours. Le pe- 60  
re auoit nom André Camon; & le fils Paul Sancuro. Pierre Pere & fils  
Quinzo eut la teſte trenchée, & le corps taillé en pieces, pour la brûlez.  
meſme cauſe.

Le douzième iour de Feburier moururent encore quatre  
Chreſtiens Iean Anzaï, Medecin âgé de ſoixante-dix ans, ou  
enuiro; & Anne ſa femme fort vieille; Vn leur couſin, nommé  
André Iryemon, & Louïs leur valet. André & Louïs eurent les  
teſtes trenchées, & les corps mis en pieces. Iean & Anne  
trionpherent plus noblement, parce qu'ils combattirent plus  
longuement & valeureuſement. Car auant que les tirer de leur  
maiſon, on les attaqua diuerſement, tantotſt par flateries, tan-  
totſt par menaces: tantotſt par ceux qui ſe portoient pour leurs  
amis: tantotſt par ceux que le Suò y enuoioit exprés. Mais  
voiant que tous ces artifices n'auoient aucun pouuoir ſur ces  
bons Chreſtiens, il les fit plonger tous nuds dans la riuere qui  
coule à trauers la ville de Xindaï. C'eſtoit au temps le plus  
froid de l'hiuer. Les executeurs de cette tyrannique iuſti-  
ce les tiroient par fois de l'eau, & puis les y replongeioient,  
crians qu'ils reniaſſent la foy. Mais les vaillâns martyrs ré-  
pondirent touſiours, qu'ils n'en feroient rien. Ce que voians  
ces barbares, les tirerent de la riuere, les monterent à che-  
ual, tous nuds comme ils eſtoient, & les pourmenerent par la  
ville, vn huiffier à cheual criant à ſon de trompe, que ces per-  
ſonnes eſtoient chaſtiées de la façon, pour ne vouloir renon-



IESVS-cer à la foy Chrestienne.

CHRIST

1624.

62

Ruës des  
villes clo-  
ses au Ja-  
pon.

A chaque quarrefour les satellites du Suò leur faisoient mettre pied à terre, & leur demandoient s'ils ne vouloient pas quitter la foy Chrestienne. Eux répondans que non; ces barbares leur versioient de l'eau à pleins sceaux sur la teste. Aians ainsi couru toute la ville, ils furent reconduits à la principale ruë d'icelle, & liez à la porte. Car aux villes du Japon chaque ruë est fermée de portes faites à barreaux. Là ils receurent mille tourmens & mille affronts du peuple, estant permis à chacun de les affliger tant qu'il pouuoit. Mais le tout fut en vain pour eux. Car l'eau glacée que la plus-part leur versoit sur la teste, allumoit de plus en plus en leurs cœurs le feu de l'amour de Dieu. Si que disant & redisant sans cesse, nous ne quitterons iamais la foy de Iesus-Christ, ils finirent leurs iours plus chargez de merites que d'années, quoy qu'ils fussent fort caducs. Les Payens mesmes admirerent grandement leur courage.

Av mesme temps furent aussi decolez Simon Ficoyemon, Monique son épouse, & leur fils, duquel nous ne sçauons pas le nom, & ce en Iojoma, par commandement du Tono dudit lieu: Gaspar Ichniemon, à Vsuqui.

73

Combat  
du Pere  
Carauaille.

QUANT au Pere Carauaille, & à ses compagnons, ils furent tirez de prison le dix-huitième iour de Feburier, qui est le dernier de l'an Japonnois, & menez à la riuere qui trauerse la ville de Xindaï, à deux brasses du bord de laquelle les bourreaux auoient creusé vne fosse ronde, entourée de palissade, & pleine d'eau, à la hauteur de deux pieds. Les prisonniers y arrivans furent dépouillez tous nuds, & commandez de s'asseoir dans l'eau, puis attachez chacun à son poteau, où ils passerent plus de trois grosses heures, sans dire autre chose que Iesus, Maria: benit soit Dieu: Loué soit le tres-sainct Sacrement. Le Pere Carauaille les exortoit tous à la constance, par fois de vive voix, & tousiours par son exemple, se tenant assis en l'eau, sans donner aucun signe qu'il sentit le froid. Car cessant de parler, il tenoit les yeux à demy-clos, si modestement & deuotement, qu'il sembloit ravi en contemplation; quoy que les Payens qui estoient aux environs lui dissent mille iniures, & Luy fissent mille affronts,

AYANT souffert trois grosses heures vn extreme froid, ils furent tirez de cete fosse; parce que l'intention du iuge n'estoit pas qu'ils mourussent là. Mais la rigueur du froid les auoit tellement saisis, & comme perclus de leurs membres, qu'ils tomberent tous sur le sable qui estoit au bord de la riuere. Matthias Sifyoie, & Iulien Iemony moururent bien-tost apres. Leurs corps furent taillez en pieces, & iettez dans la riuere. Le seul Pere Carauaille se fit telle force, qu'on le veid assis au bord de l'eau, les jambes croisées, comme il auoit accoutumé de faire assez souuent en particulier; les mains jointes deuant la poitrine, & la teste vn peu baissée, avec vne telle paix & modestie, que les idolatres l'en admiroient & louoient.

64

Matthias  
Sifyoie &  
Iulien le-  
mō morts.

TANDIS que les Ministres de la Iustice les gardoient là, voycy arriuer vn officier du Gouverneur, qui fit entendre au Pere, qu'on le relâcheroit & ses compagnons avec, s'il les vouloit exorter à quitter la foy. Il les exorte, dit-il, à souffrir plustost tous les tourmens du monde, qu'à faire vn si lâche trait. Ce qu'ayant esté rapporté au Iuge, il les enuoia menacer du feu par vn second messager. Celuy-là n'eut pas dit le mot, que tous les martyrs s'écrierent, O la ioieuse nouuelle ! nous n'en sçaurions receuoir de plus agreable.

LE messager du Gouverneur ne desista pourtant de les assaillir en diuerles façons. Mais voiant qu'il n'auançoit rien, il les fit reconduire en prison, suivant l'ordre qu'il en auoit, apres leur auoir dit qu'ils s'apprestassent à estre brûlez tous vifs, veu que pour lors on ne pouuoit executer la sentence, parce qu'il estoit trop tard. Les archers les menerent donc de rechef en prison, où ils furent diuersement affligez, iusques au vingt-deuxième de Feburier, qui estoit le quatrième du nouuel an Iaponnois. Ce iour-là de bon matin, ils furent pour la derniere fois tirez de prison, non pour estre brûlez, comme on les auoit menacez, ains pour estre reconduits à la susdite fosse, où ils farent de nouveau liez à leurs poteaux, & mis dans l'eau iusques aux genoux. Depuis ils furent commandez de s'asseoir là mesme, tellement que l'eau leur montoit à la poitrine.

65

Menaces  
du feu.

POVR leur faire souffrir plus de douleurs, les bourreaux leur faisoient souuent changer de posture; & passerent ainsi tout le



**I**ESVS-  
**CHRIST**  
1624. jour. La nuit arriuant, leurs tourmens redoublerent, tant par ce que l'eau se geloit, le vent se renforçoit, la neige tomboit en abondance sur eux. Si bien que les fideles seruiteurs de Dieu s'apperceurent bien que leur derniere heure approchoit, se mirent à inuoyer plus ardemment l'aide de Dieu, & prier la tres-saincte Vierge, de les presenter à son bien-aimé fils pour ce dernier passage.

66

Leō reprē  
sourage.

COMME le P. Carauaille continuoit à leur donner courage, quelque trait échappa à Leon Gognemon, qui témoignoit l'extreme douleur qu'il souffroit. Ce qui fit tourner le Pere vers lui, disant: Encores vn peu, mon fils: Encores vn peu. Tout ce mal prendra bien-tost fin, & nous menera aux biens qui tousiours dureront. Paroles qui releuerent tellement le courage de Leō, que témoignant vne grāde allegresse il rendit quand & quand l'ame, inuoquāt les tres-saincts noms de Iesus & Marie. Autant en firent Antoine Sazaymon, & Matthias Xoian.

67 68

Mort des  
martyrs.

SVR ce poinct arriua vn Payen, qui s'approcha des autres, & leur promit la vie & liberté, s'ils vouloient renoncer à la foy, pressant particulièrement Matthias Taroyemon, son intime amy. Mais ils répondirent tous vnaniment, qu'ils n'en feroient rien. Peu de temps apres mourut André Niyemon, inuoquant le nom de IESVS. Matthieu Mangobioye le suiuit immédiatement. Quant à Matthias Taroyemon, sentant que son heure approchoit, il haussa la voix, & dit: Adieu, mon Pere, adieu. Me voicy au bout de ma carriere. Le Pere luy répondit, Allez donc à Dieu, mon cher fils, allez, & mourez en sa saincte paix & grace. Apres laquelle réponse sans autre changement, il expira, prononçant les saincts noms de Iesus & Marie.

69

Le Pere  
Iacques  
Carauaille  
meurt.

LA minuit approchant, la plus-part des assistans se retirerent laissant encores en vie le Capitaine de cete heureuse bande, le P. Iacques Carauaille. Mais plusieurs Chrestiens l'assisterent iusques à tant qu'il trouua la fin de ses trauaux, & de sa vie, sur le point de la minuit. Les Payens mesmes louerent grandement la constance de tous ces martyrs, mais particulièrement du P. parce que durant plus de dix heures de tourment la premiere, & plus de quinze la seconde fois, personne ne le veid trembler de froid. Tant le feu de l'amour diuin qui brûloit en son ame, temperoit la gelée qui tourmentoit son corps.

Ces martyrs moururent le vingt-deuxiesme iour de Fe-  
 urier mille six cens vingt-quatre, par le commandement d'I-  
 date Massamune, & Moriua Suo, vn de ses Iuges & Gouver-  
 neurs, executant ses peruerfes volontés. Le lendemain ma-  
 tin les corps furent tirés de la fosse, taillés en pieces, & jet-  
 tés dans la riuiere, sauf les restes de quatre, les noms des-  
 quels n'ont esté marqués; & celle du Pere Carauaille, que  
 quelques Chrestiens retirerent, & tiennent en grande vene-  
 ration.

1624.

70

Chefs des  
martyrs  
reseruez.

*Abregé de la vie du Pere Iacques Carauaille  
 martyr.*

## CHAPITRE IX.



L'E P. Diego ou Iacques Carauaille fut Portu-  
 gais, natif de la ville de Conimbre. Entra en  
 la Compagnie de Iesus âgé de seize ans : En-  
 treprit le voiage des Indes l'an mille six cens,  
 avec intention de passer & de mourir au Iapô.

71

Vie du P.  
Carauaille.

L'an mille six cens cinq il fut enuoié à Macao  
 pour estudier en Philosophie & Theologie, & l'an mille six  
 cens neuf arriua au Iapon, où il emploia vn an à l'estude de  
 la langue du païs. Puis deux ans à cultiuer les Isles de Cama-  
 cusa. De là il fut à Meaco, & aux quartiers de Cami; d'où la  
 persecution le força de se retirer à Nangazaqui, & de là vers  
 Macao l'an mille six cens quatorze. Au commencement de  
 l'an quinziesme de ce siecle il fut enuoié à la Cochinchine, en  
 compagnie du P. François Buzon, pour restablir la mis-  
 sion de ces quartiers là, où il trauailla avec vn grand zele.

72

Trauaille  
en la Co-  
chinchine.

L'an suiuant Dieu le voulant ainsi par sa diuine prouiden-  
 ce, il retourna derechef au Iapon, & s'emploia vn an à Omura.  
 l'an dix sept aiant fait sa profession il fut enuoié à Oxu: visita  
 par trois fois les fideles bannis pour la foy à Sungara, terre  
 lize au bout du Iapon. Alla deux fois à Yetzo, & fut le pre-



**IESVS-**mier Prestre qui celebra la sainte Messe dans cete ville là,  
**CHRIST** Il courut les Prouinces d'Oxu & Deua, avec les dangers & fa-  
 1624. tigues que nous auons couchés cy-dessus, rapportant som-  
 mairement les traux que le P. Hierosme des Anges souf-  
 frit en ce pais là.

73

Yerzo &  
Deua.

LE P. Carauaille fut le premier des nostres qui resida en la  
 ville d'Aquita & Xemboun, où il fonda vne grosse peupla-  
 de de Chrestiens, & s'y trouua durant vne tres-sanglante per-  
 secution, en laquelle plusieurs furent bannis de leurs mai-  
 sons. Plusieurs luy conseillerent de se retirer pour sauuer sa  
 vie. Mais il ne voulut iamais abandonner ses brebis en tel  
 besoin. Ce qui luy arriua derechef à Massamune, où aiant vé-  
 cu trente ans en nostre Compagnie; & d'iceux quinze és Mis-  
 sions du Iapon & de la Cochinchine, se portant tousiours  
 comme vn ouurier infatigable, il finit glorieusement le cours  
 de sa vie l'an quarante & sixiesme de son âge. Son martyre fut  
 tres-remarquable, tant à cause des frequens & extraordinai-  
 res assauts qui lui furent liurés pour luy faire abandonner la  
 foy; comme pour la nouuelle sorte de tourment qui lui osta  
 la vie: tourment qui iamais n'auoit esté pratiqué au Iapon,  
 que je sçache.

74

Meur à  
Massamu-  
ne.

DANS le mesme Royaume d'Oxu és Estats de Camosida,  
 dono, qui est vn des grands Seigneurs de ce quartier là, quel-  
 ques autres Chrestiens furent faits prisonniers, quelques  
 autres enuoiés en exil: plusieurs autres encore nouueaux en  
 la foy, aiant lâchement montré par leur exemple, combien est  
 grande la fragilité des hommes, & variable leur volonté.  
 Avant la persecution qui fut tres-sanglante, le P. Iean Mat-  
 thieu Adam, qui cultiuoit ces quartiers là, auoit baptizé trois  
 cens soixante personnes d'âge. Mais la furie des persecu-  
 teurs fut si grande, que depuis il ne pouuoit trouuer vn petit  
 coin où se cacher, ny de quoi sustenter son corps, quoi qu'il  
 traueillât extremement pour l'un & pour l'autre.

75

P. Iean  
Matthieu  
Adam.

*Persecution menüe au Royaume de Deua, & de trois Chrestiens qui moururent là pour la foy.*

## CHAPITRE X.



ORS que le Xogun fit mourir tant de Chrestiens à Yendol'an mille six cens vingt-trois, Yoxinobu Xataquedono, seigneur d'une grande partie du Royaume de Deua, estoit à la Cour; & se laissant gagner au desir qu'il auoit de complaire en toutes choses au Xogun,

76

Xataquedono per-  
secute les  
Chrestiens.

écruiut aussi-tost à Fanjemon, le premier des Gouverneurs de son Estat, qu'il donnât viuement la chasse aux Chrestiens qui se trouueroiēt en ses terres. Ce Gouverneur executa si promptement & diligemment cet ordre qu'il auoit receu de la Cour, que du premier coup il en fit emprisonner plus de deux cens, & pour la plus-part Gentils-hommes. Le plus apparent fut vn nommé Catauneme, lequel estant assailly par diuers stratagemes rendit si bon compte de sa creance, & parla à ses assaillans avec telle resolution & ferueur, qu'ils se confesserent vaincus par la verité, quoi que la peur les empêchât de l'embrasser. Ce Gentil-homme auoit vn fils, qu'il éleuoit d'une extraordinaire façon pour le rendre constant en la foy. Ie la trouue en l'original de cete année toute telle que j'ay couché cy-dessus. Parauenture sont-ce deux personnes; mais c'est le mesme trait de constance, & hardiesse resoluë à souffrir le feu pour la foy.

77

Jean Catauneme  
prisonnier

Liu. II.  
nomb. 173.  
& 189.

JEAN Foy Cauai Quiemō fut combatu durant vingt iours, auant qu'on le fit prisonnier par diuers escadrons de ses parens, amis, & personnes d'autorité, à montrer, au moins de bouche, qu'il auoit quitté la foy. Mais il rompit brauement leurs efforts, répondant que pour tout l'or du monde il ne commettrait chose qui peût déplaire à Iesus-

78

Jean Quiemō  
mon prisonnier.



**I**ESVS-Christ. Ils heurloient apres luy, comme apres vn furieux, **CHRIST** ou insensé. Mais ils ne l'ébranloient pas pour tout cela. Vo-  
 1624. ians qu'ils n'auançoient rien contre le mary, ils pointerent leur batterie contre Luce sa femme, laquelle leur dit plusieurs fois qu'elle ne prisoit pas ses biens, ses enfans, son mary, ny sa propre vie, tant que la foy de Iesus-Christ. Ils menerent donc Iean en prison avec deux de ses enfans, & donnerent à sa femme des gardes qui la tindrent prisonniere en sa propre maison. Ainsi en vsoient-ils au commencement de cete persecution enuers les femmes nobles, & leurs enfans. Si s'en trouua-il vn nommé Thomas, lequel entendant que pour n'auoir passé treze ans il demeureroit en la maison avec sa mere, pratiqua tant de petits stratagemes, qu'il força les satellites de la iustice de le mener dans la Conciergerie, & l'y mene avec son pere, où depuis il ne cessa de seruir ceux qui estoient prisonniers pour la foy, iusques au nombre de quarante; & ne permit en ce bas âge qu'aucun autre luy rauit cet exercice de charité.

79

Luce sa  
femme.

80

Thomas  
son fils.Nomb. 10.  
& suiu.

Vn autre Chrestien nommé Alexis Mojemon, sollicité par quelques Payens ses amis à quitter la foy, leur répondit tout plat, que quand toute la ville, voire leur Prince y viendrait, il ne la quitteroit iamais. Plusieurs autres l'imiterent en cete genereuse resolution, mais nommément deux, lesquels y perdirent la teste, sçauoir Louis Taraugi, & Matthieu Xiquiemon. Ils estoient tous deux à Yendo, au seruice d'un Gentil-homme, lors qu'on y brula les cinquante Chrestiens, desquels nous auons décrit les combats au commencement de ce lieu. Leur maistre qui sçauoit qu'ils estoient Chrestiens, apres auoir tâché de les en detourner, les chassa de sa maison avec deffence de retourner au Royaume de Deua. Ils s'y acheminerent neantmoins, desirans souffrir la mort pour la querelle de Iesus-Christ. Ce qui leur arriva, Car aiant deferés au Iuge, comme Chrestiens, qui auoient serui vn tel Seigneur, il les lui renuoia avec ordonnance qu'il les fit massacrer. Voila comme mourant pour Iesus-Christ, de serfs ils furent affranchis en la liberté de la gloire, le septiesme iour de Feurier mille six cent vingt-quatre.

ON liura aussi plusieurs assauts à vne Damoiselle Chrestienne

stienne, âgée de vingt-cinq ans, nommée Monique, qui I E S V S -  
auoit esté fille de Chambre de la deuote Princeesse, & secon- CHRIST  
de femme de Xataquedono qui tourmentoit si fort les Chr. 1624.

Cette Princeesse affection-  
noit tant nostre sainte foy, que ne pouuant receuoir le Bap-  
tesme, pour les raisons que nous auons touché cy-dessus, el-  
le incitoit toutes ses Dames & seruantes à se faire Chrestien-  
nes. Monique en fut vne. Le Pere Carauaille l'auoit bapti-  
sée peu auparauant. Sa Maistresse ayant esté quelques iours  
apres bannie pour quelque soupçon de la foy, Monique fut  
contrainte de sortir du chasteau, & se tenir en la ville de  
Cubota, où elle auoit bon nombre de parens, & fut fort tra-  
uersée par ceux qui desiroient de la detourner de la foy.  
Neantmoins dans cette persecution elle profita tellement en  
vertu & deuotion, que pour arrester les poursuites qu'on luy  
faisoit de se marier, elle se fit raire à la Iaponnoise. Xataque-  
dono tâcha mesme par le moien de la femme, de luy faire quit-  
ter la foy. Mais Monique tint ferme, si que ce barbare la fit  
vn iour sommer de renoncer à Iesus-Christ, sous peine d'a-  
uoir la teste trenchée. Sa réponse fut de tendre le col, pour  
receuoir le coup, disant qu'elle aimoit mieux perdre la vie  
temporelle, que la foy qui luy promettoit l'eternelle. Surquoy  
elle eut la teste trenchée à Cubota l'an mil six cens vingt qua-  
tre. Nonobstant tous lesquels emprisonnemens & autres ob-  
stacles, nos Peres baptiserent cette année en ce Roiaume trois  
cens personnes d'âge.

81

Monique  
& ses ver-  
tua.

82

Sa mort.



*De la Chrestienté qui se trouuoit cete année  
és contrées de Cami.*

## CHAPITRE XI.



S quartiers de Cami demeuroient cete année huiët de nos Religieux, six Prestres, & deux qui ne l'estoient pas, allans & venâs en diuerſes Miſſions par le Goquinai, & autres Roiaumes voisins, comme Cugoco, & Schigoco. Vnze cens ſoixante deux perſonnes d'âge y receurent le S. Baptesme. Auſſi-toſt que la nouuelle de la perſecution y arriua les anciens Chreſtiens eurent recours à la priere des quarante heures, & autres remedes ſpirituels. Es terres d'Ozaca fut commandé aux Gentils, qui tenoient des Chreſtiens en leurs maiſons, de les congедier au plutoſt. Qui fut cauſe que pluſieurs ne trouuans aucune retraite, furent contraints de dormir en plaine compagne, au plus fort de l'hiuer. Il y en eut qui furent chaſſez quatre & cinq fois du meſme lieu. Le plus grand contentement qu'ils receuoient, eſtoit lors qu'ils ſe rencontroient les vns les autres. Car lors ils reſpiroient vn peu ſous le ioug inſupportable de cete furieuſe perſecution; & traitoient enſemble avec autant d'amour, que s'ils euſſent eſté freres, & d'vne meſme maiſon. Quand ils trouuoient ſur leur chemin quelqu'vn de nos Peres, on voioit plutoſt couler leurs larmes, qu'on n'ouït leurs paroles. Neantmoins Dieu qui n'abandonne iamais les ſiens, pourueut aux plus neceſſiteux, d'vne maiſon dans la ville, appartenante à vn des plus ſeruens Chreſtiens, nommé Paul, où tous les ſuruenans trouuoient, non ſeulement des ſecours ſpirituels, ains encore des temporels. Car le bon Paul auoit enuoïé ſa femme & ſes enfans aux champs, demeurant en ſa maiſon avec deux de nos Peres, qui leur adminiſtroient les Sacremens, & ſur tout les exortoïët à la conſtance & à la foy. Non ſans quelque apprehenſion que leur retraite eſtant découuerte, ne cau-

83

Oraison  
des quarante  
heures.

84

Paul d'Ozaca bon  
Chreſtien.

fat quelque prejudice au fideles. Ce qui porta le Superieur de la Mission, à sortir de la ville, & se retirer en quelque maisonnette écartée du grand chemin.

IESVS-CHRIST  
1624.

Av détroit de la iurisdiction d'un Gouverneur nommé Inabu Auagi, plusieurs Chrétiens donnerent de tres-bonnes preuves de leur invincible constance, notamment vn Medecin nommé Thomas, lequel aiant esté auparavant banny pour la foy; montra derechef combien le saint nom de Iesus estoit fermement gravé en son cœur, renuoiant ses parens & amis qui le solcitoient à quitter la foy. Ces rigueurs durerent quatre mois ou plus dans la ville, quoy qu'es bourgades il y eut quelque amendement. Bon nombre de Chrestiens du Royaume de Fococu, distant huit iournées de la ville d'Ozaca, y furent trouver nos Peres pour s'apprester à la persecution, par la participation des saints Sacremens de la Confession & Cōmunion. A Fuximi & Meaco, nonobstant la persecution, furent conuerties deux cens personnes de bon âge. Es quartiers de Goquinay, la persecutiō fit quelque brèche, & la Chrétienté perdit quelques sujets, mais le gain fut tousiours plus grand.

85

Thomas  
Medecin.

La mesme tempeste auoit fait aussi quelque degast en vn Roiaume voisin d'Izzu, qui est proche d'Iendo. Neantmoins plusieurs Chrestiens, quoi que nouvellement conuertis, y souffrirent l'exil, & plusieurs autres incommoditez pour conseruer leur foy. Vn de nos Peres y arriuant ramassa les brebis que la force de la persecution auoit egarées, & administra le saint Baptême à deux cens cinquante personnes d'âge. Vn autre fut au Royaume d'Ouari, où il contribua beaucoup par les travaux, à ce que quelques-vns que la persecution auoit abatus, se peussent redresser. En vne ville de ce Royaume, nommée Iquinomiya, les Payens se liguèrent, pour faire abandonner la foy à vn petit nombre de Chrestiens leurs voisins; & les Chrestiens s'inviterent aussi pour mourir plutost, que commettre acte indigne du nô Chrestien. Si bien qu'aiant esté plusieurs fois attaquez, ils demurerent tousiours victorieux. Les Payés se voians vaincus choisirent pour dernier expedient, de rechercher curieusement tous les créaciers des Chrestiens; & les émouvoir à exiger le paiemēt de leurs debtes, si mieux les Chrestiens

86

Ouari Ro-  
yaume vi-  
té.



IESVS- n'aimoient quitter leur foy. Auquel cas ils estoient contens  
 CHRIST de leur remettre tout. Ce qui fut promptement executé. Mais  
 1624. les Chrestiens, quoy que quasi tous laboureurs, ou viuans de  
 leur traual, se sceurent si charitablement entr' aider, que cha-  
 87 cun paia ses debtes, sans que personne bronchât en sa creance.  
 Stratageme Les Payens se voians decheus de leur esperance, coururent aux  
 des Payens menaces de la mort. Et les bons Chrestiens sans autre replique  
 vaincus. porterent aux maistres desquels ils cultiuiotent les terres, ce  
 peu de meuble qui leur restoit, disans qu'ils n'auoient plus be-  
 soin de rien, au cas qu'on les voulut faire mourir pour l'amour  
 de Dieu. Ainsi la patience & douceur de ces bons Chrestiens,  
 triompha des cruels artifices de leurs ennemis: & ils ne se con-  
 tenterent pas d'auoir si heureusement pourueu à leur salut; ains  
 s'emploierent tres-liberalement, à receuoir les bannis pour la  
 foy, particulièrement ceux qui auoient esté chassez du Royau-  
 me de Mino.

88

Fayemon  
& sa fin.

Av Royaume de Xefoy la persecution ne fut pas violente.  
 Ily eut seulement deffence faite aux Payens, que personne ne  
 donnât maison à louage aux Chrestiens. Enuiron ce temps,  
 tomba malade au Royaume de Cagiuara, vn noble Chrestien,  
 nommé Fayemon, lequel montra bien sur ses derniers iours,  
 comme il auoit tousiours esté bien affectionné à la foy. Car se  
 sentant mal il appella promptement vn Confesseur, se munit  
 des saincts Sacrements: & pendant le cours de son mal fit plu-  
 sieurs actes de contrition, & autres vertus. Exercices qui éton-  
 nerent tellement son valet de chambre, qui le voioit aller plus  
 loin qu'il ne comprenoit pas, qu'il dit tout haut que son maistre  
 estoit hors de foy. Mais Fayemon le releua promptement, di-  
 sant qu'il ne refusoit point, & qu'on ne pouuoit excéder à bien  
 faire, pour asseurer son salut. Il arriua neantmoins depuis, que  
 la force du mal luy troubla le iugement si fort, que se tournant  
 vers ceux qui l'assistoient, il commença à crier: Comment dōc,  
 ne sommes nous icy plus que quatre Chrestiens? Où sont allez  
 les autres? Qu'on les face venir, afin que quand l'Edit arriue-  
 ra, nous soions tous vnis, & resolu à tenir bon en la foy. Ce  
 que disant, il rendit l'esprit, laissant ceux qui l'assistoient fort  
 consolez de voir, que fut en son bon sens, fut hors d'iceluy, il se  
 monroit tousiours auoir à cœur ce qui estoit de son salut.

Les Chrestiens du Roiaume de Iomi se preparerent aussi par la frequentation des saints Sacremens, pour resister aux ennemis de la foy. Vn Payen qui demouroit à Saoyamo vil. le capitale dudit Royaume, & frere de l'un des Gouverneurs, aiant quel que temps auparauant desiré se faire baptizer, & en attendant la commodité, ouït le bruit de la persecution, qui le fit entrer en ce discours. Si les Chrestiens sont tous bannis ou tués, qui me baptizera ? Puis que j'en ay maintenant la commodité, il la faut prendre. Il se fit donc incontinent baptizer.

LES V S-  
CHRIST  
1624.

89

Ratiocina-  
tion tres-  
pertinente.

Av Royaume de Fococul l'apprehension de la persecution fut grande, si ne chāgea-on rien, parce que Faxuja Quiscuyen. dono n'estoit pas beaucoup contraire à nostre foy ; tenoit que c'estoit peine perduë de persuader à vn Cavalier de chāger d'auis, ou de Religio, & disoit, que qui n'est constant à seruir Dieu, sera sans doute traître aux hommes. Vn de nos Peres visita aussi ceux du Royaume de Quinocumi, où les nobles estoient épargnés, & les marchands persecutés. Le P. Iean Baptiste Porro auoit charge de la Chrestienté de Fari-ma, Bigen, Chiungoco, & Scigoco, courant incessamment d'un Royaume à l'autre, avec vn fruit qui répōdoit à son travail. Il le redoubla neantmoins au premier bruit de la persecution, administra les saints Sacramens à tous les Chrestiens, & baptiza quarante & deux personnes.

90

P. Iean Ba-  
ptiste Porro;

LE Roy de Bizen, quoy qu'il ne fût autrement contraire à la loy de Dieu, toutesfois pour se conformer au Xogun ordonna que les Chrestiens sortissent tous de ses terres. Edit qui fut publié à Ocayama, ville Metropolitaine. Et de peur que quel qu'un n'y demeurât caché, fut commandé que chacun donnât son nom par écrit, marquant la secte qu'il professoit, le temple qu'il frequentoit, le Bonze qu'il recognoissoit pour son maistre. Quiconque manqueroit à ce point, deuoit estre banni de la ville. La grace que Dieu fit à ces Chrestiens fut si grande, qu'il n'y eut riche ny pauvre, noble ny roturier, Magistrat, ny sujet, qui ne se priuât tres-volontiers & joieusement, de tout ce qu'il auoit, plustost que de quitter la foy. Les executeurs de cet Edit vlerent de tres-grande rigueur, non seulement dans la ville, ains encores aux champs,

91

Edit nou-  
veau & tres-  
rigoureux.



LESVS- & par les bourgades; contraignans les chefs de famille à ex-  
CHRIST hiber les diligences qu'ils auoient faites pour chasser les  
1624. Chrestiens de leurs maisons. Si en sortoient-ils tous joieuse-  
ment, aimans mieux perdre tout ce qu'ils possédoient sur ter-  
re, que de se priuer du repos qu'ils attendoient au Ciel.

92

Femme  
tres-ver-  
eueuse.

DE ce nombre fut vne honneste Dame, mariée avec vn  
Gentil-homme idolatre. Le Gouverneur commanda au ma-  
ri qu'il la chassât de sa maison, ou qu'il la fit retourner au Gen-  
tilisme. Les parens de l'un & de l'autre s'y emploierent. Mais  
la Dame sceut courageusement se demêler de leurs importu-  
nités, & méprisant tout ce qu'elle auoit de cher au monde,  
accompagnée seulement de deux seruantes, se rendit à Nan-  
gazaqui, pour mieux vaquer à son salut. Vn certain Gentil-  
homme aiant dit à vn sien Page; Si tu ne quittes la foy des  
Chrestiens, ie te feray trencher la teste: ne tira du jeune  
homme autre réponse, sauf qu'il tendit le col, pour rece-  
voir le coup. Trait qui etonna tellement ce Gentil-hom-  
me, qu'il n'osa passer outre, se contentant de le chasser de  
sa maison.

93

Page bon  
Chrestien.

AV Royaume de Farima la tempeste ne fut pas si forte  
qu'ailleurs. Neantmoins plusieurs furent bannis: Quelques  
maistres renuoierent leurs valets, parce qu'ils estoient Chre-  
stiens: Diuers Payens chasserent leurs propres enfans de  
leurs maisons, pour le mesme sujet.

DANS le Roiaume de Birheu vn du petit nombre des  
Chrestiens qui se trouuoient là, aiant eu le vent de la perse-  
cution, sortit avec sa famille d'une maison que le Tono, c'est  
à dire le Seigneur ou Prince du lieu, lui auoit donnée, disan-  
t que le tēps estoit venu, auquel il n'estoit pas loisible de dissi-  
muler sa creance. Partāt il fut banni pour la seconde fois. Cet  
accident incommoda grandement tous les Chrestiens de la  
contrée, lesquels il auoit coutume d'assembler les iours de  
feste en sa maison, pour les cōferēces, & lectures spirituelles.

LE Royaume de Bingo ne sentit pas grāde perte durant cet  
orage. Celuy qu'on nomme d'Aqui, fut extremement affligé.  
Vn mois auant la persecution, vn de nos Peres partit de Firo-  
xima, laissant tous les Chrestiens fort cōsolés, & encouragés à  
souffrir tout ce qui leur pourroit arriuer. L'Edit enuoie de la

Cour portoit que tous les Chrestiens fussent chassés de la ville, avec leurs fēmes & enfans. Ce qui fut executé avec vne telle rigueur, qu'on courut les ruës pour sçauoir quelqu'un seroit demeuré, on fouille les maisons, bres on contraignit les Chrestiens à chercher leur seureté par les campagnes pendant l'hyuer. D'où plusieurs tōberent malades, & quelques-uns en moururent. Leurs noms deuoient estre inserés au Catalogue des Martyrs, mais nous ne les auons peu sçauoir. Si s'en trouua-il encore qui ne voulurent partir de leur maison, afin qu'on les fit prisonniers, & que de la prison ils passassent au martyre. Il y en eut aussi qui ne se montrerent si constans que les autres. Le nombre fut tres-petit. Encore s'en trouua-il vn, lequel se repentant de sa faute, aussi-tost qu'il l'eut commise, écriuit aux Gouverneurs de la ville, qu'ils se desabussassent, parce qu'il estoit Chrestien, & tres-resolu à perdre la vie pour la Religion Chrestienne. A quoi les Gouverneurs ne repartirent rien, ains dissimulerent avec lui, non pas avec François Ioïama, duquel iem'en vay décrire le martyre.

*Glorieux combat, & victorieuse mort, que François Ioïama Sintaro souffrit pour la foy Chrestienne, en la ville de Firoxima.*

## CHAPITRE XII.



ORS que les officiers de la Iustice Iapōnoise furent enuoiés de maison en maison prendre le roolle des habitans de Firoxima, & marquer la foy que chacun professoit, ainsi que nous auons touché cy-dessus, François Ioïama, qui estoit vn Seigneur de marque, & grandement qualifié dans cet estat, ne se trouua pas chez soi. Mais sō maitre d'hostel lui pēsant rēdre vn bon seruice, répōdit qu'il n'y auoit aucun Chrestien au Palais de son maitre. Aussi-tost que François fut de retour, il sçeut ce qui s'estoit passé, tãça sō maitre d'hostel, & sur l'heure même écrit aux gouuerneurs, leur signifiait cōme son maitre d'hostel s'estoit trōpé; Parce, disoit-



**IESVS-** il, que je suis Chrestien, & ne changeray iamais de Religion.  
**CHRIST** Les Gouverneurs grandement etonnés de la constâce de ce  
 1624. jeune Seigneur, resolurent de lui faire changer d'avis. A ces  
 fins ils emploierent tous ses parens, & amis qui le solliciterēt  
 trente iours durant. Mais tousiours en vain. Non contents  
 des habitans de la ville, ny de leurs artifices, ils coniurerent  
 encore ses parens, qui demeuroident loin de là, pour luy écrire,  
 comme ils firent, l'invitant au service de leur Prince; qui  
 lui promettoit des honneurs, charges, & gages à foison. Il  
 receut vn gros paquet de lettres, tendantes à ce but; il en  
 leut vne, puis déchira les autres, & les ietta au feu, dedai-  
 gnant de les lire, parce qu'il les soupçonnoit écrites de mesme  
 ancre. Le courrier qui les lui auoit renduës, le supplia de pré-  
 dre garde à ce qu'il faisoit, parce qu'on l'auoit asseuré que  
 c'estoit vn affaire de grande importance qu'on l'auoit dépe-  
 ché. Taisès-vous, lui dit François, ie vous ay reçu pour cour-  
 rier, nō pas pour conseiller: vostre commission est expédiée.  
 Retirés. vous quand bon vous semblera. Voila comme il luy  
 ferma la bouche.

96

ses fer-  
meurs.

Son beau-pere y fut à son tour; & apres luy auoir allegué  
 quantité de fausses raisons, lui dit: Ie vous osteray ma fille. Ie  
 vous rendray infame. François semit rire, disant que sa fem-  
 me, ny le monde entier, ne lui estoient rien, au pris de la loy  
 de Dieu. Aiant ainsi renuoié son beau-pere, & craignant de  
 nouveaux assauts, il s'en alla trouuer son Confesseur, receut  
 les Sacremens de penitence & de l'Autel, pour s'armer con-  
 tre Satan. Retournant de chez nous il ouit dire que Matthias  
 Xobara Squirajemon auoit esté fait prisonnier, & enfermé  
 pour la foy. La joie qu'il en sentit fut si grande, qu'elle sem-  
 bla se chāger en vne sainte enuie, qui le fit crier: O heureux  
 Matthias! bien fortuné Matthias. Arriué qu'il fut à son ho-  
 stel, il luy écrivit vne lettre pleine de sentimens spirituels.

97

sa con-  
fiance.

A peine fut partie le valet, par lequel il l'enuoiōit, que  
 quatre Gentils-hommes enuoiés par le Tono entrèrent dās  
 sa maison, & lui demanderent s'il ne vouloit point changer  
 croiance. N'aians tiré de lui que sa réponse ordinaire, ils  
 s'en retournerent tous confus vers le Tono, lequel en ap-  
 pella soudain trois autres, ausquels il commanda d'aller  
 sur

sur letard trouuer Sintaro, & le faire mourir s'il ne renonçoit à la foy. L'heure venuë ces trois soldats y allerent, avec vne grãde troupe de gens armez, qu'ils laisserent autour de la maison, tandis qu'ils entroient pour declarer à Sintaro, que quittant la foy des Chrestiens, il obligeroit grandement le Tono. Sintaro répondit: Le Tono comme mon Prince naturel me peut commander. En tout autre sujet, il sera promptement obeï. Pour ce poinct, ie ne peux acquiescer à son desir. Si vous estes obstiné en cét endroit, repliquerent les soldats, le Tono vous fera mourir. Et le bon Sintaro, sans se troubler aucunement: Il ne me scauroit arriuer plus agreable nouuelle. Si vous en estes les porteurs, ie ne vous receuray pas en hommes, ains comme Anges venus du ciel. Ce que disant, il se mit à genoux, pour leur faire la reuerence. Ce nouveau langage mit les idolatres hors d'eux mesmes. Iamais ils ne virent pareille resolution. Neantmoins comme ils auoient commandement de le faire mourir, ils luy dirent, qu'ils s'ouuriront donc le ventge à la mode du Iapon. Ie n'en veux pas venir là, repartit Sintaro, parce que la loy du vray Dieu deffend les meurtres, voire de foy-mesme. Les moiens de me faire mourir ne vous māquent pas. Apprestez-vous y donc, dirent-ils. Sintaro leur demanda permission de donner le dernier adieu à sa mere auant que de mourir. Il fut donc par vn certain degre derobé la trouuer en sa chambre, & y entrant luy dit d'vn visage riant: L'heure que i'ay tant desirée, & si souuent demandée à Dieu, est en fin arriuée pour moy, ma tres. chere Dame & mere. Rëjoüissez-vous-en, ie vous prie, & en remerciez Dieu pour l'amour de moy. Pardonnez-moy toutes les fache-ries que ie vous ay données, & ne me refusez pas vostre benedi-ction pour le dernier de vos bien-faits. Ce que disant, il se mit à genoux deuant sa mere. Mais la vertueuse Dame le releua de terre, l'embrassant. Puis donna à la nature des larmes; que sa vertu aiant promptement essuiées, elle luy dit: Dieu te benisse, mon cher enfant, & te donne le courage que ie souhaite pour ce dernier passage, tant importāt au salut. I'auoie que sur toutes les pertes du mōde ie ressentiray vostre absence, parce qu'apres Dieu, ie n'attendois consolation sur la terre que de vous. Si me sens-ie tout à fait consolée, de voir que vous allez mourir pour Iesus-Christ. A iamais soit-il benir, pour la grace qu'il nous fait

IESVS-  
CHRIST  
1624.

98  
Ses répon-  
ses tres-  
résoluës.

99  
Refuse se  
tuer.

100  
Demande  
la benedi-  
ction ma-  
ternelle.



**I E S V S -** à tous deux. Car comme vostre vertu vous rendra ce iourd'huy  
**CHRIST** martyr; aussi espere-je en Dieu, que ie ne feray riē, ny à ce iour,  
 1624. ny en ce peu de vie qui me reste, qu'on puisse trouuer indigne  
 de la mere d'un martyr. Sur ces paroles tous les Gentils-hom-  
 mes & Dames, qui se trouuerent là presens, eleuerent d'un grād  
 cry, & notamment la femme de Sintaro, qui estoit accouruē  
 pour le veoir, laquelle émeut toute l'assistance à compassion. Le  
 seul François sans s'étonner aucunement, la coniura de garder  
 tousiours Iesus-Christ gravé en son cœur, & perdre plustost la  
 vie, que la foy. Ce qu'ayant dit, il s'en retourna vers les satelliti-  
 tes du Tono, tendit le col, & fut decapité le seizième iour de  
 Feburier mil six cens vingt-quatre, & de son âge le vingt-qua-  
 trième.

**TOI**  
 Ses vertus.

Il estoit natif du Roiaume de Caj, d'une fort ancienne & no-  
 ble famille, fut baptisé le seizième de son âge, & avec l'âge tou-  
 tes les vertus creurent en luy, notamment la crainte & amour  
 de Dieu. Il logea plusieurs fois nos Peres, aux maisōs qu'il auoit  
 dans les Roiaumes de Conocuni & Aqui, où il leur auoit fait  
 dresser un quartier de logis separé pour leur commodité. Il pre-  
 noit un extreme plaisir de seruir à la sainte Messe, & parler de  
 Dieu; ce qu'il faisoit souuent la larme à l'œil, parce qu'il auoit  
 le cœur fort tendre à la deuotion. Il estoit grand zelateur du  
 bien des ames, & prenoit peine d'aider tant qu'il pouuoit, non  
 seulement les Chrestiens, ains les Payés mesmes. Il parloit fort  
 bien: & sçauoit avec perfection tout ce qui concerne les sectes  
 du Iapon. Ce qui estoit cause que chacun l'écouloit avec autant  
 de fruidt que de contentement.

**Q V A N D** il tenoit chez luy quelqu'un de nos Peres, il alloit  
 luy-mesme inuiter les Chrestiens, afin qu'ils s'allassent confes-  
 ser. Que si le Pere qu'il auoit logé sortoit par fois de nuit du lo-  
 gis, pour aller visiter quelqu'un, ce bon Sintaro prenoit la peine  
 de l'accompagner. Il jeûnoit souuent, & prenoit la discipline  
 particulièrement en Carême, & durant ce temps, & à certains  
 autres iours, il s'éloignoit de sa femme, pour vaquer à l'oraison  
 avec plus de respect. Bref il brûloit tellement du desir de mou-  
 rir pour Iesus-Christ, que sans un de nos Peres qui le retint pour  
 plusieurs & tres-iustes raisons, il se fût souuent allé rendre pri-  
 sonnier avec les Religieux à Nāgazaqui, pour mourir avec eux.

*Mort de Matthias Xobara Squizaimon, & Ioachim Curoye-  
mon crucifiez à Firoxima: & Iean Cufroy taillé  
en deux à Zio.*

## CHAPITRE XIII.



E bon Matthias estant au seruice d'un grand Sei-  
gneur idolatre, qui se tenoit à Firoxima, & aiant  
charge des plus honorables affaires de sa maisõ,  
fut au cõmencement de ces troubles & persecu-  
tions, tiré à part par son maistre, & sollicité pre-  
mierement par prieres, & depuis par menaces, à  
quitter la foy Chrestienne. Ce qu'il refusa tousiours tres-con-  
stamment. Son maistre aiant ordonné qu'il fût lié. Matthias mit  
incontinent bas son poignard, & sans aucune resistance, se lais-  
sa garotter pour l'amour de Iesus-Christ: & demeura vn iour  
& vne nuit lié fort serré à vn poteau, par le col, par les mains,  
& par le trauers du corps. Tourment si atroce, que plusieurs  
en meurent avec beaucoup de douleur, parce que les cordes  
entrent dans la chair, & penetrent souuent iusques aux os. De-  
quoy Matthias ne s'étonna point. Ce que voiant son mai-  
stre luy fit mettre au col, vn lourd & pesant fardeau de bois,  
fait comme vn ioug de bœufs. Supplice pratiqué au Iapon  
contre les plus infames criminels. Matthias le souffrit qua-  
tre iours entiers, pendant lesquels il fut souuent sollicité  
par ses amis à changer de loy. Mais en vain. Ce qui fut  
cause que son maistre le defera au Tono comme Chrestien; &  
le Tono commanda qu'il fût incontinent crucifié. Les Mini-  
stres de la Iustice furent promptement en sa maison, & le mène-  
rent au lieu du supplice. Y allant Matthias disoit son chapellet,  
Son chemin le menant à passer sur vn pont, il y rencontra grand  
nõbre de gës assemblez, auxquels il dit avec vne grãde ferueur,  
que le vrai salut se trouuoit en la seule foy, pour laquelle il alloit.

102

Matthias  
Xobara  
martyr.

103

Chargé  
d'un ioug.



IESVS-  
CHRIST  
1624.

mourir. Arrivé qu'il fut au lieu destiné à son martyre, il se mit à deux genoux, dit tout haut & fort deuotement son *Confiteor*, & apres auoir fait vn peu d'oraisō mētale, s'écria d'vne tēdre affection: A iamais soit loué le saint nom de Iesvs, lequel par son infinie pitié & misericorde daigne appeller à soy vn si grand & si miserable pecheur, que ie suis, par le venerable chemin de sa sainte Croix. Ce trait etonna tellement les Payens qui l'assistoient, que se regardans les vns les autres ils se mirent à dire: Qui peut attendre de salut en ce monde, si ce luy-là ne se sauue? Lors Matthias haussant ses yeux vers la croix, adjōta: Le vous reuere & honore avec toute l'affection de mon cœur, ô sainte Croix, que Monseigneur Iesus-Christ a daigné sanctifier. Ce qu'ayant dit, il se remit à prier Dieu.

104  
sa deuotiō.

105  
sa mort.

AVANT qu'il eût finy les bourreaux l'attacherent à la croix, l'éleuerent, & le transpercerent de leurs lances, le dix-septième iour de Feburier mil six cens vingt-quatre, & de son âge le trēte-septième. La nuit suiuite, quelques deuots Chrestiens, desirans honorer le corps de ce martyr luy donnant sepulture, le descendirent de la croix, le mirent dans vne biere; & le porterent par mer à vn de nos Peres, qui le retira comme vn precieux depes, proche de l'Autel, où il celebroit la Messe.

MATTHIAS estoit natif de la ville d'Aqui, & fut baptisé sept ans auant sa mort, par vn de nos Peres Iaponnois; s'exerça depuis fort soigneusement à la deuotion, seruant volontiers les prisonniers; procurant que les Chrestiens se confessassent: que les Payens se conuertissent à la foy, en conduisant bon nombre vers vn de nos Peres detenu en prison, où il les catechisoit & baptisoit.

106  
Ioachim  
crucifié.

DES que la persecution commença à Firoxima, les Payens qui logeoient es enuirs de la maison de Joachim Curoyemō, luy liurerent plusieurs assauts. Et depuis s'apperceuant qu'il ne se vouloit point rendre à leur volonté, ils entrerent en si grande colere, que de leur propre mouuement & autorité ils mirent des gardes à sa maison; puis aduiserent le Tono de tout ce qui se passoit. Il le loia de leurs diligences, & ordonna que Joachim fût mené prisonnier en son chasteau; où l'ayant essayé de toutes façons sans rien aduancer, il les condamna à estre mis en croix, adjōtant qu'on en preparât vne plus haute que les

ordinaires, afin que les Chrestiens n'enleuassent son corps. **IESVS-**  
 Aussi. tost que Ioachim eut receu cet auis il semit à genoux, **CHRIST**  
 & remercia Dieu de la grace que sa majesté luy faisoit en luy  
 oâtroiant la mort de sa Croix, pour l'honneur de son saint  
 nom. Puis aiant pendu son chapellet, vn *Agnus Dei*, & vn li-  
 uret d'oraisons à son col, s'en alla gaiement au deuant des of-  
 ficiers de la Iustice Iaponoise, par lesquels il fut conduit au  
 lieu de la mort. Quand il y fut arriué, apres auoir prié Dieu,  
 il semit à exorter les Gentils qui l'assistoient à receuoir la foy  
 de Iesus-Christ. Finalement il fut crucifié, & à l'ordinaire du  
 Iapon, percés de lances le huitiesme iour de Mars mille six  
 cens vingt-quatre. De son âge le soixantiesme, & de son ba-  
 ptême le seiziesme. Il estoit natif de la ville d'Aqui, homme  
 au reste d'une signalée douceur & humilité: fort adonné à la  
 priere, & qui n'épargnoit aucun trauail pour seruir les Chre-  
 stiens.

107  
 Chapellet  
 au col.

**JEAN** Iananguja Cufroy fut pour la premiere fois banni  
 pour la foy l'an mille six cens douze, durant le regne de Day-  
 fu; puis rapellé, & grandement trauersé l'an mille six cens  
 quinze. Mais la tempeste generale estant appaisée, il vécut  
 en repos iusques à l'an vingt-deux de ce siecle, qu'il fut mis en  
 prison, où il s'exerçoit en continuelles oraisons, ieusnes &  
 penitences: il conuertit & baptiza cinq de ses concaptifs, &  
 finalement le dix-huitiesme mois apres son emprisonnemēt  
 il receut la sentence de mort, donnée contre luy à Yendo,  
 par Cata Samanosuque, Seigneur de la plus-part du Royau-  
 me de Zio, d'où ce bon Chrestien estoit natif.

108  
 Ieā Cufroy  
 martyr.

**COMME** on luy en porta la nouuelle il haussa les yeux au  
 Ciel remerciant Dieu de la singuliere grace qu'il lui faisoit en  
 cet endroit. Puis se tournant vers celui qui lui auoit dōné cet  
 auis, le pria de dire de sa part au Tono, & autres Iuges, qu'il  
 leur estoit tres-obligé. A l'issuë de la prison rencontrant vne  
 grande quantité de peuples accourus pour le voir, il leur dit  
 hardiment: Je suis condamné à la mort, non pour larrecin,  
 ou autre crime, ains pour la foy de Iesus-Christ, que ie pro-  
 fesse; & vous exorte tous de l'embrasser. Car il n'y a moien  
 de se sauuer sans icelle. Propos qu'il redit par tous les quar-  
 refours où il trouua des Auditeurs. Mais avec vn très-grand



IESVS-zele & ferueur.

CHRIST

1624.

QUAND il ne parloit pas il tenoit les yeux si deuotement fixés au Ciel, qu'on cognoissoit clairement qu'il prioit Dieu. Arriuât au lieu de la mort il exorta premierement toutel'assistance à se rendre Chrestiens, pour viure eternellement au Ciel, Puis fut dépouillé tout nud, étéd du plat sur terre, & coupé en deux par le milieu du corps. Tourment auquel il finit cōstamment sa vie, aiant les saints noms de Iesus & Marie en bouche le quatorziesme iour de Feurier mille six cens vingt-quatre. Il estoit natif du Royaume de Zio, auoit esté instruit & baptizé trente ans auparauant par vn de nos Peres, persuerera tousiours constant en la foy, accompagna plusieurs fois nos ouuriers en leurs missions, auoit grande grace à prêcher: & s'en aydant, il conuertit plusieurs idolatres à nostre sainte foy.

109

Martyr  
coupé en  
deux parts.

*Nouveaux Edits publiés contre la Chrestienté de  
Nangazaki, & en diuerses places de son  
détroit.*

### CHAPITRE XIII.



ERE contrée fut cultiüée cete année par six de nos Prestres, vn qui ne l'estoit pas encore, & huit Dogiques, qui baptizerent seulement trēte personnes d'âge, visiterent Saxuma, les Isles de Goto, le pais d'Omura, & diuers lieux du Royaume de Figen. A Saxuma ils apprirent que Madame Catherine, belle-mere du Seigneur de Roiaume, colonne de la Chrestienté de ces quartiers là, auoit esté assaillie par les Bonzes, qui la vouloient reduire à leurs superstitions; & par diuers personages, que son gendre enuoia expres de la ville d'Yendo, durant la persecution, pour sçauoir si elle estoit Chrestienne. Les premiers furent ren-

110

Catherine  
Dame ver-  
ueuse.

uoies tout court, elle leur deffendant de iamais mettre le pied dans sa maison. Quant aux autres, voyant que son beau-fils ne cessoit de lui enuoier ces messagers importuns, elle fut expres à Yendo le trouuer; & ayant attendu qu'il fût accompagné des plus grands de la Cour de l'Empereur, luy dit hardiment, en'presence de tous: Je suis Chrestienne, mon fils, & ne quitteray ma foy pour chose du monde. A quoy ny legendre ny les autres Payens n'eurent que repartir, estimans plus à propos de la laisser viure à sa volonté, que contester de sa Religion avec elle.

IESVS-  
CHRIST  
1624.

Es Isles de Goto vn seul de nos Peres confessa plus de deux mille Chrestiens, & administra le tres-sainct Sacrement del'Eucharistie à plus de trois cens. Prés d'Omura vn de nos Freres reconcilia dix personnes, qui auoient abandonné la foy. A Nangazaqui la deuotion enuers nostre Pere S. Ignace creut grandement cette année à l'occasion d'vne Dame, laquelle se trouuant en danger de mort, pour les douleurs insupportables de l'enfantement, pria quelques-vns de ses parens de faire douze heures durant oraison deuant vne image du S. Auant que l'oraison fut finie cete Dame accoucha fort heureusement, & voulut que son fils fût nommé Ignace,

III

S Ignace  
inuoqué.

Vn renegat estant, par je ne sçay quel moien, parue nu à la charge de Gouverneur en la ville de Nangazaqui, se mit en deuoir de decourir & prendre tous les Religieux cachés en icelle. A ces fins il proposa diuerses recompenses à quiconque les denonceroit: sollicita secretement plusieurs personnes à luy tenir la main en cete entreprise; bref n'épargna aucune industrie, pour decourir leurs cachettes, & les saisir. Mais Dieu les garentit de toutes les embusches & artifices de ce malicieux. Le mesme fit publier vne ordonnance, portât expres commandement à tous ceux qui tenoient en leurs maisons quelque Religieux, de le liurer à la Iustice à peine de la vie, nō seulement de ceux qui en auroient retiré quelqu'vn, ains de tous les habitâs du quartier, où il auroit esté logé. Cete ordōnāce en fit trébler quelques-vns; elle n'eut pas toutesfois grād effect, parce que les Chrestiens, pour pouuoir plus libremēt retirer les Religieux, chasserēt de leurs maisons les esclaves tāt mâles que femeles desquels le renegat se

III2

Ordonnāce  
nouuelle.



An de 832

LIVRE XX. DE L'HISTOIRE

IESVS- pouuoit seruir pour decouurir les cachetes des Chrestiens.

CHRIST LE mesme Gouverneur tēta encores vne voie, pour venir à  
1624. bout de ses desseins. Il deffendit par ordonnāce publiée à son

113

Liures spi-  
rituels de-  
fendus.

de trōpe, que personne ne leūt les liures spirituels des Chre-  
stiens: Voulut que les peres de famille donnassent par écrit  
les noms de ceux qui auoient serui à quelque Eglise; sous pei-  
ne qu'un seul conuaincu d'auoir contreuenue à ces poincts,  
tout le voisinage seroit puni avec lui. Ce qui fut cause que  
plusieurs Citoyens ne voulans desister de si saincts exercices,  
quitterent la ville. Plusieurs meres ne pouuans loger leurs  
propres enfans, sans euidēt peril de leur vie, furent con-  
traintes de s'aller tenir aux champs; non pour euitier la mort  
(car ils desiroient tous la souffrir pour la loy de Dieu) mais  
de peur de prejudicier à plusieurs de leurs voisins, en chose si  
peu vtile à la dilatation de la saincte foy. Voila comme ce re-  
negat persecuta les Chrestiens.

114

Commerce  
deffendu.

La persecution du Xogun alla bien plus auant. Car il de-  
fendit en premier lieu aux Chrestiens Iaponois, de trafiquer  
hors de son Empire: permettant le commerce libre par tout  
aux seuls Payens, ou renegats. Loy tres-dure; parce que plu-  
sieurs pauvres Chrestiens gaignoient leur vie à voiage d'vne  
part & d'autre. Si est-ce qu'ils aimèrent mieux s'exposer  
au danger de perir de faim, eux & leurs familles; que de renō-  
cer à la foy de Iesus-Christ. Entre les autres le capitaine d'un  
vaisseau tout prest à faire voile, sollicité de renoncer à la foy,  
s'il vouloit auoir permission de sortir du port, resista coura-  
geusement à un sien compaignon. Ce qui le jeta dans vne  
grande necessité. Si viuoit-il riche de ioie & du contentemēt  
qu'il auoit de pouuoir souffrir quelque chose pour la confes-  
sion de la foy Catholique.

115

Philippines  
deffendues.

Il prohiba de plus à tous ses sujets Iaponois, Chrestiens &  
autres, de faire voile vers les Philippines, parce qu'il auoit ap-  
pris que les vaisseaux retournās de ces quartiers là portoient  
tousiours quelque Religieux deguisé. Auis qui fut cause, que  
certaine Ambassade enuoiée vers le Xogun par le Vice-roy  
des Philippines réussit fort mal. Je coucheray ici ce qui en fut  
écrit du Iapō à nos Peres de Rome. Car l'original porte qu'ils  
n'en auoient peu apprendre autre chose sur le lieu mesme.

*Ambassade*

*Ambassade enuoiée au nouveau Xogun, par le Vice-roy des Philippines l'an mil six cens vingt-quatre.*

CHAPITRE XV.



LE vaisseau qui portoit les Ambassadeurs du Vice-roy des Philippines, avec vne tres-honorable compagnie, & de tres-riches dons; estant arriué au port de Muro, qui est dans le Roiaume de Farima, à trente lieuës d'Ozaca; les Gouverneurs de Meaco ne donnerét permission de mettre pied à terre qu'aux seuls Ambassadeurs, ordonnant qu'ils se rendissent à petit train dans la ville de Meaco, ancien siege de l'Empereur du Iapon, où le Gouverneur de la ville, avec celuy de Nangazaqui, lequel s'y trouua lors par rencontre, leur demanderent qui les enuoioit: quels presens ils portoient: de quelles denrées estoit chargé leur nauire: quel estoit leur dessein: qu'estoit-ce qu'ils desiroient traiter avec le Xogun. Les Ambassadeurs ne furent pas courts à répôdre pertinemment, & en particulier à chacune de ces questions; ny les Gouverneurs à faire promptement sçauoir le tout au Xogun: lequel répondit en peu de paroles, que telle ambassade n'estoit enuoiée par aucun Prince ny Potentat; ains pratiquée par les Moines habitans en ces quartiers-là: qu'il en auoit de bons memoires. Au reste que l'Empereur du Iapon ne vouloit dōner audience quelconque aux Ambassadeurs venans d'un païs, d'où sourdoit vne loy, qui bouleuersoit tout son estat, & débauchoit ses sujets du seruice qu'ils luy deuoient. Que ses deuāciers auoient autresfois receu certaine Ambassade venant du mesme quartier, pour obtenir liberté du cōmerce qui leur fut accordé; mais au lieu du profit attendu il auoit porté au Iapon la pernicieuse loy, dont son pere auoit banny les Predicateurs. Ainsi parloit-il plus à son auantage, que suiuant la verité. Car l'Euangile estoit prêché au Iapon plus de trente ans auant que

116  
Ambassade  
des Philip-  
pines.

117  
Renuoiée.



An de 8;4.

LIVRE XX. DE L'HISTOIRE

IESVS- l'Ambassade, de laquelle il parloit, y fut enuoiée des Philipines.  
CHRIST CES nouveaux Ambassadeurs protesterent bien que leur in-  
1624. tention n'estoit que bonne & sainte, & firent tout le possible

pour auoir audience : Mais ils ne gagnèrent rien. Tellement qu'apres auoir souffert plusieurs incommoditez, ils furent contrains de reprēdre leur route, & s'en retourner sans aucune expedition. Tandis que leur vaisseau fut au port, on les gardoit nuit & iour, sans permettre qu'ils descendissent en terre, ou qu'aucun negociât avec eux; excepté deux pouruoieurs, qu'on leur auoit assigné, pour les fournir de viures. Rigueur qui prouenoit du soupçon qu'il n'y eût quelques Religieux dans leur vaisseau, qui sous l'habit de seculier recherchassent l'étrée du Iapō.

118

Ports du  
Iapon gar-  
dez.

DE ce mesme soupçon, qui alarmoit grandement le Xogun, s'ensuyuit la nouuelle diligence, qu'il fit mettre à garder les ports & aduenues du Iapon, y redoublant les gardes; leur enjoignant d'examiner tres-rigoureusement les estrangers, prendre leurs noms par écrit, & obliger ceux qui les logeroient, à rendre cōpte de leurs personnes toutesfois & quātes qu'ils en seroient requis. Pour la mesme occasion peu apres le Xogun bānit de tous ses Estats toute sorte d'Estrāgers, sauf les Anglois & Holādois, lesquels il tenoit pour ennemis iurez des Prestres Catholiques, parce qu'ils en deferoient grand nōbre, & disoient mille maux des Religieux, & de leur doctrine. Le Xogun estoit deuēment aduertý, que ces perfides voloient & pilloient les Iaponois mesmes quand ils les trouuoient sur mer à leur auantage. Neantmoins il leur faisoit mille caresses, & entendoit qu'ils fussent bien receus en ses terres.

119

Holandois  
bien venus  
au Iapon.

CE dernier Edit de bannissement ayant esté porté à Nāgazaqui, les Ministres de la iustice Iaponnoise se distribuerēt incon-  
120 tinent par toutes les rües; entrèrent dans toutes les maisons où habitoient les Europeans, prindrēt les noms de tous les estrangers, voire des Coraites, Chinois & Iaponhois mesmes, qui s'habilloient à la mode des Espagnols & Portugais; leur commanderent de sortir de Nangazaqui & du Iapon, dans certain iour assigné, sous peine de la vie. Ce leur fut vn extreme creue-cœur. Ils se consolerent neantmoins, considerans qu'ils n'estoient bannis que pour estre Chrestiens. Bien-heureux qui peut patir quelque chose sous ce nom.

Av iour assigné, ils s'embarquerent tous (excepté ceux qui



estoyent detenus prisonniers dès l'année precedente) qui pour Macao ville de la Chine, qui pour Manille capitale des Philippines: Mais sans conduire avec eux leurs femmes, leurs enfans, ny leurs seruiteurs ou seruantes Iaponnoises. Car il leur estoit deffendu. Cete funeste separation fut accompagnée de tant de larmes & de sanglots, tant de ceux qui s'en alloient, comme de ceux qui demeuroient, que personne ne les veid, qui ne deplorât vn cas si lamétable. Les meres pleuroient leurs enfans, & les enfans leurs meres, ne scachans si iamais plus ils se reuerroient sur la terre. Les fêmes crioient apres leurs maris; & les maris regrettoient leurs femmes, sans que les noms les plus tendres qui soient en la nature, & les obligations qui sont les plus étroites entre les hommes, les peussent garentir de cete cruauté. Les idolatres mesmes se sentoient percer le cœur d'vne indicible douleur, parce que l'vn perdoit son amy, l'autre son maistre: l'autre son bien-faïcteur, des moiens duquel il viuoit. Tellement que chacun maudissoit en son cœur la resolution du Xogun, & de ses Edicts. Toute la ville demeura plusieurs iours en dueil, parce qu'à grande peine se trouuoit-il maison qui n'y eust perdu quelque chose. La douleur creut encore beaucoup, à raison des œuvres de misericorde que les bannis firent à leur depart. Car pouuans vendre leurs esclaves, ils auoient mieux aymé leur donner la liberté: & de plus donnerent vne infinité de meubles & richesses aux necessiteux de la ville, en laissant plus qu'ils n'en porterent pour subuenir à leurs necessitez. Ce qu'ils auoient laissé sembloit rasfrechir tous les iours la memoire de leur bannissement, & les pitoyables regrets qu'on auoit ouy à leur depart.

121

Bonnes  
œuvres des  
Chrestiens  
bannis.

LA colere du Xogun ne se contenta pas de tout ce que dessus; la haine qu'il auoit conceuë contre les Chrestiens, le porta finalement à faire la guerre aux morts. Les Chrestiens auoient à Nangazaqui vn beau Cemetiere, où ils enterroiët leurs morts; & les fideles ne manquoient pas à certains iours d'y aller prier Dieu pour leurs parents, & bons amis trespassés. Quelques sepulchres estoient de pierre, les autres de brique, les autres de bois: mais tous auoient plusieurs Croix de diuerses façons. Le Xogun arma les payens contre ce lieu. Il fit arracher & puis brusler tant les Croix, comme tout ce qui estoit de

122

Cemetie  
res ruinez.



**I**ESVS- bois : commanda que les ossemens fussent enfouis bien auant  
**CHRIST** dans la terre, sans aucune erection, ou apparence de tombeau.

1624. Les Chrestiens eurent peur du commencement, que ce ne fut pour ietter les os en la mer; tellement que toute la nuit chacun se mit en deuoir d'en serrer le plus qu'il peut, & les enseuelir dans sa maison : les autres les enuoierent en leurs maisons chapestres; & tous s'étonnoient que l'implacable colere du Xogun contre les Chrestiens fût arriuée à tel point, qu'il ne voulût permettre, que les sepulcres des decedez en la foy Catholique portassent quelque marque des Chrestiens.

123  
Chappelets  
vendus.

DVRANT cete furie de persecution vn officier de la iustice Payenne rencontra sur vne ruë quelque Mercier qui vendoit des chappelets, lequel il prit au colet, disant qu'il vendoit des denrées deffenduës par le Xogun; & le mena au Iuge, lequel le condamna au pilory pour vn iour & vne nuit.

*Persecution exercée contre les Chrestiens, en quelques  
endroits du Roiaume de Figen.*

## CHAPITRE XVI.



Nomb. 19.  
& suuant.

**L**E plus grand Seigneur du Roiaume de Figen se nommoit Nobexima Xinanouo Cami; & se trouua à la suite de la cour, quand les Chrestiens furent brûlez à Yendo, ainsi que nous auons dit cy-dessus. Tellement que craignant de perdre les bonnes graces du Xogun, s'il épargnoit les Chrestiens, il écriuit à ses Lieutenans, qu'ils ne tolerassent aucun exercice de la religion Chrestienne en ses terres. Suiuant lequel ordre ses officiers publierent vn Edit, par lequel il estoit enjoint à tous les Chrestiens de quitter leur foy, sous peine d'estre dépouillez tous nuds, de perdre le nez & les oreilles, puis estre conduits avec leurs femmes & enfans en la ville de Safai, pour estre esclauës du Tono de ce lieu là, qui estoit parent du Cami.

124  
Figen affligé de persecution.

QuAND cet Edit fut publié en la ville de Quizicutra, les <sup>LES VS-</sup> Chrestiens en demenerent vne joie indicible, parce que se <sup>CHRIST</sup> voians assaillis comme les autres, ils se persuaderent assuré. 1624.  
ment qu'ils auroient mesme issuë du cōbat, & qu'on les brulerait tous vifs, comme ils desiroient. Ils se preparerent donc par la participation des saincts Sacremens, & par des inuitations mutuelles à des sobres & moderez banquets, tels qui conuenoient à des pretendans du martyre. Pour tesmoigner encore mieux leur contentement, ils leuerent quantité d'estoffes pour se vestir tout à neuf, & paroistre plus honorablement le iour de la mort qu'ils attendoient.

Du premier coup vn des Magistrats en fit venir pardeuant soy iusques à cent trente, lesquels il traita fort doucement, exortant tantost l'vn, tantost l'autre à quitter la foy, & les <sup>125</sup> suppliant de ne point donner tant de déplaisir au Tono par leur obstination, comme il parloit. Mais parce qu'il ne tira d'aucuns d'entr'eux la responce qu'il pretendoit, cet Officier se picqua si fort, qu'il commença à les menacer, puis les fit chasser de sa presence avec toute sorte d'indignités. Le lendemain il enuoia querir leurs femmes, lesquelles sur cete bonne nouuelle se parerent de leurs meilleures robes, <sup>126</sup> comme vn iour de grande feste: celles qui auoient des enfãs, <sup>Les fēmes</sup> n'oublierent pas de les porter entre leurs bras, afin, disoient-elles, de les offrir à Iesus-Christ. Avec cet appareil & courage elles s'en allerent presenter au tribunal du Iuge, lequel les voians si contentes, & en si bel ordre n'eut pas le cœur de leur dire vn seul mot, ains cōmanda qu'on les menât toutes en vne maison prochaine, où elles fussent gardées, iusques à tant qu'il en eut autrement ordonné.

LE iour suiuant vn notable Chrestien, recogneu comme chef de tous les autres en ce lieu, fut voir ce Iuge, & le pria de trouuer bon que ces fēmes retournassent chacune en son ménage, s'obligeant corps pour corps à les représenter au moindre signe qui lui seroit donné. Le Iuge lui accorda sa requeste. Mais les femmes firent au commencement quelque difficulté de partir de là, parce que la prison épousée pour le nom de Iesus-Christ, leur estoit plus chere que toute sorte de liberté. Nous ne sortirons pas d'ici, dirent-elles tout



LES VSV- haut; qu'on ne nous en tire pour aller à la mort. Si est-ce  
CHRIST que les Chrestiens les prêcherent tant, qu'en fin elles cede-  
1624. rent à leurs persuasions, & se retirerent chacune en sa maïso.

QUAND les susdites femmes furent adiournées à comparoir deuant le Iuge, celles qui l'ogeoient en la bourgade d'Occusa, n'eurent moien de s'y rendre si promptemēt, pour estre trop loin de la ville. Elles arriuerent neantmoins dans le iour; mais parce que les autres estoient relachées, on leur décoſeilla de se presenter au Iuge. Non, non, dirēt-elles: Resolument nous y voulons aller, afin que les Payens voient comme nous sommes deliberées de mourir pour Iesus-Christ. Elles y furent donc. Mais le Iuge les fit aussi-tost retirer, parce que remarquant vne telle constance, tant aux hommes qu'ès femmes, il prit parti d'assoupir toutes choses par prudence & discretion. Ainsi finit la persecution d'Oquizu, où lon peut en verité dire, que les tourmens manquerent aux Chrestiens, & non pas les Chrestiens aux tourmens.

LE même iour que cete tēpeste se leua à Oquizu, vne autre se fit pareillemēt sētir en la ville de Iagami. Les premiers que le Gouverneur assaillit furēt les Citoiēs; neantmoins avec toute sorte de courtoisie & de douceur en apparēce. Pour arriuer à son dessein il māda l'vn des plus apparens entre les Chrestieēs, & se mit en deuoir de lui persuader le chāgemēt de Religion. Ce que ne pouuāt obtenir il le pria d'écrire son nō, en certaine grāde liste qu'il tenoit en main. Le Chrestien répondit, que telle souscription, seroit vne marque euidente d'auoir renié Iesus-Christ. Partāt qu'il ne le feroit iamais, lui en deūt-il coūter la vie. Le Gouverneur assēura & lui iura par plusieurs fois, que son dessein n'estoit pas tel. Si bien que ce bon Citoyen y écriuit son nom, apres mille protestations qu'il estoit & vouloit mourir Chrestien. Par la mesme subtilité le Gouverneur en affronta quelques autres. Si s'en trouua-il iusques à soixante, tant hommes que femmes, qui aimerent mieux quitter leurs maisons & autres biens, que signer cette liste. Et entre autres vne vieille, si malade qu'elle n'attendoit que l'heure de sa mort. Son mary luy demanda aquoy elle estoit resoluē en cette extreme necessité? De vous suivre, luy dit-elle. Car me trouuant si proche de la fin de

129

Liste refusée par les Chrestiens.

130

Vieille tres constante.

mes iours, il me vaut mieux mourir en voiage, pour l'a-  
mour de Dieu; que viure ici, peut-estre quatre iours de  
plus avec danger de perdre mon ame. Si je finis ma vie  
sur le chemin, Dieu receura pour le moins cette foible of-  
frande que je luy fais de mourir pour la sainte foy. Ils l'ac-  
commoderent donc sur vn cheual, l'attachant avec quelques  
cordes & l'inges, de peur qu'elle ne cheût; & avec l'aide  
de Dieu la conduisirent saine & sauue au lieu designé pour  
leur exil.

PEV de iours apres la persecution cessa en Iagamy,  
sans aucun prejudice de la foy: & les Chrestiens, qui auoient  
signé la liste, commencerent à estre trauaillés de scrupules,  
pour auoir soub-signé. Tellement que pour se liberer de  
ces angoisses journalieres; plusieurs s'en allerent presenter  
au Iuge, protestans qu'ils estoient Chrestiens, voire le priâs  
de ne les épargner pas, quoi qu'ils eussent signé. Soies Chre-  
stiens, tant qu'il vous plaira, répondit le Iuge. Et depuis  
pour les gratifier, tint la main, que ceux qui estoient partis,  
retournassent chacun chez soi, & s'entretinssent librement  
en l'exercice de leur foy.

LE Tono de Ioyfusi, terre non lointaine des susnom-  
mées, entreprit vn Chrestien nommé Gaspar, & apres l'a-  
uoir diuersement affligé, le dépoüilla de tous ses biens:  
le chassa de sa maison: bannit de toute la iurisdiction, rete-  
nant en prison sa femme & ses enfans. Mais peu de  
iours apres il luy permit d'aller trouuer son mary. La bel-  
le mere de Gaspar, qui se tenoit assés près de là, fut pareil-  
lement tentée en plusieurs façons. On l'inuita de la part  
du Tono, pour aller au Temple des Idoles. Ce qu'elle refu-  
sa constamment. On la menaça de la marquer d'un fer chaud  
sur le front; & de plusieurs autres outrages: desquels elle ne  
fit que rire. Apres tout elle attendit vn iour entier & vne  
nuit, pour voir s'ils auroient bien la hardiesse de faire ce  
qu'ils auoient dit: Puis resolut de changer d'air, & s'en al-  
ler volontairement en exil, pour viure en repos. Autant  
en fit vn jeune homme nommé Mancio, voisin du sus-  
dit Gaspar. Car se voiant souuent attaqué par vn offi-  
cier de son Gentil-homme, il partit de sa maison avec sa

IESVS-  
CHRIST  
1624.

131

Exercice  
de la foy  
permis.

132

Bannis vo-  
lontaire-  
ment.



IESVS- mere & sa sœur, pour s'éloigner du danger d'offencer Dieu.  
CHRIST  
1624. QUELQUES vassaux de Nabuxima, s'estans retirés  
vers Omura, furent cités avec leurs voisins de comparoitre,

133  
Fucufori &  
ses Chre-  
stiens.

& rendre compte de leur foy, deuant le Tono de Fucufori. A ces fins ils s'ébarquerent iusques au nombre de trente. Leurs femmes, parens, & autres voisins Chrestiens, pensans qu'ils ne les reuerroient iamais, les accompagnerent avec larmes, iusques au vaisseau: les encourageans neantmoins à mourir constamment pour la foy. A Fucufori ils furent tous examinés vn à vn, & comme anciens & aguerris Chrestiens firent tres-digne preuue de leur foy. Leurs esperances comme trop hardis déplurent tant aux examinateurs, qu'ils condamnerent les principaux à demeurer tous nuds exposés au vent qui estoit lors tres-penetrant.

134  
Doigt mis  
au feu pour  
la foy.

PORR essayer vn certain jeune homme, qui leur sembloit s'estre montré plus genereux que les autres à contrequarrer leur importunité, ils lui commāderent de mettre sur le chāp vn doigt au feu, puis qu'il refusoit d'obeir à la Iustice. Ce brave courage estimant qu'il s'agissoit de la gloire de Dieu, & qu'il importoit grandement à montrer combien il estimoit nostre foy, mit son doigt dans le brasier, qu'on auoit apporté, & en souffrit le total brulement. Les Gentils ravis en admiration de cete extraordinaire exemple de constance, ou fut qu'ils eussent honte d'ataquer les autres, de peur qu'ils n'en fissent autant à la confusion de l'idolatrie, ou fut qu'ils s'estimassent satisfaits par cete action, renuoierent ce jeune homme, & tous ses compagnons en leur païs, chargés d'honneur & de merite.

Nomb. 129.

LE bon succès de cet affaire enfla tellement le courage des Chrestiens, qu'un d'entre eux par ferueur, peu moderée, se porta à faire quelque action indiscrete, laquelle aigrit tellement le Gouverneur qui se tenoit sur le lieu, qu'il enuoia soudain ses officiers par les maisons des Chrestiens, pour les forcer à soub-signer de nouveau la liste, de laquelle nous auons parlé ci-dessus, sans leur declarer son intention. La plus grande partie se rendit sans penser à autre chose. Les autres soub-signerent, quoi qu'avec quelque scrupule. Mais ceux qui eurent le courage de tenir bon, se mirent à les reprendre

repandre, leur disant qu'ils ne pouuoient plus hanter avec eux, non pas mesme les saluer, parce qu'ils les tenoient pour excommuniés. Ce qui les mit en tel scrupule & anxieté de conscience, qu'ils sembloient auoir perdu le iugement; alloient & venoient comme étourdis, negligens mesme de cultiuer leurs champs, comme la saison requeroit. Vn de nos Peres en aiât esté aduerti se transporta sur les lieux, & les aiât consolés leur apprit cōme ils se deuoient vne autre fois gouverner en semblable occasion. Il y en eut quelque nombre des plus auilés, lesquels refusans de signer, sans en sçauoir la cause, quitterent leurs maisons & autres moiens dans leurs boutiques, pour se retirer en lieu, où ils peussent viure sans scrupule d'auoir manqué à la foy promise à Dieu.

De ce nombre fut vn bon personnage nommé Iean, lequel aiât ouï dire la premiere fois que les satellites du Tōno couroient par les maisons, pour extorquer des Chrestiens cete sorte d'écriture, se retira avec sa femme & enfans dans vne forest d'vn autre Seigneur, & y seiourna quinze iours, endurāt beaucoup, parce que c'estoit en hiuer. La premiere borrasque passée, il retourna chez soi à la requeste de ses voisins. Mais les soldats du Tono estans retournés derechef pour le faire signer il n'en voulut rien faire, ains se retira pour le reste de ses iours dans le mesme bois, avec son petit ménage. Les Chrestiens lui bastirent là vne logette. Vn de nos Peres l'ayant visité, & confessé avec toute sa famille, assura qu'ils y viuoient tous tres-contens, & resolus de souffrir tous les maux du monde, plustost que de viure en danger de perdre la foy.

135  
Iean fort constant



*Persecution des Chrestiens en la ville de Firando, & lieux de son ressort, dans lequel trente & huit moururent pour la Foy.*

CHAPITRE XVII



ASSVRA Figendono, Seigneur de Firando, pour s'encren en son estat, & gratifier le Xogun, entreprit de persecuter les Chrestiens, & commença par les femmes & enfans de ceux qu'il auoit fait mourir deux ans auparavant. Vn des principaux estoit Gabriel, hôte du P. Camille Constance, la famille duquel fut donnée en garde aux voisins. Lors donc que la persecution recommença à Firando, plusieurs les tindrent pour perdus; & les Payens qui en auoient la charge, se prindrent à les veiller de plus près, & leur dénier beaucoup de liberté, qu'ils leur auoient octroyee durant le calme. Vn des Capitaines du quartier, fut visiter la mere de Gabriel, qu'on nommoit Grace; & entre autres reproches, auança que ce rengrement de persecution contre les Chrestiens estoit vn manifeste chastiment du ciel, & de Zeuxo Daygim, principal Cami du Iapon. Grace s'offença grandement de ce blasphème, & luy dit: Je suis grandement estonnée, de l'impudence qui vous porte à me battre les oreilles de ces paroles. Vous feriez mieux de m'exorter à souffrir patiemment la mort qui s'approche. Ce mot ferma la bouche au Payen, qui se retira sans dire autre chose. Quelques autres sollicitèrent grandement Lin, frere de Gabriel, à quitter la Foy: mais en vain. Car il estoit resolu de ne s'égarer iamais du chemin que son frere luy auoit tracé, perseuerant en la Foy iusques à la mort. Pour y arriuer plus net de toute faute, il fit vn festin à ses voisins, mesme Payens, pour leur demander pardon de quelques responses aigres qu'il leur auoit faites.

Le Medecin du Tono sceut le premier l'arrest de leur mort.

136

Grace, mere  
de Gabriel.

Partant les alla trouuer comme bon amy, & leur dit, que <sup>IESVS-</sup>  
 s'ils vouloient changer de croyance, il feroit reuoker la <sup>CHRIST</sup>  
 sentence donnée contre eux. Lin le remercia pour tous, & <sup>1624.</sup>  
 chacun se monstra prest à mourir plustost pour la Foy, que  
 chanceler en icelle. Resolution. que le valet du Medecin  
 publia par toute la ville, la larme à l'œil. Leurs amis y ac-  
 coururent pour les visiter, & consoler, mais en si grand  
 nombre, que le Capitaine du quartier se sentit obligé de  
 les faire tous retirer, sans que personne depuis en appro-  
 chast.

137

Lin frere  
de Gabriel.

Sur la minuiet deux Officiers du Tono furent à leurs lo-  
 gis, & enleuerent tous les meubles, la confiscation des-  
 quels leur auoir esté donnée. A grand' peine leur laisserent-  
 ils les habits desquels ils s'estoient parez en signe d'allegres-  
 se. Les condamnez voyans que tous ces apprests tendoient  
 au martyre, se mirent à dire tout haut plusieurs Hymnes &  
 Oraisons. Les Officiers les voulurent empescher; mais les  
 patients repartirent hardiment: Contentez-vous des biens  
 temporels que le Magistrat vous a eslargy à nostre preiudice:  
 ne nous priez pas des spirituels, qui seuls nous restent à cete  
 heure. Dequoy les soldats grandement esbahis, permirent  
 qu'ils continuassent leurs deuotions, iusques à tant que tous  
 les meubles furent deplacez. Lors ils se mirent à garrotter  
 Lin & sa famille, excepté l'ayeule de Gabriel, nommee Marie;  
 & le fils d'une esclau, lequel pour estre encores trop petit,  
 vn des soldats le prit entre ses bras pour l'emporter.

138

Volcurs  
repris.

Ce fut vn Dimanche, troisieme iour du mois de Mars,  
 qu'ils sortirent tous de leur maison, & rencontrèrent plu-  
 sieurs Chrestiens, lesquels (la larme à l'œil) les prierent;  
 qu'estans arriuez au ciel ils eussent memoire de ceux qu'ils  
 laissoient flottans dans la tempeste. Entre autres parut vne  
 des filles de Madame Grace, avec son mary, desquels elle se  
 despescha promptement, avec vn visage aussi gay que iamais  
 elle eust eu, luy recommandant seulement la Foy en laquelle  
 ses enfans auoient esté nourris. Je prieray Dieu qu'il vous en  
 doint la grace, leur dit-elle. Lin en disoit autant aux autres  
 Chrestiens, mais d'un visage riant: en sorte qu'on ne pouuoit  
 croire qu'il alast à la mort. Ils arriuerēt en fin à vn quart de lieus



An de 1598

LIVRE XX. DE L'HISTOIRE

IESVS-  
CHRIST  
1624.

de Firando, où ils trouuerent quatre vaisseaux prests à faire voile. Les neuf qui deuoient estre martyrizés, entrerent dans les deux, & les officiers & executeurs de la Iustice dans les deux autres. Grace estant embarquée tira le chapellet qu'elle portoit au col, & le jetta à son gēdre, qui estoit demeuré sur le bord. Puis haussant vne petite image de nostre Sauueur crucifié, le fit voir à l'assistance; dit que celui là seul lui suffisoit pour tout; bref à la veuë de tous tant Chrestiens que Gentils, elle adora & baisa sa sainte figure.

139  
Grace distribuë ses  
moiens.

AIANT demaré de ce port ils accouplerent leurs chants de loüanges spirituelles au batement des auirons avec vne indicible liesse; si bien qu'ils arriuerent promptement à Coccidomari, place où ils deuoient mourir. Aiant mis pied à terre, chacun se retira en son lieu. Lin grand seruiteur de Dieu, remercia les executeurs du supplice qu'ils alloient receuoir de leurs mains. Puis tous se mirent à prier Dieu vn bon espace de temps. La plus jeune fille de Madame Grace, qui n'auoit pas encores onze ans, au lieu d'apprehender la mort, qui luy estoit si proche, se tourna vers sa mere; & luy dit d'vn grand courage: Madame ma mere, ces officiers du Tonon nous mettront bien-tost en Paradis: N'auons nous pas occasion de les en remercier?

140  
Fille tres-  
magnanime.

LA premiere qui mourut de ce nombre fut la bonne Dame Marie, âgée de quatre-vingt & dix ans, laquelle s'estant mise à genoux, & disant Iesus Maria, fut decapitée par vn siē parent, lequel suiuant la coutume du Iapon, de peur que quelque personne de basse condition nemît les mains sur elle, lui abatit tout d'vn coup la teste. Lin âgé de vingt & vn an fut decapité le second. Marie sa sœur âgée de dix-huit ans, la troisieme. L'autre Marie aussi sa sœur, âgée de douze ans, la quatrieme; chacun inuoquant les saints noms de Iesus & Marie, & receuant le coup mortel de la main de quelque honorable Payen.

141  
Coutume  
du Iapon.

APRES les susnommés parut la courageuse Grace, laquelle le voyant des yeux de la foy ses deux filles si bien logées, & ja inseparablemēt jointes à l'époux de leurs ames Iesus-Christ: & Lin son cher fils comblé de biens eternels, remercia Dieu, & s'agenouillans avec sa bru, qui portoit aussi le nom de Ma-

142  
Massacre  
de martyrs.

rie, tendirent toutes deux le col pour receuoir le dernier coup, & moururent, disant Iesus Maria; la belle-mere âgée de cinquante, & la belle-fille de dix-neuf ans. Les bourreaux se ruerent incontinent sur les seruantes. L'une auoit nom Cecile, l'autre Marie, & l'enfant Michel, âgé d'environ trois ans; lequel ne voulant demeurer entre les bras du Payen qui l'auoit porté là, courut vers sa mere. C'estoit Cecile, qui l'embrassa tendrement, & fut decapitée par vn seruiteur du Tono qui du reuers treucha la teste à l'enfant. Marie âgée de vingt-deux ans mourut la dernière.

L'EXECUTION ainsi parfaite les Payens jetterent des nattes sur les corps, à la mode du Iapon. Mais voulans couvrir celui de Marie femme de Gabriel, ils trouuerent que sa teste tenoit encores au col, & disoit sans cesse Iesus Maria. Car estât plus morte qu'euiue, elle ne cessoit pourtant d'inuoquer les noms qui donnent la vie aux morts. Les idolatres furent grandement étonnés de voir & d'ouïr cete merueille. Ils ne desisterent pourtant d'exercer leur barbare cruauté; ains taillerent entierement le col à cete martyre. Puis enuelopans chaque corps de sa natte, & leur attachans vn gros quartier de pierre, les jetterent tous en mer, de peur que les Chrestiens ne les enleuassent pour leur rendre l'honneur qu'ils meritoient comme martyrs.

Ils estoient tous issus des terres de Firando: six nés dans la ville mesme: les deux chambrieres en l'Isle d'Igisuqui, Marie qui fut femme de Gabriel, à Xixi. Marie la plus ancienne receut le Baptisme estant de bon âge, & fut des premiers baptizés au Iapon. Les autres estoient tous Chrestiens dès le berceau, & nés de peres Chrestiens. Grace estoit fort deuote; grande aumosniere, & chef de la Confrerie de la Misericorde: jeusnoit tous les Vendredis & Samedis del'an: visitoit & consoloit les malades: secouroit les pauvres de ses moiens qui n'estoient pas petits. A Pasques & à Noël elle faisoit vn festin à tous les Chrestiens, & apres la refection du corps leur fournissoit de tres-bons conseils pour le salut des ames.

Vn premier iour de l'an Iaponois deux malades estans trespasés vn Citoien, & vn estranger, Grace en fut auertie;

IESVS-CHRIST  
1624.

143  
tenés en  
mer.

144

Bonnes  
œuvres de  
Grace.



An de 900

## LIVRE XX. DE L'HISTOIRE

**IESVS-CHRIST** 1624. & fans auoir égard à la coutume du Japon, qui defend de nommer les morts le premier jour de l'an, & beaucoup plus de les enseuelir, elle fit le mesme iour inhumer le citoyen, & porter chez soy le corps de l'estranger pour quelques iours, de peur d'irriter les Payens. Puis le fit enterrer au Cemetiere des Chrestiens. Oeuure de misericorde que les idolatres approuuerent tant, qu'ils ne cessioient d'en louer les Chrestiens. Les deux Maries, les filles, imitoient parfaictement leur mere en l'exercice des bonnes œuures. Lin ne leur cedit rien en vertu. Ils moururent tous pour la Foy, le troisieme de Mars, mil six cens vingt-quatre.

145  
Morts le  
premier de  
l'an.

*Mort d'autres sept Chrestiens  
en Vsucca.*

## CHAPITRE XVIII



146  
Luc & Alexis  
martyrs.

En mesme iour que dessus, Luc Morifeibioye, n'ayant voulu acquiescer aux persuasions, de deux seruiteurs du Tono, qui luy conseilloyent de quitter la Foy de Iesus-Christ, fut decollé près de sa maison, l'an soixante & sixiesme de son aage; & avec luy Alexis son fils, aagé de quarante & sept ans; ensemble Antoine Girobioye, de quatre-vingts & six. Ces deux seruiteurs de Dieu estoient natifs del'Isle d'Iquisuqui.

147  
Confrerie  
de S. Ignace.

Luc sur ses vieux iours, quittant les affaires du monde, pour yacquer à la deuotion, se retira à Vsucca, où il dressa vne Confrerie sous le nom de Saint Ignace, nostre Fondateur; destina vn quartier de son logis à nos Peres, qui alloient & venoient par ces contrees-là, afin qu'ils visitassent plus commodément les Chrestiens, & receut chez soy le Pere Constance Camille. Hospitalité qui fut la principale cause de sa mort. Alexis suiuoit ardemment les traces de son pere, secourant les Chrestiens en leurs necessitez spiri-

tuelles. Antoine non content de visiter charitablement les malades, les logeoit souuent chez luy, pour les traicter plus commodément.

Vn iour apres la mort des fufdits fut decapitee la femme de Luc, qui se nommoit Marie. Elle n'estoit pas en la maison, lors que les Officiers du Tono y furent, pour prendre son mary. Reuenant sur le tard, & ayant entendu ce qui s'estoit passé, elle se resolut de les aller trouuer chez le Tono; ellen'eut pas fait long chemin, qu'elle apperceut ceux qui venoient de faire mourir son mary: elle s'arresta tout court; & ayant patiemment ouy leur harangue ordinaire, respondit: Dés l'aage de deux ans ie receus le saint Baptisme. I'ay atteint la soixante & douziesme annee de ma vie, sans branler en la Foy de mon Dieu. Iugez maintenant s'il y a quelque apparence, que ie doie changer de Religion. De quoy bien estonnez, ils la renuoyerent en sa maison, parce qu'il estoit tard. Le lendemain ils la furent retrouver; & luy ayans fait les mesmes demandes que deuant, & receu les mesmes responses, la conduisirent au lieu où son fils Alexis auoit finy sa vie, & luy dirent, que c'estoit là où elle deuoit abiurer la Foy des estrangers, ou mourir. La bonne Dame sans autre contestation s'agenouilla, & faisant sa priere à Dieu presenta son col pour receuoir le coup, & mourut, inuoquant les tres-saincts noms de Iesus & Marie, le soixante & douziesme an de son aage.

148  
Femme de  
Luc tres-  
hardie.

Les Officiers non contents de cete execution s'acharnerent sur les enfans d'Alexis. L'un estoit aagé de dix ans seulement, & nommé Thomas. L'autre de cinq, duquel ie n'ay trouué le nom. Le troisieme estoit né deux ou trois iours auant que leur pere mourust, & fut baptizé en son sang. Car vn seruiteur de la maison, qui estoit Gentil, les decapita tous trois, par commandement des Officiers. Exemple assez rare au Iapon, & qui donna bien à parler, tant pour le bas aage de l'enfant, que pour le suiet de sa mort.



An de 902  
IESVS-  
CHRIST  
1624.

LIVRE XX. DE L'HISTOIRE

*Mort d'Ysabeau mere de Damian, de sa femme  
Beatrix, avec quatre de leurs  
enfans.*

CHAPITRE XIX.



AMIAN aiant souffert la mort pour la querelle de Iesus-Christ, dès l'an mille six cens vingt-deux, ainsi que nous auons couché cy-dessus, & tous ses biens aians esté confisqués ; on donna à sa femme ; & à toute sa famille la maison pour prison. En signe dequoy on tenoit des gardes à la porte, & la femme portoit vne corde au col, laquelle neantmoins ne l'empeschoit pas de donner ordre à son ménage. Les gardes las de la tenir si long-temps captiue, l'importunoient souuent de quitter la foy. Elle leur répondit sans cesse, Il n'en sera : Ie suis resoluë de tenir compagnie à mon mari en la mort comme j'ay fait en la vie.

DEUX ans apres leur detention vn mandement vint du Tono, portant condânation de mort cõtre Beatrix & ses enfans. Ils en sentirent tous vne joie extraordinaire, sauf Ysabeau, qui se montra fort mécontêre, de ce qu'elle n'estoit nommée en l'arrest. Elle montra son déplaisir en tant de sortes, que l'Huissier, qui auoit porté & signifié la sentence aux autres, en donna promptement auis au Tono, qui ordonna qu'on la fit mourir avec les autres. Ce qu'ayant sçeu la bonne vieille, prit ses beaux habits pour aller plus gaiement à la mort. Il arriva quelqu'un qui voulut deliurer de la mort Paul, ieune enfant de douze ans. Dequoy il montra toutes sortes de mécontentement. Et peu apres aiant sçeu que le Iuge persistoit en sa volonté il s'en réioüit tellement, qu'il surpassa tous les autres en son bel appareil pour aller au martyre.

ON les tira donc tous ensemble de la maison ; passans par la ville, ils prirent congé de tous ceux qu'ils rencontrèrent en

Liv. 19. B.  
111.

149  
Ysabeau  
desire la  
mort.

en leur chemin; ils s'embarquerent, & descourant d'assez <sup>LES VS-</sup>  
loin l'Isle nommée Nacaja, où deux ans auparavant Damian <sup>CHRIST</sup>  
auoit esté decapité; Beatrix commanda que chacun se mit à 1624.

prier Dieu, & commença tout haut les prieres qu'elle sçauoit  
par cœur, pour remercier Dieu de la grace qu'il auoit fait lors  
à son mary. Continuant leur voyage, ils rencontrerent sur  
mer la femme & l'enfant de Iean Sucamoto, que lon menoit  
à la mort, comme ie diray tantost. Cete entreueuë les resiouyt <sup>Nomb. 156</sup>  
si fort, qu'apres s'estre entresalüés, & encouragez mutuelle-  
ment; ils se mirent à chanter tous ensemble leurs petites prie-  
res, iusques à tant qu'ils arriuerent à Gigoco, port, de l'Isle de  
Nanaja. Ayant pris terre, la premiere qui se mit à genous  
fut Beatrix, pour donner bon exemple à ses enfans & filles. <sup>150</sup>  
Elle fit vn peu de priere, puis tendit le col au bourreau, qui luy <sup>Beatrix &</sup>  
abbatit du premier coup la teste. Paul suiuiot sa mere, s'estant <sup>autres</sup>  
agenouïllé. Mais parce qu'il auoit vn grand mouchoir au col,  
suiuant la coustume des enfans de maison du Iapon, le bour-  
reau luy commanda de l'oster. L'enfant se leua promptement,  
se l'osta dextrement; puis se remit à genous, haussa les mains au  
Ciel, disant Iesus, & eut la teste trenchée, mais à deux coups,  
ne cessant de proferer les saincts noms de Iesus & Marie. A co-  
sté droit de la mere estoit le second fils, nommé Iean, lequel  
voyant son frere mort, se mit deuotement à genous; & ayant re-  
ceu le coup, rendit son ame à Dieu le neuuesme de son aage.

Les enfans ainsi massacrés, les bourreaux saisirent la petite  
Isabelle, & la ruant sur le corps de sa mere, luy donnerent trois  
coups de cimeterre. Elle n'auoit au plus que sept ans. Sa sœur  
ainée, nommée Magdelaine, s'estât agenouïllée prez du corps  
de sa mere, demanda, ie ne sçay pourquoy, qui estoit celuy  
qui la deuoit tuer: & l'ayant enuifagé, se mit à crier Iesus &  
Marie, & fut decapitée le treizième de son aage.

La derniere de toutes fut la mere de Damian, nommée Isa-  
beau, laquelle auoit obtenu des bourreaux, pour vne faueur  
digne de leur office, de mourir la derniere, pour veoir, disoit-  
elle, tous les siens sauuez, riches, bien logez, & libres de tous  
dangers tant du corps que de l'ame. Elle fut decolée le soixan-  
te & quatorzième de son aage, & le cinquième iour de Mars,  
mil six cens vingt & quatre.



*Mort de Marie veufue de Iean Sucamoto Martyr, & de  
quatre de leurs enfans.*

## CHAPITRE XX.

Liu. 19.  
Nomb. 191.

Epous l'heureuse mort de Iean Sucamoto Martyr, les Ministres de la Iustice Iaponoise se porterent enuers sa femme, comme nous venons de dire de Beatrix, la tenant prisonniere dans sa maison, la corde au col. Le mesme iour que la mort fut intimée à Beatrix de la part du Tono, Marie & ses enfans en furent pareillement aduertis. Il se passa vne grande Feste entre les deux maisons, parce qu'avec la permission des Soldats qui garderent l'une & l'autre, ils s'entreuifiterent & encouragerent grandement à la mort.

151  
Paix pour  
le Iapon,  
predicte.

André fils aîné de Marie, ieune garçon fort deuot, raconta' durant cete entreueuë quelques exemples & miracles qu'il auoit leus pour exciter vn chacun à l'amour de Dieu. Voulant finir il se tourna vers les Chrestiens, qui se trouuerent là, & leur dit, qu'ils demeurassent tousiours fermes en la foy, & en l'esperance qu'ils auoient mis en Dieu, parce que dans peu de temps ils verroient la fin de cete persecution, & vn grand accroissement de la Chrestienté dans le Iapon. Le lendemain dez la poincte du iour, Marie & ses enfans s'estans reuestus de leurs plus riches habits, s'embarquerent pour l'Isle que i'ay cy-dessus nommée; où la famille de Damian fut martyrizée. On commanda à Marie, & à Pierre son aîné, de descendre en terre, où l'un & l'autre fut decapité. L'enfant n'auoit pas plus de dix ans.

Les autres trois fils de feu Iean Sucamoto estoient demeurez dans la barque, que les bourreaux mirent au large, apres cete premiere execution. Puis les fourrerēt chacun dans vn sac fait de paille, & ce iusques au col: & leur couurirent les testes de trois autres sacs, de mesme estofe, les aduertissant de se preparer à la mort. Ce que les bons freres firent par diuers actes

de deuotion. Cependant ces inhumains les empaquetterent An de  
chacun à part, comme autant de balons de laine. Mais Dieu I E S V S-  
voulant donner vn particulier essay de sa toute-puissance & CHRIST  
bonté en [ces deuotes creatures, leur inspira de requerir les 1624.  
executeurs, que par singuliere faueur ils les liassent tous trois  
ensemble, afin que comme ils estoient vnis des liens de la gra- 152  
ce & de la nature; aussi mourussent-ils ioincts ensemble, com-  
me bons freres, sans pouuoir estre separés, ny au peu de vie qui  
leur restoit, ny en la mort, ny apres. Cete requeste leur fut ac-  
cordée, & vn gros quartier de pierre attaché à ce fardeau. Se  
voyans en cet estat, ils n'oublierent rien pour s'encourager, s'e-  
iouiſſans ensemble d'estre arriuez à l'heure qu'ils auoient tant  
desirée. On les precipita dans la mer, où ils finirent leur vie,  
d'vne sorte de mort qu'on n'auoit practiquée au Iapon, que  
dans l'Estat de Firando. Le plus aagé de ces trois se nommoit  
André, & auoit vingt & cinq ans. Le second Mancie, aagé de  
vingt & trois ans. Le troisieme Iean, de vingt & vn. Marie estoit  
natiue de l'Isle de Noxima, au Royaume de Firando; issuë de  
parens Chrestiens, & Baptizée dez son enfance. André & ses  
freres nasquirent à Tacquinofami, & receurent aussi le Bapte-  
me dez leur berceau. André souloit lire des liures spirituels à  
ses voisins, leur denoncer les Festes de commandement, & les  
fournir de bons conseils & instructions, estant vn miroir de  
toute sorte de vertus.

Trois freres  
precipitez en  
mer.

*Mort de Michel Iamanda Fiemon, d'Vrsule sa femme, &  
de trois de leurs enfans.*

CHAPITRE XXI.



Michel logeoit près d'un port de mer, nommé 153  
Coqui, dans l'Estat de Firando. Quand les per-  
secuteurs commencerent à proceder contre les  
Chrestiens, il fut le premier examiné & sollicité  
à quitter la foy. Mais non content de demeurer  
ferme en son particulier, il alla voir tous les au-  
tres Chrestiens, vn à vn dans leurs logis, pour les encourager,

Michel Iamanda &  
sa famille.



IESVS - à tenir bon. Il auoit si bien esleué ses enfans, en la foy, que ses  
CHRIST voisins encores idolatres, luy en ayant pris vn qui n'auoit pas  
1624. encore treze ans, & l'ayant l'espace de deux iours combattu par  
diuerfes promesses & menaces, ils ne purent tirer de luy autre  
chose, sauf qu'il estoit, & vouloit mourir Chrestien.

La sentence de mort ayant esté prononcee contre toute la  
famille de Michel, Vrsule sa femme, & dame tres-vertueuse, fut  
solicitee par quelques Payens, de leur laisser au moins la plus  
ieune de ses filles, qu'ils promettoient garentir de la mort, &  
entretenir honorablement. Mais Vrsule respondit genereuse-  
ment: Quand tout le monde deuiendrait or, & qu'on m'en ren-  
drait dame & maistresse absoluë, ie le donneroie plustost mille  
fois, que ie ne laisserois vn de mes enfans entre les mains des  
infidelles, pour honnestes qu'ils soient.

Le iour venu auquel ils deuoient mourir, Michel prit sur  
son bras la plus grande de ses filles, nommée Claire: & vn cierge  
en main. Vrsule se chargea de la plus petite, qu'on appelloit  
Magdelaine, avec vn autre cierge ardent; & tous deux com-  
manderent à Iean leur fils, de marcher deuant eux avec le sien. Ils  
entreprindrent ce voyage avec tant de contentement, que les  
Payens mesmes recogneurent, & dirēt tout haut, que la nature  
ne leur pouuoit fournir vn tel courage; ains qu'il procedoit  
d'un principe plus releué. Arriuez qu'ils furent au lieu du mar-  
tyre, Vrsule pour preuue de son inuincible courage, demanda  
de mourir la derniere, afin (disoit-elle) que ie voye tout mon  
petit monde en seureté, auant que de rendre l'ame.

Le bourreau luy accordant cette grace, lacha vn coup de  
cimeterre à Michel, qui s'estoit appresté à le recevoir, & luy  
abatant la teste, entama quant & quant le col de l'innocente  
fillette, qu'il portoit sur son bras. Puis redoublant son coup, le  
luy coupa du tout. Ainsi mourut le pere, aagé de trente-sept  
ans, & la fille de sept seulement. Sur ce point Iean qui estoit à  
genoux, se leua, & courut vers sa mere, la suppliant de luy ac-  
commoder sa chevelure. Elle est, luy dit-il, trop esparse, & flot-  
tante sur le col. Troussiez la moy, s'il vous plaist, de peur qu'elle  
ne rompe le coup. Cette mere sans pair, apres auoir embrassé  
son fils, luy accommoda ses cheveux, comme elle peut. Cela  
fait, ce braue petit enfant se tourna vers celuy qui luy deuoit

trencher la teste, & le voyât vn peu bien ieune, luy dit: Je crains fort que tu n'aye encore iamais decapité personne, il me semble que tu as peur. Prends garde à ton office, & le fais bien. Là dessus il se mit à genoux, leua les mains au ciel, & inuquant les tres-saincts noms de Iesus & Marie, receut le coup de la mort, n'estant aagé que de treize ans.

IESVS-  
CHRIST  
1624.

Vrsule voyant ses fils & fille arriuez heureusement au port de salut, apres leur pere, s'escria la larmé à l'œil: Je vous benis, ô Pere de misericorde, de ce qu'il vous a pleu me rendre capable de voir vn acte si agreable à vos Anges, & autres saincts. Faites-moy, s'il vous plaist, la grace, qu'ayant assisté à la fin de ceux que j'aimois si tendrement, ie sois participante de leurs couronnes. Ne me refusez pas vostre secours, en ce moment de temps si considerable. Je vous offre & ma personne, & cette mienne fille, qui seule me reste de tous les enfans & biens qu'il vous auoit pleu me departir. Ce qu'ayant dit, elle embrassa tendrement sa petite Magdelaine, mais de telle sorte, que le Capitaine des Archers, qui assistoit à cette execution, abatit d'un coup de cimeterre les deux testes de la mere & de la fille. Cecy estonna tellement les Payens, qu'ils furent long temps, sans parler quasi d'autre chose, que de l'inuincible constance des Chrestiens.

159  
Vrsule  
martyre

Michel estoit natif du Royaume d'Yamato, hōmetres-deuor, & fort addonné à la mortification de son corps. Vrsule n'auoit que trente-quatre ans; & non contente d'imiter son mary, l'incitoit souuent à la vertu. Iean leur fils, quoy que ieune, ieusnoit trois fois la sepmaine en Careme, & la plus-part des Samedys de l'an, à l'honneur de Nostre-Dame. Ils souffrirent la mort le fixiesme iour de Mars, mil six cens vingt-quatre, par commandement de Missura Figendono, Seigneur de Firando. Leurs corps furent iettez dans la mer. Mais leurs noms viuront à jamais dans la recommandation des fideles.



*La mort de Catherine femme de Iean Iuquinoura.*

CHAPITRE XXII.



Iean Iuquinoura ayant l'an mil six cens vingt & deux souffert la mort pour la confession de la foy, on pardonna à Catherine sa femme, parce qu'elle estoit de grande maison. Mais le Seigneur de l'Isle de Pisuno essaya tous les moyens possibles, pour la reduire au seruice des idoles.

En quoy il fut secondé par tous les gentils de ladiète Isle, qui la molesterent en tant de façons, que ce fut merueille que cete vertueuse Dame ne se rendit. Ce peuple malin, marry de ne pouuoir rien gagner sur sa constance, se ietta vn iour sur sa maison à grande foule, chacun luy disant qu'elle mît ordre à ses affaires, parce qu'il luy falloit mourir en la maison d'un celebre ermite, Prestre des idoles. Elle croyant que ce fut tout de bon, s'achemina ioyeusement vers le lieu qu'ils luy auoient assigné, disant son chapellet au long du chemin, & faisant plusieurs actes de contrition, & autres vertus. Comme elle fut arriuée à ce maudit Ermitage, les Payens qui s'y estoient aussi rendus, luy dirent, que resolument elle deuoit sacrifier aux idoles, & que c'estoit là tout le dessein de ce voyage. La bonne Dame se voyant deceuë, fit ferme, & s'arresta sur le sucil de la porte, criant & priant nostre Seigneur, & sa Sainte Mere, tellement qu'il n'y eut iamais moyen de la faire entrer plus auant. Celuy qui presidoit lors à la Iustice, voyant l'affection avec laquelle Catherine se tournoit tantost à Dieu, tantost aux hommes, les priant d'auoir compassion de sa misere, cōmanda qu'on la laissast, sans plus l'importuner, veu qu'il n'y auoit moyen de la faire changer de propos. La seruante de Dieu passa la nuit chez la mere de ce faux Ermite, laquelle voyant son affliction, ne cessa de l'exhorter, à ce qu'elle prist pitié de soy-mesme, se ressouuint de sa noblesse, & ne se laissast pas raualler à la condition du simple peuple, par des personnes estrangeres. Mais ses paroles n'eurent aucun effect, Catherine tenant tousiours bon en sa

156

Catherine  
veufued'un  
Martyr.

sainte resolution. Le iour suiuant les officiers la voyant persister en sa premiere volenté, la lierent estroitement à vn pin. Dequoy s'apperceuans qu'elle ne faisoit pas grand estat, ils la deslièrent pour la despoüiller toute nuë, & l'attacherent de rechef au pin. Des-honneur qu'elle souffrit avec vne indicible patience, pour ce qui estoit du froid, & de la douleur des ligaments. Mais desirant patir encore plus pour l'amour de Dieu, & couvrir sa nudité, elle sceut si dextrement se seruir de la rude escorce de l'arbre mesme, pour deschirer son corps, qu'elle se couvrit bien-tost de sang, qui ruisseloit en terre. Ce que voyans les Payens, la deslièrent, ramasserent le sang qui auoit couuert la terre és enuirs, de peur que les Chrestiens ne le prissent pour reliques. Puis la menerent dans les masures d'une maison voisine, & la lierent à vn posteau qu'ils trouuerent là, estansjà si las qu'ils ne scauoient plus que faire. Car ils trouuoient plus de peine à la tourmèter, qu'elle n'en sentoit à souffrir. Bref les principaux Ministres de la Iustice qui s'y trouuerent, voyans qu'il n'y auoit moyen de la flechir, en donnerent aduis au Tonô, lequel commanda soudain qu'on la fit mourir.

Ils la deslièrent donc de nouveau, & la recoururent de ses habits, la menaçant de ce dernier passage. Dequoy la fidele seruante de Dieu se resiouyt grandement, entendant bien, & attendant ce qu'ils vouloient dire. Sur l'heure s'apperceuant qu'on luy chargeoit les espaules, de certains vieux haillons qu'ils auoient rencontré dans la maison, elle leur dit, Faites moy hardiment tous les affrons qu'il vous plaira. Je les supporteray volontiers tous, ne souuenant de ceux que mon Createur & Sauueur a souffert pour moy pauvre pecheresse. Ce qu'ayant dit, elle fut conduite au lieu de sa mort, où elle se mit à deux genoux; benit d'une affection extraordinaire la Majesté diuine, qui l'auoit conduite à ce point tant desiré: & s'estant briuelement recommandée, à Dieu, elle tendit le col au bourreau, qui luy treucha la teste, le quarante & huitième an de son aage. Les gentils prirent son corps, & l'ayant mis dans vn sac, le ietterent en mer; & passerent plusieurs iours sans parler quasi d'autre chose que de sa constance, en tous ces quartiers là.

An de  
IESVS-  
CHRIST  
1624.

157  
Mortifica-  
tion inge-  
nieuse.

158  
Autre mor-  
tification.



LESVS- Catharine estoit natifue d'Iquibu. Ses pere & mere, & ayeul  
CHRIST estoient Chrestiens, tous baptisez par nos Peres, qui logeoient  
1624. souuent en sa maison, y ayant vn Oratoire, où les Chrestiens se  
rendoient pour receuoir les saincts Sacremens. La premiere  
fois que son feu mary fut attaqué par les Gentils, qui luy con-  
seilloient de changer sa croyance, elle luy dit tout haut, & avec  
vne resolution virile: Gardez-vous bien de suiure leur conseil.  
Si vous le faites, ne vous presentez iamais deuant moy,

*Mort de Thomas Mattaqui, & autres quatre Chrestiens,  
dans les terres de Firando.*

CHAPITRE XXIII.



THOMAS fut priué de ses biens l'an mil six  
cens vingt-deux, & banny de son pais, pour  
n'auoir voulu quitter la Religion Chrestienne.  
Il se retira à deux lieuës de sa maison, où le Sei-  
gneur du lieu ayant sceu qu'il estoit Chrestien,  
commanda soudain qu'on luy trêchast la teste.

159

Thomas  
Mattaqui  
mort.

L'executeur de la iustice l'allant trouuer pour luy donner la  
nouuelle de sa mort, le pria de luy pardonner, parce que ce luy  
estoit vne necessité d'obeir. Je n'ay garde de me plaindre de  
vous, dit Thomas. Vostre bonne volonté m'est fort agreable;  
& suis marry de la peine que vous prenez pour moy, Ce qu'ayât  
dit, il s'achemina vers vne isle, nommee Cosima, où s'estant mis  
à genoux pour receuoir le coup de la mort, il fut commandé  
par le bourreau de se leuer debout, & se depouïller nud, iusques  
à la ceinture. A quoy il obeit sans contredit. Il quitta donc ses  
habits, comme il luy auoit esté ordonné, se mit à genoux, & fut  
decapité l'an trente-cinquiesme de son aage. Il estoit natif de  
Xisi, qui est vne isle de la iurisdiction de Firando; fils au reste  
de parens Chrestiens, fort deuot, & addonné aux œuures de  
pieté enuers le prochain. Il souffrit la mort le troisieme iour  
d'Auril, de l'an mil six cens vingt-quatre.

Iean Tacusima Fyrie, & Luc son fils, nasquirent à Ianouër,  
de pere & ayeul Chrestiens, tous baptisez par nos Peres. On  
raconte

raconted'eux cecy en particulier, que s'en allans au martyre IESVS-  
ils se courirent du sac, qu'ont coustume de porter les confre- CHRIST  
res de la Misericorde en leurs processions; & porterent cha- 1624.  
cun sa discipline en main. Ils furent decapitez pour la foy le  
dixhuietieme iour d'Aoust, mil six cens vingt & quatre.

Quand la persecution commença contre les Chrestiens, il  
y auoit en l'Isle de Coqui vne Chrestienne nommée Marthe,  
fort âgée, qui demouroit en la maison d'un sien gendre idola-  
tre. Cet homme ne se tenant pas assuré, s'il la gardoit dauan-  
tage chez soy, l'auisa de changer de Religion, ou de logis. La  
bonne femme ne se troubla point de cela, ains quitta librement  
la maison de son beau-fils, disant qu'elle ne vouloit pas faire  
banqueroute à la foy Chrestienne. C'estoit en la plus froide  
saison de l'année, la neige couuroit tout le pais, il geloit à pier-  
re fendre, & les vents estoient violens: bien que la bonne vieil-  
le ne sçachant où se retirer fut contrainte d'errer par les mon-  
tagnes, & par les champs, où elle mourut de froid.

160  
Marthe  
meurt de  
froid

Au commencement de cete persecution vn Chrestien,  
nommé Hierosme, citoyen de Firando, monstra par quelques  
actions exterieures qu'il auoit quitté la foy. Son beau-pere  
s'estant grandement scandalizé de cete mutation, comme il  
estoit tres-bon Chrestien, & des plus anciens, retira sa fille, &  
l'emmena avec soy à Nangazaqui. Ce coup esueillla le ieune  
homme, tellement qu'il fut trouuer son beau-pere, recogneut  
sa faute, & luy promit de ne retomber jamais en pareille faute,  
quand bien il s'agiroid de sa vie. Le Gouverneur de Nangaza-  
qui, ayant eu aduis que Hierosme estoit Chrestien comme de-  
uant; luy enuoya commander, qu'il s'en retournast à Firando,  
autrement qu'il feroit mourir tous ses parens en ces quartiers-  
là. Hierosme s'y en retourna, & fut attaqué par plusieurs qui  
luy conseilloyent de renoncer à la foy. Mais gardant constam-  
ment la promesse qu'il auoit faite à Dieu & à son beau-pere, il  
tint tousiours bon; disant qu'il mourroit volontiers pour Ie-  
sus-Christ. Il eut donc la teste trenchée le dix-huietieme  
d'Aoust, mil six cens vingt & quatre, en compagnie de Iean  
& Luc, desquels nous venons de parler. Ce fut le vingt & cin-  
quieme de son âge. Cete persecution dura deux mois à Firan-  
do, la plus cruelle qu'on ait jamais veu au Iapon. Car les Gen-

161  
Hierosme  
martyr.



An de 1002

LIVRE XX. DE L'HISTOIRE

LES VS-  
CHRIST  
1624. tils se monstroient si algerz du sang des Chrestiens, qu'ils n'espargnoient pas mesme les Renegats : quoy qu'il y eust Loy expresse, qui deffendoit d'attaquer ceux qui auoient renoncé

162

Renegats  
enez pour  
la Foy.

au Christianisme. Plusieurs bons Chrestiens furent bannis, plusieurs autres massacrez en secret. Nous n'auons encore icy leurs noms. Ceux qui monstroient à l'exterieur, d'auoir abandonné Dieu, & sa foy, furent obligez en premier lieu à donner pleges qu'ils ne feroient plus profession du Christianisme : & puis à poser sur les portes de leurs maisons, certain signe qui confirmoit le mesme. Chose qu'on n'auoit iamais practiquée au Iapon en semblable matiere. Il fut estroitement deffendu que les enfans mesme ne portassent aucune marque de Chrestiens, ny en public, ny en secret.

Vn mercerot trouué portant des chapelets à vendre par les maisons des Chrestiens, fut condamné à tenir prison vn an durant. Tout commerce avec les autres Chrestiens fut deffendu aux Firandois, & tout ensemble de dire le moindre mot, en leur faueur. On n'osoit pas mesme nommer nos Peres dans Firando, où ils auoient esté autresfois tant honorez : ce qui affligoit extremement les Chrestiens qui auoient manqué par infirmité, quoy qu'ils n'eussent que renié à l'exterieur, parce qu'ils se voyoient despourueus de tout secours : Si ne cessoient-ils de se recommander à Dieu, esperant fermement que Dieu les assisteroit en leurs extremes necessitez : La desastreuse fin de deux principaux chefs des persecuteurs les confirma en cete esperance : L'vn estoit frere, l'autre proche parent du Tono. Cetui-cy qui auoit esté le fuzil de cete persecution, & la principale cause de la prise du P. Camille, & de plusieurs autres massacrez pour la foy, tomba roide mort sans aucune indisposition prealable. Le frere redoutant la cholere du Tono, auquel on auoit fait quelques plaintes de luy, se fendit luy mesme le ventre à la vieille mode du Iapon. Les Gentils mesme dirent que c'estoit vn manifeste chatiment du Dieu des Chrestiens. Plaise à sa diuine maiesté leur faire pleinement recognoistre la verité.

163

Persecu-  
teurs punis  
du Ciel.

*La mort de Caliste, qui fut Cambo de la Chrestiente des Isles de  
Goto, de Michel Sori, & Quinzajemon.*

## CHAPITRE XXIV.



OTODONO Chef des Isles de Goto, vou-  
lant paroistre obeissant aux Ediëts du Xogun, se  
resolut de faire mourir les principaux Chre-  
stiens qui fussent parmy ses subiets. Caliste  
estoit le plus apparent. Ce Prince luy enuoya  
deux de ses seruiteurs, avec commission de le

164

Caliste Cā-  
bode Go-  
to.

faire mourir, parce qu'il enseignoit la Loy de Dieu. Ce qui luy  
auoit acquis le surnom de Cambo, qui est autant à dire, com-  
me celuy d'entre les Chrestiens, qui en absence de nos Peres,  
a soin des autres, quoy qu'il ne soit que seculier, comme j'ay  
touché ailleurs. Le seruiteur de Dieu ne se troubla point de  
cete nouuelle, mais leur dit, qu'ils fussent les tres-bien venus,  
qu'il estoit prest d'aller à Dieu. Ils confisquerent tout son bien,  
puis le menerent au lieu qu'ils auoient choisi pour le faire mou-  
rir, distant vne bonne lieuë de Vacamassu, où il demouroit. Sa  
femme, ses enfans & autres Chrestiens qui l'accompagnoient,  
se mirent tous à pleurer de regret. Qui fut cause que Caliste  
leur dit: Essuyez vos larmes, ie vous prie: Ou si vous desirez en  
esprendre, pleurez de ioye, pour les incomparables biens que  
Dieu me fait.

Cy-dessus  
luy 19. au.  
190.

Arriuant à Tabut, où il deuoit auoir la teste trenchée, il ob-  
tint congé d'escrire à plusieurs de ses amis, & leur dit adieu  
par des lettres pleines de pieté & allegresse, qui ressembloient vn  
homme tout prest d'aller en Paradis. S'estant acquité de ce  
devoir, il se couurit de ses habits de feste; & s'apperceuant que  
les Sergens ne le vouloient pas lier, peut-estre pour luy espar-  
gner la douleur, & le deshonneur tout ensemble; il les pria de le  
traiter à l'ordinaire des autres. Ce que les Barbares prirent de  
si mauuaise part, que l'estreignant cruellement; ils luy donne-  
rent sujet d'exercer la patience. Auant que de receuoir le coup

165

Son mar-  
tyro.



An de 1004

LIVRE XX. DEL'HISTOIRE

IESVS-mortel, il remercia le chef de la Iustice ; puis disant deuote-  
CHRIST ment IESVS-MARIA, il perdit la teste le dix-neufiéme iour  
1614. d'Auril, mil six cens vingt-quatre, & de son âge le cinquante  
— & septiéme.

Il estoit natif du Royaume de Fiunga, il fut baptizé à Bungo, n'ayant que quatorze ans. Seruit dix ans de Dogique, en nostre Eglise de Bungo : quelques années és enuiron de Arima : & fut Cambo vingt sept ans és Isles de Goto, tousiours avec grand zele & diligence. Il faisoit sa residence ordinaire à Varamassu, pour de là secourir plus commodement les habitans de ces Isles, baptizant les nouueaux nés, enseignant la doctrine Chrestienne aux plus grands, assistant les malades, inhumant les trespassez ; conseillant aux viuants toute sorte de bonnes ceuures, & preparant les Gentils au Baptésme. Vne fois l'an, comme quelqu'un de nos Peres alloit visiter les Chrestiens de ces Isles-là, Caliste l'accôpaignoit par tout, procurant que tous les Chrestiens se confessassent, & ceux qui en estoient capables, receussent le tres-sainct Sacrement. Au premier effort de la persecution il fut banny : mais ceux du païs, qui le cherissoient grandement, obtindrent incontinent son rapel. Depuis Dieu voulant dignement guerdonner sa charité, luy fit la grace de mourir pour la foy Catholique, comme ie viens de dire.

166

Michel Son  
m martyr.

Michel Sori, & vn autre, duquel nous ne scauons que le nom Iaponois, qui estoit Quinzajemon, s'emploioiét avec vne signalée ferueur au salut du prochain, en la ville d'Oquiqua, qui est dans les Isles de Goto, lors que deux Messagers du Tono furent signifier à Michel, qu'il abandonnast la foy. Sa response fut telle qu'on pouuoit attendre d'un bon Chrestien ; les domestiques de Tono, indignez de sa constance, qu'ils nommerent obstination, luy denoncerent la mort, s'il ne changeoit d'aduis. Michel se montrant plus resolu qu'auparauant, & n'ayant plus de loisir que ce qu'il luy en falloit pour se parer richement, se rendit volontiers au lieu qui luy auoit esté designé pour mourir, ou il fit vne assez longue priere, & eut la teste trenchée, le 19. iour d'Auril, l'an mil six cents vingt- & quatre : & le soixante & douziéme de son âge. Ses occupations & vertus, estoient pareilles à celles de Caliste, aussi-bien que celles de Quinzajemon, qui fut aussi decollé cete mesme an-

167

Quinzaje-  
mon mar-  
tyr.

*La mort de Thomas Nacangaua Mangosuke, & de  
 Ioseph Gonçale en Omura.*

CHAPITRE XXV.



ESTOIENT les deux plus apparens Chrestiens;  
 habitans à Nangaya, bourgade distante d'Omura  
 cinq lieues par mer. On les accusa de ce qu'ils  
 logeoient nos Peres en leur maison, & tenoient  
 la main, que les saints Sacremens fussent admi-  
 nistrez aux autres. Le Gouverneur ayant receu  
 cete plainte, fit assigner Thomas à comparoistre deuant luy: il  
 se desfit au plustost de ses parens, qui estoient accourus au pre-  
 mier bruit de son accusation, se persuadant qu'il ne les reuer-  
 roit plus. Comme il fut arriué en Omura, voyant que les Ser-  
 gens se dispoioient à le lier, il mit bas son poignard, & leur pre-  
 senta ses mains, pour receuoir d'eux tel traictement qu'il leur  
 plairoit. Les Iuges luy promirent la vie, s'il vouloit changer  
 de croyance: Mais il refusa courageusement cete offre; Partant  
 ils le renuoyerent en sa maison sous bonne & seure garde, jus-  
 ques à tant qu'il fut condamné à mourir, avec Ioseph Gonçale,  
 lequel au mesme temps fut fait prisonnier, avec plusieurs au-  
 tres fideles. On ne sçauoit exprimer par escrit la consolation  
 que ces deux bons personnages sentirent, se rencontrans pour  
 estre compagnons en la mort, comme ils l'auoient esté en l'ex-  
 ercice de vertu durant leur vie. Ils se prirent à remercier Dieu  
 alternatiuement, & benir l'heure, en laquelle ils auoient esté  
 accusez pour bien faire. S'animant ainsi l'un l'autre, & tirant  
 du Ciel les forces necessaires pour leur combat, ils arriuerent  
 à Mossujema, où ils eurent les testes trenchées le dixième Iuil-  
 let, mil six cens vingt & quatre, par commandement de Mas-  
 sura Veon, & Tobiranga Xirofajemon, Gouverneurs d'Omura.  
 Ioseph estoit âgé de 64. ans, & Thomas presque du mesme âge.

168

Thomas  
 Nangaca-  
 uamariyr.

169

Ioseph Gô-  
 çale mar-  
 tyr.



LESUS- Ces deux seruiteurs de Dieu estoient natifs de Nangaya;  
 CHRIST & auoient long-temps auparauant receu le Baptême de la  
 1624. main de nos Peres. Au commencement de cete persecution,  
 la maison de Thomas seruoit d'Eglise. A mesure qu'elle creut,  
 la deuotion de Thomas se renforça aussi tellement, que non  
 content de loger nos Peres, il receuoit aussi toute autre sorte de  
 Religieux, afin que les Chrestiens fussent plus secourus en ce-  
 te extreme necessité. Thomas estoit Laboureur, mais bien  
 moyenné; Gonçale Pescheur, mais tres-zelé pour assister ses  
 voisins és choses spirituelles & temporelles. Il ieusnoit trois  
 iours de la semaine, & les autres trois prenoit la discipline. Il  
 tenoit la main que les Chrestiens se confessassent: visitoit les  
 malades, assistoit les necessiteux de tres-bonnes aumosnes.  
 Quand nos Peres desiroient d'aller secretement visiter quel-  
 qu'un, il les conduisoit dans sa nacelle, & par fois les logeoit  
 encore chez-luy. Ceux qui desiroiēt enleuer les corps des Mar-  
 tyrs occis pour la confession de la Foy s'adressoient volontiers  
 à luy, & suiuiroient son conseil, parce qu'il leur donnoit de bon-  
 nes adresses, les retiroit chez-luy, & puis conduisoit ces be-  
 nits corps à Nangazaqui, ou ailleurs. Ce qu'il executoit avec  
 vne telle assurance, qu'on ne remarqua iamais en sa face au-  
 cun signe de crainte, quoy que les temps fussent tres-dange-  
 reux, & les entreprises extremement hazardeuses,

170

Leurs qua-  
 litez.

*La mort du Pere Michel Carauaille, de la Compagnie de Ie-  
sus, & de quatre Religieux des sacrez Ordres de S.*

*François & de S. Dominique, tous Predi-  
cateurs du S. Euangile au Iapon.*

## CHAPITRE XXVI.



LE Pere Michel s'estant fort secretemēt conduit à Omura, pour ouir quelques confessions, fut au retour decouuert par vn Espion, qui le defera au Gouverneur, par le commandement duquel il fut constitué prisonnier, & tenu deux iours chez-luy, la corde au col, iusques à tant qu'il en eust donné aduis à Gonroeu, Gouverneur de Nangazaqui. Voicy comme le Pere Michel mesme, escriuit le tout au Pere Prouincial du Iapon. Je m'estois transporté à Omura, pour aider quelques ames, & y ayant fort peu seiourné, fus descouuert par vn espie, & par commission du Gouverneur, tenu deux iours la corde au col, iusques à tant que l'ordre arriua de Nangazaqui, que ie fusse ioinct aux autres prisonniers. Dieu me fit la grace, que ie ne fus pas inutile ces deux iours-là: car deux des soldats qui me gardoient, se conuertirent à nostre sainte foy.

La prison en laquelle on m'enferma n'auoit que seize paumes de long & huit de large: I'y trouuay quatre autres prisonniers, gens fort deuots & spirituels; Sçauoir est vn Prestre, Religieux de l'Ordre saint Dominique European: deux Prestres de l'Ordre S. François, l'un European & l'autre Iaponois; & vn autre Iaponois du tiers Ordre du Seraphique Pere S. François: Tous lesquels de premier abord se ruerent sur moy pour m'embrasser, & s'esioir de mon arriuée. Leur sainte compagnie me consola grandement; mais plus encore la belle commodité que i'y trouuay de pouuoir celebrer tous les iours la sainte Messe.

I'entray en cette prison le iour de sainte Magdelene, laquelle i'ay tousiours tenuë pour ma particuliere aduocate.

171

Pere Mi-  
chel Cara-  
uaille.

172

Prisons  
d'Omura.



Ande 1008

LIVRE XX. DE L'HISTOIRE

IESVS-CHRIST 1624. Nous y sommes fort à l'estroit, non toutesfois si serrez que nostre Sauueur fut en la Croix. Je suis grandement consolé, de ce que personne n'a esté pris à mon occasion; & que ie n'ay pas esté enquis de ceux avec lesquels i'auois conuersé. Si bien que personne n'a esté en peine pour moy; aussi merite-je-bien de patir tout seul, estant le plus grand pecheur que la terre porte. A tant le Pere Michel Carauaille, qui passa treize mois entiers en ce cachot, & y souffrit plus qu'on ne sçauroit dire, mais avec la consolation qu'il témoigna luy-mesme, escriuant à vn autre de nos Peres, ce qui s'ensuit:

Nous sommes tous malades & languissans quant au corps; mais grandement consolez en esprit, parce que Dieu comme tres-misericordieux, durant les plus grands trauaux & afflictions nous eslargit de plus grandes faueurs, pour les supporter. Quant à moy ie n'eusse jamais creu qu'il y eust tant de contentement à patir quelque chose pour l'amour de Dieu. Sa diuine bonté en soit à iamais benite; Voila comme il parle.

173  
Lettres du  
P. Carauaille.

Avec le nombre des mois de son emprisonnement, croissoit en l'ame de ce bon seruiteur de Dieu le desir de mourir pour la gloire de son Maistre. Ce qu'il témoigna par lettres à plusieurs de ses intimes. Voicy vne partie d'une qu'il adressa au Pere Benoist Fernandes. Je sçauois bien, dit-il, que i'estois tout à fait inutile pour le seruice de Dieu, & qu'autant valoit pour la conuersion du monde, que ie fusse hors de la prison comme dedans. C'est pourquoy il a pleu à Dieu de m'enclore en ce lieu, à fin que ie fasse penitence de mes pechez passez, ie regagne par quelque bon exemple ce que i'ay si mal employé. Je me prepare à la mort, au desir de laquelle ie me sens porté par deux puissans motifs, l'un est la gloire de sa diuine Majesté: l'autre l'expiation de mes pechez. Vray est que considerant la grandeur de ce desir, & iusques où il monte, i'y trouue trop de subiect pour m'effryer. Mais d'autre part me tournant vers l'infinie bonté de celui qui fait rayonner son soleil sur les bons & mauuais, & illumine aussi bien les iniustes que les gens de bien, ie ne peux que ie ne m'encourage moy-mesme, & que ie ne parle de cete grace, comme si ie la tenois déjà en main. Car la Loy que nous deffendons, donne tant d'a-

mour

mour & de force, que tous les tourmens du monde n'ont peu rien gagner sur ceux qui s'en sont monstrez dignes deffenseurs; & les Saints Apostres nous en traçant le chemin, ont laissé autant de trophées de leur nom, qu'ils ont versé de gouttes de leur sang. O mon Pere que j'aime vniquement, m'aduouerez-vous pas que ie serois trop heureux, si ie me trouuois dans vn feu pour y brusler, à l'honneur & gloire de mon Dieu, qui est si bon ! O que ie m'estimerois heureux si on me tailloit les membres vn à vn en mille lambeaux pour le nom du Seigneur qui m'a preuenu de tant de dons, qui a tracé sur moy les desseins de ses bontez eternelles, iacoit qu'il veid mon ingratitude aller iusques dans les derniers excez ! O IESVS tres-aimable, & singulierement aimant, que fera iamais ce pauvre pecheur pour vous plaire ? Quels tourmens pourra-il souffrir pour meriter le bien de vous aggreer ? Quelles croix desirez-vous de luy ? Quelles flammes, quels brasiers vous plait-il qu'il endure ? Donnez-moy ce que vous commandez, & puis commandez ce qui vous plaira. Voicy le temps, montrez cher Pere, voicy le temps, où ie me sens auoir plus besoin de vos prieres, que ie ne fus iamais. Aydez-moy s'il vous plaist, afin que Dieu change ma foiblesse en force, & mon indignité encourage pour tout ce qu'il veut que j'endure. Assistez moy, ie vous supplie, & le priez qu'il m'octroye que pour sa gloire, & pour la deffense de nostre sainte Foy, ie passe par toute sorte de tourmens, du feu, du fer, & de tout ce que les ennemis de Dieu pourront excogiter contre nous. Qu'il me chāge le cœur tout à fait, afin que le monde, & tous les faux plaisirs, me deuiennent le suiet d'vne horreur insupportable, & tous mes contentemens soient d'endurer pour mon bon Iesus, que j'aime vniquement, que s'il trouue bon que ie meure de mesaise entre ces quatre murailles, j'en seray bien-aise : & si sa bonté me permet d'vser ici de toute l'estenduë de mes desirs, ce me seroit vne faueur indicible, si ie demeuerois iusques à la fin du monde, caché dans ce trou de la terre, incogneu de tous, excepté des miseres, & de toutes les angoisses possibles, que j'y voudrois continuellement endurer. On nous écrit de Nangazaqui que nostre fin approche : C'est pourquoy ie prens congé de vous, qui m'estes si bon amy dans l'amitié du Fils de



An de 1010

LIVRE XX. DE L'HISTOIRE

1624. IESVS- Dieu, qui lie aussi saintement qu'estroitement ceux qui s'en  
CHRIST laissent posseder. Les fruiets de nostre amitié seront les prie-  
res, que vous terminerez avec ma mort; & que i'estendray pour  
vous dans la suite bien-heureuse de l'Eternité tant que vous en  
aurez besoin. Escrit en la prison d'Omura, le dixième iour de  
Feurier, mil six cens vingt-quatre, Par

*Vostre Frere & seruiteur indigne, emprisonné pour ses  
pechez,* MICHEL CARAVAILLE.

175  
Autre lettre  
du P. Cara-  
vaille.

Ces traits nous donnent à cognoistre la charité qui brusloit  
au cœur de ce bon Pere. Il trouue beaucoup de contentement  
à ouïr parler ces personnes qui alloient au martyre. C'est pour-  
quoy i'adiouteray encore vn mot, que le mesme Pere escriuit à  
son Prouincial. J'apprens que plusieurs bons Chrestiens ont  
souffert la mort pour Iesus-Christ en la ville d'Yendo. O mil-  
le fois heureux & bien fortunez les combattans de nostre Dieu  
& Sauueur, qui ont si courageusement sceu monstrier à la Cour  
du Xogun, combien ses Loix sont iniustes; & combien aucon-  
traire sont equitables celles de Dieu Tout-puissant, pour l'hon-  
neur duquel ils ont volontiers versé leur sang, & perdu la vie  
temporelle. O felicité singuliere! D'autant que leur mort est  
plus heureuse, d'autant se rend plus infortunée nostre vie en ce-  
te vallée de miseres. C'est ce qui me violente par fois, & me  
porte à m'escrier apres saint Paul. Je voudrois estre destaché  
des liens de cete mortalité, pour viure avec Iesus-Christ. Je  
suis tout à fait miserable, parce qu'estant tout chargé de pe-  
chez, ie n'ose estimer, & moins encore esperer que tels com-  
bats soient pour moy. Dieu les reserue à ses esleus: Neant-  
moins comme vous pouuez beaucoup aupres de Dieu, ie vous  
prie de me secourir, & m'octroier, que sa diuine grace m'ayant  
conduit en cete prison, i'y laisse la vie pour sa gloire, & pour la  
satisfaction de mes pechez. Inskes-icy la lettre du Pere Ca-  
ravaille au Pere Prouincial du Japon.

En fin l'ordre arriva de Nangazaqui, avec la Sentence de  
mort, contre tous les Religieux detenus prisonniers à Omura,  
lesquels se voyans assurez qu'ils mourroient pour la querelle  
de Iesus-Christ, en receurent vne ioye extraordinaire. Le

vingt-cinquième iour d'Aoust, dédié à saint Louys Roy de France, ils furent tous tirez hors de prison, la corde au col. Les Prestres portoient chacun sa croix en main; & marchoient prians Dieu, iusques à tant qu'arriuez au port ils entrerent avec quelques Soldats dans vne barque qui les porta à Facu, compagnie choisie pour le lieu de leur mort. Estans descendus du batteau, ils haussèrent leurs croix plus qu'ils n'auoient fait auparavant; & commencerent à chanter diuers Pseaumes, iusques à tant que le Pere Michel, voyant la multitude qui estoit accouruë pour les veoir mourir, declara tout haut comme ils estoient tous cinq Chrestiens, & condamnez à la mort, pour la seule foy de Iesus-Christ Sauueur du monde. Ce qu'ayant dit, il fut tout le premier attaché à vn posteau. Le second fut le Pere Frere Pierre Vasquez, de l'Ordre S. Dominique. Le troisième le Pere Frere Louys Sotello. Le quatrième Frere Louys Iaponois, du tiers Ordre. Ils furent tous liez en façon que les cordes qui les tenoient estant bruslées ils pouuoient librement se mouuoir, & faire diuers gestes pour apprestre à rire au peuple. Telle estoit l'intention des Payens qui en decheurent: car les bons Religieux tenoient tous les yeux fichez au Ciel, & ne cessoient de louer Dieu, chantant fort deuotement. Le feu allumé, commença à brusler fort lentement par ce qu'il y auoit peu de bois, & donna premieremēt sur la corde qui tenoit lié Frere Louys Iaponois; lequel se trouuant deslié s'en alla ietter à genoux deuant les Prestres & leur baïsa deuotement les mains. Puis ayant exhorté l'assistance à receuoir la vraye Foy, s'en retourna courageusement à son posteau, auquel s'appuyāt sans estre autrement lié que par les cordes spirituelles de l'amour de Dieu, il supporta immobile l'ardeur du feu, iusques à tant qu'il rendit sa genereuse ame à Dieu.

176

Lieu de leur  
martyre.

177

Noms des  
Martyrs  
Religieux.

178

Frere Louis  
Iaponois.

Les autres ne pouuoient pour lors parler ny chanter comme ils eussent bien desiré, par ce que le feu & la fumée les auoit saisis. On les oyoit neantmoins par fois inuoker les saints noms de Iesus & Marie. Le Pere Carauaille pour auoir rencontré la place mieux garnie de bois, fut le second qui mourut, ayant donné plusieurs rares preuues de son heroïque constance. Le Pere Frere Louys Sassandra Iaponois mourut le troisième. Peu de temps auant que rendre l'ame, voyant que ses

179

Pere Louis  
Sassandra  
Martyr.



**I**ESVS-  
**CHRIST** liens estoient bruslez, il se mit en deuoir d'aller vers ses compaignons, pour leur dire le dernier à dieu. Mais ayant essayé de marcher il ne se peut tenir sur ses pieds, parce qu'ils estoient desia bruslez. Il demeura donc par les liens de sa volonté, adossé contre son posteau : & de là fit vne profonde inclination de teste aux deux Religieux Peres de son Ordre, & peu apres mourut, avec vne constance digne d'un Religieux signalé en vertu, comme il estoit.

Restoient les deux autres, ausquels le feu ne pouuoit si promptement arriuer faute de matiere. Qui fut cause que les executeurs de cete forcenée iustice ramasserent autour d'eux quantité de paille, & quelques herbes seiches. Mais les buschers ne rendant pas pour tout cela grande flamme, donnerent suiet de plus long tourment aux seruiteurs de Dieu, qui demeurerent trois grosses heures, se consumant peu à peu dans ce petit feu. Ainsi tous ces valeureux Martyrs, accomplirent la course de leur noble combat, le vingt cinquième iour d'Aoust, l'an mil six cens vingt-quatre. Leurs corps furent du tout reduits en cendres, que les mesmes officiers remontez en leur barque, espendirent en pleine mer, de peur que les Chrestiens ne rendissent à ces Martyrs l'honneur qu'ils meritoient. Encore posèrent-ils vn corps de garde au lieu de leur combat, pour empescher que les os qui n'auoient esté du tout consumez, ne fussent enleuez par les Chrestiens. Si ne sçeuvent-ils si bien garder la place, que plusieurs ne fussent trouuez, qu'on tient encore au Japon en grande veneration. L'exemple de ces Martyrs rauit en admiration les Gentils, & confondit plusieurs Renegats, qui ne se pouuoient assez estonner de ce que la chaleur estant en cete saison-là si vehemente, qu'on ne la pouuoit quasi supporter ; ces braues champions auoient outre cela souffert l'ardeur du feu si constamment, qu'ils n'auoient iamais changé de place.

Le P. Michel Carauaille estoit natif de Bragua, ville Episcopale en Portugal. Il entra en nostre Compagnie aagé de vingt ans, & ayant finy son cours de Philosophie, s'embarqua l'an mil six cens deux, pour l'Inde; où il ouyt la Theologie, & depuis l'enseigna tres-dignement. Sur les quarante ans il demanda d'estre enuoyé à la Chine; pour passer de là au Japon, s'il estoit

possible. Il s'embarqua avec vn autre de nostre Compagnie, IESVS dans vne galeotte, qui fit naufrage près la plage de Malaque, CHRIST où ils prindrent terre, & voyageant à pied se rendirent finale- 1624.  
ment à Macao. De là il fut enuoyé en habit seculier au Japon, avec quelques Portugais; & passa pour vn aduenturier Indien. Les Magistrats de Nangazaqui examinerent tres-rigoureusement tous ses compagnons de voyage, sans luy dire mot: qui fut cause qu'il se retira chez vn Portugais, iusques à tant que le P. Prouincial de nostre Compagnie l'enuoya vers l'Isle d'Amacusa, pour y apprendre la langue du Japon. Il y fut plusieurs fois malade, pour les froids excessifs qu'il ne pouuoit supporter, & pour la necessité des viures. Hors les heures necessaires à l'estude de la langue Iaponoise, il employoit son temps à prier Dieu, tousiours à genoux. Il ne celebrait pas la sainte Messe qu'il n'eust employé vne heure à quelque lecture spirituelle, ou meditation, pour s'y preparer. Il passoit aussi vne heure à faire son action de graces. Il estoit singulierement deuotieux à la tres-sainte Vierge: se disciplinoit tous les iours vne fois, & les vigiles des Festes, deux; & ce iusques au sang. Il portoit quasi continuellement vn cilice & à certains iours, non content de l'ordinaire, en reuestoit vn de fer. Il ieusnoit trois iours de chaque semaine. Pour tous les Vendredys de l'annee, & les vigiles plus solemnelles, il les passoit au pain & à l'eau. Au ieusne il adoustoit l'aumosne. Pendant vne grande cherté, il amassa bonne quantité de bled, qu'il fit distribuer aux necessiteux, & particulièrement aux pauvres villageois.

Ayant appris la langue du Japon, tellement qu'il pouuoit ouyr les Confessions, il s'employa avec beaucoup de ferueur au salut des ames, iusques à la mort, qu'il souffrit le quarante & septiesme de son aage, ayant tousiours mené vne vie plus Angelique qu'humaine, comme tesmoignent encore ceux qui l'ont frequenté.

181

Sommaire  
de la vie du  
P. Michel  
Carauaille.

182

Deuotion  
digne d'un  
Martyr.



*De la Chrestienté de Tacacu, Amacusa,  
& Fingo.*

CHAPITRE XXVII.

183  
Tacacu  
cultué.



LS furent cete annee huit de nos Prestres, & vn qui ne l'estoit pas, avec leurs Dogiques, qui s'employèrent à cultiuer la Chrestienté de Tacacu. Ils baptizerent cent & douze adultes, & vescuient en assez bonne paix, iusques à tant que quelque faux Frere les defera à Massucura Bugundono, disant qu'ils enseuelissoient les morts dans leurs iardins. Ce que Bugundono deffendit expressément, ordonnant que tous les morts fussent liurez aux Bonzes, sous peine de confiscation de tous les biens des contreuenants, Les Chrestiens prindrent cete ordonnance pour vn commencement de persecution, en suite de celle d'Yendo, & en ayant donné particulier aduis à celuy de nos Peres, qui auoit soin d'eux, commencerent à se disposer à la mort. Mais les Idolatres mesmes craignans d'estre priuez des commoditez qu'ils tiroient des Chrestiens, sollicitèrent le Tono en leur faueur, & firent tant qu'il dissimula avec eux, laissant toutes choses en leur train ordinaire.

184  
Bon exem-  
ple, & sa  
force.

Vn Payen s'estant pris garde, que certain ieune homme Chrestien vaquoit souuent à l'Oraison, & iugeant impossible que la Loy, laquelle imprime vne telle affection au seruice d'un Dieu inuisible es cœurs de la ieunesse, n'enseigne le droit chemin de salut; s'en alla bien loin de chez luy trouuer vn de nos Peres, par lequel ayant esté instruit, il fut baptisé, avec vne sienne fille.

Vn renegat auoit adopté pour son fils vn petit garçon Chrestien, lequel le fut vn iour trouuer, & luy dit resolutement, qu'il ne le vouloit plus recognoistre pour son pere. Dequoy le renegat autant estonné que marry, & ne se souuenant pas d'un idole qu'il tenoit chez luy, & que plusieurs alloient adorer, luy

demanda le suiet qu'il auoit de se vouloir retirer. L'enfant luy  
dit franchement, qu'il ne pouuoit viure en la maison où le dia-  
ble estoit adoré. Ces paroles donnerent si auant dans le cœur  
du renegat, que comme s'il se fust éueillé d'un profond som-  
meil, il recogneut sa faute, rompit bras & iambes à son idole,  
fut reconcilié à Dieu par le saint Sacrement de penitence, &  
vescut depuis en bon Chrestien.

185  
Enfant  
hardy.

A Ojano, qui est vne des Isles d'Amacusa, residoit cete annee  
le P. François Boldrin, Religieux de nostre Compagnie, quoy  
qu'il allast & vinst souuent à Fingo, non sans plusieurs incom-  
moditez & dangers. Voicy vn échantillon du fruit qu'il y fit.  
Vn Bonze ayant receu le saint Baptisme, certain ieune  
broüillon en fit reproche à son pere, le menaçant de le deferer  
aux Gouverneurs. Mais depuis ce brauache ayant sceu, comme  
tous les Chrestiens estoient resolu de prendre la cause pour le  
nouveau baptizé, de dépendre tous leurs moyens, voire perdre  
la vie, s'il estoit besoin, il changea de resolution, si bien que ce  
trouble fut estouffé en sa source.

186  
P. François  
Boldrin.

Comme le mesme Pere Boldrin visitoit vne terre proche de  
là, le principal officier du Tono en ayant eu le vent, aduertit le  
Chef des Chrestiens, qu'il se souuinst que le Xogun auoit de-  
fendu que personne ne logeast les Predicateurs de l'Euangile,  
sous peine de mort. A quoy le Chrestien respondit: Je suis prest  
à subir toutes sortes de tourments, voire la mort, plustost que  
mâquer au deuoir & secours que ie suis tenu de rendre aux Pa-  
stours de mon ame. Les Payens ayans ouy cete resoluë respon-  
se, & sceu que le Chrestien ne craignoit exil ny mort pour ce  
suiet, ne fit plus de bruit.

187  
Constance  
des Chre-  
tiens.

Vn ieune enfant de ce quartier là confirma ceste annee plu-  
sieurs personnes en la Foy. Dequoy le Pere s'estonnant, & se  
coniouyssant avec luy de ce qu'il enseignoit si bien la doctrine  
Chrestienne, apprit qu'il portoit ordinairement vne rude corde  
ceinte sur sa chair, pour faire penitence de ses pechez, disoit-il.  
Il rencontra aussi vne femme, laquelle auoit passé plusieurs an-  
nees sans manger de viande, pour satisfaire à vn vœu par elle  
fait à la tres-sainte Vierge, au cas qu'elle peust sortir d'une  
maison où quelques Gentils demeuroient. Ce que Dieu luy  
auoit octroyé. Quoy que le Seigneur de Fingo ne fist point

188  
Vœu à la  
Vierge.



An de 1016

LIVRE XX. DE L'HISTOIRE

LESVS-CHRIST 1624. estat de persecuter les Chrestiens : toute fois vn sien Officier, en son absence, pour complaire au Xogun, en fit emprisonner deux dans le fort de Yassuxiro, sçauoir est, Louys & Marie, mary & femme, & les attaquâ en diuerses façons, à ce qu'ils renonçassent la Foy. Mais ils tenoient ferme, assistez des conseils du P. Boldrin, & attendoient la sentence de mort lors que cecy nous en fut escrit.

*De la residence de Chicugen, &  
diuerses missions.*

CHAPITRE XXVIII.



LES deux Gouverneurs entre lesquels estoit partagé le Royaume de Chicugen, pour se monstrier fideles au Xogun, bannirent de leurs iurisdiccions tous les Chrestiens estrangers, puis commencerent à publier de cruelles Ordonnances contre les naturels du païs: lesquelles pourtant n'en esbranlerent que fort peu, la plus grande partie tint bon en la Foy.

189  
Constance  
des Chre-  
stiens.

Vn des plus apparens entre les Chrestiens, riche en moyens, mais plus en vertu, appellé pour comparoistre deuant les Gouverneurs, & par eux menacé de la mort, ne fit autre responce, que de presenter le col à son espee: tellement que l'Idolatre le fit retirer, l'aduertissant cependant qu'il prist mieux garde à ses affaires, & qu'il le manderait en temps & lieu.

190  
Femme  
tres har-  
die.

En vne autre bourgade, les Gouverneurs renouvelerent les mesmes menaces contre vn autre Chrestien: sur lequel n'ayans rien gaigné, ils le renuoyerent en sa maison, & des Sergens à sa queue, pour prendre sa femme, & enleuer leurs biens comme confisquees. La vertueuse femme consolant son mary, luy dit: Helas! nous ne pouuions au iourd'huy receuoir meilleure nouvelle. Trouuez-vous pas à propos que j'aille aussi deuant les Iuges, pour rendre compte de ma creance? Le mary l'ayant trouué bon, elle prit vn de ses enfans entre ses bras, & s'ache-  
mina

mina vers le Tribunal des Gouverneurs. Mais elle rencontra I E S V S-  
sur le chemin vn Officier venant de leur part, qui la renuoya CHRIST  
en sa maison, disant qu'une autre fois elle seroit ouye. La con- 1624.  
clusion fut qu'on la laissa viure en paix, tant elle comme les au-  
tres, parce qu'on les trouua tres-constants.

Les Gouverneurs trouuerent la mesme promptitude à souffrir & le bannissement & la mort, à Tanaca, où plusieurs Chrestiens ayans esté par eux assaillis, & pas vn vaincu, quelques-uns se bannirent eux-mesmes. Vn de ce nombre, estant passé à vne autre peuplade de Chrestiens, & interrogé par eux pourquoy il auoit quitté son pays; De peur, dit-il, qu'on ne me fist quitter la Foy. Il n'y a que les couiards qui fuyent, craignans les coups, luy dirent les autres. Retournez vous - en chez vous, & s'il est besoin, endurez la mort pour la Foy. Le bon Chrestien n'examinant pas plus auant leur dire, rebroussa chemin, estimant qu'il estoit obligé à le faire ainsi. Vn Bonze, son voisin, le voyant de retour, & pensant qu'il eust changé de croyance, s'en resiouyssoit avec luy. Mais le Chrestien le desabusa promptement, luy disant: Tant s'en faut que j'aye manqué à ma Foy, qu'au contraire ie suis retourné icy pour la sceller de mon sang. Dequoy le Bonze s'indigna tellement, qu'il iura de le perdre. Mais ce ne fut que vent. Car le Gouverneur ayant sceu le tout, commanda qu'on laissast ce Chrestien viure à sa guise.

191

Grand courage de Chrestien.

Le Pere Iulien Nacaura, de nostre Compagnie, qui estant encore seculier fut l'un des quatre Iaponois qui rendirent à Rome l'obeissance au Pape Gregoire XIII. du nom, l'an mil cinq cens quatre-vingts & cinq, auoit charge tant de ce Royaume, comme de ceux de Chicugen & Bungo; & travailloit tellement pour y visiter & consoler les Chrestiens, qu'il fut souuent necessaire qu'on le portast à bras, parce qu'il ne se pouuoit mouuoir, oppressé tantost de faim, tantost d'autres incommoditez des voyages.

192

P. Iulien Nacaura.

Par la mort de Curoda Cainocami, Roy de Chicugen, le Royaume tomba entre les mains de ses enfans; qui fut cause que ses Lieutenans persecuterent les Chrestiens, esperans par ce moyen entretenir leurs ieunes maistres en la grace du



An de 1018

LIVRE XX. DE L'HISTOIRE

IESVS-Xogun. Mais les executeurs de leurs commandemens furent  
CHRIST si discrets, qu'ils ne trauaillerent pas beaucoup les fideles à  
1624. cete occasion.

193

Femme  
tres con-  
stante.

Les Chrestiens d'Aquizuqui se monstrerent fort constants, & particulierement vne Dame mariee à vn Payen, lequel l'ayant en toutes façons tourmentee, pour luy faire quitter la Foy, luy porta cete annee plusieurs tisons ardens iusques dans le sein, la menaçant de pis. Dequoy la constante Dame ne s'effraya iamais, ains prioit tousiours la Maieité diuine de ne l'abandonner pas; se montrant au reste tres-resoluë à mourir pour la Foy.

Fosacana Yeichudono, fils de Nangao Cayuchu gouuernoit cete annee le Royaume de Bugen, mais d'une façon toute contraire à celle de son feu pere; se montrant fort affectionné au Christianisme, & suiuant en cet endroit sa mere nommee Grace, tres-feruente Chrestienne. De laquelle nous auons souuent fait mention cy dessus.

Lia. 13. nō-  
bre 10. &  
ailleurs.

---

*De la residence du Royaume  
de Bungo.*

CHAPITRE XXIX.



VANT que la persecution retardast le cours de la Predication du Sainct Euangile, nos Peres auoient baptizé à Bungo quarante-quatre adulteres, & reduit au giron de la sainte Eglise plusieurs que la pusillanimité en auoit égarez. Quelques-vns de ceux qui auoient renié la Foy furent vexe & possédez par les esprits malings, (Dieu le permettant ainsi) en punition de leurs fautes. Vn cas fortuit ayant reduit en cendre la maison d'un Chrestien, il y fut vn iour pour fouiller dans les ruines, & chercher quelque somme d'argent qu'il auoit dans son coffre, lors que le feu se prit à

la maison. Mais il trouua ce qu'il ne cherchoit pas; c'est à sçauoir, trois Images de Saincts, collees sur autant de petites planches de bois, lesquelles n'auoient esté aucunement gastees du feu. Il trouua aussi quelques chapelets de bois qui estoient benits, & portoient indulgence, & n'auoient point esté bruslees, quoy que les autres qui estoient empaquetees ensemble, & n'estoient pas benits, fussent tout à faits bruslez. Merueille laquelle estant esparse parmy les Chrestiens, les esmeut à porter plus grande reuerence aux saintes Images, & aux chapelets & grains benits.

IESVS-  
CHRIST  
1624.

194  
Images  
preseruees  
du feu.

Le Xogun tint toute cete annee deux de ses Officiers en la ville, pour descouurir & luy faire sçauoir ce qui se passoit es enuiron, tant pour, que contre les Chrestiens. Les Gouverneurs aduertis du soin qu'auoient ces espies, & de peur qu'ils ne les taxassent de lascheté, commencerent à persecuter les Chrestiens de telle façon, que chacun disoit n'auoir iamais ouy parler de plus terrible attaque. Le Pere Iean de la Coste, qui auoit soin de cete Chrestienté, en fut chassé, & contraint de se retirer aux plus esloignees extremitez du Royaume, avec vn Dogique, & vn homme qui les seruoit. Les continuels trauaux qu'il luy falloir souffrir pour le secours des Chrestiens, & les incommoditez, tant de la nourriture, que des retraites champestres, luy causerent vne maladie, de laquelle il pensa mourir.

195  
P. Iean de  
la Coste.

Vn Chrestien nommé Organtin, aagé de soixante & douze ans, ou plus, qui auoit passé cinq fois par les persecutions, & tousiours tenu bon, fut attaqué par le Tono plus violemment que tous les autres, sans iamais monstrier aucun signe d'inconstance, ny de legereté. Dequoy le Tono grandement indigné, luy defendit vn iour de plus se trouuer en sa presence, ny sortir de sa maison, ou prendre aucune nourriture. Le bon Chrestien demeura quatre iours sans boire ny manger. Autant en fit sa femme, estimans tous deux que ce fust vn acte d'obeissance, de tres-grand merite. Mais se trouuans grandement foibles, & pressés de faim, ils eurent recours à vn de nos Peres, pour sçauoir ce qu'ils deuoient faire. La responce fut, qu'ils se traitassent à l'ordinaire sans auoir esgard au commandement du

196  
Organtin  
bon Chre-  
stien.



An de 1020

LIVRE XX. DE L'HISTOIRE

IESVS-CHRIST 1624. Tono, le pouuoir duquel ne s'estendoit pas iusques-là. Je ne sçay si le Tono s'aduila de ce poinct, mais l'original porte; qu'ayant recogneu tant de courage & de vertu en eux, il cessa de les inquieter.

197

Jean Mangosufui.

Vn autre ancien Chrestien nommé Jean Mangosufui, iadis seruiteur de Dom Iuste, duquel nous auons si souuent parlé cy-dessus, fut assailly en diuerfes façons, pour la sainte Foy. Mais il respondit tousiours, que son bon maistre ayant tant souffert pour la Foy, & finalement perdu la vie en exil, pour la confession d'icelle, l'obligeoit à persister en son deuoir. Je suiuray, dit-il, en la mort, voire à trauers le fer & le feu, les traces de ceux que j'ay tant aimez, & honorez en ma vie. Lors que cecy fut escrit au Iapon, les Gouverneurs luy auoient donné sa maison pour prison, avec deffense de parler à personne. Tellement qu'il attendoit de iour en iour la sentence, & puis le coup de la mort. Et nous attendons de ses plus particulieres nouuelles, pour en faire part au public, en la continuation de cete Histoire, si nous viuons.

---

*La mort de Leon Mizaqui Xingemon, & de ses trois fils.*

CHAPITRE XXX.



VRANT vne autre persecution, Leon Mizaqui auoit monstre par quelque acte exterieur qu'il n'estoit plus Chrestien. Mais depuis ayant recogneu sa faute, & en estant indiblement repentant, dès le commencement de celle qui regna cete année, il prit à part son fils aîné, luy declara comme il estoit resolu de mourir plutost que de recheoir en la faute qu'il deplorait. Que si vous desirez passer ailleurs vostre ieunesse, luy dit-il, pour ne viure tousiours parmy ces alarmes, ie vous donneray moyen de vous retirer. Le fils choisit sur l'heure le party que Leon luy presentoit: Ce que le pere ayant oüy, appella trois autres de ses en-

198

Leon Mizaqui marcy.

fans, & leur demanda s'ils vouloient point aussi se retirer avec leur aîné. Ces trois qui se nommoient, André, Thomas & Iean, respondirent qu'ils ne vouloient pas quitter la maison paternelle. Nous demeurerons avec vous, dirent-ils, quand bien nous deurions perdre la vie : Nous la desirons employer pour la Foy.

IESVS-  
CHRIST  
1624.

Les Officiers du Tono, aduertis que l'aîné de la maison ne paroïssoit plus, & craignants que Leon s'enfuit aussi, le voulurent preuenir, & retindrent Iean qui estoit le plus ieune de tous pour ostage. Leon courut aussi-tost à la maison du plus apparent des Officiers, & luy dit, comme les années precedentes il auoit à l'exterieur manqué à son deuoir ; mais à ce coup il estoit resolu de mourir : N'ayez-pas peur que ie m'absente, leur dit-il. Le Iuge picqué de cete liberté, tant s'en faut qu'il eslargit Iean, qu'au contraire il enuoya prendre son frere Thomas pour luy tenir compagnie.

199

Ses enfant  
faits prison-  
niers.

Depuis le Tono mesme enuoya vn Commissaire exprés pour interroger Leon, sur l'absence de son fils aîné ; & voulut mesmes entendre André qui estoit encores en liberté. Le pere se porta fort courageusement en cete occasion : Mais André chancela. Tellement que le Iuge l'enuoya à certain Temple des Idoles, pour donner plus ample preuue qu'il eust quitté la foy. Le pauvre ieune homme y alla : mais parce que le Bonze ne fut content du signe qu'il auoit donné, le Iuge le condamna à donner caution de ce changement de volonté. Neantmoins incontinent apres il ouurit les yeux, recogneut sa faute, & apres auoir demandé pardon à Dieu, s'alla de son plein gré rendre prisonnier avec son pere & ses freres. Les voila donc examinez par les Officiers de la Iustice ; & parce qu'ils confesserent hardiment la foy, ils furent diuersement tourmentez. Premièrement par vne grande quantité d'eau qu'ils leur firent aualler : depuis on leur gehenna le gras des jambes entre certaines cannes plus grosses que les nostres, pressant extremement, & froissant la chair, d'où ruisseloit du sang en abondance. Ils endurerent tous ces tourmens, pour ne vouloir quitter la foy, ny dire où estoit allé leur frere.

200

Eau auallée  
sans  
soif.

Les Iuges voyants que leurs tourmens n'esbranloient aucu-



IESVS- nement la constance de ces bons Chrestiens en aduertirent le  
CHRIST pere du Tono, lequel apres diuerſes consultations tenuës avec  
1624. son ſils, fut d'aduſ qu'on communiquaſt le tout aux deux

nomb. 194.

Agens du Xogun, deſquels nous auons parlé ci-deſſus, & que leur iugement ſeruſt de ſentence definitiue. Ces barbares ennemis iurez de noſtre ſaincte Foy, reſpondirent qu'il les falloir tous executer, comme cete ſentence fut prononcée à Leon, il en monſtra toutes ſortes de contentement. On lui dit qu'apres ſon decez ſon aiſné ſeroit rapellé, & grandement honoré. Leon ayant remercié celui qui lui portoit cete nouuelle, declara ce qu'il auoit celé iuſques à cete-heure-là, ſçauoir eſt qu'il auoit fait eſloigner ſon ſils, de peur qu'il ne fuſt en danger de perdre la foy Chreſtienne : aſſeurant qu'il ne retourneroit pas durant ces troubles, quoy qu'on le rapellaſt. Je me repens grandement, adiouſta-il, de la faute que ie commis pour complaire au Tono : Je fus trop laſche, quoi que ie conſeruaffe touſiours la foi en mon ame. Mais ie me veois ſur le point, où i'eſpere de lauer ma faute avec mon ſang. Ce qu'ayant dit, il ſortit de ſa maiſon avec ſes trois enfans, pour ſ'acheminer au lieu deſigné pour leur mort. D'auiſ loin qu'il l'apperceut, il quitta ſouliers & bas, pour la reuerence qu'il portoit au lieu où les hommes pecheurs deuenoient martyrs ; ainſi parloit-il.

Quand ils y furent arriuez, ce braue pere, commença à exhorter grauement ſes trois enfans à meſpriſer la terre : voire la vie qu'vne malaladie fait finir. Souuenez-vous, leur dit-il, que nous ne ſommes tous que terre, & que tout a eſté créé pour le ſalut de nos ames : Offres-lez à Dieu ; Il entroit dans vn tres-beau diſcours, comme arriua l'vn des enfans du Tono, à la veuë duquel les executeurs leur impoſerent ſilence, tellement qu'ils ne dirent plus mot.

Ce petit Prince auſſi cruel que ſon pere eſtoit accouru à cete ſanglante execution, pour eſſaier le ſil des cimenterres qu'on portoit apres luy : qui fut cauſe que les bourreaux ſ'accommodans à ſon humeur barbareſque, ne voulurent faire mourir ces martyrs à la mode ordinaire leur enleuant la teſte au deſſus des eſpaules, ains en vne façon du tout barbare, & inouië ; Sçauoir eſt, aſſenant le coup entre l'eſpaule droite & le col, & ſen-

201

Belle con-  
ſolation.

202

Nouveau  
ſupplice.

dant le corps, tellement que le cimetre sortoit sous le bras gauche, la teste & l'épaule d'un costé, & le reste du corps de l'autre.

Pour donner plus de passetemps à ce ieune Tigre, les bourreaux lierent la main droite de chaque patient à un posteau, & massacrerent en cete façon, premierement Leon, puis ses trois enfans, faisans veoir par experience oculaire à ce barbare que le trenchant de ses cimeteres tailloit d'un coup la chair & les os, & les diuisoit en deux. Leon estoit âgé de soixante ans: André de vingt-cinq: Thomas de vingt-trois: Iean de vingt seulement; Tous natifs d'un lieu nommé Togi, au Royaume de Bungo. Ils triompherent de la mort le vingt-huitième iour de May, l'an mil six cens vingt-quatre, par le commandement d'Inaba Firocodono, Seigneur d'Usuqui, capitale du Royaume de Bungo. Voilà le sommaire des lettres annuelles que le Pere Iean Ruys Giron escriuit de Macao, le vingt-huitième iour de Mars, mil six cens vingt-cinq: Avec lequel ie finis la seconde Decade de mon Histoire Iaponoise, ce sixième de Iuin, mil six cens vingt-huit, à la gloire de Dieu, qui m'a donné, & à la louange de la Royne des Vierges, & à l'honneur des Saints Ignace, & François Xavier, qui m'ont obtenu la grace & les forces de la conduire à ce point, le 70. de mon âge.

Le bon Pere ayant trauaillé pour la gloire de tant de Martyrs est allé veoir leur triomphe dans le Ciel, leurs prieres ne luy auront pas peu aidé à y paruenir. Quant aux viuans, ils luy ont cete obligation de voir clair maintenant dans l'Histoire du Iapon, qui estoit si fort embrouillée auât qu'il y eust mis la main qu'on n'y connoissoit aucun ordre, la peine qu'il a prise pour le public merite que la posterité qui iouïra de ses trauaux, en conserue & honore la memoire eternellement.





T A B L E

# DES MATIERES ET

## HISTOIRES PLUS REMARQUABLES

contenuës en ce second volume.

*Le premier chiffre marque le liure: le second renuoye aux nombres  
cortez en marge, & continuës d'un bout à l'au-  
tre de chaque liure.*



A

- A**bstinence de douze ans, liure 17. nombre 78.
- Acaxicamon & sa valeur, liu. 13. nomb. 82.
- Action de graces pour le martyre obtenu, liu. 19. nomb. 75.
- Adā Aracaua vieillard tres-vertueux, liu. 19. nomb. 108.
- Adulteres conuertis d'une façon nouvelle liu. 16. nomb. 104.
- Adultere puny, liu. 13. nomb. 145. liure 17. nom. 157. liu. 19. nomb. 90.
- Aduis prudent, liu. 15. nomb. 157.
- Agnes crucifiée, liur. 14. nomb. 112. Vne autre martyre, liu. 18. nomb. 95. Vne autre veufue de Simon martyr se resoud à quitter le monde, liure 14. nomb. 95.
- Agnus Dei & leur vertu, liu. 16. nomb. 46. contre les demons, liu. 17. 162. liu. 19. nom. 212.
- Alleluya de Pasques celebré, liure 14. nomb. 63.
- P. Alexandre Valignan, liu. 11. nomb. 115. meurt, liu. 16. nomb. 10.
- Alexis & Dominique decapitez, liure 20. nomb. 51.
- Algosins bourreaux au Iapon, liu. 14. nom. 109.
- Alliances entre les Gouverneurs du Iapon, tracées par le Tayco, l. 12. n. 14.
- Alphonse Gonzalez meurt Recteur de Nangazaqui, liu. 13. nomb. 46.
- Alphonse de Castro prisonnier, liu. 19. nomb. 107. ses lettres, 109.
- Amende payée par Canzegudono, liu. 14. nomb. 17.
- Amanguci & la residence des Peres, liu. 12. nomb. 92. ce qu'ils y souffrirent, liu. 13. nomb. 38. comme ils en sortirent, liu. 14. nomb. 33. & liu. 15. nomb. 137.
- Ambassadeurs de la Chine, arriuent au Iapon, liu. 11. nomb. 17. l'un s'enfuit, n. 20. est puny à la Chine, n. 12. l'autre descrit, l. 11. n. 48. congedié, n. 59.

T T t t t



# T A B L E

- Ambassadeur des Philippines, & sa commission,** liu. 12. nomb. 12. inconstance d'un autre, liu. 19. nomb. 61.
- Autre Ambassadeur renuoyé,** liu. 10. nomb. 116. & suivants.
- Ambroise Fernandez meurt en prison au Japon,** liu. 18. nomb. 45. Ses vertus, nomb. 49.
- Ames immortelles,** liu. 14. nomb. 70.
- Vne ame damnée retourne,** liu. 15. nomb. 92. Item d'un Soldat Chrestien, liu. 15. nomb. 10. Vne autre ame d'un trespassé, parle par la bouche d'une fille, liu. 17. nomb. 24.
- Amy bon pour le monde,** liu. 14. nomb. 89. & 91. Vn autre fidele, li. 16. nomb. 49. & 74.
- Amitié d'un Payen louable, & ardente,** liu. 14. nomb. 116.
- André Capitaine Portugais,** liure 16. nomb. 144.
- P. André Ouiedo, premier Euesque du Japon,** liu. 11. nomb. 1.
- André Ongasauara, & ses faicts,** liu. 11. nomb. 150.
- André Murayama martyr,** liu. 18. nomb. 26. Autre André martyr à Firandō, liu. 19. nomb. 207.
- Anglois Heretique habitué au Japon,** li. 15. nomb. 78.
- P. Antoine Cordero Portugais, meurt,** li. 17. n. 14.
- P. Antoine Critana meurt,** li. 17. n. 120.
- Antoine Quimura martyr au Japon,** liu. 17. nomb. 33.
- Antoine Kiuni martyr,** liu. 19. n. 143.
- Antoine Sanga martyr,** liu. 19. n. 153.
- Apparition d'une Croix,** liu. 18. nomb. 104. d'un enfant mort, liu. 15. n. 155.
- Des Saints,** liu. 16. nomb. 13.
- Apparition de la Mere de Dieu nostre Dame,** li. 13. n. 118.
- P. Apollinaire le Blanc martyr,** liu. 19. n. 165.
- Apostats de la Foy convertis,** liu. 17. nomb. 179. Vn promptement puny de Dieu, li. 18. n. 73. Vn autre hay de tous, au mesme liure, nomb. 37.
- Autres conuertis,** li. 20. n. 14.
- Apologie Iaponoise,** li. 19. n. 231. pour les Europeens, li. 20. n. 52.
- Apoplexie extraordinaire,** li. 17. n. 14.
- Apotheose du Tayco,** li. 12. n. 95.
- Arbre d'enorme grosseur,** liu. 15. nōb. 73.
- Arc en ciel redoublé d'une merueilleuse façon,** li. 18. n. 143.
- Architecte bon Chrestien,** liu. 15. nōb. 29. Vn autre fort constant, liu. 17. nomb. 128.
- Argument bien retorqué,** liu. 15. nomb. 173.
- Arimandono neutre,** liu. 13. n. 24.
- Marche contre les Portugais,** liure 16. n. 145.
- Est transporté de son ancien domaine,** li. 17. n. 110.
- Arima en paix, l'an 1620.** li. 18. nomb. 123. priée de nos Peres, li. 17. nomb. 73.
- Armées de Dayfusama, & des liguez, à la veüe l'une de l'autre,** liu. 13. nomb. 20.
- Arrest du Tayco contre les Peres Deschaux de l'Ordre Saint François,** li. 11. n. 162.
- Arriuée du Pere Hierosime des Anges, annoncée par un Ange,** liu. 18. nōb. 179.
- Articles iurez par les Chrestiens,** li. 17. nomb. 116.
- Articles proposez par Canzagedono, & respondus,** li. 13. n. 96.
- Artisans tres-constants en la Foy,** li. 19. n. 12. Autre, n. 255.
- Affiegés dans Fuximi, tres-miserables,** li. 13. n. 16.
- Asonodario chez des Lieutenans apres**

## DES MATIERES.

- le decez du Tayco, liure 12. nomb. 39.
- A**ssaut contre les Chrestiens, l'an 1603. l. 14. n. 44.
- Auarice des Bonzes, taxée par les Payens mesmes, l. 14. n. 19.
- Aueugle prefect d'une Congregation au Japon, l. 18. n. 75.
- Augustin Admiral des mers du Japon, visite l'Empereur, liu. 11. n. 11. est disgracié, liu. 11. nomb. 55. Regretté, n. 61. Gagne la victoire contre les Coraites, liu. 12. nomb. 11. Ses loüanges, l. 13. n. 60. Ses vertus, n. 61. & suiuaits. Sa mort, n. 69.
- Augustin Ota martyr, liu. 19. n. 188. & suiuaits.
- Aumosnes de rys, faictes à l'Euesque du Japon, l. 12. n. 66.
- Autels, tombeaux des Martyrs, liu. 14. n. 103.
- B**
- B**Al à l'honneur des Fotoques, l. 18. n. 97.
- Baltazar Receueur de Bugen martyr, l. 18. n. 54.
- Bannis pour la Foy, se retirent à Nan-gazaqui, liu. 17. nomb. 92. & liu. 18. n. 151. l. 20. n. 132.
- Baptisme mal pris, liu. 17. nombre 177.
- Baptisme chasse les Diables, liure 18. nomb. 177.
- Baptisez en grand nombre, liu. 15. n. 41.
- Barbarie & malice des Payens contre les Martyrs, l. 19. n. 127.
- Barques des Iezoïs, se coulent & decoulent, l. 19. n. 87.
- Barthelemy Redon meurt au Japon, l. 15. n. 5.
- Beatification de S. Ignace, l. 17. no. 16.
- Beatrix & ses enfans martyrs, liu. 20. n. 150.
- Pere Benoist Fernandez en habit de Medecin, liure 18. nomb. 168. & suiuaits.
- Benoist martyr, & ses compagnons, l. 17. n. 102.
- Biens mesprifez pour la Foy Chrestienne, liu. 14. n. 8.
- Boistes du Pere des Anges, liure 20. n. 17.
- Bon exemple, & sa vertu, liu. 17. n. 77. Voyez exemple, &c.
- Bonze cruel, l. 18. n. 105. Sa conuersion, n. 106.
- Bonzes d'humeur cruelle & barbare, l. 14. n. 62.
- Bonze confus, liu. 17. n. 32. effronté, n. 33.
- Autre Bonze confondu, non conuert, liure 14. nombre 27. Autre conuert par vn sien nepueu, liure 18. nombre 162.
- Bonze bien conuert, liu. 16. nombre 38. presche ses paroissiens, nomb. 39.
- Bonzes diuersement abbatus, liure 16. nomb. 53. Et vn insigne imposteur, nomb. 57. & suiuaits. Autres Bonzes deprehendez imposteurs, liu. 15. nomb. 84.
- Bonze puny, liure 17. nomb. 39. autre vilipendé pour son ignorance, li. 15. nomb. 63. & liure 19. nombre 209.
- Bonzes dextrement trompez pour leurs funerailles, liure 15. nombre 133.
- Bonzes rebutés de la Cour Imperiale, liu. 14. nom. 47.
- Bonzes trouués méteurs en leurs predictions, liu. 13. n. 84.
- Bourreaux refusent de faire mourir les Chrestiens, l. 18. n. 39.



## TALBE

Breuage de cendres superſticeux, liu. 16. nomb. 101.

Breuiere de Saint Xaue, avec lequel on fait miracle, liu. 11. nomb. 78.

Brocards contre les Bonzes, liure 16. nomb. 126.

Bugioni Officiers au Iapon, li. 15. nomb. 147.

Bugédono prend la deſſence de noſtre Compagnie, li. 14. nomb. 34. & 35.

Buppo liure des Sectes du Iapon, liure 16. nomb. 43.

### C

**C** Ainocami Roy de Bugen, ſe rue ſur les terres de Bungo, liu. 13. nomb. 21. & 22. la part qui luy eſcheut en la diſtribution du Iapon, liure 13. nomb. 81. comme il fauoriſoit la Foy Chreſtienne, liu. 15. nombre 40.

Caliſte Cambo des Iſles de Goto, & martyr, liu. 20. nomb. 264. & ſuiuants.

Calomnies contre les Peres Ieſuiſtes, liu. 12. nomb. 121. Autre controuuée par les Bonzes, liu. 14. nombre 120.

Calomnie contre les Chreſtiens decouuerte, liu. 15. nomb. 111. Autre liu. 17. nomb. 89. Autre, li. 18. nomb. 164. & 167. Autre, la peine de laquelle tomba ſur le calomniateur. liu. 16. nomb. 36. & 110.

Calomniateurs punis, liu. 14. nomb. 49.

Calomniateur repentant, liu. 18. nomb. 15.

Calomnie lauée, liu. 19. nomb. 154.

Camamura, ville ancienne, demeure des Empereurs du Iapon, liu. 16. 52.

Cambaco, c'eſt à dire Dictateur, liu.

11. nomb. 25. ce fut le fils du Tayco. Là meſme.

Cambo & ſa ſignification, li. 19. nomb. 190. & liu. 20. n. 64.

Cami pouilleux, & ſes deuots, liu. 15. nomb. 36.

P. Camille Conſtance, martyr, liu. 19. nomb. 178. & ſuiuants.

Camongacaua torrent à Meaco, liu. 18. nomb. 81.

Cangecaſu trouble le Iapon, liure 13. nomb. 1.

Cano conſtant iuſques à la fin, liu. 16. nomb. 75.

Canzagedono Roy de Fingo, liure 14. nomb. Ses Edicts, nomb. 2. Meurt, liu. 17. nomb. 8.

Caquinoqui arbre, liu. 17. nomb. 41.

P. Carauaille fait priſonnier, liu. 20. nomb. 49. & 63. 71. & ſuiuants.

Careſme bien obſerué, liure 15. nombre 57.

Caſtillans vantars, liu. 15. nomb. 80. Voyez Eſpagnols. Chafſez du Iapon, liu. 15. nomb. 81.

Catalogue des Martyrs, liu. 19. nomb. 132.

Catarres incogneus au Iapon, liu. 18. nomb. 157.

Catherine Dame tres-vertueuſe, liure 20. n. 110. Vne autre, n. 156.

Catechiſme du Concile de Trente, imprimé au Iapon, liu. 11. nomb. 66.

Cauarro Demon preſidant aux riuieres, liu. 16. nomb. 107.

Cemitiere nouveau à Nangazaqui, liu. 13. nomb. 111. ruiné, liu. 20. nomb. 122.

Cendre cheoit au Iapon en forme de neige, liu. 11. nomb. 29.

Ceremonies Chreſtiennes, en honneur, liu. 17. nomb. 25.

Ceremonies des Bonzes vaines, liu. 16. nomb. 15.

## DES MATIERES.

- Chair refusée en Carême, li. 13. nomb. 116.
- Chappellets respectez par les Payens, liu. 15. nomb. 38. leur vertu, liure 16. nomb. 65. portés au col, liu. 20. nomb. 107.
- Vendus, liu. 20. nomb. 123.
- Charité des Chrestiens, pour deliurer les prisonniers de nostre Compagnie, li. 11. nomb. 106.
- Charité du Pere Prouincial de nostre Compagnie, liu. 12. nomb. 30.
- Charité de nos Peres, enuers les refugiez, liu. 12. nomb. 83.
- Charité vrayement Chrestienne, liure 18. nomb. 61.
- Charité à dextre, liure 19. nomb. 16.
- Charité des Freres de la Misericorde, liu. 16. nomb. 138.
- Charité enuers les pauvres, liu. 13. nomb. 132. & liu. 14. nomb. 51.
- Charité naturelle bien recompensée, liu. 15. nomb. 67.
- Charité des Chrestiens Iaponois enuers nos Peres, liu. 16. nomb. 130.
- P. Charles Spinola prins, liu. 17. nomb. 173. Son martyre, liu. 19. nomb. 100. Sa constance, nomb. 103. Son deceds, n. 128. & 133. & suiuaunts.
- Chats & rats avec leurs demons, liure 16. nomb. 76.
- Chasteté bien aymée & gardée, liu. 15. nomb. 189. & liu. 16. nomb. 31. bien deffenduë, liu. 17. nomb. 103. & suiuaunts. Item, liu. 19. nomb. 54.
- Chef des Martyrs, & leur sentence, liu. 19. nomb. 77.
- Chefs des Martyrs rescruetz, liu. 20. nomb. 70.
- Chemin tres-penible, liure 19. nomb. 50.
- Cholere & ses effects, liure 16. nomb. 118.
- Chrestiens bannis, liu. 15. nomb. 18. bruslez, liu. 20. nomb. 40.
- Chrestiens de communion, liu. 15. nomb. 90.
- Chrestiens emprisonnez, liu. 18. nomb. 7.
- Chrestiens Firandois resolu en la Foy, liu. 12. nomb. 79. & liu. 18. nomb. 117. tres-hardis, liu. 20. nomb. 24.
- Chrestiens louez par les Payens, liu. 16. nomb. 117.
- Chrestiens d'Ozaca & Meaco, prests à mourir, liu. 11. nomb. 140.
- Chrestien mal-viuant plus asseuré que le Payen bien faisant, liu. 15. nomb. 172.
- P. Christoffe Ferrier, trauaille au Japon, liure 18. nomb. 126.
- Cilice pris par vn martyr, liu. 19. nomb. 234.
- Cinq Martyrs en Arima, liu. 17. nomb. 83.
- Cinq nouueaux ouuriers arriuent au Japon, liu. 19. nomb. 3.
- Circoncision & la Feste, liu. 19. nombre 111.
- Classe au College d'Arima, liure 15. nomb. 8.
- Clement & ses enfans martyriziez, liu. 17. nomb. 104.
- Clergé au Japon, liu. 11. nomb. 110.
- Cloche nouuellement sonnante au Japon, liu. 16. nomb. 108.
- P. Cobos Ambassadeur du Gouverneur de Manille, liu. 11. nomb. 116.
- Combat naual au Japon, contre les Portugais, liu. 16. nomb. 151.
- Coadiuteur formé spirituel, liu. 9. nomb. 152.
- Codzuque Royaume descouuert, liure 18. nomb. 172.
- Colleges dissous au Japon, liu. 12. nomb. 20.
- Comete horrible sur la ville de Meaco, liu. 11. nomb. 31.
- Commerce deffendu aux Chrestiens,



# T A B L E

- liure 20. nomb. 114.  
 Commissaire contre les Chrestiens pu-  
 ny, li. 17. n. 97.  
 Concubine de Sataquendono conuer-  
 tie à la foy, liu. 18. nomb. 109. & 184.  
 Confession Sacramentale, & sa vertu,  
 liu. 13. nomb. 144. extorquée salutai-  
 rement, liu. 15. nomb. 12. désirée  
 avec passion, liu. 16. nomb. 113. ob-  
 tenue comme par miracle, nombre  
 114.  
 Confession generale, & sa vertu, liu.  
 14. n. 64. Vtile au corps & à l'ame,  
 li. 11. n. 111.  
 Confession des criminels ordonnée,  
 liu. 12. nomb. 130. pour l'auriculaire,  
 n. 133.  
 Confirmation Sacrement, & sa force,  
 li. 19. n. 215.  
 Confiscation des biens de trois Gisa-  
 ques, li. 15. n. 127.  
 Confrerie du Tres-Sainct Sacrement,  
 li. 17. n. 11. De Sainct Ignace, li. 19. n.  
 105. & 162. li. 20. n. 147. De la mise-  
 ricorde, li. 19. n. 245.  
 Confreres de nostre Dame, li. 19. n. 70.  
 Congregation de nostre Dame, li. 14. n.  
 33. autre congregation petite, li. 15.  
 n. 9. & li. 11. n. 69.  
 Compagnie de Sainct Michel, li. 17. n.  
 12.  
 Compassion des bourreaux, qui mas-  
 sacrerent les Martyrs, li. 16. n. 88.  
 Compassion de Mondodono, liu. 16.  
 n. 120.  
 Conseil mauuais donné aux Chrestiens,  
 li. 14. n. 3.  
 Conseils peruers de Saisioye, liu. 17. n.  
 81.  
 Consolation pour les Martyrs, li. 11. n.  
 149.  
 Constance des Chrestiens, liu. 11. n. 143.  
 li. 12. n. 1. li. 13. n. 56. li. 14. n. 45. li. 17. n. 36.  
 & 37.  
 Constance en la Foy d'une femme ma-  
 riée, li. 11. n. 85. De deux autres fem-  
 mes, li. 14. n. 101. D'un mary & d'un  
 ne femme, li. 14. n. 25.  
 Constance d'un bon Chrestien, li. 16. n.  
 30. De Paul Ficozagemon, li. 15. n.  
 121. Des Confreres de Nangazaqui,  
 li. 19. n. 14.  
 Constance incomparable, li. 17. n. 169. &  
 175. Inuincible, li. 19. n. 67. & 108. &  
 216. & 256. admirable, li. 20. n. 23. 187.  
 189.  
 Constantin jadis Roy de Bungo, & ses  
 superstitions, li. 13. n. 90. & suivants.  
 Sa conuersion, li. 15. n. 174. Meurt, à  
 Nangazaqui, n. 175.  
 Constantin fils de Gnenifoin, & son  
 courage, li. 11. n. 147.  
 Conuquedono Protecteur des Chre-  
 tiens, li. 15. n. 58.  
 Contrition comme suffit à Salut, liu. 13.  
 n. 139.  
 Conuersion acheminée comme par  
 jeu, li. 11. n. 97.  
 Conuersion admirable d'une Damoi-  
 selle, li. 12. n. 22. Autre, li. 15. n. 55.  
 Autre, li. 17. n. 159. Autre, liu. 19.  
 n. 46. D'un Payen, li. 11. n. 84. D'un  
 ne Dame, liu. 13. nomb. 121. d'Ixica-  
 ua, liu. 14. n. 115.  
 Conuersion miraculeuse, liu. 11. n. 64.  
 & 65. liu. 17. n. 178. li. 19. n. 172. Au-  
 tre, n. 125. Autre, 221. Autre, 246.  
 Autre, n. 252. & 258.  
 Conzuque, contrée nouvellement  
 decouverte, li. 16. n. 55.  
 Coquinotzu persecuté, li. 17. n. 123. &  
 126.  
 Coraites indignes de pardon, liure 11.  
 nomb. 51. Se trouuent en danger,  
 n. 56. La guerre recommencée con-  
 tre eux, n. 58.  
 Corps d'un mort veu priant, liu. 11.  
 nomb. 140.

## DES MATIERES.

Corps des Martyrs bruslez, liu. 19.  
n. 31.

Corps des quatre crucifiez conseruez,  
liu. 15. nomb. 116.

Corps de Pierre Cacufuque martyr,  
trouué entier, liu. 19. nomb. 55.

Corps du P. Pierre de Zugniga mar-  
tyr, porté en Espagne, liu. 19. n. 104.

Cosme Tagaxima martyr, liu. 19. n.  
177.

Cofondes vestemens donnés aux Chi-  
ninois par le Tayco, liu. 11. nomb.

51.

Cofura Chef de Bugen, liu. 15. nomb.

47.

Couleurs principales, quatre, liure 15.  
n. 115.

Coupebourfes en proye au Japon,  
liu. 15. nomb. 65.

Courage Chrestien, liu. 18. nomb. 180.  
liu. 19. nomb. 169. l. 20. nomb. 191.

Coutelas donné à l'Euesque, & pour-  
quoy, liu. 14. nomb. 118.

Croix desquelles les Japonois se ser-  
uent es suplices, liu. 11. nomb. 188.

leur façon de crucifier, nomb. 189.

Croix pour poteaux, liu. 18. n. 78.

Croix qui parut en l'air l'an 1626. liure  
17. nomb. 156. Autre trouuée à Co-  
ri, au mesme liure, nomb. 42.

Les miracles qu'elle opera. nomb. 43. &

44. Autres Croix veuës à Iateuxiro

en diuerfes façons, liu. 12. nomb. 97.

Item, liu. 16. n. 91.

Croix obscure paroist, liu. 19. n. 154.

Croix de pierre à trois faces, liure 12.

nomb. 113.

Croix en vſage parmy les Iezoïs, liu. 19.

nomb. 83.

Croix console les Martyrs, liure 19.

nomb. 73.

Criminel deliuré par vn de nos Peres,

liu. 15. n. 45. & 188.

Cruauté horrible d'un pere tuant son

ſils, liu. 13. n. 115. Autre, liu. 16. nomb. 29.

le Cubo careſſe nos Peres, liu. 15. n.

4. leur donne vne bonne aumofne,

nomb. 7. Se declare contre Fi-

doyori, liu. 15. nomb. 68. S'irrite

contre les Eſpagnols, n. 79. Reuoit

Meaco, liu. 17. n. 1.

Cunamone Camidu Japon, liu. 16.

n. 116.

Curioſité grieuement punie, liu. 12.

n. 126. & liu. 19. n. 41.

### D

**D**Aigan Secte au Japon, liu. 19. n.  
253.

Dame poſſedée par Satan, ridicule-  
ment traictée par les Bonzes, liu. 11.

nomb. 61. & ſuiu.

Dame ſage & riche conuertie à la Foy,  
liu. 15. n. 161. & 162. Autre tres-ver-

tueuſe, & zelée. liu. 15. n. 61.

Dame dextreiment baptizée, liu. 18. nomb.

171.

Voyez femme.

Damian aueugle & ſes travaux, liu. 15.

nomb. 145. Eſt cité, no. 148. Eſton-

ne les Payens, n. 149. prie, & meurt,

nomb. 151. Vn autre Damian mar-

tyr, liu. 19. n. 191.

Damian Dogique, liu. 19. n. 36.

Damoifelle Chreſtienne fort retirée,

liu. 14. n. 67.

Dana Royaume, où Conſtantin Roy

de Bungo fut banny, liu. 19. n. 93.

Des Chreſtiens y habitans, liu. 17.

nomb. 171. Voyez Deua.

Daybut Temple, tombe par terre,

liu. 11. n. 35. Deſcrit au long, liu. 13.

n. 42. & 43.

Dayfulama accuſé, liu. 12. n. 68. Se ſaiſit:

d Ozaca, nomb. 71.

Dayfulama diſſimulé avec les Chre-

ſtiens du comencement, liu. 12. nomb.



# TABLE

- bre 76. Les veoid volontiers, nombre 104.
- Dayfusama & son armée, liure 13. nombre 3. Sa diligence, nombre 27. Bataille gagnée, nombre 28. Sa grandeur, nombre 33. Regne seul, nombre 77. caresse nos Peres, nombre 78. change de nom, liu. 14. nombre 40. Visite le Prince Fideyori, nombre 41. Entre en colere, liure 15. nombre 136.
- Dedicace d'Eglise à Nangazaqui, liu. 13. nombre 113.
- Dedicace du Daybut, liure 17. nombre 129. Voyez Daybut.
- Delateurs guerdonnez, liure 20. nombre 27.
- Denis Fugexima martyr, liu. 19. nombre 241.
- Desesperé remis en son bon sens, liure 16. nombre 103.
- Denis Fugexima martyr, liu. 10. nombre 116.
- Desir de souffrir pour Dieu, liure 18. nombre 9. du Martyre, liu. 19. nombre 150. 226.
- Desfaictes de Dayfusama, liu. 13. nombre 5.
- Despence vaine, liure 11. nombre 18.
- Deua contient deux prouinces, liu. 18. nombre 107. visitées, nombre 108. Voyez Dava.
- Deuotion des habitans de Nangazaqui, liure 16. nombre 137.
- Deuotion au nom de I E S V S, liure 13. nombre 49. Voyez I E S V S.
- Deuotion aux Saints Sacrements, liu. 18. nombre 155. A la confession, liu. 10. nombre 123.
- Deuotion enuers nostre Dame, liu. 11. nombre 73.
- Deuotion Chrestienne, liure 13. nombre 122. liu. 19. nombre 116. d'une fille. 313.
- Deuotion à la Sainte Communion, liure 13. nombre 147.
- Deuotion à la passion de nostre Seigneur, liu. 12. nombre 129.
- Deuotion digne d'un martyr, liu. 20. nombre 182.
- Deux Peres Deschaux, arriuent au Japon, liu. 12. nombre 27.
- Deux cens mille combattans, liure 12. nombre 69.
- Deux lasches Chrestiens, liu. 19. nombre 129.
- Deux Princes freres, miserablement massacrez, liu. 117. nombre 84.
- Diable: Voyez Esprit malin.
- Dieu appelé Tento en Iaponois, liure 11. nombre 39. Ne sauue tous les hommes, liu. 19. nombre 229.
- Didaque Valens, Euesque du Japon, liure 18. nombre 2.
- Dilemme joly, à la confusion d'un Bonze, liure 14. nombre 71.
- Difette de viures, & ses incommoditez, liu. 14. nombre 57.
- Discretion louable, liure 14. nombre 32.
- Disciplines d'un Martyr, liu. 19. nombre 203. 210.
- Discours fort pregnant, liu. 17. nombre 157.
- Discours humain pour monter à la connoissance de Dieu, liu. 15. nombre 113.
- Dispute avec un Bonze & son second, liu. 16. nombre 42. tous deux confondus, nombre 44.
- Dissimulateur puny, liu. 14. nombre 30.
- Diurce à cause de la Religion, liu. 16. nombre 92.
- Docteur du Coray flatteur & vanteur, liu. 15. nombre 83.
- petits Doigts coupez par les vassaux és obseques des Grands, liu. 12. nob. 114.

## DES MATIERES.

Doigt mis au feu pour la Foy, l. 20. no. 134.  
 Dominique hôte du Pere Spinola, liu. 18. nomb. 19. & 24.  
 P. Dominique du S. Esprit martyr, liu. 19. nomb. 164.  
 Dons de Saint François Xavier, liu. 15. nomb. 96.  
 Dons enuoyez au Tayco, par le Roy de la Chine, liu. 11. nomb. 49.  
 Douze Chrestiens decapitez, liu. 19. nomb. 102.  
 Doreur martyrizé, liu. 17. nomb. 143.  
  
**E**  
 Eauë auallée pour torment, liu. 20. nomb. 200.  
 Edict nouveau du Tayco, contre nos Peres, l. 12. nomb. 13.  
 Edict du Cubo, liu. 15. nomb. 185. & li. 16. nomb. 6. Autre, liu. 17. n. 90. liu. 20. nomb. 91.  
 Edict du Xogun, liu. 17. nomb. 139. Du Gouverneur de Meaco, liu. 18. nomb. 68.  
 Edict de mort contre les Chrestiens, liu. 19. nomb. 93. & 96.  
 Eauë beniste fait merueilles, liu. 11. n. 70. liu. 14. nomb. 59. liu. 15. n. 97. l. 17. n. 29.  
 Eglises & maisons de nostre compagnie restablies au Japon, liu. 12. nomb. 62. cent trente & sept, ruinées, li. 12. n. 24. Item, autres ruinées, l. 15. n. 19. Eglise neufue à Mino, liu. 12. n. 93. Bastie de nouveau à Meaco, l. 12. nomb. 117. & liu. 15. nomb. 76.  
 Elemens, liure 15. nomb. 114.  
 Elizabeth Royne d'Angleterre deliure le Pere Spinola, l. 19. n. 134.  
 Eloquence, & sa force, liu. 13. nomb. 84.  
 Emanuel Baret, meurt au Japon, liu. 18. nomb. 115.

Embrassement horrible, l. 13. n. 114.  
 Empereur du Japon mal informé, l. 17. n. 115. & l. 19. n. 1.  
 Energumene interrogée, liu. 19. n. 247.  
 Enfans desirans le martyre, liure 11. n. 154. l. 15. n. 129. l. 16. nomb. 87.  
 Enfant constant en la Foy, contre les ruses de son pere, l. 13. n. 150.  
 Enfant hardy, liure 18. nomb. 140. Autre tres-resolu à souffrir, liure 11. n. 173. & 180. Autre deuot & constât, liu. 15. nomb. 13.  
 Enfant digne de sa très-vertueuse mere, liu. 18. nomb. 36. tres-charitables, liu. 19. nomb. 257.  
 Enfant de trois ans, retrouvé par l'intercession de nostre Dame, l. 12. nombre 110. Autre misericordieusement sauué, liu. 13. nomb. 149. liu. 19. n. 218.  
 Enfant cause du salut de sa mere, liu. 18. nomb. 161. Autre fort courageux, nomb. 182.  
 Enfant de Tecele, liu. 18. nomb. 89.  
 Enfant tres-courageux & martyr, l. 20. nomb. 154. Autre, nomb. 185.  
 Enfans deuots pour le baptisme, liu. 15. nomb. 165. Autres constans, nomb. 169. executez à mort, liure 20. n. 37.  
 Enfant vexé par l'esprit malin, liu. 17. nomb. 28.  
 Enfer prouué, par celuy qui l'auoit éprouué, liu. 15. nomb. 93.  
 Enqueste pour les Martyrs, li. 18. nomb. 48.  
 Entreprise trop hardie & preiudiciable, liu. 19. nomb. 95.  
 Enuie entre Courtisans, liu. 15. nomb. 155.  
 Escole à Facata, liu. 14. nombre 29.  
 Esclaue conuertie & baptizée miraculeusement, l. 19. n. 39.  
 Espagnols trompez par Maxita, liu. 11. nomb. 121.  
 Voyez Castillans.

VVVVV



# T A B L E

Esprits malins chassiez du corps d'une fille, li. 11. nomb. 67. Vn autre contrainct malgré luy, liu. 17. nomb. 163. Autres chassiez par le signe de la Croix, liure 17. nomb. 44. & li. 18. nomb. 178.

Esprits malins empeschent d'operer par le seul voisinage des Chrestiens, l. 19. n. 45. Aiment la figure de renard, liu. 18. n. 160.

Esprits folets affligent les quartiers d'Oxu, liu. 18. n. 103.

Esprit de vengeance, genereusement vaincu, liu. 19. n. 11.

Bonzes efforillez, liu. 16. n. 125.

Estat du Iapon, apres la mort du Tayco, l. 12. n. 58.

Estandard du P. Spinola, liu. 19. nomb. 119.

Estrangers bannis du Iapon, li. 20. no. 120.

Euangile recité sur les malades, les ayde, l. 16. n. 23. En vogue au Iapon, liu. 17. nomb. 9.

Eucharistic, & sa vertu pour le corps mesme, l. 12. n. 21. l. 16. n. 110.

L'Euesque desire secourir les Espagnols, pour le fait du Galion, liu. 11. nomb. 123. Apprend la langue du Iapon, l. 12. n. 63. Visite le Cubo, l. 16. n. 1. Meurt, l. 17. n. 112. Voyez Martinez.

bon Exemple, & sa vertu, l. 11. nomb. 63. & 68. li. 12. n. 112. l. 13. n. 72. l. 14. n. 21. l. 15. n. 54. l. 18. n. 124. l. 20. n. 184.

Exemption pour nos Peres, contre Ximandono, l. 13. n. 105.

Exhortation au martyr, liu. 11. n. 149. & 151. Autre, liu. 19. nomb. 202.

Exhortation paternelle, liu. 19. nomb. 74.

Extreme-Onction administree en prison, l. 18. n. 46.

**F**Abian Capitaine Chrestien, li. 14. n. 77.

Facata & la maison de nostre Compagnie, l. 14. n. 28.

Factions au Iapon, deux, liu. 12. nomb. 67.

Famille bien reglée au Iapon, liu. 12. nomb. 124.

Famille de cinq mart. l. 19. nomb. 161.

Famine extreme au Iapon, l. 13. nomb. 115.

Faranda, & ses subtiles menées, liu. 11. nomb. 113. & 117.

Faute d'un membre imputée à tout le corps, liu. 14. n. 46.

Fayemon & sa fin, l. 20. n. 88.

Fazambure executeur du nouuel Edict, liu. 12. nomb. 18. & liu. 11. nomb. 167.

Femme, voyez legereté.

Femme conuertie, & exaucée, liu. 12. n. 107. l. 19. n. 219. & n. 250.

Femme punie corporellement pour son mary, l. 12. n. 128.

Femme tres-vertueuse, & plus courageuse que son mary, l. 18. n. 35.

Femme hardie pour conuertir son mary en la Foy, liu. 14. no. 83. Autre reconciliée à son mary, l. 16. n. 105.

Femme bien aduisée & deuote, l. 14. nomb. 66. Autre prudente & hardie, liu. 14. nomb. 90.

Femme tres-fidele, liu. 13. nomb. 117.

Femme lepreuse, Au mesme liure, nomb. 146.

Femme baptizée, l. 15. n. 46.

Femmes constantes, & desirantes le martyr, l. 11. n. 151. Autres constantes, liu. 14. n. 10. Autres vertueuses, l. 11. n. 99. tres-zelées, nomb. 150. Autres, liu. 17. nomb. 168. & liu. 19. nomb. 174. liu. 20. nomb. 9. 1293.

# DES MATIERES.

- Femme deliurée de l'Esprit malin, l. 11. nomb. 77. Autre, n. 79. Autre, n. nomb. 105. & liu. 16. n. 45. liu. 20. n. 126. & 127.
- Femme tres-hardie pour la Foy, liu. 17. n. 155. l. 18. nomb. 41. & 80. & 159. liu. 19. n. 114. & 122. Autre, liu. 20. n. 148. & 190.
- Ferveur des Chrestiens, l. 11. nomb. 174. liu. 17. nomb. 64. & 91. liu. 18. nomb. 21.
- Ferveur de Iusumandono, liu. 15. nomb. 60. Du Pere Michel Carauaille, martyr, liu. 20. n. 174.
- Feste de Noël tres-celebre, liu. 14. nomb. 123.
- La Feste Dieu celebrée au Iapon, liu. 15. nomb. 89.
- Feu miraculeusement detourné, liu. 15. n. 81.
- Fidelité de Don Augustin, l. 13. n. 6. refuse Dayfusama, nomb. 7.
- Fideyori en alarme, l. 17. nomb. 2. s'ex-cuse, n. 3. puis visite le Cubo, no. 4. Perdu, l. 17. nomb. 135.
- Figendono tres-puissant Roy vers le Nort, liu. 15. nomb. 151.
- Figen ville persecutée, l. 20. n. 124.
- Figida conuert, & reduit à la Foy qu'il auoit quitté, l. 14. n. 99.
- Fils Chrestien, meurt pour son pere, liu. 12. nomb. 165.
- Fils digne de son pere, l. 20. n. 18.
- Fille tres-constante, & desiruse du martyre, l. 11. n. 153. & l. 18. n. 69.
- Fille de Don Augustin à Nangazaqui, liu. 13. nomb. 35.
- Fille de deux ans, prodigieuse en deuotion, l. 19. n. 52.
- Fille de douze ans tres-courageuse, l. 12. nomb. 108.
- Fille qui attira ses patens à la Foy, l. 13. n. 119.
- Fille rasée en Vierge, l. 5. n. 91.
- Fille d'un martyr mariée sans dot, l. 16. n. 90.
- Fille heureusement morte, l. 11. n. 82.
- Fille fort deuote, prédit sa mort, liu. 17. n. 21.
- Fille tres-courageuse, l. 18. n. 55. Autre, 129. liu. 19. no. 244. Autre, liu. 20. nomb. 140.
- Fingois receus en grace, liu. 13. nomb. 94.
- Firando & Fruyn, l. 12. 77.
- Firandois pourueus à Chicugen, liu. 13. n. 85.
- Firoxima, & Bonzes confondus, liu. 13. nomb. 127.
- Firoxima ville aidée, l. 13. nomb. 86. Troublée, la mesme, n. 37.
- Firoxima & nostre maison, liu. 15. n. 49.
- Vertus des habitans, l. 17. n. 100.
- Fococou ou Nort au Iapon, liu. 15. nomb. 170.
- Foquexu quoy au Iapon, liu. 14. nomb. 74.
- Foqui pais decouvert, l. 19. n. 49.
- Forteresses de nouvelle forme au Iapon, l. 12. n. 94.
- Fotoque enuoyé pour monstre en Europe, l. 11. n. 87.
- Fotoques & leur vanité bien prouée, l. 11. n. 98.
- Fotoques brocardez par vn enfant, l. 16. n. 109. Item, l. 17. n. 134.
- P. François Boldrin & ses occupations, l. 20. n. 186. & suiv.
- Pere François Brodria, & ses exercices, l. 18. n. 147.
- François enfant de douze ans martyr, l. 19. n. 158.
- P. François Lampey martyr, l. 19. n. 16.
- P. François Galbe, l. 20. n. 6. & 20.
- Pere François Mogauare meurt, li. 13. n. 137.
- P. François Vieyra Visiteur au Iapon, l. 18. n. 1.



# TABLE

François Sintaro & ses vertus, liure 10.  
 nomb. 95. & suiv.  
 Fruyn de Firando, & son humeur, liu.  
 12. nomb. 80, change d'opinion, no.  
 84.  
 Freyeurs diuerses au Iapon, liu. 16. n.  
 154.  
 Fucafori ville, & ses Martyrs, liu. 17.  
 nomb. 111.  
 Fucuofa partie de la ville de Facata,  
 liu. 17. nomb. 105.  
 Funerailles de Don Augustin, liu. 13.  
 nomb. 133.  
 Fusil porté à propos contre vn Bonze,  
 l. 11. nomb. 101.  
 Fuximi ville brulée, liure 13. n. 15.

## G

**G**abriel Iainoy Firandois, liure 19.  
 nomb. 205.  
 le Gain retient vn Bonze en son idola-  
 trie, l. 15. n. 101.  
 Galion de Saint Philippe & sa charge,  
 liu. 11. n. 119. & 120. confisqué, nom.  
 124.  
 Gaspar est accusé comme Chrestien,  
 liu. 16. nomb. 92. condamné, nom. 95.  
 executé, nomb. 97.  
 Gaspar Cotengan Martyr, liu. 19. nob.  
 107.  
 P. Gaspar Craste visite le Royaume de  
 Fingo, l. 19. n. 37.  
 General de l'armée du Coray, l. 12. no.  
 7.  
 Gibunofio hors de la Cour du Iapon,  
 liu. 12. nomb. 72.  
 Giejaso nommé Dayfusama, liu. 12. n.  
 61.  
 Gisiaques qui & quels, liu. 14. n. 76.  
 emprisonnez, nomb. 122. Deux en-  
 core en prison, l. 16. n. 66.  
 P. Giles de la Mate, retourne de Ro-  
 me au Iapon, liu. 12. nomb. 32.

meurt en mer, retournant de Iapon à  
 Rome, n. 100.  
 Gironetes croisées au Iapon, liu. 11. n.  
 95.  
 Gotto Ile visitée, l. 16. n. 62.  
 Gonsalue Fusai martyr, l. 9. n. 145.  
 Gouverneurs du Iapon, quatre à Mea-  
 co, l. 11. n. 110.  
 Gouverneurs de Iateuxiro, trois, liu. 14.  
 nomb. 119.  
 Madame Grace femme du Roy de Tã-  
 ga, decapitée, l. 13. nomb. 10. liu. 12.  
 nomb. 14. Ses funerailles, liu. 13. n.  
 130. & suyu. Vne autre Grace mere  
 de Gabriel, l. 20. n. 136. 139.  
 Guerison miraculeuse, l. 16. nomb. 21.  
 Autre, liu. 18. nomb. 130.  
 P. Guillaume Cotta, natif de Luques,  
 l. 15. nomb. 86.  
 Guillaume Pereira, meurt, l. 14. n. 50.  
 Grains de Chapelets pour Reliques,  
 l. 19. n. 175.  
 P. Gregoire Cespedes Castillan: meurt  
 au Iapon. l. 17. n. 13.  
 Guyfu place surprise, l. 13. n. 19.

## H

**H**abit changé par les Pere Des-  
 chaux, l. 15. n. 82.  
 Hierosme signalé martyr, l. 20. nomb.  
 161.  
 P. Hierosme des Anges & ses voyages,  
 liu. 18. n. 176. à Masamune, liu. 19.  
 nomb. 62. descouvert, l. 20. no. 7.  
 sa constance finale, no. 25. Savie, n.  
 28. & suivans.  
 P. Hierosme Rodriguez, Vice-Pro-  
 vincial au Iapon, l. 17. n. 22.  
 Hilaire Mongazajemon pris, l. 20.  
 n. 11.  
 Holandois pirates, l. 14. n. 54. hantent  
 le Iapon, l. 17. no. 58. Voyez Olan-  
 dois.

# DES MATIERES.

- Horologe sonant, liu. 16. n. 8.  
 Hospitaux à Nangazaqui, l. 14. n. 58.  
 Hospitalité exercée, li. 17. n. nomb. 54.  
 Bien reconnuë, l. 17. n. 176.  
 Huit prisonniers morts de misere, li. 18. n. 74.  
 Humilité vrayment Chrestienne, liu. 18. n. 128. Se trouue par tout, n. 42.  
 digne d'un martyr, l. 19. n. 168.  
 Huyle miraculeusement multiplié, liu. 18. n. 122.
- I
- I**acques enfant de quatre ans, martyr, l. 18. n. 56.  
 P. Jacques Carauaille, l. 18. n. 183.  
 Jacques Cangayama, martyr, liu. 18. n. 49.  
 P. Jacques Mesquita en Cour, liu. 17. n. 113. meurt, 118.  
 Jacques Mimafaca, & sa ferueur, liu. 13. n. 47. meurt, n. 138.  
 Jacques Mimafaca le ieune, l. 15. n. 23. sa constance, n. 24.  
 P. Jacques Yuqui Iaponois, liure 19. n. 51.  
 Iacuin Fuzil des persecutions contre les Chrestiens, l. 11. n. 130. & 161.  
 Jalousie du mary, cause de la mort de sa femme, l. 13. n. 9. Effects de la jalousie, li. 15. n. 108. Iazu & Cai, li. 10. n. 32.  
 Ician mignon du Cubo, introduit. Monsieur l'Euesque, l. 16. n. 2. le Cubo le reçoit, n. 3.  
 Idoles tombées par terre, liu. 11. n. 36.  
 Idole renuersé, l. 12. n. 120.  
 Idolatre conuertý, l. 13. n. 141.  
 Jeanne martyre presche de sa croix, l. 14. n. 110.  
 Iean Chrestien fort constant, liu. 20. n. 135.  
 P. Iean Baptiste Pore, & ses voyages, liu. 18. n. 150. l. 19. n. 43. l. 20. nomb. 90.  
 P. Iean Baptiste Baëza Recteur de Nangazaqui, l. 19. n. 109. & suiuaus.  
 Iean Ciu, interrogé, l. 19. n. 23.  
 Iean Catauneme prisonnier, l. 20. nomb. 77.  
 Iean Ciungoxu & sa franchise, liu. 19. n. 151.  
 Iean Fiozagemon, martyr, li. 17. nomb. 165.  
 Iean Cufroy martyr, l. 20. n. 108.  
 P. Iean Fonseque, meurt au Iapon, l. 18. n. 114.  
 Iean Gisiaque, fait prisonnier, liu. 15. n. 112.  
 Iean Goto, seruent Chrestien, liu. 19. nomb. 63. l. 20. n. 44. 46. s'en va en exil. n. 48.  
 Iean & Iacques martyrs, receus en la Compagnie de Iesus, l. 11. n. 183.  
 Iean Ioxide, martyr, l. 18. n. 27.  
 Iean Ito & sa femme, debattent pour le martyre, l. 19. n. 24.  
 P. Iean de la Caste au Iapon, l. 20. nomb. 195.  
 P. Iean Machado, pris & martyrizé l. 17. n. 147.  
 Iean Matafac, martyr, l. 19. n. 196.  
 Iean martyr, & sa constance, liu. 14. n. 82.  
 Iean Matthieu Adam, l. 20. n. 75.  
 Iean Mangosufqui, l. 20. n. 197.  
 Iean Medecin sourd, l. 18. nomb. 76.  
 rioit de ses miseres. nomb. 77.  
 Iean Quiemon prisonnier, l. 20. n. 78.  
 P. Iean Rodriguez visite le Tayco malade l. 12. n. 42. & le Prince son fils, nomb. 43.  
 Iean Sacómoto martyr, l. 19. n. 192.  
 Iean Tasioye prisonnier, l. 18. n. 72.  
 mart. n. 86.  
 Iean Xicari mart. l. 19. n. 176.  
 Iecudono Payen zelé pour la Foy, l. 14.



# T A B L E

- no.16. Les Funerailles de sa femme, l.15. n.48.
- Jeune homme conuertý, liu. 15. nomb. 163. Sa prudence, nomb. 164. Vn autre constant en la Foy, liu. 19. n. 44.
- Jeune d'une semaine, liu. 14. nomb. 12.
- I E S V S prononcé par vne teste trencée, l.17. n.107.
- Iezouille tres-grande, liu.19. nomb.78. Ses bornes, n.79.
- S. Ignace & son image font merueilles au Japon, l.14. n. 61. l.15. n.63. l.16. n.16. & 19. Sa feste, li.17. nomb.70. & 80. Sa Confrerie, l.19. n.105. 111. Est inuoué, l.20. n.111.
- Ignace Xiquiemon, liu. 18. n. 98. Son martyr, nomb.99.
- Ignace enfant & martyr, l.19. n.126.
- Ignorance cause de maladie, li. 12. no. 125.
- Illusion de Satan, reconnuë, l.14. n.26. li. 15. n. 43. & 51. & 104. li. 16. n. 22. l.18. n.148.
- Image & leur signification declarée, l.11. n.99.
- Image de Nostre Dame, & sa vertu, l.11. n.102.
- Image recherchée, l.15. n.168.
- Image mal traitée, & temerité d'un Payen punie, l.15. n.180.
- Image opposée au feu l'arresta, liu.17. n.30. Autres preseruees du feu, l.20. n.194.
- Impudique puny de mort, l.16. n.32.
- Ignari Pagode, l.11. n.91.
- Incarnation necessaire au salut du monde, l.11. n.100.
- Inhumanité des Iuges, l.20. n.50.
- Innocence rend les patiens plus constants, l.16. n.122.
- Innocens & leur Congregation, liu.19. n.106.
- Inondation horrible, l.15. n.74.
- Inuention deuote pour des paisans, liu. 17. n.65.
- Inuention pour baptizer les enfans, l.18. n.62.
- Inuocation des noms de I E S V S & M A R I E, l.16. n.101.
- Intercession des Chrestiens & Payens pour nostre Compagnie, l.11. n.155.
- Ioachim Gisiaque meurt en prison, l.16. n.26.
- Ioachim martyr, l.18. n. 92. Vn autre, l.19. n.201.
- Ioachim & Anne affligez, l.19. n.72.
- Ioachim Capitaine & martyr, l.19. n. 98. & 103.
- Ioachim meurt heureusement, & joyeusement, l.16. n.63.
- Ioachim & Thomas, martyrs, liu.17. n. 106.
- Vn autre Ioachim crucifié, l.20. n.106.
- Iocundono Roy de Bugen, l.13. n.83.
- Ionc perdu entre le Japon, & Macao, l.12. n.101.
- Ioseph Gonçale martyr, liu.20. n.69.
- Ioracuin Bonze de la Secte des Focux, l.16. n.114.
- Illes Philippines & leur conquête, l.19. n.232.
- Isle surnommée la belle descrite, l.16. n.33. Isle d'or, l.19. n.194.
- P. Ito Mancio meurt au Japon, liu. 17. n.51.
- Iubilé public' au Japon, l.19. n.5.
- Le Iudas des Sergens Apostat de la Foy, l.18. n.5.
- Iugement bien fondé, l.15. n.66.
- Iugement du fer ardent, & ses consequences, l.16. n.35.
- P. Iules Piano, de Macerat, l.15. n.87.
- Iulien de Sacay meurt, liu.13. n.128.
- P. Iulien Nacauca, l.20. n.192.
- Iulien Fremon, l.20. n.56.
- Iulienne noble Dame quitte Meaco,

## DES MATIERES.

liure 14. nomb. 13.  
 Iulie Ota Coraïte bannie, l. 18. n. 100.  
 Iuquequi Conseil des Ambassadeurs  
 Chinois, l. 11. n. 19,  
 Iustin Chrestien trompé, liu. 16. n. 68.  
 Se dispose à la mort, nomb. 69. Y  
 est condamné, n. 70.  
 Iusto Vcondono & sa constance, liu. 11.  
 nomb. 144. meurt à Manille, liu. 17.  
 nomb. 121.

### L

**L** Aboueurs martyrs au Iapon, l. 19.  
 nomb. 113.  
 Ladres martyrisez, l. 17. n. 167. Voyez  
 Lepreux.  
 Larmes de diuerses sources, liu. 12.  
 n. 36.  
 Larrecin subtilement descouuert, l. 12.  
 n. 55.  
 Larrons punis de mort, liu. 13. nomb.  
 153.  
 Laurens Ayga martyr, l. 19. n. 167.  
 Legereté feminine, l. 17. n. 40.  
 Lengicuxu Secte nouvelle & Chre-  
 stienne, l. 16. n. 64.  
 Leon banny à Sango, l. 19. n. 48.  
 Leon noble Soldat, liu. 16. n. 78. con-  
 damné à mort, n. 79. & suiui.  
 Leon Nanda persecuté, liu. 19. nomb.  
 28. tenté à fausses-enseigne, nomb.  
 29. & suiuians.  
 Leon de Nocen, l. 12. n. 3.  
 Leon Quinsuque martyr, l. 18. n. 90.  
 Leon Mizaqui & ses enfans martyrs,  
 l. 20. n. 198.  
 Leonard Quimura martyr, liu. 18. n. 11.  
 Ses vertus, nomb. 13. & 23. Sa mort,  
 n. 17.  
 Lepreux bien seruy & guery, liu. 13.  
 n. 116.  
 Leproserie au Iapon, liu. 17. nomb.  
 76.

Lettres seruantes du Pere Michel Ca-  
 rauaille martyr, l. 20. 173. 175.  
 Liberalité du Tayco en papier, liu. 11.  
 n. 53.  
 Liberalité de Toyama, liu. 18. n. 63.  
 Lieux sacrez & leurs profanateurs pu-  
 nis, l. 18. n. 57.  
 Ligue contre Dayfusama, liu. 13. no.  
 2.  
 Lin Paxicata martyr, liu. 18. nomb.  
 40.  
 Lin Risioye martyr, liu. 18. nomb.  
 91.  
 Lin frere de Gabriel, liu. 20. n. 137.  
 Linquiuisles Septentrionales battus,  
 l. 16. n. 133.  
 Liste fausse, & reprouuée par ceux qui  
 y estoient nommez, l. 17. n. 38. Au-  
 tre refusée par les Chrestiens, liu. 20.  
 n. 129.  
 Liures spirituels deffendus au Iapon,  
 liu. 18. n. 3. sont cause de l'emprison-  
 nement de Louys, n. 120. & liu. 20.  
 nomb. 113.  
 Louys Cauara mart. l. 19. n. 152.  
 Louys Cerqueira Euesque du Iapon y  
 arriue, l. 12. nomb. 31.  
 Louys Fansuqui martyr, l. 19. n. 27.  
 P. Louys Iaponois visite les Chresties,  
 habillé en Laboureur, liu. 14. nomb.  
 5. Item Iateuxiro, li. 15. nomb. 123.  
 y entre vestu en païsan. Là mesme,  
 nomb. 124.  
 Louys Iaponois du tiers Ordre S. Fran-  
 çois martyr, l. 20. no. 178.  
 Louys Sotar & sa suffisance, l. 17. n. 157.  
 P. Louys Sotel Cordelier, l. 17. n. 85. &  
 87.  
 Louys Suqujazemoh martyr, li. 19. no.  
 166.  
 Louys endure la torture pour vn liure  
 spirituel, l. 18. n. 120.  
 Louys enfant crucifié, liure 14. nomb.  
 111.



# TALBE

P. Louys Sassandra martyr, l. 10. nomb.  
179.  
Lettre adressée aux Iaponois, par no-  
stre Sainct Pere, l. 19. n. 6.  
Lettre des Chrestiens de Tacata, li. 11.  
n. 3.  
Lettres du P. Camille Constance, l. 19.  
n. 184. & suiu.  
Lettre du Pere Charles Spinola, escri-  
te en prison, l. 18. n. 47. Autres, l. 19.  
n. 135. & suiu.  
Lettres du P. Commissaire de l'Ordre  
S. François, l. 11. n. 141. & 181.  
Lettre d'une fille du Roy François de  
Bungo, l. 11. n. 83. De Luce fille d'un  
martyr, tres-desireuse du mesme  
fort, l. 18. n. 53.  
Lettre de quatre demandans d'entrer  
en nostre Compagnie, l. 9. n. 147.  
Lettre du P. Organtinde Bresse au Pe-  
re Prouincial, l. 11. n. 142.  
Lettre bien ardente d'un Postulant,  
l. 19. n. 156.  
Lettre de Simon Maistre d'Escole, &  
martyr, l. 18. n. 141.  
Lettres du Tayco au Gouverneur de  
Manille, l. 11. n. 114.  
Lettre du P. Valignan aux Regens de  
l'Empire Iaponois, l. 12. n. 59. leur  
responſe, n. 60.  
Lettres incogneuës aux Iezoïs, liu. 19.  
n. 89.  
Lucie de Freites & sa deuotion, l. 19.  
n. 123.  
Luc & Alexis martyrs, l. 20. n. 146.  
Luce femme de Quiemon, l. 20. nom.  
79.  
Lumieres veuës sur les corps des mar-  
tyrs, l. 14. n. 113.

## M

**M** Agdeleins combat pour sa cha-  
steté, liu. 18. n. 101. Vne autre

femme de Simon Maistre d'Escole,  
& sa constance, l. 18. n. 139.  
Main d'un martyr, l. 19. n. 131.  
Maison miraculeusement conseruée à  
Sacay, liu. 11. nomb. 42. celle de Mea-  
co gardée, n. 137.  
premiere Maison donnée à la Compa-  
gnie dans Meaco, l. 12. n. 116.  
Maison librement donnée sert d'Egli-  
ſe, l. 15. n. 105.  
Maison où Sainct Xauier habitoit, ſain-  
cte, l. 19. n. 47.  
Maison d'un Chrestien, conseruée du  
feu, l. 19. n. 57.  
Maistres, & le pouuoir qu'ils ont au Ia-  
pon, sur leurs ſujets, l. 17. n. 67.  
Malade dextrement confessé, liu. 18.  
n. 175  
Malade guery par l'intercession de no-  
stre Dame, l. 13. n. 123. Autre, l. 19. n. 56.  
Malice des Payens, l. 18. nomb. 70. &  
71.  
Manciez deux morts, l. 17. n. 141.  
Manifeste des lignées, l. 13. n. 4. Autre  
manifeste des Bonzes, l. 16. n. 128.  
Marc Cafraye & sa femme, l. 28. n. 57.  
& ſuiuans.  
Marchant riche conuertý à Meaco, l. 11.  
n. 86.  
Marchand constant en ſes pertes, l. 13.  
n. 182.  
Mareschaux de Camp. l. 12. n. 8.  
Mariage avec Payens, infortuné, liu. 16.  
n. 28.  
Marie femme fort constante, li. 15. n. 21.  
partage ſes enfans avec ſon mary,  
n. 22.  
Marie fille de Dom Auguſtin, miroir  
des veufues l. 15. n. 179.  
Marie Iage'a & sa constance, liu. 20.  
n. 36.  
Mariniers bons & fermes Chrestiens,  
l. 17. n. 82.  
Monsieur Martines Eueſque retourne  
aux

## DES MATIERES.

- aux Indes, l. 12. n. 16. meurt, n. 17.  
P. Martin Xiqui, Iaponois, liure 19.  
nomb. 53.  
Marthe meurt de froid, liu. 20. n. 160.  
Martyre desiré par les Firandois refu-  
giez, liu. 13. n. 58. Par autres, l. 14. no.  
104. l. 15. n. 128. & 165. l. 16. n. 121. l. 17.  
no. 26. par vn enfant. & liu. 18. no.  
8. liu. 19. n. 208. l. 20. n. 55.  
Martyre nouveau, l. 20. n. 61.  
deux Martyrs adioustez aux vingt &  
quatre, liu. 11. n. 178. diligences pour  
eux, n. 185.  
Martyrs diuers, li. 18. nomb. 82. leurs  
noms & passion, n. 83. & 85. liu. 20.  
n. 177.  
Martyr taillé en deux pieces, liu. 20. n.  
109.  
Martyrs en Arima, liu. 17. nomb. 88.  
à Omura, l. 17. nomb. 176. à Yendo,  
l. 17. n. 86.  
Mary baptize sa femme, liu. 14. n. 38.  
Mary conuert par sa femme, liu. 17. n.  
87. & autre l. 19. n. 217.  
Masamune vn des cinq Princes d'Oxù,  
liu. 19. nomb. 59. Seigneur de Dale,  
l. 20. nom. 42.  
discours Mathematique, liu. 15. n. 62.  
vn Matthias prins pour l'autre, liu. 11.  
n. 63. professe la Foy, l. 20. n. 93.  
Matthias martyr, liu. 18. nomb. 131.  
meurt, n. 136.  
Matthias Sifroye & Iulien morts, li. 20.  
nôb. 64.  
Matthias Xobara martyr, l. 20. n. 102.  
P. Matthieu de Cobo Prouincial au Ja-  
pon, li. 18. nomb. 4.  
Maxence sœur d'Arimandono & ses  
vertus, liu. 11. nomb. 74. & suiu.  
Maxence fille du Roy de Bungo, liu. 15.  
nomb. 176. Ses vertus, nomb. 177.  
son deceds, nomb. 178.  
Maxita trahit vilainement les Espa-  
gnols, l. 11. n. 121.  
Medaille de nos deux saincts, fait mer-  
ueilles, l. 17. n. 101.  
Medecin fauorisant les Chrestiens,  
liu. 14. n. 75. Vn autre baptizé. Là  
mesme, nom. 14. Vn autre Bonze &  
Medecin conuert, liu. 14. nomb. 23.  
Autre bon Chrestien, liu. 15. nomb.  
184. Vn autre simple & tres-con-  
stant en la Foy, liu. 18. nomb. 67.  
premier Medecin de l'Empereur du  
Iapon. Là mesme, nomb. 118. Vn au-  
tre zelé au salut de sa femme, liu. 19.  
nomb. 38.  
Melchior Bugendono, liu. 15. nomb. 131.  
son extraction & deuotion, nomb. 132.  
Sa constance, nom. 134. perd la teste,  
n. 193.  
P. Melchior Carneto second Euesque  
du Iapon, l. 11. nomb. 3.  
Melons pour les prisonniers, liu. 18.  
nombre 43.  
Memoire miraculeuse, liu. 18. n. 58.  
Mencia Princesse de Firando, & sa con-  
stance, l. 12. n. 85. & 87.  
Mensonge qui cousta la vie, l. 13. n. 135.  
Menuisier bon Chrestien, l. 17. n. 73.  
Mer horriblement debordée, l. 11. n. 44.  
la Mere des pauvres meurt, liu. 12. n.  
113.  
Mere tres-magnanime, l. 18. n. 28.  
Merueille arriüée à la mort des Mar-  
tyrs, l. 19. n. 25.  
Merueille digne d'estonnement, liu. 18.  
n. 20.  
Messe dictée tous les iours, liu. 19. n. 139.  
Messir martyr, l. 18. n. 93.  
P. Michel Carauaille & son martyr,  
liu. 20. nomb. 171. & suiu.  
Michel Buscheron, liu. 15. n. 122.  
Michel Laboureur & sa constance, l. 15.  
nomb. 20.  
Michel Vierge & martyr, liu. 18. n. 34.  
Michel Iamanda & sa famille marty-  
rizez, liu. 20. n. 150.  
Michel entre en prison pour en retirer  
sa femme, l. 15. n. 117. & 118.  
Michel Prince d'Arima, l. 17. n. 60.  
Michel Fucunda mart. l. 19. n. 171.  
X X x x x



# T A B L E

Michel se dispose au martyr, l. 18. n. 42.  
 Michel Sori martyr, l. 20. n. 166.  
 Michel Xumpo martyr l. 19. n. 146.  
 Michel Quiroca mart. l. 19. n. 169.  
 Miracle du tres-sainct Sacrement, l. 19. n. 42. autre miracle, l. 20. n. 67.  
 Miracle de S. Ignace fait à sa beatification, l. 17. n. 19.  
 Monarchie & le bien qui la suit, li. 13. n. 18.  
 Monique martyre, l. 18. n. 96. Vn autre, l. 20. n. 81. & 82.  
 Montagne de feu au Japon, l. 16. n. 51. & 56.  
 Montagnes d'Oxu, l. 18. n. 106. Autre espouuantable, n. 153.  
 Mori Roy d'Amanguci, l. 15. nomb. 30. attaque Melchior, n. 33. son estonnement, l. 13. n. 31. sa frayeur, l. 15. n. 154. porté contre les Chrestiens, l. 14. n. 31.  
 Morioca ville capitale de Nambu, l. 19. n. 249.  
 Mort du Cubo, l. 17. n. 137. du fils aîné du sieur Augustin, l. 13. n. 74.  
 Mort heureuse l. 14. n. 68. d'un vieillard, l. 17. n. 20. de trois nepueus du Tayco, l. 11. n. 28.  
 Mort non redoublée par les Chrestiens, l. 16. n. 72.  
 Mort signifiée à Jean martyr, liu. 14. n. 87. executée, 87.  
 Mortifications des Bonzes, l. 15. n. 37. d'un martyr, l. 19. n. 197. autre bien inuentée, l. 20. n. 157. & 158.  
 Morts ne sont inhumez le premier iour de l'an au Japon, l. 20. n. 145.

## N

**N** Angazaqui en sa fleur, liu. 16. n. 61. siege Episcopal, l. 13. n. 109.  
 Nauires Holandoise au Japon, l. 12. n. 131. confiscée, 132.  
 Nauires du commerce des Portugais, l. 13. n. 25. prise sur les Portugais, l. 14. n. 55.

Nef des Portugais prend la fuite, li. 16. n. 148. est assaillie, n. 149. perit, 152.  
 Neophytes heureusement morts, li. 13. n. 148. tres-hardie Neophyle, liu. 19. n. 162.  
 Nicolas le Japonnois meurt, l. 12. n. 115.  
 P. Nicolas Trigaut, l. 17. n. 49.  
 Nixi Gaspard meurt, l. 17. nomb. 50.  
 Noble Dame baptizée à Meaco, l. 14. n. 12.  
 Nom de I E S V S inuoqué, l. 19. n. 76.  
 Voyez I E S V S.  
 Noms de vingt-six crucifiez, l. 11. n. 191. & suiv.  
 Nombre des Chrestiens au Japon, l'an 1605. l. 15. n. 75. l. 19. n. 130.  
 Nonagenaire baptizée comme par miracle, l. 16. n. 111.  
 Norimond sorte de chaire à bras, l. 14. n. 107.  
 Nostre Dame de la protection, feste nouvelle, l. 12. n. 119.  
 Nostre Dame guerit vn malade, l. 19. n. 56. Apparoit à vne femme malade, l. 19. n. 35.  
 Notois seruens Chrestiens, l. 15. n. 173.  
 Nouvelles deffences contre les Chrestiens, l. 19. n. 7.  
 Nudité supplice inusité, l. 17. n. 109.

## O

**O** Cata & San Seigneur qui persecutoit les Chrestiens, l. 18. n. 144.  
 bonnes Ouures des Chrestiens, l. 20. n. 121.  
 Office de bon amy, l. 14. n. 86.  
 Olandois donnent la chasse aux Portugais, li. 16. n. 132. Voyez Holandois.  
 Pirates bien venus au Japon, liu. 20. n. 119.  
 Omura & son Estat en danger, l. 13. n. 99. & 120.  
 Onze Chrestiens codamnez à la mort, l. 18. 29.  
 Onze de nos Religieux partent du Japon, l. 12. n. 26.

## DES MATIERES.

Opinion diuerſes deſcouurent les Reli-  
gieux qui trauailloient ſecretemēt  
au Iapon, l. 17. n. 145.  
Or trouué en neceſſité, l. 15. n. 99.  
Oraiſon funebre, l. 13. n. 131.  
Oraiſon de quarante heures, l. 15. n. 27.  
l. 20. n. 83. ſon temps bien obſerué  
par le P. Quimura, liu. 19. n. 141. &  
259.

Ordonnance iuſte d'un Iuge Payen, liu.  
18. n. 165. Vne autre nouuelle & ri-  
goureuſe, l. 20. n. 112.

Oreilles couppees aux martyrs, l. 11. n.  
169. leuées de terre, n. 171.

Oquiquidono petit fils de Nobunanga  
baptizé, l. 11. n. 96.

P. Organtin fait aduertir les Peres Deſ-  
chaux, l. 11. n. 111. ſa conſtance, n. 133.  
part de Meaco, l. 12. n. 25.

Organtin bon Chreſtien, l. 20. n. 196.

Oſſemens des crucifiez pour la Foy,  
ſoigneuſement recueillis, l. 14. n. 114.

Oſtages donnez au Mori par Melchior,  
l. 15. n. 140.

Ouari Royaume, l. 20. n. 86.

Ouuriers au Iapon, l. 17. n. 172.

Oxu affligé par les eſprits ſolets, li. 18.  
nomb. 103. ſes montagnes, n. 106. ſa  
grandeur, l. 19. n. 58.

Ozaca ſent la perſecution, l. 17. n. 96.

### P

**P**Age conſtant en la Foy, liu. 14. n. 17.  
du Xogun, l. 20. n. 41. 93.

Page bien conuert, l. 16. n. 131.

Pages Chreſtiens affectionnez à nos  
Peres, l. 19. n. 13.

Paix Vniuerſelle au Iapon, liu. 15. no. 1.  
moyens pour la conſeruer, n. 2. pré-  
dicte par les Martyrs, l. 20. n. 151.

Paradis d'Amida reproué, l. 16. n. 77.

Pardon gagné és Iſles de Gotto, liu. 16.  
n. 14. Voyez Iubilé.

Pardon dextrement obtenu, l. 17. n. 22.

Parés de l'Empereur baptizé, l. 18. n. 173.

Parolles inconfiderées, ſource de tres-  
grands maux, l. 11. n. 129.

Patentes de Dayfufama pour Meaco,  
Ozaga, Nangazaqui, l. 13. n. 79.

Paul d'Ozaca & ſa charité, l. 20. n. 84.

Paul Sacondono fils de Guenifoin & ſa  
vertu, l. 11. n. 146.

Paul Miqui priſonnier à Meaco, l. 11. n.  
164. mart. n. 192. ſon dernier ſermon,  
n. 193.

Paul Morimau martyr, l. 19. n. 198.

Paul Page baptizé, l. 16. n. 115. ſa conſtan-  
ce, n. 117.

Paul Sogiro martyr, l. 19. n. 195.

Paul Torofuque mart. l. 17. n. 143.

Paul de Sacay, l. 17. n. 180.

Payens ſemblables aux eſclaves, l. 16. n.  
143.

Payens induiſans au Chriſtianiſme,  
l. 14. n. 14. n. 15.

Payens conuertis & baptizez en grand  
nombre, l. 17. n. 140. cōdamnez avec  
les Chreſtiens, l. 20. n. 35.

Payens ſans compaſſion, l. 11. n. 41.

Penitence publique pour vn crime pu-  
blic, l. 19. n. 65.

Peres Deſchaux & leur zele, l. 11. n.  
109. accuſez, n. 112. pris à Meaco,  
n. 139.

Pere & fils diſputent pour la foy, liu. 19.  
n. 64. bruſlez, l. 20. n. 60.

Pere rude à ſon fils Chreſtien, l. 11. n. 149  
Pere tenté par la ſeinte de la mort de  
ſes trois enfans, l. 17. n. 103.

Perfidie de Moridono enuers le fils du  
ſieur Auguſtin, l. 13. n. 73.

Perſecuteurs des Chreſtiens punis du  
Ciel, l. 20. n. 163.

Perſecution à Meaco, l. 16. n. 4.

Perſecution vniuerſelle au Iapon, l. 17.  
n. 55. redoutable. liu. 20. nomb. 3.

Perſecution dangereuſe, l. 18. n. 166.

Peſche miraculeuſe, liu. 15. nomb. 14.

Peſcheur Firandois bon Chreſtien, l. 16.  
nomb. 100.

Peſcheur des ames & poiſſons, liu. 18.

XXxxx ij



# TABLE

- nomb. 125.  
 Philippines deffenduës, l. 10. n. 115.  
 Pierre enfant de sept ans martyr, liu. 19.  
 nomb. 159.  
 Pierre Arafuque mart. l. 19. n. 172.  
 P. Pierre Gomez meurt Vice-Prouin-  
 cial, liu. 12. n. 102. ses qualitez, n. 103.  
 P. Pierre Martinez I V. Euesque du Ja-  
 pon, li 11. nomb. 6. & suiuaus. admi-  
 nistre la Confirmation, nomb. 13. &  
 fuiu. 1  
 P. Pierre Paul Nauarre & autres deux  
 martyrs, l. 19. nomb. 223. & fuiu. 240.  
 Pierre Onizurqua martyr, l. 19. n. 242.  
 P. Pierre Ramond Aragonois meurt,  
 liu. 17. nomb. 13.  
 Pierre Sampo martyr, l. 9. n. 144.  
 P. Pierre Rodriguez Portugais meurt,  
 liu. 17. n. 13.  
 Pierre Sompou nouice & son courage,  
 li. 19. nomb. 121.  
 Pierre Thresorier & martyr, l. 18. n. 44.  
 P. Pierre Zuniga martyr, liu. 19. n. 97. &  
 fuiu.  
 Pirates pris & punis, liu. 13. nomb. 124.  
 Place pour vn logis à Fuximi, l. 14. n. 37.  
 Plaintes des Payens de Meaco contre  
 les Chrestiens, li. 18. n. 64.  
 Pluton des Iaponois impuissant, liu. 17.  
 nomb. 27.  
 Pluye obtenue par les Chrestiens, li. 13.  
 n. 127.  
 Pluye prodigieuse, l. 19. nomb. 251.  
 trait Politique fait aux habitans de la  
 belle Isle, l. 16. n. 134.  
 Pont de Paradis à Ozaca, liu. n. n. 45.  
 Ports du Iapon gardez, l. 20. n. 118.  
 Portugais & leur trafic remis à Nanga-  
 zaqui, l. 17. n. 59. & 117.  
 Predestination, l. 16. n. 112. l. 18. n. 163.  
 Predicateurs pour Amacuzo, l. 13. n. 108.  
 Predicateurs demâdez en diuers lieux,  
 l. 12. n. 65.  
 Predicateurs du Iapon cedent à la ne-  
 cessité, li. 17. n. 146.  
 Premier Prestre seculier sacré au Ja-  
 pon, l. 15. n. 88.  
 Presens refusez seruent à l'edification,  
 l. 18. n. 174.  
 President des supplices estably, liu. 17.  
 n. 124.  
 Preuoyance fort louable. l. 15. n. 102.  
 Prieres pour les trespassez, liu. 16. n.  
 136. & 140.  
 Princeesse de Firando & sa vertu, liu. 12.  
 n. 2.  
 Prisons au Iapon horribles, liu. 13. n. 43.  
 & suiuaus. l. 16. n. 67. l. 18. n. 39. li. 19.  
 n. 113. & l. 20. n. 15. & 172.  
 Prisons pour Colleges au Iapon liu. 18.  
 nomb. 10.  
 Prisonniers s'emtrebrassent, liu. 17.  
 n. 175. Se confessent, nomb. 184.  
 Prisonniers detenus à Omura, liu. 17.  
 n. 174. l. 19. n. 117. leurs exercices, &  
 façon de viure, liu. 18. nomb. 12. & 38.  
 renuoyez à Omura, l. 19. n. 22. fru-  
 ctifient. Là mesme, n. 15. examinez,  
 n. 17. courageux, n. 118.  
 Priuilege de celebrer l'Office diuin  
 deuant les Idolatres, l. 13. 129.  
 Proceffion pour la beatification de S.  
 Ignace, l. 17. n. 17. Autres genera-  
 les, & fort extraordinaires. n. 114.  
 Prodiges arriuez à l'executiõ des mar-  
 tyrs, l. 18. n. 84.  
 Profanateurs des lieux sacrez punis,  
 l. 18. n. 57.  
 Profession de foy faite par vn Giffaque,  
 liu. 16. n. 25. elle est necessaire, liu. 18.  
 n. 181.  
 Promesse des Espagdols, faite au Cu-  
 bo, l. 15. n. 77.  
 Prophetie pour la cõuersion du Iapon,  
 l. 19. n. 173. 206.  
 Protestation des Giffaques, & leurs let-  
 tres, l. 15. n. 125. & 126.  
 Prouidence de Dieu, liu. 11. nomb. 86.  
 & 136. l. 16. nomb. 14. l. 18. n. 14.  
 Prouince du Iapon indepente d'autre,  
 l. 17. n. 13.  
 le P. Prouincial void le Cubo, l. 16. n.

## DES MATIERES.

48. Item le Xogun, n. 50. court fortune de sa vie, liu. 18. n. 16. change dextrement de logis, nomb. 117.  
Punitions diuines, l. 15. n. 71. soudaine, l. 19. n. 243.

Q

**Q** Vannes Seigneurs Chinois, li. 11. n. 47.  
Quatorze associez à Iateuxiro pour persister en la Foy, l. 14. n. 75.  
Quatorze Seigneurs bannis d'Arima, l. 17. n. 61.  
Quatre Chrestiens deferez au Prince, l. 17. n. 34.  
Querelle entre deux Iaponois, li. 15. n. 138.  
Question problematique, l. 17. n. 138.  
Quinzajemon martyr, li. 20. n. 167.  
Quinze martyrs, l. 19. n. 99.

R

**R** Aison tres-forte pour la reception de la Loy Chrestienne, l. 16. n. 54.  
Raison pour la manutention de la Foy, Catholique, l. 17. n. 66.  
Ratiocination tresconcluante, liu. 14. n. 117. l. 20. n. 89.  
Rats & leur Demon, l. 16. n. 76.  
Receueur qui confondit les Bonzes, l. 17. n. 153.  
Reconnoissance vraiment Chrestienne, l. 19. n. 66.  
Regret bien comparé, l. 19. n. 157.  
Religieux retenus prisonniers à Ozaca & ailleurs, l. 11. n. 131.  
Religieux martyrizés à Omura, liu. 17. n. 144. & ailleurs par le Japon, l. 17. n. 149.  
Religieux eschappent les mains des Gardes, l. 18. n. 119.  
Religieux de tous Ordres chassez du Japon, l. 17. n. 119.  
Religieux faits prisonniers au Japon, liu. 19. n. 8. & 9.  
Religieux de retour au Japon, l. 19. n. 94.

Reliques des Martyrs honorées, liu. 11. n. 194. leur vertu, l. 15. n. 187.  
Reliques de Saint Ignace font merueilles, l. 15. n. 11. des Martyrs, l. 16. n. 89. tirées de la mer, l. 18. n. 21.  
Reliquaire formidable à Satan, liu. 11. n. 106.  
Requete des prisonniers à Fazambure, l. 11. n. 179.  
Responſe du Tayco, l. 11. n. 40.  
Retraicte spirituelle, l. 14. n. 52. & annuelle practiquée au Japon, liu. 17. n. 68.  
Remede superstitieux contre le feu, liu. 14. n. 65. contre les illusions du Diable, l. 11. n. 52.  
Renard sert de couuerture à l'esprit malin, l. 18. n. 160.  
Renegats tuez pour la Foy, l. 20. n. 162.  
Residences nouuelles au Japon, liu. 17. nomb. 10.  
Resolution de nos Peres sur l'Edict du Tayco, l. 12. n. 15.  
Rodomontades pernicieuses, liu. 11. n. 128. vne fort plaisante, l. 15. n. 35. autre d'un Bonze, l. 16. n. 41.  
P. Rodriguez vers les prisonniers, li. 11. n. 182.  
Romani martyr Bungois, l. 17. n. 161.  
Rougeolle mortelle au Japon, liu. 11. n. 76. & l. 13. n. 152.  
Roy de Saxuma & sa hardiesse, l. 13. n. 32.  
Ruë Dieu dans la ville de Meaco, li. 18. n. 65. Ruës closes au Japon, l. 20. n. 62.  
Rufine & Marthe mere & filles, martyres, l. 18. n. 94.  
Ruines à Meaco, l. 11. n. 34. & ailleurs en grand nombre, n. 38.  
Ruse de guerre, l. 13. n. 40.  
Ruse & menterie malicieuse des gens de Moridono, l. 13. n. 75.  
Ruse Satanique pour peruerſtir les Chrestiens, l. 14. n. 81.  
Ruses des Payens eludée, l. 16. n. 24.  
Ruses des Idolatres, l. 17. n. 35.  
Ruse de l'Empereur contre Fideyori,

XXxxx iiij



# T A B L E

l. 17. n. 131. Son desespoir, n. 132.  
P. Ruys Baret massacré au Japon, li. 17.  
n. 52.

## S

**S** Abine prisonniere, l. 20. n. 54.  
Sil pleust du Sable au Japon, l. 11. n. 30.  
Sacanzuqui, quoy, l. 11. n. 50.  
Sacay ville rebastie, l. 17. n. 136.  
Sacondono enseucly chez nous, liu. 14.  
n. 18.  
Sacs nouvelle sorte de supplice, l. 17.  
n. 95. & 160.  
Sacrilege puny, l. 15. n. 98. & l. 17. n. 164.  
Salle de rare grandeur, l. 11. n. 24.  
Sangamidono Commissaire contre les  
Chrestiens, l. 17. n. 93.  
Santai, quoy, l. 11. n. 26.  
Saquiendono hors de danger pour la  
Foy, l. 11. n. 95.  
Satan en figure de Renard, liu. 15. n. 39.  
Voyez Renard.  
Satan hait les Chrestiens, l. 15. n. 109.  
redouble les Fideles. Là mesme, n.  
100.  
Sataquendono & sa concubine Chre-  
stienne, l. 18. n. 109.  
Scrupule d'une femme qui ne vouloit  
manger, l. 19. n. 69.  
P. Sebastien Morales troisieme Euef-  
que du Japon, l. 11. n. 4.  
P. Sebastien Quimura Japonois, l. 19. n.  
10. martyr. n. 101. n. 121. 140. & liu.  
Secheresse & son remede, l. 15. n. 166.  
& liu. 17. n. 75.  
Secte nouvelle des Bonzes, li. 14. n. 69.  
Sectes diuerfes des mesmes, l. 16. n. 123.  
Seing dextrement biffé, l. 14. n. 7.  
Seminaristes d'Arie, li. 11. n. 43.  
Seminaire dissous, l. 12. n. 19.  
Seminaire d'artisans institué par l'Euef-  
que, l. 13. n. 112.  
Sentence de mort contre deux des qua-  
torze associez, l. 14. n. 85.  
Sentence contre deux Gisiaques, l. 16.  
n. 85.

Sepulture procurée, l. 19. n. 220.  
Serment refusé par les Chrestiens, l. 12.  
n. 64.  
Seruiteur constant, l. 14. n. 20. vn autre  
fidele à Dieu, l. 17. n. 40. traistre, l. 20.  
n. 5.  
Seuerité grande, l. 12. n. 46. & l. 17. n. 142.  
Signes d'alegresse pour la beatificatiõ  
de S. Ignace, l. 17. n. 18.  
Silence gardé aux despens de la vie,  
l. 18. n. 134.  
Similitudes tres-remarquables, l. 19. n.  
19. & 20. & 230.  
Simon Condera succede aux estats de  
Don Augustin, l. 13. n. 88.  
Simon refuse trois conditions dero-  
geantes à la Foy, l. 14. n. 78. & 79.  
Simon condamné à la mort, l. 14. n. 93.  
Simon Iempo pris, l. 20. n. 9. & 33.  
Simon Xoluque, l. 17. n. 166.  
Simon maistre d'Ecole, martyrized, l. 18.  
n. 138.  
Simplicité excusable, l. 14. n. 60. enfan-  
tine, l. 19. n. 160.  
Six de nos Religieux morts entre le Ja-  
pon & la Chine, l. 18. n. 33.  
Six Chrestiens bruslez, l. 20. n. 40.  
Soixante villangeois couertis, l. 17. n. 79.  
Soldat quitte la Foy, l. 15. n. 42. se re-  
pët, n. 43. Vn autre mal fortuné, n. 59.  
Soleil & lune honorez par les Iezoïs,  
liu. 19. n. 88.  
Songe vray, l. 18. n. 149.  
Songes sont souuent mensonges, l. 18.  
n. 88.  
Songe remarquable, l. 14. n. 24.  
Sorcellerie ridicule, l. 11. n. 92.  
Sorciars detestez, l. 11. n. 72.  
Souhait tres-louable & saint, l. 19. n. 21.  
Stratageme de Satan, l. 11. n. 93. Vn au-  
tre, l. 13. n. 20. Vn autre plaisant &  
pieux, l. 19. n. 25.  
Stratageme des Payens contre les  
Chrestiens, l. 20. n. 87.  
Subtile repartie d'une fille, l. 19. n. 71.  
Suffrages pour les trespasséz, l. 15. n. 95.

# DES MATIERES.

l. 17. n. 23.  
 Suo Iuge extraordinaire, l. 20. n. 47.  
 Superstitions diuerſes, l. 15. n. 50. & 56.  
 l. 16. n. 34.  
 Supplices nouueaux exercez au Iapon,  
 l. 17. n. 125. & 158. l. 18. n. 135. l. 19. n. 221.  
 Voyez tourmens, & l. 20. nom. 202.  
 Surungois Chrestiens & leur constâce,  
 l. 19. n. 163.

## T

**T**Acacu, quoi, liu. 16. n. 18. cultiué,  
 l. 20. n. 183.  
 Taccoca Chasteau, l. 18. n. 111.  
 Tarazaba ombragé contre nostre Cō-  
 pagnie, l. 12. n. 73. Recoramenſe ſa  
 perſecution, l. 15. n. 15. eſt chaffé de  
 Nangazaqui, l. 14. n. 48.  
 Tatames eſpece de nattes, l. 11. n. 24.  
 Tayco trauerſé en ſes entrepriſes, l. 11.  
 n. 27. ſauué du tremble-terre, n. 37.  
 Sanouuelle reſolution, n. 39. changé  
 contre les Chinois, n. 54. Diſſimu-  
 loit avec nos Peres, n. 89. & 90. pour-  
 quoy n'exécutoit ſon Ediſt, no. 126.  
 156. & ſuiuans, ſa derniere maladie,  
 l. 12. n. 34. pouruoit à ſon Empire, n.  
 35. ſa mort, n. 45. ſon extraction, & ſes  
 fortunes, l. 12. n. 48. & ſuiu.  
 Teclé martyr, l. 18. n. 87.  
 la Tenſe en paix, l. 20. n. 4.  
 Tentation de Satan chaffée, l. 13. n. 143.  
 Tentation vaincûe par vn malade à la  
 mort, l. 19. n. 36.  
 Tento nom du vray Dieu en Iaponois,  
 l. 11. n. 39.  
 Terre veuë & incogneuë, l. 19. n. 80.  
 Témoins incredules, l. 15. n. 94.  
 Tencado Seigneur ſouuerain, l. 19. n. 81.  
 Theatre pour les Comediens, l. 11. n. 25.  
 Thomas fils de Michel meurt martyr,  
 l. 16. n. 85.  
 Thomas Acafoxi martyr, l. 19. n. 149.  
 Thomas Ferbioye Cōfeſſeur, l. 17. n. 62.  
 Thomas Nangacaua martyr, l. 10. n. 168.  
 Thomas Medecin & ſa conſtance,  
 liure 20. nombre 85.

Thomas Coſendo martyr, l. 18. n. 31.  
 Thomas Mataiqui mart. l. 20. n. 159.  
 Threſorier & martyr, l. 18. n. 44.  
 Tite Gentil-homme, & ſes vertus, l. 18.  
 n. 145.  
 Torches miraculeuſes ſur les logis des  
 martyrs, l. 18. n. 146.  
 Tourmens nouueaux pratiquez au Ia-  
 pon, l. 15. n. 119. & l. 16. n. 119. l. 19. n.  
 101. 202. 204. Voyez ſupplices.  
 Tourmens deſirez pour Dieu, liu. 18. n.  
 32.  
 Toronoçuque reconcilié, l. 11. n. 37.  
 Tottora ville capitale d'Inaba, liu. 18.  
 n. 154.  
 Tour de rare hauteur, l. 11. n. 32.  
 Tour artificielle portée ſur la mer, l. 16.  
 n. 150.  
 Tour ſubtilement conuerte, l. 18. n. 156.  
 Trafic des Iaponois aux Philippines,  
 l. 17. n. 7.  
 Trahiſon inſigne & deteſtable, liu. 17.  
 n. 133.  
 Traict qui appaiſa le Cubo, l. 16. n. 5.  
 Trains des Ambaſſadeurs Iaponois,  
 l. 11. n. 23. & 46.  
 Traiſtres punis, l. 18. n. 6.  
 Trauaux de nos ouuriers au Iapon, l. 19.  
 n. 2.  
 Tremble-terre à Ozaca, l. 11. n. 32.  
 Trente mille baptizez à Oyan, liu. 12. n.  
 89. & tres-grand nombre ailleurs, n.  
 90. & 91.  
 Trente ſix priſonniers, l. 18. n. 66.  
 Triomphe de la chaſteté, l. 18. n. 59.  
 Trop parler nuit, l. 17. n. 130.  
 Trois freres martyrs precipitez en mer,  
 l. 20. n. 1, 2.  
 Tromperie heureuſe, l. 15. n. 110.  
 Typhons vents horribles, l. 15. n. 72.  
 Tyrannie extreme, l. 19. n. 97.  
 Tzugarû lieu des bannis, l. 17. n. 98. Vi-  
 ſité, l. 18. n. 110.

## V

**V**Aler malade viſité par vn de nos  
 Peres, l. 11. n. 62.



# TABLE

- Valet charitable enuers son maistre, l.12.n.106.  
 Valet constant en la Foy, l.13.n.142.  
 Vendredy en honneur, l.19.n.193.  
 Viatique des Chrestiens, l.19.n.214.  
 Vice-Prouincial au Iapon, liu.11.n.151.  
 Vie eternelle & sa consideration, li.19. n.261.  
 Vicillard tres-deuot, l.15.n.103. Autre tres-vertueux martyrizé, l.17.n.108.  
 Vicillard de 85. ans, martyrizé, l.19. n.114.  
 Vieille femme tres-cōstante, l.20.n.130.  
 la Vierge Marie & son intercession, liu. 16.n.17.  
 Villageois tourmenté pour la Foy, li.19. n.68.  
 3. Villes principales au Iapon, l.15.n.160.  
 Vin manquant la Messe cesse, l.16.n.136.  
 Vincent Catechiste fort renommé, l.11. n.94.  
 Vingt-deux Religieux mart. l.19.n.98.  
 Vingt-cinq Chrestiens prisonniers, liu. 15.n.120.  
 Visites spirituelles, l.16.n.112.  
 Visite refusée par Mandocorosama, l.15 n.70.  
 Vision de l'enfer, purgatoire, &c. l.16.n. 20.  
 Vision admirable, l.19.n.40.  
 Voari conserué pour Dayfusama, liu.13. n.17.  
 Vœu pour le Baptisme, l.18. n.60.  
 Vœu fait à nostre Dame exaucé, l.11.n. 71. & 81. Autre, l.15. n.107. Autre & fanté obtenue par iceluy, l.15. n.190, & l.16. n.11. l.20.n.188.  
 Vœu d'un Payen exaucé, l.17. n.71. Autre, l.16.n.139. Autre, l.15.n.106. Autre, l.18.n.152.  
 Vœu de chasteté dispensé, l.17. n.74.  
 Vœus de deuotion faicts & iterez, l.9.  
 Vœus execrables des Payens, l.14.n.16.  
 Vrsule & Iean Martyrs, l.16.n.98. Vne autre Vrsule martyre, l.20.n.155.  
 Vro chasteau assiegé, l.13. n.23. Se rend, n. 42 nos prisonniers deliurez, n. 97.
- ## X
- X**aca & ses louanges, l.17.n.31.  
 Xataquedono persecute les Chrestiens, l.20.n.76.  
 Ximabara & ses martyrs, l.17.n.127.  
 Ximandono entreprend sur les Chrestiens, l.13.n.53. & suiuaunts. Est traité chez nous, n.80. Ses ruses, n.101. 104. 106.  
 Xindai secouru, l.20.n.31. & 43.  
 Xinfachiman Demon ou Camis de la guerre, l.12. n.41.  
 Xiqui logis de Mōseigneur l'Euesque, l.12.n.118.  
 Xiste prisonnier, l.17.n.151.  
 Xouai prouince descouuerte, l.19.n. 248.  
 Xugendono fils de Guenifoïn, se reconnoist, l.16.n.129.  
 Xogun dignité souueraine, liu.15. n.69, deuient Cubo, l.20.n.1.
- ## Y
- Y**endo ville capitale du Quanto, l.15. n.183. Ses habitans visitiez, l.18.n.178.  
 Yeteudono & ses cruautez, l.17.n.182.  
 Yetzo Royaume descouuert, l.17.n.183. l.20.n.73.  
 Yeux creuez aux Martyrs & pourquoi, l.17. n.181.  
 Yquitzuqui Isle, l.16.n.99.  
 Yurelle rare parmy les Yetzois, liu.19. n.82.  
 Ysabeau de sire la mort, liu.20.n.149.
- ## Z
- Z**acarie Cāpion meurt, l.16.n.9.  
**Z**ele louable en vn Chrestien, l.15.n.158.  
 P. Iean Baptiste Zola, l.19.n.228.  
 P. Pierre Zuinga martyr enleué, l.19. n.104.

*Loué soit Dieu & la Vierge Marie.*



